

**CENTURIA  
CONSILIORUM  
CLARISSIMI  
JURISCONSULTI  
ELBERTI LEONINI, ...**

---

Elbertus Leoninus











CENTURIA  
CONSILIORUM

*Clarissimi Jurisconsulti*  
ELBERTI LEONINI,  
Primarii juris civilis Professoris,  
in florente paulò antè Academia Lovaniensi,

& CANCELLARII Ducatus GELDRIÆ  
& Comitatus ZUTPHANIÆ;

IN QUIBUS

Multæ illustres & singulares controversiæ, contractuum,  
distractuum, rescissionum, restitutionum, securitatum, sponsonum, assecu-  
rationum, dotium, matrimoniorum, separationum seu divortiorum, seu-  
dorum, rei monetariæ, cautionum, judiciorum tam crimipalium quàm  
civilium, divisionum, collationum, ultimarum voluntatum, constitutio-  
num, edictorum, privilegiorum, consuetudinum & confœderationum,  
diversos in Europa Principes, ditiones, civitates atque familias respicien-  
tium, discutuntur & explicantur;

*Adjecta est ejusdem Auctoris Oratio in Ordinibus generalibus habita,  
tempore Colloquii Colonienfis, de bello, de religione & pace, per Belgium.*



ARNHEMII,

Ex Officinâ JOANNIS JACOBI Bibliopolæ.

ANNO M. DC. LVI.





*Nobilissimis, Amplissimis, Potentissimis*

# BELGII FOEDERATI ORDINIBUS.

AMPLISSIMI VIRI,



*Olent multi nostri ævi Typographi, relictis veterum ingenii monumentis, in imprimendis recentiorum libris (nugis sæpe nugacissimis) perpetuò desudare, non secus ac si illis religio esset semel excusa recudere, aut indignas putarent majorum incubrationes, quæ sub prælum revocarentur. Aliud longè hodiernorum eruditiorum iudicium, qui adeo in omni facultate sibi à prædecessoribus suis præreptam scribendi ansam materiamque conquærantur, ut vix quidquam literis mandari possit, quod ante non sit traditum, multoque sibi, quam illis, difficilior sit justum aliquod volumen meditationum suarum evulgare; frequenterque eveniat, ut dum novi quippiam, ab istis non animadversum credant, ac bona fide suis scriptis interserant, plagii suspicionem non evitent, cum idem quandoque apud alios inveniantur. Ne tamen quisquam puet, me omnia huius seculi Doctorem opera præ antiquis promiscuè despicere, tantamque verè eruditiorum penuriam credere ut Phœnice sint rariores; eorum ego honori, qui supra vulgus sapientes publico Reip. bono incubrationes suas in lucem edunt, nihil detractum volo, sed insatiabile multorum scripturiendi cacœiibes tantum carpo & nobilissima artis typographica abusum doleo, illos multò honestiùs, multò utiliùs operam suam collocare iudicans qui in excudendis nostri & superioris ævi libris maximo cum delectu versantur, eos deum eligentes qui non vulgo, sed eruditioribus maxime placent. ELBERTI LEONINI Consilia summo cum applausu Anno salutis 1584. lucem aspexerunt, concessum Plantino Imperiale privilegium sexennio post expiravù; nobilissimum opus, quasi perpetuis damnandum tenebris, integris à prima editione sexaginta annis neminem invenit, qui ei recudendo manum admove-ret. Certe si Belgicorum annalium scriptores eodem silentio, ne dicam ingratitudine, summi viri summa in patriam & vicinos merita præterissent, nec cognoscendum ex iis velati ex*

ungue Leonem nobis proposuissent, existisse eum nesciret posteritas, cujus fama  
 olim universum orbem Christianum implevit. Qua me causa impulit ut centu-  
 ria hac minori forma typis mandata, vindicandum ab interitu acutissimi ingenii  
 parium duxerim, non dubitans me iustitia cultoribus, praesertim Curiam nostram  
 Provincialem frequentantibus, rem non ingrati faciturn, quibus sanctam fore  
 sui Cancellarii memoriam credo, nec inutilem huius operis, sine dubio moribus  
 nostris in multis congruentis, lectionem confido. Accedit ei ex auctoris genio pro-  
 pria laus & commendatio quam sibi peculiari praeter ceteris privilegio vendicat.  
 Scripsere multi ingentia consiliorum volumina, sed affectibus suis abrepti maxi-  
 mos saepe solacismos committunt, & in diversas partes trahuntur, nec concordi-  
 bus ideo votis eandem saepe controversiam decidunt, imo sibi ipsis quandoque non  
 constant. LEONINUS vero noster, ut animo verè LEONINO in qui-  
 buscunque secundis adversisque rebus, nec spe elatus nec metu sic dejectus fuit,  
 quin semper iudicio praesentis consilium in arena suppeditare ad quasvis occasiones  
 posset, ita nullius odio favoreve ita se transversum rapi passus est, ut vel minimo  
 excessu Iustitia limites transgrederetur. Obstupesceret posteritas nec fidem vario-  
 rum exemplorum relationi haberet, nisi oculati testes etiamnum superstites, omni  
 exceptione majores, sanctè confirmarent. Pluribus virum pro meritis extollere,  
 nec necessarium, nec mihi possibile, ipsis haesitantibus doctis ac calamum suum cap-  
 tumque ejus virtutem excedere consentientibus: feci quod mea fuit professio, revo-  
 cavi in lucem luculentum Heroici ingenii factum, quo suus illi apud posteritatem  
 constaret bonus, nec eo mortuo invidia perficeret, quod vivo frustra tentavit. Ne  
 autem illis quidquam detrabatur, ad quorum pedes per filii manum ipse deposuit,  
 non potui vestro, Viri Amplissimi, patrocinio meam hanc editionem minis com-  
 mittere atque Plantinianam auctor consecravit. Accipite igitur, imo recipite,  
 vobis debitum, imo vestrum munus, quod grato animo, cum felicitis Imperii prece-  
 ratione supplex offert

Vest. Amplit. devotissimus cliens

Ex Arenaco vestro  
 Ipsis Idib. Aug.  
 Anno 1656.

JOHANNES JACOBI

Bibliopola Arnheimensis.

A D

*Nobilissimos, Amplissimos, Prudentissimosque*

# ORDINES BELGII G E N E R A L E S.



Osteaquam Parens meus colendissimus amicorum precibus & Typographorum efflagitationibus, Consiliorum aliqua volumina in lucem proferri passus est, gavisus sum summopere in tantis tam sævis ac adeò diuturnis calamitatibus perturbatis studiis ad posteritatem venire aliquas reliquias operum quæ ille & multa & magna ac utilissima, ad utriusque juris illustrationem & communem omnium eruditorum utilitatem, studiorum assiduitate, & longo rerum usu per multos annos parare cœpit: & jam diu proculdubiò absoluta consummataque, & edita in omnium manibus versarentur, si per gravissimas Reipublicæ tempestates (quæ & animum dejiciunt & magnam secum ingenij ruïnâ trahunt) à publicis negotiis securitate frui, & Bibliothecam in qua studiosorum thesauri consistunt, semper ad manum habere potuisset: Et quamquam etiam nunc tempora valdè conturbata sint, & novis subinde irritamentis orientibus continuetur bellorum rabies, spes tamen est quòd aliquando

*Numina respicient hoc nostrum vivere triste,*

*Et mala Tartareis merse ferentur aquis.*

Quodque Dei beneficio & V.D. vera concordia, vigilantia,

lantia, prudentia atque virtute, sublata confusione ordinis (quo ipsa rerum natura stare creditur) & restaurata auctoritate Imperii, Belgium pristinam dignitatem recuperabit, cum omnium quiete & tranquillitate, in qua parenti, liberiore animo, & majori otio, liceat reliqua opera, tum emendationum, tum interpretationum, & observationum in utroque jure in hominum frequentiam emittere, & legere volentibus impartiri: Interim quoniam pars patrimonij, eaquæ honestissima, apud bonos liberos in nomine & labore parentum consistit: ego minimus natu omnium, cum bona patris venia, & cohæredum voluntate, jure anticipatæ successionis hanc primam Consiliorum Centuriam mihi accipiendam & vestro universo ordini dedicandam censeo, tum pro mea in vos observantia & veneratione, tum propter continua studia, & indefessos labores à parente meo, pro stabilitate, quiete & prosperitate inclinantis Reipublicæ fideliter præstitos. Et denique, quia, cum Consilia illa omnes ditiones & urbes Belgij bona ex parte respiciant, & præsentium sint temporum, quod ad omnes ex æquo pertinet, & utilitati communi conjunctum est, omnibus offerre & dedicare, in perpetuum grati animi & observantiæ debitæ monumentum non dubitavi. *Valete felices, ex Ultrajecto, prima Augusti 1583.*

*D.V. deditissimus*

CONRARDUS LEONINUS.



# IN CONSILIA D. ELBERTI

LEONINI, I. C. Clarissimi, & Cancellarii Geldriæ  
Dodecastichon HENR. MUNSTERI Lemicolæ Aug. Consiliarii  
ejusdem Ducatus Geldriæ & Comitatus Zutphanæ.

**N**escor cum loquitur sapiens Agamemnone coram,  
Atrides, Ithacus, Naupliadesque tacent.  
Interea facunda stupent sed pectora, cunctis  
Adducta faciunt quæ ratione fidem.  
Quando Leoninus Pegasæo disserit ore,  
Ut mussant scioli, docta caterva silet!  
Cum responsa dabit, Baldus, Sozinus, Iason,  
Lapus, Alexander se sciet esse rudem.  
Hi simul, his similes jurata volumina retro  
Adjicient subito, cum potiora legent.  
Scripta Leonini bona, Lector & inclita volve;  
Post paleam frugem, post vaga certa cape.

HENRICI HARRI SICAMBRI J. C.

In eadem Consilia.

## ad Lectorem Epigramma.

**A**bdita scrutari qui vis penetralia legum,  
Ista Leonini fac monumenta legas.  
Inde velut pulchris ornata scientia gemmis  
Crescet, & ingenii gloria major erit.  
Seu Ius, seu varios petis in contractibus usus,  
Seu veras animi nobilioris opes:  
Hæc lege, percipies tibi convenientia; disces  
Plurima, quæ mentem condecorare queant.



*O par magnanimo prudens Leonine leoni. Consilio magni magne tibi Geria curae, et  
 Quam belli, et pacis munia promptis omis: Prudens simplicitas mē in amore fuit.  
 • Premia digna tuis dentur virtutibus. Euge:  
 Patria tu laudes huic studiosa cane .*

# TYPOGRAPHUS

## LECTORI.

Ut major in universum sit omnibus usus Consiliorum hujus Centuriæ, operæpretium duxi, Flandricas Germanicasque voces, quæ passim ipsis Consiliis inseruntur, & in ipso contextu translata non sunt, Latinitati donatas hinc adjicere, ne fortè imperito illius idiomatis aliqua dubitatio vel obscuritas injiciatur, quæ facti ac tractatæ quæstionis genuinum intellectum impediatur aut remoretur. Vale.

*Flandricæ Germanicæque voces passim in his consiliis  
occurrentes Latinitati traditæ.*

**P**agina 80. ante numerum 1. hæc verba leguntur. *Die selve sullen moeten bueten ende ontladen ter naester kraenen van de pletken daer sp aencomen sullen.* i. Tenebuntur illa vehere & exonerare in proximo geranio loci in quo continget appellere. Item pag. 82. num. 4. *Alle die ghene die Wijnen booztaen in onse Landen sullen bzingen.* i. Omnes illi qui posthac vina in nostras ditiones importabunt. Et rursus ibidem: *Cet naester kraenen daer sp aencomen sullen.* i. In proximo geranio in quo continget appellere. Item pag. 83. n. m. c. *Die Wijnen in onse boozschreiben Landen bzingen sullen.* i. Qui vina in nostras prædictas ditiones importabunt. Item eodem loco, *Dat sp lieden de Wijnen / die sp sullen willen bzingen te water in onse boozschreiben Landen van Zvabande / ghehouden worden te doen stapulen in onse Stede van Antwerpen oft te Berghen.* i. Quod vina quæ volent navigio invehere in nostras dictas ditiones Brabantie, tenebuntur stapulæ seu cumulationi subijcere in nostris civitatibus Antverpiensi vel Berghensi. Et rursus: *Dat slieden de Wijnen / die sp sullen willen bzingen te water in onse Landen van Zeelande / ghehouden worden te doen stapulen in onse Stede van Middelbozgh oft Zierikzee.* i. Quod vina quæ volent importare in nostram ditionem Zelandie, tenebuntur stapulæ subijcere in civitatibus Middelborgensi & Zierickzeensi. Item pag. 84. *Cet ware dat de selve Wijnen toebelboozden eenige van onsen Onderlaten oft Cooplieden / restorende in onse Landen / in welken ghevalle sp die souden moghen sepien / bzingen / boeren ende ontladen ter plaetse van hant residentie / oft*

*eldest daer het hant goetbuncken sal.* i. Nisi illa ipsa vina competenter aliquibus nostris subditis aut mercatoribus residentibus in nostris ditionibus, in quem casum poterunt illa mittere, portare, vehere, & exonerare in loco suæ residentie, aut alibi ubi illis placebit. Eodem loco, *Byne den / bzingen / boeren ende ontladen ter plaetse van hant residentie / superius explicata sunt.* Item pag. 85. *Behoudelijck nochtans dat sp die sullen moeten doen gaugeren / meten ende terckenmen daer sp die ontladen / ende te coope sullen stellen.* i. Salvo nihilominus quod tenebuntur illa gaugere & mensurationi subijcere, ac impressionem signi pati, ubi illa exonerabunt, & venum exponant. Pag. 89. & 90. *Om aldaer berstapelt / ghegaugert / &c. i. Ad finem ut ibi stapulæ, & gaugere, &c. Pagina 92. Dat de ghene die de Wijnen alsoo aenbzingen sullen / die ontladen ter naester kraenen daer die schepen eerstwerff aenboeren oft aencomen sullen / om aldaer ghegaugert / &c. i. Quod illi qui vina tali modo importabunt, tenebuntur illa exonerare in proximo geranio, ubi naves primum appellent, ad finem ut ibi gaugere subijciantur. In eadem pagina. *Ende op dat de booznoemde onse Oordomantie te bat onderhouden mach worden / wip willen ende oordommen / dat alle de ghene die Wijnen in onse boozschreiben Landen over bzingen sullen: de selve sullen moeten boeren ende ontladen ter naester kraenen banke pletken daer sp aencomen sullen.* i. Et ut hinc prædicta nostra ordinatio observari possit: volumus & ordinamus, quod omnes qui vina in nostras dictas ditiones importabunt, tenebuntur illa vehere & exonerare in proximo geranio loci ubi appellent, quæ eadem posita circa*

(\*) (\*)

finem ejusdem consilii repetuntur. Item pag. 105.  
**By welke Contracten/ ende coope/transport**  
**ende betalinge/daer mine begrepen de possessie**  
**ende Dominium vander booschepder wercke/**  
**ende booschjzeden Guichardini notoirlick**  
**is ghetransfereert ende obergelict gheweest.**  
 i. Per quem contractum & emptionem, & cessionem  
 & solutionem in ea comprehendam possessio &  
 dominium dicti gladii fuit translatum & transpor-  
 tatum. Rursus ibidem. **Dat int instrument**  
**hauden ir. Octobris anno 40. expresselick**  
**ghescreven staet/ dat die balen in questie zijn**  
**by Kenout van Billebrech aen Jan Baptista**  
**Guichardini vercocht ende ghelevert gewest.**  
 i. Quod in instrumento de 9. Octobris anno 40.  
 expresse scriptum est, quod balae controversae fue-  
 rint per Arnoldum de Billebrech Johanni Baptiste  
 Guichardini venditae & traditae.

Pag. 181. **Condemnerende boozts den booz-**  
**schjzeden ghedaechden/ den selven Impertrant**  
**te doen rekeninghe/ belijfs ende reliqua/ van**  
**alsucke societeet als tusschen den booschjzeden**  
**den Thomas de Cordes ende den booschjzeden**  
**den Impertrants Daderre ende andere ghe-**  
**selten/booschjzeden is ghecontracteert gheweest/**  
**ende boozts van allen alsucken handel ende**  
**administratie/ als de selve wijlen Thomas**  
**de Cordes vande goeden des booschjzeden**  
**Impertrants heeft gheghadt.** i. Condemnando  
 ulterius dictum citatum ad reddendum Impertranti  
 rationem, verificationem & reliqua societatis qua-  
 lis inter dictum Thomam de Cordes, & dicti Im-  
 pertrantis patrem & alios socios superioribus tem-  
 poribus contracta fuit, & ulterius de omni illa ad-  
 ministracione quam quondam Thomas de Cordes  
 habuit de bonis dicti Impertrantis.

Pag. 271. **Onseren Raet und Haubman zu**  
**Constantz im erwingenhe der relicher auff-**  
**richtigen/ghorhsamen und nutzlichen: Besche-**  
**i. Nostorum consiliarium & Capitaneum Constanti-**  
**ae in considerationem honorabilium gestorum**  
**obedienciam & utilium servitorum. Et rursus**  
**ibidem. Onser Rath und Haubman zu Con-**  
**stantz im bull jaren her auffrichtigh/ relich-**  
**und eruelich. i. Noster Consiliarius & Capitaneus**  
**multis annis recte honeste & fideliter. &c. Et**  
**iterum ibi item. Die erlichen/rittelichen/auff-**  
**richtighen/ relichen und ghetruwen diens-**  
**te/ &c. i. Honesti, equestris, executiva diligencia**  
**& fidelia ministeria. Et pag. 273. So bet uns**  
**und unseren erben ghedachter Nicolaus Frey-**  
**herr zu Bollweiler/ oder seine ghebuederen/**  
**ein andere herschafft/ hausz oder guet das zu**  
**guet oder besser/ als die boozgemelt herschafft**  
**Weylerthal und doch zimmer mit unsere ghe-**  
**weren ist/ noch uns zughehoert hat/ zu unse-**  
**ren hauden erlange und zu weghen bringet.**  
 i. In casum quo dictus Nicolaus liber Arzo in  
 Bollweiler, aut sui fratres nobis & nostris haeredi-  
 bus, adeo ut castrum seu dominium aequè bonum

aut melius quam dictum dominium Weylerthal,  
 salvo quod antea nostrum non fuerit, in nostras  
 manus tradit. Item ibidem, **zu unseren hauden**  
**erlangt/ und zu weghen bringet. i. Ad nostras**  
**manus tradat & cedat.**

Pagina 206. **Midts den welken sustinert**  
**de booschjzeden slescribenten/ dat op de booz-**  
**schjzeden slescript sal woerden gheaccepteert**  
**nihil. Ende dat 't booschjzeden Kerst sal**  
**woerden costeloos ende schadeloos affgebaen/**  
**&c. i. Per qua sustinent dicti slescribentes, quod**  
**super dicta supplicatione decerneretur, nihil. Et**  
**quod dictum arrestum amovebitur ref. sis expensis**  
**& damnis. Pag. 308. Soo dat de booschj. schult**  
**ende penninghen den booschjzeden Splioti**  
**niet toe en behooven/ noch hem daer aen een-**  
**ghe actie oft recht comptereet/ maer den sles-**  
**scribenten ende haer consoorten. i. Sic ut dictum**  
**debitum & pecunia non pertineat ad dictum**  
**Spliotum, nec illi in ea aliqua actio aut jus compe-**  
**tar, sed rescribentibus & illorum consoortibus.**

Pag. 331. **Sonder bestittinghe ofte andere**  
**rechte boozderinghe te deren doen. i. Alique**  
**necessitate anstanti, aut procedendi in judicio.**

Pag. 345. **Behoudelick dat de lancrtleidenbe**  
**boozt wyl sal hebben zyn boozdeel inde haer-**  
**liche goeden naer deser stadt rechte. i. Salvo**  
**quod superstes precipuum habebit suam prae-**  
**rogativam in bonis mobilibus secundum jura hujus**  
**civitatis. Pag. 361. Maer is het boozj. sterf-**  
**hups by nyp gheboort ende gheadmu-**  
**sificeert gheweest als momboir vanden arjter-**  
**ghelaten wettighen kinde. i. Sed dicta donas**  
**mortuaria per me administrata fuit, tanquam tuor-**  
**em seu curatorem relictae legitime prolis.**

Rursus ibidem. **Behemende alsoo dat de**  
**booschjzede Weduwe het booschjzeden sterf-**  
**hups niet en heeft gheaccepteert oft anbereert**  
**gheshadt. i. Conhendo ita quod dicta vidua dic-**  
**tam domum mortuariam neque acceptavit neque**  
**apprehendit. Pag. 370. Audendich Holer silius**  
**Joannis Holer Joannis Holer van dat 2ert**  
**Goutsmit was. i. Nunc Hendricus Holer filius**  
**Johannis Holer. Johannes Holer de eo quod erat**  
**Arnoldi Goudsmid.**

Pag. 380. **Soo in groinde van erbe/ erfscen-**  
**ten ende laheren. i. Ita in funis creditibus fun-**  
**dariis & pannis. Pag. 383. Deranderen ofs**  
**verbalshen. i. Mutare aut falsificare.**

Pag. 387. **Ich ghebe ende schelle quist Lau-**  
**rens le Daseut sinen Broder alle het ghein**  
**dat de booschjzeden Laurens tot desen daghe**  
**toe den Testateur schuldigh is. i. Remitto**  
**Laurentio Vasaio suo fratri omne id quod dictus**  
**Laurentius usque in hunc diem testatori debet.**

Pag. 388. **Daer mine ghebe ickse mijn Kro-**  
**stelicke trouwe die ick oert de Winte ontfan-**  
**ghen hebbe. i. Per hoc ego do illi meam Chri-**  
**stianam fidem quam in sacro fonte accepi. Et**  
**paulo post, Ich hebbe haer mijn Kerstelicke**  
**trouwe**



hem behoude bezwaert. i. Ex causa administrationis bonorum ejus quam confitebatur se habuisse, & ob quam ipse in sua conscientia se inveniet at oneratum.

Et pag. 524. **Sonder dat hy Deponent weet waeraff ende upt wat oorzake de booscheyden wijten heere Jan S.** inde boosch. restitutie ghescheiden was/ overmits dat hy Deponent t selve niet en haerde/ ofte vande booscheyden Joffrouwe en ondersocht/ gmeercht hy Deponent hoorde dat sy berecht was om de booscheyden restitutie te doen/ ende midst dat sy ghebyrchte woorden van restitutie/ ende obicus was sulcken saecken te onderzaagen. i. Alsque eo quod ipse Deponens sciat unde aut ex qua causa dictus quondam Dominus Johannes S. in dictam restitutionem tenebatur, ob id quod ipse Deponens id ipsum non interrogabat aut ex dicta domo cella requirebat, attempto quod Deponens intelligebat quod illa parata erat dictam restitutionem facere, & quia utebatur verbis restitutionem sonantibus, arque odiosum erat de talibus causis interrogare.

Et paulo post ibidem. **Wt eenighe gorde ende pregnante cause ende sake/ die sy den Oppervaderen ofte Dochters vercleerde ofte te kennen gaf/ &c.** i. Ex aliqua & pregnante causa quam superiori plebano seu parochio declarabat & notificabat.

Pagina 527. **Sonder hem yet meer te bevesten.** i. Absque eo quod ei quid aliud injunxerit.

Pag. 530. in fine. **Seggende dat sy beter den booscheyden Heer Willelm betroude van den Heere van D.** i. Dicendo quod ipsa magis consideret dicto domino Wilhelmo quam domino D.

Pag. 534. **Waarom ende besouder oock ghesconsideret statuyt deser stad/ vuerende dat alle goeden/actien/ &c.** i. Ob quod & precipue etiam considerato statu hujus civitatis dictante quod omnia bona, actiones, &c.

Et rursus: **Soo waermer eenighe personen tyn mannen ofte vrouwen alwer inder Stadt fugitijf ofte asylbighe gheboorden sullen zijn.** i. Quandoque aliqua persona five mascula five foeminea hic in civitate fugitiva aut mortua erit.

Rursus ib. **Op de goeden ban de fugitijben ofte asylbigghen.** i. Super bonis fugitivi vel defuncti.

Rursus ibidem. **Op den fugitijben ende asylbigghen achter ghelaten.** i. Per fugitivum seu defunctum relictis.

Rursus ibidem. **De Crediteuren des selven fugitijben ofte asylbigghen.** i. Creditores ejusdem fugitivi seu defuncti.

Pag. 535. **Over te gheben ende te transporteren tot behoerf vande/ &c.** i. Cedere & transportare ad utilitatem, &c.

Item pag. 536. **Maer dat d'eerste besetsele op de goeden ban de fugitijben ofte asylbigghen**

**ghedaen sal sijn.** i. Postquam primum arrestum super bonis fugitivi vel defuncti factum erit. Rursus ibid. **Sinnen deser Stadt ende Wy** heyt gheslegen ende behoude. i. In hac civitate & territorio suis & repetis.

Et pagina 537. **Woerden by de fugitijben ende asylbighe achterghelaten.** i. Quae relinquuntur per fugitivos & defunctos.

Pagina 542. **Dat de boosnormde thoonden ontsaen sullen miss betalen den enen Col allernich/ &c.** i. Quod dicti ostentores seu exhibentes liberabuntur solvendo scilicet vestigil tantum, &c.

Pagina 543. in fine. **Dat sy de booscheyden maniere van upt schepen niet wel en hadden weten uferen.** i. Quod ipsi raro viderant dictum modum exonerandis navis.

Pag. 547. **Indien verstaende dat sijne Ma. jesseit om den upersten noot vanden Lande/ sal sijn Chynsen ende Keuten erutwelich ende erfelijck moghen vercoopen.** i. Sub eo intelligendo quod sua Majestas propter extremam necessitatem & onera ditonis poterit census & redditus suos in perpetuum & hereditarie vendere.

Et paulo post ibidem. **Sal mogen verketten/ beleenen ofte vercoopen.** i. Poterit impignorare, infendere aut vendere.

Rursus ibidem. **Sal moghen erutwelich ende erfelijck vercoopen.** i. Poterit in perpetuum & hereditarie vendere.

Et pag. 548. **Met conditie dat selve hooghe heerlijckheden den groot heeren.** i. Cum conditione quod eadem suprema dominia dominis fundaliis.

Pag. 549. **Anden verstaende.** i. In eo intelligendo.

Et rursus ibidem. **insghelijc.** i. similiter.

Pag. 562. **nam. i. Comen ende debouderen.** i. Venire & devolvi.

Pagina 561. **Item heeft de booscheyden restateur noch vercleert ende brghert/ dat alle sijne Erf-goerden die hy achter laten sal/ t yn t schynsgorden/ t een goeden/ epgghen goeden/ emphyteute goeden/ hoe die ghenoecht mogen zijn/ sullen naer sijn boode comen ende debouderen op sijn twee lehen/ &c.** i. Item dictus testator declaravit & petiit, quod omnia sua bona immobilia quae post se derelinqunt, five sint censualia five feudalia emphyteutica quomodoque sint nominata, post mortem suam venient & devolventur ad duos suos consanguineos, &c.

Rursus ibidem. **Als sijn ouderf naeste maegden t'stature verstaende.** i. Tanquam seniorum proximorum consanguineorum testatoris.

Et rursus ibidem. **Legatende ende makende.** i. Leyendo & relinquendo.

Rursus ibidem in fine, & in principio sequentis. **Zegheerende dat t selve van weerden sal sijnen/ her zy by forme van testamente/ van codicil/ oft soo t anders addebest sal moghen.** i. Deinde-

i. Desiderando hoc ipsum valere jure testamenti, codicilli, vel aliter ut melius poterit.

Pagina 184. **Wat in den Jare 1535. wijlen Thomas van Boffche saliger gebochten/ &c. den boozghenemden Gwyter heeft toegeseyt het vierendeel van allen den wasdomme/ d'welck die boozspide Thomas inde Compagnie ghemaect mer Antoni de Zeelander ende Jan Staßaert/ soude competeren/ ende dat int saecke inden Contracte/ daer af ghemaeckt/ bieder begrepen. i. Quod in anno 1535. quondam Thomas van Boffche bonæ memorie, &c. prædicto Gwyter promiserat quartam partem omnis incrementi quod D. Thomæ competere: in societate inita cum Antonio de Zeelander & Johanne Staßaert ex causis in contractu desuper confecto. latius expressis.**

Pagina 187. **Soa herre de Wedulve des boozschreben wijlen Kres ende den boozschreben Credituren desselvs gheseyt disse ende lescure te hebben bande Boecken/Journalen/ ende andere bescheyt/ d'welck die boozschreben compaignie aengaet/ &c. i. In quantum videtur dicti quondam Arnoldi & creditoribus ejusdem placuisset visionem & prælectionem habere librorum journalium seu diurnorum & aliorum monumentorum dictam societatem & concernentium, &c.**

Rursus ibidem. **Der boozschreben Compagnie. i. Dicti societatis.**

Et pag. 186. **Wick beclaert dat hy 'r selve bestraet ban de Boecken die Arvus by syn antwoozde presenteret te exhiberen. i. Tyck declarat quod ipse intelligat de libris quos Reys respondendo præsentat exhibere.**

Item eodem pagina. **In welcken last/dienst/ ende administratie die boozsende Gwyter/soo buerende die compaignie/ als daer nae heeft ghetwess totten Jare xl. i. In quo onere, ministerio & administratione fuit dictus Gwyter tam durante societate quam postea usque ad annum 40. Rursus in eadem pagina. **Wdoen deseu Hendrick ban nieuw anberender. i. Tunc dictus Henricus de novo acceptavit.****

Pagina 188. **Behaubeijck indien de boozschreben Staten t'samen in de boozschreben impostie niet en cousten beracorderen/ dat alsdan die van B. ende A. sullen gheslaem mit betalende ende opbyngende nae den tar van der beken hun quote ende portie inde boozschreben j. m. welcke heur quote sy sou den moghen opbyngingen ten besten dat sy sou den binden te behooren. i. Salvo quod in casum quo dicti status simul in dictam impositionem non concordant, quod illi de B. & A. sibi sibi ceant solvendo & numerando suam partem & portionem in dictis ducentis milibus, quam quotam ipsi licet conferre meliori modo quo melior erit expedire. Rursus ibidem. **Dat soa herre d'Impossten ofte middelen hy de Staten te abiseren om 'r beelcoep ende loffinghe bande****

boozschreben Renten te furnieren/ hen niet en behaerde noch aen en stonde/ dat inden ghesalle sy sou den gheslaem mit betalende hun quote inde boozschreben j. m. l. Artois/ nae den tar van der beken. i. In casum quo gallica aut mediæ per Status decernenda ad præstandam fiduam & reditus minus ei placerint aut probentur, liberabuntur solvendo quotam d. summa j. c. m. l. Artois. secundum taxationem iurisque.

Pagina 610. **Ouch (soa viel hem mogelick ist) te verschaffen das spne haben und Erffguederen andien nagsten bloets verwanten verbiyben/ &c. i. Etiam quantum illi possit ille eis providere: ut supellex atque bona sua remaneant apud proximiores sanguinis, &c.**

Pag. 611. **Den nagsten bloets verwanten van sijn Vaders. i. Proximiores consanguineos sui patris.**

Et pag. 613. **Und wilt der voergherorende Taspae all und jedere spne gemelte erben/ &c. die ee synen voerscherben Nichten und Neben/ &c. und darom so en sall noch en mach gheuer ban renen sulche spne Nichten/ &c. i. Et vult prædictus Taspae omnes & singulos suos hæredes prædictos, &c. quæ dictis suis nepotibus & nepotibus, &c. & propterea non poterit quicquam eorum, scilicet nepotum & nepotum, &c.**

Et rursus paulo post. **Und aber in fall das de selbe spne Nichten/ &c. i. Et nihil minus in casum quo dicti sint nepes, &c.**

Pagina 614. **Dememelichen oft sache were/ dat de selve Nichten und Neben oppgecorrt epn deel oder alsomael ohn elige libs gebuerete ban huren geschapen lebedich naer so lasten mit dode assiggen/ &c. das alsdan de selve erben/ &c. i. Et recipiunt in casum quo dicti nepes & nepotes prædicti pro parte vel omnes sine legitimis liberis ex illis procreatis in via ipsorum legitimis morentur, &c. quod tunc illi ipsi hæredes, &c. Et rursus ibidem. **Und ober in fall das de selve spne Nichten ohn elige libs ghebuerete/ &c. so wille und willet deselbe Taspae dat alsdan sulche spn elige restliche guederen/ &c. i. Et hoc amplius in casum quo ipsæ illæ nepes sine legitimis & naturalibus liberis, &c. tunc vult dictus Taspae quod extraneis suis propriis hæredibus bonis, &c.****

Pag. 617. **Und alle spn ander nahesten erben seeriden und maghen daran abghescheyden und uszgheschlossen/ &c. i. Et omnes alii sui proximi hæredes amici & agnati ab illis erunt separati & excluduntur. Et rursus: **Dat alsdan de selbe erben/ &c. i. Quod tunc illi hæredes, &c.****

Et pag. 619. **Doch bozger substitution und condition bon enen oft den anderen/ und sijn 30 fallen und 30 sterben/ in massen wir boze ereclert seyt/ ire maschen und werden onbenomen. i. Salva procedente substitutione & conditione quod portio minus decedentium devolvatur ad alium & alterius in medium faciens**





**Geeraert Bruynseels ende Nochtus bander Smisse als testamentelike Nombooz van Anna ende Elizabeth.** i. Eodem modo & forma qua ipse proprietarius d. domum cum horro, domo zelliva &c pertinentiis, secunda die Decemb. anno 44. comparavit à Gerardo Bruynseels & Rocho vander Smisse tanquam testamentariis tutoribus Annæ & Elisabeth.

Rursus ibidem. **Als sp becreghen hadden tegen Caetle van Breghe Michiels Sone/ naer inhouden der Gheprenen Brief daer aff ghemaeckt zynde.** i. Ut ipsi acquirerent à Caolo van Breghe, filio Michaelis, secundum contenta litterarum scabinalium desuper existentium.

Pag. 702. **Onder 't dercle van sekere Procuratie &c.** hem by den boopscheben wylten Fabiaen ghegheben. i. Sub pretextu certæ procuratoris, &c. iiii datæ per d. quondam Fabianum.

Pag. 712. **Alsoo ick Jan van Groefdonck/ &c.** soo is noch mijnen wille ende begheerte/ dat mijn Huyfzoutwe keuse sal hebben den selven tijdt van twee Jaeren/ oft si mijn Huyfzoutwe deplen wille / als in mijn principael testament boops. is: **Oft dat sp mijn Huyfzoutwe sal moghen volstaen te bewysen mijnen kinde Joffinen/ alsoo booz hart parimonie goet van mij Jan van Groefdonck ghecomen die somme van vyf hondert Ghyn guldens erfelijck / &c.** i. sicut ego Joannes de Groefdonck, &c. ita adhuc mea est voluntas & desiderium, quod uxor mea habeat electionem per dictum tempus duorum annorum, an velit dividere secundum meum principale testamentum juxta prædicta, aut quod poterit liberari dando seu assignando meæ filiz Joannæ pro bonis patrimonialibus à me Joanne de Groefdonck procedentibus summam quingentorum Renentium hæreditariæ, &c. per totum.

Rursus ibid. **Oft dat sp mijn Huyfzoutwe sal moghen ghesaen te bewysen binnen den selven tijdt van twee Jaeren.** i. Aut quod ipsi mea uxor liberabitur consignando intra d. duos annos.

Et pag. 713. **Alsoo ick Jan van Groefdonck ghesep ende begeret hebbe in mijn principael Testament / datmen aengaeinde mijn erfelijcke goeden parten ende deplen soude binnen den tijdt van twee Jaeren.** i. Ut ego Joannes de Groefdonck dixi & desideravi in meo principali testamento, quod mea hæreditaria bona dividerentur intra spatium duorum annorum.

Pag. 714. **Ick Jan van Groefdonck.** i. Ego Joannes de Groefdonck.

Rursus ibidem. **Dat sp mijn Huyfzoutwe Mette.** i. quod si mea uxor Mette.

Rursus ibidem. **Den selven tyt.** i. Per dictum

tempus. Rursus ibid. **Van 2 Jaeren.** i. Duorum annorum. Rursus paulo post. **Sal mogen ghesaen te bewysen binnen den selven tijdt van twee Jaeren.** i. Li. erabitur designando intra tempus duorum annorum.

Pag. 716. **Is noch mijnen wille / dat mijn Huyfzoutwe keur sal hebben den selven tijdt van twee Jaeren oft sp deplen willen/ &c.** oft niet / ende oft si niet deplen wille/ dat sp dan sal moghen volstaen. i. Insuper mea est voluntas, quod uxor mea habeat electionem eodem tempore duorum annorum an velit dividere, &c. vel non, & in casum quo nolit dividere, quod tunc poterit liberari. Et rursus, **Keur sal hebben.** i. habeat electionem.

Pag. 722. **Ende noch de heste.** i. Adhuc dimidiare.

Rursus ibidem. **Booz soo vele de selve geeden niet en zijn.** i. quatenus d. bona non sunt.

Pag. 723. **Behoovende in Kerselijcke ende Princijelike boopsden.** i. Promittendo in celebratione & principio. Aus verbis.

Pag. 733. **Behoovelijck / dat hy als den oft nae sijn afflijghghede de selve kinderen oft kinde oft heuren Nomboden bari seuren/ weghen de boopsde goeden ende hie rlyckhe sullen moghen vernaderen.** i. Si uxor ipsius tunc vel post mortem suam eadem proles vel eorum tutores nomine eorum poterant dicat bonæ & dominium reapproximare.

Pagina 742. **Laet hem loopen / hy en hebbe maer ghelechte.** i. Sinit illum currere, ipsi cavabit tantum.

Pag. 746. **Met nochreans binnen den selven tijde wederom ghebeide / restituerende ende betalende.** i. E conditione ut intra idem tempus sua reddat, restituat atque solvat.

Pag. 761. **Is ghewesen boozren Dornisse den 16. Januarij Anno 56. den Opponent metter consignatie by hem ghedaen te ghesaen niet ontfangbaer/ &c.** i. Joannes non sit & sententiæ 16. Januarij anno 56. ad effectum consignatione à se facta non liberari, neque recipiendam, &c.

Pagina 773. **Soude moghen niet sijn begonste Executie boopswaren/ &c.** i. Possit capiam executionem persequi.

Et pagina 774. **Metter consignatie by hem ghedaen.** i. Consignatione per se parata.

Pag. 777. **Den Deelwreder daer teghens ghehoort.** i. Ut contraditorio.

Pag. 788. **Enimers noch ter tijt.** i. quinimo hoc ipso etiam tempore.

Pagina 789. **Wan sich die stamb erbliehen bertheple und absondere.** i. quando prof. pia se abdicat & pure hæreditatio renunciat.



# CENTURIA PRIMA CONSILIORVM

*Clarissimi Iuriconsulti*

## ELBERTI LEONINI,

Primarij juris civilis Professoris, in florente paulò  
antè Academia Lovaniensi, & Consiliarij Ducatus  
Geldriæ & Comitatus Zutphanæ,

IN QUIBUS

Multæ illustres & singulares controversiæ, contra-  
ctuum, distractuum, rescissionum, restitutionum, securitatum,  
sponsionum, affecutionum, dotium, matrimoniorum, separa-  
tionum seu divortiorum, feudorum, rei monetariæ, cautionum,  
judiciorum tam criminalium quàm civilium, divisionum, colla-  
tionum, ultimarum voluntatum, constitutionum, edictorum,  
privilegiorum, consuetudinum & confœderationum, diversos  
in Europa Principes, ditiones, civitates, atque familias respicien-  
tium, discutuntur & explicantur; quæ his qui in foro versantur  
ad decisionem quæstionum quotidie emergentium sunt utilif-  
simæ.

### SUMMARIUM.

1. Ordo & in universitate mundi & in  
astris, in cæli motu, & continentia  
suam exercet potentiam.
2. In honoribus & dignitatibus gradibus  
ordo est necessarius, ut unicuique  
sua conservetur prelatio.
3. Multæ illustres quæstiones extant de pra-  
latione in processionibus, sessionibus,  
ceterisq; publicis conventionibus.
4. Ducis Florentini contra Ferrarien-  
sem super prelationis ordine con-  
tentio hic discussa.
5. Etruria, cujus caput est Florentia, no-  
bilitas & celebritas.
6. Antiquitas ditionibus & principati-  
bus addit nobilitatem.
7. Principatus eo est dignior quo minori  
onere & subjectione premittitur.
8. Oratores Florentia omnes alios pra-  
cedere.

A 9. Con-

9. *Consuetudo antiqua praelationem tribuit Duci Florentino.*
10. *Reipublica dignitas non mutatur ex mutata forma regiminis.*
11. *Roma omne genus regiminis experta.*
12. *Multi reges & principes servili conditionis fuerunt.*
13. *In honoribus & sessionibus non personas eorum qui mistuntur, sed respublicas & principes à quibus mistuntur consideramus.*
14. *Voluntaria subditorum obtemperatio removel maculam præcedentis tyrannidis.*
15. *Dominia usurpatoria & tyrannides vocantur quæ per injuriam, vel in invitos, vel contra veri principis voluntatem administrantur.*
16. *Imperiorum & principatuum limites facile mutantur per potentiam, vel impotentiam principum.*
17. *Privatio prioris tituli inducta ob delictum efficit, ne restitutio referatur ad tempus præteritum.*
18. *Privatus grengio universitatis, & postea restitutus, postponitur omnibus aliis medio tempore receptis.*
19. *Praelatio competit ei qui prius meruit dignitatem.*
20. *Consuetudo est optima dubiorum incidendum interpret.*



UANDOQUIDEM omnes in una eademque qualitate & æqua lance gubernari aut vivere non possumus, *c. ad hoc 89. distinct.* & quicquid hæc rerum universitas continet, vel ma-

gnitudine præclarum, vel dignitate præstans, vel pulchritudine & gratia jucundum, stare nequit, absque ordine: qui suam in astris, in cælimotu, ac continentia, splendore & habitudine vim explicat, perpetuam temperationem & concursum rerum cælestium & terrestrium continens, magna ratione atque providentia factum est, ut juris conditores omnibus rebus, maximè verò honoribus & dignitatibus gradibus seriem quandam moderationemque adhibendam, *tor. tit. ut dignit. ord. server. lib. 12. §. inordinatum junct. gloss. in aurben. de hered. & Falcid. censuerint*, ut dum unicuique sua conservaretur prærogativa & prælatio, dumque reverentiam minores potioribus exhiberent, & potiores minoribus dilectionem impenderent, rectè officiorum gereretur administratio, veraque ex diversitate induceretur concordia & contextio, quæ sine magno differentiarum ac dignitatis ordine conservari non potest. *d. c. ad hoc.* Et quemadmodum prudentissimi juris auctores diligentissimè in omnibus functionibus, muneribus & officiis atque honoribus ordinem præscripserunt, ita omnium sæculorum prudentia severissimè ordinem & rationem officiorum, honorum & dignitatum observavit, ne serie calcata & promiscuis actibus induceretur communis vitæ perturbatio, ut testantur multa Romanorum Pontificum decreta, *d. c. ad hoc. & tit. de major. & obed.*

*& obed. cum simil.* & Imperatorum tam veterum quàm recentiorum rescripta, *l. ut gradatim ff. de muner. & honor. & tot. tit. C. ut dignit. ord. servet.* nec non controversiæ & claritate personarum & causarum magnitudine illustres, quæ & inter ecclesiasticos & prophanos tum de prærogativa in Episcoporum concilio, vel extra concilium, *in l. decernimus C. de Episc. & cler.* aut à dextris Patriarchæ residendi, *gloss. Bald. & alii in d. l. decernimus.* tum de prælatione in processionibus, sessionibus cæterisque publicis cœtibus & conventionibus fuisse leguntur: *Fely. & alij de mayo. & obed. Decius cons. 161.* extantque celebria collegii Bononiensis, Paduani, Ferrariensis atque aliorum præstantium virorum responsa *super prælatione ordinis inter canonicos regulares & monachos divi Benedicti.* quæ satis ostendunt non esse novam aut insolitam contentionem quæ nunc exoritur inter illustrissimos Italiæ

4 Principes, Ducem Florentinum & Ferrariensem super prælationis ordine, in qua propter difficultatem & merita torius negotij disceptatione partium nondum plenè patescenda, & quia inopertum habemus omnes excellentes Italiæ doctores in diversas acies divisos, utriusque Principis jura accuratissimè asserturos & propugnatos, libenter à scribendo abstinuisse: sed enixius requisiti verecundia quadam negandi laborem præsentis negotij detrectare non

põtuimus, in quo tamen latissima excurrendi spatia pateant, tamen omiſſis disputationum procellis cautione quadam mediocritatem retinebimus, ne vel nimium parci, vel nimium profusi videamur, ea solum adducendo quæ veritati convenientia & ad causæ decissionem pertinere videntur.

CUMQUE tota præsentis controversiæ disputatio atque decissio ex antiquitate, celebritate, majori dignitate, judicio atque elogio summorum Principum communi fama, consuetudine & observantia aliisque ejusmodi circumstantiis dependeat: Primò ipsius Florentinæ Reipub. originem, antiquitatem, magnificentiam, dignitatemque oculis subjicimus, eamque cum Ferrariensi conferimus: Deinde quid longæva consuetudine, atque usu hominum obtentum sit. Tertiò ostendimus majestatem prælationis, quæ ab antiquo Florentinæ Reipub. competiit, etiamnum hodie stare; & in Illustrissimum & Excellentissimum Ducem cum principatu & regimine Reipub. translata esse. Quartò, quod prioritas Ducalis tituli qui à Duce Ferrariensi prætenditur, prælationi Illustriss. Ducis Florentini nihil possit detrāhere, vel propter majorem dignitatem & supremum atque omnino liberum potentatum civitatis Florentinæ atque antiquæ consuetudinis præjudicium, vel quia prioritas illa tituli ducalis in Duce Ferrariensi intercederit,

A 2

propter

propter privationem & ademptionem dignitatis ducalis, privilegium & aliarum prærogativarum ac statuum auctoritate Pontificis factam. Denique prælationem illustriss. Ducis Florentini generis atque natalium splendore & rerum gestarum claritate illustrabimus, cum confutatione eorum quæ ab adversa parte in contrarium adduci posse videntur.

ET quod ad primi articuli tractationem pertinet, si quis originem, nobilitatem & celebritatem Etruriæ, (cujus caput & dominationem saltem pro majori parte obtinet Florentia) ab omni antiquitate velit repetere, facile deprehendet eam, non solum Ferrarienti, sed & omnibus Italiæ potentatibus (excepto secundum præsentem rerum statum Romanæ urbis culmine) anteriorem illustrioremque esse. Etenim Thuscum gens quæ primò Tyrrhena ab eorū rege Tyrrheno, *Leonardus Aretinus lib. 1. sua historia. Idem serè Blondus de illust. Italia Reg. 2. mox Etrusca* multo & frequentato deorum per thura cultu appellata est, ex Lydia Asiæ provincia veniens, diu ante adventum *Æneæ* in Italiam navigavit, pulsisque Pelasgis hæc loca occupavit & possedit: de qua gente extat insigne Virgilij in 8. *Æneid.* Elogium, dum ita inquit:

*Haud procul hinc saxo incolitur fundata vetusto*

*Urbs Agyllina sedes: ubi Lydia quondam*

*Gens bello præclara, jugis insedit Etruscis.*

*Hanc multos florentem annos, &c.*

Et hujus Provinciæ vetustatem dignitatemque Livius quoque prædicat in hunc modum: Thuscum ante Romanorum imperium, latè terra marique opes patuere mari infero superoque, quibus Italia modo insulæ cingitur, quantum potuerint nomina sunt argumento, quod alterum Thuscum communi vocabulo gentis, alterum Adriaticum mare ab Adria Thuscum colonia vocavere Italici gentes: Græci eadem Tyrrhenum atque Adriaticum vocant, &c. Etruscorum verò dignitatem fuisse celeberrimam hinc constat, quod *Ælius Spartianus* scribat *Adrianum Imperatorem* in Etruria præturam gessisse: Et quod, ut auctor est *Livius*, Romani ab Etruscis acceperunt prætextam, trabeas, phaleras, annulos, togas pictas & palmatas, currus triumphales, fasces, lictores, sellam curulem, omniaque magistratuum ornamenta: Et quod Romani consueverint pueros eò destinare ad disciplinam, sicut postea missi sunt in Græciam. *Blond. in 2. Reg. illust. Ital.* Potentiæ Etruscorum etiam maximum est argumentum, quod sæpius ob Etruscum quam aliud bellum Romæ trepidatum sit; quodque appareat Etruscos majorem Italiæ partem obtinuisse. *Leonard. Aret. & Blond. in locis præcatis. Livius lib. 1. decad. 1.*

Præ-

Præterimus Mezentium, Atounum, Porfennam, & alios reges quos Etruria habuit, bellaque cum Ænea Romanis Gallisque gesta: *Livius libr. 1. primæ decad. & libr. 5. ejusdem decad. & Leonard. Aret. lib. 1. histor. sue.* Item religionem, ceremonias, cultusque divini observantiam, & sacrificandi ritus, necnon literarum studia, prodigiaque ab Etruscis accepta: *Cicer. libr. 1. de divinat. Livius libr. 8. decad. 1. & libr. 1. decad. 1. prope finem.* quæ magnum splendorem, commendationem, dignitatemque Etruriæ adjiciunt, quam illustrissimam reddit, & in altissimo solio constituit ipsa Florentina civitas, in medio hujus nobilissimæ Etruriæ vel à Syllanis militibus, ut Blondus asserit, *in 2. regione Italiæ.* vel à triumphis (ut Politianus auctor est *Lib. 1. Epist.*) condita, quam inclytam urbem Blondus vocat *loc. præalleg.* ejusque nobilitatem, amplitudinem, & res gestas celebrant omnes historiæ; ex quibus illud imprimis constat civitatem Florentinam ab ipso initio magnæ potentis, atque auctoritatis apud finitimas urbes fuisse, atque etiam Tiberii Cæsaris tempore oratores Romam misisse, atque tunc suo jure incepisse vivere, nec superiorem agnoscere; *Cornelius Tacitus libr. 1.* à quo tempore semper Etruriæ caput opibus & imperio, mirabili felicitate augescens, paulatim Cortonam, Aretium, (olim Etruriæ regna) Pisas magni nominis urbem, Pistorium, Volaterras, olim

Etruriæ capita, Castrum Carum, Cassianum, Porticus & alia castella in Romandiola atque omnes ferè Tuscorum urbes suæ ditionis fecit: *Blond. in 2. regione.* Atque etiam nostra ætate sub moderatissimo regimine illustrissimi Ducis Medicei possidet. Amplificata administratione etiam ad universam ditionem Zenensem, ob quam plurimum illustrium civitatum, ac regionum conjunctionem celebrior censeretur dignitas Reipubl. Florentinæ, ac majore ratione præferri Ferrariensi; quæ demum à Smaragdo patricio Exarcha Italiæ secundo, paulò ante Justinii patris Justiniani tempora fuit condita, nomine à ferro ibi reperto accepto, quæque nulli alteri imperans semper alterius principatum observavit, primò sub Exarcha auctoritate Imperatoris Græcorum, deinde sub Comitissa Mathilda ex concessione Henrici Imperatoris Romanorum; item sub Daguilberto auctoritate regis Neapolitanorum constituta: *Blond. 2. decad. lib. 9.* postea verò administrata pro Romana Ecclesia per Marchiones Estenses, quicam postremò armis invasam & occupatam ab Ecclesia Romana in feudum acceperunt; & etiamnum hodie ex concessione Pontificia jure vasalitic tenent: *Blond. in 6. regione Italiæ.* quod etiam testantur fidelitatis, reverentiæ, atque obedienciæ juramenta Pontificibus præstata, quæ exstare dicuntur, Etenim manifesti juris est

propter vetustiorē originem prælationis prærogativam constitui; & quemadmodum quoties de solo jure personarum agitur omnino æquale jus habentium, antiquissimus quisque cæteris præferri debet, *l. 1. ff. de albo scribend.* & prius ordinatus cæteris major reputatur: *c. 1. de major. & obed. c. fin. 75. distmct.* ita quoties agitur de jure regni, civitatis, aut reipub. ea quæ est nova vel recentior, ejusque princeps aut magistratus cedere debet Reipub. antiquiori ejusque magistratibus seu gubernatoribus, præsertim si (quod est in proposito) civitas aut Respub. antiquior etiam dignitatem majorem aut potentiam habeat, ut Ulpiani in *l. 1. ff. de censib.* responso ostenditur, dum ad laudem Syriæ Phœniciz Tyriorum coloniz nobilissimæ principaliter ponderat seculorum seriem, & antiquitatem originis, & probat concors interpretum sententia; qua receptum est civitatis nobilitatem ad hominum nobilitatem & gloriam pertinere, *l. 1. & ibi Salycet. C. de naturalib. liberis.* adeo quod vir minoris nobilitatis qui originem duxit ex nobilissima civitate, sit antefendus nobiliori alterius inferioris civitatis; *gloss. in l. 1. C. de Alexandria primat. lib. 11.* & honorabilius existimetur mediocre civem esse in nobili civitate quàm majorem civem mediocris cujuspiam civitatis: *Angel. Ioannes de Plat. & Rabuff. in d. l. 1. de Alexand. primat.* & habens nobilitatem in

nobiliori loco præferri debeat alteri: *Fely. in Rub. de major. & obed. col. 3.* unde nobiles, claræ & inclytæ urbes dicuntur, uti è diverso dicuntur oppida, castella, & quædam urbes ignobiles. *latè And. Tira. in tractat. de nobilit. cap. 12. num. 4. & 5.* Unde Cicero *ad Herennium lib. 3.* laudem dicit esse rerum externarum, & corporis & animi. inter ea verò quæ sunt rerum externarum, civitates quoque ponit; quasi laus quoque ex civitate sit hominibus: quod & Virgilius sentit, dum scribit *lib. 4. Æneid.* hunc in modum:

*Multa viri virtus animo multusq; recurſat*

*Gentis bonos, &c.*

Et Baetolus expressit in *d. l. 1. C. de primat. Alex.* asserens populus unius nobilis civitatis plus honorandos quàm alios magnos, & (ut inquit Joannes à Platea *ibidem*) nobiles alterius minoris civitatis: ut non immerito Thales Milesius qui sapientissimus est habitus, inter præcipuam felicitatem optimam patriam collocaverit. Cui alius consentiens scribit oportere cum qui beatè vult vivere, patriam seu civitatem habere gloriosam: quod & alijs juribus, & ad illustrandam latiore administrationem Reipub. Florentinæ pertinentibus confirmare non est difficile. Etenim traditum est ex majore jurisdictione & administratione majorem dignitatem argui, & nobiliores dici principatus, qui plures & digniores habent subditos, *in gloss.*

*§. gene-*



§: generaliter in authen. *constitutio quæ de dignit. Decius conf. 161.* & eo censeri quem esse digniorem altero quo majoribus dignitatibus præfulget. honores enim inducunt dignitatem, & nobilitatem; *l. nobiles C. de commer. & mercator.* adeò ut si alicui concedatur Ducatus, Marchionatus vel Comitatus, & similia quæ feuda regalia vocantur, is nobilitatem acquirat, *Bart. in l. 1. col. ult. vers. civitas verò, de dignit. lib. 12.* ex quibus constat urbibus, nationibus atque rebus ipsis inesse nobilitatem, dignitatemque quæ rerum ipsarum privilegia dicuntur, *l. privilegia. ff. de privileg. cred. l. privileg. de reg. jur.* secundum quæ contentio prælationis dirimenda est, & cujus vigore possessores seu administratores majoris dignitatis, inferioris loci nobilitate suffultis, præferri debent propter majorem dignitatis prærogativam. *l. non tantum. §. Illiensibus ibi propter inclutam nobilitatem civitatis. ff. de excus. tut. cum mult. aliis adduc. per Andr. Tiraq. in d. tract. de nobilit. c. 12. num. 3. & 4.*

Ad quam quidem dignitatis & prælationis prærogativam in præfenti negotio asserendam, confirmandamque Reipubl. Florentinæ, illud quoque aliis ornamentis illius adjiciendum est, quòd ut olim, ita etiam posteriori seculo, viris omni virtutum laude præstantissimis ornata fuerit, quòd plures literatos viros, plures Episcopos, plures Cardinales, necnon summos Pontifices, Leonem & Cle-

mentem habuit, tantaque ædificiorum, & templorum magnificentia & pulchritudine exornata sit, ut aspectus pulcherrimæ urbis impulerit Gregorium Pontificem ad commiserationem eorum qui inde exulare debebant. *Blond. lib. 8. decad. 2.*

Nec parum facit ad prædicta, quòd Florentiæ civitas, ut olim (potissimum posteaquam permittente Honorio Pontifice precio redemit libertatem à Rodolpho Imperatore, *Decius conf. 157. num. 2. Fely. in c. cum non liceat de præscript.*) ita etiamnum hodie nulla fidelitate, nullo censu, nulla obedientia Imperio aut Imperatori sit obstricta, sed libera per se: ipseque illius Princeps nullius superioritatem agnoscens, jura Imperii habet in suo dominio, omniaque potest quæ sunt concessa Imperatori. *Bal. in l. hostes. ff. de capt. Panorm. conf. 91. in 1. vol. Rom. conf. 310. Cor. consil. 55. in 2. vol. Dec. conf. 125. & consil. 264. num. 6. & d. conf. 357. num. 2. & consil. 403. & Francisc. Curt. senior. conf. 20. Bal. in l. consuetudinis in fin. c. quæ sit longa consuet. sicut de Duce Mediolani dicitur, Francisc. Aret. conf. 171. in fin. Ias. in l. ex hoc jure. ff. de just. & jur. & de Rege Franciæ qui inter reges Christianos coronam libertatis gestat, nec alium agnoscit superiorem; Bal. conf. 415. incip. petita venia lib. 1. quæ suprema auctoritas & liberæ potestatis perpetuo conservata possessio vel sola posset sufficere adtribuendum in hac causa illustriss.*

Illustriss. Duci Florentino prælationis victoriam adversus Ducem Ferrariensem, qui vinculo fidelitatis & jure clientelæ obstrictus alienam agnoscebat superioritatem, & Romano Pontifici tanquam domino directo fidelitate, reverentia, obedientia, censu, & obsequiis subjectus est; ex quo comparatione Reipub. ac Principis Florentini iis valde inferior intelligitur, propter defectum supremæ ejusque liberæ potestatis. Id quod vel uno exemplo & censura Julij Cæsaris confirmari satis erit, qui cum in transitu Alpium oppidulum quoddam præteriret, comitibus cum joco & risu percunctantibus num illic etiam aliquos esse putaret principatus ambitiosos & dignitatum certamina, seridè respondit, Mallem hic prius esse quam Romæ secundus. *Plutarchus in vita Iul. Cæsar.*

QUIBUS novissimè pro secundi capitis explicatione addendum est, quòd ut dubitare non convenit quin vetustissimo tempore nova Respub. Ferrariensis, veteri & constanter florenti Florentinæ Reipub. cesserit, ita etiam posteriore seculo qualiscunque fuerit in civitate forma regiminis, in omnibus tractatibus & conventibus civitatem Florentinam priori loco habitam, & oratores ejus Reipub. cæteros oratores Ducum & Marchionum præcedere consuevisse, in aula Vaticana, Cæsarea, Francorum & Hispanorum Regum, non

obscurè ex historiis intelligitur, & quod amplius est, inconculsè, longava consuetudine arque usu obtentum, semperque post hominum memoriam observatum dicitur, Rempubl. Florentinam ejusque oratores, Ferrariensibus, ac Mutinensibus Ducibus & Oratoribus antecessisse, etiam posteaquam Borlus Estensis ex concessione & approbatione summi Pontificis, cum Ferrariensi feudo, titulum Ducalis dignitatis obtinuit: quæ antiquissimi temporis vetustas & consuetudo magnarum est virium, & constituti, ac privilegii loco habetur, & intentionem Florentini Principis fundat in petitorio & possessorio, perinde ac si possidente Repub. Florentina nominatim Pontifices, Imperatores & Reges lege & privilegio constituissent, ut Florentina Respub. ejusque Principes & Oratores, Estenses, Ferrarienses atque aliorum locorum cæterosque ejusmodi Principes præcederent; cum manifestè decretum sit eum esse potiorē qui est in consuetudine præcedendi, maxime si, ut præsupponitur, consuetudo illa etiam observata fuerit in Romana curia, quæ tanquam omnium domina ab omnibus est sequenda: *cap. pastoralis, de fid. inst. c. bona. §. final. de consir. util. vel inut. l. Roma. ff. ad municip. c. final. de sor. comper.* tantoque major vis attribuenda est dictæ consuetudini, quod agatur de prælatione, majoritate & deferendis honoribus, in quibus

quibus semper ad consuetudinem recurritur. *Imo. in Rub. de major. & obed. c. cum olim de consuet. c. cum omnes de constitutionib. Angel. consil. 300.* nam, ut pulchrè Baldus notat, *in d. c. cum olim.* consuetudo assignat loca sedendi & standi, & non debet inverti, seu, ut ipse ait, præposterari: leges enim præcipiunt longam cōsuetudinem in ea re observatam respiciendam esse, *l. non tantum. & ibi Bart. de decurionib. lib. 10.* nec cuiquam permittunt publicorū graduum seriem conturbare, & temporum ratione calcata dudum militantibus alios anteferri; & quæ longis prolixisque stipendiis defensa jam pollicetur antiquitas gratiosa festinatione surripere: *l. ult. C. de primicerio. lib. 12.* quæ ad aulicendam Principi Florentino prælationis prærogativam videntur sufficere, si demonstrari possit quòd neque mutatio regiminis in Repub. Florentina, neque superveniens Duci Ferrariensi anterior dignitas tituli Ducalis pristinum jus Reipub. Florentinæ immutavit aut imminuerit: quod ad tertij & quarti capitis explicationem pertinet, de quibus nunc videndum est, &c.

ET paucis quòd attinet ad mutationem regiminis de qua in tertio capite agitur, & per quam à populari seu optimatum administratione ad monarchiam devenit, nihil neque honori, neque splendori, neque veteri dignitati Reipub. Florentinæ detractum vi-

deri debet: quoniam durat Rei- 10  
pub. dignitas quamvis mutata sit forma regiminis, quæ neque statum neque substantiam Reipubl. contingit, sed tantum ad executionem & accidentalem administrationem pertinet, quæ pro varietate temporum apud omnes salva & incolumi Reipub. dignitate sæpè variat, ut exemplo Romanæ civitatis comprobatur, quæ omne genus regiminis perpeffa est: primum enim monarchiam, hoc est, Regum imperium habuit, nam Romulus (ut testis est Livius *in libr. 1. decad. 1.*) primum imperiū habuit, post quem sex deinde reges secuti sunt, sub quibus centum quadraginta annos monarchia duravit: exinde pulso Tarquinio Superbo qui regum ultimus fuit, mutata civitatis forma, secuta est Aristocratia, id est optimatum principatus; nam pro Regibus duo Consules creati sunt, apud quos summa totius imperij erat: & deinceps post intervallum aliquod, ut Livius prodidit, *in 3. lib. decad. 1.* iterum mutata est forma civitatis à Consulibus ad Decemviros, quemadmodum à Regibus antè ad Consules venerat, qui, uti quibusdam placet, tertio anno depositi sunt, ob id quòd pro libidine omnia agerent, officium ex suo commodo metientes, & hoc pacto exactis decemviris ad prioris regiminis formam reditum est: ac deinde rursus pro Consulibus primum Tribuni militum creati sunt, &

B postea

postea Democratia, id est, popularis principatus sensim itrepsit. Post quod novissimè iterum in monarchiam redacta est forma civitatis: *Livius lib. 4. §. 6 & 7. 1. decad.* & tamen in tanta regiminis, functionum, & magistratuum mutatione constitit Reipub. ejusque legibus sua dignitas inconcussa, eademque veneratio & prælatio in novissimis Monarchis & Cæsaribus tributa fuit, quæ Romulo primo urbis conditori competierat; & quæ deinde per longam seriem seculorum invalescenti Reipub. accesserat: sic ut Augusto & aliis Cæsaribus postea imperantibus Parthorum aut Armeniæ reges sese minimè prætulerint, sed & Nerone imperante ad ejus statuas in exercitu Rex Armeniæ diadema deposuit, quod postea Romæ solenniter ei Nero reposuit. *Sueton. in Nerone.* Et ne longè exempla petantur, palam est in ipsa Reipub. Florentina sæpius mutatum esse statum & regimen civitatis, nunc vigente populari auctoritate, nunc decemvirali magistratu, nunc septemvirali cum vexillifero justitiæ, nunc alia specie administrationis inducta, & tamen eandem semper mansisse Reipub. dignitatem, ea ratione quia administratio & regimen solam executionem respicit & accidentalem gubernationem, quæ qualis aut cujuscunque sit generis, essentialis aut dignitati Reipub. nihil detrahit, sed in contrarium ipsa Reipub. dignitas semper vigens, tran-

sit ad qualemcunque magistratum, cumque quem nanciscitur illustrat, sic ut non ex conditione personæ, sed ex nobilitate loci cui prædider sedem habere debeat; ut probari potest infinitis prope exemplis regum & principum qui servilis, vel aliàs sordidæ originis fuerunt. Nam ut à Romanis rerum dominis fiat initium, Tarquinius Priscus illorum rex celebratissimus patre mercatore coque exule natus est, & præterea matre serva: *Valer. Max. lib. 3. c. 4. Servius in Virgilium libro 3. Aeneidos.* Servius Tullius qui illi in regno successit, servo patre, matre ancilla: *Valer. loc. cit. Senec. declama. lib. 3.* quin & ipse Augustus cujus magnitudo totum orbem in admirationem duxit & etiamnum hodie tener, avum habuit argentarium: & Aurelianus laudatissimus Imperator, & complures eum secuti, humillimo loco & modicis parentibus atque familia obscuriore nati, præfuerunt in eodem vel majore honore & veneratione quo alij atavis editi regibus, inspecta sola nobilitate & dignitate loci, regni vel imperij quibus præerant, & quæ de jure tantum est considerabilis, non inspecta personæ qualitate aut forma regiminis: *Episcopus 2, 7. q. 1. Alber. in l. si quis. C. de naturalib. lib. arg. l. 2. §. quæ omnia. C. de vet. jur. enuclean. & l. servos ibi loci & originis propria dignitas. C. ad l. lul. de vi, & in c. nos qui ibi urbium claritate 40. dist.* unde in congregationibus non personas eorum qui

12

qui mittuntur sed Respublicas & civitates à quibus mittuntur respicimus, ad eò quòd episcopus aliquando sedeat post canonicos prius receptos, quia non attenditur prerogativa personæ, sed ordo antiquitus constitutus: *Decius cons. 161.* & in æstimandis dignitatibus magis attendimus qualitatem & utilitatem subditorum quàm rationem sanguinis, quia dignitates sunt solius Reipublicæ à qua separari nequeunt, non magis quàm radij solares à sole. *Zastus consil. 8. num. 8.* Ex quibus intelligitur Reipub. dignitatem illibatam conservari non solùm cùm simplex regiminis mutatio in libera civitate inducitur, verumetiam cùm ad monarchiam fit transitus, & populi auctoritas in principem transfertur, sic ut si ve dicamus illustrissimum Ducem Florentinum voluntate populi administrare, patremque in omnibus habere auctoritatem qualem habet Dux apud Venetos, si ve, quod est verius, proprio jure præesse cum omnimoda potestatis translatione semper salvam habere debeat dignitatem & prælationem veteri Reipub. Florentinæ competentem, quæ ab ipsa Repub. in eum translata censeri debet translatis ipsius Reipub. regimentis: nam Princeps qui succedit in jus Reipub. uti debet eodem jure quo Respub. dum esset libera utebatur: c. *in qui de reg. jur. in 6. & qui in jus. ff. eo. l. forma. §. quanquam. ff. de censib. & dignitas loco vel civitati*

data transit ad successorem & præsidentem civitatib; *Bal. in l. omnia. C. de episc. & cler. & cui populus præfecturam vel dominatum tribuit, in eum quoque omne imperium & potestatem suam transfert. l. 1. ff. de constit. princip. l. vnica. C. de off. præf. prator. In verbis Regimentis Reipub. ad imperatores perpetuo translatus. In quem enim transfertur res ipsa, ei omnia quæ ad rem pertinent acquiruntur, & surrogatus in locum Reipub. in eo ordine atque dignitate succedit, quæ Reipub. compete-  
tebat, quemadmodum translatio urbis Romæ in Pontificem maximum sanctamque Romanam Ecclesiam intelligitur facta cum suis legibus & decretis quibus antea utebatur: *gloss. & dd. in c. licet in corrigendu de off. ordin. & in c. postulasti de rescript. Bart. in tract. Syeriadis sub Rubri. de insula. Barth. Socy. consil. 77. incip. si essemus libr. 4. & collegium Cardinalium quod succellit in locum Senatus potest restituere famæ, sicut Senatus poterat. Ioannes de Imol. in l. in famem. ff. de pub. judiciis. Fely. in c. cum re de re judicata per t. Constantinus 90. distinet. Et milites nostri temporis licet non habeant insignia veteris observantiæ, sed novæ, quia tamen nova observantia succellit in locum veteris, gaudent eodè privilegio quo veteres: *Bald. in l. 1. in fin. C. qui bon. ced. poss. Felyn. in c. ap. translatio de constit. Quo-*modo religiosi hujus temporis licet laxius vivant & habeant aliquas qualitates mutatas, puta quòd pos-**

sint habere proprium & testari, re-  
sint tamen easdem prærogati-  
vas prælationes & privilegia quæ  
fuerunt primitivæ Ecclesiæ, nec di-  
cuntur habere novum ordinem  
sed eundem, licet forma regiminis  
mutata sit. Item Officialis surro-  
gatus in locum alterius tenet illum  
locum quem tenebat ille in cuius  
locum surrogatio facta est : *l. com-  
perimus. & ibi Bart. C. de prox. sacro  
scrinior. lib. 12. Iason in l. si eum. §. qui  
injuria. num. 25. ff. si quis cautio.* Et  
quod magis vicinum & penè con-  
temporaneum est, Vicecomites &  
Duces Mediolanenses eodem jure  
& eadem prærogativa usi sunt &  
adhuc utuntur, qua ipsa Respubl.  
uti consueverat, ut scilicet post  
Venetos primum locum obtine-  
rent, sive Apostolica sanctitatis,  
sive imperatoris severitatis, ado-  
raturi admitterentur imperium,  
sive pro suo arbitrio solennes festi-  
vitates, & cætus, vel salutationes,  
& quælibet alia officia frequenta-  
rent, ut in sedibus & in consessu  
eum ordinem servarent qui ipsi  
Reipubl. Mediolanensi ex antiquæ  
consuetudinis prærogativa com-  
petierat : nam res transit cum sua  
causa, *l. si convenerit. §. si fundus. ff. de  
pign. act. l. si aqueductus ff. de contrahen.  
empt. l. 1. §. permittitur. ff. de aqua  
quorid. & aestiva.* & in consequentiâ  
translatæ civitatis etiam jurisdi-  
ctio & prælatio transit cum inte-  
gro statu, honore & prærogativa.  
*l. si in emptione. ff. de contrahen. empt.  
l. si quando. l. C. de bon. vacant. libr. 10.*

*Ibi cum integro statu. c. inter dilectos im-  
prim. ibi cum honore, districtu & juris-  
dictione præfati loci, de fide just. c. ex li-  
teris de jur. patronat.* Eoque procli-  
vius veteri Reipubl. Florentinæ  
dignitatem in præcellentissimo  
Duce perdurare credendum est,  
quòd eadem Respubl. adhuc ma-  
neat, nulla illius per principis as-  
sumptionem inducta peremptio-  
ne, cum ipsa Respub. cum nomino  
& titulo suo pristino perseveret,  
nullique alteri ditioni vel regioni  
unita aut incorporata sit : nam ut  
locus translatus & unitus alteri  
dignitati, puta regioni vel comi-  
tatu, efficitur portio & membrum  
illius dignitatis cui adjicitur, &  
amisso proprio honore & titulo  
gubernatur secundum leges ejus  
comitatus vel regni cui adjicitur,  
& non secundum leges suas anti-  
quas, ut de incorporatione loci  
Valeriaci cum comitatu Venaci  
respondit Franciscus à Ripa, *consil.  
92. num. 7. juxta ea qua not. glo. in c. 1.  
ne sede vacante. & Bart. in d. l. si con-  
venerit. §. si nuda.* ita è diverso si fiat  
translatio ditionis vel Reipubl.  
simpliciter & principaliter in per-  
sonam alicujus tanquam superio-  
ris ; ita quòd is sit dominus separa-  
tus, & (quod proposito negotio  
convenit) principaliter illius loci  
translati : tunc translatio facta cen-  
setur cum suis prærogativis, statu-  
tis & consuetudinibus, & secun-  
dum antiquas leges & præeminen-  
tias gubernari, & censeri debet, ut  
de Comitatu Tholosa, Comitatu

Pro-



Provinciae, Ducatu Mediolani, & Delphinatu Ripa scribit, *consil. preallegat.* qui pervenerunt (ut ipse ait) ad regem Franciae non tanquam uniti regno; sed ut principales per se essent; & ut illis rex dominaretur non tanquam rex Franciae, sed tanquam Dux & Comes; quod terminis propositi negotij est convenientissimum, & communi interpretum calculo comprobatur. *Alexand. & alij in l. 1. de legat. 1. Alexand. in consil. 114. lib. 4. Martinus Laud. in tractat. de principibus. vers. 72. Cardinal. Alexand. in c. jus civile. 1. dist. & in cap. quadragesima. 4. distinct. Andr. Siculus consil. 4. scribitur primo Regum lib. 1. Et Curtius Senior cons. 57. super eo. Latè Ioannes Igneus in repet. l. 1. §. non alias. ff. ad S. C. Syllania.*

NEQUE audiendus est si quis hic objiciat præcellentissimo Duci Florentino maculam tyrannidis, atque ingressum non legitimum, sic ut quamvis prædicta de jure vera sint, dux tamen præcellentissimus propter objectum injustæ occupationis benigni juris constitutione superius relata indignus videri possit; etenim cessat hæc objectio, propterea quod, ut in Chronicis & historiis legitur, Mediceorum familia apud Florentinos semper illustris fuerit, & in ea auctoritate & conditione posita, quod Florentina civitas exagitata multis bellorum tumultibus, non semel ad eam confugerit, & se in ejus tutelam & potestatem contulit, eique fidem habuit: nam ut

antiquiora tempora prætermittamus, anno 1430. Cosmus Medices floruit, & ob singularem prudentiam & auctoritatem princeps civitatis populo consentiente habitus fuit, & Pater patriæ salutat, qui reliquit Petrum Medices etiam potentem in urbe; cui successit in administranda Repub. Alius ejus Laurentius Medices, qui pater summi Pontificis Leonis decimi fuit, & ditioni Florentinorum adjecit multos populos & civitates, & propter rerum gestarum magnitudinem celebris fuit per totam Italiam, à quo per manus tradita sunt gubernacula Reipubl. Petros filio, post quem vigente factione populari Carolus quintus Imperator adeptus liberam dispositionem dictæ Reipubl. ne res iterum ad popularem factionem recideret, atque propterea dominium & libertas dictæ Reipubl. periclitari & opprimi posset, imperiali auctoritate constituitur deinceps perpetuis futuris temporibus Magistratus dictæ Reipubl. eisdem modis & formis eligeretur, disponeretur & institueretur, quibus ante ejectam illustrissimam Mediceam familiam disponebatur, &c. Et ita primum Alexander, deinde Cosmus Medices comprobantibus summo Pontifice & Imperatore Romano libero universæ civitatis suffragio ad primatum Reipublicæ admittus est, superaddito ex imperiali auctoritate Ducali titulo quæ in hodiernum diem præcellentis-

simus Dux continuat, cuique populus libenter parer propter aſtidua illius ac antiquiora Medicæ familiæ in ſe ſtudia inſignemque amorem qui longitudine temporis nunc coaluit & auctus in immenſum crevit, quod ad amolendam tyrannidis notâ ſufficit : nam Tyrannusis eſt qui nolentibus imperat, ut inquit Ariſtoteles : unde & illud de Auguſto Principe, *Victorq, volentes per populos dat jura*, à Virgilio ſcriptum eſt. Quibus accedit quod non ſolum voluntaria Florentinorum obtemperatio cōſiderationem tyrannidis ſubmoveat, verum etiam ipſa ſummi Pontificis & Imperatoris auctoritas, quæ (ut dictum eſt & ex conditionibus pacis liquet) arbitrium ordinandæ Reipub. Florentinæ adpta ad perpetuam civitatis tranquillitatem, reſtitutis & confirmatis veterum beneficiorum atque immunitatum privilegiis, declaravit Alexandrum Medicen Reipub. caput ; cujus ſinguli magiſtratus auctoritatem ſequantur, eo diſcretè addito, quod dignitas illa ad liberos ejus legitimis pertineret, atque iis deficientibus ad proximiores Medicæ ſtirpis totius ejus præminentix & dignitatis jura devolverentur : *Paul. Jovius hiſt. ſui temporis lib. 29.* quæ Cæſaris declaratio ac Medicæ familiæ reſtitutio legitimum & ab omni vitio immunem ingreſſum Alexandro Medices, ejusque ſucceſſoribus præſtitit, etiamſi priſtina jura Me-

dicæ familiæ fuiſſent inefficacia. Quis enim tyrannum exiſtimabit in quem ab Imperatore ex conſenſu populi & capitulis pacis plenam diſpoſitionem civitatis habente *Jovius loc. citato.* poteſtas hæc collata eſt, & quem cives ut ſuperiorem libenter agnoſcunt & reverentur ? Etenim juſtè poſſidet qui auctore Imperatore poſſidet; *arg. eorum que ſcribunt doct. in l. juſtè poſſidet. ff. de acqu. poſſeſſ.* & de quo nullus alius Rex, Princeps aut Imperator, vel etiam ipſa reſpub. cui jus eſſe poſſet contradicendi, propter injuſtam occupationem, aut ſucceſſionem conqueritur, cum ea ſolùm uſurpatoria dominia & tyrannides vocentur, quæ per injuriam vel in invitos vel contra veri principis aut regis voluntatem adminiſtrantur : *Bald. in l. decernimus. in 3. notab. C. de ſacroſanct. Eccleſ.* quod illuſtriſſimo Duci Florentino ac commodati non poteſt, qui poſt majores ſuos cum libero aſſenſu & congratulatione populi civitatem olim perturbatam afflictamque diſſidiis per integrum ſecrè ſeculum, ſaluberrimis legibus ſuperſtitem cum inſigni veræ virtutis gloria confirmavit & auxit. Quibus accedit quod ad removendum vitioſæ poſſeſſionis principium (ſi quod olim fuiſſet, de quo non conſtat) ſatis fuit poſt initam pacem cum Cæſare apparere Medicæos ſuo jure uti velle, & ſubditorum aſſenſum pro bono pacis accedere, ſe-

15

Sylvani



*Sylvani per illum rex. juncta gloss. de verb. significat. maxime auctorante ab initio Imperatore, tanquam superiore & accedente patientia & voluntaria obtemperazione subditorum libero honestoque studio reductam pacem colentium. per longissima temporum spacia quibus excellentissimus Dux post majores suos non solum communi voluntate civium benevolè agnitus, sed etiam à Pontifice, Imperatore & aliis Potentatibus pro Principe toleratus, habitus, salutat, & confirmatus fuit, superaddito per Imperatoriam majestatem Ducali titulo: nam qui communiter est toleratus pro Principe, justus princeps intelligitur, etiam si de facto principatum obtineat: Cardinal. & Imol. in clem. pastoralis. in princ. col. 8. de re jud. Salycet. in l. quisquis. C. ad l. Inf. majestatis. Bald. in l. ex hoc jur. de just. & jur. Et talem offendens incideret in crimen læsæ majestatis. Hieron. Gigas de crim. læsæ majestatis. quest. 65. in princ.*

Quæ omnia promptius admit-  
tenda sunt in hac regiminis, hono-  
rum & prælationis disputatione,  
quam non ex veritate, sed ex solo  
actu possessionis, hominum opi-  
nione & reputatione metiri con-  
venit, Innocent. in c. de multa. & ibi  
Hostien. Wan. And. & Imol. de præbend.  
Archid. in c. 1. de consuet. libr. 6. & in  
qua subtilius inspicendo origines  
aut passim sequendo quæ in histo-  
riis partim gratia beneficiorum,  
partim propter odium & inimici-

tias à multis non custodita veritate  
historiæ scribuntur, nullum erit  
regimen, nullum imperium, cujus  
claritas propter bellorum vel civi-  
lium vel externorum varios casus  
atque eventus, vel diversas princi-  
patuum successiones aliqua vitiosi  
principij, progressus, aut succes-  
sionis labe non notabitur: nam  
notum est quàm vili ac deplorato  
principio Romanæ res incremen-  
tum sumplerint. Quid ipsi Romæ  
historiæ scriptores prodiderint  
de monarchia non solum Julij Cæ-  
saris, Neronis, Tiberij, Vespasiani,  
& aliorum, sed & ipsius Augusti,  
Trajani, Adriani, & Antonini op-  
timorum principum, quos tamen  
omnes suo tempore imperij digni-  
tatem, majestatemque obtinuisse  
apud omnes est manifestissimum.  
Et ut omittamus antiquiora tem-  
pora, non est ignotum, quomodo  
antedictus Stortia principatum  
Mediolanensem occupaverit: item  
qua ratione ipsi Estenses Principes  
civitate Ferrariensi bello potiti  
sint, ob quod tamen illegitimi in-  
gressus objectionem aut aliquam  
pristinæ Reipub. dignitatis dimi-  
nutionem pari nollent, cum vel  
jure belli vel diuturnitate tempo-  
ris principatuum successiones cõ-  
firmentur: nam licet parochiarum  
& dioceseon limites auctoritate  
Dionysij Pontificis constituti ac  
designati sint, c. pastoralis. de his que  
sunt à pralat. qui mutari vel præ-  
scribi non debent. c. super eo. de Pa-  
ræchiis. c. licet. in regulis 16. quest. 3.  
Imperia

16 Imperia tamen & principatus de facili mutantur, variant, diminuantur, vel augentur præscriptione, potentia aut occupatione. *dd. in c. final. de off. Archid. & in d. c. super eo.* Ex quibus ostenditur quod posteaquam tot titulus inchoata illustrissimi Ducis auctoritas tot in rempub. meritis confirmata tanto temporis spacio stetit inconcussa, & nunc libero honestoq; civium, civitatum ac populorum benevolè parentium studio ad immensum adaucta est, macula aliqua tyrannidis aspergi vel deprimi non possit.

Nunc progrediendo ad tractationem quarti capitis, in quo agitur de vi & potestate prioris tituli Ducalis, à quo velut antiquior & à maiore potestate, nempe sedis Apostolicæ collato, Dux Ferrariensis argumentum prælationis studet deducere, quali ob Ducalem dignitatem antiquiorem & à digniore collatam Florentinæ Reipub. ejusque Principi fieret præjudicium: sed objectio hæc atque argumentum multis modis dissolvi & enervari potest. Siquidem primò tamen creatio Ducalis tituli inspecto principio, in Ferrariensi Principe sit antiquior quàm in Florentino; nihilominus tamen cum constet Ferrariæ Ducem, sacrosanctæ Romanæ Ecclesiæ ratione Ducatus Ferrariensis vasallum & subditum in illa inundatione bellorum Italicorum circiter annum Domini 1509. hostilia

arma cum Gallis adversus Julium secundum Pontificem & Leonem sumpsisse, *Paulus Iovius in vita virorum illust. lib. 1.* ob quod ipse & ejus descendentes, primùm à Julio Pontifice II. omni dignitate, Ducatibus, privilegiis & statibus privati sunt; & cum deinde restitutione obtenta capitulis restitutionis non pareret, denuò monitus à Leone Pontifice privatus exauctoratusque fuit, & inhabilis declaratus cum omni sua posteritate. Ratio non est cur nunc cum Duce Florentino de gradus prioritate præcedentia & prærogativa possit contendere, propter antiquiorem Ducalem dignitatem, qua ob crimen penitus exutus fuit, posteaquam Dux Florentinus ab imperiali culmine suum Ducalem titulum acceperat, quem huc usque absque interruptione continuavit, sic ut superveniens privatio Duci Ferrariensi beneficium prioris tituli penitus ademerit, & Princeps Florentinus, medio tempore progressu facto, illi etiam in dignitate Ducali potior factus videatur, non habita ratione restitutionis à Duce Ferrariensi postea obtenta propter jus Florentino Principi medio tempore, ut videtur, acquisitum: nam licet cum dominus feudi ante privationem remittit feloniam commissam, non mutetur feudi qualitas, nec dicatur novum, sed antiquum, perinde ac si nunquam à jure feudi vasallus cecidisset; *lasonan l. si mihi, & Tizio. ff. de verb. obl.*

tamen

tamen post privationem & ademptionem factam, ut hic præsupponimus, regulariter vassallus indulgentia obtenta novum feudum accipit, nec potest ratione prioris juris quicquam sibi vindicare, *Bald. in c. 1. hic sunt. lex.* maximè quando privatio inducta est propter delictum: *c. mandamus 19. quæst. 3. ibi ultimus in choro sedeat.* quemadmodum in simili privatus jure collegij pristinum locum non recuperat. *Bart. in l. 2. ff. de decur. dd. in c. ex insinuatione de simonia.* & privatus gremio universitatis deinde restitutus postponitur omnibus medio tempore receptis aut nominatis, & restitutus ad gratiam non restituitur ad tempus prioritatis, sed postponitur omnibus aliis. *c. quamvis. & ibi dd. de rescr. in 6.* Quotum exemplorum atque similium applicatio ad præsentem speciem probabilior videri debet, propter acerbitatem pœnæ & majorem legum indignationem adversus crimen læsæ Maj. ob quod privatio in Duce Ferrariensi inducta fuit: & præterea quia extincta Ducali dignitate, in Ferrariensi Principe ob crimen & privationem Florentinus Princeps progrediendo in catalogo & corona Principum (quæ respectu inferiorum & ejus de quo agitur, collegio similis esse videtur) primum locum fortitus est, suo proprio jure, & non ex privatione vel confiscatione, quemadmodum de feudo aperto agnatis post privatione primi possidentis responsum

est, feudum non aperiri per ipsam confiscationem, sed ex providentia primi concedentis vel consuetudine. *Bald. in c. 1. de feud. Marchiæ. & in d. c. 1. hic sunt. lex.* Et quæsitæ ex compositione pacis, non ex illa, sed ex pace quæsitæ dicuntur: quoniam bellum est causa remota, non proxima; latè *Francisc. Arct. consil. 14. num. 7. & seq.* sicut & in feudo agnatis aperto, confiscationi non est tribuenda immediata causa acquisitionis aut successione agnatorum, sed primæ investituræ vel consuetudini, quo modo & in specie proposita privatio adversus Ducem Ferrariensem referri debet ad prælationis occasionem, non etiam ad immediatam causam quæ profluit ex ipsa acquisitione, vel quod perinde est, ex perseverantia Ducalis tituli quem Dux Florentinus tempore dictæ privationis obtinebat, & adhuc absque interruptione continuat. Id quod ad impediendum effectum restitutionis respectu prioritatis, in magna animadversione habendum videtur, cum in collegiis, capitulis, nominationibus & aliis gratis etiam beneficialibus semel privatus posterioribus non alia ratione postponatur, quàm beneficio solius progressus qui ex juris potentia subducta persona primi ex sola perseverantia tituli sequentibus competit, *arg. d. c. quamvis cū aliis supr. citatis.* Neque est prætermittendum, quod restitutio Ducis Ferrariensis, ut præsupponitur, non fuit simplex aut pura, sed

certis conditionibus constricta, quibus adhuc non est paritum, sic ut nulla actio aut utilitas Duci Ferrariensi possit competere ex illa restitutione conditionali, non solum non impleta sed defecta, ut videtur, conditione. *l. hac venditio. in princip. de contrahend. emptio. Reiquista. de condit. institut.* & concurrente adhuc vitio surreptionis, ut præsupponitur, & ex inspectione & collatione diversarum restitutionum à diversis Pontificibus successivè obtentarum constare creditur. In qua re tamen quia forma restitutionis seu remissionis nobis non fuit exhibitæ, calculum non figimus, nec certum fundamentum constituimus, uti etiam adminiculo illo non magnopere egemus, in asserenda illustrissimo Duci Florentino prælatione, quæ etiam seposita penitus Ducali dignitate ex aliis rationibus solidè stabiliri & confirmari potest.

SI QUIDEM cum constet, & superius latè comprobatum sit, propter antiquiorem originem & majorem celebritatem dignitatemque Reipub. Florentinæ Legatos, Magistratus & Principes ejus, quæcunque forma regiminis fuerit, ab antiquo prælato fuisse Legatis & Principibus Ferrariensibus, etiã posteaquam Ducali titulo essent decorati: dubium non est, quin eadem dignitas & prælatio, etiamnum hodie collaris regimentis reipub. in præcellentissimum Ducem vigere debeat, in quo cum veteri

splendore, & dignitate Reipubl. Florentinæ, etiam Ducalis prærogativa cumulata est: nam hic non tam de jure personæ quàm de loci & Reipub. dignitate agitur, cujus regimen in illustrissimum Ducem sine alicujus qualitatibus mutatione translatum est: *l. unica. ff. de off. præf. prator.* sic ut quemadmodum hodie eadem est Respub. Florentina, quæ olim: ita eadem privilegia hodiernæ Reipub. salva esse debet, quæ olim veteri Reipub. competeabant. Dubium enim non est quin hodierna civitas sit eadem cum illa, quæ multis antè seculis fuit. *l. ficut. §. fin. ff. quod cujusque univers. nom. l. proponebatur. ff. de jud.* Et privilegia civitati semel competentia non absorbeantur, nisi alteri civitati vel regno incorporetur, aut planè destructa aratro subjiçiat: quemadmodum de ecclesiâ, castro & similibus dicitur quæ concessa sibi retinent privilegia, quamdiu per ruinam destinatum ulum non amittunt: *gloss. & doct. in c. & hoc diximus 16. q. 7. Bart. in l. final. ff. de usucap. c. Abbate. de verbor. signific.* quibus accedit quod erectio Ducatus Ferrariensis de jure accipi debet, si præjudicio prælationis antea alteri competentis. *l. 2. §. si quis à principe. ff. ne quid in lo. pub. l. nec avus. C. de emanc. lib. Oldrar. consil. 268. cum vulgat. similib.* Nec est subtrahendum quod non solum de jure sed etiam ex propria Borsii Estensis renunciatione prælatio Florentinorum suo loco conservata sit, quodq; major Reipub.

Reipub. Florentinæ celebritas, & antiquitas disparitatem constituat, quæ efficit ne tituli Ducalis prioritas in considerationem venire possit: nam regula per quam disponitur, Eum qui prior est tempore potior esse jure, procedit in dubio tantum. *l. quories. ff. de reg. jur.* & cæteris paribus, id est, quando utriusque par est causa; secus ubi est imparitas, vel in causa vel in affectione, vel quod rei propositæ convenit, in possessione aliâve quavis circumstantia. Nam tunc is cujus causa aliunde est potior, præfertur in jure etiam ei qui prior est tempore, *l. si servus plurium. §. fin. de legat. 1.* ut de creditore dicitur, cujus pecunia in rem ipsam conservandam impensa est. *l. interdum. ff. qui potior. in pig.* In muliere cujus favore dotis pinguius est privilegium, *l. assiduum. C. qui pot. in pig. hab.* in re duobus vendita, in qua præfertur is qui prius possessionem habet. *l. quories. C. de rei vend.* Et hoc est quod generaliter Jureconsultis dixit, *in l. privilegia. ff. de privil. cred. & l. privileg. ff. de reg. jur.* Privilegia non ex tempore, sed ex causa æstimari: unde elegantissimè in hac honoris & prælationis materia scribit Jacobus Rebuffus, *in l. 1. C. de consulib. & non spargen. lib. 12.* quòd in hujusmodi honoribus & prælatione ordo servari debeat, quando inter eos agitur, qui parem & æqualem dignitatem habent, ut videlicet in dubio præferatur, in loquendo, eligendo, salutando sive

adorando Principem, sedendo-  
que, qui prius meruit dignitatem; secus vero si inæquales dignitates 19  
habeant, aut alterius conditio ex alia circumstantia sit melior: nam tunc, inquit, non servatur ordo temporis, sed ille est prior qui meruit majorem auctoritatem: addens duplicem esse ordinem prioritatis, temporis scilicet & majoritatis seu qualitatis, quæ temporis prioritati præponderat; & in specie proposita præcellentissimum Ducem Florentinum altiori loco constituit, propter Reipub. ipsius, cui præest amplitudinem, antiquitatem & priorem in præcedendo possessionem, quæ quidem majoris dignitatis consideratio mirificè augetur, & intenditur ex libero supremoque potentatu dictæ Reipub. ejusque Principis alium superiorem non recognoscentis; nec alteri vinculo fidelitatis, obsequij, aut reverentia obstricti: quæ omnia Ferrarienses Duces inferiori loco positi agnoscunt, nec detrectare possunt. Ex quibus tanta dissimilitudo inducitur, ut nullis aliis rationibus inspectis sola liberi principatus prærogativa & majestas Duci Florentino prælationem tribuere debeat. quod elogio Julij Cæsaris satis testatum est, qui in obscuro oppido Alpium maluit esse primus quàm in celeberrima urbe Romana secundus. Et inde confirmationem accipit, quod à doctõribus est traditum de prælatione quæ est inter Canonicos re-




gula D. Augustini, & monachos D. Benedicti, in qua tamen monachi divi Benedicti communiter præcedant Canonicos Regulares divi Augustini, tamen Canonicis regularibus ecclesiarum cathedra-  
 20 lium non præponuntur, propter supremæ potestatis excellentiam, quæ de jure tantarum est virium, ut jura imperii tribuat, & eadem possint hoc culmine dignitatis suffulti quod Rex aut Imperator supremus, ut nominatim est traditum de Repub. Florentina. Bald. in l. consuetudinis in fin. C. quæ sit long. consuet. Decius consilii præcitatis. Cujus Principi proprio jure & per se supremus Magistratus, & quidem perpetuus competit, quo nomine prælationem competere noti juris est, Martinus Laudens. de Principibus. & in tractat. de fisci. l. 1. C. de primicer. lib. 12. de qua re nihil necesse videtur prolixiorē disputationem instituere, propterea quod consuetudine quæ est optima dubiorum occurrentium interpret, quæque plurimum valet in honoribus deferendis, magisque attenditur quam lex aut jus commune, etiam post Borsum Estensem Ferrariensem Ducem semper obtentum & observatum proponitur Rempub. Florentinam, ejusque Magistratus Ferrarienses Legatos & Principes semper antecessisse, idque Caroli quinti Imperatoris, necnon Ferdinandi Imperatoris, & aliorum Principum, excepto Henrico Rege Gallæ ob inimicarum partium

studium, declaratione constitutum dicitur. Nam ratio juris dictat Eum præcedere debere qui præcedere consuevit, & qui est in possessione præcedendi, quoniam consuetudo assignat loca sedendi, standi, & loquendi. Angel. consil. 111. ordo consuetudinis in princ. Innoc. in c. 1. de major. & obed. cum simil. sup. citatis. Adeo quod superior possit agere vigore consuetudinis de præcedentia honoris actione injuriarum, Ioannes Fab. Angel. & alij in §. aliam inst. de honor. poss. Bart. in l. 1. C. ut dig. ord. servet. aut officium judicis implorare, Bald. in c. licet causam. col. 3. de prob. aliaque similia remedia proponere, Bald. in l. si duo patroni, in princip. ff. de jurejur. & in d. c. licet. c. noli. 4. q. 1. si inferior non cedat: quia nemo tenetur injuriam pati, vel proprium honorem negligere. Neque hic dici potest in Romana curia consuetudinem hanc interruptam videri, ex eo quod Paulus III. Pont. max. semel indignabundus Oratorem Ferrariensem anteriore loco posuit: nā præterquam quod ea res processerit ex indignatione quæ nullum juris facit præjudicium. c. cum apud. 11. q. 3. l. si vendicari. C. de pæn. absque judicii figura non audita parte, nec adhibita causæ cognitione contigit, & præterea actus fuit momentaneus, nulla perseveratione confirmatus; imò in contrarium meliore deliberatione idem Pontifex Oratorem Florentinum, paulò post in pristino fastigio reposuit. Restat  
 nunc

nunc pro coronide, postremi capitis tractatio, in quo occurrit inspectio generis atque natalium, in cuius explicatione agnoscimus de utriusque Principis dignitate multa dici posse: & si in scripta historicorum & poetarum pro affectione, vel ob odium & inimicitias, vel lapsum plura in multis à veritate recedentium evagari lubeat, palam erit inveniri, qui utrique familia Janos Japetosque atque Hippogryphos attribuant, asserentes, nullam provinciam, nullam nationem esse quæ dictas familias cognatione & conjunctione non attingat: sed his omissis, veriora sequendo & diligenti utriusque familia collatione facta, haud difficile erit Estensis familiae quam Dux Ferrariensis jactat, Mediceam Principis Florentini familiam præferre, clarioribus nobilitatis radiis exornari, illustriorem esse, & majora decora militiae virtutumque habere. Nam præter disciplinarum studia; sempiternæ laudis præsidia, præter magnificorum operum marmoreas laudes & natalium legitimam continuationem, quæ plurima ad augendam nobilitatem faciunt, constat ante secula aliquot Mediceam familiam in inclita Florentina Repub. claratam fuisse, magnasque & eximias laudes meruisse, tum ob Rempub. domi moderatè prudentemque administratam, tum ob res militares foris strennuè feliciterque gestas, in quibus veræ nobilitatis funda-

mentum constitui solet: Adcò ut quisquis bene militaverit, is continuo nobilis appelletur; *Bart. in l. 2. §. in filius. ff. de decurio. & facit text. in l. 2. ibi præclaram nobilemque militiam. C. de primic. lib. 12.* maxime si militum & exercitus præfecturam quis habuerit. Etenim non parum habet momenti (ut ille inquit) si nobilis exercitus Dux fuerit, & clara fama insignis, qualis fuit Joannes de Medicis, parem in sua ætate in militari disciplina nõ habens, qui, ut inquit Galeacius Capella, *bistor. sua lib. 6.* audacior antegressus, sclopeto graviter saucius Mantuum deportatus, non sine magna totius Italiae jactura intra decimum diem vitam finivit. Præterimus tres summos Pontifices, duos Christianissimos Francorum Reges ex Medicea familia extitisse, & præter ea magnum illum Cosmum specioso titulo patriæ Patrem publico dætero in libera civitate appellatū. Non repetimus nobilitatem ipsius inclitæ Reipub. Florentinæ; quæ efficit ut etiam cessante magna nobilitate illustrissimus Dux Florentinus Ferrariensi præferri debeat, sola loci nobilitate inspecta, ut superius latè comprobatum est: ob quæ omnia, dubium non videtur, quin Estenses Principes comparatione Reipubl. Florentinæ ejus Principi censerì debeant inferiores, utpotè qui alienam potestatem observantes humiliori castello exorti, humili loco respectu Florentinæ civitatis dominantur, & quorum



rum auctores sæpè fuerunt contra Romanam ecclesiam: & quos conductos ad stipendia militaria Reipubl. Florentinæ ipsi interfuisse, paruisse, & militasse nobis in factò proponitur, præter quod in historiis est relatam, antiquam & legitimam lineam Estensem sæpè interruptam fuisse spurietate Nicolai Marchionis & filiorum ejus: unde nulla nobilitatis quæ fuit in majoribus potest esse continuatio legitima propter radicem infectam; *l. final. C. de natural. lib. l. ex libera. C. de suis & legit. cum aliis multis adduct. per And. Tiraq. in tract. de nob. c. 15. num. 10. cum sequent.* præter quod etiam illud ponderandum videtur, quòd ex declaratione Pontifici propter hæc Majestatis crimen etiam post restitutionem plenariè obtentam ex facti infamia litura quædam familiæ Estensi infideat, quæ etiam sublatò & remisso crimine, in hominum opinione suam vim atque potentiam exercere videtur: ita ut si seposita nationum dignitate solam personarum conditionem spectemus, illustrior censei debeat Medicea familia quàm Principum Estensium.

## CONSILIUM II.

## SUMMARIUM.

1. Transactio neque per penitentiam, neque Principis præscripto, neque prætextu instrumenti postea reperi alteriusve rei rescindi potest, nisi

*immodica læsio, dolus, metus, aut error intervenerit, vel ex falsis allegationibus celebrata sit.*

2. Transactio quibus remediis attentari & rescindi possit.
3. Transactio, quando litis ingressum impediatur, & litis finita exceptionem constituat.
4. Venditor cum effectu experiri non potest, nisi ex sua parte contractum adimpleverit.
5. Dolus est, si quis ex illo contractu agat, quem ipse non adimplevit.
6. Oblatio verbalis non sufficit ad actionem consequendam vel ad penam exigendam.
7. Venditor qui noluit de evictione teneri, nihilominus ad pretium tenetur re evicta.
8. Debitor qui de factò rem semel oblata & consignatam recuperat, non intelligitur deposuisse.
9. Post sententiam contra emptorem latam admittitur exceptio mercis nõ tradita.
10. Solutum in vim sententiæ diffinitivæ reperi potest ob falsitatem causæ.
11. Exceptio qua obijci potest principali negotio, obstat quoque præparatorio, accessorio & adjunctis; & quoties unum sit alterius contemplatione, si illud cuius contemplatione faciendum est cessat, cessat quoque reliquum.
12. De pœna non laboratur post tractum negotij principalis.
13. Clausula, Rato manente pacto, quam potestatem habeat.
14. Errare intelligitur qui animo titubante & ancipiti quid facit.

15. Legit



15. *Legis sub pretextu secunda C. de transactionibus, declaratio.*
16. *Restitutio conceditur pretextu ignorantie, & in estimatione iudicis est, an supina vel probabilis sit ignorantia.*
17. *Restitutio indulgetur ob gravissimam lesionem.*
18. *Exceptio de jure tertij quando admittatur.*
19. *Principali dispositione corrumpente, corrumpunt omnia accessoria.*

**I**N lite quæ vertitur indecisa coram Reginali majestate, per & inter dominum Gasparem Douchium impetrantem ex una, & Lucam & Joannem de Grimaldis opposcentes ex altera, super nullitate seu retractione certæ transactionis in præsentia Reg. Majest. celebratæ, ac per voluntariam condemnationem & judicalem partium approbationem confirmatæ, Consulti ex parte domini Impetrantis conveniens judicavimus, antequam specialiter vitiorum ac injustitiæ transactionis (de qua hic agitur) tractationem ingrediamur, illud in universo prius constituere, elaborare, & confirmare, quod transactione ratione doli, læsionis, aliisque de causis attentari & retractari possit. Nam præterquam quod veriores redduntur sermones, cum universalibus prius cognitis ad particularia descendimus, frustra in hoc iudicio doli, læsionis, ac aliis vitiis transactionem, de qua agimus, subjacere

probaremus, si non constaret transactioni ex capite doli, læsionis, aut alia ex causa contraveniri posse.

Et quancumque regulariter transactio ejus firmitatis habeatur, quod neque per pœnitentiam alterius transigentium, *l. quamvis. C. de transactionibus.* neque Principis rescripto, *l. causas. C. eo.* neque pre-textu instrumenti post transactionem reperti, *l. sub pretextu 1. C. eo.* alteriùve rei possit rescindi: *l. sub pretextu 2. C. eo.* Si tamen alter transigentium immodice læsus sit, *Bart. & alij in l. si quis, cum aliter de verb. oblig. vel etiam doli l. 4. C. de transactionib.* aut metus intervenerit, *l. interpositas. C. eo.* aut per errorem, *l. si per errorem. de jurisdict. omn. judic. l. sub pretextu 2. C. de transact.* vel ob allegationes falsas, *l. si ex falsis. C. eo.* transactio sit interposita, non valere eam, sed posse rescindi certum est.

Et ut remedia quoque quibus in casibus prædictis transactio attentari, & rescindi potest, paucis attingamus, si per errorem, aut ex falsis allegationibus facta sit, non valere constitutum est: *d. l. si ex falsis.* error namque (cum consensum impediatur *d. l. si per errorem.*) ignorant non præjudicat. *l. cum Aquiliana. de transactionibus.* Per dolum quoque vel calumniam in litigando commissam extorta transactio (si calumnia vel doli sit evidens) ipso jure nulla est & invalida. *l. in summa. & ibi Angel. & alij de conduct. indeb. d. l. 2. & 4. C. de transact. Angel. consil. 94.*

*consil. 94. Cum lū & quest. col. 5. versic. Pro hac parte. omniaque in vim ejus data & soluta tanquam indebitē, & sine causā data, restitui debent: d. l. in summa Fulgof. consil. 190. si verò calūnnia & dolus omninò non sit evidens & notorius, tunc licet in dolo ex parte Rei & resistentis commissio dubitetur, gloss. in d. l. in summa. in Actore tamen & insistente indubitatum est, sine alia rescissione transactionem nullius momenti esse. d. l. in summa. & ibi gloss. & doct. Angel. dict. consil. 94. Ubi autem dolus committitur non in litigando, sed in transactio extorquendo, tunc ex Accursii in d. l. in summa. sententia eodem modo distinguitur, utrum ex parte Rei, an Actoris dolus sit commissus. Si ex parte Actoris, transactionem nullam judicari: si ex parte Rei, rescindendam esse. Alii Cynus & alij in d. l. sub pretextu 2. Angel. dict. consil. 94. autem indistinctè tenent transactionem per se subsistere, sed adversus eam succurri per restitutionem, vel saltem officio judicis. arg. l. illius. in princ. de officio Præsidis. l. si per impressionem, C. De eo quod metus causa.*

Denique quòd ob immodicam læsionem transactio etiam à majore facta (quod est etiam in aliis causis suprà recitatis) rescindi possit, vel restitutionis beneficio, l. 1. & 2. C. si advers. transact. Dominus I. an. Mauricus in tract. resitut. in integrum cap. 211. vel remedio legis secundæ C. de rescindenda venditione.

communius receptum est, Odofred. Bart. Bald. Castrensi. sub num. 13. in fine. Fulgof. ad l. 2. C. de rescind. vendit. Panorm. in c. cum causā. de empt. & vendit. & in c. 2. de alien. mutand. judicij caus. in 4. colum. latè Alexan. consil. 42. super præmissis, libr. 1. Cald. consil. 70. sub rubrica De transact. Bald. in d. l. si quis cum aliter, versic. Quid si in casu transactionis, Corneus consil. 206. versic. suprà scripto. colum. 3. libr. 3. si transactio contineat læsionem ultra dimidium justæ æstimationis, considerato dubio eventu litis, &c.

Quæ quidem omnia, ad ostendendum quòd transactioni per se sine aliis circumstantiis confirmatoriis spectatæ reclamare ac contravenire liceat, plus quàm sufficiunt: præsertim coram Principe, qui omnia jura habet in scripio pectoris; c. 1. de constitut. tit. 6. l. omniū. C. de testamentis. & cui illi assistunt quos absolutissima juris scientia rerumque frequens & assidua agitatio nihil ignorare patitur: aded quòd mirum videri possit quòd Opponentes ad finem non recipiendi ac absolutionis ab instantia judicii. (quos fines De non receptis vulgò nominant) duntaxat de transactione (in qua etiam in ipsa causā principali omnem suam fiduciam constituunt) objecerint, tanquam per eam litis ingressus denegari & impediti debeat; siquidem quòd transactio sit litis finitæ exceptio, ac ad impediendum litis ingressum proponatur: Ita demum

demum verum est, si sit efficax & valida; *Bar. in l. cum querebatur, l. indicatū solvi. Doct. in cap. 1. de litis contest.*

3 in 6. ac ubi resuscitatur ac intentatur ea actio quæ per transactionem extincta & abolita fuit; secus si contra ipsam transactionem de nullitate, rescissione, vel restitutione agatur. *for. tit. C. si advers. transact. in fine, expressè Angel. conf. 94. Cum lit. & questio: & colum. 8. versic. Et primo allegatur. Quemadmodum si sententia dicatur nulliter lata, vel adversus eam petatur restitutio, non potest per exceptionem judicari, impediri nullitatis vel restitutionis iudicium. C. si advers. rem judicat.*

Ut itaque ad generale quæstionem (præviæ cognitionis gratia propositam) concludamus; constat satis exceptionem transactionis (quatenus ad litis ingressum impediendum objicitur) ad excludendum dominum Impetrantem à limine iudicii, non sufficere & transactionem ex capite doli, læsionis, aliæve causæ de jure communi vel speciali Principis beneficio esse retractabilem.

Nunc propius ad fundamentum præsentis causæ accedendo, videamus an per dominum Impetrantem causæ justæ ac sufficientes in actis deductæ sunt, ex quibus non considerata, sed cogitatione paulisper adhuc seposita condemnatione voluntaria ac judiciali confirmatione aliisque circumstantiis, quibus extrinsecus communicata ac

confirmata videtur, hæc transactio possit impugnari.

IN cujus decisione ut explicatius, certius ac solidius procedatur, quædam facta præmittimus, de quibus dilucidè exactis constitutum dicitur ac creditur, & quæ plurimum ad elucidationem ac illustrationem causæ præsentis pertinere videntur.

VIDELICET quòd tempore ineundæ transactionis Luciano infideli opponentium defuerint alumina ex sua parte ad implementum contractus necessaria; aut quòd in præcedentes terminos consignata & deposita fuerint, postea alij tradita, vel in alios terminos translata, prout latè in scripturis domini Impetrantis est deductum: Ac quòd idem Lucianus in tractatione transactionis in præsentia Reg. Maj. confidenter ac constanter affirmaverit sibi sufficere alumina, ad satisfactionem totius contractus, tum pro terminis præteritis & judicatis, quàm aliis sequentibus: & quòd in ea assertione, tanta audacia & constantia perseveravit, ut Impetrans (quicum nullo modo in Principis præsentia mendacium proloqui ausurum credebatur) perturbatus ac devictus idem sibi falsò persuasum habuerit, ac sic tandem in transactionem quo facta est consenserit.

HIS sic præmissis ac præsuppositis, promptissimè constare potest, in præsentī negotio causas

D effe

esse iustissimas, ob quas transactio nullitati, vel saltem restitutioni, aut rescissioni subjacere debeat.

SICUTIDEM, primò manifestus dolus Luciani in prosecutionibus ejus judiciariis virtute contractus cum Impetrante initi commissus est, eo quòd cum ignorare non posset deesse sibi alumina ad satisfactionem contractus ad quam urgebat ex parte sua necessaria, nihilominus Impetrantem (cujus res tunc nonnihil declinabant, & quem credebat ob prohibitionem illi factam à Cæs. Ma. difficulter recepturum, & soluturum oblata alumina) variis protestationibus judiciariis, oblationibus, consignationibus simulatis, & depositionibus inquietare, ac onerare non cessaverit. Nam ipse Lucianus ex contractu venditionis ex parte sua non impleto, neq; ad pretium, l. *Julianus*. §. *offerri*. de *act. empt.* neque ad pœnas agere potuit. *late Alexan. consil. 33. & 212. lib. 2.* In venditione enim ut venditori cum effectu agere liceat, debet ex parte ipsius integrè satisfactum esse. d. §. *offerri*. Et ista est natura pœnarum, sive legalium, sive conventionarium, quòd nisi petens pœnam ex parte sua contractum adimplevisse probetur, repellitur à petitione pœnæ, quia liquida debet esse causa ut pœna petatur. *Bald. in c. 1. Qualiter dominus proprietate fundi privetur, Alexan. dict. consil. 33. num. 2. & 3. lib. 2. & consil. 212. eodem libro.*

Quod maximè obtinebit in

proposito, ubi juxta ordinem conventionis & rei gerendæ ex parte Impetrantis mora vel pœna (quæ fundari debebat super interesse Luciani) committi non potuit, antequam Lucianus ex parte sua contractum adimplevisset. Quod elegantissimè traditum est à multis, à *Bart. Bald. Angel. Paul. Castrenf. Cuman. Alexan. & post omnes Iasone ad l. si cui legatur, colum. 3. num. 11. 12. & 13. ff. de legat. 1.* Terminum conventum ad solvendum pretium nò currere emptori, nisi à tempore traditionis incumbens venditori, eo quòd terminus assignatus respectu certæ causæ non incipiat currere priusquam illa causa existat. l. *tali*, in *prin. de jur. dotium*. Et talis est terminus statutus emptori ad solvendum, vel cavendum de solvendo, quia est respectivus respectu certæ causæ scilicet traditionis rei venditæ: *Ias. ibidem num. 13.* ergo requiritur, quòd illa causa præexistat. Fraudulenter itaque & dolosè egit Lucianus, si cum ei nullum jus competere poterat ob defectum aluminum, has fecit, & alias super alias inculcavit oblationes, & simulabat, & jactitabat consignationes aluminum, quæ non habebat, ad percollandum Impetrantem, cujus res tunc inclinatur & in præcipiti constitutæ videbantur: ut sic insidiis earum protestationum & oblationum perturbatum, perculsum, & in summas angustias ductum in ipso articulo temporis suis conditionibus astringeret, & captiosa

captiosa & iniquissima transactio-  
ne laderet.

5 DOLUS namque & calumnia  
committitur, si quis vel illi contra-  
ctui insitit, & ex illo agat, quem  
ipse non adimplevit, l. cum proponas  
2. C. de pactis. vel ex nulla aut falsa  
causa adversarium inquietat. pul-  
chrè Angelus in materia transact. pra-  
alleg. consil. 94. colum. 5. Imò Actor  
qui duntaxat exceptione repelli  
potest, si persistat in lite, & contra  
adversarium judicari petat, in do-  
lo esse dicitur. Innoc. in c. praterea. de  
dilationibus. l. 1. §. hæc verba, versic.  
proinde si ob falsum creditum, &c. Ne vis  
stat ei qui in poss. miss. est. Et huc quo-  
que pertinet, quòd licet quis stipu-  
lando sine causa nihil dolo malo  
admittat, si tamen postea ex tali  
stipulatione litem contestetur, jam  
quidem dolo facere videtur, eo  
quòd perseverat ex ea stipulatione  
petere. verba sunt Vlpiani in l. 3. §. circa  
primam. De doli mali & met. exceptione.

NEQUE hic dici potest satis  
fuisse Luciano, quòd denunciave-  
rit Impetranti, se habere alumina,  
eaque verbis obtulerit, ad eum fi-  
nem ut is deinde cogeretur satis-  
dare de pretio solvendo, imò &  
illud simul cum pœna (si in aliquo  
Impetrans moram committeret)  
6 suo tempore solvere. Siquidem ad  
actionem consequendam & pœ-  
nam exigendam verbalis oblatio  
non sufficit, sed ea demum quæ sit  
re præsentis & adhibita: Bart. Bald.  
Angel. ad l. accepit. in princ. C. de u-  
furis. l. si à re. versic. sed si se subtrahat.

C. de pact. inter emp. & vendit. compos.  
Adeo quòd hoc casu etiam in iis  
rebus quæ propriè dari vel solvi  
non possint, (veluti in domo vel  
fundo) non sufficeret debitorem  
dicere in iudicio se paratum sol-  
vere & tradere ubi res est, si in veri-  
tate facultatem solvendi non ha-  
beat, atque res solutioni non sit  
proxima. pulchrè Bald. in d. l. accepit.  
colum. 2. versic. modò venio ad oppositio-  
nes. l. prator ait. §. si quis paratus. & ibi  
Bart. Angel. Paul. Castrensis. Iason. & alij  
de oper. novi nunc. l. pen. C. qui pot. in  
pig. l. statu liber l. servus si heredi. de sta-  
tutib. Et hoc illud est quod genera-  
lius Marcianus ait, in l. qui decem  
debet. §. 1. versic. Idem responsum est, in  
fine. de solut. non enim obutissimo eum  
propter absentiam intelligi potest.

ET cùm hic de pœna (uti dictū  
est) queratur, si ea committeretur  
vel sola verbali oblatione, nullam  
omnino proportionem servaret  
cum eo quòd verè interesset Lu-  
ciani, quod tamen in exigenda  
pœna, diligentissimè spectandum  
est, c. suam. de pœnis. & not. Doct. in l.  
stipulatio ista. §. alteri. de verb. obligat.  
maximè quando pœna adjecta est  
contractui emptionis, aut alij qui  
est bonæ fidei, Romanus consil. 510.  
versic. quoad primum, in princip. ut in  
proposito.

QUIBUS accedit, quod in pro-  
posito verba contractus ut in artic.  
Et promet ledict Douchy temps pour rēps.  
In verbis, Non obstant qu'il n'eusse point  
receu lesdicts aluns en tout ou en partie,  
quane toutesfoi il n'y a faulte pour la

part desdicts Grimaldes. Et paulo pōst: Quant ledict Lucian en qui pour lesdicts heretiers sera, eusse aluns à souffrance, &c. apertissimē & disertissimē requirant oblationem omninō realem, & in solam Impetrantis contumaciā nolentis recipere, ascripta sint; ita ut non tantū integrē ex parte Luciani offerri, sed etiam oblata & consignata ibidem relinqui debuerint Douchij periculo, *In eodem artic. in verb. Il s'entend qu'il demeure à son rescq.* quod sine existentia ac præsenti aluminum designatione & consignatione; & sic deficiente fundamento (quod necessariō præsupponebatur, *gloss. in l. mancipia; & ibi doct. C. de sur. & servo corrupt.* Decius *consil. 508. Consilui. & consil. 544. Viso, Ludovic. Roma singular. 489. Statutum puniens, &c.*) dici non potuit.

- 7 **DENIQUE** huc etiam pertinet, quod & si in venditione comprehendatur nihil evictionis nomine præsistitū iri, pretium tamen re evicta debeatur, propterea quod bonæ fidei contractus non patitur hanc conventionem, ut emptor rem amitteret, & pretium venditor retineret, *l. emptorem. §. qui autem. versic. ibidem, de act. empt.* quæ ratione etiam non patitur bona fides in hoc ipso contractu, ut pro verbis, id est, verbali oblatione, ingentem pecuniæ quantitatem ab Impetrante datam conservent & retineant Opponentes, & multò quidem minus, ut pænæ nomine data retineant patefacto nunc

defectu aluminum.

**PROXIMUM** nunc est, ut demonstremus etiam in prosequenda executione sententiarum quæ anno 1550. 21. Julij contra Douchium in Consilio Mechliniensī latæ erant, dolum & calumniam à Luciano esse commissam. Et certè si (quod præsupsimus) ei defuerint alumina, aut ab ipso in aliā causam translata fuerint, ante transactionem & solutionem judicari, ex transactione obtentam, manifestum videtur eum (deficientibus vel translatis aluminibus quæ in satisfactionem terminorum, de quibus in Senatu Mechliniensī est judicatum fortè deposita & consignata fuerant) callidè & per calumniam sollicitasse & postulasse dictarum sententiarum executionem, quarum causam, vim, & effectum per receptionem ac translationem aluminum ipse resolverat. Siquidem si alumina oblata & verè consignata pro terminis sententiarum (si qua talia fuerint) deinde sint per Lucianum exempta & recepta, ac in satisfactionem ejusdem contractus pro aliis terminis sequentibus per eundem conversa & destinata, ea non potuerunt prodesse Luciano in satisfactione priorum terminorum, sed ipse suo facto effecit ut præcedens oblatio & consignatio penitus denudaretur perinde ac si ea nunquam facta fuisset. *d. l. acceptam in fine. & ibi Bald. & alij, l. debitor. de usuris. l. 1. in fin. & ibi Angel. Qui pot. in pignor. habean. & Bald.*



*Bald. in l. obfignatione. C. de folutionib.* Nam ut pulchrè Baldus fcribit, in  
 8 *d. l. acceptam. col. 2.* Si debitor de facto rem femel oblata & confignatam recuperaverit, fingitur non deposuiffe, & tenetur efficaciter actione directa ut prius; addens hæc verba: *Quia altus recuperationis tollit intellectum depositionis. arg. l. sed revocata. de jure fisci.* Aded quod etiam fi in posteriore terminos prodeffe non potuerint, vel quod de illis nulla fententia lata fit; vel quia non fuerunt fufficientia pro omnibus terminis pro quibus Lucianus (ut majorem perturbationem Douchio adferret) & pretij & pœnarum folutionem poftulabat, *d. l. Iulianus. §. offerri. latè ibi Bald. & alij l. qui pendentem. de act. empt. l. ex pradiis, in fine. C. de evictionib.* vel denique ex aliis iuftis caufis quas Impetrans Opponentibus (fi ceffante tranactione ad executionem reverti velint) fuo tempore poffet objicere: nihilominus tamen prioris oblationis & cõfignationis caufa evacuata fit & irrita, ut non inconvenienter dici poffit, eveniffe Luciano in hoc articulo quod de Æfopico cane in fabulis legitur: Qui cum juxta flumen carnem, ore ferens fele acclinaffet, & carnis umbram in aqua vidiffet majorem, hifcens ut & illam apprehenderet, privatus eft etiam illa, cujus compos fuerat factus.

UNDE cum revocatio feu emptio & translatio aluminum prius fortè confignatorum priorem

caufam in quam confignata fuerant, resolverit, & extinxerit, perinde ac fi nunquam oblatio, depositioque facta fuiffet; confequens eft Lucianum iniquè perfecutum effe executionem fententiarum, quarum fundamentum vel tunc cum pronunciarentur, verè deficiebat, (ficut verifimiliter dominis iudicibus tunc non plenè constabat subeffe, ut nec in ea lite controverfum fuit) vel per aluminum translationem ante profecutam executionem penitus resolverat, & extinxerat. Nam fententie illæ præfupponebant alumina verè & realiter oblata & confignata effe. Ideoque ex juris communis præfcripto *d. l. acceptam. in fine. & ibi Bald.* & ex conventionis formulæ, non folùm propter claufulam (*rato manente pacto*) contractui infertam, verùm etiam ob alia quædam verba contractus in præfato artic. *Et promet ledit Douchy temps pour temps.* In verbis: *Quans tquesfois il n'y a faulte par lesdicts Grimaldes.* Item in verbis: *Il s'entend qu'ilz demeurent à son rescig.* id apertiffimè requirèntia, imò & in vim ipfarum fententiarum alumina femel oblata & confignata, manere & eodè loco relinqui debebant: nam dictio illa *demeurent*, (quæ expreffè in contractu eft addita) perfeverantiam, durationem & ftabilitatem fignificat. *latè Tiraq. in l. si unquam. in verbo Susceperit liberos. num. 164. C. de revocav. donat.*

ET horum quidem allegatio-

D 3 nm

nem non excludit auctoritas rei judicate in amplissimo Senatu Mechliniensis: Quia ea non obstante, Impetrans Opponentem etiam post sententias efficaciter per exceptionem non traditæ mercis ab executione earum submovere potuit, non solum quoad pretij conventi, sed etiam quoad pœnarum exactiorem. Quem articulum, cum in jure consistat & præcipuum fundamentum præsentis causæ contineat, operæ pretium putavimus hoc loco aliquanto plenius attingere & confirmare.

- 9 Et primo quantum ad pretij solutionem attinet, posse emptorem condemnatum ad solvendum pretium contra executionem sententiæ opponere exceptionem non traditæ mercis, & sic judicati executionem impedire, tenent Baldus, in *l. preparatorius. colum. 3. versic. quero condemnatus est*, & in *l. 1. colum. 2. versic. secundam in executione. C. de juris & sac. igno.* Paulus Castrensis, Salicetus, Jafon & Zazius, Fulgosius & Castrensis, in *l. si duo patroni. §. si quis juraverit. de jurejur.* Anthonius de Butrio & Imola, in *l. cum qui. §. 1. de jurejur.* eamque esse communem opinionem testatur Alexander, in *d. §. si quis juraverit. quem refert & sequitur Decius, consil. 119. pro tenui facultate mea. col. 2. versic. sed tamen.* quæ præcipue fundatur in eo, quia ista exceptio non impugnat sententiam: Ideoque more aliarum exceptionum quæ non arguunt iniquitatem senten-

tiz, etiam post sententiam in executione opponi potest. *l. Nefennius de re judic. l. & ex diverso. §. ult. solut. matr. Angel. ad l. fin. de petitione hered. & consil. 32. visis dictis dubiis.* Item in eo quod traditio rei venditæ respiciat intrinsecè obligationem contractus venditionis, & omnino procedit ex natura ejusdem: *l. cum manusata. de contrahend. empt. l. pacta conventa. de act. empt.* Ita ut venditor agens ad pretium etiam tacente & nihil objiciente emptore traditionem à se factam, ipse docere ex aliquorum refert Fulgo. *ad l. filia licet. C. de collationib.* sententia debuisset, vel certè ea exceptio tanquam interna & ex natura contractus proveniens non posset per aut post sententiam dici exclusâ, ut nec jurejurando excluditur. *d. §. si quis juraverit. & ibi Jafon.*

Accedit quòd cum actio adhuc poterat Douchio etiam post executionem sententiæ (& sic post pretij solutionem) competere ad aluminum traditionem, multò magis Ita Fulgosius. *ad d. §. si quis juraverit, arg. l. cum qui. §. final. de jurejur. l. 1. §. quod autem. de superficieb.* exceptio fuit ei cõcedenda ante executionem sententiæ & pretij solutionem. Et pro hac sententia stat responsum Ulpiani, in *d. l. si duo patroni. §. Marcellus.* cui testante Castrensi in *d. §. si quis juraverit.* non satis ab aliis nonnullis contrarium opinantibus est responsum: ita ut rectè & omnino ex bono & æquo concluderetur dominus Zazius, quòd vendi-



venditor non accepto pretio non cogatur rem tradere etiam decies milles condemnatus. Et alius ait, *Angel. Perusi. ad l. fin. de petit. heredit.* quòd etiamsi post latam sententiam sit exclusa defensio, officium tamen iudicis implorari adversus eum qui petit executionem, si hic sit in dolo.

QUIBUS sanè omnibus in presenti negotio ob id maximè locus esse debet, quod ex conventionis formula (quæ legem dat cōtractui *l. 1. §. si conveniat, Deposit.*) alumina oblata, & consignatio esse, & manere debebant, antequam Lucianus efficaciter pretium posset exigere; quodque ipsæ sententiæ de quarum executione agebatur, pro principali causa & fundamento præsupponebant non verbalem, inanem, & momentaneam, sed re ipsa factam, permansuram, & stabilem aluminum oblacionem & consignationem, eo quòd expressè continebatur in iis, quòd permetteretur Douchio ut alumina levaret, & ad se reciperet, qualia erant tempore sententiæ: quæ si non reciperet, māsura tamen essent ipsius Douchij periculo, sicut regulare est in alia quavis oblacione & depositione ob moram creditoris nolentis recipere ritè facta. *d. l. acceptam. & ibi doct.*

QUAM diu autem genus aut quantitas debetur in genere, nullum illius est periculum, quia genus interire non potest: *l. incendium. C. si cert. petat.* debet ergo id quod de-

betur, antequam illius ullum periculum formidet creditor, tēdā esse ad speciem; quod non fit nisi per realem oblacionem speciei sub eo genere comprehensæ, illiusque depositionem & consignationem. Cū itaque hæc causa permansuræ oblacionis & consignationis (in qua fundabatur & contractus & res iudicata, & denique pretii & pœnarum promissarum obligatio) per defectum aut translationem aluminum vel ab initio nulla, vel postea sublata, & extincta fuerit, meritò quoque vis iudicati concidere & evanescere debuit: nam, quando causa propter quam lata est sententiā reducitur ad non causam, repeti potest per conditionem sine causa quod solum est post sententiam; neque propterea arguetur sententiā de iniquitate, sed de causa cessante. Hæc ipsa verba sunt Jafonis *ad l. 2. num. 2. de condict. sine caus.* in summa æquitate fundata. *l. in commodato. §. ult. commodari. l. nihil de condict. sine caus. Angel. consil. 172.*

QUIBUS addi potest quod pulchrè Fulgosi *consilio 190. colu. 3.* censuit solum, in vim sententiæ diffinitivæ posse reperti ob falsitatem causæ & dolum adversarii oblegantis falsò se creditorem. Et addit, multò magis condemnatum ante solutionem se posse exceptione tueri. *l. invitus. §. cui damus. de regul. jur.* Ex quibus turdè inferri potest (ut superius factum est) quòd Impetranti adversus executionem

cutionem sententiarum exceptio dari potuerat atque debuerat.

NEQUE hic refert an tempore sententiæ defuerint alumina pro fundamento ejus necessaria, an postea deficere cœperunt in alium usum translata. Nam siue causæ quæ tempore sententiæ subest, forte justa, reducatur postea ad non causam; d. l. nihil refert. siue ab initio verè non subsit, cum id tamen ignoraretur, l. rem mihi commodasti. commodati. æquè obtinebit quod diximus: illudque generale est, hæc æquiparari c. pastoralis. de except. s. final. in fin. Qui matrim. accus. poss. exceptionem postea nasci, & casu postea in lucem venire, siue primum cognosci.

ET hætenus de impedienda executione quo ad solutionem pretii per exceptionem rei venditæ non traditæ.

PORRO idem prorsus judicium esse de impedienda etiam executione respectu exactionis pœnarum objectu ejusdem exceptionis & juri & æquitati est consentaneum, non solum quo ad eam pœnam quæ ob non solum pretium inflicta est (hoc enim satis manifestum est) verum etiam quo ad alteram pœnam quæ potius ob non præstitam satisfactionem de solvendo videtur adversus Douchium judicata: nam ea satisfactio quam ex parte Douchii fieri oportuerat, fuit præparatoria, respectiva, & accessorie subserviens reali solutioni pretii suo tempore faci-

endæ, ut eo securius Lucianus ad realem traditionem aluminum procederet, & sic destinabatur ex intentione contrahentium ad traditionem & solutionem tanquam ad fines suos principales, sine quibus tanquam sine causa nec committi eo nomine ulla pœna, nec jure considerari efficaciter potuit, ad utilitatem Luciani suorumque dominorum, quando in eo ipso coargui & detegi potest defectus aluminum, de quorum pretio debuisset esse satisfactum: cum explorati juris sit, Exceptionem quæ principali negotio potest objici, etiam præparatoriis, accessoriis, seu adjunctis obstat. l. fin. C. de non numerat. pecunia. l. si duo patroni, §. eum qui de jurejur. Cynus & Bald. in l. bona fidei in princip. C. de rebus creditis. Et quoties unum sit alterius contemplatione, si illud cujus contemplatione faciendum est cesset, cessat quoque reliquum quod ejus contemplatione faciendum erat. Bald. consil. 328. lib. 3. Nam cum principalis causa non subsistit, nec illa quæ illi adjuncta sunt, aut ad illa sunt præparatoria, & respectiva, stare possunt, tum ob naturam accessionis, l. cum principalis. de regul. juris. tum propter correlativorum seu respectivorum regulam, quorum alterum sine altero non consistit. Quibus & illud vicinum est perpetuum esse in omni dispositione, Quod cessante sine cessare debeat effectus, & omnia ad illum tendentia, c. cum cessante. de appell. l. si ad

II

si ad

si ad resolvendam: & ibi Bald. C. de prædiis, & aliis rebus minorum. & paria esse, non esse causam, vel eam finitam esse. l. nihil refert. de condic. sine causa. l. in commodato. §. final. Commodati.

Quod in hac ipsa pœnarum materia procedere (videlicet ut sublato fundamento pœnarum cessent & pœnæ, etiam antè commissæ, quasi postmodum ex defectu causæ resolvantur) pulchrè illo Ulpiani in l. non exigim. Si quis cautionibus. responso ostenditur, quo ait: Non exigimus reum iudicio sisti si negotium propter quod iudicio sisti promiserit, fuerit transactum. Et paulò post: Quis enim de pœna promissa labores post negotium transactum? Et rursus eodem loco: Quasi & de pœna transactum sit, nisi contrarium specialiter partibus placuerit. Quo loco doctores Paulus Castr. & Ias. hoc obtinere arbitrantur, non tantum in pœna merè accessoria, verum etiam quæ per se tanquam principaliter promissa posset exigi, & non solum si super sorte aut principali transactum sit, verum si absolutoria sententia lata sit: arg. l. si quis cum totum. §. si ancilla. de except. rei jud. sicut in casu proposito quo ad pretii solutionem (quæ hîc principaliter fuit in intentione contrahentium) in effectu pronunciari debuisset in materia executionis, (si cessante transactione) Lucianus instituisse urgere executionem, & contrà, se opponere Douchius. Comperto enim aluminum defectu qui nunc detectus

est, decerni debuisset malè ad executionem fuisse processum, & per consequens nec pœna censeretur cum effectu commissæ, ob non præstitam satisfactionem conventam, quæ subserviebat ad maiorem securitatem venditoris de solutione suo tempore consequenda.

Et cum in proposito negotio necessitas solvendi pretii, & cautionis præstandæ, eandem prorsus habuerint causam, quam pœnarum appositio, & ipsarum quoque pœnarum promissio; certè sicut pretii solvendi necessitas non aliter Douchium astrinxit, quàm ad impleto contractu, saltem per stabilem, & perseverantem aluminum oblationem, & consignationem, vel effectualem traditionem eorundem: sic quoque ratio non est cur Douchius ob depositionem aluminum ab initio non ritè factâ, vel postea resolutam, non æquè à pœnarum præstatione liberari & immunis esse debeat, sicut liberatur à necessitate solvendi pretii: Attento quod ex formula contractus appareat, pœnas esse incontinenti appositæ ad respectum causæ successivæ, id est, permanentis oblationis aluminum, & sic respectu continui & perseverantis interesse, quod ad Lucianum ex permanente depositione aluminum redundaret. Quare ex simili æquitate in contrarium versa & resoluta per translationem aluminum, depositione illorum & consignatione, pœna quoque solvi &

E extin-

extingui debuit, vel saltem exactio ejus impediri. Sunt Dynus quem sequitur Ioan. Andreas in tit. de obligat. & solut. §. ante omnia in additione ad speculat. qua incipit. Non debuisset omittere. &c. & Ludovic. Roma. consil. 510. versic. Venio ad membrum secundum; scilicet cum adjicitur pœna facti, &c. autem qui ex summa æquitate definiunt malè adjici (maximè incontinenti) pœnam obligationibus facti venientis consecutivè ad dationem quantitatis, quæ non potuisset recta via ipsi dationi adjici, cum totum hoc factum cum adjectione pœnæ non fiat nisi propter dationem quantitatis: & alioqui magna aperta esset via forneratoribus qui facile stipularentur aliquod factum quod præparatoriè administraretur, ad securitatem consequendæ solutionis (veluti fidejussorè dari vel pignora) si illi facto quantumcunque magnam pœnā apponere possent in fraudem usurarum. Sicut ergo æquitas suadet in stipulanda pœna, illud factum tendens, & subserviens ad dationem pecuniæ, nō haberi pro penitus diverso & differente ab ipsa datione pecuniæ, sic quoque & multò minus in committenda pœna debet haberi diversum, ad cuius evitacionē sequi convenit & amplecti benigniorem interpretationem. Iam Fulgos. consil. 7. col. 4. in fine. & consil. 58. col. 4.

Næ c prædictis adversatur quod contrahentes toties quoties contra pacta conventa fieret, rato ma-

nente pacto pœnas præstari voluerint. Nam hoc cum effectu accipiendum est, si scilicet causa & id ipsum, ob quod & ad cuius respectum pœnæ promissæ essent, non cessaret, neque ex aliqua parte penitus deficeret. Et ipsa clausula **rato manente pacto**, hic subiecta natura sua requirit ad pœnæ commissionem quod principalis obligationis executio ex parte ejus, cui pœnæ applicandæ essent, non deficiat. Id quod etiam verbis expressioribus in proposito negotio inter contrahentes actum videtur, quia præfata pœnæ promissæ leguntur à Douchio duntaxat sub condicione (seu quod vim conditionis habet *pulchrè Alexand. consil. 119. lib. 1.*) sub modo quem apparet contrahentes omnino adimplere voluisse, si scilicet realis fieret aluminum traditio, aut saltem non recipiente ea Douchio, stabilis, & perseverans eorundem oblatio, & consignatio. Ita quod in nulla unquam mora Lucianus existeret, his scilicet verbis: *Quant routessoi n'y aye saulte pour la part desdicts Grimaldes ou d'icelluy qui pour eulx sera pour les delivrer. In instrumento contractus. versic. Es promes ledict Douchy, &c.* Quæ quidem verba, ut pari ratione omnes pretii & pœnarum respiciunt promissiones, sic quoque in omnibus æqualiter operari debet. jux. nos. Bald. consil. 112. col. 5. versic. præterea. parte 3. l. jam hoc jure. de vulgar. & pupil. l. quamvis. C. de impub. & aliis subst. Quod in proposito eo est proba-

probabilius, ubi plurima sunt argumenta, quibus evidenter convinci videtur, contrahentes ad pœnarum hic promissarum commissionem & exactionem faciendam præsupposuisse perfectam, & stabilem, perseverantemque contractus adimpletionem ex parte illius ad cuius utilitatem pœnæ cederent. Quod sanè præsuppositum permanentis perfectæque adimpletionis contractus cum in Luciano verificatum non fuerit, certè dispositum quoque super pœnarum exactione ad utilitatē ejus locum habere non potuit, argumento ducto à defectu ejus quod præsupponitur. *d. l. mancipi. & ibi gloss. C. de servis fugit. latè Decius consil. 644.*

HIS adde (quod est detestabilis) hunc eundem dolum & contumaciam, quam dicitur Lucianus agendo struxisse sive petendo (ut scilicet in universum contractus etiam pro futuris terminis declararetur executorialis) in transigendo quoque continuasse atque urgere perstitisse videtur, constanter affirmando adesse sibi sufficientiam aluminum pro adimpletione totius contractus, quæ res Douchium (cui tunc utporè in multarum necessitatum peristasi constituto, & cui tunc omnia inimica infestæque eveniebant) maturè singula prospicere ac deliberare & consulere, non permisit, sed succumbere & cedere coëgit tantis asseverationibus Luciani, cujus fidem tantopere prædicant

Opponentēs; nec mirum, siquidem viro exercitato, vigilantī, & rerum omnium securo, & quantumlibet subitis parato, caliginem ac opertionem offundere potuisset, in præsentia Reg. Ma. tam pertinax assertio ejus viri, qui verax, probus, & integer vulgò reputabatur, & adhuc in hac lite passim talis ab Opponentibus commendatur.

QUAMVIS ergo Douchius tempore ineundæ transactionis verè cogitasset de defectu aluminum, & quodammodo super illo se firmiter fundasset; tamen tam pertinaci ac constanti affirmatione Luciani in contrarium mutari potuisset, tum propter consilii & deliberationis (in tanta periculorum & casuum acerbitate) insinuatatem, tum etiam quia tam constanti affirmatione viri boni (ut putabatur) apud Regialem Majestatem (ubi omnia bona fide fieri existimantur) contumaciter resistere, & sibi persuaderi non permittere morosum videri poterat; ita ut vel ex eo solo satis evidenter videatur apparere quòd per dolum ex proposito à Luciano ad hoc adhibitum, Douchius per Lucianum circumventus; laqueis hujus captiosæ & iniquissimæ transactionis involutus & constrictus fuerit, cui neutiquam expedivisset (cessante fraude) datis tam multis milibus transactioni consentire, & à contractu recedere, ex quo propter defectum aluminum nihil

ab eo efficaciter exigī poterat, & ne quidem res iudicata executioni mandari; quin adhuc liberè potuisset Douchius ex empto condemnatus exceptionem non traditæ mercis (uti dictum est superius) objicere, & ipsam executionem impedire.

Ad hanc autem doli per Lucianum in transigendo commissi maculam eluendam, minuendamve considerari ac Douchio imputari non potest ad culpam, quod sua credulitate in errorem prolapsus sit; nam resistere affirmationi (uti dictum est) Luciani admodum pertinaci & constanti utique morosum fuisset. Et regulariter qui bono & fide digno viro (qualis habebatur Lucianus) credit, excusatur. *doct. in l. si quis affirmaverit, de dolo l. Titio fundus de evict. l. as. ad l. i. colum. 2. versic. 2. limita de eo per quem fact. erit quo:* Præterea credulitas magis est error quam culpa, & quidem in optimi cuiusque mentem facillimè irrepit. *Cicero lib. 10. epistolar. familiarium.* Et quamvis aliquando de jure imputetur ad culpam nimia credulitas, hoc tamen non sic procedit, neque tam perpetuò verum est ut ad culpam id possit alii imputare is qui ipse sua nuntiatione aut assertionem illius credulitatis causam & occasionem præbuit. *l. i. de eo per quem fact. est, quo minus: & l. as. in princip. versic. limita istam regulam procedere.*

Adde quòd etiam si aliqua adhuc culpa credulitatis nimie in

Douchio posset coargui, ea tamen non foret cōsiderabilis, propterea quòd Lucianus fuerit in dolo, qui culpæ præponderat. *l. item si obstricta. in fine. ad leg. Aquil.* Denique (ne in hac ipsa specie sine lege aut majorum auctoritate loqui videamur) occurrit in primis Curtius senior qui scribit, *consil. 37. super contingentia. col. 2.* ob mendacem affirmationem posse transactionem etiam juratam rescindi. At enim juramentum super transactione servandum esse, nisi aliqua mendacia fuissent prolata ab adversario dolo ad hoc inducente, &c. Et ad hoc optimè facit elegans glossæ traditio in *l. item si pretij in fine, locati.* adducta per Curtiū in hæc verba, Nisi dicat aliquid propter quod eum ad vendendum tali vel tanto pretio induxit, ut quia dicebat & affirmabat eum non esse majoris pretii, &c.

Adde quòd dubitatio eorum 14 qui mente titubante & ancipiti animo quid faciunt, pro errore & ignorantia habetur, *l. ult. C. de condict. indeb.* præsertim hic ubi ignorantia impetrantis processit ex dolo, arte, vel facto adversarii, qui hujus ignorantie tenebras atque caliginem oculis animoque ipsius ignorantis offuderit; id est, ita negotium texit, ita callidè struxit, eo artificio composuit, ut omninò nō posset vel vix posset venire in notitiam illius, tunc enim illi subvenitur. verba sunt Andreæ Tiraquelli in suis elegantissimis Commentariis super



Super jure retractus, §. 35. in gloss. 4. ad verb. ignorans. num. 19. allegantis ad hoc responsum jurisconsulti Ulpiani in ipsa materia transactionis, quo ait: in l. qui cum tutoribus. §. qui per fallaciam de transactionib. Qui per fallaciam alterius ignorans universa qua in vero erant transigit, non tam paciscitur quàm decipitur. Ac similiter illud quod ubi quis expressa conventionem suscipit in se periculum casus fortuiti, semper tamen intelligatur exceptus ille casus, qui contingit adversarii dolo l. qui officii. §. ult. de contrahend. empt. vel culpa ex præcipiti (ut lex ait l. cum proponas. in fi. C. de nautic. senore.) avaritia ejus & incivili audacia.

SIMILLIMUM his est quod pulchrè scripsit quodam loco ad l. quasitum. in gloss. rectè actum, in fine. quand. act. de pecul. est annulus. Accursius, respondens ad illud quod mirum ibi videri poterat; Causa per sententiam terminata, cum qui repulsus fuit, & à causa cecidit, iterum audiri posse comperto errore: dicit enim hoc in causa fuisse cur adhuc allegare possit errorem, quod errasset ibi in eo quod adversario crediderat. Quo loco Doctores Bald. & Fulgos. dicunt semper errorem proprium, in quem quis fuit inductus facto adversarii, corrigi, etiam post sententiam ope restitutionis in integrum, & illum esse velut acerrimu live probatissimum errorem.

CONVINCUNT ergo satis præmissa, quod non debeat per

Impetrantem hoc casu videri transactum etiam super illo ipso (fortè cogitato & præmeditato) defectu aluminum. Efficit enim constans Luciani assertio & audacissimæ ejus, atque planè inciviles (ut dicitur) oblationes aliæ super aliis, ut tempore illius transactionis non debeat videri aut censeri dubitasse Impetrantem, num Lucianus haberet sufficientia alumina, sed potius hoc omninò firmiter sibi persuasum habuisse, & Luciano credidisse, à quo percussus minacissimis protestationibus, oblationibus, bonorum ejus pro executione judicati subhastationibus, aliisque fortunæ incommodis afflictus, ad transigendum est inductus; ob quem sanè dolum & calumniam à Luciano commissam etiam nullà læsio in transactione inveniretur, ipsam tamen transactionem corrumpere, ac nullius momenti esse, aut saltem restitutione aut officio judicis rescindi debere aperti juris est. l. actione. l. sub pretextu 2. l. si ex falsis. C. de transact. Angel. consil. 94. cum aliis similib. sup. relatis. Unde pulchrè Cumanus annotavit consil. 156. cum mysterio dictum esse, d. l. sub pretextu 2. Transactionem bona fide factam non rescindi, quasi (ut ipse inquit) ubi dolus arguitur, meritò rescindatur. Addens id quod lex scilicet d. l. sub pretextu. de transactione subtractis instrumentis expressit, Id factum esse velut exempli causa & ad significandum dolum qui ibidem ita ex facto in-

E 3 ciderat,

ciderat, idem tamen juris esse si dolus alio quolibet modo arguatur. Non est ergo quod quis hic urgeat auctoritatem transactionis quæ sub prætextu instrumenti potest reperti non retractatur. *l. sub prætextu. C. de transact.* ut nec res iudicata sub specie novorum instrumentorum potest reperiuntur. *l. sub specie. C. de re iudic.* Nam hæc recipiunt aliquas limitationes: primò quidem illam, si transactio bona fide sit inita: *d. l. sub prætextu.* & si is qui sententiam obtinuit, nihil per dolum sciens falsò allegaverit, & eo modo illam sit consecutus. *l. si prator. §. Marcellus. de iudic. gloss. ad l. habebas super verbo Consumpta. in fine. de instit. act.* Et secundò, nisi fuerit erratum acerrimò & iustissimo errore, aut eo in quem inductus est quis ex facto adversarii, *d. l. quesitum & ibi Bald. & latius Fulgos.* quem quidem errorem propriū ex facto adversarii bene Baldus *ad d. l. quesitum. in princ. versic. sed adverte, &c.* comparavit, & æquè iustum & probabilem haberi censet, atque communem omnium errorem: & addit, quod utriusq; generis error adferat remedium etiam post diffinitivam sententiā. Ac in id ipsum consentit Fulgosius, *ad d. l. quesitum.* nihil dubitans quin ex tali errore qui contingit ex facto vel assertionē adversarii, æquè ut alio quolibet iustissimo & acerrimo succurrendum sit erranti, etiam post rem iudicatam, & transactionem. Sed inquit ibidem, *sub num. 5. versic.*

*sed aliquando ille error facti iustus, non est acerrimus, neque descendit ex facto Rei, &c.* An idem dici debeat, aut possit de errore aliàs quidem iusto, sed non acerrimo, neque causato ex adversarii assertionē, vel facto: An scilicet & talis error mereatur in integrū restitutionem post sententiam vel transactionem. Et adductis aliquot legibus & rationibus, ex quibus dicit durum videri restringere leges *d. l. sub prætextu. C. de transact. & d. l. sub specie. C. de re iudic.* quæ robustant transactioni & rei iudicatæ adversus instrumenta de novo reperta, ad non errantes, vel non probabiliter errantes: adjecit tamen quod cum ex facto questio incidisset in eo qui in jus alterius successerat (nulla iustioris erroris mentione habita) qui instrumento solutionis post rem iudicatam reperto voluit impedire executionem sententiæ per viam restitutionis ex clausula generali, Si qua mihi iusta causa, &c. *l. 1. in fine. ex quib. caus. major. in integ.* Ipso contrarium sustinente, ob auctoritatem rei iudicatæ, quod non fuerit auditus, sed contrā (videlicet pro restitutione in integrum) ex consilio magni & clarissimi juris utriusque doctoris iudicatum. Neque de sententiā illa contra suas allegationes lata, cōqueritur; imò illam commendat: Fuit, inquit, humanior illa sententia & veritati atque æquitati propinquior. Certè si hoc sit æquitati consonum, in alia qualibet causa tam vulgariter  
iusta,



justa, nemo (ut opinamur) ex iure negaverit, id quod tradunt passim omnes, multò magis sic esse dicendum, in eo errore cujus causam dedit firma atque constans adversarii asseveratio. hic enim quia Lucianus (quod virum bonum oportebat facere) id loquebatur (videlicet quòd nò absque re ex sua parte debita & quam paratissimam haberet ad extrema & inimicissima jura executionis voluisset decurrere) Douchius ei credidit, atque ita illis ipsis quibus pene vellet Lucianus conditionibus in ipso articulo temporis est astrictus ad satisfactionem. Meritò ergo nunc (errore comperto, & falsitate illius quod tam còstanter affirmabatur) venit illa rescindenda. Neque nimiam credulitatem Opponentes imputant in hac lite Impetranti; imò indignè ferunt, quòd vel nunc audeat in dubium vocare quæ Lucianus asseveraverat, ejusve mendacium detegere: Non sunt ergo hac via juvandi, quasi temerè crediderit Impetrans, & diligentius antequam transigeret inquirere debuerit, cum ipsimet etiam nunc allegent & sustineant Luciano (uti optimo viro) credi debuisse.

SED nec videmus quo modo Impetrans (etiàsi tranquilliore mente & animo fuisset, & rebus tunc magis secundis) facillè potuisset investigando deprehendere quantum aluminum tunc vel erat vel deerat Luciano: Nullum enim penes se habebat documentum ex

quo id liquidè potuisset cognoscere. Alios autem compellere ad conditionem erat intempestivù; præsertim cum ipsemet debuisset super defectu aluminum prius allegare, certum quid & definitum, quod ei prorsus tunc fuit impossibile.

CUM ergo in cognitione & æstimatione sit prætoris, & maximè Principis, *l. & Attilicinus, in verb. Quorum mihi postulatio, cum non iniqua visa sit succurrendum his putavi. de servit. rust. prædior.* supina an probabilis sit ignorantia, ex qua restitutionem concedat, & inter insolentiam curiosam, & diligentiam non ambitiosam, multù interesse dixit Ulpianus; *in l. si bona de usuris.* & Labeo, *in l. regula. vers. sed facti ignor. de jur. & fact. ignor.* scientiam neque curiosissimam, neque negligentissimam hominis esse accipiendam, ita ut in damno vitando facti ignorantia cuique non noceat, si non ei summa negligentia objiciatur, quæ (uti dictum est) hic nulla objicitur Impetranti, ut certè nec posset comperta falsitate ejus quod asseruit Lucianus, qui proprii facti ignorantiam habere justam non potuit, & sic dolus ejus in asserendo quod falsum erat culpæ Impetrantis (si qua fuerit) præponderatur in credendo, *l. item si obstetrix, in fine. ad leg. Aquil.* nec credulitatem nimiam potest alii imputare ad culpam is ipse qui eum in credulitatem sua assertione induxit, *l. as. ad l. i. in princip. versic. limita istam regulam non procedere, &c.* De eo per quem

quem fact. nulla profectò videtur ratio cur Impetranti (omnibus facti circumstantiis hic rectè expensis) non subveniatur saltem remedio restitutionis in integrū, quod nec necessarium ei esset ex domini Uldarici Zazii sententia, ad l. Divus Adrianus, de re judic. & in intellectu singular. in capite cujus inscriptio est, Sententias transactionesve ac falsis instrumentis datas sine in integrum restitutione retractari. qui docuit sententias & transactiones ex falsis instrumentis (quod idem indubiè dixisset ex falsis allegationibus) ipso jure esse nullas, & restitutorio beneficio non indigere.

37 SED & gravissimæ læsionis ratione, causa Douchii hic meritò judanda est, quæ & ipsa doli speciem, quam vocamus dolū re ipsa in se habet: l. si quis cum aliter, & ibi doct. de verb. obligat. l. si superstiti. versic. Sanè si immodicè laesa es. C. de doli mal. & met. except. siquidem constat à Douchio multa milia data esse, tam pro remissione prosecutionis judiciariæ in materia executionis, quam aliàs à Luciano per calumniam ei motæ tam iniquè, ut ipsemet Luciano ob defectum aluminum pœnas sustinere dignus fuisset, tantum abest ut illius quantitatis quam Luciano Douchio in vim dictæ transactionis abstulit, ulla sit proportio justa cum dubio litis eventu ex parte Luciani per dictam transactionem Douchio remisso; cujusmodi tamen æqualitatem transactio (ut justa sit)

requirit. Calderinus consil. 3. sub tit. de transact. Philip. Dec. qui multos citat. consil. 216. visa transactione. Pulchrè dominus præses Mauricius de restit. in integrum. c. 210. facit. l. de fideicommissis. & ibi doct. C. de transact. Quæ tamen hic injustè recidit in captionem solius Douchii non solum in maxima quantitate, sed in toto læsi, utpotè qui multa milia dedit ex sua parte, & ex remisso vicissim dubio eventu litis plus incommodi quam commodi est assecutus. Et contrà Luciano pro Opponentibus tantum commodi (quod per additionales articulos putamus deductū iri) ut meritò cupiditas ejus satiari potuisset, ac debuisset, etiamsi ad odiosas illas pœnas non tantoperè inhiasset, ut spe lucri obcæcatus non videret suas oblationes in sequentes terminos post rem in Senatu Mechliniensis judicatum tendere omnino in denudationem & retractionem suarum oblationum pro terminis sententiarum pœnaliū, si quas fortè prius justè ac rectè fecisset: derogant enim posteriora prioribus, maxime in præjudicium ejus qui sic sua consilia in re quæ sui erat arbitrii constituit, cum posset illa in priorem causam relinquere (si modò prius erant deposita) ita ut cum Luciano tertio mox die post sententias illas Mechlinienses (quarum duæ sunt pœnales) novum pro quatuor terminis processum inchoaverit, & septimo post die, nempe ultima Junii anno 1550. alumina pro illis quatuor

quatuor terminis designare nifus fit, antequam ullum initium faceret petendæ executionis prædictarum sententiarum, imò & pro alio quinto termino similem oblationem Binchii fecerit, & consignationem promiserit, (quam & factam esse dicit) vixdum cœpta executione & inchoata (certè adhuc suspensa ejus prosecutione) ac denique cùm jam compertum sit eum non habuisse alumina, secundum conventionem & formam contractus traditioni apta & congruentia; quæ sufficere possent in solutionem ex sua parte pro quinque illis terminis postremò oblati, imò vix pro uno termino sententiarum Mechliniensium non pœnali (ut in scripturis domini Impetrantis deductum est) relinqui posse videtur velut satis deductum, quòd pœnas illas duas & reliqua omnia ex causa transactionis per Douchium data (excepta tantùm portiuncula quadam pretii aluminum ante traditorũ (injustè sit consecutus, & injustiùs adhuc Opponentes (veritate nunc comperta) retinere contendant.

NEQUE hic in considerationem venire debet, quòd tempore transactionis (propter ademptum Douchio Cælateum privilegium super aluminum commercio) utile videri poterat Douchio à contractu cum Luciano (intuitu privilegii prædicti) inito recedere, ne scilicet cogeretur alumina alia super alia recipere, pretiumque sol-

vere, quæ tamen non potuisset distrahere.

NAM hæc alumina Douchio per Lucianum, consentiente Principe, vendita non erant illi edicto prohibitorio subjecta. Et ut fortassis aliquo modo per indirectum hæc adimpletio contractus verge-re potuisset in dispendiũ Douchii, non tamen ob id mereretur dici transactio (qua ab eo contractu est recessum) utilis Douchio, & nullam continere læsionem, habito respectu ad causam & personam Luciani venditoris; id enim quod tam extrinsecum est & remotum ab iis quæ inter Douchium & Lucianum contracta erant, & quod alios (videlicet Principem Douchiumque duntaxat) respiciebat, nõ debet ad compendium Luciani, & in detrimentum Douchii opponi, neque in eo audiendi essent adversarii, non magis certè quàm si (quod non est permixtum *Bart. in l. 2. de except. rei judic. Cast. in l. si servum. C. de servis fugitivis Angel. in l. loci corpus si servitus vendicetur.*) de jure tertii opponerent, & præterea in æstimanda læsione ob quã contractus rescinditur, debet ælimatio rei de quã agitur per se spectari secundum usum & utilitatem promiscuam, & non ex affectione aut commodo unius vel alterius, *arg. l. pretia rerum. ad leg. Falcid. doct. in l. 2. C. de transact.* multò minus ergo spectabitur eventus hujusmodi extrinsecæ considerationis fortuiti damni, aut lucri, con-

sistentis omnino extra rem ad persuadendum nullam esse lationem quæ alioqui ex internis principiis & ex ipsa re elucescit, ut rudi exemplo, sed quod ad juris rationem attinet simillimo, facile cognosci potest; Si videlicet venditor se excuset à denegata traditione mercium venditarum, eo quod sciebat emptorem illas destinasse vendere alicui mercatori fide de pretio habita, qui paulò post vertit solum, & quod sic subisset emptor dispedium: Aut si quis se excuset ab homicidio, eo quod is quæ interemit suapte natura erat brevi moriturus, aut certe in summa egestate & afflictione victurus, ut (quod apud Senecam est) dicere potuisset, morte pœnam graviorem esse vitam, cum cupias mori.

Denique si attendamus quid tunc verè expediverit Douchio, inveniemus (etiam non recedentes ad tam externa) quod utilius fuisset Douchio stare contractui quam ab eo discedere, aut saltem constanter simulare quod contractui stare vellet, & cum Cretenfi cretisare, sicut & Lucianus simulabat; quod admodum ægrè & suo dispendio pateretur Douchium à contractu recedere; id quod tamen ipsimet maximè fuerat optandum, attento defectu aluminium (ob quæ ipse in pœnas incidere dignissimus erat) aliisque commoditatibus plurimis quas inde dicitur consecutus: & inter cætera quoque ob illam commoditatē quod

alumina de Cartagena & humen-tia distraxerit, preciumque receperit, cum ea nec vendere ulli alii, neque ipsi Douchio secundum leges contractus tradere potuisset, nec deducto quidem eo quanti minoris erant pretii: nam quando in contractu conventum est de mercibus certæ qualitatibus & bonitatis, non possunt simpliciter ullæ aliæ quam quales sunt in conventionem tradi in adimplerionem contractus; & traditis aliis, non quanti minoris actio, sed omnino redhibitoria habet locum. Bald. ad l. si pradium. col. 3. versic. Deinde videmus quando dictum vel promissum circa qualitatem vel bonitatem rei non servatur, &c. C. de adit. act.

RES TA T nunc postremo loco excutere an circumstantiarum in hac transactione concurrentium ratio (qua plerumque facti qualitas ac juris dispositio mutari solet, l. si ex plagis. §. ex chyro; Ad leg. Aquil. l. quidam referunt. de jure codicillorum.) huic transactioni per se non subsistenti eam firmitatem adjiciat, ut ex causis & remediis, de quibus supra dictum est, neque nulla declarari, neque rescindi possit.

ET breviter diligenter ponderatis & inter se collatis singulis, nihil inveniri putamus tam efficacem, ac nec omnia quidem simul collata tam esse efficacia, ut declarationem nullitatis prædictæ transactionis, aut rescissionem ejusdem excludere possint.

ET primò (ut singula per ordinem

nem attingamus) non potest hic considerari quòd in Reg. Majest. presentia transactio hæc cõcepta, tractata, & conclusa sit. Nam licet in Principis ac ludicum presentia præsumatur dolus & maligna caliditas cessare, omniaque sincerè & bona fide acta esse: *secundum Bar. in l. frater à fratre. versic. Tertio quæro, de condict. indeb. Bald. Salic. Castrensis. & alii in l. pacta novissima. C. de pact. Bald. in c. 1. qui feud. dare poss. arg. l. humanum. C. de legib. l. omnium. C. de testamen.* ubi tamen postea veritas aliter elucescit, eaque hic inspecta apparere dicatur Lucianum reclusis pudoris & verecundiæ claustris mendaci assertionem in presentia Reg. Ma. Douchiũ circumvenisse, cessare debet ea præsumptio, & cedere veritati, quæ quavis præsumptione est potentior: adeò quòd Principis (in quo semper fidei & veritatis amor relucere dignoscitur) presentia vel auctoritas, quæ per iniquam obreptionem & callidò mendaciò (cui à diis immortalibus pœna, quæ perjurio, est statuta *Plato in 2. De republica. & Cicero in oratione pro Quinto Roscio Cõmodo, sub finem.*) circumventa fuit, nihil urgere debeat. *c. faciat. 12. quest. 3. Bald. consil. 557. colum. penult. parte 1.* Ut enim iussisse Princeps nõ intelligitur quod iussit circumventus: *c. si quando. de rescrip. Doctor. in c. cum olim. de re iudicata.* ita nec auctoritatem tribuisse illi quod ex alicujus circumventionem in presentia ejus actum est; sicut etiam

sæpè contingit in iis quæ potissimè concernunt ipsum Principem inverecunda petentium inhiatione non concedenda tribui. *l. 1. C. de petit. bonorum sublat.* Nec mirum si ad aliqua non advertat, cum tot tantisque negotiis distractus sit, ut liberè respirare non possit, cumque tam multi ejus occupationem observent tempusque aucupentur iniqua impetrandi. *Cicero in oratione pro Roscio, Philip. Cornelius consil. 136. littera C.*

SECUNDO nihil ob stare potest hujus transactionis retractationi, quòd per voluntariam condemnationem partium ultrò citroque firmata sit: nam condemnatio quæ fit per modum voluntariæ jurisdictionis non operatur, nisi circa executionem, ut ea sit parata, ut videmus in instrumentum guarantiato & confessione judiciali, quæ habent paratam executionem quam non habet simplex instrumentum vel confessio extrajudicialis. *Cynus & Bartol. in l. unica. C. de confessu. l. error. C. de juris & fact. ignorant.* nihil autem adiciunt ad obligationem. Quò fit ut omnes exceptiones quæ opponuntur contra principalem contractum, opponi quoque possunt contra hanc voluntariam condemnationem, & corrueute principali actu corruit quoque condemnatio subsequuta. *Cynus & Bald. in l. in contrahib. in princ. C. de non numerat. pecu. l. ad l. legitima. num. 5. de pactis.* Postremò promissio de observanda transactione, renun-

ciatioque exceptionum, executio & adimpletio transactionis annulationem ejus seu retractationem impedire nequeunt, utpote cum omnia hæc ex eodem errore & infidiis falsarum allegationum Luciani processerint. Ideoque annullata vel rescissa transactione etiam hæc omnia in consequentiam ejus insecuta debent corruiere, tum ratione accessionis, l. cum principalis. & ibi doct. de regul. juris. l. 3. §. scio. ibi inspecto initio. de minor. pulchrè Castr. in l. 1. C. si major. fact. tum ratione falsæ causæ, & continuati erroris; Alexan. consil. 42. super præmisso, col. 3. num. 12. lib. 1. Angel. d. cons. 94. & cons. 200. incipien. in civitate Lucana, pulchrè & latissimè Philip. Decius cons. 60. incip. visothemate. tum denique ex generali illa regula qua receptum est, Nulla cautela compromisso, vel transactioni adjecta effici posse, ut videatur rescissio ejus ex reductione ob dolum, vel enormissimam læsionem remissa & exclusa, latè & pulchrè Philip. Decius, consil. præcitato. & Bald. consil. 380. lib. 1. nisi postea patefacto & derelicto errore liberata & spontanea voluntate in vim novi pacti, seu contractus fiat doli vel læsionis remissio, Angel. d. consilio 94. colum. 7. versic. restat igitur videre. doct. in l. 2. C. contra utriusque iudicij, arg. e. scienti. de regul. juris, in 6. l. eum donationis. C. de transact. quod non est in proposito, ubi omnia quæ insecuta sunt dictam transactionem in modum accessionis subiecta fuerunt, & ex eadem

fraude, & errore fundamentum, & causam habuerunt, ex quo ipsa transactio.

RELINQUITUR ergo ex præmissis utcumque deductum dominum Gasparem Douchium ex jure bono & æquo in hac causa, vel nullitatis vel rescissionis vel integrum restitutionis beneficio adversus transactionem, de qua agitur, esse juvandum, aliorum quorumcumque meliore iudicio semper salvo.

## CONSILIUM III.

## SUMMARIUM.

1. Alienatio à minore facta de re immobili sine decreto est nulla, quod obtinet etiam in renuntiatione, & cessione qua delata erat.
2. Simonia committitur, si quis donum recipiat, ut donanti beneficium procuret.
3. Donatio revocatur, si donator conditiones appositæ non impleat.
4. Minoribus succurritur in omnibus in quibus dolo adversarii vel facilitate atatis sua læsi sunt.
5. Dolus & læsio quomodo probentur.
6. Principali dispositione corrumpente, corrumpit adjectio iuramenti, & omnes alia clausula accessoria.
7. Authentica, Sacramenta puberum, Cod. si adversus venditionem, declarata; & quoddam iusjurandum non confirmet contractum invalidum.
8. Iuramentum licet minorem majorem faciat,



*faciat, non tamen facit sagacem & providum.*

9. *Absolutio à juramento quomodo peti & obtineri debeat, ad cautelam, ut vocant, & ut agere liceat.*

**V**IS A renunciatione seu cessione, qua Generosus & Illustris Dominus Thimannus Comes in A. & B. Anno 44. minoris 25. annis existens, appositis clausulis ex certa scientia, non vi, non metu, non dolo adversarii, sed animo deliberato; primumque perpenso, & excusso negotio, juri suo in præfatis Comitibus aliisque bonis paternis & maternis (exceptis ac reservatis paucis) cum juramento cessit, & renunciavit; diligenter ponderatis omnibus quæ in facto proponuntur; Consulti ex parte præfati domini Thimanni pro annullatione seu retractatione ejusdem renunciationis, respicientes ad animæ discrimen, quatenus de juramento agitur, ac opinionum in hac materia diversitatem & perplexitatem, arduam sanè & periculosam præsentem quæstionem judicavimus: non tamen putamus officium nostrum in asserenda veritate & justitia (cui omnia debent concedere) deferendum esse; sed confisi præsidio Dei Opt. Max. cui nihil est impossibile, & qui sæpè in infirmis suam exercet potentiam, magnum laborem præsentis negotii nobis imponi passi sumus.

**I**N cujus tractatione ut distin-

ctius, solidius & plenius procedatur, commodum visum fuit sequentia dubia, ad quæ omnia, quæ ad præsentis negotii decisionem pertinent, referri posse videntur, examinare, ac pro tenui ingenio nostro discutere atque resolvere.

**P**RIMO, an ea cessio ac renunciatio per se spectata, seposita scilicet juramenti consideratione, remedio nullitatis vel restitutionis in integrum, aliòve legitimo modo attentari possit.

**S**ECONDÒ si sic, an juramenti aliarumque cautelarum huic contractui subjectarum accessio cessionem ac renunciationem in se nullam, vel rescissioni obnoxiam, reddiderit efficacem & irretractabilem; ita quòd D. Thimannus præfatam cessionem, seu renunciationem inviolabiliter observare debeat propter juramentum adjectum.

**Q**UANTUM ad prioris dubii resolutionem attinet, plurimæ sunt causæ, ex quibus cessio renunciatioque per se considerata, absque juramenti accessione corrumpere, ac nullitati seu rescissioni ac retractationi subjacere debeat. Si quidem primò cum in hac renunciatione ac cessione de bonis immobilibus, iisque maximi valoris & æstimationis alienandis ac transferendis sine decreto, (ut præsupponitur) per minorem actum sit, ob decreti judicialis omissionem nulla ac irrita judicari debet. Quia SC<sup>a</sup> auctoritas retento dominio minori-

minoribus sine decreto alienandi viam obstruxit: *l. siquidem. C. de pradiis minor.* ita quod neque per venditionem, neque transactionis ratione, vel alio quoquo modo res minorum immobiles sine decreto cum dominio suo possint alienari: *l. non solum. C. eod.* Et adeo inefficax est huiusmodi actus per minorem absque decreto factus, ut neque juris, neque facti alienatio dici possit, *l. magis. §. 1. de rebus eorum. l. lex que tutores. C. de administ. tut. Bald. consil. 9. lib. 1.* neque naturalis, neque civilis obligatio ex eo oriatur. *Arg. l. sancimus. C. de donat.*

NE QUE dici potest in presenti negotio dominum Thimannum non tam alienare quam non acquirere voluisse per omissionem hereditatis ei quidem delata, nondum agnitæ & acquisitæ; & sic non fuisse hoc casu necessariam decreti judicialis interpositionem: siquidem præterquam quod hæreditas domino Thimanno ipso jure acquisita fuit sine ulla aditione vel immixtione, *l. in suis. de lib. & posthu. l. si fratres. C. de jure delib. cum similib.* manifestum est ex ipsius cessionis & renunciationis formula in ea actum esse, non de repudianda vel omittenda hereditate nondum agnita, sed de acquisita alienanda & transferenda. Voluit namque per eam dominus Thimannus præfatos Comitatus cæteraque omnia bona ex successione paterna & materna, quibusdam reservatis, in fratres suos trāsferri.

Cujusmodi dispositio ac reservatio quorundam de bonis, sic per successionem parentum acquisitis, evidentem aditionem, immixtionem & acquisitionem continet. Nam aperti juris est, quod is qui de hæreditate sibi delata disponit, eo ipso eam adire, (quod in sola animi declaratione consistit, *l. gerit. l. pro herede. & ibi dd. de acquir. hæredit.*) intelligitur. *l. si avia. & ibi dd. C. de jure deliber.*

SECUNDO, quia valor bonorum per dominum Thimannum dimissorum, ea quæ illi à fratribus vicissim præstari debebant, non modo in summa 500. aut. sed multorum millium (ut dicitur) excedebat, ex insinuationis defectu consistere non potuit præfata cessio seu renunciatio: siquidem huiusmodi renunciatio, ac etiam pactum de non petendo est vera donatio, *l. hoc jure. §. 1. de donat. l. si quis delegaverit. de novat. l. si quis obligatione. de regul. jur. dd. in l. sancimus. C. de donat. Socinus consil. 22. num. 8. lib. 3. Alexand. consil. & insinuatione indiget. Angel. consil. 94. cum tu & questio.*

TERTIO, quia hæc renunciatio per Thimannum facta & à fratribus ejus recepta & acceptata ea ex causa, ut ipsi fratres operam ac patrocinium illi præstarent in impetranda præpositura. N. ut ex præfatione dictæ renunciationis (quæ causam finalem demonstrat) manifestum est (ob vitium Simonie) eadem renunciatio est illicita, nulla



nulla & invalida. Nam Simonia committitur, quando aliquid datur vel promittitur pro habenda voce electionis alicujus. *c. metus & ibi Abb. de Simon. c. cum super. de Confeff. Roman. consil. 317. circa propositum thema* Unde pulchrè Angel. scribit, in l. sed etsi lege §. consult. de petit. har.

2 quòd si quis in Curia Rom. recipit donum, ut donanti procuret beneficium, Simonia committatur. Et prædicta eo magis locum habere videntur in proposito, ubi ex ipso renunciationis instrumento constat ante renunciationem factam, & præposituram adeptam, pactionem & conventionem hujusmodi illicitam fuisse: *Ioan. And. quem Abbas & alii sequuntur in c. v. vniens. i. de testibus. ita quòd excipiendo & replicando licitum videatur allegatione hujus illicitæ pactionis oppositam, objectamque sibi à fratribus renunciationem elidere, & enervare. Ioan. And. in addit. ad Specul. tit. de donat. §. i. versic. Item pone aliquas. Bald. in l. post mortem. in fin. de adopt. & in l. 2. in fin. de condict. ob turp. causam.*

QUARTO, potest nullitatis argui præfata renunciatio, ex eo quòd fratres domini Thimanni, quibus hæc renunciatio ac donatio facta est, conditiones donationis impositas (ut in facto proponitur) non servaverint, sed expressè illis contravenerunt. Nam præterquam quòd generaliter fidem frangenti fides servari non debeat, l. cum proponas 2. C. de pactis.

*c. frustra. de regul. jur. in 6. etiam si conventio esset jurata (ut dicemus ejus) specialiter in hoc articulo constitutum est, donationem ob non adimpletas per donatorem conditiones ei impositas revocari & annullari. l. fin. C. de revocand. donat.*

4 DENIQUE cessantibus prædictis omnibus, nihilominus tamen ratione doli & enormissimæ læsionis præfata cessio ac renunciatio à minore facta, deberet corrui: siquidem notissimum est minoribus in omnibus, in quibus dolo adversarii, vel suæ ætatis facilitate læsi sunt, succurri, siue in judicialibus actibus læsi sunt, l. certum. §. in pupillo. de Confeff. l. minor. §. i. de minoribus. siue in extrajudicialibus, veluti contractu vel quasi, ut donatione, venditione, transactione, dote, hæreditatis omissione, &c. totus tit. C. Si adversus donat. Si advers. vendit. Si advers. transact. Si advers. dotem. Si minor se ab her. abstinerit, cum similibus. Quin & in majoræ 25. annis justa est causa recedendi à cõventione, si ad eam faciendam dolo adversarii quis inductus est, aut ubi enormis seu enormissima læsio intervenit. l. si quis cum aliter, & ibi Doctor. de verb. oblig. l. eleganter. §. non solum. De dolo. l. in summa. de condict. indeb. cum similibus.

CÆTERUM in proposito enormissimam læsionem intervenisse exactu ipso & renunciationis seu contractus facie dinoscitur, si quantitatem & amplitudinem opulen-

5 opulentissimi in dominiis & antiquis Comitatibus consistentis patrimonii per dominum Thimannum dimissi conferantur cum exigua quantitate (respectu personarum & rerum de quibus agebatur) quæ vicissim à fratribus domino Thimanno eroganda erant. Nam si enormiter lædi dicitur, qui rem, quæ majorum fuit, alteri justo pretio dimittit, *l. si in emptionem, de minoribus. & ibi gloss. & dd. Alexand. consil. 67. videtur stantibus. col. 1. lib. 5.* quis non judicabit hoc casu captionem, ac læsionem enormissimam, ac inæqualitatem summam esse; ubi pro exigua, eaque ex majori parte vitali pensione quarta pars tam insignium Comitatum, dominiorum ac aliorum bonorum dimittitur?

SED & dolo dominum Thimannum ad hanc renunciationem faciendam inductum fuisse, præsumi debet, ex eo quod fratres majores natu scientes verum valorem bonorum, sine decreto judicis absque insinuatione, contra leges scienter contraxerunt cum minore 25. annis, qui ob lubricum ætatis consultè & diligenter hæreditatis, quam à se abdicabat, substantiam examinare, ac onerum & lucri rationem, quid horum magis præponderaret, attendere, ac discutere non potuit. Nam mala fide, injustè & dolosè versari intelligitur, qui contra juris formam & præscriptum emit, *l. si Titius. & ibi gloss. de fidejussor. Albert. in l. fin. C. si*

*major. factus alienat. sine decreto, &c. Imola consil. 73. in casu proposito. col. 1. l. 1. & ibi gloss. C. de fide instrument. & jure hast. & c. lib. 10. c. qui contra. de reg. jur. in 6.* quive cum eo contrahit, quem scit non intelligere sufficienter negotium de quo agitur, vel rem suam ob imbecillitatem, vel lubricum ætatis, vel alia ex causa non administrare probè & prudenter. *l. si quis cum scires. pro emptore.*

PRÆTEREA ex ipsa renunciatione satis apparet, dominum Thimannum sibi persuasum habuisse, hæreditatem tenuem & debitis oneratam fuisse, quæ tamen (uti dicitur) re vera locuples & lucrosa erat, & sic inanibus persuasionibus, quæ captionem arguunt, dominum Thimannum ad hanc renunciationem faciendam adductum fuisse. Et hæc circumventionis præsumptio in proposito ex multitudine cautelarum renunciationi adjunctarum est probabilior: atque ex eo quod totum negotium, per dominum Thimannum minorem, gestum videtur, non adhibitis aliis quàm qui hanc renunciationem sollicitabant, & quibus eam fieri expediebat.

Ex quibus omnibus liquidd constare videtur, cessionem ac renunciationem, de qua agitur, & per se penitus infirmam & nullius momenti esse, aut saltem propter læsionem & circumventionem minoris rescindendam, ac retractandam esse. *l. 1. & tot. tit. de minoribus.*

NUNC

8 Nunc transeundo ad secundum dubium, excutiamus, an juramentum cum renunciationum clausulis, quæ subjectæ sunt, huic contractui eam firmitatem adjiciat, quod inconcussè stare, ac inviolabiliter observari debeat.

Et brevier perpenſis diligenter circumſtantiis præſentis negotii, putamus juramentum per dominum Thimannum in renunciatione præſtitum, impedire non poſſe, quominus domino Thimanno præhabita relaxatione, ſeu abſolutione à juramento, eidem renunciationi reclamare ac contravenire liceat.

PRIMO, quia ceſſio ac renunciatio, de qua agitur; ſuper rebus immobilibus, iisque maxima æſtimationis & valoris, abſque decreto & inſinuatione, & ſic contra leges facta ipſo jure eſt nulla, & invalida, ut ſupra deduſtum eſt, ideoque juramento confirmari nō potuit, licet juramentum fortè propter reatum perjurii & animæ periculum, donec abſolutio obſtenta ſit, ſervari debeat, ut poſt multos præſtantiſſimos & maximæ auctoritatis viros tenet Jaſon. *in auth. ſacramenta puberum. C. ſi ad verſ. vendit. num. 9.* Quorum opinioni nihil adverſatur Frederici Conſtitutio. *d. auth. ſacramenta pub.* Ea enim loquitur de contractibus validis, qui tamen ætatis beneficio per reſtitutionem in integrum infringi & retractari poterant, ut ipſe Imperator declarat *in d. auth.*

*ſacramenta puber. his verbis: Super contractibus rerum ſuarum non retractandis.* Quibus verbis apertiffimè intelligitur illam Frederici Conſtitutionem procedere, quando contractui puberis valido juramentum intervenit, non autem invalido, alioquin retractatione opus non eſſet. *l. Iulianus. de divortii. l. nam et ſi ſub conditione. §. poſt deſectū. de injuſto rupt.* Quod pulchris rationibus defendū Petrus de Bella pert. Cynus & alii, *in d. auth. ſacramenta puberum.* dum ſcribunt illam Conſtitutionem à Frederico Imperatore ad id compoſitam fuiſſe, ut diſputationem Mart. & Bulg. tolleret, ſuper intellectu *l. i. C. ſi ad verſus venditionem*, &c. ex qua lege ſecundum eos opinio Bulgari probatur. Et certè ſi æquitatem ac rei veritatem paulo penitiùs inſpiciamus, judicabimus eam Petri de Bella pert. Cyni, & aliorum *in d. auth. ſacramenta pub.* opinionem, & veram, & in æquitate fundatam, utpotè per quam excluditur occaſio circumveniendi minores, quos alioqui ob ætatis fragilitatem, & judicii imbecillitatem, arte, modo, & aucupio præfatæ Conſtitutionis fraudari contingeret. Nam callidi homines, ſi contractus juramento firmaretur, minores, cum quibus contrahunt, fraudulentis inductionibus eadem facilitate ad jurandum inducerent, *l. doli. verſ. diverſu. de novat.* qua ad contrahendum: Et ſic juramentum in minore vinculum iniquitatis exiſteret.

G QuA

Qua consideratione motus Christophorus Portius in §. 1. Inst. quibus alienar. licet. & ante eum Bald. in d. auth. sacramenta puber. 9. quæst. & Bart. in l. qui superstitis. de acquir. hered. Fab. & alii in d. §. 1. Inst. quibus alienar. licet. responderunt, Per simile juramentum non confirmari consensum seu contractum mulieris super re dotali factum, etiam Jure Canonico: nam quamvis aliquæ Pontificiæ Constitutiones in c. cum contingat. de jurejurand. & in c. licet eo. in 6. c. quamvis. de pactis. in 6. dicant, hujusmodi mulierum juramenta, (ne tali prætextu contingat viam perjurii aperiri) servanda esse; ob id tamen contractus seu consensus contra legum prohibitionem præstitus l. non dubium. C. de legib. non confirmatur: nec dici potest hæc esse paria; Juramento contractum confirmari, & juramentum observandum, quasi juramentum servando contractus adimpleatur; siquidem ingens inter hæc duo discrimen relinquitur: Nam juramentum cum sit personale, solum jurantem obligat, non autem ipsius hæredem; c. veritatis. & ibi Innoc. de jurejur. sed ubi juramentum contractum confirmaret, ad ipsum hæredem esset transitorium: Quia non tantum personam, sed etiam rem afficeret. Innoc. in d. c. veritatis.

SECUNDO, si juramentum contractum confirmaret, solum in vim talis contractus non repetitur, ubi solutione facta, si non

confirmatur, solum ex tali contractu repetitur. Quia ex quo paritum est juramento, sublatum erit salutis dispendium, quo semoto repetitio competit. c. debitores. de jurejurand.

TERTIO, si contractus ex juramento non confirmetur, facilius obtenta absolutione à juramento, cujus solius ratio hoc casu habetur, contractui contravenire licebit, quam si contractus juramento fuerit confirmatus.

ET proinde, ut ad nostram speciem revertamur, etiam si lubeat eorum opinioni adhærere, qui tenent Frederici Constitutionem, etiam in juramentis super contractibus nullis & invalidis interpositis procedere: non tamen credendum est secundum illam Constitutionem ex juramento contractum confirmari, sed juramentum duntaxat servandum esse, ita quod seposita dispensatione ac absolutione à juramento propter animæ periculum ac perfidiæ seu perjurii reatum, restitutio admitti non debeat, ut testatur Decisio Tholosana 45. & verba ipsius Constitutionis indicant, quæ sic scripta sunt: *Sacramenta puberum inviolabiliter custodiantur.* Et à Petro de Bella pert. luculenter declaratur, in d. auth. sacramenta pub. dum contra Accurs. in d. auth. sacramenta pub. ostendit, quod ad observationem talis juramenti non ex contractu, qui est invalidus, neque juramento confirmatur, sed ex ipso sacramento agi

agi debeat: & addit, quòd petita absolutione à juramento ad reatum perjurii & animæ periculum effugiendum; & sic sublata vi juramenti, contractum in suis finibus remanere, & nullum esse, quia contra legis dispositionem factus fuit: & ita communiter ab omnibus intelligitur eorum opinio, qui tenuerunt præfatam Frederici Constitutionem, etiam procedere in contractibus invalidis, quòd scilicet sublata vi juramenti per absolutionem, res eò reducat, ac si juratum non esset. Et contractus juramento sic denudatus in suis finibus relinquatur, ac minori per restitutionem (quia viæ seu modi nullitatem passim non frequentantur) succurratur, ita quòd hodie passim minores contractuum juratorum rescissionem expetentes, ad Episcopum seu Metropolitanum confugiant, exhibita supplicatione jurati contractus iniquitatem continente, petentes à juramento absolutionem seu dispensationem: quo promptior & facilius sit ejus contractus rescissio; ita quòd Constitutio Frederici quatenus de juramento contractibus invalidis appposito disponit, propemodum vana & inutilis manere videatur.

SECUNDO, etiam si prædicta propter opinionum varietatem aliquam dubitationem reciperent, tamen in specie proposita, qua cessio renunciatioque per D. Thimannum facta propter simoniæ

maculam in se est illicita, ut per dictum juramentum confirmari non poterit, nec ipsum juramentum etiam jure Pontificio est observandum: *c. inter cetera 22. quest. 2. c. Quintavallis de jurejur. c. non est obligatorium. de reg. jur. in 6.* neque enim juramentum ob hoc institutum fuit, ut peccati nutritivum & vinculum iniquitatis existeret, aut turpes conventiones confirmaret. *d. c. inter cetera, & d. c. non est obligat. c. cum contingat. de jurejurando.* Præterea, quia D. Thimannus dolo (uti prædiximus) ad hanc renunciationem faciendam inductus videtur per juramentum adjectum eidem renunciationi contravenire non prohibetur. Juramentum enim dolo seu metu extortum non est observandum etiam citra dispensationem à juramento. *Bald. in l. 1. c. Si adversus vendit. Angel. in l. fin. Qui satisf. cogantur. Iason ad quem solum sufficit remittere. in d. aurb. sacramenta puber. col. 7. vers. not. ex 2. parte.* Unde scribit Baldus in *c. 1. de jurejur.* tale juramentum, imò contractum ipsum nullius esse roboris, sed plane enervari nec aliquam vim producere, atque hanc cerebriorem esse sententiam asserit Panor. in *d. c. cum contingat.* Nam (ut ipse ait) minor dolo ad jurandum inductus contraxisse non dicitur, quòd & Cumanus firmat, *consil. 18.* concludens iuramentum dolo adversarii præstitum obligatorium non esse; ita ut non desideretur absolutio: addens quòd dolus ex

enormi læsione præsumatur : de quo mox tractabimus.

RURsus ob contraventiones & non observatas conditiones donationis per eos, in quos cessio renunciatioque facta fuit, D. Thimannus ad observationem præstiti juramenti etiam si nihil aliud pro eo militaret, ulterius non astringeretur. Nam (uti prædiximus) propter conditiones donationi appositas, donationem revocari, & fidem frangenti fidem non servari aperti juris est, *d. l. fin. C. de revocand. donat. d. l. cum proponas. 2. C. de pact. etiam si conventio hinc inde jurata foret; c. pervenit. & ibi omnes dd. de jure juran. maxime, quod est in proposito, in contractibus ad invicem respectivis & cōnexis. dd. & potissimum Salicet. in d. l. cum proponas.* Et prædicta ea ratione quoque comprobantur, quod juramentum habet tacitam conditionem annexam, qualem actus cujus est quæstio desiderat. *l. fin. C. de non num. pec. l. si duo patroni. §. si quis juraverit. de jurejurando.*

POSTREMO quandoquidem in præsentī negotio immodica, enormissima & intolerabilis (uti præsupponitur) est læsio, eo quod pulcherrima eaque antiqua & nobilia dominia à parentibus & progenitoribus relicta (quæ respectu avitæ recordationis ad alios transire est gravissimum) parvo præsentī, & tenui pensione vitali contentus dominus Thimannus dimiserit; sola enormissimæ læsionis ra-

tio ad restitutionē ac rescissionem renunciationis sufficeret. Nam cum de contractus jurati rescissione agitur, solam enormem læsionem in minore probari satis est, *Panorm. in d. c. cum contingat. in 5. col. in fin. Petrus de Anchor. consil. 38. pro clario. & consil. 72. & aliis probat consilii relatum. in 2. consilio ad nos transmissio. Calde. consil. 8. quod rationibus manifestis comprobatur.*

PRIMO quia ex tam enormi seu enormissima læsione dolus præsumitur, & læsio re ipsa satis dolum attestatur, ita quod ex eo dolosus contractus judicari debeat. *l. si quis cum aliter. & ibi dd. de verbor. obl. l. omnes. §. Lucius. de his quæ in fraud. creditorum. l. si superstiti. C. de dolo.* Et certum est dolo concurrente contractum quantumlibet juratum rescindi. *d. auth. sacramenta puber. & ibi dd.* Secundo, quia non præsumitur jurans hunc casum cogitasse. *arg. c. veniens. & c. Quiravallis. de jurejurand. l. si creditor. Mandati.* Tertiò, ne juramentum sit vinculum iniquitatis, quæ ex tali jurato contractu ob magnam læsionem videretur resultare; *d. l. si quis cum aliter. & ibi dd. de verb. oblig. adeo quod licet juramentum vim specifici & specialis consensus habeat, l. fin. §. penult. ad Velleja.* non tamen excludit læsionis considerationem, quin possit semoto juramenti effectū confugi ad restitutionem in integrum : Et si aliter judicaremus, nempe tali contractui jurato standum esse, longè majus



maius absurdum sequeretur. Nam eo modo iniquos contractus oporteret observari, & cum enormi alterius jactura alium locupletari contra æquitatem naturalem. *l. nam & natura. de condict. indeb.* Unde Antonius de Butrio in *d. c. cum contingat in 4. membr.* generaliter ita concludit, *Si quis cum juramento contraxerit, & re ipsa læsus in magna quantitate inveniatur, contractus planè rescindi debet.* Cui convenit pulchrum exemplum quod refert Anchoranus, in *c. Canonum statuta. in 11. artic. versic. quid dices de juramento. de consil.* de nepte, quæ cum sacramento generalem, captiosam, & sibi admodum damnosam acceptilationem in patruī favorem fecerat: cui nepti, cum esset enormiter læsa, consuluit per restitutionem succurrendum esse, asserens dolum re ipsa, & ex proposito inter se comparari. Idem tenet Alexand. in *l. stipulatio hoc modo. 3. fallent. de verb. obl.* asserens in *d. l. stipulat. hoc modo.* hanc opinionem æquam, & subtilem; & Corneus; *consil. 179. lib. 4.* & novissimè ita tenet & amplissimè deducit Philip. Dec. *consil. 45. & potissimum 180.* Ludovicus Bolonginus, *consil. 44. in presenti.* Guido Papæ, *quest. 124.* & Franciscus Curtius junior, *consil. 141. in 2. parte.* qui dicunt hanc esse opinionem communem & æquissimam, quod probata enormi læsione Frederici Constitutio non procedat. Quibus denique adheret Cumanus *d. consil. 180.* &

Socinus Nepos, *consil. 48. & consil. 54. part. 1. & consil. 3. parte 2.*

Ex qua communi & æquissima scribentium sententia, clarissimum relinquitur dominū Thimannum adversus eam renunciationem, in qua non modò enormiter, sed enormissimè læsus est, restituendum esse, idque eo magis quòd etiam dolus in fratribus, quibus ea renunciatio facta est, argui videatur, eò quòd sine decreto & absque insinuatione contra leges contraxerint cum minore; *d. c. qui contra. de regul. jur. in 6. cum similibus.* & quòd dum in re sua malè versaretur, & ob ætatis fragilitatem non intelligeret quid juraret, & quid ex juramento resultaret, eum tamen ab illo proposito non revocaverint, imò potius ut ita ab eo ageretur institerunt, *argum. l. si quis cum sciret. pro empto.* adeò quòd convenienter dici possit cum Socino in *consil. 20. in facto. num. 6. & 7. lib. 3.* illud, Vel solam æquitatem naturalem sufficere ad fundandam domini Thimanni intentionem.

POSTREMO à rescissione hujus jurati contractus non debet D. Thimannus secludi, propterea quòd in renunciatione appositæ inveniantur clausulæ ex certa scientia, non vi, non dolo, sed animo deliberato, & negotio plenè discussso, ac perpenso eam renunciationem à domino Thimanno factam fuisse, aliæque similes, quibus restitutioni, absolutioni, aliisque remediis, quibus ea renunciatio

impugnari posset, renunciatum est: liquidem eadem facilitate & ætatis imperfecto iudicio, quo minor læsus est, censetur etiam talium clausularum appositioni consensisse, contraxisse & iurasse. *arg. eorum quæ pulchrè scribit Angel. cons. 94. cum lu & questio. colum. 6. vers. nō obstat si dicatur.* Nam licet iuramentum minorem majorem faciat, non tamen facit sagacem, industrium, & providum patremfam. Ex quo consilium ejus est imbecille & multis captionibus expositum. Et præterea cautelarū accumulatio majorem fraudis suspicionem videtur inducere, *Socinus. consil. 22. num. 13. lib. 4.* ita quod eadem vel major sit æquitas cur minori adversus hujusmodi cautelas succurri debeat, quæ in doli vel enormis læsionis consideratione, & in rescissione ipsius contractus. Et profecto si aliter diceremus, aperta esset via, per quam minores à restitutionibus secluderentur: hoc enim à partibus curaretur, ut tales clausulæ contractibus insererentur. Cui adde, quod hujusmodi clausulæ censeantur potius ex stylo & consuetudine Notariorum adjectæ contractibus, quàm ex deliberata partium voluntate. *Panormit. in disput. sua quæ incipit: Statutum statuto, & in d. c. cum contingit.* Denique non est prætermittendum quod quanquam plurimæ cautelæ huic contractui sint adhibite, nulla tamen invenitur, per quam rescissioni propter enormem læsionem re-

nunciatum exitit, de qua tamen nominatim (ex eorum sententia, qui hujusmodi clausulas in contractibus minorum aliquid operari opinantur *Anton. de Butr. in d. c. cum contingit.*) mentio fieri debuerat, ut excluderetur dominus Thimannus à contractus resolutione.

MANET itaq; satis deductum & probatum, potissimum præsupposita enormi læsione & minore ætate D. Thimanni, eundem D. Thimannum non obstante iuramento aliisque clausulis eidem contractui reclamare ac contravenire posse.

IN quo an absolutio à iuramento præcedere debeat, paucis ita explicandum videtur, quod quamvis stricto jure, quatenus ea renunciatio ob vim aut dolum, *Baldus in l. 2. C. si adversus vendit. dd. in Auth. sacramenta pub. vel enormissimam Anton. de Butr. in d. c. cum contingit. Decius d. consil. 180. & 181.* læsionem, vel etiam ob non servatas conditiones renunciationi appositæ, d. c. pervenit, & ibidem dd. fuerit illicita, absolutio non videatur necessaria; tutius tamen, & (ut animæ magis consulatur) securius videtur abolitionem impetrare.

CÆTERUM absolutio à iuramento à iudice Ecclesiastico ordinario impetrari poterit. *dd. in c. 1. & in c. cum contingit, de iurejurando.* Nec est necesse adire summum Pontificem, licet ita Innocentius in c. per venerabilem, de elect. & Speculat. tit. de lig. §. nunc vidend. vers. 24. opina-



opinati sint: siquidem summi Pontificis auctoritas non nisi in publicis, iisque gravibus & magni ponderis negotiis requiritur, & non in privatis contractibus, ubi privatarum rerum est quaestio, *Canonista in d. c. 1. de iurejur.* adeo quod sufficiat iusjurandum ab episcopo remitti; & ita de consuetudine observatur, cuius quidem consuetudinis meminit Guido Papæ, *quest. 140.* Per vulgata, inquit, observatione quadam Episcopi atque Archiepiscopi, remittunt iusjurandū indiscriminatim, relaxationesque hæc & in foro seculari, & in foro ecclesiastico tolerantur; quinimò huiusmodi absolutio tam levis momenti habetur, quod Princeps laicus possit iusjurandi gratiam facere: *l. Imperat. ff. ad municipal. Guido Papæ. quest. 178. & 194.* unde Accursius, *in l. adigere. ff. de iure patr.* tradit legem vim habere rescripti Apostolici, ad iusjurandi remissionem, quod tamen hodie locū habere nequit, propter distinctionem rerum spiritualium & temporalium, quoad iusjurandi remissionem, quæ Pontificiis reservata est. *Ioan. Imbertus in Institutio. suis forens. fol. 104.* An autem ad hanc restitutionem consequendam pars citari debeat, articulus est dubius, in quo alii vacillant, alii negant. Pluribus tamen placuisse videtur citationem partis (cū de eius interesse agitur, *argū. c. 1. de causa possess. & propriet. c. inter quatuor. de majorit. & obedi. & causæ cognitio requiratur Innocen. in c. ad*

*aures. De his qua vi metusve causa*) esse necessariam *Panorm. in d. c. 1. in penul. colum. quem alii ibidem sequuntur. De iurejur. Alexan. consil. 38. vol. 3. & consil. 90. visis actū. lib. 2.* probata læsione, Guido Papæ *decisione 225.* quod Felinus ita intelligendum docet, *in d. c. 1. col. 8. versic. Caterum ejusdem. de iurejur. Guido Papæ, questione 140.* quando petitur absolutio simpliciter, ut scilicet absolutio statim valeat, & perpetuò maneat, ac obligatio jurata penitus tollatur. Secus autem si impetretur absolutio duntaxat ad habilitandam personam, ut possit agere nō obstante juramento, & agens eo casu non incurrat perjurium. Eo enim casu neque citatio, neque causæ cognitio est necessaria, sed faciliè & statim concedi debet. Nam hoc casu absolutio solum ea lege datur, ut prius quàm effectum respectu tollendæ obligationis juratæ producat, læsio seu dolus allegatus probari debeat.

## CONSILIUM IV.

## SUMMARIUM.

1. Emptio perfecta, neque penitentiam, neque conductionem admittit.
2. Contrahens cum negotiorum gestore, statim obligatur gestori, & post ratificationem principali.
3. Contrañus ex quibus argumentis iudicetur perfectus.
4. Contra factum suum quis audiri non debet.

5. *Conventa subscriptio partium non facit contractum conditionalem, nisi hoc nominatim actum sit.*
6. *Lex Contractus, C. de fide instrumentorum, late declarata; & quando in scriptis contractus celebrari intelligatur.*
7. *Clausula accessoria non mutat dispositionem principalem, sed secundum eam regulatur.*
8. *Clausula executiva, nec modum nec conditionem inducit.*
9. *Vna scriptura supplet aliam, & ex conjunctione scripturarum declaratur intentio contrahentium.*
10. *Vsus & observantia contractus confirmat ipsum contractum.*
11. *Interpretatio ea amplectenda est, per quam dispositio effectum habere potest.*
12. *Facto & re ipsa, inducitur contractus approbatio.*
13. *In adimplendo contractu ordo scriptura attenditur.*
14. *Emptor qui promisit solvere pretium inter annum, moram non incurrit ante traditionem rei vendita.*
15. *Pluribus rebus simul emptis, an plures sint venditiones, an una, late discutitur.*
16. *Acta dant legem contractui.*

QUANDO QUIDEM præsens causa Domini Antonii de Bonvisiis & sociorum Londini ex una, & Laurentii Chisii ex altera, partibus latius in actis designatis, a plurimis clariss. Juriscon. & Juridicis collegiis adeo copiose & eleganter tractata & discussa inveni-

tur, ut nihil intentatum, aut non probè dilucideque expositum videatur, operæ pretium non putamus eandem prolixiore oratione denuò sub incudem revocare, & cum superfluitatis fastidio, per disputationum ambages retexere. Ne tamen, quæ ab illis in favorem D. Antonii Bonvisii & sociorum luculenter & verè resoluta ac determinata sunt, sola auctoritate comprobare videamur, pro majore veritatis illustratione, & ad intentionem Bonvisiorum magis magisque confirmandam, breviter quædam subjiciemus quæ videbuntur præcipua, & ex quibus veram resolutionem ac decisionem totius causæ dependere arbitramur.

ET, ut ordine aliquo proposito, occurrentium dubiorum explicatio sit certior ac facilior; Primò circa litem conventionalem, quæ à Chisiis venditoribus aluminum contra Bonvisios emptores intentata est, investigabimus an Chisiis ex capite pænitentia, vel causæ non secutæ, conditio competat, & repetitio partis aluminû, quam olim ipsi Chisii Bonvisiis consignari & tradi fecerunt, vigore contractus aluminû anno 1522. celebrati (ex quo tota controversia profluxit) & in executionem ejusdem.

DEINDE, si conditio ipsis jure denegetur, an alio quovis ordinario juris remedio pretium partis aluminum (venditorum scilicet & tra-

& traditorum) consequi possint, non tradita restante adhuc parte aluminum venditorum, multo maiore quàm quæ tradita est.

**TERTIO**, progrediendo ad causam Reconventionalē à Bonvisiis intentatam, examinabimus an Chisii, ob non traditam restantem partem aluminum secundum tenorem præfati contractus & in terminis in illo præstitutis, ad id quod interest Bonvisiis teneantur, ac condemnari debeant.

**PRO** resolutione primi dubii omnino existimamus Chisiis conditionem non competere, utpotè contractum emptionis perfectum, & absolutum, in quo pœnitentiam nō admitti, & conditionem ob causam datorum cessare, manifesti juris est: *l. sicut ab initio. C. de act. & ob. l. in civile. C. de rei vendic. &c.* lex enim usque adeo venditiones perfectas manere voluit ratas, ut nec ob minorem annumerati pretii quantitatem, etiam si duplum restituere venditor velit, nec ob moram adimplendi per alterum contrahentium commissam, alteri à conventionione recedere; & quod dedit ex capite pœnitentiæ, vel tanquam causa ob quam dedit non secuta, repetere liceat. *l. de contractu. l. si dolo. l. non est probabilis. cum seq. C. de rescind. vend. l. perfectam. C. quando liceat ab empt. reced. cum similibus.*

**CÆTERUM** perfectum & penitus absolutum fuisse contractum, de quo agitur, & quod omnia in eo intervenerūt quæ ad perfectio-

nem conventionis & obligationis in vero contractu emptionis intervenire solent, ambiguum non videtur. Nam adsunt omnia substantialia, scilicet res, pretium, & consensus contrahentium, ex quibus venditio quoad conventionem & obligationem perficitur. *Ludov. Ro. ad l. Tutia. num. 16. ff. solut. matr. Baldus ad l. cum res. C. de contrah. empt.*

**ET** hanc perfectionem & abolutionem verba ipsius contractus: *Sigismondo ha fatto e firmato mercato, e vendita.* Et rursus: *Martino Bonvisio nominato in nome, &c. affermo e ratifico e prometto*, in præteritum ac præsens concepta, evidentius congruunt.

**EA** enim verba naturali & propria significatione sunt actus perfecti significativa, *l. 1. §. fin. ff. quod quisque juris. Philip. Decius consil. 182. in casu occurrente. col. 6. versic. 3. principaliter.* & important conventionē perfectam, solidatam, conclusam & confirmatā, necnon præsentem obligationē; Primò quidem inter Sigismundum & Martinum, & deinde (insecuta ratificatione Antonii & sociorum, quam verè insecutam fuisse constat) etiam inter eundem Sigismundum & Antonium & socios, quorum nomine & vice Martinus contraxerat, ac de rato promiserat.

**NAM** ex generali juris regula 2 est notum, Contrahentem cum aliquo negotiorum alterius gestore, statim obligati gestori; & secuta

H

ratifica-

ratificatione, etiam illi, cujus vice & nomine contractus est initus. *secundum notat. Petri de Anch. consil. 123. unus ex procuratorib. colum. 2. versic. quod ad primum. ubi multa ad hoc allegat.*

QUIBUS accedit pura Sigismundi & Martini subscriptio, promissio & obligatio, cum submissione bonorum & renunciatione fori cum juramento, & sub pœna facta simpliciter.

NAM huiusmodi simplex & absoluta promissio & obligatio naturaliter ad conventiones perfectas, absolutas & effectualiter conclusas pertinet, & ad solas præstationes & prolocutiones, seu alias imperfectas conventiones referri non potest.

NEC est verisimile, quod partes ad huiusmodi promissiones & obligationes absolutas, etiam publico ad hoc vocato notario, processissent, si intentio eorum fuisset suspendere adhuc & differre obligationis substantiam usque ad subscriptionem Antonii. Nam pugnantia hæc sunt, Actum in substantia deficere, & pro illius observatione quem obligari.

Ex illo quoque perfectum fuisse contractum secundum intentionem contrahentium, etiam in persona Antonii & sociorum, arguitur, quod scilicet partes non constiterint in terminis simplicis conventionis aut ratificationis verbalis, per literas ultrò citroque missas, (quod tamen satis fuisset in con-

tractu emptionis, qui solo in rem & pretium consensu perficitur. §. *cum autem emptio. Instur. de emp. & vend.*) sed eo amplius ad realem executionem & effectuationem contractus utrinque processum est per Chisos transmittendo, & per Bonvisios recipiendo, iteratis vicibus, & in terminis conventis, partem aluminum venditorum in vim & ex causa præcedentis contractus: nam partes procedendo ad executionem & implementum contractus, clarè declararunt, se habere contractum pro perfecto & absoluto. Quod etiam confirmatur ex illis verbis contractus: *E per mantenere e osservare quanto in detto foglio si contiene.* Quæ cum executionem & observationem contractus initi significant, utique demonstrant contractum fuisse perfectum, cum illius quod non subsistit nulla sit executio vel observantia, & non entis (ut dici solet) nullæ sint qualitates. *l. ejus qui in provincia. ff. si cer. per. Curt. ju. consil. 14. num. 8. in 1. part.* Et notum est, contractum censi perfectum quando contrahentibus pro perfecto habetur. *Bart. & alii ad l. contractus. C. de fide instrumentor.*

PRÆTEREA suadetur perfectio dicti contractus ex usu cujusdam alterius contractus, huic omnino similis eadem die & cura similibus clausulis initi & contracti inter præfatos Sigismundum Chisium & Martinum Bonvisium nomine & vice Ludovici & Vincentii Bonvi-

**B**onvisiorum ac sociorum Antverpiz. Quem quidem (etiam non facta subscriptione similiter conventa) pro absoluto tamen & perfecto habitum esse constat. Nam convenit verba unius contractus vel statuti ex usu alterius eodem tempore facti interpretationem accipere; *arg. l. si ventri. §. si. & qua ibi not. Bart. ff. de privileg. credi. & per Alexand. consil. 53. in si. volum. 2. & ar. l. utrum. 1. respons. ff. de petit. hered. validum enim est argumentum ex vicinis scripturis. Francisc. Curt. Inmior. consil. 70. Tota via cause, nu. 3. in 1. parte.*

**PLURIMUM** quoque in hoc articulo ponderandum videtur contra Chisios, quod ipsi ex hoc contractu tanquam perfecto & absoluto, & in vim ejusdem judicialiter prosecuti sint solutionem pretii partis aluminū venditorum, fundando intentionē suam super contractu, quam allegationem procurator D. Antonii tunc judicialiter acceptavit, ut ex actis liquet. Nam per hoc tam efficaciter hunc contractū illiusque acceptationem & ratihabitionem ab Antonio factam approbasse, & pro sufficientibus habuisse videntur, ut deinceps in contrarium audiri non debeant. Decet enim contrahentes contra factum suum non audiri: *l. si quis iurandum. C. de reb. credit. c. cum illusio. De renunciat. Doctores in l. 1. C. de furt. & s. rvo corrup.* qui enim agunt ex contractu, censentur illum approbare. *Philip. Dec.*

*in l. cum fundus. §. servum tuum. nu. 12. ff. si cert. pet.* Et quando duo sunt 4 incompatibilia, qui eligit unum, dicitur alteri renunciare; & ad aliud postea redire non potest, quia via quam quis elegit sibi patere debet, & non alia: *l. si mulier. §. fin. ff. de eo quod met. caus.* uno enim ex incompatibilibus posito, necesse est alterum tolli. *l. hæc verba. l. ille aut ille. ff. de verb. sig.* Dum itaque in casu proposito Chisii agendo ex contractu, illum velut perfectè & utrinque conclusum habuerunt & approbaverunt, ferendum non est ut nunc vel pœnitendo, vel aliàs illum impugnent.

**N**e enim restitutio ab illis impetrata ad mutandum genus actionis, valere eis potest ad elidendū factum præcedentis approbationis contractus, tacitè & per consequentiam resultantis ex priore eorum actione aut persecutione; quandoquidem illa restitutio hoc solummodo operatur, ad quod est impetrata, hoc est, dar facultatem mutandæ prioris actionis aut persecutionis, quæ per eos fuit cæpta, per viam executivam prædicti contractus. Ex qua quidem tacita approbatione & expressi acceptatione confessionis judicialiter facta jus Dominis Bonvisiis quæsitum, non potuit eis absque eorum consensu auferri; quemadmodum ubi quid situm est in mero arbitrio alicujus, ut factum à se vel probet, vel improbet, stare permittat, vel revocet; si quis tamen juris effectus

ex illo mero facto resultet, illum non sic reddere potest infectum. Verbi gratia, Qui de bonis hæreditatis sibi delatæ ulterius disponit, hoc ipso hæreditatem illam adiisse & agnovisse censetur. *l. si avia. C. de jure deliber.* Quod quidem testamentum quodcumque volet revocare poterit; non tamen revocato eo, corrumpit aditio quæ ex testamenti ordinatione de illis bonis censetur inducta. *Bart. Bald. Salic. & Iason ad d. l. si avia.* Et confessio in testamentis facta, manet rata & firma, etiam ut testamentum revocetur. *Cyn. ad l. generaliter. C. de non numerat. pecunia. Bart. ad l. cum quis decedens. ff. de legat. 3.* Faciunt optimè notata per *Bartol. ad l. cum lite. ff. judic. solvi*, ubi dicit acta decisoria litis non perire perempta instantia, nec etiam acta ordinatoria litis, quoad actus perfectos & consummatos. Quod in casu proposito vel eo magis procedit, quod Chisii non petierint in integrum restitui adversus tacitam illam approbationem contractus, de qua in obtento per ipsos rescripto nulla prorsus mentio fit, sed illius rescripti vis tota in eo solo versari videtur, quasi non sat rectè elegissent genus actionis aut judicariæ persecutionis, ad illud quod sibi deberi prætendunt, cujus mutatio facilius cõceditur, propterea quod actionis nomen non debeat etiam de jure in libello exprimi. *c. dilecti. de judic.* Quod si adversus tacitam illam approbationem ex

allegatione & positione venditionis perfectæ & absolutæ resultantem, restitui desiderassent, debuissent allegare justam erroris causam, illamque docere, quod similiter non fecerunt, ut nec allegare aut docere potuissent; maxime attento, quod prædictæ eorum allegationes & positiones sint ac fuerint medio juramento Laurentii Chisii affirmatæ pro veris, nec possit dici earum materiam in jure consistere, easque processisse ex errore juris, credendo contractum jure perfectum, qui fuerat imperfectus, qualis error non nocet. Nam re vera illæ ipsæ positiones in facto consistunt, & ex facto dependent, absque ullo juris errore, cum interpretationem contineant mentis & intentionis contrahentium, quatenus scilicet, & ad quid, sive quo modo, de subsecutura domini Antonii subscriptione fuisset conventum: Nimirum quod etsi ea facta non esset, non tamen per hoc contractus redderetur irritus, dummodo de ipsius in eundem contractum consensu, aliter appareret, prout hic multipliciter apparuit.

Ex quibus tamen si præsentis articuli decisio superius posita satis plenè confirmata videatur, ut tamen firmitus subsistat, & ut veritas illius clarius elucescat, paucis dissolvemus difficultatem illam, quæ ex relatione clausulæ accessoris (in qua de futura aut subsecutura subscriptione Antonii & sociorum fit mentio)



mentio) ad contractum principalem nascitur, & in qua Chisii præcipuum fundamentum, imò & pondus totius causæ constituunt, sustinentes ex defectu subscriptionis domini Antonii Bonvisii & sociorum contractum mansisse imperfectum quoad obligationem; ita quòd quousque illa subscriptio non facta esset, neque accessisset, liberè Chisis ab illa conventione resilire liceret, quemadmodum hoc licet in contractu qui in scriptis celebratur ante ipsam scripturam perfectam. *l. contractus. C. de fide instrument. §. 1. Instit. de empt. & vendit.*

Et in conventionem conditionali vel modali, cum causam finalem dispositionis modis ille respicit (quamvis nò in scriptis contracta) ante conditionis tamen eventum aut modi implementum nò nascitur obligatio efficax. *l. jubemus. §. 1. C. ad Trebell. l. qui pecuniam. ff. si cert. pet. l. 2. §. fin. ff. de donat. Mar. Soc. junior cons. 43. inspectis huiusmodi. num. 19. parte 2. colum. 5.*

Et quidem licet ea Chisiorum argumentatio videatur primo aspectu habere nonnihil coloris ac probabilitatis, penitiùs tamen inspecta atque discussa, est infirma, & ad convincendam imperfectiorem contractus inefficax.

Pro cujus deductione, & ne terminorum confusione, vel nimia dissimilium similitudine, contingat quem decipi, aut res diversas velut easdem indiscriminatim confundi, imprimis consideramus

hanc conventionem aut conventionis clausulam, de subscriptione facienda, non efficere ut hic contractus sit aut censeatur esse in scriptis, aut alioqui talis in quo scriptura sive subscriptio pro forma & ad essentiam obligationis fuerit necessaria: Quia contractus emptiōnis (de quo hic agimus) de sui natura scripturam, aut subscriptionem pro solennitate & forma non desiderat; ideoque existimandum est de subscriptione subsecutura fuisse à partibus conventum secundum naturam contractus, videlicet ad solam probationem consensus, & non ad substantiam contractus vulgata, *l. contrahitur. ff. de pigno. ut in terminis subscriptionis & sigillationis promissæ & conventæ tenet Jason, ad l. qua dotis. num. 88. ff. solut. matri.* & in terminis scripturæ sive instrumenti post actum perfectum requisiti habet Salic. *ad Aush. sed novo jure. col. 3. versic. aut est dictum.* C. si cert. pet. & latè ac pulchrè ad propositam materiam Francisc. Aret. *consil. 160. longa est ista consultatio, versic. Vemo nunc ad secundum, &c.* Idque confirmatur ex communi Doctorum sententia, qua receptum est, Tum demum in scriptis contrahi, aut obligationis substantiam in tempus confectæ & absolute scripturæ suspendi, quando inter partes actum est, non solum quod de contractu fieret instrumentum aut scriptura, sed quòd esset contractus in scriptis, & quòd aliàs non valeat, ita quòd contractus

H 3 substant-



substantia à scriptura dependeat. Secus verò quando partes omnia capitula contractus scripserunt, & fecerunt obligationem de presenti, sed postea dixerunt quòd de eo fieret instrumentum. quod tunc videtur requiri, non ad contractus aut obligationis substantiam, sed ad perpetuam rei memoriam, secundum Salicet. *in d. Auth. sed novo jure. Bart. Bald. in l. fin. C. si cert. pet. Bart. Pet. Cyn. Salic. & alios ad l. contractus. C. de fide instrument. quos sequitur Bart. Soc. consil. 173. Reverende pater & domine. in fine versic. Item validum est argumentum. volum. 2. ubi attestatur Doctor. ita communiter tenere. Et Hyero. Gratius, consil. 107. Cum casus, par. prima.*

U N D E cum in casu presenti dictum non sit quòd esset contractus in scriptis, aut quòd aliàs non valeret, nec sumus in casu, in quo de essentia contractus requiritur scriptura, vel ubi ante absolutum contractum partes de scriptura vel de subscriptione convenerunt; sequitur, quòd secundum communem opinionem hic contractus iudicandus sit perfectus, etiam subscriptione non accedente: ita ut Chisisis pœnitere, vel ab illo resilire non liceat, ut latè in simillima questione consulendo demonstravi Gratius, locopræcitato.

N E c quicquam facit in contrarium quod Paulus Castren. scribit, ad l. l. contractus. & ad l. cum res. C. de pro. & consil. 241. In questione, parte prima. dum tenet in scriptis celebrari contractum, etiam si precio

convento & re oretenus perfecta, dicant contrahentes, se velle quòd Notarius advocetur, qui de contractu faciat instrumentum.

N A M ut hoc fortè verum sit in terminis suis, ubi scilicet convenit, quòd Notarius adhibeatur & rogetur de ipso contractu, quasi hoc ipso satis apertè declarènt contrahentes, intentionem suæ voluntatis, quòd volunt in scriptis contrahere; cum Notarius non possit nisi de eo contractu qui coram eo geritur, & de negotio quod coram eo contrahitur, instrumentum conficere; ita ut ex die confecti instrumenti, & non prius ille contractus valeat: ut ipse Paulus Castren. apertius hanc suam sententiam declarat *Præ allegato suo consil. 241. Et sic illud intelligunt qui eum in hoc sequuntur, ut Jason, consil. 151. lib. 2. Alciatus, ad l. pactum quod bona fide. C. de pact. Soti. consil. 120. in 4. & Nicol. Boherius, decis. 48. num. 17. in priore parte.* Hoc tamen sic intellectum, nihil arguit, in casu proposito contra dominos Bonvisios, in quo verba conventæ subscriptionis non necessariò referuntur ad modum seu formam ineundi contractus (ut in casu qui à Paul. Castren. proponitur) sed solum ad observationem, confirmationem & probationem contractus, seu dispositionis tunc in esse productæ & perfectæ. Et si aliud voluisset Paulus Castren. meritò non esset in illo sequenda, aut tenenda illius sententia, à qua etiam simpliciter alii

alii non incelebres nostri juris interpretes recesserunt, veluti Philip. Decius, *ad d. l. pactum quod bona fide*, & ibi Francisc. Curt. junior, *sub nu. 7.* dicens se hoc latè demonstrasse in quodam suo consilio quod fecit pro hospitali laude Philip. Decii, *iterum consil. cccxli. nu. 3.* ubi etiam, *nu. 2.* refert Areti. *consil. clx.* intellexisse dictum Pauli, ut procedat in dubio, non autem quando aliàs apparet de voluntate contrahentium quòd voluerunt contractum habere pro perfecto ante scripturam. Quod bene convenit casui præsentis, quia ex aliis clausulis contractus satis patet quòd contrahentes habuerunt contractum pro perfecto, per ea quæ supra dicta sunt. Et in omnem eventum etiam si essemus in terminis, in quibus loquitur Paul. Cast. (cujus contrarium verum est) saltem postquam rogatus fuit Notarius ad stipulandum contractum, ex eo tempore contractus fuisset perfectus, ut ipsemet Paulus Cast. dicit in locis suprà allegatis.

ACCEDIT insuper quòd longè alia ratio sit instrumenti publici à Notario super contractu conficiendi, (quod ille non conficit absque inscriptione loci & temporis, & actus coram eo gesti) & subscriptionis faciendæ à partibus contrahentibus, aut altera earum. Hæc enim subscriptio non requirit ascriptionem alicujus temporis. *l. cum tabernam. §. idem quæsit, circa finem. & ibi Bart. & alii. ff. de pignor.*

Ideoquæ longo post intervallo subsequi potest, & non est de substantia aut solennitate formali actus, de qua nihil est nisi quod in ipso actu intervenire debet, aut saltem non potest post actum formatum, & in esse productum subsequi. Angel. *consil. 36. in prin. pro decisione quasitorum, Doct. ad l. universa. O. de precib. imperat. of. Alex. in l. 1. ff. de liber. & posth.*

HIS quoque addi potest quòd 7 illa ipsa clausula, *Et por manencere e osservare*, sit executiva & accessoria ad contractum principalem, ideoquæ ponderari debet & expendi juxta contractum cui subjicitur; ita ut per se nihil efficere valeat, sed tota aliunde dependeat, ut in *Clem. 1. de prob.* ubi clausula, quæ est accessoria, respiciens executionem dispositionis facta, non potest mutare vel alterare principalè dispositionem, de quo plura habet Philip. Decius. *consil. 305.* Juridicam esse arbitror. & *cons. 500. nu. 9.* Incipien. in *causa qua Mantua. Iason. ad l. jus autem civile, in fine prima col. nu. 8. vers. quia regula est quod clausula posita in executivis, &c. & ibi Marius Salomonius.*

EX quo & illud inferitur, quòd 8 pactum hoc subscriptionis in præfata clausula executiva comprehensum, & ad promptiorem probationem contractus gesti fidem, & observationem appositum, nec vim conditionis, nec modi, per quem obligationis seu contractus substantia vel efficacia differatur, habere possit: contractum enim purè

purè & simpliciter prius initum & conclusum fuisse constat; ideoque per pacta clausulæ accessorix & executivæ alterari vel reformari non debet. Idque eo proclivius hic dicendum est, quod in pacto illo futuræ subscriptionis nullum omnino verbum invenitur, quod de sui natura aliquam conditionem aut obligationis suspensionem importet; & præterea quod ipsum pactum subscriptionis duntaxat super accidentalibus ipsius contractus sit interpositum, perinde ac si in pactum venditionis & emptionis deductum fuisse, quod venditor de evictione promitteret cum fidejussore, per quod principalem contractum non mutari vel reformari norum est, sed duntaxat actionem ex contractu principali profluentem ad id quod in pactum deductum est extendi. *l. pacta conventa. ff. de contrahend. empr.* Ad quod facit etiam illud quod generaliter scribit Mar. So. Junior. *consil. 128. præsentis consultationis. num. 133. parte 1.* Videlicet quod clausulæ actus ad naturam ipsius contractus reducibiles nunquam alterant naturam ipsius contractus, sed intelliguntur secundum naturam ipsius contractus. Non debet igitur contractus principalis, de quo agitur, purè initus, ex vi & potestate clausulæ accessorix detorqueri ad aliam naturam vel conditionem, sed ut est purè inita venditio, ita purè remanere debet, nec ex pacto accessorio immutari.

Et quod partes etiam non interveniente formaliter subscriptione post validam ratificationem Antonii & sociorum aliter apparentem voluerint habere contractum hunc pro perfectò, etià in persona Antonii & sociorum, satis arguit sequens promissio rati per Martinum simpliciter facta, sub pœna, interveniente stipulatione Notarii, cum ascriptione diei, juramenti, obligationis bonorum, & aliis clausulis; quibus dum accessit Antonii & sociorum ratificatio, quam Martinus promiserat, nihil defuit ad perfectam eorum obligationem, ut in specie facti huic hac in parte non multum absimili respondit Ludovic. Bolog. *cons. 52. quod in casus narratione incipit Nicolaus & Clemens, &c. col. 3. in fi. ver. nec dicatur mihi quod conventio, &c.* Et hoc quoque generale est quod quando ex contractu meo nomine gesto mihi aliquid querendum est, sufficit simplex voluntatis meæ declaratio, sive verbis sive factis fiat. *c. rati habitatione. De reg. jur. l. Paulus. ff. rem rat. hab.*

Et certè si in persona Martini contrahentis nomine & vice Antonii & sociorum fuit perfectæ ac præsens obligatio (quod negari non potest) etiam in Antonio & sociis post ratificationem jam dictæ obligationis nomine ipsorum contractæ sic fuerit perfectæ necesse est. Nam cum cujusque contractus non nisi una formalis causa sit, sicut cujusque hominis una tantum est

est anima, naturaliter fieri non potest, ut idem ille contractus quo ad substantiam obligationis post ratificationem Antonii & sociorum, aliter vel difformiter accipiat in persona Antonii & sociorum representata, quam in persona Martini eosdem in hoc contractu representante.

QUIN etiam si forte pro obligationis substantia & efficacia, vel (quod verius est) pro pacti adjecti implemento fuisset subscriptio Antonii & sociorum requisita, & ab ea per subscriptionem Martini vice & nomine Antonii, aut per adhibitionem Notarii recessum non fuisset, attamen etiam in ea parte videri merito posset contractui satisfactum, & saltem æquipollenter intervenisse subscriptio censeretur, per hoc quod Antonius & socii literis suis ad Chifios transmissis scripserunt se de contractu sua vice & nomine per Martinum cum Sigismundo concluso, plenam habere notitiam, ac sese in ejusdem cōtractus observationem per omnia consentire; illumque eorum parte implere velle. Illa enim epistola (præsertim cōjuncta cum facto receptionis aluminum ad ipsos in vim & ex causa hujus contractus præambuli missorum) habuit eandem vim & potestatem obligandi Bonvisios ad plenam observationem dicti contractus, etiam quoad paratā executionem quā habuisset formalis subscriptio scedulæ cum clausulis suis obliga-

toriis, in qua præfatus contractus continebatur: Nam una scriptura 9 supplet aliam, & ex conjunctione scripturarum (præsertim si una referatur ad aliam) resultat vera, propria, & prompta probatio, secundum Bald. *consil. 402. super eodem puncto, part. 3.* quem refert & sequitur Philip. Decius, *consil. 677. visis & consideratis omnibus.*

CUI est proximum quòd ubique habemus effectū ad quem ordinata est hominis dispositio, non curamus de modo, etiam ubi pro forma quid requiritur, ut Philippus Decius & alii in *l. si mater. C. de institut. & substitut. Alexand. consil. 100. visa parte testamenti. num. 6. volum. 4. & facit l. scripturas. C. qui potio. in pig. habe.* ubi licet testium scripturæ requirantur, sufficit tamen quòd sigilla appendant secundum Ludovic. Roman. *consil. 303. hac scriptura privata. hac addita ratione*, quod ex utroque tam sigillo quàm subscriptione, pariter consensus seu rati habitio designetur. Et hæc obtinent etiam in conditionibus. *d. l. si mater.* alioqui ad unguem servandis & implendis, *l. qui heredi. in princip. l. Marcius. ff. de condit. & demonstr.* & maxime quidem in conditionibus faciendi, quæ ferè semper respiciunt aliū aliquem finem in quem tendunt, & ob quem adjiciuntur, ut sic merito in illis obtineat regula, quæ habet, Non ferre quid ex æquipollentibus fiat, licet conditiones dandi in se terminentur, ut pulchrè dicit

Francisc. Areti. ad d. l. si mater.

ET in proposito præterquam quòd de jure prædicta epistola ratificatoria contractus præcedentis cum aliis multis similibus epistolis ultrò citroque missis eundem effectum habuerit, quem subscriptio cum suis clausulis obligatoriis habuisset, & quòd pro vera subscriptione censeri debeat, sic ut etiam ex mente ipsorum contrahentium tali modo conventioni de subscribendo sit satisfactum, propter cōsensum, qui ex dicta epistola evidenter apparet, ex eo colligitur quòd absque ulla querela vel protestatione longissimo tempore cōtrahentes hunc contractum, nec non & alium illi similem eodem die & cum eisdem clausulis celebratum pro perfecto & absoluto concorditer habuerunt, procedendo ad illius executionem iteratis vicibus, & sæpius ultrò citroque scribendo de illis quæ tam quoad naves mittendas & locandas, quàm aliàs ad executionem pertinebant sæpè dicti contractus; ac tandem etiam illo eodem contractu utrinque utendo in iudicio. Nam ex actibus sequentibus (id est, usu & observatione cōtractus) quæ fuerit voluntas, mens & intentio contrahentium, evidenti satis interpretatione, deprehenditur & intelligitur; quam mentem sic deprehensam & intellectū sequi & custodire debebimus. *l. semper in stipulat. ff. de reg. iur. Mar. Soc. junior. cons. 65. cū in præfensi casu. nu. 64. par. 1.*

CONFIRMANTUR prædicta 10 ex eo quod interpretatio mentis & intentionis contrahentium, quæ ex usu & observantia contractus resultat, in jure tam potens habeatur, ut etiam ad approbationem & confirmationem conventionis, quæ de jure fuit invalida, sufficiat. Nam ut scribit Philip. Decius, *consil. 665. Ad dubium quod objicitur. Cōventio*, quæ de jure fuit invalida, si fuerit observata, reputatur perinde ac si de jure valuisset; & hoc maxime procedere debet in casu præfenti, in quo tractatur de contractu emptionis & venditionis, qui solo consensu contrahitur, & proinde potest ratificari expressè vel tacitè verbis vel factis. pro quo est aperta decisio Alex. *consil. 117. vis processu. num. 2. lib. 5.* Phil. Decii in *cons. 232. dura admodum. nu. 5.* Et idem tenet Philip. Dec. in regula, *Quod in initio*; & pulchrè Ludo. Ro. *consil. 54. visis circa id, num. 3.* ubi dicunt, Ratificationem etiam eo casu trahi retrò. Et prædicti Doctor. ad hoc allegant *l. 1. & l. si. C. si major saltus, &c.* Quæ in casu præfenti videntur peremptoria, etiam dato quòd contractus ab initio fuisset nullus propter defectum subscriptionis. Quicunque enim contractus nullus est propter defectum solennitatis respicientis favorem partis, vel certæ personæ (prout hic nullus esset si subscriptio esset substantialis, prout sustinet pars adversa) tunc superveniente illius consensu convalescit, ut

per

per Ludo. Ro. in *predicto consilio* 54. qui ad hoc allegat *l. filio praterito. ff. de injust. rupt. &c.*

Huc etiam pertinet quod scribit Bald. *consil. 108. iste qui promittit, parte 5.* quod licet obligatus ad revendum ad certum tantum terminum, post terminum non teneatur, si tamen post terminum oblatam partem pretii receperit, teneatur revendere, & reliquam partem pretii recipere. Denique huc spectat quod pulchrè scribit Aymo Cravetta, *consil. 101. Nobilis Guido de Bassis, &c. num. 3. versic. Quinto ex observantia, &c.* quod ex observantia secuta declaretur ambiguitas, quæ in præcedentibus esse poterat. Nam ex eis, quæ postea fiunt, declaratur qualis fuerit animus in præcedentibus: *l. sed & Julianus. §. proinde. ff. ad Maced.* Aditque ibi, Instrumentum minus solemne facere fidem, quando secundum illius tenorem fuit observatum: Ac quod tam potens sit observantia postea secuta ad declarationem ambiguae voluntatis in præcedentibus, ut non requiratur præscriptio in tali observantia, id est, quod longo tempore ita fuerit observatum. Est enim (inquit) observantia interpretativa, in qua nulla præscriptio requiritur.

Sed quid est quod hic tantilla imperfectione contractus moveamur, quæ colligitur solum ex non facta subscriptione formali per dominum Antonium pro se & so-

ciis, requisita tantum in parte executiva contractus, tanquam accidentale quiddam, & non substantiale ipsius contractus, præsertim cum & intervenisse eam, (saltem per æquipollens) bene deduci & demonstrari possit, cum Bartholomæus Sossi. *ad l. si ante. ff. solut. matr. & consil. 170. In presenti consultatione quia copiose, &c. volum. 2.* latissimè teneat & deducat quod etiam si præcedat sola promissio de vendendo (quæ à venditione dicitur multum diversa, ut notatur *ad l. in bona fidei. ff. de eo quo certo loco.*) & traditio rei sequatur, illius rei transferri dominium: & meritò quidem, quando & res & pretium certa sunt. sic enim ex traditione & receptione satis colligitur mens & intentio tunc contrahere volentium, etiam præsentem venditionem & emptionem. Nam in quibuscunque negotiis sermone opus non est, sufficiente consensu (ut in emptionibus, locationibus, & cæteris) consensus quomodocunque declaratus sufficit. *l. in quibuscunque. ff. de action. & obligat.* Et quidem non solum si declaretur ille superveniens consensus per nuntium aut epistolam, (quamvis & hæc frequentes hic utrinque intervenerint, & in ipso negotio contrahendo negotiorum gestor, cujus factum est approbatum,) verum etiam si alia quavis ratione unius voluntas alii innotuerit, & sic tandem sit consensus, ut latè Ludo. Roma. *consil. 295. Donatio patris.*

& Andr. Barbat. *consil. 8. in tertia parte.*

**N**ec est prætermittendū, quòd si interpretatio de qua dictum est non admitteretur, jam exitus & præstatio subscriptionis, de quo agimus, fuisset quodammodo impossibilis. Nam cum scriptura præfati contractus post adhibitionem & subscriptionem Notarii, penes Notarium Romæ existentem remanere debuerit, *juxta notata laso. post Bald. ad l. prætor ait. ff. de eden.* impossibile fuisset eam ipsam per Antonium & socios Londini existentes, subscribi, nisi vel Antonius ea de causa Romam, vel Notarius Londinum profectus fuisset, quod non est verisimile à contrahentibus fuisse cogitatum aut præsuppositum. Nulla autem dispositio sic interpretari debet, quod non sit facile effectum habitura, *l. ex facto. §. fin. ff. ad Treb.* sed ita ut valere possit, & sustineatur potius quam pereat, etiam si verborum impropriatio fieri debeat. *Petrus de Ancho. cons. 219. mirum prima facie, nu. 2. & cons. Bar. cons. 124. recorder, num. 4. & late las. ad l. si mihi & tibi. num. 1. ff. si cert. petat.*

**C**ongruit itaque in proposito sequi interpretationem prædictam, quoniam ex usu & mente ipsorum contrahentium desumitur: Et est humanior, ac verisimiliorum ac naturæ ipsius rei subiectæ multum consentanea, per quam etiam actus sustinetur.

**I**n qua re diutius insistendum

non videtur, quoniam clara est. Et si (quod est verissimum) pactum subscriptionis hic non respiciat ipsius contractus substantiam, sed tantum accidentale quiddam & extrinsecum, ex quo contractus principalis reformari non potest (ut dictum est) necessaria non est hujus rei longior pertractatio, ad præsentis articuli resolutionem. Nam si duntaxat pro implemento pactæ subscriptionis ipsa subscriptio fuerit requisita, non potest ob illius defectum, vel ex capite pœnitentiæ, vel causa non secuta, ab emptione perfecta & absoluta recedi, sed actione ex contractu agi posset ad pacti implementum, si quid adimplendum eo nomine restaret. Nam in hujusmodi contractibus nominatis propter moram adimplendi, pœnitentia non admittitur. *l. in civile. C. de rei vendicat: cum similibus.*

**S**ed illud postremo jam loco pro absolutione primi articuli aut capitis nostri responsi breviter ostendendum est, per rescriptionem Antonii & sociorum ad Chisios, in qua declararunt sibi nota esse contenta præfati contractus, & quòd intenderent illa observare, cum aliis similibus ultro citroque scriptis, nec non ex facto receptionis aluminum fuisse inductam in persona D. Antonii & sociorum, plenam, veram & validam ratificationem prædicti contractus, cum omnibus suis clausulis, & eo modo quo inter Sigismundum & Marti-



Martinum prius convenerat.

Ad quod faciunt in primis ea quæ superius attigimus de implemento per æquipollens, & quæ ab aliis latissimè deducta sunt, & præterea ex responsione ad illud quod ex adverso contra hoc objicitur, latius adhuc apparebit. Objicitur autem, Approbationem, quæ ex facto desumitur, restringi & coërceri ad limites ipsius facti. *de quo Paul. Castr. in l. si convenerit. ff. de iurisdic. om. jud. Philip. Decius in c. dilecti. versic. secundo modo, De appellationibus.* Sed hæc obiectio procedere posset in facto simplici, non qualificato, nec ad aliam causam vel titulum præcedentem relato: At longè alia est in casu proposito, & firmitior approbatio atque ratificatio domini Antonii. Nam receptio aluminum à Bonvisiis non simpliciter, sed in vim & ex causa contractus præambuli facta est: id quod in dubio præsumitur. *l. minus instructus. C. de acquir. possess. & in proposito clarè intelligitur ex eo quodd Chisii alumina per Bonvisios recepta, ex causa & in executione contractus præambuli transmiserint.* Nam receptio Bonvisiorum eo nomine & ex illa causa facta intelligitur, ex qua procedens oblatio & transmissio contigerat; *ut expresse Bald. in d. consil. 108. iste qui promittit, parte 5. & denique ab ipsis partibus concorditer hoc declaratum invenitur, utrinque per literas scribentibus Chisiis, ut alumina Bonvisiis consignata ad computum*

eorum, ac dicti contractus ponerentur; & vicissim rescribentibus Bonvisiis, quodd ea ad implementum præfati contractus in computum essent accepta, & in rationes eorū relata: Et sic epistolæ à Bonvisiis missæ, & à Chisiis receptæ & retentæ, & vicissim quoque à Chisiis ad Bonvisios, continent expressam relatione ad contractum præcedentem, ut sic merito propter naturam & potestatem relationis, una eademque scriptura videatur, quodammodo constitui & refutare ex prædictis epistolis Bonvisiorum, & ex ipso contractu præcedente, cui erat subscribendum. Relatio enim facta ad contractum præcedentem hoc operatur, ut ea scriptura, in qua fit relatio ad aliū, censeatur illud quoque continere quod apparet in scriptura, ad quā fit relatio: *l. asse toto. ff. de here. inst. l. à filio. §. pater. ff. de ali. & cibis. ligatis; & notatur ad l. admonendi. ff. de iur. rejur. & ad Auth. si quis in aliquo. C. de edend. ac secundum continentiam, tenorem, & qualitatem illius regnletur, ut habet Ludo. Bolog. consil. 67. in princ. quod in casus narratione incipit Consortium S. Petri. & Bart. Soti. consil. 188. visa bulla, colum. 2. vers. Ex quibus videtur inferri.* Et ubicunque se refert quis ad causam vel titulum præcedentem, intelligitur se velle regere ac gubernare secundum illum, & conventiones & pacta in illo posita observare, ut habet Ludo. Bolog. in prælegato consil. 67. in princ. & Bald. consil. 34. in causa

*causa ista allegantur, part. 2. Felinus in cap. nonne. de presumptionibus. Et hinc est quod qui utitur contractu, vel recipit aliquid ex illo censetur illum totum approbare cum omnibus suis qualitatibus, Ang. consil. 161. rīso puncto predicto. ut nec posset solum pro parte probare, & pro alia parte improbare. l. cū quaretur. ff. de administr. tutor. Et Francisc. Curt. Junior consilio 149. num. 8. vers. Confirmantur premissa, in 2. parte. Idem sentit Phil. Dec. consil. 463. in causa qua nomine. num. 19. ubi post Angel. in predicto consilio est: Quod qui utitur contractu, videtur ratificare contractum.*

Et huc referri potest quod scribit Mar. Soci. junior. consil. 122. *per spectis his qua. num. 9. parte 1.* Si filius cui bona relicta sunt sub onere fideicommissi, si illis non sit contentus, quod habeat legitimam, si bona ultra acceptet, per hoc eum videri oneri fideicommissi consensisse, & suæ legitimæ renunciassse, totamque dispositionem testatoris approbasse. Ad quam rem plura exempla non desunt: sed quoniam ex relatis id, de quo agitur, satis illustratum est, supervacua videretur plurium accumulatio.

SUCCEdit nunc secundi articuli tractatio, quæ quidem eo erit brevior quod ex præcedentibus bona magnæque ex parte illius decisio satis intelligatur. Nam cū in præcedentibus deductum sit, Chisiis non licere ex capite præsentitæ, vel causæ non secutæ ad

specialem conditionem vel repetitionem aluminum traditorum confugere, (quoniam contractus emptionis, de quo agitur, est nominatus & perfectus) illud restat solum ut hoc loco demonstremus, nec ex generali æquitate Legis, *Si me & Titium. ff. si cert. per.* nec per actionem ex contractu, Chisiis pretium partis aluminum traditorum consequi posse, non tradita restante parte aluminum venditorum. In quo non magnoperè laborandum aut insistendum videtur: cū ex ordine conventionis Chisii teneantur prius omnia alumina tradere, & totū contractum ex sua parte plenè adimplere, priusquam pretium petere possint à Bonvisiis, quibus dilatio solvendi pretii indulta, non cœpit currere, neque dies primæ solutionis ex duodecim particulatim præfinitis cessit ante nundinas Pentecostales anni 1527. quo tempore, imò & toto prius biennio oportuerat ex parte Chisiorum omnia alumina esse tradita: quæ cū nondum plenè tradita sint, nondum cessit cum effectu terminus primæ solutionis, per ea quæ notabiliter dicunt Bart. Bald. Angel. Paul. Castr. Francisc. Aret. & Jason. *ad l. si cui legatur. ff. de legat. 1. per textum in l. tali, in princip. ff. de jur. dot.* Quod si emptor promisit solvere pretium intra annum à die contractus computandum, non currere ei tempus ante traditionē rei venditæ factam à venditore. Et dato quod illa commu-

13

14

communis decisio hic fortè non haberet locum propterea quòd hic initium temporis solutionis sit certum (quo casu Jafon *in fi. d. l. si cui*, dicit fallere illam decisionem, plures ad hoc allegando) illud tamen certum est quòd Chisii ad pretium agere non potuerunt, nec possunt, quamdiu contractum pro parte sua plenè & integrè non adimpleverunt. *l. Iulianus. §. offerri. ff. de act. empr. l. ex his pradiis. C. de evict. l. cum proponas. C. de pact. l. quero. §. inter locatorem. ff. locat.* Cùm itaque Chisii venditores ex ordine contractus, & ex conventionione (quæ legem dat contractui *l. 1. §. si con- venerit. ff. de positi. l. contractus. ff. de reg. juris.*) ex sua parte totum contractum adimplere teneantur, antequam quicquam ex pretio petant; nulla est æquitas, ex qua ipsis licere debeat, aut possit contra pactum & formam conventionis initæ, pretium petere, aut alumina repetere, quæ nõ pervenerunt ad Bonvisios, neque manent apud eos absque causa.

Nunc possunt Chisii prætere  
plures fuisse venditiones, pro numero caricharum venditorum aluminum, juxta *l. cum ejusdem, in princ. & l. si plura. ff. de adil. edict.* & ita videri ex sua parte contractum venditionis perfectum, & adimpletum, saltem pro carichis traditis, & consequenter pretium traditarum caricharum, rectè petitum esse. juxta *l. Iulianus. §. ex vendito. ff. de act. empr.* Siquidem manifestum

est non plures, sed unam tantum fuisse venditionem 5000. caricharum aluminum, simul & eodem complexu venditorum pretio 11250. lb. Flandriæ, quamvis ascriptum sit hoc pretium resultare ex quantitate 45. solidorum in singulas carichas. Cujus quidem contractus effectus postea ad utilitatem contrahentium & respectu executionis & commodioris præstationis, tam quoad traditionem aluminum, quam pretii solutionem, recepit ex conventionione partium aliquam divisionem & distributionem, quæ tamen unitatem seu identitatem venditionis non dissolvunt. *d. l. cum ejusdem. §. interdū. ff. de adil. edict.* De quo articulo (quoniã plenissimè ab aliis tractatum est) plura non dicemus, situm adjecerimus, quod scribit Philip. Decius, *consil. 421. plenè & subtiliter, colum. 1.* quod ad hanc rem est appositissimum, dum ita inquit: Quòd si plures res singulis pretiis eodem instrumento sint venditæ, quas tamen constat contrahentes non empruros aut vendituros fuisse, nisi simul omnes, hujusmodi contractus habebitur pro una venditione, unde & venditori agenti ad pretium obstat exceptio rei non traditæ, donec omnes traditæ fuerint: eo magis quòd ex tenore contractus constet contrahentes non plures empriones & venditiones facere voluisse, sed unicum contractum emptionis & venditionis; Verba enim contractus

contractus *mercato e vendita*, sunt singularis numeri, & unicam venditionem denotant. Quod similiter in specie facti sibi proposita annotavit ad eundem finem unitatis venditionis Philip. Dec. in *prædicto suo consilio 421. nu. 4.* Ex quo manifestissimè convincitur (quod ad decisionem præsentis articuli pertinet) Chisios nullo jure, vel æquitate, pretium traditorum aluminum petere posse, priusquam integram quantitatem 5000. caricharum aluminum Bonvisiis tradiderint. Idque eo magis, quòd ex forma contractus & conventionis nominatim ad hoc astricti, & obligati inveniantur: quæ vel sola ratio militare adhuc posset, etiam si verè plures hic essent contractus.

**SUPEREST** nunc tertii ac potissimi articuli tractatio, in quo quaeritur de interesse, ad quod per Reconventionem à Bonvisiis intentatam, Chisii conveniuntur, propter restantem quantitatem aluminum nõ traditam secundum pactum contractus.

**PR**o cujus resolutione breviter dicendum arbitramur, quòd stante (ut dictum est) contractu, eoque perfecto & absoluto, teneantur etiam hodie Chisii ad traditionem aluminum venditorum, & ad interesse, si constet Chisios (cessante justo impedimento) prædictum contractum statutis temporibus non adimplevisse, & quòd ex illa non adimplerione Chisiorum, Bonvisii vel in detrimentum seu damnum

inciderint, vel lucrum, quòd traditis aluminibus verisimiliter facturi erant, non acceperint, quemadmodum revera eos hac occasione detrimentum, non modò verisimilis, sed plurimum apparentis, ac penè certi lucri amissi, multorum milium sustinuisse probatum creditur. *l. 1. ff. de act. empr.*

**N**ec ab horum petitione Domini Bonvisij excludi, vel repelli possunt ex eo capite, quòd ipsi pretium traditorum aluminum Chisii non solverint. Quoniam (uti prædictum est) ex tenore contractus à Chisii dilatio solvendi pretij Bonvisiis data est, in id tempus quo Chisij ex sua parte omnia alumina tradidisse debebant, & contractum plenè ex sua parte adimplevisse, ita quòd ex tenore contractus & pactis in illo apposis, Bonvisij rectè ad implementum contractus vel ad interesse agere possint, etiam si ipsi ex sua parte pretium nec solverint, nec obtulerint. Nam ita cavet tenor contractus, & pactorum in eo appositorum, quæ legem dant contractui. *d. l. 1. §. si convenerit. ff. de positi. l. contractus. ff. de reg. jur. Angel. consil. 121. Nicolaus vendidit, seu arguo ad primum.*

**N**ec possunt etiam Chisij ab hac petitione Bonvisios repellere exceptione deficientis subscriptionis domini Antonij pro se & sociis. Nam (ut superius latè deductum est) constat subscriptionem illam verè vel saltem æquipollenter intervenisse, & illi pacto subscriptionis

scriptionis à Bonvisiis factum esse satis, tam per rescriptionem Bonvisiorum ad Chisios literasque ultro citroque datas, & receptas, quarum plures scriptæ per Sigismundum ad Antonium Bonvisij & socios continent clausulam illam approbatoriam & ratificationem, *che sta bene*, quàm per receptionem aluminum transmissorum, in vim & executionem contractus præcedentis, ut latius dictum est.

3. Veritas rei superveniens facit evanescere fictionem.
4. Sequens observantia contractus ostendit contractum haberi pro perfecto.
5. Scripturarum conjunctio inducit veram probationem.
6. Relatio unius scriptura ad aliam efficit, ut quod in una continetur, in alia contineri videatur.
7. Mercatorum contractus, neglectis apicibus & subtilitatibus, exuberantem bonam fidem desiderant.

Et sic ut supra, per eximios & clarissimos Dominos meos Canonum & Legum Doctores, Iura Canonica & Civilia ordinaria in alma Vniversitate Lovaniens. legentes & publice profitentes, Collegiumq; Doctorum ibidem Iura legentium & regentium constituentes ac representantes, nemine absente aut contrasente, dictum fuit, consultum, & conclusum. Quod attestor ego Theodoricus Pelsen à Loemmel, dicti Collegij & facultatum utriusque Iur. Bedellus, & Notarium juratus. Et in maiorem confirmationem prædicti mei Domini sigillum, quo Collegium antedictum uti solet & utitur, hic imprimi fecerunt, die 26. Octob. anno millesimo quingentesimo quinquagesimo quinto.

CONSILIUM V.

SUMMARIUM.

1. Confirmatio eorum quæ præcedenti consilio deducuntur.
2. Notarii subscriptio supplet conventam partium subscriptionem.

QUEM AD MODUM (ut verè & juridicè in celeberrimo Rotæ auditorio resolutum fuit) ad perfectionem & substantiam contractus aluminum, anno 1522. subscriptio domini Antonij Bonvisij non fuit necessaria; ita nec ad implementum, seu executionem ejusdem contractus, subscriptionem illam considerari, pluribus demonstrari potest.

PRIMO, quoniam per adhibitionem Notarij & obligationem in forma Cameræ, quæ postea accessit, recessum videtur per contrahentes à conventionem subscriptionis, quæ cum aliis plerisque in parte executoria & clausula accessoria prædicti contractus in hoc requisita fuit, ut illius virtute contractus eam firmitatem acciperet, non accedente stipulatione Notarij, quam habuisset si Notarij stipulatio verè intervenisset; sicut postea verè interveniente stipulatione Notarij, & obligatione in forma Cameræ supervacanea fuit præcedens

K dens

dens subscriptionis cautela in hoc adhibita, ut quamvis vera Notarij stipulatio non adesset, fictè tamen & in potentia intervenisse judicaretur : fictio enim non nisi in casu ficto operatur, & superveniens veritas rei fictæ fictionis commentū evanescit & intercidit, *l. 1. in princip. Et ibi dd. C. de rei uxor. act.*

SECUNDO, etiam ex eo recessum videtur ab illa conventionione subscriptionis, quod partes absque ulla unquam querela facta de subscriptione non adhibita, ad ipsius contractus executionem & implementum processerunt, perinde ac si contractus verè fuisset perfectus, & absolutus, non solum quoad ejus substantiam, & naturam essentialem, verum etiam quoad accidentales & confirmatorias qualitates, in clausula executiva & accessoria expressas; ita quod secundum ipsorum contrahentium intentionem, nec in substantia, nec in accidentali natura prædicto contractui aliquid defuerit, præter plenam reliquorum aluminū traditionem & pretij solutionem. Nam sequens observantia contractus ostendit contrahentes contractum habere pro perfecto, absoluto, & adimpleto, non solum in his quæ sunt substantialia contractus seu conventionis contrahendæ, verum etiam in his quæ sunt accidentalialia, accessoria & ad initæ conventionis consummationem, & corroboracionem, seu modum executionis pertinentia.

TERTIO, etiam si ex prædictis subscribendi necessitas remissa non videretur, tamen ex alio capite hodie pro adimplemento prædicti contractus subscriptio illa non consideraretur, quoniam conventioni illius subscriptionis satisfactum fuisset per supercriptionem Martini nomine & vice domini Anthonij, cum promissione rati, præsertim post intervenientem validam ratificationem Domini Anthonij, eamque non simplicem, sed qualificatam & ad præcedentem contractum cum omnibus clausulis in eo contentis relatum; ut Domini Judices in decisione novissimi puncti innuere videntur, & in præcedenti consultatione plenè deductum est.

QUARTO, si nec per illam subscriptionem Martini vice & nomine Domini Anthonij oneri subscriptionis satisfactum fuisset, utique tamen verè vel æquipollenter subscriptionis illius pacto satisfactum videretur, per hoc quod Dominus Anthonius & socij literis suis ad Chisos transmissis scripserunt, se de contractu sua vice & nomine per Martinum cum Sigismundo concluso, plenam habere notitiam, ac in ejusdem contractus observationem per omnia consentire; nam illæ literæ, præsertim cum facto receptionis aluminum conjunctæ, habuerunt eandem vim & potestatem obligandi Bonvisios, ad plenam observationem dicti contractus, etiam quod ad paratam

paratam executionem, quam habuisset formalis subscriptio, cum clausulis suis obligatoriis: nam una scriptura supplet aliam, & ex conjunctione scripturarum, præsertim si una referatur ad aliam, resultat vera, propria & prompta probatio; ita ut merito propter naturam relationis una eademque scriptura videatur constitui ac resultare ex prædictis literis Bonvisiorum & ex ipso contractu præcedente, cui erat subscribendum: relatio enim hoc operatur ut ea scriptura, in qua fit relatio ad aliam censetur eadem, & idem continere quod apparet in scriptura ad quam fit relatio. *l. asse toto ff. de hered. institu. l. à filio. §. pater ff. de ali. & cib. legat.* Qua ratione receptum est ut ambobus instrumentis editis non ex relato probationem condemnationemque fieri, sed ex referente instrumento: diciturque probatio infra præstitutam probationis dilationem facta, quando actor instrumentum faciens alterius mentionem infra probationis tempus edidit.

Et certè prædicta eo firmius debent subsistere, quod hic agatur inter Mercatores in quorū contractibus neglectis Juris apicibus & subtilitatibus bona fides exuberare debet: & præterea quia ex parte Chisiorum nunquam interfuit, nec adhuc interest, subscriptionem domini Anthonij formaliter factā esse; & denique, quia si aliter intellexerimus, impossibile fuisset sub-

scriptionem illam intervenire, nisi Dominus Anthonius & socij ejus rei nomine Romam ad Notarium fuissent profecti, vel Notarius ad illos in Angliam; quod absurdum est, & à verisimilitudine alienum; & proinde firmiter existimandum subscriptionis necessitatem excausis prædictis vel remissam fuisse, vel verè aut æquipollenter adimpletam.

## CONSILIUM VI.

## SUMMARIUM.

1. *Fine seu causa actionis & obligationis cessante, cessat ipsa actio & obligatio.*
2. *Finalis causa cujusque actus quæ dicitur.*
3. *Clausula accessoria & executoria non habet vim causæ finalis, conditionis aut modi.*
4. *Subscriptio partium ad substantiam emptionis non requiritur.*
5. *Negotiorum gestor proprio nomine obligatur, non ratificante eo cujus nomine contractum est.*
6. *Negotiorum gestor obligatur ante ratificationem principalis.*
7. *Mercatorum causa, non curatis apicibus juris, ex bono & equo deciduntur.*
8. *Rota Romana commendatio.*

**A**DVERSUS illud quod nuper scripsimus, posse Martinum Bonvisium & socios ex sua propria persona actionē intentare



contra Chisios pro adimplemento contractus iniri super aluminibus, etiam si fortè contractus substantia in persona Anthonij propter defectum conventæ subscriptionis deficeret, hujusmodi dubium moveretur.

Ex illo superscriptionis defectu non solum in persona Anthonij, verum etiam Martini & sociorum deficere cōtractus substantiā, quoniam scilicet pro causa finali subscriptio à contrahentibus in contractu illa requisita fuisse videtur; quæ cum non intervenerit, videtur quod nec in persona Martini obligatio perfecta fuit: nam omnis actus à fine judicatur, *l. rem non novam. c. de judiciis.* & omnia ad finem referri portet, cujus gratia & efficientes faciunt, & quæ fiunt, efficiuntur; *l. si idem. §. ult. & ibi Paulus Castr. ff. de jurisdictione: omnium judicium. l. si domum ff. locati. l. qui bona. §. qui inter. ff. de damno infecto. l. sed & si quid ff. final. ff. de usufructu.* adeo quod deficiente fine seu causa finali videatur deficere seu corrumpere ipsa conventio: nam hoc generale est, ut deficiente seu cessante causa actionis, obligationis & cuilibet alterius actus, deficiat quoque ipsa actio, obligatio & quælibet alia dispositio. *l. si pro ea C. mandati l. si Procuratorem. §. mandati. ff. eodem c. cum cessante, de appellatio.*

Ex quibus tametsi prima facie resolutio seu responsum nostrum nuper redditum dubium fieri vi-

deatur: manet tamen in se verum & solidum, nulloque modo hujusmodi objectionibus convelli vel labefacturi potest.

NAM præsuppositū illud quod subscriptio Anthonij ad contractum illum pro causa finali requisita fuerit, simpliciter falsum videtur, etiam in persona ipsius Anthonij; si quidem, cum propriè finalis causa ea dicatur, quæ est prima, præcipua atque potentissima, cujus gratia & efficientes faciunt, & quæ fiunt efficiuntur; dilucidè apparet in hoc articulo contrahentes subscriptionem Anthonij non habuisse pro causa finali, sed ipsum commercium & obligationis vinculum, ex quo Chisij ad traditionem aluminum venditorum & Bonvisij ad solutionem pretij cōventi urgeri & compelli possent. Intentio enim contrahentium nō dirigebatur principaliter ad subscriptionem, tanquam scopum suum & ultimum finem, sed ad ipsam empti & venditi obligationem: Idque adminiculo seu confirmatione subscriptionis Anthonij & sociorum, requisitæ in clausula accessoria & executiva contractus, quæ non habet vim causæ finalis, conditionis aut modi, per quem obligationis substantia suspenditur. *Philip. Decius conf. 305. Iuridicam esse arbitror & conf. 500. Iason ad l. jus civile nu. 8. ff. de iustit. & jure.*

Et eo proclivius dicendum est, subscriptionem illam neque causam finalem respicere neque conditionem

ditionem aut modum inducere, per quem contractus substantia differatur: quod nec verba, quibus de descriptione fit mentio, per modum causæ, conditionis aut modi sint prolata; nec aliunde appareat Chifios aliter non fuisse contracturos, quam si subscriptio illa formaliter interveniret. *Alexan.*

*in additione ad Bartholum in l. 2. §. finali. ff. de donationibus, Baldus in l. & si post tres ff. si quis cautionibus l. sed si mors §. fina. ff. de donatio. inter virum & uxorem.* Nam in his quæ conditionaliter aut per modum causæ non proferuntur, in contractibus causam finalem, aut etiam formam substantialem actus concernere, non videntur; sed potius causam impulsivam, aut pactum aliquod accidentale seu executivum: *l. 1. ff. de donatio. latè glossa & dd. in dicta. l. 2. §. final. ff. de donatio. l. cum tale §. saltem. ff. de conditio. & demonstratio. & hoc potissimum, si (quod est in proposito) tractetur de contractibus nominatis, qui non habent in se relationem quæ est in contractibus innominatis, argu. d. l. 2. §. finali ff. de donationibus & ibi glossa. & id de quo agitur, non sit de substantia actus, d. l. sed si mors. quemadmodum in proposito subscriptio ad substantiam emptionis & venditionis, de qua agitur, non requiritur.*

Non est igitur hoc pactum subscriptionis habendum ut causa finalis, conditio vel modus, vigore cuius vel in persona solius Antonij

(cujus subscriptio desideratur) contractus substantia suspendatur; cum neque expressè neque tacitè hoc à partibus actum pateat & contrarium ex contractus natura & clausula accessoria seu executiva (in qua de hac subscriptione fit mentio) colligatur & intelligatur.

DEINDE si fortè (quod non videtur) per modum causæ finalis, vel formalis conditionis seu modi, aut quia Chifij fortè absque subscriptionis conventionione, non fuissent contracturi, subscriptio illa fuisset requisita ad obligationis substantiam, id certè referretur duntaxat ad personam Anthonij & Sociorum, quorum obligationi hoc pactum subscriptionis est additum, & nequaquam astringeret seu comprehenderet personam Martini & Sociorum: nam in persona Martini & Sociorum perfectam absolutamque fuisse conventionem & obligationem ab initio, & ante subscriptionem Anthonij & sociorum, testantur promissiones, juramenta & stipulationes Notarij, cum ascriptione loci & temporis, ut in prioribus consiliis latè deductum est. Et ob hoc ipsum adhibita fuit obligatio, promissioque Martini & Sociorum, ut, si contingeret Anthonium & socios non subscribere, in eum eventum obligatio contractus remaneret in persona Martini & Sociorum, ut tenor & verba dicti contractus manifestissimè indicant: estque

hoc perpetuum in omni negotiorum gestore (qualem hic Martinus se prestitisse videtur) ut non ratificante eo, cujus nomine contractus celebratus est, utilitas contractus, atque adeo ipsa obligatio penes negotiorum gestorem remaneat. *l. si absentis. C. si certum potest. l. si Titio. ff. de legat. secundo. l. si pupilij. §. 1. ff. de negot. gestis l. procurator qui pro evictione, & ibi Castr. & alij. ff. de procurat.* Quod maximè verum est, quando (ut est in proposito) negotiorum gestor, seu is qui pro alio contraxit, promissit ac sese obligavit : *d. l. si pupilli. §. 1. Socinus junior. consil. 27. num. 5. parte 2.* & quando agitur de contractu, ultrò citroque obligatorio.

QUI NIMIO contractus & obligatio illa in persona Martini & sociis, fuisset prorsus frustratoria, & ipsis Chisiis inutilis, si ante subscriptionem & approbationem Antonij non fuisset inducta obligatio in personis Martini & sociorum. Quoniam vis & effectus hujusmodi promissionum & obligationum, quibus astringuntur hi qui alieno nomine contrahunt, non elucescit, nec operatur nisi ante ratificationem ejus cujus nomine contractum est; & tantisper solum durat, donec is pro quo contractum est ratificet : nam ratificatio facit ut contractus censcatur celebratus ab ipso ratificante, non ab ipso gestore, cujus obligatio per ratificationem perimitur & dissolvitur. *d. l. si pupilli. §. nem quaritur. in*

*verbis* : Sed ratificatio fecit tunc negotium. *Speculator tit. de judiciis. §. 1. vers. ex predictis, Cynus, Bart. Bald. & alij. in l. si pecuniam. C. de negotijs gestis. Castr. d. l. procurator qui pro evictione.*

Quæ cum ita sint, dubitandum non est quin citra subscriptionem Domini Antonij Martinus efficaciter fuerit obligatus Chisiis, & vicissim Chisij Martino & sociis ad observationem contractus, eaque obligatio firmior & solidior fuit, ante subscriptionem & ratificationem Antonij quam posteaquam ea intervenisset.

Et profectò cum in veritate subscriptio ad substantiam obligationis etiam in persona Antonij nunquam fuerit necessaria, sed simplex ratificatio sufficere potuerit; palam est pactum illud subscriptionis non respicere substantialia contractus, sed super accidentalibus esse interpositum, idque post formatum & perfectum contractum in clausula executiva & accessoria; ita ut mirum sit hac nimia & umbratili subtilitate per partem adversam totum negotium confundi, perturbari & intricari tam longo tempore : præsertim cum agatur inter mercatores, in quorum causis ex bono & æquo procedendum est, *Bart. in l. si fidejussor. §. quædam. & l. Quintus. ff. mandati.* non curatis apicibus juris, cujusmodi sunt omnia quæ de formali subscriptione manu propria Antonij & sociorum scribunt adversarij.

ET

ET cùm in celeberrimo Rotæ Romanę confessu, qui inter omnes Pontificios summam obtinet auctoritatem, laudabili more receptum sit, ut omnia quæ in causa sint exquirantur, & per puncta discutiantur, eo (ut videtur) servato ordine, quando genus causæ hoc admittit, ut singula per se seorsum, ac deinde omnia simul, velut in acervum coacta examinentur, fortassis non inconveniens foret, nunc, dum adhuc particulariter super singulis veluti articulis hæsitatur, etiam illud excitare dubium.

3. An ab initio ad substantiam & perfectionem contractus etiam in persona Domini Antonij & sociorum fuerit necessaria subscriptio, si aliàs vera ratificatio seu ratihabitio intercederet: in qua tamen re nos submittimus exercitatiorebus ingeniis dominorum Advocatorum & Procuratorum, qui Romæ Dominorū Bonvisiorum causas tractant.

## CONSILIUM VII.

## SUMMARIUM.

1. *Transitus ratione permittuntur aliàs prohibita.*
2. *Appulsiones quæ contingunt casu vel necessitate, non considerantur.*
3. *Navigandi libertas debet esse libera.*
4. *Evectionum & invectionum quoties est questio, primus appulsus consideratur, sive ex proposito, sive fortuito & in transitu appulsus ille*

*contigerit.*

5. *Inspectiones & mensurationes fieri debent in initio, non expectato quòd transitus sit perfectus, ut fraudes evitentur in itinere & progressu.*
6. *Stapala & inspectionis seu mensurationis diversa ratio.*
7. *Exceptio confirmat regulam in casibus non exceptis.*
8. *Observatio sequens est optima præcedentium dubiorum declaratio.*
9. *Inspectiones & mensurationes & veltigalia exigi possunt, etiam à transeuntibus.*
10. *Transeuntibus prohibentur fieri ea impedimenta quæ sunt indebita tantum.*
11. *Lex Caesar. ff. de publicanis, declarata.*
12. *Iudiciū est sequi veritatem, non erroneam partium allegationem.*

UT distinctiùs absolutiusque examinentur, ac deducantur ea quæ ex parte amplissimi Senatus Middelburgensis deliberanda disquirendaque proponuntur circa Revisionem adversus sententiam, quæ 24. Julij anno 1556. in Senatu Mechliniensis contra municipium eorum pro legislatoribus oppidi Antverpiensis & Francisco de Noyon lata est, instituendam, conveniens videtur totam tractationem in duo capita distinguere. Quorum priore inquiremus de iustitia negotij principalis, secundo de validitate & interpretatione privilegij geranij seu cranij, quod

quod oppido Middelburgensi ex edicto Cæsareæ Majest. anno 1524. indultum fuit: An videlicet Middelburgensibus ex illo edicto seu privilegio jure liceat naves exterorum mercatorum, quibus vina in has ditiones subvehuntur, posteaquam semel in ditione Valachriæ, ubi geranium seu cranium Middelburgense est proximum, terram attigerint, vel anchoram fixerint, arrestis sistere, quamvis aliò sint destinatæ, donec onus cranij & mensurationis secundum tenorem dicti edicti subierint. Posteriore verò illud tractabitur, an in modo & forma arrestandi seu procedendi vigore arresti facti in Senatu Mechliniensis, aliquid à Middelburgensibus omissum aut erratum sit, ob quod etiam subsistente privilegio contra eos judicari poterit.

Quod ad priorem articulum attinet, prima facie secundum intentionem Antverpiensium contra Middelburgenses dicendum videbatur, videlicet, quòd Middelburgensibus vigore prædicti edicti ea prærogativa non debeat competere, ut naves etiam aliò destinatas, & quæ non nisi momento temporis propter marinæ tempestatis discrimen, aut æstuarij defectum, vel alia causa fortuita in districtu Valachriæ consistunt, sistere, & ad suum geranium revocare possint.

PRIMO, quoniam ex eo edicto necessitas geranij & mensurationis

non imponitur, nisi posteaquam in locum destinatum pervenerint, his verbis: **Die selve sullen moeten vueren ende ontladen ter naester cramen vander plecten daer sy aencomen sullen/** &c. quæ verba perfectam navigationem & appulsionem in loco destinato significare videntur. Nam venisse aut fuisse in loco non videtur, qui manet brevi tempore. *Anchor. consilio 75. viso diligenter. l. ex facto. ff. de hered. instituend. l. servis urbanis. ff. de leg. 3.* quod & Quintilianus probat declamat. xv. dum dicit, Eum penè non venisse, qui statim reversurus est; & è diverso, Eum non videri abiisse, qui statim rediturus est. *l. cum antiquitas, ibi. Ex brevi temporis intervallo. C. quemadm. testam. ordin.*

SECUNDO, quia transitus est multum privilegiatus, utpotè in quo aliàs prohibita conceduntur. *l. si quis. C. de edific. privas.* ubi pulchrè admonet Accursius, observandum esse argumentum pro mercibus aliunde delatis, ut possint exportari; licet aliæ quæ similes sunt, nò possint: quia non inspicitur locus per quem transitur, sed locus ad quem vaditur. *Bald. consilio 472. Statuto communis Papie. part. 1.*

TERTIO, quia appulsiones quæ contingunt casu, vel necessitate tempestatis marinæ, nò considerantur, neque debent mercatoribus poenam vel damnum asferre. *l. Cesar. ff. de publica. & vectigalib.*

QUARTO,

QUARTO, quia jus illud sistēdi revocandique naves aliò destinatas ad cranij Middelburgense, est contrarium libertati navigandi, quæ ex jure gentium competit universis. l. 1. §. fluminum. ff. de fluminibus.

QUINTO, quia publicæ commerciorum utilitati adversatur, & sæpè per hoc, cum prosperior ventus invitat ad navigandum, naves morarentur ac detinerentur, contra l. f. C. de navicular. lib. xi. ita quòd nullatenus sit verisimile Cæsaream Majest. tam amplum privilegium cum publico & vicinorū portuum incommodo Middelburgensibus concessisse. Id quod sexto ex eo confirmatur, quòd nec potuerit (ut Antverpienses inquirunt) Cæsareā Majestas, quatenus de Brabantorum præjudicio agitur, hujusmodi privilegium Middelburgensibus attribuere, obstante pacto inaugurationis suæ Lovanij factæ anno 1515. & proinde privilegium illud à Middelburgensibus præsum, vel tanquam obreptitiè impetratum, vel tanquam nimis onerosum, & iniquum videtur rejiciendum, vel ad minus ita restringendum, ut duntaxat intelligatur ac locum habeat in navibus in Zelandiam destinatis, & quæ illic vina sua exponunt veniūt, ut scilicet illa, priusquam vendantur, vel aliò transferantur, geranio & mensurationi Middelburgensi subjiciantur.

Et quòd ita restringi debeat,

indicant priora stipulæ privilegia Comitibus Gulielmi & Ducis Philipp, ab ipsis Middelburgensibus adducta; ex quibus ortum & originem hoc cranij privilegiū habuisse, & velut in locum illorū surrogatum fuisse deducitur in principio Memoriarum ipsorum Middelburgensium, & in 33. articulo, Memoriarum Antverpiensium. Quæ privilegia cum solum loquantur de navibus in Zelandiam destinatis, ac inibi exoneratis, merito hoc privilegium geranii, tanquam ex illis originem & ortum habens, secundum limites & terminos eorundem privilegiorum restringi, & limitari debet. Nam manifesti juris est, surrogatum sapere naturam ejus in cujus locū est surrogatum; & posteriores constitutiones ex prioribus interpretationem ac declarationem recipere.

Et sanè ea restrictio eo facilius admittenda videtur; propterea quòd privilegium geranii sit intellectum minus præjudicabit publicæ libertati navigationis; & tamen operabitur aliquid (ut videtur) in utilitatem ipsorum Middelburgensium.

SEd his nihil obstantibus, mature consideratis ac perpensis omnibus, contrariæ sententiæ tanquā veriori ad hærendum existimo, videlicet privilegium illud ex edicto illo Middelburgensibus competens tam late patere, ut vigore illius Middelburgenses rectè poterint ac possint quaslibet naves,

L

etiam



etiam aliò destinatas, quæ in suo districtu constiterint, aut terram attigerint, sistere, ac ad geranium suum adducere ex rationibus sequentibus.

PRIMÒ, quia tenor & tota dispositio prædicti edicti refertur ad principium illationis, seu investitionis in has inferiores ditiones patrimoniales sue Majestatis, in verbis: *Alle de ghens die Wijnen voirtaen in onse landen sullen brenghen* / atque subjiciuntur ex illo edicto necessitati cranij & mensurationis mercatores exteri, simulatque ex vasto & aperto mari ad districtum istarum ditionum pervenerint, ac terram attigerint. Nam hoc important illa verba: *ter naester plaetsen daer sp aencomen sullen.* Nam *aencomen* vernacula lingua significat Contingere, appellere, seu pervenire: idque indiscriminatim, sive hoc fiat in transitu, & cum destinatione ulterius procedendi, sive cum perseverantia & proposito exonerandi, vendendiq; bona advecta. Nam vis vocabuli æqualiter se habet ad utrunque. Unde Cæsar *lib. 5. belli Gallici*, Ad portum Ictinim pervenisse dicitur, quanvis non nisi in transitu, & quia Corus ventus ulteriorem navigationem impediēbat.

DEINDE manifesti est juris, Principem voluisse per illud edictum externos mercatores, simulatque ingressi essent has ditiones, proximi portus geranio subicere;

ut scilicet in initio & ab ipso principio commensuratione & gaugio facto tolleretur occasio exteris mercatoribus, recta navigatione contempta devia littora sectandi, fraudandique tam subditos quam Principem in suis juribus, per incertam vasorum magnitudinem & capacitatem: quæ fraudis exclusio causa fuit statuendi edictique promulgandi, ut ex proœmio ejusdem edicti manifestè deprehenditur.

TERTIÒ, quia hujusmodi inspectiones, mensurationes & gaugia de consuetudine fiunt, ac debent fieri in initio, non expectato quòd transitus sit perfectus, aut in locum destinatum perventum: quia tunc fortassis æquè commodè fieri non possent, argumento eorum quæ scribit Bald. *in l. cum proponas. C. de navt. san. Alexand. consil. 7. parte 3.* adeò quòd universæ reipublicæ interlit hujusmodi gaugia & mensurationes in initio Provincia fieri potius quàm in loco destinato, propter fraudes quæ committi possent, devia littora sectando, & exonerando in itinere vina seu merces, & præterea ut evitetur occasio litium, quæ in probanda confutandaque destinatione sæpè inciderent. Nam sæpè circa destinationem exteri mercatores mentirentur, ac variis titulis ac nominibus seu destinationibus uterentur. *arg. l. 1. C. de navib. non excus. lib. xi.* Multi quoque præfentes advectioni, absque ulla destinatione certi loci, fortunam cujusque fori liberè



liberè experirentur absque onere geranij ac mensurationis.

QUARTO, quia manifestum est Imperatorem in illa edicti promulgatione considerasse generalem destinationem illationis in has inferiores ditiones, in verbis: **Die Wijnen in onsen voorsz. Landen bzenghen sullen / &c.** & non ad particularem provinciam, & multo minus certum, & singulare forum, seu locum destinata illationis ac venditionis. Nam generaliter & sensu composito de omnibus Provinciis edictum concepit. Et ratio in ipso edicto expressa, nempe ut fraudes excludantur, in initio inspectionem, subvectionem ac mensurationem fieri desiderat: nisi enim in ipso principio & primo accessu in has ditiones gaudium & mensuratio fiat, non erit satis adversus fraudes provifum.

ER quod duntaxat generalem destinationem ac principium illationis in has ditiones respexerit Imperator, & non particularem cujusque Provincie seu fori destinationem, clarè intelligi potest ex collatione hujus edicti cum placitis stapulæ constitutæ per Cæsaream majestatem anno 1546. tam in Brabantia quàm in Zelandia, in quibus cum veller non principium illationis seu advectionis in omnes ditiones, sed particularem provinciarum destinationem & distinctionem considerari, diserte hoc expressit his verbis: **Dat sy lieden**

**die wijnen die sy sullen willen bzenghen te water in onsen voorszeden Landen van Brabant / ghehouden worden te doen stapelen in onse steden van Antwerpen ofte Bergen / &c.** Et rursus in alio: **Dat sy lieden die wijnen die sy sullen willen bzenghen te water in onse lande van Zeelandt / ghehouden worden te doen stapelen inder steden van Middelburgh ende Zierickzee / &c.** In hoc verò edicto geranij, & mensurationis, ad demonstrandum principium illationis, consideratum esse; nullam particularem Provinciarum distinctionem aut designationem fecit: sed generaliter & sensu composito illationem seu invectionem in omnes has ditiones in principio seu initio illationis geranio & mensurationi subjecit. Et sanè meritò tam diversimodè hæc in jure stapulæ & geranij Imperator constituit. Nam stapulæ jus respicit principaliter commercia & utilitatem emporij seu oppidi, cui hoc jus stapulæ conceditur; ideoque in eo non initium illationis, sed loci celebritas, quod maxime convenit hujusmodi negotiationes frequentari, spectari debet. Jus verò geranij & mensurationis, cum principaliter non utilitatem loci; sed fraudis exclusionem respiciat, in initio ditionum constituendum fuit. Nam, ut superius ex Baldo dictum est, commodius hujusmodi inspectiones & mensura-

tiones fiunt in principio, quam post navigationem perfectam; que si attendetur, sæpe incerta esset ratio geranij & mensurationis, multæque fraudes & abusus committerentur, quos evitare cōvenit, l. si quis. C. de cursu pub. libro 21. exigendo mensurationem in primo appulsu secundum ea quæ scribunt Decius consil. 434. num. 15. Oldradus consil. 300. Factum tale.

QUINTO, quod hæc sit vera interpretatio & sententia dicti, probatur per exceptionem de incolis & subditis mercatoribus, qui speciali ratione à regula edicti contra externos mercatores posita eximuntur in eo, ne in initio illationis factæ in has ditiones teneantur subire onus geranij & mensurationis, sed liberè possint cum vinis suis procedere & præternavigare usque ad portum suæ Provinciæ domicilij, vel alium particularem locum destinatæ exonerationis, his verbis: **Ten ware dat die selve Wijnen toebehoegden eenighe van onsen Onderfaten ofte Coopluyden residerende in onse Landen: In welck gheval sy dien souden moghen seyn den/brengen/voeren ende ontsladen ter plaetse van heure residentie/ oft elders daer hen goet duncken sal.**

Ecce nominatim & in exceptione à regula superius contra externos posita, subditis remittitur necessitas subeundi gerani & mensurationis, in initio data licentia

quod possint absque onere gerani & mensurationis destinare, advehere, inferre & exonerare vina sua in loco particularis destinationis. Nam verba illa, **Seyn den/brengen/voeren ende ontsladen ter plaetse van heurder residentie/ &c.** propriè explicatæque hanc particularis destinationis executionem significant: & hoc principaliter est in exceptione illa subditis concessum, ut onus geranij non nisi in loco particularis destinationis subire teneantur. Regula igitur contra externos ad exclusionem fraudis & abusus, qui facilius per extraneos committuntur quam per subditos, subjicit exterorum vina geranio & mensurationi in initio illationis, simulatque naves in has inferiores ditiones appulerint, seu terram attigerint. Nam exceptio quoad dispositionem & decisionem contraria est regulæ, illique quod in regula deciditur: ideoque regula per exceptionem in casu excepto vitatur, in casibus verò non exceptis ab ea illuminatur & declaratur secundum interpretes. in Rubrica. ff. de regul. juris. Cum itaque manifesta sint verba exceptionis, quibus permitta subditis particularis destinationis executione necessitas subeundi geranij & mensurationis remittitur, clarè sequitur & patet per præcedentem regulam, externos geranio & mensurationi in initio faciendæ esse obnoxios. Nam exceptio regulam declarat, & obscurum

rum

rum regulæ sermonem illuminat, restringiturque & limitatur genus secundum terminos exceptionis. *ad l. 1. ff. de regul. juris, late dominus Prasæ in loco, Ab exceptione ad regulam.*

**Sexto**, expressius apertiusque confirmantur prædicta ex restrictione, quæ exceptioni prædictæ subiecta est, his verbis: *Behou- delick nochtans dat sy die sul- len moeten doen gaugeeren/ meten ende teeckenen daer sy die ontladen ende te coope sul- len stellen.* Nam cum exoneratio expositioque illa ad vendendum semper fiat in loco destinato, clarum est per illam exceptionem in- colis & subditis duntaxat concedi particularis destinationis execu- tionem, eamque in contrarium per regulam præcedentem exteris fuisse negatam.

**Septimo**, comprobantur prædicta per usum & observatio- nem conformiter prædictæ inter- pretationi insecutam, quam Mid- delburgenses in Memoriis suis al- legarunt & probare obtulerunt in 46. addition. articulo. Nam ex huiusmodi uniformi observati- one optima legum & edictorum inter- pretatio desumitur. *l. cum de inter- pretatione. ff. de legibus.*

**Denique** prætermittendum non est, quod verba dicti edicti tam clara videantur in hanc par- tem quod recitator actorum in Curia Mechliniensi requisitus à se- creto Consilio in causis sententiæ reddendis nullum fundamentum

in hac restrictione privilegij inter- pretatione constituerit.

Ex quibus omnibus satis de- monstratum videtur privilegium hoc geranij & mensurationis per legem generalem seu edictum Middelburgensibus indultum tam late patere ut vigore ejus quilibet naves exteriorum mercatorum ex quacunque causa ditignem seu terram suam attingentes sistere, ac ad geranium suum & mensuratio- nem vocare & perducere possint: nec obstant quæ superius in con- trarium pro Antverpiensibus ad- ducta sunt.

**Nam** primo quod de naviga- tione perfecta & destinatione loci particularis adductum est, falsum esse ex prædictis clarè intelligitur, attento quod nullum verbum præ- teriti temporis, aut perfectæ navi- gationis seu destinationis particu- laris significativum in eo edicto inveniat, sed omnia verba, item mens Principis, natura negotij, & consuetudo huiusmodi inspectio- num, mensurationum & provisio- num adversus fraudes inventurū vina, vel alias merces, referuntur ad principium sed initium illatio- nis, ut superius demonstratum est.

**Non** obstat quod de libertate navigationis & transitus est obje- ctum, quia huiusmodi & similia pro Antverpiensibus adducta; non nisi adumbratam speciem æquita- tis & fucum verborum habent, re ipsa verò nullum pondus continet.

Nam per hujusmodi geranij & mensurationis onera, aliasque provisiones, quibus utilitati vectigalium adversus fraudes mercatorum providetur, non impeditur transitus aut negotiatio, seu navigatio; sed utilitati reipublicæ & Principis prospicitur, & ad magis conservandam justitiam in commerciis, ad removendum fraudes, hæ provisiones pertinent: Ideoque sunt non modo justæ & licitæ, sed & cum summa æquitate conjunctæ & favorabiles. *Decius consil. 660. Baldus in d. l. cum proponas. Alex. cons. 7. vol. 3. Angelus cons. 290. thema est tale.* qui addit, quod omnes Domini terrarum & civitates per seipsas regentes imponant datia, gabellas & alia similia, eisque exigendis & recipiendis stationes constituunt, non solum in loco destinationis, sed etiam & frequentius in introitu vel transitu. *juxta notata Baldi in d. l. cum proponas, cum similibus allegatis superius.* Et hoc modo Veneti jure dicuntur habere in mari deverta, ac jus illud exercent adversus eos, qui mare suum navigant, ut merces etiam aliò destinatas in Venetiis præsentare, ac ibi vel in alia statione vectigalia solvere, invectiones aut exectiones ostendere, ac alia similia subire teneantur. *Salicet. in d. l. cum proponas. Angel. d. consil. 290.* Et hoc est quod Bald. scribit *cons. 472. statuto communis Papie, vol. 1.* Ex forma statuti considerandum esse an gabella debeat in portu vel in porta, in subur-

biis & antequam invectionis sit perfecta, an vero in introitu portus, aut post discargationem (ut ipse ait) in loco destinato.

PRÆTEREA quod dicitur, impedimēta navigationi seu transcuntibus præstari non debere, intelligitur quando indebitè quid in flumine ripave ejus sit, quo pejus navigetur, *Specul. tit. de causa poss. & propriet. §. quia vero versic. sciendum est.* aut quando absque autoritate Principis naves sistuntur, morantur, aut nova vectigalia seu alia onera imponuntur, *ut toto titulo Cod. nova vectigalia imponi non possent. fin. C. de navicular. lib. xi.* secus in his quæ fiunt autoritate supremi Principis, idque ea causa justa, propabili & universæ Reipublicæ ad occurrendum fraudibus necessaria, quod est in proposito; adeo quod si quando contingat occasione geranij vel mensurationis moram aliquam exteris mercatoribus injici, aut eos majore aliquo sumptu propter duplicem exonerationis molestiam affici, hoc tamen pusillum est, ei que utilitas publica Principis & universæ Reipublicæ præponderare debet, cui expedit multis de causis, in initio hanc geranij ac mensurationis stationem constitui.

DEINDE quod plerumque in jure aliter constitutum sit, de rebus existentibus aliquo loco in transitu, quam de rebus existentibus cum destinatione & proposito remanendi, ad hanc materiam

non



non pertinet, in qua speciali ratione, nempe ut fraudibus, obviatur, de jure communi & constitutione illa imperiali constitutum est, inspectiones & mensurationes in primo introitu & ab initio fieri debere: quod est iustissimum, cum in progressu alioquin multæ fraudes committere pntur, ita quod favor transitus in considerationem venire non possit, ubi ex illo fraudis committendæ occasio præstaretur tam adversus Principem, quam universam Reipublicam.

SEd nec illud obstat, quod de necessitate & marinæ tempestatis discrimine, ex *l. Caesar. de Publicanis & vestigal.* adductum est: nam in *d. l. Caesar.* navi, quæ tempestate in Insulam Cretæ relata erat, sic solum tempestas prodest, si iterum exiverit; non si occasionem tempestatis approbans, eaq; utens ibi remaneat, aut ulterius ad interiores Provincias naviget: Si quidem *d. l. Caesar.* loquitur & procedit eo casu, quo navis vi tempestatis contra propositum nautarum refertur in eum locum unde exierat, aut in illum locum depellitur, quod nec transire nec pervenire nauæ constituerat: hic vero solita destinataque navigatio continuatur, ac beneficio tempestatis, sic subsistit; celerius perficitur, quod ad terminos *d. l. Caesar.* nulla ratione referri potest; maxime cum hic non agatur de pœna aliqua incurrenda, aut evitanda per appulsus, sed de executione oneris per illationem in has

ditiones impositi; efficiturque hoc casu primus appulsus, nihil aliud quam ut onus geranij & mensurationis semel subeundum in loco proximi geranij, potius præstetur, quam alibi, idque ad obviandum omnibus fraudibus.

Ad id quod sexto loco objicitur de præjudicio Brabantis non inferendo, ex hac privilegij cessione, responderi potest; Per editum illud neque de rebus Brabanticis, neque personis ditioni Brabantorum subjectis disponi, sed duntaxat de onere subeundo ex causa justa & legitima per extraneos antequam in Brabantiam pervenerint, quod vigore pactionis specialis à Brabantis Cæsari, generale edictum promulganti, pro utilitate omnium suarum ditionum & subditorum inhiberi non potest; præsertim cum principaliter Antverpiensibus, aut aliis Brabantis ex illo non inferatur in commodum aut damnum. Nam hic res tota ad externos pertinet & per eam duntaxat illorum fraudibus cum publico omnium regionum commodum providetur.

ILLUD quoque non obstat quod dictum est de restrictione & relatione hujus privilegij geranij & mensurationis ad priora itapula privilegia, quæ olim Middelburgensibus indulta fuerunt. Nam hæc concessione, forma & re ipsa diversa sunt, neque unum ab alio dependet, sed sunt penitus distincta, separata & divisa; ita quod neque

neque conjungi neque conferri inter se debeant: Est enim multum notanda differentia inter jus stipulæ & geranij, ac mensurationis; ac in diversis ordinationibus ex diversis causis de illis disponitur; neque in una concessione, alterius ulla fit mentio seu relatio.

Et quod Middelburgenses priorum concessionum seu privilegiorum mentionem fecerint, id accidit non ad finem conferendi, conjungendi hæc privilegia sibi invicem, aut ut ex uno alterius fieret interpretatio aut restrictio, sed ad finem demonstrandi, curam, sollicitudinē & studiā Principum suorum in sustinenda & exornanda Republ. Middelburgensi: ut declarant ipsi Middelburgenses in additionum articulo 30. cui declarationi etiam in dubia & obscura allegatione seu exhibitione stare deberet. *l. si quis intentione. & ibi dd. ff. de judic.*

QUINIMO si Middelburgenses aperto errore allegassent, ac in allegatione ea persistissent, quod novum hoc geranij & mensurationis privilegium succedaneum esset in locum antiquati juris stipulæ, quodque ex eo ortum & originem habuisset; per hoc tamen jus & effectus privilegij non fuisset immutatus, neque debuisset iudex tali erronea allegationi adherere. *l. si servum. §. sequitur. ff. de verb. oblig.* Nam quomodo privilegium intelligi aut accipi debeat, non dependet ex allegatione aut arbitrio

partis; sed ex ipsa Juris constitutione, quam Iudex sequi tenetur & non partis erroneam allegationē. *l. unica & ibi dd. C. ut huius qua desunt advocatis.*

QUIBUS accedit ad confutationem ejus quod ultimo loco objectum est, Middelburgensis geranij nullum aut exiguum usum fore, si ad limites & terminos Juris stipulæ reducetur. Nam in terminis, quibus stipulæ locus est, accessorie jus stipulæ Middelburgenses idem consequuntur quod directo ex jure competit, cum stipulæ vina non subjiciantur, quin simul saltem ut plurimum geranij & mensurationis onus sustineant.

RELINQUITUR ergo ex omnibus prædictis jus seu privilegium stipulæ à jure geranij diversum & separatum esse, eaque inter se nullam connexionem, aut dependentiam habere, & consequenter secundum ea, quæ latè superius dicta sunt, jus geranij & mensurationis, quod Middelburgenses habent, tam amplum esse, ut vigore ejus vina exterorum, mercatorum, simulque terram attigerint, sistere & ad sumum geranium vocare possint. Et hæc de priore articulo.

CIRCA posteriorem articulum difficultatem faciunt, quod Middelburgenses in arresto factō, & etiam in processu Mechliniæ habito jus stipulæ cum jure geranij commiscuerunt & quod deterius est, jus stipulæ (quod non competit) principaliter pro sustinendo arresto

arresto allegaverint, his verbis: **Om aldaer verſtapelt / ghe-  
gangeert ende ghemeten re-  
werden /** quali ſcilicet jus geranij  
acceſſoriè ad jus ſtapulæ, & in con-  
ſequentiam illius conſeſſum eſſet,  
12 ob quod videri poterat rectè con-  
tra eos judicatum, ex eo quod cùm  
in jure ſtapulæ principaliter alle-  
gato non eſſent fundati, in acceſ-  
ſorio quoque ſuccumbere debue-  
rint. *juxta regulam, Acceſſorium. de re-  
gulis juris. in 6.*

ET hic error conduplicatur à  
Middelburgenſibus dum ad aſtru-  
endum jus ſtapulæ, allegant & ex-  
hibent antiquata privilegia Comi-  
tis Guilhelmi & Philippi Ducis,  
necnon temporale placitum Cæ-  
ſaræ Majest. ſuper jure ſtapulæ de  
anno 1546. cum ea deductione,  
quali hoc jus geranij ortum & ori-  
ginem habuerit ex antiquiore illo  
jure ſtapulæ, atque ad conſervan-  
dum reliquias illius priſtini juris  
emanaverit, per quod jus hoc ge-  
ranij ex edicto competens reſtrin-  
gi videtur ad limites priorum pri-  
vilegiorum, quæ non loquuntur  
niſi de navibus in Zelandiam de-  
ſtinatis, & quæ ibi exonerantur,  
vulgò **Aſtſbzekende**/adeò quòd  
videri poterat conſultius huic rei  
judicatæ acquieſcere, & pro con-  
ſervatione privilegij ex edicto  
anni 24. competentis alio arreſto  
pro onere gerantis ſubeundo facto  
alium & novū proceſſum circum-  
ſpectius inſtituere, in quo ſcilicet  
principaliter de jure geranij con-

tenderetur, vel ſaltem neceſſaria  
videri poterat reſtitutio adverſus  
erroneam illam allegationem &  
relationem privilegij geranij ad  
illa antiquiora, quæ in terminis re-  
ſtrictioribus loquuntur.

VERUM exactius perpenden-  
do ſingula, rectè videtur in nego-  
tio Reviſionis procedi poſſe, cum  
ea tamen declaratione & proteſta-  
tione, quòd videlicet Reviſio re-  
tractatioq; dictæ ſententiæ ſolùm  
eatenus peteretur, quatenus per  
eam arreſtum omnimodò, ac tota  
Middelburgenſium conſuſio im-  
probata erat; ita quòd nec in jure  
geranij ſuſtineretur. Nam quan-  
quam in jure ſtapulæ arreſtum fa-  
ctum, intentioq; Middelburgen-  
ſium non ſubſtiterit, tamen geranij  
jus, quatenus ex illo agebatur, ſub-  
ſiſtere, ac ſuſtineri debuit; præſer-  
tim attento quòd non ex uno eo-  
demq; ſed diverſis privilegiis  
utrumque competeſcebat. Nam quo-  
ties in libello reſcripto vel ſenten-  
tia duplex cauſa ſubeſt, licet una  
falſa ſit, tamen libellus, ſententia  
ſeu reſcriptum ex altera ſuſtinetur.  
*c. per tuas. ubi Panor. qui filii ſunt legit.  
c. cùm A & I. de re judicat. Innoc. in c.  
in præſentia, de re judicat. Cynus & Bart.  
in l. 2. C. de re judic. Et hoc eſt quòd  
dicitur, utile per inutile nō vitiari.  
c. utile. de reg. juris. in 6.*

Nec obſtat quòd primò jus  
ſtapulæ allegatum & prætenſum  
fuerit à Middelburgenſibus: nam  
inde verè non ſequitur jus geranij  
ſeu gaugij acceſſoriè deductum  
M. fuiſſe



fuisse in iudicium, quin potius in contrarium ex natura orationis solutæ, qua prima pars arresti concepta est hoc modo, *Om aldaer verstaelt / ghegaueert / &c.* intelligitur utrumque æquè principaliter, & per se allegatum & deductum fuisse: nam in soluta oratione utrumque æquè principaliter & per se poni videtur. *l. in eo quod plus §. ubi verba conjuncta non sunt. ff. de regul. juris.* Id quod suadet quoque diversitas utriusque juris ex diversis privilegiis competentis.

NEQUE poterit in hac Revisionis prosecutione ob stare allegatio deductioque illa Middelburgensium, qua privilegium hoc geranii retulerunt ad priora antiquata privilegia stapulæ. Nam ex diversa natura utriusque rei, nec non ex diversitate concessionum manifestè convincitur illa relatio errorem juris continere; ita quod iudices in eo non partis allegationem sequi debuerint, sed juris intellectum, interpretando privilegium hoc geranii quemadmodum de jure convenit. *Bald. & Cast. in l. 1. C. de negot. gest. Bald. in l. 3. col. 1. C. si pendens appellat. mors interve. Henricus Boyck in c. ex litteris. de consi.* Secundum quæ omnia existimo pro conservatione dicti privilegii, pro salute & tuitione Reipub. Middelburgensis, quæ magna ex parte à dicto privilegio dependet, Revisionem intentatam prosequendam esse salvo meliore iudicio.

## CONSILIUM VIII.

## SUMMARIUM.

1. *Inspectiones & mensurationes vinorum & aliarum mercium in primo appulsu fieri debere, absque consideratione destinationis vel ulterioris navigationis.*

QUAMVIS multa in præsentī causa controversi ac disputari possint, veritas tamen decisionis unico illo articulo contineri videtur; An Imperialis constitutio, qua Middelburgenses nituntur, primū appulsū consideret adversus externos, non habita ratione ulterioris destinationis, nec differentię factæ locorum aut Provinciarum, ad quas vina destinantur; An verò destinatio observari debeat, si non particularis cujusque loci, saltem Provinciæ: ita ut Middelburgensibus edictum illud pro sit duntaxat in vinis ex destinatione mercatorum in Zelandia distrahendis; non etiam in iis, quæ ad alias Provincias, puta Brabantiam, & vicinas destinantur. Et paucis videtur in ea Imperiali Constitutione primus appulsus tantum consideratus, nullamque ulterioris destinationis, aut distinctionis Provinciarum rationem esse habitam. Nam verba Constitutionis, principium illationis respiciunt, & in primo appulsu seu introitu mensurationem exigunt ab exteris, antequam vina distra-

distrahere, aut ulterius provehere liceat. *In clausula: Ende daer toe oꝛdineren wy/dat alle de gene die wijnen in onse vooꝛsz. landen vooꝛtaen bꝛenghen sullen/die selve sullen moeten voeren ende ontladenter naester Cra- nen van der plecken daer sy aencomen sullen/ende die wij- nen aldaer doen meten/ &c. cer sy die souden moghen leveren oft verboeren.* Ita quod non solum ex materia, de qua agitur, sed etiam propter expressam illam prohibitionem provectionis & ulterius navigationis dictio illa **Aencomen** / ita accipienda sit, ut primum appulsum seu introitum, & non perfectam navigationem significet. Id quod manifestius probat exceptio in favorem subditorum adjecta, quae permittitur subditis, ut sine impedimento mensurationis in transitu subeunda, ad Provinciam seu locum destinatum perveniant, manifesta significatione id exteris non licere: Nam cum juris dispositio in casu excepto contraria sit regulae, necessaria est consequentia, exteris per regulam ulteriorem navigationem non facta mensuratione denegari: quae subditis, contra quos non tanta est fraudis suspicio, in exceptione permittitur. Et hanc sententiam confirmat ratio in Constitutione expressa: nempe ut fraudes removeantur, quae per certam vasorum capacitatem & mensuram committi solent; ad-

versus quas sufficienter provisum esse non potest, nisi absolute & uniformiter in primo introitu ab exteris exigatur mensuratio, secundum terminos provisa illius ac universae reipub. utilissimae Constitutionis: per quam non impediuntur commercia, sed commerciorum sinceritati prospicitur, exacta mensuratione in principio, quod juri communi conforme est, ex quo prosiliunt hae inspectiones, mensurationes & similes adversus fraudes provisiones: & in principio seu primo introitu fieri jubentur, *in l. 3. C. de cursus public. custod. Bald. in l. cum proponas C. de naut. fa- nore.* cum aliter fraudibus praeteritum exterorum sufficienter occurrere non possit, ut in specie proposita ex ipsa rerum experientia ex serie, ordine & progressu Constitutionum seu Placitorum praecedentiũ, (quorum meminit Imperator in hac novissima Constitutione) est probatissimum. Etenim ex antiquis argumentis emanat haec constitutio, & vetustam habet originem. Extat enim Placitum seu Constitutio anno 1508. proposita, qua mensuratio exigebatur dumtaxat ante venditionem seu distributionem, quae Constitutio cum usu rerum, tum propter incertitudinem casuum, tum propter alias causas insufficiens deprehendebatur, ac à multis variis modis circumveniebatur, postea anno 1550. perspicaciori observatione commodiorem modum excludendae

fraudis, ac certam & uniformem cautionem subtilius excogitaram Imperator præscripsit: in qua repetita priore illa Constitutione hoc amplius disposuit, quòd uniformiter omnia vina ab exteris advecta in primo introitu mensuratione subjacere debeât his verbis: **Dat de gheue die de selve wijnen alsoo aenbzinghen / sullen die ontladen ter naester Craenen daer die Schepen eerst werff arriberen oft aencomen sullen/om alsdaer gegaugeert / &c.** Quibus verbis apertissimè comprobatur, mensurationem exigi in primo introitu, non habita ratione destinationis, aut distinctionis Provinciarum, eaque Constitutio tam æqua, sufficiens, & plena reperta est, ut non solum usibus hominum deinceps eo modo, quo dictum est, observata fuerit, sed etiam renovata ac confirmata posterioribus Placitis, quæ postremò ex Imperiali Constitutione, propter summam utilitatem perpetui Edicti firmitatè acceperunt, quibus successivè ultra priorem Constitutionem de mensuratione generaliter subeunda, ita nominatum est additum, *in edicto Casarea Majest. anno 24.* **Ende op dat de vooznoemde onse Oꝝdinantie te bat onderhouden mach woꝝden/wp willen ende oꝝdineren dat alle de gheue die Wijnen in onse vooꝝsz. Varden overbzingen sullen/die selve sullen moeten bueren ende ontladen**

ter naester Craenen: van der plecken daer sy aencomen sullen/ &c. Quod utrique de primo introitu, & non de perfecta navigatione intelligendum est, non solum ex materia subjecta & ampliatrix dispositionis natura, *Ibi. En de op dat die vooznoemde Oꝝdinantie te bat onderhouden woꝝde/wp willen/ &c.* sed etiam ex argumentis & interpretatione præcedentis legis, *l. non est novum. cum diab. sequent. ff. de legibus.* in qua expressè & principaliter de primo introitu seu appulsu primæ vicis attendendo & considerando, disponitur. Etenim si antiquiores leges ad determinationem posteriorum ipso jure referantur, *l. idem. cum sequenti. ff. de legib.* dubium esse non potest, quin præcedens illa Constitutio expressè de primo introitu mentionem faciens, ad posteriores pertineat, propter repetitionem ac relationem expressam, quam habent non solum omnia sequentia Placita, sed etiam ipsa, de qua agitur, Imperialis Constitutio; in qua novum jus penitus nõ induxit Imperator, sed cautioni prudenter excogitata, & prioribus temporalibus placitis comprehensæ, æternitatis robur ac firmitatem edicti perpetui attribuit. Unde fit ut sententia dictæ Constitutionis non solum ex verbis ejusdem manifesta sit, sed & ex ordine & progressu Constitutionum, ac earum relatione illuminetur ac illustretur: & clarissima redditur ex ratione & causa

causa in omnibus Constitutionibus de hac re agentibus expressa: nempe, ut fraudes excludantur, quæ excludi sufficienter non possunt, si vel destinationis vel distinctionis provinciarum, aut modi, per quem contingit appulsus, ratio recipiatur. Nam præterquàm quòd ea res summam haberet incertitudinem propter varietatem casuum & malorum hominum machinationes inopinabiles, facillimum esset exteris, si liceret non facta mensuratione per Zelandiam in Brabantiam vel alias interiores provincias vina provehere, in transitu clandestinis distractionibus & distributionibus, ac etiam mentitis variis destinationum titulis, salutarem illam & universæ reipub. utilem & commutationi rerum ac commerciorum necessariam constitutionem, eludere. quod præcaverit, si uniformiter ab omnibus exteris in principio illationis mensuratio exigatur. Nam ita non solum fraudes commisse puniuntur, sed & occasio fraudis committendæ penitus præscinditur, dum uniformi ratione in principio & primo appulsu mensuratio exigitur; non quòd fraudes semper committantur simulatque naves semel constiterint, aut appulerint, sed quòd possent committi: quam possibilitatem fraudis lex considerat, nec expectat donec fraus committatur: *arg. l. Iulianus. in verb. qui sitiret, aut scire potuisset. ff. ad Sen. Macedo.* quæ egregia legis est virtus, & per-

fecta adversus fraudes provisio: procedens absque ullo Antverpiensium aut vicinorum incommodo; nisi suum reputent incommodum, quòd non possint, patefacta exteris fraudis occasione, tam in vectigalibus quàm aliis committendæ, alterius membri vigorem debilitare, ac omnium commerciorum lucrum in usus suos convertere. Nam publicis commerciiis aut libertati navigandi nihil per observantiam dictæ Constitutionis detrahitur, sed dum taxaræ æquali remedio adversus fraudes providetur, & incertitudo excluditur; quod iuri & iustitiæ commutativæ est consentaneum, & cum summa ratione ac ipsa æquitate conjunctum. Nam quamvis jure communi facultas commerciorum & navigandi sit latissima, non tamen adeò liberæ & solutæ omnino facultatis est, quin eodem jure recipiantur temperamenta & leges, quibus invectionum & evectionum inspectiones & mensurationes præscribantur, ac vectigalium utilitati ac sinceritati commerciorum adversus fraudes prospiciatur. Unde meritò plurimis decretis, interlocutionibus & sententiis secundum Constitutionem illam judicatum invenitur, in primo appulsu vina exteriorum mensurationem sustinere debere, non habita ratione ulterioris destinationis, aut particularis loci, seu provinciæ, ad quam vina destinantur, aut modi seu causæ, ex qua contingit

appellere; cum aliter propter varietatem casuum & probandi difficultatem & incertitudinem semper subesset multiplex fraudis committendæ occasio; & ita longo rerum usu cum magna utilitate totius Reipub. observatum fuit. Quæ observantia omnem ambiguitatem excludit, efficitque in specie proposita ne Principis interpretatio desideretur: ad quam ita demum recurritur, quando Constitutio usque adeo est dubia, ut neque ex verbis, neque ex consuetudine, aut alia ratione sensus Constitutionis haberi possit, qui in proposito manifestus est, & confirmationem ex eo accipit, quod destinationum sunt quidam gradus, & subordinationes primo respectu exterarum gentium, veluti Franciæ, Hispaniæ, &c. ad has ditiones in genere. Nā qui ex Hispania, Francia, vel aliis remotioribus provinciis huc navigant, principale propositum habent perveniendi in has ditiones, deinde ab introitu & ingressu respiciunt particularem provinciam, vel locum in quo vina sua distrabere, & venui exponere intendunt. Prima illa destinatio est generalis & principalis: nam is est verè terminus motus respectu extræ & longinquæ ditionis, unde incipit navigatio. Nam extræ nationes veluti Galliæ & Hispaniæ habent correspondentem terminum seu considerationem generalem omnium harum ditionum; ad quam gene-

ralem destinationē & correspondentiam Provinciarum respexit Imperator in illa sua Ordinatione in verbis: **Die Wijnen in onse Landen brengen sullen.** Item in verbis: **Ter naester Cranen van der plaetsen daer sp aencomen sullen/ &c.** Et hæc consideratio generalis & primæ destinationis materiæ subjunctæ convenit, & ad plenius occurrendum fraudibus pertinet; siue agatur de vinis ad certum locum destinatis, siue iis quæ absque destinatione certi loci advehuntur. Nam ut in his quæ sine certi loci destinatione vehuntur, ita & in destinatis ad certum locum, cessante hac constitutione, multiplex esset fraudis committendæ occasio, per varios destinationum titulos, quos exteri mentirentur. Nam semper etiam in non destinatis (uti de jure præsumitur, *l. si fiscalis. C. de naviculariis, lib. 11.*) ad effugiendam mensurationem in principio, destinationum tabulas simulatè proferrent; & præterea cum doliis verè destinatis non destinata permiscerent, multæque ac infinitæ lites circa probandam ac confutandam destinationem inciderent. Et denique quia ipsa vina, quantumlibet destinata ad certum locum, mutato proposito & occasione oblata in subistentia vel progressu possent distribui; ita quod differentiam hanc non admittat ratio vitandæ fraudis & incertitudinis, quam rationem vitandæ fraudis & incerti-

incertitudinis adjuvat generalitas constitutionis uniformiter sensu composito, & plurali numero adversus omnes propositæ, qui vina huc inferunt, exceptis solis subditis: & faciunt deniq; omnia exempla sententiæ & præjudicia, & insecuta observantia ac ipsius edicti executio in vinis etiam aliò & ad certum locum destinatis; ut paret ex sententia Quintini Ablay addita positione Middelb. in 41. artic. Memoriz super requesta civili: Insuper ex apostilla Reginæ Mariæ, & interlocutoria secreti Consilij. Postremò non potest in considerationem venire casus fortuiti allegatio; nam præterquam quòd de ea nihil probetur, Constitutio merum factum considerat; & propter possibilitatem fraudis committendæ in quolibet appulsu etiam fortuitò procedit, & mensurationem exigit, cum eadem subsit committendæ fraudis ratio, maximè in proposito, ubi vina, de quibus agitur, diutissimè constiterant antequam arresto subjicerentur. Et hæc sub correctione, &c.

## CONSILIUM IX.

## SUMMARIUM.

1. *Flumen publicum dicitur quod perenne est & semper fluit.*
2. *Alluvio cessat in stagno, lacu & similibus aquis.*
3. *Flumen navigabile dicitur si navigari possit, etiam si nunquam naviga-*

*tum esset.*

4. *Fluminum publicorum navigatio ex jure gentium omnibus est communis, nec à quoquam impediri potest.*
5. *Fluminum publicorum usus tanquam in vita necessarium tueretur Prætor propositis interdictis.*
6. *Mensura seu ripa fluminis non consideratur ex insolito ejus incremento.*
7. *Regula Quod quisque juris, &c. locum habet tantum in paritate terminorum.*
8. *Ocularis inspectio ceteris probationibus est potentior.*

QUANDO QUIDEM diligenter & copiosè admodum per dominos Advocatos utriusque partis in scripturis hinc inde exhibitis, præsens causa excussa, deducta & explicata est; supervacaneum videri poterat rei sufficienter demonstratæ, ulteriorem demonstrationem adjicere: requisiti tamen ex parte domini Impetrantis, ad majorem declarationem veritatis, & asserendam justitiam, quæ in præsentī negotio, pro domino Impetrante militare videtur, officium nostrum, quod in æqui & boni professione versatur, negare nec potuimus nec debuimus. Ne autem prolixitate scripturarum clarissimi domini Judices onerentur, compendiosè tantum quantum causa permittit, ea in quibus resolutio videtur consistere, & quæ in actis latius deducuntur, colligere, & in

& in ordinem quendam redigere constituimus, hoc modo:

PRIMO, ostendendo intentionem domini Impetrantis, non solum ex facultate jurisgentium, sed etiam vetustate temporis ac immemoriali præscriptione fundatam esse, in eo quod domino OppONENTI ejusque subditis in suo districtu B. super flumine de quo agitur, licitum ac permixtum non sit, ædificare vel alia impedimenta facere, per quæ subditis domini Impetrantis navigatio ejusdem fluminis vel impediatur, vel difficilior atque deterior reddatur, omniaque impedimenta noviter facta per dominum Opponentem ac subditos ejus tollenda amovendaque esse, ac flumen ipsum in statum suum pristinum reducendum.

SECUNDO, nihil ex parte domini Opponentis cum suis allegatum videri, quod ad intentionem domini Impetrantis subvertendam vel labefactandam possit sufficere.

- 1 CIRCA priorem articulum pro fundamento præmittendum est flumen, de quo agitur, & publicum esse & navigabile: publicum, quia perenne est, seu perpetuam causam habet & semper fluit, *l. 1. §. fluminum. ff. de fluminibus. dd. in §. flumina. Instit. de re. division. Barth. Sositus. conf. 79. lib. 3.* ac alluvionem recipit, quod proprium est in flumine publico, ut pulchrè scribit Baldus, in Rubrica Codicis, de contrahenda emptione. nam in stagno, lacu,

aliisque fluminibus (quæ à cæteris locis privatis nihil differunt, *l. Rustilia. ff. de contrahend. empr. dd. in d. §. flumina. l. prædia. §. ita legatum. ff. de fundo instructo: Bald. in l. item lapilli. ff. de rerum divisione.*) alluvioni locus non est. *dist. 1. §. 2. ff. de fluminibus.* Et ideo si apparet cujus erat solum talis privati fluminis, antequam ibi aqua fluere incæperit, ille dicitur esse dominus: si autem hoc non apparet, tunc spectat ad illos qui prope ripam prædia possident. *Bart. in suo tractatu Tiberiadis. col. 6. Bald. in c. 1. §. si quis de manso. col. 6. de controversia investitura: refert & sequitur Alexander, consilio 194. consideratis verbis in princ. lib. 2.*

NAVIGABILE autem est, quia natura sua navigationi est aptum & navigari potest, quod satis est ad indicandum flumen navigabile, etiam si re ipsa & actu in eo nunquam navigatum esset: 3 siquidem nomen hoc verbale (navigabile) ex propria sua significatione aptitudinem tantum & potentiam, non actum significat, quemadmodum in simili Possibile dicitur, quod fieri potest, Vendibile quod facile potest vendi, *Valla. elegant. l. 4. c. 443.* Docile quod facile discitur, Penetrabile quod facile penetratur, Sensibile quod per sensum sentiri potest, Mobile quod sua natura moveri potest. *Doctores in l. moventium. ff. de verbor. signific.* Et in specie proposita, Flumen navigabile dici non tam ab actu quàm à potentia & habitu navigandi,



navigandi, clarè satis indicat Pomponius, in *l. quo minus. ff. de fluminibus*. dum tradit flumen navigabile fieri ex alterius fluminis incurfu & commixtione. eoq; pertinet quod Baldus scribit, exemplo Jureconsulti, in *l. 2. in princip. ff. de aqua pluvia*. in aquis loci naturam considerandam esse: adeò quòd etiamsi nunquam navigatum fuisset in flumine de quo agitur, nihilominus tamen verè & propriè navigabile judicaretur, ex latitudine & aquæ ipsius copia; quæ augetur ex incidentibus rivulis, & incitatur & impellitur æstuario ex mari emergente: ita quòd ad ferendū naves aptum sit, ut per ocularem inspectionem deprehensum est, & ipse dominus Opponens flumen ipsum esse navigabile clarè satis confitetur in primis suis scripturis articulo 159.

Quibus accedit, flumen prædictum non solùm navigationi (ut dictum est) aptum esse, sed & vera navigari & ab antiquissimis temporibus navigari solitum, ut ab Impetrante in facto ponitur & probatum speratur; quo subsistente extra controversiam videtur flumen de quo agitur, omninò esse navigabile, ac navigationem in eo non novam, sed ab antiquissimis temporibus introductam.

4 Hic ita præmissis facilis est prioris articuli decisio: Siquidem apertissimi juris est, navigationem publicorum & navigabilium fluminum publicam esse & omnibus communem ex jure gentium: *d. §.*

*flumina. d. l. quo minus. l. in provinciis. §. final. cum l. sequenti. ff. de novi oper. nuntia. l. 2. §. 1. ff. de interdictis. l. 1. §. sunt qui putant. ff. nequid in loco publico*. nec cuiquam fas esse ea ad alium alveum divertere aut alio derivare, ripam ejus mutare, aut exsiccare, aut quicquam aliud facere per quod solita navigatio impediatur, ob quod publicum fluminum usum tanquam in vita necessarium, utpotè per quem omnia commercia inter homines communia fiunt, sedulo tuetur Prætor, propositis interdictis de fluminibus, Nequid in flumine publico ripæ ejus fiat quo pejus navigetur: item Nequid in flumine publico ripæ ejus fiat quo aliter aqua fluat quàm priore ætate fluxit. Item, Ut in flumine publico navigare liceat, quorum aliis usui navigandi impedimenta fieri prohibentur, aliis facta restitui ac amoveri jubentur, *Speculator. titul. de causa possess. & propriet. §. quia verò, vov. Sciendum est.* & hodie etiam in factum, *Spec. loco citato.* & injuriarum agi potest, *l. injuriarum. §. si quis à me. ff. de injuriis*. contra impediendum publicam navigationem, quæ ex jure gentium competit universis: *d. l. 1. §. fluminum.* unde generaliter scribit Baldus, *consil. 195. colum. 5. versic. circa hos quatuor casus*. Neque ex publico neque ex privato facto hominis licitum esse impedire publicum navigandi usum, adeò ut is cui ex liberalitate Imperatoris, ut idem Baldus ait, *in rubrica,*

*brica, de rerum divisione. colum. 4. in fin.* flumen concessum est, legibus solutus non videatur; & jurisdictionem tantum habeat sub Principe concedente & Legibus.

DESCENDENDO ad secundi articuli tractationem advertendum est, quod tamen ex parte domini Opponentis, actus aliqui ad confirmationem possessionis suæ prohibitive in flumine contentioso exerciti prætendantur, tamen diligenter expensi, tales omnino esse inveniuntur, quod ad inducendum jus negativum adversus navigandi facultatem, ex jure gentium publicam & communem omnibus minimè sufficiant: nam omnia impedimenta quibus iter navigij in dicto flumine impeditur, noviter facta esse constat, quæ ad inducendam immemorialem possessionem juris prohibitivi nihil facere posse, juris est notissimi, & olim ante impedimenta quæ noviter facta sunt, vacuo tempore adversus facultatem navigandi ex jure gentium competentem præscribi non potuit, etiam si subditi domini Impetrantis ab usu facultatis navigandi ex jure gentium permixta longissimo tempore cessassent: nam sine possessione nihil præscribitur neque corporale neque incorporale. *Bald. consil. 241. in episcopo Et videtur, in fin. lib. 2.* Ea autem impedimenta, quæ ab antiquo in dicto flumine facta dicuntur, consuetum ab immemoriali tempore usum navigandi non impedi-

visse, non solum ex adductis per dominum Impetrantem, sed etiam ex propria confessione domini Opponentis ac subditorum ejus constare videtur: nam ponticulus prope Genicken flumini injectus cum navigationi solitæ impedimento esse videretur, ad supplicationem nautarum & accolarum elevatus dicitur, & pons prope Meerhuylen olim constructus nunquam impedimento fuisse navigationi dicitur, nisi nunc ob pilas propius conjunctas & alia impedimenta quæ noviter facta sunt ad excludendum subditos domini Impetrantis ab usu consuetæ & solitæ navigationis, de quo nunc querela proponitur. Nec ad rem facit quod forte amnis plerumque magnis imbris insolitum incrementumactus, etiam ab antiquo ipsum pontem superaverit, quasi videatur pons tam depressus fuisse, ut etiam ante impedimenta noviter facta, naves transmittere non potuerit, quoniam ex insolito incremento ad quotidianum & communem usum & contingentiam non est justa argumentatio; cum idem videamus contingere in altissimis pontibus & flumina 6 assiduis tempestatibus & crebris diluviis aucta, alveum excedere, & altissima loca ascendere, nemora quibus innumbrantur subvertere, eaq; secum rapere, & etiam montes subruere, *Plinius lib. 8. Epistolar. epistola 17.* ex quo tam insolito incremento modus aut mensura fluminis

minis non consideratur. *l. 1. §. hoc interdictum. de fluminibus.* Sive itaque ad impedimenta noviter facta, sive ea quæ antiquitus fuisse dominus Opponens prætendit, respiciamus: expeditum videtur, ex iis nullam possessionem juris prohibitivi in dicto flumine, domino Opponentem acquiri potuisse; præsertim cum probatum speretur ultra hominum memoriam subditos domini Impetrantis in dicto flumine navigare solitos, patienter tolerante domino Opponente & prædecessoribus ejus: id enim tanti momenti est, ut quamvis fortè domino Opponentem olim aliquod jus prohibitivum competitisset; quod non: tamen tanto tempore tolerando usum navigationis videretur hoc jus prohibitivum amissum & extinctum, *l. servitutes, magna. ff. de servitut.* cum cursus tam prolixi temporis habeatur loco constituti. *l. hoc jure. §. ductus aqua. ff. de aqua quotidiana.*

NEQUE refragatur prædictis quòd dominus Opponens pro magno fundamento adducit dominum Impetrantem in suo districtu exstructis molendinis solitum aquæ cursum ac facultatem navigandi impedire, quasi domino Opponentem in suo districtu permitti debeat quod dominus Impetrans in suo sibi usurpavit. Si quidem impediri per molendina domini Impetrantis navigandi usum in suo districtu non constat, & si fortè ob molendina exstructa

in districtu H. cursus aquæ aliquo modo cohiberetur vel restringeretur, id domino Impetranti non præjudicaret, quia nullius incommo- dum vel injuria verti videtur in impedito cursu aquæ, nec quicquam conqueritur; ita ut merito dici possit, permittendum esse etiam in flumine publico quod nemini nocet.

HIS accedit, quòd etiam si verè utilitati publicæ navigandi præjudicaretur per molendina domini Impetrantis, nihilominus tamen per possessionem immemorialis temporis dominus Impetrans in suo districtu defenderetur; quoniam consuetudo seu possessio tam antiqui temporis idem operatur quod privilegium Principis: *c. super quibusdam. §. præterea. de verb. signific. l. 2. ff. de aqua plu. eo quæ pertinent quæ in hac ipsa specie scribit Bart. in d. l. quo minus. quest. 14.* In hunc modum, Pone, unus habet molendinum supra, alius infra: qui habet supra, in ætate tempore siccitatis vult facere collectam aquæ: ille qui habet infra, contradicit, eo quòd suum molendinum redditur inutile, vel parum utile: queritur quid juris; videtur, quòd ille non possit facere collectam aquæ, nam non licet facere opus, per quod flumen exarescat, &c. E contrà quòd possit, videtur: nam formula est ipsius, & posteaquam aqua licite intravit in suum territorium, licet ei facere quod vult. Respondi, inquit, aut cum dicta ædificia

constructa fuerunt, de hoc fuit aliquid actum, & illud servatur: aut non fuit aliquid actum; & sequitur idem si de hoc præcessit consuetudo antiqua, quæ vim pacti habet. Ex quibus intelligitur in præsentī negotio propter diversitatem terminorum, domino Impetranti non ob stare retorsionis regulam, quasi quod juris ipse in alio statuit in suo districtu, eodem ipse in alieno uti debeat: nam regula non potest procedere, nisi in eo qui illicitè & noviter quid in publico facit, non autem in eo qui licitè & ex prærogativa vetustatis tale quid facit. *d. l. 2. §. idem ait, in verbis, nisi forte jure tibi concessio adificaveris.*

Rursus non adversatur domino Impetranti quòd dominus Opponens ac prædecessores ejus (ut in 16. & 17. artic. 1. scripturæ domini Opponentis adducitur) ab antiquissimis temporibus fortè habuerint molendina & pontes in aliis lacubus, torrentibus ac fluminibus per districtum B. transeuntibus, quibus iter navigij in dictis rivis, lacubus ac torrentibus prorsus impeditur: siquidem ex oculari inspectione, quæ cæteris probationibus est potentior, *l. si irruptione. ff. finium regundorum.* dominis Commisariis constituisse creditur, alia illa flumina, lacus & torrentes non esse natura sua navigationi aptos & idoneos; & si verè olim fuissent flumina publica & navigabilia, tamen per immemorialem posses-

sionem molendinorū & pontium (quæ habet vim pacti & privilegij *l. 1. §. final. de aqua pluvia.*) jus habendi ea molendina domino OppONENTI acquisitum foret; *dd. in d. §. flumina. & in d. l. quo minus. in l. injuriarum. §. si vers. usurpatum. ff. de injuriis.* Ita tamen ut inde non augetur jus domini Opponentis in flumine controverso, in quo nulla molendina, ædificia, vel pontes navigationem impediētes ab antiquo fuisse probantur: ita quòd hoc flumen alterius conditionis & rationis judicari debeat quàm alià illa, quorum natura & condicio legem accepit ab immemoriali possessione & consuetudine prohibendi. Consuetudo verò seu præscriptio non extenditur ultra limites & terminos possessionis ex qua causatur. *Barr. in l. via. ff. de servit. rust. prad. Bald. in l. 3. col. 8. vers. sed nunquid quis fecit. De servitut. Innocent. in c. dilectus. De capellis monachorum.*

## CONSILIUM X.

## SUMMARIUM.

1. Lex qua usu populi non recipitur, tacite aboleri videtur.
2. Lex semel recepta per simplicem non usum non tollitur, & multa de diversis privilegiis Tapetariorum seu Lanificorum Antverpiensium & Bruxellensium.
3. Tapetariorum Antverpiensium privilegia & statuta declarantur.

VISIS

**V**Is iis quæ per communicationem deducta exhibitæq; fuerunt in hoc amplissimo Senatu per Decanos & Juratos collegij Tapetatorum Bruxellensium cum adjunctis, Impetrantis ex una; & Consules, Scabinos & Consiliarios Reip. Antverpiensis Opponentibus ex altera; Multa occurrunt quæ intentionem Opponentium fovere & confirmare videntur adversus postulationem Impetrantium, requirentium ut Antverpienses patiantur in sua Republica publicari ordinationem Imperialem anno 1544. editam, super Tapetorum contextione & commercio.

Et imprimis magnum & prævalidum fundamentum præstat, quod Constitutio illa hæcenus Antverpiæ nec observata, nec publicata fuerit; & quod amplius est, alia atque diversa specialium statutorum observatio obtinuerit, sciente & patiente sua Majest. & jure specialis privilegij ac potestatis Antverpiensibus concessæ, per bonæ memoriæ Joannem Ducem Brabantiae anno 1323. Etenim defectus publicationis concurrens cum non usu dictæ Constitutionis, & diversa observatione, vim atque effectum dictæ Constitutionis subvertere atque ad irritum deducere videtur; ita ut respectu Antverpiensium Constitutio illa nunquam fuisse, aut penitus evanuisse ac defecisse censeatur: Ita ut publicatio vel executio illius

urgeri non possit, nisi præcedente nova ordinatione & decreto suæ Majestatis. Siquidem lex, quæ non recipitur ab omnibus, ex tacita voluntate Principis tollitur & aboletur; præsertim si longo tempore, quod hic intercessit, (nam sunt amplius quàm quatuordecim annis intentatam litem, & post datam dictæ Constitutionis elapsi) aliud & diversum observetur. *Card. Floren. Abb. Ioan. de Imo. & alij inc. 1. de rev. & pac. Alexand. cons. 39. vol. 3. Pan. consil. 35. Dec. consil. 649.* Quæ diversa observatio eam potestatem habet, ut legis nunquam in usum receptæ ortum & natiuitatem impediat; sic ut non possit postea exire in actum sine nova legislatione, etiam si consuetudo adversus legem nondum sit præscripta. Nam sufficit simplex contrarius usus, ut in terminis scribit Francisus Arretinus. *cons. 11. nu. 5.*

**DE**INDE ut maximè vigeat & firmitatem obtineat dicta Constitutio, non tamen porrigetur nec observanda erit in Repub. Antverp. propter speciale privilegium ex contractu & pretio accedente, acquisitum Antverpiensibus. Per quod plena dispositio omnium, quæ ad Lanificium pertinent, Scabinis & civibus Antverpiensibus, necnon Decanis, & Aldermannis lanificij ejusdem oppidi respectivè tributa est à Principe terræ, translato omni jure quod sibi competeat, & inter alia nominationem concessa facultate statuendi, multas

exigendi, &c. ut latius constat ex tenore dicti privilegij: in vim cuius facultas illa statuendi & ordinandi de his quæ exercitio lanificij expediunt, Antverpiensibus salva & illibata mansit, & adhuc stare & manere debet: nec permittendum est ut convellatur vigore dictæ generalis ordinationis. Etenim verisimile non est Imperatorem Majestatem generali sua lege voluisse derogare speciali Antverpiensium privilegio, de quo ignoravit, vel saltem non cogitavit, edendo dictam Constitutionem. *c. 1. de Constitut. in 6.* Nam aperto jure definitum est, posteriorem generalem Constitutionem, non præjudicare particularibus locorum vel personarum privilegiis, vel consuetudinibus, *d. c. 1. Et est tex. in 2. Constitut. Cod. l. Rescripta. & l. omnes. C. si cont. jus vel util. publ.* nisi in posteriore Constitutione de privilegio vel consuetudine expressa facta sit mentio. *dd. in d. c. 1. de Constit. in 6.* Id quod & alia juris regula confirmatur, qua dicitur, Generalem dispositionem nunquam produci ad ea, de quibus specialiter est dispositum, aut quæ in particulari determinata sunt. *l. sanctio legum. ff. de pæn. c. in generali. de reg. jur. in 6.*

NEQUE verendum est Antverpienses ne per non usum ab utilitate dicti privilegij exciderint, vel Tapetorum contextio sub illo non includatur, aut comprehendatur: etenim recens & ab antiquissimis temporibus continuata jurisdictio

in vim dicti privilegij, non solum adversus alterius generis lanificos & textores, verum etiam adversus Tapetarios utrumque objectum removet: & præterea in manifesto est privilegium, sive in faciendo consistat, sive in omitendo (quoniam lex est, haud tolli simpliciter non utendo, *Alex. conf. 132. num. 4. li. 1. Dec. in c. cum accessissent. col. 7. de Constit.*) quomodo si beneficiarius cliens nullam unquam operam domino posuerit, quia forte dominus nunquam fuerit ejus indigens, clientelari jure non cadit, nec dominus vel mille annis, perdit obsequij petitionem: *c. 1. de feud. sine cul. non amitt.* sic qui jus habet immittendi, si ideo non immittat, quia vicinus nihil habet ædificatum, servitutem nequit amittere. *l. si quis. §. ult. ff. quemad. servit. amit.* Rursus quod ad vim comprehensivam dicti privilegij attinet, ipsa materia atque operarum similitudo ostendit, Tapetorum contextionem lanificio annumerari; illique velut speciem generi ex propria natura, simul & ex juris dispositione subjacere, ac eisdem regulis contineri. Quod eo proclivius dicendum est, quod ab antiquo in Antverpiensi Republ. omnia hæc eisdem legibus & magistratibus gubernata inveniantur.

Eoque minus rationis habet postulatio Impetrantium de publicanda generali ordinatione ad obviandum fraudibus & abusibus, quod

quòd Antverpienses in sua Repub. propria statuta habeant, quibus plenissimè malorum hominum machinationibus ocurringum est, & quòd eo amplius parati sint omnia capitula dictæ ordinationis, excepto decimo duntaxat in Republic. sua erigere, promulgare, & ex sua auctoritate eorum observationi intendere.

NOVISSIME ut omnia cessent, prædura est ac mitigatione indiget lex decimi capituli, per quòd artifices & magistri in eam necessitatem pertrahuntur, quòd vel certificationem exigant à ministris quos conducunt, qua probetur ab iis prioribus dominis satisfactum, vel quòd succedanei fiant debitorum, quæ ministri novitij erga priores dominos contraxerunt. Nam præterquam quòd hac ratione magnum impedimentum præstetur commerciis, injiciaturque vinculum quoddam servitutis ipsis ministris instar ascriptiorum & censitorum, qui sine licentia dominorum aliò se transferre non possunt, *to. tit. C. de agric. & cens. lib. xi.* valde in humanum, exorbitans & irrationabile est, dominos ex contractu vel maleficio ministrorum, alibi, & antequam in eorum familiam venirent, commissio, obligari. Nam generalis regula iuris est in contrarium, Pro alieno debito seu delicto, alium teneri non debere: usque aded quòd nec filius pro patre, nec uxor pro marito teneatur. *tot. tit. C. Ne*

*fil. pro patr. Ne ux. pro marit.* Et vix aliqui casus inveniuntur in iure, in quibus alius pro alio obligetur; & hi qui inveniuntur, omnes fundantur in culpa & delicto ejus qui obligatur, faciendo seu committendo, commissio. *l. fin. C. de oper. libe. l. quoties. C. de exac. trib. l. penult. ff. Ne quis eum qui in jus voc. est.* &c. quod non est considerabile in specie proposita, in qua nihil delinquit, qui sequendo juris dispositionem, præsumptione bonitatis & integritatis fretus, absque morum & anterioris ministerij examine, (quod bona ingenia insignium artificum refugiunt) operas necessarij vel utilis ministri conducit. Et certè si artifices ad hanc scrupulosam certificationis indaginem astringantur, præter magnam inhumanitatem & durtiem, magnū impedimentum præstabitur commerciis & rapetorum contextioni, quæ alioqui cum magno bono publico in ditionibus Belgicis supra modum viget, & feliciter exercetur.

ET proinde rectè facient clarissimi domini Judices, si Antverpienses speciali privilegio & statutis subnixos immunes pronuntient à publicatione & observatione dictæ ordinationis, durtiem dicti capituli temperent, illudque vel penitus removeant, vel moderatione aliqua sic molliant, ne inde commerciis impedimentum præstetur, ministris ac artificibus species servitutis injiciatur, ac domino-



dominorum conditio plus æquo prægravetur. Et hæc sub correctione amplissimi Senatus, &c.

## CONSILIUM XI.

## SUMMARIUM.

*1. Traditio mercium ex narratione instrumenti comprehensa non probatur, si persona nominata in instrumento inveniantur fictæ, vel supposititiæ.*

**S**I ad multitudinem scripturarum & variam disputationem, partium contentione excitatam, attendamus, multiplex ac difficilis judicabitur præsentis causæ explicatio. Contrà verò si rem ipsam penitus attendamus, clarè constabit, quæ multis illis scripturarum voluminibus prolixius disputata sunt, paucis articulis comprehendi ac dilucidè explicari posse hoc ordine.

**P**RI-MÒ, inquirendo de genere actionis seu judicij, quod ab initio institutum fuit, ac deinde an media, ex quibus judicium illud intentatum fuit, sint concludentia ac sufficienter probata ad sustinendam ac justificandam sententiam, de cujus nullitate & iniquitate in hoc appellationis judicio ditinquiritur: his enim cognitis perspicuè & absque omni difficultate cognoscemus, quæ debeant esse partes judicis in hoc appellationis judicio.

**E**T paucis quod ad priorem articulum attinet, manifestum est ex forma exhibitæ petitionis ac conclusionis realem actionem rei vendicationis ab initio fuisse propositam, ac illi Intimatum adhuc insistere, cum non ex obligatione aliqua præcedenti, sed ex causa dominij, quod Intimatus apud se prætendit consistere, actio fuerit intentata: & hoc non ut Rei conventi nunc appellantes aliquid darent, vel facerent, quod personalibus actionibus convenit; sed ut à detentione seu occupatione bonorum seu mercium desistant, easque arbitrio ipsius Intimati permittant, quod in actionibus realibus est proprium. *§. omnes. insit. de act.* Et præterea judicium, quo agitur, merè reale esse, dominorum judicium decreto, *lato 20. Junij anno 1541. Inter Reos conventos & Hermannum Roberti.* & propria allegatione Intimati manifestè declaratum est; *In 4. & sequentibus articulis Duplice, & 3. artic. Quadruplica.* Ita ut tota disputatio etiam secundum propriam allegationem Intimati in eo vertatur, an intentionem suam sufficienter fundaverit ad obtinendum contra Reos conventos in hoc reali judicio, quod ad tractationem posterioris articuli pertinet.

**C**uius explicatio ut distinctius ac dilucidius intelligatur, præmittendum est in vendicatione rerum corporalium ex parte agentis requiri dominij probationem;

nem; c. examinata. de judic. l. in rem. ff. de rei vend. l. 1. ff. de alien. mutat. judicij causa facta. alioqui pro possessore judicatur: §. retinenda. Instit. de interdictis. c. saepe. de restit. spol. cum similibus. quia eo ipso quod possidet, plus juris habere intelligitur, l. 1. in fine. ff. uti possidetis. etiam si ipse ex sua parte nihil praestiterit. Nam ante fundatam intentionem actoris possessor praesumitur dominus eo ipso quod possidet, l. 2. C. ne ux. pro marito. l. sicuti. §. sed si quaritur. & ibi gl. ff. si servitus vendic. l. 1. ff. famil. erisc. nec ulla probatio ex parte Rei exigitur, nisi demum posteaquam intentio Actoris sufficienter probata est. Iuribus supra citatis. Unde inquirendum est an Intimatus dominium balarum glasti (de quibus agitur) sufficienter probaverit. Nam si probationes ex parte sua factae non sufficiant, manifestum est secundum praedicta pro Reis conventis pronunciari debere.

Et breviter licet Intimatus per varios circuitus oculis judicium caliginem offundere ac rei veritatem varie involvere studuerit, subtili tamen consideratione singula expendendo, facile est intelligere nihil ab intimato esse propositum ac probatum, quod ad intentionem illius solide sustinendam possit sufficere. Quod ut clarius apparere possit, diligenter est advertendum, quod ipse Intimatus nullum aliud fundamentum seu causam dominii allegat, aut praetexit, quam contractum illum anno 1540.

nona die mensis Octobris cum Arnoldo Billeberch mercatore Tholosano initum. Nam licet ab initio in priore instantia plura ad translationem dominii probandam allegaverit, nempe quod Guiciardinus per ministros suos ad merces contentiosas habuisset accessum; tamen quia de illo accessu nihil probare potuit, allegationem illam in progressu litis dereliquit, ac translationem dominii in solo illo instrumento de 9. Octobris anno 1540. fundavit: ut aperte constat ex Duplica Intimati, articul. 4. & rursus artic. 31. his verbis: **By welcke contracte ende roope / transpoozt ende betaalinghe / daer inne begrepen / die possessie ende dominium vander voorsz. gheschreven Wede aen de voorsz. Guischar dini notdoozlijck is getransfereert ende overghesfelt gheweest.**

Et rursus in Quadruplica, artic. 11. in verbis: **Dat int instrument vander ix. Octobris anno xl. by expresse gheschreven staet / Dat die Balen in questien zijn by Arnoult de Billeberch aen Jan Baptista Guischar dini vercocht ende ghelevert gheweest /** his verbis: *a vendu & livré, &c.* Ita quod causam, translationem & acquisitionem dominii in solis verbis dicti instrumenti Intimatus constituat, quasi per verba ista *a vendu & livré*, in illo instrumento posita, sufficienter probeatur actualis traditio & dominii

O transla-

translatio in mercibus, de quibus agitur; nec quicquam aliud in toto processu ad ostendendam domini acquisitionem deductum ac probatum invenitur. Nam alia quæ de signo mercibus imposito, de conductione penus, & similia proponuntur, nõ ad traditionem, sed duntaxat ad identitatem mercium pertinent; adeò quòd si per verba illa *a vendit & livré*, in instrumento posita, non probetur actualis traditio, seu acquisitio vera, vel ficta possessionis ac domini, intentio Intimati necessario debeat corrui.

PORRO si rectè & ut decet examinantur omnia, clarissimè constabit nullam ex illis instrumenti verbis aut aliunde in actis probari domini acquisitionem, aut transfigurationem in Guiciardinum, ut ab Intimato prætenditur.

Siquidem primò non satis constat ea, quæ in illo instrumento narrantur, gesta fuisse inter personas quibus ea attribuantur. Nam non constat Arnoldum de Billeberch, qui venditor fuisse dicitur 9. Octob. año 1540. fuisse Antverpiæ, ac actum illum in instrumento comprehensum coram Notario & testibus cum Guiciardino fecisse. Nam licet verbis instrumenti comprehensum sit eum comparuisse, non tamen inde sequitur aut probatur id ita in veritate accidisse. Nam cum instrumentum illud sit confectum, antequam Imperiali Constitutione

prohiberetur Notariis inter incognitas personas instrumenta conficere; narratio illa de comparatione Arnoldi Billeberch non ad propriam Notarii scientiam, aut sentum, sed ad solam partium suggestionem referenda est: quæ probationem non facit, nisi extrinsecus seu aliunde ita esse appareat. *Bald. in l. 1. colum. fin. C. de privilegio dot.*

Et omninò fictam esse illam personam Arnoldi Billeberch, vel vice illius alium fuisse interpositum, magna est suspicio, ex eo quòd non constet de aliqua præcedenti venditione cū Billeberch celebrata, in cujus consequentiam actus ille recognitionis coram Notario & testibus celebratus fuisset. Et præterea quia non est verisimile, quòd magni mercatores, quales ipsi contrahentes se gerebant, actum illum magni momenti, sine adhibitione aliquorum mercatorum, in domo Notarii coram duobus testibus incognitis & mechanice celebrassent: quæ quidem falsitatis suspicio vehementius urgebit, si totam seriem atque universum rei ordinem, quem postea latius explicabimus, quis diligentius intueatur, utpotè quòd ipse Guiciardinus in vita Petri Bulyn nihil juris in vel ad merces prætenderit, sed agere distulerit, donec probationes contrariæ deperirent, & is moreretur qui hoc commentum facile detegere & falsitates redarguere potuisset.

tuisset. Item quòd Guiciardinus in qualitate, qua merces has comparasset, mentitus fuit; ac etiam in numero balarum tempore & loco depositionis erraverit; & denique quòd ad intentionis suæ confirmationem testimonio Guilhelmi de Vergier falsarij usus sit: sic quòd ex ordine, serie, & consequentia rei gestæ ab exordio rem omnem fuisse confictam appareat, aut saltem non constet eam verè, & uti ex partium narratione scriptum est, processisse.

DEINDE etiam si in contrahentium personis fraus cessaret, adhuc tamen non constaret Arnoldum Billeberch balas in instrumento illo expressas signo inibi ascripto notatas habuisse, cum id omninò ex sola partium narratione ascriptum sit, cui de jure, præsertim contra alias personas, quàm ex quarum suggestionem ita scriptum est, fides attribui non debet. *pulchre Soff. Nepos cons. 56. Iustissimi judices. nu. 8. part. 1.* Nam verba Notarij non probant, nisi illa, de quibus tempore confecti instrumenti à partibus rogatur, & quæ tunc explicari potuerunt. *Innoc. & alij in c. quoniam contra. de prob.* Et proinde cum hic agatur contra alias personas quàm inter quas instrumentum illud est confectum, & præterea tempore confecti instrumenti nulla realis mercium traditio, vel etiam demonstratio facta probetur, atque potuerit actus ille venditionis ac recognitionis fieri ab eo, qui

nullas omninò merces haberet, nullatenus credendum est ipsum Billeberch mercium in illo instrumento expressarum dominium habuisse, nisi Intimatus ita esse aliunde probaverit, quod factum non invenitur. Nam Guilhelmus de Vergier, qui illud affirmare videtur, propter infamiam ex crimine falsi contractam, uti ipse Intimatus fatetur, in 6. artic. *responsionis, in prioris instantia.* nec non propter vacillationem, inconstantiam, non-verisimilitudinē & repugnantiam eorum quæ deposuit, præsertim si conferantur cum dictis Januotti Daguerra, qui postea in appellationis instantia productus est, ad fidem faciendam est prorsus inidoneus; & aliorum dicta, quia duntaxat de auditu & relatione ipsius Vergier deponunt, penitus sunt fallacia, incerta & non concludentia. *Iuxta not. Mariani Socini cons. 69. num. 1. parte 1.*

RURSUMSUS posito, non concessio tamen, quòd instrumentum illud inter personas inibi nominatas confectum fuisset, ac quòd Billeberch merces hujusmodi, de quibus inibi fit mentio, habuisset, ac eas vendidisset Guiciardino; ex eo tamen non sequeretur, merces in penu quondam Petri Busyn repositas, de quibus hic quaritur, sub ulla venditione fuisse comprehensas, aut ipsum Billeberch tempore confecti instrumenti earum possessionem aut dominium habuisse, ac eas Guiciardino dividendas fuisse.

Nam nulla specialis mercium designatio vel demonstratio certi corporis in illo instrumento facta invenitur. Quinimò si propius advertamus, nulla in illo instrumento continetur specierum acquisitio, aut emptio, sed tantum quantitatis in genere. Nam non ut species, sed ut genus, balæ inibi expressæ in contractum venisse videntur. *arg. eorum quæ scribit Bald. in l. 1. ff. de peric. & com. rei vend.* Et præterea licet in specie tot balas, quot in instrumento cum designatione signi in instrumento expressi exprimuntur, Billeberch Guiciardino vendidisset; inde tamen non sequitur, balas, de quibus quæritur, licet eodem signo notatæ sint, ex intentione contrahentium comprehensas fuisse, aut comprehendi potuisse, cum ultra numerum balarum in instrumento expressum balæ, de quibus est quæstio, esse potuerint, ac apud Petrum Busyn custodiæ, vel (quod verius est) proprietatis titulo remanere; præsertim cum agatur de re quæ est multiplicabilis: ita quod natura rei identitatis considerationi non suffragetur, non curata signi in instrumento descripti impositione, cum potuerint plures & aliæ balæ illo signo esse notatæ, quam de quibus in illo instrumento fit mentio. *l. neque natales. C. de prob.* Neque hæc curanda est depositio Guilhelmi de Vergier deponentis balas, *ad l. 2. 3. & 7. artic. intentionis Intimati in prima instantia.* de quibus agitur,

in penario Petri Busyn repositas, ad Arnoldum Billeberch spectasse, atque ab eo Guiciardino fuisse divenditas. Nam ratione infamie ex crimine falsi contractus dicto Guilhelmo fides testimonij adimitur; *Bart. & alij in l. cum mulier. ff. soluto matrimonio. l. infamem. ff. de publ. iudiciis.* usque adeo ut nec in subsidium probationis, aut conjecturam, seu indicium faciendum testificatio illius admitti debeat: præsertim cum agatur de re, cujus veritas per rerum naturam & secundum communiter accidentia alia ratione probari possit: *Bart. in l. 1. C. de sum. Trinit. & fide Catholica,* nec considerari debet ad redintegrandam fidem dicti testis remissio, vel abolitio criminis à rege Gallorum impetrata. Nam ea licet pænæ gratiam adferat, improbum animum tamen, & quem sceleris perveritas semel invasit, repurgare aut redintegrare non potest. *c. semel malus, de reg. jur.*

Et eo magis testimonium illud Vergier rejiciendum videtur, quod professio seu depositio illius, etiam per se sola spectata, diversitatem facti contineat, ac sibi ipsi adversetur. Nam in uno loco *in 3. artic. intentionis Intimati.* deponit se solarium Petri Busyn conduxisse ad collocandum seu reponendum merces, de quibus agitur: in alio verò loco, *super 6. artic. intentionis Intimati.* deponit merces illas fuisse repositas in penario, & non in solario; quæ est manifesta contra-

dictas

rietas & repugnantia, de qua adhuc evidentius apparet ex collatione testimonij dicti Vergier, cum testimonio Jannotti qui postea productus est. Nam Vergier *super 4. artic. intentionis Intimati*. deponit balas istas, duobus vel tribus mensibus ante nonam Octobris, quæ est data contractus, & ita in Julio vel Augusto fuisse repositas in domo Busyn. Cui repugnans Jannottus, in sua depositione testatur se in fine mensis Augusti primum interpellatum fuisse à Busyn; pro inveniendò conductore sui penoris; & quòd demùm quatuor aut quinque septimanis postea, quòd fuisset in fine Septembris aut principio Octobris, Vergier penarium illud conduxisset: quæ evidentissima est contrarietas. Itaque testimonia illa, licet per se aliquid ponderis habeant, quòd non; tamen in collatione se mutuò penitus elidunt, cum unius dictum non sit compatibile (ut vocant) cum professione alterius. *Bald. in 1. Constit. C. §. quibus*. Ita quòd depositiones dictorum testium non solum singulares, sed prorsus contrariæ & repugnantes censerì, neque probationem, nec probationis administriculum facere debeant super eo, de cujus fide agitur. Cui accedit quòd ipse Jannottus (etiàmsi per se dicta illius spectentur) fidem facere non debeat tum propter personæ vilitatem & familiaritatem cum producente, ac suspicionem subornationis & corruptele;

tum etià quia ipse in actu, de quò testificatur, mediatoris personam sustinuit; & præterea in sua depositione nedum est singularis, sed & varius, & sibi ipsi contrarius. Nam cum bis fuerit auditus, in uno loco deponit conductionem penarij accidisse in domo Busyn; in altero verò, quòd accidisset ea conductione in nova Bursa: & rursus in priorè depositione attestatur se operam & auxilium præstitisse Vergier in inferendis mercibus in domum Busyn, quòd in posteriore negat & revocat: quæ facti diversitas & repugnantia fidem dicti testis penitus elidit, etiàmsi contra personam aut dicta ejus nihil aliud militaret.

PRÆTER quæ omnia, illud quoque considerandum est ipsam rerum verisimilitudinem in hoc articulo Intimato penitus adversari, ac pro appellantium intentione militare: Nam si verum esset, uti prætendit Intimatus, quòd G. nona Octobris anno 40. balas, de quibus agitur, comparasset, nulla est verisimilitudo quòd G. tunc, in rerum suarum declaratione constitutus, merces tam magni pretij usque ad Majum anni 41. reliquisset otiosas, imò neglectas & velut desertas, cum nec claves penarij domus Busyn habuerit, nec unquam per se aut suos accessum ad dictas merces habuisse, imò nec mentionem aliquam in vita Busyn de illis fecisse probetur; ita quòd ab omni probabilitate sit alienum,

& apertam falsitatis imaginem habere videatur, quòd longo tempore post mortem Busyn tentavit has merces suas facere, cum speraret adversus pupillos defuncto eo, qui se defendere potuisset, fraudem posse succedere: eaque suspicio falsitatis & fraudis inde manifestius colligitur, quòd probatum inveniatur G. ab initio in asserendis sibi mercibus, de quibus agitur, fuisse mentitum in declaranda qualitate seu nomine, quo merces illas comparasset. & quòd præterea requisitus libros seu rationes suas, ex quibus de acquisitione constare potuisset, edere aut exhibere noluerit. Nam præsumitur contra eum, qui recusat rationes edere; *Cle. unica. §. caterùm. de usuris.* & qui dissentit agere, donec adversario facultas probandi depereat. *gl. in Clem. sapè in verbo non obstante. in fin. de verb. signific.* Quibus accedunt & alia quædam evidentiora signa, seu indicia falsitatis, nempe quòd G. eo ipso etiam tempore, quo per fraudem conatus est has merces suas facere, neque numerum balarum, neque locum, neque tempus repositionis congruenter designare, seu declarare potuerit, sed magno & intolerabili errore circa possessionem tam pretiosæ rei in numero balarum loco & tempore aberravit, nec pretium conducti penoris declarare potuit.

Cum accedit, quòd multa in actis deducta & probata invenian-

tur, quibus ultra possessionis adminiculum sufficienter probatum videtur, balas, de quibus agitur, verè ad Petrum Busyn spectasse, ac per successionem & titulo hæreditario ad appellâtes translatas esse, nec posse comprehendendi sub numero in prædicto instrumento expresso, tum quia probatum est eas fuisse in domo Busyn à mense Aprili anno 40. & ita diu antequam merces in illo instrumêto expressè Antverpiam pervenirent. Quinetiam defunctus Busyn in vita sua sæpius declaravit has merces suas esse proprias: *ut constat ex depositionibus testium in 1. instantia ab appellantibus productorum, maxime super 6. arti. posteriorum factorum.* Ideoque moriens nihil de his dixit, licet omnia alia aliena, quæ habebat, specificaverit: quod in viro probo, qualem dictum Busyn fuisse constat, magnum est argumentum probitatis, & rei ad ipsum pertinentis; & denique, quia Busyn nunquam solitus fuit penum, aut domum suam elocare, sed potius propriis mercibus præsentì pecunia comparatis reservare, quemadmodum etiam propter loci distantiam & vecturæ difficultatem non est verisimile, quod quis domi suæ voluisset penum conducere; sic quòd intentio appellantium in hoc iudicio præter præsumptionem, quæ ex possessione oritur, multis rationibus & conjecturis sit confirmata: contra verò intentio Intimati, ab omni verisimilitudine aliena, & cum graviss-



gravissima fraudis & falsitatis suspicione conjuncta, præsertim si conjecturas prædictas secundum personarum qualitatem & circumstantias expendamus.

Et proinde cum agatur de actu penitus suspecto, & non verisimili, & inter personas suspectas, nulla ratione potuerunt judices prioris instantiæ G. deferre juramentum, in supplementum probationis contra appellantes, quorum intentio tot rationibus est solidata. Nam testimonia pro parte Intimati recepta, etiam cessantibus illis conjecturis fraudis, quæ extrinsecus concurrunt, per se infirmiora sunt quam ut semiplenam probationem possint constituere: & præterea etiam si maximè ad semiplenam probationem sufficerent, quod non; adhuc tamen propter non verisimilitudinem juramentum hoc suppletorium deferri non debuit. Etenim nunquam desertur juramentum in supplementum probationis, cum id quod quis vult probare non est verisimile: *c. quia verisimile non est. de presumpt. gl. in l. 1. C. qui & adversus quos. Roman. consil. 81. visis & percunctariis. Alex. cons. 71. clarissime domine. col. ult. lib. 3. Iason in l. admonendi. charta 27. vers. cujus causa determinanda, cum similibus.* Et hoc maximè in præsentī negotio, ubi probationes Intimati, si quam vim habuissent, contrariis probationibus & conjecturis ex parte appellantium sunt elise, vel saltem offuscate; ita quod etiam cessante

illa non verisimilitudine, & data aliqua inæqualitate, pro appellantibus, qui reorum personam sustinebant, pronunciari debuerit. *gl. in c. clerici, 81. distinct. Rom. consil. 196.*

PRÆTEREA non est prætermittendum quoddam etiam si dicta testium ex parte Intimati productorum conjungi possent ad constituendam probationem plenam vel semiplenam, quod non; id tamen solum procederet respectu illius, super quo producuntur & testificantur, sed discurrendo per omnia nulla invenitur testium depositio super actu translationis dominij, aut etiam super identitate mercium venditarum, sed omnes super eo solo producuntur, & testificantur, quod Guillelmus de Vergier merces hujusmodi ex Galliis ab Arnolde Billeberch accepisset, ac illas pro parte in domo Butyn collocasset. De eo autem, quod hæ ipse balæ in domo Butyn reposuit, illæ eadem merces essent, de quibus agit in instrumento illo de nona Octobris anni 40. testatur, aut deponit nemo, præterquam Guillelmus de Vergier, qui super 7. intentionis Intimati deponit se ita audivisse ab Arnolde Billeberch: quæ depositio cum sit singularis, & de auditu tantum, etiam cessante vitio personæ, neque indicium, neque semiplenam probationem constituere potest. *c. veniens. de testib.* Ita quod licet super venditionis contractu, propter instru-

instrumentum exhibitum, & alias conjecturas Intimato jusjurandum deferri fortè potuisset à judicibus prioris instantiæ; nulla tamen ratione eò usque procedere poterant, ut Intimatum ad jurandum admitterent, etiam super identitate mercium, de qua nihil penitus in actis probatum invenitur. Nam similitudo signi nihil facere potest ad identitatem mercium demonstrandam, cum agatur de re multiplicabili; ita quòd potuerint etiam secundùm communiter accidentia aliarum balæ signo illo notari, quam illæ quæ G. fuerant dividendæ, & in instrumento illo designatæ: præsertim cum diversitas temporis, quo merces istæ Antverpiam advectæ essent, secundùm depositionem testium, ab Intimato productorum, diversitatem hanc mercium coadjuvare videatur.

DENIQUE etiamsi constaret de identitate hac mercium, quod minimè; adhuc tamen Intimatus in reali actione, qua actum fuit, non posset obtinere, cum de actuali traditione, aut eo quod vice traditionis est, nihil probaverit, omne fundamentum constituens in verbis dicti instrumenti, *a vendit & livré*, quorum virtute si nullus alius actus intervenerit, (de quo probatum non invenitur) dominium transferri non potuit, ut expresso Jurisconsulti responso comprobatur, in l. *prædialia*. ff. de acqui. poss. ff. quo decisum est per hæc verba instrumenti inserta, *domavit & tradi-*

*dit*, non probari possessionis aut dominii translationem, nisi donator per se vel per alium possessionem rei apprehenderit. Nam sola voluntate, conventionem aut confessionem nunquam transfertur dominium, sed requiritur quòd aliquis actus traditionis verè vel fictè concurret, veluti clavium horrei, in quod quid est repositum, custodis appositio vel quid simile, l. 1. §. *si jufferim*. l. *fundi emptor*. & l. *quemadmodum* ff. de acqu. poss. §. *item si quis merces*. Instit. de rerum divisione. qualia hic intervenisse non probantur. Nam quamquam de remisissis ministris G. in domum quondam Busyn in priori instantia fuerit articulatum, nihil tamen à quoquam, ne à Vergier quidem alioqui liberali in ferendo testimonio, ea de re est depositum, vel probatum. Quod tamen si verum esset, facile per eosdè ministros probari potuisset; ita quòd etiam cessantibus prædictis omnibus, ex eo solo Intimatus succumbere debeat, quòd de dominii translatione nihil probatum sit.

In qua re nec illud in considerationem venire debet, quod de signi impositione prolixè disputat Intimatus, quasi per illud induci potuerit dominii translatio: siquidem quod dicitur per signi impositionem plerumque transferri dominium, l. *quod si neque in fine*. ff. de periculo & commodo rei vend. ad hunc casum prorsus est impetinus. Nam in hujusmodi genere rerum signi

signi impositio aliò quàm ad dominii translationem pertinet : l. 1. §. si dolum. & gloss. in d. l. quod si neque. ff. de periculo & commod. rei vendita. & præterea quòd signi impositio vim traditionis habeat, procedit solum quando emptor ipse merces comparatas signavit. d. l. quod in neque, in si. Quod à G. factum non invenitur: ideoque prorsus imperitineus est hoc casu, impositio signi, quod, (uti dicitur,) est venditoris, & mercibus antequam venderentur, aut huc advherentur, fuit impositum.

QUIBUS novissimè accedit vitium litigiosi & cessionis in potentioris factæ, nec non denegatio reprobationis testium in prior instantia.

ITA quòd quocunque oculos converteris, planè & manifestum sit multis modis intentionem Intimati penitus corruiere : ita quòd absque dubitatione pro appellandis pronunciari atque sententia in prior instantia lata, circumspiciore iudicio retractari debeat, salvo meliori iudicio cuiuslibet.

CONSILIUM XII.

SUMMARIUM.

1. Rationibus & calculo statatur donec error probetur.
2. Presumitur contra eum qui differt agere.
3. Ex taciturnitate & lapsu longi tem-

poris presumitur solutio inter conjunctas personas.

4. L. Procula. ff. de probatio. declarata.
5. Probationes clariores requiruntur in his qua non sunt verisimilia.
6. In Revisionis iudicio admittuntur probationes à iudice in prima instantia prætermittæ.
7. Reo favendum data probationum paritate, imò etiam data aliquali imparitate.
8. Quando sunt duo incompatibilia, eligens unum alteri renuntiare intelligitur.
9. Observatio sequens declarat voluntatem contrahentium in contractu precedenti.
10. Ubique habemus effectum, non curamus de modo, aut forma etiam in conditionibus.
11. Identitas rei quomodo probetur.
12. Scriptura quamvis invalida, declarat intentionem & veritatem rei gesta.
13. Mercatorum mos est, ut obligationes etiam sine causa insertione factæ valiant.
14. Scriptura una declarat aliam, & scripturarum conjunctio veram probationem constituit.
15. Agens conditione sine causa probare tenetur.
16. In quantitativis parvis statatur juramento administratoris.
17. Repetitio non datur adversus eum qui suum recepit.
18. Solutio seu in solutum datio cum generali confessione debiti removel presumptionem indebiti donec probetur error.

19. *Qui agit ex dispositione qualificata, debet probare qualitatem.*
20. *Pretium iustum actionis debet considerari deductis expensis.*
21. *Minus est actionem habere quam rem.*
22. *Stilus mercatorum in describendis rationibus non observatus derogat scripturae fidem.*
23. *Notarius errorem propria auctoritate emendare potest.*
24. *Error ex conjecturis probari potest.*
25. *Gabella solutio indicat ad quem res seu contractus pertineat.*
26. *Diligens in uno, censetur etiam diligens in alio.*
27. *Erroris probandi multa rationes.*
28. *Sententia refertur ad libellum & petitionem, non curata narratione libelli.*
29. *Quaesita ex compositione pacis, non dicuntur quaesita ex bello.*
30. *Sententia contraria priori sententia, à qua non fuit appellatum, non valet.*
31. *Debitorem seu adversarium creditor invitus mutare non cogitur.*
32. *Administrator potestatem administrandi amittit, si in eodem statu non remaneat.*
33. *Mercatorum avisamenta quam vim habeant in decidendis causis.*

**M**ULTA sunt quæ adversus sententiam pronunciatam intentioni Douchii, Revisionem proponentis, favent, & quæ tantarum sunt virium ut ad Retractionem dictæ sententiæ sufficere videantur. In quo demonstrando

tamen magnus & propter auctoritatem integerrimi & amplissimi consilii molestus labor versetur, tamen ad asserendam veritatem (cui omnia debent concedere) permittente & ad cognitionem suam hanc causam revocante amplissimo Senatu, non dubitabimus in medium adferre quæ & juri & rationi putamus consentanea.

Et, ut ordine aliquo proposito totius rei explicatio sit certior ac facilior, primum totum corpus & compaginem causæ, iudicii quæ ordinationem & progressum oculis subjiciendo, generalia quædam proponemus, ob quæ dicta sententia emendationi & retractationi in capitulis controversis subjacere debeat: deinde percurrendo singula capita sententiæ, quæ in dubium & ad incudem revocantur, & quibus Douchius se gravatum contendit, particularem cuiusque decisionem & determinationem ex jure seorsum (quatenus humilis ingenii nostri facultas patitur) subjiciemus; sub correctione amplissimi Senatus aliorumque doctissimorum virorum, quos ex omnibus classibus aliorum subsecliorum, ad hujus causæ investigationem & dijudicationem, convenire continget.

Et quod ad primi capitis decisionem pertinet, in primis animadvertere convenit Curatores, à quibus prior lis intentata & prosecuta fuit, juxta eorum ordinationem & mandatum acceptatum

NON

non constituisse debitam & sufficientem cautionem, ut per se notum est, & G. confitetur: in 12. *art. duplica, sequestrat. pendens. coram commissariis Oudaert & Quarre*. sic ut idoneam qualitatem & legitimam personam non habuerint ad intentandum hujusmodi iudicium propter resistentem juris rationem: *arg. l. 1. C. de tutore qui non satisf.* Et quia non aliter Curatores creati fuerunt quàm sub lege satisfationis, quæ nõ observata omnia gesta eorum iurare videtur: deinde cessante illo defectu qualitatis seu potestatis, considerandum est dictos Curatores personam agentium sustinuisse, atque ob id claram & sufficientem probationem ex parte eorum fuisse requisitam ad condemnationem Douchii, qui illis nihil vel non plenè probantibus absolvi debuit: quod tamen si seuerum non fuerit, tamen ut omnia percurras diligentissimè, eaque vel singula per se, vel universa ponderes, nihil invenitur ex omnibus, quod probationem legitimam & sufficientem ad condemnationem tam magni debiti constituat: imò in contrarium multa occurrunt argumenta urgentissima, ex quibus deprehenditur debitum prætentum non verisimile, incoloratum, improbabile & sine ratione prætentum. Quod primò ostenditur ex qualitate personarum. Douchii scilicet, tunc in abundantia omnium rerum, in prosperrimo successu fortunæ constituti, & G.

quorum fides & facultates diu ante intentatum hunc processum collapsæ erant: sic ut omni verisimilitudine careat Douchium tam magno æri alieno, tot millium librarum Flandriæ fuisse obnoxium, aut G. in infamiam insolventiæ recidisse, quibus tantum (ut nunc prætendunt) fuisset debitum, & cujus exactio vel cessio, aut insolutum datio facilis & expedita omninò esse poterat adversus tam locupletem debitorem. His accedunt calamitosæ illæ epistolæ Johannis G. quibus suppliciter rogat Douchium pro mutuo duodecim coronatorum semel, & pro intercessione apud creditores, à quibus detinebatur, ut liberari posset à carcere ad conservanda reliqua bona sua Douchio & creditoribus, manifesta significatione debiti adhuc Douchio restantis, post omnes transportus factos; quod magni momenti est: maxime in dicto G. homine admodum industrio, gnaro, versuto, & tali, quem nemo sani iudicii dixerit in proprio facto & negotiatione erratum tanti debiti, & tot milium librarum Flandriæ, quæ in petitionem deductæ sunt, admittere potuisse. Adde taciturnitatem longi temporis, quo G. & ante fallissimum, & multis annis postea nullam mentionem de hoc debito fecerunt: imò in contrarium & in libris ante fallissimum scriptis & transportibus factis, nec non epistolis, & annotationibus postea

scriptis planè & apertè confessi sunt, se nedum ad gratiam, sed etiam in magna pecunia Douchii debitores & reliquatores esse. Id enim apertè ostendit & testatur transportus à Johanne G. cum adhuc integri status esset, factus Douchio anno 1543. 26. Septembris de actione & jure quod habebat in glasto, quod erat in domo quondam Petri Bousyn, in verbis: *Laquelle cession & transport ledict Jehan Baptiste és noms susdits, & chascun desdits noms, comme mieulx peult, & pourra valoir & sortir effect, dist & declare avoir fait & faire audict Gaspard Douchy pour luy, ses hoirs & successeurs, ou ayans cause comme dist est en tant moins & à bon compte, & en diminution de ce que doit, ou peult debuoir audict Douchy, en maniere quelconque, & pour quelque cause que ce soit.* Quæ verba in præteritum concepta evidentem debiti confessionem continent, ut inferius in tractatione sexti capituli dictæ sententiæ plenius deducetur. Idem testatur & demonstrat antecessed cessio & transportus factus 4. Augusti anno 1543. de multis balis glasti partim assëcuratis, & partim non assëcuratis, in causam & solutionem præteriti debiti inter eos prius subducti, calculati & saldati per computum & calculationem desuper existentem, ad quam utraq; pars in dicto transportu se referebat, his verbis: *En part de payement & en diminution à bon compte de ce que ledict Jehan Baptiste en la qualité susdicte doit ou peult de-*

*buoir audict Douchy, comme Recepueur general des Impostz de la guerre tant pour saulconduictz, que pour droict d'iceulx passeportz, congez & licences obtenues de l'Imperiale Majesté pour ladicte société des G. & autres deniers pour eulx payez & deboursez, & promesses pour eulx faictes, comme de ce plus amplement appert par les comptes que en tiennent lesdites parties ausquelz pareillement, &c.* Quæ in liberationem sonant, & confessionem calculi facti ac præteriti debiti, ad utilitatem Douchii restantis, apertè significant; & tantarum sunt virium de jure, ut per ea probetur non solum Douchium in nullo teneri G.; sed eo amplius G. debitores esse Douchii; idque ex calculo & computo facto & clauso apparere, quod in magna animadversione est habendum. Nam cum stante & florente fortuna ac integro adhuc statu G. cessiones & confessiones illæ sunt factæ; nec probetur postea aliud à G. Douchio datum, aut ab illo acceptum, manifesta est juris ratio, quæ G. eorumque creditores à petitione hujus innumerabilis pecuniæ secludat non probatis rationibus, nec manifestato eorū errore. Nam apertè decusum est, quod si quis confiteatur se esse debitorem Titij pro resto & saldo rationum inter eos factò, hanc confessionem causam habere annexam, & legitimam probationem constituere, l. Publia. depositi. l. cum servus. de condit. & demonstr. Salicet. in l. unica. nu. 5. vers. iuxta prædicta. C. de confess. & Bald.

*Bald. conf. 96. incip. non probant. lib. 2.* quia rationes supponunt hinc inde accepta & data ex iusta causa: *l. si quis ex argentariis. §. rationes de eden.* & calculo stamus donec error probetur, *l. unica. C. de errore calculi. gl. in l. ex pluribus. de solut.* sive de calculo verè appareat, sive per cōfessionem partis tantum. *Salic. loco citato.* Nam confessio ex causa computus conclusi est valida, nec potest nuda, aut sine causa vocari: *d. l. Publica, & ibi Salicet. & in l. Iubemus. C. de lib. causa.* maxime quando tam solemniter coram tabellione parte præsente & acceptatione est facta: *Cynus in d. l. unic. C. de conf. Francisc. Marius in decis. Parlam. Delphinat. 131.* atque in actu liberatorio, qui, ut inferius ad decimum caput sententiæ dicitur, sustinetur etiam si extra iudicium & sine causa factus sit. *Gl. Salic. & alij in d. l. unic. in princip. l. de confess. l. tale pactum. de pact. §. & licet, in authen. de testib.* Quæ cum ita se habeant, planè inefficax fuit tota petitio creditorum, non docentium de nova causa debiti post dictos transportus contracti; referrique debet ad novum genus insidiarum, quòd Curatores repugnantibus & resistentibus tor literis, tor annotationibus, confessionibus & requisitionibus G. ex longo intervallo ingens hoc debitum proponere & exigere tentaverint, ex transportibus & cessionibus, ex causa præterita consummatis, & ad liberationem propositis & executis. Idque

posteaquam integro ferè sexennio & G. & ipsi creditores à querela & exactione huius debiti cessaverant: quod per se etiam cessantibus prædictis sufficere videtur, ad labe factandam creditorum intentionem. Nam si G. in recenti tempore computationum, & postea in declinatione rerum suarum, ac etiam diu postea miseriis & calamitatibus oppressi, nullam mentionem tam grandis debiti fecerint, (ut nullam fecerunt) sed in contrariū se debitores & obligatos agnoverunt, ab illo mutuum pecuniam, auxilium & intercessionem desiderantes, nulla prorsus est verisimilitudo debitum præsertim tam magnum extitisse. Neque enim tam virginali verecundia fuerunt, aut sunt G. adversus Douchium, ut credamus eos pro sustinendo statu suo, & ad effugiendā confessionem contracti debiti noluisse Douchium tunc florentissimum, locupletissimum, & ipsorum etiam post insolventiam studiosum, admonere & interpellare, ejus scilicet auribus parcendo, cuius caput, sanguinem vitamque, nunc reperta ratione insidiarum, eripere optarent. Adde, quòd nemo tam dissolutus aut negligens in re familiari inveniatur, qui primò stantibus fortunis, deinde collapsis, debitorem tam grandis pecuniæ, quem quotidie videret, & cum quo quotidie versaretur & negotiaretur, non solum non interpellaret, sed eo amplius se illi debitorem scriberet



beret & recognosceret, mercesque suas in solutum daret. Satis namque argumenti est nihil esse debitum, (ut in similibus terminis inquit Cicero pro Quintio adversus Nævium) quod tam diu nihil petunt, & (cessante planè & liberalitatis & negligentiae præsumpione, tam G. quàm eorum creditorum) circiter totum sexennium post insolventiâ G. à controversia omnino conquieverunt, donec ultro à Douchio ad purgandum nominis sui honorem & famam interpellarentur, cogerenturque vel actionem suam proponere, vel ab ea perpetuò excludi. Quod magnum securitatis iustitiæque testimonium præbet pro Douchio, -urgetque vehementer G. eorumque creditores, qui tam diu tacuerunt de hoc debito, & non nisi coacti ab ipso Douchio ad agendum processerunt. Et interim dum tacuerunt, multa commercia & computationes cum ipso Douchio, stantibus adhuc fortune suis, G. cum Douchio habuerunt. Nam præterquam quòd jus præsumat adversus eos qui differunt agere, donec oblivio sequatur, *Bald. conf. 37. quidam tabellio, in fin. lib. 1. c. Christiamus. 11. q. 1. gloss. in Clem. sepe. §. & quia. de ver. sig. Decis. Neapolit. 13. & decis. 58. in fin.* manifestum est ex taciturnitate & lapsu longi temporis præsumi solutionem & iatisfactionem, si inter personas conjunctas naturali vel simili consanguinitate & compaternitate & magna ami-

citia (quæ fuit in proposito) intervenit actus positivus rationum postea redditarum, aut commerciorum habitorum absque commemoratione debiti, quod postea ex longo intervallo prætenditur, ut aperto Juriscons. responso comprobatur; *in l. Procula. de probat.* in hunc modum: Procula, cum magnæ quantitatis fideicommissum à fratre debitum post mortem ejus in rationibus cum hæredibus compensare vellet; ex adverso autem allegaretur, nunquam id à fratre, quamdiu vixit, desideratum, cum variis ex causis sæpe in rationem fratris pecuniam ratio Proculæ solvisset; divus Commodus cum super eo negotio cognosceret, non admisit compensationem, quasi tacitè fideicommissum fuisset remissum. Quod decisioni præsentis negotii admodum convenit. Nam requisita in Jurisconsulti responso hîc concurrere videntur; &, quod ad intentionem Douchii magis stabiliendam pertinet, aperta, læpius repetita, & multiplicata est G. confessio, recognitio & declaratio sese esse debitores Douchii; cessionesque illi factas, in solutionem & diminutionem antecedentis debiti processisse. Idque non leviter, nec vano sermone, sed deliberatè & per modum causæ finalis; Ob quam transportus illi facti sunt cum adjectione indubitabilis signi & causæ, ex qua ad debiti illius computationem & cognitionem pervenerant, nempe calculi & compu-

& computationis inter eos habitę. Quę confessio egreditur terminos solius verisimilitudinis, in qua fundatur Juriscon. decisio, *ind. l. Procla.* & transit in speciem legitimę probationis, quę stare & robur obtinere debet, donec probeatur aliquid postea de novo contractum, vel prolata rationes & computationes errorem & vanitatem dictarum confessionum redarguant, quod hætenus factum non deprehendimus: imò in contrarium (quod magis ad justificationem Douchii in hac parte facit) provocante Douchio ad calculum & computationem. Curatores unà cum G. relictari sunt, perseverantes in conclusione sua, cujus plura capita tendebant ad repetitionem eorum quę Douchio insolutum data erant, etiam ob causam & debitum præteritum, ea sola adjectione facta, quod offerrent deducere ea quę Douchius ostenderet sibi vicissim debita; rejecto ita probandi onere in Douchium, quod & ipsos Curatores spectabat, quoniam agentium vicem sustinebant, & contra eos stabat aperta G. confessio, recognitio & declaratio cum favore actuum & transportuum ad liberationem pertinentium, ex quibus Douchius magnam partem rerum sibi traditarum acceperat: nec non taciturnitas longi temporis cum aliis quamplurimis circumstantiis, Douchii intentionem solidè sustinentibus, quamdiu transportus & ces-

siones illæ ac præsumptiones ex diuturnitate temporis & aliis circumstantiis profluente non debilitarentur & enervarentur: eoquę magis suspecta & odiosa videri debet attentata per Curatores inachinatio, quod non solum oblationem Douchii de iteranda calculatione secundum usum mercatorum etiam simpliciter factam in *ccx. artic. additionum* præterierint & rejecerint, sed eo amplius præcedentem calculationem sæpius & instantè requisitam à Douchio exhibere & ostendere distulerint; atque omnibus modis refugerint: cum tamen sine exhibitione priorum rationum vel redditione novarum, veritas aut exitus rei haberi non potuerit; imò nec ipsi Curatores (ut implicitè fatetur in *6. artic. Memor. suarum.*) ad modum & certitudinem aliquam, quantumvis indulgentem eorum cupiditati, pervenire potuerunt absque supputatione & calculatione omnium: ob quod ipsi ad rationes iterandas & promptius procedere, & iudices ad eas exquirendas admittendasque secundum Douchii desiderium & stilum mercatorum procliviores esse debebant. Ad confirmationem prædictorum multum sunt ponderanda acta coram Commissariis in verbali habita, *6. April. Anno 53.* in quibus Douchius ante omnia requirit, & in ea requisitione perseverat, quod calculus prior ante omnia exhiberetur. Quam requisitionem Commissarii omnino non

non rejiciunt, uti rejectionem non merebatur, sed ea reservata ulteriori Curiae ordinationi, procedūt ad ulteriorem informationē, facto præcepto G. extremam ut diligentiam faceret in recuperando dicto computu. Postea verò neque aliqua ordinatio Curiae secuta videtur, neque diligentia quærendi à G. exacta est, cum magno Douchii præjudicio, & veritatis intricacione, quæ exhibitio illo computu illuminari facile potuisset.

Nec est subtrahendum, quòd si omnia prædicta ad penitus elidendam intentionem Curatorum non sufficerent, tamen causa eorum inde propter præjudicium non verisimilitudinis præsumptæ fraudis & insidiarum plurimum gravaretur, ac durioribus probationibus subiceretur. Noti namque juris  
 5 est, Ad probandum quod non est verisimile, requiri clariores probationes: *Bald. in l. non est verisimile. De eo quod met. caus. Dec. cons. 171. incipiente super mature. col. 1. veluti si agatur de probando partu quinquagenariæ, vel ubi alia suspicio est fraudis, aut intentio, exceptioque proponitur non verisimilis. Fulgo. in l. si mater. C. de legit. hered. Unde ubi exceptio non est verisimilis, potest iudex Reum proponentem hujusmodi exceptionem cogere ad expressionem causæ, ex qua reddatur verisimilis, licet non aliàs. Anton. de Butr. in c. super hoc. col. 2. de renuntiat. Et licet quis non debeat gravari onere probandi, cum ha-*

bet plenam probationem; hoc tamen non habet locum, quando facto allegato repugnat verisimilitudo: *Fel. in c. quia verisimile. De præsumpt. quæ tam potens est, ut plerunque nō admittat probationem contrariam. Panorm. in d. c. quia verisimile. Cujusmodi verisimilitudinis ratio militare videtur adversus dictos Curatores, propter qualitatem personarum, taciturnitatem tanti temporis, G. multiplicatas confessiones, recognitiones & declarationes, aliasque circumstantias. Quibus convenienter accumulari potest ipsius debiti prætensi magnitudo, quæ omnem fidem Curatoribus ac G. abrogat. Nam cum assidue G. ante insolventiam cum Douchio versarentur, nec eum interpellaverint, & post insolventiam omnes angulos perquisiverint, & adhuc tacuerint toto penè sexennio; quis credat esse debitum quod tam longo tempore, & à tam diligentibus & in necessitate constitutis non fuit petitum; Cicero in orat. pro Quintio. & non solum non petitum, sed expressa G. computatione, confessione, recognitione, & declaratione contrarium testatum & obfirmatum.*

Nec parum facit ad agendum prædictam non verisimilitudinem, quòd post diligentem inquisitionem & discussionem librorum G. primi Curatores declaraverint libros & scripta G. imperfecta, contrabata & intricata esse; & diligenter pensatis omnibus Douchiū

non

non inveniri debitorem ex Geraldii constanti sententia ultra quantitatem librarum duorum milium, quæ G. quantumvis Douchio infestus, & ad emergendum ex difficultatibus intentus & cupidus non extendebat ultra quatuor milia librarum; id quæ non simpliciter, sed cum adjectione cõtriarum petitionum Douchii his verbis: *Gaspar Douchy comme par plusieurs ses comptes baillez aux deputez seu peult veoir resté débiteur de 4200. lb. 12. s. 9. gr. y desoubz mie par Nota qu'il pretende plusieurs choses, il fault veoir qui aura raison*, ut ex proprio statu scripturæ Antonii Lothi unius primorû Curatorum exhibito in prima instantia sub litera ff. manifestum est, unde maxima non verisimilitudinis debitorum à Curatoribus prætensoforum conjectura enascitur. Nam cum G. licet fallitus, per tam diligentem computationem rerum à se gestarum, & per relationem ad præcedentem computum ultra 4200. lb. debitum hoc non extenderit, & in diminutionem illius vicissim multa prætendi à Douchio annotaverit; ipsa verisimilitudo & naturalis ratio cujusque hominis sanæ mentis manifestat ingens æs alienum, quod nunc prætenditur, planè vanum, improbabile & imaginarium esse: Eo magis quoddam postea per sententiam ex 4200. lb. à G. prætensis, 2770. lb. 16. s. 8. gr. primi computus de quaderno G. cum quibusdam aliis fuerint subductæ & improbatæ, & quoddam G. vel eo-

rum Curatores computum ipsum, ad quem toties etiam ante fallissimum, & post facta est relatio, instanter à Douchio requisiti & à Commissariis jussi non exhibuerint, sed clam habuerint, & occultarint, ob quod meritò velut convicti haberi, & in alias pœnas subtrahentium & occultantium probationes partis adversæ debent recidere. Et profectò si ulla in re G. fallito fides haberi debet, id fieri debet in actu illo annotationis: tum quia de facto proprio, tum quia non fundatur in sola ipsius assertionem, sed in relatione ad computum & alia munimenta, ex quibus prolatis veritas rei haberi posset. Et denique quia de nulla gratificatione G. erga Douchium ostenditur, ut mirum & quodammodo intolerabile videatur dictos Curatores rem tam diu silentio transmissam, & contrariis actibus atque eulogiis peremptam & abolitam, & postea à primis Curatoribus ad duo millia, à G. verò ad quatuor milia ampliata, novissimè in actione proposita ad viginti tria milia librarum Flandriæ excrevisse: maximè cum absque ingentis & infamis mendacii nota G. aut eorum creditores ab illa priori annotatione resilire nequeant.

Et utcunque sit, de prædictis certè ipsa rei magnitudo, eique repugnans verisimilitudo, & negotiorum communiū inter Douchium & G. intricata varietas exigebat ante omnia universalem

Q omnium

omnium computum fieri, inspectis maturè & cum intervallo utriusq; libris secundum morem mercatorum observari solitum, etiam in minoribus rationibus: nec potuit (ut videtur) de jure Curatorum intentio aliquo modo admitti, vel fundari etiam prætermisso mercatorum stilo adversus transportus, in solum donationes, confessiones & declarationes G. superius relatas, nisi veteribus rationibus prolatis, vel iis iteratis, seu de novo redditis, ita postulante & desiderante enixè Douchio. *ut patet in verbali commissar. & multis artic. Memor. & add. præsertim in dict. 219. art. addit.* Nec parvi momenti est, ad ostendendum Douchii gravamen & præcipationem, quòd, cum ipse reus conventus esset, & tot verisimilitudinibus adjuvaretur, statim & ab initio requisitus fuit ab actoribus, ut omnes libros exhiberet, & deferret ad Curiam inspiciendos & visitandos, & quòd domini Judices id etiam decreverint tertio Decembris, anno 49. his verbis: *Les livres seront dedans quinze jours portez en ceste ville de Bruxelles és mains des Commissaires.* Et rursus 12. Junij anno 49. Item in verbali 16. Aprilis anno 54. Ex quibus constat omnia penè secreta & intima domus Douchianæ fuisse patefacta ex jussu Curie, non habita ratione tolerabilium oblationum de exhibendis libris Antverpiæ, quas Douchius antea fecerat; nec considerata (ut videtur) qualitate rei

conventi, qui hujusmodi exhibitionibus, præsertim in debito tam improbabili onerari non debet. Et certè, cum tam æqua visa fuerit exhibitio ad utilitatem Curatorum, ut in causa prorsus improbabili adversus reum conventum indulgeretur tam liberaliter, acerbum & iniquum videtur, eandem benignitatem non fuisse continuatam, & reciproce exhibitam ad postulationem Douchii, enixè requirentis ut computus facti & quaderni, ad quem G. in statu suo post insolventiam scripto se referebat, ac simul omnium librorum G. exhibitionem & liberam inspectionem consequeretur; de qua enixa, sæpiùs reperita & multiplicata postulatione Douchii, ne quis dubitet, manifesta sunt acta de nona Februarij anno 49. item de sexta Aprilis anno 54. in verbali, & rursus in verbali de 8. Decembris, nona, duodecima, & decimaquinta Aprilis anno 54. Quo die primum G. post inspectos libros Douchii per multos annos, velut ex magna benignitate, offert visionem suorum librorum; nec tamen simpliciter, sed cum restrictione ad præsentiam Commissariorum & mercatorum. Super quo ipso nihil insecutum est, nec à Curia, (quemadmodum à partibus desiderabatur, & Commissarii ordinaverant) quicquid decretum est ante sententiam. Et præterea de antedictis requisitionibus Douchii, constat ex responsione sua ad petitiones creditorum.

ITEM



ITEM in Memoriis & scripturis additionum, potissimum in 210. art. quod valde grave est. Et, quod est gravissimum, tandem revera non videtur visitatio aliqua saltem idonea facta librorum G. neque secundum partium consensum in verbali, de nona & decima quinta Aprilis anno 54. neque alio modo. Denique nihil fuit decretum super requisitionibus & alterationibus de sexta Aprilis anno 53. & 15. Aprilis anno 54. quemadmodum fieri debebat, & Douchius planè futurum confidebat. Cujus rei incommoditas & præjudicium respectu Douchii non tam commodè sermone explicari potest, quam animo & cogitatione comprehendendi ex ipsa inspectione & relectione actorum judicialium, & utriusque verbalis, quæ diligenter ad cognoscendam rei seriem & progressum oculis sunt objicienda.

PRÆTEREA cùm sine multorum factorum propositione & verificatione involutum hoc negotium explicari non potuerit, ut per se patet; periniquum fuit, Douchium ad formulam angustiasque Memoriarum rejici, non patefacta libera factorum propositione & verificatione, per quam omnis occasio fraudis & insidiarum præscindi, & evitari poterat, quod nunc cum discrimine partium & infinita multiplicatione litium subest, manetque maximum. Nam cùm ex communi hominum sen-

tentia utraq; pars ex consuetudine mercandi subtilem credatur habere spiritum, ac altera alteri infensa infestaque sit, agaturque de rebus maximis & adhuc consistentibus in facto, magna parte diu præterito & intricato; fieri non potuit, ut rerum ordo plena inquisitione discerneretur, communicata una scriptura Memoriarum; alteri parti non præbita patientia ponendi, respondendi, replicandi, objiciendi, quæ ulterius donec actio amborum partium illuminata esset plenè, & peractis omnibus nihil haberent partes in quaestione quod proponerent. *c. Iudicantem. 30. q. ult.* In qua re Douchius maximè gravatus videtur, etiam propter non admissam ordinariam probandi facultatem super factis quamplurimis planè ad causam facientibus & relevantibus. Quæ penè in singulis capitibus (ut recurrendo per scripturas ejus apparet *In Memoriis quoad salvum conductum perfectè impetratum. Item circa tertium artic. glasti quod à G. emerat 15. solidis in singulas balas, ut patet in 5. artic. Memor. & rursus in 211. 214. 224. & 254. Addition.*) probare obtulerat. Quod perpendendum est maximè, cùm nunc constet ex processu liquidationis per admissas probationes contrarium ejus quod Curatores asserbant in instantia prima. Quorum probationum atque aliarum vis & potestas, etiam in hoc Revisionis judicio expendenda est, non ut ex novis probationibus prius rectè

judicata convellantur; sed ut evidentius appareat erratum sententia propter non receptas ante pronuntiationem ejus probationes à Douchio oblatas. Ob quod etiam Revisionem indulgeri, justa ratione receptum est: *Guydo Papa. decis. 585.* si articulus, super quo probationes non sunt receptæ, sit pertineus ad causam & concludenter positus, ut est in proposito, in quo illud amplius reperitur, quod præter concludentiam Articulorum, super quibus probatio est prætermissa, etiam promptè apparere possit de probatione, quam Douchius facere potuisset per investigationem librorum, per productionem testium, & munimentorum exhibitionem, quæ nunc offert, quæq; etiam in Revisionis judicio recipienda videntur; ad finem, ut appareat de defensione Douchii, ad quam facta & omissione judicum non fuit admissus. *l. sed etsi per Prætorum. §. ait Prætor. ff. ex quibus caus. majores, & pulchrè notatur ad propositum in addit. ad Ludo. Rom. in l. edita. C. de edendo.* Denique respiciendo ad commissiones informationes ex officio factas, ipsa rei magnitudo, obscuritas & inusitata perplexitas manifestum facit ea ratione cuncta rimari, & certis indiciis comprobari, manifestoque judicio convinci non potuisse, facilemque mansisse occasionem fraudis & insidiarum. Nam cum ex plurimis circumstantiis superius relatis constet, nihil, aut parum à

Douchio G. esse debitum, appareatque ex scripto Antonii Lothi primi Curatoris libros G. imperfectos & conturbatos esse, nullumque exitum inveniri etiam ab iis, quibus computandi ratio & secreta mercatorum sunt notissima; quis non animadvertit (quod citra invidiam dictum sit) subterfugientem veritatem deprehendi non potuisse à duobus vel tribus Curia juridicæ Commissariis, adhibitis paucis mercatoribus exiguo tempore, & cursim, sparsim & ex abrupto illi rei operam navantibus, nõ data Douchio facultate inspiciendi, visitandi, & confutandi libros G. eorumque defectum & imperfectionem, de qua constat ex scripto Antonii Lothi, propter suppressum librum appellatum *Foliat*, ex quo albus liber supplendus erat arguendi & expugnandi per competentem terminum & inducias; quamvis id sæpè ab eo desideraretur, & per decretum anni quinquagesimi quarti decima quinta Junii visio illorum librorum illi permessa esset. Et quòd tempus dictarum informationum fuit insufficienti, ex ipsa temporis angustia intelligitur. Nam prima informatio (ut indicat verbale) sexta Aprilis anno 53. inchoata, & nona Junii sequentis finita est: secunda non duravit, nisi septem dierum spatio, videlicet ab octava Aprilis anno 54. usque ad decimam quintam ejusdem Aprilis. Et præterea medium tempus informationi destinatum.



natum incidentibus (ut sit) altercationibus & protestationibus ferè consumptum est. Adde quòd absque longo intervallo & dilatione, nempe 12. Maji eodem anno 54. diffinitivè pronunciatum sit, celerius (ut videtur) quàm magnitudini & gravitati causæ conveniebat. Præterea non leve præjudicium Douchio illatum est, quòd super exhibitione librorum G. nec non computus & calculi à G. requisiti, secundum altercationes partium & decreta Commissariorum respectivè de sexta & septima Aprilis anno 53. & de 15. Aprilis anno 54. nihil pronunciatum sit.

ACCEDIT quòd G. fides conturbata affectaque fuit, & libri eorum confusi, imperfecti & relativi ad ea quæ non sunt exhibita, & ex quibus (maximè libro illo appellato *Foliasi*, ad quem multoties fit relatio) defectus detegi & suppleri poterant & debebant: contra libri Douchii (ut constanter asserit, & à quibusdam mercatoribus affirmatur) integri, pleni, perfecti & more mercantium absoluti, quibus potius quàm libris G. qui erant vacillantis fidei & imperfecti, standum erat, non obstante quòd post fallissimum G. Douchius quædam in mundum redegerat. Nam cum omnia constet referri in præteritū, non tempus scriptionis & acutramenti (ut vocant) sed rei gestæ spectandum est: maximè cum nec de jure, nec de consuetudine eodem tempore hujus mercatorum

commercii geri & scribi debeant, sed ut plurimum ex intervallo suppleri soleant; sic quòd in informatione illa obiter accepta, nec Douchio communicata, sententia dominorum Judicum firmiter fundari non potuerit; de quo tamen, quia informationem nō vidimus, plura non dicemus, nisi quòd Douchio gravamen illatum videatur per celeritatem procedendi ex officio, & quòd informatio illa ipsi non fuerit communicata exhibitis & patefactis libris G. per competentem terminum, uti Douchius petebat cum oblatione plenius deducendi confusionem & imperfectionem librorum G. in 59. artic. *Memor.* Quod sic ex abrupto, & velut stante pede, fieri non potuit. Ad quod multum facit, quòd librorum G. visitatio & exhibitio requisiti computus & quaderni, à Douchio in actis & utroque verbali, *locis præcitatis*. desiderata expectatione decreti, fuerit in suspensio servata, nulla in alterutram partem facta declaratione, cujus tamen expectatione Douchius suspensus ulteriorem suam defensionem distulit proponere & exequi.

NEQUE potest ullum robur dictæ sententiæ accedere ex auctoritate mercatorum adhibitorum. Nam id (ut patet ex interlocutoriis respectivè de decimanona Maji anni 53. & 17. Martii 53. latis) invito Douchio ex auctoritate Curie factum est, prætermissa ea visitatione quæ ex consensu partium juxta

Q; verbaie

verbale de nona & decima quinta Aprilis anno 54. restabat: & quam utraque pars adhuc expectabat, quæque omninò necessaria erat, utpotè sine qua præcedētia omnia imperfecta erant, utpotè nulla iusta visitatione librorum G. facta. Adde quòd mercatores non fuerunt adhibiti ad iudicandum, sed ad inspiciendum & visitandum tantum, & quòd rei tam magnæ, tam intricatæ & diu præteritæ plena disquisitio tam exiguo tempore, & à tam paucis fieri non potuit; quodque Douchius in utroque verbali mercatores illos suspectos allegabat, & quòd facile potuisset & adhuc possit sinistras & erroneas eorum interpretationes convellere: Sic quòd non sit rationi consentaneum, rem tam magnam paucorum arbitrio, eoque subitatio commissam esse, prætermissa legitima probatione à Douchio  
 7 oblata; nec data copia legitima per ordinarias altercationes rem totâ patefaciendi. Et ultra omnia hæc gravia, illud quoque incommodè Douchio accidit, quòd eum in pluribus articulis in dicta sententia vicerit, ipse adversarios ubique per exhibitionem omnium scriptorum iussus instruere, ne semel quidem legitime visitatis libris G. tandem etiam expensarum damno mulctatus est in prima instantia, in debito tam diu præterito, improbabili & (ut videtur) imaginario, atque in iudicio, in quo Douchius reus erat: cui in pa-

ritate probationum, imò etiam data aliquali inæqualitate favendum erat. Et quanquam hæcenus in genere dicta sufficere possent ad ostendendum id quod ex parte G. prætenditur; vel omninò esse indebitum, vel non verisimile nec sufficienter probatum, & præterea ob angustias processus habiti, & non receptas oblationes Douchii, aliasque circumstantias superius deductas, sententiam in capitibus, de quibus agitur, non certis satis indicii confirmari; ex abundanti tamen & ad maiorem illustrationem veritatis, digrediendo per singula capita, specialiter quædam proponemus, ex quibus gravamen Douchio illarum evidentius derogatur & ostendatur, quod ad secundi articuli tractationem pertinet.

IN quo primo quidem loco se offert illius capituli tractatio, in quo agitur de sexcentis ducatis cuidam amico G. numeratis. Sed quia ex utriusque partis allegatione erogatio dictorum sexcentorum ducatorum facta fuit causa salvi conductus, quem Douchius constanter eum esse ait, quem G. præstitit de viginti milibus librarum glasti tempore belli, ex Galliis in has ditiones securè invehendis, & pro quo G. tenebantur in tribus milibus librarum Flandriæ; in quarum compensationem quatuor milia librarum glasti pro Douchio affectati dicuntur tradita, de quibus in tertio capite sententia

tentiæ contra Douchium pronunciatum est : commodius videtur initium facere à tractatione illius tertii capitis , tanquam majoris ponderis , & à quo decisio antecedentis quæstionis de sextentis ducatus dependet & sequitur.

Et cum hæc res maximi momenti sit , & latissimè pateat , conveniens videtur in ea certos fines terminosque constituere , ut & propositi & tractationis ratio sit certior , & clarissimi domini Iudices jam antè animo prospicere possint , quibus de rebus agatur , & judicari oporteat. Primò ostendendo summam trium milium librarum Flandriæ pro cesso salvoconductu secundum scedulam obligationis de prima Novembris anno 1542. verè fuisse debitam , nec rectè ad enervandam dictæ summæ obligationem , Douchio per G. objici , quòd condicionibus ac modis in ea obligatione comprehensis ex sua parte non fecisset satis. Secundò , quòd quatuor milia librarum glasti in mense Junio anno 43. (qui erat terminus solvendæ antedictæ summæ trium milium librarum in illa obligatione de prima Novembris præstitutus) Johanni Caroli de li affectati pro Douchio tradita , ad rationem quindecim solidorum in singulas balas vendita , vel in solum computari debeant pro dictis tribus milibus librarum Flandriæ , quibus æstimatio supradicta respondet æqualiter. Tertiò , si qua in præ-

dictis foret dubitatio , (quod non videtur) adhuc tamen gravamen illatū esset Douchio per excessum pretii ad rationem 30. solidorum in singulas balas , in quo condemnatus est.

Et quod ad primi articuli decisionem attinet , manifesta sunt verba dictæ obligationis : *Nous obligeons payer à l'assard Douchy aux payemens de la prochaine foire de luing 3000. livres de gros, monnoye de Flandres : Et sont à cause d'un saufconduit que la serenissime Court nous avoit accordé.* Quæ in præteritum relata , præteritam causam & non obtinendum , sed tunc obtentum saluumconductum significant , & puram obligationem constituunt , non habita ratione pactorum sequentium , quæ non tendunt directò ad hoc , ut obligationem prius purè contractam , conditione aliqua suspendant , sed duntaxat respectivam & accessoriam obligationem Douchii continent : ad cujus implementum , quamvis Curatores contrarium urgeant , nihil ex parte Douchii desiderari , vel omissum videtur. Nam licentiam Admiraldi præstitam esse , multæ conjecturæ suadent , nullaque invenitur requisitio vel protestatio G. in contrarium facta , & præterea bene expendendo obligationem illam 3000. clarè deprehenditur dictæ licentiæ mentionem neque conditionem , neque suspensionem obligationis inducere. Obligatio namque duas tantum restrictiones seu limitas-

limitationes habet; quarum prima est De non invehendis aliis similis generis mercibus infra novem mensium spatium. Secunda verò est de non revocanda concessione salvoconductus infra dictos novem menses. Et quod de licentia Admiraldi præcedit, neque ad conditionem, neque ad restrictionem pertinet: & præterea manifesta est mens & intentio G. in dicta obligatione declarata, quòd etiam omissa licentia Admiraldi obligari voluerint, sub prædictis duabus restrictionibus. Siquidem post mentionem omissæ licentiæ Admiraldi per inadvertentiam hæc verba subjiciunt: *Nous obligeans neantmoins payer ladicte somme audit temps.* quibus aperte exprimitur obligationem contractam esse nõ habitam ratione dictæ licentiæ, de qua nihil laborabant contrahentes, ob id quod facillimè obtineri possit, & ad præcedentem salvumconductum cuius indulgeatur, soluto modico labore scriptoris Admiraldi: quod tam exiguum est, ut de jure (etiam si in conventionem tale quid dictum esset) ejus ratio haberi non debeat, præsertim inter mercatores, inter quos ex æquo & bono, & non ex aucupii syllabarum judicandum est. Generaliter namque statutum est, de parva non esse curandum, & modicam omissionem etiam solennitatis non vitare. l. 1. §. 1. de ventre inspic. Ad quorum confirmationem non parum facit, quòd

hæc licentiæ conventio neque vim decreti irritantis adjunctam habeat, neque per conditionem resolutivam sit appositæ, sicut alia illa pacta de non revocando & advehendo, his verbis: *Nous obligeans neantmoins payer ladicte somme audit temps en cas que d'aujourd'hui en 1x. mois.* Et præterea quod G. non solum non sunt conquesti vel protestati de omissa illa licentia, sed eo amplius simpliciter usi sunt dicto salvoconducto, eumque tanquam perfectum & absolutum servarunt, & (quod est potissimum) in vim illius diu postea & constanter se debitores esse erga Douchium in dictis tribus milibus librarum scripserunt, & recognoverunt: cujus observationis & confessionis ea est vis ac potestas, (ut mox deducetur) quòd postea ex tam longo intervallo, & post tanti temporis spatium & taciturnitatem, velut ex insidiis profilientes, audiri non debeant, ex captione & cavillatione tam parvi momenti. Et quod ad alia pacta pertinet, non allegantur aliæ similis generis merces novem mensium spatio (de quo in dicta obligatione) in has ditiones invecæ, & salvus conductus vel prorogatio ejus ad novem menses, neque expressis verbis, neque per tacitum & subauditum intellectum limiratus invenitur. Siquidem verba illa: *Et aussi en cas que dedans le temps de 1x. mois le saulvconduict ne soit revocqué,* necessariò non præsupponunt durationem

rationem salvicōductas pro tempore novem mensium quoad facultatem invehendi, cum possit pactum de non revocando salvum conductum vires habere & operari quoad facultatem vendendi, commutandi & distribuendi glasti posteaquam advectum est. Quo respectu, nulla invenitur salviconductus, aut prolongationum limitatio, vel restrictio. Quod ut evidentius & in specie demonstretur, advertendum est, salviconductus, de quo agitur, plura esse capita. Primum respicit facultatem advehendi glasti, ut ex tenore dicti salviconductus manifestum est, in verbis: *Ilz puissent & pourront à une ou plusieurs fois faire amener & conduire.* Secundum respicit dispensationem, venditionem, permutationem, distractionem & alienationem glasti advecti, ut patet in verbis dicti salviconductus, *Et les y dispenser, vendre, changer.* Tertium consistit in securitate redeundi in Franciam, vel alias exteras ditio- nes, concessa iis, qui cum navibus & curribus suis aut alio modo glastum adveherent, ut patet in verbis: *Et que les autres navieres, charrettes, &c.* Et in his omnibus capitibus simpliciter & illimitate indulgetur securitas absque præfinitione certi temporis, vel restrictione alia quàm quæ in fine & post concessionem perfectam respectu primi capitis adjicitur his verbis: *Ces présentes quant à amener lesdits pastels après six mois depuis la date n'ont rai- sonables.*

Quæ nominatim ad primum caput restringuntur, & solam facultatem advehendi certo tempore concludunt & definiunt, prout etiam in sequentibus prolongationibus sola advectio temporis præfinitionem habet, manente facultate revertendi, vendendi & distribuendi advectum glastum perpetuò, & donec ex nova causa eam contingeret revocari: adversus quam revocationem in dicta obligatione pro spatio novem mensium prospectum est ex causa evidenti & admodum utili G. & eorum quorum merces distrahebant. Nam præter securitatem redeundi, quæ post sex menses compete- bat, etiam distractio venditioque dicti glasti liberè fieri potuit beneficio dicti salviconductus, sine quo fuisset illicita propter prohibitiones & proclamationes præcedentes, de quibus in ipsis securitatibus per Curatores exhibitis fit mentio: Et quia ex hostium ditione glastum advectum erat, & pertinebat ad Gallos hostes harum regionum, ut ex propriis computationibus G. tam in priori instantia quàm in materia liquidationis exhibitis manifestum est. Proxima est prædictis ea consideratio, quòd pactio illa de non revocando, utilitatem quoque habere potuit quoad spem futurarum prolongationum quas intendebant G. suffragio Douchii impetrare, ac facultatem distribuendi privativè, quoad omnes alios,

R

rôto

roto spatio novem mensium vigore pacti immediatè præcedentis de non invehendis mercibus similis generis. Quod à contrahentibus spectatum esse ostendit cōjunctio dictorum pactorum & ipsa conventionis formula, in qua solùm agitur de transferendo ad G. salvoconductu tunc impetrato, oculis G. subjecto, & manibus eorum tractato. Idemque apertè colligitur ex scedula manu Douchii ad G. scripta, & à Curatoribus prodacta & exhibita, sub litera B. qua in *positione Gallica incipit Sr. compere honorable*, in verbis: *le vous envoie toutes vos escriptures faictes en une, & mettez par articles ce que voulez, & je seray le possible que aurez ce que sera boneste*. Ex quibus ostenditur Douchium ultra cessionem & translationem salvoconductus suo nomine impetrati, quoad facultatem invehendi, post sex menses ad nihil aliud obligari voluisse, quàm ad solam honestatem & possibilitatem cōsentiente G. per hoc quoad chartam illam, ad se simpliciter recepit absque aliqua protestatione. *arg. Clem. 1. de procurat. & l. si filiusfamilias. 2. ad Maced.* Quod multum facit ad intentionè Douchii, quæ inde etiam confirmationem accepit, quòd G. referendo obligationem illam trium milium librarum Flandriæ in rationes, nullius alterius conventionis vel pacti mentionem fecit, quàm quòd intra novem mensium spatium alix merces similis generis non adve-

herentur, ut manifestum est ex rationibus G. post elapfos novem menses, & ante fallissimum conscriptis, ex supputatione expensarum salvoconductus, his verbis: *Despens de saulskonduictz des pastelz de xx<sup>m</sup>. balles obtenuz de ceste court doibvent lb. 3000. de gr. que autant s'en faict bon à Gaspar Douchy à raison de 3. lb. de gr. pour balle, à condition que de Novembre 1542. jusques en Juillet passé n'en viennent aultres pastels en ce pays, que les nostres, comme au journal 45. ledict Douchy credit sol. 352. lb. 3000.* Quæ verba perfectum, absolutum, acceptatum & executum salvoconductum significant, & G. in dicta summa trium milium librarum debitores constituunt, cum hac adjectione tantum, quòd novem præteritis mensibus nō essent advectæ merces similis generis: quod multum facit ad advertendum ambages hujus rei cōfirmandamq; interpretationem superius positam. Quæ inde quoque illuminatur, quòd G. passim & ubique etiam in ipsis nundinis Pentecostes anno 43. in computatione respectiva ad superiorem expensarum, quæ *Rencontre* vocatur, in eodem libro Rationum hanc eandem quantitatem scribunt debitam esse Douchio; idque sub Rubrica crediti, seu ejus quod Douchio erat debitum, ut patet fol. 352. dicti libri, his verbis: *Gaspar Douchy doibt avoir, se luy sont bon, pour ung saulskonduict obrenu de xx<sup>m</sup>. balles de pastelz, comme au journal sol. 45. mio despens debuoit*



debuoir au fol. 97. Quæ inculcata repetitio facta post expirationem novem mensium absque adjectione alicujus conditionis, & mutua relatio certissimam præstiti perfecti salvoconductus & debiti verè contracti probationem constituit. Quæ confirmationem accipit ex eo, quòd in quaderno computus habitus inter G. & Douchiū, quem Curatores adversus constantem requisitionem Douchii semper occultrant, & qui tandem in alia causa prodiit, propria manu G. debitum hoc trium milium librarum Douchio simpliciter & absque conditione attributum est, his verbis: *Gaspard Douchy doit avoir le xv. jour d'Aoust pour ung saulvconduict, & de luy de xx<sup>m</sup>. balles de pastelz pour payer au payement de la présente soire de luing, qui sont audict xv. jour d'Aoust lb. 3000.* His accedit, quòd ipsi Curatores debitum hoc liquidum nulla conditione suspensum judicaverunt, in libro quem conscribi curarunt post fallissimentum, in quo ad fol. 92. extractis ex libro scripto ante fallissimentum fol. 352 omnibus, in quibus Douchius restabat creditor, ita scriptum legitur: *Gaspard Douchy doit avoir qu'il reste creditor au livre blancq fol. 352. mis balance, du livre fol. 120. lb. 24. 99. s. 13.*

Cum itaque tam multis locis & tam frequenter G. & eorum creditores Douchium creditorem constituerint & recognoverint in dictis 3000. libris, idque simpliciter absque conditione & post

elapsum novem mensium spatium, satis sufficienter & abundè (ut videtur) constat de debito ipso: cujus probatio inde etiam fit clarior, quòd G. salvoconductu, ob quem 3000. promissa sunt, pro absoluto usi sint simpliciter absque ulla protestatione vel querela unquam facta de non impletis pactis, seu conditionibus conventionis prædictæ, per quod omnis dubitatio removeri videtur. Nam cum ipsi G. sine protestatione vel querela facta in vim salvoconductus impetrati glastum advehi curaverint, ipsum salvumconductum observarint, ac multoties etiam post tempus novem mensium elapsum se debitores in dictis 3000. lb. scripserint, intelliguntur efficaciter dictum salvumconductum accepisse, approbasse, & pro sufficienti habuisse, etiam secundum primam partem dictæ obligationis, & ad effectum, ut eo nomine 3000. lb. præmissæ deberentur, in quibus aperto ore & iteratis vicibus se debitores scripserunt, præclusa, repudiata vel neglecta posteriore parte obligationis de rationabili compensatione, cujus in sententia fit mentio; ita ut deinceps nunc ex longo intervallo in contrarium audiri non debeant: decet enim contrahentes contra pactum suum non venire. *l. i. ff. de pac.* Et quando sunt duo incompatibilia, qui eligit unum, dicitur alteri renunciare, & ad aliud postea redire non potest. *l. quod in hered. s. eligere. ff. de tribu.*



*act. Doct. in l. 1. C. de furt.* Quod proclivius dicendum est in proposito propter vim & potestatem secutæ approbationis, & observationem absque ulla querela vel protestatione per tempus longissimum. Nam ex actibus sequentibus, id est usu & observatione contractus, quæ fuerit ab initio voluntas, mens & intentio contrahentium, evidenti satis interpretationeprehenditur: quam sic deprehensam & intellectam sequi & custodire debemus. *l. semper in stipul. de reg. jur. Marian. Socy. Nep. consil. 63. incip. cum in presenti casu.* Adde quod interpretatio mentis & intentionis contrahentium, quæ ex usu & observantia contractus resultat, in jure tam potens habeatur, ut etiam ad probationem & confirmationem conventionis, quæ de jure fuit invalida, sufficiat. Nam ut scribit Philip. Decius, *cons. 665. incip. Ad debitum quod objicitur.* conventio, quæ de jure fuit invalida, si fuerit observata, reputatur perinde ac si de jure valuisset. Huc etiam pertinet, quod scribit Baldus, *cons. 108. incip. Iste qui promittit. part. 5.* Quod licet obligatus ad revendendum, ad certum tantum terminum, post terminum non teneatur, si tamen post terminum oblatam partem pretij receperit, teneatur revendere, & reliquam partem recipere. Denique huc spectat quod pulchrè scribit Aymo Cravetta, *cons. 101. incip. Nobilis Guido de Bassiis. §. ex obser.* quod ex

observantia secuta declaratur ambiguitas, quæ in præcedentibus esse poterat. Nam ex iis, quæ postea fiunt, declaratur qualis fuerit animus in præcedentibus. *l. sed & Julianus. §. proinde. Ad senat. Maced.* Additque, quod observantia postea secuta; sit tam potens ad declarationem ambiguae voluntatis, ut non requiratur præscriptio in tali observantia, id est quod longo tempore ita fuit observatum. Est enim, inquit, observantia interpretativa, in qua nulla præscriptio requiritur.

Nec est prætermittendū quod causa & fini dictæ obligationis, quæ respiciebat facultatem inveniendi viginti milia balarum glastii, satisfactum esse videatur. Nam ipsi Curatores allegant *in 2. artic. Memor.* tredecim milia sexcentas nonaginta novem balas investas esse, & tria milia octingentas octodecim balas navibus impositas, quæ in tempore huc adveni potuissent, si non fuissent per Hispanos milites retentæ ac postmodum à Renaldo Strossly, ut creditore G. arrestatæ & evictæ: quod Douchium onerare non debet. Quia etiam si diligentius libri G. excutiantur, *In computu compensati salvi conductus & eis quæ in processu liquidationis sunt deducta.* calculus non aberrans demonstrabit salvi conductum usque ad integram quantitatem viginti milium balarum G. profuisse; sic ut vel verè vel æquipollenter obligatio Douchii impleta.

pleta videatur, etiam si ad novem  
 10 menses (quod non videtur) exten-  
 di deberet. Nam ubicunque habemus effectum & finem ad quem ordinata est hominis dispositio, non curamus de modo vel tempore, etiam ubi pro forma quid requiritur. Et hæc obtinent etiam in conditionibus, *Decius & alij in l. si mater. C. de instir. & subtit. Alexand. conf. 10. incip. visa parte testam. num. 6. vol. 4.* alioqui ad unguem observandis & implendis. *d. l. si mater.* Et maximè quidem in conditionibus faciendi, quæ ferè semper respiciunt alium aliquem finem, *l. qui heredi. in princ. l. Majorus. de condit. & demonstr.* in quem tendunt, & ob quem adjiciuntur; ut sic meritò in illis obtineat regula, quæ habet, Non referre quid ex æquipollentibus fiat, licet conditiones dandi in se terminentur, ut pulchrè dicit Francisc. Aret. *d. l. si mater.* Quibus addi potest, quòd etiam si quid ad numerum xx. milium deesset, id G. imputari debere, qui cùm habuerint sufficiens tempus ad invehendum numerum integrum, nò eam operam & diligentiam præstiterunt, quam res postulabat. Denique præter prædicta omnia considerandum est, quòd Douchius ultra alias oblationes probationum passum in scripturis factas die xv. Aprilis post meridiem anno 1554. coram Commissariis in verbali formaliter in facto posuit sequentia, *Veu que ledit Douchy prouvera s'il soit besoing; que ensuyvant le stil*

*des marchans en ses predictz escriptz allegué, le credit des 3000. lb. de faulx conduict est cler & purifié.* Quæ oblata probatio omnem difficultatem, si quæ restabat, meritò submovere debuit, nec potuit ea prætermissa ad diffinitionem articuli tam magni & usque adedò intricati procedi adversus Douchium, qui Rei personam sustinebat, & pro quo in dubio & æquali conflictu probationum, imò etiam data aliqua inæqualitate judicari oportuit. *l. favorabiliores. de reg. jur.* Neque hic in contrariū considerari potest præfinitio sex septimanarum, quam Commissarij fortè Douchio prædictam allegationem facienti, & tunc multarum magnarum rerum angustis perculso & impedito volebant attribuire. Nam & temporis angustia & aliarum actionum occupatio, & præterea rei magnitudo & infinita rerum subtilissimarum investigatio longiora spatia postulabat. Cui accedit, quòd illa ipsa dilatio ostentata nò fuerit verè indulta aut insegura, ut ex computatione temporis, quod deinceps usque ad sententiam insecutum est, deprehenditur.

Cum itaque tanta sit æquitas hujus rei, & Douchio tam multa suffragentur, ambigendum non putamus quin tria milia librarum Flandriæ ex causa prædicta verè fuerint debita, maximè cùm tam multa G. adversentur, ac tota eorum intentio unica tantum, ea-  
 que infirma & captiosa argumen-

ratione nitatur. Quæ ex pactione illa de non revocando salvoconductu intra novem menses desumitur, & quàm plurima potentissima argumenta ac verisimilitudines labefactant & convellunt; & quæ per seipsa etiam suppositis contrariis argumentis bene inspecta atque discussa infirma est atque inefficax: cum ex conventionem de non revocando salvum conductum intra novem menses, non sequatur necessarium obligatio præstandi salvoconductus ab initio & in omnibus capitibus cum extensione ad novem menses. Nam conventio de non revocando, etiam finito tempore advectioni præstituto, utilitatem habere potest in distributione glasti, quod etiam post extinctam facultatem advehendi beneficio dicti salvoconductus vendi & distrahi poterat majore commodo, propter ademptam aliis facultatem interim advehendi alias merces ejusdem generis. Accedit, quod contrahentes impulsu videantur ad eam conventionem spe future prolongationis, quam G. tunc ab initio meditantur, & citra vinculum obligationis studebant impetrare per gratiam, amicitiam, intercessionem & suffragium Douchii, ut non obscure intelligitur ex data annotationis massarii G. de sexcentis ducatis, *que eadem est cum data dictæ obligationis, & aliarum scripturarum, de quibus supra facta est mentio.*

DESCENDENDO nunc ad se-

cundum articulum, in quo agitur de causa seu titulo quatuor miliu balarum glasti Johanni Caroli pro Douchio traditarum, animadvertendum est, Curatores, quamvis omnia diligentissimè conquirant, quæ aliqua ratione ad occasionem privati sui compendii pertinent, nihil tamen aliud pro confirmatione suæ intentionis in hac parte adducunt, quàm verborum aut syllabarum aucupium, quod ex unica annotatione eaque privata & propria ipsius G. de vigesima nona Junij anno 43. desumitur, quæ in Gallica translatione sic habet: *Nous avons promis plusieurs jours passez aux Affairati par ordonnance ou commission de Douchy iiij<sup>m</sup>. bales de pastelz de Tholouse, lesquelles se presentent audit Douchy, & nous nous entendrons avecque luy delivré en plusieurs fois ladite quantité audit Affairati.* Nam ex verbis illis *se presentent* contendunt dictum glastum mutuo datum Douchio, eumque ex mutuo eo nomine teneri, quod admodum debile est, infirmum & ab omni vero & similitudine alienum: Tum quia propria illa annotatio G. non potest sufficientem probationem inducere ad propriam utilitatem; *l. rationes. C. de probat.* tum etiam quia extractum illud desumptum est non ex titulo aut Rubrica mutui, sed in contrariu Rubrica reru venditarum & permutatarum, & præterea non satis fideliter nec integrè perscriptum dicitur propter omissionem *date & barrura*, qua in libro

libro G. dicta annotatio delata est. Et præterea quia in progressu nusquam ab ipsis G. glastum illud ad onus Douchii scriptum aut computatum est, quod utique propter rei magnitudinem diligentissime factum fuisset, si verè fuisset ac mansisset mutuum; nec opus fuisset glastum realiter ponderari & tradere, si ex causa mutui & jure pignoris (ut Curatores prætendunt) Johanni Caroli tantum obligari debuisset: & præterea ipsa depositio Johannis Caroli & aliorum hanc mutui allegationem omnino prostermit & submovet; sic ut illa G. annotatio & Curatorum allegatio etiam per se spectata nullius sit ponderis; & collata cum argumentis & rationibus à Douchio in contrarium adductis, planè subvertatur & corruat. Primò ob inconstantem vacillationem in hac parte à Curatoribus admissam, dum nunc mutuum, nunc commodatum ejusdem rei prætendunt, nunc omne glastum dictarum quatuor milium balarum ad solos G. spectasse, *art. 20. Mémor. etiam cum juramento affirmant; In 20. 40. & 45. art. Responson. suar. ad supplicationem Douchii ante sententiam exhibitam.* nunc ex quatuor illis milibus tantum mille sexcentas & quinque balas G. fuisse confitentur, *in computu glasti art. 6.* prout etiam in computu Frisobaldi & aliunde dicta allegatio glasti ad G. pertinentis confutatur, & mendacij redarguitur, &

plenius redargui & convinci potuisset, si supplicatio eo nomine à Douchio exhibita rejecta non fuisset: quod ad depressendam fidem G. ac Curatorum multum pertinet Et eo amplius Douchium propter non admissam dictam supplicationem ac illius probationem ostendit esse præcipitatum; removerque omnem verisimilitudinem mutui prætensi, quod à G. sine crimine de alienis mercibus fieri non potuisset. *l. si remunerandi. §. apud Iulianum, & ibi Doct. ff. mandati.* Accedit ipsa probabilitas, quæ inde profluit, quod traditio dicti glasti facta sit in Junio anno 43. cum cederet terminus trium milium librarum Flandria pro dicto salvoconductu debitarum: ut patet per dictam obligationem de prima Novemb. & quod omnimodà paritas & convenientia inveniat in pretio dicti glasti ad rationem quindecim solidorum in singulas balas cum dicta quantitate trium milium librarum Flandria. Nam si de jure probata dicitur identitas rei, probata aliqua qualitate, quæ concordet, *Alex. cons. 133. col. 3. ad finem lib. 1.* veluti si de nominum conformitate doceatur, *Haymo Cravetta, cons. 198. num. 2.* vel si ostendatur identitas temporis, vel loci; *Alex. consil. 105. col. 2. lib. 2.* quis non judicabit hic de ea constare, secundum intentionem Douchii, ubi coveniunt tempus, quantitas, & causa, *Haymo Cravetta loco citato.* cum infinitis verisimilitudinibus circumstantiis, ex quibus desumitur

suffi-

sufficiens, concludens, accerta probatio & argumentum venditi glasti, *l. 1. in fi. & l. utrum. §. quasi-  
 II tum, de rebus dub.* necnon conventi pretij ad rationem quindecim solidorum in singulas balas, quæ strictius confirmatur & intenditur ex depositione Ambrosii de Busto in actis exhibita, *sub litera E.* quam confirmant scripta designata per Douchium in suis additionibus, *in 2. §. 6. & seq.* & quæ aliorum testimoniiis plenius fundari poterat. Quibus accedit perfecta annotatio; & explicata hujus rei declaratio, quæ in libris Douchii reperitur, cui standum videtur; maxime cum oblato juramento propter concurrentes multiplices conjecturas veritatis, *l. instrumenta. & l. rationes. & ibi dd. C. de probat.* non obstante contraria deductione in Memoriis Curatorum facta, *artic. 53. 84. & 86.* arrepta occasione ex ea Douchii annotatione, quam scripsit in libro suo his verbis: *Et ilz ont promis pour moy iij<sup>m</sup>. bales de pastels aux Affaitati, lesquelz m'ont sur icelles payé 24000. flor.* Nam verba illa planè sunt ambigua, nec magis ad mutuum quàm ad venditionem referri possunt; magisque credendum est, ex titulo venditionis tunc factæ, vel postea faciendæ, & quam contrahentes intendebant facere propter præcedens debitum G. ita annotatum. Et quia nulla restituendi glasti, aut pretij, seu valoris ejus obligatio in libris Douchii vel G. reperitur; & præterea claris-

sima est Douchii annotatio in libris suis facta, de dicta venditione & pretio convento ad rationem 15. solidorum in singulas balas, his verbis: *Et le xix. d'ette lb. 3000. pour balles iij<sup>m</sup>. de pastels, qu'ilz m'ont vendu à xv. lb. la balle, &c.* Unde manifesta declaratio dubiorum in hac re incidentium desumitur. Nec est respiciendum quòd ea Douchii annotatio post G. fallissimum ipsi G. & eorum libris non aliis illorum creditoribus fidem abrogat. Et præterea quamvis post fallissimum illa annotatio contigerit, res ipsa tamen, quæ annotatur, ante fallissimum gesta est: quod ex ordine rei gestæ & adjunctis capitulis in præteritum conceptis per verba *qu'il a fait bon*, & non per verba *fait bon* ostenditur. Nec est novum, aut insuetum apud mercatores anteriore tempore res gestas, postea demum scribi, & in mundum redigi. Adde quòd non est nuda illa annotatio Douchii, sed multis adminiculis & confessionibus G. adjuncta, quæ nunc relata sunt; quibus addi potest, quòd ipsi Curatores de hac venditione satis certi fuerint, dum ea quæ sequuntur libro inscribi curarunt, ad illud caput, quo de dicto salvoconductu agitur, *Et sur ce ont esté advancez par desus les 3000. lb. autres 200. lb. de gros.* Nam cum expressè agatur in prædictis, de pretio salvoconductus, nullaquæ alia causa inveniatur, ex qua 3000. lb. prorogata, vel re-

12

presentata fuissent Douchio, necessarium in hanc causam inclinandum est. Nec facit ad rem quoddam supradicta annotatio, privata sit, & post fallissimum conscripta, ac proinde velut inutilis. Nam ex inutili & invalido scripto fit declaratio intentionis & rei gestæ. *l. fin. ff. de reb. cor. qui sub sut. &c.* Quemadmodum in simili acta coram iudice competenti habita, quamvis per se sint nulla & invalida; tamen hoc ipsum, quod in his continetur, probant sic factum & gestum esse. Et, quod magis stringit, considerandum est quod per diligentem & legitimam visitationem librorum, si (quemadmodum de jure oportebat, & partes coram Commissariis consenserant) facta fuisset, apparuisset ex dicto quaderno, quemadmodum adhuc apparet, quod in compensatione dictarum trium milium librarum, Douchio debitarum, ad onus Douchii in computu nundinarum Pentecostes anno 1543. ascriptum & pretium 4000. balarum glasti ad 3300. libras velut proprium attributum dictarum 3000. librarum Douchio debitarum, his verbis: *Et pour les 4000. bales de pastelz lb. 3300.* Nec est curandum de excessu 300. librarum, quæ in dicta annotatione reperitur super 3000. Nam is excessus referendus est ad altercationem & controversiam, quæ inter Douchium & G. super pretio dictæ venditionis infederat, & de qua clarissimum extat testimonium

Ambrosij de Busto, & de quo evidentiùs apparere potuisset. Nec est subtrahendum constare posse ex libris G. in computu Friscobaldi, fol. 439. Douchio in solutum datas fuisse quingentas quinquaginta tres balas pro salvo conducto, his verbis: *Et pour bales 300. pour vingt lb. de gros pour balle vendues à Gaspar Douchy, comme a l'ournal fol. 32. & au compte de Douchy fol. 422. lb. 300. Et pour la somme de bales 1253. d'iceulx vendues, à nous mesmes, comme au l'ournal fol. 32. & en ce avoir. fol. 53. lb. 1253.* Quas 1253. libras apparuisset per visitationem librorum à G. receptas ad 20. solid. ad implendam traditionem dictarum 4000. balarum, secundum depositionem Ambrosij de Busto; sicut etiam apparet per statum bonorum G. qui est in processu, & qui primis Curatoribus fuit traditus, his verbis: *Et pour autant perdu en ung compte des pastelz des nostres de Ferrare apart B. E. dont par la delivrance saïste à la par Douchy sera attribué à cestuy compte balles 1521. & sont passez que en cestes est dict fol. 134. lb. 760. lb. 10. Laurens G., & compaignons de Ferrare par ung compte apart B. E. que compete à Elisurri & Vielbouch de Tholouse par reste de leurs pastelz venduz, comme appert au quaderno folio 134. lb. 2144. 17. lb. Nota que premierement ilz estoient seulement creditours de lb. 1384. 7. lb. de gros, pour les causes dictes aux deputez, pour ce que semblo ainsi estre juste ainsi le debuoir accoustrer.* Quod pertinet quoddam in alio statu suis dominis & creditoribus

S

glastum



glastum venditum ascripserint. Nam in computu Elisurri sic scribunt, *Laurens G. & compaignons de Ferrara par ung compte apart B. E. que appartient aux Elisurs & Vielbouch de Tholouse pour reste de leur pastel vendu comme appert lb. 1384 ½.* Et in computu Francisci de sancta Maria, hoc modo: *Francisco de sancta Maria est creditur de 1152. lb. 2. B. 10. 8.* Et nota qu'il pretend que le pastel qu'auons vendu pour luy, ne le deussions bailler pour si bas pris, & qu'il n'accepte point la vente, Nous les auons vendu le plus qu'il est possible, & pour ce l'on l'a fait creditur d'autrunt. Et quanquam Curatores dictum statum conentur impugnare & redarguere, nihilominus per legitimam visitationem & indaginem librorum apparuisset non solum de venditione, verum etiam quod G. in balis non habebant nisi 1603. balas, & quod proprietarij non plures supputaverant uni quam 15. sol. alteri 20. sol. pro bala. Et quod consideratis barruris & deletionibus in Memoriali G. à Curatoribus producto, inveniuntur duo extracta, unum desumptum folio 184. & alterum ex folio 188. quasi bis idem fuisset scriptum in Memoriali non addita barrura, nec data: sic quod omnino differant à principali Memoriali, in quo semel tantum invenitur & annotatur cum barrura, quæ denotat finitionem & absolutionem illius rei. Præterea evidentius apparuisset ex libro Foliaci, quod 1605. bala ad G. pertinētes fuissent

computata ad 15. solid. pro bala, quemadmodum id ipsum etiam apparet ex quaderno computus habiti cum Douchio superius relati, in quo G. dictas 4000. balas ponunt in debito Douchii ad 3300. lb. & in artic. 60. computu à Curatoribus exhibito in processu liquidationis, ut sequitur: *Premierement encoires la somme de bales 1605. que quant l'auons receu au pris qu'il est condamné de payer, serons creditur de ce que nous sera parvenu és mains que quant seront xxx. B. de gros, pour bales, rabatuz les despens que ne recouvrerons, sçauoir la rate que parviendra, à ceste part ne montera à grand piece aultant que l'achapt avec les despens à monté la-dicte vente comme calculant l'on trouuera, protestant par ceste de pouoir mettre encoires si aultres despens ou fraiz se trouveront debuoir estre mis en cestuy compte, & tout à bon compte, & comme est la coustume & stil des marchans, procedans à bonne soy, & tousiours saulz juste calculation.*

Adde quod præter argumēta, conjecturas & probationes supra dictas quàm plurimæ aliæ verisimilitudines concurrant, quæ venditionem illam & destinatā compensationem pretij cum quantitate illa trium milium librarum evidenter coarguant. Nā id ipsum ostendit indereterminata illa annotatio G. cum hac expressione seu adjectione: *Et nous nous entendrons avecq luy.* Quæ confidentiam & destinationem futuræ venditionis vel compensationis significant, quam



quam postea insecutam esse constat, & quam Douchius (si quid dubij haberet) plenius probare obtulit. Idem ostendit conditio & qualitas G. ultra convenientiam pretij cum dicta quantitate trium milium, & rationem temporis, quo dicta tria milia solvi debuerant propria scriptura G. incip. *Treshonnoré compere*. In qua venditionis mentione facta Douchium admonet errati trium solidorum, quod petit corrigi cum ea adjectione, quod alioqui balam haberet pro 12. sol. his verbis: *Me semble que pretendez erreur à mettre les trois B. comme aux autres: car vous savez qu'ilz ne sont des pacts, car en telle maniere les aurés pour x12. B.* Unde haud incerta conjectura & venditionis & pretij constituti colligit, & ipsa conditio & qualitas G. qui mox in mense Julio sequenti in necessitate constituti, nec suppetente pecunia ad propria debita exolvenda, magnas glasti quantitates Joanni Caroli dederunt in solum obligacionem, quarum dies cesserat, & ob quarum dilatam cessionem per protestationes fortuna G. jactabatur & affligebatur: Et, quod amplius est, in Augusto sequenti, item in Septembri per diversos trāsportus factos G. multas merces absque commemoratione hujus mutui Douchio in solum dederunt, cum confessione & recognitione majoris debiti, in quo G. Douchio tenerentur, & de quo per computum inter eos habitum constare

fatebantur, ut manifestum est ex transportibus suprà relatis. Quod minimè factum fuisset, si Douchius G. debitor fuisset in tam magna mutui quantitate: quin si saluum habuissent, hoc mutuum G. exeditum fuisset illis remedium evitandi infamiam insolventiæ, nec ipsi, nec creditores eorum de eo tam diu racuissent, ut superius in generali capite latius deductum est: sic ut hæc Curatorum petitio omni verisimilitudine destituta in speciem vanitatis inclinet, & non nisi ad inusitatum genus fraudis & insidiarum referri debeat: in quo Curatores diuturnitate temporis, oblivione & confusione rerum ad occasionem proprii compendij abuti, & rectis judicantium oculis caliginem offundere conantur. Adde quodd visitatio librorum à mercatoribus nimium festinata & præcipitata fuerit, & insufficiens ad investigationem tam subtilium rerum, quodque ex subitanea illa renunciatione paucorum mercatorum Douchius à legitima probatione & defensione excludi non debuerit, maximè posteaquam aperte suspecti arguerentur à Douchio, nec eo modo coram eis processum sit, ut à partibus cōventum erat. Denique si quid ad perfectam rei probationem defuisset, non debebat prætermitti computus prioris à Douchio requisiti exhibitio, simul cum quaderno Antonij Lothi. Præterea conveniebat Douchium admitti ad probandum

plenus secundum oblationem suam, per quam offerebat verificare dictam venditionem & confessionem, in 56. & 57. artic. Memor. his verbis: *Et plus amplement apparera si soit besoing.* Et rursus in verbis: *Et par aultres tesmoings dignes de soy se verifera icelle vendition, & aussy confession.* Quam oblationem repetiit coram Commissariis anno 1543. Aprilis 10. his verbis: *Et en cas que besoing soit, presente de plus amplement versifier par tesmoings comme par Ieronimo Candiano & aultres.* Quæ quidem oblata ulterior probatio præteriti non debuit, si ex antè deductis Douchius suam intentionem non satis firmiter probaverat, aut ex visitatione librorum absente Douchio Commissariis contraria aliqua argumenta apparuerant. Quæ (ut scripto protestatus est Douchius 11. & 12. Aprilis anno 1554.) si communicata fuissent, vana & impertinētia, ostendere potuisset; maximè inspectis & diligentius visitatis libris G., quod (ut apparet ex epistolis ad eum scriptis in dicta die 12. Aprilis) Curatores improbo more recusabant & refugiebant.

IN tertio articulo non magno labore demonstrari potest, quòd etiam si prædicta non sat firmiter subsisterent, tamen condemnationem Douchii nimis gravem censeri propter æstimationem cujuslibet balæ ad triginta solidos, prætextu quarundam attestatorum, quæ neque legitimæ, neque suffi-

cientes fuisse videntur; & præterea prosterni poterant ex aliis venditionibus glasti, eodem vel vicino tempore factis, cum in Julio sequenti G. (penes quos tunc erat omne glasti commercium) Johanni Caroli & aliis glastum vendiderint pro viginti quinque solidis in singulas balas, quarum quælibet tinctura quatuor vel quinque pannorum melior erat glasto hîc controverfo: idque tunc temporis cum glasti æstimatio creverat ad magnum excessum valoris, qui fuerat, cum ad utilitatem Douchii hoc glastum traderetur. *arg. l. 4. de eo quod certo loco.* Nec parum facit in hac re propria G. computatio in computu Friscobaldi folio 439. ubi longè infra triginta solidos glastum istud ab iis æstimatur ut dominis ascribitur; sic quòd Curatores emolumentum majoris valoris, in quo Douchius condemnatus est, ex re aliena & contra juris rationem lucrifaciant: Et Douchius præter omisam compensationem 3000. lb. in majore valore condemnatur, quàm re vera erat, aut legitime apparebat, quod valde grave est & sufficiens ad inducendam mitigationem, etiam in Revisionis judicio. *Guido Papa d. Decis. 5. §. 5.* Et prædicta confirmationem accipiunt ex eo quòd ipsum glastum, de quo agitur, à Douchio Joanni Caroli divenditum fuit pro viginti solidis in singulas balas, ultra quam quantitatem Douchius nullatenus condemnandus

demnandus videbatur, quasi G. tantam pecuniam, quanta ex venditione illa est redacta, brevi manu mutuò dedissent. *l. rogasti, & ibi dd. Si cert. pet.* Nam ad hoc genus conventionis iste contractus potuisset accedere & referri, si de priorē venditione vel in solutum datione aliisve vicinis admodum contractibus non constaret; & proinde vel totum hoc caput sententiæ retractandum est propter probationem venditionis, vel in solutum dationis seu compensationis factam, vel (quod perinde esse videtur) à Douchio oblatam, necnon propter apparentē obligationem trium milium librarum Flandriæ Douchio debitarum, vel saltem temperanda moderandaque videtur dicta summa, ut videlicet condemnatio non egrediatur viginti solidos in singulas balas, potissimè cum secundum regulas juris non inveniatur positiva & sufficiens probatio valoris, in quo Douchius condemnatus est. Quod maximopere notandum est.

Hic ita explicatis, commodissimus est transitus ad eum articulum qui primo loco stat, & in quo agitur de sexcentis ducatis. Cujus controversia cum non indiligenter in priorē consilio tractata sit, & illustrationem exiis, quæ hactenus dicta sunt, accipiat, paucis à nobis hoc loco tractabitur. Primò considerando petitionem hanc Curatorum potissimum fundari, in 7. artic. *Memor. Curat. & verbali co-*

*ram Commissariis habito anno 1553. April. 7. in annotatione massarij G. quæ anno 42. prima Novembris facta his verbis: Aung amy de leban Baptista jf. lb. donnez de comptant par son ordre à Gaspar Douchy. Quæ etiam conjuncta cum apocha Douchii cum Memoriis Curatorum exhibitata nudam numerationem ab omni causa destitutam significant, quæ ad obligationem & actionem non est sufficiens: l. non omnis. si cert. pet.* etiamsi agatur inter mercatores, inter quos licet obligatio conscripta absque insertione causæ subsistat, agenti tamen obstat exceptio doli, si absque causa petat, *l. 1. §. circa, de doli mali except.* nec tandem in exactione causam obligationis exprimat; ut hic nondum à Curatoribus factum est, à quibus nulla specialis causa adducitur, sed vagando per incertum, solam numerationem proposuerint: in qua perstiterunt, non obstante quòd Douchius, quantumlibet reus, firmiter & semper causam suffragij in translatione & conservatione salvoconductus de viginti milibus balarum glasti adduxerit. Quod magna reprehensione dignum est in actoribus; & eo magis detestandum, quòd tandem in verbali coram Commissariis septima Aprilis anno 53. in angustù coacti, propter constantem allegationē Douchii, sustinentis illos sexcentos ducatos à se acceptos pro salvoconductu cesso prima Novembris anno 42. contra veritatem, & addita con-

S 3      fessione

fessione alterius mendacij sustinuerunt saluumconductum, pro quo dicta pecunia numerata est, alium fuisse quàm eum de viginti milibus balarù glasti, quem Douchius adducebat, & cuius termini tunc expiraverunt, his verbis: *Ledit G. persiste que ledit Douchy at à démonstrer qu'il luy a saict avoir le saulvconduict, pour lequel ladicte somme fust baillee, lequel estoit aultre que ceulx dont les termes estoient expirez: disant aussy qu'il a miu ladicte somme au compte desdits dispens ung mois apres son saillissement. Et si ledit Douchy ne saict apparoir avoir obtenu ledit saulvconduict, qu'il sera tenu rendre lesdicts ij. lb. ensuyvant certaine lettre ou billet escript de sa main, icy avons demonstred.* Quod cum evidenti mendacio conjunctum esse, probant extracta librorum G. in secunda nazula, in qua fit mentio & computatio expensarum salvi conductus viginti milium librarum glasti. in verbis: *Et sur ce ont esté avancez. 3000. aultre 200. lb. de gr.* Quæ nominatim & in individuo man. festant, dictas 200 lb. contra assertionem G. occasione dicti salvi conductus erogatas esse. Quod idem evidentius intelligitur ex conjunctione scripturarum & datarum deprehensarum in libro massarij & obligatione trium milium librarum, pro cessione dicti salvi conductus. Nam utraque data est eadem, puta prima Novembris, sic ut & vicinitas & identitas temporis & scripturarum conjunctio veram, propriam & promptam hujus rei probatio-

nem constituant. Nā una scriptura supplet & illuminat aliam, Bald. d. conf. 42. Incip. *super eodem puncto. part. 3. quem refert & sequitur Philip. Decius conf. 677. incip. Visis & conf. omnibus.* & vicinitas temporis magnum est præjudicium, & tam efficax præsumptio, ut in tanta variatione Curatorum, Actorum partes sustinentium, & in aperto (ut videtur) G. mendacio Douchii intentionem sustinere debeat, adversus G. fallitos, quos lex præsumit ad mentiendum faciles. Bald. conf. 400. incip. *in libr. thesauria. vol. 7.* Nec verum est quod Curatores dicunt, in 24. artic. Memor. quòd in libris G. Douchius hujus quantitatis scriptus inveniat debitor. Et in contrarium apparet ex notula à Curatoribus exhibita in verbis: *Et sur ce ont esté avancez par deffus les 3000. lb. aultres 200. lb. quod voluerint postea donationem dictarum 200. lb. & compensationem dictarum 3000. lb. retractare prætextu promissionis non impletæ in præstando salvo conductu, quam tamen impletam fuisse & pro impleta à contrahentibus habitam, superius ostensum est.*

ADDE quòd apocha Douchij cum Memoriis Curatorum exhibita, de receptione loquatur, quæ sui natura potius dissolutæ quàm contractæ obligationis argumentum præbet, & manifestè designat; maximè conjuncta cum illa obligatione trium milium librarum, quòd tunc inter contrahentes tractabatur

tractabatur de modo & forma impetrationis, pro qua suffragij causa ducentas illas libras massariis scribit donatas esse, non quidem ipsi Douchio, sed ad ejus tantum manus alij G. amico, quod ad veram liberalitatem inclinat, ex qua nulla competit repetitio, præsertim ad versus Douchium, cui non est facta illa donatio, sed alij, cum quo potius quam cum Douchio negotium gestum esse videtur: & quem Douchius, præsertim nunc post tanti temporis silentium, nominare non tenetur, in ea materia, in qua suffragio, plerumque uti solent mercatores, & in qua ipsa verba massarij obscure & sub velamento quodam non expresso amici nomine conscripta sunt; ita ut propter personam in specie non nominatam, sed generaliter expressam aliquid occulti subesse præsumatur: *Alex. conf. 1. lib. 4. quod scire aut prodere non licet etiam ex propria annotatione massarij, Bald. in l. ad recognoscen. C. de ingen. manu.* non quod res turpis sit suffragium, sed qualecunque sit, usus & experientia rerum doceat, suffragatores nolle nomen suum publice sciri. Nec est quod huc urgeat G. epistolam Douchii apud Commissarios exhibitam 7. Aprilis anno 53. in qua absque obnubilatione verborum expressis & disertis verbis causa obtinendi salviconductus seu prolongationis exprimi dicitur cum promissione restituendi, si non succedat impetratio.

Nam ea epistola post conclusionem causæ dicitur exhibita, ob quod Douchius postulavit illam rejici absque ulteriori impugnacione; quæ non fuisset difficilis, si à concilio recepta illa epistola, Douchio permessa fuisset defensio. Quin etiam admissa illa epistola non juvat intentionem Curatorum, quamdiu non probant defectum impetrationis, pro qua pecunia fuit erogata. Nam qui agit condictione sine causa vel causæ non secutæ, necessitati probationis subjicitur, *l. fin. in verb. fctisse probetur. C. de condic. causa dat. Bald. in l. si præfidi C. de donat. ante nupt. in 2. notabili.* quod maximè admittendum est in proposito, propter constantem assertionem Douchii, quæ vera est, & variationem Curatorum ac G. quæ falsa detegitur ex vicinitate temporis & conjunctione scripturarum, de quibus dictum est. Et prætereà quia ad dissolutionem & liberationem obligationis sufficit primum atque unicum implementum. *Anchor. conf. 44. incip. tria dubia.* Et qui dicit (ut à G. 7. Aprilis anno 53. factum est) aliquid intervenisse ob actum posteriorem, & non priorem, tenetur hoc probare: *Barr. Bald. conf. 6. num. 15. lib. 1. maxime si sit Actor, ut est in proposito.* Prædictis addi potest oblata in 15. articulo. *Memor.* ulterior probatio à Douchio exhibitis libris G. quod nusquam alibi G. Douchium in hac quantitate debitorem scripserit, quod tanto tempore tacuerit,

&amp;c

& (quod validissimum est) ipse se debitorum. Douchii iteratis vicibus recognovit & declaravit, quòd Douchio non fuit permiffa facultas investigandi libros G. legitimo tempore, quòd exhibitio quaderni Antonii Lorhi, per Douchium requifita, non fuerit indifta Curatoribus, & quòd fubitaria illa mercatorum vifitatio librorum quæ 7. Aprilis anno 43. facta est, non videatur fatis fufficiens. Et denique quòd in hujusmodi minutis, & quæ femotis arbitris dari folent, ftetur affirmatiõni erogantis, ficut ftatur codici rationum tutoris fuper expenfis & folutis in iis, in quibus probationes parari non confueverint. Bald. in l. id quod pauperibus. C. de epife. & clericis. & notat Petrus de VValdin in tractat. de duobus fratribus. par. 12. col. 3. verfic. fi verum. Doct. in l. fin. §. in computatione. C. de jur. delib. Nam hæc omnia (fi non fmgula) faltem conjuncta eam potestatem habere videntur, quòd repetitionem Curatorum impendant, vel faltem intentionem eorum dubiam conftituant, & Douchio efficacem defenfionem tribuant.

PROGREDIENTES ad sextũ articulum fententiæ continentem condemnationem 1044. librarum novem folidorum Flandriæ, provenientium veluti ex pretio 633. balatum glafti, quas Douchius ex celfione a G. facta anno 43. Septembris 26. ab hæredibus quondã Petri Boufyn. confeccutus dicitur,

duo diligenter investigare & excutere oportet, priusquam determinatio decifioque fubjiciatur. Primò, quid in rei veritate per eam celfionem Douchio acquifitum fuerit. Secundò, in quam caufam celfio illa facta fit. Et quod ad prius illud attinet, manifeflum est, G. per eam celfionem nõ alienaffe, nec celfiffe glaftum ipfum, fed jura fua tantũ, & aõtionem vitiofam effectam multisque fumptibus & moleftiis obnoxiam; idque in infinito & indeterminatè, hoc eft, nulla glafti æftimatione, valore feu pretio præfinito, fub hac verborũ forma: *Tout tel droit & aõtion directe & utile, & aultre quelconque que ledit Jehan Baptifte cedent en noms fufdits, & chascun ou aucun defdits noms a & tient, ou peult auoir & tenir, & que luy peult ou pourroit aultrement competer en certaine quantité de fix cens trente trois bulles de pafte.* Ex qua fimplici forma evidenter apparet nihil transferri, nifi quatenus litis eventus (qui etiam incertus eft) ex perfona G. obtineri poffit: fic ut non nifi fpes in fortuna incerta per eam celfionem tranflata cenferi debeat. Non enim ipfum corpus glafti transfertur, nec ipfa aõtio certo pretio venditur, fed indiffinitè, jus, five aõtio G. competens indeterminatè ceditur, & in folutum datur; fic ut ipfum glaftum per fe confiderari, vel æftimari nequeat, fed omnia fimul conjungenda commifcendaq; funt propter conjunctionem & connexitatem, ut inferius

inferius latius deducetur. Quod verò ad secundum attinet, verba contrahentium evidenter demonstrant cessionem illam factam fuisse non ea cogitatione & animo, ut Douchius obligaretur in pretio seu valore glasti, vel etiam ipsius actionis & litis, sed in contrarium eum animum contrahentes habuerunt, ea fuit utriusque cogitatio, idque aperte expresserunt, ut utilitas dictæ cessionis cederet ad computum & in diminutionem debiti præcedentis ac præteriti, in quo tenebantur obligati erga Douchium, his verbis: *Laquelle cession & transport ledict Jehan Baptiste es noms susdicts, & chascun desdicts noms, comme mieulx peult & pourra valoir & sortir effect, dict & declare avoir fait & faire audict Gaspar Douchy, pour luy, ses hoirs & successeurs, ou ayans cause comme dict est, en tant moings, & à bon compte & en diminution de ce que doit ou peult debvoir audict Douchy, en maniere quelconque & pour quelque cause que ce soit.* Quæ verba assignationem ex causa præterita significant, & ad liberationem seu diminutionem anterioris debiti pertinent, nullaque ratione ad inducendam obligationem, neque ad subserviendum intentioni G. postulantium restitutionem pretij dicti glasti deflecti possunt: Tum quia eum animum non habuerunt contrahentes, nec illa fuit eorum cogitatio vel intentio in actu illo cessionis. *l. non omnis. si cert. per.* Tum quia juris ratio non patitur, ut inducta ad liberatio-

nem operentur obligationem: *l. in numerationibus, de solut.* Et denique quia magna versatur utilitas ipsorum G. ut maneat, perferat & effectum sortiatur dicta insolutum datio, quia restringit obligationem generalem ad jura cessa: sic ut Douchius (quem G. creditorem agnoverunt) cogatur jure illa insolutum accipere, ad quod alias non teneretur. *l. 2. §. penult. si cert. per.* Et eo amplius non liceat ei, stante illa cessione, G. urgere ex causa alicujus debiti, nisi deducta vel compensata utilitate dictæ cessionis, quam litis eventus ostenderet. *l. 2. C. de pig.*

QUÆ cum ita se habeant, non obscure colligitur condemnationem Douchii in pretio, quo ipse data dilatione, retento sumptu & periculo molestiaque litis, glastum distraxit, jure non subsistere, ob id quod G. seu eorum creditores nullam actionem habuerunt ad pretium vel æstimationem dicti glasti, ex ea cessione quæ non ad suscitandam, sed ad extinguendam obligationem inducendamque liberationem facta fuit: ut aperte intelligitur ex verbis contrahentium, quæ causam finalem dispositionis ostendunt. Eoque minus admittibilis videtur petitio, vel adjudicatio dicti pretij, quod ipsi G. seu Curatores in 12. articulo suarum Memor. cessionem ac transportum illud pro valido & efficaci habuerunt; & neque nullitatem, neque retractationem illius, prætendentis

T funda-



fundamentum intentionis & petitionis suæ, in eo collocarunt, his verbis, in 12. articulo. *Pour cause de 622. bales de pastelz, lesquelles lesdicts adjournez en vertu de certain transport.*

Nec quicquam ab illis pro colore intentionis suæ adductum invenitur, quàm indebiti obligatio & persecutio, quæ de jure eum, à quo proponitur, astringit ad probationem indebiti, seu quod pecunia vel quid aliud indebitè cessum vel solutum sit. *l. repetitio. & l. damus. & zoroitu. de condic. indebit.* Et an sit indebitum seu debitum, inspicitur ex persona ejus tantum, cui solvitur; adeò ut nulla repetitio sit ab eo, qui suum recepit, tamen si ab alio quàm à vero debitore solutum sit. *d. l. repetitio.* Nec unquam repetitioni locus sit, nisi causa, ob quam solutio facta sit, falsa ostendatur ab eo qui contradicit, vel repetit. *d. l. damus.* Quod in specie proposita, etiam si diligentissimè percurras omnia, factum non invenitur, nec fieri potuit, ut videtur, nisi subductis rationibus omnium contractuum & commerciorum inter Douchium & G. habitorum (quod contra desiderium & requisitionem Douchii prætermisum est) calculi conclusio ostenderet, Douchio à G. nihil deberi. Siquidem cum generaliter & universa cessio illa facta sit in diminutionem cujusvis debiti, ex quacunque causa (quod omnia includit *argum. c. quia plerique, in verbis, Quomolibet. de offi. ord.*) exitus haberi, aut certè

indebiti probatio constitui non potuit, nisi ostenderetur G. ex nulla omnino causa Douchio obligati, quod impossibile fuit, non posito omnino calculo, & subductis conclusisque eorum rationibus, quemadmodum ex more mercatorum usitatum est, & Douchius desiderabat, & pro inveniendo exitu rei, ac sustinenda intentione G. necessarium erat, maxime propter verisimilitudinè pro Douchio militantem, & concurrentia indicia ex libris & confessionibus G. cum diuturnitate temporis, quo G. (ad inopiam miseriamque redacti) ac eorum creditores tacuerunt, nulla querela proposita de eo, quod sibi Douchius in aliquo teneretur. Quinimò ipsa solutio seu insolutum datio cum generali confessione debiti in dicto transportu facta, omnem indebiti præsumptionem & allegationem removet atque excludit, nò interveniente speciali & positiva erroris atque indebiti probatione. Et enim G. cedendo cum commemoratione prioris & antecedentis debiti, & in diminutionem illius, agnovit Douchium creditorem, eique tanquam creditori pro debiti parte in solutum dedit actionem cessam. Quod inter easdem personas ad constituendam recognitionem & sufficientem confessionem prioris debiti, ex commercii ultro citroque habitis, sufficit. *l. cum de indebito. §. 1. de proba. l. generale. de non numerata pecun.* Quæ tamen

17

18.

tamenſi non ſemper diſponat, tamen inducit probationem, nedum quoad illum actum, id eſt præteritam ceſſionem & ſolutionem pro parte, ſed etiam quoad ceſſionem debiti, donec de errore probetur. *Barr. Bald. & alij in l. cum falſa. C. de jur. & ſact. ignoran.* Adco ut generaliter qui recipit aliquid à tali, vel ſolvit tanquam tali, licet non intelligatur conſiteri eum talem, tamen tantisper dum conſtat de errore, nocet ceſſio & recognitio: *Bald. in l. nam idcirco. C. de jur. & ſact. ignorant.* *Decius in cap. cum ſuper. de officio deleg.* & qui contrahit cum aliquo, tanquam tali, non poteſt poſteà rogare eſſe talem *l. ſi proponas, & ibi Bald. de petit. hared. Decius conſ. 665.* quod terminis propoſitæ quæſtionis admodum congruere videtur. Nam cum in actu illo ceſſionis cõtrahentes animum & intentionem non contrahendæ, ſed diſſolvendæ obligationis habuerint, & G. in illo præſupponat & conſiteatur ſe debitorem, ac Douchium creditorem, eiſque tanquam tali, & in ea qualitate ſolvat, juſtum eſt Douchium tantisper retinere utilitatem dictæ ceſſionis, quoad liqueat de errore, vanitate & errato dictæ ceſſionis, ut in conditione indebiti requiritur. *d. l. eleganter. de condiſt. indebiti.* Quæ omnia majorem æquitatem accipiunt, ex eo quod veriſimile ſit admiſſa generali computatione & calculo, facile apparere potuiſſe de vero, permagno debito, prout

etiam poſteà multiplicato litium modo, & per multas etiam inapplicabiles difficultates (in quas Douchius propter generalem calculationem omiſſam inciſiſſe videtur) luculenter demonſtratum eſt de maximis quantitatibus à G. Douchio debitis: inter quas etiam illa reperitur, quæ domino de Flagi attributa fuit, & quam Douchius ab initio allegationi indebiti objecerat; non quidem ut ad eam ſe reſtringeret, aut probationem cauſæ in ſe aſſumeret, ſed ut Rei conventi vicem ſuſtens quomodocunq; excipiendo deſenſionem ſuam expediret, ſalvis ſibi quibuſcunque aliis juris remediis. *l. nemo pluribus. de regul. juris, in 6.* Neque dici poteſt ceſſionem illam incertam eſſe, aut falſo propoſito inniti, quod Douchio deberetur, ejusque probationem Douchio incumbere. Nam quod is qui agit ex diſpoſitione fundata in aliqua qualitate præſuppoſita, prærunque qualitatem illam probare teneatur: *l. mancipia. C. de ſurtis. Decius conſil. 508. & 644.* Id non procedit in qualitate ab adverſario recognita & ceſſata, *Barr. in l. cum falſa. cum ſimil. jur. ſuprà citatis.* ut eſt in ſpecie propoſita, in qua G. ſe debitorem & Douchium creditorem recognoſcens ceſſionem illam fecit in diminutionem debiti antecedentis, cujus incerta & indeterminata quantitas ſufficiebat ad excludendam conditionem: *l. ſufficit. de condiſt. indeb. quæ manuſcriptum erratum*

rum seu defectum causæ requirit, & non nisi ad liquidationem & computationem desiderandâ valere potuit. Ad quam quidem computationem iudices (quos omnia rimari convenit) procliviores esse oportuit, propter magnitudinem & multitudinem rerum ac mercatorum consuetudinem, & Douchii multiplicatam requisitionem; ipsamque verisimilitudinem ed inclinantem, quod per legitimam indaginem omnia pertentando, de quantitate debiti facile apparere posset. Et præterea cum in solum præteriti debiti glastum illud datum fuit, quid gravius statui potuit adversus Douchium, quam ut glastum acceptum, vel pretium inde redactum, imputaret in solutionem vel diminutionem debiti per G. confessati, reservata adjunctaque dictæ condemnationi liquidatione & supputatione dicti debiti: ad quod domini Iudices inclinasse in 10. articulo videntur.

VERSUS seposita paululum consideratione illa confessionis G. omisse calculationis, & quod cessio illa ad finem & effectum liberationis facta sit, adhuc aliunde vacillat dicta condemnatio. Si quidem sive ex capite indebiti, vel falsæ & erroneæ causæ actio detur G. eorumque Creditoribus; certè ea dirigi non potuit, ad repetitionem glasti vel pretij inde redacti: Quoniam non dominium ipsius glasti, sed tantum personalis actio

ut patet ex transportu in verbis: *Comme plus amplement de ce appert, par la sentence sur ce donnée.* ad illius acquisitionem competens cessio fuit; & præterea cum conditio indebiti totum contractum inutilem constituat, evacuet & in pristinum statum reponat, non pretium ex venditione glasti redactum, sed lis & omnis actio quæ in dicto glasto seu pro eo competeat, probato indebito, restitui debuisset: non enim glastum aut substantia mercium in solum data est, sed ipsum nomen tantum, & utilitas quæ ex dicta cessione redigeretur, & quatenus litis eventus ostenderet: cuius cum vero valore & pretio glasti per se considerari, in quo Douchius condemnatus est, nulla est proportio, vel correspondentia. Nam alia est æstimatio rei per se spectatæ, alia vero actionis pro re competentis; & pretium justum actionis debet considerari deductis expensis litis, & laboribus qui intervenerunt ad rei exactionem. *gl. in l. per diversas. ad fi. & ibi Bart. Bald. Salic. & Ang. & alij. C. mandati. Salic. & in l. 2. col. 2. versi. 2. si minori. C. ne liceat potentior.* Quemadmodum in simili valor rei diminuitur propter qualitatem temporum & periculorum imminantium, & æstimatio iniri debet habito respectu ad onera rei incumbentia. *l. non amplius. in prin. de leg. 1. latè Alciat. cons. 110. num. 4. & 6.*

Quo d tamen si Iudices aspexisse videantur, dum sumptum tam in

20

litæ

lite quàm in evictione glasti restitui jubent, cum indemnitate litis & cautionis; re vera tamen Douchio non est præstitum, cum ipse nihilominus maneat in laboribus & expensis magnæ & ancipitis litis, nec cautio ab eo præstita relaxetur, nec relaxari possit invitis executoribus testameti quondam Petri Busyn, adjudicata illi duntaxat indemnitate quæ in fragilitate cautionis consistit, à vera liberatione multum dissimilis: diversa namque sunt, Quem penitus liberari, & de indemnitate sibi satisfdari. Nam primo casu, ipso jure sublata est omnis obligatio, §. 1. *Instit. qui. mod. tollit. obligat.* & per consequens actio nulla proponi potest: *l. licet. §. ea obligatio. de procurat.* secundo casu secus; quia obligatio remanet, & consequenter actio intentari, & intentata prosequi potest, etiam cum effectu exactiois. Et licet tunc mediante satisfactione de indemnitate videatur ei, qui conveniretur, consultum; illud tamen differt in effectu à primo casu, quando quis re ipsa esset liberatus.

NAM in primis vexabitur ille conventus fastidio & molestia litigandi, quod plurimi adeò solent execrari, ut rebus potius carere velint, quàm litigare. *l. item si res. §. fin. de alie. jud. caus. fact.*

SECUNDO etiam compelleretur re ipsa solvere, & postea ab alio quod solvit repetere, quod solet reputari non parvi præjudicii:

nostra enim plurimum interest potius non solvere, quàm solummodo repetere. *l. 3. de compensa. & in l. si stipulatus esset. in princip. de fidejusso.* Per quam rationem decusum est, quòd licet reus principalis teneatur actione mandati conservare fidejussorem indemnem, audiendus tamen est fidejussor etiam invito reo, si qua exceptione se tueri potest, ne solvat, quia interest potius pecuniam retinere, quàm solutam postea à reo repetere: minus enim est actionem quàm rem habere: *l. minus. de reg. jur. & aliàs melius est rei incumbere, quàm in personam agere. §. furri autem actio. Instit. de obligat. qua ex delictis nascuntur.*

TERTIÒ etiam solvendo committeret se fragilitati, & sub incerto cautionis remedio: possibile est enim fidejussores præstitos fieri nõ solvendo, & sic in effectu frustraretur & deciperetur qui solvisset, cum inanis sit actio quam excludit inopia debitoris: *l. nam u. de dolo. §. illud, in auth. de aequalit. dot. col. 8. & in c. olim, de restit. spoliat.* & hæc fragilitas & incertitudo cautionis ita in jure consideratur, quòd semper (ubi fieri potest) de alio remedio lex ipsa prospiciat; in *l. pupillus. quod cum falso turore, in l. cogi. §. si pater. ad Trebel. cum suis allegat. in d. §. si pater.* & fidejussor de indemnitate oblatus non injustè recusetur, quod præsentis negotio admodum congruere videtur. Nam cum Douchius vigore dictæ cessionis pro



glasti fiduciaria possessione cautionem exposuerit, & litis sumptibus atque molestiis, necnon executioni futuri iudicati maneat obnoxius; præter jus & æquum videtur eum urgeri ad effectuale veri & totius pretij ex venditione glasti sine his omnibus redacti restitutionem accepta sola indemnitis cautione, quæ multis de causis constitui potest inutilis. Et ut maxime remaneat utilis, & sufficiens, non eximit Douchium à molestiis & laboribus persequendæ litis, nec à periculo futuræ executionis; quod maximam iniquitatem & gravamen continere videtur: sic quodd hæc res majori disquisitione ponderi debuerit. Idque potius secundum juris rationes & legitimas probationes & computationes à Douchio oblatas & requisitas, quam ex subitario arbitrio mercatorum sexta Junij anno 43. ut apparet ex verbali dictæ diei in verbis: *Lesdits marchantz ayans ouy l'allegation des parties*, maxime cum partes in illos mercatores non compromiserunt ut iudicaret, nec visitatio librorum ab iis facta sit secundum voluntatem partium, sed ex necessitate decreti de 19. Maji anno 43. Et denique quodd Douchius intellectam resolutionem mercatorum facile confutare potuisset.

In septimi & octavi capitis tractatione considerandum est, quodd sententia præsupponit præcedentem societate, de qua tamen nihil

apparuit, nisi ex scriptura massarij Douchii in ejusdè Douchii diario & scriptura G. in libris eorum facta; quæ non debuit Senatum movere, ob id quodd Douchius posuit in facto, quodd de notorio & longo usu recepta consuetudine mercatorum, non est standum illi quodd scriptum est in diario; sed quodd est scriptum in libro principali: & quodd inter mercatores observatur quodd scriptura massarij non obest domino, cum semper illud, quodd per errorem scriptum fuit, potest emendare & corrigere. *ut patet ex artic. 433. & seq. addit. scripturarum ejusdem Douchii.* Item quodd libri G. more mercatorum non fuerunt scripti; & quodd inter mercatores nulla fides secundum stilum & morem illorum adhiberi illis posset: *ut patet ex artic. ejusdem scriptura 42. & eadem facta dictus dominus Douchius probare obtulit, si non in specie, saltem in genere, in proæmio dictarum additionum, in verbis: Offrant prouver, &c.* Quæ obligatio generalis tantum operatur atque si in singulis articulis esset repetita; eademque facta si probata fuissent, sufficere potuissent dicto Douchio ad victoriam. Quia clarum est de jure, quodd statum consuetudini mercatorum de & super eo, an & quæ fides sit habenda mercatorum libris. *Iason. conf. 4. lib. 3. Bald. conf. 52. lib. 3. dd. in c. cum dilectus de fide instr.*

Et ad eam probationem tanto magis admittendus erat Douchius, partim

22

partim quòd partes Rei sustinebat, cujus partes semper in conficienda probatione solent esse favorabiliores: ut notatur in l. *favorabilior*. de reg. jur. & in ea. cum partium eo. tit. præcipue cum probatio illa, quæ pertinet ad defensionem, descendit ex jure divino: juxta nota. per dd. in ea. novit. de judi. partim quòd illa consuetudo erat juri communi consona: quia licet communiter fides habeatur originali aut protocollo, non etiam desumpto; ut in Auth. de Tabell. & notat Alex. cons. 105. lib. 2. hoc tamen intelligitur, nisi sit præsumptio in contrarium, Secundum Alex. & alios dict. locum, & dd. in l. imperat. 1. de statu hominum. & nisi de errore possit constare, & nisi offeratur probatio in contrarium. Et quando est aliquis error, tunc potest ipse Notarius proprium suum errorem propria auctoritate emendare, præcipue quando de eo errore est lis inter partes: ut dicunt Alb. & Bald. ibi. & idem Bald. in rub. C. de fide instr. col. 7. vers. sed pone. sicut etiam dictus Douchius ponit in facto, & probare obtulit quòd statim, ubi scivit errorem & vidit scriptum massarii, illum errorem emendavit, & verbum *damno* notula subduxit, ut patet ex articulo 440. dictarum additionum. Et licet scriptum ab institore, aut massario mercatoris præsumatur scriptum ejus mandato & consensu; ita ut si dicat scriptum esse sine scitu ejus, aut contra voluntatem suam, non creditur ei, Alex. consil.

373. lib. 7. & Bald. in l. contractus. C. de fide instr. tamen contrarium probari potest: & præterea ut stetur ejusmodi scripturæ massarii aut institoris, necesse est quòd scriptum illud sit verisimile. Aymo Cra. de antiqu. tempor. part. 1. ca. incip. Quarto limitatur, num. 6. vers. sed qua re bic an in tali libro. Quò pertinet quod scribit Castren. cons. 314. lib. 2. quòd si aliqua particula est subtracta ex scriptura & libro alicujus socii, illa non nocet concurrente verisimilitudine, & si ex aliis actibus potest constare de errore; præcipue si facta sit à discipulo filio, vel factore, cujus error domino non præjudicat: l. 1. in princ. in verbis, quod non jussu domini. ff. de his que in testam. del. & talis scriptor qui scripsit societatem contractam, ad mediam partem lucri & damni excusatur, Cast. d. loco. quando aliqua ratio eum potuit movere ad sic scribendum, sicut hic fortè massarius potuit cogitare quòd hic erat contracta societas vinorum ad damnum & lucrum, propterea quòd de talibus rebus solet communiter talis societas contrahi:

PORRO error admissus probari potest solis conjecturis & præsumptionibus: ut notatur in l. si librarius ff. de regul. jur. & Socy. cons. 159. num. 24. lib. 2. & cons. 1. lib. 3. & Cast. consil. 353. lib. 2. quas conjecturas & præsumptiones & defectum verisimilitudinis præfatus Douchius etiam in facto posuit, & probare obtulit. Primò enim posuit in facto.

facto, *artic. 420. & 453. dist. addit. & aliis.* quòd societas de hujusmodi rebus tanti momenti contrahi nō solet, nisi confecta de eo scriptura, aut saltem expressa annotatione per socios utrimque in eorum libris de societate inita, facta, cum adjectione; quis cam negotiationem administrabit, quis & quantam pecuniam imponet, ubi, & ejus generis vina comparari, & ubi, quo tempore, vel quanto pretio distrahi debeant. Quemadmodum etiam de jure scripto, licet possit contrahi societas sine scriptura; tamen debet de ea constare vel per reciprocos actus sociales, *ut ait Cepola conf. 40. num. 3.* vel per libros sociorū. Secundò Douchius in facto posuit, quòd dicti G. sibi Douchio solverunt tanquam receptori Cæs. Majest. omnē impostam ratione dictorum vinorum: 431. *art. dist. addit.* unde nascitur magna præsumptio quòd Douchius non fuit socius, & quòd omne periculum ad G. pertinuit: quia alioquin partem ejus bene defalcassent: Et de jure ex solutione gabellæ & aliorum cognoscimus, ad quem contractus verè pertineat. *secundum Aymo. Cravet. de loco. nu. 74.* Tertio posuit in facto Douchius, & sic etiam probare obtulit, *art. addit. 428.* quod est moris inter mercatores, quòd computus servari, & intitulatione nomine societatis & sociorum fieri debet, quod non est factum hoc loco. Quæ consuetudo etiam est cōformis juri com-

muni, quia ex intitulatione illa constat inter quos est vel non est societas; *Socy. consil. 160. incip. in præfenti consultatione, lib. 2. num. 3.* eandemque intitulationem esse necessariam, Consulti existimant: *Straccha. in tractat. de mercat. part. 2. num. 26. fol. 73. allegans Dec. consil. 21. num. 1. & 6. Socy. conf. 87. Bald. in l. si patruus. C. utriusque jud. imò dicti G. omnia suo nomine fecerunt & contraxerunt, suamque societatem I. B. & L. G. in oppido Antverpiensi appellarunt, & nomine societatis I. & L. G. institorem vel procuratorem suum contrahere cum Herlinis Atrebatensibus & aliis fecerunt, nulla Douchii facta mentione, ut constat ex contractu inito per Joannem Gualteroti nomine G. in oppido Ambianensi, & ex alio contractu inito in oppido Atrebatensi anno 43. in April, & in instrumentis desuper confectis, & nunc exhibitis, in quibus scriptum est: *Iehan Baptiste Gualteroti ait nom de I. B. & L. G. compaignons d'Anvers.* Cū tamen si Douchius fuisset in societate, ex more mercatorum debuisset esse dictum: *Au nom de I. B. I. G. & compaignons en Anvers:* quod maxime est considerandum ad excludendam præsumptionem societatis, & ad probandū dictum errorem. *ut notat. Stephan. Bertrand. conf. 62. lib. 1. nu. 3. Corneus conf. 61. & conf. 308. eodem lib. 1.* Quartò posuit dictus Douchius in facto, quòd plurimi mercatores obtulerunt ei multò amplius quàm mediam partem*



partem lucri, etiam nulla societate facta de damnis: idque propter dictum saluum conductum. *ut patet ex 136. & aliis art. dict. Memor.* Ad cuius probationem admitti debuisset, eò magis quod inde verisimile exitisset, ex alia causa quam societatis, nempe pro suffragio & impetratione salvicòductus Douchium ad partem lucrorum admissum esse absque periculo vel damno: & denique considerationi societatis adversatur, quòd neque pecuniæ, neque operarum, aut aliorum actuum socialium contributio & explicatio intervenerit.

QUANTUM verò attinet ad verisimilitudinem commissi erroris per dictum massarium, præter ea quæ jam sunt dicta, apparet primum, quòd Douchius petiit unam (ut vocant) petiam vini oblato pretio, ut constat ex schedula Douchii ad G. missa, cuius tenor est, *Seigneur compere il vous plaira faire valloir au porteur une piece de vin de Gastoigne qui soit bonne: car par dessus, j'en est mon amy, il me fait service, & luy ay donné, je le vous payeray.* Quod certe non fecisset, si aliqua fuisset societatis cogitatio. Quia societas præsupponit communionem, & iujusmodi emptioni refragatur, quæ de re, quæ sua est, cuiusmodi est res communis, saltem quoad unam partem, l. *servi. §. labor. ff. de eg. 1.* fieri non potest l. *sua rei. ff. de contrah. empt.* Quibus adde quod psc massarius eandem computationem transferendo in Novemb-

sequenti, nullam damnorum mentionem adjecerit. Secundò, quia ex actis posterioris iudicii constat evidentissimè dictos G. etià in hoc articulo vinorù semper sustinuisse, quòd non satisfecerat Douchius conventioni, & quòd saluum conductum non prolongavit, aut prolongari fecit; ita ut non societatem cum Douchio contractam, sed conventionem tantum cum eo initam præsupponant. Quæ conventionis non impletæ objectio non ad mediam partem lucri aut damni, sed ad id quod interest conventionem non fuisse completam, trahi posset. l. *sita stipul. ff. de ver. oblig.* Tertiò quia non est verisimile quòd Douchius, qui tam diligens fuit in cæteris negotiis, in hoc negotio tam fuisset negligens, ut non rationes videre interdu voluisset: Quia qui diligens est in uno, præsumitur diligens & attentus etiam in alio. Bald. in l. *fi. C. de his qui non à domino manumiss.* Quartò nihil magis durum esset, quam quòd diceretur, quòd Douchius tam pretiosum salyum conductum sibi in recompensationem datum, gratis imponderet: & adhuc mediam partem sortis & pecuniæ, qua vina empti sunt, & præterea mediam partem damnorum præstaret & sustineret. Et contra G. non nisi mediam partem pecuniæ imponderent, quasi illorum industria potuisset comparari cum tam pretioso salvo conductu: Et hæc omnia juvantur ex his, quæ in iudicio li-

Y

quida-

liquidationis Douchius postea deduxit. Quæ et si in priore iudicio non fuerunt, hoc non facto Douchii, sed iudicis contingit, qui Douchium ad probationem non admisit. Et si iudex quid omisit, quod debuisset admittere, hoc nõ debet obesse parti: *l. sed etsi partem, §. ait Prætor. ff. ex quib. causis major. & secundum Rom. in l. edita. & ibi additio. ad eum. C. de edend. & quod illic non profuit, debet hic prodesse, quando nunc de bono jure constat, & eo statu est sententia ut revideri possit. c. inter monasterium. c. suborta. de sententia & rejud.* Nam in dicto iudicio liquidationis Douchius exhibuit literas manu G. scriptas, de data 17. Novembris anno 42. in quibus dictus G. dat Douchio partem lucri, nulla facta mentione damni. Secundò exhibuit quoddam notulas extractas ex libris G. scriptas ante illorũ decoctionem, per quas & per indicẽ eorundem librorum constat nullam unquam societatis factam esse mentionem. Tertiò exhibuit cõpiam literarum dicti G. de data 19. Martii anno 42. ex qua apparet quod quidam Herlini mercatores Atrebatenses offerebant dare in singula vasa duas libras.

PRÆTEREA videtur magnũ errorem cõtinere sententia, quando præsupponit damnum fuisse ex negotiatione vini, præcipuè cùm Douchius semper posuerit in facto, & probare obtulit contrariũ, ejusque erroris etiam verisimiles

conjecturas attulit. Primò scilicet quòd G. sibi dixerunt (quòd & ipsi confessi sunt se dixisse 179. Memor. script. in priori iudicio) quòd lucrarentur bene ij. libras. Nam quòd adjiciant se id spe futuri lucri dixisse, quòd adhuc incertum erat, à Douchio esse negatum, imò ipse Douchius in facto posuit, id tunc ab iis fuisse dictum cùm jam certi esse poterant an lucrum vel damnum essent accepturi: *ut patet ex 465. & alijs artic. addit.* ad cujus legitimam probationem admitti debuisset. Secundò non est verisimile evenisse damnum, quòd latius patet ex iis, quæ in iudicio liquidationis postea Douchius ostendit: & quæ ostendisset antea, si admissus fuisset ad probationem. Quia in primis in iudicio liquidationis exhibuit dictas literas de oblatione Herlinorum mercatorum Atrebatens. Secundò exhibuit literas ejusdem G. exhibitas sub litera G. de data 9. Martij anno 1542. facientes mentionem de eo quòd tempus emendi & vendendi vina erat melius, quàm multo tempore antea fuisset: Et quòd Guillelmus le Gras offerebat emere omne vinum illud propria sua pecunia, & solum habere tertiam partem lucri. Tertiò exhibuit literas G. sub dicta litera G. de data 4. Aprilis, anno 1542. facientes mentionem de intendendo pretio vinorum. Quartò exhibuit alias literas similes de data 28. Aprilis eodem anno 42. in quibus scri-

bunt

bunt G. quòd vinum poterit vendi minoti pretio, ut majore numero vendatur, & alii etiam aliquid lucrarentur. Quintò exhibuit copiam aliarum literarum de 9. Junij exhibitarum per G. sub litera Z facientium mentionem de eo quòd tempus vinorum erat optimum; & quòd si possent ipsi G. habere ad aliam prolongationem, facerent ea, quæ nunquam facta sunt. quæ omnes literæ sunt exhibitæ per Douchium unâ ligatæ sub litera 9.

DECIMI capitis tractatio de 1727. ff. Flandriæ latissimè & per varios articulos in scripturis utriusque partis, maximè in additionibus Douchii explicata est: ita ut ongam repetitionem desiderare non videantur. Quia tamen agitur de re magna & ingenti præjudicio Douchii, non abiret hoc loco paulo diligentius rem totam ob oculos ponere, & patefactis errorum causis gravamen Douchio illatum evidentius ostendere, in qua re primò illud occurrit, quòd sententia neque in causa petendi, neque in re petita conclusioni Curatorum responderat: nam Curatores nominatim ex venditione egerunt ad pretium glasti his verbis: *Encoire la somme de v<sup>m</sup>. xij<sup>s</sup>. xxvij. ff. de gros, à cause de iij<sup>m</sup>. viij<sup>s</sup>. xvij. bales de pastelz, de quatre cabas, lesquelz lesdicts G. au mois d'Aoust audiēt an 1543. ont vendu audiēt ad. chascune bale à xxx. ff. de gros.* A qua quidem petitione domini Judices quàm lon-

gissimè accedentes planè ex alia causa & alia re condemnarunt Douchium. Etenim fundatur sententia dominorum Judicum non in venditione, (quæ est fundamentum conclusionis dictorum Curatorum) sed in contrarium in nullitate transportus & cessionis, in vim cujus glastum de quo agitur ad Douchium pervenisset; deinde non condemnant domini Judices Douchium in pretium glasti formaliter petiturum, sed in solutionem assecurationis, à qua pretium ipsius glasti est diversissimum; & quæ in petitionem vel conclusionem Curatorum deducta non invenitur, quod à regulis juris est alienum. Nam sententia refertur ad libellum & petitionem, eique tanquam proprio suo attributo & objecto cõfirmari debet, usque adeò quòd non attendatur libelli narratio seu conclusio. *ca. ex part. & Anton. de Butr. & Abb. de foro competenti, cum multis aliis relatis per Decium conf. 62. in princip. lib. 1.* Et actor, in cujus arbitrio est, experiri cum vult, tenetur certam actionem reo convento edere, & editam prosequi absque variatione, sive ad modum aut actionem respicias, sive ad causam petendi, sive etiam ad rem petitam: *Auth. qui semel. C. quomodo & quando judex.* & judicis sententia proprius effectus non operatur, quando controversiæ & petitioni partium non est conformis: *l. si. C. de fideicom. liber.* quia judex super non deductis & petitis potestatem

28

V 2 non

non recipit. *l. ut fundus, com. dividund.* Et obsecrum est super alia re, vel ex diversa causa, aut per alium modum ab eo qui fuit intentatus, sententiam dicere: cum super iis non fuit lis contestata, nec servatus aliquis juris ordo. *Bald. in l. 1. col. 2. C. si plus una sent. & in d. l. fi. C. de fidei-com. libert.* Quæ omnia proclivius in specie proposita recipienda videntur, quod neque causa iudicati neque res ipsa in cõdẽnationem deducta, aliquam affinitatem vel propinquitatem cum causa proposita & repetita habere videantur, neque accessione aut virtualiter ex natura actionis propositæ dependeant; sed diversitatem habeant, & repugnantiam quandam constituent, diversum namque & repugnans videtur, Conveniunt ad certum pretij glastum ex causa cessionis factæ condemnari ob inutilitatem cessionis; idque non in pretium glasti petitur, sed in emolumento assecurationis ex contractu cum aliis inito, redacto & obrento. Neque hic suffragari potest (ut videtur) clausula petens *ius dici, &c.* quæ conclusioni Curatorum est subiecta. Ea enim clausula restringitur ad proposita, & ad ea quæ sunt de natura causæ propositæ: *Propositus hic in l. sollicitudinum. col. 1. de appellat.* proceditque solum respectu remediorum in dubio, nõ etiam respectu causæ, vel rei petitiæ. *Dec. d. conf. 62. num. 2. & Bart. 1as. conf. 199. num. 6. vers. difficultatem facere videbatur. col. 2. cū vulgati simil.*

Cujus utriusque respectu ista sententia peccare videtur, cum & causa iudicati & res ipsa quæ Douchio abjudicata est, diversa sit à causa & re in conclusione Curatorum comprehensa. quod perini-quum est, & conjunctum cum magno præjudicio Douchii, qui super illa nova causa & re in contractibus deducta, sufficienter legitimeque defensiones suas proponere non potuit.

DEINDE sepositis paululum procedendi formulis, & propius ad rem ipsam veniendo, non rectè factum videtur quod Judices condemnando Douchium in emolumento assecurationis (quod ab eo neque promissum, neque debitum erat) & sequendo (ut præsumitur) apostillas & annotationes Commissariorum à creditoribus constitutorum, *In extract. à Carat. exhibit. sub litera ff.* transportum seu cessionem illam de 14. Augusti tenuerint pro nulla & inutili, nulla à Curatoribus probata nec proposita causa nullitatis, aut alterius vitij. Nam cum cessio illa fallissimum diu præcesserit, intrinseco vitio laborare non potest. Et quod attinet ad indebiti obligationem, quæ à Commissariis creditorum in dictis extract. sub litera ff. facta est, manifestum est in ea calculum defigi, aut constitui non potuisse, propter antecedentem G. claram & perspicuam confessionem, recognitionemque debiti, his verbis: *En part de payement* & en



Et en diminution à bon compte de ce que ledict I. B. en la qualité susdicte doit ou peult debvoir audit Douchy comme recepueur general des impostz de la guerre tant pour saulscouduict que pour droictz d'yeulx passeportz, congés & licences obtenues de l'imperiale Majeſt. pour les societés des G. & autres deniers par eux payés, & deboursez en promesses par eux faitz, comme de ce plus simplement appert par les comptes que en treuvent lesdictes parties, ausquelles pareillemēt, &c. Quæ positiva manifesta que confessio, neque per simplicem negationem G. neque per contrariam allegationem aut assertionem Curatorum vel Commissariorum ab eis deputatorum convelli potuit, vel debuit, potissimum in actu illo liberatorio, & ad inducendam compensationem ordinato, donec proposita actione ex alio capite & per conditionem indebiti de errore legitimo constaret, per repetitam computationem, vel rationes de novo redditas, ut fusiùs in tractatione sexti capitis hæc omnia deducta sunt, quæ brevitatis studio hîc pro repetitis haberi cupimus.

Nec est prætermittendum totam assecurationem, & assecuratorum obligationem quodammodò fuisse vanam & inutilem, & talem ut ex ea nec Douchius, nec assecuratores validè & efficaciter obligari & condemnari debuerint propter nimium excessum conventæ assecurationis veram quantitatem glastilongè excedentis, atque ob

id inclinantis in vanæ responsionis speciem, quam jus non intuetur, & cui propter sinceritatem commerciorum Imperatoris Caroli Constitutio aperte refragatur.

PRÆTEREA cum eventus litis contra milites Hispanos (à quibus glastum hoc primò erat interceptum) ostenderet periculù tunc non accidisse, non improbabiliter dici posset conditionem assecurationis deficere; sic quòd dicti assecuratores nec G. nec Douchio in aliquo fuerunt obligati, & quòd Douchius consecutus est, illis non ad cessionem seu transpòrtum G. referri debeat, sed ad fortunam industriamque Douchi & transactionem cù assecuratoribus initam. Quemadmodum in simili respondit Franciscus Aret. *conf. 14. col. 4.* Quæsitum ex compositione pacis, non dici quæsitum ex causa belli, quamvis pax bellum sequatur.

RURSUſ ut demus, vel propter consuetudinem mercatorum, vel confessionem Douchii, & abdicationem G. periculum aliquod cõtigisse, & assecurationis conditionem verè extitisse, adhuc quæ gravatus invenitur Douchius, ob id quòd ultra pretium assecurationis ipsum glastum ad utilitatem G. aut creditorum suorum (ut exactis manifestum est) Reynaldo Strossly adjudicatum sit in Hispaniis; in vim cujus judicati æstimatio publicè facta post longam litem à Douchio soluta est: Sic quòd in

effectu G. seu eorum creditores, & glastum ipsum (quod prius assecuratoribus à G. & ab assecuratoribus Douchio relictum erat) & pretium assecurationis consecuti videantur. Glastum quidem propter existimationem ejus, auctoritate rei judicate per Douchium præstitum: Pretium verò assecurationis, vigore sententiæ & condemnationis, quam Douchius hic subiit. Unde resulrat non solum sententiarum contrarietas & repugnantia, sed eo amplius resolutio prioris causæ, ex qua assecutores G. obligari poterant. Nam G. seu creditores G. redeundo ad glastum, illudque evincendo in Hispaniis per sententiam, quæ transierat in rem judicatam, diu ante pronuntiationem hujus sententiæ inutilem constituerunt obligationem assecurationis; cum tam aperte evincendo, glastum ipsum repudiaverunt. Et præterea cum sententia illa Hispanica robur rei judicate obtinuerit, non videmus quomodo hæc sententia priori judicato contraria possit subsistere. *l. 1. C. quando provocare non est necesse.* Namque aperto jure constitutum est sententiam vires non habere, quæ contra res prius judicatas, à quibus non est appellatum, lata est. *d. l. 1. quando provocare non est necesse.* Quod autem sententia ista sit contraria ei quod in Hispaniis judicatum est, tenor ipsius manifestè ostendit. Nam expressè jubet restitui ea quæ Strossio in vim prioris judicati so-

luta sunt: Et præterea quia stante sententia Hispanica quæ G. & G. creditoribus glastum attribuit, nõ potuit recursus haberi, aut condemnatio fieri in pretio assecurationis. Quod eo propensius referimus, ut appareat non solum cessasse æquitatem, quæ moverit iudices ad egrediendum cancellos conclusionis partium, condemnandumque Douchium ex alia causa & in alia re quam petebatur; verum etiam ad manum fuisse causas, cur & petito conclusioque Curatorum, ut est proposita, simul cum consideratione & abjudicatione assecurationis rejiceretur & submoveretur, ad conservandam scilicet auctoritatem judicati in Hispaniis, virandamque repugnantiam sententiarum, & præterea ad unicuique sua iusta conservanda. Nam cum publica æstimatio in Hispaniis facta, quam Douchius præstitit, verum glasti valorem præsentet, *gloss. & dd. in l. 2. C. de rescis. vend.* nulla fraus nullave capcio partium esse potuit, si sequendo auctoritatè judicatis in Hispaniis, per quam publica illa æstimatio profuerat G. creditoribus ulterior querela Curatorum occasione dicti glasti improbaretur & rejiceretur; maxime posteaquam adhibuit dominis Judicibus in sententia à convento pretio inter partes à Curatoribus petito recedere. Siquidem hac ratione evitari poterant infinitæ ambages, conservariq; poterat auctoritas judicari

in

in Hispaniis, & propius satisfieri conclusioni & petitioni ipsorum Curatorum, actionem suam dirigentium ad ipsum pretium conventum. Etenim nulla alia hoc casu esset diversitas, vel mutatio, quam quod pro pretio convento Curatores acciperent verum & iustum glasti valorem per publicam æstimationem in Hispaniis declaratam. Quod ipsum (si utraque condemnatio propter antecedentem confessionem & compensationem debiti non videatur injusta) etiã ex eo capite iustius commodiusque videri poterat, quod hac ratione removeatur difficultas, & multiplicatio probationum, quæ super valore glasti, maximè non assecurati, & præterea super ipsa quantitate glasti, in tabulis assecurationis expressa, de iure simul & consuetudine exigere debuerat, antequam Douchius in integram quantitatem assecurationis, vel certum pretium glasti non assecurati condemnaretur. Nam assecuratio eatenus solum obligat, quatenus veritati mercium manibus impositarum est consentanea: & præterea ratio nulla fuit, cur nullis receptis probationibus super valore & quantitate glasti, non assecurati, Douchius condemnaretur secundum tenorem dictæ cessionis pro integra quantitate balarum in ea comprehensarum, & simul in 30. solidos pro singulis balis vitiosis. Namque est collecto & illatio, quæ sit ab expressione in

illa cessione quarto Augusti facta anno 1543. ad recuperationem glasti intercepti per Douchium longo intervallo postea in Hispaniis facta: Nam cum pretia rerum temporibus variant, & glastum de quo agitur variè direptum & jactatum sit, nulla bona consequentia intelligi aut fieri potest totum glastum in illa cessione expressum ad Douchium pervenisse, aut quodd eandem bonitatem aut valorem habuerit, quem habuisset, si cessantibus impedimentis direptionis & arrestationis, quæ non Douchium, sed G. onerare debet, tempestive & secundum tenorem dictæ cessionis advectum fuisset, in quem casum duntaxat concepta est dicti pretij conventio: sic ut præter prioris judicati auctoritatem, sententia, de qua agitur, neque respectu valoris & æstimationis, neque respectu ipsarum rerum certis aut veris fundamentis subnixæ videatur: & propter non præcedentes probationes aut aliam veritatis indaginem corruiere debeat: maximè cum non obscure appareat totum glastum non assecuratum, in quo Douchius condemnatus est, ad eum non pervenisse. Quibus illud adjiciendum est, quod Douchius secundum dictam cessionem in glasto non assecurato condemnatus sit, non obstante periculo & obligatione assecuratorum in sententia præsupposita, & qua evidenter secundum formulam cessionis glastum illud non assecura-

rum



tum ad onus G. pertineret; ita ut dicta sententia in hoc capite ex diversis & contrariis præsuppositis labefactari videatur.

31 POSTREMÒ etiam si aliqua ratio fuisset condemnandi Douchium in pretio assecurationis (quod non videtur) adhuc tamen remaneret non parva iniquitas dictæ sententiæ: quæ inde detegitur, quòd de expensis adversus Strossium factis Douchio non satis consultum sit: & quòd indemnitas ad iudicatio non sufficiat, nec eximat & liberet Douchium à sumptibus & litibus restantibus, prout nec eximi, nec liberari ullo modo potest; cùm nemo creditor invitus cogatur mutare suum debitorem, vel adversarium & alium animo novandi admittere: *Fulgos. cons. 186.* Cùm expensæ contra Strossium factæ magnas quantitates contineant, earumque nomine nihil Douchio per sententiam, vel liquidationem ejus repensum sit; magna est inæqualitas, nec omnia respectu glasti & inde dependentium in pristinum statum reposita sunt. Qui tamen scopus dominorum Iudicum fuisse videtur, quodque necessarium erat ut sustineretur condemnatio assecurationis; cuius assecratio vel condemnatio fieri non potuit, nisi præsupposita iniquitate sententiæ Hispanicæ: quo admissò manifestum est Douchium contra Strossium ex iusta causa litigasse, & consequenter ut omnia in pristinum statum repo-

nantur, expensas eo nomine factas ei refundi debere. Et iustitia litigandi contra Strossium inde magis elucescit, quòd sententia ista velit penes Douchium remanere glastum, dum jubet erogatum pretium restitui quod sine lite adversus Strossium obtinere nō potuit. Adde, quòd ipsa assecurationis obligatio & condemnatio ex præcedenti G. abdicatione per certissimam consequentiam glastum Douchio attribuat; ita ut Douchius iustissimam eamque multiplicem causam litigandi habuerit, ob quam stante assecuratione obligationis expensæ illi refundi debent, ut omnia reponantur in pristinum statum; vel illo cessante & remoto impedimento hujus sententiæ, adharendum est sententiæ Hispanicæ. Nam alioqui in magna confusione & perturbatione rerum G. consequerentur & rem & pretium, quod nec ius nec ratio admittit: & G. ultra pretium assecurationis consequerentur ipsum glastum, vel partem glasti propter non repensas molestias & expensas ejus nomine à Douchio factas: cùm tamen ad extremum G. aut eorum creditores non nisi alterutrum, id est, mercedem assecurationis, vel pretium glasti desiderare potuerint. Et cùm glastum illud, multis sumptibus & molestiis Douchii recuperatum, adjudicatum esset, præcisâ fuit occasio ulterioris querelæ petitionis vel adjudicationis: imò bene consideratis omnibus,

omnibus, neutrum præstari debuit, propter favorem liberationis & præjudicium confessionis, ac recognitionis de antecedenti debito; in cujus diminutionem glastum illud est venditum: præterea propter conclusionem Curatorum & pretium conventum propositum, quæ neque ad assecurationis mercedem, neque ad verum valorem glasti produci potest. Et ad extremum, si in aliquo Douchius tenebatur, duorum alterum constituendum erat; vel quod sententia Hispanica, per quam Douchio glastum, seu (quod perinde est) æstimatio glasti adempta erat, effectum sortiretur, liberato Douchio à pretio assecurationis; vel quod ad irritum deducta illa sententia Hispanica, omnibus in pristinum statum deductis, Douchius obnoxius redderetur pretio assecurationis: quod fieri non potuit, nisi illo præsupposito, quod glastum à G. abandonatum & proderelicto habitum, ex cessione assecuratorum ad Douchium pertineret: quo præsupposito, manifestum est Douchium justam causam habuisse litigandi adversus Strossium; impendiaque omnia eo nomine facta refundi debere, cum ex capite G. seu propter eorum debitum lis illa per Strossium sit intentata. Magis tamen putamus, si in aliquo Douchius teneatur propter auctoritatem rei judicatæ in Hispaniis, & alias circumstantias, maximè propter regressum ad di-

ctum glastum ex parte G. factum, sententiæ Hispanicæ adhærendum esse. Nam ea ratione propius secundum conventionem partium G. satisfit per præstationem veri pretii; & simul vitantur infinitæ ambages; & eo amplius, conservatur auctoritas adjudicati in Hispaniis: quam non videmus in aliquo capite redargui posse, quàm quod non habita ratione confessionis, recognitionis, & antecedentis debiti & computus, de quibus ex illa cessione de 4. Augusti apparebat, Douchium coegerit ad æstimationis præstationem, antequam per repetitum computum verbaliter appareret de indebito, quod à G. prætenditur. Non est præmittendū ipsam temporis angustiam, qua mercatores circa visitationem librorum & disquisitionem hujus magnæ & intricatæ rei vacarunt, non obscuræ præcipitationis argumentum ostendere.

NOVISSIME adjiciendum est prædictis, quod Douchius in principali lite allegavit, Et si admissus ad probationes fuisset, sufficienter probare & ostendere potuisset, proit postea per confessionem ab invito G. extortam apparuit ex tota quantitate 3818. balarum glasti, de quibus hic agitur, tantum 1736. balas &  $\frac{1}{2}$  ad G. spectasse. Nam in propria computatione G. exhibita in liquidatione, ita scriptum est: *Et par dessus ce sont creditours lesdits pastels de la somme de 2332. lb. 3. s. 8. de gr. pour la monte de bales*

de bales 1736.  $\frac{3}{11}$  la bale comptés pour 9. lb. 10. S. tourn. la bale de la somme que sur detenue en Espagne, que les assureurs accordirent avecque Douchy, & luy a esté condemné par sentence de les nous faire bon, pertinent à ce compte ladicte somme, la reste à aultres, comme au livre de creditor fol. 284. lb. 2332. S. 3. 8. g.

- 32 Quæ expressa confessio glasti ad alium pertinentis omnem administrationem & actionem elidit, & enervat, quæ post fallissimum à G. eorumque Curatoribus proposita est. Nam nota est juris Constitutio, in l. cum quis de solut. procuratorem & quemlibet alium administratorem potestatem gerendi admistrandique amittere, si eodem statu non permaneat, eundemque in deterius mutet. Nam constitutioni procuratorum ea conditio tacita inest, Si in eadem causa permaneant: d. l. cum quis. Aded ut sive in exilium mittantur, sive pœne servi fiant, sive quis aqua & igni interdicatur, sive lapsis facultatibus falliti fiant, amplius administrandi, agendi vel exigendi potestatem non habeant. d. l. cum quis. & ibi dd. Quod in magna animadversione est habendum, utpote directe ad illuminationem intencionis Curatorum respiciens: maximè attento quòd Curatorum commissio limitata restrictaque fuerit ad ea bona, quæ essent G. ita quòd manus nec oculos ad aliorum bona extendere potuerint.

POSTREMÒ quod ad undecimum & duodecesimum sententiæ

caput attinet, si ex assignationibus quæ memorantur in dictis capitibus quid fuerit debitum, illud extinctum, vel compensatum esse, inde constare videtur; quòd de causa dicti debiti non satis appareat; & si commodè de illo appareat, quòd ipsi G. illud solum annotaverint Francisco de sancta Maria, quodque quantitatem 469. lb. & 12. solidorum, item 30. lb. 15. solidos deduxerint ex 3000. Douchio debitis, idque anno 1543. ante fallissimum, ut patet in extracto albi libri fol. 352. & aliis quamplurimis locis in Memoriiis & additionibus Douchii designatis: ultra omnia considerandum est Douchium obtulisse pleniorē probationem, si necesse esset; quæ sanè oblata probatio prætermittenda non fuit. Et profectò plenum periculi fuit ex subitanea nec satis discussa (pro magnitudine rei) visitatione librorum, & renunciatione mercatorum ex tempore facta, 7. 9. & 10. Aprilis & 6. 7. 8. & 9. Junij restam ardua & usque aded intricata determinare & decidere, non dato legitimo spatio visitandi excutiendique plene libros G. nec unquam exhibito calculo per Douchium instanter requisito, aut libro *Foliaci*, ad quem ubique fit relatio, & ex quo omnia detegi, & quæ in aliis libris deerant suppleri poterant. Illud quoque grave & periculosum fuit, Douchio non concedi ut subitariam illam mercatorum libera-

33

liberationem & resolutionem eorumve personas refelleret, cum forte vel gratia vel odio moveri aut errori labi potuerint; quem errorem contraria demonstratione, & peritiis mercatoribus in contrarium calculum euntibus, Douchius verisimiliter ostendisset. Et de jure, in eo ostendendo audiri debebat: *c. causam matrimonii. de testibus.* nam ut manus & oculi obstetricum, ut canon ait, in *d. c. causam matrimonii. & in c. ne aliqua. 17. quest. 1.* sæpe falluntur; ita etiam hujusmodi mercatorum renunciatio, maxime in inspectione & visitatione librorum alienorum in intricato, perturbato, & subtili negotio, errori sæpe est obnoxia; nec est eorum avisamentum decisivum aut necessarium, nec fides illi adhibetur, absque diligenti judicis disquisitione; & cum aliter veritas haberi non potest, cumque ipsi mercatores sunt experti, providi, insignes, honesti, fide digni & bonæ opinionis, ut in dubitabilioribus terminis & de verè peritis in arte aliqua scribunt Barthol. in *l. semel. C. ad l. Cornelian. de sicariis. & Panormitanus, in d. c. causam.* Quæ omnia cessant in proposito, ubi per legitimas & ordinarias probationes veritas non difficulter haberi potuit; & angustia temporis, & magnitudo & subtilitas rerum non obscure ostendunt, mercatores adhibitos exiguo illo tempore & sicco pede ad veram indaginem rei penetrare non potuisse. Nec est

prætermittendum quod de jure, antequam iudex se fundet in hujusmodi renunciatione, avisamento vel elogio peritorum, inspectio illius parti facienda sit, ut defensiones suas contrarias expediat; nam, & periti reprobati possunt. *Bart. in l. comparationes. C. de fide instr.* Sic ut quomodocunque res accipiat, juris ratio in Douchii partes inclinare videatur, utpotè pro quo stant & veritatis & verisimilitudinis adminicula, quæ sufficiunt ad ejus intentionem fundandam, vel saltem ad conturbanda, offuscanda, removendaque argumenta adversantia à Curatoribus inducta, ita ut vel omnino pro Douchio pronunciari vel ulterior supputatio aut investigatio veritatis per probationes recipi debeat, quod deprehensis errorum causis plane futurum confidimus: Cum agatur in Senatu & prudentissimo & integerrimo, ipsaq; justitia jubeat proclives esse ad seipsum corrigendos, quos Deus constituit ut alios corrigerent.

## CONSILIUM XIII.

## SUMMARIUM.

1. *Clausula, Eive qui hanc feret, obligationibus mercatorum solita apponi, vis & potestas declarata.*
2. *Procurator, institor, maritus, mala fide nihil disponere possunt.*
3. *Ex institoris contractu quando dominus obligetur, quando non.*

X 2

4. Con-

4. *Consuetudo mercatorum circa clausulam, Eive qui hanc feret, declarata; maximè circa personas deficientes, & qua non sumi solvendo.*

**I**N lite quæ vertitur coram magnificis dominis Justitiariis Republicæ Antverpiensis, inter Danielem Schaden, nomine domini Bonaventuræ Furtenbachij ex una, & Otmarum Reglerum nomine Lixhalsiorum cum suis, ex altera; effusa & per varios articulos disputabilis se offert materia, in cujus discussione, quantum ad præsentis causæ decisionē attinet, hoc ordine rectè procedi posse arbitramur.

**PRIMÒ**, demonstrando actionem mutui, de quo agitur, per realem numerationem ab initio domino Furtenbachio acquisitam fuisse.

**SECUNDÒ**, quòd per cessionem, quæ à Sebastiano Limhaurio facta prætenditur, cautio dicti mutui efficaciter & in præjudiciū Furtenbachij transferri non poterit.

**TERTIÒ**, quòd etiamsi jure & rectè cautio translata fuisset, nihilominus tamen inutilis foret ad exactionem pecuniæ, de qua agitur, propter novationem quæ inter D. Furtenbachium & Imhovies tractata & conclusa fuit, antequam inter Limhaurium & Otmarum de cessione illa tractaretur.

**PRIMUS** articulus difficultatem non habet, cum ex propria Imhovieorum confessione dilucidè constet pro mutuo ipsis dato hanc obligationem Furtenbachio constitutam fuisse, id quod & tenor cautionis seu scripturæ ostendit, quem sequi oportet. Is enim in dubio est creditor seu dominus instrumenti, quem tenor instrumenti demonstrat, *l. ad prolationem. C. de prob. Bald. conf. 298. hac materia. lib. 1.* etiamsi clausula *Eive qui hanc feret*, qua vulgo mercatores in concipiendis cautionibus uti solent, adjecta fuerit. Etenim adjectio illa de jure communi duntaxat ad solutionem facit. Et quamvis moribus mercatorum & consuetudine vis & potestas ejus ampliata sit, nō impedit tamen quominus substantia obligationis fundetur in persona ejus cujus nomine actus geritur, *l. certi conductio. §. si nummos. ff. de cert. pet.* etiam posteaquam alius in possessionem cautionis pervenerit. Nam cōsuetudine hoc tantum illi clausulæ tributum est, ut vigore illius si interveniat justa causa seu titulus, sine cessione jus exercendæ actionis proprio nomine, & ad propriam utilitatem, in accipientem transeat. Ubi verò justa causa seu titulus non subest, nihilominus tamen jus exigendi recipiendi quæ solutionem ad utilitatem domini competit sygrapham ferenti, jure mandati, quamvis præter literarum traditionem nullum aliud mandatū interveniat; quod alio-



alioqui, etiam subsistente titulo, sine cessione ex iuris communis dispositione transferri non potuisset. *l. fin. C. quando. fiscus vel privatus.* Ita quod clausula hujus vis, quatenus per consuetudinem pro faciliore commutatione seu commerciorum exitu est ampliata, tantum versetur in relaxatione solennitatis, quæ à jure communi in exactione vel transactione nominis requiritur: *d. l. fin.* circa originem autem & causam obligationis seu acquisitionis ex jure communi nihil immutet. Unde quemadmodum de jure communi in cessione nominis, requiritur titulus seu causa ad translationem dominii sufficiens; *l. per diversos. C. mandati. & ibi dd. Bald. in l. 2. C. ne liceat potentior.* ita etiam de consuetudine nomina hujusmodi per traditionem cautionis, virtute clausulæ prædictæ, non acquiruntur accipienti sine justa causa, uti constat ex conformi depositione plurimorum testium pro parte dicti Regleri productorum; videlicet 11. 14. 16. 18. 19. 21. 24. &c.

Et quemadmodum de jure communi, ita etiam de consuetudine is dominus seu proprietarius nominis præsumitur, quem tenor instrumenti seu cautionis demonstrat, *d. l. ad prolationem, cum similibus.* non obitante quod hæc clausula subiecta sit, quæ origine sua ad solutionem tantum pertinet; & jus obligationis variare aut transferre non potest, nisi extrinsecus (id

quod de consuetudine vice cessionis est) ex justa causa traditio cautionis interveniat; adeo quod substantia obligationis omnibus primis acquirentis ac in cautione nominati cohareat, donec ab ipso aut alio mandatum ad id habente alienetur.

Nec obstat quod in quibusdam testimoniis ad instantiam Regleri receptis dicitur sæpe in aliena, plerumque etiam in incerta prorsus & fictitia persona hujusmodi cautiones concipi. Nam idem etiam de jure communi potest fieri in instrumentis, quæ sine ea adjectione concipiuntur. *l. nullum interest, & toto titulo. C. si quis alteri vel sibi. l. si per impressionem. C. de eo quod met. causa.* Et tamen in dubio semper substantia negotii illi personæ tribuitur, quæ in instrumento seu cautione exprimitur, donec contrarium de simulatione aut interpositione personæ probetur. *l. 4. §. si ab ignoto. ff. de manumissio. l. cum precibus & d. l. ad prolationem. C. de prob. Bald. & cons. 298. hac materia.*

QUINIMODò quod à testibus Regleri deponitur de cautionibus hujusmodi in aliena vel fictitia persona concipiendis, id ipsum non ex consuetudine speciali profluit, sed ex generali juris communis dispositione: Ideoque secundum terminos juris communis ea testium depositio intelligi, declarari, & restringi debet, ut origo obligationis semper illi tribuatur, cujus nomen in cautione exprimitur,

mitur, donec probetur persona illius vel simulatè, vel fictè appositâ, aut ipsa cautio ad alium legitime translata, quemadmodum constitutum est in aliis quibuscunque instrumentis & contractibus: *d. l. cum precibus, & d. l. ad prolationem, cum similibus superius allegatis.* à quibus hoc respectu quoad originem scilicet & acquisitionem obligationis hæ cautiones non differunt, cum naturali ratione substantia obligationis (quæ non contrahitur absq; consensu certæ personæ) vigore dictæ clausulæ suspendi, aut in incerta persona ejus, qui syngrapham feret, fundari aut constitui non possit.

IN qua re diutius insistere opere pretium non videtur, cum in proposito negotio non solum ex tenore cautionis, sed etiam ex confessione Imhoviurum constet jus obligationis, de qua agitur, D. Furtenbachio ab initio constitutum & acquisitum fuisse.

TRANSEUNDO igitur ad secundum articulum, dispiciamus an cautio illa, quæ ab Imhoviis domino Furtenbachio constituta fuit, ex aliqua causa abalienata, & ad Reglerum seu Lixhalsios translata censeri debeat.

ET si hæc siue singula, siue universa, quæ in hac causa deducuntur, inspicias, examines, & ponderes, nusquam tamen invenies aliquid deductum, aut propositum, quod ad alienationem hujus nominis possit sufficere. Quod ut

clariùs explicatiusq; constare possit, considerandum est, aperte constare quod ipse dominus Furtenbachius nihil aliud de hoc nomine aut cautione fecerit, quàm quod ex mandati causa illud reliquerit in manibus Sebastiani Limhaurii institoris sui, Anteverpiæ residentis; per quod cautionem illam abalienatam ac in institorem translatam fuisse, nemo existimabit unquam, cum nullus subsit titulus domini translativus, (qui etiam secundum consuetudinem prædictâ in transferendis nominibus requiritur) & aperto jure constitutum sit, res & negotia, quibus institores præponuntur, in potestate dominorum remanere. *Toto rit. ff. & C. de instit. act.*

VERUM difficultas in eo versatur, an Limhaurius institor dando in solum cautionem illam, alienaverit ac in Reglerum transtulerit. Id quod prima facie videri poterat, tum quia institor contrahendo ac disponendo de rebus, quibus est præpositus, domino præjudicat, *l. sed si pupill. §. de quo palam. in si. ff. de inst.* qui sibi imputare debet quod talem præposuerit; *d. §. de quo palam.* tum etiam quia de consuetudine clausula illa *Esse qui hanc feret*, non curata persona ejus, cujus nomen in cautione est expressum, dat cuilibet, ferenti syngrapham, liberam facultatem illam alienandi.

VERUM his nihil obstantibus contrarium firmiter tenendum est, ex causis & rationibus sequentibus.

PRIMUM,



2 PRIMÒ, ex defectu potestatis seu mandati dicti Limhaurii, qui cautionem, quam in qualitate institoris habebat, sine domini voluntate scienti Reglero dedit in solutionem proprii debiti, quod esse non potest. Nam institor leges & condiciones institutionis transgredi non potest, *l. sed si pupill. §. conditio. ff. de institor. l. cuicumque. §. non tamen. ff. de institor.* præsertim si sit specialis, qualis hic fuisse dicitur, cui nihil licet nisi quod nominatim à domino committitur: *l. diligenter. ff. mandati.* & egrediendo officium seu limites mandati, domino non præjudicat, etiam si is, cum quo contraxit, condiciones præpositionis ignoravit. Nam sibi imputare debet, quod de forma mandati non investigavit. *Castr. in l. 1. in prin. & §. non autem. ff. de exercit. Ancho. conf. 332. col. 3.*

QUIBUS accedit; quòd nec institori seu procuratori generali & cum libera sic egredi officium suum liceat, ut res sibi concreditas in utilitatem suam transferat, aut cedat in solutionem proprii debiti. *Bald. conf. 43. quoniam super facto lib. 5.* Nam quamvis multum generalis & effusa potestas procuratori aut institori data sit, tamen restringitur ad ea solum, quæ nomine constituentis & in rem, quæ fuit commissæ, bona fide geruntur; *ut tototit. De procurat. Mandati, De institor.* adò quòd clausula concedens omnimodam & liberam potestatem, nihil aliud importet quàm

boni viri arbitrium, *l. Thais. §. serorem. & l. fidecommissa. ff. de fideic. libert.* cui non convenit propria debita ex rebus domini dissolvere: & idèò procurator seu institor qui hoc facit, malitiosè & injustè versari dicitur, *Bart. infl. qui fundum. §. fin. ff. de usuri. & furtum committit, nec domino præjudicat: l. servus cuiusdam, & ibi Bald. las. & alij. ff. de conduct. ind. lo. de Anania conf. lxx. & ibi Lud. Bolog. in addit. Bald. conf. 43. lib. 5.* idque absque dubio verum est, cum ei, cum quo contrahitur, qualitas institoris nota est, & nihilominus rem domini in solutionem proprii debiti ab institore accipit, ac ita de malitia & fraude participat, *Bart. in d. l. qui fundum. §. fi. & d. l. sed si pupillus. §. de quo palam. vers. sed si ipse institor. ff. de institor.* quod est in proposito. Nam manifestum est ex actis, & apertè fatetur ipse Reglerus, *in 8. 16. 19. & 27. art. addit.* qualitatem institoris Limhaurii sibi notam fuisse, & in ea cautionem, de qua agitur, sibi datam esse pro proprio & privato debito Limhaurii, quod magni faciendum ac multum ponderandū est in præsentī negotio. Nam inde colligitur defectus potestatis, nec non utriusque contrahentis mala fides & perfidia, quæ efficit ne ex actu illo cessionis domino Furtenbachio aliquod inferri possit præjudicium: *luribus supra citatis.* præsertim cum agatur de datione in solutum ad cuius substantiam & naturalem essentiam requiritur

veta

vera domini translatio rei in solutum datæ, quod hic ex defectu potestatis seu juris & propter malam fidem utriusque contrahentis esse non potuit.

Nec obstant quæ superius in contrariam partem allata fuerunt. Nam quod dicitur, quod sibi imputare debeat qui talem præposuit, per quem res malè gestæ sunt, d. l. sed si pupillus. §. de quo palam. procedit in his solum, in quibus institor non est egressus officium aut limites mandati: secus verò in his, in quibus excessit; quæ domino imputari non debent. Nam, ut pulchrè J. C. ait, in l. cuiusque. §. non tamen. ff. de institor. act. *Non omne, quod cum institore geritur, obligat eum qui præposuit, sed ita, si ejus rei gratia, cui præpositus fuerat, contractum sit, id est, ad id ad quod eum præposuit, quemadmodum in his eisdem terminis Anchoranus consulendo d. consil. 332. in 3. col. prædictæ objectioni respondet, his verbis, Quod oportet creditorem vel eum qui vult contrahere cum istis institoribus, & per hoc mensam, sive societatem & socios obligare, diligenter quærere ante omnia de mandato, & in contrahendo non excedere ejus formam. Nam negotiationes quæstuarie sunt diversæ: aliquæ super emptione mercis, aliquæ super vendendis jumentis & mancipiis, aliquæ super fœnerandis pecuniis, &c. & præpositus in una, non possit socios obligare in alia. d. l. sed si pupillus. §. conditio.*

Debit ergo dictus Archiepiscopus, ut inquit Anchor. in suo casu ante omnia diligenter perscrutari de mandato sociorum, & ob id domino Archiepiscopo vel suis procuratoribus imputandum esse, si diligenter non ponderaverint mandatum institoris, cum quo contractum est. Et idem expressè vult Cast. in l. i. §. non autem in princ. ff. de exercit. & ad Jureconsulti responsum in d. l. i. in princ. ff. de institor. In quo Reglerus fundamentum aliquod constituere videtur, respondet Cast. quod licet contrahentes non teneantur investigare de conditione institoris an sit liber vel non, an principalis vel magister navis, &c. tamen bene investigare debent de mandato, aliàs eis imputatur. Per quod dicit Castren. se bis consuluisse in arduis causis, quod scilicet instigentes seu domini non fuerint obligati, quando institores extra pacta institutionis contraxerant, etiam ignorantibus creditoribus; & addit, omnes Doctores Italiæ hujusmodi consiliis subscripsisse. Ex quibus inferendo ad propositum convenienter dici potest, quod si secundum prædicta institor excedendo conditionem & formam mandati dominum non obliget, etiam si in qualitate officij contrahat, multò minus dominos obligari ex contractibus quos faciunt institores, non modò excedendo formam mandati, sed in propriam causam, quæ nullo modo etiam sub generali

generali & effuso mandato comprehendendi potest.

DEINDE mala versatio seu administratio institoris non præjudicat domino, si is qui cum institore contrahit, est particeps fraudis & doli, *d. §. de quo palam. in fin.* ut est in proposito.

ET quantum attinet ad generalitatem allegatæ consuetudinis, convenienter dici potest eam hoc casu non procedere propter terminorum imparitatem & repugnantiam qualitatis, in qua actus est explicatus. Consuetudo enim præsupponit ac requirit in huiusmodi translatione nominum iustum titulum, neque recedit in hac parte à juris communis dispositione, secundum quam cessio fieri non potest, non interveniente iusto titulo seu causa tam ex parte cedentis quam cessionarij: *dd. in d. l. per diversas. cum similibus.* Ita quod nedum de jure, sed etiam consuetudine cessionario objici possit vitium tituli, quod cedenti objici poterat, præsertim si nondum exactio solutioque secuta sit. *arg. l. si quis in rem. & ibi gloss. & dd. ff. de procurat.* Nam consuetudo vim suam exercet tantum in relaxanda solennitate cessionis, non etiam circa titulum, aut causam acquisitionis vel dominij.

CUI non adversatur quod testes Regleri generaliter deponere videntur, quodd secundum consuetudinem is qui possessionem nominis habet, aut, ut verba clausulæ

sonant, cautionem adfert, habeatur seu fiat cautionis dominus, non curata persona ejus qui in ea cautione exprimitur. Nam id procedere potest respectu debitorum bona fide adherenti solventium: *arg. l. si quis servo. & l. cum quis. in prin. ff. de solut.* aut si etiam ad cessionem transferre placeat, quæ nascitur ex possessione & traditione cautionis, id obtinebit & intelligetur præsumptivè tantum, & in dubio, quando de veritate in contrarium ex qualitate officioque ferentis cautionem, aut aliter non apparet. *arg. l. nuptura filio. ff. de jur. dot.* Nam veritate probata, ac vitio tituli tradentis vel accipientis detecto, omnia jura dicant, *d. l. per diversas. d. l. nuptura. l. nemo plus juris. & l. id quod nostrum. ff. de regul. jur.* & suadet recta ratio per traditionem à non domino factam domino non consentienti non præjudicari: *l. nunquam nuda. ff. de acq. rerum domini,* etiamsi accipiens vitium auctoris, dum cessio heret, ignoraret. Nam secundum juris communis regulas sibi imputare debet. *l. qui cum alio. ff. de regul. juris. pulchrè Ancho. consil. 332 in 3. col.* Et præterea in concursu isto melius est accipientem à non domino à commodo celli nominis excludi, salva illi manente actione evictionis contra cedentem, quam damnum indebitè infligi vero domino, ex cujus persona origo obligationis profluxit, & cujus causa ex ordine scripturæ, & propter efficaciorē titulum in

Y exactione

exactione nominis est potior. *l. si quis stipulatus decem. de solutione.* Et abunde multam tribuitur consuetudini & clausulæ prædictæ, si vigore illius non petente nec concurrente eo, ex cuius persona origo obligationis descendit, possit exigere, etiam si in concursu veri domini, qui neque per se neque per alium cessit, potiorē causam faciamus, cui directa actio quæsitæ est; cuius exercitium de jure impediri non potest, nisi per cessionarium, cui ab ipso domino actio cessa fuit. *l. 3. C. de novat.*

PRÆTEREÀ ut prædictæ consuetudini plurimum tribuamus, ac concedamus quod suffragetur etiā adversus verum dominum accipienti ab eo, qui neque est dominus, neque alienandi potestatem a domino habet, quod perquam durum & à jure communi & certa ratione alienum videtur; restringenda tamen erit ad eum, qui est bonæ fidei, & à quo vitium auctoris ignoratur, *l. si procurator. §. fin. ff. mandati. arg. d. l. si quis servo, & l. cum quis. ff. de solut.* nec porrigitur ullo modo ad eum qui (ut est in proposito) ex qualitate cedentis & causa, in quem fit cessio, aut aliunde, intelligit vitium cedentis, ac cum eo participat. Is enim ob malam fidem odio dignus est, nec meretur beneficio consuetudinis adjuvari. *d. l. sed si pupillus. §. de quo palam. ff. de institut.* Nam consuetudines reducuntur ad intellectum juris communis, *l. 2. & ibi dd. C. de noxalib.*

ac restringuntur ad limites recte rationis, *l. quod non ratione. ff. de legibus. l. 1. C. qua sit longa consuetudo. Bald. l. 1. C. eo. quæ detestatur ac plerumque etiam vitio furti obstringit eum, qui scienter rem domini ab institore in solutionem proprii debiti accipit, aut aliter mala fide cum illo in præjudicium & captionem domini contrahit; l. servus tuus. ff. de dolo. l. servus cujusdam. ff. de condict. indebit. & d. l. sed si pupillus. §. de quo palam, in fine. quem admodum in simili is qui scienter ab institore lucratur patroni seu domini pecuniam, domino nullatenus præjudicat. Bald. in rubrica. C. de condictione ob turpem causam. quem referi. & sequitur Is. in d. l. servus cujusdam.*

ET qui post mortem gravatus est restituere, quicquid post supercrit, bona fide diminuta in restitutionem non veniunt; id tamen peti poterit quod in fraudem & interimendi fideicommissi causa alienatum est. *l. Titius. ff. ad Trebell. l. 3. §. nonnunquam. ff. de usuris.*

ET maritus licet suos faciat fructus omnium bonorum mulieris constante matrimonio, & de illis ad libitum disponere possit; in fraudem tamen & mala fide id facere prohibetur.

ET licet procuratori libera administratio concedatur; tamen culpæ & negligentiae debet reddere rationem; *l. à procuratore. C. mandati.* nec valet quod facit dissipando vel dilapidando, vel propriam

priam utilitatem & non domini procurando: quia id non constat ex bona fide, ut pulchrè scribit Bald. *consil. 383. quando super facto, lib. 5.*

Et quod propius ad terminos præsentis quæstionis attinet, privilegium fœneratoribus indultum, quod res furto subtractas & agnitas restituere non tenentur, intelligitur & restringitur quatenus ipsi bona fide receperint, & furtivum ignoraverint. Hos enim qui scienter rem furti vitio affectam accipiunt, nec privilegium, nec consuetudo à restitutione excusat. *pulchrè 10. de Anania. in d. consil. 70.* Nam in omni dispositione siue ea sit hominis, siue legis, intelligitur inesse bona fides, & arbitrium boni viri: *l. creditor. §. Lucius. ff. mandati. d. l. Titius. ad Trebell. l. bona fides. C. de act. & obligat.* nec potest ulla consuetudo vel dispositio tam generaliter accipi aut considerari, ut per eam sustineatur id quod mala fide & cum perfidia factum est. *Bald. dicto consil. 383.*

Et proinde consuetudo, de qua hic agitur, ut latissimè pateat; id tamen quod mala fide per Reglerum cum institori Furtenbachij actum est, per illam sustineri non poterit. Nam alioqui consuetudo daret occasionem delinquendi, & non pertineret ad commerciorum commoditatem, ac faciliorem commutationem, sed iusta mercatorum commercia prorsus subverteret & fraudibus malorum sub-

serviret; quod absurdum est & irrationale; ideoque nec prætextu consuetudinis admittendum. *l. quod non ratione. ff. de legib.* Nam medium consuetudinis est ratio & æquitas; & ubi deficit hoc medium, deficit quoque ipsa consuetudo. *l. 1. & 2. C. qua sit longa consuetudo.* Id quod prolixiore disputatione in præsentī negotio prosequi non est necessarium, propterea quod per se pateat, & quod ipsa mercatorum observatio usum dictæ consuetudinis ad terminos juris communis restrinxerit, ut non proficiat alij ad acquisitionem cautionis seu nominis, quam cui ex iusta causa seu titulo cautio est tradita. *d. l. per diversas. C. mandati.* Id quod in proposito negotio de Reglero dici non potest, cuius titulus à jure prorsus est improbatus, *d. c. qui contra. de regulis juris in 6. l. 1. C. de fide instru. & jure hasta fiscalis. lib. 10.* propterea quod scienter accipiendo cautionem, ad dominum pertinentem, pro debito institoris, qui aliàs solvendo non erat, rei illicitæ operam dederit, ac furti crimen contraxerit. *d. l. sed si pupillus. §. de quo palam, in fine, d. l. servus taut & d. l. servus cuiusdam.*

Quibus est proximum quod præter supradicta datio illa in solutum, quæ à Reglero præterditur, ex illo capite etiam nullitati subjacere debeat, quod tempore prædictæ cessionis Limhaurij institoris fides afflictæ erat, & condicio penitus deteriorata; ita quod in

lubrico illo statu nec domini res tractare, aut institoris partes amplius sustinere, *l. si cum Cornelius. & l. cum quis. §. 1. ff. de solut.* nec etiam propriam rem efficaciter cedere potuerit in Reglerum, cui deterioratio illa non erat incognita. *l. edito. §. cum autem. ff. de jure fisci.* Nam posteriore casu ob fraudem creditorum, *tot. tit. de his qua in fraudem creditorum.* priore verò propter revocationem tacite mandatum *d. l. cum quis.* lex alienationis effectum impedivit; non obstante quòd insolventia præfati institoris tempore dictæ cessionis nondum Antverpiæ publicè innotuerat, cum satis constet quòd ad notitiam Regleri pervenerat. Nam quod de jure possessio bonorum, de consuetudine proclamatio ac publica insolventiæ notitia requiratur, ad hoc ut debitor administrationem rerum suarum aut alienarum quibus prepositus est, amittat, de quo à testibus Regleri deponitur, procedit & intelligitur respectu eorum, qui cum tali debitore ignoranter contrahunt; ne scilicet ob ignoratum lubricum statum contrahendo cum illo decipiantur. *arg. eorum qua scribit Castr. in l. 1. de exercit.* Eorum verò, quibus nota est insolventia, festinata diligentia, aut præventio, non præjudicat aliis quibus non potest ascribi negligentia. *l. edito. §. cum autem. ff. de jure fisci. Angel. de Perusio. in l. pupillus. ff. de his qua in fraudem creditorum.*

PORRO quòd præmatura &

nimum festinata fuerit illa Regleri præventio ac diligentia, quodque insolventia dicti institoris tempore cessionis, de qua agitur, Reglero & illius dominis Lixhalsiis nota fuerit, ipse Reglerus artic. xi. advertisamenti sui, & plerisque aliis satis cõfiteretur, & apertè comprobatur ex his quæ præcesserunt cessionem, nempe querelis Lixhalsiorum Auguste factis de intellecta insolventia dicti institoris, non ex vano & incerto rumore, sed re explorata & penitus deprehensa ex intellecta damnosa fidejussione, quam pro quodam Erzbachio subierat, *ut constat ex testimoniis Augustæ receptis.* Rursus ex illo, quod Lixhalsij cum suis hac occasione conturbati statim ex Bavaria & Monachio non per ordinarias diætas, quas mercatores facere solent, sed celerrimo cursu postantes per Augustam Antverpiam perrexerunt, ac posteaquam illuc pervenissent, illicò intempestivo tempore ac de nocte, *Bart. in l. post contractum. ff. de donat. Ang. in l. omnes. §. Lucius. ff. de his qua in fraudem credit. l. fin. ff. de ritu nupt.* irrumpentes in domum Limhaurij, incontinente non tantum propria ejus bona, seu nomina, sed etiam aliena, quantitatem debiti sui longè excedentia, clam & secretò abstulerint: quod evidentissimam scientiæ, fraudis ac præmaturæ festinationis præsumptionem facit. Nam non est consuetudo mercatorum sic obruere debitores non suspectos, sed civi-



civiliter eos interpellare ac longiores dilationes indulgere. *l. promissor. ff. de const. pecu. Castr. in l. procuratoris. §. si plures. ff. de tribut. Iason ad l. singularia. ff. si cert. petat. Immola in l. si cum dor. ff. solut. matr.* Et præterea ipsa illa bonorum omnium vel pretiosiorum à debitore ablatio, eodem tempore facta, magnū præstat doli & fraudis argumentum, *l. omnes. §. Lucius. & ibi Angel. Perusius. ff. de his que in fraud. cred.* maximè quando insolventia debitoris paucis diebus pòst detegitur, ut accidit in proposito. Nam ex vicinitate temporis fraus & præordinatio præsumitur. *l. si ventri, in fin. ff. de privileg. cred. c. officij. juncta gloss. in verb. incontinenti, de elect. Cyn. Bald. & Salyc. in l. si quis post hac. C. de bonis damnat. Bart. & alij in d. l. post contractum.*

Cum igitur in proposito ultra dictam confessionē Lixhalsiorum tot urgentissimæ fraudis atque scientiæ conjecturæ concurrant, nihil ambigendum videtur, quin Lixhalsij participes fraudis dicti institoris fuisse, ac insolventiæ ejus notam habuisse censei debeant.

Quinimò non solum nota ipsis videtur insolventia dicti institoris, sed etiam studiosè & fraudulenter per illos occultata, ut tantò commodiùs alios prævenientes sibi prospicerent. quod est detestabilis, quàm si publicè de illa insolventia constitisset.

His postremò & illud addi potest, quod nec sponte cautio illa

à Limhaurio data, sed per vim & metum ab eo extorta videatur, ob quòd non solum cessio vitiosa judicanda est, sed eo amplius Lixhalsij recidisse videntur in pœnas Constitutionum editarum, adversus eos qui propria auctoritate & per vim aut metum à debitoribus solutionem excutiunt. *l. extat. ff. de eo quod metus causa. l. si quis in tantam. C. unde vi.* Vis autem seu metus hoc casu probatur ex propria Limhaurij testificatione, & præterea satis colligitur ex personarum qualitate, ordine & sequela rei gestæ. Nam omnia hæc simul collata in actu, de nocte & secretè gesto, per acerbos & exasperatos creditores cum debitore, novitate rei & casuum acerbitate percussò, sufficientem violentiæ & metus probationem inducere videntur: & ad minimum hoc operantur, ne hæc datio in solutum planè spontanea voluntate Limhaurij facta videatur, quod hoc casu sufficit. *d. l. pupillus.*

TRANSGREDIENDO nunc ad tertium articulum paucis dicendum videtur, quòd tamen cessio translatioque illa cautionis ex rationibus prædictis non corrueret, quòd ita; nihilominus tamen inutilis foret ea cautio Lixhalsijs, aut Reglero eorum procuratori ad exactionem pecuniæ, seu mutui, de quo agitur, propter renovationem quæ inter dominum Furtenbachium & Imhovios facta fuit Aprilis 15. antequàm in sequenti Majo die 16. cautio illa Reglero



daretur in solutum; quæ prorogatio seu renovatio hoc casu veram novationem induxit; per quam prima promissio, in dicta cautione comprehensa, fuit extincta. *l. fin. C. de novat. l. pacta novissima. C. de pactis.* Nam in illa prorogatione non simpliciter termini reddendæ pecuniæ facta est extensio, & tempus prorogatum, *l. sed etsi manente. ff. de precatio.* sed eo amplius usuræ prioris obligationis in sortē principalem sunt redactæ, & deinde summæ totius ac amplioris, quàm prior erat, nova promissio facta est, ita ut non possit prioris obligationis continuatio videri, sed novum omnino mutuum, intellectu juris super tota summa brevi manu exacta, & rursus credita, *l. singularia. ff. si cert. per. contractum,* in quo de novo omnia substantialia & totalis forma & essentia mutui includitur, *d. l. singular.* Nam aliter decursi interusurij interesse non deberetur, *l. Improbum senus. C. ex quib. caus. in sa. irrog.* nisi per anatocismū (qui veram novationem includit *Cic. lib. 6. ad Attic. epist. 1. 3. & 4. & lib. 5. epist. in fine.*) & ex consuetudine mercatorum toleratur, fieret totius sortis renovatio, *l. fin. C. de usuru. Carol. Moli. in tractatu usur. nu. 44.* & à priore contractu recedatur; ita ut amplius non à veteri, sed ex novo mutuo obligatio cōsistat, & interesse debeatur veteri penitus extincto & resolutō, etiamsi contrahentes de novatione facienda expressè non egerint. Nam

tacitè hoc inesse intelligitur propter consuetudinem mercatorum, & tacitam partium voluntatem, quæ ad inducendam novationem sufficit: quando enim constat ex certis vel probabilibus conjecturis, quòd partes velint facere novationem, etiam hodie fit novatio, licet hoc expressè non dicatur. *gl. ff. not. quam communiter dd. sequuntur. C. de novat. Alex. conf. xliii. vol. 1. & conf. clxxiii. in vii. volum.* Et quod ad propositum negotium attinet, manifestum est per illam renovationem priorem obligationem fuisse novatam ex propria Imhoviorum positione & confessione, in *xi. artic. declarationis ac presentationis facta in Septemb. anno lvi.* qua palam confitentur Lixhalsios in vim prioris cautionis mutuum exigere non potuisse propter novationem præcedentem cum domino Furtenbachio conclusam, per quam prior obligatio etiam pendente termino priore effectualiter resoluta fuit. Ita quòd adveniente termino virtute prioris obligationis nec debitum in antiquiore cautione comprehensum exigi, nec nova renovationis cautio, quæ Furtenbachio promissa erat, peti potuerit. Nam illa non ex veteri obligatione seu cautione, sed ex nova conventionē renovationis debebatur, ex qua jus Furtenbachio quæsitum postea debitorum pactione aut cautione Lixhalsis data auferri non potuit. *l. debitor. C. de pact.*

Ex quibus omnibus cum constet cautionem illam ex reali numeratione domino Furtenbachio ab initio quesitam, non nisi alieno jure ex causa mandati, seu in qualitate institoris apud Limhaurium fuisse; manifestum est quod Limhaurius dationem illam Reglero in solutum proprii debiti transferre non potuerit, præsertim attento quod Reglerus sciens conditionem & qualitatem Limhaurij, cautionem illam contra juris dispositionem ab institore in solutionem proprii debiti acceperit, ac de dolo & fraude Limhaurij participaverit: id quod consuetudo mercatorum, de qua superius dictum est, nullatenus fovere aut sustinere potest. Nam consuetudo non debet ad periculosum & illicitum casum trahi, & debent futura mala, quæ ex tali consuetudine multipliciter profluerent, præcaveri. Quibus est proximum quod præter supradicta vigore novationis, quæ dictam dationem in solutum præcesserat, jus domini Furtenbachij in solido collocatum sit; ita ut in quamcunque partem respicias, causa domini Furtenbachij & justior & potior videatur. Er ita nos subscripti interrogati de jure respondendum, consulendum & judicandum arbitramur, Salvo meliori judicio aliorum perspicacius & rectius judicantium.

## CONSILIUM XIV.

## SUMMARIUM.

1. Tutorum & Curatorum bona obligantur, & hypothecis subjiciuntur pro indemnitate pupillorum & adultorum.
2. Pignoris jus non convellitur ex sententia per alium prius obtenta.
3. In pignoribus prioritas temporis locum habet.
4. Pignorum aut hypothecarum conditio inconcussa manet, etiam si alius prius sententiam obtinuerit.
5. Tutela actio id solum concernit quod tutela durante male gestum est.
6. L. pro officio, C. de administ. tur. declarata.
7. Interdictio alienationis debitori facta, impedit dominii translationem.
8. Sociorum causa par est, ita ut unus alterum prevenire non possit.
9. Citatio generalis per edictum non præjudicat ei qui certus erat adversarius: & multa de vi & potestate generalis citationis seu proclamationis.

**T**OTA controversia, quæ coram, amplissimo Brabantix Senatu inter Jacobum de Cordes supplicantem & actorem ex una; & Balthasarem de Cordes atque litis consortes citatos, partibus, ex altera; vertitur super potiore jure hypothecæ, quod utraque pars se habere contendit in pecunia & distractione quorundam bonorum

bonorum Caroli de Cordes redacta, & in aliis bonis ejusdem Caroli nondum distractis, potest commodissimè sequentibus tribus capitibus explicari.

**PRIMò**, an præfatus Jacobus in pecunia, & bonis prædictis, Balthasari & litis consortibus jure pignoris præferendus sit?

**DEINDE**, an, si prælatio cesset, saltem cum illis concurrere debeat?

**TERTIò**, an jus prælationis vel concurrentiæ taciturnitate sua amiserit, eo quòd tempore non intercesserit: & si amiserit, an in integrum restitui debeat?

**Q**UOD ad primi articuli resolutionem pertinet, magnæ & justæ causæ occurrunt, ex quibus jus prælationis in supplicante solidè confirmari videtur. In primis enim adest in promptu jus tacitæ hypothecæ, cui bona quondam Thomæ de Cordes, (cui Carolus filius successit) fuerunt obnoxia, ratione tutelæ seu curæ, quam Thomas de persona & bonis supplicantis gessit eo tempore, quo debitum, pro cuius securitate & conservatione supplicans sollicitus est, & venditioni bonorum Caroli intercessit, originem habuit; ita ut ex administratione tutelæ vel curæ contractum sit. Notissimi autem juris est pro indemnitate pupillorum & adulatorum omnia bona Tutorum & Curatorum ex legis provisione obligari, & tacitæ hypothecæ subjici: *l. pro*

*officio. C. de administ. tutor. l. 1. properandum. §. ult. C. de jud. vigore* ejus hoc jus prælationis supplicanti in bonis Caroli saluum esse debet. Nam quod in dubium revocatur, *Raphael Cu. conf. 221. queritur an bona hæredis tutoris. Iason in d. §. ult. num. 5.* an etiam propria bona hæredum, qui Tutoribus vel Curatoribus successerunt pro conservandis pupillorum & adolescentum rebus tacito pignoris nexu afficiantur, hic locum non habet, propterea quòd hæc bona quondam Thomæ fuerunt, & ab ipso ad Carolum pervenerunt, nec idèò jus hoc prælationis supplicanti, in bonis Caroli competens, videri potest concussum, aut aliqua ex parte immixtum; quòd citari prius sententiam & condemnationem adversus Carolum obtinuerint. Nam licet in actionibus de peculio & in rem verso, aut ex noxali causa melior sit conditio prævenientis, & prius ad sententiam pervenientis: *l. si verd. & ibi gl. 1. de peculio l. privilegia. ff. de privileg. credit.* in hypothecis tamen & pignoribus is præferatur, cui bona prius fuerunt obligata, etiamsi alius prius ad sententiam pervenerit & condemnationem obtinuerit; ita ut etiam legatarius, qui decreto prætoris in fundi possessionem hæreditarij, fideicommissi conditionalis servandi gratia prius inductus est, potior sit creditore qui in causam iudicati ejusdem fundi pignus occupavit, *l. 2. C. qui potior. in pig. l. si postquam.*

quam. C. ut in poss. leg. Nam privilegia hæc sunt realia, quæ ex tempore potiora judicantur, l. qui secundum & tot. titul. C. qui potior. in pig. Cum de pignore (inquit Imperator Antoninus) utraque pars contendit; praevalet jure, qui praevenit tempore: l. 1. C. qui potior. in pig. quoniam ex pignoribus & hypothecæ constitutione jus reale priori creditori acquiritur, quod sequenti contractu aut sententia auferri non potest. Freder. de Senis. cons. 65. Id quod etiam in fisco & muliere procedere, eleganti Imperatoris Antonini responsio constitutum est, l. 2. C. de privil. fisci. in hæc verba: *Quamvis ex causa dotis vir quondam tuus tibi sit condemnatus; tamen si, priusquam res ejus tibi obligarentur, cum fisco contraxit: jus fisci causam tuam praevenit. Quod si post bonorum ejus obligationem rationibus meis cepit esse obligatus, in ejus bona cessat privilegium fisci.* Per quæ manifestè significatur in ordine hypothecarum & prælatione creditorum constituenda, non considerari quis prior ad sententiam pervenerit, sed cui bona creditorum prius fuerint obligata. Nec quicquam ad rem facit statutum Antverpiense quod prætenditur, quia tale statutum solum de chirographariis creditoribus & personalibus actionibus loquitur, non de hypothecis & pignoribus, & eo minus suffragari potest citatis, quòd prius ad sententiam pervenerint, quia scilicet contra susceptam fidem & promissam diligen-

tiam & operam (uti & ex epistolis illius ad supplicantem missis constat) suam causam acceleraverit intermissa prosecutione causæ supplicantis; ita quòd culpa seu fraus hoc casu Balthasari ascribi possit: & proinde nulla est ratio quare in quæstione proposita supplicans propter sententiam prius à citatis obtentam à beneficio prælationis & jure antiquioris hypothecæ secludi debeat, præsertim si dilui & enervari possit ea citatorum allegatio, qua prætendunt se fuisse in tutela præfati quondam Thomæ de Cordes: idque priusquam tutela seu cura supplicantis ad præfatum Thomam pervenerit, unde antiquior tacita hypotheca in bonis, de quibus agitur, citatis competere videtur, vigore cujus etiam cessante prioritare sententiæ supplicanti præferrentur.

Et breviter omissa prolixitate, quæ parum est utilis & multum tardiosa, non erit difficilis hujus objectionis confutatio, si attenderimus non satis sufficienter de illa tutelæ vel curæ administratione, quam citati allegant, constare. Nam quæ ad suscipiendam administrationem tutelæ necessaria sunt, & à jure præscripta, not. in l. legitimus. de leg. tut. l. tutor qui reperiatur. de administr. tut. & l. tutores. C. eo. legitime intervenisse non probantur. Licet enim confectio inventarii à testatore remissa proponatur, quemadmodum & remitti potest: l. ult. §. ult. C. arb. tut. Ideò

Z

tamen

ramen reliqua, quæ etiam requiruntur, remissa videri nullo modo debent; quia remissio unius requisiti ad aliquem actum non extendit suas vires ad alia, quæ ad eundem actum etiam necessaria sunt, & adhiberi debent. Nec proferunt citati aliquod documentum, quo probare nitantur Thomam tutelam administrasse, præterquam instrumentum quoddam procurationis, quod ipsis, si quæ inde consequuntur, bene considerentur, potius adversatur. Nam ut maximè argumentum aliquod tutelæ per Thomam administratæ ex eo instrumento desumi posset, certè id majoris momenti non esset, quàm quòd indicaret Thomam cum suis mandasse tutelam vel curam gerendam Philibertæ de la Croix matri citatorum, Ludovico Peccaert, uni inter citatos, & Jacobo Prilleux: unde non nisi ratione administrationis per alios gestæ obligatus fuisset, *l. ita autem. §. gessisse. de administrat. tut.* quod ipse vicissim mandati actione sibi obstrictos habuisset. *l. si procuratorem. §. si tutores. mandati.* Ex quibus cum aliqui sint inter citatos, non potuissent quondam Thomam propter huiusmodi administrationem impetere, quam ipsimet mandato Thomæ executi sunt, quin per exceptionem ex vulgata regula, Cui datur actio, eidem exceptio multo magis competit, *l. 1. ff. de superfi. l. invitus. §. 1. de reg. jur.* repulsi fuissent, si rectè defensus & non per

contumaciam condemnatus fuisset Carolus, de cuius bonis exequendis hic agitur.

DEINDE etiam si Thomas aliquam administrationem tutelæ ratione habuisset, id tamen ad inducendam tacitam hypothecam satis non fuisset, nisi illius administrationis causa debitum contractum fuisset probatum esset. Nam, ut ait Constantinus; *d. l. pro officio.* Pro officio Administratoris vel Curatoris bona pignoris titulo obligantur, si debitores existant ratione scilicet officij sui, & administrationis. *Accur. ibi ingl. 1. & in l. dabimusq. §. ei. de privil. cred.* Tutela autem (ut in Replica supplicantis deductum est, & ex inspectione rationum & aliunde constare poterit) finita fuit antequam contraheretur debitum, cuius executio à citatis urgetur. Quod & inde satis confirmari videtur, quòd pro tempore ante annū 1534: elapsū à Thoma vel hærede ejus citatis aliquod debitum fuisse non probetur, & quòd ante annum 34. soror Balthasaris citati fuerit in matrimonio, & præterea quòd ipse Balthasar & Ludovicus Peccaert maritus dictæ sororis semper, præsertim eo tempore, quo debitum citatorum fuit contractum, proprio nomine absque ullius tutoris vel curatoris auctoritate societates contraxerint, rationes fecerint, audierint & concluderint, ac cum quibuslibet tanquam majores verisati & negotiati fuerint, & per actus

actus publicos sese tales declararunt: *l. unica. C. qui & adver. quos in integr. resti. non possit.* Ita ut nulla consideratione ad rationem tutelæ referri possit, quod (ut constat ex rationibus manu Balthasaris conscriptis) ab ipsis citatis sui juris effectis & in ea qualitate gestum & contractum invenitur. Id enim solum in tutelam venit, & beneficiū tacitæ hypothecæ habet, quod constante tutela à tutore malè est gestum aut omissum. Nec enim extenditur hypotheca, quæ minoribus competit in bonis Tutorum vel Curatorum, ad ea quæ finita tutela pro arbitrio adolescentum per ipsos proprio nomine de novo sunt contracta; cuiusmodi est debitum citatorum, de quo agitur: ideoque prærogativa tacitæ hypothecæ juvari non debent.

Id quod proclivius est dicendum, quod etiamsi tutela tempore contracti debiti non expirasset, aut post finitam tutelam & curam citatorum Thomas gessisset, adhuc jus prælationis supplicanti salvum esset, propter antiquiorem debiti causam quam habet. Nam quamvis tutela citatorum (si qua fuisset) inchoata fuit, antequam pater supplicantis decederet; tamen apertum est Thomam supplicanti prius fuisse obligatum, quam citatis, ob quod supplicans videtur præferendus. Nam obligatio & hypotheca, quæ in Tutoris vel Curatoris ex juris provisione inducitur, initium accipit secundum

Accursium, *gloss. in d. l. pro officio. & in d. l. dabimusq.* primùm à tempore malæ gestionis. Quod tamen si in vero Tutore vel Curatore, à quo tutela & cura legitimè suscepta est, dubitationem habere videatur, propter opinionem eorum, qui ab ipso principio susceptæ administrationis hypothecam induci existimant; in eo tamen, qui vel verè Tutor non fuit, vel eam legitimè non suscepit, rectè procedere videtur: utpotè qui magis pro Tutore vel Curatore gessit, ac non tam ex tutela suscepta quàm propter factum administrationis obligatur utili tutelæ vel negotiorum gestorum actione: *gl. ult. in d. l. pro officio.* nam qui ab initio suscepit tutelam vel curam tacitam hypothecam in bonis Tutoris vel Curatoris constitui arbitrantur, multùm torquentur, ut ostendant hypothecam hanc, vel accessoriam, non præcedere obligationem personalem, ne in communes juris regulas peccare videantur, *l. grege. §. si sub conditione de pigno. l. qui potior. in pig. ha. l. cum principalis. de regul. jur.* Et post varias opiniones, tandem in hoc consistunt, ut dicant Tutorem inter cetera, quæ antequam administrationem aggrediatur præstare debet, promittere rem pupilli salvam fore, & utilia facere & inutilia prætermittere: huic autem obligationi, tanquam principali, hypothecam accedere: ita ut obligationem hanc personalem non præcedat, tamen si eam præcedat,

quæ ex quæstione postea ratione doli vel culpæ nascitur. *latè Salic. in d. l. pro officio.* Cùm igitur non constet talem aliquam promissionem ab initio à Thoma factam esse, & sic defuerit ab initio fundamentum, cui hypotheca inniteretur, sequitur eam à principio inductam non fuisse.

Hic accedit, quòd ex eo quoque capite hypotheca illa, quam citati prætendunt, ad impediendam prælationem supplicantis ponderari, aut considerari nõ debeat, quòd videlicet per subsequentes rationes, postea in majori ætate per Opponentem factas, ex quibus condemnationem obtinuit præcedens hypotheca, quatenus cõstitisset, fuerit sublata; cùm per posteriorem actum calculationis & saldi, novatio prioris debiti inducta est, seu à priore recessum: *l. fin. C. de novatio. l. si unus. §. pact. ff. de pactis. l. si plurib. de leg. primo. l. 2. C. de exceptio. rei judic.* Ita quòd nunc non conveniat respicere ad originem debiti, sed ad ipsam saldi (ut vocant) obligationem, *arg. l. 3. §. idem scribens. ff. de pecul.* quæ per se sufficiens est ad actionem præducendam. *Salic. in l. unica. C. de confess.*

Sed non est quod diutius hæreamus in impugnanda hac tacita hypotheca, quam citati se habere prætendunt in bonis quondam Thomæ, ratione administrationis tutelæ vel curæ; cùm etiamsi aliquam habuisset diu ante ipsum supplicantem, & nondum illa

sublata fuisset, sed adhuc incolumis subsisteret; tamen illius nulla consideratio haberi deberet in præsentis conflictu, propterea quòd citati solliciti sunt de executione sententiæ, quam non iudicio tutelæ, sed societatis obtinuerunt. Certum verò est neque ratione societatis, quam Thomas, tanquam præcipuus gubernator & arbiter administravit, ipsis competere aliquam tacitam hypothecam, neque sententiam, quæ stricti juris est, *l. 1. & 2. C. si plur. una sentent. condem. fuerint.* latam in societatis iudicio posse executioni mandari, perinde atque si iudicio tutelæ lata fuisset: ita ut privilegia realia, quæ personali tutelæ actioni attributa sunt, trahantur ad actionem pro socio. Cùm enim hæc tacita hypotheca, in bonis Tutoris vel Curatoris concessa, solum respiciat administrationem tutelæ vel curæ, *d. l. pro offic. in primis verb. & ibi gl. 1. ad conservanda ea quæ tutelæ vel utili negotiorum gestorum actione petuntur*, ita ut ad administrationes in alia qualitate gestas, & quarum rationes aliis mediis exiguntur, nõ pertineat; absurdum esset vigore sententiæ latæ super administratione non tutelæ vel curæ, sed societatis, occupare privilegia quæ propter administrationem tutelæ vel curæ pupillis vel adultis in Tutorum & Curatorum bonis legis provisione sunt attributa: maximè in executione sententiæ, quæ, uti diximus, planè stricti juris est, *d. legib.*



*d. legib. 1. & 2.* & in ea forma, qua lata est, executioni mandari debet. Unde evidens evadit supplicante, de cujus solido & firmo hypothecæ jure propter administratam à Thoma tutelam non dubitatur, & cui Carolus tum tutelæ, tum pro pro socio judicio condemnatus est, citatis præferri omnino debere in pecunia ex quorundam bonorum distractione, quæ Caroli fuerunt, redacta, & in bonis ejusdem nondum distractis, non obstante quòd citati etiam prætendant se tutelæ judicio egisse; tum quia de hoc non constat, tum quia quacunq; tandem actione egerint, certè non nisi societatis judicio ipsis Carolus est condemnatus, uti tenor omnium sententiarum, quæ inter ipsos & Carolum latæ sunt, manifestè indicat, vel societatis, vel sociorum, vel rerum in societate repertarum, vel denique aliorum, quæ non nisi ad societatis judicium referri possunt, expressè & disertis verbis meminerunt; ita ut societatis judicium non excedant, nec quicquam ei addant, quod ad tutelæ vel curæ administrationem spectet, sed e contra sententia pro supplicante lata, pleno ore jubet reddere rationes tum societatis, tum tutelæ, his verbis: **Condemnerende boozts den boozsz ge- daechden den selven Impe- trant te doen rekeninghe / be- wijs ende reliqua van alsule- ken Societeit / als tusschen den boozsz Thomas de Cozdes**

**ende des boozsz Impetrants** **Wadere ende andere ghesellen booz-tijden is ghecontraheert gheweest / ende boozts van als- len alsuleken handel ende ad- ministratie als de selve wijlen Thomas de Cozdes vanden goeden des boozsz. Impe- trants heeft gehad.** Ejusmodi sanè verba, vel similia addituri erant judices sententiis latis pro citatis, si tutelæ judicio egissent, aut Carolus illis tutelæ judicio condemnatus fuisset, maximè at- tento quod prædia & alia bona extra societatem habuerint.

RURUS ad majorem confir- mationem prædictorum conside- randum est intentionem suppli- cantis & jus prælationis; cui inni- titur, non solum fundari in tacita illa hypotheca ratione curæ con- tracta, sed etiam in expressa inter- dictione condemnato debitori facta ult. *Octobr. 1543. signata per lite- ram s. de non alienandis bonis in præjudicium litis seu causæ, quæ est supplicanti cum præfaro Caro- lo; quæ quidem alienationis* 7 *prohibitio per judicem facta ex causa rationali, puta causæ pen- dentis ac dissipationis, eam vim & potestatem habet, ut per se sola impediatur dominii translationem, ac res ipsas afficiat, Bald. in l. fin. C. de pact. inter empt. & vend. l. as. in l. si- liusamil. §. divi. num. 66. prima lect. de leg. 1. text. in l. de pollicitationibus. in fin. de pollicit. quem Bald. reputat singul. in l. per diversas, in 9. quæst. C. mandati.*

Z 3 quemad-

quemadmodum ipsemet Balthazar datus ad supplican-tem literis 15. Julii anno 1545. apertè asserit, signatis per literam R. Ita quod vigore dicti præcepti ac prohibitionis judicialis causa supplicantis potior censi debet, etiam si jus tacitæ hypothecæ penitus cessaret. Neque admittendum est quòd à citatis prætenditur, præceptum illud fuisse personale, ac duntaxat respectu litis tunc pendentis interpositum, sic ut ad redditionem rationum, quæ restat, non extendatur. Nam manifesti juris est ex hujusmodi interdictione etiam res ipsas affici, ac censi quandam ipsarum rerum pignorationem, *l. post Bald. & Bart. & alios in locis præcitatis. Guido Papa decisio 340. arg. l. non mirum. ff. de pig. act. & l. si ita fuerit. ff. de manumiss. testam.* cujus vinculo res manet constricta, ad quemcunque transeat, quamdiu durat causa ob quam facta est interdictio. Quam causam interdictionis in præsentì quæstione adhuc durare ex natura judicii rescindentis ac rescissorii manifestum est. Nam cum interdictio illa facta fuerit respectu restitutionis in integrum, ut rescissa transactione seu concordia super calculi redditione interposita liceret ex integro rationem & reliqua exigere; dubium non est, interdictionem illam etiam ad redditionem rationum extendi: *l. qui proprio. §. item quaritur, & ibi Bart. & alij, de proc.* maxime cum una eademque sen-

rentia 16. Julii anno 1558. lata de in integrum restitutione & rationum redditione pronunciatum sit, qua scilicet supplicans in integrum restitutus est, & Carolus condemnatus illi rationes & reliqua reddere.

**DENIQUE** non est prætermittendum, quod etiam cessantibus prædictis omnibus, & præsupposito quod utrique litigatori nullum jus reale, sed tantum actio personalis comperat, adhuc citatis supplicans erit præferendus, propterea quòd litem prius & ante citatos contra Carolum fuerit contestatus. Nam hoc casu in conservanda prælatione attendimus uter prius litem fuerit contestatus. *l. ex dubio. 2. ff. de duob. reis.*

**DEINDE** quod ad secundum articulum attinet, præsupposito jus collationis non competere cessante scilicet tutelæ judicio & privilegio, cujus contrarium superius deductum est; adhuc tamen in omnem eventum via concurrentiæ supplicanti aperta erit ex eo quod, uti ipsemet Reus asserit, *in §. artic. sua responsionis, & in quadam obligatione manu Balthasari subscripta ult. Septemb. 1555. sig. per l.* debitum utriusque partis supplicantis & citatorum eo casu proflueret ex eadem societate. Nam hoc specialiter est constitutum inter socios seu eos qui fuerunt socij, quod dum agunt contractus occasione, vel propter reliquias prioris societatis, nõ sit melior conditio occu-

pantis.

**S** pantis. *l. verum est. §. si cum. l. actione. ff. pro soc.* Nam, ut pulchrè inquit Jurisconsultus: *Si cum tres socij essent, egerit cum uno ex sociis socius, & partem suam integram sit consecutus, deinde alius socius cum eodem agat, & partem integram consequi non potuerit, cum eo agere potest, qui solidum est consecutus ad communicandas partes inter eos, hoc est, ex æquandas, quasi iniquum sit ex eadem societate alium plus, alium minus consequi.* Quem casum Bald. in d. §. si cum tres. scribit esse notabilem & quotidianum pro mercatoribus.

Ex quibus omnibus manifestū est, supplicantem jure & rectè potuisse intercedere pignorationi & venditioni prædictorū bonorum, pro conservando jure hypothecæ ac prælationis seu concurrentiæ modo superius relato.

Nec potest (ut quod tertio loco propositum est attingamus) hoc jus sive prælationis sive concurrentiæ in hypotheca videri amissum, propterea quòd supplicans ab initio & antequam bona supplicantis hæc subjicerentur, ad proclamationes seu citationem aut cridas (ut vocant) se non opposuerit. Nam hujusmodi proclamatio, quæ in genere facta est, ut hi, qui juris aliquid prætendunt, in bonis vendendis illud profiteantur & declarant, non potest supplicanti aliquod afferre præjudicium, quasi programme vel proclamatione admonitus jus suum executus non esset; est enim facta in vim citationis: sed generalia

edicta, proclamationes & programmata tunc demum vim citationis habent, quando personæ incertæ sunt, quæ jus prætendunt; ita ut is, qui ejusmodi generalia edicta procurat, ignoret quæ personæ citari deberent: secus verò quando personæ certæ sunt, nec ignorantur ab eo, ad cujus instantiam edicta generalia proponuntur: *Auth. si omnes. & ibi Castr. C. si minor. ab hered. dd. in l. diffamari. C. de inge. manu. Imola. Pan. & Praposit. in c. ult. Qui matri. accus. possunt.* quia citatio non debet esse generalis per edicta, sed specialis. *Cl. 1. & quod ibi not. de jud.* Unde supplicans nominatim & specialiter hoc calu citari debebat, utpotè ejus jus & hypothecam citati non ignorarunt. *Bald. in l. si curatoris. & ibi Ang. C. de jure deliber.* quod non solum præsumitur ex conjunctione personarum, sed clarius est quàm ut præsumptionibus aut conjecturis aliquibus opus sit. Nam præterquam quod confessi sunt *lucris signatis per R. & 1. artic. sue responsio.* Thomam patrem Caroli Curatorem fuisse supplicantis, ipse quoque Balthasar adversus eundem Carolum debitorem causam supplicatis prosecutus est, ac suscepto in se patrocinio eam operam & diligentiam, quam rebus propriis præstaret, se exhibiturum promisit, *in obligatione signata per T.* ut supplicans debitum consequeretur, quod ex administratione tutelæ aut curæ conflatum ille sciebat: atque id non

non solum antequam sententia lata esset pro supplicante adversus dictum Carolum, sed etiam postea ipsum supplicantem instruendo in causa liquidationis, & negotij accelerationem in hoc amplissimo Senatu nomine supplicantis sollicitando, uti hæc omnia cum aliunde, tum ex diversis literis, aliis scripturis propria manu Balthasaris scriptis & signatis liquidò constant: quæ manifestè convincunt ipsum de jure supplicantis ignarum non fuisse, sed instructissimum, & propter susceptam prosecutionem in ea conditione, ut si quid in hac re ex parte supplicantis omissum esset, id à Balthasare resarciri & præstari deberet, propter non adimpletum officium susceptum, etiamsi illud ab initio ignorasset.

**P**RÆTEREA ut donemus generalem proclamationē aut programma vim habuisse in persona supplicantis, (quam non habuit) adhuc tamen tempestivè supplicans intercessionem & oppositionem fecisse intelligitur, qui venditioni, antequam perficeretur, contradixit. Nam vocati per generale præconium non excluduntur ab oppositione ante venditionem perfectam, & decreti adjudicatione confirmatam: *l. si eo tempore. in verb. distrahebatur. & ibi ponderat Bald. C. de remiss. pignor.* donec enim pignora addicta sunt, salva manet intercedendi facultas, propterea quòd quis temerè atque præproperè jure suo nō sit defraudandus.

*§. 1. de usucapio. §. contra autem. Quibus aliena. licet. Instit.* Quæ ratio tanti ponderis fuit apud Justinianum, ut ea sola inductus multa ex jure antiquo innovaverit. *l. unica. & ibi not. C. de usucap. transfor.* Et quidem nonnulla in hac ipsa pignorum alienatione & additione *l. ult. C. jur. do. impetr. eadem Curia Pariensi* tantam æquitatem in se continere visa est, ut aliquando die scilicet decimo octavo Februarii 1492. Senatusconsulto constituerit non modò intercedendi, sed etiam pluris licitandi facultatē tantisper patere, quoad sigillo munita esset decreti scriptura, quemadmodum in suis Institutionibus forensibus commemorat Johannes Imbertus *Lib. 1.* ubi etiam post sententiam de hypothecario ordine privilegioque pronunciatam admittit intercessionem, modò adhuc pignora à judice addicta non sint. Quod sanè mirum videri non debet, cum demum per additionem & decreti confirmationem, non verò præcedentes auctiones perficiatur venditio; ita ut meritò adhuc intercessio tanquam re integra admitti debeat, *Bald. in d. l. si eo tempore.* etiamsi terminus ad intercedendum à judice præstitutus effluisset, quemadmodum diffamans, cui terminus ad agendum simpliciter à judice est præfixus, adhuc post terminum elapsum, re integra in jure suo auditur, cum non sit jure suo privatus, nisi post silentii impositionem, uti communiter concludere

concludere Doctores tradit Hieronymus Cagnolus, in *l. diffamari. num. 16. C. de inq. manu*. Quemadmodum ad accusandum matrimonium quis admittitur post tempus in banno assignatum, etiam si in banno dictum esset, quod postea non audiretur, modo veniat antequam illud contractum fuerit: *Innoc. in d. l. ult. Qui matrimonium acc. possunt. imò & post terminum à lege vel statuto præscriptum, causa cognita, iudicium datur, l. quod si nolit. §. si quis ita. de adilit. edict.* Nam tempus seu terminus regulariter his casibus non apponitur pro forma actuum gerendorum, nec ad eorum limitationem, sed ad suspendendum tempus moræ & periculi, ut infra illas veluti inducias is, cui aliquid explicandum est, vacet mora & periculo, etiam si nulla interim per eum facta sit diligentia, ut pulchrè in simili scribit Carolus Molinæus, in *reg. Cancellaria, de publicandis resig. num. 16*. Satis est igitur, intercessionem hoc casu factam esse ante decreti adjudicationem, eaque videtur communis observantia, à qua non est recedendum: *l. si de interpretatione. ff. de legibus.* præsertim attento quòd hic agatur de pœna evitanda & jure suo non amittendo, quo casu in dubio mitior interpretatio est sumenda. *l. in pœnis. ff. de pœnis.* Præterea posito quòd venditio omninò perfectà fuerit, & quòd supplicans singulariter vocari non debuerit, tamen adhuc jus suum amisisse videri non

potest, propterea quòd generalis proclamatio demum illis præjudicet; qui non comparendo in culpa sunt. *Bald. in d. l. si eo tempore.* Nam quòd creditores, qui programme vel proclamatione admoniti jus suum executi non sunt, videantur obligationem pignoris amisisse, non nisi juris præsumptione adversus negligentem & scòrdes indubium est, eo quòd jus præsumit taciturnitate eos sua & negligentia juri hypothecæ renunciare; quod ut exequenter, programme vel præconis voce admoniti erant, *d. l. si eo tempore. in fine, & ibi not.* Quæ juris præsumptio in supplicante locum vindicare non potest; & si posset, facilè per jusjurandum elideretur, *d. c. ult. versic. nisi proprio. & ibi gloss. & in c. extraordinaria 35. q. 3.* Ideò autem in supplicante locum non vendicat, quia nulla culpa vel negligentia ipsi imputari potest, cur ab initio venditioni non obstiterit: sed si qua culpa vel negligentia in hoc commissà esset, ea omnis, ut dictum est, in ipsum Balthasarem redundat, cujus speciosis promissis & frequentibus pollicitationibus cõfusus supplicans; ignoravit se pignorum distractioni ad juris sui conservationem intercedere debere, quemadmodum iurejurando affirmare paratus est; qui iurisjurandi ratio in præsentì specie est multum probabilis: Cum enim ille promississet se jus supplicantis adversus Carolum de Cordes usq;

A a

ad

ad diffinitivam sententiam profecturum non minore fide & diligentia, quàm si propria res ageretur; & se obnixa sollicitudine curaturum, quæ eò pertinerent, atque ad eam rem operam suam obtulisset, ac sese seriò obligassèt: non mirum si supplicans securior factus animo liberiore aliis negotiis vacaverit, scrupulosiore cura circa hoc remissa, quod opera & diligentia patruelis sui omnia in tuto fore credebat: tantùm abest ut metueret ne quid ille in suum præjudicium moliretur, quem, præterquam quod patruelis est, etiam sincerum amicum existimabat. Quare improbè satis facit Balthasar, qui amicum & patruelem circumveniendo, studet eum à jure suo excludere, quod ipse adversus alios defendendum suscepit, & defendere deberet, si, uti virum bonū decet, promissis stare vellet; ita ut res à dolo non longè abesse videatur.

Ex his manifestum evadit supplicansem ipso jure nondum exclusum esse, aut si propter rigorem judiciorum sit exclusus, iustis de causis in integrum restitutionem adversus rigorem illi concedi debere, ne jus suum levi de causa amittat. Et eo magis hîc restitutio indulgeri debet, quòd res sit usitati exempli. Nam quotidie in hac Curia videmus concedi restitutiones in integrum adversus lapsa

tempora tum appellationis, tum reformationis. Quæ tamen cum sint à jure vel consuetudine præfinita, multò fortius excluduntur quàm quæ ab homine præfiniuntur, aut quàm expressa repudiatio. *Jacob. de Arena, quem refert & sequitur Bald. in d. l. diffamari.* Accedit insignis jactura, quam aliqui supplicans pateretur nullo suo merito, sed factò Balthasaris citati, qui ex sua fraude & prodita causa amici (quem etiam adversus alios tutari debebat) luculentum luctum reportaret. Etenim ob hanc magni præjudicii rationem, & quia in supplicante nullus est iudicis contemptus, nulla fraus, lartatio vel negligentia, quæ non causetur ex factò citatorum, iustius videtur restitutionem indulgeri ac supplicanti permitti, ut sua jura & debiti deductionem proponat, ac citatis secundum jam dicta vel præferatur, vel cum iis concurrat, & parem fortunam & conditionem experiat. Et ita in dubitabilioribus terminis inquit Jo. Mauricius, *de restitutione in integr.* 348. Nobilem quendam in Senatu Dolano adversus sententiam subhastationis latam ad jus suum pristinum, à quo persilientium exciderat, restitutum esse. Et hæc sub correctione clariss. doct. minorum Judicum.

## CONSILIUM XV.

## SUMMARIUM.

1. *Investitura posterior quando deroget priori.*
2. *Novatio non inducitur per conventionem aequalem & idem continen-tem quod primus contractus.*
3. *Qualibet dispositio sic accipienda est ne sit inutilis.*
4. *Conditio seu qualitas uni capitulo apposita, an referatur ad aliud.*

**I**N lite vertente indecisa coram constitutis secundum sacri Imperii Constitutionem feudali-  
bus Judicibus inter procuratorem illustrissimi Principis ac Domini Philippi Landtgravi Hesse agentis ex una, & nobiles ac strenuos dominos Georgium, Christophorum & cæteros cognominatos Volfios, de Guldenberch; omnis difficultas & dubitatio ex diversitate investiturarum exhibitarum nascitur. Nam cum in antiquioribus investituris factis super dimidia parte ditionis Iter usque ad annum 1459. Feria sexta ante Dominicam *Invocavit* inclusive, expressè reservata legatur facultas luendi vel redimendi, quæ in subsecuta deinde eodem anno 1459. Feria septima ante Dominicam *Invocavit*, investitura, & sequentibus conformibus, usque ad novissimam quam modernus Princeps dedit, omissa fuit; ambiguum eva-

dit, an posteriores investituræ simpliciter & absque reservatione redimendi factæ, prioribus, in quibus facultas redimendi reservata fuit, præjudicet & deroget; ita ut per posteriores concessionem redemptionis in prioribus concessa ac reservata, remissa & abrogata censi debeat. Quæ res tametsi subtilis videatur, nec modicam difficultatem contineat, ad eam copiosè tamen & diligenter in actis discussa invenitur, ut merito fatendum sit, resolutionem ac decisionem non videri obscuram, sed perspicuam, & claram: ideoque necessarium non videri iudicium aures & animos prolixè disputationis tædio onerare. Ut tamen desiderio Volfiorum, nos ad consulendum requirentium, in causa, quam juri justitiæque consentaneam putamus, possit satisfieri, breviter quædam subjiciemus, ex quibus sententia eorundem Volfiorum (sustinentium illustrissimo Domino Landtgravio redemptionem, quam ex prioribus investituris præterdit, non competere) confirmari & sustineri posse videtur.

Et in primis magnum & prævalidum fundamentum Volfiorum in eo videtur consistere, quod omnes posteriores literæ seu concessionem feudales, ab anno 1459. usque ad novissimam inclusive, simpliciter conceptæ, sint super feudo recto masculino, secundum jus & consuetudinem recti masculini



lini feudi obtinendo, absque ulla mentione, vel expressione facultatis luendi vel redimendi exceptæ, vel reservatæ. Nam cum hæ posteriores concessiones simpliciter factæ sint, nec explicitè vel implicitè quoad pacta & modificationes prioribus concessionibus insertas relatæ sint ad priores; conditio seu pactum reservatæ luitionis in prioribus literis expressum, in his non censetur repetitum; sed è diverso per posteriores concessionibus, priores remissa redemptione, illa sunt reformatæ ex rationibus sequentibus.

PRIMÒ, quia contractus feudalis est stricti juris, & strictè intelligendus, Bald: & Alvarotus in cap. 1. de cognit. seu. nec aliquid extrinsecum est subintelligendum, sed quicquid est omisum pro omisso habetur, l. quicquid adstringenda. & l. Si stipulatus. §. Chrysgonus. ff. de verb. obligat. Unde dicitur tenorem investituræ semper ad litteram servandum esse; ita quòd in eo nihil comprehendatur nisi quòd invenitur expressum. Bald. in d. c. 1. §. denique qua fuit 1. causa beneficii amittendi, per textum in cap. 1. de duob. fratrib. à capitaneo investitis, cum similib. latè cumulatè à Curtio seniore conf. 48. memoria recolenda. col. 7. vers. ad demonstr.

SECUNDÒ, posterior conventio pura derogat priori conditionali, & quoties aliquid additur vel detrahitur veteribus pactationibus, novum pactum efficitur; idque

servari debet quod nova pactatione firmatum est, l. cum in plures. §. lege dict. ff. locat. l. Valerian. ff. de prætoris stipulationib. l. pacta novissima. de pactis. Quemadmodum in simili, si quod alicui primò sub conditione relictum, deinde eidem relinquatur purè in eodem testamento, purum legatum est; & è contrario, l. nam ad ea. §. si prius. ff. de condit. & demonstr. Et rursus si alicui relicta cum onere fideicommissi, eidem deinde relinquuntur simpliciter, debentur absque onere fideicommissi, quia posterior scriptura attenditur, l. si tibi rem certam. ff. de adimendus legatus. Et hoc modo in feudi concessionibus per posteriores investituras, in quibus persona vel pactum, quod prius insertum fuit, omittitur, recedi à prioribus in præjudicium domini concedentis, & Vassalli accipientis feudum, clarè testatur Baldus, conf. 215. incip. Proponitur quòd investitura antiqua. col. 3. vers. sed questio est utrum per novas investituras. dum inquit, Detrahta seu omissa persona filii in novis investituris, recessum esse à natura & qualitate veterum investiturarum, quæ masculos & feminas comprehendebant: & in terminis hoc ipsum expressè decidit Paulus Castrensis, conf. 311. incip. Circa id quòd 1. quaritur, col. 2. vers. circa secundum, parte prima. cujus verba quoniam sunt singularia, in terminis ferè præsentem quæstionem decidentia, non videtur inconveniens hinc ascribere. Ita enim inquit, Circa secundum,

secundum, de quo quaeritur in 1. articulo, scilicet, si reservatio facta in ultima investitura, praëjudicat pactis appositis in primis, respondeo, quod si illa pacta fuerunt repetita in ultima investitura implicite vel explicitè, puta faciendo eam secundum tenorem primarum; clarum est, quod per praëdicta verba non videtur recessum à dictis pactis; si verò in dicta ultima investitura non fuerunt repetita dicta pacta explicitè vel implicite, tunc quantum in domino episcopo fuit (à quo in illo casu investitura feudi concedebatur) videtur per dicta verba voluisse recedere à prioribus pactis, & praëdictam investituram facere secundum naturam recti feudi. Quæ Castrensis determinatio cum generalis sit, & indistinctè in cujullibet pacti omissione, quod prioribus investituris insertum fuerat, obtinere possit; solidius & absque scrupulo locum habebit, & procedet in proposito, ubi posteriorum investiturarum tenor per omissionem redemptionis mutatus est, & ubi conditio seu reservatio redemptionis, per quam feudum prius conditionatum fuerat, in posterioribus investituris repetita, mutaret substantiam feudi recti masculini, & speciem contractus, convertendo feudum rectum, in conditionatum, quod esse non potest. Etenim communis & verissima est conclusio, quod per posteriorem conventionem super sub-

stantialibus factam, prior contractus reformetur, & ab eo recedatur, sive secunda conventio incontinenti fiat, sive ex intervallo, *l. pacta conventa, in fi. ff. de contrahend. emp. & ibi Bart. Bald. Salic. & communiter alij, Alex. Iason & alij in l. juris gentium. §. aded. ff. de pactis. dd. in l. singularia. ff. si cert. per.* Nam qui bis super eadem re contrahunt sub diversa qualitate & substantia, naturaliter intelliguntur priorem conventionem mutare velle, & à prima conventionem recedere, & secundam remanere, etiamsi hoc non exprimant. Nec facit in contrarium quod Jureconsultus loquens de hoc genere pacti, ait, *in d. §. aded.* per illud quodammodo renovari contractum: licet enim Jureconsultus utatur voculis improprietas significantes, nihilominus prima conventio corruit, quoniam illa improprietas usurpatio sit propter illasnovationes, quæ jure Digestorum variæ fuerunt, *secundum Bart. in l. qui usum fructum. ff. de verb. obligat.* Neque vera & propria novatio erat nisi exprimeretur; unaquæque tamen novatio sive propria esset, sive impropria, sive tacita, ejusdem effectus erat; scilicet ut à priori conventionem recederetur. *Ferdinandus Berengarius in elegantissimis suis commentar. ad d. l. pacta conventa. c. 3.*

Neque potest hîc opponi l. 2. fin. C. de novationib. (cui tamen procurator domini Landtgravii fortiter insistere videtur) nam licet

hodie non intelligatur novatio fieri per stipulationem seu conventionem æqualem, & idem continentem quod primus contractus, nisi hoc expresse agatur, *d. l. fina.* nihilominus tamen quoties super parte conventionis primæ fit mutatio, recedimus à specie dictæ l. finalis, & intelligitur priori conventioni derogatum, per posteriorem, si substantiam prioris contractus respiciat; ut in proposito, prior contractus reformatus seu renovatus censetur in præjudiciū ipsorum paciscentium seu denuo contrahentium, *Berengarius ubi supra.* & non aliorum. Nam, ut in terminis renovare investituræ feudalis, Baldus scribit, *d. conf. 215. parte 5.* nemini oportet jus suum detrahi: cui etiam adstipulatur Castrensis, dum scribit, *d. conf. 311. col. 2. parte 1.* dominum feudi solum sine voluntate vassalli nō posse per novam investituram mutare qualitatem & naturam feudi.

Et in proposito priores cōcessionēs per posteriores reformatas esse, concurrente potestate, & voluntate contrahentium, clarè ostendit origo, qualitas successiva & verisimilitudo rerum gestarum, qua apparet paulatim tempore Ludovici Landtgraviū, jus Volfiorum in dicta dimidia parte ditioris iter cōpisse augere & crescere. Nam quod à Landtgravio Hermanno oppignoratū tantūm possidebant, nulla dominiū specie in illos translata, id à Ludovico in

feudum eis fuit concessum, atq; ita ad illos transiit utile dominium; & cū lex oppignorationis & redemptionis hoc cōtineret, quod Volfii tenerentur redemptionis pecuniā in emptionem aliorum prædiorum in districtu Hassiæ convertere, eademque prædia sic comparata in feudam à Landtgraviis tenere, ut præcedentes investituræ ostendūt: postea tamen eadem lex remissa fuit, sic ut pro lubito de ea pecunia ex redemptione redacta Volfii possent disponere; deinde ab eodem Ludovico eisdem Volfiis, eorumque hæredibus facta est plena concessio, in rectum feudum masculinum, nullo alio excepto, nisi jure virili domini concedentis, & suorum successorum; ubi prius nō hoc tantūm jus, sed & jus luitionis diserte excipi consueverat, per ordinem una scilicet reservatione, seu exceptione alteram sequente: cui simplici concessioni absque reservatione luitionis omnes subsequentes investituræ usque ad novissimam (cui Volfii insistant) sunt conformes. Nec creditur quod post eam plenam ac puram cōcessionem in feudum Volfii ulla litteras reversionales dederint permixtæ facultatis luendi, quas tamē prius, uti creditur, dare consueverant. Ex quibus omnibus facile unusquisque considerare potest, in suo sensu, contrahentes per posteriores investituras à dicto pacto luitionis recessisse.

Id quod confirmatur ex eo, quoniam

3 quoniam verba investituræ à Ludovico Landtgravio data Feriæ 7. post Dominicam *Esto mihi*, novi juris concessione aperte significant: *ibi jam deinceps &c.* & alioqui concessio illa Feria 7 ab eodem Ludovico (à quo pridie alia investitura data fuerat eidem Volfo) nihil operaretur, sed esset inutilis, quod non est admittendum. Siquidem quælibet dispositio ad quodlibet verbum in ea significatione accipi debet, ne sit otiosum & ut aliquid operetur; & idè communiter receptum est, quod quando dispositio sequens nihil operaretur, nisi esset derogatum conditioni, priori dispositioni vel legato appositæ, tunc censeri per posteriorem dispositionem priori derogatum: quia verba ita debent intelligi ut aliquid operentur. *Bart. in l. nam ad ea. ff. de condit. & demonstr. Philip. Dec. conf. 190. incipiente, Circa primum. col. 5. vers. 2. & melius.* Et ad colligendum quod in posterioribus concessionibus à luitionis reservatione, Ludovicus Landtgravius Feria 7. post Dominicam *Esto mihi*, & deinceps omnes illius successores recedere voluerint, & re vera recesserint, plurimum facit quod una illa conditio seu reservatio juris virilis, vulgò appellati **Mannen recht**/prioribus investituris inserta in concessione illa Ludovici Feria 7. post Dominicam *Esto mihi*, & in omnibus aliis insecutis investituris sit repetita. Nam repetendo specialiter unam conditionem ex-

pressam cum aliis in prioribus investituris, videtur posteriores Principes omittendo alias, ab illis recessisse. *l. cum prator. ff. de judiciis. l. maritus. C. de procurato. ea. nonne. de presumpt.* Nam certum est, quod exceptiones in casibus non exceptis firment regulam: *l. 1. ff. de reg. jur. l. tribunus. §. fin. ff. de mil. testa.* idque ex virtute capitis inclusivi: *Bart. in l. 2. §. Videndum. ff. ad Trebellia.* cui semper locus est ad effectum excludendæ conditionis, vel pacti, quod omissum est, quando scilicet conditio vel pactum omissum venit ex eodem capite, ex quo venit exceptio, seu pactum repetitum. Ut in proposito reservatio redemptionis tendit ad gravamen vasallorum, & respicit modificationem concessionis, sicut exceptio juris virilis; ita quod repetitio unius conditionis impediat repetitionem aliarum. *Salic. in l. de crimine. col. 2. C. qui accusare non pos. & in terminis Philip. Dec. d. conf. 190. col. 4. vers. non obstat quod aliqua conditio.* Et profecto cessare debere hoc casu repetitionem redemptionis in posterioribus investituris, ex eo convincitur, quod repetitio dictæ conditionis sit incompatibilis cum natura & qualitate recti feudi, quod in posterioribus investituris simpliciter conceditur. Nam jura in materia repetitionis cessant, quoties repetitio concessionem recti feudi mutaret, & in aliam speciem converteretur: dispositio enim loquens de casu simplici non comprehendit mixtum,

mixtum, etiam in materia favorabili, quando qualitas illa mixta mutat rationem & qualitatem simplicis; seu quando qualitas concurrens vel repetita variaret dispositionem. *c. statutum, de electione in 6. Ludov. Rom. in l. 2. ff. de ver. oblig. Bart. Cepola, cautela ult. col. 3.*

MINIME verò dici potest redemptionem hic videri repetitam, vigore verborum illorum quæ posterioribus investituris inserta leguntur: *Prout nostri avi & patris felici memoria litera perspicue ea de mentionem faciunt, & testantur*: siquidem ea verba non ponuntur principaliter per se, sed uni capitulo duntaxat, nempe designationi quantitatis & aliorum, quæ sunt de pertinentiis ditionis Iter, adjiunguntur; ideoque ad illud capitulum duntaxat referri & restringi debent: *Bart. in l. fi. ff. de reb. dubis. præsertim cum illi capitulo sic inclusa sint, ut alia sequentia capita non possint contingere. d. ca. 2. requirunt. & ibi Panor. de appell.* Quibus accedit, quòd verba illa *Prout avi nostri, &c.* in prioribus literis feudalibus, etiam veterum Principum ita sunt appropriata designationi quantitatis & pertinentiarum, ut aliò omninò referri nequeant, propter expressè in veteribus investituris reservatam redemptionem, quæ in posterioribus omissa est. Nam repetitio non debet fieri, quando difformiter operaretur, vel plus operaretur in casu ad quem fit repetitio, quàm in casu in

quo facta est expressio. *pulchre Arætinus conf. 121. incipiente, In præsentī consultatione. in 1. col.*

Ex quibus omnibus videtur quòd non habita ratione priorum investiturarum nec repetitione inventionis, in illis facta, redemptio cessare, & illustrissimus dominus Landtgravius ab ea excludi debeat, virtute posteriorum investiturarum, quæ clare sunt & per se dubium nullum omninò continent, nec aliquam mutationem invehunt in præjudicium aliorum quàm domini concedentis & vassallorum, à quibus investituræ respectivè datæ & acceptæ sunt: *arg. eorum qua notat Castr. d. conf. 311. circa id quod, & Curtius senior d. conf. 48.* attento potissimum, quòd Volsii hanc partem ditionis Iter, ex posterioribus investituris possideant, ac in illis defensionem suam constituent, *Castr. conf. 461. visis. parte 1.* in præjudicium solius domini concedentis, qui per solam renovationem investituræ & redemptionem neque explicitè neque implicitè repetitam excluditur. *Castr. d. conf. 311. & Curt. d. conf. 48.* Nam cum feudum sit gratia & privilegium à Principe concessum, ut notum est, semper posteriori gratiæ potius standum est, quàm priori in præjudicium concedentis, *Castr. d. conf. 461. visis, circa finem.*

HIS denique addi potest, quòd si fortè aliqua in præsentī causā obscuritas foret, propter repetitam vel non repetitam redemptionem,

nem, quod non videtur; ea tamen contra illustrissimum dominum Landgravium (ex cujus parte movetur) decidi deberet; tum quia semper rei dubiæ interpretatio fit contra eum qui in ea se fundat; *l. veteribus. ff. de pactis.* tum etiam quia in dubio magis favemus vasallo seu agnato, quam domino feudi. *Raphael Cumanus in l. non puto. ff. de jure fisci, Curtius senior, cons. 49. vol. 2. versicul. transeamus.*

## CONSILIUM XVI.

## SUMMARIUM.

1. Navicularij an refarcire teneantur damnum ex naufragio proveniens.
2. Nautarum collegium quando teneatur ex culpa vel facto particularis nauta.
3. Interpretatio Constitutionis ab Imperatore Carolo V. editæ super navigatione publicorum fluminum.

**V**ISUS & perscrutatis scripturis exhibitis in causa vertente coram honorabilibus & egregiis viris dominis Scabinis oppidi Gandensis vulgariter **vander Huere** nominatis, per & inter Johannem van Raelt, & Georgium Blommaert, mercatores & cives Audenardenses, agentes ex una; ac Decanum & Juratos collegij liberorum nautarum Gandensium reos conventos ex altera parte; magna quidem invenitur

partium litigantium contentio & disceptatio, quæ multiplicem disputandi occasionem suppeditat, quam præscindendo, declinandoque quantum fieri potest, paucis principalia negotij capita excutiemus, & ostendemus majorem lucem veritatis reorum causæ assistere: ideoque in favorem eorundem pronunciari, & judicari debere.

In qua re considerandum est, agentium finem, & scopum hunc esse, ut dispendii jacturam in collegium naviculariorum transferant, & quod ab uno commissum est, id relinquatur totius numeri periculo, ac universi damnum ab uno datum refarcire cogantur.

Quod consentaneum videtur dispositioni juris, quo provisum est, merces deperditas naufragio in omne nautarum consilium pro rata deferri, *l. ult. C. de naufrag. libro x 1. & l. jure provisum. de Fabricensibus, eod. lib. & ultra juris communis dispositionem pro basi & fundamento procedendi, agentes citant ordinatione Cæsareâ super navigatione publicorum fluminum editâ anno 1541. in qua consistunt, asserendo causam suam ipsis penè verbis Constitutionis probari: art. 20. Quoniam disponit Imperator in modum, qui sequitur: *Que tous navieurs, varletz ou commis d'iceulx, seront tenus de bien & soigneusement garder les marchandises, & denrees, qu'ilz recqueront en leurs navires, & les rendre & livrer lealement au lieu cõvenu, à paine, &c.**

Bb

Quod

Quod in presenti questione omnino sequendum; & observandum arbitrantur; idque eo magis, quod ipsum collegium, jus habende navis; quæ pro nundinis Reipub. Audenardensis, aliorumque locorum ire & remeare solet, à Majest. sua impetraverit; quodque eadem exerceatur à libero nauta dicti collegij, cujus culpa damnum contigisse dicitur; & quia à dicto collegio ad exercitiū illius navis designatus & nominatus videtur. Inde etiam inferre conantur, collegium nautarum velut instituisse dictum nautam pro commoditate dictarum nundinarum, & consequenter idem collegium teneri velut magnum exercitorem.

SEd quanquam agentes confidenter agere videantur, in veritate tamen (quæ super omnia est amanda) nullum jus, nullaque auctoritas, aut æquitas dictum collegium astringit, ad agnitionem & solutionem damni, de quo agitur, & quod à privato datum est. Quia alteri per alterum non debet iniqua adferri conditio, *l. si quis in suo. §. si. C. de inoffic. testa. c. nemo. de reg. juris in 6.* neque potest quis ex alterius delicto vel debito conveniri, *tot. tit. C. ne filius pro patre, & uxor pro marito.* Grave est enim, & non solum legibus, verum etiam æquitati naturali contrarium, pro alienis debitis alios molestari: adeo quod nec ex vicaneis quisquam pro alienis vicaneorum debitis teneatur,

*l. unic. C. Ut nullus ex vicaneis, pro alien. vican. debit. teneatur. lib. xi. nec civitati, aut universitati incumbant debita singulorum de civitate, universitate, vel collegio, l. sed et si ex dolo. §. 1. ff. de dolo. l. civitas. ff. si cert. petat. l. sicut. §. si quid universitati. ff. si quid universitati nomine.* etiam in subsidium, & principali debitore ad insolventiā prolapsio: & quod amplius est, scribit Bart. in *l. legatarium. in princ. ff. de legat. 2.* non valere consuetudinem: Quod, cum unus rusticus non est solvendo, debitum exigatur ab alio.

Ex quibus manifestum est, jura communia vetare alium pro alio excuti, aut inquietari, & debita cujuslibet de collegio non onerare collegium, sive ratione navigationis, sive naufragij, sive alia de causa, contracta sint, & sive ex conventionione, sive ex delicto proveniant: *l. sancimus. C. de penus.* Lex enim in universum quemque ex suo contractu, aut delicto teneri vult, & alium pro alterius debito inquietari vetat, nisi specialis ratio, vel causa occurrat, in qua singulari jure aliud dispositum inveniat, quod non est in questione proposita.

NEQUE enim Reis conventis æcommodari potest specialis legislatio, quæ de Fabricensibus, & naviculariis facta est. Illi enim sunt homines obnoxie conditionis in sacris fabricis arma cudentes, *Norell. 85.* adversus quos plus potestatis competit, multaque specialia constituta



constituta sunt, quæ personas eorum non egrediuntur, d. l. *jure proprium*, & ibi Lucas de Penna & alij. nullaque ratione extendi possunt ad ejusmodi liberorum nautarum collegium, quod conventionem & spontanea voluntate collegarum & constituitur & dissolvitur; nullaque ratione ex singularum personarum delicto, vel contractu obligatur, d. l. *sicut*. Illi verò, hoc est navicularij seu naucleri annonæ urbis inserviunt, & propter amplissima privilegia & excusationem omnium munerum, quam habent, non solum culpæ, sed etiam cujuslibet casus fortuiti periculum sustinent: in d. l. *fi. C. de naufrag.* Aded ut si quis calculus modulationis dicatur tempestate maris deperisse, nequicquam feratur acceptus; sed hæc dispendij jactura in omne nauclerorum consilium, pro rata scilicet contingentis muneris deferatur. Et hoc est quod Calistratus scribit, in l. *semper. §. negotiatores. ff. de jure immunitatis*. negotiatores qui annonam urbis adjuvant, item navicularios qui annonæ urbis serviunt, immunitatem à muneribus publicis consequi, quandiu in ejusmodi actu sunt. Nam remuneranda pericula eorum, quin etiam & honoranda præmiis, merito placuit: ut qui peregrè muneribus publicis cum periculo & labore fungerentur, à domesticis vexationibus & sumptibus liberarentur. Quæ publicarum functionum & præmio-

rum ratio cum cesset in hoc privatorum hominum collegio, fieri non potest ut quod in illis constitutum est, ad hos porrigatur; præsertim cum in illis etiam illud peculiarare sit, ut decedente naviculario sine hærede alij succedant, l. 1. C. de heredita. decurio num. & l. unde queritur. & l. penult. ff. Commodati. multique Accurs. & alij in d. l. *fin.* arbitrentur alios non aliter teneri quam posteaquam successerunt. Quod multiplicem dissimilitudinem & differentiam arguit, ab hujusmodi collegij naviculariorum consortio, & communione privatorum; efficitque ut ex uno ad aliud nulla justa fieri possit argumentatio. Quod non ignorantes actores causam agendi vincendi que spem constituerunt non in favore aliquo vel auxilio juris communis, sed in ordinatione illa Cæsarea, ex qua omnem petitionem suam fundare conantur, illiusque limitibus & terminis concludi debent. Actor enim, in cuius arbitrio est experiri cum vult, actionem semel intentatam prosequi debet, ex causa ab initio proposita absque facultate variandi. *Auth. qui semel. C. quomodo & quando iudex.*

RECTE autem inspiciendo perscrutandoque diligentius capitula dictæ ordinationis, liquido satis apparebit, agentium intentionem ex illis non magis adjuvari aut foveri, quam ex legibus communibus quæ alios pro alienis debitis conveniri vetant. Et ut res tota

perspicua intelligatur, considerandum est per capitula dictæ ordinationis non generaliter collegium nautarum obstringi vel obligari, pro omni culpa in omittendo, vel committendo per aliquem dictorum nautarum admittenda, ut agentes nimium evagando & cum absurditate prætendunt, in 3. artic. replica. sed uno speciali casu, & in oppido Gandensi tantum. Quippe in usu privilegij, prælationis & prærogativæ, quam liberi nautæ Gandenses habent in transferendis mercibus ex Gandavo sursum, & deorsum, ac receptione & oneratione, quæ fit cum exclusione exterorum in ipso oppido Gandensi, non etiam ea quæ fit in aliis vicinis locis, aut civitatibus, in quibus æqua est conditio Gandensium nautarum cum reliquis, cessante omni usu privilegij, & prælationis: Ad eod ut liberum sit mercatoribus merces suas cuilibet nautæ vel navi committere, non habita ratione Gandensium, ut Imp. declarat, in 1. art. d. ordinationis. in verbis: *Faire mener & conduire jusques à nostre ville de Gand, par telz gens, personnes & navieurs que bon leur semblera, soyent navieurs dudict Gand, ou aultres: sans que lesdicts navieurs de Gand, leur puissent en ce donner aucun empeschement, molestation, ou retardement.* Sic ut qui extra civitatem Gandensem onus transferendum recipiunt, etiam si sint liberi nautæ Gandenses, privatorum loco habeantur; cessetque penitus usus

privilegij, & obligatio collegij, quæ à Cæsare providè inducta, limitataque est ad eum casum, quo Gandavi in vim privilegij & prærogativæ liberi nautæ aliis præferuntur, ipsique mercatores adempta eligendi facultate, cum illis contrahere coguntur: Sic ut ratio necessitatis cum liberis nautis contrahendi ab Imp. expressa & considerata in d. ordinatione. art. 20. in verbis: *Deburont illecq changer de sons ou navieres, & estre menés par navieres dudict Gand, cum aliis art. seqq.* cum usu & exercitio privilegij in dicto oppido Gandensi, causam dederit obligandi collegium, in d. artic. 20. contra Juris communis regulas pro delicto vel culpa personæ privatæ. Et proinde cum in aliis civitatibus denegeretur Gandensibus usus dicti privilegij, & cesset necessitas cum illis contrahendi; merito cessare debet ordinatio ob usum illum privilegij & necessitatem contrahendi inducta. Cessante enim ratione legis, cessat lex, vel dispositio; l. quod dictam. & l. adigere. §. quamvis. ff. de jure patronat. & effectus Constitutionis limitatur ad terminos suæ causæ, c. etsi Christianus. de jurejur. & rationis, & ratio cujusque dispositionis restringit dispositionem ad limites ipsius rationis. l. cum pater. §. dulcissimus. in ff. de leg. 2.

Et ad comprobationem dictæ interpretationis plurimum facit in spectio præcedentis 19. & sequentis 21. capituli, quibus ordinatio ab agentibus

agentibus citata includitur, totaque series & dispositio dictæ ordinationis. Primò enim Imp. generaliter in 1. art. disponit promiscuè de omnibus nautis recipientibus in aliis civitatibus vel locis, species deferendas Gandavum absq; ulla distinctione personarum, seposita consideratione privilegij, & absque obligatione inducenda adversus aliquod collegium vel corpus. Ex qua generali dispositione præsentem quæstionem metiri, & decidi convenit, cum extra Gandavum, & non in actu, seu usu privilegij contractum sit. Postea verò idem Imp. progrediendo ad usum dicti privilegij, eumque conservando liberis nautis Gandensibus civitate Gandensi, speciales regulas facit, in 7. artic. & seqq. quas pro securitate mercatorum, qui inviti coguntur contrahere, à liberis nautis Gandensibus in usu & fructu dicti privilegij observari præcipit: sed ita angustiis terminis, ut manifestum sit illarum vim & potestatem extra Gandavum nullam esse, nec usum dicti privilegij excedere, ut apparet ex ordine & compositione dictæ ordinationis: Maximè verò ex tenore & contentis decimoini & vigesimi primi articuli, expressam mentionem facientibus de navibus Gandensium secundum usum privilegij sui civitatem Gandensium transeuntibus. Ex quibus necessario declarari, intelligi, & limitari debet capitulum vigesimum; quod

medium est, & dictis articulis includitur. Præcedentia enim declarant sequentia, & ediversò sequentia præcedentia: media verò declarantur ex utrisque. Eaque restam manifesta est, ut hæsitacionem aut dubitationem non admittat.

• Et ad evidentiorē confirmationē & ad penitus removendam ordinationem illam ab inclusionē seu cōprehensione præsentis quæstionis, considerandum est, non vitio navis ad liberū nautam pertinentis, aut culpa ministrorum in ea degentium damnum contigisse; sed vitio alterius navis, & culpa exteri nautæ, cui ex conventionē liberi nautæ agentibus, scientibus, consentientibus, & coadjuvantibus mercatoribus merces eorum commissæ fuerunt. Ea enim res cōstituit agentes culpæ participes, efficitque ut etiam ex alio capite cesset dicta ordinatio, quæ collegium in subsidium obligat, non pro quolibet facto, vel delicto liberi nautæ aut ministrorum; sed tantum pro mala custodia & asseruatione mercium, navibus eorum impositarum, de qua hic non est quæstio: sed de mercibus commissis alteri nautæ, ejusque navi impositis, scientibus & inferentibus, agentibus merces suas in navem exteri. Quod non potest pertinere ad terminos dictæ Constitutionis, quæ odiosa est, & juri communi contraria, atque in alio casu ac terminis concepta.

PER quæ etiam submoveretur quod de institutione seu de nominatione à collegio facta prætenditur. Nam de nominatione seu institutione non constat, ipsumque collegium non magis teneri debet ex facto ejus qui dictam navem exercet, quam Majest. sua teneretur, si ipsa eidem vel alij exercitium dictæ navis concessisset, præsertim cum exerceatur sine privilegio prælationis, & oneratio extra Gandavum facta sit.

PRÆTEREA si aliqua institutio directè vel indirectè facta à collegio considerari posset, non tamen teneretur collegiū ex dicto contractu propter cessantem rationem & dispositionem dictæ ordinationis, ex qua duntaxat actum est. Et præterea quia ad hoc ut exercitor pro magistro navis, aut dominus pro institutore teneatur, necesse est servari legem & formam præpositionis; quæ si excedatur, non tenetur instituens. l. cuicumque. §. non tamen. ff. de Institutor. At si quæ hic possit esse præpositio, non tamen intelligeretur collegiū mandasse aut instituisse nautam ad aliud, quam ad recipiendum & transvehendum merces negotiatorum in sua navi, non etiam ad contrahendum, committendumque merces scientibus & consentientibus mercatoribus, aliis, & aliorum navibus: id enim non ad nautæ officium, aut navigationis usum, sed ad commercia contractusque pertinet, ipsisque agenti-

bus imputari debet, & nullo modo ad dictum collegium referri potest. Bald. Castr. in l. 1. §. non autem. ff. de exercitor. Anchor. cons. 332. pro clariore decis. in 2. col.

## CONSILIUM XVII.

## SUMMARIUM.

1. Custodia susceptio exactissimam diligentiam requirit.
2. Nautæ, caupones, & stabularij legibus sunt suspecti, & ad omne periculum tenentur, nisi fatale periculum contigisse probetur.
3. Testibus, non testimoniis fides habetur.
4. Rerum naufragio amissarum depra-datio vetita.
5. Nautis quando credendum super rebus naufragio amissis.
6. Culpam contrahit, qui recta navigatione contempta, devia litora sequitur.
7. Nauta fugientis omnia bona confiscantur & legibus Rhodiis.
8. Merces negligentia nauta deteriorata, à nauta rescari debent.

QUANDOQUIDEM semel ex magnis causis adversus Reum conventum providè judicatum est in provisionali judicio & super fiduciaria possessione, nihilque profertur à Reo quod novam inspectionem aut animadversionem movere possit, vix operæ pretium videtur semel tractata, cognita & decisa ad incudem revocare,

vocare, & ulteriorem diffinitionem instituere: Cæterum cum pars instet, cumuli loco præcipua capita repetemus, & confirmabimus ad maiorem iustitiæ illustrationem, & ut intentio Agentis subsistat solidius.

Et imprimis illud occurrit, quod evidenter constet ex confessione ac recognitione Rei, tum in prima conventionione, tum in actis facta quantitatem controversam ad eum pervenisse in numerata pecunia, & illius custodiæ commissam esse, ut Antverpiam veheretur, secundum ampliorem tenorem dictæ cõventionis & recognitionis seu cognoscamenti (ut vocant) quod tam latè patet, & tam efficacem obligationem continet, ut non solum ex edicto adversus nautas, caupones, stabularios proposito, verumetiam ex speciali susceptione custodiæ Reum constringat, & obnoxium reddat ad restitutionem, ac omnis culpæ & negligentia, quantumvis levissimæ, præstationem. Nam custodiæ susceptio exactissimam diligentiam requirit, & quadamtenus ad eventum casus fortuiti porrigitur, *argum. l. dominus horreorum, in verb. nisi custodiam receperit, locati.* levissimam culpam comprehendens, etiam in simplici locationis contractu; ex cuius natura alioqui non venit nisi dolus, lata ac levis culpa. Ea enim est vis promissæ custodiæ, ut ultra naturam contractus promittentem obstringat

arctissimè ad omnia, quæ humano ingenio & per prudentissimos prævideri, caveri & evitari solent: *gloss. in d. l. dominus horreorum, per l. mercedem. locati.* quam specialem custodiæ susceptionem intendit & conduplicat adversus Reum conventum ipsa legis dispositio, & edictum adversus nautas, caupones, stabularios propositum, ex quo etiam cessante conventionione omnis culpa præstat. *l. 2. §. ex hoc edicto. Naut. caup. stabul.* Lex enim suspectum habet hoc genus hominum propter frequentes fraudes, & cum furibus coitiones, & quia adversus eorum furta nulla diligentia provideri potest: usque adeo ut Prætor reprimendæ improbitatis gratia nautas ex edicto suo in hanc rem edito omni modo teneri voluerit, etiam si res sine culpa periissent, vel damnum datum esset, nisi fatale & inevitabile periculum contigisset, *l. & ita de facto. §. 1. Naut. caup. stabul.* ejusque fatalis periculi eventus & contingentia sufficienter dilucideque à nauta probaretur. *d. l. & ita de facto. in verb. exceptionem.* Nam cum, ut eleganter scribit Bald. *in l. 1. C. locati.* nautæ & caupones sint communiter homines vulgares & rapaces, stat contra eos generalis iuris præsumptio: quæ hoc efficit, ut etiam si furtum, effractura vel alius casus evenit, credatur eorum dolo vel culpa contigisse; nisi generalis illa præsumptio elidatur per speciales causas fatalis periculi, cuius-

cujusmodi nihil in præfenti specie à Reo convento adducitur. Nam hoc solum, quod navis in scopulum seu terram impacta fuerit, nihil ad excusationem ejus valere potest, cum ex generali præsumptione periculum, hoc dolo vel culpa Rei intelligatur intervenisse, ut hoc colore & prætextu mercatorum pecunias sibi concreditas interciperet, interverteretque, ut & ipse eventus ablatae divisaque cum nautis & ministris pecuniae demonstravit, nihil suffragantibus attestationibus super casu naufragij ab eo conquisitis, & exhibitis, sive personarum qualitatem & conditionem, sive numerum testium aut causam testificandi, sive formam productionis respiciamus. Nam cum omnes absque figura judicij in causa provisionali coram Notariis non adhibito iudice, nec vocata parte receptæ sint, nec repetitæ inveniantur in principali negotio, fieri non potest ut aliquam vim probationis habeant etiam super ipso naufragio, & navis periclitatione; quia testibus, non testimoniis fidem habere convenit; & alia est vis præsentium testium, alia testimoniorum, quæ recitari solent, *l. sola. C. de testib.* cum ad officium judicis pertineat coram intueri testes, & attentius considerare dignitatem & estimationem cujusque, & qui simpliciter visi sint dicere, ut multis elegantibus rationibus Jureconf. respondit, in *l. 3. §. ideog. Divus. de testib.* & pluribus confirmat Cicero, in *Orat. pro M. Fonteio*. Quibus accedit, quod attestantium personæ partim sint viles ac familiares, & fraudis participantes, partim verò incertæ & ignotæ, non ex propria scientia, sed ex incerto aliorum auditu & mendaci aliorum relatione deponentes; imò gubernator domus Sanctæ Annæ, in quo magnum præsidium Reus ponit, de sua opinione tantum deponit, commemorans certificationes quasdam eorum de Lydde, quos constat omnes ferè improbitatem Rei conventi & suorum ministrorum publica voce execratos & detestatos esse, eo quod spontè navem adduxissent in periculum, ac prædati essent, partiendo inter se pecunias, ut constat ex consentientibus depositionibus multorum testium, & certificationibus coram Balivo & juratis de Lydde receptis in Aprili, anno 65. & iterum eodem anno in Februario coram Prætoribus & juratis de Rye, adeò ut adversus tam multa insignia testimonia confirmata communi fama vicinorum & generali juris communis præsumptione nihil valere possit vel solus Officiarius de Lydde cum incerta illa opinione gubernatoris Sanctæ Annæ, vel testificatio Balduini Joannis, & aliorum vilium ministrorum Rei, & cum eo in fraude delictoque participantium. Nam vilitas personarum & præsumptæ participatio- nis suspicio omnem autoritatem testimo-

testimonij illis adimit, etiamsi legitime producti auditique fuissent, nec clara & potentiora testimonia illis refragarentur: Nam familiaribus hujusmodi & complicitibus litigantis, fides testimonij abrogatur. Et quod constitutum est de submersis navibus in competenti examine duorum vel trium nautarum quæstionem haberi debere, *l. quoties. C. de naufragiis. tit. xi.* solum pertinet ad recuperationem rerum naufragio amissarum adversus injustos occupatores ex aliena calamitate compendium sectantes; *l. i. l. 2. & d. l. quoties. C. de naufrag.* ita ut qualitas ipsarum rerum probationem hoc casum coadjuvet, idque duntaxat adversus nullo jure subnixos usurpatores & naufragos occupantes. Quod nullam similitudinem habet cum presenti negotio, in quo non agitur ad recuperationem rerum disjectarum adversus injustos detentores, sed inter verum pecuniarum dominum & nautam velamentum naufragij prætendentem, à quo propter generalem malitiæ præsumptionem; & quia hoc genus hominum assolet fraudem & culpam committere, alia & plenior probatio exigitur. *l. justissime. §. 2. de Edil. edic.*

PRÆTEREA si lubeat Imperialem Constitutionem in *d. l. quoties.* latius extendere, & secundum eam generaliter nautas idoneos testes existimare ad probandum ea quæ in navi geruntur; id tamen

intelligetur non nisi in subsidium, & cum nulla alia se offert probandi facultas, vel occasio, id est, cum per rerum naturam alij testes negotio adesse non potuerunt. *Soc. consil. 17. Supradicta causa, Benevit. Stracha de merca. sub rub. de nautis. §. item quæritur an nauta possit esse testis, juxta l. consensu. C. de repudiis.* Quod hic nulla ratione dici potest, cum constet plures alios vectores & egregios viros in eadem navi fuisse; & præterea à pluribus ex littore periculum spectatum esse, quorum copia non solum præscindit occasionem producendi ministros nautæ & socios, *arg. d. l. consensu.* verum etiam veritatem in contrarium manifestam facit, ostenditque neque tempestatis ullum periculum fuisse, neque ullam aliam fatalem calamitatem contigisse, ex qua navis periclitata est; sed culpa & vafrie ipsius Rei intempestivo tempore & derelicto recto cursu, deflectendo in terram, adactam esse: ut præter certificationes prædictas clare deponit Alvaro Cerano cum aliis, qui præsentem in navi fuerunt, vel ex littore casum aspexerunt; ita ut merito omne damnum Reus in mercibus & aliis rebus amissis præstare debeat, propter affectatum periculum, culpam & malam fidem: cum etiam si non malitia, sed imperitia navigandi, aut stellarum ignoratione quis in vada aut scopulos navem impulerit, ad omne damnum ex jactura navis contingens teneatur.



*l. idem juris. ff. ad Legem Aquil. l. impetritia. ff. de reg. juris.*

Quæ res in proposito dubitationem habere non videtur, ob id quod ultra juris communis præsumptionem appareat de antecedente studio evertendæ navis, & culpa per Reum commissa, in eo quod cum intra biduum & celerius tenendo rectum cursum, & continuando navigationem, in has ditiones pervenire posset, in portum Anglicum defletere voluerit, ex causa vana; puta gratia habendi commeatus, quem defecisse non ostenditur, & quem non admodum fuisse necessarium, exiguum spatium itineris, quod restabat, coarguit: præsertim cum divertendi gratia substituerit ab hora nona antemeridiana usque ad nonam horam vespertinam, intra quod bona pars itineris restantis confici potuisset. Nam ut culpam contrahit qui recta navigatione contempta littora devia sectatur; *l. qui fiscales. C. de navicul. lib. x. l. cum proponas. C. de naut. sen. ita etiam culpæ subjicitur, qui non iusta causa motus solito itinere non est usus, nec rectam navigationem servavit. Corn. consil. 273. vol. 1. l. as. in l. 1. nu. 3. Si quis eaur. cum aliis multis. cit. à Be. Stracha in tract. de nautis, navibus, & navig. part. 3. nu. 6. cum seq.*

Cui accedit, quod ad executionem mali propositi, tenebrarum beneficium expectaverit, cum potuisset antea & interdum sufficiente æstuario maris tuto portum

ingredi, ex quo evidens culpa Rei detegitur: nam ad culpam navis imputatur, si adverso & parum opportuno tempore naviget, & ita navis in periculum veniat. *l. utique. §. si. de rei vend. gl. in l. ult. C. de naufrag. lib. xi.* Cujus quidem culpæ ratio & probatio, ex eo fit manifestior, quod prædictione periculi & acclamatione astantium in littore non curata ad loca vadosa accesserit, sic ut vel ob dolum vel ob culpam ad refusionem omnium damnorum & amissarum mercium Reus conventus teneri & condemnari debeat; præsertim si amplissimi domini Judices non solum antecedentia inspiciant, verum etiam in ea, quæ sunt secuta, diligentem perquisitionem faciant, animadvertantque ad improbam direptionem pecuniarum, & depredationem navis ex intervallo factam; quodque eandem valida securi diffindere aggressi sint, ac omnibus hortantibus & auxilium offerentibus, navem ipsam cum possent, non incommodè recuperare, eam dereliquerint, & neglexerint, intenti prædæ pecuniarum, quas etiam veris dominis restituere recusarunt, donec tramite juris ad id cogerentur. Ob quod merito hic locum habere debet quod in legibus navalibus Rhodiorum proditum est, his verbis, *num. 8.* Si navicularius, cui navigium concredutum est, enavigarit, & in aliam regionem aufugerit cum auro, consentientibus nautis, omnia

omnia bona ipsorum mobilia, immobilia & sese moventia, & quaecunque habent occupabuntur, etsi in venditione ea non sufficiunt, nauta unà cum nauclero fugæ auctore vendantur & damni integram æstimationem præstent.

DEINDE utcunque sit de navis ipsius periclitatione & illusione in terram, satis certum est fieri non posse, ut propterea Reus excusetur à pecuniarum receptarum restitutione, secundum pacta initæ conventionis, quæ rata esse debent. Nam ut demus adversum casum navigio accidisse, illudque tempestate in terram seu arenam adactum esse; nihilominus tamen pecuniæ restitui debent, quas constat servatas esse, & salvari potuisse: cum facilis earum elatio fuerit ex navi, & ad eam facillimus accessus fuerit non obrutam fluctibus etiam altissimo maris æstuario, sed in sicco & vado hærentem, ut manifestum est, & ex propriis attestationibus Rei conventi intelligitur; ita ut à periclitatione navigij nulla illatio vel argumentatio fieri possit ad periclitationem vel amissionem pecuniæ, quæ etiam post casum navigij à casu immunis fuit, nec periclitari potuit absque culpa malitiaque Rei conventi, & suorum sociorum: Et proinde secundum legis communis dispositionem & propriam contrahentium conventionem omnis pecunia restituenta est, accepta vecturæ mercede; quemadmodum in simili

constitutum est de navigio tempestate oppresso, in quo si magis ex sentina, vel alia negligentia merces læsæ fuerint, vecturam quidem nauclerus accipit; species autem mensura, qua accepit, siccas restituere tenetur. Imputatur enim ad culpam nautæ, si navi in vadum adacta, vel procellis oppressa nauclerus vel sentinam exhaurire, vel quid aliud facere neglexerit, ex quo merces aut res acceptæ damnum accipiunt.

DE qua re prolixius disputare non convenit, cum palam sit, omnes pecunias servatas, & à nautis elatas esse studio, ut videtur, invertendi deprædandique; nihilque adferatur unde intelligatur pecuniam Actoris post navē impactam in terram ex actu intercidiisse, & submersam esse. Nam certificatio Balduini Joannis nautæ & socij, qui sibi magnum saccum, in quo Actoris pecuniæ continebantur, inter jaciendum excidisse dicit, probabilitatem nullam habet, & ex qualitate personæ omni fide destituitur, simul cum aliorum duorum vel trium nautarum depositionibus de hoc actu & casu commemorantibus. Etenim grave nimis & plenum periculi foret hujusmodi levibus & domesticis personis ad proprium commodum & exonerationem fidem attribui; etiamsi, quod prætermisum est, legitime & coram judice examinati fuissent; maximè cum alij integre opinionis homines in eadem

navi fuerint, qui huiusmodi casus non meminerunt, & in contrarium legitime examinati clarè deponunt totam pecuniam servatam, eamque prius à Reo Convento post cogitationem & propositum evertendæ navis (ut præsumitur) numeratam, & in magnum saccum simul coniectam esse.

CUM quo convenit, quòd postea servatæ pecuniæ ferè ad numerum convenerint cum prius acceptis & fidei Rei conventi conceditis; quodque, ut à plurimis testibus deponitur, affirmaverit Reus totam pecuniam ad mercatores pertinere, nihil de infelici jactu & amissa pecunia conquestus, nisi ex intervallo; & cum videret improbum conatum suum asportandæ participandæque totius pecuniæ cum sociis, per justitiam impediri; ut sic cum liberam depredationem totius pecuniæ non haberet, partem lucrificeret commento admixtæ propriæ pecuniæ, & infelicis jactus in aliena pecunia facti, quòd juris rationi adversatur, quæ dolum & culpam præsumit in depositario nauta, caupone, & stabulario, etiamsi in majore probabilitate casus suam pecuniam servatam & alienam perditam asserant. *gloss. & dd. in d. l. 1. & 4. C. locati.*

AD quod hic proclivius inclinandum est propter improbabilitatem casus, quem alij vectores negant, & cujus ipse Reus ab ini-

ratio nullam mentionem vel querelam fecit, quemque vanum & per mendacium compositum fuisse ostendit ipse eventus repertæ convenientis pecuniæ: & eo amplius perquisitionis à piscatoribus & aliis in mari factæ, per quam facilè & indubitanter loco vadoso, non fluctuante navi, tam magnus sacculus & quingentos ducatos in argenteis regalibus continens (ut à Reo prætenditur) reperiri potuisset, si excidisset; maximaque fuisset culpa & in jaciendo, & in negligendo perquisitionem, quam nullam ab initio fecisse aut instituisse, in loco tam vadoso Reus invenitur.

ET ut ipse casus prorsus est improbabilis & fictitius, ita quoque est non verisimilis, nullaque ratione probabilis assertio propriæ pecuniæ ex intervallo proposita, nihilque ad eam stabiliendâ faciunt certificationes postea prolatae de consuetudine mercatorum navigantium in Hispaniam vel Portugalliam, & certam pecuniam ad subitos casus secum vehentium. Nam de præsentî pecunia secum allata in Portugalliam, nihil, ne per certificationes quidem, probavit Reus: & quod de empris pannis lineis, lardo, caseis, & similibus quorundam attestationibus continetur, planè incertum est, nullamque quantitatîs declarationem continet. Et eo amplius, non ostenditur merces sic comparatas in navem illatas esse; & si de illatione

illatione constaret, pusilla quantitas foret, quæ inde redigi potuisset, cum lardum, casei & similia ad comineatum nautarum, & in diminutionem mercedis eorum subservire soleant. Et præterea si quid in Portugallia à Reo distractum est, ejus pretium in salis & aliarum rerum coëmptionem vertisse invenitur; sic ut nihil pecuniarum propriarum ex Portugallia retulisse, nullamque occasionem referendi habuisse videatur in tanta opportunitate, mercium comparandarum; & cum tantam vim pecuniarum alienarum sibi numeratam haberet revehendam Antverpiam, quod magni faciendum est. Nam inde ad naturalem sensum intelligitur vanitas prædictæ assertionis, & unpertinentia dictæ consuetudinis, quæ penitus incerta est, nullumque locum vindicare potest in redeuntibus ex Portugallia & tantum præsentis pecuniæ revehentibus, ex qua ampliorem mercedem expectare possunt, quam ad subitarios casus esse necessaria.

Denique multum facit ad defensionem Actoris, quod non in sacculo, sed in numerato tota ipsius Actoris pecunia ad Rei manus pervenerit, à quo verissimiliter retento numero cum aliis pecuniis commixta fuit; ita quod id, quod nunc adfertur de separata asservatione & inclusione sacculi, prorsus sit incredibile, & ad extremum nihil super ea re à dictis nautis cum veritate astrui possit, cum origi-

nem pecuniæ notam non habuerint, nec de ea deponere possint: & præterea differentiam saccorum & pecuniarum secernere non potuerint in festinatione rerum, de qua deponunt, & eo tempore quo navis ad terram impacta est. Nam si, ut Reus præterdit, in littore stantes propter tenebras navem totam ac iter navis satis commodè intueri non potuerint, quomodo nautæ suis operibus intenti sacculorum differentiam constituere potuissent?

Nec est subdicendum, quod etiam si differentia saccorum discerni potuerit, nulla tamen est ratio, quare magis Actoris pecunia quam alterius vel potius ipsius Rei sacco, quem dicunt deperditum, inclusa fuisse censetur; ita ut causificationes Rei conventi prorsus sint frivole, & improbabiles, propter culpam & dolum ab initio commissum, & quia casus amissæ pecuniæ non probatur: Et si quæ amissa sit, illa culpa Rei & suorum nautarum amissa intelligatur. Et ad extremum cessantibus his omnibus, potius Rei ipsius vel alterius quam Actoris pecunia amissa videri debeat, quamvis secundum rectam juris rationem arbitremur in tot noxiis circumstantiis Reum conventum dolo perfidiaque non vacare. Ideoque præter restitutionem animadversionem aliquam in exemplum aliorum promereri; præsertim cum nullam bonæ suæ famæ aut opinionis probationem

fecerit, licet alioqui diligentissime omnia ad intentionem suam qualitercunque facientia conquiescit. Salvo mel.

## CONSILIUM XVIII.

## SUMMARIUM.

1. *Patens contractus secundis nuptiis an possit disponere in præjudicium liberorum prioris matrimonij.*
2. *Filio quando contra patrem restitutionem aut aliam actionem intentare liceat.*

**I**NTER alia quæ copiosè ad confirmandam illustrissimi Ducis A. intentionem deducta sunt, maximoperè cõsideranda est proposita infirmitas D. C. & adjuncta illi prodigalitas omnibus notoria, & judicio paterno comprobata, quæ absque interdictione facultatem alienandi adimit; *Freder. de Senis. consil. 31. Nicol. Boër. in decis. 33. num. 80.* necnon concurrens cum his omnibus gravissima & enormissima læsio, quæ multipliciter per abalienationem insignis & magni dominij, per evictionem dominij Lo. item per susceptionem maximorum debitorum à domina Opponente per prætensum appoinctuamentum in D. C. translatorum, aliisque de causis incurfa est, interveniente metu reverentiaque non solum Reginae & Principis, verumetiam parentis in auctoritate positi: Quæ sola de

jure sufficiens judicatur, ad infirmandum actum, & constituendam filij voluntatem non liberam. Lex enim reverentiam paternam considerat, eamque metui æquiparat, æqualeque facit de utroque judicium; *l. 1. §. Quæ oneranda. Quar. rer. act. non det. l. 1. de furtis.* non quidem ut omnis actus per filium præsentem patre gestus inutilis censeretur debeat, sed quoties aliæ concurrunt timoris & infirmitatis circumstantiæ, vel alienantur res filiorum ad lubitum & commodum patris, in quibus alioqui patri de lege vel consuetudine vetita est alienatio, acquisitio, *l. 1. & Auth. nisi trecentennale. C. de bon. mat. vel translatio ad proles secundi matrimonij, l. hac editali. C. de secund. nupt.* quæ omnia militant in præsentem negotio. Nam satis superque deductum est prioribus responsis instabilitas mentis atque judicij in alienante, cum aliis suasionibus & hortamentis tam magnis & efficacibus, ut etiam hominis alioqui constantis mentem perturbare potuerint. Præterea manifestum est de consuetudine patri ademptam fuisse dominij controversi abalienationem & translationem à liberis primi matrimonij, quibus illud affectum acquisitumque erat, ad liberos secundi matrimonij, cum ingenti eorum læsione *d. l. hac editali. & d. l. 1. cum d. Auth. nisi tricennale. C. de bon. matrim. & detrimento*, quod multum momenti habere debet. Nam inde efficitur ut cesset præsumptio

sumptio qua pater præsumitur bonum pro liberis capere consilium, & in contrarium paterna libertate non rectè uti intelligitur pater. §. *Hac autem disposuimus, in Auth. ut cum. de appell. cog. l. Titia. §. Imperator. de leg. 2. & d. l. hac edictali.* judicaturq; filius per nimiam reverentiam si-  
luisse, & patri consensisse, quando contractus, qui instigante patre fit, damnum filio est allaturus, vel re ipsa damnosus est; ita ut non tantum silentium pro contradictione habeatur, verum etiam si expressus filij consensus accedat, nihilominus censeatur per metum potius quam spontè & liberè contractum esse: eaque est interpretatio Jureconsulti, in *l. Dorem. solut. matr.* quam latè declarat explicatq; Joannes Igneus, in *l. 3. §. elegantior. num. 185. ad Senat. Sylla.* & quæ proclivius admitti debet in actu celebrato ad utilitatem liberorum secundi matrimonij, in quo lex semper præsumit supergressionem liberorum prioris matrimonij, *d. l. hac edictali. & l. Lex qua tutores. C. de administ. tut.* ut non immeritò in specie non dissimili, sed planè conveniente cum præsentis negotio, respondit Paulus Castrensis. *conf. 149. incip. Sine disputatione. vol. 2.* Res immobiles traditas matri à filiis prioris matrimonij salvas esse illis debere, etià mater illas secundo marito tradidit, quasi per excogitatum fraudem studuerit bona sua contra legis dispositionem transferre ad se-

cundum virum. Nam lex præsumit excogitatione secundarum nuptiarum, parentem parare præjudicium damnumq; filiis prioris matrimonij; ideoq; exclusa omni machinatione, vel per subdititias personas, vel aliam causam introducenda, bona prioris matrimonij, liberis ex illo procreatis firmissimè reservavit, & addixit. §. *Optimè verò nobis. in Auth. de nupt.* Et, quod amplius est, propria bona superstitis conjugis iterantis nuptias certis cancellis inclusit; ita ut illa quoque liberis prioris matrimonij in totum adimi nequeant. *l. femina. & l. hac edictali. C. de sec. nupt.* Et ita procedit Castrensis decisio in bonis propriis ipsius matris, excessivam dorem constituentis, ad utilitatem secundi matrimonij. Unde convenienter dici potest, Quod cum ita observetur in bonis quæ superstiti sunt propria, idque nullis concurrentibus dementiæ, prodigalitatibus, metus, vel reverentiæ conjecturis, dubium non videri quin majore ratione id obtinere & admitti debeat in hac specie, in qua agitur de bonis ex substantia prioris matrimonij procedentibus, iisque prioris matrimonij liberis incommutabiliter affectis & acquisitis, adempra patri per consuetudinem omni facultate alienandi, vel disponendi: idque adhuc in concursu dementiæ & prodigalitatibus, necnon reverentiæ & magnæ instantiæ tum Reginæ, tum patris, contra quem hoc casu pro-

pter cogitationem & transitum ad secunda matrimonij vota, præsumitur filio potestate concessa rem suam vel à Patre, vel à seipso in patrem (dum resistere erubescit) ad usum secundi matrimonij translatam, quodcumque vendicare, quacumque præscriptione vel pacto non obstante. *d. §. optimè. §. sed quod sancitum, in Auth. de nupt. & d. §. Hac autem disposuimus. l. 1. & 2. C. de bon. mat. & Castr. d. conf. 149.* Etenim tam præcisa & severa est legis constitutio, adversus iterantes nuptias, ut nulla liberorum primi matrimonij conventionē, vel renunciatione induci possit, quominus bona ex priori matrimonio liberis acquisita incolumia maneant, cum omni jure, quod ex rebus parentis superstitis talibus liberis deferitur, in pœnam patris transeuntis ad secunda vota, ut in dubitabilioribus terminis, (post Oldradum & alios) eleganter decidit Decius, *conf. 230. incip. Proponitur per totum.* asserens pœnas legis adversus iterantes nuptias, non esse sublatas quatenus respiciunt favorem primi matrimonij; & ita semper praticari & observari: extantque ab ipsa lege prodita remedia, per quæ liberis in hujusmodi negotiis succurratur, videlicet Nullitatis querelæ, Bonorum possessionis contrabulas, Actionis in factum, Rescissionis, & Restitutionis in integrum. Et quod lex negat filio restitutionem adversus patrem, procedit directò & adversus ipsum

patrem, non etiam si agatur adversus alium; usque ad eò quod etiam Jus Canonicum restitutionem filio adversus id, quod cum patre gestum est, indulgeat. *c. Constitutus. de restit. in integr.* Præterea ita demum contra parentem filio denegatur restitutio, si funderetur in sola minore ætate, non etiam si ratione absentia, gravis læsionis, aut alterius juxta causæ filius audiri desideret. Et proinde eleganter scribit Baldus, *in l. fi. C. Qui & advers.* Duo simul conjuncta, excludere restitutionem, videlicet si agatur adversus patrem, & contra factum patris ex capite minoris ætatis: Secus si non agatur contra patrem, licet ob factum patris; usque ad eò quod contractus cum parentibus habiti, si tendant in damnum filiorum, infirmiores sint quàm si initi essent cum extraneis propter majorem legis indignationem adversus parentes aliquid in fraudem filiorum machinantes. *d. l. 1. & d. Auth. nisi tricennale, cum d. §. hac autem disposuimus.* Et ita demum validiores judicantur actus inter patrem & filium celebrati, quando pater ex pietatis officio & paterno movetur affectu, & non intentione incommo-  
dandi filio, vel distrahendi rem filij. *d. §. hac autem disposuimus. & l. Hac colore. de inof. test.* Idque maxime, cum fertur & movetur pater cogitatione secundarum nuptiarum, & inspecto effectu liberi primi matrimonij graviter læsi inveniuntur,



niuntur, ut est in proposito, sive respiciamus donationis, sive empti-  
onis prætextum: Ex donatione  
enim totius rei iactura inducitur;  
in venditione propter vilitatem  
pretij (quod etiam si verè solutum  
esset, valori rei vix in quarta aut  
tertia parte respondet) enormissi-  
ma lætio, & longè suprà dimidiū:  
sic ut juris ratio inclinare videatur  
ad invaliditatem dictæ alienatio-  
nis, ac etiam infecuti appoinctua-  
menti seu transactionis, quæ iis-  
dem vitiis subjacet, quibus ipsa  
alienatio, & læsionem ex aliena-  
tione Ha. acceptam augere & cō-  
duplare videtur. In quo appoin-  
ctuamento seu transactione illud  
quoque observandum est, quòd  
etiam si verè subsisteret, quòd non;  
infirma tamen esset ad inducen-  
dam additionem hæreditariam,  
propter præcedentem solennem  
D.C. repudiationem, quæ omnem  
occasionem admittendæ hæredi-  
tatis excludit: idque tanto procli-  
vius, quia ipsa domina Opponens,  
ab initio omnibus oneribus hære-  
ditariis fuit obnoxia, tum ex con-  
suetudine Bruxellensi (ubi fuit do-  
mus mortuaria) tum etiam con-  
suetudine Hannoniensi, propter  
omissam solennem renunciatio-  
nem, & non demissa omnia bona  
mobilia, prout ex consuetudine  
Hannoniensi requiritur. Nec est  
prætermittendum, quòd contra-  
ctus ille ab alienati dominij nomi-  
ne, & ad utilitatem secundi matri-  
monij factus sit, & eventu ac re

ipsa ad filium secundi matrimonij,  
ipsamque dominam Opponentem  
pertineat; sic ut domina Oppo-  
nens, ipsiusque filius, per infecutam  
possessionem & ratificationem,  
immediati emptores dicantur, to-  
tumque negotium cum illis gestum  
censeatur, & cōsequerter propter  
diversitatem personarum & rerum  
nulla possit incidere confusionis  
vel successionis hæreditariæ con-  
sideratio, ad impediendum domi-  
num Impetrantem, vel ab impu-  
gnanda alienatione, vel à petenda  
suppletionē & persolutione pretij.  
Nam cum dominium hoc ex pri-  
mo contractu velut finito jure pa-  
tris transeat ad filium secundi ma-  
trimonij, absque novo titulo lega-  
ti, vel relictī, filius secundi matri-  
monij non à patre, sed à domino  
Impetrante vel D. C. illud habere  
videtur, extra omnem considera-  
tionem successionis hæreditariæ.  
Cui suffragatur & ea ratio, quòd  
D. C. etiam si verè hæres fuisset,  
non tamen successerit patri respec-  
tu dicti dominij: ideoque non  
ipse, sed filius secundi matrimonij,  
quem sequetur hoc dominium,  
subsistente contractu ad reliquum  
pretij eo nomine debitum teneri  
debet. Nam ut activè fruitor com-  
modo dictæ acquisitionis & con-  
tractus in sua persona radicati, ita  
etiam passivè teneri debet ad pre-  
tium quod eo nomine restat sol-  
vendum: Etenim qui lucrum ex  
aliquo contractu amplectitur, de-  
bet agnoscere omnia onera, pacta,  
D d & con-

& conditiones inde profluentes; *Car. Ruinus consil. 79. num. 11. volum. 2.* idq; proclivius in specie proposita, quod pater dominiū hoc expresse & nominatim acquisivit pro se & liberis secundi matrimonij; sic ut ordine successivo, post mortem patris, filius secundi matrimonij ex sua persona & immediatē, ac etiam ex contractu admittatur, exemplo feudi vel emphyteusis sic acquisitæ, cujus pretij aliorumque onerum ex prima concessione profluentium, solutio pertinet ad quemvis singularem successorem, & qui jus suum metitur ex prima acquisitione. Nam priore decedente, nullum jus apud eum vel heredem suum remanet, & secundus subintrat ordine successivo de voluntate primi concedentis, & in illo ut novo acquirente, emphyteusis vel quævis alia concessio sumit initium, & sit novatio quædam interventu novæ personæ, vel potius translatio, transmissioq; contractus, cum omnibus suis qualitatibus de una persona in aliam. *Pulchrè Car. Ruinus consil. 168. incip. Ex investitura facta, num. 3. & consil. seq. lib. 1.* Præterea ut in societate, id demum æs alienum socios onerat quod occasione rerum inter eos communium contractum est; *l. nec æs alienum, pro socio.* Ita hereditariæ successionis ea est natura & conditio, quod nunquam operetur in præjudicium advenientis, & respectu rei quæ à defuncto ad eum non pervenit, vel ab eo alteri

est restituenda. *Societ. Nep. consil. 8. num. 9. & consil. 17. num. 2. & 3. part. 2. Roma. consil. 276. num. 2.* Quibus accedit quod remedia à domino Impetrante proposita, dirigantur in rem, viamque struant ad ipsam rei vendicationem, qua, sicut quodlibet jus reale, etiam per simplicem & verè substantentem additionem hereditatis nō excluditur. *Rom. d. consil. 276. in princ.* Quod eo magis hoc casu admittendum est, ob id quod alienatio dominiij, de qua agitur, per filium in patrem, vel verius à patre (dum filius ei cōtradidere & resistere erubescit) ad utilitatem secundi matrimonij facta; tendit ad fraudandum filium beneficio legis, *d. l. hac edita. l. 1. & d. 5. sed quod sancitum.* simul & consuetudinis Hannoniensis. Nam inde fit quod etiam verè & absolute, heredi effecto liceat venire contra factum defuncti, quod tendit ad fraudandum eum beneficio legis & consuetudinis. *l. 1. & 2. C. si quid in fraud. patro. Castrens. consil. 448. incip. Tria sunt. lib. 2. latè Marc. Ant. Natta, consil. 470. num. 17.* Confirmantur prædicta eo ipso, quod in appoinctuamento quamvis inconsulte admisso Ha. & debita Ha. concernentia inveniantur excepta, manifesta significatione à jure Ha. vel saltem à residuo pretij eo nomine promissi, non esse recessum, & susceptionem onerum, de quibus agitur in illo appoinctuamento, solam pertinere ad tertios creditores, non etiam ad ea quæ

ea quæ Ha. concernebant, vel quæ ex pretio rerum acquisitarum, & commodò secundi matrimonij, ex primo contractu cedentium restabant; in quo etiam bonæ fidei ratio & naturalis æquitas vim suam exercet, ne videlicet dominus Opponens (si tota alienatio non retractetur) in rem gratiosè comparatam retineat, & insuper ad pretij solutionem non teneatur. Novissimè omnibus prædictis adjiciendæ sunt liberales oblationes per dominum Impetrantem factæ, & ingentia evictionis detrimenta; quæ præter amissionem locupletissimi dominij & occasione illius emergunt. Nam hinc facti ipsius veritas se ipsam profert, offenditque rebus ipsis (quæ majoris sunt momenti quàm nomina, & quod tenore instrumentorū continetur) domini Impetrantis intentionem jure justitiæque confoveri. Sic quòd vel nullitatis vitio, alienatio translatioque de qua agitur, subjacere debeat, vel per actionem in factum, vel restitutionem in integrum, retractanda sit, vel saltem moderationem & restrictionem accipere debeat, ad limites legis d. l. hac edictali. & d. §. sed quod sanctum, & Castr. cons. l. 149. prospicientis liberis primi matrimonij, adversus profusionem parentum in liberos secundi matri-

monij, vel ad extremum evictio Lo. velut debitum quod emergit occasione Ha. aut saltem pretium seu compensatio centum & decem millium pro Ha. quod est extra hæreditariam successionem, præstanda sit, annullata, vel per restitutionem aut exceptionem seu conditionem rescissa cautione, quæ indebitè & pro pecunia nondum soluta emissã invenitur. Ne videlicet illustrissimus Dux, magno & insigni dominio indebitè careat pretextu dictæ alienationis, & ex appoinctuamento maximo æri alieno paterno subjiciatur; & insuper ingentem calamitatem evictionis occasione Ha. contingentis sustineat, & simul à pretio, quod perexiguum est (respectu dominij abalienati) excludatur, & omnibus frustretur, domina Opponente exempta ab omni onere æris alieni, & servatis illi omnibus bonis in matrimonium allatis, cum dicto dominio, omnibusque aliis lucris suis dotalibus à patre D. Impetrantis acquisitis, patrimonium liberorum primi matrimonij magna ex parte (ut dicitur) exhaustis, & metas omnium legum, de iteratione nuptiarum loquentium, longè excedentibus: quod periniquum foret, & à juris, justitiæque ratione nimium recederet.

## CONSILIUM XIX.

## SUMMARIUM.

1. Reverentia & perhorrescentia patris.
2. Principis presentia quando metus presumptionem inducat.

**A**D ea quæ de paterna reverentia, metu, & perhorrescentia pro illustrissimo Duce A. dicta sunt, plurimum pertinere videtur quod eleganter & propè in iisdem terminis scribit Bart. Sossinus *conf. 264. ex fragilitate & imprudentia personæ, quæ donat vel renunciat, præsumi dolum & fraudem etiam adversus patrem, cui talis renunciatio facta est.* Nam licet pater præsumatur bonum consilium pro filio capere, (quando nullus amor vincat paternum *l. isti quidem. De eo quod met. cau.*) illud tamen in dubio tantum procedit, non etiam *Castr. in l. 1. §. 1. C. ad Tertyl.* patre progrediente ad secundas nuptias: ob quod non immeritò de eo suspicari licet, maxime quando appareret eum sollicitasse & induxisse filium seu filiam ad huiusmodi damnosam alienationem; quia (ut Sossinus *inquit conf. præcitato.*) nō consultor, sed prædo pater est, quando callidè hoc agit ut liberi priventur bonis paternis contra votum commune parentum. *l. scripto. unde liberi.* naturalem rationem, *l. cum ratio. de bonis damnatorum.* & contra legem

divinam: & præterea major legis est indignatio adversus patrem huiusmodi apud imbecillum & inconsultum animum molientem, quam adversus extraneum, ea ratione quòd domestici insidiæ graviores sint; quodque intolerabile iudicetur offensionem aut injuriam procedere à patre, de cuius protectione confiditur, & à quo protectio defensioque expectatur. *Sossin. d. conf. 264. num. 20. cum seqq.* Quod proclivius admittendum est in proposito, tum propter magnam dignitatem & auctoritatem patris, tum etiam propter instantiam & sollicitationem Reginæ, quam non ad sustinendam, sed ad evertendam prosternendamque translationem, de qua agitur, convenit ponderare, cum constet Reginam stetisse ex parte patris & pro matrimonio, agaturque de actu extrajudiciali, in quo facile Principes errore facti vel ex suggestione partium labuntur, cum sæpè contingat Principem etiam in rebus propriis ad aliqua non advertere, aut non concedenda concedere. *l. 1. C. de pet. bonorum sublat. lib. x.* Simples enim sunt aures Principis & ad credendum proclives, præsertim in occupatione tot tantorumque negotiorum, ut liberè respirare non possit, cumque tam multi ejus occupationem observent, tempusque aucupentur iniqua impetrandi; Cicero in *Orat. pro Roscio.* ob quod patienter fert & Imperator & Pontifex, si ab executione

tionem mandatorum suorum, quæ vel iniqua vel juri contraria videntur, supersecedatur, *c. si quando, de rescript. l. puniri. C. si advers. jus vel util. publ.* Et certe si Principis præsentia valeret ad sustinendum actum, vel conventionem iniquam, commacularetur dignitas Principalis, dareturque occasio Tyrannidis, & præterea magnum præjudicium strueretur ipsis Principibus, quibus necesse esset observare aliis quod sæpè non satis consultè concedunt, aut statuunt, dum eorum præsentia vel auctoritas aliorum actibus adhibita redderet eos irtractabiles. Denique quod ad postremum causæ articulum attinet, pretium ac debita Ha. omnino ad Opponentem pertinere debere, antea demonstratum est, *per l. fin. §. si autem. & ibi Salic. post alios. C. de petit. hered. cum similibus.* & in terminis confirmatur per Albertum Brunum, in consiliis feudalibus. *cons. 104.* cujus sunt verba sequentia: Istæ magnificæ dominæ filiæ magnifici quondam domini Baldacaris de Rotariis, qui decessit sine filiis masculis, nullo modo tenentur ad solvendum pecunias, quas restabatolvere ipse dominus Baldasar magnifico domino Percivali de Rotariis pro emptione feudi de quo agitur: sed agnati, qui in ipso feudo succedunt, sunt illi quiolvere tenentur ipsas pecunias, ut dixit notabiliter Andreas de Iserma, in *cap. 1. in prin. An agnati vel filij.* Quod quando agnati succedunt

in feudo, & filiæ in allodialibus, debita contracta occasione feudi, sint per agnatos solvenda, puta in emendo feudum, vel in bonificatione ejus, & alia per filias in allodialibus succedentes. *arg. h. si certarum. §. 1. cum ibi not. maxime per Bald. de milit. testa. & l. hinc quaritur. §. potest. de peculio.* Et quia hæc non videntur præ se ferre difficultatem in jure, sufficiant prædicta. Hæc ille: quæ præsentem articulum extra omnem dubitationem constituunt.

## CONSILIUM XX.

## SUMMARIUM.

1. Prodigalitas & mentis imbecillitas quomodo probetur.
2. Reverentia paterna quæ sufficiat ad infirmandum filij contractum.
3. Lex dementi, prodigo, & furioso, alienandi facultatem admittit.
4. Assertio subdola quando infirmet contractum.
5. Principis præsentia quando metum arguat, & quando metus suspitionem removeat, & iterum num. 8.
6. Rescriptio restitutioq; in integrum conceditur ob lationem ultra dimidium, ob prodigalitatem, ob dementiam & similes causas.
7. Metus semel admissus non purgatur per sequentes actus, quandiu durat causa metus.
8. Principum dominantium instantia justum metum constituit.

**C**LARITAS personarum & magnitudo negotij illustrem contentionem faciunt, quæ vertitur inter illustrissimos & potentes Principes Ducem A. Impetrantem ex una, & Dominam A. usufructuariam, &c. uti procedit, Opponentem ex altera: in qua cum illustrissimus dominus Dux hanc à me operam suo jure posceret, non potui non obtemperare ejus de me præclare meriti honesto desiderio, præsertim in ea causa quæ magna tum juris, tum æquitatis ratione confoveri videtur.

**CUMQUE** multiplex actio ex diversis capitibus ab illustrissimo Duce instituta sit, & ipsa causæ conditio variam & multiplicem disputationem habeat, multa admodum occurrunt quæ difficultatem & obscuritatem invehere videntur: pro qua discutienda separatione diversarum rerum facta, totam quæstionem sequentibus articulis excutere & explicare conabor.

**IN** primis investigando qui, & in qua conditione & qualitate fuerint constituti qui contraxerunt.

**SECUNDÒ**, qua ratione ad contrahendum sit devenitum.

**TERTIÒ** qualiter, & ad quorum utilitatem & præjudicium sit contractum, & quæ res in alienationem venerit.

**QUARTÒ** ex quibus locis & argumentis deducenda sit alienationis, de qua agitur, vel nullitas, vel restitutio, vel rescissio, idque in

abstracto separata consideratione juramenti, appoictuamenti, & aliarum cautionum, quæ vel ipsi alienationi sunt adhibitæ, vel postea inter venerunt, & subsecutæ sunt.

**QUINTÒ** an sequentia appoictuamenta anni quadagesimionni, vel jurisjurandi, aliarumve cautionum accessio tantarum sint virium, ut occasione annullandæ, vel retractandæ, aut rescindendæ dictæ alienationis possint præseindere.

**DENIQUE** an illustrissimæ Celsitudini suæ ad minimū super sit actio ad damna & interesse provenientia ex evictione Lo. pro quo Ha. permutatum est, & ad centum & decem millia pro dominio Ha. à patre filio promissa, quatenus ex illis adhuc aliquid restaret, nec solutum esse inveniatur.

**ET** quod ad primum articulum attinet, per vulgati & cogniti fuerunt & sunt mores & qualitates quondam domini C. à quo alienatio facta est, videlicet, quòd cum ad damnosissimam hanc alienationem hujus magni & preciosi dominij accederet, fuerit juvenis, vix, aut non multum egressus minorem ætatem, inconsultus, instabilis mente, ingenio incapaci, consilio debili ac penitus infirmo, nullum nec largiendi, nec absumendi aut inconsultè contrahendi modum tenens; sic ut in lubrico illo ætatis, & in infirmitate judicij constitutus, facile huc & illuc impelli potue-



potuerit, & nutans atque ad abundantum & perdendum proclivis ingentes opes, totumque patrimonium exiguo tempore imprudenter consumpturus fuisset, nisi patris tunc Ducis A. item D. Reginae Mariae Gubernatricis, ac etiam ipsius Augustae memoriae Divi Caroli Imperatoris, (quibus haec ejus viria erant notissima, & quorum judicio nec mentis compos, nec rerum suarum capax erat) consilio, providentia, & cura fuisset restitutum, qui veluti manu injecta in lubricitate vacillantem, & incertis vestigiis haerentem sustinuerunt, & ad occurrendum ulteriori profusioni, impediendumque furiosum exitum, *l. his qui in ea causa sunt. §. Divus Pius. de Tutorib. & Curatorib.* effecerunt, ut non solum ratio impensarum constaret, sed eo amplius (quod evidentem debilitate mentis & prodigales mores arguit) omnem facultatem administrandi disponendique ademerunt, & propter mentis & animi debilitatem ac formidatum furiosum exitum aliis commiserunt, ut manifestissime testantur status & ordinationes exhibitae & praescriptae tum a serenissima Regina, tum a patre de anno 45. 46. 47. & ea quae est anni 48. in qua usque adeo restricta fuit ab ipso patre administratio dicti D. C. & rerum suarum dispositio, ut non nisi de quadringentis octuaginta florenis disponendi arbitrium retinuerit per curriculum totius anni, ut patet ex

verbis: *Pour les menus plaisirs de mondit S. selon que a esté avisé par monseigneur son Pere, &c.* Testatur hoc idem inventarium jocalium traditorum anno 45. nec non literae Reginae de anno 47. Augusti 17. ad D. Consiliarium Julianum Aurelium, instructio Cornelij van Eyken: Item status & vivendi regula a sua Reginali Majestate facta anno 49. octava Martij, & publicata in praesentia ipsius C. uxoris, & totius familiae, idque alta voce, & ex jussu ipsius Reginae, ut apparet ex relatione executoris in fine dicti status ascripta. Quod sane ad curationem accedit proximè, quae postea eodem anno 49. in Aprili cum sufficienti bonorum interdictione secuta videtur, translata omni potestate recipiendi & erogandi in Dominum de L. & D. Julianum Consiliarium post fata patris, qui prius omnia bona filij propter lubricitatem & infirmitatem judicij rexerat, & administraverat, denegata ablataque illi omnium rerum etiam minimarum & levium quantitarum erogatione & dispositione. Quod praeter alias ordinationes in particulari, & de rebus singulis factas, necnon querelas de infano ingenio filij saepius emissas ostendunt epistolae patris ad Joannem du Mont, ad Dominum de Carniers in data 27. Septembris anno 45. item ad Petrum Praepositum in data 25. Februarij anno 46. & 13. Augusti anno 47. in quibus pater minimas res filij ad suam curam revocat



revocat & disponit, puta de equo quinquaginta coronatorum, de sex mercaldis prati, & aliis rebus minimi momenti & vilissimis. Quibus accedunt auditiones & conclusiones computationum à patre factæ, acta & iudicium ipsius Imperatoris de anno 49. quod nō longo intervallo alienationem, de qua agitur, infecutum est, & quo ipse Imperator non sine indignatione commemorans ætatis fragilitatem, mentis iudiciiꝝque imbecillitatem, & insanos ejus mores, omnem alienandi disponendique facultatem ademit. Quod haberi debet pro vera bonorum interdictione, decreta non ob vitia tum prius detecta, sed propter naturalem debilitatem & consuetudinem insaniz, dissipationis, & prodigalitatē. Cujus probationem evidentiorē constituit gravis expositulatio & interminatio ipsius Reginz de anno 48. Julij 23. & ita non nisi novemdecim diebus post alienationem à C. factam, ut ostenditur ex proprio scripto Præsidis Schoor, & rursus reprehensio illa Reginz, qua eodem anno 48. Julij 25. improbavit stultā emptiōnem sericorum à C. factam. Nec parum facit stulta epistola D. C. anno 44. ad Malleve scripta, cum aliis innumerabilibus rebus & gestis, stultitiam, dementiam, & prodigalitatē ejus evidentissimē coarguentibus: sic ut ex communi fama ipsius Reginz ipsius Imperatoris, necnon ex patris iudicio, cui

propter conjunctionem sanguinis & administrationem præhabitam hæc perseverans & successiva qualitas ac deplorata filij cōditio erat notissima, l. de tutela. C. de resit. in integ. l. si vicini. C. de nupt. l. filium, in fin. De his qui sui vel alien. jur. sunt. c. quosdam & c. quanto. de presumption. antedictus D. C. rebus suis gerendis, & ad contrahendum, maximē verò ad alienandum tam insignia bona fuerit inidoneus & incapax. De qua incapacitate ex actis (ut dictum est) satis relucere videtur: & si res postulet, clarissimis testimoniis plenius, solidiusque probari poterit secundum positiones & oblationes in scripturis illustriissimi Ducis factas: sic ut ex conditione personæ & propter illius inhabilitatem dictus D. C. ad contrahendū ab alienandumque protusus fuerit inidoneus. Cui accedit quod etiam si qualitates supradictæ non sufficerent, penitus ad coarguendam prodigalitatē, amentiam & iudicij defectum, valeret tamen ad convincendam simplicitatem animi & iudicij crassitiem, seu stuporem & fatuitatem cum negligentia & dissipatione rei familiaris: quod cum ad deceptionem & quaslibet captiones sustinendas vehemēter fecit idoneum, & ad contrahendum improvidum & inutilem.

IN hac tanta sensuum ac iudicij infirmitate constitutus D. C. ad contrahendum provocatus est à patre, qui propter maximarum re-

rum

rum assiduam tractationem & auctoritatem, quam augebat tum ætas, tum prudentia & perspicacitas ingenij, non solum filium in tanta imbecillitate constitutum, verum etiam quemlibet cordatum & perspicacem virum huc & illuc facile impellere potuisset, quiq; pro sua in filium potestate, & (ut in actis ponitur) severitate adversus liberos, suo dicto non obtemperantes, gravissimum irritati & ferocientis animi motum consueverat ostendere; idq; inter alia demonstrat gravis illa & plena minarum expositulatoria epistola ad illustrissimum Ducem hujus causæ Impetrantem, in Germaniâ missa, ob solum rumusculum quem intellexerat de improbata tam magni dominij alienatione, favore secundi matrimonij facta, sic ut non solum ipsa sensus imbecillitas, verum etiâ metus & perhorrescentia reverentiæ paternæ, & denique ipsa patris auctoritas & potentia antè dictum D. C. perturbare, & quibuslibet conditionibus, etiam iniquissimis, astringere & subicere potuerit; præsertim accedentibus blandimentis, intercessionibus & hortationibus Serenissimæ Regine, quæ impulsâ & (ut creditur) persuasâ à patre voluntatem suam non facile passâ fuisset negligi, vel differri sine gravissima offensione, quod pressius considerandum est ad efficacius retundendam eam D. Opponentis argumentationem, quam velut irrefragabilem & info-

lubilem in præsentia & intervenitu Reginæ constituit, ut rerum intellectu in diversum actò, eo hanc ab alienationem confirmari probet, quo illam maximè debilitari oportet, ut inferius dicetur latius.

Nunc cognitis personis eorû, qui contraxerunt, demonstrandum est qua via, quo modo, & ex quibus causis ad contrahendum, ab alienandum, transferendumq; hoc nobile & magnum dominium à filio primi matrimonij ad utilitatem secundi thori sit devenum. Et paucis cum pater ad secunda matrimonij vota cum domina Opponente transire concupisceret, & secundum mores regionum omnia sua bona liberis prioris matrimonij affecta deprehenderet, solo usufructu eorum sibi remanente, pro vitæ suæ temporibus, sic ut non posset pro splendore & dignitate personarum & magnitudine familiæ, vel doctum competentis futuræ conjugii, vel idoneam successionem procreandis ex ea liberis attribuere, stimulante desiderio novi matrimonij, regredi cogitavit ad ea, quæ erant filij: & primum, quod minus grave erat, proposuit idoneum doctum futuræ suæ conjugii ab eo impetrare; de quo proposito apparet ex proprio illius scripto telato in scripturis illustrissimi Ducis. *in 7. art. Memor. suar.* Deinde procedente affectione & cupiditate matrimonij, statuit etiam ipsam proprietatem quarundam rerum petere, & futuri

ris nuptiis addicere, & mox pro prædio appellato *Monregaert*, quod solitatione ad C. pertinebat, ad recognitionem redditus mille florenorum filium impulit, deinde progressus est ad dominium Ha. quod admodum est nobile & ingentis æstimationis & utilitatis, & ut commodius hoc suum propositū exqueretur, imploravit opem & intercessionem Regina, cujus majestas desiderio promovendi instantis matrimonij (ut ipsa domina Opponens allegat *in d. 19. art. Memor. suar.*) diligentissimam operam præstitisse, & serio admodum laborasse invenitur, dum primò imbecillum & rebus vanissimis deditum animum ejus, dono equi Turcici provocavit: Deinde die 4. Junij anno 48. contra omnem consuetudinem, quem semper ut insanum, prodigum, & velut perturbatum dolum detestari & abominari solet, benevolè invitat & admittit ad prandium, & mox (ut in actis deducitur) proponit & extollit magna patris in cum merita & beneficia propter naturalem pietatem, voluntatemque Imperatoris, à quo successum hujus novi matrimonij urgeri dicebat, necnon liberalem portionem in divisione illi præ cæteris attributam, quam (ut ipsa domina Opponens fatetur & allegat *in d. 19. art. & seq. Memor. suarum.*) tam magni faciebat, ut diceret sine nota ingratitude dictum D. Ca. non posse de tractare honestam remunerationem,

quodque, remunerando beneficia patris, justum foret auspiciis novarum nuptiarum, & ad utilitatem novercæ, & prolium secundi matrimonij dominium Ha. concedere, eoque se exuere; & licet re vera nullam prærogativam ille ex paterna divisione accepisset, ut mox dicitur, & ipsum novercæ nomen liberis prioris matrimonij grave sit; *l. lex qua tutores, ibi, lex enim. C. de administ. tut.* & omnium legum & consuetudinum statuta luctuosum judicent bona, prioribus liberis affecta, ad utilitatem secundarum nuptiarum transferri, *l. femina. l. hac editali, & tot. tit. C. de secund. nupt.* quæ semper tristes habebantur, *Plutar. in probl. 105.* præsertim existentibus liberis ex primo thoro: nihilominus tamen ipsa Regina consilium semel susceptum ardore conciliandarum nuptiarum exequi perrexit, & prioribus persuasionibus atque hortationibus (ut ponitur in scripturis) etiam spem præmij & justæ alicujus compensationis addidit, asserendo patrem relaxaturū vicissim redditum mille florenorum super Ducatu Ar. cum munitionibus bellicis in oppido Au. existentibus, æstimatis ad septuaginta millia florenorum, ultra viginti millia florenorum, quæ asseribat (ut dicitur) patrem pro eo soluturum: sic ut C. quem omnium rerum ignoratio & dubitatio, necnon negandi verecundia morabatur, & qui non poterat per infirmitatē mentis contradicendirationes.

rationes excogitare, vel proponere, ac de veritate ipsius rei Reginam Mariam informare, absque consilio & velut absque respiratione statim (ut satis testantur munimenta sexta ejusdem mensis Junij expedita) succumbere & cedere coactus fuerit.

Quibus accedit, quòd tamen instrumenta omnia plausibilem inspectionem habeant, & omnia ex spontanea voluntate & ingenio D. C. secundum figuram verborum profecta videantur, ipsa tamen stupiditas & fatuitas ingenij, qua laborabat, item patris ipsius utilitas, totaque series & ordo rei gestæ contentis illorum fidem abrogat, atque ostendit omnia ex ingenio patris composita & executum esse. Quod ipsum quoque non obscure intelligitur ex magna patris sollicitudine quæ præcessit, & gravi instantia Reginæ, qua C. oppressus consensit, nec non vigilantia patris, qua præstito consensu ad impediendam filij pœnitentiam, festinavit (ut indicat memoriale quoddam manu sua scriptum) commisionem impetrare pro exequendis legis actionibus. Nec est prætermittendum, ut paterni meriti circa augendam, portionem C. in divisione nulla in veritate poterat haberi consideratio; ita quoque inanem fuisse prætextum appreciationis ac compensationis, quam non bene informata Regina D. C. ostentabat futuram per extinctionem dicti redditus, & alli-

gnationem munitionum bellicarum in oppido Au. existentium. Nam redditus recognitio in compensationem prædij de Monregaert, quod ratione soli ad D. C. pertinebat, propter inutilem emptionem rei propriæ aliisque de causis non poterat subsistere. Munitiones verò bellicæ præterquam quòd earum valor longè minor erat quàm septuaginta millium florenorum, quibus æstimabantur, jam tumerant in dominio C. beneficio consuetudinis Hannoniensis, ob quod neque comparari à C. neque in solutum utiliter accipi potuerunt *l. sua rei, de contrab. empt. l. si procuratorem. §. si liber homo. mandati.* obstante vinculo & nexu consuetudinis à quo non possunt eximi, & in libera patris potestate constitui, per hoc quòd ipse pater veteres pro magna parte refundi curavit, & quòd novas quasdam superaddidit. Nam excepta usufructus dissolutione, *l. qui usumfructum. de usufruct.* qualitatis aut formæ mutatio neque substantiam, neque obligationem rei mutat aut minuit; *gloss. in d. l. qui usumfructum. l. ex argento. de cond. furt. cum multis aliis. in 217. art. Add. Imper.* idque eo minus in proposito quòd usufructuario non liceat formam rei mutare. *l. arboribus. cum seqq. de usufructu.* Quod verò ad novas munitiones bellicas attinet, ipsa destinatio adjectioq; simpliciter facta sine reservatione, mutationem propositi, & contrariam destina-

tionem sustulit juxta aliam Han-  
noniæ consuetudinem, quæ pro  
illustrissimo Duce est posita & ar-  
ticulata. *art. 280. Addit.*

Nunc progrediendo ad tertij  
articuli tractationem, non difficile  
est ex prædictis intelligere præci-  
pitanter, inconsultè, & indelibe-  
ratè contractum esse per D.C. in  
summa infirmitate judicij consti-  
tutum, & præterea urgente & in-  
stante patre exhaustis nõ subsisten-  
tibus, indiscusso rerum suarum va-  
lore, per auctoritatem & reformi-  
dationem Reginæ ad faciendam  
hanc inconsultam & præjudicia-  
bilem alienationem inductū fuisse.  
Quibus accedit ex nimia festi-  
natione patris cupidè instantis pro  
matrimonio, accidisse ut omnes  
transportus & legis operæ indebi-  
tè & inutiliter factæ sint; priores,  
quæ usufructuarium respiciebant  
ex potentia consolidationis & re-  
currentis proprietatis ad pristinū  
locum; posteriores verò, propter  
nõ repetitam sufficienter omnium  
solemnitatem, quæ ad dissolven-  
dum priorem actum & novum  
inducendum requirebantur. *l. ab  
emptione. de pactu.* Personæ autem,  
quarum commodum vel incom-  
modum respiciebat hæc conven-  
tio, quæ fuerint, levi disquisitione  
intelligi potest. Nam compertum  
est, totam hanc rem compositam  
fuisse ad commodum secundi ma-  
trimonij, quod Regina (ut disertè  
fatetur ipsa D. Oppõnens in d. 19.  
*artic. Memor. suarum.*) desiderabat

procedere, & cujus gratia pater fi-  
lio detrahare laborabat, uti res  
ipsa testatur, & à lege præsumitur,  
*d. l. lex qua tutores. C. de administ. tut.*  
quæ considerans immoderatam  
cupiditatem aspirantium ad se-  
cunda vota, ut tristes & infelices  
hujusmodi nuptias averteretur, *Plu-  
tarch. loco præcitato.* cum magna pro-  
videntiâ inducta prohibitione, ne  
res prioris matrimonij ad liberos  
posterioris matrimonij transfe-  
rantur cum luctu eorum, qui ex  
priori matrimonio procreari sunt:  
sic ut quamvis regulariter præsu-  
matur patrem rectè consulere li-  
beris; in hac tamen specie contra-  
ria militat legis præsumptio &  
dispositio, quæ suadet patrem, li-  
cet alioqui præstantem & heroi-  
cum, motibus & cogitationibus  
amoris præpeditum, non filij, sed  
matrimonij, quod ambiebat, ra-  
tionem habuisse.

Ex quibus evidenter constare  
arbitror, alienationem cessisse ad  
utilitatem eorum, adversus quos  
legum & consuetudinum statuta  
in hujusmodi rebus transferendis  
militant, & quorum respectu nulla  
ratio fuit (si res ad æquilibrium  
veritatis revocetur) cur D.C. vel  
gratia vel pietate moveretur ad  
subserviendum patri in superin-  
ducenda noverca, & conciliandis  
cum suo magno detrimento se-  
cundis nuptiis, quæ liberis prioris  
matrimonij semper sunt tristes, a-  
cerbæ, & infaultæ: *tot. tit. C. de se-  
cund. nupt. & Plutarch. loco præcitato.*  
sic



sic ut quamvis magna fuisset ratio mutui amoris inter patrem & filium, ea tamen nequaquam portigi debuisset ad fovenda auspicia secundi matrimonij, per quod mutuus ille parentum & liberorum amor distrumpi & extingui solet. In contrarium verò non est incognitum cessasse hanc conventionem & alienationem in gravem & intolerabilem calamitatem D. C. quem propter infirmitatem judicij, & adversus periculum secundi matrimonij, & pater, & ipsa Regina in lubrico hærentem juvare, dirigere, tueri, & non debilitare debuerant; *d. l. huius qui in ea causa sunt. §. divus. de Tutorib. & Curat.* maximè in alienatione rei tam magnæ, & dominij usque adeò nobilis & amplius, cum scirent dictum D. C. propter defectum vel imperfectionem judicij, & morum levitatem utilitatis suæ rationem examinare, & commodi ac incommodi modum, & quid horum præponderaret, attendere ac discutere non posse; idque majore ratione, quod pater non ignorabat (ut in actis proponitur) vanitatem causarum C. persuasarum, ac pretij constitutionem in centum & decem millibus imaginariam esse, & magna ex parte ex propriis bonis ipsius C. compositam. Et denique etiamsi verè substitisset, nullam proportionem vel æqualitatem haberet cum hujus dominij æstimatione, vel redditibus, qui tempore alienationis

septem vel octo millia annuè excessisse dicuntur.

His ita constitutis, & progrediendo ad quarti articuli decilionem, exuberans sese offert argumentorum copia, ex quibus alienatio illa nullitati, rescissioni, vel restitutioni subjacere debet. Nam primum ipso jure quæ gesta sunt cum D. C. nulla & inefficacia constituit ipsa sensuum, ac judicij imbecillitas, quæ tanta fuit, ut res suas neque intelligere sufficienter, neque administrare, & multò minus alienare, aut contrahendo sibi in aliquo præjudicare potuerit. Lex enim dementi, furioso, & aliis simili morbo laborantibus facultatem ab alienandi vel diminuendi res suas penitus inhibuit; *§. furiosi. Instit. de Curator. & tor. tit. de Curat. furios.* quæ legis inhibitiō potentius operari debet in proposito propter concurrens prodigalitatis vitium, quo notorium erat & constabat, maximè Reginæ, patri, & D. OppONENTI, D. C. omnia inconsultè dissipare, consumere atque profundere. Nam hæc dissipationis consideratio per se est sufficiens ad impediendum effectū dictæ alienationis *lason in l. i. cui bonis, num. 14. de ver. obl. Freder. de Senis. conf. xxxi. quem refert & sequitur Io. de Imo. in d. c. cum contingat. de iurejur. num. 74.* accedente tum Reginæ, tum patris judicio & elogio. Nam quamvis ex simplici appellatione prodigi nō oriatur sufficiens infantiæ & prodigalitatis præsumptio;

E c 3      sita

si tamen pater sano consilio, quem prodigum appelleret, sequendum est patris iudicium, præsertim si ultra appellationem etiam super prodigalitate provideat. *Alc. reg. 1. præsumpt. præsumpt. 15.* Quod hic factum esse, evidentissimè constat rum ex statibus D. C. factis, & in familia illius publicatis, necnon bonorum suorum adempta administratione. Unde, quod amplius est, etiam legitima & sufficiens inducta videtur interdictio; præsertim in hoc genere personarum, quod in sublimi, & omnium oculis est positum, nec latere potest instar privatorum: in quibus ob id magis specialis requiritur declaratio, vel proclamatio, *Doct. in d. l. si cui bonis. de verb. oblig.* ne videlicet ignoranter contrahentes decipiantur; tum etiam, quia etiam si omnis interdictiois causa removeretur, adhuc tamen nulliter contractum censeretur, propter scientiam prodigalitatis atque dementiæ, quam habuit tum pater, tum Regina, tum denique ipsa D. Opponens; quia is qui contrahit cum eo quem scit non intelligere sufficienter negotium, de quo agitur, vel rem suam ob imbecillitatem vel lubricum ætatis, vel alia ex causa non administrare probè & prudenter, inutiliter contrahit. *l. si quis cum sciret. pro emptore.* Et, quod magis ad rem facit, excluditur ab omni emolumento contractus qui paciscitur cum eo, quem scit prodigaliter vivere, aut in rebus suis

grassari, etiam si nulla interdictio, neque prohibitio privatim vel publicè intervenerit. *l. tres tutores. §. fin. de administ. tut. Faber in d. §. furiosus. Instit. de Curatorib. Freder. de Sen. & Io. de Imo. in locis præallegatis.* Quod pronius hic admittendum videtur, propterea quòd proclivione quadam ad istas secundas nuptias ad tam inconsultam alienationem pertraxisse videantur C. ij, qui ex officio, ne bonis suis faceret furiosum exitum, debebant prospicere, *d. l. his qui in causa sunt. §. Divus Pius.* ac etiam prospicere in aliis rebus consueverant.

PROXIMUM est prædictis, quòd etiam si non fuisset tanta D. C. amentia, vel prodigalitas, adhuc tamen inutilem & invalidam censerì dictam alienationem propter defectum causæ, & quia inanibus persuasionibus requirente, instante, & urgente patre & Regina ut matrimonium promoveretur, miser ad abdicationem tam ampli dominij inductus est. Nam neque jure neque natura tenebatur C. cum diminutione sui patrimonij subservire patris cupiditati in conciliandis secundis nuptiis; nec ulla fuit vel honestatis ratio, cur per communicationem sui patrimonij cum liberis futuri matrimonij novercam ascisceret, & contristando (ut interpretes dicunt) animam defunctæ matris patri superstiti alias nuptias conciliaret. Assertio verò persuasioq; Regine de beneficio pinguioris portionis



4 portionis per patrem in divisione filio attributa, (ut videtur) non subsistebat: cum quicquid ad C. pervenit, ex consuetudine regionum mortua matre, ut dicitur, obvenire debuerit: Et præterea id ipsum quod consuetudo largiebatur D. C. per divisionem multis conditionibus restrictum, ad diversos oneribus diminutum fuisse videatur. Quod cum in scripturis in princip. Addit. illustrissimi Ducis fuisse deductum sit, data opera pluribus hic non explicabo, ne sim prolixior.\* Certum est autem de jure gestum ex causa non vera retractari posse, siue causa ab initio desit, siue postea deficiat, l. 2. & tot. tit. de conduct. sine caus. & quandoque lesio sequitur ex falsa persuasione, industria deceptiva appellatur, & competit de dolo, vel (ut honori personarum parcatur) in factum actio. l. si quis affirmaverit. de dolo Bald. in l. 2. col. 1. vers. tertio oppono C. de rescind. vend. l. si superflue. C. de dolo. Quibus accedit, ob allegationes falsas etiam transactionem retractari, l. si ex falsis. C. de transact. quantumvis juratam. Curtius senior conf. XLIII. super contingentia, col. 2. Quod eleganter probat Accursius, in l. item si pretio. in fi. locati. sic iniquens: Standum conventioni, nisi emptor dicat aliquid propter quod venditorem ad vendendum tali vel tanto pretio induxit, ut quia dicebat & affirmabat rem non esse majoris pretij. Cujusmodi quid hic intervenisse,

fatis manifestum est ex actis & confessione D. Opponentis, in d. 19. artic. & seqq. quæ est firmissima probatio, & instrumentali æquipollet. Et proinde cum constans hæc asseveratio Regine non substiterit, & nihilominus D. C. laqueis illius involutus & cōstrictus fuisse inveniatur, manifestum videtur vel ex defectu causæ, vel ex vanitate persuasionis omne id quod actum est corrumpere, & viribus destitui; maxime cum præter persuasiones etiam aliæ captiones intervenisse videantur, quæ ex equi donatione & invitatione præcedenti colligi possunt.

PRÆTER prædicta omnia nullitas dictæ alienationis detegitur. expatris in magna auctoritate & potentia constituti reverentia, necnon perhorrescentia Regine gubernacula omnium ditionum tenentis, ex quorum directione, instantia & impressione D. C. ad hanc alienationem inductus fuit. Nam si generaliter aliqua concurrente lesione, sola patris etiam privati reverentia justam causam præstat annullandi contractum; Aret. consil. 44. col. 2. Dec. consil. 263. Ruinus conf. 60. num. 18. vol. 3. Curt. junior conf. 141. col. 2. num. 17. præterea si quis per impressionem emisit dicatur, qui nihil aliud præstitit quam quod enixe curaverit rogari a potentiore aliquo adversarium: Bart. in tract. De tyrannide, vers. impressionem autem probabit. Item si generaliter venditiones, donationes,

tiones, & transactiones, quæ potentiam extortæ sunt, infirmantur; l. si. C. Quod met. caus. Ang. conf. 215. Fulgosius conf. 191. si blanditiæ potentum æquiparentur minis; gl. in l. 1. C. Si rector provincia. Alberic. in Dictionar. suo ad verb. Blanditiæ. si cogit rogando, qui rogat potentior, juxta illud:

*Est orare Ducum species violenta jubendi,*

*Et quasi nudato supplicat ense potens.*

Ob quod Plato preces Principis necessitati admixtas esse dixit; quis non æstimabit justissimum metum & impressionem intervenisse, ubi omnia prædicta fuerunt ferè concurrentia pugnantiaque non adversus constantem, prudentem, aut cordatum virum, sed in fragili subjecto, ruinoso & per se cadente, & ad quod percellendum solus patris aspectus, sola blandimenta, munuscula, invitationes, aut persuasiones Reginæ, plusquam sufficiebant. Quæ persuasiones & inductiones eo efficaciores videntur, quod à patre & ipsa Regina malè informata profectæ sunt, quæ re penitus perspecta debuisset potius D. C. sua conservare, quàm adimere. d. l. his qui in ea causa sunt. §. Divus. Gravissimum enim est dispendium, sustinere ab iis quibus ob imbecillitatem quis est creditus, & à quibus commiserationem & consilium impetrare debuit c. Sanè. de renunciat. l. à tutorib. in princ. de administr. tutor. Sed &

gravissimæ læsionis ratione, quæ non modò in duplo, sed in triplo & ulterius verum valorem videtur excedere, alienatio illa corruiere debet. Nam cum & ipsa doli speciem, quam vocamus dolum, re ipsa in se contineat, l. si quis cum alter. & ibi Doct. de verb. oblig. d. l. si superflite. vers. sanè si immodicè lasa es. C. de dolo. invalidat contractum ac si intervenisset adversarij dolus. Læsionis autem magnitudo ex ingenti valore & dignitate ab alienati dominij colligitur, cujus redditus ad octo vel novem millia annuè ascendere dicuntur, & in quo bona pars substantiæ D. C. consistebat, & superabat quadruplo & amplius portionem eam quæ aliis minoribus natu liberis ex primo matrimonio obtigit; ultra quam tamen de jure pater ex suis propriis bonis, & in sua libera dispositione consistentibus non potuisset filio secundi matrimonij relinquere in præjudicium liberorum primi matrimonij; l. hac edictali. C. de secund. nupt. ergo multo minus ex propriis bonis filij majoris natu, & illi ex beneficio consuetudinis solidè affectis & acquisitis. Et hæc læsionis, consideratio augetur & intenditur ex periculo evictionis L. si & ea D. Impetranti debeat incumbere, quæ dicitur ascendere ultra centum millia florenorum.

Rursum cum hic contractus (ut mox dicetur) speciem emptio- nis vel emptioni similem habeat, quæ neque in re propria, neque sine

sine pretio potest consistere, *d. l. suæ rei, & d. l. si procuratorem. §. si liber homo.* alia nullitas ex illo enascitur, quod prædium appellatum de *Monregaert* ac munitiones bellicæ, quæ D. C. in solum assignatæ sunt, olim & antequam ad eam conventionem descenderetur, jure proprietatis ad eum pertinerent: sic ut serie rei penitus inspecta, & ad legitimum judicium revocata, appareat patrem filio in solum dedisse, vel promisisse res proprias, aut pro majore parte solvisse de pecuniis ipsius propriis, ob quod nihil actum esse videtur. *d. l. si procuratorem. §. si liber homo. & d. l. si mandavero.* Siquidem quemadmodum suæ rei non consistit emptio, *d. l. suæ rei.* ita per contrarium in pretij constitutione, assignatione vel solutione nullum est quod agitur, si propriæ res venditoris in solum dentur, promittantur, aut de propria pecunia solvatur. *d. l. si procuratorem. & l. 3. de Divoritiis.* Etenim horum correlativorum idem jus, eademque ratio est, & de uno dictum de altero intelligitur.

Quibus denique accedit, quod ipse legis operæ in transferendo dicto dominio post contractum secundum matrimonium inutiles censeantur ex causis supra relatis: sic ut plurimæ sint causæ & rationes, quæ suadeant ex capite nullitatis dictum contractum corrumpere, omniaque in pristinum statum reponi debere.

Quin etiam si hæc nullitatis

via, quæ primo loco est proposita, prætermitteretur, sufficeret tamen ad consequendum quod intenditur & petitur, restitutio in integrum vel rescissio, quæ simul & semel eodem libello cum nullitate sunt propositæ. Nam cum probari possit deceptio longè ultra dimidium, expeditum est rescissionis remedium; *l. 2. C. de rescind. vend.* quod cum triginta annis dureret, tempore nondum peremptum esse, ex recta supputatione intelligitur. Præterea cum restitutio in integrum tunc quoque datur, cum annullari contractus postulatur, & deceptus restitui, ex Cyni & aliorum sententia, in *d. l. 2. in fi. C. de resc. vend.* magnopere dubitandum non est, quin propter conditionem & qualitatem personæ dicti D. C. propter magnum conatum patris, & propter blandimenta & persuasiones Reginæ, item propter enormissimam læsionem, defectum causæ, reverentiam & metum ex patris atque etiam ipsius Reginæ vehementi instantia contractum, *l. si cum dorem. §. eo autem tempore. solut. matrimon.* atque aliis capitibus nullitatis illustrissimo Duci tanquam hæredi D. C. per restitutionem consuli & subveniri debeat; cum etiam si tam evidens nullitas non militaret, neque adeo magna fuisset dementia, neque tam nota dissipatio D. C. nihilominus tamen restitutio indulgeretur ad recuperandum quod inconsultè, & cum magna læsione abalienatum est.

F f

Nam

Nam tamen si cessante vera dementia simplicitas morum, item animi & iudicii crassities seu stupor & fatuitas aliqua (quam in D. C. fuisse nemo negabit) neque testamenti factionem, neque contrahendi facultatem omnino præripiat, *l. si frater. l. senium. C. qui testam. fac. poss.* sufficit tamen ad restitutionem tribuendam, quotiescunque emergit aliqua læsio. Et præterea efficit hæc qualitas, ut ad colligendum metum vel deceptiones, leviores præsumptiones & conjecturæ valeant, quemadmodum de persona mulieris & minoris dicitur, in quibus propter minorem animi vigorem minor prudentia exigitur, & leviores causæ metus sufficiunt. *gloss. in c. cum locum. de sponsal. Abb. in c. cum dilectus. De his qua vi metusve causa. Rom. sing. 226. inci. Tu scis quod contractus.* Rursus quamvis sola profusio, aut prodigalitas absque interdictione non sufficiat ad annullandum contractum initum cum eo qui non fuit dissipationis conscius, tamen si persona in lubrico illo constituta partem aliquam notabilem bonorum suorum cesserit, aut damnosam alienationem subierit, iuvabitur restitutionis vel rescissionis beneficio; etiam si maior sit viginti quinque annis, & bonorum interdictione neque à jure, neque à iudice, neque per sententiam facta sit. *juxta notat. Interpretum in l. patri pro filio ad exordium, in verb. Interdici, de minorib. & in l. 1. Ex quib. caus. major.*

*Ang. Aret. in d. l. is cui bonis. & Ludov. Rom. sing. cccxv.* Nec videri potest tempus petendæ restitutionis hîc præterlapsum, tum propter perseverantem imbecillitatem D. C. & Reginæ potentiam, nec non secutam illustrissimi Ducis militiam & captivitatem, *l. 1. 2. 3. & 4. C. de tempor. in integ. resti.* tum quia in evidenti læsione tempore à legibus præscripta non valde exactè observari videntur; vel propter magnitudinem læsionis, *c. 1. juncta ibi gl. si. de restit. in integ. in vi. Pan. in c. ad nostram. de reb. ec. Felin. int. 1. de præsc. quæ prope est ut inducat nullitatem; vel propter uniformitatem præscriptionum, quæ de consuetudine spatio triginta annorum restrictæ sunt, vel quia ut nullo loco, ita nec tempore exiguo æquitatem concludi patimur. Convincunt ergo satis præmissa contractum & abalienationem illam per se spectatam in ea conditione esse, ut si quomodo subsistat, ut vel remedio nullitatis, vel restitutionis vel rescissionis retractari debeat, non obstante quod in patris utilitatem cesserit. Nam filio patris personam sancta honestaque esse debet, & tenetur filius patri exhibere honorem, reverentiam & operas obsequiales, sed non tenetur exceptis vitæ subsidiis contemplatione ejus bona sua detelinquere. Quin diligentius prospicit lex adversus parentes, qui ex rebus filiorum aliquid diminuant, quam adversus extraneos: adeo quod silentium*

lentium patris quantumcunque diuturnum, etiam quædraginta vel quinquaginta annorum non præjudicet filio, *l. 1. in fi. C. de bonis matern.* & sola patria potestas sufficiat ad impediendum effectum alienationis per patrem factæ, de re filij, etiam si fatuitas vel imbecillitas, & metus consideratio penitus absit & cesset; nullæque concurrant noxiæ circumstantiæ, quæ hic sunt plurimæ.

RESTAT nunc excutere id quod quinto loco quaeritur, An sequentia appoiñtuamenta vel jura-menti, ac aliarum circumstantiarum in hac causa concurrentium ratio, quæ plerumque facti qualitas, aut juris dispositio mutari solet, *l. si ex plagis. §. in clivo. Ad leg. Aquil.* huic alienationi per se non subsistenti eam firmitatem adjece-rit, ut ex causis & remediis (de quibus suprà dictum est) neque nulla declarari, neque rescindi possit.

ET diligenter ponderando, & invicem separando, rursusque conjungendo & copulando omnia, nihil ex omnibus invenitur, nec omnia quidem simul collata tam efficacia videntur, ut declarationem nullitatis, aut rescissionem vel restitutionem dictæ alienationis possint præscindere.

ET primò ut singula per ordinem attingamus, non potest huic considerari appoiñtuamentum quod infecutum est, utpotè quod ex eodem metu, eademque infirmitate judicij processit, & eidem

læsioni aliisque noxiis circumstantiis subjacet, quibus ipsa alienatio; ideoque annullata vel rescissa alienatione, etiam appoiñtuamentum illud in consequentiam ejus consecutum, debet corruere, tum ratione continuati metus & infirmitatis judicij, & denique ex generali illa regula, qua receptum est; Nulla cautela compromisso vel transactioni adjecta, effici posse ut videatur rescissio ob deceptionem, enormissimam læsionem, vel aliam causam remissa & exclusâ, *latè Dec. conf. 60. incip. viso themate. Bald. conf. 308. lib. 1. nisi postea deposito metu, derelicto errore, adhibito perfectiori judicio verè libera & spontanea voluntate fiat læsionis remissio. Ang. conf. 94. col. 7. vers. restat igitur. dd. in l. 2. C. communia utriusque judicij.* Quod non videtur in proposito propter continuatam ingenij impotentiam & morum dissolutionem in dicto D. C. & propter continuatam potentiam Reginæ, & instantiam D. Opponentis, quæ majori molimine ad tutandum conservandumque dominium Ha. ferebatur (ut in actis dicitur) quam defunctus maritus ad auferendum illud suo filio; sic ut præcedens metus, aut læsiō propter durantem infirmitatem judicij, & perseverantem auctoritatem Reginæ purgari non potuerit. Nam ut pulchrè scribit Baldus, *in l. 2. C. de judicij.* Postmetum illarum ex aliquo actu sequenti, etiam ex intervallo factō, nunquam metus purgatur durante

causa metuendi, idest, Tyranni potentia. Quod sequitur Alexander, *conf. 48. vol. 4.* & probat Decius, *conf. 69. & conf. 219.* asserens quod metus Regius, propter quem facta fuit renunciatio, per Episcopum Placentinum de Episcopatu dictæ civitatis pro Episcopatu Astensi non fuit purgatus, ex eo quod gessit se per quinquennium pro Episcopo Astensi; quia omnia quæ facta fuerunt durante eodem timore Regiæ Majestatis, ad initium referri, & eodem jure censi debent; quia non potest dici quod metus purgatus fuerit, cum durante potentia minantis semper metus durare dicatur, & sub spiritu timoris nunquam metus purge-  
 7 tur, nisi sint causæ consentiendi congruæ, quæ hic deficiunt. Quin si paulò subtilius inspicimus omnia, evadet manifestum, appoin-  
 ctuamentum illud majoribus vitiis subiacere, & penè majorem læsionem adferre quàm ipsam alienationem, utpotè per quod D. Ca. gravissimæ evictioni obstrin-  
 gebatur ipsius abalienati Ha. nomine; & ulterius hoc agebatur ut oneribus hæreditatis paternæ sub-  
 jiceretur, quibus vidua tam ex consuetudine Hannoniensi, quàm Bruxellensi, ubi domus mortua-  
 ria fuit, incommutabiliter inno-  
 data erat, & etiamnum existit: maxime si consideremus per D. C. & omnes reliquos liberos hæredi-  
 tatem legitimè fuisse repudiatam; ita quod hac ratione exempti one-

ribus hæreditariis, necessariò illa apud D. Opponentem, aut filium ejus remanere debeant.

Nec est subticendum appoin-  
 ctuamentum illud celebratum esse anno 49. 22. Junij, cum ex actibus, dementia & prodigalitate detegentibus, propius cognosceretur incapacitas D. C. cumq; per com-  
 minationes, per ordinationes Regiæ ac etiam ipsius Imperatoris omnis omnino administratio illi abrogata esset, decreta honesta tutela: sic ut tunc nec consentiendo, nec alienando sibi aliquatenus præjudicare potuerit.

DESCENDO ad juramenti, aliarumq; clausularum adjectionem tam in contractu antenupriali D. Opponentis, quàm in aliis instrumentis factam, bona ratione dici potest, idem judicium de illis esse debere, quod de ipsa alienatione & transactione infecta, cum ex iisdem causis, & inter easdem personas, eodemq; modo omnia præcesserint. Illud etiam non incommodè dici potest, juramenti & reliquarum clausularum adjectionem itilo Notariorum vel patri defuncto, vel D. Opponentis attribuendam, apud quos plenis verbis & clausularum acervis ipsi contractus, instrumenta que pro lubito ipsorum cõscripta sunt, ac subiecta D. C. omnium rerum ignaro, qui juramentum verè subiisse non probatur: & si verè illud subiisset, eadem facilitate & impressione censeretur ad id in-  
 ductus



ductus qua contraxit; & consequenter eadem remedia, de quibus suprà dictum est, locum habere debent. Nam juramenta quæ vi, dolo, metu extorta sunt, nullius sunt roboris. *c. cum contingat. de jurejur. c. quamvis. de pactis, in 6.* Et præterea cum de contractus jurati annullatione vel rescissione agitur, solam enormissimam læsionem sufficere jure receptum est, *Pau. in d. c. cum contingat. in 5. col. in fi. Petr. de Ancho. conf. 30. pro clariori. & consil. 72. Cald. conf. 8.* & rationibus manifestis comprobatur. Primò, quia ex tam enormi seu enormissima læsione dolus præsumitur, & læsio re ipsa dolum satis attestatur, ita quòd ex eo dolosus contractus judicari debeat: *l. si quis cum aliter, & ibi. dd. de ver. obl. l. Lucius. § omnes de his qua in fraud. cred. & d. l. si superstitie.* & certum est, dolo concurrente, contractum quantumlibet juratum rescindi. *Aurb. Sacramenta puerum, & ibi dd. C. si advers. vendit.* Secundò, quia non præsumitur jurans hunc casum cogitasse. *arg. c. veniens. & c. Quintavallis. de jurejur. l. si creditor. mandati.* Tertiò, ne juramentum sit vinculum iniquitatis, quæ ex tali jurato contractu ob magnam læsionem videtur resultare; *d. l. si quis cum aliter. & ibi dd.* ad eò quòd licet juramentum vim specifici & specialis consensus habeat, *l. fin. §. pen. ad S. C. Vellejan.* non tamen excludit læsionis considerationem quin possit amoto juramenti effectu configi ad restitutionem in

integrum; & si aliter judicaremus, nempe tali contractui jurato standum esse, longè majus absurdum sequeretur. Nam eo modo iniquos contractus oporteret observari, & cum enormi alterius jactura alium locupletari, quod contra æquitatem naturalem est. *l. nam hoc natura. de condict. indeb.* Unde Antonius de Butrio *in d. c. cum contingat. in 4. membro.* generaliter ita concludit, Si quis cum juramento contraxerit, & re ipsa læsus in magna quantitate inveniatur, contractus planè rescindi debet. Cui convenit pulchrum & ad rem præsentem pertinens exemplum, quod refert Anchoranus *in c. Canonum statuta. in 11. art. vers. Quid dices, de juramento.* De const. de nepte, quæ cum sacramento generalem, captiosam & sibi admodum damnosam acceptilationem in patrum favorem fecerat: de quo propter reverentiam, metum, simplicitatem personæ & enormissimam læsionem, & denique quia non cum eo ipso qui jurasse dicitur, sed cum hærede ejus agitur, necessarium non est prolixius disputare; unum illud non subticendo, quòd cum juramenti, renunciationis, & omnium aliarum clausularum diligens cautio & coacervatio, quæ in prolatis instrumentis inveniuntur, ex dolo & ingenio adversariorum prodierint, & D. C. in ea fragilitate & infirmitate fuerit, quòd vim & significationem earum investigare aut comprehendere nò potuerit, juris



rationem eò inclinare, ut per eas non augeatur nec intendatur, sed potius diminuatur, & enervetur D. C. obligatio; cum alioqui ubi clausulæ cautiores ponuntur ad confirmationem cōtractus suspecti, eundem magis suspectum reddant, & suspicionem adjuvent. *De cius in l. quæ dubitationis, num. 3. de regul. jur. Cepola in tract. de simulat. reg. 9. Bald. in c. quia verisimile, de præsump. Lud. Rom. cons. 520.* Accedit in confirmationem præmissorum, quod iuramentum præstitum à prodigo non valeat, *ut not. Doct. in l. u cui bonis. ff. de verb. obl. & in c. cum contingat. de iurejur.* Quod obtinet etiam in prodigo notorio, licet bonis ipsi per iudicem interdictum non sit, ut expressè consuluit Frederic. de Sena *consil. 31.* quem refert & sequitur Joan. de Imol. *in d. c. cum contingat. num. 71.* & idem sentit Bald. *in l. unica. in 13. col. num. 51. C. de conf. dum dicit, Confessionem factam à prodigo, cujus prodigalitas est tanta ut sapiat dementiam, non valere, etiam si ipsi bonis interdictum non erat.*

RELICUUM est respondere ad hæreditariam successionem quæ illustrissimo domino Duci objicitur, & ad præsentiam Reginæ, necnon Domini de Lalein, Præsidis Schoor ac Consiliarij Juliani, quibus altantibus & coadjuvantibus tum alienatio, tum insecuta transactio celebrata dicitur. Et paucis quod ad Reginæ præsentiam attinet, quamvis in Principis

ac Judicum præsentia præsumatur supergressio, & conventionis iniustitia cessare, omniaque sincerè & bona fide acta esse; tamen ubi veritas aliter elucescit, cessare debet ea præsumptio, & veritate cedere, quæ in proposito manifestè militat in contrarium, ex eo quòd constet Reginam & donis & blandimentis diligentissimè patris desiderium deduxisse in actum, & executam esse, & prospicere voluisse non utilitati D. C. sed ~~no-~~vercæ & liberis secundarū nuptiarum: quarum progressum tantoperè urgebat, & ne intermitteretur vel differrentur, omnem movebat lapidem, ut palam esse dicitur, & ipsa D. Opponens satis fatetur; *in d. 19. artic. Memor. suarum.* sic ut huc nihil pertineat quod dicitur de actu celebrato in præsentia Principis, qui neutrius partis studiosus, præsentia & auctoritate sua suspicionem calliditatis & læsionis removeret; sed in contrarium illud hîc locum habeat, quod de blandimentis, precibus, magnaq; instantia Principum dominantium dici solet, quæ iustum metum constituit, & quæ (ut inquit Angelus *d. cons. 215.*) à circumvento Principe per abusum rationis & iustitiæ committitur. Quæ in proposito negotio tam potens est, ut non solum D. C. sed etiam D. de Lal. Præsidi Schoor & Consiliario Juliano tenebras offundere potuerit. Quo sanè casu præsentia amicorū non excludit metus præsumptionem.

nem. *Ang. consil. pract. & Alciat. post alios in l. transactionem. C. de transactionib.* Quod proclivius hic dicendum est propter enormissimam læsionem, in quam D. C. contrahendo incidisse videtur. Nam ipsa enormissima læsio probat veritatem rei non satis bene explicatæ, cui cedit talis præsumpta consideratio ex amicorum præsentia. *Præses Mauritius de restit. in integ. c. 145.* Quin etiam si bene considerentur omnia, constabit ex progressu facto 4. Junij, cum expeditione instrumentorum, quæ sexta die ejusdem mensis infecuta est, & præcipitanter, & indeliberatè, nullis adhibitis ex parte D. C. alienationem processisse. Nam dominus de Lalein & Præses Schoor ab ipsa Regina, quæ magno ardore urgebat has nuptias, fuerunt adhibiti, ut propositam atque conceptam alienationem favore dicti matrimonij C. persuaderent; uti & factum esse eventus ostendit, cum magno damno D. C. & illustrissimi Ducis moderni. De quo tamen neque serenissimam Reginam, neque illustres illos heroes arguere ausim, qui pro suo in patrem D. C. & dominam Opponentem illius futuram conjugem officio ac illius importunitate victi, vel malè informati de valore & pretio dominij alienati ac meritis paternis huic contractui ut amici & extrajudicialiter intervenerunt, quem ad justitiæ incudem revocatum meliore informatione accepta, si vi-

verent, ultrò retractarent tãquam circumventi, ac malè persuasi, & informati ab initio. Deinde, quod ad transactionem attinet, palam est eam post decretam curam & ablatam administrationem à Curatoribus factam, quibus jus alienandæ rei immobilis aut præjudicandi D. C. tam enormitet potestas non fuit. Et præterea ipsa D. Opponentis vehemens instantia, & Reginæ diligens tuitio atque enixa voluntas Dominum de Lalein, & Consiliarium Julianum, per quos hæc res facta est, facile turbare, & à gradu dejicere potuit. In qua re ipse D. Consiliarius Julianus idoneus & locuples testis esse posset si viveret, cum ab adversa parte citetur, & urgeatur ipsius tum præsentia, tum auctoritas. Et ad extremum eventus enormissimæ læsionis ostendit quid actum fuerit, removerque omnem bonitatis præsumptionem. Quod verò ad hæreditariam successionem attinet, non potest ea hic urgeri, propterea quodd constat de præcedenti, eaque solenni hæreditatis renunciatione, quæ omnem mutationem & contrariam hæreditatis admissionem excludit, quodque ipsa D. Opponens ejusque filius de consuetudine ab initio oneribus hæreditariis fuerint inodati, nec potuerint ea expacto illius invalidæ transactionis à se excutere, & in D. C. transferre efficaciter, ex causis suprâ latissimè deductis. Præterea etiam si pactum illud

illum onerum hereditarium susceptorum aliquas vires haberet, nec infringi vel infirmari posset, non tamen extenderetur ad hanc questionem Ha. neque impediret adversus dominam Opponentem, ejusque filium nullitatem, restitutionem, aut rescissionem contractus eo nomine celebrari. Nam remedia ad D. Impetrante proposita tendunt ad rei vendicationem & ipsam dominij repetitionem, quæ per onerum susceptorum conventionem duntaxat personalia debita respicientem non perimitur. Deinde cum per hanc abalienationem filius privatus exclususque sit hoc dominio, non tam suo quam patris facto (cui resistere erubescibat) contra beneficium legis in d. l. hac edictali, & consuetudinis subveniendum ei foret, etiam si verè & absolute hæres existeret. Nota namque est juris regula, quòd hæres possit venire contra factum defuncti, quando factum defuncti rendit ad privandum filium beneficio legis vel consuetudinis. l. 1. & 2. C. si quid in fraud. patr. Bart. in l. 2. C. de inoff. donat. Paul. de Castr. consil. 199. Visis dubiis. lib. 2. & consil. 448. Tria sunt quæ videntur lib. 2. Mar. Ant. Nat. consil. 470. Adde, quòd quamvis verba dicti appoinctuamenti latè concepta sint, non tamen includunt ipsum Ha. aut debita seu actiones Ha. concernentes quæ nominatim exceptæ sunt. His accedit quòd contractus ille abalienati dominij principaliter utilita-

tem liberorum secundi matrimonij respicit, & eorum nomine expressè celebratus est à patre, qui beneficio consuetudinis, cessante illo contractu hoc dominium retinere non potuit: sic ut D. Opponens ejusque filius per insecutam possessionem & ratificationem sunt immediati emptores, & ipsa acquisitio radicata sit in filio secundi matrimonij, qui ob id etiam personali actione teneri debet perinde ac si ipse acquisivisset; maximè defuncto patre, & posteaquam ipse accipiendo H. dictam acquisitionem suo nomine factam ratificavit & approbavit. Nam non inspecto nomine ejus qui comparat, attendimus personam illius cujus nomine fit comparatio, & ad quam dirigitur & refertur effectus acquisitionis; l. quamvis. & l. multum interest. C. si quis alteri vel sib. & ratificatio siue ea facto, siue verbis inducatur, efficit ut venditio vel alia acquisitio censetur facta à ratificante, non ab ipso qui comparavit: l. si pupilli. §. item quaritur, in illis verb. Sed ratificatio fecit tuum negotium. & iterum in §. seq. & ibi not. de neg. gest. sic ut hoc casu perinde sit ac si totum negotium gestum esset inter D. C. & dominam Opponentem: nullaque haberi possit successionis vel confusionis hereditariæ consideratio, cum neque D. Opponentem, neque ejus filio, qui hoc casu medio alterius contraxisse videntur, D. C. successerit, & pater respectu dicti contractus,

contractus, ut negotiorum gestor in illo contractu, maximè respectu hujus temporis quo filius ex suo capite tenet Ha. intervenisse videatur, & non in sua propria persona, in qua successionem dereliquit. Cujus rei prævalidum argumentum præstat, quod D. Opponens non aliundè quàm ex contractu illo, vel appoinctuamento dominium hoc filio suo possit asserere; ita ut ipsis tanquam immediatis contrahentibus opponi possint omnia vitia dicti contractus, non solum intrinsicæ, sed etiam extrinsecæ, & ex studio eorum adhibita, qui ad utilitatem eorum hanc alienationem sollicitarunt, consuluerunt, & contraxerunt. Nam qui lucrum sentis ex contractu per alium suo nomine inito, eum sequi debent omnia onera & vitia in eodem contractu intervenientia, vel ex illo resultantia. Quod in magna animadversione est habendum, & pronius in specie proposita recipiendum, quod ipsa D. Opponens neque tempore contractus antenuptialis, neque tempore dicti appoinctuamenti qualitatem D. C. ignorasse proponatur.

PROGREDIENDO nunc ad id de quo postremo loco dubitatur, Anne videlicet ad extremum illustriſſimo domino Duci superſit petitio indemnitatis evicti Lo. aut ejus quod restat ex centum & decem millibus nomine dicti domini promissis. Cujus articuli explicatio ut sit illustrior, primò genus

contractus constituemus. Secundò, quid ex eo contractu ab initio fuerit debitum, & quid nunc adhuc solvendum restet. Tertio, removebimus objectum generalis liberationis & hæreditariæ successionis, quæ hoc loco denuò recurrit.

Et quod ad primum attinet, paucis dici potest, quod tametsi benevolentia ac meritorum commemoratio in constituenda ac celebranda dicta alienatione intervenit, donationem tamen hæc constitui aut considerari non posse, propter interventum pretij seu compensationis; & quia constat contrahentes, dum convenirent, id principaliter egisse ut dominiû Ha. abalienaretur à filio in patrem favore ac contemplatione futuri secundi matrimonij, data filio à patre dicti domini æstimatione, quæ regulariter & in dubio facit venditionem, l. quoties. C. de donat. inter vir. & ux. l. 2. §. æstimatorum. C. de rei uxor. act. l. 3. & ibi Bartol. locat. ad quam alioqui procliviores esse debemus, quàm ad donationem; quæ in dubio nunquam intelligitur aut præsumitur, ubi sumi potest alia conjectura, præsumptio, vel occasio: l. si cum aurum. & ibi Bart. de solutionib. Decius conf. 308. in casu ad nos transmissio, col. ult. Andr. Tiraquell. in l. si unquam, in verb. donatione largitus. C. de revoc. donation. quæ sanè in proposito est maxima, tum propter rei ipsius magnitudinē, tum etiam propter æstimationē & apprecia-

G g tionem

tionem expresse factam, & à contrahentibus principaliter consideratam etiam à principio, & in ipsa præfatione, ut ipsa D. Opponents fatetur. *in d. 19. artic. & seqq.* Nam dicta in præfationibus illuminant contractum incontinenti secutum: *Alexand. conf. 27. col. 2. vers. & quod non sit. vol. 3. & consil. 122. col. 3. lib. 2.* Deinde non donandi animum, sed re vera vendendi, atque etiam quanti pluris, cum ex aliis conjecturis, tum ex propria memoria patris, nominantis hunc contractum Venditionem, ut aperte probatur, in verbis: *Pour recevoir le vendage, &c.* Quod legi & naturæ donationis est contrarium, & propriè vereque ad vim & effectum venditionis pertinet, unde contractum denominari oportet, etiam si is postea contrahentium verbis, aut aliis circumstantiis declaratus non fuisset. *l. insulam. de præscrip. verb.* Præterea emptionem venditionemque celebratam esse, evidentiùs ostendit promissa in appointuamento evictio, & conventa pretij restitutio in eventum quo non superstitis liberis ex secundo matrimonio dictam alienationem contingeret resolvi, & in pristinam causam reverti. Etenim contractus resolutio trahitur ad principium ipsius contractus unde habet originem; & finis in omnibus rebus ostendit qualitatem principij, & cujusmodi res ipsa censeri debeat; *l. sed etsi quid. §. 1. de usufruct.* sic ut sive ad convenien-

di formulam, sive ad appreciationem in ea factam, sive ad intentionem contrahentium, sive ad finem & eventum rei respiciamus, dubitatio non sit quin secundum regulas empti venditique hæc res expendi decidiq; debeat; potissimum propter compensationem & appreciationem nominatim factam, & conventam restitutionem pretij resolutio contractu. Quæ efficiunt ut quamvis conventio etiam in nomine donationis explicata esset, vim tamen & effectum venditionis haberet rei ipsius effectum, & non inspecta prolatione verborum. *d. l. insulam. & l. si uno. in princ. Locati.* Tantaque est vis dictæ æstimationis & appreciationis ac conventi pretij in pecunia, quod resolutio contractu restitui deberet, ut etiam considerationem permutationis removeat. Nam propter æstimationem constituitur verus contractus venditionis, etiam si in contrahendo formula permutationis servata sit. *gloss. in l. 1. & ibi Bartol. Bald. Salic. C. de rer. permur.* De qua re in specie propo- sita prolixius disputandum non videtur, ob id quod generaliter permutatio emptioni sit vicina, *l. 2. de rerum permur. & d. l. 1. C. eod.* imò & vicem emptionis obtineat. *gloss. & dd. in d. l. 1. C. de rer. permur. Paul. Castren. in l. 1. col. 2. vers. adhuc oppono. eo. tit.* Et generaliter permutatio venditioni omnino æquipollet, non solum quando totius pretij, vel majoris partis consti-  
tutio

ratio consistit in pecunia, & postea pro pecunia species dantur, verum etiam quando pro fundo datur alius fundus æstimatus. Nam æstimatione semper facit venditionem, & veram rei appreciationem, quæ pretio in pecunia numerata constituto per omnia respondet, & æquipollet. *gloss. & dd. in d. l. 1. C. de rerum permut. Paul. Castrens. in d. l. 1. col. 2. vers. adhuc oppono.* Quibus accedit, quod plane appareat respectivam fuisse conventionem, & & quod sine hac compensatione alienatio non processisset. *l. cum te. C. de pact. inter empt. & vend.*

NUNC constituta specie contractus, quam emptionem & venditionem aut illi æquipollentem esse, & permutationem vel dationem ob causam diximus, proclive est pro decisione secundi articuli definire pretium dictæ conventionis constituisse ab initio in centum & decem millibus secundum correspondentiam pretij restituendi in casum resolutionis & reversionis, ut scilicet principium respondeat fini, & causa proportionetur suo effectui, & contractus eandem qualitatem & naturam habeat quam habet distractus, seu resolutio eiusdem contractus. Cæterum cum patri commodum non esset totum pretium in pecunia numerata persolvere, placuisse videtur ut tormenta bellica oppidi Aunee non redditus super ducatu Ar. constitutus pro prædio appellato *Montegaert* in solutum cederent, &

æstimata vicem pretij obtinerent; quæ vera est in solutum datio, & vicem venditionis obtinet, nec qualitatem aut naturam ipsius venditionis immutat, sed solam executionem & implementum respicit. *l. vel solvendi, de publician. in rem act. l. eleganter. in princ. de pig. act. l. si prædium. C. de Epiſt. latè And. Tiracuell. in retract. consanguin. §. 1. gl. 14. in princ.*

DEINDE ut demus ipsum pretium in parata pecunia ab initio, & ex conventionem partium non constituisse, eodem nihilominus relabemur propter æstimationem specierum, quæ à patre pro appreciatione dicti dominij Ha. datæ sunt, addita constanti affirmatione; quam etiam, re adhuc integra, Regina confirmavit juxta propriam positionem dominæ Opponentis, in 25. artic. *Memor. suarum.* quod valor earum ad expressam quantitatem ascenderet, quæ quidem æstimatio & valoris constans affirmatio veram venditionem induxit, & obligavit patrem filio ad præstandum species datas in eo valore & æstimatione quam constituerat & affirmaverat, aut supplementum illud quod ad eam æstimationem deceſt. Etenim æstimatio affirmatioque certi valoris obstringit affirmantem ad præstandam æstimationem & valorem expressum. *l. Julianus, in princ. de actionib. empt.* Et præterea ut in simplici permutatione, in qua nulla pretij aut pecuniæ intervenit numeratio,

Gg 2 dubi-



dubitatur an per omnia regulis emptionis & venditionis contineatur; ita extra controversiam intelligitur eam in omnibus venditioni æquipollere, imò veram venditionem esse, cum pro fundo datur alius fundus vel species æstimata: *gloss. in d. l. 1. & ibi Bars. Bald. & Salicet. C. de rerum permut. Ludov. Bolong. conf. 21. & conf. 25.* sic ut sive ab initio dicamus pretium dictæ venditionis ascendisse ad quantitatem centum & decem millium, & postea species eo nomine in solutum datas, sive species æstimatas ab initio vice pretij datas esse cum promissione certæ pecuniæ, semper constabit pretium dictæ venditionis ascendisse ad quantitatem centum & decem millium, eamque quantitatem à patre filio propter dictam æstimationem & affirmationem præstari debuisse pro complemento & satisfactione dictæ conventionis. Et proinde cum species à patre datæ illius non fuerint propriæ, nec ejus valoris aut æstimationis (ut superius deductum est, & in additionibus domini Imperantis latius explicatur) quam affirmaverat, juris manifesti est, actionem filio, ejusque hæredi eo nomine natam esse, competiisse, & etiamnum competere. Nam cum viginti millia, quæ pater promiserat solvere, insoluta manserint, & prædium de *Monregaert*, atque tormenta bellica oppidi *Au*. propria fuerunt filij, nihil videtur adhuc perceptum pretij nomine, ut supe-

rius latius deductum est. Et ut maximè munitiones illæ in considerationem veniant, valor tamen illarum longè est infra æstimationem à patre factam & affirmatam: sic ut residuum secundum deductionem in processu factam ad minus supplendum sit cum dictis viginti millibus, non obstante hæreditaria successione, quæ prætenditur, aut generali liberatione, quæ patri à filio facta est, quod ad ultimum articulum pertinet. Nam hæreditariam successionem vel ipso jure, vel ob infirmitatem pacti & transactionis cessare, superius demonstratum est. Et præterea si luceat hîc aliquam hæreditariam successionem considerare, & confusionem inde inductam prætere; ea tamen nequaquam porrigetur ad debita *Ha.* quæ nominatim excepta leguntur in appoinctuamento, vigore cujus onera illa suscepta dicuntur; & eo amplius, cessante speciali exceptione ipso jure hoc debitum, & totius contractus causa *Ha.* respiciens, ab omni successione & confusione remansit liberum, ob id quia non tam patris est debitum quam ipsius *D.* Opponentis & filij sui ex secundo matrimonio, cujus contemplatione & nomine acquisitio facta fuit; & qui mortuo patre ratificando acquisitionem suo nomine factam, totum contractum suum fecit, ut dictum est, ac se tanquam principalem & immediatum contrahentem omnibus conditio-



ditionibus illius passivè & activè fecit obnoxium : *l. certi conductio. §. nummos. si cert. pet. l. 2. C. per quas pers. nob. acq.* Ita ut & nullitatis, rescissionis & restitutionis ac solvendi pretij actiones eo ordine, quo cumulantur, excipere ac sustinere debeat. Præterea etiamsi non tam evidenter & clarè ex contractu dominium hoc illi obvenisset, adhuc tamen æquissimum foret pretium quod restat persolvere unà cum evictione Lo. tū quia utrumque concernit debita Ha. quæ excepta sunt, tum quia filius dominæ Opponentis successor est rei, cujus contemplatione debitum est contractum, *l. ult. C. de petit. hered. & amplectitur commodum contractus, ex quo dominium hoc est acquisitū, & consequenter subijcit se omnibus oneribus ex illo descendentibus. pulchrè Car. Ruinus cons. 79. num. 11. vol. 2.*

Et denique quia iniquissimum foret D. C. sine pretio vel compensatione idonea ademptum esse hoc dominium, & nihilominus ipsum seu heredem ejus prægravari evictione Lo. contemplatione dicti dominij debita excedente centum millia florenorum. Quibus rectè addi potest etiam veram hæreditariam successionem non usque adeò inducere cōfusionem, ut etiam in grave damnum succedentis additio aliquid operetur. Nam ubicunque resultat damnum hæredi, non sit talis confusio. *Bart. Castr. & alij in l. Stichum, §. additio.*

*De solutionib. latè Sasin. Nepos consil. 8. num. 29. part. 2.*

DENIQUE quod ad generalem liberationem attinet, facilis est responsio, si attendamus inconsultam mentem D. C. à quo emissæ est durante reverentia, metu, & perhorrescentia tum patris non solum auctoritatem, sed etiam imperium in suos retinentis, tum Reginæ: nam hæc consideratio efficit ut liberatio illa cum reliquis omnibus corruiere debeat, vel ex capite nullitatis, vel rescissionis, vel restitutionis, maxime propter effusam illius generalitatem, quæ semper captionem habere præsumitur, præsertim in personis imbecillibus & inconsultis.

PRÆTER quæ omnia considerandum est, ipsam liberationem non simpliciter, sed hypotheticè & supposititiè factam, eo scilicet præsupposito, quod machinæ & munitiones bellicæ in convento valore verè à patre in filium transferrentur, & quod pater filium exoneraret efficaciter apud creditores, id quod etiam in lege venditionis comprehensum legitur, verbis conditionem & modificationem significantibus; quorum adjectio legem ipsi contractui, & ipsi rei dedisse videtur, quæ rem ipsam comitatur ad quemcunq; transeat possessorem, *l. legem. C. de pactis.* efficitque ut ipsa alienatio vacillet & nutet, & præterea quod restat ex pretio, aut creditoribus efficaciter non est solum, peti possit,

non obstante liberatione illa quæ cum præsupposito facta est, quæque locum habere nequit non verificato præsupposito, *l. mancipia. & ibi dd. C. de servis fugit. Decius consil. 644.* cujus verificationem & existentiam contrahentes firmiter præsupposuerunt, & à cujuseventu veluti conditione pendebat dicta liberatio: sic ut quemadmodum is qui ob matrimonium futurum dedit matrimonio non copulato, conditionem habet; *l. si donaturus ff. de condict. caus. dat. l. 2. C. eod.* Ita & in proposito liberatio condici possit tanquam sine causa emissa, vel causa non impleta. *l. 2. §. 1. de except. doli. & tot. titul. C. de condict. ob caus. dat.* Et ita in quacunque partem res vertatur, intentio illustrissimi domini Ducis solida firmaque, & maxima æquitate adjuncta videtur.

Quæ omnia ex mente à me scripta profiteor, non ut serenissimæ Reginæ ac aliorum illustriū heroum auctoritatē diminuerem, quæ apud me est sacrosancta, sed ut secundum ea quæ in facto proponuntur, salva omnium dignitate ea proferrem, quæ ad asserendū confirmandumque jus Illustrissimi Domini Ducis pertinere videntur, in quibus si me uspiam labi aut errare contigerit, quod propter ingenij tum reuitatem, tum infirmitatem in hac profunda juris disciplina facile potest contingere, id correctioni omnium rectius sentientium subiectum esse desidero.

## CONSILIUM XXI.

## SUMMARIUM.

1. *Promissio sine causa facta efficacem actionem non tribuit.*
2. *Conventio sub conditione facta censetur habere causam sufficientem.*
3. *Assecurationes transmarinarum mercium inter mercatores sunt valida.*
4. *Dispositiones extenduntur & restringuntur ex mente contrahentium.*
5. *Stipulationis obscura interpretatio fit pro Reo.*
6. *Casus adventitij non habentur in consideratione.*
7. *Impossibilia censentur qua dependens à voluntate Principij.*
8. *Dispositio facta in unum casum extenditur ad alium similem rationem habentem.*
9. *Cessante præsupposito, cessat dispositum.*
10. *Dispositio concepta in unum tempus ad aliud non extenditur.*
11. *Protestatio declarat voluntatem partium.*

Factum est tale.

CERTA quædam conventio cinita est inter A. & B. mercatores, per modum cujusdam contentionis, vel gagjuræ (ut vocant) videlicet, *Quia quanti minoris in Cambio nundinarum Paschatis æstimabitur scutū (ponamus) 36. placcis, id omne promissit solvere A. & vicissim B. promissit solvere id omne quod*

*quod pluri valeret, dictis 36. placcis, submittendo se hoc pacto fortuito eventui: Attento que le change se vient à haulcer, monter, & demonter, selon la penure ou abondance des deniers, qui se treuve au lieu ou on ayt à faire le change.*

Or est advertendum & præsupponendum quod Lugduni abhinc annos aliquot, ob communem omnium utilitatem certis de causis ex more est observatum, quòd singulis annis simul còvenirent mercatotes omnes, & communi còcordia certa quædam constituerent ad regulandum ipsum Cambium, & præcipuè circa diem, quo Cambia singularum nundinarum forent celebranda; ita quod singulis nundinis certum præfigerent diem, quo vellent fieri Cambium, qui quidem dies omnibus deinde publicabatur ut posset innotescere. Quemadmodum etiam de facto accidit in præsentibus nundinis Paschatis, super quarum Cambio processit dicta gagjura.

Quarum quidem nundinarum Cambio modo consueto de communi inquam còcordia mercatorum præfixus fuit dies Maji decimus octavus, & publicatus diu ante dictam contentionem dictorum A. & B. ipsis etiam A. & B. hoc ignorare non valentibus.

Evenit quòd instante die, quem mercatores Lugdunenses communi concordia destinaverant fiendo Cambio, Rex, ipse modo quodam inconsueto & ex suprema potestate

omnino vetuit dictum Cambium dicto die præfixo à mercatoribus celebrari, qui aliquandiu expectandum voluit, & quinque aut sex septimanis elapsis se super ea re consuli; & tum constituturum quid inde vellent fieri.

Or dictus A. advertendo quòd dicta prohibitio Regia directè tendebat in ipsius grave præjudicium, & omnino erat contraria suæ intentioni, quæ ad contrahendum ipsum impulerat, quandoquidem planè existimaverat quòd dictum Cambium omnino foret celebrandum die præfixo, & quod à Rege ipso nullum præstaretur impedimentum, quemadmodum etiam hæcenus à tempore dictæ observationis nequaquam se immiscuerat, subito (percepta dicta prohibitionem) protestatus est, quod attento quod ea prohibitio Regia omnino non fuerat in consideratione tempore contractus velut procedens ex suprema potestate, ex eo quòd auferret mercatoribus liberum arbitrium statuendi circa res suas: attento etiam quòd directè esset contra ipsius intentionem, quam habebat tempore contractus, quòd videlicet dictum Cambium necessario habebat fieri die à mercatoribus præfixo, non intendebat ullo modo teneri ad observantiam dictæ conventionis, velut quæ per dictam prohibitionem efficeretur velut nulla, & quodammodo videretur evanuisse.

Quo tamen non obstante dictus B. contendit dictam promissionem

tionem per existentiam ipsius conditionis ex parte ipsius A. esse commissam, eo quod scutum tempore Cambij concessione Regia facti minus valebat 36. placcis. Et dictum A. teneri ad solutionem quanti in eo Cambio postea facto scutum minoris valuerit dictis 36. placcis: *Attento quod dictum A. se obligaverit in omnem eventum sine ulla exceptione vel restrictione modi, par lequel se viendrait monter ou demonter le change.*

### Quæritur quid juris.

Et primò videndum utrum dicta conventio seu promissio hinc inde facta sub casu fortuito seu in eventu conditionis, quæ habet se indeterminatè ad esse vel non esse, valeat.

- Et videtur prima facie non esse validam, & quod ejus ratione non possit esse actualiter agi in judicio: nam promissio seu stipulatio (ut ex ea possit agi ad vigore ejus aliquid consequendum) debet continere causam. l. 2. §. circa. ff. de do. mal. & met. except. l. cum de indebito. x §. fin. ff. de probat. Hic autem non videtur subsistere aliqua causa promissionis, sed secundum Paul. de Castr. in l. à Titio. ff. de verb. oblig. magis videtur continere turpitudinem sicut ludus taxillorum, cum nihil aliud quàm prognosticari de futuro, ut, quòd talis dominus morietur hoc anno, & si moriatur, promittis mihi decem? & si non moriatur, promitto tibi centum.

Quemadmodum partes in proposito fecerunt contentionem seu gagjuram, quod Lugduni in nundinis Paschæ scutum aureum æstimaretur in Cambio 36. placcis: etsi æstimaretur vel valeret pluris, id promissit solvere B. si minoris, illud promissit solvere A.

VERUNTAMEN his non obstantibus dicendum conventionem, de qua in præsentì, esse validam. Et hoc per regulam; nam omnis conventio facta sub conditione, censetur habere causam sufficientem. d. l. à Titio. & ibi nos. Doct. l. quicquid astringenda. l. hoc jure. l. quidam cum filium. ff. de verb. obligat. Quandoquidem ergo promissio, de qua in præsentì collatio est, sub conditione valet, licet non habeat aliam causam, cum ipsa conditio sit sufficiens causa: Et per istud fundamentum postquam plures Doctores consultuissent, fuit ita judicatum in civitate Florentiæ. secundum Paul. de Castr. in d. l. à Titio. & ibi Alexand. Quinimò Angelus, quem refert etiam Jason, in l. cum ad præsens. ff. si cert. per. in fortioribus terminis tenent, quod prædicta procedunt non solum in stipulatione in qua conditio habetur pro causa, sed etiam si fiat pactum nudum sub conditione sine alia causa: dicit Angel. ibi, Quòd illa conditio non solum habetur pro causa, sed etiam habetur pro implemento; de cujus tamen extensionis veritate, vi, ibi per Jas. & per dictam regulam deciditur, etiam valere

3 valere conventiones quæ quotidie fiunt inter mercatores. Pone, Aliquis mercator habet navem onustam mercibus in mari, promisit mihi centum, si navis venerit salva in portum: & ego promitto illi omne damnum, si periclitaverit, valet ejusmodi conventio per prædicta. *in anor. Paul. de Castrenf. in l. in navem Saupheji. ff. locati. & Iason in d. l. cum ad præsens.* Relinquitur ergo conventionem, de qua in præsentī, esse validam.

SED attenda dicta prohibitione Regia, an commissā sit stipulatio contra dictum A. ad id quod minus, &c.

PRO cuius resolutione præmittendum quodd in contractibus magis attendi debet mens quam verba contrahentium. *l. si quis duas. §. si in venditione. & ibi gloss. in verb. Veritum. ff. communia præd.*

Id quod locum habet non solum in contractibus bonæ fidei, verum etiam in contractibus stricti juris, in quibus quoque consideratur mens, sic ut per eam extendantur, & declarentur verba. *l. triticum. l. ita stipulatus. in verbo, Ex sententia. ff. de verb. oblig.*

4 SIC quoque mandatum (cujus tamen fines strictè & diligenter sunt custodiendi) extenditur ad casus similes. *l. si. §. fin. junctā. l. diligenter. ff. mandati.*

ET generaliter est quodd in contractibus magis mens & sententia quam verba attendi debeant. *l. si. C. quæ res pig. oblig.*

UNDE ex eadem causa, ex qua recipitur interpretatio verborum extensiva, (ex mente videlicet contrahentium) fit etiam restrictio ex verisimili mente disponentis. *ut colligitur ex d. Paul. de Castr. consilio 34.*

SECUNDò, præmittendum quodd in contractibus generalitas vel incertitudo potest ex probabilibus conjecturis declarari. Ut aliquando ex præcedenti contractu conjectura est quid voluerint partes in sequente stipulatione. *d. l. triticum.* Item & ab eo quodd tacite agitur ab utraque parte, quod habetur pro expresso. *l. cum quid. ff. si cert. pet.* Et ex verisimili conjectura, qui calendis stipulatus est, intelligitur proximis stipulari. *l. eum qui calendis. ff. de verb. obl. & bene sam. l. si stipulatus. ff. de usur. in verb. Non est verisimile plus venditorem promississe: Quinimò mens & sententia contrahentium, sive id quod agitur inter eos, sæpè efficit ut contractus alteretur, & alius in veritate geratur quam verbis sit expressum. *l. ubi ita donatur. ff. de dona. caus. mort. l. insulam. ff. præsc. verb. l. si uno anno, circa prin. vers. sed et si verb. donationis. ff. locati.**

TERTIò, præmittendum est quodd si stipulatio non sit omninò obscura, sed potest interpretari vel pro Reo, vel pro Actore, fit interpretatio pro Reo, nisi verba essent clara pro Actore: tunc non restringerentur, licet Reus assereret se aliter vel strictiùs intellexisse

H h quàm

quàm verborum proprietates vel generalitates patiatur. *l. veterib. ff. de pact. l. Labeo scribit obscuritatem. ff. de contrah. empt. l. quicquid astringenda. ff. de verb. oblig.*

QUARTO & proximè ad propositam quæstionem præmittitur, quòd verba contrahentium sunt accipienda secundum consuetudinem & morem. *l. antepenuit. ff. de manumiss. vindic. l. quod si nolit. §. quia asidua. ff. de adilit. edic. & 60. text. in l. si prius. §. 1. ff. de aq. plu. arcen.*

ISTIS sic præmissis considerandum pro resolutione quòd dicta conventio seu gagjura interposita fuit super Cambio nundinarum Paschatis. Et præsupposita consuetudine & statuto abhinc aliquot annis observato, de quo supra, super eo Cambio; quod secundum intentionem contrahentium necessariò debebat fieri die de communi consensu à collegio mercatorum præfixo. Nam de eo Cambio, tali die præfixo, fiendo, videntur partes cogitasse: Ex eo quod casus adventitij sicut nec debent, ita nec solent venire in considerationem. *l. Iulianus. ff. qui & à quib. l. si quis ab alio. ff. de re judic.*

- 6 Multo minus casus impossibiles, sicut juris consideratione est habenda dicta prohibitio Regia, prout infra latius deducetur. Cum ergo partes de dicto Cambio certo die præfixo videantur cogitasse, debet haberi pro specificato. In contractibus enim quod tacitè intra partes agitur, habetur pro ex-

presso & specificato. *litem quia conventionis. ff. de pact.* Et ad id solum videtur, & est dicta conventio extendenda: Quia regulariter conventio non extenditur ad incogitata. *l. cum Aquiliana. l. consusoribus. ff. de transact. l. cum mater decedens. ff. de inoff. test.*

ET potest ex alio de dicta mente contrahentium per conjecturam verisimilem constare. Nam non est dubium quòd si à contrahentibus fuisset quæsitum quando Cambium, super quo dicta gagjura fuit interposita, habuisset fieri; dixissent quòd die à mercatoribus ad hoc præfixo, qui ab ineunte dicta consuetudine semper inviolabiliter erat observatus. Ergo super eo dicendum est partes convenisse. *per ea quæ not. in l. tale pactum. ff. de pact.*

ET ad majorem prædictorum declarationem, quòd partes de dicto Cambio certo die à mercatoribus præfixo ante dictam gagjuram, & non de alio cogitaverint, constat ex alio, & sic liquidò deducitur. Quia postquam d. Cambio nundinarum Paschatis corpus mercatorum certum diem præfixerit, non potuit dictum Cambium tali die communi destinatione fiendum, aliqua ratione impediri, nisi prohibitione Regia procedente ex plenitudine potestatis. Patet ex eo; nam de jure communi corpora seu collegia licita, ut mercatorum, artificum, & alia, possunt facere statuta, quoad

ca,



ea, quæ ad ipsos collegiatos pertinent. *Bart. in l. omnes populi. ff. de justit. & jur.* Unde dicti mercatores licitè & validè potuerunt dispo-  
nere circa d. Cambium. Unde Rex quod ab iis dispositum erat annullando & effectum impedi-  
endo, censetur usus plenitudine potestatis. Unde succedit regula, Quod ea quæ dependent à volun-  
tate Principis, de jure reputantur impossibilia: *l. apud Iulianum, alias. l. idem Iulian. §. fin. ff. de leg. 1. l. inter stipulanteem. §. sacram. ubi not. doct. ff. de verb. oblig.* Maximè si Princeps regulariter non sit solitus ea facere secundùm Raph. Quod de jure usque aded reputatur impossibile, (quamquam revera sit difficultas) ut perinde vitiè in contractibus, sicut vera impossibilitas. *l. continuus. §. cum quis. ff. de verb. oblig. Ang. in §. Impossibilia. Instir. de inutil. stipul. Paul. de Castr. in d. §. fin.* Cùm ergo dictum impedimētum solum processerit ex plenitudine potestatis Principis, & sic reputetur impossi-  
bile, non dubium quin secundùm intentionem partium dictū Cam-  
bium, super quo processit gagjura, necessario debuerit fieri, die à mercatoribus præfixo; & sic juris interpretatione præsumendum: magis enim respicimus ad id quod communiter accidit, quàm ad ea quæ rarò vel nunquam; unde de eo solo videntur cogitasse, non autem de eo quod postea supervenit: quod cùm non fuerit in conside-  
ratione, non cadit in dispositione.

Qui quidem modus argumen-  
tandi in facienda interpretatione optimè probatur per subtilissimū dominum Franc. Arer. in *l. Gallus. §. & quid sit tantum. ff. de liber. & posthum.* ubi super 3. conclusionem, quæ sumitur ex dictis Bartol. quod dispositio concepta in unum casum, extenditur ad alium omis-  
sum similem, dat solutionem ad text. in *l. fin. C. de his qui ven. ata. impetr.* per quæ Baldus ibi ponit limitationem, Joan. de Imol. negat esse limitationem. Dicit primo, quòd ibi conditio ætatis debuit adimpleri in forma specifica, nō autem per casum fictum. *l. Iulianus. ff. de condit. & demonstr.* Dat deinde aliam solutionem, quæ singulariter servit proposito, quod in d. l. fin. non comprehenditur ficta ætas, quia testator istum casum ignoravit, vel non consideravit, cùm dependeat à voluntate Principis. *d. l. apud Iulianum.* Sic igitur in proposito licet argumentari; Contrahentes non consideraverunt id quod dependebat à voluntate Principis: igitur super eo non disposuerunt neque contraxerunt. Pro quo facit quod decidit ibi Angel. qui dicit, Si factum sit legatum cùm erit Doctor, intelligitur mediàre examine Doctorum, non autem si doctorabitur à Papa vel Imperatore, quia ejusmodi casus non fuit in consideratione.

Plene itaque probato quòd partes de d. Cambio senserunt, & super eo dictam gagjuram inter-



Posuerunt, inferitur; quòd attento quòd d. Cambium certo die à mercatoribus præfixo, fiendum, eo die non extiterit, sed prohibitione Regia & de plenitudine potestatis fuerit peremptum & sublatum; videatur etiam perempta seu sublata, & quodammodo (ut ita dicam) effecta caduca contentio seu gagjura, quæ super eo fuit interposita seu super eo processerit; & ut suprâ ex verisimili mente cōtrahentium ad id solùm venit extendenda, sicut de jure perempta instantia, lite mortua, mutato iudicio dicitur perimi stipulationem vel satisfactionem iudicatum solvi, quæ super ea interponitur. *l. 2. l. cum apud Sempronium. ff. iudicat. sol.* Ergo in proposito sublato vel mutato d. Cambio, de quo inter partes videtur actum, & sic habetur pro expresso, non dubium est perimi stipulationem seu conventionem super eo interpositam, & per consequens nullo modo ex post facto eam potuisse committi.

ITEM ex aliis fundamentis demonstratur, dictam stipulationem attenta dicta prohibitione nō esse commissam: nam semper in contractibus subauditur clausula, *Rebus stantibus ut nunc. l. quod servus. & ibi not. ff. de condict. ob cau. Barto. Cepol. de servit. urb. præd. c. 50.* Item in verbis dispositionis relatis ad certam personam vel rem, semper subintelligitur tacita conditio, *Si res per se veret in eodem casu. l. cum quis, & ibi Paul. de Castr. l. si cum Cornelius. ff.*

*de solut. bene fac. l. 2. §. si pecuniam. ff. de donat.*

UNDE partes videtur gagjasse super d. Cambio præsupposita consuetudine, de qua suprâ, & præsupposito quod Cambium, quod communi destinatione tali die à mercatoribus præfixo erat fiendum, consequeretur effectum. Unde eo sublato, & impedito genere impedimenti in consuetudo, & juris reputatione impossibili, non dubium est cessare ipsam conventionem seu gagjuram.

ET si dicatur, prout in contrario, quod partes videantur se hinc inde obligasse in omnem eventum, sine ulla exceptione seu restrictione, & per consequens, videntur considerasse quicquid evenire potuit: unde qualiscunque sit eventus, videtur commissâ stipulatio.

RESPONDEO, quod quantum ad illud plus vel minus quod in Cambio æstimaretur scutum, videntur contrahentes se obligasse in omnem eventum sine ulla exceptione vel restrictione, ut quantumcunque pluris vel minoris æstimaretur, ad id committeretur promissio seu conventio. Sed quantum ad id super quo est interposita dicta conventio, id est, super quo processit dicta gagjura, ipsum videlicet Cambium bene cadit, restrictum ex verisimili mente cōtrahentium, ut tantum videantur cogitasse de eo quòd communi destinatione & quodammodo necessario

cessario erat fiendum; non autem de eo quod qualicumque modo potuit evenire. Nam quando præsens status non indicat contingentiam, de futuro non inspicitur, nec attenditur quòd evenire potest; sed magis præsens rei status. *l. inter stipulantem. §. sacram. ff. de verb. oblig.* Quare quandoquidem in casu subiecto, attento quòd tempore celebratæ conventionis quicumque interrogatus, dixisset Cambium fiendum die à mercatoribus præfixo, absque eo quòd quisquam cogitasset Regem impediturum, & sic præsens status non indicabat contingentiam de futuro, quæ postea supervenit. Ergo super eo solo debet intelligi processisse dicta gagiura, quod quoad existentiam communi hominum opinione erat jam determinatum, & sic super Cambio fiendo die præfixo, & non super alio.

¶ EL paucis responderetur, quod partes spectarunt eventum, & se submiserunt fortunæ quantum atinet ad æstimationem scuti fiendam, quæ tempore conventionis erat incerta. Sed quantum ad existentiam Cambij certo die fiendi, quod tempore contractus habebat, esse determinatum (collegium enim mercatorum jam ejus diem determinaverat) videntur considerasse dictum Cambium cum illa qualitate, quæ necessario videbatur inesse; nec nisi per casum juris reputatione impossibile poterat impedi, prohibitionem scilicet

Regia. Et pro hoc facit quòd in simili not. Doctor. Bart. & Jason *in d. l. quod servus.* quod renunciatio generalis, quæ sit de omni jure quod quis habet, vel habere sperat, intelligatur tamen ex causa de præsentis, per illum text. cum gloss. Et facit similiter quod not. Bartol. *in l. de his. ff. de arbitr.* quòd compromissum generale de omnibus, quæ sunt vel esse possunt inter partes, intelligitur de iis solis quæ esse possunt ex causa de præsentis.

ET ad prædicta facit. Nam quanquam qualitas extrinseca adveniens personæ vel rei, de qua simpliciter disponitur, non tollat dispositionem factam de illa persona, vel re; *l. per adoptionem. ff. de adopt. l. filiam. in fi. ff. de senat.* & hoc modo intelligatur *l. falsa. §. 1. ff. de conditionibus & demonstr.* fallit tamen quando non eadem esset ratio, quia tunc qualitas adveniens personæ vel rei facit quòd dispositio non extendatur ad illam rem, nec ad illam personam. *ca. statutum. de elect. in 6.* Et sic procedit regula quæ ibi traditur, & etiam intelligitur textus *in l. cum ex oratione. §. fi. ff. de excusat. tur.* qui videtur contrariari *d. §. 1. dist. l. falsa.* Quemadmodum in proposito si partes scivissent vel cogitassent de supervenientia dicti casus impeditenti ex prohibitione Regia, & sic mutatione qualitatis quæ inerat, proculdubio non sic contraxissent. Videntur enim partes certum quid habuisse in consideratione, tempus

¶ Hh 3 inquam

inquam quo Cambium erat fiendum; quod directè est causativum argumentationis vel diminutionis ipsius Cambij, secundum quod in tempore, tali loco, major vel minor est pecuniæ penuria: quemadmodum in proposito prohibito dicto Cambio stante tempore dicto prohibitionis multa evenerunt, quæ directè erant ordinata, & tendebant ad damnum ipsius A. ad diminutionem scilicet Cambij. Unde stante certitudine temporis futuri Cambij, & ejusdem præscientia, multa potuerunt à dictis contrahentibus prævideri, quæ eventura putabant, & quibus potuerunt impelli ad sic contrahendum, quæ sublata temporum certitudine omnino cessassent.

Et omnino non est præsumendum quod absque ulla certitudine iniissent talem contractum, ratione cujus potuissent de tanta summa periclitari; fuisset hoc enim magis jactare suum, quod præsumendum non est. *l. cum de indebito. ff. de probat.* Unde sic est interpretandum quod contrahentium quilibet attenta dicta certitudine temporis futuri Cambij, quædam providerit, quæ erat ordinata ad existentiam ejus quod gagiaverat.

Et ad prædicta bene facit, quod alterius & alterius temporis alia etiam atque alia est Cambij æstimationis: jam dispositio concepta in unum tempus, ad aliud non extenditur. *l. pater. §. filium. ff. de leg. 3. l. si ita. ff. de vulga. & pupil.* Et facit

quòd in stipulationibus venit æstimationis, quæ stipulationis tempore fuit. *l. fundū Cornelianum. ff. de novat.* Igitur quādo est ratione spei obligatio, intelligitur quoque illa quæ ex causa subsistente contractus tempore verisimiliter potest, saltem in genere, cogitari non expectari.

Et ultra prædicta, quòd contrahentes debeant intelligi contraxisse super eo tantum Cambio certo statutoque die fiendo, & non de alio, attenta dicta consuetudine, demonstratur per *l. si finita, in princ. ff. de damn. infect.* inducendo hoc pacto: ubi qui promisit reficere damnum, si domus rueret, stante consuetudine quòd tales promissiones fierent, si rueret usque ad decennium, & per errorem seu ignorantiam consuetudinis obligavit se perpetuo, sive quandoque rueret, tali provideretur quòd non teneatur nisi usque tempus consuetum. Ecce quòd consuetudo vel statutum loci disponens circa aliquem contractum, habet influere circa illum, etiam si partes ignoraverint; multò magis igitur si sciverint. Et bene facit *l. licet. C. de locat. l. semper in stipulationibus. ff. de reg. juris.* & quòd not. consuluit Ludov. Rom. *consilium 104. incipiente, Visis supra consultis, & c. in 2. quesito,* ibi dicit, quod procuratores qui ex mandato se obligare potuerant ad taxatas quantitates, poterunt etiam vi taciti mandati obligare se ad Cambia, secundum civitatis con-

consuetudinem, etiam si fuerit adjecta dictio taxativa, ut ibi per eum. Et latissimè multa si milia congerit Felinus. *in c. cum M. Ferrariens. de Constitut. in 3. col. Et dominus Iosi. conf. 2. incip. Primum hujus in 1. part. & Alex. conf. suo 14. in 4. parte. & Doctor. in aliis pluribus locis.*

PRÆTER omnia autem jam dicta, quæ ex interpretatione & sic ex æquitate procedunt, quadrat etiam consideratio, quæ est secundum juris rigorem, prætermittendo (ut supra dictum est) quod id quod à sola voluntate Principis dependet, ita de jure reputetur impossibile (quanquam revera sit difficultas) ut perinde vitiet in contractibus atque vera impossibilitas, ut per Angelum *in d. §. Impossibilis. Insit. de mutil. stipul.* Item præmittendo quod Rex prohibendo ex plenitudine potestatis Cambium certo die fiendum, vetando etiam ne quoquam modo ad celebrationem ejusdem procederetur, nisi ipso prius permittente; id ipsum (Cambium scilicet fieri) à sola voluntate Principis dependens, redactum est ad impossibilitatem juris consideratione. Quinetiam opinione hominum plerique etiam prohibitione Regia jam facta existimabant realiter Cambium non factum iri, modo sic; Si contrahentes eo tempore, stante scilicet dicta prohibitione, dictam conventionem celebrassent, forma qua supra, ea ipsa conventio planè fuisset nulla, & vitaretur,

veluti concepta sub conditione impossibili, saltem de jure: Ergo etiam, quòd fuerit celebrata dicta impossibilitate nondum existente, sed postea ad eum casum devenit à quo non potuisset incipere; redacta videlicet postmodum ad impossibilitatē, debet eodem modo vitari: & hoc per regulam vulgatam, *l. pluribus. §. etsi placeat. ff. de verb. oblig.* Nam quanquam in stipulatione condicionali non noceat defectus existens tempore stipulationis, vel postea superveniens, si tempore conditionis existentis reperitur deficere; *l. existimo. ff. de verb. oblig.* in obligatione tamen condicionali, superveniens difficultas vel impossibilitas vitiat stipulationem. *l. inter stipulantem. §. sacram. l. continuus. §. cum quis. ff. de verb. oblig.* Nam vitaret, si tempore stipulationis existeret, igitur & superveniens. *per d. l. pluribus. §. etsi placeat.*

ET suffragatur etiam prædictis protestatio quæ emanavit ab ipso A. quæ licet non operetur circa contractum quantum ad ipsius dissolutionem, cum contractus dependeat à voluntate utriusque, declarat tamen animum protestantis. *l. Nefennius. ff. de neg. gest.* Eo magis quod dicta protestatio emanavit statim ubi constabat de interventu impediendi, quod provenit à Principe. Unde non præsumitur facta dolo, ex eo quòd est in continenti, postquam devenit in notitiam, facta. *per ea qua*

qua no. Hypol. in sua pract. Criminalium in princ. num. 7.

Nec quicquam facit si fortasse pars adversa velit asserere dictam conventionem magis factam per modum securitatis quam gagjuræ. Nam hoc dato, non concesso, nihil tamen habet operari.

Nam etiam quod quis præstando alteri securitatem, suscipiat in se periculum casus fortuiti, non debet intelligi se obligare ad casum fortuitum non consuetum evenire: multò minus igitur ad impossibilem. Ita not. dixit Bart. in l. sed & si quis. §. quasitum. ff. si quis caur. & idem Bart. in l. Seio. §. medicis. ff. de aur. leg. per tex. in l. fistulas. §. frumenta. cum gloss. ibi ff. de contrahend. empt. Idem etiam voluit Bald. in l. fin. col. penult. C. de furs. Item Angel. in cons. 73. & Alexand. in cons. 173. incip. visis & accuratè ponderatis in 2. vol. quanquam nonnulli tenuerint contrarium, relati per Ias. in d. §. quasitum, sed contra eos est text. in d. §. frumenta, inducendo ut per Iason. ibi, & est magis communis opinio. Si ergo obliganti se ad casum, non noceat casus fortuitus infortunatus, multò minus in præsentì nocebit casus juris consideratione impossibilis.

## CONSILIUM XXII.

### SUMMARIUM.

1. Affecurationes seu promissiones & suspensiones periculi transmarinarum mercium quatenus sint licita.

2. Affecurationes huiusmodi frequentes in Italia.
3. Affecurationes duntaxat tolerantur causa futuri periculi, non etiam præteriti.
4. Contractus aleatorij reprobantur.
5. Anverpiensium consuetudo admittit Affecurationem etiam posteaquam periculum contigit.
6. Navigatio quot diebus ex Chio insula Anverpiam perfici possit.
7. Possibilitatis ratio quomodo ex horarum dinumeratione ad certitudinem reducat.
8. Periculi incerti & præteriti susceptio nimiam captionem continet, ideoq; jure & consuetudine limitata.
9. Possibilia sunt multa, quorum tamen exempla, quòd facta sint, ostendere non possumus.
10. Consuetudo unius loci vel Provinciae non expenditur ad alium locum vel provinciam.
11. Error verborum seu nominum neque sententiam, neque testamentum, neque contractum vitiat si de intentione constet.
12. Iudex interlocutoriam, non diffinitivam sententiam corrigere potest.

TAM ET SI ob multas ac prolixas utriusque partis scripturas, necnon varias diversarum consuetudinum diversis locis observatarum attestaciones in priori iudicio, pro utraque parte factas, præsens causa videatur quodammodò involuta, confusa, ambigua,

guosa, & dubia; tamen quantum ad rem præsentem attinet, præcipua, ex quibus dependet potissimū liquidatio veritatis, & totius questionis (quæ in hoc judicio Reformationis vertitur) decisio, paucis comprehendi poterunt. Imprimis observando in hoc Reformationis judicio, duntaxat tractari & disquiri de æquitate & iniquitate sententiæ diffinitivæ, qua Senatus Antverpiensis 16. Januarij; anno 1539. probata restitutione, per Johannem de Larma tunc Reum & nunc Intimatum super certo incidenti articulo impetrata, eundem de Larma unā cum consortibus, qui post 23. diem, aut in ipso 23. Januarij, anno 1540. certatur mercium, ex Chio insula Anconam Italix oppidum destinatarum, Securitatem seu Asssecurationē Leonardo Gentili tunc Actori & nunc Reformanti promiserant, adversus eundem Gentili ab obligatione ac observatione prædictæ Asssecurationis absolvit, &c. Nā quod idem Senatus eodem tempore super Asssecurationibus ante prædictū diem 23. factis ulteriori cognitioni reservatis, editionem certi articuli ex Actoris scripturis Reis faciendam decreverit, solum interlocutio fuit, nullum omnino, saltem quod irreparabile esset, gravamen inferens, & à præfata sententiæ diffinitiva ob diversitatem promissionum ac personarum prorsus distincta, discreta, ac separata; *arg. l. non idcirco, ff. de judic. ita*

quod in præsentī rationem vel considerationem ejus haberi nō conveniat, ubi solum de justitia ac validitate præfate diffinitivæ sententiæ (ob quam solum Reformatio petita intelligitur *arg. l. quod jussit, & ibi gloss. ff. de re judica. junctā gloss. l. 1. §. viduum. ff. quando appelland. sit, &c.*) disputatur.

Ad quam quidem sustinendam ut justam ac secundum æquitatem & legum observationem prolatam, sequentia consideranda ac ponderanda videntur. Primò, quantum ad jus commune attinet, licet nullatenus sit dubium quin valeant promissiones periculi transmarinarum mercium pro certa summa æstimationem periculi seu limites constitutionum super ea re editarum non excedente, *ut Cast. in l. in navi. ff. locati. Alexand. in l. à filio. col. 1. ff. de verb. obligat.* quas frequenter observari apud Florentinos & Januenses constat; *ut refert Ias. in l. illa stipulatio, in fine principij, ff. eodem tit. id tamen solum in futuro post Asssecurationem contractam, aut tempore Asssecurationis imminente periculo intelligitur, nec ad præteritum damnum seu periculum extendi potest. Nam præteriti periculi susceptio, ac rerum jam deperditarum, & quas jam periisse in rerum natura certum est, promissa securitas, ex juris communis dispositione nullius momenti esse: tum quia res, ad quam fit securitatis promissæ relatio, tempore quo fit promissio non*

existit, aut non est in nostro commercio; *l. inter stipulantem. §. sacram. ff. de verb. oblig.* tum quia nihil continet præter aleam ac vanæ sponsonis speciem, quæ non fundatur super aliqua iusta causâ, sed duntaxat super inopinata ac inconsulta captione ac supergressione alterius contrahentium, quæ tanquam

4 Reipublicæ damnosa, & ad inconsultos contractus respiciens, à jure non probatur; *dd. in l. à Titio. ff. de verb. oblig. in l. quibus. ff. de alea lusu & aleator.* maxime si pura sit, nec conditionem pro causâ habeat, secundum Castrensem, *in d. l. à Titio.* qualem inter partes hujus causæ contractum fuisse, ex tenore instrumenti Assécurationis clarum est. Et proinde si remota consuetudine, de qua mox agemus, ad juris scripti regulas merita præsentis causæ exigamus, luculenter apparebit, justissimè Intimatos hujus causæ per præfatam sententiam à præstatione securitatis, aut periculi, quod diu ante Assécurationem, ex qua conveniebantur, contingerat, fuisse liberatos ac penitus absolutos.

SECUNDò, si ad consuetudinis Antverpiensis observationem attendamus, quæ in actis sufficienter probata invenitur, & secundum quam Assécurationem prædictam partes hujus causæ regulari

5 expresse voluerunt, ex ea quoque præfatam sententiam adjuvari, ac penitus confirmari, demonstrare non est difficile. Tamen enim

prædicta consuetudine præteriti periculi promissio ac Assécuration contra juris communis dispositionem relata superius, aliquo modo toleretur; hoc tamen per eandem consuetudinem ita limitatum & restrictum est, ut si Assécuration post acceptum periculum tanto temporis intervallo promissa sit, quo mercatori, in cuius mercibus periculum accidit, scientiam periculi ipsius accepisse possibile fuerit, Assécurationem, quoad damnum tamdiu præteritum, inefficacem esse ac irritam. Et, ne per incidentium negotiorum varietatem prædictæ possibilitatis difficilis sit probatio, sed certa quædam ac uniformis regula in ea re observetur, eadem consuetudine determinatum est tantum temporis intervallum, ex quo in singula milia passuum, per quæ damni accepti, nuntium vel mari, vel terra perferre oporteret, singulæ horæ numerari possent, ad colligendam constituendamque hanc scientiam sufficere. Cujusmodi sanè intervallum propemodum duplicatum inter periculationis prædictarum mercium, quam apud Chium insulam 13. vel 14. Decembris, anno 39. contigisse palam est, & Assécurationes, quæ, ut habet prædicta sententia, à die 23. Januarij, anno 40. Antverpiæ factæ sunt, haud obscure colligi poterit, si quis plurimorum mercatorum, nautarum, ac cursorum (quibus etiam paucioribus hac in re fides habenda

6 esset



esset gloss. & dd. in l. *semel. C. de re militar. lib. 12.*) jurata testimonia recepta 8. 9. & 10. Maji, anno 43. inspiciat; siquidem liquidò ex illis probatum habetur diebus 16. vel 20. vel 23. ex Chio insula, Antverpiam perveniri posse. Et ex supradictis constat, intra diem periculationis & Assécurationis, supra ipsius periculi diem intercessisse integros quadraginta dies, & sic duplo plures quàm ex consuetudine præscripta secundùm horarum numerum requirantur; ita quod in specie proposita præfatæ consuetudinis requisita ad infirmandas tamdiu præteriti periculi Assécurationes, abundanter ac plenissimè satisfactum videri debeat. In quo ut nihil omninò dubitationis remaneat, sciendum est, ex propria reformantis allegatione & confessione, salvatione suarum xvii. articulo, (cujus interlocutoria, quam supra attigimus, meminit) haberi ac probari, longissimo & per ambages ac circuitus, terrestri itinere Chium insulam ab Antverpia, non distare lōgius quàm 950. miliaris, quibus singulis ex præfatis 40. diebus, supra diem periculi ac extrematis utriusq; temporis, amplius quàm singulas horas attribui posse, indicat ratio Arithmetica; adeò quod etiam ex proprio judicio ipsius reformantis requisito prædictæ consuetudini ad improbandas Assécurationes, de quibus in prædicta sententia diffinitiva agitur, satisfactum esse judicari debeat.

Quæ quidè consuetudo (quam solam, ut ex prædictis intelligitur, & inferiùs diceretur latiùs, in specie proposita spectari convenit) iustissime, imò necessariò quodammodo promissiones hujusmodi, quoad damnum præteritum, & quod ante Assécurationem promissam contigit, ad eam possibilitatem scientiæ habendæ, ex horarum denominatione in singula miliaria restrinxit, non habita ratione personarum, aëris, temporis, aut aliarum circumstantiarum. Nam alioqui industrii ac callidi mercatores, opportunitate celeriores nuntij (quod secundùm prædictam denominationem horarum in singula miliaria facilè ac frequenter contingeret) secretò fortuiti casus scientiam (quæ ab aliis tandem probari non posset) consecuti, hujusmodi Assécurationes præteriti periculi ad fraudem, circumventionem ac læsionem adversarij, ignorantis periculum, contigisse, abuti possent; cui malo omnia jura student occurrere. l. 1. & tot. tit. ff. de dol. mal. Et huc pertinet quod Philippus Decius *conf. 115. per totum.* in hac ipsa specie contentionum seu sponsionum, ubi alter certantium nova habuit, & alter ignorans conventionem, improbat, nisi in conventionem expressè sit additum, *Sive nova habuisset, sive non.* Cui accedit, quod nec hominum commerciis, usui ac utilitati adaptari posset dicta consuetudo, si pro re nata in singulis contro-

versus scientiæ probatio esset necessaria, propter magnos litium sumptus ac labores, ac probandæ scientiæ difficultates, quæ omnia per certam illam, constantem, perpetuam ac æquabilem regulam consuetudinis ad celeriore litium expeditionem ac maximam utilitatem hominum exclusa sunt.

ET facit ad præmissa, quod absque prædicta regula seu limitatione consuetudinis, promissiones indeterminati ac certi periculi præteriti excessivam inæqualitatem, supergressionem ac detrimentum continerent respectu assecurantium; nec esset utrimque æquale damnum seu periculum, nec unquam esset utile pro tam modica summa, quæ ex edicto principali super ea re edito permittitur, sed longè damnosissimū periculum trajectitium; abstraherenturque homines, propter exiguitatem & vilitatem pretij, respectu tantorum ac continuorum periculorum, in totum ab hujusmodi transmarinarum mercium Assecurationibus: quas tamen certo modo, videlicet respectu futuri aut imminenti periculi in republica retineri ac observari expedit, ut mercatoribus industriis consulatur, qui sæpè omnes fortunas, vel majorem partem in transmarinas negotiationes expendunt; ne tempestas, quæ illic frequens est, omnium facultatum detrimentum semel incurrant.

MERITO ergo ac veluti ne-

cessariò præteriti periculi promissio ad modum prædictæ, ex consuetudine restricta est: quam etiam in universum, quoad præteritum periculum; prohiberi, & utile fuisset & juri cōmuni consentaneum; cum ad iniqua lucra & inconsultos contractus pertineat, nihilque præter aleam ac vanam sponsonē contineat: quò scilicet homines magis allicerentur ad susceptiones futuri vel imminenti in dubio transmarini periculi, quæ ad justam, honestam, & in communi vita necessariam commercia pertinent; & quæ se habent ad dubium lucri, respectu utriusque partis, ac æquale damnum & periculum utrimque continent.

ET ita si recta ratione expendantur omnia, nec ex parte eorum quibus Assecurationes fiunt, dura aut iniqua videri potest, prædictæ consuetudinis moderatio seu limitatio, siquidem assecurati stante limitatione seu regula prædictæ consuetudinis, ab ingentibus periculis, quæ in mari fiunt, pro valde modica summa exonerantur; ita ut major sit utilitas ipsorum assecurari, cum restrictione prædictæ consuetudinis, propter magna lucra, quæ fiunt ex transmarinis negotiationibus, & exonerationem magnorū periculorum, quàm ipsorum assecurantium, ut compertum est, & experientia docet.

NEQUE hinc est considerabile posse fieri, quod etiam si plurium horarū intervallum inter tempus peti-

periculi & securitatis promissione intercesserit, quàm sit miliarium numerus; mercator tamen infortunij sui scientiam non acceperit; quemadmodum reformans in prior instantia jurejurando affirmare paratus fuit: quoniam ex consuetudine præscripta, ob rationem justissimam, ut supra dictum est, non scientia, sed duntaxat scientiæ possibilitas secundum naturam consideranda est, id est, quod potuisset aliquo casu vel per navigationem opportunam, vel per celeritatem cursorum, siue, ut vocant, postarum festinationem ex Chio insula illati casus, ad rationem horarum in singula miliaria numerandarum, scientiam accepisse: *arg. l. Iulianus. in verbis, Qui sciret, aut scire potuisset. ff. ad Macedo. quemadmodum in simili male fidei possessor fructus, quos percipere potuisset, habendo respectum ad naturæ possibilitatem, restituere jubetur, licet eos revera non perceperit, nec etiam percipere sit solitus. l. si sine. §. Modestinus. ff. de administr. tutor. l. si navis. §. generaliter. ff. de rei vend.*

QUAMVIS igitur plærunque in casibus contingentibus, quorum merces assicurantur tempore assicurationis præteriti damni tanto tempore, quod ad requisitum hujus consuetudinis sufficit, scientiam revera non habeant; fieri tamen per rerum naturam oportuit, ut majorem oportunitatem nuntij vel navigationis conse-

cuti spatio temporis à consuetudine præstituti id intelligerent: nam, ut eleganter divus Augustinus scribit, sexcenta possunt occurrere quæ fieri vel potuisse vel posse fateamur; eorum tamen exempla, quoad facta sunt, proferre nequeamus; ita quod in proposito sufficiat per rerum naturam fieri potuisse, quam reformans tempore assicurationis, de quibus hic agitur, habuisset infortunij sui scientiam, secundum præscriptum prædictæ consuetudinis: maxime cum promissio (ut ex præscriptis constat) præteriti periculi odiosa sit, & juri communi contraria, & secundum justitiam atque æquitatem commerciorum in totum reprobare iusta ratione potuerit, ut supra dictum est.

Nec quicquam hic faciunt in contrarium Italiæ ac Hispaniæ civitatum consuetudines. Nam cum sint aliarum provinciarum ac civitatum, huic casui adaptari nequeunt, ubi sola consuetudo Antverpiensis civitatis, in qua contractum est, & ad quam contractus refertur, spectanda est. *l. si fund. ff. de evict.* Quoniã consuetudo unius loci vel provinciæ non extenditur ad aliũ locum, vel provinciam, sed tantum observari debet in suo loco & provincia. *l. ason in l. de quibus, post gloss. 1. ff. de legib. per l. venditor. §. si constat. ff. communia pradiorum.* Et hoc eo magis in proposito, quia omnes prædictæ consuetudines respectu præteriti periculi (de quo agitur) sunt

odiosæ & juri communi contrariæ, nec ullo modo extēdi possunt, sed observantur duntaxat in loco & casu suo. *c. cum dilectus. de consuetud. c. tua. de decimis.*

QUIBUS omnibus est consequens prædictam sententiam diffinitivam non solum secundum juris communis dispositionem, verum etiam secundum consuetudinis, in loco contractus obtinentis, observationem justissimè atque æquissimè latam esse. Restat nunc duorum articulorum incidentium tractatio ac resolutio, videlicet de errato in supradicta interlocutoria commisso, & prætermissa jurisjurandi exactione in approbanda restitutione, per dominum Johannem de Larma impetrata.

ET certè quantum ad erratum in interlocutoria prædicta commissum attinet, ubi dictio *zedert pro booz* invenitur posita, ac vigesimus septimus articulus Salvatorum Actoris, errore ex notulis fortè concepto, legitur, prædictæ diffinitivæ (quæ ab illa interlocutoria discreta ac diversa est, *l. non idcirco. ff. de judiciis.*) adversari non potest, imò nec ipsam interlocutoriam ullo pacto vitiat; cum manifestissimè appareat, quod error prædictus, verba duntaxat & non sententiam, voluntatem, aut veritatem respicit: cujusmodi errorem tollerari & in testamentis, & in tabellionum instrumentis ac judicium sententiis, & quibuslibet aliis dispositionibus, juris est notissimi.

*l. errore. l. ambiguitatis. C. de testamentis. c. ad audientiam 1. & ibi gloss. & dd. de rescript. l. actorum. & ibi Imola. & alij, ff. de re judica. l. 1. vers. sed etsi in verbis: quod 50. & 25. fieri centum putavit. ff. qua sent. sine appell. rescit.*

QUI NIMÒ etiam si in prædicta interlocutoria ob errorem de rei veritate ac voluntate judicis non constaret, cujus tamen contrarium est verissimum; id tamen præcedentem diffinitivam mutare, revocare, aut infirmare non posset: tum quia à prædicta interlocutoria separata est; tum etiam quia posteaquàm judex eam sententiam pronunciavit, officio suo functus fuit; *l. judex posteaquam. ff. de re judicata.* ac duntaxat corrigendæ interlocutorix potestatem retinuit. *l. quod jussu. ff. eodem tit.*

QUOD ad restitutionem ac juramenti omissionem attinet, difficultatem omnem tollit forma ipsius sententiæ, qua dictum est, *dat de boozschzeven de Larma sal genieten het effect van sijne openen Brieven*/quibus verbis non excludebatur, imò exigebatur, uti literæ continebant, juramenti præstatio, priusquam eorumdem effectu frueretur, argumento ejus quod de juramento dicitur, super contractu præstito exigì adhuc ea quæ ex ipso contractu agentis necessaria essent. *l. si duo patroni. & ibi lason, & alij. ff. de jurejurand.*

QUIBUS est proximum, quòd prædicta sententia declaratū fuerit duntaxat

duntaxat restitutionem ritè ac jure postulatam, eamque Impertranti concedendam esse, respectu futuri, his verbis : *Sal ghenieten/ idque non ad remittendam præstandi jurisjurandi necessitatem, sed ad improbandas rejiciendasq; adversæ partis allegationes contrarias; quæ tales erant ut etiam dato jurejurando contra restitutionis concessionem militare possent; ita quod revera effectus prædictæ sententiæ, quoad hunc articulum, alius nõ fuerit quàm quod non obstantibus contrariis adversarij exceptionibus postulata restitutio, observatis ejus qualitatibus, Impertranti deberet proficere.*

## CONSILIUM XXIII.

## SUMMARIUM.

1. *Assecuratione quantumcunque generali non continetur periculum, aut damnum quod factò aut culpa stipulantis contingit.*
2. *Imeritus periculum quod contingit factò adversarij, non astringit eum qui periculum interitus suscepit.*
3. *Clausula libera navigationis à dextra ac sinistra, non continet aliam & diversam destinationem stipulatoris in lege asssecurationis non expressam.*
4. *Periculum affectatum & ex præcipiti avaritia proveniens non pertinet ad damnum susceptores.*
5. *Devia itinera sequentes, in dolo præsumuntur.*

6. *Casus affectatus non continetur legibus generalis asssecurationis.*
7. *Obligatio asssecurationis dissolvitur ex mutatione destinationis.*
8. *Asssecurationis periculum non incipit antequam navis navigare incipit, & desinit navigatione perfecta.*

**I**NTER alia, quæ pro defensione D. Alvari Dabrio aliorumque ejus consortium Reorum contra intentionem Jacobi de Lobell, Jacobi van Hove sociorumque Actorum in causa sponsonis, seu Asssecurationis periculi certorum vinorum, quæ per Actores in Gallia comparata, in littore ac portu Anglico aliquid detrimenti accepisse dicuntur; præcipuum, & ad plenissimam absolutionem sufficiens nobis subscriptis illud esse videtur, quod Actorum factò & culpa præcedente, periculū damnumque hoc, quod ex arrestatione navium in portu Anglico, atque ex emptione vinorum acciderit; ita ut merito dici nõ possit commissæ stipulatio periculi, aut evenisse conditio sponsonis seu asssecurationis. Quamvis enim latissimè concepta sit formula sponsonis: ita ut vix ullus sit casus eventurū periculi, qui ea non comprehendatur, sive is sit planè fortuitus, sive ex tertij alicujus factò, etiam improbabili, proveniens, & qui aliqui in simplici asssecuratione, seu sponsonis non facile contineretur; ita tamen concepta non est; imò concipi non potuit, *l. si pactus.*

*§. illud.*

§. *illud. de pact. l. 1. §. illud. de pos. ut*  
 1 dolum ac culpam stipulantis assecurationem sponfor prestare debeat: ideoque in generali, effusaque periculi quomodocumque contingenti promissione, non continetur illud periculū, ac damnum, quod facto aut culpa stipulantis contingit, sed illud exceptum semper intelligitur, quasi illiberale & contra bonos mores sit, facti proprii pœnam in alterius detrimentum, & damnum convertere, & ex hujusmodi stipulatione dolum & culpam affectandi occasionem præbere: *l. qui officij. §. fin. de contrab. empr. quemadmodum qui promittit alium non inquietare, non tenetur ad hujusmodi promissionis*  
 2 observationem, si ex parte, aut culpa stipulantis occasio subministratur; *l. venditorij. de verb. obli. Bald. in l. cum proponas. num. 1. C. de nav. sanor.* uti etiam de interitu, ac periculo rei tenetur facto ipsius proveniente generaliter, ad quem regulariter interitus rei nõ pertinet. *l. cum res legata. a. post princ. & §. culpa. de leg. 1.* Cum itaque ex testimoniis utriusque partis, & præcipue his, quæ Hamburgi recepta sunt, quæque Johannes Corban coram notario & testibus recipi curavit, constet has naves locum destinati navigij non tenuisse, hoc est, ut habent leges sponfionis & assecurationis ex littore Gallico, ubi hæc vina navibus imposita sunt, in Flandriam seu Zelandiam minimè cursum duxisse, sed eo derelicto

in Angliam appulisse; ibique aliquandiu substituisse, & subsistendo in hoc damnum arrestationis, necessarizque venditionis incidisse; æquum bonum non est, inde proveniens periculum aut damnum susceptoris periculi imputari, uti expresso jure cautum est. *d. l. cum proponas.* Præsertim quod pro parte Actorum non allegetur, aut doceatur ex aliquo discrimine tempestatis marinæ, aut hostium, vel piratarum insequentium necessitate has naves compulsas esse Anglicum litus legere, vel petere. Et quamvis in lege sponfionis, suscepto periculo includatur omnes navigationes, quas dextrorsum, vel sinistrorsum fieri contingeret, & tam necessariæ quàm voluntariæ; sunt tamen illæ referendæ, ac restringendæ ad voluntatem navtarum, quorum factum etiam improbabile, quod modò citra culpam & dolum stipulatoris contingeret, susceptionem dicti periculi continere videtur. Sed ratio non patitur, ut hæc clausula liberæ navigationis à dextra, ac sinistra contineat aliam & diversam destinationem stipulatoris, in lege assecurationis minimè expressam, proposita ibi alia certa, & specifica navigij destinatione ad Flandriam seu Zelandiam. Cum ergo ex conventionione, quam Actores cum Joanne de Smit nauta inierunt, 26. Aprilis. 1558. aperte constet eos convenisse, ut ad portum Anglicum adnavigaret, ibique ut minimum decem

decem diebus subsisteret, nulla illius destinationis, ac conventionis mentione facta in subsecuta *in fi. Maji, 1558.* assecurationis ac susceptionis periculi legibus; consequens quoque est locum propositi ac specificati navigij ex proposito, & facto Assecuratorum non esse servatum, sed periculum esse assecraturum, & secutum ex præcipiti Actorum avaritia atque incivili audacia: Ideoque, ut aperto jure decusum est, *d. l. cum proponas.* ad susceptorem periculum nulla ratione pertinere; sed eum, qui se sic in periculum deduxit, sibi imputare debere. *l. 2. §. si quis tamen. ff. si quis causio. Petrus de Vbal. in tract. de duob. frat. part. 8. numer. 6.* Ex præcedente enim hac conventionione facillimè & indubitatè præsumitur non ex discrimine tempestatis, aut afflatu ventorum, nec persecutione hostium aut piratarum, nec denique ex nautarum voluntate, sed ex jussu & præcepto Assecuratorum naves has locum navigij ad Flandriam mutasse, & in Angliam primùm appulisse. Sequentia enim præsumuntur in executionem præcedentis tractatus facta esse. *l. 4. §. unde queri. de manumiss. Alciat. de præsumpt. reg. 2. cap. 24.* Cujus præsumptionis vis intenditur ex eo quòd Actores falsis allegationibus usi, *in 3. & 4. artic. Replica.* conati sunt hanc mutationem loci navigij casui fortuito, ac bellicæ impressioni ascribere, quasi per naves Anglicas compulsi fuerint adnavigare,

& Castra Anglicana usque ad Postuynen sequi; cùm ex ipsorum nautarum testimoniis liquidò constet, *Ex testimoniu instante Oliverio Corban per Notariū receptis 6. Septembr. 1558. & ex testimoniu Hamburgensib. 27. Januarij, anno 1564. auditis.* spontaneam & ultroneam ex præcedenti destinatione fuisse adnavigationem ad littus Anglicanum in portu de Douvre; quodque in eo existentes, ac subsistentes hoc damnum arrestationis, necessitatemque subsistendi ad aliquot dies passi sunt; ita quod evidentissimū sit actores compendij & lucri sui gratia præter conventionem assecurationis tentasse littus & portum Anglicum, si fortè vendendi vini cum majore lucro, quàm in Flandria, aut Zelandia daretur, vel affulgeret occasio, uti etiam verisimile erat bello inter Gallos, & Anglos tunc adhuc fervente: sic quòd inconsulta hæc adnavigatio ex præscripto ac mandato Actorum in eos rejicere debeat quicquid inde periculi, aut damni evenit. *d. l. cum proponas.* Fraus enim & dolus contra eos præsumitur, ex eo quod mutato proposito & destinatione assecuratoribus declarata & ab illis præsupposita per viam non rectam, nec cogitatem, sed per transversum devia littora sequendo iter fecerint, *d. l. cum proponas, & ibi Barr. Buld. & Salic. arg. l. qui fiscales. C. de navicul. lib. xi. & ibi Barr.* cujus fraudis consideratio vehementius Actores urgere debet,

K k quod



quod ex præcedenti tractatu hæc mutatio conventæ destinationis contigerit, *Bald. in l. multum, ante finem C. si quis alteri vel sibi.* & quod hæc flexio seu mutatio navigationis, sine evidenti discrimine (quod aliàs fuisset evitatum) contingere non potuerit, tum propter intervallum temporis, quod declinationi seu evagationi in Angliam, & moræ illic ex tractatu præcedenti faciendæ impensum fuit; tum etiam quia ex bello, quod vigebar inter Anglos & Gallos, ac notoria Anglorum depopulatione ac deprædatione satis certum erat futurum periculum, si naves ad portum vel sinum aliquem Angliæ desisterent: sic quod casus iste omninò videatur ab Actoribus prævisus, affectatus, & spontanea eorū voluntate incursum; ob quod secutum periculum, legibus Assesurationis comprehensum, dici non potest *arg. eorum quæ scribit Laurent. Calcan. conf. 24. num. 11.* in præjudicium eorum, qui bona fide & præsupposita recta navigatione transmarinarum rerum periculum in se susceperunt. Culpa enim carere non potest, qui hujusmodi depopulationibus, locis dubiis, & periculosis se exponit. *c. fin. de homicid. l. si quis domum. §. 1. locati.* Debet namque quisque prudenter cogitare quid evenire possit: *d. l. domum, circa finem.* id quod in specie proposita ambiguitatem habere non videtur, cum probata sit consuetudo, quod ex sola mutatione

destinationis dissolvatur Assesurationis obligatio; velut deficiente aut resoluta fundamento contractuum: præsupposito *l. mancipia. C. de servis fugit.* etiamsi incidens mutatio ad locum minus periculosum referatur. Id quod etiam suo indicio satis comprobasse videntur Actores, ex eo quod vina post abnavigationem ex Anglia, & ad navigationem in Zelandiam per Oliverium Corban suum factorem *soluta naulo* receperunt & diu sine querela retinuerunt. Ita quod hoc periculum contempsisse videantur, & actionem quæ inde nata esse poterat, renunciassse, seu potius Reis nunquam hoc damnum imputasse. Potissimum quod exemptorum vinorum pretium ab Anglis receperint, & præterea durante arresto de eo vino etiam liberalitatem exercuerint, non tantum ad finem ut arrestum dissolveretur, sed pro lubito, ac remunerationis causa vino scilicet donato eorum factori in Anglia esistenti: *ut constat ex testimonio instante Oliverio Corban recepti.* Ita quod hinc colligere liceat à tempore arresti Actores suum, non assesurantium, negotium gessisse, & Actorum intimationem, ac insinuationem de hoc arresto, præfatiq; Oliverij factoris protestationem, ac declarationem, quam recipiendo vina, & solvendo naulum, fecisse dicitur, ex composito pro futuro eventu factas esse; quibus Actores verosimiliter usuri nō erant, si vinorum precium

precium hic intentum fuisset, minimeque evulsiſſet ex advectione novorum. Quamobrem etiam Reis obesse non potest, si ignoratione veritatis, ac dissimulata hujus destinationis loci navigij, sua facilitate post factam insinuationem hujus arresti Actores rogaverint, ut in persequendis, asservandisque vinis diligentiam adhiberent. *ut allegatur in 31. & 32. artic. Replica.* Nam cum falsa persuasione Actorum, quasi naves per vim ad navigare compulsæ sint, obstat agentibus exceptio, seu duplicatio doli ex hujusmodi falsa persuasione; *l. cum quis. l. quidam. l. ult. de dol. mal.* cum sine causa, seu ex injusta, ac falsa causa profectum sit hoc mandatum, ac mandato inhærens emergentis periculi, ac commissæ stipulationis agnitio. *l. 2. §. circa, de dol. except.* Quod pronius recipiendum videtur in proposito, ob id quod prætenſa procuratio & requisitio asscurantium rectè expensa non solùm processerit ex falsa suggestionem Actorum narrantium quod vina omnia jam periclitata & è navibus ablata in Anglorum potestatem venissent, verumetiam quia procuratio illa limitata videtur secundum præcedentem narrationem ad venditionem & bonificationem vinorum è navibus, ut falsò præsupponebatur, ablatorum, & non eorum quæ, ut postea compertum est, in navibus intacta manserant, & huc advehi debebant, quæ Actores se-

cundum consuetudinem Asscurationum non poterant post abductionem semel factam attingere, ad se recipere, vel distrahere, sine certissima periculi (si quod prius visum fuisset imminere) relaxatione & remissione: præsertim cum factor Actorum vina hæc non simpliciter nomine Asscurationum tractaverit, sed generaliter & sub involucrio quoddam ad utilitatem jus habentium; idque absque debita insinuatione omnibus Asscuratoribus facta. Quod cum actu & callido commento conjunctum videtur, ut scilicet, si bona fortuna aut occasio felicitis venditionis incidisset, eam haberent Actores; sin damnum emergeret, hoc rejiceretur ad Asscurationes, ut eventus docuit. Ex quo & illud ponderandum est certificationem de deterioratione vinorum non loqui, nisi de quibusdam vinis, quæ navi Ægidij Stoffel imposita fuerant, unde nihil inferri potest ad deteriorationem vinorum quæ Joannes Smit advexerat.

Nec est prætermittendū, quod si major quædam deterioratio & incommoditas secuta fuisset, ea tamen pertinere deberet ad Actores, qui evagando egrediendoque terminos Asscurationis periculo causam dederunt ab initio, & ex quorum longa commoratione in Anglia, lucrosæ venditionis occasio præterit; qui que, etiam si periculum ab Asscuratoribus agnoscendum ab initio contigisset, per

sequentem tractationē vel saltem ob non factam statim publicē venditionē vinorum, illud in se traxissent ac derivassent.

ILLUD sanē prorsus improbabile sit, quod Actores totius vini damnum Reis imputare contendunt. Cum enim damnum emergens ex dicto arresto (ut præsupponatur non esse affectatum, aut ex præcipiti avaritia Actorum contigisse) particulare sit, & partis tantum rei assicuratæ, conservatis navibus, conservata quoque residua parte vini, meritò saltē damni reparatione contenti esse debebant, & non pretium totius Assicuratiōnis petere; causante id non periculo, sed vilitate pretij ex tempore, ac novo vino postea contingente.

8. Est enim id extra causam ipsiōnis, & planē accidentarium, cum omnia pericula, & onera suscepti periculi cessare debeant simulatque navis in locum destinati navigij appellat, l. 1. C. de nautico sæn. ut etiam non incipit esse, antequam navis navigare incipit. l. nautica. ff. de naut. sæn. Quæ particularis damni reparatio, & suscepti periculi ad modum damni accepti præstatio idē magis in proposito, si præmissa deficerent, sufficere deberet, ob id quod apertē ita cautum inveniatur, his verbis: *Et advenant aultres que bien ausdites marchandises ont part d'icelles, par cestex nous obligeons de payer tout ce que chascun de nous aura soubzsigné* (quod pertinet ad totius periculum, &

præstationē) *le domage que les marchandises auront receuz.* Quod respicit damnum particulare, nave ac residua parte mercium salva: ita ut in hac alternativa promissione electio debeat esse promissorum. c. in alternativis. de reg. jur. lib. 6. Planēque sophistica est Actorum interpretatio, in 45. artic. Replicæ. qua hanc promissionem duplicatam, & conjunctam, non alternatam esse contendunt; cum verba planē repugnent, & per se clara ac manifesta sint, aliterque verificare non possint.

## CONSILIUM XXIV.

## SUMMARIUM.

1. Civitas una in conventu Ordinum totius ditionis, nec Ordinem, nec Statum facit, nec per se consideratur.
2. In Ordinum seu Statuum conventu, non capita aut voces singulorum, sed generalem Corporum consensum consideramus.
3. Contradictio aut dissensus particularium non impedit ea qua Ordines constituunt.
4. Suscriptio contractus post consensum præstitum neque pro solennitate, neque pro forma requiritur.
5. Conditionalis conventio ante eventum conditionis non operatur.
6. Protestationis vis infirmatur per factum protestationi contrarium.
7. Facta non minus declarant voluntatem quàm verba.

S. Præsens

3. *Præfens si patiatur alium pro se fide-  
jubere, mandare intelligitur.*

**M**ALLEMUS controversiæ materiam tollere quàm litis instruendæ formulam aut rei dijudicandæ rationem constituere in contentione executionis, quæ vertitur inter Status Brabantie Impetrantes, & Gubernatores civitatis A. Opponentes, & intervenientes pro vidua de G. Sed cum res jam longiùs progressa necessariò fori disceptationem desideret, requisiti operam nostram recusare non potuimus, in asserenda justitia; quam pro Statibus militare, ex multis locis & argumentis deduci & demonstrari potest.

ET primò magnum ac prævalidum fundamentum constitui potest in primo illo ac principali omnium Ordinum consensu anni 53. Octobris 16. quo collatio ad usum Cæsariæ Majest. facta est, bis centum millium librarum Artesiæ redigendarum ex venditione reddituum, qui postea redimerentur & extinguerentur medio ac via impositionum, communi deliberatione Statuum excogitandarum cum iis quæ postea inductæ, continuatæ & levatæ fuerunt, etiam in ipsa civitate A. & à G. receptore Statuum receptæ, pro tempore seu annis, pro quibus urgetur executio. Inde enim detegitur Statibus liberum fuisse modum colligendarum impositionum statuere, ipsasque impositiones, ex Statuum

judicio decretoque inductas & levatas, Statuum usibus duntaxat servire debere; ipsosque Opponentes nullum jus, nullamque causam habere aliquid arripiendi ex dictis impositionibus, convertendi que in usus suos proprios, sive justitiam principalis Rei, sive modum formamque procedendi consideremus.

**S**I QUIDEM si rem ipsam æquis oculis intueamur, tenor primi ac principalis consensus ostendit A. non esse permixtum separatim certo modo & seorsum media invenire conficiendæ & persolvendæ suæ portionis: sed omne arbitrium esse penes conventum ipsorum Statuum, qui ex tribus Ordinibus, Prælatorum scilicet, Nobilium & Civitatum constituitur, *Faber Insti. de pæna teme. litig. §. omnium post Bart. in l. omnes. ff. de justis. & jur.* & in quorum convocatione civitas A. inferiore loco stat, & nec Ordinem nec Statum facit, sed tertij Status membrum est, quod, velut species ad suum genus relata, in conventu Statuum per se non consideratur; *Pulchrè Lod. Rom. conf. 99. per totum.* satisque est ad inducendum Statuum consensum, reliquas civitates tertium Statum repræsentantes, cum aliis Ordinibus concordantes esse; quia omnes civitates una ditione collectiva nominantur, & in conventu cum aliis Statibus pro una parte tantum admittuntur: *l. si. C. de vulgari & pupillar. c. pastoralis & ibi gloss. de rescript. licet enim*  
Kk 3 cum

cùm diversa Corpora conjunguntur in unum, ut unum Corpus faciant, computentur voces secundùm Capita, & consideretur numerus singulorum; aliud tamen observatur, quando conveniunt plura genera hominum, ut diversa & distincta corpora, ut sit in Statibus: quia tunc non Capita, aut voces singulorum, sed tantùm generalem consensum Corporum consideramus. *c. scriptum, & ibi Panorm. de elect. Roma. d. conf. 99. in princ.*

- 2 Et proinde cùm acta primi illius consensus Statuum voluntati permittat impositionum excogitationem, nec liceat secundum eam A. seorsum suam quoram invenire, nisi in casum & sub conditione dissensus inter Status ipsos; sufficit generalis consensus & concordia ipsorum Statuum, non curata diversa sententia A. ne particularium contradictio aut dissensus impediat ea quæ prudenter & salubriter per ipsos Ordines constituta sunt. *l. nominationum. C. de decurionibus. lib. x.* Nam cùm facile dissentiant homines, difficulter expedirentur Universitatum negotia, si singulorum consensus requireretur. *dd. in l. quod major. ff. ad municipal.*
- 3 DE qua re minus hæsitandum est, propterea quòd Acta Reginalis ostendit Status non voluisse A. solos facultatem habere contradicendi, & pro suo lubito eventum conditionis de dissensu Statuum incitare, dum (ut ipsi Opponentessententur in 2. art. scriptur. quæ incipit,

op den rbj.) sequentem A declarationem, per quam conditio de Statuum dissensu desisteretur, ad A. dissensum noluerunt admittere tanquam nimis evagantem, excedentemque metas primi consensus; ex quo omnes tam efficaciter obligati fuerant, ut deinceps in contrarium, & contra id, quod semel placuerat, audiri non potuerint; *l. si quis iurandum. C. de reb. cred. c. cum illis. de renunc. dd. in l. 1. C. de furt. & servo corrupto.* non obstante defectu subscriptionis in dicta declaratione relatæ: quia contractus, de quo agitur, cum Principe celebratus erat bonæ fidei, soloque consensu absolutus nullam naturæ suæ aut pro solennitate seu forma scripturæ, aut subscriptione desiderans, licet postea ad certiolem & diuturniorem rei memoriam scriptura intervenerit, quod non substantiam, sed duntaxat probationem & executionem rei promissæ respicit, etiamsi de futura subscriptione aliquid inveniat conventum. *lason in l. quæ dotis nomine. sol. matrimon. Salices. in Auth. sed novo jure. col. 3. vers. Aut est dictum. C. si cert. petatur. Franc. Arctin. conf. 160. incip. longa est ista consultatio, vers. venio nunc ad secundum.* Quod prolixius hic disputare non convenit, propterea quòd pro manifesto habeatur in hujusmodi contributionibus Statuum consensum duntaxat spectari & non subscriptionem vel scripturam, quæ ad executionem & probationem adhibe-

4

hibetur, & per quam dispositioni rei principalis nihil penitus additur, vel detrahitur. *Clem. 1. de praebend.* Unde fit quod non possit in considerationem venire posterior A. declaratio, quatenus est amplior, & egrediendo terminos interpretationis priorem clausulam auget & extendit: & quod prius duntaxat sub conditione dissensus inter Status A. concessum erat, postea relinquatur liberæ eorum voluntati, quantumvis Status principales inter se consentirent: maximè quia A. illi Actæ consensus principalis postea subscripserunt, rejecta & repudiata à Statibus nova & mutata forma conditionis, quam urgebant A. licet Reginalis Majestas figura verborum declaraverit conditionem principali actæ insertam ejusdem potestatis esse, cujus est ea quam instantibus A. Status rejecerunt, quod Statibus non obest: nec diverforum verborum significationem, quæ naturalis est, immutare potest.

Ex quibus cum manifestum sit A. coarctari & includi cancellis primi consensus, sequitur & patet, quod non potuerunt pro libero arbitrio variare à reliquis Statibus; sed ita demum, si Status in constituendo certo modo invenienda pecuniæ non essent consentientes, nec concordarent Quæ conditio cum non extiterit, non habuerunt A. occasionem utendi dicta facultate, quoniam in con-

ventionem conditionali ante eventum conditionis jus aut obligatio efficax non nascitur. *l. ex conditionalis. Instit. de verb. obli. l. jubemus. §. 1. C. ad Senat. Treb. l. qui pecuniam. si cert. pet. & l. 2. §. si. de dona.* Quod proclivius obtinet in specie proposita, propter præcisam & formalem *l. 4. de conditio & demonstr.* conditionem ac facultatem restrictam per dictionem (*alsdan*) quæ punctum & extremitatem temporis significat.

Quo d autem conditio dissensus non extiterit, manifestum est ex ordine & serie rei gesta, quæ consensum & uniformitatem Statuum demonstrat, etiam A. consentientibus per taciturnitatem & patientiam. Nam ab initio decreverunt Status inter usurarium reddituum pro dicta cōtributione venditorum præstandum ex continuatione impositionum, quæ deinde uniformiter continuatæ, levatæ, & in dictum usum applicatæ fuerunt, scientibus nec contradicentibus deputatis A. usque ad annum 1555. quo una tantum oretenus protestatio ab illis facta est, quam resolvit, & irritam fecit sequens impositionum continuatio, & applicatio, modo & forma consueta. Noti namque juris est, factum protestationi contrarium prævalere, & vim præcedentis protestationis extinguere, quemadmodum protestatio de non adevunda hæreditate corrui, si postea quid fiat quod sonet in additionem; late

Carolus

*Carolus Rittius conf. 157. vol. 3. & protestatio proposita contra personam iudicis vel procuratoris, tollitur, si postea cum procuratore vel coram iudice procedatur. Bald. consil. 498. vol. 2. Præterea non est obscurum facta tantum, imò plus habere ponderis ad declarandam voluntatem quam verba; præsertim in huiusmodi actibus, qui consistunt in solo consensu, & in quibus nihil interest, verbis aliquid fiat an rebus ipsis, l. si pater naturalis. de adoptionib. l. uem quia, in princip. de pact. l. in quibusque. de act. & oblig. ut non immerito hic dici possit, quod quamvis deliberationi & consilio reliquorum Statuum collaudato & subscripto A. expressè non accesserint: nihilominus tamen ex consecutione quadam & observatione facti, dum passi sunt continuationem & applicationem dictarum impositionum fieri, consensisse & approbasse videntur. Quemadmodum si quis fidejubeat apud creditorem pro eo, à quo scit rem suam esse hypothecatam, hoc ipso quod fidejubeat, & aperte agit ut satisfidetur creditori, intelligitur consentire in rei suæ obligationem. l. Pomponius scribit, de Pignoribus. Quo modo ex eo solo quod quis præsens patitur alium pro se fidejubere, mandare videtur, l. qui patitur. ff. mandati. & filia, patre exercente actionem pro dote, consentire intelligitur, si præsens non contradicat, l. 2. §. si voluntate. solut. matrimon. & pater præ-*

sens nominationi filij ad decurionatum si non contradicat, pro consentiente habetur. l. 1. C. de filiisfam. & quemad. pat. lib. x Et quod propius huc pertinet, si Prælati præsentis & non contradicentis capitulo contulerit alicui beneficiū, censetur capitulum consensisse. c. continebatur & ibi Panorm. de his que fiunt à Prælat. Et ex eo solo quod quis patitur inquilinum manere in domo vel prædio conducto, post finem conductionis, inducitur renovatio & prorogatio. l. item queritur. §. qui completo. locati. Quæ omnia majore ratione hic recipienda sunt, ad inducendum consensum & conformitatem inviolabilem A. cum Statibus, ob id quod agatur de membris ejusdem Corporis, & negotio ac contributione Statuum, totiusque Reipubl. quod leges tanto favore prosequuntur, ut generaliter & semper tacentes habeant pro consentientibus, etiam in maximè præjudicialibus. l. si servus communis. de donat. inter vir. & uxor. l. as. conf. 3. in princ. lib. 1. Philip. Probis in c. qui tacet. de reg. jur. in 6.

PER quæ omnia sequitur & patet rem totam processisse nomine Universitatis & Statuum, quorum aspectu A. tanquam pars ad suum totum relata, in nulla sunt consideratione, nec possunt ullo modo à tam solenni consensu Statuum recedere: præsertim ex intervallo, & posteaquam non obstante eorum protestatione continuatio impositionum (ut ipsi fatentur)

etiam



etiam in Repub. A. secuta & observata fuit : Sequens enim continuatio impositionis, vim novæ locationis habet, & sub iisdem pactis & clausulis, quibus prior, facta censetur, & iisdem auctoribus & Statibus tribuitur, *arg. l. legem. C. locati.* præponderatque A. protestationi, cui Status non consenserunt, sed contradixerunt, & per suam contradictionem & infecutam continuationem impositionum, vim & effectum ejus prorsus impediverunt: maximè accedente A. scientia pariter & patientia; permittendo enim locationem impositionum, à protestatione intelliguntur recessisse. *c. sollicitudinem. de appellat. Bart. in l. non solum. ff. de novi operis nunciation.* Præsertim posteaquam protestatio eorum à Statibus non fuit acceptata, sed repudiata. Quinimò sequens illa observantia tantum est vitium, ut omnem ambiguitatem removeat, efficiatque ut factum continuationis præponderet verbis antecedentis protestationis, constringatque A. qui continuationem illam impositionum & solutionem ex illa in sua civitate fieri passi sunt. Perinde enim est ac si ipsi positivum actum contrarium suæ protestationi fecissent, tum propter majorem auctoritatem Statuum, qui in ea parte A. præjudicare potuerunt; tum propter contrarij facti observationem & impositionum solutionem ab ipsis A. facta, quæ præcedente Statuum

ordinationem, & consensum roborat, & protestationis vim omnem labefactat & invertit; sive intelligamus protestationem illam fuisse inutilem propter concordiam & conformitatem Statuum, sive utilem, & talem quæ jus potuisset tribuere A. si per actum contrarium & medium inhabile ab ea non recessissent.

His omnibus non incommodè adjicitur conditionem facultatis ab A. præteritæ conceptam esse in positivum Statuum dissensum; adeò ut facultati illi locus esse non possit antequam Status præhabito conventu ac communicatione dissenserint, ut hæc priore nostro responso prolixius tractata deductaque sunt.

NOVISSIME quod ad agendi modum pertinet, verum esse, & A. fateri pecunias, de quarum solutione agitur, procedere ex impositionibus, auctoritate ipsorum Statuum institutis & collectis, ideoque A. in illis nullum jus, nullamque auctoritatem competere, ne inducatur diversarum stationum & officiorum confusio; *l. i. C. de compensatio.* & ne collatio nomine Universitatis, hoc est ipsorum Statuum & publico nomine facta vertatur in privatum A. compedium, cum dispendio totius Reipub. quæ majorem favorem & prærogativam habet: sic ut quamvis in principali negotio & questione an A. potuerint suam portionem contributionis separatim conficere,

& suis rebus operam dare; nihilo-  
minus tamen in hac executionis  
liticula, in qua agitur de solutione  
pecuniæ redactæ ex impositioni-  
bus, quæ non pendent ex auctori-  
tate A. sed nomine & ad utilitatem  
Statuum adinventæ, institutæ ac  
levatæ fuerunt, Statuum intentio  
postulatioque prævalere debeat,  
propter jus acquisitum & infixum  
ossibus Statuum, quos respicit, &  
ex quorum auctoritate & nomine  
facta est impositionum continua-  
tio, quod solum spectare convenit  
ad exemplum obligationis ex mu-  
tuo inductæ: in qua non originem  
pecuniæ, sed cuius nomine data &  
numerata sit, inspicimus. *l. quamvis  
pecunia. l. si absentis. & l. non unde ori-  
ginem. C. si cert. per a.* Et hæc sub cor-  
rectione omnium rectius sentien-  
tium.

## CONSILIUM XXV.

## SUMMARIUM.

1. Themata consilij.
2. Pactorum observatio convenit huma-  
na fidei, & secundum naturam  
est.
3. Fidem fallere grave est, præsertim  
Principibus.
4. A remuneratorio contractu recedi non  
potest.
5. Privilegium remuneratorium alicujus  
facti revocari non potest.
6. Contractus unius voluntate non re-  
scinduntur, & Principem etiam  
subditum suum obstringunt.

7. Contractus Principum habent vim  
legis, sunt bona fidei, & obstrin-  
gunt successores illorum. Et illius  
reiratio.
8. Principis bona oppignorari vel in seu-  
dum dari solita, reversa ad fiscum  
aliis oppignorari, vel in feudum  
concedi possunt, nec revocationi ad  
causam dominij subjacent.
9. Impignoratio, infeudatio, & in Em-  
phyteusim concessio paribus pasi-  
bus ambulant: & alienationis  
verbo continentur, quotiescunque  
ea vel prohibetur, vel permittitur.
10. Limitrophora loca solent militibus  
concedi & assignari.
11. Militaris industria & labor quomo-  
do solita sit à veteribus compen-  
sari.
12. Dominia ex conventionione permuta-  
tionis acquisita, cedunt & surro-  
gantur in locum permutati domi-  
nij; & num. 22.
13. In rebus sacris, & dotalibus permit-  
titur permutatio.
14. Verba recipiunt interpretationem ex  
causa dispositioni addita, & in-  
telliguntur secundum conditionem  
personæ, ad quæ dispositio refertur.
15. Principali gratia seu concessione ju-  
vari quis, non deprimi debet.
16. Principalis gratia exuberare debet  
aquitate, exclusa omni interpre-  
tatione trabente aliquam absurdi-  
tatem.
17. Qui spondit, suo impendio dare  
debet.
18. Opera sumptu patroni præstanda.
19. Condicio ut per aquipollens implea-  
tur, sufficit.

20. *Prescriptio non procedit adversus eum qui potest ex pacto quando vult agere: nec adversus pactum de redimendo collatum in voluntatem liberam venditoris: nec adversus implementum conditionis potestative.*
21. *Heredes tenentur prestare factum defuncti, idq; in solidum in rebus dividuis.*
22. *Heredum unus habens restituendi facultatem, solus in solidum conveniri potest.*
23. *Debita occasione feudi contracta sunt per agnatos solvenda, si illi in feudo succedant, & per filiam defuncti, qua in allodialibus succedat, alia debita.*
24. *Actio negotiorum gestorum datur Capitaneo pro refusione expensarum, & remuneratione laboris in occupatione civitatis pro Principe facta.*
25. *Oblatio verbalis fidei & jurium clientelarium sufficit, cum dominus denegat investituram.*
26. *Testes ad aeternam rei memoriam quando produci possint.*
27. *Vasallus, si denegetur investitura per dominum, potest recurrere ad illius superiorem judicem, & per illum in fidem admitti.*

tentatum aut non probè dilucidè-  
que expositum videatur; operæ-  
pretium non arbitror eandem  
prolixiori oratione denuò sub in-  
cudem revocare, & cum superflui-  
tatis fastidio per longam facti re-  
citationem & disputationum am-  
bigues retexere: ne tamen, quæ ab  
illis in favorem domini Baronis  
luculenter resoluta sunt, sola au-  
thoritate comprobare videar, pro  
majore veritatis illustratione, &  
ad intentionem domini Baronis  
magis magisque confirmandam,  
breviter quædam subjiciam, quæ  
videntur præcipua, & ex quibus  
veram resolutionem decisionem-  
que negotij dependere existimo.

Et ut ordine aliquo proposito  
occurrentium dubiorum explica-  
tio sit certior ac facilior, primo in-  
vestigabo an promissio illa felicif-  
simæ memoriæ Ferdinandi Regis  
Romanorum & Archiducis Au-  
striæ facta ultima Januarij, anno  
1554. de tradenda investitura do-  
miniorum de Ortenburch & Vallis  
Villerthalæ sit valida, & eam fir-  
mitatem habeat, quod Serenissimus  
Ferdinandus Archidux, tan-  
quam filius & successor D. Ferdi-  
nandi primi ad illius observatio-  
nem teneatur.

Secundò, si jure subsistat, &  
vires habeat dicta promissio, an  
domino Baroni ejusve successoribus  
masculis agentibus ex ea, &  
conventam investituram petenti-  
bus ob stare possit objectus excep-  
tioque non impleri contractus, seu

Ll 2 condi-

**Q**UANDOQUIDEM causa,  
quam habet illustis Baro  
Polweiler cum Serenissimo Ferdi-  
nando Archiduce Austriæ à pluri-  
mis Jurisconsultis adeò copiosè &  
elegantè tractata & discussa inve-  
nitur, ut nihil propemodum in-

conditionis illi promissioni additæ de obtinendo transferendoque alio dominio adæquato aut superante æstimationem dominiorum de Ortenburch & Vallis Villerthaliz.

TERTIO, si qua ratione conditio illa per D. Baronem censeretur non impleta, an propterea licitum esse debeat domino Archiduci Ferdinando à conventionem recedere, & promissionem, veluti causa ob quam facta est non secum, spernere & ad irritum deducere: an verò in contrarium robur suum obtinente dicta promissione, exclusa revocandi resiliendi que facultate, domino Baroni etiamnum permitti debeat, dictam conditionem adimplere, & consequenter investituram illam petere, ac dominia illa Ortenburch & Vallis Villerthaliz, resoluta lege luitionis & restitutionis, perpetuo retinere.

QUARTO, an ad implementum dictæ conditionis sufficiat æquivalens dominium uni ex hæredibus felicissimæ memoriæ Ferdinandi tradere, an verò necesse sit hoc fieri ad utilitatem Archiducis Ferdinandi, cui per divisionem cessit ditio, ex qua dominia illa Ortenburch & Vallis Villerthaliz pendent & tenentur.

QUINTO, si conditio illa antecedenti tempore impleta censetur, aut postea impleatur, & Serenissimus Archidux Ferdinandus nihilominus in denegatione inve-

stituræ perseveret, qua ratione remedioque D. Baroni ejusque masculis descendentibus consuli possit & debeat.

IN discussione primi articuli magnoperè laborandum non videtur, siquidem cum Ferdinandus Rex ex certa scientiâ & deliberato animo promissionem & concessionem, de qua agitur, D. Baroni fecerit, ipse citra dubitationem, si viveret, ad illius observationem teneretur. Nihil enim tam congruum humanæ fidei, nihilque magis secundum naturam est, quam stare promissis: *l. i. ff. de pactis.* & si grave est cuicunque homini fidem non observare, *l. i. ff. de constitut. Princip.* non potest non esse Principi, in quadam imperij & præcellentis amplitudine constituto, gravissimum. *Doct. in l. digna vox. C. de legibus. & in cap. 1. de probat. Jacob. de Sancto Georgio in summa feudorum, in ver. Princeps. vers. sed an Princeps.* Eoque majores vires habet dicta promissio, & efficacius Regem Ferdinandum obstringebat, quòd per viam conventionis remuneratoriæ processerit, & ob benemerita D. Baronis, quæ versantur in luce clarissima, & plurimis scriptis ac literis tam Ferdinandi Regis quàm Maximiliani moderni Imperatoris, ac etiam Serenissimorum Caroli & Ferdinandi Archiducum Austriæ. Dubium enim non est à tali remuneratorio contractu discedi non posse, *l. si pater. §. fin. ff. de dona. & privilegium alicui* ob

- 5 ob factum aliquod tributum, cum non de sola auctoritate ejus, qui tribuit, pendeat, ob intercedens factum vel merita ab eo nequit rescindi. *Bald. in l. si cum mihi. de dolo.*
- 6 Ea enim est contractus natura, ut solvi nequeat, & cedere in irritum ex unius voluntate; & conventiones Principem ipsum etiam subditis infimis, præsertim dantibus aliquid, vicissim reddunt obnoxium: *Alex. consil. 301. num. 17. lib. 5.* Et interest Reipublicæ à Principe observari gratias concessas ob beneficia subditis & vassallis suis; quia exemplo illo aliorum animi accenduntur ad benemerendum de Principe, & contractus principales obtinent vim legum, *Decius cap. 1. col. 3. de probat. l. Casar. ff. de public. & bonæ fidei naturam sortiuntur. Dec. in d. c. 1. col. 1. de probat. Baldus in cap. 1. §. si quis verò. in princ. de pac.*
- 7 *Constantia.* Nec solum Princeps qui contraxit, sed & is qui in ejus locum succedit, ad conventionis observationem tenetur: nam à contrahendo cum Principe abstinerent homines, si eundem conventionis & vitæ principalis terminum fore arbitrantur; ita ut non solum Rex Ferdinandus, sed hoc amplius Serenissimus Archidux Ferdinandus illius successor, in ditionem Austriacam ex promissione illa investituræ constringatur. *d. c. 1. de probat. & ibi dd. Iason in l. 1. col. 3. ff. de constit. Princip.* Quilibet enim auctoris sui factum præstare debet: *l. cum à matre. C. de rei vendit.*

*cum similibus.* & succedendi ratio Serenissimum Archiducem in locum Regis Ferdinandi constituit, efficitque ut non alius videatur Archidux hodiernus ab eo qui fuit antea. *l. proponebatur. ff. de judic.* Unde communis est interpretum sententia, successores in regno & principatu teneri ex obligatione suorum auctorum sicut ceteri privati: *dd. in d. l. digna vox, & in l. cum à matre. C. de rei vend. de quo hic minus dubij est, ob id quòd ditio Austriaca (in cujus circulo bona promissa sita sunt) Serenissimo Ferdinando Archiduci per successionem & divisionem cum patribus initam obveniret: c. licet. de voto & voti redempt. Bald. in l. ex hoc jure. in 4. quest. ff. de just. & jure. & quòd nulla vertatur scandali vel publici periculi occasio. Nam quamvis Serenissimus Archidux Ferdinandus alicujus incommodi mentionem facere videatur in literis suis de decima Augusti, anni 1515. l. l. LXIX. revera tamen res non magnæ est quantitatis, nec lædit statum ditionis in aliquo; non solum quia non inducitur diminutio proprietatis, & directi dominij, nec summum jus Imperij abalienatur, verum etiam quia agitur de rebus quæ supra ducentos annos non fuerunt reliquo corpori agglutinatæ; sed pignoris jure seorsum ab exteris possessæ; ex quorum manibus ipse Baro dominia illa simili nexu tenenda ex concessione gloriose memorie*

Ferd. Regis sua pecunia, sumptu & labore recuperavit; ita ut cesset omnis occasio periculi & scandali, quod timeri solet ex alienato summo jure imperij donataque portione fiscalis patrimonij, cujus cum reliquis partibus semper fuit individua conjunctio, non etiam in bonis, quæ jam olim pignoris nexu, vel alio modo alienari consueverunt: quoniam res Principis

8 oppignorari, vel in feudum dari solitæ, etiam si postea ad fiscum reversæ sint, possunt privatis de novo concedi absque eo quod revocationi in causam dominij possit esse locus. *Joan. de Plat. in l. murileguli. C. de murilegulis lib. xi. Spec. de Feud. quest. 40.* Et ne res eisdem limitibus à lege inclusæ *l. ultim. C. de reb. alie. non alienan.* separentur, non est existimandum difficiliter admittendam hanc investituræ concessionem, quàm prioris pignoris obligationem: cum alienationis prohibitio non minus impediat

9 hypothecæ & pignoris concessionem, quàm dationem in emphiteusum & feudum. *d. l. fin. & ibi dd. C. de reb. alie. non alienan.* Et è diverso, ex qua causa permittitur oppignoratio, ex eadem permittenda est infeudatio, sive agatur de concessione temporali, live de perpetua. *c. 1. de natura feudi. cap. 1. de feudo sine culpa non amittendo.* Quod proclivius recipiendum est in præsentì hypotheli, propter retenta Regalia, nexum & obligationem fidei, quæ D. Baroni subeunda est, atque

restrictiorem naturam investituræ promissæ; utpotè quæ non in universum citra sexus distinctionem (quæ per multas successiones transire posset) addicta est, sed cum limitatione & expresso pacto reversionis collato in defectum masculorum, qui facile deficere, & reversioni locum dare possunt: ita ut investituræ tam restrictæ concessio ipsum Baronem graviiori oneri fidei & clientelæ subjiciat, & conditionem illius respectu præhabiti pignoris non multo meliorem factura videatur; maximè si consideremus inducias & dilationem redimendi illi à Ferdinando Rege attributam post præcedentem hypothecæ acquisitionem. His proximum est, quod etiam si bona, de quibus agitur, nunquam prius jure pignoris vel alio modo ab aliis possessa fuissent, cessarentque vincula quibus promissa investitura coarctatur & concluditur, nihilominus ex eo solo sustineretur illa promissio & concessio, quodd per ditionem Austriacam nulla inveniat lex alienationem domanij prohibitoria; quodque contrarius exemplorum usus, illius cessationem coarguat. Infinita enim ex bonis Imperij & ditionis Austriacæ à prioribus Principibus alienata fuisse, testantur antiquitatis scriptores. Unde colligitur observatio alienandi permissiva, secundum quam liberum fuit & etiamnum est Archiducibus Austriæ, de rebus ditionis suæ pro arbitrio dispo-

nere,

nere, & alienationes facere; præsertim eas per quas juri dominico summo non præjudicatur, & quæ non inducunt notabilem Principatus diminutionem. Nec parum facit ad cōfirmationem prædictorū quod dominia illa Ottenburch & Villerthalie in longinquo prope fines Gallie constituta sint, quodque promissio illa investituræ (sicut alie priores concessiones) D. Baroni facta sit in remunerationem ingentium & fidelium laborum & obsequiorum feliciter in bello præstitorum; quod singularem prærogativam habet, & tanti momenti est, ut propterea etiam res, alioqui inalienabiles, concedi possent: militibus enim benemeritis, & de quibus Princeps potest confidere, talia loca concedi & assignari solent. *l. omnes. C. de fundis patri. lib. xi. l. si. C. de fundis Limitrophis. eo. lib. 10. Igneus in repet. l. donationes. num. 49. C. de do. inter vir. & uxor.* Quinimò ut hæc militaris industria, & rerum bello præclare gestarum compensatio principaliter à Rege Ferdinando considerata fuit, & in pignoris concessione, in verbis: **Unseren Rath und Haubman zu Constantz inn erweginge der erlicher auffrichtigen ghehoirsamen und nutzlichen dienste.** Et in dilata restrictaque luendi potestate, in verbis: **Unser Rath und Haubman zu Constantz nun vill Jare her uffrichtich erlich und treulich/** &c. Et denique in

ipsa investituræ promissione, ibi: **Die erlichen ritterlichen auffrichtigen fleißighen und ghetreuwen dienst/** &c. Ita sola & per se est sufficiens ad sustinendam illius investituræ promissionem, ac inducendam illius concessionem, etiam exemplo veterum, qui militaris industriæ labores compensabant non modò corona, præconio, honoribus ac hostilibus manubiis, quibus rostra censorum ornabant, sed donado etiam militibus de Reipublicæ patrimonio, & in eam causam alienando. Inde beneficia orta, hinc feudorum origo profluxit, cum fundi principales militibus emeritis beneficij loco darentur possidendi. S. P. Q. R. (qui imperium Oceano & famam terminat astris) Horatio Cocliti, bellicis laudibus claro, quantum agri uno die circumarare posset, erogavit: præter alia propemodum infinita fortium virorum à Romanis remuneratorum exempla; quæ recensere super sedemus, contenti unum ex recentioribus subpicere. Carolus VII. Galliarum Rex recepta bello Normannia, dedit Notho Aureliano Longovallium Comitatum in præmium eximij laboris. Prætereo innumeras Cæsareas alienationes & infeudationes, per quas re bene gesta dominicum prædium strenuo militi beneficiaria lege possidendum sæpissimè datum est. Legitima est enim alienatio etiam regij patrimonij, contemplatione bello-



bellorum, & quæ sit in compensationem fortitudinis virtutisque bellicæ, quam eximiam esse & præcellentem in D. Barone ostendunt multa insignia facta, quæ & Rex Ferdinandus ac invictissimus modernus Imperator cum Serenissimis Archiducibus Ferdinando & Carolo profiteri & collaudare non desinunt. Quibus accedit, quod præter insignia gloriæ militaris monumenta, præter immensum recuperatæ & traditæ urbis Constantiensis pretium, nec non præter pecuniam redemptorum dominiorum de Ortenburch & Willerthal, idem Baro virtute militari alia dominia æquivalentia Ortenburgo & Villerthalis ditioni Austriacæ adjecit, & conditionem promissioni Regiæ additam (ut mox ostendetur) per rei quoque traditionem adimplevit: quia bella expugnavit, & ad manus dominiumque Regis Ferdinandi tradidit castra Larotte & Babotece, quæ nunquam antea fuerant ditionis Austriacæ, & quæ secundum conditionem prædictam vicem

12 permutati dominij habent, & surrogantur in locum dominiorum de Ortenburch & Willerthal. *l. Imperator. §. fin. cum l. seqq. ff. de legat. 2. l. 1. §. hac actio. & ibi Bart. ff. si quis test. lib. esse jussus fuer.* Quæ surrogatio hoc inducit, ut investituræ illa concessio nullam videatur continere alienationem, aut ditionis Austriacæ diminutionem, propter compensationem & per-

mutationem surrogatorum dominiorum; quia de jure res permixta in alterius à nobis decedentis locum succedit: adeò quod placuerit etiam in rebus sacris dotalibusq; ratam esse hujusmodi commutationem. *Auth. sed & permutare. C. de sacrosanct. ecclesiis.* Et hujusmodi permutationum inter Principes, quæ ratæ manserunt, exempla in omnibus regnis, & principalibus, sunt obvia, à quorum recitatione prolixitatis gratia supersedeo. Cùm igitur ex deliberata & enixa voluntate Regis Ferdinandi concessio illa facta sit propter ingentia merita, & in compensationem operæ militaris feliciter navatæ, vicemque aliorum dominiorum Marte bellica acquisitorum, quæ nunquam fuerunt unita ditioni Austriacæ, dubitandum non est à tali remuneratorio & oneroso contractu discedi non posse: præsertim post impletam conditionem, & adjecta ditioni Austriacæ dominia illa Larotte & Babotece; nam ea ratione D. Baro contractum re ipsa ad exitum perduxisse intelligitur.

13

TRANSEUNDO itaque ad secundum articulum, nihil verendum est D. Baroni, ne per exceptionem non impletæ conditionis ab obtinenda investitura excludatur: quoniam præsupponitur satis constare, duo illa dominia Larotte & Babotece æquivalentia esse dominis de Ortenburch & Willerthal, quodque illa ipsa dominia, cùm antea

antea nunquam paruissent imperio Austriaco, periculis & opera militari D. Baronis illi associata, additaque fuerunt, quod sufficit ad implementum & purificationem dictæ conditionis, cujus hæc sunt verba: **So ver ons und unsern erben gedachter Nicolaus Freyherr zu Pollweiler/oder seine gebuederen ein andere Herrschafft hausz oder guet daz so guet oder besser/ als die vorgemelt Herrschafft Wepplerthall / und doch zuvoz nit nnnser ghewesen ist noch ons zughehoirt hat / zu unsern handen erlangt und zuwegen bringt.** Quæ ad factum referuntur, & pro satisfactione & implemento D. Baronis nihil aliud requirere videntur, nisi ut æquipollentia dominia, quæ nunquam fuerant Regis Ferdinandi, obtineat, & in potestatem Majestatis suæ suorumve hæredum redigat: quod præstitum effectumque censetur per acquisitionem dominiorum illorum Larotte & Babotece, quamvis Baro impendia belli non fecerit. Etenim Rex Ferdinandus commodis ditionis adversus diminutionem voluit prospicere, & in locum infeudationis dominiorum de Orteburck & Willerthal, alia substituere, quæ industria, opera, labore & virtute bellica D. Baronis acquirerentur, etiam absque illius (ut videtur) impendiis: quoniam ut priores concessionem domino Baroni factæ sunt con-

templatione Baronum, & ad compensandam militarem virtutem D. Baronis donativo aliquo; ita quoque hanc investituræ promissionem factam esse constat ex eadem causa, & ut per virtutem bellicam Baro pergeret similem fortunam sequi; & subserviando Regi suo, alia dominia ditioni Austriacæ adjudicare. Id enim aperte ostendit commemoratio & collaudatio virtutis militaris & recuperate Constantiæ, quam disertis verbis extollit Rex Ferdinandus. Idem comprobat conditio & qualitas D. Baronis, qui bello exercitatus subserviando suo Principi bello & industria militari vel amissa recuperare, vel nova ditioni Austriacæ adjudicare consueverat, quod Rex Ferdinandus solum in consideratione habuit, ut verba indicant: **Zu unsern handen erlangt und zuwegen bringt.** Quæ non tamen erogationem pecuniarum, aut expensarum, quam ministerium, laborem & operam militarem, occupandi; industriam significant, secundum causam à Rege Ferdinando expressam, & qualitatem conditionemque militarem D. Baronis, ex qua modum acquirendi occupandi que alia dominia metiri convenit, verba illa referendo ad exhibitionem industriæ militaris in occupando alia dominia. Verba enim cujusque dispositionis interpretationem accipiunt, ex causa quæ dispositioni est addita, *Bart. in l. fin. ff. de hæc. insti. & in l. i. in princip.*

M m

princip.

*princip. ff. ad Macedon.* & intelliguntur secundum conditionem personæ, ad quam dispositio refertur. Unde eleganter Juriscon. respondit: *in l. plenum. §. equitj. ff. de usu & habit.* Si fortè auriga fuerit is cui usus equorum relictus est, posse eum etiam in Circensibus iis uti; quia testator qui sciens eum huius esse instituti & vitæ, reliquit, videbitur de hoc etiam usu sensisse. Quod maiorem probabilitatem habet in hac specie, propterea quod constat Regi Ferdinando non solum notam fuisse D. Baronis professionem & consuetudinem militarem, verum etiam principaliter consideratam atque laudatam fuisse, ipsamque concessionem factam esse ex gratia ad continuandam belli laudem, navandamque operam auspiciis & ministerio suæ Majestatis pro amplificanda ditione Austriaca, per adjectionem aliorum dominiorum. Cujus rei illustrius argumentum inde colligitur, quod dominia illa de Ortenburch & Willerthal non solum sollicitudine & diligentia, verum etiam pretio D. Baronis antea recuperata fuerant, erogatis maximis pecuniarum quantitatis, quæ ad justum valorem dictorum dominiorum videntur ascendere; ita quod nulla sit veresimilitudo alia illa dominia Larotte & Babotece illius impendiis præter operam militarem acquiri debuisse. Nam ea ratione bis idem exegisset Rex Ferdinandus, nec gratiam,

sed gravamen maximum intulisset D. Baroni, qui pretium duarum rerum debuisset solvere, unam tantum retenturus, quod per absurdum est, & gratiæ principali contrarium; quæ amplianda est, & per quam juvari, non deprimi convenit homines: *l. in commodato. §. sicut. in fine. ff. commodati.* ne videlicet ex clementissima gratia, qua Rex Ferdinandus insignem virtutem utilemque laborem D. Baronis remunerari voluit, vertatur in captionem & injuriam contra æquitatem, quæ in principalibus concessionibus debet exuberare; *Oldrad. conf. 268.* exclusa omni interpretatione secum trahente aliquam absurditatem: *Bald. in l. 2. in 4. notabili. C. de legib.* quæ cum intollerabili gravamine D. Baronis, & contra naturale studium, quod est in Principe benemerendi de omnibus, sequeretur, si quis intelligeret Baronem suis impendiis debuisse occupare Larottam & Babotecam, propter duplicatum pretium ejusdem rei, ut dictum est, & quia inverso ordine vasallus & subditus ultra militarem operam sustinuisset belli gerendi sumptum, qui directò superiorem & Principem respicit, ipsique Baroni proximia mercede laboris, qua D. Austriacum affecit, nihil dignum rependeretur, quod intentioni Regis Ferdinandi prorsus est contrarium; ita quod in hac specie locum habere nequeat quod dici solet, Eum qui spondit, suo impendio

pendio dare debere, *l. suo victu. & l. quod nisi fiat. ff. de oper. libert.* exemplo hæredis gravati monumentum extruere: *l. hæreditas. §. 1. ff. de per. har. l. is consequenter. §. sed & cum monumentum. ff. sam. erisc.* hæres enim causam merè lucrativam habet, & hæreditatis sit dominus ratione injuncti oneris. Quod nullam comparationem ac similitudinem habet cum præsentē negotio, cujus sumptus ex natura rei ad ipsum Principem pertinet; ad Baronem verò, tanquam vassallum & subditum, solius operæ militaris exhibitio: ita ut rei ipsius conditio, & personarum qualitas Baronem à præstatione sumptuum liberet; & ita in non dissimili specie respondit Juriscons. ex genere operarum, ex personâ patroni atque liberti sumptuum analogiam statuendam esse. *l. patronus, in princ. ff. de oper. libert.* Quin generaliter responsum est, in *l. opera. ff. de oper. libert.* operas eo loco edi debere, ubi patronus moratur, sumptu scilicet & victu patroni; quod admodum convenit rei propositæ, propter affinitatem quæ est inter patronum & Principem, libertum & vassallum seu subditum; & quoniam antecedens pretij erogatio satis arguit Regem Ferdinandum Baronem onerare non voluisse pretio & sumptu earum rerum, quæ in locum alienatorum dominiorum ditioni Austriacæ conjungerentur. Idque evidentius colligitur ex restitutione pretij hæredibus D. Ba-

ronis in defectum masculorum facienda, quæ sola est in conventionē. Etenim si intentio partium fuisset, Baronem onerare etiam sumptu & pretio rerum acquirendarum, rationi fuisset consentaneum in lege & pactione conveniri de illius restitutione æquè ut de restitutione pretij prius erogati: quod dum prætermisum est, manifestè intelligitur, & ratio vitandi absurdi suadet, Regem Ferdinandum non voluisse D. Baronem onerare pro sola lege redemptionis remittenda pretio & sumptu acquirendi Larottam & Babotecam; sed solam operam factique militaris ministerium desiderasse, per quod occuparentur & acquirerentur Majestati suæ dominia æquivalentia Ortenburch & Willelthal, quorum pretium prope modum integrum Baro antea in pecuniâ numerata dependerat; exiguum illud, quod ad justam compensationem proprietatis seu utilis dominij deesse poterat, remittendo & condonando contemplatione laboris militaris, & aliorum meritum. Quæ secundum circumstantias facti vera videtur sententia Ferdinandi Regis, & interpretatio dictæ concessionis, quam & verba patiuntur: quæ non referuntur ad dationem rei, quæ penes Baronem erat, sed ad ministerij operæque militaris præstationem in curando efficiendoque, ut æquipollentia dominia acquirerentur, & sufficerentur in

Min 2      locum

locum alienatorum pro confer-  
vanda integritate ditionis. Et pro-  
inde ut bene apud memores vete-  
ris stet gratia facti, pacta que custo-  
diantur, convenit Serenissimum  
Archiducem Ferdinandum felicis-  
simæ memoriæ parentis sui cōces-  
sionem ratam habere, & investitu-  
ram, de qua agitur, concedere, ut  
D. Baro hoc immortalis bellicæ  
gloriæ apud suos monumento  
compensetur, & posteri omnes  
veluti hæreditariam domui Au-  
striacæ militarem operam præstare  
non cunctentur: præsertim cum  
merita dicti Baronis cum pretio  
recuperatæ civitatis Constantien-  
sis valorem dominiorum concess-  
orum longè excedere dicantur, &  
de expensis, modo, aut certa for-  
ma acquirēdi novi territorij nihil  
expressum inveniantur.

CIRCA tertium articulum im-  
morari nihil necesse est. Cæterum  
ut desiderio D. Baronis satisfiat,  
nihilque indiscussum remaneat,  
paucis dicendum est, quod si sub-  
tili aliqua ratione videri posset  
conditio illa neque formaliter, ne-  
que per æquipollens (quod in om-  
nibus dispositionibus sufficit *l. mu-  
lier. in princ. ff. ad Trebellia. l. si mater.*  
19 *ff. de instir. & substir.*) adimpleta, cu-  
jus contrarium superius demon-  
stratum est, adhuc tamen in poste-  
rum quādocunq; adimpleri pos-  
set, quoniam verba conditionis in  
futurum concepta sunt absque  
præfinitione temporis, implemen-  
tumque dictæ conditionis depen-

detex libero arbitrio ac facultate  
D. Baronis; ita ut sufficiat quando-  
cunque illam adimpleri, ut inve-  
stitura peti & obtineri possit. Nam  
præscriptio non procedit adver-  
sus illum qui potest ex pacto quan-  
docunque agere, quod in iure of-  
ferendi, cui hæc conditio est simi-  
lis, manifestum est: *l. si fundum. 2. C. de pactis inter empte. & vendit.* Et ita  
observatur in omnibus promiss-  
sionibus ita factis. *Ang. in l. cum stipu-  
latus sum mihi à Proculo ff. de verb. oblig.* Et quemadmodum in pacto  
redimendi, collato in liberam vo-  
luntatem venditoris, potest ven-  
ditor quādocunque redimere;  
ita in facultate data alicui ad ac-  
quirendum aliquid non debet  
coartari aliqua temporis angus-  
tia: quia facultas adimplendi cō-  
ditionem potestativam nunquam  
præscribitur. *l. servus quoque. §. ult. ff. de hæred. inst. l. ult. C. de constit. instir.*

CIRCA quartum articulum  
prima facie videri posset sufficere  
ad implementum dictæ conditio-  
nis à D. Barone præstari dominiū  
æquivalens territorio de Orten-  
burch & Willerthal ad manus ali-  
cujus ex hæredibus Ferdinandi  
Regis, postea Cæsaris, ut investitu-  
tam, de qua agitur, consequatur:  
quia hæres tenetur adimplere fa-  
ctum & promissionem defuncti.  
20 *l. cum à matre. C. de rei vend.* Et quo-  
ties defuncti promissio quid indi-  
viduum continet, qualis est illa in-  
vestituræ cōcessio, singuli hæredes  
tenentur



renentur in solidum. l. 2. §. ex hū.  
 & l. 4. §. Cato. ff. de verb. oblig. Cæ-  
 terum animadvertendum, domi-  
 nia, quorum investitura petitur,  
 consistere in circulo ditionis, quæ  
 per divisionem Serenissimo Ferdi-  
 nando cessit, & quod ea ratione  
 ipse solus facultatem habeat con-  
 cedendæ investituræ, quam alij  
 fratres de re aliena, & in alterius  
 territorio constituta dare nō pos-  
 sunt, ut res ipsa testatur, & ipse Im-  
 perator Maximilianus & Archi-  
 dux Carolus testantur in literis  
 suis respectivè datis die decima-  
 quarta Maji, anno 1571. & decima-  
 nona Maji ejusdem anni: juri &  
 rationi convenit soli Archiduci  
 Ferdinando acquisita surrogataq;  
 22 dominia cedere, ut videlicet sur-  
 rogatum sapiat naturam ejus cui  
 surrogatur, & dominia quæ substi-  
 tuuntur prioribus, accedant di-  
 tionis, ex qua priora eximuntur jure  
 utilis dominij, arg. eorum quæ scribit  
 Albers. in l. si ususfruct. in fi. ff. quibus  
 mod. ususfruct. amitt. eaque, quæ oc-  
 casione alienatorum acquirantur,  
 restituantur vice permutati domi-  
 nij, d. l. Imperator. §. ult. ff. de legat. 2.  
 Host. in cap. cum in. col. ultim. de usuris.  
 illi, qui solus investituram dare  
 23 potest: quemadmodum si quis  
 promiserit constituere viam vel  
 aquæductum per certum fundum,  
 & relictis pluribus hæredibus per  
 divisionem ille fundus uni obve-  
 niat, is convenitur solus, & in mo-  
 ra constituitur, & condemnatur,  
 atque præcisè compelli potest;

data tamen ei congrua & mode-  
 rata dilatione ad vocandum co-  
 hæredes, ut contra eos recursum  
 habeat pro rata, quando recursus  
 non est inutilis. l. fideicommissa. §.  
 pen. de leg. 3. Alexand. in l. stipulationes  
 non dividuntur. col. 5. & alij ibidem. ff.  
 de verb. oblig. Id quod inde quoque  
 suaderi potest, quod tamen in  
 promissione illa Regis Ferdinandi  
 omnes illius tituli præponantur,  
 revera tamen & effectu promissio-  
 nem facit contemplatione Archi-  
 ducatus Austriaci, & tanquam Ar-  
 chidux Austria, quem nunc Sere-  
 nissimus Archidux Ferdinandus  
 repræsentat; ideoque solus com-  
 moda & onera illius promissionis  
 sustinere debet: l. fin. §. fin autem,  
 & ibi Satic. C. de per. har. & ita in si-  
 milibus terminis respondet Alber-  
 tus Brunnus in consiliis feudali-  
 bus cons. 104. post Andream de  
 Isernia, in c. 1. in princ. an agnati vel  
 filij. Quod quando agnati succe-  
 dunt in feudo, & filia in alodiali-  
 bus, debita contracta occasione  
 24 feudi sunt per agnatos solvenda,  
 & alia per filias in alodialibus suc-  
 cedentes. arg. l. si certarum. §. 1. &  
 ibi Bald. de milir. testam. & l. hinc qua-  
 ritur. §. potest. ff. de pecul. Et certè  
 cum Rex Ferdinandus in dicta  
 concessione repletionem ditionis,  
 & surrogationem in locum eorum  
 quæ alienarentur, respexerit: non  
 videretur plenè satisfactum con-  
 ditioni additæ, nisi nova illa do-  
 minia, & postea quæ sita accede-  
 rent & incorporarentur illi ditioni,

Mm 3 à qua

à qua priora per investituræ concessionem quodammodo detraherentur. Nec est prætermittendum, hic non tam agi de investitura & damno, quo hæredes Regis Ferdinandi tenentur, quàm de implemento conditionis quæ D. Baronem respicit, & quam adimplere nequit, nisi vel soli Archiduci Ferdinando vel omnibus fratribus simul, & ita etiam Ferdinando Archiduci pro sua rata & parte respondeat.

25 Ad postremum articulum dicendum est, quod si impleto contractu & conditione Serenissimus Archidux Ferdinandus (quod propter summâ illius clementiam & liberalitatem fore nõ creditur) persistat in denegatione investituræ, licitum fore D. Baroni negotiorum gestorum actione, resiliendo à dictæ promissionis observatione, desiderare refusionem sumptuum in expugnatione Constantiæ factorum cum compensatione laborum militarium, & eorum quæ in ipsa civitate Constantia tempore occupationis reperta fuerunt, *l. 2. ff. de neg. gest.* quia nomine & auspiciis Regis Ferdinandi omnia gesta, & intuper ab eodem ratificata sunt, cum magna totius Reipublicæ & ipsius Regis utilitate; *l. si pupilli. §. item quaritur. ff. de neg. gest. cum vulgaris similibus.* repetitionem autem & conditionem civitatis Constantiæ competere, non ausim asserere, propter rem non integram, & quia civitates &

fortalitia bello nomine Regis Ferdinandi gesto, ipsi Regi & Principi belli de jure acquiruntur, licet reliqua mobilia & captivorum redemptiones penes Duces belli militesque relinquuntur. Potest quoque D. Baro, quod consultissimum est, rebus & dominiis jam obtentis incumbere, & possessionem præhabitam temporis diuturnitate confirmare, postulata investitura eorum, & oblatis Principi juribus clientelaribus, quæ vassallus patrono offerre tenetur, etiam non interpellatus: ea enim oblatio securum faciet D. Baronem, eumque in tuto constituet apprehensione feudi quasi patrono in mora constituto: *arg. l. acceptam. C. de usuris.* neque opus est hanc oblationem jurium esse realem, nisi Archidux paratus sit jura recipere, & vassallum suum investire: quia tunc realiter esset satisfaciendum, sed persistente D. Archiduce in negatione, satis est simplicem oblationem facere, & in instrumento publico narrare, quòd obtulit fidem ac jura debita; quod quidem instrumentum oblatis obsequiis fidei clientelaris & jurium debitorum etiam absque ulla protestatione valebit ad excusandum D. Baronem, ad virandum periculum injiciendæ manus, & alios futuros casus, etiamsi nihil amplius ex parte D. Baronis fiat, expectando donec Archidux Ferdinandus, aut illius successores ex lege luitionis & redhibitionis dominia illa volent

revocare.



revocare. Nam commodius erit, & humanius tunc D. Baroni hæredibusve ejus per exceptionem seu tueri, objiciendo, ad avertendam revocationem & redemptionem, legem illam redhibitionis per promissionem illam & concessionem Regis Ferdinandi resolutam & extinctam fuisse; & proinde redemptioni non esse locum. Interim tamen respiciendo, ut acquisitis omnibus scriptis & literis ad rem facientibus, & productis testibus ad æternam rei memoriam, probationes exceptionis suæ in parato & ad manus habeat: quæ quidem productio & testium receptio ad æternam rei memoriam facile obtinebitur, si supplici libello res, prout gesta est, exponatur, narrando merita D. Baronis, conditionemque dictæ promissionis impleri esse, & consequenter facultati revocandi dicta dominia præjudicatum esse: & quod nihilominus propter reculationem investituræ postulatæ timeatur ne in posterum Serenissimus Archidux Ferdinandus ejusve successores legem illam redimendi urgeant, & ex ea actionem instituant, pro eorum arbitrio, & eo tempore, quo ipsi erit commodissimum, quod incertum est & longius differri potest. Supplicando ut Celsitudo sua super exceptione & defensionibus prædictis, datis Commissariis, examen ad futuram rei memoriam benignè dignetur permittere, ne D. Baroni sine sua culpa, dum dif-

fertur actio, probationes suæ depereant, iisque amissis ipse hæredesve sui contra jus & æquum judicio percellantur, & dictis dominis indebitè expellantur. Hac enim justissima causa est habendi 27  
exanimis ad futuram rei memoriam: *Bald. & alij in Auth. si quis. C. de testibus. & l. 4. §. ait Prator. & ibi Bart. in 2. col. ff. de damn. infecto.* quoniam in hac specie favorabilior est Rei causa, propterea quod non possit se defendere cum vult, sed debet expectare incursum adversarij, qui plerumque diutius differt agere. Denique si D. Baro, factis 28  
oblationibus, nolit in suspenso manere, poterit in jus vocare Serenissimum Archiducem, & concludere, ut juribus, quæ debentur, receptis, eum in fidem admittat & investiat; & in casum reculationis. juribus consignatis, postulare à judice, ut ab eo velut per supremam manum admittatur: quæ consignatio jurium in judicio & admissio per judicem facta, eundem omnino effectum operabitur, quem haberet vera solutio jurium, & admissio Serenissimi Archiducis; dummodo tamen Serenissimus Archidux Cameram Imperialem, vel alium Superiorem agnoscat. Quæ consideratio eam quoque utilitatem habet, quòd eadem via præventus Serenissimus Archidux teneretur causas contradicendi discussioni Cameræ Imperiali relinquere, præscissa occasione aliquid statuendi, vel decernendi

nendi in confistorio, aut consilio suæ Celsitudinis, cujus cognitioni & sententiæ Dominum Baronem in hac causa subijci grave esset, & in huiusmodi specie adversus denegationem domini Feudalis succurri vasallo, per recursum ad aliam maiorem potestatem, moribus receptum est. Carol. Mol. in consuet. Paris. §. 45. num. 14. & jure probatur. c. si. de milite vasallo qui contumax est.

## CONSILIUM XXVI.

## SUMMARIUM.

1. Summus gradus jurisdictionis extenditur ad omnes qui se non probant exemptos, & numer. 24.
2. Imperator totius mundi dominus.
3. Attentatorum & Interdictorum judicia personalia sunt, & num. 25.
4. Actor forum Rei sequitur, sive in rem, sive in personam agatur, & num. 24.
5. Prorogatio jurisdictionis, ultra quam consensus est, non extenditur: Nec ad alias personas, quod limita ut i. num. 26.
6. Compromissum stricte est interpretandum, quod limita ut i. num. 27. & 30.
7. Attentatorum remedium contra tertium porrigitur.
8. Ex rescripto impetrato contra spoliatorem, vel alienantem judicij mutandi causa, quando conveniri possit is qui à spoliatore causam habet, vel in quem alienatio facta est.
9. Spoliatus non potest experiri interdicto unde vi contra spoliatorem spoliatoris.
10. Actori sabetur in initio litis, ut vocati cogantur judicium suscipere.
11. Iudicio & judicij cognitioni omnia subijciuntur, quæ pendente judicio contingunt. Et præcipue questio attentatorum, num. 14. & 22.
12. Iudex causa principalis potest condemnari ad interesse & fructuum restitutionem, licet ab initio petiti non sunt.
13. Iudex cause criminalis cognoscit & pronuntiat de incidenti causa civilis: & e converso civilis iudex de causa criminali.
14. Litispendentia sola absque alia probatione juris litigatoris, impedit aliquid fieri vel impetrari in illius præjudicium.
15. Attentatorum revocatio obtinetur vel agendo vel excipiendo, sicuti & possessio per vim ablata.
16. Attentata quomodo revocentur per implorationem officij iudicis, & quid in ea sufficiat probare.
17. Attentatorum judicium pinguius quam interdictum unde vi & in quo.
18. Attentata in præjudicium cuiuscunque iudicis vel judicij revocantur, sive ordinarij, sive delegati, sive arbitralis, sive prorogati.
19. Prorogatio fieri non potest nisi cum omnibus qualitatibus primæ potestatis.
20. Attentatorum judicio revocantur omnia quæ fiunt pendente lite tam primæ quam secundæ instantiæ.
21. Attenta-

21. *Attentatorum quamobrem tam amplum & pingue privilegium.*
22. *Attentatum de facto, revocari debet de facto.*
27. *Arbiter potest cognoscere de connexis negotio principali, ut de causa restitutionis qua in illud incidit.*
28. *Iurisdictio data ab homine vel à lege concessa videntur, non tantum illa sine quibus explicari non potest, verum etiam ea quibus commodius explicari potest.*
29. *Attentatorum iudicium semper censetur inesse commissiõni vel submissioni causa principali quamvis de eo nulla mentio fiat, & quare, l. num. 32.*
31. *Iurisdictio ordinaria præsuntur in dubio à partibus sponte agnita & prorogata.*
32. *Prorogata iurisdictio ejusdem est potestatis & effectus cujus principalis: quod multis exēplis illustratur.*
33. *Delegatus Principis, potest supplere in causis coram ipso pendentibus, sicut ipse Princeps.*
34. *Iurisdictio delegata cum ordinaria concurrente ex utraque procedi potest.*
35. *Attentatorum iudicium principali iudicio connexum est.*
36. *Inhibendi potestas est antecedens Attentatorum, & ad illa avertenda viam sternit.*
37. *Possessio civilis animo consistit, & potissimum attenditur.*
38. *Possessio civilis nunquam amittitur, nisi quis sciens naturalem occupatam illam recuperare negligat, & se repelli posse suspicetur.*
39. *Possessio civilis retinetur & continuatur ex solo conatu & preparamenti recuperationis.*
40. *Attentatorum iudicium & remedia possessoria juris Pontifici, contra tertium possessorem quantumvis bonæ fidei dantur.*
41. *Possessio antiquior præsuntur iustior.*
42. *Fraus præsuntur ex conjunctione & consanguinitate personarum.*
43. *Ex eo quod sequitur, præsuntur quid ante actum sit.*
44. *In illicitis non opinionem, sed res veritatem inspicimus.*
45. *Mandatum non excusat in illicitis.*
46. *Interdictorum iudicium contra heredem transit, cum ad eum aliquid pervenit: Item Attentatorum & vindicationis.*
47. *Obligatio ex delicto defunctorum transit contra heredes, post litem contestatam, vel cum adversario imputari non potest quo minus lis contestata sit.*
48. *Heres tenetur ad exonerandam conscientiam defuncti, etiam si lis cum eo contestata non sit.*
49. *Accessorium sequitur naturam sui principalis.*

**I**N causa Attentatorum vertente indecisa in sacre Imperialis Camera inditio, inter Illustres & nobiles dominos Comites Ortenburgenses, fratres conquerentes seu impetrantes ex una; & Illustrissimum Ducem Wirtenburgensem, Opponentem ex altera: Multa hinc inde diffuso sermone disputantur, & utraque pars multis argumentis & rationibus intentionem

Nn

tionem

tionem suā juvare, & stabilire conatur: quarum vim & potestatem ut perfectius deprehendamus, ostendamusque cui parti major lux veritatis assistat, & pro qua militet ipsa iustitia, (cui omnia debent concedere:) operæpretium est ex ordine omnia, quæ qualitercunque ad justificationem cujusque partis faciunt, referre atque excutere.

1. Et imprimis D. Ortenburgenses fundamentum intentionis suæ constituunt in extremo & summo gradu jurisdictionis, quæ juris præsumptione potestatem habet in omnes, qui se non probant  
2. exemptos, & liberos. Utpotè quæ profuit ex auctoritate Imperatoris, qui totius mundi est dominus.  
*l. deprecatio. ff. ad l. Rhod. de jactu.*

DEINDE addunt spontaneam partium prorogationem & consensum: in vim cujus D. Opponens hoc Imperiale iudicium agendo adiit, & in eo rei vendicationem instituit: inde inferendo Celsitudinem suam improbabiliter, & absque ratione ejusdem judicij jurisdictionem averfari & declinare super libello Attentatorum, quæ pendente iudicio ab eo intentato & prosecuto contigerunt, & natura sua, & ex juris dispositione dependentiam habent cum principali negotio.

ET ad ampliandam hanc subjectionem, & faciliorem jurisdictionis progressum, & extensionem, adjicitur favor privilegium

quæ Attentatorū, & quòd utraque pars indubitanter imperio sublit, & sive interdicto, sive Attentatorum iudicio agatur, in personam agi dicatur; *l. 1. §. fi. C. de interdictis*. Ita quod ratione ordinarij fori cognitio hujus, sive spoli, sive attentati pertineat ad Cameram Imperialem: in qua etiam forum sortiuntur ipsæ partes ratione domicilij & subjectionis, quæ tantarum est virium, ut etiam principale iudicium vendicationis absque ulla prorogatione vel commissione in Camera Imperiali intentari & peragi potuerit; cum ex generali regula, Actor Forum Rei sequi debeat, sive in rem sive in personam agatur. *l. ult. C. ubi in rem actio*.

HIS subiiciuntur multa de amplitudine prorogationis & commissionis Cæsareæ, quòdque per eam non sit imminuta, nec alterata, sed excitata conduplicataque, & confirmata hujus eminentissimæ Cameræ jurisdictionis; sic ut, etiam si controversæ ditiones extra Imperium consisterent, nihilominus propter dependentiam principalis judicij, domicilium, atque subjectionem ipsarum partium, necnon latitudinem prorogationis & commissionis Cæsareæ, cognitio Attentatorum ad ipsam Cameram pertinere debeat.

EX adverso verò pro parte Illustrissimi Ducis asseritur, controversas ditiones extra Imperium constitutæ esse, nullique alij jurisdictioni, quàm propriis suis immediatis.

diatis dominis subjacere; ideoque præsumptam querelam Attentatorum ad hoc Imperiale iudicium nequaquam pertinere, sive spectemus capacitatem & habilitatem jurisdictionis ordinariæ, quæ nulla competere potest Imperiali Camera super dominiis liberis, & ab Imperiali potestate exemptis: sive prorogationem partium & cognitionem Cæsaream, quæ non nisi una vice, & in certa lite vendicationis facta invenitur. Ideoque non potest vires habere, & ulterius ac latius se extendere, quàm solum modo præcisè ad controversiam, super qua consensum est, atque ad personas consentientes, & non ad alias. Prorogatio enim jurisdictionis ultra quàm consensum est, & ad alias causas & personas non extenditur. l. 2. & ibi. dd. ff. de iudiciis.

Et hæc majorem probabilitatem ex eo accipiunt, quod ex consensu illo prorogatæ jurisdictionis quoddam veluti compromissum inductum videatur. Quod strictè est interpretandum, *l. ass. consil. 62. lib. 3. Paul. Paris. conf. 45. nu. 24. li. 1.* Ita ut non extendatur etiam ad ea, quæ superveniunt pendente compromisso, *Rom. conf. 88. incip. tribus rationibus, & conf. 103. incip. idem proposita.* neq; admittat reconventionem: c. cum dilectus filius, de arbitris. usque adeò ut si ego & tu compromissimus de omnibus controversiis, quæ sunt inter te & me, & post litem contestatam auferam tibi castrum, de hoc non potest arbiter

cognoscere, quia ut scribit Hostiensis, *In summa de arbitris. §. qualiter ad effectum. vers. solutio, illud intellige.* ab initio de eo cogitari non potuit. Quod admodum conveniens videtur præsentis negotio, & pro defensione Illustrissimi Ducis plurimum momenti habet.

TANTO magis, quòd prorogatio, quæ urgetur, ab initio limitata coarctaque fuisse videatur ex natura causæ institutæ, & per protestationes: quibus utraque pars ante ingressum iudicii declaravit, quod suo illo consensu litigiosorum dominiorum antiquitus usurpatæ eminentiæ, nequitiam renuntiaret. Quod evidentem restrictionem continet, efficitque ne prorogatio illa terminos, in quibus facta est, egrediat.

QUINETIAM si vel ex latitudine commissionis seu prorogationis, sive ex dependentia negotij ampliorem potestatem haberent iudices hujus amplissimæ Camere: nihilominus Illustrissimus Dux rectè contendere videretur à sua Cellitudine excusari non debere præsumptum Attentatum, quod Frederici Comitis à Wirtenbergh Præses & Consiliarij Montpelgardenses, ac tutores dicti Comitis Friderici nomine fecisse dicuntur: Præsertim cùm Illustrissimus Dux nullam ab illis defendèdi potestatem accepit, nec ipsi unquàm coram Imperiali iudicio ratione dominiorum controversorum litem habuerint, aut comparuerint.

N n 2 H i s

HIS accedit, quòd dicti tutores, non Comites Ortenburgenses, sed dominum de Rie injultum invasorem à possessione dominiorum controversorum deturbaverint, atque expulerint, & consequenter secundum propriam Attentatorum naturam, quæ ad hoc tendit ut res reducantur in statum pristinum non Ortenburgensibus, sed Rienti; restitutio (si quæ fieret) prodesse posset. Quod separatum est, nihilque commune habet cum lite, quam Illustrissimus Dux cum Ortenburgensibus habet in Imperio. Ex diversis enim factis causis quæ profluunt, diversas separatasque personas respiciunt, ac distinctum finem scopumque habent.

- 7 Licet enim plerumque Attentatorum remedium etiam ad tertium porrigatur, *Alex. conf. 49. visis process. num. 9. vol. 5. Afflictis decis. 98. & 351. per c. bona. de appell. Sofin. Nep. conf. 52. in presenti dubitatione. vol. 2. Gni. Papa decis. 362.* & per rescriptum delegatorium impetratum contra spoliatorem rectè conveniatur is qui scienter succedit in vitium, *c. quia. V. de judiciis.* sicut is, in quem facta est alienatio mutandi judicij causa, tenetur ex rescripto impetrato contra alienantem: *c. 1. de alienat. judicij mut. caus. fact.* nunquam tamen alius pro alio, aut ex alieno facto seu vitio, cujus non est particeps, inquietari potest; *tor. titul. C. ne filius pro patr.* neque Attentatorum remedium, neque rescripti impetratio vigorem habet adver-

sus tertium, qui non succedit in vitium, aut in quem possessio rei litigiosæ, aut violenter ablata non est translata.

QUINIMODò adversus illū ipsum qui succedit in rem vitio affectam, inchoatum judicium non rectè exercetur, nisi implorato officio judicis, & legitima vocatione seu citatione præcedente: quæ omnia hîc deficiunt. Neque enim curatores Comitum Wirtenburgensis vocati inveniuntur, neque possessio ab illis in illustrissimum Ducem translata ostenditur.

ILLUD quoque indubitati juris est, Attentatorum beneficium sic comparatum esse, ut pro sit ipsis litigatoribus, non autem alteri qui non est in lite, qualis est Rientis; cui, ut dictum est, secundum naturam Attentatorum restitutionem fieri oporteret ea ratione. Quia licet Ortenburgenses à Rienti dejecti fuerint, Curatores tamen dicti Comitum non Ortenburgenses, sed Rientem expulerunt, ejusque expulsio nullam querelam Ortenburgensibus tribuere videtur, secundum regulam qua disponitur, Quod si à te vi defectus sim, & alius eandem possessionem acceperit, non possum cum alio quàm tecum interdicto experiri; *l. cum à te. ff. de vi & vi armata.* Ita ut Ortenburgenses ad Rientem recurrere debeant, propter primam expulsionem, denegata ipsis, ut videtur, querela Attentati, vel alterius remedij adversus suā Celsitudinem.

CÆTE-

CÆTERUM quanquā omnia prædicta speciosa videantur , & plausibilem aspectum habeant, nihilominus ex fundamentis excuriendo , perscrutandoque singula, robore momentoque suo destituuntur, & in præsentī hypothēsi secundū juris veritatem inefficacia sunt, ad subvertendam elidendamque intentionem Ortenburgensium.

Quo d ut liquidò demonstratur, considerandum est primo, totam controversiam præsentis negotij versari in jurisdictionis articulo; in quo disputandum disquirendumque venit, non de iustitia, vel iniustitia, seu meritis principalis negotij, sed de eo tantum an Illustrissimus Dux ad Attentatorum libellum ab Ortenburgensibus propositum in hoc Cameræ iudicio respondere, litem contestari, iudiciumque suscipere, & super querela Attentatorum, an iusta vel iniusta sit, litigare, & defensiones suas proponere teneatur.

10 SE CUNDO considerandum est, in huiusmodi principiis & ordinatione iudicii ac jurisdictionis permitti agentibus ex ea causa, & eodem modo, quo velint, adversarios ad iudicium vocare, & convenire. Ab initio enim, & ut vocari cogantur cominus suscipere iudicium, faveatur actori, *l. de die. in princip. ff. qui satis. cog. Dec. in l. favorabiles. ff. de regul. iur.* & ex illius intentione metimur id de quo litigandum est, & de quo iudicare oportet; usque

adeò ut satis sit formam libelli propositi talem esse, quæ secundum positionem & narrationem partis concludentiam habeat, & talibus mediis cõfoveri, ut cessantibus peremptoriis exceptionibus in progressu iudicii post litem contestatam proponendis, condemnatio sequi possit.

TER TIO considerandum præmittendumque est, apparere nedum ex narratione in libello facta, verum etiam ex confessione partis possessionem Ortenburgensium antiquiorem esse, eamque, ut constanter asseritur, & probari offertur, adhuc penes Ortenburgenses saltem civiliter constitutam ab Illustrissimo Duce, & post denunciationem sibi factam, interceptam, ac violenter & manu militari occupatam fuisse, pendente vendicationis iudicio; sic ut nullo modo possit subsistere declinatoria, per quam sua Celsitudinis ingressum, responsionem & litem contestationem super Attentatis impedire ac subterfugere conatur; asserendo protestandoque ditiones controversas esse exemptas, & sacro Imperio & iudicio sacræ Cameræ non subiacere, causamque principalem ad hoc sublime Cameræ iudiciū solummodo ex partium spontaneo consensu per Cæsareæ Majestatis commissionem delatam esse; & proinde Imperiali Cameræ jurisdictionem ad hanc Attentatorū controversiam non pertinere, neque extendi posse.

Nu 3 ET ENIM



ET ENIM posteaquam constat Illustrissimum Ducem hoc Imperiale iudicium agendo elegisse, & in eo rei vendicationem instituisse, rectissimè contendunt domini Comites, in *responsione sua*, artic. 3. Improbabiliter & absque ratione ejusdem iudicii jurisdictionem ab eo declinari, super libello Attentatorum, quæ pendente iudicio à sua Celsitudine intentato & prosecuto contigerunt, & natura sua & ex juris dispositione dependentiam habent inseparabilem cum principali negotio, continenturq; & reparari debent ex officio & potestate ejusdem iudicii, cujus exercitationi omnia subjiciuntur, quæ pendente iudicio contingunt, vel à partibus attentantur, §. 1. *Instit. de offic. judic. l. adules. §. item sciendum. ff. ad adil. edict. Bart. in l. 1. in princ. in 3. notabil. ff. de act. empr. sive agatur de ordinario, sive de prorogato, sive de commissio & delegato, & sive ad Universalitatem, sive ad certam speciem causarum, puta mercantiliū, usurarum, ædificiorum, damni dati, viduarum, pupillorum, aut similiū, quis deputatus*  
 12 *sit iudex.* Et hac ratione tam in realibus, quàm personalibus actionibus fructuum & ejus quod interest sit condemnatio, quamvis ab initio nulla eorum nomine fuit petitio proposita, *l. non solum. ff. de rei vend. Bart. & alij in l. 1. ff. de actio*  
 13 *empr. & iudex ad cognitionem causarum criminalium deputatus, ex officio & incidenter potest con-*

demnare culpabilem ad restituendum res ablatas; *Bart. ad l. interdum. §. qui furem. ff. de furtis. l. sed loci. §. si dicatur. ff. finium regund. l. si de possessione. C. unde vi. Idem Bart. in l. defuncto, §. si. ff. de public. jud. & civilium causarum iudex ex officio & incidenter cognoscit de criminali: ut si testis in causa coram eo examinatus falsum deposuisset. Nam eo casu de falsitate idem iudex civilis cognoscet, & saltem extraordinariè falsarium castigabit. l. nullam, & ibi Bart. C. de testi. idem Bart. in l. hoc jure. §. aqua. ff. de aqua quotid. Et nominatim Attentatorum revocationem ad quemcunque iudicem pertinere, nullum est dubium propter dependentiam litis: & quia Attentata sunt de processu & contingentibus principale negotium, veniuntque accessoriè, & à principali negotio habent dependentiam.*

AD Eò quod sola litis dependentia in principali negotio impediatur aliquid fieri, vel impetrari in præiudicium litigantis absq; alia probatione juris ipsius litigatoris, in cujus præiudicium aliquid est attentatum: *cap. 1. & ibi Philip. Francus, ut lite pend. in 6. & Attentatorum revocatio obtineri possit, non solum per viam querelæ, vel nullitatis agendo coram ordinario, seorsim à principali negotio, c. sape. & ibi Decius, Cardinalis de restit. spoli. Alexand. & Franc. in c. consuluit 2. & in c. ad audientiam. & in c. cum teneamur, de appellationib. verum etiam*  
 per

per modum exceptionis, quæ excludit adversarium ab omni appellatione & ulteriore prosecutione, non tantum in principali negotio, verum etiam in alia quacunque causa, *Philip. Francus in c. dilecti, num. 9. de appell.* sicut in interdicto Unde vi obstat spoliationis exceptio agenti in quacunque causa. *c. frequens, de restit. spol. in 6.*

QUINETIAM & frequentius imploratur iudicis de principali causa cognoscentis officium, quod in revocatione Attentatorum est privilegiatum; ita ut sine libello & litiscōtestatione oblata quali quali petitione Attentatum revocetur *c. non solum. de appell. in 6. c. dilecti. 3. de appellat. in antiquis. incidenter & accessorie, in quacunque causa, sive sit civilis, sive criminalis, sive prophana, sive ecclesiastica; tot. tit. ff. & C. nihil novari appell. pend. & tit. Ut appellat. pendente, &c.* & pro revocatione atque ad obtinendum in remedio Attentati sufficit probare possessionem tempore motæ litis, & postea spoliationem, *Rota decis. 14. c. bona memoria, & ibi dd. de appell. Cassadornus decis. 3. Pulchrè Hier. Manfredus in tract. super Attentat. lib. 1. part. 7. num. 6.* sicut in interdicto Unde vi.

37 Hoc amplius, Attentati iudicium pinguius providet, & magis est privilegiatū quam interdictum Unde vi. Nam in interdicto illo necessaria est spoliationis probatio, quæ non requiritur in Attentato, in quo sufficit probare se

possedisse, & nunc adversariam possidere. *Cardinalis, Alex. & alij, in d. c. bona memoria, Oldrad. consil. 199.*

Id quod in specie propolita difficultatē non habet, ob id quod notorium sit, generosorum dominorum Comitum possessionem esse antiquiorem. Cujus ea vis est & potestas, ut etiam agentem exoneret à probatione violentiæ & spoliationis, si constet possessionem apud alium consistere. *Innos. in c. sape. de restit. spol. Abbas in c. pastoralis. & in c. cum ad sedem. de restit. spol. Lopus allegat. 52. Ioan. Maria de Riminaldis conf. 98. num. 48. cum seqq. lib. 1. Carolus Röm. conf. 5. num. 16. & conf. 12. num. 10. lib. 4.* Rursus in interdicto regulariter non potest agi contra succedentem in rem, quamvis affectam vitio violentiæ: remedio autem Attentatorū rectè contra eum agitur, in id, quod plus est, etiam contra tertium succedentem, vel occupantem, quamvis neque à iudice; neque à parte causam habeat, *d. c. bona. & ibi Cardin. Alexan. & Philip. Franc. & in d. c. cum teneamur. & ibi omnes Canonista, de appell. nec lis cum eo fuerit contestata.* Et præterea in Attentati iudicio non admittitur exceptio alterius spoliationis, *Dec. consil. 200.* licet secus sit in interdicto Unde vi. *Phil. Francus in d. cap. bona memor. num. 14.*

Et quod ad revocationem & 18 privilegium Attentatorum attinet, nihil interest an agatur coram ordinario, cujus amplior est potestas an coram

- a coram delegato, *Phil. Francus in d. c. 1. num. 4. circa si. d. c. cum teneatur. & d. c. bona memoria, de appellat.* qui usque ad pronunciationem sententiæ omnia innovata lite pendente revocat, *Rota decif. 507. live coram arbitro, live l. si quis rem. ff. de arbitris. Philip. Francus in d. cap. 1. coram iudice prorogato, cujus jurisdictio eadem est cum principali, cum prorogatio fieri nõ possit, nisi cum omnibus qualitatibus primæ potestatis, gloss. in c. hi qui, de præbend. in 6. Felin. in c. de causis, col. 3.*
- 19 *de offic. deleg.* & in prorogata jurisdictione idem servetur quod in principali. *Curt. jun. post alios in l. 2. ff. de judiciis.*
- 20 Nec interest quod ad revocationem Attentatorum attinet, an agatur de innovatis post appellationem, an vero de his quæ fiunt pendente prima instantia, cum nulla adhuc appellatio est interposita. Generaliter enim lite pendente aliquid innovare est vetitum, *tot. titul. C. ut lite pendente. nec quicquam dubitat (ut inquit Oldradus d. conf. 199. in princ.) non majoris esse virtutis simplicem provocationem ad causam, quam ipsam*
- 21 *realem litis pendentiam.* Proditaque sunt omnia hæc remedia, ampliataque est potestas revocandi attentata, propter gravitatem delicti, quod ab eis committitur, qui derelicto vel intermisso iudicio ad vim, ad arma, aliãve facti viam confugiunt, & sibi ipsis jus dicere præsumunt, per quod offendunt

non solum partem, verum etiam iudicem & jus ipsum, *Rota decif. 14. & 25. in novis. Alex. conf. 99. in 5. vol. Didac. Couvarur. in practicus quæstio. c. 24. num. 16. Philip. Franc. in d. c. non solum. de appellat. Mathaus de afflict. in decif. 352. & hoc est quod eleganter scribit Oldradus d. conf. 199. in princ.* Per revocationem Attentatorum succurri & parti spoliatae, & contemptam iudicis maiestatem vindicari.

Cum itaque Illustrissimus Dux pendente rei vendicationis iudicio super controversiis dominiis seu ditionibus eas de facto & vi armata occupavit, non est dubium quin de facto Attentatum in præjudicium litis in hoc sacro consilio pendentis de facto revocari debeat remedio Attentatorum; *luris supra citatis gloss. in l. mitior. de evictionib. Alexan. las. & Decius in l. si pacto quo pœnam. C. de pactis. Roman. consil. 483. adeo ut etiam fructus & expensas omnes Illustrissimus Dux refundere, aut saltem litem contestari, & Attentatum excusare*

23 *atque defendere in hoc Camerae iudicio, teneatur; l. si quis ad se fundum, & ibi Bartol. C. ad l. Iulian. de vi. Alciatus consil. 400. & 50. numer. 8.* eoque detestabilius id, quod ab eo attentatum est, censeri debet, quod anteriorē pacificam possessionem illustrium dominorum Comitum notam habuerit; quodque (ut articulatur) possessionem dominij de Scharrelot integrè adhuc penes dominos Comites constitutam

tutam vi invaserit & occupaverit. Item quòd præparamentum dictorum dominorum Comitum ad recuperandam possessionem, posteaquam intellexerant eam à domino de Ric occupatam, necnon facilitatem recuperandi, atque instantem restitutionem sibi denunciata contempserit, & manu militari impediverit possessionem dicti domini d'Hericourt, per vim intercipiendo & retinendo. Et denique quòd requisitus & interpellatus pro restitutione parère noluit, prætextu quarundam protestationum & exceptionum, quæ manifestè sunt inutiles, neque ullam legitimam excusationem continent.

24 NAM primò protestatio, quæ in eo constituitur quòd dominia litigiosa extra Imperium constituta, ad jurisdictionem Cameræ non pertineant; nutat & labefactatur ex generali juris præsumptione, inclinante in subjectione Imperij, *d. l. deprecatio. ff. ad leg. Rhodiam de jactu.* planèque convellitur & subvertitur ex eo quòd manifestum sit utramque partem domicilium habere in Imperio, ejusque jurisdictioni subjacere: quod satis est ad fundandam jurisdictionem non solum Attentatorum, verum etiam rei vendicationis; in qua singulare est quod exerceri possit, vel in loco ubi res ipsa constituta est, vel ubi reus habet domicilium, secundum veriore lectionem, & interpretationem Imperialis Con-

stitutionis, *in d. l. ult. C. ubi in rem actio.* quæ etiam Juriscons. responsis confirmatur. *in l. si res mobilis, cum seq. ff. de rei vend.*

ET ut ut fuerit de rei vendicatione, dubium esse non potest de Attentatorum remedio, quod ex delicto descendit, constringitque potius personam quàm rem, *d. l. 1. §. fin. C. de interdictis.* etiam si rei persecutionem admixtam habeat: quod longiore disputatione nihil necesse est prosequi propter privilegium Attentatorum, & necessariam atque inseparabilem eorum dependentiam & connexionem cum causa principali, de qua cumulatissimè dictum est superius.

PRÆTER quæ omnia, ad manum est spontanea voluntas & consensus partium, nec non commissio Imperialis, quæ omnem hæsitandi occasionem præscindit, & omnimodam jurisdictionem huic eminentissimæ Cameræ attribuit inter dictos litigantes ratione controversarum ditionum. Nam spontanea prorogatio submissioque sufficit ad fundandam jurisdictionem Cameræ Imperialis, quoad ditiones prædictas & partes consentientes, etiam si alioqui nec ipse, nec controversa dominia sacro Imperio, aut Imperialis Cameræ judicio subiecta fuissent. Prorogatio enim licet non opere-  
26  
tur inter alias personas, nec aliis præjudicet quàm consentientibus; *Castr. in d. l. 2. in verbis, inter consentientes. ff. de judiciis.* Iplis tamen  
O o      consen-

consentientibus in omnibus prædicat, propter parem potestatem prorogata jurisdictionis & principalis: *Doct. in d. l. 2. ff. de judicis.* Aded ut quamvis illi, à quibus prorogatio facta est, finita causa, in qua se subniserunt, non cogantur inviti alterius separati negotij gratia judicium coram eodem iudice suscipere, in incidentibus tamen emergentibus & accessorii ad principalem causam, vel ab ea dependentibus, qualia sunt Attentata, non possunt declinare, aut effugere ejusdem judicis potestatem. *Oldrardus d. conf. 206. in pr. cum similibus.*

- 27 QUÆ procedunt & locum habent etiam si agatur coram arbitris in vim simplicis compromissi. Nam quamvis submissio & compromissum strictè accipi debeant, extenditur tamen ad coherentia & connexa. *gloss. in d. c. dilectus. de arbit.* Ob quod eleganter Panorm. scribit *in d. c. cum dilectus. numer. 10.* quod arbiter potest manum extendere ad non deducta in compromisso, dummodo illa adhæreant expressis in compromisso, aded quod possit cognoscere de causa restitutionis quæ incidit in negotio, de quo compromissum est; *c. causa. de restitutione in integrum.* & , ut annotavit idem in Panorm. *conf. 62. num. 5. parte 2.* omnia, quæ sunt vicina & conjuncta in compromisso, feruntur ad cognitionem arbitri. Cui enim jurisdictio data est vel à lege, vel ab homine,

concessa videntur non tantum ea, sine quibus jurisdictio explicari non potest; *l. 2. ff. de jurisdi. omnium judicium.* verumetiam ea, quibus causa commodius explicari potest. *Bald. in l. 2. post princip. & ibi Dec. nu. 5.* Id quod expressa juris Pontificij Constitutione probatur evidentiis. Generaliter enim Pontifex his, quibus causa committitur, super omnibus, quæ ad ipsam causam spectare noscuntur, plenariam potestatem attribuit. *in c. præterea. de offic. & potest. judicis.*

AD ED quod omnia judiciorum accessoria contineantur, præcipuè verò judicium Attentatorum, quod est accessorium, & jure accessio- 29 nis & connexitatis semper inest, quamvis in subinssione aut commissione nulla de Attentatis sit facta mentio; *l. ad legatum, & l. ad rem mobilem. ff. de procurat. c. in causis. de election. l. si. §. si. ff. mandati.* nec mandans, seu committens, nec partes se submitteutes de illis cogitaverint. Nec ad rem pertinet assertio Hostiensis, *In summa de arbitris. §. qualiter ad effectum. vers. solutio. illud intellige.* quæ superius in contrarium citata est. Nam præterquam quod non careat dubio, certissimum est eam huic negotio non congruere: quandoquidem (si jure subsistit) accipienda & intel- 30 ligenda est eo casu, quando de castro, quod ablatum est tempore compromissi, nulla erat lis, aut quæstio: alioqui certa est regula, pendente compromisso nihil attentari

tentari debere. *Clem. quamdiu. de appellat. cum aliis jurib. supra citatis.*

- PER quæ remouentur & illa quæ de similitudine compromissi superius adducta sunt, quamvis reuera hic non sit compromissum, quod strictius accipitur, sed vera, ordinaria eaque suprema eminentissimæ Cameræ jurisdictio, ab
- 31 Imperatore confirmata, & à partibus prorogata, & spontè agnita, ut in dubio præsumitur, *Felinus in d. c. cum ex officij, in 5. conclusione, limit. 1. de præscript. & ex forma commissionis & prorogationis manifestū est, unde latissima potestas inducitur.*
- 32 Prorogatio enim hoc efficit, ut potestas prorogata eandem vim habeat, quam habet principalis jurisdictio: quia sumit augmentum, vim & auctoritatem sui principalis, *l. inter socerum §. cum inter. ff. de pact. dotali. l. etiam C. de jur. dotium. Castr. Curt. junior, & alij.* & effectus seu qualitas jurisdictionis prius existentis, non alteratur vigore prorogationis, sed est ejusdem naturæ & qualitatis, cujus erat inter eos, quorum erat judex *Pulchrè Marian. Soffin. de foro competenti. art. 7. in princ. sine ulla prorogatione vel commissione is qui sic aditur.* Et idem si ex qualitate jurisdictionis suæ summarie & juris ordine non servato cognoscebat; similiter inter prorogantes jurisditionem erit cognitio summaria. *l. Episcopalem. & ibi Bart. C. de Episcop. & Cleric.* Et si talis erat judex, à cujus sententia non poterat appellari, non

poterit etiam per prorogantes appellari. *Doct. in cap. causamq. de re judicata.* Et ut cognitio in vim ordinariæ jurisdictionis transit in successorem, ita etiam transit jurisdictio prorogata, *Castr. Curt. junior. & alij.* & ut coram principali, ita etiam coram prorogato admittitur reconventio: *gloss. singularis in l. est receptum. & ibi Bart. Angel. & Fulgof. de jurisd. omnium judicium, Marian. Soffin. de foro competenti. art. 7. num. 53. & Abbas in c. cum dilectus, de arbitris.* sic ut dubium esse non possit quin prorogata jurisdictio super principali negotio includat & comprehendat revocationem Attentatorum, sicut principalis jurisdictio propter dependentiam, & quia pendente lite secundum generales juris communis regulas nihil est innovandum; innovataque in pristinum statum ante omnia reponi debent: potissimum propter admixtum vitium spoliationis, & maximam potestatem Cameræ Imperialis, quæ ipsum Imperatorem repræsentat, & ob id latiore potestatem habet: usque adeo ut delegatus à Principe possit supplere in causis coram eopendentibus, sicut ipse Princeps. *c. bona. de postulat. Pral. latè Ioan. Maria. de Riminaldis, conf. 351. num. 21. lib. 2.*

CUM itaque tantus sit favor Attentati, tantaque connexio & dependentia cum causa principali, absque legitimo fundamento pro parte adversa adducitur limitari fuisse commissionem, & submis-

sionem ab initio ex natura causæ institutæ, & per protestationes, quibus utraq; pars ante ingressum judicii declaravit, quod suo illo consensu litigiosorum dominiorum antiquitus usurpatæ eminentiæ neutriquam renunciaret. Nam ut de posteriore prius agatur, protestationes illæ partium solum tendunt ad conservationem pristini juris, in re ipsa, & nullo modo ad impediendam aut coarctandam jurisdictionem, quæ est plena & liberrima: præsertim in articulo Attentatorum, quæ inseparabilem connexionem & coherentiam habent cum negotio principali. Quod verò ad naturam rei attinet, in confesso est, converso rerum ordine pro Ortenburgensibus facere id quod adversus eos adducitur. Natura enim causæ, atque ipsa juris dispositio non excludit, sed includit, comprehenditque Attentatorum cognitionem, sine jurisdictione causæ principalis, ut aperto jure & consentientibus omnium interpretum autoritatibus ostenditur.

ET ad confirmationem prædictorum plurimum facit commissio Cæsareæ Majestatis, quæ non per dictiones taxativas & excludendi potestatem habentes, sed effusè & amplissimis verbis concepta est; ita ut omnia contineantur, & non solum ex juris dispositione, verum etiam ex intentione & voluntate Imperatoris, & par-

di de omnibus, quæ qualitercumque inter partes ratione dictarum ditionum controverti possent. Non enim limitatè super vendicatione tantum prorogata est jurisdictionis, sed generaliter & indeterminatè super omni disputatione & controversia, quam partes haberent propter vel ratione dictarum ditionum, quæ dubium non est omnia comprehendere, ac Dominis assessoribus in vim dictæ commissionis liberum esse procedere, tam ex jurisdictione ordinaria quàm delegata, propter mixturam autoritatis: maximè attentis sequentibus verbis dictæ commissionis in effectu, hoc modo conceptis: *Proinde Romana Cæsarea potestate serio vobis hisce literis mandamus, & volumus, ut prædicta causa vos oneretur, eam suscipiatis, partes ad vos vocetis, eas erga se invicem in suis petitionibus, responsionibus, exceptionibus, replicationibus: & finaliter in omnibus suis propositionibus, exactè & pro necessitate audiatis: & exinde juxta prædicta nostra Camera Imperialis ordinationem, quod justum est in ea cognoscatis, pronuntiatis, eamq; dirimatis, & præterea quidvis in hac agatis, faciatis, instituatis, præcipiatis, & inibeatis, quod necessitas postulabit, & pro jure sacriq; nostri Cameralis judicii ordinatione facere decet: nosq; & nostra Imperialis aula Consiliarij in hoc facere, cognoscere, & pronunciare debuisse ac potuisse.*

PER quæ non alteratur, sed excitatur, confirmatur, & conduplicatur in procedendo ordinaria juris-



jurisdictio, quæ ob id concurrebat cum delegata, potestque procedi ex utraque, *Felin. in d. c. cum ex officij. Carol. Ruinus conf. 4. in princip. lib. 4.* non solum ad decisionem principalis negotii, sed omnium questionum incidentium & emergentium: *Pulchrè Ruinus d. conf. 4. nu. 23.*  
 35 & seq. lib. 4. maxime verò ad Attentatorum revocationem, quæ principali negotio connexa est, & ab eo habet dependenciam. *Oldradus d. consil. 20.*

36 DE qua re in proposito minor est dubitatio, ob id quodd in literis subjectionis & Cæsareæ commissionis aperte contineatur potestas inhibendi, quæ solet esse antecedens Attentatorum, *c. non solum, de appellat. in 6.* & ad illa inhibenda avertendaque viam sternens. Si quidem hoc antecedenti cōcessio, necessariò concessum intelligitur, quodd inhibitionem consequitur factorum scilicet & Attentatorum contra inhibitionem revocatio.

ET proinde licet demus ditiones litigiosas Imperio non subjacere, neque expressis verbis, & speciatim Attentatorum causam ad hanc Cameram delatam esse; nihilominus ex juris communis dispositione, præminencia jurisdictionis, verbis prorogationis & commissionis effusè atque universè conceptis, necnon dependentia & connexitate litis, & natura negotii, ipsius Attentati disceptatio & cognitio jurisdictioni hujus Camere subijcitur, tenereturque

Illustrissimus Dux ejusve successor ad litem cominus contestandam super Attentatis.

A qua quidem litis contestatione excusationem tribuere non potest, quod adducitur non Ortenburgensibus, sed domino de Rie violento spoliatori possessionem adeptam esse, ac consequenter secundum naturam Attentatorum Rieni potius quam Ortenburgensibus restitutione faciendam esse.

Quoniam naturalis possessionis apprehensio & violenta Ortenburgensium expulsio per Riem facta, nullatenus interruptit civilem possessionem, quæ ab Ortenburgensibus retenta est, etiam post Officiatorum suorum expulsionem & ejectionem; adeò ut ipse Dux incontinenti postea ejiciendo Riem, Ortenburgenses potius quam Riem turbasse & spoliasse videatur, propter retentam civilem possessionem, quæ in animo consistit, & potissimum consideratur. *l. 1. §. si vir uxori. & l. 3. §. in amittenda. ff. de acq. possess.* Et quia, ut in facto ponitur, & probari offertur, *in 9. 10. & sequentib. art. libelli Attentat.* Ortenburgenses, non obstante invasione illius de Rie, naturalem possessionem totis viribus recuperare intenderunt, & restitutionem obtinuissent exiguo tempore, nisi intercepto prævencioque Ducis intervenisset posteaquam restitutio illa certa & ipsi Duci denūciata & cognita fuisset: inde enim efficitur, ut quamvis res

37

ipsa Rienti de facto erepta sit; possessio tamen Ortenburgensium interturbata ablataque fuisse censetur: atqui ipsis restitutio fieri debeat, sive ex interdicto, sive remedio Attentati procedatur. Possessor enim civilis nunquam amittit possessionem, nisi sciens eam occupatam recuperare negligat, & se posse repelli suspicetur: *l. quod meo, in fin. & l. quamvis. l. si de eo. & ibi Bart. & dd. ff. de acq. poss.* quod perperis facti circumstantiis de Ortenburgensibus dici nequit, quos, ut asseritur, constat summa diligentia, magnisque præparamenti & auxiliis recuperationi occupatorum dominiorum invigilasse: quandoquidem ex solo conatu recuperandi probatur animus retinendi jus pristinum, & possessio continuatur. *latè Math. de Afflictis in constitut. Neapol. lib. 1. Rubric. contra quem de restitutione agatur. Carolus Ruin. 42. cum tribus seqq. vol.*

Quibus est proximum, quod etiam si verè amissa interemptaq; fuisset Ortenburgensium possessio, per invasionem Rientis, nihilo secius tamen Illustrissimus Dux rectè conveniretur in Attentatorum judicio, tanquam successor vitiorum, & continuans spoliationem factam per Rientem, secludendo Ortenburgenses à possessione, in qua erant tempore litis & vendicationis institutæ. Licet enim interdictum Unde vi, quia personale est, adversus singularem  
40 successorem non competat, ut pro

Illustrissimo Duce rectè allegatum est; *d. l. cum a te. ff. de vi & vi armata. l. 1. §. penult. ff. de interdictis. c. cum ad sedem, de restitut. spoliator. judicio tamen Attentatorum latè Alexand. d. conf. 49. Afflictus d. decis. 351. per c. ex parte. sub finem, de rescript. & c. bona. de appell. Guid. Papa decis. 362. Sofin. Nepos consil. 52. vol. 2. aliisque remediis juris Pontificij, spoliatus possessione sua rectè experitur, non tantum contra spoliantem, verum etiam contra eum qui scienter à spoliatore rem recepit: *c. sape, de restitut. spol.* Imò datur auxilium contra singularem successorem bonæ fidei, ratione peccati. Et quia omnes successores pares fiunt, cum ad se rem non pertinere sciant, *c. redintegranda. 3. quæst. 1. Inno. in c. querelam, de elect. Sofin. Nep. conf. 48. part. 2.* satisque est ad obtinendum in Attentatorum querelâ aliisque remediis superius relatis agentem probare de antiquiore & præhabita possessione tempore litis institutæ: quia possessio antiquior præsumitur justior, & junior clandestina reputatur & vitiosa, reciditq; in vitium Attentati & spoliationis, seu injustæ occupationis. *c. licet causam, de probat. latè Carolus Ruinus conf. 44. in princ. & conf. 45. & consil. 46. 47. & 48. vol. 4.**

RESTAT postremò respondere ad id quod prætenditur, non Illustrissimum Ducem, sed FridERICI Comitæ à Wirtenbergh Præsidem & Consiliarios Montpelgardenfes, ac consequenter ipsius Comitæ

42 Comitibus tutores prædictam occupationem & interceptionem fecisse. Et certe quavis magnum fundamentum in ea re constituitur, tamen rectis oculis intuendo veritatem, qui scopus est iustitiæ, nihil ponderis vel momenti habet. Siquidem ex conjunctione personarum, & quia ipse Dux Comitum Friderici tutor fuit, fraus præsumitur, & quod duntaxat ad colorem pro parte suæ Celsitudinis huiusmodi allegatio proponatur: *arg. l. data. C. de naturali. liber. & ibi Salicet. & l. si. ff. de operis libertor.* Idque eo magis, quod occupatio illa facta dicatur pro assequenda executione ejus quod judicabitur, in lite quæ ab ipso Duce instituta est, nec aliqua ratione Comitem Fridericum contingit.

DE qua re nihil necesse est latius agere in hoc articulo jurisdictionis, cum concernat negationem facti principalis, pertineatque ad statum causæ inficialiter constituendum; Nec fundamentum in ea fieri possit, nisi post litem contestatam, & per viam exceptionis seu defensionis peremptoriæ, quæ non ad jurisdictionem modumque procedendi, sed ad merita causæ principalis refertur; adeo quod Ortenburgenses in hac parte satisfaciant per solam positionem & allegationem facti, atque oblationem probationis, quod spoliatio & invasio dictarum ditionum ab ipso Duce facta sit, quodque ipse seu hæres ejus illas etiamnum te-

neat: præsertim cum Illustrissimus Dux implicate per duplicationem suam agnoscat officium tutelæ, asseratque, quod pro executione ferendæ sententiæ in principali judicio, dicta occupatio facta sit. Inde enim major verisimilitudo & certitudo inducitur pro allegatione seu positione Ortenburgensium. Nam cum ipsius Celsitudinem principale negotium respiciat, & ab eo iudicium intentatum sit, consequens est illius sumptu, auctoritate & commodo invasionem factam esse, cum ad suum bonum & utilitatem, atque pro futura executione iudicati in sua causa occupationem illam factam fateatur à tutoribus, quorum ipse unus ac principalis fuit, quemadmodum etiam ex hoc ipso præsumitur nomine proprio occupasse, quia egit nomine proprio, & postea possedit; cum ex eo quod sequitur, præsumatur id quod ante actum fuit. *l. sed Iulianus, in princip. ff. ad Macedonianum.* Hoc amplius manifesti juris est in occupatione & invasione rei alienæ, non opinionem, aut officij qualitatem, sed veritatem rei considerari, & conventum interdicto Unde vi, aut per quere-lam Attentatorum non liberari nominando dominum seu eum cuius nomine invasio vel Attentatum factum est, *Math. de Afflictis, decis. 217.* quia datur opera rei illicitæ; *Bart. ad l. Divus. ff. ad leg. Cornel. de Surtis.* adeo ut officium, mandatum vel ministerium nullam excusa-

43

44

45

excusationem tribuat, quin pœna legum teneatur is qui aliquid fecit, quod est de genere prohibitorum. *Bald. Angel. & alij in l. in rem. §. signum. ff. de rei vendicat.*

46 Et ut Illustrissimus Dux in Attentati judicio obligabatur litem contestari, & Ortenburgensibus suam possessionem restituere, ita quoque hæredem ejus obligari eodem nexu & vinculo non dubitatur: quia generaliter instantia in interdictis transit adversus hæredem, si res vel aliquid ad eum pervenit. *l. 3. §. ult. ff. de vi & vi armata.* Et certa est omnium conclusio, querelam Attentati non minus hæredem obstringere, quàm authorẽ & eum ipsum qui attentavit, sive contra defunctum lis Attentatorum sit cõtestata, sive non. Quod majorem certitudinem habet in proposito, ex eo quod manifestum sit stetit per Illustrissimum Ducem, quo minus ad litem contestationem procederetur; *c. cum non stat. de reg. jur. in 6.* & quòd hæres ejus & possessionem dictorum dominiorum, & fructus inde perceptos habere, aut ex iis locupletior factus intelligatur: *l. unica. C. ex delict. defunct.* & denique quòd citra omne dubium vendicationis judicium & principalis negotii instantia ad hæredem transeat. *l. tam ex contractibus. ff. de judicis. Roder. Suarcs allegat. 27. num. 1.* Etenim nata est obligatio hæredum etiam ex delictis defunctorum post litem contestatam, aut cum adversario

imputari non potest, quo minus lis sit contestata. *d. l. unica. & d. c. cum non stat, cum alijs jurib. superius allegatis.* Notum est quoque seposita consideratione litis contestatæ, hæredes teneri ad exonendam conscientiam defuncti secundum leges, quatenus ad eos ex delicto pervenit: *d. l. unica.* Secundum Canones verò pro viribus hæreditariis. *c. fin. de raptorib.* Et denique non est obscuri Juris, Accessorium sequi naturam sui principalis, *c. accessorium. de reg. jur. in 6.* sicut manente ac transeunte instantia principalis judicii vigorem habere ac transire quoque debeat accessoria liticula Attentatorum. 48 49

## CONSILIUM XXVII.

## SUMMARIUM.

1. Per actum repudiationi contrarium non receditur, nec recedi potest à repudiatione semel facta.
2. Sui habent beneficium abstinendi.
3. Repudiatio vel renunciatio domus mortuaria per actum exterioris probari debet.
4. Inducta ad favorem vel commodum alicujus, non debent illius operari damnum.
5. Presumitur contra non exhibentem acta.
6. Sententia non novat, nec exceptionem inducit, nisi respectu solius victoris absoluti, si is denuò conveniatur.
7. Cessio actionis, facta tẽpore transactio- nis, impedit illius extinctionem.

8. Sententia

8. *Sententia sunt stricti juris, nec egrediuntur personam, jus, vel casum, de quo in priori lite fuit questio.*
9. *Sententia non venit in considerationem, non prolatis conclusionibus, ad quas refertur.*
10. *Cedens potest directam actionem intentare, non obstante cessione: & quando id non procedat.*
11. *Cessionarius habet contra cedentem actionem pro restitutione emolumentii exacti.*
12. *Imploratio officij iudicis laxam & amplam tribuit iudicibus iudicandi potestatem, maxime inter fratres & consanguineos.*

**Q**UAMVIS multa satis in partium scripturis deducta videantur, tamen ad maiorem veritatis elustrationem, & ut in fratrum contentione exactius de iure cuiusque constare possit, operæpretium videtur, brevi oratione pro causæ statu principali negotii capita discutere, & sub correctione amplissimorum dominorum iudicium resolvere.

Et ut ordine quodam singula pertractentur, ratio negotii postulat, ut primò investigetur An evictio quartæ partis L. obligatioque damnorum quæ urgetur a Duce L. Impetrante ab initio respexerit quondam illustrißimum P. Ducem A. eoque mortuo, dominam viduam ejus, prolemque secundi matrimonii: deinde si semel obligatio illa damnorum consisterit in personæ dictæ dominæ viduæ,

ejusque prolis, quæ nunc illi quodque successit: An per sequentes lites seu appointuamentum, quod postea intercessit, inter dictam dominam viduam & fratrem domini adjuncti, obligatio illa translata sit; ita quod domino adjuncto successori fratris sui incumbere debeat.

**TERTIO**, si non, an saltem per insecurem transactionem & satisfactionem Duci L. præstitam mutatio aliqua contigerit, quæ vel actionem Ducis L. impediatur, vel onus totius obligationis in dominum adjunctum rejiciatur.

**POSTREMÒ**, an judicii ordinatio & propositio sit legitima; & Dux L. Impetrans directam actionem ritè instituerit, ei que Dux A. tam ex capite cessionis quàm jure proprio se rectè adjunxerit ad coadjuvandam promovendamque intentionem, & fines seu petitiones ab Impetrante propositas.

**QUOD** ad primi capitis discussionem attinet, satis expedita videtur actio Ducis L. quæ fundatur in expressa conventionione & contractu permutationis celebrato cum præfato quondam Duce P. necnon evictione dictæ quartæ partis jure facta, & insecure præcedente vocatione & defensione dicti Ducis P. adeò ut pars Opponens fateatur in *Memoriis*. intentionem Ducis L. claram liquidamque esse, & talem, cui ad evitandam condemnationem nihil Opponi possit: id solum prætexens pro-

P p      defen-

defensione sua, quòd non sibi, sed quondam Duci C. fratri domini adjuncti, & nunc domino adjuncto onus dictæ evictionis & regressus mortuo parte P. incubuerit. Nam quod pater superstes obligationem illam sustinuerit, tenor permutationis ostendit, & lites per eum in Galliis habitæ declarant; nec pars Opponens diffitetur, asserendo demum mortuo patre ad Carolum tanquam hæredem & successorem, vel tanquam obligatum ex appoinctuamento, cumulum onerum istorum declinasse, acquisita viduæ prolique suæ securitate, tum ex contractu antenuptiali, tum ex appoinctuamento inscuto. De qua re quid sit in veritate, vel non sit, attentius videndum perscrutandumque est.

Et sanè quod ad hæreditariam successionem attinet, devolutio affectioque omnium bonorum, vigore divisionis inter liberos, quam fatentur Opponentes, in *Memoriis*. necnon solennis repudiatio per dictum dominum Carolum statim mortuo patre facta, & de qua scripto constat, hæsitationem difficultatemque removet, efficitque ne possit ullis oneribus hæreditariis implicari, aut subjici dictus Carolus, etiam si postea aliquem actum contrarium (de quo ramen non constat) admisisset.

1 Quoniam per actum contrarium repudiationi non receditur, nec potest recedi à repudiatione semel facta. *l. sicut, & ibi dd. C. de repudianda*

*hered. latè Carol. Ruin. conf. 157. circa primum, num. 3. vol. 3.* Quod etiam obtinet in filiis & liberis, qui quavis de jure vel consuetudine sui & necessarii hæredes dicantur; volentibus tamen Prætor, necnon consuetudo, præsertim respectu liberorum prioris matrimonii, beneficium abstinendi indulget: §. *sui autem. Instur. de hered. qual. & diff. l. 1. C. si minor ab hered. abstin.* adedò ut sicut nuda voluntate hæres quis efficitur, ita contraria destinatione, per actum extrinsecum declarata, ab hæreditate exclusus liberatur oneribus hæreditariis. §. *fin. & ibi gloss. Instur. de hered. qualis. & differrent.* Ex quo ostenditur dominum Carolum, ejusque successorem dominum adjunctum, titulo hæreditario, his oneribus non fuisse obnoxios. Et in contrarium extant manifestæ consuetudines, quæ dominam viduam ejusque filium & successorem obstringunt certissimè. Sive enim intueamur mores Hannoniæ, ubi defunctus officiū gessit; sive civitatis Bruxellensis, ubi decessit, & ubi domicilium habuit, & Curia fuit, quæ evidentem subjectionem, immixtionem & implicationem secum trahunt, ut copiosè in additionibus deducitur, *art. 110. cum multis seqq.* atque etiam ipsi contractui antenuptiali conforme est.

S I Q U I D E M præterquam quòd derogatio consuetudinum in antenuptiali contractu facta valere non videatur adversus publicas & necessi-

2.

necessitatem inducentes consuetudines, etiam ipse tenor contractus antenuptialis rectè expensus, dominam viduam ejusque prolem in casu de quo agitur, non solum non liberat, sed per contrarium his oneribus subjicit: aded ut etiam stante & vim suam obtinente dicta derogatione, teneatur ex mente & verbis ipsorum contractuentium, in verb. *Ains au contraire entendent & declairent vouloir avoir leur domicile à la Court.* volentium in successione actionibusque hæreditariis considerari & observari consuetudinem Curie, quæ non alia fuit quam oppidi Bruxellensis, ubi constat Curiam fuisse, & ordinariè consistere. Quia consuetudo loci, ubi degit Curia, est consuetudo ipsius Curie & degentium in Curia: *Iuxta notata in III. additionum articulo.* præsertim cum alia specialis Curie consuetudo non probatur, quod ex parte Opponentis non est factum.

QUINETIAM si difformitas differentiaque constitui posset inter consuetudinem Curie & loci ubi degit Curia; nihilominus adhuc dicta domina vidua ex contractu antenuptiali, hæc onera deberet sustinere. Derogatio enim consuetudinum per illum contractum facta in illum tantum casum concepta est, quo superstes vidua intra spatium sex mensium repudiationem mobilium faceret, ut indicant expressa verba dicti contractus, ibi: *Ou qu'elle renonce,* &c.

Et rursus in verbis: *Item laditte dame pourra, si luy bon semble, prendre & avoir à son prouffit pour elle & ses hoirs tous les autres biens meubles, &c. Au charge neantmoins de payer toutes debtes, &c. Et pour choisir l'une ou l'autre desdites deulx royes, elle aura terme & espace de demy an apres le deces dudid Seigneur Duc.* Quæ irrefragabiliter illam hæredem mobiliarem constituunt, posteaquam non probatur de repudiatione aut renunciatione intra terminum facta, de qua (quia facti est) per exteriorem actum probari oportuisset, §. *fi. & ibi gloss. & dd. Insist. de hæred. qual. & differenc. ubi gloss. & interpr.* de quo nihil invenitur, imò in contrarium recta supputatio & calculus non aberrans, ostendit illam amplius quam spatio novem mensium, videlicet à secunda Aprilis anno quadragesimo octavo usque ad tertiam Januarii insequentis, cum appoinctuamentum fuit initum, absque debita renunciatione in domo ordinaria & possessione mobilium remansisse. Quod veram immixtionem continet secundum dictas consuetudines, & in casum, quo non fuit illis derogatum: imò etiam secundum ipsum contractum antenuptialem, ex quo cessante illa renunciatione locus relinquitur consuetudini: Imò hoc amplius, inducit ex conventionione omnium onerum obligationem, secundum ea quæ dicta sunt superius. Quod animadvertens dicta domina vidua, & in-



genue agnoscens immixtionem in verbis dicti appoinctuamenti, *A raison des apprehensions par eux faites*, rationem invenit per novam conventionem se eximendi, quæ præterquam quoddam propter conditionem domini Caroli, quæ tunc erat, videatur inutilis, expressis verbis excipit, reservatque pro vidua onera & actiones controversas, ut verba appoinctuamenti ostendunt, & luculenter satis deductum est in additionibus, *artic. 58. cum multiu seqq.* quæ studio vitandæ prolixitatis hic non repetuntur apud peritissimos: quos singulorum exactam rationem habituros, & singula pendendo clare deprehensuros, est verisimile dictam dominam viduam nullo modo potuisse præservari ab oneribus hæreditariis beneficio contractus antenuptialis, qui propter omissam renunciationem & apprehensionem mobilium non solum non eximit eam à vinculo consuetudinum: sed in contrarium involuit & implicat, obstringitque illam solutioni omnium debitorum, quæ per insecutum appoinctuamentum non avertitur, nec transferretur quoad actiones hic controversas & C. concernentes, propter expressam exceptionem seu potius reservationem, quæ eo est proclivior, quod hæc debita occasione H. proveniunt, & ipsum H. reipiciant: necnon quoddam filius dictæ dominæ illud acquisierit ordine successivo ex donatio-

nis contractu pro se inito, secundum ampliorem deductionem scripturæ factam.

ET ENIM non potest filius dominium illud habere, nisi titulo universali hæredis, si dominium illud in libera dispositione patris fuerit, vel titulo donationis singulari pro se inito, si patri non fuit de eo disponendi arbitrium, ut perinde sit ac si ipse contraxisset, & acquisivisset. Ob quod omnia vitia & onera contractus illum sequi debent, & onera quæ patri antè incumbabant, ipsi agnoscenda sunt, tanquam succedaneo patris in ipso contractu, maxime propter naturam donationis, *iuxta deducta in additionib. artic. 59. cum seqq.* quæ transit cum suo onere; adeo ut Carolus non nisi jus suum donasse censeatur. Id quod confirmatur ex eo quod pater post donationem obtentam, quandiu vixit, lites Gallicas sustinuit, necnon ex garandia & indemnitate, quam vidua ejus sibi postea comparare studuit, intelligitur, non faciente in contrarium divisione parentum inter liberos primi matrimonij secundum rationes comprehensas in additionibus. *artic. 4. 5. & seqq.* Et quia divisio illa nominatim limitata restrictaque est ad liberos primi matrimonij, ibi: *Desirans que apres nos deces, concorde & union soit & demeure entre noz enfans, & que chascun d'eulx puist sçavoir, &c.* Quæ ostendunt divisionem, & pacta in eo comprehensa nominatim respicere

4 cere favorem liberorum primi matrimonij, & concludi in illorum personam. Ideoque eas non debent egredi, nec operari damnum vel præjudicium eorum quorum favorem respiciunt. *l. quod favore. C. de legib.* Præsertim ad commodum prolium secundi matrimonij, de quibus constante priore matrimonio, & in provisione liberorum inde procreatorum non est verisimile cogitatum esse.

Et hoc amplius in aperto est, quòd parentes onerando Carolus ad favorem fratrum suorum, præsupposuerint in compensatione oneris impositi & H. penes eum mansurum, & reliquos omnes liberos cum eo fore hæredes mobiliæ utriusque parentis, in verbis: *Sans que nous aultres filz puissent demander aucun droit*, absque cogitatione mutandi thori, vel ademptionis bonorum, & translationis in secundam uxorem, & liberos ex ea procreandos. Adde quod Carolus in ea divisione, etiam respectu fratrum suorum juberetur tantum Comiti P. patruo suo satisfacere, non etiam Duci L. aut actiones ab eo propositas ex contractu & occasione H. excipere: maximè post translatum titulo lucrativo ipsum H. Neque credibile est patrem adimendo H. filio, cogitasse aliud quàm quod derivando illud ad se liberosque secundi matrimonij, simul etiam se subiceret oneribus partis dominij permutati cum H. ea occasione dicti dominij eve-

nientibus. Quod ad sensum naturalem & recti animi judicium manifestum est, & extra dubitationem collocari videtur ex his quæ postea infecuta sunt, & maximè quia liberi primi matrimonij repudiaverunt hæreditatem, quam vidua admisit absque renunciatione tempestitiva. Et præterea in appoinctuamento ipso suo oneri reservarunt debita controversa, quorum mentio cum præcedente garandix promissione prorsus fuisset supervacanea, si non intendissent partes in hunc casum, & de debitis prædictis cavere & prospicere.

PER quæ quod ad secundi articuli discussionem pertinet, expectatum videtur per sequens appoinctuamentum obligationem debitorum, quæ hic controversantur, non averfa, sed retenta fuisse per dictam dominā viduam, nec sententias Gallicas aliquam immutationem invexisse, quæ ad liberationem dominæ viduæ suique filij prodesse possit. Nam de vi & potestate dicti appoinctuamenti jam satis dictum est, demonstratumque vel ex solo illo appoinctuamento partem adversam debere succumbere. Quod verò ad lites Gallicas attinet, inspectio relectioque sententiarum ostendit dominum adjunctū qualitatem hæreditariam, in qua conveniebatur, non agnovisse, sed repudiavisse, nec litem voluisse suscipere: & quod in uno arresto dici-

tur de defensionibus & oblationibus illius, referendum est ad solam negationem qualitatis hereditariæ, ut ipsa acta, si exhibeantur ostendent, & dum non exhibentur, in dubio contra exhibentem dictas sententias facienda est interpretatio, non habita ratione aut consideratione contumaciæ. Quia Impetrantes non procedunt virtute sententiarum, quæ Parisiis lata sunt; sed illis derelictis (quod de jure permittitur) primæva actione, & ex veritate justitiæque ipsius negotii: ita ut in hoc judicio perinde sit ac si sententiæ illæ latæ non fuissent, & ex integro de ipso negotio contenderetur. Notum est enim sententiam non novare, nec exceptionem inducere respectu alterius quàm victoris absoluti, si is denuò conveniatur, aut ejus qui sententiæ obtentæ urget observationem, & executionem, nō etiam ejus qui vel succubuit, vel non fuit in priore judicio. Quod pro decisione secundi articuli videtur sufficere.

In tertio verò non est difficultas propter cessiones ipso tempore transactionis factas, quæ peremptionem seu extinctionem obligationis impediunt, l. *Modestinus. de solutionib.* efficiuntq; ut satisfactio creditori data operetur non cassationem, sed translationem utilis actionis. Quod manifestius est quàm ut longiore demonstratione indigeat; constituiturque extra omnem dubitationem per hoc

quòd translatio inter dōminos Impetrantes facta non sit absoluta, sed pendeat ex eventu futuræ solutionis propter additam conditionem, in eventum, quo conventa solutio non sequatur.

Et ut cessio non impedit actiones propositas, ita quoque anterioris judicati exceptio in hac specie est impertinens. Quoniam est alia causa agendi, & alia est persona, ex cujus jure principalis actio dirigitur, & hoc amplius, finis conclusioque protus diversa & alia est à petitionibus & finibus prioris instantiæ, ut liquidò constare potest ex inspectione finium prioris litis à parte Opponente propositorum. *art. Principi de M. 23. 24. 25. 26. 27.* Et ne rei manifestæ supervacanea opera impendatur, ipsa pronuntiatio prioris sententiæ omnem ambiguitatem removet, ex eo quòd ipsa sententia formaliter referatur & coarctetur ad fines & conclusiones per dominum adjunctum tunc Impetrantem propositas his verbis: *Que ledit demandeur n'est recevable ny fondé es fins & conclusions par luy prises.* Sic ut quamvis in progressu litis de damnis istis disputatum fuisset, & domini Judices ex officio propter majorem auctoritatem egrediendo conclusiones super illis pronuntiare potuissent; id tamen factum non esse ostendit formalis sententiæ limitatio & restrictio ad fines & conclusiones Impetrantis, in quibus nulla hujusmodi petitio facta

facta est. Quod animadvertens  
 pars Opponens, non sine ratione,  
 & significatione diffidentiae solam  
 pronuntiationem sententiae exhibuit  
 absque prolatione conclusionum  
 priorum, ad quas refertur  
 7 sententia, quae sui natura stricti juris  
 est, *l. cum quaritur. de except. rei  
 jud. l. 1. & tot. tit. C. si plures una sen-*  
 8 *tent. condemnati fuerint.* nec egreditur  
 personas, casum & jus, de quibus  
 in priore iudicio fuit actum; & relata  
 ad praecedentem libellum, nullam  
 extensionem vel ampliationem  
 patitur late *Ioan. Mat. de Riminaldi  
 conf. 401. lib. 1. ad casum*  
*ominino differentem & separatum:*  
*Abbas conf. 50. in princ. Decius*  
*conf. 56. vers. sed postea. & conf. 445.*  
*num. 43. Paris. consil. 87. lib. 3.* nec in  
 9 considerationem venire potest non  
 prolatis aut productis prioribus  
 conclusionibus, ad quas facta est  
 relatio. *Authen. si quis in aliquo. C. de*  
*edend.*

DESCENDENDO ad quartum  
 articulum, aperti juris est cedentem  
 recte directam actionem intentare  
 etiam post cessionem factam,  
 10 nisi vel denunciatio, vel litis  
 contestatio sit facta ex parte  
 cessionarii, vel per eam obventa  
 solutio à debitore cesso. Recte enim  
 procedit iudicium per creditorem  
 intentatum, quandiu unum ex  
 dictis tribus non intervenerit: *l. 3. C.*  
*de novat. & ibi Cynus, Salicet. & alij.*  
 Cujusmodi nihil est in proposito,  
 cum neque cedens cessionarium,  
 neque cessionarius cedentem stu-

deat antevertere, aut jus illi com-  
 petens praeripere, sed uterque se  
 conjungat, & alter alterum coad-  
 juvet, quo solutio à vero debitore  
 fiat, qui non potest timere pericu-  
 lum ulterioris inquietationis à ces-  
 sionario, si solvat cedenti; cum ces-  
 sionarius in id consentiat, illudque  
 desideret non solum ex jure cesso,  
 verum etiam ex causis in sua perso-  
 na radicatis; nec labore conveniat  
 de distributione emolumenti  
 assequendi inter cedentem & ces-  
 sionarium, qui consentiunt, decla-  
 rantque emolumentum illud res-  
 picere dominum adjunctum, qui,  
 etiam si principalis actor tergiver-  
 saretur de relaxando hoc emolu-  
 mento post sententiam expeditam  
 actionem habet, qua posset eum  
 cogere ad restituendum emolu-  
 mentum exactum. *Riminald conf. 176.*  
*num. 4. lib. 1.*

CUM itaque ordinatio iudicii,  
 ut videtur, sit legitima & recte co-  
 stituta ex jure veteri, quod nec  
 sententia per Ducem L. obventa,  
 nec per transactionem cum eo  
 inita, aut cessionem illi adjunctam  
 vel appointuamentum illud cum  
 domino C. initum, nec priore ju-  
 dicato labefactatum est; confect-  
 que dictam dominam viduam,  
 ejusque filium & successorem  
 semper fuisse obnoxios his actio-  
 nibus, tum Impetranti ex contra-  
 ctu permutationis, tum adjuncto  
 vigore consuetudinum & appointu-  
 amenti secuti, pro indemnitate  
 etiam post solutionem factam;  
 accedatque

accedatque donatio & acquisitio hujus domini ex contractu, cum patre pro filio facta, & ingentium damnorum domino adjuncto incumbentium consideratio & exuberans æquitas, juris ratio adversus partem Opponentem inclinare videtur, secundum suprascripta, deductaque in prioribus scripturis: Ita ut succumbere debeat, & contra eum statuendum sit, vel simpliciter secundum conclusiones, vel prout rectius & equius clarissimis dominis Judicibus videbitur ex amplitudine suæ potestatis, & in vim generalis clausule, imploratiq; officii super omnibus: Maxime, quia inter fratres & magnates agitur, inter quos expedit circumscriptis formularum angustiis litis materiam extinguere, ut deinceps declarato jure singulorum quisque sciat, in quo alteri beneficium faciat, vel jus suum retineat. Sub correctione amplificationum dominorum Judicum.

## CONSILIUM XXVIII.

## SUMMARIUM.

1. *Pralationis materia inter creditores late discussa.*
2. *Lite contestata neque mutatio, neque suspensio rei, vel causa in judicio admittitur.*
3. *Dolus & fraus ex quibus conjecturis probetur.*

**I**N controversia vertente in amplissimo senatu Regio inter Hieronymum Salamancam, Supplicantem ex una, & Paulum van Dale, Matthæum Ortel, & Joannem Baptistam deli affectatis cum suis, Rescribentes ex altera: multiplex & per varios articulos disputabilis se offert materia, ad cujus explicationem cum extent quædam priora responsa nostra, multaque deinde disquirendo perferutandoque exactius singula pro magnitudine negotij & gravitate judicij in partium scripturis hinc inde deducta confirmataque inveniantur, operæpretium non putamus eadem prolixiore oratione denuò sub incudem revocare, & cum superfuitatis fastidio per disputationum ambages retexere; satis judicantes si remissive repetitis & indicatis locis, quibus uberior cujusq; articuli tractatio continetur, strictim subjiciamus ea quæ cominus resolutionem decisionemque causæ respicere videntur, quæque posteriore cogitatione ad inventa, priora vel illustrare, vel confirmare possunt.

**E**T ut ad caput rei perveniamur, ac status litis & id, de quo judicandum est, certum sit & oculis subjiciatur, imprimis considerandum est contentionem partium enatam esse ex arresto, quod Supplicans post condemnationem Pandulphi & Matthæi Bylioti, & decretam judicati executionem, obtentis requisitorialibus ad omnes  
judices

judices cujuscunque conditionis & status existerent, fieri & poni curavit 22. Aprilis, anno 1562. in debito seu quantitate ducentorum, quinquaginta octo milium. Item in alio quod erat triginta milium, & quinquaginta florenorum, à Regia Majestate seu Præfectis finantiarum debitorum. Quod arrestum tametsi Supplicans impetraret ad solam securitatem futuræ executionis, & ut suum à Byliotis consequeretur, nullumque novum judicium pararet adversus Rescribentes, nec eos provocaret, nec ab illis quicquam peteret: ipsi tamen ea ratione, ut debitam pecuniam sibi haberent, ultro intercesserunt factæ pignorationi, asserentes pecuniam illam non Byliotis, sed sibi debitam esse; ac inde contententes & concludentes, repulso Supplicante arrestum ad ejus instantiam positum cum condemnatione expensarum & damnorum cassari & ad irritum deduci debere, ut manifestum est ex scripto seu responsione eorum exhibita 12. Maji, anno 62. in verbis: **Midts den welcken sustinen den de voorsz. Rescribenten/ dat op de voorsz. Requeste sal woorden geappointeert Nihil, ende dat 't voorsz. arrest sal woorden costeloos ende schade loos afgedaen/ &c.** quibus continetur prima originalis & principalis petitio conclusioque, quæ in hoc judicio facta est, & validitatem, vel invaliditatem dicti arresti

principaliter respicit. Et cum ad conclusionem & postulationem illam Rescribentium de viribus justitiarumque arresti, lis examinari non posset, nisi Rescribentes causas intercessionis & petitionis suæ cum literariis documentis proferrent, & exhiberent supplicanti: Ille verò contra responderet, instrumentaque & causas allegatas refelleret, progressa est partium contentio ad prælationis questionem, dum quisque urget sui juris certitudinem & prærogativam, ille, ut arrestum sustineat, & executionem vigore ejus in dictis pecuniis prosequatur; hi verò ut prostrato arresto totam pecuniam soli consequantur: sic ut non solum de arresto, verum etiam de ordine ac prælatione uniuscujusque disceptari, nullum sit dubium. Maxime posteaquam apparet ex dicta supplicatione de 22. Aprilis, anno 62. Supplicantem, quamvis nullam ulteriorem litem ipse strueret Rescribentibus, nec aliquam sibi illatam ab illis tunc sustineret in hac curia Antverpiæ, vel alibi: prævidisse tamen & formidasse propter detentionem obligationum, Rescribentes sponte sua intercedendo judicium prælationis excitaturos; quodque deinde amplissimi domini Judices secundum primam apparentiam lege fiduciaria & sub cautione unicuique partium permiserunt levationem & receptionem certæ quotæ in controversa pecunia, servato modo, analogia & proportionem

rali, ut Supplicantis aresto, ejusque hypothecæ privilegio non fieret præjudicium; adeo ut prævisa Supplicanti prælationis controversia, à Rescribentibus ab initio verè intentata sit, & à dominis judicibus animadversa, expensa, & sensibus subjecta pro statu & scopo judicij, secundum intentionem utriusque partis, naturam negotij, & juris communis dispositionem in intercessione adversus pignorum prehensionem, & venditionem obtinentem. *l. à Divo Pio. §. si super reb. ff. de re jud.* Et hoc maxime in hac suprema curia, in qua non tam formula conclusionum, quam veritas negotij spectanda est, quamvis Supplicanti satis sit super ipso aresto pronunciari, vel potius collimando sententiam ad conclusionem Rescribentium declarari eos in sua opposizione & intercessione non esse receptibiles pro modo & quantitate debiti, quod Supplicanti exsolvendum testat ad plenam satisfactionem & executionem suæ sententiæ.

- I** QUIBUS ita constitutis & incedendo per eadem vestigia, facile est deprehendere, quam personam quisque in hoc judicio sustineat, & uter actor, uter reus censi debeat. Etenim si, quod manifestum est, Rescribentes neque citati, neque evocati à Supplicante ultro intercedendo venerint oppugnatum dictum arestum, dubio procul personam agentium sustinent, ut secundum regulas juris proditi-

tas de actoribus, & contra alios moventibus litem, considerari deberet; quia aperto jure constitutum est, intercedentes adversus prehensionem & distractionem pignorum ex causa judicati movere controversiam (ut Ulp. ait in *l. l. à Divo Pio. §. si super reb. & ibi Bart. las. & alij.*) & actoris partes sustinere; nec quisquæ est omnium interpretum qui de eo dubitet. Et quod amplius est, adeo invaluit ea sententia, ut etiam formularij actionum forensium, inter quos novissimè est Johannes Imbertus, *Instit. Forens. lib. 1. sub. ca. de controversia inter pignoratorem & eos qui auctori intercedunt.* aperte tradant, quod quoties adversus prehensionem & executionem inchoatam in bonis condemnati tertius pro suo interesse comparer, interceditque & sustinet sibi dimittendam rem prehensam, eum succedere in actoris vicem. Ideoque causas intercessionis cum literariis documētis ab initio edere & exhibere debere exequeti, ut deliberet an rem prehensam dimittere, an verò contedere, & se opponere velit. *d. l. à Divo Pio. §. si super reb.* Et hac ratione eleganter scribit Roman. *conf. 217. incip. res ista.* eum qui petit declarari captivam malè esse factam, & missionem in bona cassari debere, actorem esse, & non reum: quod & Decius sequitur in *c. cum inter. num. 20. de exce. post Bart. in l. de pupillo. §. si. de oper. no. nunciat.*

ET ut avertatur omnis dubitatio



tatio & scrupulus, considerandum est, Rescribentes agentium locum occupasse, non ex eo solo quod prehensi pignoris controversiam inoverint, *d. l. à Divo Pio. ff. si super reb.* verum etiam ex eo, quod, ut fundamēta rei everterent, arestum impugnando non confiterint in terminis defensionis & exceptionis, (quæ non ad consequendum, aut obtinendum aliquid, sed duntaxat ad excludendam intentionem adversarij objicitur *l. 2. ff. de exce. c. 2. de ordine cognit.*) sed ad formalem petitionem recesserint, postulando ut arestum factum revocaretur & amoveretur: quod non nisi via actionis ad consequendam adversarij condemnationem potest procedere. Cui respondet contraria Supplicantis conclusio in fine sequentis scripturæ, quæ Replica nominata est, tendens ad solam exclusionem & non receptibilitatem Rescribentium, quod verè rei est, consistitque intra limites nudæ ac simplicis exceptionis ad invalidandam actionem & petitionem adversarij propositæ, in qua Supplicans perseveravit, nulla unquam alia petitione facta vel actione intentata. Nam prima illius supplicatio, neque libelli neque petitionis judicialis loco haberi potest; utpote quæ non in iudicio est exhibitæ, neque adversus partem dirigitur, neque ad præparationem litis, sed ad arestum inducendum comparata est pro executione litis, quæ erat terminata,

jamque illa ipsa supplicatio finem & consummationem suam acceperat, posito aresto ex auctoritate Curie, priusquam Rescribentes quicquam molirentur in contrarium, ut indicat apostilla Curie margini dictæ Supplicationis ascripta, atque etiam propria conclusio petitioque Rescribentium ad hoc propolita & directæ, ut arestum factum in pecuniis non apud ipsos, sed apud tertios existentibus tolleretur & irritum fieret.

Et proinde sive principium & ipsum fundamentum aresti facti, sive prævisam oppositionum & intercessionis qualitatem, atque prehensi pignoris controversiam respiciamus, ab omni parte manifestum est, & pater verè actores esse, & consequenter in necessitate probandi, aliisque ad executionem judicij pertinentibus subjacere constitutionibus, adversus actores & litem inchoantes propolitis; in contrarium verò Supplicantem, licet in formula procedendi & intitulatione scripturarum nomine tenus aliud videatur, effectu ipso & in veritate defensoris & Rei personam sustinere, cujus partes de jure sunt favorabiliores, *l. favorabiliores. ff. de regul. jur.* & pro quo in dubio, imò etiam data aliqua inæqualitate penunciandum est. *Roman. consil. 156.*

C O G N I T A qualitate & conditione ligatorum, & quam quisque in hoc iudicio personam

sustineat, propius videndum est, quæ sit uniuscujusque intentio, & quid unicuique probare conveniat: id quod ex re ipsa & natura negotij seu litis qualitate manifestum est: siquidem cum Supplicantis arrestum pro futura executione post prehensa bona Bylioti & decretam executionem, ex publica auctoritate proficiscatur, & in aperto sit, nec adversarij illud diffiteantur, sed factum præsupponant & confiteantur, hoc solum allegantes, quoddam rectè fieri non potuerit ob antecedentem juris sui prærogativam & prælationem, ex qua arrestum, ita uti factum est, oppugnant: explorati juris est citra onus probandi publico jure & confessione adversariorum intentionem Supplicantis certam & bene fundatam esse, atque procedere debere, si ex diversis tabulis, instrumentis, testimoniis, aut alia legitima ratione & probatione Opponentibus de anteriore jure & prærogativa in debito controverso non doceant tam firmiter, ut ea, quæ ad assequendam suam intercessionem jure & ex impugnatione Supplicantis non retellantur & subvertantur: in quo consistit basis & fundamentum totius negotij.

Quo ut rectè intelligatur, & quid in veritate sit vel non sit, palam fieri possit, tractando omnia per ordinem, primò exquirendum est, ex quibus causis Rescribentes suam actionem & intercessionem

proposuerint & prosecuti sint; & An illa simul stare possint & admitti debeant secundum morem judiciorum à jure introductum & constitutum.

Et prope si quàm cupidi & audaces fuerunt Rescribentes ad conandum eripere Supplici utilitatem sententiæ suæ atque arresti, tam prudentes & circumspècti fuissent in agendo, fortassis in aliqua re potuissent difficultatē aut obscuritatem invehere. Sed percommode accidit quoddam cum incredibili cupiditate singularis temeritas & improvidentia conjuncta fuerit, procedendo per contraria, & ex una causa transiliendo ad aliam, quod Actori, aut vicem Actoris habenti non permittitur: Jube enim lex Actorem, in cujus arbitrio est antè delibere actionem certam proponere, & persequi in finem usque absque variatione: *d. Authent. qui semel. C. quomodo & quando judex.* quo legis præcepto non observato & neglecto, intercedendo & litem contestando in responsione sua, causam dominij allegarunt, contententes dictas obligationes jure dominij suas esse, & sibi cessas & transportatas legitime & in totum à dictis Byliotis absque retentione ullius juris, ut manifestè comprobant verba dictæ responsionis, ibi: **Soor dat de voorsz. schult ende penninghen den voorsz. Bylioti niet toe en behoozen/noch hem daer aen eenighe actie ofte recht**

**recht competeert / maer den**  
**Rescribenten/ende haren con-**  
**sozen/ &c.** & confirmat eviden-  
 tius protestatio Pauli van Dale, &  
 Matthæi Ortel facta 2 Maji, anno  
 62. in verbis : *Lesquelz deniers sont*  
*seulement competans, & de long temps*  
*passé ont competé ausdicts Seigneurs com-*  
*parans & à leurs consors, tellement que*  
*lesdicts Bylioti ny ont eu droit ny action*  
*que en soit, &c.* Quibus conformis  
 est protestatio de li Affectari facta  
 5. Maji, anno 62. in verbis : *En la-*  
*quelle partie de trente mil & cent florins,*  
*lesdicts Seigneurs Affectari & compai-*  
*gnons sont participans pour la somme de*  
*13750. florins, comme il fit apparoir par*  
*les transports illec exhibez & passez.*  
 Et iterum in verbis : *Et que la reste*  
*appartient aux autres ses consors, telle-*  
*ment que lesdicts Bylioti ny ont nul droit*  
*ny action.* Quæ evidentem dominij  
 ac proprietatis allegationem ha-  
 bent, coguntque Rescribentes in  
 angustum, & in formula causæque  
 dominij allegati consistere adem-  
 pta facultate ex intervallo, & diu  
 post statum causæ constitutum  
 transeundi ad aliam causam & ri-  
 tulum pignoris, quem demum in  
 Duplica proposuerunt, omne  
 suum fundamentum in eo consti-  
 tuentes, in totum derelicta causâ  
 & allegatione dominij, postea-  
 quam detectum cernerent ex pro-  
 priis libris & extractis supputatio-  
 nem usurarum, tum ad onus By-  
 lioti, tum ad onus Curia pro tem-  
 pore sequenti datam suorum præ-  
 tensorum transportuum, reversa-

lium & recognitionum causam  
 illam dominij & dationem insolu-  
 tum penitus labefactare & subver-  
 tere : & præterea commodis inter-  
 usurij pro sequenti tempore sup-  
 putati adversari, atque inexcusa-  
 bilem repugnantiam continere,  
 eo quod per rerum naturam fieri  
 non posset ut Byliotus, aut Curia  
 adhuc obligaretur ex iisdem causis,  
 pro quibus Rescribentes adeo ani-  
 mosè & constanter ab initio, & in  
 ipsa litis contestatione & protesta-  
 tionibus securis nomina cōtrover-  
 sa sibi cessa, & in solutum data, ac  
 pleno jure transportata asserue-  
 rant & sustinuerant : sic ut sequens  
 mutatio re ipsa vitium & repre-  
 hensionem male fidei habeat, &  
 propter turbatum & abruptum  
 ordinem judicij ac contrarietatem  
 jure penitus improbata sit. Etenim  
 causâ dominij contraria est alle-  
 gationi pignoris ; adeo quod rei  
 suæ pignus nequeat consistere :  
*l. neque pignus. ff. de reg. jur. & vendi-*  
*catio, quæ pro dominio & pro-*  
*prietate exercetur, planè diversa*  
*sit ab actione quasi Serviana &*  
*Hypothecaria, qua creditores pi-*  
*gnora hypothecæve prosequuntur,*  
*nec ab initio cumulari possint*  
*propter rationem præjudicij, l.*  
*fundum. & l. fundi. ff. de except. &*  
*contrarietatis; neque ex intervallo*  
*& post litem contestatam de una*  
*ad aliam transire liceat in eodem*  
*judicio atque instantia, cum non*  
*videantur venisse in judicium, quæ*  
*post acceptum judicium accidunt,*

*l. non videntur. & l. non quemadmodum. ff. de iudiciis.* & aperto jure sit verita *d. Authen. qui semel. & dd. in l. edita. C. de edend.* post litem contestatam mutatio, vel etiam suspensio actionis, rei, vel causæ, & transitus de una ad aliam: quæ omnia simul Rescribentes in hoc judicio attentarunt. Diverse enim sunt actiones, Vendicatio & Hypothecaria, & dispares causæ dominij & pignoris seu servitutis, & diversa corpora seu jura quæ ex illis petuntur. *l. sed si ante viam. ff. de except.* Ob quod amplissimorum dominorum judicium officio convenit, in prioris causæ cognitione consistere, & solam dominij allegationem (quam constat esse inutilem) considerare, præscissa occasione transeundi de una ad aliam per mutationem, (quæ à jure prorsus improbat) vel per suspensionem prioris judicij, quæ non nisi favore possessorij admittitur, refusis & restitutis Reo antea actæ litis damnis, & impensis. *Panorm. in c. 2. col. 11. de libel. oblat. c. pastoralis, & ibi dd. de caus. poss. & propriet.*

Eo quæ proclivius Rescribentes à mutatione vel transitu illo prohibendi sunt, quoddam vera sit dictarum actionum & causarum contrarietas, quæ in Actoribus (quorum vicem Rescribentes in hac aresti impugnatione & prælationis judicio sustinent) est prohibita, & quod ad hanc mutationem seu suspensionem, non per supplicationem, aut altercationem in

actis factam admitti contēderint, sed simpliciter & pro arbitratu suo per simplicem allegationem eam induxerint, per articulos aliquot Duplicæ suæ, quæ in simplici deductione versatur, nec substantia lia respicit, neque basim judicij in litis contestatione constitutam variare aut inducere potest, ut id videatur venisse in judicium, de quo in ipsa litis contestatione non est actum, & quod cum priorē causa, actione & re prorsus est incompatibile.

Cum itaque manifesta sit Rescribentium contrarietas, & cessante contrarietate neq; mutatio, neque suspensio, neque transitus permittatur, propter quasi contractum per litis contestationem inductum, facile est videre exitum hujus judicij, utpotè in quo consideratio allegati pignoris haberi nequit, lite suscepta & contestata super dominio, & ex causa in solutum dationis, quæ ex propriis instrumentis & extractis Rescribentium enervatur & corrui; sic ut aliæ non possint esse partes dominorum judicium, quam ut plena manu pro Supplicante pronuncient, & sequendo conclusionem dictæ scripturæ (quam Replicam vocarunt) declarent Rescribentes in sua intercessione & petitione non receptibiles.

Id quod adhuc futurum esset, etiam si laxatis habenis liceret Rescribentibus à dominij allegatione ad causam pignoris transilire, ipsa-

ipsaque pignoris allegatio & causa verè subesset & subsisteret. Quoniam per hoc quod arrestum à Supplicante factum est in dictis pecuniis, nec derogaretur, nec ullum præjudicium heret pignori & hypothecæ Rescribentium, nullamque inde liceret illis occasionem querelæ arripere, aut controversiam Supplicanti movere, priusquam obventa sententia declarationis sui pignoris hypothecaria actione rem ipsam prosequendo à Supplicante turbarentur, aut impedirentur in juris sui executione, quod alioqui salvum & incolume remansit, non obstante arresto Supplicantis, non magis quam si ipse Byliotus eandem rem alteri ulterius obligasset; adversus quem nihil conqueri potuissent Supplicantes ante venditionem vel exactionem ipsius rei seu nominis, quam Rescribentes obsecrati improprie non exspectarunt, præpropter occurrendo impugnandoque arrestum, ad cuius subversionem pignoris illa allegatio inefficax & impertinens est; potissimum ante liquidationem debiti ab illis prætensi, & deductione magnarum quantitarum, quas ex venditione lotheriæ & glasti, aliisque de causis habuerunt, aut saltè habere potuerunt.

ET quamquam hæc ad retundendum conatum Rescribentium & infringendam eorum intentionem sufficere videantur: ad maiorem tamen veritatis explicationem,

& ut amplissimi domini Iudices proniores reddantur in partes Supplicantis, eique libentius indulgeant, si animadvertant Rescribentes non solum improbatore & vetito tramite ac via improbabili litem hanc intentasse & direxisse; verum etiam ab ipsa causæ iustitia & veritate facti, ex quo procedunt, destitui, & neque dominij, neque pignoris allegati veritatem subsistere: oportunitum videtur deducere ac demonstrare reversales, recognitiones, tabulas, extracta, instrumenta & testimonia, quibus nunc dominium, nunc pignus probare nituntur, veritati non esse consentanea, & ex causis non subsistentibus in necem Supplicantis, & ad intervertendum ei debitum controversum, subtiliter nec satis bona fide & simulatè conquisita, composita extructaque esse.

CUMQUE veriores reddantur sermones, cum universalibus prius cognitis, ad particularia descenditur, priusquam specialiter vitiorum atque injustitiarum, cujusque rei tractationem ingrediamur; illud in universo prius in animadversione habendum est, dolum, fraudem & simulationem, cum principaliter in animo consistant, non exigere directam, claram & dilucidam probationem, sed sufficere conjecturas, præsumptiones & indicia, *l. dolum. C. de dolo. l. indicia. C. de rei vend. Bald. in l. multum interest, in 2. col. vers. venio ad secundam partem.*

*C. si*

*C. si quis al. vel sibi. c. ad nostram, de empt. & vend. quæ relinquuntur executiunda arbitrio prudentiæque judicis, l. 1. §. 1. ff. de jur. delib. cuius est arbitrari attenta negotii qualitate, personarum conditione, & aliis circumstantiis, an sufficienter constet de fraude & simulatione, arg. c. de causis. de off. deleg. Bart. Cepola in suo tractatu de simulatione contractuum in 5. casu principali. traduntque communiter Interpretes, locis supra citatis. tres præsumptiones sufficere ad commovendum animum judicis in quolibet negotio.*

3 Hæc generaliter propositis, proprius ad fundamentum præsentis causæ accedendo, videamus an iustæ ac sufficientes causæ, præsumptiones, conjecturæ & indicia adversus Rescribentes militent, & ex actis appareant, ex quibus dicta extracta, reversales, recognitiones, aliæque probationes, quibus Rescribentes utuntur, elevari, ac vanitatis, simulationis, atque compositiæ ac participatæ fraudis argui possint; quando rectè inspiciendo perscrutandoque omnia, verius videtur, & multis argumentis evincitur. Ex quibus, ut præcipua obiter tangamus, nec leviter sectemur, ante omnia considerare convenit personarum qualitatē, conditionemque & viam, ac media, per quæ hanc intercessionem suam extruere & colorare tentarunt. Et prima & præcipua est persona Bylioti, qui post diversas condemnationes, & in ære alieno constitutus,

& possessionem bonorum 13. Julij anno 61. passus, cum omnia adversa videret, & Supplicans obtentis diversis sententiis instaret, & executionem suam urgeret, irritato animo quaslibet occasiones subterfugendi tergiversandique sectatus est, & ad extrema inimicissimaque jura cupidè decurrit, quo Supplici, qui illi odio erat, noceret, malens vel perire omnia, vel in cujuslibet alterius manus bona sua venire, quam illum suum jus exequi; & ut executionem decretam & inchoatam impediret, obtinuit insolito more 18. Novem. anno 61. securitatem corporis & bonorum in specie quidem generaliter adversus omnes creditores, revera autem adversus Supplicantem tantum; ut appareret ex eo quoddam securitatem illam obtentam executus est adversus Supplicantem tantum, qui solus illam impugnavit, tacentibus, dissimulantibus & colludentibus Rescribentibus, qui pernicioso consilio ex occasione data non solum obligationes Illustrissimæ Gubernatricis & Finantiæ, de quibus nunc agitur, verum etiam Iotheriam & glastum, reliquaque bona Bylioti sibi asserere, & sui quæstus & commodi gratia executionem auctionemque Supplici 24. Decemb. anno 61. à Senatu Brabantie permissam impedire & eludere conati sunt.

Et ut ab initio, res ut gesta est, exponatur, & quam quisque personam sustinuerit quisvis perspicere possit;

possit, verū est, quod posteaquam Byliotus necessitate compressus neque jure, neque gratia si diutius adversus sententias & decretam executionem rueri posset, & Supplicans lotherix, glasti & similia bonorum prehensionem & executionem in illis urgeret, primò in in scenam prodissse, & oppositionem fecisse Marthæum Ortel, & mox alias personas notas & familiares Bylioto & Rescribentibus, veluti subsidiarias successisse, quæ liberè ab objectu securitatis Bylioti, quæ adversus solum Supplicantem exercebatur, inclinanti- bus rebus Ortelij ulteriorem molestiam facerent Supplici, prosperè autè sedentibus conquiscentes, ut ex ordine & serie rei gestæ, quæ exstat in actis, & ex narratione facta in scriptura reprobatione manifestum est. *artic. 22. cum seqq. art. 36. cum seqq. & rursus in 28. cum seqq.*

Et ut à fraudulento principio æstimentur reliqua, ipse Ortelius, quamvis locuples fortè mercator, tamen stimulo avaritiæ ac emolumentis spe obcæcatus movit Supplicanti controversiam ex obligatione, cujus causam neque veram dicere, neq; falsam tutò prætexere potuit; & quam cum ex annotatione datæ & temporis antè dictæ lotherix erectione, enervari possè animadverteret, ut erratum commissum emendaret, ab officio longius digrediens, non erubuit aliam ex intelligentia, quam habebat

cum Bylioto, conficere; allegando initium anni non à nativitate Dominica, sed ab incarnatione, quod octo vel novem mensium differentiam inducit, & à consuetudine harum ditionum, atq; etiam stylo Byliotorum, & aliorum mercatorum, præsertim Italorum, probatur esse alienissimum, & majorem suspicionem continet; propterea quòd mutatio illa vim principalem, & substantiam negotij, & id, de quo erat quæstio, id est, datam, quæ probat prioritatem temporis, *Paul. Parisius conf. 101. num. 15. lib. 1. & conf. 112. num. 16. vol. 4. respiciat, Bald. consil. 444. ad evidentiam. lib. 1. l. si. O. de edict. D. Hadr. toll.* quodq; exemplum primæ obligationis tempore arecti exhibitæ & auctoritate Antonij van Malen translata & descriptæ, nullam dictæ Incarnationis mentionem contineat; quòdque, ut mendacium illud datæ coloraretur, postea aliam ejusdem Bylioti obligationem præ- tendisse videatur; quam; quia formidabat, recusationem vel reprehensionem ab Antonio van Malen ab alio transferri & describi curavit, eaque confirmata attestacione cujusdam Baruncelli & Egidij van Bogaert familiarium, & peragendam fraudem (ut proponitur *d. art. 22. cum seqq. & 739. & 743. cum seqq.*) adhibitorum, quod suspicionem duplicat. Nam præterquam quòd secunda obligatio adhibitioque dictarum testificationum domesticarum in alium

R r          usum



usum parari non potuit, quàm ad adumbrandum regendumq; prioris vicium, aperti juris est ob mutationem hujusmodi in aliqua parte substantiali instrumentum infirmari *Anchor. conf. 431.* propter suspicionem gravitatem, quæ in specie proposita augetur & intenditur ex eo quod cum nondum detecto vitio secundum Ortelium Antverpiæ pronunciatum esset sub lege & conditione præstandi jurisjurandi, & circa præstationem ex parte Supplicantis clarè detegeretur ab usio dictæ datæ, urgèreturq; formale jusjurandum, idem Ortelius terrore vexatus, & cogitatione conscientiaque animi exagitatus, metuens sermonem hominum & magnam vituperationem delatam & acceptatam in scripturis suis, conditionem jurisjurandi nunquam subire ausus fuit, ac tædio ac mœrore vitam finisse creditur, quo nihil potest haberi evidentius ad coarguendam meditatam fraudem, invertendi eripendi que studium. Quod irrefragabiliter postea detectum est per exhibitionem primæ illius obligationis & oppignorationis ab executoribus in hac lite factam, & à dominis Commissariis descriptam, absque verbis ab Incarnatione, *Iuxta contenta 31. artic. 25. probationum.* quod postea in quodam scripto num. 47. exhibito ad producendum testes, Rescribentes emendare studuerunt, admoniti, ut credibile est, à Baruncelli & Bogardo,

qui fraudis conscij utramque obligationem subsignaverant, & jam ab executoribus incautis & rerum ignatis producendi erant super validitate obligationis primæ, nullam mentionem Incarnationis facientis: quod prævalidum fundamentum continet, atque urget vehementissimè propter certissimum vitium in loco substantiali & data obligationis, quæ in hoc judicio movet omnem controversiam. *Andr. Tirac. in tractatu conventionali. §. 1. gloss. 7. num. 44.*

IDEM confirmatur ex sequenti eventu, dum obtenta evictione lotheriæ contra Byliotum, & post multa certamina contra Supplicantem, ei que impedita executione sententiæ suæ passi sunt Rescribentes lotheriam venire adhuc in manus aliorum secum, ut præsumitur, colludentium, à quibus simulato vilissimo pretio lotheria distracta est, ut constat per rei evidentiam, quam dominus Commissarius dicitur accepisse non ex auditis aliorum, sed sensibus ipsis, & per inspectionem ocularem.

ET ut in eripiendo Supplicantem lotheriæ commodo per Ortelium ejusque administratos ex causis & munimentis simulatis & à vero alienis, totis laboratum est viribus: ita per Paulum van Dale ejusque subsidiarios Cavalcanti & alios omni conatu hoc actum invenitur, ne in glasto Bylioti aliisque rebus similibus Supplicantis executio procederet; idq; non gratis & sine

& sine causa, sed ut omnia cederent ipsius van Dale, Bylioti & consortium emolumento, & commodo: quod persæpè homines locupletes, præsertim mercatores & rei familiaris augendæ studiosos abducit à rectis institutis.

UT QUÆ æquale in hac re versabatur Supplicantis incommodum, ita æqualis videtur ipsius van Dale sagacitas, cupiditas atque iniustitia, cum superiore illa Ortelij, ut non obscurè colligitur ex deductione facta pro parte Supplicantis; *artic. 40. cum seqq. & rursus 58. cum seqq. & rursus 60.* quæ tametsi sufficere possit, pro majore tamen luce, & ut veritas variè jactata locum suum firmitus obtineat, consideranda hic est obligatio § 275. quæ prætèditur 18. Maji, anno 60. à Bylioro data Paulo van Dale cum fidejussione Cavalcanti. Item cessio & transportus, quem biduo post, id est, 20. Maji. Byliori fecit Cavalcanti, de tapetis, glasto, lapillis & aliis quibusdam jocalibus, pro securitate dictæ prætensæ fidejussione § 275. cum auctoritate vendendi. Item solutio ascripta dictæ Byliori obligationi 1000. in Novemb. anno 60. in diminutionem dictorum § 275. Item alia ulterior cessio, quam Cavalcanti 7. Novemb. anno 61. atq; ita ante omnem litis institutionem Paulo van Dale fecisse prætenditur de toto glasto, cum eadem auctoritate vendendi, & pro tota illa quantitate § 275. absque ulla solutæ

pecuniæ deductione. His accedat ea consideratio, quod quanquam per illam cessionem, si vera esset, Paulo van Dale plusquam satisfactum videbatur, ipsæque Cavalcanti liberatus esset dato & surrogato transportu illo in locum suæ fidejussione: nihilominus postea dissimulato hoc transportu, ipse Paulus van Dale contra Cavalcanti egerit; idque pro summa restante detractis duobus milibus: Et, quod magis mirabile est, Cavalcanti nulla proposita exceptione se condemnari passus sit, & cōdemnatus iterum egit ad evictionem glasti, tapetorum, & reliquorum pignorum, solvente quoque ipso Dale procuratoribus & aliis, quibus Cavalcanti, velut in re ad se non pertinente, recusabat solvere, eos remittendo ad ipsum Dale; *ut deducitur in art. 73. scriptura contradictionis.* & quod in illa ipsa lite tanquam proliis aliena, & ad se non pertinente Paulus van Dale testificatus est, declarando inter alia se demum à condemnato Cavalcanti obtinuisse cessionem (quæ nulla fuit, sed alia alterius tenoris, & ante litis initium facta) & quod Cavalcanti illi ducentas libras solvisset, de quibus postea agendo nullam fecit deductionem, sed demum coactus designare, (ut præsumitur) his omnibus libros suos accommodare studuit. Item quod demum post obtentam sententiā 30. Octob. anno 63. Cavalcanti defunctus est, non præstito jura-

Rr 2 mento,

mento, quod ei delatum erat, uti etiam bona fide & recta conscientia præstare non poterat propter obtentam liberationem ex transportu facto, & quia utroque; fraus erat, & in transportu & in lite ipsa, quâ tamen abesse jurare debuisset: Et, quod cum hæredes ejus animadvertentes negotiū verè ad Cavalcantē non pertinuisse, sed ab eo operam tantum præstitam, litem reformationis & defensionē sententiæ nollent suscipere; Paulus van Dale ad litē ab illis derelictam advolaverit, *ut constat artic. 73. cam-que* prolato priori illo transportu, & in vim illius deficiente prorsus, nec existente illo novo, de quo testificando deposuerat, prosecutus sit pro suo interesse, & tanquam ad se pertineret, quam prius testificando juraverat alienam esse, neque ad se pertinere. Et denique quod idem van Dale in verbali de 14. Jun. an. 66. declaraverit se neque jocalia accepisse, neque computum taperorum habere: quæ tamen in prætenfa impignoratione, cujus transportus sit, tradita continentur, & verisimiliter ad inducendum rei colorem, & majorem verisimilitudinē fictè expressa sunt.

Quæ omnia invicem collata, & cum suis circumstantiis rectè expensa, evidentem machinationem & collusionem Bylliori, Pauli van Dale, & Cavalcanti ostendunt & convincunt. Nam de primo & principali debito 5275. nulla exstat

legitima probatio, nec de illa in libris van Dale aliquid positivè & legitimè scriptum invenitur: imò diligens dictarum rationum perscrutatio & examinatio, *facta in reprobationibus art. 285. cum seqq.* ostendit majorē rei improbabilitatem, & quod verè tale debitum etiam secundum proprias rationes dicti van Dale nō exstiterit, sed tantum 3500. quod in prætenfis extractis librorum van Dale non in hanc causam annotatur, sed opponitur debito 100000. cum interesse, præter quod anno 60. 17. Maji nullum aliud erga dictum Dale esse potuit, cum nihilominus data prætenfa obligationis de 5275. sequentem diem, id est, 18. Maji occupet: quam Paulus van Dale in verbali coactus delignare, aliter demonstrare non potuit, quàm ex translatione dictorum 3500. addito in peregrino loco ejus interesse, quod suo loco nō erat ascriptum, nec ascribi debebat. Rursus ut rotam summam perficeret, addidit ex alio capite 1582. in quibus Cavalcanti propter participationem in obligatione illa Bylliori de 5275. creditorem asseribat, contra omnem verisimilitudinem, ordinem juris & communem sensum. Nam si Cavalcanti participasset in dicta obligatione, non potuisset intercedendo pro tota obligatione ejusdem quantitatis & debitor & creditor constitui, nec voluisset pignora sibi data pro securitate suæ fidejussionis in solidū cedere,

aut

aut etiam condemnari eo nomine absque partis suæ & ducentarum librarum, quas Dale testificando solutas dixerat, reservatione; sic ut depositio Pauli van Dale, extracta rationum suarum, cessio cum verbali ob oculos posita conciliari non possint, & evidentem fraudis probationem constituent. Et quod Bylioti inclinantibus rebus suis, simulatè & in fraudem cum urgeretur per executionem Supplicantis, prælatâ die & confictâ data, confessionem illam & obligationem, sicut plerasque alias, conscripserit, quo omnia bona sua intricaret & occultaret, ut solent communiter qui facultatibus labuntur. *Ang. Arer. in l. omnes. §. Lucius. ff. de his que in fraud. cred.* Id quod ex statu ipsius Bylioti & magnis cautelis atque ambagibus in hoc negotio à Paulo van Dale adhibitis, fit manifestius. Neque enim tam magna summa illi deberi potuit, cujus non invenitur exactior annotatio in libris, *gloss. in l. si. in verbo. manifesti. & ibi Bart. C. de reb. cred.* neque ipse van Dale in tam magno debito privata scriptura fuisset contentus absque adhibitione publicarum personarum, neque per tot ambages rem deduxisset cum periculo contrarietatis & fidei, quod ex dictâ testificatione, & secuta prosecutione prolato anteriore transportu imminere potuit. Et quod vehementius urget, si verum fuisset debitum Bylioti, & seria Cavalcanti fidei ius-

sio, nullo modo passus fuisset van Dale se contentari 7. Decemb. anno 61. per simplicem illum postea præstitum transportum pignorum pro sorte tantum, & abique renovatione & reservatione regressus contra Cavalcanti, eo tempore, cum post anni lapsum & cessum solvendi terminum promptè potuisset Cavalcanti, qui erat solvendo & locuples, cogere ad solvendam in parata pecunia fortem cum interusurio. Et rursus si eum rogâmnis pro præsentî pecunia se contentasset cum fragilitate dictæ cautionis & transportus, & is verus fuisset, nec desperasset Dale de effectu probationum, non dereliquisset illum, cum variatione contra Cavalcanti veterem actionem instituendo, quæ transportu illo perempta fuisset liberato ipso Cavalcanti, nec solvisset pro Cavalcanti expensas prioris litis procuratoribus.

SEd vera fuit in omnibus consilio & machinatio, hac spe proposita atque hoc fine & scopo, ut Dale pro Cavalcanti (qui cum exceptione se tueri deberet, sine causâ, & fraudulenter condemnationem passus est) suo testimonio, velut in aliena causâ, quæ verè sua erat, privatarum scripturarum, quibus tota moles nitebatur, fidem sustineret & confirmaret, & ita ministerio & interposita persona Cavalcanti glastum executioni Supplicantis eximeret. Cujus rei magnum argumentum præstat,

Rr ; quod

quod non antea ad litem descenderint, vigore dictarum privatarum scripturarum nusquam prius visarum, aut exhibitarum, quàm immineret Supplicantis executio, & quod demum defuncto Cavalcanti, & repudianubus hæredibus ejus, improbam litem, ipse derelictis hæredibus (quos, si nō fuissent simulata præcedentia, non minus vigore suæ sententiæ quàm ipsum Cavalcanti poterat ad solvendum, & persequendum litem compellere) ad transportum illum prius bene celatum & dissimulatum, atque in alium usum paratum, refugerit, re ipsa ac necessitate coactus fateri litem ad se pertinere, quam prius cum iurejurando & testificando prorsus alienam esse affirmaverat cum usu veteris illius transportus, cum mortua manus Cavalcanti novum, de quo conspiraverant, non posset scribere, qui conveniret cum supplicatione & testificatione ipsius, à qua vetus ille transportus est prorsus dissimilis. Nec parum facit subterfugia duorum milium, quæ à 3500. translata ad prætenfam obligationem 5275. soluta esse dicebantur, & rursus ducentarum librarum, quas à Cavalcanti solutas ipse asseruerat, cum his quæ fusissimè adversus dictam obligationem 5275. necnon supputationes à Dale exhibitas de glasto deducuntur in reprobationum scriptura: *Art. 313. 322. 325. 327. 328. 329. 330. 348. 353.* sic ut siye causam & originem rei,

siye media & exitum negotij respiciamus, omnia ficti & falsi imaginem habent, quæ fidem abrogant omnibus sequentibus, efficiuntq; ut omnia, quæ in hac lite profेरuntur, vanitati & simulationi subiaceant propter principium vitiosum & detectum Rescribentium odiosum consilium, & nocendi fraudandique studium, cujus continuatio præsumitur in eodem genere mali; *c. semel malus. de reg. jur. in 6.* maxime propter noxias circumstantias ex præcedentibus relucens, & consistentes in contrarietatis vitio à Rescribentibus incertis vestigiis hærentibus in ipso limine iudicii commissio, in enixo conatu omnia occupandi, participandique inter se & socios, ut ex protestatione de li affectatorum apparet, nec non in his quæ circa lotheriam, rapeta glastum commissa sunt.

Et ut ordine progrediamur ad reliqua, hanc ipsam litem concernentia, considerandum est agi de duabus actis dominæ Gubernatricis & Finantiæ constituentibus ducenta octuaginta octo milia & centum florenos, quas, ut sic quoque executionem Supplicantis impediant, Paulus van Dale, Matthæus Ortel, & de li affectati sibi attribuant, conquisitis ad hoc vario modo à pluribus personis diversis obligationibus, quæ justè & ad teruncium ingentem illam quantitatem consumunt atq; conficiunt: quod nimiam cautelam habet,

habet, & per se ficti ac simulati significationem ostendit in re tam magna & suspecta. Major enim fraus presumitur ex hoc quod quis ita actum facit, ne fraudem fecisse videatur: *l. ita fidei. ff. de jur. si c. glo. l. si quis sub conditione. de condit. instir.* & hoc modo Cicero in prætura urbana Verrem Carbonis quæstorem criminatur avertisse pecuniâ publicam falsis ac commentitiis rationibus ad ærarium relatis; hoc argumento quod acceptorum expensarumq; pagina ad nummum quadraret; ita ut nihil superesset reliquamenti: quod non malè convenire videtur proposito negotio. Quomodo enim fieri potuisset tam diversorum obligationes ad terenciû convenire in actis, nisi ex confictis prætextibus & rationibus?

QUARUM vanitas atq; omniû aliorum, quibus Rescribentes in hac lite utuntur, abusio, ut cundo per singula in individuo respectu cujusque quantitatis fiat manifestior, & primo accipiendo debitum 100000. cû eo quod interest, quod à Paulo van Dale in una dictarum Actarum prætenditur, considerandum est, nullum publicum documentum ab eo proferri ad verificandum dominium, pignorationem, vel etiam simplicem obligationem & promissionem tam ingentis quantitatatis & syngrapham Bylioti cum voluminibus & extractis rationum prorsus privatam esse, & domestica fraude excogi-

tatam præsumi, ac consequenter omni fide probationis & probabilitatis destitui, propter naturam judicij, *l. scripturas. C. qui pot. in pig.* & conditionem atque insolventiam Bylioti, quæ sola, ut fraudis machinandæ occasio præcludatur, vim & potestatem dictæ syngraphæ abrogat, ne noceat vel obsit tertilis & iustis creditoribus; idque eo magis, quod rem incredibilem contineat, conceptaque sit cum privata annotatione Pauli van Dale in libello, quem vocant Borronem de die 16. Octob. anno 59. disponatque de majore illa acta Curia, velut contracta & expedita, cû constet eam tunc neque in rerum natura fuisse, neque solidatam, neque initium, neque medium, neque consummationem habuisse, quæ demum 14. Novembris anno 59. & ita toto penè mense postea inita conclusaque probatur, & deducitur articulo reprobationum 252. & seqq. quod certissimum est argumentum fictionis & simulationis, quam propius detegit ipsa rei verisimilitudo; quæ planè ostendit, quod si sincerè & ex veritate actum fuisset, Paulus van Dale nequaquâ erogasset tam magnam vim pecuniarum, contentus ipse & cautione nudæ scripturæ & actæ, quam tunc incertum erat an à Curia expediretur; & si expediretur, an unquam exactio solutioque sequi possit, cû, ut inquit Solinus Nepos, *consil. 27. num. 24. volum. 1.* solus Deus sciat, quando hi, qui à Principibus



Principibus solutionem expectant suum consequentur.

QUIBUS est proximum, quod in individuo, & velut propria manu Pauli van Dale arguatur & convincatur tū prætenſa Bylioti obligatio, de 16. Octobris, tum annotatio in Borrone facta, per hoc quod obligatio & promissio sonet in futuram traditionem literarum suarum, & quod, ut amplissimè deducitur in reprobationum scripturis, *artic. 124. & alijs seqq.* ipse van Dale in libro suo propria manu veritatem (ut videtur) sequendo, annotavit primum 24. Octob. cum Bylioto convectum esse de centum milibus per simplicem finantiam, & cum stipulatione ejus quod interest secundum exigentiam negotij, absque ulla cessione, impignoratione, vel mentione dictæ actæ, vel literarum, quarum occasionem tunc adhuc incertam fuisse intelligitur ex ipsa incertitudine temporis & usus seu applicationis, sub qua Byliotus dictam pecuniam stipulabatur; & cum ita propria manu van Dale, & in proprio facto ac posteriore tempore annotatum inveniat, dubio procul propter majorem fidem & prævalentiam evertitur, prætenſa anterioris temporis simulata syngrapha & annotatio ad colorandam cessionem dictæ actæ fabricata, nihil obstantibus verbis dictæ annotationis de 24. Octob. ascriptis: quoniam (ut apparet) per extractionem summæ diu post absolutum

negotium dictæ annotationis, & citra usitatum modum, atque alterius manu, ex intervallo adjecta fuerunt, quæ certiores fraudis ac falsitatis conjecturam constituunt ex intrinseco vitio & ipsa scriptura. Nam quoties ex diversitate coloris & dissimilitudine literarum seu scripturæ apparet, quid ab alio, vel diverso calamo ac atramento ascriptum esse, aut communi consuetudine non observata, præsumptio suspicioq; falli enascitur. *Bart. Sossinus, conf. 24. num. 26. lib. 1. Sossin. Nepos consil. 40. num. 7. part. 1.* Et confirmatur ex plurium scripturarum diversitate & repugnantia, *Angel. conf. 315.* quæ hic est multiplex & manifesta ex collatione diversarum rationum dictæ annotationis principalis & adjectionis marginalis.

Nunc est prætermittendum, veritatem dictæ obligationis diei 24. Octob. ascriptæ, confutatione contrariæ machinationis magis detegi ex epistola quadam domini Thesaurarij, quæ præsupponit & apertè indicat dictam Finantiam, ipsumque van Dale suam obligationem dedisse Bylioti de erogandis illis centum milibus, quæ a Bylioto ad Thesaurarium translata fuit pro recuperatione dictæ quantitatis, quam pro Bylioto prius ad usum Curie numeraverat clerico Joannis Carpentier per Franciscum van Haverè, quam obligationem dictis van Dale nunquam exhibere voluit, & post diversas tergiversationes



tionem coactus coram dominis Commissariis, pro rei offuscatione declaravit epistolam domini Thesaurarii referri ad obligationem ipsius Bylioti de dicta 16. Octob. quod prorsus abusivum & aperte veritati contrarium videtur, cum Thesaurarii epistola agat non de Bylioti, aut ab eo emissa ad usum van Dale, sed de contraria obligatione ipsius van Dale Bylioto facta, ut ex verbis Thesaurarii & natura negotij manifestum est, quod subtractionem seu occultationem instrumentorum & probationum coarguit; eo magis, quod dictus Dale nec computus proferat respectivè habitos cum Bylioto & Thesaurario de dictis centum milibus, aliisque negotiis Curiae, quos tamen esse, vel fuisse ratio commercij, extracta librorum Thesaurarii & annotamenta quatuor capitulorum, quæ per Dale fictè facta dicuntur *fol. lib. 372.* & exhibentur, *sub num. viij.* expostulant, & multis articulis reprobationum ostenditur: *159. 196. 197. 198. &c. & 210. & 211.* & denique, quod ipsius Bylioti libri & computationes de hac re habitæ, Supplici in tempore occultatæ & subtractæ, ad usum verò & utilitatem Rescribentium minutatim & per partes ac post idoneam mutationem (ut præsumitur) prolatae fuerint, ut latius est positum deductumque in dictis reprobationibus; *art. 82. & 248. cum seqq.* ob quod major cōtra eos præsumptio

& suspicio oritur, atque etiam recidere videtur in correptionem legum, quæ adversus occultantes aut subtrahentes adversariis probationes, latae sunt. *l. providendum. C. de postul. l. qui tabulas. §. et si quis. & ibi Bart. ff. de fur. Nicol. Boërius decis. 292.*

Hic accedant indicia, quæ ex interrogandi respondendique facultate in verbali sunt eruta, quæque dicta sunt superius de 3500. 17. Maji anno 60. dictis centum milibus imputata, & postea fictè in obligationem 5275. conversa fuerunt, ascripta fidejussione Cavalcanti, ut latius deducitur *articulis 284. 289. 294. 295. 301. 304. 305. cum in finitu seqq.* Et quæ de interpositione foliorum seu adjunctorum quaterniorum proponuntur, & ex inspectione librorum & deprehensa varia commutatione causarum, personarum, ac temporum, necnon diversitate scripturarum & manuum cum aliis circumstantiis, cuius sunt manifesta. Nam data opportunitate adjunctorum foliorum, quæ ex libris apparere dicitur, quis non credat in re tam magna mercatorem natura sua cupidum non attemperasse omnia suo commodo? Quis non malè suspicetur ex eo quod post antiquiorem computum *fol. lib. 372.* summatum, conclusum, & saldatum, contra omnem styllum & usum mercatorum rationes istæ de centum milibus noviter compositæ & subiectæ sint? *luxta delecta*

*artic. 143. cum seqq. 191. cum seqq. usque ad artic. 241.* Et quid omisio causæ dicti novi debiti, & insolita ac præpostera relatio libri principalis ad diarium seu journal? quid difformis linearum distantia, quid rasura in loco principali, quid obscuritas & literarum diversitas, dissimilitudo & inæqualitas dominis Commissariis demonstrata? in *extracto ad instantiam Supplicantis facto sub numer. 8.* quid res magni momenti brevissimo spacio comprehensa, & à Supplicante deducta articulis supra dictis, aliud significat, quam vitiosam machinationem? Etenim juris certa est constitutio, præsumptionem & suspicionem falsi colligi, §. *fin. in Auth. de tabell.* si vel solemnum observatio sit prætermissa, vel ipsa scriptura sit rasa, abolita, cancellata, vel interlectione, inductione, aut interlineatura laborans *Bald. d. conf. 444. part. 1. l. proximè. ff. de his quæ in test. del. in loco, de quo est quæstio, aut aliàs suspecto, aut si diversitas coloris, aut dissimilitudo literarum difformitatē arguat, Bart. Sofin. in conf. 24. num. 16.* aut in brevissimo spacio res magni momenti comprehensa ostendat ex communi usu spacium minus esse, quam quod tali negotio subseruire soleat, *Sofin. Nepos d. consil. 140.* aliasque contra ordinem, morem & consuetudinem mercantilem sic scripta & composita.

P E R quæ subvertitur etiam celsio de 21. Novem. anno 59. utpotè

quæ scripta est privatim à dicto Bylioto laborante infamia juris, quæ ad impediendam occasionem fraudis, ut omnibus aliis ab eo profectis; ita dictæ celsioni fidem abrogat, eamque constituit inutilem: maximè in tanta repugnantia scripturarum, & in contrarium militantibus tot tantisque fraudis & fictionis argumentis & conjecturis, de quibus dictum est additis iis, quæ in reprobationum scriptura latius deducuntur, *art. 252. 253. 258. & seqq. & rursus 262. 263. 264. 265. 266. 269. usque ad 281.* quæ prolixitatis vitandæ gratia non repetimus.

ILLUD quoque adminiculum ex prædictis convellitur, quòd à dicto van Dale constituitur in extracto literarum Thesaurarij de 23. Novemb. anno 59. ad dominos Finantiarios his verbis concepto: *Et te recevray.* Et rursus in alio extracto de 24. dicti mensis Novembris responsi Finantiarum ad Thesaurarium, his verbis: *Nous trouvons aussi qu'avez bien fait d'avoir baillé à Paul van Dale l'acte de Bylioti, & prins de luy promesse de bonne garde pour l'en-tier accomplissement.* Ipsa enim repugnantia & inconstans ipsius van Dale variatio in titulis, in personis & temporibus, dum nunc in Bylioto etiam post datam dictarum literarum, ut constat ex *extracto journalis sui de 24. Junij, anno 61.* debitum illud cum supputatione usurarum continuat, nunc Illustrissimæ Ducissæ supputat non servata conformitate

mitate aut certa usurarum proportionē, & nunc in dominio & participatione, nunc in impignoratione se fundare conatur, nec, ut omnia tentet, veretur allegare se Curiae solvisse, proposito acquirendae dictae actae, cum ex ipso scripto Thesaurarii appareat de dicta 23. Decemb. ipsum Thesaurarium praerogasse pecuniam pro Bylioto in primis verbis: *Et te recevray au lieu, &c.*

Ad quorum confirmationem pertinent & aliae fidei & simulati conjecturae & suspiciones, de quibus dictum est, & quae copiosissime adversus scripta illa Thesaurarii & Finantiae, testimoniaque quae super illis dicta esse possunt, deducuntur, art. 231. 232. cum plurimis seqq. & rursum articulis 696. 697. cum seqq. à quorum prolixiore recitatione abstinendo, unum illud adjiciemus: quaedam extracta literarum missivarum non van Dale, nec utilitatem ejus, sed alios atque solius Curiae utilitatem & cautionem respicere; nullamque proprietatem aut impignorationem pro ipso vā Dale continet; adeo ut si verè illi tradita fuisset à Thesaurario acta Curiae, nihilo secius tamen acta mansisset pleno jure in dominio Bylioti, in cujus solius persona concepta erat, & cujus ossibus inseparabiliter adhaerebat. Scribit enim Thesaurarius Paulum van Dale contentum centum illa milia praerogata annumerare & restituere, tradita sibi acta Curiae pro

dicto Bylioto his verbis: *Moyennant que luy donne entre ses mains l'acte despeché pour ledict Bylioti*, quae significant traditionem, quae praeattenditur, non ad usum Dale, sed pro, id est, ad usum Bylioti, ut propria significatio dictionum, quae finalem causam ad Byliotum referunt, ostendit, cum qualitate antecedentis obligationis per Paulum van Dale susceptae de numerandis illis centum milibus, in quibus antea 24. Octob. Byliotum debitorem constituerat; ita ut de intentione Pauli van Dale accipientis appareat ex causa, officio & obligatione antecedente, & in vim cujus sequens actus factus praesumitur, l. *quadam mulier. de rei vend.* & intentio Thesaurarii, quod voluerit actam non Paulo van Dale, sed secundum obligationem Curiae Bylioto, cum quo contractum erat, acquiri, manifesta sit ex verbis nunc relatis, & hoc amplius ex adjecta conditione in verbis: *Sur promesse qu'il me fera bonne garde pour le sur plus de l'acte jusques à ce que ledict Bylioti m'aura persurny*: quae respectu Dale simplicem custodiam & sequestrationem important. pro securitate Curiae cum facultate & praesupposito tradendi actam illam, ad manus Bylioti, persoluto debito, quod restabat adveniente termino, de quo conventum erat, & qui nondum venerat.

Quin etiam si origo vel progressus rei esset obscurior, in dubio tamen per simplicem illam tradi-

tionem absque cessione Bylioti nihil juris potuisset van Dale acquiri in dicta acta, quæ nullam clausulam, *Eiye qui hanc feret*, continet, & in persona Bylioti concepta, & ad eam astricta est: quoniam aperto jure disponitur solam traditionem ad acquisitionem dominiij nihil facere, absque conventionem vel contractu, qui ad dominiij vel pignoris translationem sit idoneus, *§. per traditionem. Instit. de rer. divis. l. nunquam nuda. de acq. rer. dom.* qui hic non intervenit, nec probatur. Alius enim quàm ipse debitor creditori suo nomen debitoris sui obligare non potest, *Dott. in l. nomen. C. qui pot. in pig.* & debitori, qui desiit esse solvendo, qualis est Byliotus, lex facultatem obligandi vel impignorandi admittit; & hoc inducit, ne privata illius scripturæ etiam anteriorem datam habenti ullo modo credatur, propter fallendi possibilitatem & præsumptionem. Et proinde res in securo est, cum hoc casu Thesaurarius nec voluerit, (ut apparet) nec potuerit sine legitimo & verè probato Bylioti consensu actam illam transferre, & privata scriptura Bylioti, nullius momenti sit propter ejus conditionem, insolventiam & infamiam, ac præsumptum studium fallendi per temporis anticipationem & datæ mendacium; quod in specie proposita in aperto est, non solum ex conditione personæ & generali juris dispositione, verum etiam ex inimico animo Bylioti

variè monstrato adversus Supplicentem, magni quæ conatum ad nocendum illi, gratificandum quæ Rescribentibus aliàs detecto. Et denique in his ipsis, quæ datam dictarum literarum Thesaurarij & tempus quo traditio illa facta esset, infecuta sunt, quippe quod Dale debitum ipsum postea cum interusurio ad onus Bylioti suppuravit, & quod ipse Byliotus in literis securitatis de 18. Novemb. anno 61. & ita post longum intervallum temporis actam illam Curia & pecuniam in illa comprehensam, tanquam adhuc verè ad se pertinentem, pro cautione obligaverit publicè scientibus, tacentibus, nec quicquam contradicentibus Rescribentibus; quod omnem scrupulum amoliri videtur, & plus ponderis habere debet ad conservandam illam actam in Bylioto, quàm habet privata illius syngrapha ad gratiam Rescribentium excogitata. Et si vera aliqua fuisset possessio, affectio & acquisitio dictæ actæ, quis credit quòd eam Paulus van Dale postea voluisset aliis communicare, eosque in illa participes facere in magnis quantitatibus; etiam si limitatè & in causam pignoris tantum actam accepisset, propter facultatem vendendi totam actam, si Byliotus postea in solutione cessasset: sic quòd traditio illa nihil operari possit in præjudicium Supplicantis, cujus intentio bene fundata est, asserendo eum dominum actæ,

quem

quem tenor scripturę demonstrat, etiam si aliena pecunia fortè inter-  
venisset. Non enim inspicimus cu-  
jus pecunia quid sit comparatum,  
sed cui acquilitum, & cuius nomen  
in instrumento sit scriptum: nec  
prodest instrumenti lectio alij  
quàm quem tenor ejus designat:  
*l. ad probationem dominij. C. de probat.*  
adco ut quamvis quis literas ha-  
beat, monstrer, & exhibeat, agere  
non possit, nisi sit in illis nomina-  
tus, nominato successerit, vel ces-  
sionem ab illo obtinuerit, vel ni-  
tatur beneficio dictę clausulę:  
*Eiſe qui hanc feret: Caſtr. in d. l. ad pro-  
bationem.* Ita ut undecunque dictus  
van Dale in asserto transportu de-  
stituatur probationum effectu, &  
non solum prælatio ab illo præ-  
tensa, verum etiam fundamentum  
prælationis evertatur & corruat,  
rerumq; intellectu in contrarium  
acto, contra ipsum van Dale fa-  
ciant, quę pro confirmatione sen-  
tentię suę protulit.

## CONSILIUM XXIX.

## SUMMARIUM.

1. *Confessio qualificata an dividi possit.*
2. *Præsumptio, quod sponsalia de futuro  
transcant in matrimonium, est lu-  
brica; & cessat, si non plene probe-  
tur sequens copula.*

**I**N causa matrimoniali vertente  
indecisa coram venerabili do-  
mino Officiali Bruxellis residēte

inter Margaretam Faes Aëtricem  
ex una, & Antonium Merſinan  
Reum ex altera; diligenter expen-  
sis actis, aliisq; negotij circun-  
stantiis putamus de jure Reum ab  
impetitione dictę Aëtrici absol-  
vendum esse ex causis & rationi-  
bus sequentibus.

**I**M P R I M I S enim proponit  
Aëtrix matrimoniū clandestinum  
nullis testibus præsentibus per  
verba de præsentem contractum, il-  
ludq; copula subsecuta consum-  
matum, quorum neutrum nempe  
neque contractum matrimonium,  
neque copulam probat Aëtrix: per  
testes quidem non probat, neque  
probabit: quia nulli fuerunt testes  
præsentis, prout in sua proposi-  
tione proponendo fatetur. Neque  
ex confessione Rei probatur ma-  
trimonium contractum, per verba  
de præsentem, quia Reus id expresse  
negat. Et licet per responſionem  
suam, quā respondendo fatetur  
Aëtrici dixisse, **Ick en sal an-  
ders geen nemen dan u** / videri  
posset confessus sponsalia quedam  
de futuro qualificata cum ea qua-  
litaris adjectione, quod non ani-  
mo contrahendi id dixerit; ea ta-  
men confessio neque Reo obesse,  
neque Aëtrici prodesse potest ad  
obtinendam suam conclusionem,  
sive petitionem, qua petiit decla-  
rari matrimonium fuisse & esse  
clandestinē contractum inter eam  
& Reum, quoniam Reus, ut ex  
confessionibus & actis liquidò pa-  
tet, ad summum etiam submota

qualitate adjecta, solum fatetur sponsalia de futuro, & minime matrimonium, ad quod Actrix concludit.

- I** DEINDE prædicta confessio Rei, cum contineat unum factum cum qualitate sua, unum est capitulum, quod non debet pro parte approbari, & pro parte reprobari. *L. Aurelius. §. idem quesit, & ibi Barr. ff. de liberat. legat. & idem in l. siquidem, junct. gloss. C. de except. c. tuas nos. ac ibidem Innocent. Præpositus, & alij de sponsal. & matrim. & pulchrè Panorm. in c. bona ij. num. 29. de postulat. pralat. & idem in c. cum venissent, num. 7. circa finem. Iunct. gloss. in verbo, Donec probatum, de Institut. & Petrus de Anchor. consil. cxlvj. num. 10. & Nicolaus Boërius in decisione cccxxxix. ij. part. & cxclij. Domi. 10. And. Archid. in c. 1. de confessis in 6. ubi concludit & tenet Domi. si plura dicuntur, sed non separata, quia unum venit accessorie ad aliud: Ita quod si eodem tempore vel qualitative proferantur, censetur unum capitulum seu factum, arg. c. 1. in 1. de consec. eccles. vel altar. in 6. c. licet causam. de probat. quia quod quis approbat pro se, etiam contra se approbare debet. xix. dist. ca. 1. iij. quest. ij. si quis testibus. xxxv. 1. dist. c. si quid veri. c. cum olim, in fin. de censib. cap. cum venissent, de institut. Præterea Reus non videtur fateri quod non sentit, sicut nec Actrix videtur in iudicium deducere, quod non sentit: l. si extestamento. ff. de except. rei jud. hic autem in casu proposito & processu,*

super quo consulti sumus, unum nempe qualitas seu animus Rei, æquè proferendo verba, qualitative ad factum, scilicet promissionem talem qualem de futuro confessam, & eodem tempore Reus confitendo utraq; expressit, quare unum ab alio minime separari debet, sed utrumque aut refutari, aut approbari. Unde sequitur, prædicta verba confessata nec sponsalia quidem importare, cum defuerit consensus & animus contrahendi, sine quo cætera verba etiam denotantia prima fronte consensum ad matrimonium, & etiam copula carnalis verè subsecuta, nequeunt perficere fœdus conjugale. l. nuptias. ff. de reg. jur. c. cum locum. c. cum apud. de sponsal. Et quod Reus jure potuerit responsionem suam cum illa adjectione temperare & restringere, quod absque proposito contrahendi prædicta verba protulerit, & quod ea qualitas responsionis sit substantialis & inseparabilis à confessione prædicta, inde manifestum est, quod sit de natura rei interrogatæ. Nam Reus interrogatus an verba de futuro dixerit, ut calumniam responsionis evitaret, & nihilominus verum responderet, rectè potuit cum ea adjectione & declaratione respondere, quod quidem protulisset hujusmodi verba de futuro, absque animo tamen contrahendi. Iuxta ea quæ pulchrè scribit Bald. in l. 1. C. de adulterio act. in verbis: Nisi illud quod additur sit de natura rei interrogata, vel sit quid



*sit quid comprehensum in ea , ut si interrogatus an vendiderit , respondeat quod vendiderit* 10. nihilominus bene respondisse videtur. Nam si hoc non posset declarare quod est de substantia, positio esset captiosa , ad quam non teneretur respondere. *l. si duo patro. §. si quis iuraverit. ff. de iurejurand.* Et addit Bald. ibidem, quod æquitas iudicis possit admittere responsionem qualificatam causa vitandi calumniam ponentis.

PRÆTEREA si ex prædicta Rei responsione sponsalia de futuro contracta censerentur , quod tamen non videtur , adhuc tamen non posset judicari contractum matrimonium , uti ab Aëtriciæ petitur , cum de incestu copula legitime non sit probatum : siquidem Reus , quantumvis sæpius interrogatus , semper & constanter negavit prolationem dictorum verborum , copulam vel præcessisse , vel subsecutam esse ; sine qua tamen manifestum est de jure sponsalia de futuro non transire in matrimonium de præsenti : nam ut sponsalia de futuro in matrimonium per copulam transeant, aut conditionata in puram , requiritur carnalis conjunctio : *c. is qui fidem , de sponsal. & matrim. c. de illis. c. super eo. c. per tuas. de condit. apposit.* neque nissus , licet sæpè etiam contigerit , & in pueribus , sufficit , nisi sequatur effectus. *c. fin. & ibi latè Pan. & Abb. antiquus in d. c. is qui fidem , de spons. & matrim. c. attestaciones , de despon. impub.* Quemadmodum nec extraor-

dinaria quidè pollutio affinitatem parit : *c. extraordinaria. xxxv. quæst. 3.* quomodo si imposita est pœna ipso jure ex aliquo maleficio , ad eandem incurrendam non sufficit maleficio inchoasse , sed oportet plenè completum esse. *c. perpetuò. de elect. in 6. Inno. c. in cunctis. de elect.*

NEQUE potest præsumi copula subsecuta , ex eo quod Reus confessus videtur se solum cum sola in eodem lecto jacuisse. *arg. c. literis. c. tertio , de præsumpt. c. dixit dominus , junct. gloss. xxxvj. q. 1.* Nam prædicta jura loquuntur quando per testes constat , nudum cum nuda , solum cum sola in eodem lecto jacuisse ; secus verò dicendum est quando de hujusmodi concubitu , aut nissu constat tantummodo per confessionem partium : *ut in d. c. fin. & c. attestaciones.* quin sicut consentienti creditur de conatu copulæ , ita ei stari debet de copula non secuta , pro quo optimè facit *d. c. extraordinaria. xxxv. quæst. 3.* Nec videri debet fateri quod non sentit , imò quod expressè negat ; nec scindi aut separari potest prædicta responsio confessioque Rei , ut videlicet semota qualitate negatæ copulæ videatur simpliciter confessus , vel conatum , vel concubitum in eodem lecto. Nam hæc est substantialis & inseparabilis adjectio , qua submota , in effectu juris non remanet eadem res. Nam concubitus simpliciter cōfessus , unde præsumptio copulæ insurgeret , non est is de quo Reus respondit. Et certè si ex arbitrio



arbitrio partis adversæ confessio scindi posset, videretur Reus insidiosè interrogationis laqueis contra veritatem circumventus, quod iniquum est: nam nulli injiciendus est laqueus: *c. de viduâ. 27. quest. 1. gl. in c. 2. in verb. Rationabili causa, de confes. in 6. & proinde obtinere debet hoc casu Bald. dictum, in d. l. 1. C. de adulteriis actio.* quod iudex admittere debeat responsionem qualificatam, causa vitandæ captionis.

AD quorum confirmationem plurimum facere videtur, quod præsumptio illa, qua præsumitur  
 2 sponsalia de futuro transire in matrimonium de præsentî, est valde exorbitans, & uno casu tantum cõstitutâ, nempe ubi constat plenè verba de futuro simpliciter prolata esse, *d. c. 1. qui fidem. de spons.* quare extra terminos suos ad hunc casum longè dissimilem extendi non debet. *c. qua à jure, de reg. jur. in 6. c. in præsentia. de injuriis. l. 3. §. hac verba, ff. de negot. gest.*

HIS accedit quòd si concederemus ex illa Rei responsione præsumi matrimonium, jam præter captionem, in quam Reus incideret, concurrerent quoque duo specialia circa eandem rem. Nam ex confessione concubitus præsumeretur contra voluntatem & intentionem consentientis copula seu carnalis conjunctio, & eo amplius per copulam illam præsumptam transirent sponsalia de futuro in matrimonium de præ-

senti, quod esse non debet. *l. 1. C. de dot. promission. l. 2. ff. de pollicitis.*

Nec prætermittendum duximus, quod standum est verbo viri, si dicat se mulierem cognovisse, quia vir caput est mulieris: *c. continebatur. de despons. impub. c. si quis acceperit uxorem. in l. xxxij. q. 1.* ergo & viro standum est de non copula ex identitate rationis, quia caput est mulieris: *d. c. si quis acceperit uxorem. facit d. c. extraordinaria, junct. gloss. facit quod notat Inno. & Petr. de Ancho. post lo. And. in d. c. final. de sponsalib. & matrim.* nempe non cognitionem carnalem, vel non fuisse copulam carnalem consummatam; *in casu d. c. final.* constare per confessionem; sic intelligit Innoc. Præpositus, *in d. c. fin. in fine. ibi, Ab extra. opponitur,* & infert ex mente Cardinalis, quod statur confessioni viri deponentis de non copula, sicuti statur de copula. Nec obstat *c. juvenis, de sponsal.* quia secundum Innoc. *in d. c. continebatur, num. 5. de sponsal. impub. in d. c. juvenis.* non præsumitur copula intervenisse, sed consensus vel recognitio aliqua sponsalium; neque ibi juvenis separatur à consobrina puellæ, propter affinitatem, quod eveniret si præsumeretur copula, sed solum propter honestatem Ecclesiæ, seu publicæ honestatis justitiam, quæ non prærequirit copulam, seu solum sponsalia.

ET prædicta eo magis hîc obtinere debent, quod hic non agatur de declaratione concubitus, seu alterius

alterius actus simpliciter probati, sed de qualitate, quæ est de natura ipsius confessionis, per quam & nō abunde facta est prædicti concubitus probatio; ita quod licet simpliciter probato concubitu dubium esse posset an assertioni juvenis negantis copulam ex intervallo factæ stari deberet, tamen aliud dicendum est hoc casu, ubi qualitas negatæ copulæ immediate conjuncta est confessioni concubitus. Nam hæc qualitas conjuncta est ipsi confessioni, ac de natura ejus & inseparabiliter illi coherens. *Iuxta Bald. in d. l. i. C. de adulterii action.*

Ex eo quoque intentio rei assertioque de copula non secuta confirmari videtur, quod Actrix post propositionem medio juramento judicialiter factam, in qua copulam carnalem & deflorationem medio juramento proposuit & affirmavit, postea coram probis viris declaravit quod nondum jurasset se carnaliter cognitam & defloratam à Reo, quodque dictum ei fuerit ita debere declarare ac fateri, ac quod forsan aliter aut amplius scriptum sit quam dixerit; & alio tempore rursus declaravit coram eisdem, quod non amplius diceret seu asseveraret de Reo quam literæ ejus continerent, cujus literæ nihil continent de copula carnali, aut defloratione, vel matrimonio inter eos contracto. Nam inde liquet Actricem sibi nō constare, sed in suis dictis variare,

atque aliquatenus Rei assertioni acquiescere; id quod intentionem Rei confirmat, atque præsumptionem contra Actricem inducit, in nimè vera esse quæ contra Reum proponit aliter seu amplius quam Reus fatetur contigisse; eamque præsumptionem auget magna disparitas Actricis, & Rei in bonis & statu, quæ in causa matrimoniali attentè consideranda est. *c. super eo, 2. de testib.* Unde etiam nimium affectant ipsa & mater contractum matrimonium cum Reo, ex quo nimio affectu fragilitas mulieris facile seduceretur ad cōminiscendum falsum contra Reum. Reus autem licet potuisset simpliciter (sine metu deprehensionis perjurij, aut falsitatis) negare aliqua verba sponsalia de præsentī vel futuro importancia protulisse, aut se eidem Actrici concubasse, cum nullis testibus Actrix id probare posset, hocque Reo certissimum fuerit; tamen bona fide ambulando, sciensque se eidem non esse obligatum vinculo aliquo matrimoniali, confessus est ipsam veritatem, extra tamen articulata & proposita Actricis, quibus ostendit suam bonam fidem, atque idcirco potius Reo quam Actrici credendum est, ut saltem si aliqua suspitio contra eum ex confessatis orta sit, illa suo juramento diluatur, & eo mediante ab impetitione Actricis absolvatur. *c. fin. in fine. de jurejur. & d. c. attestaciones. de despon. impub.*

POSTREMÒ præsupposito sine veritatis præiudicio neque aliquo pacto concesso, quod ex confessatis Rei posset aliquo modo elici matrimonium aliquod præsumptum, tamen necdum Actrix in sua petitione obtinere posset: quia Reus sciens matrimonium non posse sine legitimo viri & mulieris consensu subsistere, *c. tuanos. ca. cum apud sedem. & c. tua fraternitati. de spons. & l. nuptia. ff. de ritu nupt. & alius iuribus vulgaribus.* imò si verba ad matrimonium proferantur, desit tamen animus & consensus obligandi se matrimonialiter coram Deo, revera non est matrimonium, *d. c. tuanos, & ibi gloss. & Panorm. l. simulata. ff. de ritu nupt.* ac considerans se nulla verba promissionis matrimonij de præsentì vel futuro erga Actricem animo obligandi protulisse, eique se non esse in conscientia obligatum, uti patet ex attestazione sui confessarij, qui super eo ei absolutionem impendit, & Sacramentum Eucharistiae administravit, postea ante præsentem litem motam in Burgundia præsentibus testibus fide dignis contraxit matrimonium per verba de præsentì cum alia, illudque copula carnali secuta consummavit, prout per testes omni exceptione majores in forma juris producendos tempore & loco, si opus fuerit, probabitur: quod matrimonium secundum præferendum est præterito primo matrimonio clandestinè contracto,

nullisque testibus probabili.

NAM tamen si regula sit certissima, quod primum matrimonium per verba de præsentì contractum, licet non consummatum, præferri debeat secundo matrimonio, etiam consummato, postea contracto, *c. si inter virum & mulierem. de sponsal. c. tuas dudum. & c. licet. de sponsa. duor.* tamen in causa præsentì non debet primum matrimonium clandestinum publicari, seu in facie Ecclesiæ solennizari in præiudicium secundi matrimonij probati, vel probandi clarè per testes omni exceptione majores. Salvo, &c.

## CONSILIUM XXX.

## SUMMARIUM.

1. *Conventio de vendendo pignore propria auctoritate sine solennitate aut denuntiatione, eam vim habet ut facta venditione emptor dominium rei habere incipiat.*
2. *Consuetudo Antverpiensis de distrahendo pignore sine strepitu iudicario, quomodo intelligatur.*
3. *Cessio pignoris eisdem legibus, quibus acceptum est, procedit etiam si venditio sit prohibita.*

IN causa quæ inter Balthazarem Nunnez Actorem, & magistrum Franciscum de Hertoghe Reum vertitur, præcipua Rei defensio, quæ Actoris petitioni objicitur, hæc est; quod res pignori datas minus legitimè Actor distraxerit, ideoque

ideoque perperam agi ad residuum debiti consequendum, quod ex venditione redigi non potuit: Quinimò ejusdem occasione quali reconveniendò Reus concludit Actorem condemnandum ad hoc, ut sibi Reo teneatur satisfacere pro pignoribus divenditis secundum arbitrium mercatorum. Sed hujus defensionis fundamentum, meritis causæ attentis, valde infirmum est. Constat enim ex instrumento publico ita inter partes conventum fuisse, ut sine forma iudicii, autoritate propria, sine denunciatione, prosecutione, & diligentia tam judiciali quam extrajudiciali pignora à creditore, vel ab eo causam habente, vendi possent. Quæ conventio juris dispositioni conformis est, & eam vim habet, ut secuta secundum legem conventionis venditione, incipiat emptor dominium rerum habere; *l. si convenerit. i. ff. de pignor. act.* idque non solum rebus pignoratibus ipsi creditori traditis, verum etiam iisdem penes debitorem relictis: *l. pignoris. C. de pignor. act.* adeò ut etiam ex conventionione propria autoritate à creditore rem auferre liceat. *Bart. gloss. & text. in d. l. pignoris.* Unde consequitur, Actorem, concessa sibi libertima alienandi licentia, jure uti potuisse sine cuiusquam reprehensione iusta; hac ramen postposita, ea solennitas distractioni adhibita invenitur, quæ etiam si non convenisset de distrahendo, imò de non distra-

hendo expressè conventum esset, secundum leges sufficeret; *d. l. si convenerit. ff. de pignor. actio.* quia non semel tantum, sed secundo & tertio Reus admonitus pignorum liberationem & solutionem distulit, ut ex instrumentis publicis super hac re confectis liquet. Neque Actori obstat allegata in contrarium consuetudo, quæ prætenditur, quòd ubi concessa creditori licentia est instrumento coram Notario confecto, distrahendi pignoris sine aliquo processu aut judiciario strepitu, seu, ut verba Deponentium habent, **Sonder 2 besettinghe oft andere rechtvozderinghe te derben doen/** requiratur nihilominus quòd venditio fiat die aliqua Veneris, ac publicis nundinis, præmissa debitori denunciatione ante octo dies. Nam ex eo non sequitur suprà dictam solennitatem exigi, quando data est creditori potestas vendendi absque denunciatione, & prætermissa omni diligentia & observatione etiam extrajudiciali, idque eo pretio & modo, quo creditori commodum videbatur, quemadmodum in proposito factum esse testantur verba contractus, quæ ita habent: *Sans aussi debvoir en façon ny maniere aulcune pour ce faire quelque pour suyre ny diligence de droit ou justice.* Et rursus: *Tous lesdicts gages & chascune part & partie d'iceulx au pris & comme mieulx pourra, & bon le semblera.* Quæ verba longè egrediuntur terminos dictæ

consuetudinis, & ampliorem potestatem creditori tribuunt: quia non solum denunciations & evictions solennes remittunt, verum etiam in tempore & modo vendendi juris solennitatem relaxant; ita ut quocunque modo, etiam privatim & absque subhastatione venditio facta, tenere debeat ex potestate dictæ cōventionis. Ubique enim cautum est pactione, quemadmodum pignus distrahi debeat, sive in tempore, sive in aliis conventionibus, ea observanda sunt de quibus inter creditorem & debitorem conventum est; *l. ult. §. sancimus. C. de jure domini Imper.* & prætena consuetudo suis cancellis conclusa, eo demum casu observanda est, quando sola procedendi atque ordinis judiciarij solennitas remissa est, non etiam quando contrahentes ulterius paciscendo, modum vendendi creditori voluerunt omnino esse liberum, remiseruntque omnem solennitatem, alioqui in venditione pignorum necessariam: adeo quod satis sit pignora controversa quomodocunque vendita esse, nec aliqua querela eorum nomine Reo dari possit, nisi perfidiam, collusionem, aut dolum manifestissimis argumentis possit convincere. Consuetudo enim, cui innitur, prorsus est impertinens, utpote fundata in præsupposito cōventionis longè strictioris, quam ea, de qua præsens est questio. Ob quod rectius recipiendum est quod

testes pro Actore producti constanter deponant etiam in casu dubitabiliore venditionem privatim fieri posse, etiam nulla prævia denunciatione; eamque consuetudinem in contradictorio iudicio aliquoties fuisse confirmatam, sicuti etiam sententia super hac relata in modum probationis exhibetur, quamvis istius rei probatio nequaquam erat necessaria, utpote juri communi conformis. *d. l. si convenerit. & d. l. pignoris.* Præterea depositio testium Rei, ad probandam consuetudinem non est sufficiens: nemo enim illorum sententia aliqua eam confirmatam fuisse testatur. Quod ante omnia fieri debuisse, Ulpianus declarat in hæc verba: *l. cum de consuetudine. ff. de legib. Cum de consuetudine civitatis vel provincie considerare quis videtur, primum quidem illud explorandum esse arbitror, an etiam contradictio aliquando iudicio consuetudo firmata sit,* ut nimirum dici possit adeo eam probatam esse & notoriam, ut non fuerit necesse scripto eam comprehendere. *l. imo. ff. de legib.* Unde sequitur, quod licet testes adversarij ea forma & modo, quibus attestati sunt, de consuetudine allegata deposuissent, idonee tamen & plene fidem non facerent.

PRÆTEREA, etiam si ponatur (sine concessione tamen) male, perperam, & illegitimè pignora fuisse distracta, nihil tamen ea res præjudicij Actori adferre potest, qui pignora non distraxit, sed tantum

tantum alij secundum legem conventionis eadem pignori dedit, iisdem legibus quibus à Reo acceperat. Quod omni jure etiam cessante conventionem permittitur. Etenim licet promiscuè nequeat creditor vendere ipsum pignus sive rem, dominium & jus debitoris sibi pignorum, potest tamen statim liberè sive vendendo, aut quovis titulo disponere de ipso nomine, vel jure suo, & illud cum suis accessoriis, in quemvis libuerit, quovis modo, sine alia solennitate transferre, infcio vel invito debitore, sicut de alia re sua. *l. in re. C. mandar.* Quia nomen est creditoris, non debitoris, *l. 2. C. de hered. vel act. vend.* quod omnino est peremptorium, & decisionem constituit indubitabilem. Nam venditionis à secundo creditore factæ impugnatio non concernit Actorem, qui jus suum tantum cessit jure creditoris, quod ei & ex lege, & ex conventionem fuit liberum. Salvo meliori judicio.

## CONSILIUM XXXI.

## SUMMARIUM.

1. Monetarum ratio diligenter excussa.
2. Pecunia intrinseca bonitas, an sit spectanda in solutione.
3. Moneta variata, solutio facienda est ad æstimationem antiquæ pecuniæ, vel de antiqua pecunia.
4. Creditor de jure non tenetur in alia moneta quam quæ debetur, solu-

tionem recipere, de consuetudine verò aliud observatur.

5. Pecuniarum valor impositivus non intrinsecus spectatur, nisi aliud actum inveniat.
6. Romani & Geminiani defensa sententia contra Carolum Molinæum.
7. Philippi Ducis Burgundiæ Constitutio examinata, circa æstimationem grossorum Turonensium.

**D**IFFICILIS & obscura est controversia, quæ Reverendiss. & Illustriss. Episcopo Cameracensi incidit cum suo Capitulo super præstatione sex milium argenteorum Turonensium, quos idem Reverendissimus Episcopus quotannis suo Capitulo præstare tenetur in ea bonitate & valore, ut duodecim unum aureum Florentinum valeant. In cujus explicatione prima facie videri poterat, quod cum Turonenses solidi hodie in usu non habeantur, præstandam esse eorum æstimationem ad rationem duodecim pro uno aureo Florentino, secundum tempus conventionis & contractus, considerata intrinseca pecuniæ bonitate & æstimatione; sic ut cum nunc in alia nova pecunia solutio facienda sit, ea fieri debeat ad æstimationem antiquæ cum supplementatione intrinsecæ bonitatis, quatenus pecunia hodie currens est deterior seu debiliior antiqua. Nam quamvis de jure in alia pecunia, quam quæ promissa est, solutio admittatur, *l. Paulus respondit. ff. de solution.*

Tt 3

*solution.* maxime quando ea pecunia, quæ est in promissione, amplius non invenitur; si tamen ex ea re damnum aliquod creditor patitur, id à debitore supplendum est *l. inter stipulantem, §. sacram. ff. de verb. oblig. l. impossibile. ff. de regul. jur. Bart. in l. non amplius. §. bonorum cum. l. seq. ff. de leg. 1.* etiam respectu bonitatis intrinsecæ; *l. 1. C. de veterum numis. potest. lib. x1.* quoniam non solum formam, sed & materiæ bonitatem & pondus in monetis attendimus, idq; secundum valorem ejus temporis, quo contractus est initus: *c. 1. cum Canonicis de censib. gl. in cap. conquerente, de officio ord.* Id enim agi intelligitur ut in eadem bonitate & valore reddatur. *l. cum quid de re. cred.* Pro quo facit quod eum de bonitate rei solvendæ, reddendæ, vel reficiendæ tractatur, semper ad originem contractus concurrimus, non autem ad tempus quod postea sequitur. Quemadmodum in evictione videmus æstimationem seu pretium restitui considerato valore, qui erat tempore contractus, non autem tempore evictionis. *l. bonitatis. ff. de evict.* Eaque sententia est communis, quod attendatur tempus conventionis, & non solutionis, præsertim in his monetarum mutationibus, *l. uxorem. §. testamento. ff. de leg. 3.* In cujus rei confirmationem plurima adducuntur per Carol. Molinæum, in tract. de contract. usurar. Barth. Sositum, consil. 6. Laurent. Calcaneum,

*cons. 15. visū instrumento. & Aymo Cravettam, cons. 49. magnificus. D. Carolus num. 6.* qui in terminis scribit, quod quoties variatur valor extrinsecus respectu deteriorationis monetarum, pretium exolvere vel de pecunia antiqua æquæ bona, vel nova ad æstimationem antiquæ: quod secundum Constitutionem Pontificis procedere videtur, non solum in summa semel solvenda, sed etiam in pensionibus & obligationibus successivis. *c. olim causam, & c. cum Canonicis, de censib.* Per quæ intentio Dominorum de Capitulo directò confirmari videtur.

CÆTERUM si rerum ordinem factique contingentiam & circumstantias paulò exactius excutiamus, liquidò depræhendemus in specie proposita diversum statuendum esse, ex causis & rationibus sequentibus.

PRIMÒ, quia licet ex communi interpretum sententia creditor de jure non teneatur in alia moneta, quam quæ debetur, solutionem recipere, si ex ea re damnum aliquod passurus sit, nisi ipsum quoque damnum refundatur, *d. l. Paulus, de solut. & ibi Bart. Immol. & Paul. Castr. in l. si quis argentum, in pr. C. de donat. Pan. in c. quanto, de jurejur. Bald. cons. 213. in 5. part. Pet. de Anch. in clem. 2. de decim. dd. in d. l. cum quid. ff. si cert. petat.* contrarium tamen receptum est generali totius mundi observantia & consuetudine, ut testatur Accurs. in d. l. si quis argentum.

Petrus



Petrus de Ancho. *in d. clem. 2. in fine.* & Joannes de Imola, *in d. l. Paulus in princ.* secundum quam consuetudinem indistinctè admittitur, ut non solum qui in genere pecuniæ est debitor, sed & is qui certæ speciei pecuniam promissit, in alia moneta etiam deterioris notæ seu materiæ possit solvere, dummodò ea pecunia, quam solvit, publica judicatura & æstimatione extrinseca seu valore imposititio, respõdeat extrinseco valori pecuniæ promissæ. Nec caret ratione dictæ consuetudinis observantia, quoniam pecunia non consideratur tanquam massa & species, sed tanquam moneta & quantitas, in qua nulla ratio habetur corporum aut materiæ, *l. si is cui. ff. de solut. l. Titia, ff. de auro & argento legat.* sed tantum cursus & valoris imposititij, *l. 1. ff. de contrah. empt.* à quo nullo modo etiam pœna capitali imminente licet discedere, *Aristot. lib. 1. Politicor.* non solum si dispositio incipiat & consistat in nomine quantitatatis in genere, nulla certa specie deducta vel promissa, sed etiam si consistat in nomine certæ speciei: ut per multa jura & rationes confirmat Carol. Molin. *in d. tract. qu. 92. in princ.* & comprobat Bart. *in l. 2. §. 1. ff. si cert. per.* dum scribit, Creditorem daninum non pati etiam diminuta bonitate materiæ propter æquipollentem valorem imposititium, qui duntaxat consideratur sequendo dictam consuetudinem, quæ jam toto orbe Christiano re-

cepta est, *Inno. Abb. & alij in c. quanto, de jurejur.* & in vim cujus sæpè videmus Principes numismatum pretia taxare ultra materiæ æstimationem: idque ita fieri suadet plerunque publicæ necessitatis ratio, plerunque ipsa Reipublicæ utilitas, ne scilicet aurum vel argentum ob majorem valorem alibi obtinentem efferatur extra provinciam. *Innoc. d. c. quanto.* Quin etiam absque publica necessitate, aut utilitate ex solo consensu populi aut civitatis Princeps hoc potest inducere: *Panorm. & alij in d. c. quanto.* & hanc sententiam, quam recepit consuetudo, crebriorem asserit Didacus Couvarruvias diligentissimus monetarum explorator. *in tractatu, de collatione veterum numism. c. 3.* Ad quæ si præsentis facti speciem metiamur & consideremus, haud obscurè constabit, præfatum capitulum non jure postulare, ut intrinsecæ bonitatis solidorum Turonensium seu aurei Florentini collatio fiat cum materia pecuniæ præsentis temporis, ac secundum proportionem seu æstimationem inde resultantem solutio fiat; cum secundum dictam consuetudinem sufficiat compensari pecunia præsentis temporis extrinsecum valorem & æstimationem Turonensium, vel aurei Florentini, quæ est in communi ex ordinatione Ducis Philippi introducta, & usibus totius populi recepta & admixta. Neque adversantur Pontificum Cõstitutiones citatæ in oppositum,

positum, quoniam illæ non probant id ad quod citantur, nam in altera *d. c. olim.* agitur non de bonitate intrinseca, sed de quantitate ipsius summæ debitæ: pro quo major summa vel alias species citra præscriptionem soluta erat in altera, *d. c. cum Canonicis.* major erat extrinsecus valor novæ pecuniæ, secundum cursum, quam veteris, ut non ineleganter explicat Car. Molinæus, in *tract. de contract. usurar. q. 100. num. 758. & sequentibus.* Ita ut ratio dictarum constitutionum præsentī negotio applicari non possit, præsertim si respiciamus ad dictæ consuetudinis observantiam.

SECUNDÒ ut demus consuetudinem illam, de qua interpretes scribunt, non usque aded firmis rationibus subnixam, ut juris constitutionem superius relata[m] possit vincere: Nihilominus tamen in specie proposita cessaret illa juris Constitutio de tempore contractus inspiciendo, propterea quòd promissio sex millium solidorum Turonensium generaliter facta sit. Nam si rectè excutiantur interpretum commentaria & consilia, facile deprehenderet communem illam sententiam de tempore contractus inspiciendo limitari & coarctari, ut procedat duntaxat, quando conventum est de supplendo decremento ex mutatione monetarum postea contingente, vel quando hoc actum est, quòd pecunia redderetur eadem æsti-

matione & bonitate, in qua fors principalis numerata fuit. Nam in his terminis consuluerunt Aymo Cravetta, *d. conf. 47.* & Laurentius Calca. *d. conf. 15.* Alioqui verò si illimitatè facta sit promissio, non consideramus tempus dispositionis, sed illud potius quo dispositio applicatur ad actum. *Bart. Sotin. d. consil. 6.* Præsertim si (quòd est in proposito) agatur de annua pensionatione, quæ cum semper ex nova obligatione prodeat, *l. cum notissimis. §. in ius. C. de præscrip. 30. vel 40. annorum.* ex mutatione temporis facile mutari potest; ita ut ultima pecunia seu cursus posterior considerari debeat. *arg. l. Mela. §. sed si alimenta. ff. de aliment. & cibariis. leg. & not. Bald. in l. si filia. C. de inoff. test.* Id quòd pulchrè expressisse videtur Jacobus de Arctio, quem refert Bald. in *l. ubi adhuc. C. de jure dot. in 8. col.* dum dicit, Quòd si mutuo tibi pecuniam vel aliquid quòd consistat pondere, numero, vel mensura: vel, si es mihi obligatus ad solvendam pecuniam ad certum tempus, & ante restitutionem, vel antequam agere possim, sit mutata pecunia, quia facta est deterior, prout quandoque fit per Principes, quòd debeat restitui talis, qualis reperitur tempore quo solutio faciend[a] est, & nò qualis erat tempore contractus. Quòd & pulchro Jurisconsul. responso in *l. cum certum. ff. de auro & argento leg.* confirmatur, in quo testator legavit certum pondus argenti nulla declarata

declarata specie; cumque dubitaretur quid præstari oporteret, respondit Juriscons. heredem non teneri præstare materiam, sed sufficere quod præster æstimationem, quæ est solutionis tempore. Et ita in specie annuæ præstationis expressè tenent Roman. *consf. 123.* & Gemin. *consf. 137.* decedentes in speciali casu cujusdam redditus annui, constituti inter duos Abbates ex homologatione Papæ, quod potest solvi in moneta usuali, & currete tempore solutionis, etiam intrinsecus diminuta absque supplementatione bonitatis intrinsecæ, quæ erat tempore dispositionis. Quod si obtinet in moneta deteriorata, & quæ in veteri forma adhuc reperiri potest; justior est ratio cur in specie proposita, ubi vetus moneta defecit, in nova, licet deterioris materiæ, solutio fieri possit secundum communem æstimationem & usum ab omnibus observatum absque compensatione bonitatis intrinsecæ, quam dictum capitulum exigere videtur.

Nec movet ratio, qua Carol. Molinæus *quest. 98. num. 45. in tract. usur.* decisionem Romani & Geminiani *consf. præcitatis.* in dubium revocare auctor, contendens Jurisconsult. responsum, in *d. l. cum certum.* quod illi pro suæ sententiæ confirmatione adferunt, non facere ad propositum, eo quod non de certo precio debito, nec de certa pecuniæ quantitate agat, sed de pretio alterius rei legatæ, cujus

æstimatio potest crescere vel minui. Nam certum pondus argenti, quod est in obligatione propter functionem, quam recipit in suo genere, nihil differre videtur à certa quantitate pecuniæ debitæ, quæ propter publicam æstimationem, formam & auctoritatem, facilius functionem cum alia pecunia recipit quàm certum pondus argenti intecti nec signati. Quæ sententia præclarè confirmari videtur ex eo quod generaliter scribit Franciscus Arerius *consf. 10.* in his quæ debentur in genere regulam esse, quod variatio valoris extrinseci inspicitur tempore solutionis, ut eadem in genere reddi possit & debeat, non attenta mutatione valoris extrinseci, sive ista varietas tendat ad incommodum creditoris, sive ad incommodum debitoris. Et præterea Romani & Geminiani decisio non solo illo Jurisconsulti responso, sed & plurimis aliis rationibus subnixæ est; inter quas ea plurimum momenti habere videtur, quod in annuis præstationibus nova quotannis nascatur obligatio, & quod dispositio non nisi tempore solutionis exeat in actum. *d. l. cum notissimu. §. in iis.*

Cum itaque, ut elegantissimè 7 clariss. & consummatiss. D. Consiliarius Hopperus deduxit, Philippus Dux Burgundiæ ad tollendam obscuritatem antiquitatis, quæ circa variam æstimationem grossorum Turonensium coorta

V u erat,

erat, etiam apud juris interpretes in cle. 2. de magistris, certam illius rei determinationem præscripserit, eaque moribus omnium hominum & ditionum recepta sit; nulla est ratio cur Capitulum rationem & cōpensationem intrinsecæ bonitatis exigere debeat, neglecta communi æstimatione, quæ jam ubique in vim consuetudinis invaluit. Præsertim cum dictum Capitulum nulla speciali restrictione aut pactione adversus futuram variationem sibi prospexerit.

*arg. eorum quæ scribit Laurent. Calc. d. cons. 15.* Nam cum decretum & consuetudo illa nominatim recepta sint super præteritis conventionibus & dispositionibus ad occurrendum difficultatibus quæ super incertitudine valoris grossorum Turonensium, aut eorum Florentinorum & similium monetarum, quæ in usu esse desierunt, quotidie exoriebantur: nullum est dubium, quin complecti debeant omnes præteritæ dispositiones & contractus, qui specialem determinationem nõ habent. *Calca. cons. præcæto.*

TERTIO ad confirmationem prædictorum plurimum facere videtur quod olim grossi Turonenses fuerint frequentes, variis temperaturis, & indicaturis, ut ex monumentis monetarum constare scribit Molinæus, *de contract. usurar. quest. 100.* qui omnes hodie desierunt esse in usu, nec vulgo visuntur; ita ut nulla certa æstimatio

bonitatis ex illorum proportionem constitui possit. Nam cum nulla certa species grossorum Turonensium sit in cōventionem deducta, non est ferendus si quis antiquum aliquem nummum ex dictis Turonensibus proferat, & secundum illius analogiam æstimationem in hac specie fieri desideret. Nam cum plures fuerint species grossorum seu solidorum Turonensium, non potest certa ex uno vel alio nummo fieri illatio: maxime quia in dubio disposita de minimis accipere debemus. *l. nummis. ff. de leg. 3.* Quod eo proclivius hic est dicendum, quod conventio, in qua se fundat Capitulum, facta sit tempore Urbani quinti Pontificis, quem constat ex historiis vixisse eo tempore quo propter clades bellicas anterioris temporis, monetarum insignis diminutio acciderat. Deinde ut demus certam æstimationem grossorum Turonensium vel per se, vel per relationem ad aureos Florentinos deprehendi & cōstitui posse; nihilominus tamen quia non simpliciter Turonenses sunt promissi, sed ad computum & rationem duodecim pro uno aureo Florentino, juris ratio & communis Jurisperitorum sententia eò inclinatur, quod non sit inspicienda bonitas intrinseca, aut etiã extrinseca secundum tempus contractus, sed ea solùm quæ viget ex cōsuetudine vel ordinatione Principis tempore solutionis. Nam ea relatio ac æstimatio efficit, ut  
aurei

aurei Florentini aut eorum æstimatione, autoritate Principis vel consuetudine inducta, sint in facultate solvendi. Nam, ut pulchrè scribit Baldus, *conf. 339. lib. 2.* quem sequitur Sotin. *consil. 298. lib. 2.* & Molinaus, in *d. tract. de contract. usur.* licet obligatio incipiat à Florenis, vel certa specie monetæ, tamen illa verba (*Ad computum tot librarum vel solidorum, aut e contrariò*) efficiunt ut æstimatione illa tantum debeatur, & aureus Florentinus sic in solvendi facultate, quam considerari & metiri oportet secundum valorem imposititum & observantiam, seu consuetudinem quæ obtinet tempore solutionis faciendæ. Etenim in specie monetæ, quæ non est in obligatione, sed in facultate, nemo dubitat quin inspiciendum sit tempus solutionis vel cõsignationis, ut scribit Mol. in *d. tractat. quest. 98.* & confirmat Bartholo. Sotin. *d. conf. 6.* subjiciens pulchrum & ad rem pertinens exemplum de quadrupede seu animali, à quo noxia data est, quòd cum sit in facultate solvendi, rectè dari potest, etiam si deterioris conditionis factum sit quàm erat tempore damni illati. *l. 1. §. planè. & §. si post litem. Si quadr. pauper. fecisse dicatur.* Inde inferens ad quæstionem propositam, non haberi rationem valoris, quærat tempore dispositionis factæ, sed cõsiderari debere tempus seu æstimationem publicam, quæ in communi observatur tempore præstationis seu solutionis: quòd in pro-

posito eo facilius admittendum est, quod agatur de præstatione annua, non in compensationem sortis, aut pecuniæ certæ speciei, aut valoris ab initio erogatæ, sed quæ præstatur ratione fructuum, quos Capitulum & ante Capitulum vice dominus jure Regalium ab Imperatore aut Rege obtentorum durante vacatione sedis Episcopalis levabat & recipiebat: qui fructus cum sint incerti & ex temporis variatione augeri vel minui possint, merito admittenda est ea variatio etiam in dicta pensione, quæ præstatur & surrogata est in locum dictorum fructuum: eaque vera videtur præsentis controversiæ decisio.

DENIQUE si lubeat antiquitatem penitus investigare, atque etiam respectu bonitatis intrinsicæ proportionem & analogiam solidorum Turonensium cum moneta præsentis temporis cõstituere nihil tamen id intentioni dicti capituli suffragabitur: nam cum varij generis fuisse videantur solidi Turonenses, de quorum æstimatione variæ & multiplices inveniuntur interpretum sententiæ; in *d. clem. 2. de magistris.* non absque ratione dici potest, in hac specie amplectendam esse minorem æstimationem, vel saltem eam quam videmus communiori *l. in obscuris. ff. de regul. jur.* calculo receptam & approbatam, ab iis qui & antiquitatis & rei nummarie, & bonarum disciplinarum sunt peritissimi, secundum

cundum quam præstando minorem quantitatem, quam ordinatione Ducis Philippi taxata est, reverendissimus Episcopus liberaretur. Nam Budæus *lib. 5. de asse*. hanc analogiam solidorum Turonensium constituit, ut quilibet solidus Turonensis valeat undecim denarios Turonenses, ac septem solidi Turonenses ascendant ad æstimationem duarum drachmarum, quæ, ut auctor est Didacus Couvarruvias, *de collatione veterum numismatum*. in minimò excedunt valorem duorum Regalium argenteorum, seu septem stuferorum, quos per has ditiones in communi expendimus, quæ proportio est longè infra æstimationem ordinatione Ducis Philippi comprehensam.

PRÆTEREA ut demus eam Budæi æstimationem, ac Ducis Philippi ordinationem, solum procedere in solidis Turonensibus simpliciter appellatis, nec extendi ad hanc conventionem autoritate Urbani Pontificis factam, aut ad Constitutionem illam Pontificis, quæ legem sumptuariam præscribit, Doctoralia insignia suscipientibus: *d. clem. 2. de magistris*. ob id quod utroque loco non sint in dispositione solidi Turonenses simpliciter, sed solidi Turonenses argentei, qui meliores in materia & valore fuisse videntur illis, qui simpliciter solidi Turonenses dicebantur, & æris partem habebant admixtam, ut refert Didacus:

*in d. tract. de collatione veterum numismatum. c. 3. num. 7.* negari tamen non potest, plures species argenteorum Turonensium in diverso valore, ut indicat diversa eorum æstimatio, commentariis interpretum prodita, *in d. clem. 2.* & evidentius intelligitur ex Extravaganti Benedicti duodecimi, *in Extravagantibus communibus sub ritu. de censib. c. unic. §. porro.* in qua Turonenses argentei sic examinantur & taxantur, ut duodecim argentei Turonenses constituent florenum Florentinum, quod in specie proposita quoque observandum videtur ad exemplum dictæ Extravagantis, quæ est Benedicti duodecimi, quem in Apostolatu secutus est Urbanus quintus, circiter 27. vel 28. annos, ut ex supputatione annorum & successione Pontificum manifestum est, ubi omnia dictæ Extravagantis, quoniam propriè ad casum præsentem pertinere videntur, subiicienda duxi: Porro, inquit Pontifex, *Turonenses prædictos* (nam de Turonensibus argenteis egerat) *tales serè intelligimus, quod duodecim ipsorum valeant unum florenum auri, boni, puri, ac legalis ponderis, & cunei Florentini.* Quantum verò ad conventionem propositam attinet, quæ non simpliciter de argenteis Turonensibus cõcepta est, sed ad analogiam & proportionem floreni Florentini, non erit difficilis exitus, si deprehendi possit valor floreni Florentini, quem Didacus *dicto c. 3.* scribit octava

parte



parte majorem floreno Aragolico, qui valet octo argenteos Regales, secundum quam observationem florenus Florentinus ad summum non excederet novem argenteos Regales, qui nostrate pecunia, constituunt triginta & unum stuferos cum dimidio: & hunc modum & rationem refert Didacus Panor. in dicta clem. 2. tria milia argenteorum Turonensium, sumptibus Doctoralis dignitatis deputatis, deduxisse ad ducentos quinquaginta florenos, de camera, quos Didacus reducit ad ducentos simplices aureos Castellæ, quorum quilibet undecim argenteis Regalibus æstimatur: secundum quæ satis manifestum est, Florentinum ultra viginti unum stuferos cum dimidio produci non posse, quamvis compertum sit eos qui antiquos habent redditus in aureis Florentinis constitutos, infra eam quantitatem accipere, ut scilicet non plures stuferi pro quolibet Florentino solvi debeant, quam ab initio soluti fuerunt, consideratione habita ad cursum & valorem extrinsecum, respectu monetæ, qui erat tempore redditus seu præstationis constitutæ, quam in annuis præstationibus consideramus, non habito respectu ad bonitatem auri seu valorem intrinsecum, cujus ratio in sola decurtatione & fortis restitutione pecuniæ quæ habetur.

## CONSILIUM XXXII.

## SUMMARIUM.

1. *Vxor an sine mandato mariti & licentia magistratus rectè in judicio agere possit.*
2. *Sequens licentia atque auctoritas tam mandato quam jussui comparatur.*
3. *Alienatio rei immobilis minoris absque decreto facta per supervenientem confirmationem convalescit.*
4. *Testamentum usurarij confirmatur ex subsecuta cautione de restitutione usurarum facienda.*
5. *Vxor de jure communi non prohibetur experiri constante matrimonio, maxime si de propriis ejus bonis agatur.*
6. *Mariti & magistratus authorisatio non requiritur nisi ad succurrendum fragilitati mulieris, & ad removendam exceptionem, quam vel maritus, vel adversarius posset objicere.*
7. *Exceptio non tangit radicem intentatæ actionis, sed tantum respicit exercitium & facultatem procedendi donec causa exceptionis submoveatur.*
8. *Pactum contractui antenuptiali appositum revocari potest a contrahentibus, si agatur de rebus ab ipsis contrahentibus allatis in matrimonium, non etiam si tereius aliquid certa lege donaverit futuris conjugibus.*
9. *Statutum Antverpiense ad imens conjugibus*



*jugibus facultatem mutandi juris  
liberis acquisiti declaratum.*

10. *Verba generalia sequentia restrin-  
guntur ad precedentia.*
11. *Interpretatio illa sumenda est per  
quam actus sustinetur.*
12. *Consuetudo Gallie & Germanie  
circa provisionē inter vivos factam  
per parentes in contractu matri-  
monij inter liberos.*
13. *Transactio generalis non extenditur  
ad alia quàm de quibus actum  
fuit.*
14. *Generales renunciaciones & clausu-  
la cum parva cognitione, & sapē  
ex notariorum consuetudine ap-  
ponuntur.*
15. *Renunciatio per errorem facta, non  
valet.*

**I**N lite pendente indecisa coram  
amplissimo Magistratu Antver-  
piensi inter Barbaram Charles  
Impetratē ex una, & Magistrum  
Gasparum Charles, ejusque con-  
sortes Reos & Opponentes ex al-  
tera : Primò non rectè videntur  
Rei persistere in qualitatē con-  
troverſia, & hoc agere ut Impe-  
trantem repellant à limine & in-  
gressu judicij, propter non prola-  
tum ab initio consensum seu man-  
datum mariti, ac deficientem li-  
centiam seu autorisationem Ma-  
gistratus. Nam licet ab initio non  
sit exhibita mariti procuratio, aut  
Magistratus licentia, tamen in ipsa  
impetratione & commissione de-  
legate restitutionis, atque princi-  
pio judicij conjugij atque absentis

mariti allegatio facta est, & in  
progressu judicij atque ante du-  
plicationem Reorum prolata, ex-  
hibitaque fuit, atque in actis asser-  
vatur legitima Magistratus rati-  
habitiō, licentia atque authorisa-  
tio expedita decretaque ad Impe-  
trantis supplicationem continen-  
tem plenam narrationem facti ac  
omnium circumſtantiarum, litis  
institutæ & productæ usque ad  
Replicæ exhibitionem : quæ qui-  
dem licentia & ratihabitiō ad ritē  
peragendam litis agitationem va-  
lere ac sufficere debet perinde atq;  
si ab initio intervenisset. Etenim  
sequens licentia seu auctoritas aut  
ratihabitiō tam mandato quàm  
jussui æquiparatur, etiam in judi-  
ciis : *l. licet. ff. de judic. l. 1. §. si ratu.*  
*ff. Quod jussu. l. Paulus respondit. ff. rem*  
*rata hab. & præcedentem actum*  
*confirmat, l. si rem alien. §. si. ff. de*  
*pig. act. l. per fundum. ff. de servit. rust.*  
*prad. perinde ac si ab initio fuisset*  
*interposita. Bald. in l. observare. §.*  
*nequicquam. ff. de offi. procons. Alexan.*  
*conf. 44. lib. 5. Et ita alienatio rei*  
*immobilis minoris absque decre-*  
*to facta per supervenientem con-*  
*firmationem convalescit. Roman.*  
*conf. 54. pulchrè Barth. Sotinus conf. 15.*  
*part. 1. Et testamentum usurarij,*  
*quod absque cautione de restitu-*  
*tione usurarū facienda efficaciter*  
*non subsistit, postea constituta*  
*cautione robur accipit & confir-*  
*mat, cum multis similibus accu-*  
*mulatis per Romanū loco citato.*  
*Quæ proclivius in specie propo-*  
*lita*

sita recipienda sunt, ob id quòd ipsa facultas agendi refideat essentialiter penes uxorem, & quòd uxor de jure communi non prohibetur agere contra matrimonium, non solum contra extraneos, sed etiam contra maritum declinantem in facultatibus. *l. si constante, in princ. ff. de jur. dot. l. ubi adhuc. & l. in rebus. & ibi dd. C. eod.* Et denique quòd bona, de quibus agitur, propria sint Impetrantis, ita quòd litis causa ipsam directò respiciat & in illius persona fundetur, licentiaque & authorisatio, vel mariti, vel Magistratus non requiratur nisi ad succurrendum  
 6 fragilitati mulieris, & ad removendam exceptionem quæ vel ex parte mariti vel colligatoris obijci posset de jure conjugij: ad quam quidem exceptionem removendam, & conservandum statum judicij inchoati sufficit quandoque superveniens licentia & auctoritas mariti seu Magistratus, quoniam exceptio opposita non tangit radicem intentatæ actionis, sed tantum respicit exercitium & facultatem procedendi ulterius, donec causa exceptionis submoveatur per obtentam licentiam, quæ, (ut ipsi Rei satis fatentur in secundo Responsionis articulo) resolvitur in vim simplicis consensus qui ex intervallo interponi potest. Cum itaque decreto judicis plenè de omnibus litis circumstantiis informati agendi facultas permissa sit, nec ullum

damnum aut præjudicium pars adversa possit prætere, propter non exhibitam ab initio mariti procuracionem aut licentiam, Magistratus frustra adversarij agendi facultatem atque licentiam, quæ modum procedendi respicit, controvertere nituntur.

Quo d verò ad principale negotium attinet, Impetrans contendit ad liberationem à laudatione & approbatione testamenti materni cum his quæ insecuta sunt, & ut iis non obstantibus consequatur secundum tenorè pactorum dotalium inter parentes suos celebratorum, medietatem bonorum parentibus suis ex dote, & donatione propter nuptias quaesito- rum: & ut insuper adversarij condemnentur exhibere inventarium, rationem & reliqua bonorum per avum & aviam suam maternam relictorum, secundum ea quæ in libello seu cõclusionè judicialiter exhibita continentur, quod longiore habet indaginem & in plures articulos dispergitur.

PRIMÒ, an contractus antenuptialis, de quo agitur, fuerit irretractabilis; & Impetranti ex eo competierit jus adeò efficax & irrefragabile, quod materno testamento, seu alia dispositione mutari, adimi, aut subverti non potuerit.

SECUNDÒ, Si contractus ille antenuptialis fuerit irrevocabilis, quod jus, & quantum emolumenti Impetranti attribuat.

TERTIÒ,

**TERTIO**, An approbatio testamenti per Impetrantem facta cum insecutis, eam excludat à jure & emolumento quod ex dicto contractu antenuptiali consequi potest; ita ut neque directa actione, neque per nullitatis judicium, neque per restitutionem, neque per in factum actionem, neque alia via ad jus pristinum reverti possit.

**QUARTO**, An Rei conventi tanquam hæredes patris teneantur ad confectionem inventarij, redditionem rationum & reliquorum de bonis avi aviæq; maternæ propter tutelam & administrationem, quam pater litigantiū quoad bona prædicta habuisse prætenditur.

IN decisione primi articuli considerandus est tenor dicti contractus antenuptialis, qui ostendit bona utrinque illata in matrimonium non fuisse collata ab ipsius Impetrantis patre & matre, sed ab eorum parentibus, idque non simpliciter, sed sub certis conditionibus. Primò, ut soluto matrimonio absque liberis bona utrinque profecta revertentur ad ipsos stipulatores seu eorum hæredes; deinde si solveretur matrimonium extantibus liberis, quod bona dividerentur æqualiter inter liberos & conjugem coram publico Notario facta, de non contraveniendo aliquo dictis conditionibus. Ob quod non dubitatur, Impetranti (quæ sola ex dicto matrimonio supereit) jus irrefragabile ac in-

commutabile acquisitum esse, adempta matri illius omni facultate mutandi vel revocandi: licet enim contrahentes, qui hujusmodi pactum in contractu matrimonij apposuerunt, postea mutare voluntatem & pactum illud revocare possint, *Iacob. Alver. & Card. Alex. in c. filij, in tit. si de feudo su. contro.* ea ratione quòd pactum hujusmodi censeatur quædam dispositio à conjugibus facta supremi judicij dispositionem præveniens. & inde mutabilem naturam assumens: *l. si filia. §. Papinianus. ff. famul. hercisc. l. parentib. C. de inoff. testam.* & quòd quando alicui est jus quæsitum ex meo contractu facto cum alio, possim id jus mea pœnitentia revocare; *l. 3. & ibi Bart. ff. de serv. export. l. qui Roma. §. Flavius. & ibi Bart. & alij. ff. de verb. oblig.* tamen quoties ab aliis aliquid donatum est futuris conjugibus ea lege ut si solvatur matrimonium, res donata ad alium perveniat, non est liberum solis conjugibus donationis legem immutare in præjudiciū liberorum, quibus id jus quæsitum est ex provisione & pacto donatorum. *l. si post mortem. §. ult. ff. de bon. poss. contra tab. c. 1. & ibi dd. de succ. ff. feud.* Id quod post Præsidentem Everardi in scripturis Impetrantis citatum multis rationibus & auctoritatibus elegantissimè defendit & confirmat And. Tiraquell. *de jure primog. quest. 8. nu. 4. §. 5. & 6.* & extra dubium collocatur expressè statuto Antwerpienti adimentem conjugibus

gibus subvertendi aut murandi juris facultatem, ex hujusmodi contractu antenuptiali liberis acquisiti: quod solidius procedit in presenti negotio propter intervenientem publici Notarii stipulationem: *Franc. à Ripa conf. 64. nu. 8. Carol. Mol. in conf. ultimo.* & quia in ipso contractu antenuptiali futuri conjuges amplissimis verbis promiserunt in nullo contravenire pactis dicti matrimonij; ita ut dubium non sit matri Impetrantis adeptam fuisse facultatem mutandi aut revocandi dictum contractum, atque Impetranti ex eo competere efficax jus perveniendi ad æqualem divisionem bonorum cum parente superstite secundum tenorem dicti contractus antenuptialis, salva superstiti duntaxat prerogativa sua in bonis mobilibus, secundum statuta civitatis Antverpiensis, in verbis: **Behou-  
delijc dat de lanxle vende booz  
upt sal hebben zijn boozdeel in  
de haeffelijche goeden nae de-  
ser stadt rechten.** Quæ ratio nihil facit ad præcedentem æqualis divisionis prerogativam secundum statuta Antverpiensium superstiti competentem, quæ modica est, & non nisi unam rem ex vestibus, supellectile & similibus rebus respicit; adeo ut alia bona obligationi æqualis divisionis subiecta maneant, & Impetranti cessante impedimento dictæ approbationis efficaciter ad æqualem divisionem bonorum experti li-

ceat. Neque adversus prædicta suffragantur Reis ea quæ deducuntur in 36. & sequent. articulis Duplicæ, in quibus prætenditur verba secundi casus in dicto contractu antenuptiali comprehensa generalia esse, & improbatum pactum futuræ successionis continere, quandoquidem cum utraque clausula ex stipulatione Sebastiani Genis & Melchioris Charles sit apposta, utraque æqualiter accipienda est de eisdem bonis tunc in subsidium matrimonij collatis, quod indicat demonstrativum secundi casus. **Die goeden.** Et in dubio præsumitur, quia verba generalia quæ sequuntur dispositionem, restringuntur ad præcedentia, *Dec. conf. 396.* & præcedentia specialia restringunt clausulam sequentem: *Rom. conf. 92.* & qualitas seu conditio censetur repetita in sequenti, & una pars dispositionis declarat aliam, *l. cum quis ff. de condit. & demonstr. l. Seiz. §. Gaio, & ibi Bart. ff. de fund. instruct. Bart. Sosit. conf. 10. num. 24. cum seqq. parte 1.* nec debet clausula referri ad ea quæ ei non conveniunt, & ad quæ referri non potest, *l. si idem cum eodem. §. si. ff. de jurisd. om.* & ubi unum verbum potest determinare plura, ad ejus determinationem tantum trahitur quod determinari potest. *l. Plautius. ff. de auro & arg. legat. Bald. in 1. constit. Cod.* Et hoc generale est in omnibus dispositionibus, ut ea interpretatio sumatur per quam actus sustineatur & non pereat.

Xx

Neque

- 11** Neque aliquid facit sequens adjecta prerogativæ conservatio in mobilibus per clausulam **Behoudelijck**: quoniam clausula illa nō dissimilis est à clausula superioris casus in verbis: **Item is noch geconditioneert dat de lanx si levende** / &c. & convenit atque adaptari potest vestibus atque localibus (ut vocant) per parentes futurorum cōjugum in subsidium matrimonij datis & in dicto chirographo promissis. Ad quorum confirmationem advertendum est verba illa, **die goeden** / illimitatē esse posita absque expressione omnium, quæ tempore mortis reperirentur; ita ut commodē interpretationem præcedentibus (quæ propria erant stipulantiū) accommodari possint. Quinetiam si latius acciperetur clausula illa secundi casus, & de omnibus bonis (ut Rei prætendunt) generaliter intelligeretur, nihilo secius pactū à parentibus futurorum conjugum coram Notario publico interpositum valeret, & esset irrevocabile, non tanquam successio, sed provisio inter vivos facta in contractu matrimonij, quæ de cōsuetudine totius Galliæ atq; Germaniæ sustinetur, *As. in l. stipulatio hoc modo. ff. de verb. oblig. And. Tiraq. de jur. primog. quest. 6. num. 8. 9. 10. & seqq.* quamvis verius sit nō nisi de certis rebus & bonis à parentibus in matrimoniū collatis cōtēta dicti cōtractus intelligi, quibus conclusio Impetrantis quoque adaptata est.
- 12**

UNDE succedit secundi articuli discussio, quid scilicet juris & quantum emolumentum cessante revocatione dicti contractus & approbatione testamenti insecure. Impetranti ex dicto contractu antenuptiali possit competere. Ad cuius rei determinationem considerandum est constare ex chirographo quondam Sebastiani Genis & Melchioris Charles, ad quod in dicto contractu antenuptiali fit relatio, ex parte dicti Melchioris promissum fuisse redditum ducentorum florenorum annuū: ex parte verò dicti Sebastiani quadringentos florenos annuos, & quod nihilominus, ut constat ex proprio scripto, non solum dicti Melchioris, verum etiam Petri Charles, Sebastianus solverit bis mille & quadringentas libras Brabantia, quæ redditum sexcentorum florenorum cōficiunt; ita ut præter bona, quæ aliunde constante matrimonio obvenire potuerint, ex his quæ Sebastianus in subsidium matrimonij contulit Impetranti, pro sorte comperant trecenti annui, & hoc amplius interesse longissimi temporis postea decursi. Ex ducentis autem annuis à Melchiore Charles promissis centum annui, qui cum prædictis trecentis quadringētos annuos constituunt præter interusurium totius temporis à morte matris Impetrantis decursi. Id quod ad rationem simplicis redditus computatum, ad maximam (ut videtur) ascendit quantita-

quantitatem, & cessante dicto testamento ejusque approbatione Impetranti præstandum est secundum dictam conventionem antenuptialem, & quia dicti quadringenti annui probantur à Sebastiano, Melchiori, & Petro Charles verè numerati: Ducenti verò ex parte Melchioris promissi, etiam soluti præsumuntur propter lapsum temporis, vel si soluti non fuerint ex bonis dicti Melchioris, cui Petrus succellit, præstari debent; præsertim cum non probetur, imò nec allegetur aliqua bonorū dicti Melchioris, aut Petri insufficientia seu defectus, & denique deprehensio bonorum defectu, vel solutione nō facta Impetranti plenius juri competere ad omnia ex parte avi materni data propter contractum ex altera parte non impletum.

SUCCEdit igitur tertiæ quæstionis tractatio de vi & potestate dicti testamenti, ejusque approbatione. Et quod ad testamenti tenorem attinget, quia illum videre non contigit, nihil pronunciare possum, neque enim inter munimenta litis invenitur, neque aliquid de contentis, vel data ejus in prætenfa liberatione & approbatione Impetrantis continetur, & extractum prothocolli civitatis Antverpiensis de 7. Julij anno 1570. contra Impetrantem exhibitum rectè excussum: neque transactionem aliquam continet, neque positivam renunciationem juris ex

dicto cōtractu antenuptiali competentis, aut aliunde, ~~et~~ simplicem quietationem, qua declarat generaliter sibi satisfactum à patre suo, de omnibus bonis & successione sibi devolutis, & per testamentum matris sue sibi donatis, comprobando consequenter dictum testamentum in omnibus suis punctis & clausulis, liberandoque parentem suum mediantibus certis redditibus, his verbis: **Bekenden ende verlijden haer volcomelijc ende al vernuecht/ ghepaeyt/gecontenteert/ende wel voldaeen te zijne van den voozsepden Meester Peter Charles heuren Dadere/ van allen den goeden ende versterffenissen/ haesselijck ende erfelijck/ ruerende ende onruerende/hoedanich die wesen moghen/ die haer eenighsins toecomen/bleven/ verstozen/ende byden Testamente ende iustersten wille van Josvrouwe Catelijne Geens heurder Moeder wijlen ende des voozsepden Meester Peeters huysvrouwe was/ ghegheven ende ghemaecht zijn geweest: Ende welcke vooz. Testament sy comparante met heuren manne ende momboir vooz. in allen zijnen puncten ende Clausulen midts desen / laudeert ende approbeert / overmidts dien dat de vooz. Meester Peter haer daer aff van al tot al midts selkererenten die**

sp op den dach van heden met eenen anderē Schepenen brieve vooz ons ghepasseert / overghegheben heeft / deuchdelijck voldae / ghecontenteert ende betaelt / te vrede gestelt heeft / daer mede sp met heurē vooz / man ende momboir wel te vreden was / alsoo dat de vooz / Joffrouwe Barbara Charles met heuren vooz / Man ende Momboir den vooz / meester Peeter Charles zyne goeden ende nacomelinghen daer aff van als tot als claerlyck quijt scholt t'allen dagen. &c. Quæ verba prorsus vaga & generalia sunt, & simplicem liberationem continent solum eorum quæ ex testamento matris poterant competere, non relato tenore dicti testamenti, nec mentione facta scientiæ de contentis ejus, aut de dicto contractu antenuptiali, imò nec expressione reddituum illi assignatorum facta; adeò quod ex inspectione dictæ liberationis appareat rem processisse leviter absque ulla discussione negotij, neque visis neque cognitis contentis dicti testamenti aut contractus antenuptialis; & proinde neque actum neque cogitatum intelligitur de dimittendo jure ex dicto contractu antenuptiali competente: maxime quia liberatio illa & conjuncta approbatio principaliter & duntaxat interponitur super relictis ex dicto testamento. Ideoque neque ad dictum contractum antenuptia-

lem, neque ad alias successiones extendi potest: cum etiam generalis renunciatio ac transactio non extendatur, nisi ad ea de quibus fuit actum & cogitatum; adeò ut si per Aquilianam stipulationem, quæ omnino generalis est, fiat transactio, illa non porrigatur ad ignota, vel non cogitata: l. Aquiliana. cum seqq. & ibi dd. ff. de transact. & renunciatio, quantumvis generalis, non trahitur ad jus quod quis verisimiliter non cogitavit sibi competere. Præterea certum est non valere liberationem, renunciationem, aut transactionem de testamento, aut contractu non viso; l. de his, & ibi Bart. & dd. ff. de transact. Idem Bart. in l. 1. in fine prin. ff. quem test. ap. nisi tenor fuerit probatus per testes, vel Notarium, Paul. de Cast. in d. l. de his. aut constet & probetur transigenti seu renuncianti nota fuisse contenta testamenti vel contractus, aut nisi inserta sit renunciacioni clausula, *Inspectis & cognitis verbis testamenti*, & insuper remissa inveniatur omnia contenta in testamento, seu contractu. Bart. & alij in d. l. de his, in verbis: *Si transactio non intervenerit*, C. de erro. calcul. l. 1. & ibi gloss. & dd. C. sam. erci. quæ omnia in præsent negotio deficiunt, quandoquidem de contractu illo antenuptiali & jure inde competente Impetrans non fuit admonita, & ignorasse intelligitur, atque præsumitur ex hoc solo, quod non appareat tenore ejus fuisse ostensum tempore libera-



liberationis, aut quòd aliàs contenta ejus nota habuerit; cùm nec in ipsa liberatione illius aliqua mentio facta sit, nec clausula illa *Visis & cognitis verbis testamenti aut cõtractus*, inveniatur inserta, quamvis ea addita Impetranti non præjudicaret. Nam ut pulchrè scribit Alex. in *l. qui Roma. §. duo fratres. ff. de verb. oblig.* transactio aut renunciatio facta à muliere cum dicta clausula, nullius momenti est, uti etiam Angelum consuluisse refert idem Alex. & rectè. Nam præterquam ejusmodi generales renunciationes & clausulæ plerunque apponantur cum parva cognitione, & sæpissimè ex quadam consuetudine Notariorum magis quam quòd ita partes convenierint, *Cardin. Flor. conf. 220. Titius se obligavit, in fin.* mulier præsumitur fragilitate sexus hujusmodi clausulas non animadvertere, quod majorem probabilitatem habet in præsentis specie ob qualitatem personarum & detrimenti seu læsionis magnitudinem. Nam Impetrans & mulier, & minor 25. annis sunt & ob reverentiam patris non satis liberi judicij: pater verò propter transitum ad secunda vota, & liberos ex altero matrimonio susceptos, pro utilitate Impetrantis nullam sollicitudinem habuisse præsumitur, & ex dicto instrumento liberationis ostenditur. Et proinde cùm nec tenore dictæ liberationis, nec aliunde probetur Impetrantem scivisse contenta dicti contractus,

ignorantia præsumitur, præsertim in concursu tot circumstantiarum, & posteaquam Impetrans in *decimo articulo libelli sui, & 15. Replice* offerat jurejurando affirmare, quòd tempore dictæ liberationis habuerit dicti cõtractus ignorantiam: etenim probatur ignorantia juramento illius qui eam allegat, *c. si verò aliquis. de sent. excom.* præsertim cùm ignorantia allegatio est verisimilis, ut est in proposito propter circumstantias supradictas, & quia regulariter in muliere, rustico & similibus præsumitur & tolleratur error, atque ignorantia, præsertim in damno vitando. *l. ultim. & ibi ad. C. de jur. & sac. ignor.*

Ex quibus sequitur Impetrantem non prohiberi aut excludi à persecutione juris ex dicto contractu antenuptiali competentis, præsertim obtenta restitutione adversus dictam approbationem & apprehensionem assignati redditus imprudenter & inconsideratè factam, cùm jus illud ex contractu antenuptiali competens ignoraretur, potissimum propter enotinem læsionem quæ est in magno excessu, ob quam indulgeretur Impetranti vel rescissio, vel restitutio, etiamsi nominatim dicto contractui antenuptiali & juri inde competentis renunciasset, *l. in summa. vers. fin. autem. ff. de cond. instab. Dec. conf. 180. & 203.* & quia constitutum est non valere renunciationem per errorem factam. Error namque cùm consensum impediatur, ignorant

ranti non præjudicat: *d. l. in summa, & ibi Aug. idem Angel. conf. 94. cum lis & quest. col. 5. vers. pro hac parte.* neque hic ad impediendam rescissionem aut restitutionem considerari potest qualitas, aut persona parentis seu lapsus quinquennij ad restitutionem præfiniti. Et enim licet leges verent contra parentem vel patronum intentare actionem de dolo, *l. parens. ff. de obs. & liber. præst.* non denegant tamen actionem in factum, aut restitutionem, vel alia remedia, quæ temperatis verbis proponuntur. *l. si superstiti, & ibi gl. & dd. C. de dolo. l. si. §. fin autem. in verbis: In utroque casu in integrum restitutionis auxilio minime ei denegando. C. de bo. que lib.* Objectionem verò de temporis lapsu æquitas justitiæque causæ remouent, & tot tantæque circumstantiæ ignorantæ juris atque erroris concurrunt, ut absque præfinitione temporis Impetranti subueniendum sit: *l. si per errorem, ff. de jur. omn. jud. l. sub prætextu. 2. C. de transact.* Id quod per multas species & infinitis capitibus comprobat Joannes Mauriti. in tractat. suo de rest. in integr.

DESCENDENDO ad quartum articulum nihil operæ præcium est longam disputationem instituere propter clara munimenta & extracta prothocolli Antverpiensis ab Impetrante exhibita, quibus ostenditur à parente illius tutelam & administrationem in bonis avi & aviæ maternæ habitam gestamque fuisse: ideoque hæredes ejus,

& ad inventarij & ad rationum confectionem teneri, nec posse onus hoc rejicere in alium qui postea ex requisitione, voluntate, aut conniventia patris ad administrationem dictorum bonorum admissus fuit: præsertim cum in actis mihi exhibitis nihil inveni- rim per quod pater Impetrantis vel autoritate magistratus, vel consensu Impetrantis ab onere tutelæ & administrationis fuisset liberatus, ut plenè satis in Replica Impetrantis deductum est, ad quam prolixitatis vitandæ gratia sufficit remittere. Cæterum quia inter conjunctas personas, id est, fratres & sorores agitur, piè & ex utilitate utriusque partis domini Judices facerent, si æquabili ratione ad evitandum magnos sumptus processuum super inventarij & rationum confectione intercedendo litis materiam extingueret. Sub correctione omnium rectius judicantium.

## CONSILIUM XXXIII.

## SUMMARIUM.

I. *Materia tituli Cod. Quando Imperator inter pupillos, viduas, &c.*

CUM viduæ aliæque personæ miserabiles ex benigna juris utriusque Constitutione id privilegij habeant, quod extra provinciamne Pontificis quidè ab Imperatoris rescripto evocari possint: & re-

& rescriptum contra eas impetratum, non facta mentione de qualitate & conditione personarum habeatur surreptitium: *c. super literis. de rescriptis. l. unica. C. quando Imperator inter pupillos.* Nulla videtur iuris ratio quare domina Margareta ab Holden ad instantiam viduæ & tutorum liberorū quondam domini Philippi ab Hamael &c. ex his ditionibus ad urbem evocari debuerit, aut quare postulata Remissioni causæ non sit indulgendum, cum (uti in facto ponitur, & testimonio & fama totius populi promptè probari potest) eadem domina Margareta sit habitus & actu miserrima, vitam per omnia extrema ducens, utpotè quæ senio penitus est confecta ac fortunæ injuria, audacia & potentia adversariorum sic afflicta, ut exura bonis omnibus ex aliena miseratione sustentari debeat. Nā fructus dominij de Otheij per se sunt valde exigui & tenues, ita ut ad centum ducatos annuè non ascendant, ex quibus ipsa propter onera incumbētia & turbationem adversariorum, nihil, quod idoneum emolumentum habeat, recipit: & inter alia auger & intendit illius miseriam, nomen seu titulus familiæ & generis, dum propter inopiam ad illius splendorem & dignitatem se non potest componere, ac secundum dignitatem vivere.

Eo quæ magis indulgendum est Remissioni postulata, quòd

non agatur de ipso dominio & proprietate de Otheij (quod ipsum per se nō magnū est) sed de possessione quæ momentanea & parvi momenti judicatur, ac quòd perhorrescentia quæ ab adversariis prætenditur, manifestis indiciis atq; ipsa verisimilitudine coargui & confutari possit, & eo amplius probari avocatione causæ ab adversariis procuratam esse non alio cōsilio, quàm ut malis artibus Rei contra eos judicata executionem effugerent, & ut miserabilem personam, cujus res omnes cum ætate inclinant, rædio & magnitudine sumptuum conficerent, ut hæc omnia probabilius rationibus, si allegationi & propositioni ac probationi locus detur, ostendi & demonstrari poterit.

NE quæ potest hic in considerationem venire qualitas viduæ & pupillorum quæ ex adverso prætenditur. Nam quamquam adversarij habitu sint miserrabiles, id est, quòd conditio eorum possit esse causa movendæ misericordiæ, circumstantia tamen divitiarum & potentia in qua sunt, miserendi actum excludunt. Et præterea etiam data paritate miserationis, potior ratio haberi deberet prædictæ viduæ, quæ certat de damno vitando, & avocatione postulata impedienda, ne in miserabili conditione sua procul à finibus suis ad urbem Romanam litigatū venire teneatur. Salvo, &c.

CON-

## CONSILIUM XXXIV.

## SUMMARIUM.

1. *Natus aliquo loco fortuitò & in transitu, cuius loci censeatur originarius.*

**A**PUD Doctores controversum est, num qui fortuitò in aliquo loco nascitur, dum vel mater illac iter facit, vel ad tempus tantum ibi ob quamcunque causam futura est, mox, aut paulò post cessante causa, ob quam advenit, ad proprium domicilium reversura, ejus loci originarius civis dici debeat; plerisque contendentibus *Castr. Cum. Alex. Ioan. de Imo. Ias. in l. huiusmodi. §. legatum, de leg. 1. esse civem originarium, quia verum sit eum ibi natum esse; cum origo civem faciat. l. eos. C. de incol. lib. 10.* Frequentior tamen est asserētium *Panor. Fel. & aliorum in c. Rodolphus. de rescrip. Aliorum in d. §. legat. Barba. conf. 52. num. 1. vol. 2. Boërij decis. 13. num. 51. Siguorell. de homodeis. conf. 106. quæstio disputanda. Math. de afflic. decis. Neapol. 384.* opinio, non esse originarium civem; ita ut definitio originarij civis temperanda & restringenda sit, Nisi quis fortuitò, & matre transeunte ad alium locum, vel ad tempus aliquod subsistente, nullo constituto domicilio ibidem nascatur; *Barr. in l. filios. C. de munic. & orig. lib. 10. Panor. in d. c. Rodolphus num. 2.* quia scilicet non

censetur eo loco esse, quo quis temporis tantum causa est, *l. quasi-tum, in fi. de leg. 3. l. hæres absens. §. 4. de judic.* sed magis peregrinari; *l. ci-ves. C. de incol. lib. 10.* Ita ut respectu loci nativitatis appellatione alienigenæ contineri dicatur, qui casu extra locum domicilij parentum nascitur. *Domini. in c. 1. §. 1. num. 6. de usur. lib. 6.* Nemo sanè est, qui negat sic fortuitò alibi natum esse civem originarium ejus loci, ubi parentes domicilium habent, & unde profecta mater animo revertendi alio loco peperit. Naturalis enim illa parentum origo mutari non potest; ideoquæ etiam filius sequitur locum, ex quo pater ejus naturalem originem ducit, vel domicilium habet: *l. assumptæ. §. filius. ad munic. l. filius. C. de mun. & orig. cum naturalis causa accidentariæ præferenda sit, l. qui habet. §. 1. de tutel. & origo paterna cum domicilio præferenda est nudæ origini filij, quia paterna duobus vinculis constat: Siguorell. d. conf. 165. num. 19. Boërij d. decis. 13. nu. 36.* neque æquum est calamitatem, fortunam, aut necessitatē matris, quæ vel ob pestem, vel negotiationis, vel alterius negotij temporalis causa secedere debuit, obesse par-tui, jam tunc ante secessum in utero existenti. *§. sed si quis. Inst. de ingen.* Et qui in ea sunt sententia quod locus nativitatis originem etiam faciat, qualiscunque sit causa cur ibi mater pariat, conjunctionem duplicis originis constituunt, pa-ternæ,

ternæ, & propriæ; & tamen paternam, ob concursum naturalis originis ac domicilij, filio propriam quoque faciunt, & adferunt *Castr. & alij in d. §. legatum. exemplum de statuto Doctorum Bononiensium*, quo cætur, ut ad collegium non admittatur nisi originarius, hoc est, Bononiæ natus, dicentes sub eo statuto comprehendendum, qui ex parentibus Bononiensibus domicilium ibi foventibus, fortuito per peregrinationem aut aliam temporaneam absentiam matris quocunque loco extra Bononiam nascitur, *elegantè las. conf. 77. placet superscripta. vol. 3.* Imò producant ad eum, qui ob temporaneum officium, vel docendi munus conductus in alia civitate magistratui vel scholæ præest. *Castr. in d. §. legatum. num. 3.* Et exemplo esse potest sacri Evangelij historia, in qua Jesus Christus annunciante Angelo in Nazareth, (quo domicilium fovebat Maria & Joseph putativus pater) divinitus conceptus, natus tamen in Bethleem, interea quam Maria cum Joseph census gratia ibi erat, non Bethleemita, sed Nazarenus appellatus erat, *Math. cap. 2. in princ. & fin. Luca cap. 2. & Nazareth pro patria sua habuit; Math. cap. 13. in fin.* Ita ut in proposito patria sint esse verè civem originariū, & natum esse alibi ex parentibus originariis & incolis. *Felin. in d. c. Rodolphus. num. 14. in fin.*

## CONSILIUM XXXV.

## SUMMARIUM.

1. Mandati formam egredi non licet.
2. Restitutio in integrum ut obtineatur prætextu minoris ætatis, necesse est probare minorem ætatem & læsionem, sive incidenter sive principaliter postuletur restitutio.
3. Restitutio in integrum contra principalem impetrata non præjudicat tertio, cui interim jus quasitum est.

**T**AMETSI Impetrantes intentionem suam adversus Opponentem ex duplici capite fundare nitantur, nullitatis scilicet & restitutionis in integrum, exigua tamen, imò nulla prorsus est nullitatis probabilitas; sic ut ad eam confutandam supervacaneum foret laborem suscipere: maximè cum ipsi Impetrantes ad eam deducendam nulla idonea media seu argumēta deduxerint, omnem spem suam collocantes in restitutionis beneficio, præterquā quòd interdictionem urgeant, quæ Antonio van Houten facta est: sed cum debita seu obligationes, de quibus agitur, contractæ sint respectu utriusque Opponentis ante interdictionem perfectam, ut ex collatione datarum manifestè cōstat, nullum est periculum ne sequens interdictio nullitati subiciat obligationes præteritas, &

Y y quæ

quæ interdictionem illam præceſerunt, etiam ſi demus interdictionem efficaciſſe ſubſiſtere; nulloq; vitio laborare, quod tamē probabiliter contendunt Opponentēs.

ILLUD itaq; ſuper eſt duntaxat, ut oſtendamus, reſtitutionis beneficium ceſſare eo modo quo ab Impetrantibus deſideratum eſt: & percurrendo per omnia acta præſentis iudicii, quàm plurima occurrunt ex quibus beneficium illud reſtitutionis remouetur, & Impetrantibus denegari debeat. Primò, cùm Impetrantes facultatem & mandatum agendi ſolum obtinuerunt pro debitis poſt interdictionem contractis, quibus non continetur debitum, de quo agitur, cùm ante interdictionem contractum ſit etiam in perſona Collodij, cujus decimatertia Martij poſterior obligatio data eſt ante expeditam interdictionem, quæ eſt de vigefima Aprilis ſequentis anno quinquageſimo primo; ſic ut debitum, de quo nunc agitur, concludi nō poſſit cancellis mandati, quod pro debitis ſequentibus emanavit, & cujus formam Impetrantes ſervare tenentur, nullo neque addito, neque detracto. *cùm dilecta. de reſcriptis.*

DEINDE ut ceſſent hæ formulæ & mandati anguſtiæ, adhuc tamen non erit Impetrantibus expedita reſtitutio. Nam ut reſtitutio obrineatur ex capite minoris ætatis, ut Impetrantes prætendunt, neceſſe eſt deducere & pro-

bare minorem ætatem, *l. ſi minorem. C. de minorib.* ſive agendo, ſive excipiendo, & incidenter à minore poſtuletur reſtitutio; *Specular. de Actore. §. 1. ver. ergo actor.* & ultra minorem ætatem neceſſaria eſt læſionis probatio, *l. nam & poſtea. §. ſi minor. de jurejur. l. aut Prætor. §. nō ſolùm. de minorib. in verb. Si minor ſit, & ſe circumventum doceat.* quod utrunque hic deficit ex parte Impetrantium. Nam quod ad minorem ætatem attinet, ea non ſolùm non eſt probata, ſed in contrarium quàm plurima extant argumenta, ex quibus major ætas dicti Antonij oſtenditur, puta propria ipſius allegatio, & adminiſtratio præhabita cum ſequenti interdictione & privatione adminiſtrationis, quæ inutilis fuiſſet & ſupervacanea, ſi propter minorem ætatem tempore interdictionis Antonius adhuc fuiſſet in tutela, vel cura. Et quod ad læſionem attinet, nulla ſufficiens de ea adfertur probatio: & ſi quæ eſſet ex perſonarum qualitate & lubricis moribus Antonij, præſumptio; ea utiq; valde eſſet infirma, & convelletur per obligationē toties & ex intervallo iteratam, & propria eaq; geminata Impetrantiū confeſſione, qua ponunt & aſſerunt, debitum hoc profluere ex victu & computatione dicti Antonij: cui allegationi accedens oblatio Lodovici de Nouffille offerentis ſe paratum ad iterationem calculi, & majorem liquidationem debiti, omnem dubitationem

nem

nem & lésionis consideratione removere videtur, ita ut Impetrantes amplius desiderare nō possint.

DENIQUE cū prior obligatio, quam Nouffille acceperat per solutionem seu satisfactionem Collodij, ipso jure extincta sit, & ex nova causa velut ex negotio gesto Anthonius Collodio se obstrinxit, solaque Collodij obligatio nunc extet, perperam Impetrantes veterem obligationem impugnant, & prioris causæ injustitiam urgent, quæ nunc resoluta est nova debiti causa constituta, ex negotio gesto & satisfactione per Collodium procurata ad utilitatem Antonij; sic ut quamvis injusta fuisset prima obligatio respectu Nouffille, justa tamen censi debeat nova causa ex satisfactione Collodij cum voluntate Antonij inducta; maximè cū Collodius de fraude & machinatione, si quæ fuerit in Nouffille, non participaverit: quæ consideratio tantarum est virium, ut tamen si justum sit indulgeri restitutionem adversus principalem, à quo minor est læsus; ea tamen restitutio non porrigatur ad jura tertio interim quesita ex alio contractu, vel causa extrinseca, ut est in proposito; *Jacob. de Beluifo, quem referunt & sequuntur Bald. Alver. & Praposit. in c. hic finitur lex. Ludov. Ro. & las. in l. sed si hac. §. sed & si per penam, de in jus vocando. maximè quando primus est solvendo: l. in causam, in fin. cum l. seq. de minor. & ita*

existimavimus Impetrantes intentioni suæ non satisfecisse, ac consequenter adversus eos pronuntiandum esse. Salvo meliore judicio clarissimorum dominorum Judicum.

## CONSILIUM XXXVI.

## SUMMARIUM.

1. *Equus scholari locatus si incommodi aliquid accipiat, hoc non imputatur scholari si culpa absit, etiam si aliqua imperitia aut omisio diligentis cura arguatur.*

INIUSTA retractandaque est sententia magnifici domini Rectoris, per quam 12. Augusti præsentis anni 69. originale Reum nunc appellantem condemnavit ad æstimationem equi controversi unà cum expensis litis prioris instantiæ. Etenim cū constet dictū equum etiam secundum propriam allegationem, positionem & depositionem testium ab eo productorum, interiisse ex lethali vulnere, quod illi inflictum erat; in causam & authorem vulneris inquirendum est, quem constat fuisse famulum hospitij ad intersignium Speculi in oppido Leewenti, ut ex propria ipsius famuli, necnon Leonardi van Ortenburch hospitii & Jasparris Reynem fabri ferrarii depositione & testificatione intelligitur. Ob quod originalis actor famulum dicti hospitij con-



venire debuit, non appellan-tem, qui nec vulnus intulit, nec aliquam culpam admisit ordinatam ad casum qui accidit. *l. non omne. ff. de statu liberis. Salic. in l. si ut certo. §. sed interdum. ff. commodati.* Nam quod de itinere celerius confecto obijcitur, à causa dicti vulneris remotum est, cum illud inflictum sit non ad incitandum celeriorē equi cursum in itinere; sed cum more consueto & melioris tractationis gratia ex stabulo educeretur ad aquam ut biberet, absente & ignorante appellante, qui excusari debet si secundum ea, quæ solent fieri, equum illum adductum ad hospitium permiserit curationi & tractationi hospitis ac sui stabularij: præsertim cum agatur de equo conductio, pro cuius usu merces datur seu promittitur, §. *qui pro usu. Instit. de locatione & condu.* & de scholari conductore, qui præsumitur equitandi imperitus. Hæc enim efficiunt ut non exactissima diligentia, sed ea, quam cōductor suis rebus adhibere solet, exigatur; & si equus incommodum aliquod acceperit, vel ex imperitia equitandi, vel alio modo, sibi imputari debet locator, ut in terminis scribit & decidit Salicetus, in *l. quod Nerva, num. 14. ff. de positi.* monetque eos qui commodant vel locant equos suos scholasticis, de incommodo, si quod fortē sequatur, sibi imputando. Quæ cum ita se habeant, nihil est quod appellans vereri debeat periculum equi,

quem cum locator sine sufficienti munitione pedum adversus glaciem emisisset, acutis ferramentis instrui curavit, nullamque causam dedit dicti vulneris, quæ illi ad culpam imputari possit: quam tamen ad condemnationem ejus necessarium fuisset concurrere, nec potuisset sufficere quævis culpa ex mora vel festinatione, aut quavis alia occasione cōtracta, sed oportuisset culpam esse ordinatam ad dictum casum, & ipsius vulneris illationem secutam esse ex illa culpa, velut causa sua immediata, quale nihil hinc est. Ideoque mutato calculo condemnandi, appellans in hac secunda instantia absolvendus est, condemnato adversario in expensis tam hujus quam prioris instantiæ, quatenus post publicata & deducta testimonia factæ sunt: salva eidem adversario seu appellato sua actione adversus dictum famulum seu stabularium ejusve magistrum & hospitem Speculi, qui pro familia sua & his quorum ministerio utitur, respondere tenetur. Salvo meliori iudicio.

## CONSILIUM XXXVII.

## SUMMARIUM.

- I. *Succesor in Prælatūra non tenetur solvere prædecessoris debita, nisi quatenus in utilitatem monasterij versa.*

**F**ACTI species, quæ proponitur, est hæc: Vacante monasterio & Abbacia A. quidam Religiosus alterius monasterij ejusdem ordinis, Provinciæ & Regionis, per dominam Gubernatricem nominatus & designatus fuit ejusdem monasterij & Abbatix prælatus, gratis, ut oportet. Cæterum alius quidam B. ejusdem monasterij & ordinis, cum illo designato & nominato A. per amicos suos tantum effecit, ut ipse postposito ipso A. ad eandem prælaturam perveniret, promittendo aliquod donum duorum milium & quadringentorum Carolinorum. Quam pecuniam cum totam non haberet, accepit ab aliquo C. partem illius sub annuo redditu, & etiam fidejussore dato, factusque prælatus, ad asscurandum suum creditorem C. convocavit quinque Religiosos sui monasterij, pluribus tamen de Capitulo existentibus præsentibus seu residentibus in monasterio, sed non vocatis; ex quibus vocatis & adhibitis plerique aut in sacris non exstebant, aut illic professi non erant, aut vocem in Capitulo non habebant, & confecto cum iis instrumento obligationis & recognitionis, confessi sunt dictam pecuniam se accepisse ad solvendum æs alienum, quo dictum eorum monasterium erat gravatum, eandemque in dissolutionem ejusdem conversam esse addita promissione de annuo reddito eo nomine solvendo, impe-

trandoque consensu Papæ. Ipse verò Prælatus, hujus rei parum memor, alio tempore manu sua propria, & ad suam exonerationem declaravit, se dictam pecuniam non accepisse, ut ea mediante ad Prælaturam perveniret, sed ad majus malum evitandum, ut scilicet ea ratione extranei quidam ad eam adspirantes excluderentur, & sic privilegia patriæ de non admitendis exteris conservarentur, cujus cōtrarium tamen patet ex prædictis, eo quod dictus A. intraneus, jam ante eum fuerat nominatus: mortuo autem dicto B. dictus A. iterum nominatus ad eandem Prælaturam pervenit, eoque facto à prædicto C. creditore, ad solutionem acceptæ pecuniæ, solutione decursu redditus urgetur.

**Q**UÆRITUR igitur, An prædictus modernus Prælatus aliqua exceptione adversus prædictum creditorem C. tutus sit, nec ne?

**E**T sanè visis & diligenter examinatis prædicti facti circumstantiis, arbitramur nos infra scripti quod sic: quia successor in prælatura non tenetur solvere debita per prædecessorem suum contracta, nisi ea quæ sunt contracta pro utilitate & c. i. de solut. necessitate suæ Ecclesiæ. Manifestum est autem hanc pecuniam non esse conversam in utilitatem Prælaturæ, sed Prælati, eamque illicitam & à jure improbatam: quia Regibus aut Principibus aliquid dare, aut promittere, ut per eorum nomi-

nationem & consensum Prælatu-  
ra obtineatur, planè est simoniacum:  
& si quid eo nomine datum est,  
repeti posset, ut est textus elegans  
*in c. de hoc autem. & ibi gl. in simonia,*  
*ubi not. Pan. num. 6.* quod pecunia  
data à tali Prælato, est monasterio  
restituenda, & quòd confesso-  
res Principum vel ignorantia ducti,  
vel, ut applaudant Principibus,  
negligunt eos ad pœnitentiam in-  
ducere, &, quod multi tales sunt  
hodie in Orbe, de quorum salute  
dissidendum est cum in tali pecca-  
to decedant. Et ideo rectè decidi-  
tur, *in c. talia, vij. quest. iij.* quod ex  
tali promissione nulla obligatio  
nascitur.

NEQUE mover in contrarium,  
quòd prædictus Abbas & Religiosi  
recognoverunt istam pecuniam  
esse conversam in utilitatem mo-  
nasterij, & in dissolutionem debi-  
torum ejusdem. Quia cum in casu  
præmisso præsupponatur, quòd eà  
causa falsa est, & quòd ipse Abbas  
postea declaravit, se eam ideo  
Principi dedisse, ut exterus aliquis  
excluderetur, quæ causa etiam ve-  
ra non erat, cum prædictus A. prius  
nominatus intraneus foret; utique  
clarum est, falsam istam causam  
& promissionem & confessionem  
istiusmodi vitare. *secundum Bald. ad*  
*Rubric. C. de constit. pec.* Quo etiam  
cessante, si non statuer confessioni  
Abbatis & Conventus, quòd pe-  
cunia mutuo accepta, est conversa  
in utilitatem monasterij, nisi pro-  
betur, *ut not. Sofin. conf. xxix. incip.*

*Viso quodam instrumento. num. xij. xiiij.*  
*& xv. lib. 1.* multo minus standum  
est confessioni eorum, qui de jure  
ipsum monasterium, ut mox dice-  
tur, non repræsentant, & ubi tam  
ex confessione contraria ipsius  
Prælati, quàm ex aliis de contraria  
potest apparere.

Ex quo consequitur quòd ipse  
C. creditor, qui præfato Prælato  
seu monasterio pecuniam istam  
dedit, deberet probare eandem in  
utilitatem, aut necessitatem ejus-  
dem monasterij esse conversam.  
*c. non licet. de reb. eccl. non alien. Guido*  
*Papæ decis. elj. Barbatius conf. xl. lib. 1.*  
Tres enim sunt casus, in quibus  
creditor tenetur probare pecuniã  
in utilitatem Ecclesiæ esse conver-  
sam. *secundum Rebuffum in tract. de*  
*reb. eccl. non alien. num. 39.* Primus  
est, quando res Ecclesiæ vendun-  
tur pro debito: Secundus est in  
deposito: *c. 1. de depos.* Tertius est  
in mutuo facto Ecclesiæ, quod nõ  
potest repeti, nisi is qui mutuavit,  
probet versum in Ecclesiæ utilita-  
tem, *c. quod quibusdam. de fidejussor.*  
nec sufficit confessio Prælati &  
Conventus: *Sofin. d. loco & conf. xv.*  
*lij. & xij. & Calderin. conf. vij. tit. de*  
*probat.* multo minus igitur actio-  
nem habet, si scivit causam istam,  
in quam impensa fuit pecunia, le-  
gitimam non esse, de quo in casu  
non proponitur.

ACCEDIT etiam ad hæc, quòd  
etiã si causa fuisset legitima, prout  
non; tamen non fuerunt adhibi-  
tæ solennitates de jure requiritæ,  
etiam

etiam in reddituum annuorum constitutionibus: *in c. 1. & 2. de reb. eccl. non alien. & xij. q. ij. per totum. & qua notat Sotin. d. consil. xxix.* quia debet interesse major pars eorum, qui sunt de capitulo, & maximè qui præsentes sunt, & etiam hi qui non longè distant, vocandi sunt, *secundum Rebuffum d. loco num. 76. cum seqq.* non hi, qui non sunt de Capitulo; debetque præcedere tractatus & cognitio, in quibus omnibus hic peccatum esse, ex proposita facti specie evidenter intelligimus; sic ut etiamsi legitima causa accipiendæ pecuniæ subsuisset, non tamen ex instrumento ita simpliciter, & non servatis solennibus confectio, agi posset.

Et quemadmodum prædictus Abbas & Religiosi, se ex prædicta causa obligare non potuerunt, ita etiam inanis fuit eorum promissio, quod consensum sedis Apostolicæ desuper impetrarent; & ea quæ à solo Principe aut Pontifice impetrantur, censentur de jure esse impossibilia, eorumque promissio non obligat: *l. apud Iulianum. §. ultim. cum l. seqq. ff. ad Senat. Trebell. & ibi doct. & Tiraquell. de retract. §. xxxij. gl. unic. nu. lvi.* maximè quidem, si ea difficulter impetrari solent, ut sanè nulla hic est apparentia, quod sedes Apostolica debitum ex tam infami causa contractum approbaret. Meliore iudicio semper salvo.

## CONSILIUM XXXVIII.

## SUMMARIUM.

1. *Hæredes tutorum & curatorum quantum pupillis & adultis obligentur.*
2. *Contutori, qui tutelam non gessit, competit ordinis beneficium; ita ut onerari non debeat, nisi eo prius excusso qui administrationem habuit.*
3. *Tutor mandans tutelam alteri gerendam, potest actione tutelæ conveniri.*
4. *Inventarium, quod exhibetur, debet solenniter esse confectum, cum clara omnium specificatione.*
5. *In rationibus omnia debent singulatim, clarè & explicate exprimi.*
6. *Minoris creditor à tutela & curatione prohibetur; & si tutelam susceperit, actionis jacturam sustinet, si debitum subiecit.*
7. *Pæna legum sunt observanda, nisi specialiter probetur aliqua per statutum vel consuetudinem mutata.*

**I**N causâ vertente indecisa coram magnifico illustratu pupillari Antverpiæ, per & inter tutores Joannæ Ferrer Actores ex una, & hæredes seu successores quondam Joannis Moys Reos conventos ex altera, multiplex & per varios articulos disputabilis se offert materia, in qua ut distinctius, certius, solidiusque procedatur, sequentia

sequentia capita, quibus universus status causæ contineri videtur, breviter non excedendo, nec vagando per amphiactus, examinabimus, discutiemus, ac resolvemus; subinde nos ad scripturas Salvationum per Actores exhibitas referentes, in quibus tota res dilucidè deducta est, ita ut non tam aliquid addituri simus, quàm quæ ibi satis latè exposita sunt, comprobaturi, & paucis in memoriam iudicibus revocaturi.

PRIMÒ, An Rei conventi tantquam successores dicti Johannis Moys propter tutelam administratam rectè in solidum conveniantur.

SECUNDÒ, Ad quid teneantur, & in quo condemnari debeant Rei in hoc iudicio.

TERTIÒ, Anne debitum à Reis conventis prætersum sit amissum ex constitutione *Authen. minoris. C. qui dare tutores vel curat. poss.*

QUANTUM ad priorem articulum pertinet, manifesti jûris est non solum tutores & curatores, sed etiam hæredes eorum pupillis & adultis obligari, & actione tutelæ vel utriusque negotiorû gestorum conveniri posse. *l. tutela. C. arbit. tut.* Quod etsi satis notum esset ex regula generali, quæ dictat ex contractibus vel quasi (quales sunt tutorum & curatorum §. 1. & 2. *Institur. de obli. quæ quasi ex contract.*) venientes actiones in hæredes dari, *l. ex contractibus. de act. & oblig. ta-*

mèn adhuc peculiaris de eo extat titulus, *C. de hæred. tut. vel cur.* in quo inter cætera traditum est, in *l. 2. & in l. ultim.* hæredes eorum, qui tutelam vel curam administraverunt, si quid ad eos ex re pupilli pervenit, restituere cogi; in eo etiam quod tutor vel curator administrare debuit, nec administravit, rationem reddere eos debere. Unde nihil ambigendum est, quin Rei conventi, quos constat esse successores dicti Moys, pro universa tutela rectè conveniantur, si demonstrari possit ipsum solum tutelæ administrationem habuisse: quod ipsi negare videntur, dum prætendunt præfatum Moys habuisse contutorem, & præterea multa administrata fuisse per Nicasium Rosi ex jussu arbitrioque viduæ Dismæ Ferrer, de quibus omnibus quid rei sit, vel non sit, videndum est.

ET sanè licet Rei conventi his allegationibus multum insistant, revera tamen omni juris fundamento destituuntur, æneraq; sunt diffugia, quibus rectis iudicantiû animis tenebras atque caliginem offundere conantur, quemadmodum in Salvationibus (*art. 9. usque ad 20.*) dilucidè ab Actoribus demonstratum est. Nam apertissimè constat, omnia ex arbitrio solius Moys gesta administrataq; fuisse; non solum posteaquam tutor fuit constitutus, nulloq; rite confecto Inventario, sed etiam antequam tutelam susciperet. Extant enim claræ

claræ probationes, quibus ostenditur, quod mox post mortem Disinæ Ferrer bonis illius se ingesserit, eaq; consignavit, resignavit, distraxit, atque tractavit pro suo arbitrio: & inter multa alia factis dilucidè hæc probantur ex illo Inventario jussu illius per Anthonium de Maele anno 1545. die 30. Aprilis conscripto in principio. Et de hac administratione post tutelam susceptam evidentius constat per receptionem, exactionem, & distractionem rerum in hæreditate repertarum, quam ipse habuit partim per se, partim per Nicasium Rols, cujus opera ipse uti solet, & quem ipse ad hoc substituerat, ut indicant rationum & computationum à dicto Nicasio factarum codices, quos ipse Moys recepit, dispunxit, & apostillavit; ita ut ordo & sequela rei gestæ, tota que administratio plenè convincant, ipsum omnia administrasse. Idque (ne in re aperta diutius laboremus) evidentissimè ostédunt propria confessio, & indemnitis promissio, ab illo viduæ dicti Disinæ facta, & propria illius manu conscripta, in qua propria voce dilucidè proficitur bona defuncti Disinæ à se apprehensa administrataque esse in qualitate tutoris, his verbis: **Maer is het voozsz. sterffhups by my ghevoozdert ende gheadministreert gheweest als Mombaer vanden achterghelaten wettigen kinde/ &c.** quæ propria tutoris con-

fessio rem omninò constituit *l. generaliter. C. de non numerata pecun.* extra dubium, efficique ne quicquam possit viduæ imputari, quam fatetur ipse Moys sua scriptura nudum nomen accommodasse plerisque; quæ ante susceptam tutelam gesta fuerunt, & revera ab omni apprehensione abstinuisset, ibi, **Bekennende also dat de voozsz. sepde Weduwe het voozsz. sterffhups niet en heeft geaccepteert oft aenveert gehad.** Cui accedit quod ipsa indemnitate promissio in fine ejusdem scripturæ viduæ facta, sufficiens sit, ad transferendum omne incommodum à vidua in Reos convenfos, etiam si ipsa alioqui quid hæditarium attigisset.

Et quemadmodum Rei conventi onus hoc reddendæ rationis tutelæ à se rejicere non possunt, in prædictam viduam, ita quoq; nec contutor datus, qui nihil ex rebus pupillaribus attigit, quandiu Rei conventi solvendo sunt, eo nomine prægravari debet; *l. etsi scisses. C. de administ. tutor.* rectèque ipse contutor actoris personam hoc loco sustinet, ut successores ejus, qui administravit, pro pupillæ indemnitate & sua exoneratione ad satisfaciendū actioni tutelæ compellat. Nam quanvis inter plures tutores gestione unius mutuum periculum non finiat, *l. pater. C. de hæred. tut. l. cum interdicta. C. arbit. tutela. l. 1. 2. & 3. C. de dividenda tut.* competit tamen ordinis beneficium

cium ei qui non gessit; ita ut onerari non debeat nisi eo prius excusso, qui administrationem habuit. *l. 3. §. 1. de administ. tut. l. 1. §. nunc tractemus ff. de tut. & ratio. distrah. dd. in l. 1. C. de transact. l. 1. & 2. C. quo ord. quisque conveniri debeat.* Cui etiam addi potest quod duabus sententiis Magistratus pupillaris, quarum in *Salvatione art. 16. & 18.* fit mentio, Rei conventi ab hac allegatione exclusi sunt.

**P R Æ T E R E A** cum fateatur Moys in dicta scriptura sua se administrasse, appareatque eo amplius ex rationibus per Nicasium Rofe Joanni Moys redditis, & ab eo receptis, annoratis, & apostillatis, *In princ. computus vacationum suarum, ibi. Obtemperant à l'ordinance & rescription de monsieur Iean Moys.* quòd quicquid Nicasius gessit, hoc processisse ex mādato ipsius Joannis Moys, juris ratio expostulat, ut Rei conventi eo nomine teneantur non minus quàm si ipse Moys per se administrasset. Nam quoties tutor mandat tutelam vel negotia tutelæ gerenda alteri, isque ea gerat, locus est tutelæ actioni adversus tutorem mandantem: gessisse enim videtur, & qui per aliū gessit. *l. ita autem. §. gessisse. ff. de administ. tut.*

**R E L I N Q U I T U R** itaque onus & administrationem tutelæ per dictum Moys in solidum habitam gestamque fuisse, ac Reos conventos, nunc illius hæredes & successores, eo nomine teneri, obligari & conveniri posse.

**A D** quid autē teneantur (quod ad secundi articuli discussionem pertinet) nunc videamus. Et certè dubium nō est quin jure cogi possint ad exhibitionem Inventarij solenniter confecti, necnon rationum redditionem ac reliquorum restitutionem, de omnibus bonis in hæreditate repertis, & per tutorem administratis vel culpa neglectis. Nam certissimi juris est, alienæ administrationi se immiscētes rationum reliquorumque restitutioni esse obnoxios. Nam si ve ut tutores, si ve ut curatores, si ve ut negotiorum gestores, administraverint, rationem reddere, ac reliqua, si quæ sunt, reddere tenentur. *l. 1. §. rationes. ff. de adendo. l. 2. ff. ubi pupill. educ. debeat. l. rationes. C. de administ. tut. Bart. Soffin. consil. 2. lib. 1.* Et sicuti ipse tutor, curator aut administrator rationem reddere cogitur, ita & hæres seu successor ejusque ad id astringitur. *l. 1. §. hac autem. de neg. gest. l. omnes tutores. & l. tutela. C. arbitr. tutel. l. si quis presbiter, in fi. C. de episcop. & clericis.*

**E T** in hac Inventarij & rationum exhibitione multa requiruntur. Etenim Inventarium quod exhibetur, debet esse solenniter confectum cum clara omnium specificatione; ita ut apparere possit de rerum quidditate, qualitate & quantitate. *Barr. in l. Tutor qui reperi-torium. ff. de administ. tut. l. tutores. C. eo.* Estque Inventarij confectio actus separatus à rationum descriptione, exhibitione, & redditione,



rione, utpotè in qua non fit tam  
 specificatio descriptioque singu-  
 lorum corporum in hæreditate re-  
 pertorum, quàm fructuum inde  
 receptorum & pecuniarum, quæ  
 inde redactæ & expensæ sunt. *l. 1. §. officio. ff. de tut. & rat. distrab. Bald. pulch. conf. 252. ad evidentiam, lib. 3.*  
 Nec sufficit verbis aut in folle ge-  
 neraliter rationes reddere, aut  
 obscurum, imperfectum, captio-  
 sum, aut defectibus scatentem li-  
 brum (uti à Reis conventis factum  
 est) exhibere, *Angel. conf. 277. lib. 2. alimentavit. Ro. conf. 128. quoad præ-*  
 5 *rium.* sed necesse est in rationibus  
 omnia singulatim, clarè & expli-  
 catè describi & exprimi tam in re-  
 ceptis quàm in expensis & in capi-  
 tulis ab eis dependentibus: ad hoc  
 enim ædi & legi debet ratio, ut fiat  
 per singula particularis percun-  
 ratio & computatio, ut possit cõ-  
 stare rectè an non rectè omnia re-  
 ferantur. *l. cum servus. de condit. & demonst.* Nam cum ita per singula  
 fit declaratio & computatio, fa-  
 cilè veritas aut falsitas deprehendi  
 potest, non quando generaliter &  
 sub involucrio.

Ex quibus manifestè sequitur,  
 non valere Inventarium à Reis ex-  
 hibitum, utpotè quod prorsus est  
 imperfectum, captiosum, obscu-  
 rum, nihilnili quædam reliqua &  
 defectuosa nomina continens,  
 absque omniũ rerum repertarum,  
 & pecuniarum inde redactarum  
 specificatione & clara descriptione;  
*secundum Bart. in d. l. tutor. qui re-*

*pertorium, & Angelum d. conf. 277. &*  
 ut tota Inventarij & rationum ex-  
 hibitio, de qua agitur, est insuffi-  
 ciens, ita maximè improbanda &  
 inadmissibilis est illa generalis al-  
 legatio, qua Rei conventi contem-  
 dunt pecunias, quas constat & ab  
 Actoribus probatum est partim in  
 hæreditate repertas, partim per  
 exactionem nominum seu debito-  
 rum, aut venditionem bonorum  
 postea redactas, esse expensas dis-  
 solutioni æris alieni, absque clara  
 specificatione creditorum, qui-  
 bus pecuniæ illæ essent erogatæ.  
 Etenim non sufficit in genere com-  
 plecti, tantum receptum, tantum  
 expensum, sed debet ratio nomi-  
 natim complecti à quo receptum,  
 cui datum, & quando, & ex qua  
 causa, & qua die. *Bart. & Ioan. de*  
*Plat. in l. competimus. C. de naviculariis,*  
*lib. x. l. apparitores. C. de exactor. tributor. l. neminem. C. de suscepto. &*  
*areariis, lib. x.* Et proinde Reis con-  
 ventis cum nullam specificatio-  
 nem faciant debitorum, in quo-  
 rum dissolutionem pecunias ex-  
 pensas asserunt, nulla fides est ad-  
 hibenda, ac tenentur omnia bona,  
 res & pecunias in hæreditate re-  
 pertas, & per Actores probatas,  
 non solum in statum, Inventarium  
 & rationes referre, sed & restituere  
 cum usuris pupillaribus: quoniam  
 propter hanc exhibitionem im-  
 perfecti & vitiosi status rationum  
 cogi possunt ad earum emenda-  
 tionem, correctionem & amplia-  
 tionem; sed eo amplius rectè con-

tendi potuisset ad earum rejectionem, ac postulari ut liceret jurare in litem, contra reos non solum ob defuncti, sed & ob proprium dolum & culpam, in exhibendis rationibus & munimentis ad illas pertinentibus commissam. *l. 1. & l. alio. C. de in litem jurando. l. 1. C. de hered. tuto.* Quod cum hic factum non inveniatur ab actoribus, qui solam suppletionem, quæ Reis est levior, elegerunt, dubium non est quin id ipsum Rei conventi facere teneantur, ac de omnibus, quæ in hæreditate fuisse, ab Actoribus in suis contradictionibus & aliis scripturis posterioribus probatum est, specificationem ac claram rationem exhibere & reddere. Nam hoc proprium est in rationū causis, ut absque scrupulo defectus, qui reperiuntur, suppleri debeant: cui suppletioni & ampliationi jura usque adeo favent, ut etiam post redditas & conclusas rationes peti possit, ut iterum computetur, error detegatur, ac quod postea emerfit ascribatur: *l. unica. C. de errore calculi.* maximè si liber exhibitus inveniatur imperfectus & obscurus, & ratio reddita inveniatur defectibus scatens & adulterina. *Bart. in l. instar. C. de jure fisci. lib. x. l. calculi erroris, de administr. rerum ad civitat. pertinent.* Et frivolum est quod Rei prætendunt, multa in contradictionibus Actorum comprehensa esse, quæ nunquam per quondam Joannem Moys recepta sunt, quia non solum gestionis, sed

etiam cessationis & negligentiae ratio reddenda est. *d. l. 1. C. de hered. tut. l. 1. l. quidam decedens. §. ult. l. qui jussus. de administr. tut. de quo latius in Salvationib. articul. 27. & seq.*

DEBENT itaque Rei conventi secundum petitionem agentium supplere omissa in suis rationibus, & suppleta jure reliquorum restituere, & ad utrumque condemnari debent secundum petitionem agentium propositam in actis ultima Februarij anno 51. in cujus supplementum rationes, de quibus agitur, sunt exhibitæ. Id quod eo proclivius hic dicendum est, quod petitio illa reliquorum iterata sit in Replicæ scriptura; & præterea quod ex natura rei subiectæ veniat, cum pars & sequela sit redditionis rationum: *l. si cui libertas. ff. de condit. & demonstr.* & denique sic certa est futura sententia, ac totam cōtroversiam perimens, qui fructus est rei judicatæ, ad quem judici maxime enitendum est. & hæc de secundo articulo.

NUNC succedit tertij articuli tractatio, in quo illud quaeritur, *In Salvationib. art. 41. & sequentib.* An ex reliquis ratione tutelæ debitis, debitum à Reis prætensum detrahi aut deduci debeat. Et breviter videtur illius debiti nullam hic habendam esse rationem, duplici ratione potissimum. Primò, quia ut maximè fateamur constare de aliquo debito, quod tamen non est extra cōtroversiam, tamen præsumi debet esse solutū aut amissum, propterea

propterea quod neque in priore descriptione bonorum per Antonium van Maele facta ante tutelam, neque in eo Inventario, quo postea scilicet 20. Junij anno 1545. alia descriptio facta est, omnium bonorum & actionum tam activarum quam passivarum, ut in principio ejusdem Inventarij prærenditur, *in verb.* **Inventaris van alle de goeden / schulden / ende wederschulden /** &c. ulla hujus debiti mentio facta invenitur: tutor enim hæres, & similes mox Inventarium omnium rerum conficere tenentur, d. l. tutor qui reparatorium, & ibi Bart. & alij, l. scimus. C. de jure deliberand. in quo se quicumque inscribere, aut inserere omiserint, vel præterierint, ad illius supplementationem postea non admittuntur: præsertim si tale sit, cujus scientiam tempore confecti Inventarij habuerunt. Bart. in l. re scriptum. ff. de his. quibus ut indig. Salic. & alij in l. scimus. C. de jure deliberandi. Deinde si quæ adversus hanc omissionem exculatio competeret, nihilominus tamen propter susceptam, imò ultrò affectatam & invasam tutelam à Joanne Moys, cum esset, uti prærenditur, creditor pupillæ, in magna quantitate creditum præensum esset amissum.

6 N A M minoris creditor, à tutela & curatione prohibetur, *Authen. minoris. C. qui dare tuto possunt.* usque adeò, ut actionis sustineat jacturam qui suscipit tutelam pupilli

debitoris, nulla in suscipienda tutela aut inventario, quod sit ab initio, mentione facta apud judicem de debito, secundum novissimam Constitutionem, *in d. Authen. minoris.* qua non aliter jus crediti servatur, quam si tutor ab initio coram judice in suscipienda tutela debitum alleget: & ita in terminis respondit Bald. *conf. 308. utrum possit dari curator. lib. 1.* Et est hæc res usque adeò clara & latè deducta in scripturis agentium, ut supervacaneum sit diutius illius rei tractationi immorari: unum tantum illud adjiciemus, absurdum & cū impietate conjunctum esse, quod adversarij prætendunt pœnas legales hodie ab usu recessisse, atque de consuetudine aliter quam in dicta Constitutione *in d. Authen. minoris.* præscribitur observari. Nam quod generaliter ad pœnas legum attinet, nihil est certius eas omnes esse in viridi observatione; nisi specialiter probetur aliqua per statutum aut consuetudinem mutata. Et sunt obvia multa jura pœnalia, *in l. qui contra. C. de incess. nupt. in l. unic. C. si quis eam cuius tut. fuer. corrup. l. extat. de eo quod metus caus. l. si quis. C. unde vi. &c.* quorum usum & observantiam quotidianam nemo ignorat: & in particulari hanc Constitutionem consuetudine abolitam esse, Rei non probant, cum nullum exemplum illius rei adducant, & in contrarium Actores multa exempla attulerint; quibus secundum

Constitutionem illam plerique excusati fuerunt propter creditum; plerique admisi ad tutelam, expressio tamen semper debito: quæ expressio nullo alio fine facta censi debet, quàm ad evitandam penam dictæ Constitutionis. Et proinde cum dictus Moys debitum suum in suscipienda tutela subtraheret, meritò illud amisisse videri debet, secundum terminos prædictæ Constitutionis.

PRÆTEREA si adhuc salva esset petitio illius debiti, quod nō videtur; non tamen ascenderet ad quantitatem illam 4114. lb. 9. s. & 6. s. ut à Reis computatur, nec procederet ex causâ mutui, ut à Reis perperam petatum fuit, sed ex causâ societatis, & actione pro socio tantum peti posset. Ad tollendum autem seu diminuendum debitum prætensum, sola negatio agentium sufficere videtur, cum Rei nulla legitima documēta proferunt, ex quibus illud probetur. Nam ex statu per illos exhibito & propria illorum scriptura facta, nulla resultat probatio, *l. instrumenta domestica. C. de probation.* & rationes defuncti Dismæ nullam mentionē Joannis Moys faciunt, exceptis paucis capitulis, ex quibus tam magna quantitas nō colligitur, ut accuratius hæc omnia in scripturis deducta sunt. Illud verissimum videtur, quòd si quod debitum extiterit, illud duntaxat fuisse 2629. lb. aut circiter, juxta rationes defuncti fol. 66. & instru-

mentum ea de re conscriptum propria manu ipsius Dismæ, & à Joanne Moys asservatum, & postremò ab ipsis Reis prolatum: *in clem. 1. de procuratorib. l. si filius. a. ad Macedonianum.* eaque res confirmatur propria ipsius Dismæ obligatione, paulò ante mortem conscripta, & à Reis quoque exhibita, in qua de simili quantitate defunctus confitetur, quæ cum aliis adminiculis utique prævalere debet incertæ & vagæ annotationi cujusdam Codinæ. Nam scriptura Dismæ certam quantitatem continet, & est specialis & determinata annotatio, Codinæ indeterminata & incerta; & præterà scriptura Codinæ abjecta & neglecta fuit, & ab eo scripta qui certam scientiam non habuit: scriptura autem Dismæ asservata & custodita, & ab ipso contrahente scripta, & creditore Moys recepta. Rursus scriptura Codinæ omnibus adminiculis veritatis destituitur, quibus scriptura Dismæ propter alia concurrentia & idem suadentia adjuvatur & confirmatur. Illa Dismæ scriptura ex eo quod Joannes Moys, uti probatum est, paulò post mortem Dismæ scripsit ad fratrem sibi à defuncto Disma deberi similem quantitatem in illa scriptura Dismæ expressam: quam epistolam aliæque munimenta, ex quibus veritas hujus rei certior haberi posset, cum Rei occultant, ac exhibere nolunt, oritur contra eos præsumptio; ac delusam à se judicis auctori-

authoritatem experiri debent, *cap. intimavit. de testibus.* secundum nostram sententiam, quam cujusque alterius rectius sentientis iudicio subijciemus.

## CONSILIUM XXXIX.

## SUMMARIUM.

1. Deletio, laceratio, seu incisio testamenti ab uno testatorum facta alterius dispositioni nocere non potest.
2. Nisi ea incisio contigerit in tabulis omnibus, in quibus utriusque testamentum continebatur, idque presente nec contradicente altero testatorum: tum enim perinde habetur ac si consensisset.

**Q**UANDOQUIDEM in instrumeto, de quo agitur, duo continentur testamenta, propter utriusque conjugis dispositionem in eo comprehensam, *Oldra. consil. 174.* videri poterat per incisionem ac lacerationem illius à Catharina de Cordes uxore factâ, non infirmari testamētum mariti, quatenus ipse in illo de suis bonis testatus est, præsertim cum ex prothocollo aut aliis tabulis non laceratis, de ejus voluntate constare possit; *l. fin. ff. de his qua in testamento delentur. l. si chirographum. ff. de prob.* sic quod incisio ac dilaceratio per Catharinam uxorem facta, solum revocationem suæ voluntatis inducere videatur, dispositione ma-

riti vim & firmitatem obtinente: *l. sancimus. C. de testamentis.* Separatorem enim separati debent esse effectus, *l. Papinianus. ff. de minorib.* & deletio seu incisio ab uno testatorum facta, alterius dispositioni, de quo aliunde constare potest, nocere non debet; *l. 2. & 3. de his qua in testamento delentur.* idque eo magis hic dicendum videtur, quod à marito neque posterius testamentum, neque quicquam aliud factum videtur, quod ad annulationem aut revocationem prioris posset sufficere. Testamenta enim perfecta non revocantur, nisi posteriore testamento perfecto, vel si ipse testator aut sua voluntate alius testamentum inciderit, aut cancellaverit, eo proposito ut intestatus moreretur; *d. l. si. ff. de his qua in testam. del. l. 1. §. si linum. ff. de bono poss. secundum Tab.* aded quod non sufficiat verbis declarasse se nolle testamentum quod fecerat, valere, nisi decennij lapsus intervenerit. *d. l. sancimus. vers. sin autem testator. C. de testam.*

SED in proposito Hieronimus, de cujus successione agitur, neque aliud testamentum fecit, neque ipse prius factum incidit, delevit, aut cancellavit, nec quicquam aliud fecisse invenitur, per quod præcedens illa dispositio mutata aut revocata videatur; *arg. eorum que scribit Zazius cons. 2. num. 31. lib. 1.* & proinde relictum, quo dictus Hieronymus præfatam Catharinam uxorem suam honorasse invenitur,

venitur, efficaciter subsistere videtur.

CÆTERUM pressius exactiusque expendendo omnia, perspicue demonstrari poterit, prædictis nihil obstantibus, testamentum, de quo agitur, penitus esse revocatum & annullatum, respectu utriusque conjugis, & in ea parte potissimum, qua uxori, (à qua testamentum fuit incisum) fuit à marito provisum.

2. QUAMVIS enim uxor solum inciderit ac laceraverit, quia tamē ea incisio ac laceratio contigit in tabulis omnibus, in quibus utriusque testamentum continebatur, idque (uti præsupponitur) præsentē nec contradicentē marito, rectē dici potest, ex ipsius voluntate incisionem illam factam esse; quæ si displicuisset, potuisset maritus illam impedire, aut saltē uxori concidenti communes tabulas contradicere; quod dum factum non fuit, consensisse intelligitur. Quandocunque enim quis tacet, etiam in præjudicialibus ubi poterat contradicere, perinde habetur ac si consensisset. l. 2. C. si res aliena pignori data fuerit. l. si sine. C. ad Velleianum. Felin. in c. nonne. de præsumpt.

QUÆ quidem voluntatis ac consensus præsumptio ex personarum conjunctione fit manifestior, l. si servus communis. ff. de donat. inter virum & uxorem. & apertē confirmatur, ex eo quod (uti narratur) maritus tēpore quo tabulas communes uxor concidebat, præter

præsentiam & patientiam hæc vel similia verba protulerit, *Poteras uxor ex tabulis illis lucrum sperare, si incisa non fuissent.* Quibus verbis manifestē satis probatur consensus in dictam lacerationē ac propositum, volentis à priori iudicio recedere, & intestati exitum facere, ita quod hoc casu, ultra præsentiam & patientiam, in signa mutatae voluntatis ostendente, facta fuisset. Nam aliqui videretur maritus deceptus, qui aliàs uxori non reliquisset, nisi ut simili commodo afficeretur ab ipsa; & hac ratione in simili amittere id quod testamentum meruerat, eum placuit, qui tutor datus à tutela se excusat. l. post legatum. §. amittere. de his quib. ut indig.

QUIBUS postremò addi potest, quod tamen si omnia prædicta cessarent, nihilominus tamen uxor à commodo quod sibi à marito ascriptum erat, excludi deberet, quod erecta cervice in maritum contumaciter testamentum illius incidit. Nam per hoc sprevisse ac impugnasse videtur iudicium defuncti; d. l. post legatum. §. si pater. cum similib. & ita in terminis de hærede incidente tabulas testamenti respondet Accursius, quem communiter sequuntur interpretes. in d. l. 1. §. penult. in verbo, si verò alius. ff. de his quæ in testam. dolent.

CON-

## CONSILIUM XL.

## SUMMARIUM.

1. *Confinium probatio & hypotheca demonstratio quomodo facienda.*
2. *Identitas corporum quomodo probetur.*

**T**AMETSI ob vetustatem, quæ omnia miscet, præsens causa obscuritatem habeat, juris ratio tamen in partem domini Appellantis inclinare videtur ex conjecturis, indiciis & rationibus sequentibus. Primò, quia constat ad implendum numerum bonariorum censualium domino Appellanti obligatorum, punctualiter deesse quantitatem trium dimidio bonariorum. Secundò, quia constat Appellatam possidere tria bonaria cum dimidio cohærenter cum aliis in loco dicto *het mersel* censui obnoxii; sic ut ex cohærentia prædiorum eadem omnium qualitas præsumatur: præsertim concurrente defectu illo domini Appellantis, de quo jam dictum est. Prædia enim contermina & eodem loco sita eandem affectionem & qualitatem habere præsumuntur. Tertiò, quia ipsa Appellata vel sui auctores quædam ex dictis tribus cum dimidio bonariis acquisiverunt à Joanne *vander Rijnen* / aliàs *Rijnemans* / cujus auctores, ut in præcedenti responso deducitum est, conjunctim cum vidua

Henrici Holer possederunt ea prædia, quæ nunc desiderantur. Quartò, quod magis in individuo stringit, quia constat prædium seu pratum controversum adherere ex una parte prato cuidam, nunc spectanti ad Xenodochium Aerschotenense, quod secundum antiquam terminorum designationem est conterminum bonis quondam *Goutsmit* / quæ desiderantur, ut ex antiquis literis nunc exhibitis & secundum ultimam deductionem in actis factam applicatis constat. Quintò, quia in ipsis literis ab Appellata prolatis fol. 146. exprimitur dimidium bonarium, de quo principaliter contenditur, consistere *opt mersel* sub dominio de Schoonhoven, unde monasterio S. Geertrudis census controversus acquisitus est; sic ut non solum rei situs & terminorum antiquorum convenientia, verumetiam dominium ejus à quo census controversus descendit, Appellatam videatur convincere. Sextò, quia in iisdem literis Appellatæ dictus Joannes *vander Rijnen* / & dictus Henricus Holer pro conterminalibus declarantur, quos constat prædia obnoxia censui, & eo loco, vel vicino illi, ubi Appellata suum pratum possidet, fundos habuisse. Septimò, quia ex iisdem literis constat Appellatam causam habere ab Elisabet Holer, quæ, ut ex cognomine intelligitur, descendit & successit illis de Holer, ad quos manifestum est, prædia



Arnoldi **Goutsmit** pervenisse; sic ut descendencia, & cognominis ratio arguat successionem, & continuationē seu translationem possessionis, siue dicta Elisabeth habuerit patrem Henricum Holer, siue patrum, ita quod filia Joannis Holer fuerit; nam uterque fuit filius Joannis senioris, cui uterque successisse præsumitur. *l. siue possidetis. C. de probat.* Et ne sola præsumptione nitamur, manifeste probatur ex antiquis registris fol. 17. dictum Joannem Holer æquē successisse patri suo in his bonis censualibus, ut fratrem ejus Henricum, ut patet in his verbis: **Pu Henrick Holer** filius Joannis **Holer / Johannes Holer van dat Aerde Goutsmidt was.** Cum itaque constet Joannem patrem Elisabeth possedisse, & filiam ejus vendidisse, credibile omninō est in eodem loco eadem esse præta atque continua successione transmissa, quando non constat de diversitate rerum, aut ab alienatione interim facta: nam quod postea in registris nominetur Hurreburre, non probat mutationem, vel abalienationem; & verisimile est Hurreburre agnomen quoddam fuisse Joannis Holer. Et ut maxime dicamus alium fuisse, non tamen inde sequitur jus Joannis Holer translatum, vel extinctum fuisse, cum potuerit Hurreburre precario ex causa locationis, vel alia simili ratione possedisse, aut etiam pro Joanne Holer, aut suis

liberis gratuito solvisse, aut tanquam maritus prius dictæ Elisabeth Holer; sic quod in eo nomine Hurreburre nullum fundamētum constitui possit adversus dictum Appellantes. Et quod de vidua Henrici Holer dicitur, ad alteram partem referendum est, quæ penes Henricum remanserat ex prima successione. Quibus accedit quod etiam si ad Henrici successionem res referatur, recte potuerit dicta Elisabeth prætū hoc vendere etiam manente usufructu viduæ, cum proximior fuerit, & Henrico patruo suo successisse præsumatur ob proximitatem gradus, quandiu liberos ab eo relictos fuisse nō probatur; sicut in ista concurrentia circumstantialium non videamur cur pro parte dicti Appellantis dubitari debeat, pro quo tam multa concurrunt veritatem arguentia; quam deprehensam iudex potius sequi debet quam erroneam partis allegationem, si quæ uspiam invenitur in eo articulo, in quo mala fides & tergiversatio Appellatæ cum antiquitate temporis dicto Appellanti tenebras offundit, & obscuritatem inducit, in qua, ut Bart. Solin. *conf. 106. Castr. confil. 298. lib. 2. & Bald. conf. 108. quando constat. & conf. 109. Ad sciendum. lib. 4.* testantur, satis est Actorem niti conjecturis, & vel unum veterem confinem fundum, aut vestigia ejus demonstrare posse, quæ hic cum certiore demonstratione sunt quamplurima, eaque efficacissima, de quibus

de quibus si quæ adhuc esset hæsitatio, eam penitus discutere & removere posset. Ipsa rei inspectio ab Appellante postulata, & quæ his casibus semper admittenda est.

*1. si irruptione. finium regund.*

## CONSILIUM XLI.

## SUMMARIUM.

*Ejusdem materia cum precedenti.*

**C**UM in superiore altercatione non nisi designatio corporum hypothecarum, & plenior responsio eorum, quæ proprium factum partis adversæ respiciebant, peteretur, meritò petitioni illi acquiescendum erat per dominos Judices, quorum officium est cuncta rimari, & interrogandi, respondendi quæque licentiam liberrimam partibus permittere; & omnibus auditis & admissis, plena disquisitione & maturitate totum negotium discutere. *c. Iudicantem 30. q. 5.* Incerta enim sunt germina causarum, ut inquit ille, & quæ primo aspectu parum ad rem videntur facere, in progressu inveniuntur utilissima & decisionem causæ respicienda, ex quo communis praxis recepta est, quæ & jure probatur, quod judicis sit omnia audire & admittere, & magna proclivione inclinare ad responsiones, quæ à parte adversa exiguntur, salvo jure impertinentium, ut vocant, & non admittendorum. Id quod in spe-

cie, de qua agitur, pronius dicendum, propterea quod utrumque caput altercationis, videlicet designationis & ulterioris responsionis, ex facto proprio adversariorum procedebat, facili negotio expediri poterat, & ad causæ & veritatis indagacionem & illustrationem pertinebat maximè: designatio enim corporum ad constituendam hypothecam specialè, pro qua agebatur, prorsus erat, & adhuc (ut videtur) est necessaria: tum ut certior esset separatio prædiorum obnoxiorum huic oneri, & eorum quæ libera & immunia remanerent, cum plura à Reo convento eodem loco possiderentur; tum etiam, quia contentio illa hypothecæ assequendæ, seu hypothecacionis faciendæ speciem habet realis actionis, in qua peculiare est quod actor in individuo rem designare ejusque quantitatem demonstrare debeat: *1. si in rem. de rei vend.* & denique, quia propter accumulata solutionis petitionem necessarium fuit Reo demonstrare prædia obnoxia, cum, ut forma contractus ostendit, non nisi ratione & pro modo rerum possessorum teneri debeat. Quod verò ad caput ulterioris responsionis attinet, quæ factum proprium partis adversæ cōcernebat, & parvo sermone ac verbo explicari poterat, valde mirum est, cur pars adversa tergiversari ausa fuerit: & cum pars responsionē hanc subterfugeret, meritò domini

Judices suspensionem adversus subterfugientes respondere, & alterationem suscipientes, concipere debuerunt, omniq; ratione agere ut responsio fieret, quæ in dubio & semper ferè admittitur, quæque in dicta causa omninò videbatur pertinens, & justam defensionem Rei conventi respiciens: præsertim propter accumulatam novam solutionis petitionem, quæ sub priore judicato nō continebatur, & cui rectè exceptio non impleti contractus obijci poterat, quamvis priore judicato in alia causa & ad alium effectum proposita rejecta fuisset; *l. & an eadem. de except. rei judic.* adeò quod sine periculo totius causæ & maximo præjudicio Rei, responsio illa præteriri nō potuerit. Et cum omnium prædictorum manifesta sit ratio & veritas ex actis relucens, non inconvenienter dici potest, sententiam superiorem nullitati subjacere, *c. inter ceteras. & ibi doct. de re jud.* aut saltem simplicem interlocutoriam esse, quæ pro nutu & arbitrio judicis est revocabilis, *l. quod jussit. de re judic.* etiam invita & inaudita parte; quod difficultatem non habet in proposito, cum interlocutio, de qua agitur, lata sit super iis quæ ordinatione, non decisionem causæ principalis respicit, nec aliquo modo cōtingit illius substantialia: *lason post alios in d. l. quod jussit.* quæ etiam si attingerentur; quod non nihilominus libera esset iudici interlocutorix suæ revocatio;

quia quod dicitur de interlocutoriis quibusdam vim diffinitivæ habentibus, non impedit revocationem judicis, sed pertinet ad tribuendam facultatem appellandi parti gravatæ, si fortè judicis revocationi confidere nolit, aut instet interlocutionis executio: ut, cum iudex pronunciavit aliquem torturæ subjiciendum, aut pronunciat propositam tutoris excusationem non esse admittendam, vel fidejussores non esse idoneos. *Guido Papa. quæst. 75.* Et quemadmodum non dubitatur quin interlocutoria ista contraria jussione subverti possit; ita quoque sublata ea, certum est per necessariam consequentiam cessaturam multam, & omne quod inde consecutum est, *l. sed etsi manente, de precario.* cum generaliter sublata causa sententiæ vel multæ, cesser quoque ipsa sententia & multa. *l. si à re, de except. & ibi Sossin. in 1. not.* Neq; verendum est, ne fisco aliqua querela remaneat respectu multæ, quæ non nisi ex causa revocabili indicta est; ita quod à causa sua dependeat, nec diutius stare possit, quam causa ipsa permaneat, *d. l. sed etsi manente.* quæ libero iudicio dominorum Judicum tolli potest, etiam cum effectu perimendæ multæ, quæ ex ipsorum Judicum interlocutione acquisita est; tum propter mutabilitatem ipsius causæ, & interlocutionis, tum etiam quia generaliter jus alteri questitum ex meo contractu vel interlocutione, invito

vito & inaudito altero tolli potest. *l. qui Roma. §. Flavius Hermes. & ibi Bart. & alij. de verb. oblig. Et hæc sub correctione, &c.*

## CONSILIUM XLII.

## SUMMARIUM.

*Ejusdem materia cum præcedenti.*

**A**BUNDE demonstratum videtur pro parte reverendi domini Abbatis S. Gertrudis appellantis adversus Annam Nootkens appellatam, tria cum dimidio bonaria, de quibus controversitur, eadem esse pro quibus præteritæ solutiones controversi census factæ sunt, & quorum fit mentio in literis originalibus acquisitionis census libellati, exhibitis in prima instantia decimo quarto folio actorum. Siquidem manifestum est ex deductione, demonstratione, & exhibitione facta octava Junij anno sexagesimo secundo, dicta tria bonaria cum dimidio esse contermina, & proximè adherere ex una parte cuidam prato, nunc spectanti ad Xenodochium Aerschotense, quod secundum antiquam terminorum designationem est conterminum bonis liberorum quondam Arnoldi **Goutsmit** / de quibus in dictis antiquis literis fit mentio: sic quod verisimile & omnino verum videtur, dicta tria bonaria cum dimidio eadem esse quæ in dictis anti-

quis literis illis **de Goutsmit** attribuantur, & quæ per mutationem possessorum & commutationes rerum ab illis ad autores appellatæ, & consequenter ad Appellatam cum onere suo & sub censu debito descenderunt. Nam probatur de jure identitas rei per confinia aut alias demonstrationes, aliquam verisimilitudinem habentes, etiamsi relatio demonstratio- que non sit individua; sufficit enim probare aliquam qualitatem, quæ concordet, *Alex. conf. 133. col. 3. ad fi. lib. 1. Dec. in c. prudentiam. §. 6. col. 4. post princip. de off. deleg. præsumiturque rei identitas non obstante diversitate confinium, quando tales confines possunt uni rei convenire. Nam ex levi conjectura inducitur identitatis præsumptio, Cornueus conf. 230. col. penult. ad finem. lib. 4. Aymo Crævet. consil. 198. num. 2. de qua re in specie proposita minus dubitandum videtur, propter concursum quamplurimorum aliorum adminiculorum. Nam præter vicinitatem loci, & quod omnia prædia prataque circumquaque sita, sunt censualia, apparet ex serie & consequentia registorum pro parte domini Appellantis in prima instantia exhibitorum, antedicta tria bonaria cum dimidio eadem esse, quæ in primis literis acquisitionis tanquàm censui obnoxia comprehenduntur. Demonstrant namque dicta registra Arnoldum **Goutsmit** primum fuisse dictorum trium bonariorum*

cum dimidio possessorem, post cum Joannem & Henricum Hoolaert, deinde Hoolaert & Huerbeecken, post quos successit vidua dicti Henrici, item Elizabeth Hoolaert indubiè filia dicti Henrici, quæ vendidit dimidiatum bonariû Michaëli Gebens, patri Joannis Gebens, à quo Appellata causam habet; sic quod reliquæ partes aliquandiu adhuc remanserint apud Henricum Hoolaert juniorem, & filium dicti Henrici senioris, qui pro conterminali describitur in literis per ipsam Appellatam exhibitis & registratis folio centesimo quadragesimo sexto. In quibus literis & illud annotandum est, etiam monasterium S. Gertrudis constitui pro conterminali dicti dimidiati bonarij, & quod appareat monasterio S. Gertrudis portionem suam acquisitam esse anno millesimo quadringentesimo quinquagesimo sexto à Joanne Sanders, appellato de Cock, qui prius eandem portionem acquisierat ab Arnoldo Gerens descendente (ut ex cognomine intelligitur) à Joanne Gerens, qui in dictis antiquis literis registratis folio decimoquarto, & folio ducentesimo septuagesimo pro conterminali dicti **Goursmit** ponitur & describitur. Unde coherentia corporum, vicinitas identitatisq; loci, ac possessorum continuatio deprehenditur, quæ sufficientem identitatis rei probationem constituit. Nam ut identitas rei pro-

batur ex identitate temporis, ita etiam ex coherentia & identitate loci. *Alexand. consil. 105. col. 2. lib. 2. Aymo Cravet. d. consil. 198. num. 2.* Præterea multum stringit adversus Appellatam, eamque in angustum cogit, quòd ipsa vel sui authores ex dictis tribus bonariis cum dimidio acquisierint adhuc alia sex Jurnalialia, id est, bonarium cum dimidio à Joanne **vander Aijnen** / aliàs **Aijnemans** / qui quatuor Jurnalialia seu unum bonarium ex prædictis acquisierat à Martino **Kuethkens** / aliàs **de Creemere** / qui (uti patet ex dictis registris) cum vidua Henrici Hoolaert conjunctim dicta tria bonaria possidebat, & censum eorum nomine agnoscebat. Et quod ad reliqua duo Jurnalialia attinet, constat ea per dictum Joannem **vander Aijnen** etiam acquisita fuisse à Joanne **vander Onderstadt** / aliàs **Bussen** / quæ omnia in Appellatam translata sunt, prout etiam Appellata vel sui authores reliqua sex Jurnalialia acquisiverunt ab hæredibus Bocx, qui titulum habebant à Joanne Hoolaert, quem manifestum est dicto Arnoldo **Gout** **smit** successisse in dictis tribus cum dimidio bonariis: ita ut conjunctio personarum, successorum continuatio & descendentia, atq; mutatio coherentiæ cum continuata solutione dicti census, cum tot circumstantiis sufficere debeant in identitatis probationem; *l. eos terminos. fini. regundorum. præsertim*

præsertim in tanta temporum vetustate & confusione prædiorum, ut pulchrè scribit Baldus, *conf. 265. cum sequent. lib. 2.* asserens sufficere indicia & conjecturas, ob id quod probatio identitatis corporum sit perdifficilis. *Bart. Sofin. consil. 106. Castr. conf. 298. lib. 2. Bald. consil. 108. quando constat, & conf. 105. Ad sciendum, lib. 4.* Quod in specie proposita proclivius est recipiendum, ob id quod ad implendum numerum bonariorum censualium domino Appellanti obligatorum, punctualiter desit quantitas illa trium cum dimidio bonariorum, ut in articulis octava Junij & ultima Augusti anno sexagesimo secundo exhibitis pro parte domini Appellantis ostenditur & admittitur, per appellatam in responsione facta secunda Octobris anno sexagesimo secundo ad tertium articulum seu positionem Appellantis, quodque ipsa Appellata dicta tria bonaria cum dimidio possideat cohæreter cum aliis in loco dicto **Emersel** censui obnoxii. Nam cum omnia circumjacentia prædia, prataque sint censualia, multaque sint rationes quæ convincant bonaria ab Appellata possessa, eadem esse quæ in primis literis denominantur, vehemētissima est præsumptio omnium eandem esse qualitatem & affectionem; sic ut cum regulariter in re antiqua & intricata vel una conjectura sufficiat ad identitatis probationem, meritò hîc sufficere debeant quamplurima

simul concurrentia; adeò ut convenienter hic dici possit illud *Arctini conf. 42. num. 3.* in factis de antiquo, *Et quæ non prosunt singula, multa juvant*; præsertim ad utilitatem Ecclesiæ, de cujus favore hic agitur. *Bald. d. conf. 265.* Et proinde existimamus dominum Judicem procliviorē fore debere ad retractationem prioris sententiæ, si non absolute, saltem ex noviter allegatis & probatis in secunda instantia. Meliori judicio semper salvo.

## CONSILIUM XLIII.

## SUMMARIUM.

1. *Dotis promissio sub conditione nuptiarum non astringit promittentem antequam eveniat conditio.*
2. *In annuis præstationibus an una solatio sufficiat, an plures requirantur.*

**P**RO parte nobilium & eximiorum dominiorum N. N. hæredum quondam reverendi & nobilis domini Hieronymi Buslidij scutiferi sanctissimi domini nostri Papæ, &c. duplex quæstio proponitur, quarum altera in eo consistit, An ducenta scuta destinata per dictum dominum Hieronymum doti filiz domini Matthæi Langen habitantis Perusis, nec perfoluta in vita D. Hieronymi, nunc eo mortuo, debeantur: & si debeantur, an ex liberalitate & tituloq;



titulo donationis, an verò in compensationem seu solutionem ducentorum similibus debitorum per D. Hieronymum ex societate seu officio scutiferatus præfato Matthæo Langio destinata seu data censi debeant. Altera quæstio versatur circa debitum illud ducentorum scutorum, ex causa societatis per dictum Langium in acquisitionem officij scutiferatus erogatorum, ea lege ut quotannis in singula centena duodecim similia scuta præstentur. In qua quæstione non de ipsa sorte ambigitur, cui propter causam successivam præscribi non potuit, sed de annuis præstationibus, quas pro xxi. annis (quibus dicta societas constituisse videtur) Langius exigere videtur, anne his præscriptum videatur vigore statuti urbis Romæ, quo generaliter cautum est creditorem ex quacunque causa differentem suum exigere annis sexdecim, excludi deinceps à petitione seu prosecutione sui debiti.

In priore quæstione haud magna difficultas esse videtur, siquidem cum secundum ea, quæ proponuntur contemplatione certi matrimonij, quod non successit, dotis illa constitutio facta sit; ratio non est cur ducenta illa scuta exigantur aut præstari debeant, non secus nuptiis, quibus destinata erant: nam manifesti juris est ipsas quoque donationes propter nuptias, velut sub conditione factas, ita deinceps subsistere si nuptiæ se-

quantur, §. *est & aliud. Inst. de donat.* usque adeò ut non solum destinata aut promissa, nuptiis non secutis, retineri, sed etiam soluta repeti possint. l. 2. C. de donat. propr. nupt. l. si donaturus mulieri. C. de conduct. caus. data. Et præterea generaliter constitutum est, quod quoties quid contemplatione certæ personæ, vel rei indulgetur, cessante persona vel re, cujus contemplatione indulgentia vel concessio facta est, l. Paulus. & ibi Bart. ff. de acq. hered. cessare quoque ipsam concessionem. Quibus accedit quod res constituisse videatur in terminis solius destinationis & mandati per D. Hieronymum dati, nec in vita illius aut etiamnum executi; sic quod nec ipsa pecuniæ erogatio, nec aliqua D. Hieronymi promissio, aut Langij acceptatio suo aut filiarum nomine intervenit: ea enim consideratio efficit ut secundum notissimos juris terminos neque actio D. Langio, aut filiarum suarum possit competere, neque his quibus mandatum illud solvendi datum erat, ad numerationem in præjudicium hæredum procedere liceat, finito scilicet mandato per mortem D. Hieronymi. §. *recte. Inst. de mandato.*

Et quanquam prædicta ad penitus submovendam petitionem illam constitutæ dotis sufficere videantur, haud incongruens tamē iudicamus illud adjicere; Quod si qua ratione ducenta illa secuta ex destinatione & mandato D. Hieronymi



nymi debita viderentur, aut jam soluta essent, ea tamen cedere debere in compensationem seu exolutionem ducentorum similium scutorum per D. Hieronymum ipsi Langio debitorum ex causa officij scutiteratus. Nam cum paterni sit officij filiam dotare, *l. qui liberos. ff. de ritu nupt. l. fin. C. de dot. promiss.* præsumptio est D. Hieronymum causa dissolvendi debiti, & contemplatione patris dotem illam constituisse; magnaque est verisimilitudo id ita actum fuisse inter D. Hieronymum & Langium. *arg. l. 3. §. sed si debitorem, de donat. inter vir. & uxor.* Et certè cum nondum ea dotis præstatio aut executio facta sit, liberum fuisse videtur, D. Hieronymo, & hæredibus ejus adhuc licere videtur in traditione, si sequatur, hoc declarare, *arg. l. in traditionibus. ff. de pactis.* ad effectum, ut si Langius pater ratum haberi nolit, hæredibus solutam pecuniam condicere liceat.

Quo ad secundam questionem attinet, respiciendo ad generalitatem statuti urbis Romæ generaliter quaecunque debitum comprehendentis, non magno perè dubitamus quin præscriptio ex illo statuto profluens in pensionibus, de quibus agitur, procedere potuerit. Idq; non obstante quod D. Langius alibi quàm Romæ habitaverit: ob id quia & obligatio Romæ contracta fuit, & *l. si fundus. ff. de evictionib. Bart. & alij in l. 1. C.*

*de summa Trinitat. & fide Catholicæ.* solutio ibidem fieri debuit. Cæterum absolute determinare non possumus, an in universum omnibus præstationibus præscriptum sit, an verò iis tantum à quarum solutione sexdecim annis cessatum est, hoc est, quæ jam integris sexdecim annis debitæ fuerunt. Nam contrariæ sunt Jurisperitorum in hac parte sententiæ. Quidam enim tenent *Ultramontani in l. cum notissimi. §. fin. C. de præscript. 30. vel 40. ann.* plures requiri præscriptiones, ob id quia sunt plures præstationes, quæ singulis annis renascuntur. Alij contrà tenent unica præscriptione adversus omnium annorum præstationes induci præscriptionem, quorum sententia in hac specie fortè est probabilior propter identitatem & unitatem stipulationis & obligationis in forma Cameræ contractæ. Quod non ea ratione scribimus, ut acerbè petitioni D. Langij refragentur hæredes D. Hieronymi, sed ut ostendamus in quam partem ratio juris magis inclinet, & ut D. Langius remittentibus hæredibus D. Hieronymi aliquid de jure suo vicissim ad pacis & concordie studium reddatur proclivior. Et hæc sub correctione cujuscunque rectius sentientis.

## CONSILIUM XLIV.

## SUMMARIUM.

1. *Inventarij confectio quomodo & intra quod tempus ex consuetudine Antverpiensi fieri debeat.*
2. *Inventarij vitia quomodo detegantur.*

**V**ISITIS iis quæ controvertuntur inter domicellam Annam Buysschers Aëtricem ex una, & Laurentium de Groote cum suis, citatum ex altera, partibus; & diligenter perscrutatis omnibus quæ pro sustinenda intentione utriusque partis hinc inde adferuntur, existimamus descriptionem & æstimationem rerum & bonorum per Aëtricem exhibitam pro statu & inventario bonorum nō admisibilem, secundum sententiam quæ à Magistratu Antverpiensi lata est 23. Junij anno 1563. sed tanquam imperfectam, non solenniter nec ritè factam, multisque vitiis & defectibus scatentem rejici debere secundum conclusionem Rei conventi & suorum consortium; ex causis & rationibus sequentibus.

PRIMÒ, quia Aëtrix, quæ in vita defuncti mariti morositate sua omnia pignora nupriarum diruperat, mortuo eo oculos ad facultates & fortunâs ejus convertens, omnia bona apprehendit ac retinuit, nullo Inventario cōfecto intra tempus à consuetudine Ant-

verpiensi definitum; ita ut dolo & per vafriциem sese ex alieno locupletasse, bonaque domus mortuariæ in rem suam vertisse præsumatur, descriptioque rerum, quæ postea facta est, nullius momenti censeatur; nec suffragari possit Aëtrici ad evadendum periculum jurisjurandi in litem præstandi, pro inveniendâ æstimatione rerum atque ejus quod interest ipsorum Reorum, tempestivè ad confectiōnem Inventarij non esse processum: loci enim consuetudinem vel statutum, in quo repertorium est conficiendum, omninò observari convenit, & quotiescunque consuetudo, lex vel statutum in actu aliquo quid requirit, formale seu substantiale esse censetur. Ideoque si non observetur, actus corruit; *l. 1. C. de prad. decurionum lib. x.* & fraus ac malitia adversus omittentem hujusmodi solennitatem præsumitur. *l. 1. & 2. C. de fide instrum. & jure hast. fiscal. lib. x.* Et hæc nullitatis fraudisquæ præsumptio ex eo major est, quod Aëtrix non solum distulerit confectiōnem inventarij diu ultra legitimum tempus pro majore occasione exercendæ prædæ, ut præsumitur, verum etiam præensum inventarium, quod exhibet, privata temeritate & inter domesticos tantum conscripsit, absque adhibitione, vel præsentia publicarum personarum, quemadmodum de jure simul & consuetudine Antverpiensi requiritur, *Bari. in l. tutor qui*

quæ repertorium. col. 2. de administr. tut. Fab. Salic. & alij in l. tutores. 2. C. de administr. tut. & passim in praxi observatur: imò Antverpiæ observari ac necessarium esse Aëtricem admonitam fuisse ab iis quos ipsa in consilium adhibuerat, constat ex depositione magistri Cornèlij Vetkens Advocati ab ipsa Aëtrice producti; ita ut frustra tergiversetur in scripturis suis, notamque mendacij incurrat, dum animosè contrariam sibi persuasum fuisse asserit, nec possit evadere legis indignationem & pœnas constitutas adversus eos qui omninò non, vel subdolè faciunt inventarium, omitiendo, prætereundo & subtrahendo aliquid, quod inventario inscribi debuit, quemadmodum in hærede à Justiniano cõstitutum est, in Auth. de hæred. & salicid. §. sanctimus collat. 1. & in superstite duorum conjugum moribus & consuetudine propter communionem acquestuum, & ad avertendum furti & amotionis periculum ferè ubique receptum est; adeò ut præsumptio hæc subtractionis, quæ ex inventario non confecto, vel serò & non ritè facto enascitur, cum sit juris, liquidissimam probationem constituat. l. si tutor peritus, & ibi gl. C. de peric. tut. l. licet Imperator, de leg. 1.

Et eo major est prætensi inventarii inutilitas & imperfectio, quòd ipsa Aëtrix in principio suarum Salvationum apertè satis declararet descriptionem rerum & bo-

norum à se factam duntaxat ad finem, ut suæ indemnitati confu-  
leret, ac recuperaret bona sua sen-  
eorum æstimationem. quàm, quòd  
est indignissimum, fecit ex pro-  
prio affectu, quod leges nò admit-  
tunt. Nam cum repertorij inven-  
tarii quæ confectio ad tollendam  
furandi deprædandi quæ; materiam  
& occasionem, d. l. tutor qui reperto-  
rium. Bald. in l. scimus. §. cum igitur.  
C. de jure delib. & ad habendam no-  
titiã omnium rerum in domo  
mortuaria repertarum requiratur,  
fieri non potest ut Aëtrix elaboratur,  
& exoneretur à necessitate facien-  
di plenioris inventarii & à jure re-  
quisiti, & per sententiã illi in-  
juncti per imperfectam illam pri-  
vatamque quarundam rerum post  
longum intervallum temporis fa-  
ctam descriptionem; id quæ priva-  
ta auctoritate & clanculum non  
adhibitis aliis quàm domesticis  
personis in actu, quem sub præsen-  
tia publicarum personarum solen-  
niter fieri convenit. l. fin. C. Arbitr.  
tutel. Nam præter vehementem  
suspicionem subtractionis ex longa  
dilatione & clandestinate ne-  
gotij præsumpta, fieri non potest  
ut suum quisque consequatur, &  
certa notitiã omnium rerum ha-  
beat rex privato illo imperfecto-  
quæ scripto, duntaxat ad recupe-  
randam intendendam quæ æstima-  
tionem rerum Aëtrici excogita-  
to, aut ut justa videri possit æsti-  
matio ab avara muliere facta pri-  
vatim, quam per publicos æstima-

tores palam fieri solere, de jure simul & consuetudine est notorium.

**N**ec est prætermittendum ultra præsumptiones doli & fraudis, de quibus dictum est, satis evidenter detegi defectus & omissiones dicti inventarij, ob quod non solum hæres, verumetiam superstes conjugum stante consuetudine, de qua dictum est, jusjurandum in litem patitur, & subjicitur omnibus oneribus. *Bart. in l. rescriptum, de his quib. ut indig. Cyn. Salic. & alij in d. l. scimus. C. de jure delib. gloss. & alij in d. authen. de hered. & salci. §. si verò non fecerit.* Id quod eo proclivius hîc dicendum est propter magnam improbabilitatem supputationis pannorum, & aliorum bonorum prætenfam æstimationem, quæ sive contractum antenuptialem, sive recognitionem postea factam spectemus, non debetur: nam utroque loco disertis verbis conventum est de recipiendis per unumquemque suis bonis soluto matrimonio, quod ad ipsorum corporum restitutionem, & non ad æstimationem pertinere manifestum est: cum & in dubitabilioribus terminis, quando nihil de corporum restitutione dictum est, æstimatio per se non faciat empti-  
onem, & prædium seu aliæ res non efficiantur liberè mariti, *l. quoties. & ibi dd. C. de jure dot. & soluto matrimonio ipsæ res illatæ in dotem restituuntur, quod eleganter scribit Sossin. Nepos, conf. 6. nu. 4. vol. 2.*

dum ait, Rebus in dotem datis addita æstimatione mulieres cogi retollere res datas in dotem pro eadem æstimatione, de quo hîc minor est dubitatio, ob id quòd evidenter constet res ab Actrice in dotem allatas non cessisse dominio mariti, sed penes Actricem remansisse, & eo amplius instrumentotali cautum esse non de æstimatione, sed de rebus ipsis recipiendis.

**I**LLUD quoque conniventibus oculis prætereundum non est, Actricem periniquè negare se intulisse redditus in matrimonium, omnemque dotem suam constituisse in pannis & domo, cujus inter signum est stella, cum tenor publici instrumenti & dicti recognitionis, cui Actrix tam firmiter insistit, refragetur apertam reddituum mentionem continens, his verbis: **Soe in gronde van erbe/erf.rentenende lakenen/** nec probabilis, nec admissibilis est Actricis allegatio, quòd erranter reddituum mentio facta sit; cum nec Notario credatur in præjudicium tertij, si aliud scriptum, aliud verè fuisse actum dixerit, *c. pura 3. 4. 7.* omnemque verisimilitudinem rei removet iterata confessio & repetitio in re maximè substantiali, & quæ omne momentum & pondus rei continet.

**E**T quod magis ad abrogandam fidem huic rei pertinet, considerandum est, Actricem in illa descriptione imperfecta, & velut in folle

in folle facta, nulla munimenta, nullos titulōs bonorum suorum edere, sine quibus impossibile est vires bonorum cognoscere. *Bald. conf. 152. ad evidentiam, vol. 3.* Quomodo enim singulorum veritatē, vel falsitatem rectē perquirere & investigare possis, ex descriptione adeo generali & sub involucro facta, quæque tam confusa est, ut nec quidditatem, nec qualitatem ipsorum pannorum contineat, ut à testibus Reorum satis probatum est?

Nec parùm momenti habet ad augendam suspicionem male ver-  
sationis & subtractionis ipsa pannorum exiguitas, & vilis æstimatio reputatioque damni, quod constante matrimonio Aetrix se sustinuisse dicit propter onera familiæ, quæ tamen defunctum maritum sustinuisse ex re sua præsumitur: *l. pro onerib. C. de jure dot.* & eo amplius sufficienter satis à testibus Reorum & ex ipso instrumento dictæ recognitionis probatur, dū apertē in eo exprimitur defunctū maritum Aetrix realiter opima bona specificata ibidem intulisse in matrimonium. Cui accedit quod ipsa Aetrix fateatur se querelam movisse, & causam fuisse dictæ recognitionis solum ob novem mensuras terræ dicto instrumento antenuptiali inscriptas, tanquam proprio jure ad maritū ejus pertinentes, quas postea repetiebatur solo pignoris nexu, & per antichresin illi competere. Nam si

ad rem tam parvam advenisset Aetrix, ac tam morosa marito ejusque liberis fuerit, quod domum exire coacti sint, quis credet eam de suis bonis rei familiari aliquid impendisse, quorum tamen fructus omnes & ex jure & secundum conventionē antenuptialem marito tenebatur permittere pro oneribus matrimonij: id quod etiam evidentiū cōstat ex liticula in vita mariti coram Commissariis habita de sustinendis oneribus matrimonij. Nam inde constat, eam renuisse etiam rerum in matrimonium illatarum fructus ad onera matrimonij sustinenda, tandemque vix inductam fuisse sub gravibus conditionibus, ut ipsa fateatur, *in 47. & seqq. artic. Salvat.* ut pateretur pannos suos æstimari præsentī pecunia, & ejus redditum ad rationem sedecim pro quolibet denario cedere familiæ oneribus: quod constat esse longē infra verum fructum & quæstum, quem solita erat facere ex venditione pannorum; ita ut nulla ratione credi possit, Aetricem tenacem & morosam erga maritum ejusque liberos corpora rerum suarum diminuisse in sustinenda familia, cui contra fidem contractus antenuptialis recusabat verū fructum & quæstum earum impendere.

PRÆTER quæ omnia vehementissimam suspicionem inducit, quod Aetrix nullos libros negotiationis suæ exhibuerit, cum tamē in tam magna negotiatione

fieri non potuerit quin crederet, & acta sua in libros referret, prout etiam quidam ex testibus ab eo productus, dum plus æquo illi faueret, addit se pro labore præparatorum pannorum minus debito exegisse, & Actricem ex libris suis informatam plus soluisse; ita quod fraudis & doli suspitione plena videantur omnia.

Et profectò periniquum foret, Actricem, quæ nec verè probat illationem pannorum, nec diminutionem eorum, hoc prætextu aliquid à Reis consequi, prout etiam iniquum foret, attendi dictæ domus æstimationem, relatum ad tempus primæ acquisitionis & non contracti matrimonij, quo longè major fuit quàm Actrix supputet, ut à testibus Reorum clarè deponitur: quin potius propter injustam & temerariam apprehensionem, occupationem ac prætermissa solennia juris & consuetudinis, ipsa subiacere debet periculo jurisjurandi in litem quoad æstimationem damni Reis illati. Salvo, &c.

## CONSILIUM XLV.

## SUMMARIUM.

*Inistoris persona non obligatur proprio nomine, sed dominus.*

**Q**UANDOQUIDEM Petrus Lutgens apertè testatur merces, de quibus agitur, Actoris

fuisse, & se duntaxat infortioriam operam præstitisse in illis transvehendis transmittendisque, nihil potest intentioni Actoris detrachere, quod in instrumento electionis & onerationis nomen ipsius Lutgens, & nō Actoris inscriptum reperitur: nam de jure simul & consuetudine eodem recidit an per se an per infortiorem quis contrahat, & negotiationem exerceat, & dum infortiores aliquid gerunt ad utilitatem dominorū suorum, indifferenter officij qualitatem vel expriment, vel tacent & supprimunt; & quamvis tacito domini nomine aliquid gesserint, nihilominus commodum & incommodum ad dominum refertur, cuique attribuitur, l. 3. §. si ab ignoro, de numeris. l. multum interest. C. si quis al. vel sibi. & ita in dubitabilioribus terminis scribit Baldus consil. 287. incip. Quia defensio, part. 1. Et, quod rei præsentis maximè convenit, refert Decius consil. 510. num. 5. ex Angelo, in l. eandem, in princ. de duob. reis. quod factores, licet in mille literis scribant se debitores omiſſa qualitate officij, non propterea poterunt conveniri; quia videntur scribere ut factores & factorio nomine: ita ut quamvis charta partia (ut vocant) seu mercium catalogus nomine dicti Lutgens conscriptus fuerit, referri tamen debeat ad personam Actoris, quem cōstat fuisse dominū & cōmittentē ipsius Lutgens, uti ipse faretur, & jurata depositione confirmavit.

QUIBUS

Quibus accedit quod generaliter alieni nominis assumptio, aut proprii nominis mutatio malum non contineat; *l. facta. §. si sub conditione, Ad Senatuscons. Trebell.* præfertim si ad injuriam, captionem vel fraudem alterius non sit excogitata; ut in proposito nullius fraudem continet interpositio personæ, & nominis dicti Lutgens; & præterea respectu institoriarum operæ est justa ac legitima: sic ut lex & ordinatio navigationis proposita anno 49. quæ prohibet mutationem & falsificationem nominum & cognominum, huc nihil pertineat; neque Actori verendum sit ne in laqueos illius reciderit, quia ordinatio illa præsupponit dolum & falsitatem in verbis, **veranderen oft verbalschen** / quæ sine dolo & circumventionem alterius non committitur, *latè Sossin. Nepos consil. 37. & seqq. part. 2.* cujus nulla est occasio vel consideratio in proposito; cum dictæ merces non magis ex persona Actoris quam Petri Lutgens in prædam vel confiscationem Anglorum recidere potuerint, ut latius in Salvationibus Actoris deductum est; adeò quod nemo sit in cujus fraudem quid excogitatum dici possit; & si quæ adfuerit simulatio, ea non tendit in alicujus damnum vel præjudicium. Ideoque prænam habere non debet ex ordinatione illa, quæ sine dolo malo non incurritur, à quo longissimè abest dicta nominis mutatio; quæ cum

nullius damnum respiciat, omni jure licita & permilla est; & si quæ simulatio intercesserit, ea ex bona fide processit citra omnem turpitudinem, & absque cujusquam captionem, quæ in jure posset esse considerabilis, unde simulatio de jure admilla, & dolus bonus appellatur, *l. 1. & ibi gloss. de dolo.* qui prudentiæ & providentiæ ascribi solet, & apud omnes est commendabilis, & in quotidiano usu habetur, & impunè exercetur, ut pro parte Actoris in facto est positum & articulatum. *in Salvation. artic. 135.* Quod magni momenti est, præstantque prædicta omnia tum separata, tum conjuncta legitimam excusationem Actori adversus dictæ ordinationis pœnas, quæ etià per se odiosæ sunt & restringendæ. Salvo meliori judicio.

## CONSILIUM XLVI.

## SUMMARIUM.

1. *Mulier excluditur à beneficio dowerij consuetudinary, quæ temerè à marito divertit, imò & dotem & donationem propter nuptias amittit.*

**I**N lite vertente indecisa per & inter domicellam Joannam de Gaste Imperantem ex una, & tutores seu curatores prolium quondam Nicolai de Farvaquch, dum viveret, Receptoris Regiæ majestatis in civitate Tornacensi excussis,



excussis, & diligenter expensis his in quibus status causæ contineri videtur, putamus de jure secundum ea quæ proponuntur præfactam Impetrantem à beneficio douërij consuetudinarij. quod derelicto per renunciationē douërio convento petit in bonis defuncti mariti, excludendam & removendam esse, propter eam quod propria autoritate & contra voluntatem mariti réclamantis & eam retinere volentis diverterit, ac sese culpa sua absentavit, nec redierit, ne quidem tempore ægritudinis & mortis dicti sui mariti: siquidem lucrum seu douërium hoc consuetudinarium, quod per consuetudinem seu statutum deferretur superstiti, ex æquitate quadam & favore continuæ societatis his duntaxat conceditur qui individuum vitæ consuetudinem habuerunt & retinuerunt, ac in vinculo matrimonij fideliter steterunt, *c. ex parte. de sponsalib.* & tanquam duo in carne una vixerunt. *c. gaudemus. de divortijs, Chassaneus in commentariis consuet. Burgundia in titul. Des dèlitz appartenans aux gens mariez. §. 6. in verb. Est douhé. vers. pone, quod uxor allegans. Bald. in l. quod in uxorem. C. de neg. gest.* Quæ ratio seu causa consuetudinis, cum hic cesset in Impetrante, quæ ruptis vinculis verecundie & affectionis ac reverentiæ conjugalis maritum reclamantē provocaciter sine causa dereliquit, nec ad eum, quamvis adversa valetudine ac mentis ab alienatione affli-

ctum, curandum, aut custodiendum reversa est: merito quoque cessare debet ipsius consuetudinis dispositio, ac beneficium ob eam affectionem conjugalem ac individuum vitæ consuetudinem introductum. *c. cum cessante. de appell. c. ex eo, de regul. jur. in 6.*

Quibus accedit, quod lucrum hujusmodi, quod ex consuetudine deferretur in dispositione juris, regulari & intelligi debet secundum naturam dotis ac donationis propter nuptias & pactorum, quæ interponuntur circa lucrum dotis & donationis propter nuptias, ut quæ dicuntur de illis, præsertim quoad obtinendum vel perdendum lucrum, etiam obtineant in lucro adjecto per consuetudinem vel statutum. *c. fin. & ibi gl. de donat. inter virum & uxorem.* Certum est autem de jure mulierem, quæ sine justa causa fornicationis vel alia simili virum relinquit, dorem & donationem propter nuptias ac reliqua lucra conventa amittere. *l. consensu. C. de repudijs.* Unde etiam ab hujusmodi lucro consuetudinis eam repellendam esse sequitur, cum lucrum hoc de jure secundum naturam dotis & donationis propter nuptias regulari debeat, uti prædictum est.

Quo d autem sine causa & culpa sua Impetrans à marito diverterit, ex eo colligitur quod nulla justa causa per eam allegetur, aut probetur, ob quam maritum dereliquit & deseruit. Nam de jure non

non nisi ex causa fornicationis aut infidelitatis, aut intolerabilis seditiæ, adversus quam nulla cautione provideri potest, huiusmodi separatio permittitur de legis consensu, c. 2. & ibi gloss. dd. de divortis. cuiusmodi causæ hæc ab Impetrante non prætenduntur. Quinimò non solum non probatur culpa mariti, sed econtrariò manifestè constat causam dissidij ac secuti divortij ex culpa & procacia Impetrantis verecundiæ muliebri contraria processisse. Nam probatum dicitur, quod nolente & plurimum reclamante marito cōvivium frequentaverit, quod per se secundum Constitutionem de legis consensu satis iustam causam præbere potuit uxorem repudiandi: eaque culpa & procacia Impetrantis non sola pernoctatione unius, vel paucorum dierum foris facta, sed perpetua absentia & continuato divortio ingeminata adauctaque fuit.

Nec quæ potest excusari Impetrantem morositatis, de qua maritum insinuat. Nam ea non est sufficiens causa divertendi; quinimò quemvis defectum mariti uxor tollerare debet, nisi tanta probeatur seditiæ ut absque discrimine vitæ cum marito morari non possit: c. si uxorem. 32. quæst. 1. c. litera, & ibi dd. de restitut. spol. eo quæ minus morositas mariti, si qua fuisset, Impetranti molesta videri debuisset, quod ipsa spontè, ea veluti lege concepta, ipse maioris

douërij & lucri cum ditiori sene contraxerat matrimonium.

Nec denique excusat eam, quod ex intervallo fortè reverti ad domum mariti obtulerit. Non enim tenebatur maritus per culpam Impetrantis offensum ipsam, quæ eo nolente recesserat, volentem reverti, statim recipere.

Et eo minus ex oblatione illa revertendi excusari debet, quod in eadem voluntate non persistit, sed postea etiam accersita per maritum reverti noluerit. Nam oblatio etiam iusta & legitima, & quæ ad purgationem moræ est sufficiens, tollitur ac resolvitur, si is à quo facta est, ab ea resiliit. l. acceptam. in fin. C. de usuris. Et certè etiam si de illa revocatione mariti & consensu non ita evidenter constaret, tamen quia nec ad maritum in insaniam collapsum, neque ad morientem reversa est, neque aliquam curam mariti sui ita affecti habuit: manifestè satis apparet, eam obstinatione quadam animi adversus maritum induruisse, ac pertinaciter reverti noluisse; ita quod ratio non videatur quare beneficio consuetudinis lucrum habere debeat in compensationem mutue societatis quam violavit.

## CONSILIUM XLVII.

## SUMMARIUM.

*Injuriarum actio descendit ex quovis convicio, & intra annum exercenda est.*

**N**ULLUM dubium videtur quin in specie proposita injuria commissa cenferi, atque eo nomine injuriarum actio dari debeat adversus S. qui maligni (ut ait Pontifex in c. 2. §. 9. 1.) spiritus consilio repletus scripturam & contestationem divulgasse deprehenditur de fraudibus, mendaciis & improbitate L. sic ut meritò dictus L. injuriam ad animum revocare & sollicitudinem pro fama & nomine suo defendendo suscipere possit, proponendo actionem injuriarum quæ descendit ex quovis convicio ad opprobrium & infamiam alicujus prolato, l. apud Labeonem. §. convicium. de injuriis. sive id accadat in cœtu & cum vociferatione adversus bonos mores, sive per libellum famosum ad alicujus invidiam & contumeliam scriptum, compositum vel productum. l. lex Cornelia. §. si quis librum. de injuriis. Eoque gravior cenferi debet injuria, de qua agitur, quòd dictus libellus extra judicium apud bonos viros studiosè exhibitus ac divulgatus fuit, Vital. de maleficiis, in tit. de famosis libell. non ex alia causa (ut præsumitur) quàm

ad diminuendam dicti L. opinionem & existimationem. l. si nō convicij. C. de injuriis. pulchrè Roman. cons. 97. num. 1.

Quod autem ad viam & rationem actionis proponendæ pertinet, paucis dici potest cominodissimum videri statim atque intra annum ad eam exercendam procedere, cumque maledicta ad diffamationem dicti L. proposita capitis pœnam non habeant; rectè futurum videtur, si civiliter contendatur ad æstimationem injuriæ, Rom. d. consil. 97. quæ secundum qualitatem personæ, cui facta est, considerari debet, l. Prator. §. atrocem. de injuriis. salvo adhuc fisco criminali judicio ad pœnam judicis arbitrio imponendam, secundum atrocitatem admissi. Rom. loco citato. Salvo meliori judicio.

## CONSILIUM XLVIII.

## SUMMARIUM.

1. *Voluntas ultima testatoris est revocabilis.*
2. *Confessio declaratioq; testatoris est valida etiam irrito facto testamento.*

**I**N reconventionem, quia clara est, & decisionem habet, nihil operæpretium est scribere. Conventio verò facilem resolutionem accipere potest, exco quod actor debitum controversum tempore facti testamenti expressè remisit in

in compensationem ministerij & operarum sibi à Reo convento præstitarum, ut clarissimis testimoniis probatum est, & ab Actore admittitur in probationum scriptura, hoc solum causificando, quod ab ultima voluntate decessum sit, ex quo nullum sufficiens fundamentum desumi potest ad colorandam intentionem Actoris: quoniam licet ultima voluntas ambulatoria sit, & à testatore revocetur, confessiones tamen & declarationes testatoris etiam ex revocato testamento probari possunt: l. si. & ibi dd. ff. de reb. eor. qui sub tut. vel curat. sunt. adeò ut si testator prædium pupillare vānundare voluerit testamento suo, quod postea irritum factum est, nihilominus tutores pupilli secundum voluntatem illam ex testamento revocato apparentem prædium vānundare poterunt. Siquidem licet testamentum revocatione enervetur, voluntas tamen, confessio & declaratio testatoris in illo comprehensa manet; ita ut actor nunc non possit regredi, aut inficiari ministerium operasque sibi à Reo præstitas, easque ætimari quantitate debiti controversi, secundum apertum tenorem dicti testamēti; qui manet, etiam si jus testamenti, id est effectus juris revocatione evacuetur: maxime cum verè intervenierit operarum æstimatio, & tenor testamenti nihil aliud hic inducat quàm illarum ætimationem & liquidatio-

nem propria voce Actoris declaratam.

De qua re dubium esse non potest in præsentī hypothēsi, ob id quòd testator remittens debitum, de quo agitur, non constiterit in terminis testandi, sed progrediendo cum uxore sua, donationem seu potius liberationem & remissionem fecit irrevocabilem, quod in actu testandi permittitur, gl. & Bart. in l. heredes palam. §. fin. in verbo, Alienum. Cyn. Bald. Salice. & Iason in l. cum antiquitas, C. de testament. & verè contigisse, testimonia Rei conventi cum tenore clausulæ testamentariæ ostendunt. Verba enim testamenti talia sunt: **Item gheest ende schelt gijit Laurens le Dasseur sijnen broeder alle tgene dat de voorsz. Laurens tot desen daghe toe den Testateur schuldigh is** / &c. Quæ veram donationem & remissionem significant, quam consonantia testimonia confirmant; additque Cornelius Brentens in sua depositione, Actorem deliberatè cum uxore sua remissionem illam fecisse, Reum conventum præsentem fuisse, acceptasse liberationem, & pro ea gratias egisse. Quod remissionē illam facit irtractabile, quia pura est & favorabilis, & à parte præsentē acceptata secundum ea quæ eleganter scribit Ludovicus Rom. conf. 171. incip. pro decisione, circa finem probando communem sententiam Interpretum determinantium confessionem in

testamento factam, & ex qua jus parti quæsitum est, irrevocabilem esse, dummodò pars, cui jus quæritur, aut alius pro ea recipiens, intervenerit. Quæ communis sententia cum procedat generaliter in quavis donatione, sine difficultate recipietur in controversa remissione, quæ tendit ad liberationem ex causa onerosa, & ex qua Actori vicissim consentiente Reo convento operarum æstimatio remissa est. Siquidem mutua ac reciproca illa remissio seu rei acceptatio cum conditione remittendarum operarum, verum contractum actumque inter vivos sapit. Salvo &c.

## CONSILIUM XLIX.

## SUMMARIUM.

- I. *Matrimonium non præsumi nisi probetur, nec sufficere leves probationes ad matrimonium.*

**V**ISIS & diligenter perlectis propositionibus\* Adrianæ Walteri Jacobbs. Actricis, & responsionibus Adriani Michaëlis Rei ad easdem propositiones factis, ac testium productorum depositionibus, de jure dicendum videtur Reum ab impetitione Actricis absolvi debere. Nam præcipuum fundamentum, quo Actrix suam intentionem stabilire nititur, absolute à Reo negatur, nec aliquo probationis genere ab

Actrice confirmatur; ita ut hic locum habeat regula illa vulgata, quæ actore non probante Reum absolvi jubet. *l. qui accusare. C. de edend. c. ult. de jurejur.* Quod etiam in causa matrimonij tradiderunt Alexander, *conf. 150. in causa & lite, in pr. & conf. 154. viso themate, in pr. lib. 5. Decius, conf. 310. visis diligenter, in princip. Sof. Junior, conf. 86. nu. 5. & consil. 88. num. 7. lib. 2. & alij.* Facti enim est, an contractum sit matrimonium: quod non præsumitur, nisi probetur, *l. si emancipati. C. de collat.* nec etiam ex levi probatione, vel præsumptione judicari debet inter aliquos contractum esse matrimonium. *Alex. d. conf. 150. Sofin. d. consil. 86. num. 8.* Collocat autem Actrix præcipuum fundamentum suæ intentionis in his verbis Teuthonicis: **daer mede ghebe ich se mijn kerstelijcke troutwe/ die ich ober de Wonte ontfangen hebbe**: quæ à Reo dum unam partem fracti dimidij Ignilis (nomen est argentei nummi) Actrici daret, prolata & à se simul cum parte dimidij Ignilis acceptata esse ponit, eandemque promissionem postea reiteratam, & congressum corporeum inde subsecutum esse. Reus verò congressum quidem corporeum atque concubitus non diffiteretur, sed ejusmodi verba atque promissiones constanter negat, nec aliter de illis constat quam ex proprio sermone Actricis: Testes enim ab ea producti, quantumvis illi.

illi enixo studio atque favore addicti & arctissimo sanguinis fœdere conjuncti, utpote mater, fratres, & soror; fatentur tamen se non interfuisse ubi fracta Ignilis pars data, & hujusmodi verba prolata fuissent, nec aliter sibi de illis constare, quàm quod ea ex Aëtrice audiverint. Nam quod mater deponit Reum, se & Aëtrice filia sua præsentibus aliquando dixisse: **Ick hebbe haer mijn kerstelijcke trouwe gegeven/ ende ick gheeffe haer noch/ dat neme ic op verdoemenisse van mijnder zielen** / ad promissiones ab Aëtrice articulas non pertinet, & ab ipsius positione alienum est. Aëtrix enim ponit de promissionibus primum sibi à Reo factis in quodam tugurio Dominica ante Nativitatem D. Jo. Baptiste, confirmatis biduo aut triduo post, & deinde repetitis circa festum Bavonis: mater verò, quæ etiam unica & singularis est in suo dicto, de feria tertia in festis Paschalibus loquitur. Unde deficiente probatione verborum, quibus Aëtrix contendit matrimonium inter se & Reum esse contractum, sustineri nō potest ipsius intentio per solum concubitum, *l. nuptias, de reg. jur. c. matrimonium. 27. q. 2.* neque per alia quæ præterea ab ipsa ponuntur, quod videlicet Reus deprehensus unà cum ipsa in lecto, & interrogatus an sub fide & honore apud ipsam jaceret, respondisset, **op trouw**

**ende op eere** / & quod coram matre & Margareta sorore ipsius Aëtrici recognovisset se fidem suam Aëtrici dedisse, Teuthonicè, **dat hy niet haer verlooft was.** Primò etiam hic desunt legitima testimonia. Nam testium depositiones, præterquam quod non convenient cum Aëtrici positione, etiam inter se discrepant. Ponit enim Aëtrix quod primò Margareta soror, & deinde eadem ac mater & frater Aëtricem & Reum in lecto jacentes invenerunt: sed mater deponit quod ipsamet primò, & deinde filij & filiæ successivè, &c. Rursus mater dicit se & alios in positione nominatos successivè accessisse ante lectum; Hubertus verò frater Aëtrici ait, matrem, Margaretam sororem, Arnoldum fratrem, & quandam Adrianam Hubrechts sterilem circa januam cameræ dormitionis Aëtrici. Ipsa autem Adriana Hubrechts se à matre ductam ante cameram, ut merjto tam inconstanti & varianti testimonio nulla fides adhiberi debeat, sed inde potius coargui falsitatis nota, quemadmodum ex locorum diversitate convicta est à Daniele Propheta, *Daniel. 13.* calumnia eorum qui infantem Susannam ad populum traduxerant. *Sofin. d. conf. 38. num. 26.* Et licet verum hoc esset quod scilicet Reus in lecto cum Aëtrice deprehensus respondisset, se apud Aëtricem jacere sub fide & honore, tamen probatum non est, ex consue-

tudine loci, in quo hæc accidissent, per ejusmodi verba censerī clandestinum contractum esse matrimonium, cū evidentius sit quā ut declaratione aliqua necessaria indigeat, quæ ad probandam aliquam consuetudinem necessaria sunt, hic nullo modo intervenisse, ut omittamus consuetudinem nihil circa vinculum & substantiam matrimonij disponere; *3. not. in c. 1. de spons.* & testes, qui quales quales ad eam cōsuetudinē probatā inducti sunt, unanimiter de illa non ponere: quidam *test. 7. d. Cornelius Tinctoris.* enim locum habere, dum masculus & femella nobiles inter se ante contractum matrimonij conveniunt, quod sub fide & honore, Teuthonicè, **op trouw ende eere** / condormiunt. Alius, *test. 8. Matthias Cornelij.* dum masculus & femella nobiles de consilio amicorum sibi invicem condormiunt, sub fide & honore: tertius, *test. 9. d. Cornelius Hen.* dum aliquæ personæ sibi invicē condormiunt, sub fide & honore. Quod itaque tertius generaliter enunciat, id alij duo coangustant, unus ad consilium amicorum, sive ad condormitionem factam de consilio amicorum: alter ad conventionem habitam inter concubentes ante contractum matrimonij, sive ad concubitū, quem conventio prius habita præcedit, cū scilicet actū est de contrahendo matrimonio, & antequam solenniter contrahatur, inter se contracturi conve-

niunt, quod interea sub fide & honore condormiunt: tunc hoc haberi & reputari pro clandestino matrimonio, quasi tractatus de contrahendo matrimonio, conventio de condormiendo sub fide & honore, & subsecuta condormitio sive congressus corporeus clandestinum matrimonium inducant; ac proinde tales, qui sese non continuerunt, donec publicè in facie Ecclesiæ matrimonium contraxissent, sed post tractatum de contrahendo sub ejusmodi cōventionē concubuerunt, debuissē componere cum Officiali. At hic in proposito non constat habitum fuisse aliquem tractatum de contrahendo matrimonio, aut conventionem præcessisse de condormiendo sub fide & honore, aut adhibitum consilium amicorum, aut concubitum subsecutum postquam talia verba prolata fuissent: sed fertur Reus, cū post concubitum unā cum Aëtrice in lecto deprehensus, & quasi in ipso articulo oppressus esset, simpliciter dixisse, quod apud Aëtricem jaceret, sub fide & honore, & promississe (uti extra articulata à quibusdam testibus additur) non ipsi Aëtrici, sed testibus Arnoldo & Huberto fratribus Aëtrici quod ad matrimonium procederet, cujusmodi promissio de cōtrahendo matrimonio etiam si facta esset Aëtrici, & ab eadem acceptata, non induceret matrimonium de præsentī, *Doct. in c. ex parte, de spon.* quale



quale inter se & Reum cōtractum esse Aëtrix prætendit. Quibus accedit, quod si quid tale Reus protulerit, id factum ab eo videatur, ut manus ferocientium & insultantium fratrum evaderet, à quibus soli atque inermi in ipsorum ædibus constituto non parum periculi imminerebat. Nam si quis depositiones testium, quos ipsamet Aëtrix produxit, & præcipuè Adriani Hubrechtes, penitiùs introspiciat, & ordinem rei gestæ diligenter examinet, ex ipsiusmet depositionibus faciliè subodoraturus est, minas Reo illatas fuisse, & rem de composito gestam, ut Reus ad aliquam promissionem vi vel metu adigeretur.

Quo d attinet ad recognitionem, quam ponit Aëtrix Reum fecisse coram matre atque sorore Aëtricis sub his verbis : **Dat hy met haer verlooft was** / neque de hac satis constat. Nam primus in ordine testis M. Franciscus Clincker nō loquitur de recognitione facta coram matre & sorore, quam recognitionem Aëtrix articulavit, sed de quadam recognitione sibi testi seorsum facta Bredæ, vel in itinere Hagiensi, Margareta soror modò ait Reum recognovisse quod Aëtrici fidem dedisset, sed quod nollet matri indicare ; modò verò eum hoc recognovisse in sua & matris suæ præsentia : mater recognitionis quidem meminit, sed factæ per longè alia verba quàm articulata

sunt, videlicet per hæc, **Iest hebbe haer mijn tierstelijcke troutwe ghesgeheven** / &c. Ita ut quisque horum trium testium, qui soli recognitionis meminerunt, unicus & singularis sit, nec aliquem dicti sui astipulatorem habeat, ac proinde fidem non faciat, *c. licet universis. de testibus.* tamen si ut maximè de recognitione legitime fides facta esset; illa Reo præjudicium non afferret, utpote quæ solum confessio extrajudicialis esset, quæ non solet valere, *l. i. in fi. l. ult. de int. act. gl. in c. ult. de confess.* cum etiam confessio facta in judicio, absente adversario, nec aliquo pro eo acceptante, confitenti præjudicium non afferat, *l. certum. §. si quis absente. de confess.* neque obligationem, aut probationem inducat: *Cast. in d. §. si quis absente.* Imò & parte præsentē, non tamen acceptante facta, expressa confessio non nocet, *Fel. in c. capitulum S. Crucis. num. 11. de rescript. post Salic. latè in l. generaliter. in 6. quæst. C. de non num. pec.* nec sufficeret testes deponere confessionem factam fuisse parte præsentē, nisi adjiceret, Et ea instante ac petente seu confessionem acceptante. *Salic. in l. jubemus, in fi. C. de liber. can. Fel. d. loco.* Quæ si alibi, certè in causâ matrimoniali merito locum sibi vendicant, in qua propter animarum periculum quemadmodum toleratur propriæ turpitudinis allegatio; ita etiam propriæ confessionis quantumvis juratæ revocatio per-

mitti;

reijtitur, quando quis probare vult quod talis confessio in animæ suæ periculum cedat, *c. lator. & ibi not. de re jud. Ang. Arc. inter conf. Anch. conf. 212. Ego Angelus num. 3. Felin. in rubr. de spons. num. 8. Soff. jun. d. conf. 88. num. 30.* tamen si aliâs confessio ex certa scientia per principalem personam ritè facta, non revoce- tur, nisi notoriè de contrario con- flet. *Cyn. Barr. Bald. in l. error. C. de ju. & sac. ign. dd. in d. c. ult. de confess. Spec. in tit. de confess. §. ult. vers. Cæ- terum, & ibi Io. And.* Quibus ita ex- pensis, manifestum evadit inten- tionem Actricis satis ex actis probatam non videri, & quidem eo minus quod in præsentī casu articu- lata sunt ab Actrice formalia verba, per quæ tum matrimonium contractum, tum recognitio facta asseritur, non addita clausula, *vel his similia*, uti ex propositione A- ctricis patet. Quæ formalia verba cum nullo modo probata sint, sicuti ex iis, quæ jam ostendimus, clarum est, censerī non potest ma- trimonium probatū. Nam quan- do articulantur formalia verba intervenisse in aliquo actu, si illa præcisè non probentur, articulus non censetur probatus. *Anton. de Butr. Panor. & alij in c. nihil obstat. de rer. sig.* Illa enim Theorica, quæ dicitur sufficere, si testes in substan- tia & in effectu conveniunt, *d. c. nihil obstat.* locum non habet dum testes produciuntur ad aliquid probandum formaliter, *Doct. in d. c. nihil obstat.* veluti si Titius, qui se

hæredem esse intendit, articulet testatorem usum his formalibus verbis: *Te Titium hæredem instituo*, & ad id probandum duos testes pro- ducat, quorum unus deponat te- statorem dixisse, *Te hæredem facio*, alter, *Te hæredem instituo*, negant in- tentionem Titij probatam: *Pan. in d. c. nihil obstat. las. in l. 2. C. de bon. poss. secund. tab.* & ita in terminis causæ matrimonialis dubitabilioribus respondit D. Præses Nico- laus Everardi. *conf. 19. & conf. 123.*

MAGNOPERE præterea ad- versatur Actrici, quòd testes ab ea producti iustis de causis rejiciendi sint, imprimis propter sanguinis conjunctionem & verosimilem suspicionem emolumentī, quod ex huiusmodi mater & fratres at- que soror filix suæ respectivè & sorori acquirere student, *c. super eo. 2. de testib.* cum etiam mater non diffiteatur se filix suæ favere, *sub. pr. depos.* & Reus Actrice superior & præstantior sit: nam Actricem parvæ existimationis personam esse, ex propria ipsius propositiōe, & ex matris depolitione satis liquet. Proponit enim se solitam nocturnos ludos frequentare, & mater de ipsius ebrietate testatur, quæ in filiam bene morigeratam & liberaliter educatam non qua- drant. Deinde præterquam quòd sanguine junguntur, etiam sunt domestici, quæ de causa licet ad alias admitterentur, debent re- pelli, *Bald. in l. parentes. C. de testib. Ant. Corf. in sing. in verb. testis.* quia consuetudo

consuetudo domestica magnum incrementum sanguinis affectioni adjicit, *l. cum allegas. C. de castr. pec. lib. xij.* & charitatem auget, *l. penul. in pr. de castr. pecul.* unde major gratificationis præsumptio nascitur. Accedit crimen, quo testes notantur, & de quo literæ Scabinales testimonij causa exhiberi sunt, unde merito propter notam & infamiam vitæ ad testimonij fidem admittendi non sunt; *L. 3. §. lege Iulian. de testib.* præcipue in causa matrimoniali, quæ gravis & ardua reputatur, cum in ea agatur de maximo sacramento, & quodammodo de statu hominis, *gl. & dd. in c. mulieri. de jurejur.* & propterea requiruntur testes probatæ vitæ & omni exceptione majores, *c. 1. & ibi not. gloss. & Pan. de conf. & aff. c. in literis, & ibi gl. & dd. de testib.* neque sufficiunt aliâ idonei, *Fel. in rub. de spons. num. 5. latiss. Soffin. d. consil. 86. num. 6. & seqq.* unde sola infamia facti notati repelluntur. *Iac. de S. Georgio in d. §. lege Iulia, relatus à Soff. d. conf. num. 11.* Neque hoc sufficit, quod sint omni exceptione majores, sed est etiam necesse quod hoc fit articulum & probatum. Nam licet quis præsumatur bonus, *c. ult. de præsumpt.* tamen non præsumitur omni exceptione major & optimus, unde quando Canon vel Lex exigit testes omni exceptione majores, ut in causa matrimoniali, tunc articuli atque probari debet testes tales esse. *Angel. & Ioan.*

*Imol. in l. 2. §. diem. Quemad. test. aper. quos refert & sequitur D. Præses d. conf. 124.* Testes autem omni exceptione majores & omnino idonei dicuntur, quibus nihil objici potest, & quorum fides est indubitata. *gl. & dd. in d. c. 1. de consang. & aff. & in §. item verb. Inst. de inut. stip.* Præter hæc sunt inter testes, qui hanc causam sollicitent, & Lovanium venerunt ut Atricem juvarent, quemadmodum ex ipsorum depositio constat, quod ipsum etiam eos à testimonio arceat; *l. ult. de testim. Philip. Franc. in c. ult. de testibus. in 6.* nec eis suffragatur, quod non probetur stipendium accipere, uti dixit *Rom. conf. 420. proposita questione, per totum.* & videtur voluisse Rota, *decis. 154. sollicitator in causa in no.* quia hoc ipsum quod stipendium non habeant, magis eos suspectos reddit. Ideo enim arceatur sollicitator à testimonio dicendo in causa quam sollicitat, quod existimetur favere causæ quam tractat: at majorem affectionem & favorem declarat, qui gratis sollicitat, quam qui accepto salario; cum sola affectione causæ & personæ ducatur, & non præmio. *Soffin. lun. d. consil. 86. num. 24. citans Felin. in c. cum à nobis, sub fin. de test.*

## CONSILIUM L.

## SUMMARIUM.

1. *Germanica nationis concordata celebrata cum Pontifice Romano super electionibus Episcoporum & aliorum Prelatorum defenduntur.*

**I**N nomine Domini, Amen. Cùm legibus & Canonibus etiam de mandatis & concessionibus summi Pontificis disserere, *Anch. consil. 313. incip. nisi legibus.* & ab executione illorum, quæ iniqua, aut juri contraria sunt, super sedere liceat, *1. si quando, de rescrip. gloss. in l. puniri. C. si contr. jus vel utilit. publ.* haud verebor in præsentī causa sub bona gratia S. S. ea scribere quæ & juri & veritati (quæ Deo & summo Pontifici est gratissima *gloss. in d. l. puniri.*) videbuntur consentanea; in quibus si me uspiam labi, aut errare contingat, quod propter ingenij & judicij tenuitatem & infirmitatem faciliè accidere posse profiteor, id correctioni Sac. Ro. Ecclesiæ, ac omnium rectius sentientium judicio subjacere, ac pro non dicto, seu scripto haberi desidero.

Cui protestationi per omnia firmiter insistendo, puto de jure electionem Reverendissimi D. Maximiliani à Berghis ad Episcopalem dignitatem Cameracensem ritè & secundum Canones celebratam esse, efficaciterque susti-

neri & confirmati publica pactio-  
ne & fœderibus concordatorum,  
quæ pro pace & unione Ecclesiæ  
ac universæ Reipubl. anno 1448.  
inter sedem Apostolicam & incli-  
tam nationem Germanicam, in  
qua ditionem Cameracensem exi-  
stere infra demonstrabitur, inita,  
conclusa, & ultro citroque ac-  
ceptata & approbata fuerunt; &  
quæ deinceps Romani Pontifices,  
*Pon. Julius 3. anno 1544. in declaratione  
Leodensibus facta.* & Imperatores,  
*Maximilianus Imp. in decret. anno 1518.  
contra Leodenses facta & publicato, Ca-  
rolus V. Imperat. anno 1554. in edicto  
contra Cameracenses.* gradatim mul-  
tis edictis, decretis & epistolis  
confirmarunt. Ex quibus conecor-  
datis cum jure contractus & pu-  
blici pacti Universitati Germani-  
cæ nationis electiones sedium  
Episcopalium, perpetuò stabilitæ  
& in solido collocatæ sint, debet  
summus Pontifex pactis cōventis  
stare: *l. 1. ff. de pact. & l. 1. ff. de con-  
stitut. pecun.* Nec possunt subditi  
Imperij ac Germanicæ nationis  
hoc publicæ conventionis & fœ-  
deris beneficio defraudari; neque  
ullus actus fieri potest, per quem  
perveniat ad ipsius diminutio-  
nem. Nam contractus à jure gen-  
tium ducunt originem, quod est  
æternum, & varietatem seu vicif-  
situdinem non admittunt. *l. ex hoc  
jure. ff. de justit. & jur.* Et si grave est  
cuiquam homini fidem fallere,  
*l. 1. ff. de constit. pecun.* non potest  
nō esse Principi viro gravissimum.

Nihil

Nihil est enim, quod lumine clariore præfulgeat, quam recta fides in Principe. *l. inter claras. c. de summa Tri. & fid. Carh.* Et quemadmodum scribit Anch. *conf. 240. de Ro.* Pontifice, mandare contraria, levitatis & inconstantiae est signum; quæ si in omnibus, maximè tamen in Principe est vituperanda: In Principe enim, tanquam in fonte iustitiæ, debet esse constans & perpetua voluntas; & Principibus convenit unum habere calamum, unam linguam, & non plures, debetque esse immutabilis sicut lapis angularis, & sicut polus in cælo; idque potissimum in huiusmodi concordatis & conventionibus, quæ (ut ex corundem tenore, & insecuta declaratione Julij *111. anno 1554. Septemb. 14. apparet*) vim publici pacti & contractus habent, & à bono publico fundamentum accipiunt, & pro Reipub. beneficio introducta sunt, *l. 1. de feud. cog. col. 10. 10. Andr. in c. cui licet quod plus est, de regul. iur.* & quorum vinculo summus Pontifex Nicolaus Quintus sedem Apostolicam perpetuò teneri voluit: quoniam efficacior est Principis obligatio quando ex sua voluntate provenit, *Inno. in c. cum inter. de renunt.* & publicam utilitatem respicit, etiam si superior per eam inferiori se submittat. *Bald. in c. 1. de allodis, & in l. est receptum. ff. de iurisdic. omnium iudic.* Unde Bald. *in d. l. est receptum.* scribit, Imperatorem seu Principem litem habere cum subditis,

de ea posse compromittere, imò & inferiori à se, seipsum submittere, sicut contigit in pace Constantiæ ac in hac concordatorum conventionem, quæ voluit summus Pontifex perpetuò durare & observari, nec temporibus mutari, nisi in futuro generali Concilio aliter ordinari contingeret; adèò, quod ante supervenientem novam ordinationem futuri generalis Concilij, postulante hoc Reipub. statu, nulla ratione possit aut debeat infringi, aut abrogari jus concordatorum, quæ velut leges quædam perpetuæ utilitatis causa in alterum latæ summam Reipubl. felicitatem continent, & sine quibus veteres Ro. Pontifices existimarunt decus Christianæ Religionis & pacis & tranquillitatis publicæ sustineri & conservari non posse, ac eisdem ultro se submitserunt, ac sedem Apostolicam vinculo illorū perpetuò teneri, etiam à subsequenribus Pontificibus Declaratione Sixti Pont. anno 1480. *Tragectenfib. facta, & in declaratione Iulij 111. anno 1554. 14. Septemb. ad Leodienses.* declaratum extitit.

Et cum tam solidè efficaciterque concordata subsistant, nihil Reverendissimo D. Electo verendum videtur, ne prætextu reservationum Apostolicarum inquietetur, contra publicum concordatorum beneficium, si modò constare possit jus concordatorum ad sedem Cameracensem extendi, & ab ipsis Cameracensibus debere

D d d 2     obler-

observari, de quo tamen si propter generalem cōventionem concordatorum nomine totius Germanicæ nationis, in qua Cameracensium dicitur existere, magnopere dubitandum non videbatur; longa tamen vetustate, quæ omnia miscet, nec non studio & contentione eorum qui vigore reservationum & gratiarum expectatarum, cum habētibus provisionem ordinariam in ditione Cameracensi certant, res in disputationem & ambiguitatē adducta est. Nam firum Cameracensium in Germanica natione esse negant, & præterea propter non acceptationem seu non usum concordatorum vim & potestatem reservationum Apostolicarum apud Cameracenses constringi vel inhiberi non oportere. Quæ quidem objectiones cum statum præsentis causæ respiciant, ac in aliis quibusdam controversiis tanto verborum & rationum splendore exornatæ fuerint, ut etiam rectis iudicum quorundam animis, caliginem obfudisse videantur; operæpretium arbitror diligentiori disquisitione eas excutere, confutare, dilucidæque demonstrare, iis nihil obstantibus, beneficium concordatorum Cameracensibus, præsertim quoad electionem sedis Episcopalis, de qua agitur, denegari non debere. Et primò, quod ad firum Cameracensium attinet, nullum videtur dubium, quin in Germania sit cōstitutum ac mem-

brum Germanicæ nationis dici debeat, quoniam cum reliquis membris Imperij contribuit, & inde ad Cameram Imperij appellatur: & Episcopus Cameracensis illius ditionis ratione, per communem famam & reputationem vicinorum populorum (per quam locorum situs & limites probari solent *Doct. in c. cum causam, de probat.*) Princeps Imperij appellatur, & ad comitia evocatur; habeturque Cameracum. & ab antiquo tempore, etiam ante inita concordata habitum fuit membrum & pars Imperij & ditionis Germanicæ, ut ex historiis tam hujus ætatis quam antiquioris temporis notum est. Et evidentissimè hanc Cameracensium cum Imperio Germanico connexionem & dependentiam testantur, originalis dotatio seu collocatio, qua Henricus Rex Rom. anno 1007. Ecclesiæ Cameracensi totum Comitatum Cameracensij in feudum concessit. Item investituræ Episcoporum Cameracensium per tot annos gradatim à Regibus & Imperat. Ro. usque ad hæc tempora acceptæ, quæ subjectionem & qualitatem feudi evidenter coarguunt: *c. unic. in fin. de feudi cognitione. c. 1. de consuetudine recti feud. Specul. tit. de feud. §. quoniam super homagiū. arg. l. unica. C. de imponend. lucrat. descript. lib. x.* aded quod etiam si demum post inita concordata, ampliatis Germanicæ & Imperij finibus, Cameracum Im-

perio

perio adjunctum fuisset, nihilominus propter infecutas recognitiones, & servitorum præstationes, & servitorum præstationes, & membrum ejusdem Imperij, ac Germanicæ nationis censebatur, ac concordatis & aliis prærogativis Imperij & Germanicæ nationis uti deberet. Nam quæ accedunt Regno vel Imperio, de Regno vel Imperio esse judicantur, & regi debent constitutionibus Regni seu Imperij, cui adjiciuntur & incorporantur. *Barr. & alij in l. si cum venerit. §. si nuda. ff. de pig. act. Franc. Curt. senior consil. 56. super eo quod ab ordine, col. 5. 6. & seq. Barr. Sotin. consil. 7. part. 1.* Et pacta facta cum Universitate, extenduntur ad eos, qui postea de Universitate efficiuntur. *Paul. Castrens. consil. 455. part. 1.*

CONCORDATA igitur etiam ad Cameracensem ditionem, tanquam notorium feudum & portio Imperij ac nationis Germanicæ referri debent: præsertim attentis, quod concepta sint sermone universali, quo comprehenditur omne quod est intra fines Universitatis, ita quod nullus locus, nulla persona excipiat. *l. 1. §. cum urbem. ff. de offic. præf. urb.*

SUCCEdit nunc alia objectio, qua prætenditur, quod etiam si Cameracensem in Germania constitutum sit, ac feudum & portio Imperij habeatur; tamen quia non constat de particulari concordatorum acceptatione pro Cameracensibus facta, beneficium con-

cordatorum Cameracensibus suffragari non debere.

Pro cujus objectionis confutatione, & enervatione sufficere videtur narrativa Pontificis Nicolai Quinti, qua refert concordata pro pace & utilitate totius nationis inter Fredricum Ro. Regem & nonnullos alios ecclesiasticos & sæculares Principes nationis Germanicæ, ac legatum sedis Apostolicæ, sufficienti ad hoc per sedem Apostolicam mandato suffultum, fuisse inita, & à partibus hinc inde approbata, laudata, conclusa, acceptata & concordata: unde constat statim, incontinenti & absque ulteriori particularium acceptatione præsentem & puram obligationem totius universitatis, nationis atque Imperij fuisse inductam. Siquidem cum ista concordata ex parte Germanicæ nationis per Regem Rom. & Electores Imperij, & multos alios sæculares & Ecclesiasticos Principes nomine totius Germanicæ nationis inita, conclusa, acceptata & confirmata fuerint, non fuit necessaria aliqua particularis subditorum acceptatio. Nam concordata, uti supra dictum est, habent vim pacti & contractus pro pace & utilitate totius Reipub. Germanicæ initi. Et proinde omnes subditi Imperij ac nationis Germanicæ ab initio sine ulla acceptatione etiam invitati & nolentes ad istorum concordatorum & conditionum initæ pacis observationem obli-

Ddd 3 gar



gati fuerunt. Siquidem ad Regem seu Imperatorem & Electores Imperij pertinebat pacis & publicæ tranquillitatis media constituere ac concordata inire, ac omnes subditos ac successiones iis obstringere & obligare, ac universo populo bonum generale acquirere. *c. 1. & ibi Bald. de pace Constantia, col. x. Cyn. Bald. & alij in l. digna vox. C. de leg. l. Lucius. ff. de evict. l. item si verberatum. §. 1. ff. de rei vend.* Est enim Princeps omnium Præsul, & pro omnium salute vigilare debet, *§. illud. in Authen. ut judic. sine quoquo suffrag. l. 1. C. de off. præf. prætor. in fin. gloss. in l. bene à Zenone, in verb. omnia Principis. C. de quadr. præscript. & habet rerum publicarum administrationem, ita quod ex contractibus per eum ac proceres Regni seu Imperij Reipub. acquiratur, & respub. obligetur: præsertim quando contractus per modum fœderis pro pace & nomine nationis seu Regni aut Imperij (uti hic factum est) celebratur in perpetuum. *d. c. 1. & ibi Bald. in verb. in perpetuum, de pace Constantia, & c. 1. de pace tenenda, & jura. firm. & c. 1. de pace tenenda & ejus violat.* Nam quod venit in fœdera pacis, solidius subsistit, neque in particulari à subditis infringi, convelli, aut argui potest. *in l. venditor. §. si constat. ff. communia præd.* Quo etiam pertinet Angel. dictum, *l. jus publicum. ff. de pactis. l. nec ex pretorio ff. de regul. jur.* dum dicit, Civitatem pro bono pacis posse remittere damna & injurias*

particularium personarum, nec earum consensus requiritur, eaquæ est communis conclusio, à qua nemo discrepat, ut inquit Decius, *conf. § 20. in causa pistoriensis.*

CUM igitur concordata per Regem Rom. & proceres Imperij inita, omnes Imperij subditos, in universum ab initio obligaverint, nulla opus fuit in particulari acceptione ejus, quod nomine totius universitatis seu nationis per illos, qui universum populum representant, ac totius Imperij administrationem habent, *lurib. supra citatis, & arg. l. 1. ff. de decret. ab ord. faciend. l. aliud. §. refertur. ff. de regul. jur. Bart. & alij in l. cunctus. ff. si cert. petatur.* gestum fuit. Nam Germanicæ nationis, pro qua universaliter concordata sunt inita, ac omnium partium suarum, unum est corpus, ad quod partes relatæ pro extinctis habentur, neque per se aliquo modo considerantur, *l. eum qui cades. ff. de usur. sed ambitu, nexu & comprehensione universitatis seu totius continentur, ac eodem jure regulantur. c. quia circa, de privileg. c. cognovimus. 12. quæst. 1.*

ET totius universitatis caput est Princeps, & proceres Imperij, ad quos cura & administratio totius nationis pertinet. & qui totam universitatem representant; ita quod quicquid ab ipsis pro utilitate nationis geritur, à tota natione gestum videatur, quemadmodum quod fit ab ordine decurionum,

num, id est, per Magistratum, à quo persona Reipub. repræsentatur, ab universo populo factum intelligitur, & quod sit à majori parte ordinis, seu Curix, perinde habetur ac si omnes fecissent. *l. nominationum. C. de decurionibus. lib. 10. Decius & alij in d. §. refertur.*

QUIBUS accedit, quod generaliter in his, quæ pluribus sunt communia, ut universis & collegium, communitatem, vel universitatem (ut est in proposito) constituentibus duæ partes ordinis totius Curix instar habeant; aded quod à majori parte consilij seu ordinis constituta absque particularium subditorum consensu rata ac firma judicentur, etiam si aliqui de consilio vel ex ipso ordine dissentiant, & rectè, ne paucorum absentia seu contradictio & dissensus impediatur, quæ prudenter & salubriter per majorem partem facta sunt; *id. l. nominationum.* aded quod penitus supervacaneum videatur in proposito communium concordatorum (quæ ab initio homine totius nationis acceptata, & in communem usum recepta esse cõstat) particularem acceptationem à Cameracensibus requirere, qui tanquam pars relatione facta ad Imperium & nationem Germanicam non considerantur, & qui tanquam membrum Imperij constitutionibus & fœderibus ab his qui præsunt Imperio, initis, inviti obstringuntur. Nam cum ex concordatis universo populo ac

ipsi nationi & Imperio jus quasi-tum sit, licitum videtur Imperatori ac Statibus Imperij pro conservatione jurium Imperij subditos ac membra ejusdem Imperij maximo eorum commodo, edictis suis revocare & cogere ad observationem eorundem concordatorum, etiam si ipsi reverentia vel metu alterius potestatis, vel alia quacunque occasione in derogationem, seu infractionem concordatorum consentirent, quomodo nuper à divo Maximiliano adversus Leodienses, & deinde ab Imperatore Carolo Quinto adversus Cameracenses factum videmus: in his enim quæ publici juris sunt, & Universitati nationis competunt, nullum est subditorum arbitrium, aut potestas, & hoc potissimum in materia, aut causa, in qua nisi obviaretur, Religionis diminutio, scandala & abusus consequerentur.

Nec quicquam facit in contrarium clausula illa de facultate acceptandi in bulla confirmatoria Nicolai Quinti inserta, quoniam per illam obligatio pura ex concordatis puris inducta, quoad subjectos eorum, à quibus erant inita, ut sunt Cameracenses, resoluta aut per conditionem suspensa videri non debent: quoniam contractus concordatorum per se est purus, & simplex, & præsentem obligationem continet, & facultas illa acceptandi non ad diminutionem, sed ad augmentum & abundantiam.

abundantiore cautelam, propter rebelles fortè, aut eos, qui quavis in Germanica natione consisterent, Imperij tamen superioritatem, tempore concordatorum non agnoscebant: quod ad Cameracenses referri non potest, quorum perseverantem fidelitatem & obedientiam Imperatori præstitam testantur antiquissimæ investituræ, etiam ante inita concordata ab Imp. obtentæ & in hæc usque tempora continuatæ.

ILLUD quoque prætermittendum non videtur, quod in illa clausula acceptationis *Facultas acceptandi* non sit limitata ad certum tempus, intra quod scilicet acceptatio illa fieri deberet, sed determinavit summus Pontifex in ea clausula tempus, nempe Kalend. Junij tunc futuras, à quibus concordata vim & firmitatem haberent & currere inciperent quoad sedem Apostolicam: adeò quod acceptandi facultas semper durare videatur, quandiu durant ipsa concordata, & quòd etiam post Kalendas Junij concordata acceptare licuerit, & etiam nunc, quatenus in particulari acceptatione opus esset, ea fieri possit; quod haud obscurè colligitur ex declaratione Sixti Pontificis, quæ in favorem Episcopi & Cleri Trajectensis anuo 1473. his verbis facta est: *Et nobis legitime confito concordata ipsa indifferenter pro tota natione esse inita, & omnes de eadem natione illa acceptare volentes, illis uti posse*

*& gaudere debere, &c.* Nam cùm ea declaratio, diu post Kalendas Junij, de quibus in concordatis sit mentio, contigerit, & nihilominus adhuc liberum esse dicat summus Pontifex illa acceptare: sequitur & patet, facultatè illam acceptandi esse perpetuam, & adhuc durare; adeò quidem quod etiam si aliqua particularis concordatorum acceptatio desiderata fuisset, & nulla alia præcessisset, quod utrumque falsum existimatur, tamen acceptatio illa Episcopi Cameracensis anno 54. ita præcipientem Imperatore Carolo V. facta, rectè & tempestivè facta censeri deberet. Nam quod non est limitatum ad certum tempus, perpetuum intelligitur, & facultas acceptandi semel illimitatè cõcessa, semper durare creditur. *c. signatiore. de rescrip. in 6. gloss. in c. fin. in ver. perpetuos. eo. tit. & lib.*

POSTREMÒ de non usu concordatorum apud Cameracenses objicitur, in quo, licet quidam Pontificiis reservationibus subnixi, prævalidum fundamentum constituere videantur, tamen bene expensis & invicem collatis omnibus, clarissimè deprehenditur, nullam habere firmitatem, atque ad labefactandam electionem sedis Cameracensis (de quo præsens disputatio est) penitus inefficax esse.

PRO cujus demonstratione illud inprimis advertendum est, quod licet quæstio ista de non usu concordata-

concordatorum apud Cameracenses aliquam speciem & colorem prima inspectione habere videatur in collativis beneficiis, propter contrarios actus & provisiones Apostolicas aliquando factas; ad electiva tamen beneficia, & potissimum ad sedem Episcopalem nihil pertinere videtur; utpotè in qua longissima temporum serie, jus eligendi semper inconcussè apud Clerum seu Capitulum Cameracense remansit, ut testantur acta in archivio Ecclesiæ Cameracensi asservata ab anno 1218. usque in præsentem diem, quæ licet in gestis posterioris temporis videlicet ab anno 1480. propter admixtas & accumulatas, *in recordanda memoria Henrico à Bergis, & Iacobo à Croy*, electionibus coadjutorias & provisiones Apostolicas, aliqua obscuritate involuta videantur; nihil tamen invenitur admissum, per quod Cameracenses à jure eligendi secundum juris communis, & concordatorum dispositionem, excidisse censi debeant. Nam constat eos semper ad actum electionis processisse, & nunquam aliquem sedi Episcopali præfectum fuisse vigore provisionis Apostolicæ; nisi ea procederet ex voluntate & desiderio Cleri Cameracensis, & Principis inferiorum ditionum, quibus Cameracenses confines sunt: idque suadente aliqua temporum & periculorum necessitate, ut ex gestis seu actis posterioris temporis, quo

provisiones Apostolicæ electionibus misceri cœperunt, manifestum est, unde nihil juri Cameracensium detractum videri debet. Nam non ea mente Cameracenses provisiones Apostolicas admiserunt, ut jus & beneficium eligendi repudiarent, sed ut in periculi necessitatis Ecclesiæ & ditionis suæ majoris auctoritatis suffragio consulerent: neque etiam summi Pontifices eas provisiones fecisse videntur, ut Cameracenses à jure suo eligendi vigore concordatorum in posterum excluderent, sed duntaxat ut ex voluntate eorum præsentis Ecclesiæ necessitati succurrerent, ac providerent: quod sanè ad inducendam præscriptionem seu consuetudinem adversus Cameracenses valere non potest, utpotè ad quam requiritur animus & intentio præscribendi cum scientia & necessaria obtemperacione eorum contra quos præscribitur, l. 2. C. de servit. & aqua. l. servitutes. 4. & ibi Bart. & alij. ff. de servi. Bart. in l. 1. §. hoc interdicto. ff. de itin. actus priv. quæ in proposito cessare & deficere ex supradictis intelligitur.

QUIBUS est proximum, quod tamen non tam clarè constaret Cameracenses ex admisione provisionum Apostolicarum (quæ plerumque vel ob necessitatem vel ob gratificationem Principi inferiorum ditionum, aut etiam summo Pontifici factam progressum habuerunt) jus eligendi quod illis competebat repudiare, noluisse  
Ecc tamen

tamen in dubio ita judicari oportere, cum in hujusmodi casibus potius coactionis quam repudiationis sublit præsumptio: *Ang. in l. liber homo. ff. de acq. rer. dom.* urgent enim mandata, imò & preces Principum, & ut ille ait, cogit rogando, qui rogat potentior; Estq; orare ducum, species violenta jubendi. Quibus accedit, quòd repudiatio non præsumitur, quotiescunque quid aliud præsumi potest. *c. super hoc. de renuntiis.*

PRÆTER prædicta omnia, sunt alia quamplurima, ex quibus manifestum est præscriptione vel consuetudine concordatis Germanicæ nationis detrahi, aut derogari nō potuisse. Primò propter clausulam decreti irritantis, quæ concordatis inserta est; *Gemin. in c. cum de beneficio. de præb. in 6.* deinde quia bona fides, sine qua præscriptio non procedit, abfuiisset. *arg. eorum qua scribit Sosin. Nepos conf. 17. in fin. part. 1.* Item quia contractus concordatorum causam successivam habet, & continet jus quoddam quod in facultate consistit, cui respectu actuum futurorum præscribi posse non videtur, sed duntaxat præteritorum. Præterea propter universalem usum & observantiam concordatorum, in qua constat universitatem Germanicæ nationis existere, particularis præscriptionis effectus fuisset impeditus. Nam in his quæ sub Universitate ejusdem juris continentur, per possessionem unius,

possessionem alterius retinemus. *l. 1. §. veteres. ff. de acq. poss.* Et cum totum includat quamlibet partem suam, usus universalis concordatorum impedivit particularem præscriptionem quoad Cameraenses; ita quod ratione juris Universitati Imperii competentis (cui derogatum non est) Cameraenses in particulari cum præjudicio Universitatis per pactum vel consuetudinem Pontificis dispositioni subjici non potuerunt, quemadmodum præscriptio contra vassallum etiam impleta non infert domino feudi præjudicium. *Lodov. Roma. conf. 166.* Et procedunt prædicta, etiamsi officiales Imperatoris seu Imperii conniventia quadam provisiones Apostolicas contrarias cōcordatis tolerassent. Nam nec expressus eorum consensus ad diminutionem juris Universitatis Imperii sufficeret, sed necessaria foret certa Principis scientia, & quod Principi fieret intimatio, ut facilius sibi & Reipub. habito suorum procerū consilio posset providere. *l. si quos. c. de decur. lib. x. l. humanum. c. de legib.*

QUI etiamsi ipsius Imperatoris aliqua patientia & conniventia huic rei accessisset, quod non; nihil tamen ex jure Universitatis diminutum videretur: multa enim per patientiam tolerantur, quæ si fuerint deducta in judiciū, exigente justitia non debent tolerari. *c. cum jam dudum. in fin. de præbend. & c. quia circa. de consan. & affi.*

Quod

Quod potissimum in Imperatore dicendum est, qui occupatus circa graves Imperii curas, non potest omnibus interesse, neque illorum curam habere. *l. magistros. C. de profess. & med. lib. x.*

LICET itaque Cameracenses per se & ultro, vel coacti ab usu concordatorum abstinuissent, & contrariæ provisioni Apostolicarum consuetudini acquievisent: jus tamen & facultatem utendi iisdem per usum Universitatis, Imperii seu Germanicæ nationis (cui subsunt) retinuissent, idque ex vi inseparabilis cōnexitatis seu identitatis, quam habent inter se partes & totum: in individuis enim & connexis quod uni competit, ad alios extenditur. *l. unic. C. si in communi eademque causa.* Id quod maximè locum habere debet in proposito, posteaquam constat lege Imperiali lata anno 1554. libertatem recedendi à concordatis Cameracensibus ademptam esse, secundum quam legem constat Reverendissimum Episcopum Cameracensem cōcordata acceptasse.

ET profectò cessat omnis in proposito dubitatio, si attendimus concordata juris publici causam continere, accum Universitate nationis pro publica pace & unione esse inita, conclusa, acceptata, & approbata, atque efficax jus ex illis Universitati Imperii acquisitum esse. Etenim noti juris regula est, Jus publicum utilitate, subditorum ac privatorum pactis

neque mutari neque tolli posse. *l. jus publicum. ff. de pact. l. 1. §. 1. ff. de just. & jur.* Et quemadmodum privatorum pactis à jure publico discedi non potest, ita nec præscriptione vel consuetudine, ut Cardinalis Florent. scribit, quem Imola & alii sequuntur; *in c. si de consuetud.* adeò quod Cameracenses nec expressè consentiendo in derogationem concordatorum, nec tacitè per contrariam observationem sese à nexu & vinculo concordatorum eximere potuerunt. Quemadmodum in simili constitutum est, clericos nec expressè nec tacitè fori privilegium à se abdicare posse; quoniam hoc clericorum Universitatis commune est: *c. si diligenti. & c. significasti. de foro competent.* quæ constitutio inconvincibile argumentum præstat præsentī negotio. Nam si clerici sine auctoritate Episcopi alienam jurisdictionem prorogare nō possint, expressè vel tacitè; *d. c. significasti, & c. non liceat. 3. quest. 6.* & exemptus non possit sine licentia Papæ renuntiare privilegio, ac prorogare jurisdictionem ordinarii, *c. inter dilectos. de donationibus.* cur non pari ratione idem jus statuetur in proposito, ut Cameracenses, qui sunt subditi Imperii, non possint tacitè vel expressè jus concordatorum à se abdicare, quod Universitati Imperii ac Germanicæ nationis ex contractu pro unione & publica pacē inito acquisitum est, ne ordinariorum

jurisdictio confundatur, ac promiscuis actibus, rerum turbentur officia, & uni conceditur subtrahatur, & alteri concedatur: *l. consulta divalia. C. de testament. Oldr. conf. 267. col. 9.* & contra publicam utilitatem subditi Imperij cum magno gravamine sumptuum & expensarum & Ecclesiarum dispendio ad obtinendam provisionem beneficiorum vacantium Romam ire compellantur. *gl. prag. sanct. tit. de caus. in verb. finiantur.*

Qua ratione prudenter & iusta de causa primo divus Maximilianus anno 1518. Leodienses, & deinde religiosissimus Imperator Carolus Quintus anno 1554. Cameracenses (Pontificum in suos potestatem & coërtionem imitati *d. c. si diligenti. d. c. significasti, cum similib.*) pro conservatione jurium Imperialium, & privilegij Universitatis Germanicæ nationis acquisiti pœnali edicto ad usum & observationem concordatorum revocarunt.

Nam cum intersit Imperatoris, & procerum Imperij, subditos suos ab alio non possideri, & jura Universitatis Imperij nō diminui, *c. fin. de caus. poss. & prop. c. auditu, de prescript. cum similibus.* etiam in minima particula, quia per minimas particulas deveniunt ad interemptionem totius, *l. nomen. §. 1. ff. de leg. 2.* possunt & debent iidem Imperij proceres pro conservatione jurium Imperij se huic negotio interponere, & cavere ne concor-

data in totum, vel in parte aliqua labefactentur & enervantur; & ne actus aliquis fiat, quo perveniat ad diminutionem juris Universitati Imperij ex illis concordatis competentis. Nam vera & communis est conclusio, posse dominum superiorem subditos suos ab aliena subjectione, etiam si ipsi consentiant, revocare, & judicium instituere cum eo qui subditos ejus pro suis possidet. *d. c. fi. de caus. poss. & prop. c. suborta, & ibi dd. de re judic. & d. c. auditu. l. si suspecta, juncta gloss. ff. de inoff. test. l. ab executore. §. 1. & l. seqq. ff. de appell. latè Curt. junior conf. 154. num. 17.* Quemadmodum ediverfo, si contra dominum institutum foret judicium de subjectione, poterunt subjecti adesse judicio, & causam instituere, quia ipsorum interest non mutari dominium.

Qui bus accedit, quod Principi superiori permissum sit & pœnali edicto & quacunque alia ratione jurisdictionem suam ac jura Reipub. tueri & conservare. Et profectò nisi Imperatori & aliis Imperij Principibus jus esset adimendi libertatem consensu subditis, ne contra concordata in beneficiorum provisionibus sese aliis subjiciant, fluxæ omnino & caducæ forent publicæ illæ concordatorum conventiones, quas mox abrogare, in quos latæ sint, possint. Nam nulla lex satis commoda est omnibus, ideoque hoc solum spectandum est, an majori parti & in



& in summa proſit, ut ſcilicet tunc omnes ſubditi, etiam inviti, ad illius obſervationem conſtringantur: præſertim ſi (quod eſt in præſenti negotio) tractetur de conſervatione juris publici quaſiti ex publico fœdere directò & principaliter pro utilitate publica firmato, idque in ea materia, in qua, niſi provideretur, exorirentur in religione ac tota Republica ſcandala, pericula & incommoda, ad quæ averrenda declinandaque nullis præcedentibus concordatis aut alio jure publico conſtat edictis Regum ac totius Regni Galliæ ante multos annos editis, & nuper admodum denuò renovatis & confirmatis in toto Regno Galliæ uſum reſervationum penitus fuiſſe inhibitu; *Conſtitut. Lodov. 9. anno 1228. Caroli 6. anno 1385. & anno 1406. & Henrici ſecundi.* quod multum facere videtur ad juſtificationem edictorum Imperialium quæ ad-  
 • verſus Leodienſes & Cameracenſes promulgata ſunt. Nam ſi univerſæ Reipub. Franciæ ſola utilitatis ratione inſpecta juſtum viſum fuit ſuis ordinationibus reſervationes ab univerſo Regno Galliæ excludere, certè æquius & moderatius cenſeri debet, ſi Imperator & proceres Imperij pro conſervatione juris quaſiti ex publico fœdere cum ſede Apoſtolica perpetuò firmato advigilent, ac jus Univerſitati nationis ſeu Imperij quaſitum ſervent ac tueantur.

Næc eſt prætermittendū, quod

non ſolū Imperator & proceres Imperij, ſed & Sereniſſimus Rex Hiſpaniarum ditionisque Belgicæ Princeps hoc jus eligendi ſecundū concordata apud Cameracenſes in manu & tutela habere debet: tum quia generaliter boni & religioſi Principis eſt Dei ſacerdotes honorare & tueri, *c. boni Principis. 97. diſtin.* tum etiam quia Eccleſiæ Cameracenſis protectio tuitioque ſpecialiter ad ſuam Majeſtatem pertinet; & denique quia Cameracenſes ſuæ Majeſtatis ditionibus confines ſunt: referatque plurimum ſuæ Majeſtatis conſervari Cameracenſibus jus eligendi ad ſedem Epiſcopalem ſuæ Majeſtati fidelem & benevolam, quemadmodum ex mutua intelligentia, benevolentia & conſuetudine hæcenus fieri conſuevit, ne, ſi aliter provideatur, contingat cum magno diſcrimine Reipub. aliquem ſuſpectum & hoſtiles ſpiritus gerentem iatruſi, ſeu induci contra utilitatem publicam, & juris communis diſpoſitionem. *c. ſuper hiſ, & ibi Pan. de accuſat. arg.l. ſi quis aliquid. §. tranſfuga. ff. de re milit.*

Et quemadmodum ad Imperatoris & aliorum Principum officium pertinet præcipere & urgere concordatorum obſervationem; ita omnibus ſubditis Imperij, & potiſſimū R.D. Electo, tanquam vaſſallo & Principi Imperij convenit obtemperare legi generali, pro conſervatione juris Univerſitati Imperij competētis Imperiali

Ecc 3 aucto-

auctoritate promulgata. *c. 2. de majoritate & obed. c. in istis. 4. dist. c. 1. de nova forma fidelitatis.* Et rursus quemadmodum Imperatori & aliis Principibus convenit pro conservatione jurium Imperij subditos suos in usu & observatione concordatorum conservare ac defendere, ita etiam Sanctissimus dominus Papa, qui est cultor, zelator & fons justitiæ, ac conservator veritatis, qui que tot vinculis pro unitate Ecclesiæ obstringitur, non debet contra pacta à suis prædecessoribus cum inclita Germanica natione pro bono pacis publicè inita etiam in minima parte velle labefactare, aut beneficio Universitati Imperii quæsito aliquid detrahere. Neque enim Imperatorem jura Pontificatus arripere, neque Pontificem jura Imperatoris usurpare oportet, sed propriis actibus & distinctis dignitatibus potestatem habere debent; *c. cum ad verum. 96. distinct.* eo que magis in proposito negotio ab infractione concordatorum vigore reservationum Apostolicarum abstinendum videtur; quod grave scandalum, perturbatio Reipublicæ, periculum animarum, & velut infamia quædam Christianæ Religionis inde metuatur. Nam ad evitandum scandalum & animarum periculum, pro unitate Christianæ Religionis & Imperator & Pontifex jura sua dimittere & cedere debet. *c. nisi pridem. §. pro gravi. de renunciatione. Anch. cons. 298. in fin.*

Quæ omnia ea mente à me scripta denuo profiteor, non ut in judicia aut facta summi Pontificis, aut Imperatoris insurgerem, sed ut salva sedis Apostolicæ & Imperialis dignitatis Majestate, ea scriberem quæ & juri & rationi sunt consentanea, & ad defensionem R. D. Electi pertinere videntur, in quibus si aliquo modo errem, quod facillimè in hac profunda juris disciplina mihi contingere posse confiteor, quorum libet rectius sentientium judicio & correctioni me submitto.

## CONSILIUM LI.

## SUMMARIUM.

1. *Injuriarum actio requirit expressionem anni & mensis.*
2. *Sententia super libello ineptè concepta, est nulla, etiamsi de ineptitudine non fuerit exceptum.*
3. *Qualitas probanda est quoties agitur de re seu dispositione qualificata.*

CONSULTUS super nullitate vel iniquitate sententiæ latæ in consilio Trajectensi in causa injuriarum contra Arnoldum van Benevoirt &c. visis & diligenter excussis actis & scripturis ejusdem causæ, existimo sub correctione cujuslibet melius sentientis præfatam sententiam, quatenus in ea prædictus Arnoldus condemnatus est in certam pecuniæ quantitatem, & revocationem eorum quæ

quæ contra dominum Johannem de Culenborch &c. protulisse in actis proponitur, non solum injustam, verumetiam protus nullam esse, idque ex rationibus subiectis.

**PRIMÒ**, quia nec annus, nec mensis illatæ injuriæ per præfatum dominum Johannem in sua petitione ræconventionali expressus est, sed tantum in vago libellando dixit verba injuriola, quæ in actis referuntur à prædicto Arnoldo prolata esse: quo casu manifesti juris est libellum non procedere, sed nullum esse; ita ut ex illa non possit sequi sententia. Nam cum actio injuriarum ex delicto descendat, *l. fin. C. de injur. l. fin. ff. illo ritul. & famosa sit, l. i. & l. Athletas. in fi. ff. de his qui notant. infam. l. infamem. ff. de publ. judic. siue civiliter siue criminaliter intentetur; Bart. in d. l. infamem. necessariū est quod in ea libellus clarus proponatur, in quo singula exprimantur articulatim & exactè, ne Actor cum rei discrimine vagetur in incerto, & potissimum annus & mensis in eo explicari debet: *l. Prator edixit. in princ. & ibi Bart. Angel. & alij. ff. de injur. l. libellorum. & ibi Bart. ff. de accus. l. forma, in princip. ff. de censu. Specul. in tit. de pœnis, vers. in hac. Card. in clem. 1. §. civitas. de usur. probatur per rex. in c. tua. de procur. & ibi doct. per d. l. Prator edixit. ff. de injur. Alexand. conf. 212. in princ. vol. 2. adeo quod omissio anni & mensis iudicium protus nullum reddat, iuribus su-**

præ citatis. & nomen rei aboleri debeat, pronunciando intentionem ineptam, & absolvendo reum: *l. libellorum, & ibi Doct. ff. de accus. pulchrè Ias. in l. edita. C. de edend. & ita in simili refert Angelus Albertum de Gandi fuisse absolutum, cum sindicaretur propter libellum malè formatum. Nec sustineri potest præfata sententia, per hoc quod de omissione prædicta exceptum non fuerit, quia libellus talis ob non servatam formam, etiam si pars non excipiat, nullus est, & rejici debet ex officio: *Bart. Castr. & alij in d. l. libellorum. Latè Ias. in d. l. edita, circa finem. & si non rejiciat talem libellum iudex, punitur, l. in causis. C. de accusat. ac redditur iudicium retrò nullum, Ang. conf. 292. etiam si civiliter de delicto siue injuria actum fuerit. Pan. in c. 1. de libell. oblat. Alex. conf. supra citato.**

**SECUNDÒ**, quia non fuit articulatum vel probatum per præfatum dominum Joannem intra annum à die illatæ injuriæ præfatum reconventionem, in qua dictum Arnoldum sibi condemnari obtinuit, intentatam esse, quod tamen omninò est necessarium, & generali consuetudine in praxi observatum, cum actio injuriarum prætorica (qua hic actum fuit) annalis sit, *l. si non convicij. C. de injur.* qua post anni excursum à die illatæ injuriæ alium convenire non licet. *dict. l. si non convicij.* Et proinde cum in causâ præsentî præfatus domi-  
nus

nus Joannes non probavit; imò nec articulavit intra annum prædictam actionem intentatam esse, perinde est ac si non probasset actionem sibi competere, cum nō sit satis injuriam illatam esse, ut obtimeamus adversarium nobis condemnari, verum etiam necessarium est probari intra annum de ea judicium inchoatum esse. *d. l. si non convicij.* Nam quando aliquid cum qualitate est constitutum, probari debet eam qualitatem adesse, *l. Fulcinius. §. 1. ff. ex quib. caus. in poss. eatur. cum similibus.* & probatio unius vel alterius rei ex pluribus necessariis non sufficit, sed omnia sunt probanda. *l. si apud. & ibi Bald. C. de adil. edict.* Quæ res in proposito eo minorem dubitationem habet, quòd constet præfatam causam injuriarum demùm post annum in reconventionem deductam esse, per quod notoriè constat de defectu actionis seu juris ipsius domini Joannis. Nec potest excusari præfatus dominus Joannes adversus lapsum præfati temporis, per hoc quòd prosecutio cœptæ instantiæ super hac eadem injuria coram justitiariis civitatis Trajectensis dilata ac suspensa fuerit per exceptionem declinatoriam à prædicto Arnolde ab initio propositam. Siquidem illud impedimentum solum præstat exculationem respectu prosecutionis illius instantiæ, in qua impedimentum factum fuit; ita ut postea in prosecutione ejusdem

instantiæ præfatus Joannes audiri debuerit: minime verò valere potest prædictum impedimentum ad justificationem hujus causæ, in qua nullum unquam impedimentum factum est, quin scilicet præfatus dominus Joannes vel ante institutionem prioris litis, vel ea pendente, ut nunc postea fecit, eandem intentaret. Nam & lex & ratio dicat impeditum solum excusari in prosecutione actus, in quo fuit impeditus. *Authen. ei qui. C. de tempor. appell. Clemen. quamdiu. de appell. latè Felin. & alij in c. ex transmissa. de prescript.*

**TERTIO** non invenitur articulum, vel allegatum animo injuriandi præfatum Arnoldum verba in actis relata protulisse: quod tamen necesse est ad obtinendam condemnationem, in causa injuriæ. *Angel. & alij in d. l. si non convic.* Nam injuria sine animo injuriandi non dicitur. *dict. l. si non convicij.* Ideoque libellus, in quo hoc prætermisum est articulari, notoriè ineptus est; quoniam scilicet conclusio ex eo non infertur. *ut pulchrè decidit Angel. in simili dict. conf. 292. col. 2. vers. descendendo ad tertium.* Nec facit in contrarium, quòd ex qualitate verborum præsumatur injuriandi animus: nam præsumptio à probatione, non ab allegatione relevat.

**EX** quibus omnibus satis apparet, præfatam sententiam multis respectibus nullius momenti esse, & propterea, ut de facto lata est, de facto

de facto retractandam: Idque eo proclivius, quod hic tractetur de injuriarum actione, quæ famosa & odiosa est, & ad solam vindictam intentari solet: §. *non omnes. Instit. de perpet. & tempor. act. pulchrè Cic. in ora. pro Cecin.* & quæ non est in bonis nostris ante litem contestatam, l. *injuriarum. §. in bonis. ff. de injuriis.* quam prosequi ob ultionem (quam solam continet l. *Prætor. §. 1. ff. de injuriis.*) homini Christiano parùm convenit, *Matth. 5. Luca 6.*

## CONSILIUM LII.

## SUMMARIUM.

1. *Reditus de cujus origine non constat, præsumitur redimibilis.*
2. *Reditus sunt veterum usurarum succedanei.*
3. *Consultata opinio Anchorani, & Nicolai de Middelburgo, existimantium reddituum constitutionem emptioni & venditioni specierum comparari.*
4. *Reditus est redimibilis, nisi contrarium sit actum.*
5. *In contractu usurario non est locus l. 2. C. de rescind. vendit.*
6. *Contractus ad commercia pertinentes sunt perpetui, non etiam reddituum constitutiones, propter naturam tacite conditionis & qualitatibus intrinsicis.*
7. *Argumentatio non valet à comparatione reddituum ad alios contractus commutativos.*

8. *Amortizatio non respicit jus privatorum, sed solum confirmantis.*

**V**ENERABILIS Domine Præposite, in causa appellationis Mamburnorum mensæ sancti Spiritus oppidi Thenensis appellantium contra Hubertum Nunnen, appellatum, videtur sub correctione dictos appellantes, nullam justam causam habuisse appellandi ea occasione, quod Officialis Leodienensis pronuncia-verit appellatum originale Reum solummodo teneri & obligari ad solutionem redditus pro rata pignoris, quod possidet: sunt enim quatuor peciæ terrarum pignoris loco obligatæ pro reddito libelato, uti constat ex registris appellantium, & ex illis quatuor peciis originalis Reus nunc appellatus non possidet nisi unam peciam, videlicet unum bonarium terræ, in loco dicto *te straten* situatam, prout hoc in actis plenissimè constat. Cum igitur hic non sit actum actione reali Hypothecaria, sed Officialis Leodienensis cognoscens de proprietate bonorum amortizatorum seu redditus amortizati sit aditus, ut declaret an & quatenus pertineat ad mensam sancti Spiritus, ejus officium fuit ita pronuntiare & declarare, prout in ea parte declaravit, videlicet Reum nunc appellatum non teneri, aut obligari ad solutionem redditus, nisi ad ratam pignoris per eum possessi. *per c. constitutus, & ibi Pan. de Fff religio.*

*religio. domibus.* Verum quodd dominus Officialis Leodienſis iudicavit & declaravit redditum libellatum eſſe irredimibilem, in hoc videtur gravaffe, & certè gravavit Hubertum Nunnen originale Reum, qui licet ſit appellatus, quia tamen pars ſua adverſa appellavit, & appellationem proſecutus eſt, dictus quoque Hubertus Nunnen appellavit à ſententia, quatenus contra eum lata fuit: ſi ipſe poteſt ex ſententia gravamen hic coram vobis proſequi, & petere dictam ſententiam Officialis in ea parte corrigi. *l. ampliorem. C. de appellat.* Quia autem redditus libellatus (unde nūc quæſtio) ſit, & iudicari debeat redimibilis, ad hoc imprimis conſiderandum eſt: quia in cauſa vel caſu præſenti nihil omninò cōſtat de origine redditus libellati, quomodo ſcilicet ab initio ſit conſtitutus, an fuerit impoſititiuſ, hoc eſt pecunia emptuſ & conſtitutuſ, an fundiariuſ, hoc eſt fundo in emphiteoſim, vel pro tanto redditu, ſeu annuo canone conceſſo; quod ſecundum hūc non eſt veriſimile, eo quodd plures ſint fundi, quatuor ſcilicet diverſi, & à diverſiſ poſſeſſoribuſ ſupra annos centum & quinquaginta poſſeſſi, pro redditu libellato obligati, ſi ſequimur fidem regiſtrorum, & antiquorum librorum, pro parte appellantium exhibitorem. Igitur magis eſt veriſimile quodd reddituſ ab initio fuerit impoſititiuſ, hoc eſt, pecunia emptuſ & com-

paratuſ, quoddque illi fundi ſint hypothecati pro redditu libellato; & ita in dubio debet cenſeri & iudicari redimibilis potiùs quàm irredimibilis: pro debitore enim regulariter præſumitur eum in levio- rem cauſam obligatuſ, & id præſumitur quodd ei eſt faciliuſ & minus oneroſuſ. *l. ſi ita ſit adſcriptuſ. ff. de leg. 1. & l. apud Iulianuſ. §. ſcio, illo titulo. c. ex parte, de cenſib. l. ſemper in obſcuriſ, de regul. jur. l. qui concubinam. §. cūm ita. ff. de leg. 3. & l. nunciuſ, illo eodem titulo.*

ITEM reddituſ iſti annui ſunt, & habentur tanquam ſuccedanei uſurarum, & velut ſervituteſ impoſititiæ. Ideò ſemper odioſi ſunt, & favorabilis habetur eorum redemption. Ideò in dubio ſemper redimi poſſunt, ſi non conſtat, quodd ab initio ſunt conſtituti irredimibiles, ineſtque redditibuſ eſſentialiter libera redimendi facultas. Ita reſolvit Molinæuſ in quæſt. v. & v. i. in tractatu ſuo contractuum, uſura, & reddituum temporalium.

Næque præmiſſiſ obſtat, quodd reddituſ iſti ut plurimuſ conſtituuntur per verum contractum emptioniſ & venditioniſ. Emens enim reddituſ, velut quidd annuum, dat pecuniam ad hoc communiter appreciatam, & per hoc reddituſ ſalvatur ab uſuriſ, veruſ contractuſ emptioniſ & venditioniſ de ſui natura eſt perpetuuſ, & non reſolubilis per retrovendiſionem ſine ſpeciali pacto, quodd

quod est accidentale: l. 2. *C. de pact. inter empt. & vendit.* quemadmodum videtur consuluiffe Nicolaus de Middelburg, *consil. 150.* & Petrus de Ancho. *consil. suo 30. Panorm. & Doct. in c. ad nostram, de empt. & vendit.* licet Ludo. Ro. *consil. suo 302.* dicat quod constituuntur redditus per cōtractum innominatum, Do ut des, qui etiam est perpetuus, nec resolubilis, nisi speciali pacto appposito.

3 NAM respondetur ex dictis & scriptis præfati Molinari. *quest. 69. num. 444.* Quod contractus, quibus constituuntur redditus, quomodocumq; sibi blandiantur creditores, ut excusent eos cōtractus ab usuris, semper tamen sunt, & verius dicuntur venditores, vel locatores usus pecuniæ, quam emptores redditus: & vicissim debitoribus ipsi non minus dicuntur emptores & conductores juris fruendi seu retentionis fortis, hoc est, ipsius usus pecuniæ, quam venditores redditus. Omnes enim hi contractus fiunt ad habendum & compensandum per debitorem temporarium usum æris alieni; sic quod negari nō potest quin redditus isti nostri temporis sint velut usurarum succedanei, & idē in dubio pro redimibilitate eorum judicandum est, velut in leviolem & mitiorem partem pro debitore, & in qua sententia præfatus Molinæus finaliter residet: secundum quam etiam nunc passim judicatur, præsertim in sæculari iudicio,

etiam in redditibus Ecclesiasticis, seu Ecclesiæ vel piis locis debitis, prout jampridem mihi usu venit in causa Capituli Lyrensis contra Joannem Vleminck. Judicatum enim fuit pro redditus redimibilitate, eo quod non constabat de initio quomodo creatus fuit, seu quod fuisset ab initio creatus irre-dimilis: erat tamen redditus valde antiquus supra annos ducentos.

PORRO in præfenti causa nullo modo videtur hæsitandum, quin debuerit judicatum fuisse per Officiale pro redimibilitate redditus, eo quod consuetudo per appellatum in prima instantia ad hoc allegata sit sufficientissime probata per plures testes etiam per actas sententiarum, quæ sic fuerunt prolatae pro redditus redimibilitate, quando non constet de initio vel creatione redditus etiam contra pia loca, vel Ecclesias, quibus redditus debebantur.

NEQUE hinc valer argumentatio advocati partis appellantis, quasi scilicet bona Ecclesiastica amortizati sive redditus amortizati non debeant regulari secundum consuetudinem, vel constitutionem laicorum, & quod ita allegata consuetudo hæc foret impertinens. Nam ea juris dispositio, quod in dubio debemus considerare id quod minimum est, favorem debitoris, æquè sibi vendicat locum in relictis vel donatis Ecclesiæ aut Ecclesiasticis personis, sicut in personis laicis, uti



bene probat Decius in d. regula, *Semper in obscuris. per text. in l. Titia. §. Seia. ff. de auro & arg. lega.* Quare cum dicti appellantes per sententiam Officialis Leodientis nullo modo fuerunt gravati, quin potius appellatus fuit gravatus, contra quem judicatum est, redditum libellatum esse irredimibilem, debet sententia domini Officialis merito ea in parte corrigi, & pars appellans in expensis hujus instantiæ & causæ appellationis condemnari.

*Theodoricus Peelmans.*

CONSULTISSIME domine Doctor Elberte, quæso digneris meam insufficientiam modicum adjuvare, & aliquid scribere de jure seu seu quid juris sit super eo puncto. Quando non constat de creatione, vel initio constituti redditus, sed creditor solum habet probationem super antiquissima solutione redditus, quid in hoc casu dubio sive incerto sit dicendum de jure, an redditus sit judicandus redimibilis an irredimibilis. De facto enim consuetudinis, quod judicaretur (præstitum in judicio laicali) redimibilis, nihil dubito, sed sumus hic coram iudice Ecclesiastico, qui forsitan volet judicare magis secundum jus scriptum, quam secundum consuetudinem laicorum. Curabo labores tuos per meum clientulum contentari & mereri.

Ad eò copiosè, subtiliter & eleganter veritatem præsentis negotii dominus præconsulens elucidavit, ut additioni seu confirmationi ulteriori nullus locus relictus videatur, nihilominus ut parti seriò instanti morem geram, paucis dicendum arbitror, redditum, de quo agitur, redimibilem potius quam irredimibilem censeri debere, ex eo quòd non probatur aliquid super irredimibilitatis qualitate cautum esse, aut ab initio justum pretium, & quod ad comparationem redditus inequitabilis sufficeret, intervenisse. Hæc enim ad naturam, substantiam & justitiam redditus irredimibilis concurrere debent, iisque deficientibus seu non probatis, redditus in dubio judicatur redimibilis, & secundum illam qualitatem, quæ debitori est levior, & ad liberationem faciliior, tum quia naturali ratione ad liberationem sumus propensiores, l. *Arrianus. ff. de actio. & obligatio.* & jura in obscuris, quòd levius est, accipiendum & præsumendum præcipiant. c. in *obscuris. de reg. jur. in §.* Et denique, quia redditus sunt succedanei veterum usurarum, nec possunt propriè censeri inter negotiationes commutativas, & in substantia sua secundum justitiam subsistere, nec tolerari & ab usuraria pravitare excusari, etiam si in emptionis contractum deducti sint, nisi probetur sortis quantitatem justam & sufficientem esse, quæ ad compen-

pensionem & iustitiam trientariae usurae in redditu irredimibili sufficiat; ita quod fortis ab initio numerata quantitas proportionabiliter compenset non solum pensionem, quae in annos singulos usurae vice praestatur; verumetiam irredimibilitas ipsa seu jus perpetuae servitutis, per quod obligatio debitoris multum intenditur, & pretium agri seu fundi (cui ejusmodi redditus imponitur) diminuitur. Siquidem cum hi redditus simbolizent cum mutuo usurario, & veterum usurarum sint succedanei, usu & necessitate hominum parandi, aere alieno recepti, *extravagan. regimini, de usur.* cessat in his materia commerciorum: neque est in illis libera contrahentium conventio etiam cum deceptione & supergressione alterius, sed requiritur praecisa adaequatio, alioqui id quod agitur, tanquam usuraria pravitae commaculatum, viciatur. Unde eleganter Bald. scribit in rubr. *C. de usur.* hujusmodi usurario contractui non esse locum. *l. 2. C. de rescind. vend.* Habent enim hi contractus certos praecise adaequationis limites, quos excedere non licet. Unde qui emit supra rationem unius pro decem, non potest offerre supplere justum vel majus precium, ad evitandam nullitatem. Qua ratione generaliter & in terminis summus Pontifex in *distin. extravagan. regimini.* hos redditus examinat juxta regulam usurarum; ita quod generaliter

procedat in jure nostro argumentum ab usuris veteribus ad hos nostros reditus, ita quod quicquid non tolerabatur in veteribus usuris, aut conditionem debitoris nimium praegravabat, id ipsum hodie non toleretur in redditibus nostri temporis, ut probatur in *dict. extravagan. regimini.* & ex ipsa iustitiae aequitatisque ratione suadetur.

QUEM AD MODUM itaque veteres usurae semper stabant sub hac conditione resolubili, Nisi fors redderetur; *l. ubi autem. §. penult. C. ibi Bart. ff. de verb. obligat.* ita quoque in dubio redditus soluta sorte quandocunque resolvi debent, oblata sorte, nec ulterius currere quam fors restituitur.

NEQUE hoc loco ad perpetuitatem redditus ponderari potest species emptionis & venditionis, & quod hujusmodi contractus in dubio perpetui judicentur quoniam hoc verum est, quando contractus hujusmodi sunt ad negotiationes commutativas, seu ad usum commerciorum, ad quem reperti & introducti fuerunt, secus autem si ad hunc irregularē usum vertantur & detorqueantur, applicenturque ad causam foeneris seu usum quaerendi aeris alieni, in quo cessat commutativa iustitia: quoniam in casibus commerciorum stant contractus absolutē, simpliciterque procedunt ex conventionione partium, at hic non simpliciter permittuntur, neque con-

ventioni partium subjacent, sed restringuntur à jure ad limites præcisæ adæquationis usus pecuniæ, quæ est apud debitorem cum pensione vel alio quolibet commodo, quod à creditore recipitur, & hac ratione jus plerunque hujusmodi contractus ad materiam usurarum pertinentes in totum dampnat, *l. ad nostrum. de emption. & vendit.* plerunque verò propter hominum usum & necessitatē, velut per dispensationem, eos tolerat, non simpliciter quidem, sed secundum limites præcisæ adæquationis, & secundum conditionem ac naturam veterum usurarum; ita ut sua natura sint redimibiles, & continuatio eorum non sit præcisæ, nec stabilis, sed semper commutabilis & resolubilis, oblata sorte, quemadmodum ipsa usurarum obligatio tacitam habet conditionem, Nisi fors reddatur, *l. ubi autem. §. fin. ff. de verb. obligat.* nisi probetur pactum irredimibilitatis appositum, & in illius compensationem & adæquationem aliquid dignum annumeratum debitori: quibus cessantibus in dubio propter similitudinem & adæquationem reddituum cum usuris præsumitur redimibilitas, tanquam intrinseca qualitas, seu conditio ad substantiam & justitiam redditus necessaria: qua conditione tacita seu intrinseca eveniente, justum est redditum, quamvis per contractum emptionis constitutum, resolvi & extinguere exemplo

veterum usurarum. Etenim hæc est natura conditionum tacitarum, seu qualitarum intrinsecarum: *l. tutelæ. ff. de capit. diminut. l. si quis heredem. C. de instit. & substit. Bald. in c. quemadmodum. vers. circa tacitas. de jurejur.* & eorum quæ ex rei natura proveniunt, secundum quam omnis dispositio judicanda est. *l. unic. §. ne autem. C. de cad. tollend. l. slip. ista. §. si quis ita. ff. de verb. oblig.* Et est hæc mera veritas, ut latius ostendit Carolus Molinæus in *tractatu usurarum, num. 117. 183. nu. 212. 213. & 444.*

Ex quibus dilucidè satis intelligitur differentia ac dissimilitudo quæ est inter emptionem seu acquisitionē hujusmodi reddituum, & aliarum rerum, puta fundi, domus, ac similium, quæ ad commercia & commutativā justitiam pertinent. Nam emptio hujusmodi reddituum, ut dictum est, non est contractus commutativus, nec simpliciter permissus, sed tantum præambulus aliorum commerciorum, quo videlicet pecuniam comparemus, quæ ad commutationes legitimas & vera commercia est necessaria; nec simpliciter permittitur, sed secundum terminos præcisæ adæquationis; ita ut non valeat argumentum, ab emptione fundi vel alterius rei, ad commercia pertinentis, ad hos redditus, quamvis plerique non perpensa terminorum dissimilitudine hoc argumento decepti fuerint, *ut Anch. conf. 30. Præses Everardi, consil. 150.*

*confil. 150.* quoniam redditus huiusmodi semper odiosi sunt, & cum mutuo simbolizant, & in locum veterum usurarum surrogati sunt.

ET eo minor in proposito est dubitatio, quod sufficienter consuetudo probata videatur, secundum quam in loco redditus constituti in dubio pro redimibilitate iudicatur.

Nec quicquam valere potest amortificatio ad impediendum redemptionem hoc calu: amortificatio enim non facit redditum, aliàs de se redimibilem, non posse deinceps redimi. Amortificatio enim non respicit jus privatorum, nec illud tollit, aut minuit, sed solum confirmantis; videlicet ne quis cogi possit ad ponendum extra manus suas per confirmantem, sed bene per alium, etiam inferiorem, cuius iustè interest, & qui amortificationi non consensit, ut pulchrè in terminis scribit Molin. *de contract. usur. num. 313.* Et hæc sub correctione, &c.

## CONSILIUM LIII.

## SUMMARIUM.

1. *Generalis Codicillorum dispositio non porrigitur ad præcedentis specialis prælegati prærogativam.*
2. *Fideicommissum generale non comprehenditur præcedens legatum speciale.*
3. *Disposita in testamento inter liberos,*

*non revocantur posteriori testamento, vel codicillis, nisi nominatim & in particulari fiat prioris dispositi revocatio.*

4. *Donatio perfecta non subjacet revocationi.*
5. *Dispositio facta de bonis testatoris, non porrigitur ad bona aliena, quamvis testator de illis disponendi facultatem sibi reservaverit.*

**A**NNO 1539. nobilis & magnificus dominus Baptista de Taxis, una cum domina Christina van Wachtendonck facto testamento prælegavit D. Rogerio à Taxis Præposito Lovanienti & c. filio suo majori natu prædiū suum seu curiam de Hemellesse cum omnibus suis juribus & artinentiis, addito fideicommissio & prohibitione alienationis, ac præter prælegatum illud factum in compensationem prærogativæ, quam antedictus dominus Præpositus ex consuetudine in bonis feudali- bus habuisset, voluerunt dicti conjuges eundem dominum Præpositum æqualiter cum reliquis liberis succedere in omnibus aliis eorum bonis, prout latius in prædicto testamento cum indulto Principis ordinato continetur. Postea dictus D. Baptista de Taxis procul ab uxore in Germania existens codicillos fecit, quibus antedictum dominum Præpositum voluit contentum esse trecentis florenis annuis; ita ut illis acceptis excluderetur ab omnibus & quibuscunque

buscirque bonis tam feudalibus quàm aliis, his verbis: *Item quand à mon filz Rogier Prevost de Louvain, attendu qu'il est bien & honorablement pourveu des biens d'Eglise, je veux & ordonne qu'il se contente de trois cens florins de rente, de quarante gros, monnoye de Flandres, le florin. Et que parmy ladictè rente il demeurera sourclos de tous & quelconques mes aultres biens tant siefz que aultres.* Mortuo D. Baptista, uxor seu vidua ejus supetstes secundùm illius codicillos erogavit antedicto D. Præposito trecentos illos florenos annuos, quos idem D. Præpositus absque ulla protestatione, ut videtur, recepit. Deinde eadem D. Christina anno 1554. constituta coram Scabinis Antverpiensibus legitimè cessit & transportavit præfato D. Præposito filio suo antedictam curtim de Hemessum cum omnibus suis pertinentiis; idque donatione inter vivos, aut alio quovis meliore modo irrevocabili, in vim cujus donationis præfatus dominus Præpositus possessionem quoque dictæ curtis assecutus fuit, nihilq; juris penes matrem remansit, nisi quòd vita sua durante reciperet quosdam census dominicales, possetque in dicta curte cum familia sua hospitio recipi: hanc tamen donationem mutata animi sententia postmodum revocavit.

*Queritur.*

PRIMÒ, an revocatio exclusionis in codicillis paternis facta porrigatur ad prædictæ curtis

prælegatum, & si sic, an pro toto, an verò tantùm pro parte D. Baptistæ, qui illos codicillos fecit; ita ut ea revocatio non præjudicet præfato D. Præposito in successione bonorum maternorum.

SECUNDÒ, an aliquid faciat ad exclusionem D. Præpositi, apprehensio trecentorum florenorum, qui illi secundùm codicillos paternos, saltè pro majore parte, exoluti sunt.

TERTIÒ, si vel paterna dispositio in codicillis facta, vel apprehensio dictorum trecentorum florenorum illi in petendo prælegato præjudicet, an ex nova causa donationis materna jus dominiumque dictæ curtis acquisierit efficaciter; ita ut sequenti matris revocatione illi auferri non poterit.

POSTREMÒ, cùm D. Baptista de Taxis in vita sua feuda quædam acquisierit domino Præposito filio suo, qui in iisdem bonis coram curia feudali legitimè inheredatus est, reservato patri usufructu, & libera dispositione; Queritur, an bona illa præfato domino Præposito ab initio efficaciter acquisita sint, ac penes eum remanserint; ita quòd dispositio paterna, quæ generaliter tantùm de suis bonis concepta est, nulla particulari istorum bonorum mentione facta, ad ea non extendatur.

PRO resolutione prioris questionis, paucis dici potest, codicillos paternos dicti prælegati revoca-

revocationem non inducere duplici ex capite. Primò, quia quamvis prohibitio exclusioque illa generalibus verbis facta videatur, non tamen est producenda ad huiusmodi prælegatum; restitutioni post mortem & prohibitioni alienationis specialiter obnoxium, sed concludetur & restringetur vis dictæ exclusionis ad limites portionis hæreditariæ, quam cessante illa revocatione ultra prælegatum illud æqualem habuisset D. Præpositus cum reliquis fratribus & sororibus. Nam generalis illa codicillorum dispositio referri non potest ad dicti prælegati specialem prærogativam, in qua propter specialem notam particularis expressio vel derogatio fuisset necessaria. *ε. fin. de offic. deleg. in 6. c. ne aliqui. de privileg. in 6. c. in generali. de regu. jur. in 6.*

2 Id quod præter multa alia vulgaria jura relata post alios à Paulo Parisio, *conf. 112. & conf. 141. lib. 4.* confirmatur in specie proposita similitudine fideicommissi generalis, quod de jure non producit ad prælegatum huiusmodi speciali prohibitioni & restitutioni obnoxium; *l. Lucius. §. pluribus. & ibi Bart. ff. ad Treb. Iason in l. cum virum. in princip. C. de fideicommissis. quidem similitudinis ratio eo proclivius admittenda est in casu proposito, quòd cum fideicommissio & alienationis prohibitionem concurrat specialis causa compensatoria, seu remuneratoria, quæ dictos testatores ad huius-*

modi prælegatum faciendum induxit. Hæc enim qualitas remunerationis facit dictum prælegatum firmiter subsistere, quàm si simpliciter nullo debito juris vel consuetudinis præcedente testatores ex mera liberalitate ad huiusmodi dispositionem prælegati processissent. Deinde, ut concedamus secundum mentem testatoris codicillos postea factos ad prælegatum hoc extendi, nihilominus tamen ex defectu potestatis inutilis erit illa in codicillis facta revocatio. Nam cum præcedens dispositio jure testamenti, (ut à testatoribus exprimitur *l. non codicillum. C. de test.*) inter liberos facti efficaciter subsistat, sequens solius patris ordinatio in codicillis facta solennitati seu dispositioni testamenti præcedentis nihil detrahere potuit. Nam hoc proprium jus est testamentorum, quæ sunt inter liberos, ut disposita in iis non revocentur posteriore testamento, vel codicillis, nisi nominatim & in particulari fiat prioris dispositi revocatio, idque septem testibus adhibitis. *Auth. hoc inter. & ibi Iason in princ. C. de testamen.* Quod procedit non solum si agatur de revocatione institutionis, sed etiam prælegati facti filio in primo testamento; adeò quòd tale prælegatum non possit postea revocari à patre in codicillis coram quinque testibus, ut expressè scribit Iason, *in d. Authen. hoc inter.* & amplissimè confirmat Ludovicus Roman. *conf. 179.*

Ggg Amplij-

*Amplissime Doct. in 8. col.* Et proinde cum hæ solennitates (quas ex speciali ratione etiamnum hodie obtinere non dubitatur) codicillis, de quibus agitur, non sint adhibitæ, satis manifestum est jus prælegati, quod in testamento relictum est, non vacillare ex infecuta ordinatione codicillorum; qui cum à solo patre facti sunt, & de illius bonis tantum, nihil faciunt, etiam inspecta sola voluntate patris inutili, ad successionem & bona materna. Nam duo sunt in præcedenti dispositione testamenti eadem charta comprehensa, alterum patris, alterum matris; & codicilli, quos solus pater postea fecit, tam ex juris dispositione quam ex verborum significatione ad bona ipsius patris duntaxat referuntur.

CIRCA secundam questionem, interest quo modo & ratione dominus Præpositus trecentos annuos à matre receperit, an simpliciter absque commemoratione codicillorum paternorum, an verò conformiter & nominatim ex causa codicillorum: & rursus an cum renunciatione ulterioris successionis, an verò absque aliqua renunciatione. Prioribus duobus casibus, quamvis dominus Præpositus recipiendo simpliciter, vel ex causa codicillorum, quæ fuit inutilis, videatur scientiam codicillorum habuisse; nihilominus tamen jus prælegati ex prioris testamento illabefactum mansisse videtur, magisque conditioni

indebiti sese obstrinxisse, recipiendo ex causa inutili, quam revocationem invalidam in sui præjudicium confirmasse. Quod sanè dicendum esset, si ulteriori successioni ex testamento renunciasset, aut matri numeranti dictos trecentos taxativè pro universa successionem patris acquievisset. *gl. & dd. in l. si ex plurib. ff. de acceptilat. vel aliter nominatim consensisset in observationem dictæ revocationis & exclusionis, non obstante illius nullitate: quæ quidem approbatio confirmatioque ex solo facto renunciationis induci haud potuisse videtur.*

AD tertiam questionem breviter dici potest, quòd cum donatio illa matris fuerit perfecta, ex pœnitentia postea revocationi subjacere non potuit. Nam vellet nec ne filio prædia donare, fuit in initio illi liberum, post donationem autem perfectam ex sola pœnitentia revocare, aut alienare donata non potuit, *l. possessionem. & l. si donationem. l. velles. l. quod mater. C. de revoc. den.* nisi edoctis manifestissimis causis, quibus filius arguatur venisse contra pietatem, & ingratus extitisse, *l. his solum matribus. C. de revocand. donat.* cujusmodi argumenta ingratitudinis nulla, vel saltem non sufficientia proponuntur. Cæterum ex ea matris donatione nihil aliud domino Præposito, quam simplex usufructus acquisitus est, proprietate constricta per mortem patris ex consue-



consuetudine. l. filia. & ibi Doct. C. familia hercise.

Quod ad ultimam questionem attinet, cum pater filio prædium seu feudum comparaverit, videtur per arbitrium dividendæ hæreditatis hoc feudum præcipuum fore D. Præpositi, nisi probetur contrarium parentis iudicium postea declaratum, de quo discurrendo per testamentum & codillos nihil invenitur. Nam utroque loco à testatoribus respectivè est dispositum de suis bonis tantum: quorum appellatione contineri non possunt, quæ filio acquisita sunt, & in quibus pater solum usumfructum & liberam dispositionem retinuit. Nam libera dispositio nobis in alienis potest competere, arg. l. si ita legatum. §. 1. ff. de legat. 1. l. si ita expressum. ff. de cond. & demonstr. qualia fuerunt hæc feuda- lia respectu parentum. Salvo meliore iudicio.

## CONSILIUM LIV.

## SUMMARIUM.

1. Portugalensium mercatorum in Belgio degentium privilegium explicatum.
2. Domicilium non contrahi ex sola habitatione negotiandi causa facta.

**V**ISIT & examinatis privilegiis Regum Portugalie, concessis nationi Portugalie in Belgicis ditionibus degenti, & confir-

mationibus mandatisque nostrorum Principum infecutis jure recteque dici potest mercatores conventos, quamvis in Portugalia nati sint; tamen propter originem parentum & diuturniorem commorationem extra Portugalam Hispanos esse, nec à Consulibus seu procuratoribus nationis Portugalie compelli posse ad subeundam collationem & contributionem, quæ ex prerogativa dictæ nationis exigitur. Siquidem capitula seu privilegia principalia Regum Portugalie, dictæ nationi concessa, solum loquuntur de naturalibus & subditis seu subjectis, his verbis: *des noz naturelz.* & rursus in verbis: *les marchans naturelz de noz royaumes.* Quæ verba puram, inditam, innatam atque altius radicam, nec non successionem & continuationem quadam confirmatam naturalitatem significant, omnemque adventitiam qualitatem & subjectionem remouent: ita ut & propria, & majorum nativitas debeat eandem conditionem & qualitatem habere, & velut ex eodem furculo proveniens vim suam nativam latius diffundere, ipsasque personas regi ditionique Portugalie appropriare, adeo plene perfecteque, ut nulla alia natio, aut alterius nationis Princeps propter parentum fortè originem, domicilium, vel aliam subjectionem, sibi aliquid juris in illis possit asserere: quod non potest attribui, nec convenit dictis mercatoribus.

catoribus, quorum parentes non fuerunt Portugaleses, sed Hispani, neque (ut præsupponitur) in Portugalia unquam fixerunt domicilium, causa ibi perpetuò habitandi, omisso prorsus foro originis, licet temporaliter fortè & negotiationis explicandæ gratia ibi aliquandiu constiterint animo inde recedendi, repatriandi quæ explicatis negotiis: per quod neque civilitas, neque incolatus contrahitur, *l. est verum. & ibi Bart. C. de incol. lib. xj. l. quasitum, in princ. ff. de leg. 1.* sed simplex habitatio, quæ neque naturalem, neque accidentariam domicilij subjectionem continet. Nam is qui aliquo loco tanquam Officialis, seu certæ negotiationis explicandæ causa degit, animo recedendi explicato officio, negotio quæ, simplex habitator & non advena dicitur, nullo quæ tempore acquirit domicilium, etiam per mille annos, *d. l. quasitum. Paris. conf. 34. nu. 21. & seq. lib. 4. Alciat. conf. 55. num. 9.* & non ex loco, ubi est cum liberis, appellatur, sed ex loco unde est antiquitus oriundus, & ad quem revertendi habet animum; adeò ut nec ipse domicilium habere, nec liberi ex illo loco trahere originem dicantur, in quo fortuitò & veluti in transitu nati sunt, sed sequuntur locum ex quo pater naturalem originem ducit, vel domicilium habet, *l. assumptio. §. filius. ff. ad Municip. l. filios. C. de municip. & orig. cum naturalis causa accidentariæ præfe-*

ratur; & origo paterna cum domicilio, prævaleat nudæ origini filij, quia paterna duobus vinculis constat: neque æquum est, fortunam, aut temporalem peregrinationem obesse partui, *Signorell. de homodeis. conf. 166. Panorm. & alij in c. Rodolphus, de rescript.* qui appellatione alienigenæ cõtinetur, quando extra locum domicilij parentum nascitur, *Bart. in d. l. filios.* nec ullo modo censeri potest numero vel nomine natalium, de quibus privilegia illa concepta sunt, & in quibus vera, nativa, & radicata origo & descendencia, & cum propria origine etiam paterna, vel quid aliud, quod perfectam subjectionem constituat, requiritur; adeò ut exuberans verborum conceptio & plena vocabuli naturalium significatio longè plus operetur, & ulteriorem gradum sedem quæ habeat, quàm dispositio quæ simpliciter de natis aliquo loco concepta est, & quæ plerunque in nativitate, quæ non est fortuita, verificatur, cum longè minus sit natum esse in loco, quàm naturalem esse alicujus loci vel ditionis: prius enim illud ex simplici nascendi occasione acquiritur, posterius verò non contingit ex simplici & sola nativitate, sed validioribus fundamentis subnixum est, & naturali essentia, & radicata continuata quæ appropriatione & incorporatione sustinetur & consovetur, neque naturales alicujus loci dicuntur, qui ibi nati sunt, si non

si non concurrant paterna origo, vel constans & perseverans domicilium, aut alia veræ subjectionis adminicula. Eaquæ videtur genuina interpretatio & sententia dictorum privilegiorum, eorumque observatio his cancellis & limitibus cohibere & concludi debet.

NEQUE verendum est, ne per posteriolem Caroli confirmationem aliaque mandata subsequuta excedendo dilatandoque usum, ampliata extensaquæ sint, utpotè quæ non extensionem, sed solam executionem respiciunt, *clement. 1. de prabend.* & in quibus exactio tantum conceditur, non etiam originaliter inducitur, sed jam inducta confirmatur, relatione facta ad privilegium, de cujus confirmatione agitur; sic ut sequentia illa priora neque amplient, neque extendant, sed tantum robur firmitatis & facultatem exequendi illis attribuant in his ditionibus secundum terminos prioris concessionis, quæ reperitur, & ad quam fit relatio. *Socin. Nep. consil. 49. num. 18.* Regulariter enim ex confirmato & non ex confirmante vis & substantia actus dependet, & confirmans neque de novo dare, neque disponere dicitur, ipsumque confirmatum attenditur non habita ratione confirmationis, nisi ad bene esse (ut loquuntur Interpp.) & quatenus pro sustinenda vel exequenda priore concessionem est utilis, *Paulus Parrif. consil. 19. incip. si*

*tenemus concessionem. num. 36. cum seq. lib. 1.* relatioque prioris concessionis hoc inducit, ut sequens confirmatio retineat naturam primæ concessionis, ad quam confirmando respectus est habitus; nisi ab illa reperiatur expressè recessum. *Caro. Ruin. consil. 169. num. 9. vol. 1.* Stat enim & durat vis prioris concessionis, quatenus apertè non mutatur aut cassatur: *Iason in l. doli clausula, de oblig. &* ut legis correctio in dubio non præsumitur; ita mutatio ejus quod semel concessum est, non inducitur, nisi de ea expressè agatur, cujusmodi nihil invenitur in sequentibus confirmationibus, imò in contrarium verba Carolinæ confirmationis sic concepta: **Allen en peggheleijk / naturelijche ende gebozen Coophuyden in Portugal / oock residerende herwaerts over / &c.** ex propria significatione rationeque non augendi, sed potius restringendi apertiusque declarandi effectum habent, nullamque vim in sola nativitate constituunt, sed cum naturalitate radicali, & à parentibus profluente, etiam propriam nativitatem originemque conjungunt, & utrumque sensu composito requirunt virtute copulæ, ex cujus natura concursus utriusque copulati est necessarius; maxime quando inter qualitates pares & conformes versatur. *L. quamvis. de impub. & aliis substit.* sic ut dictio (**gebozen**) naturalium qualitati conjuncta, eam adaugeat

intendatque, & evidentius declarer, ad veram perfectamque naturalitatem etiam propriam nativitatem debere concurrere. Id quod probabilius redditur ex natura negotij, conditione confirmationis, & potentia copulæ, sensum compositum habentis, inter qualitates ad eò conformes & consentaneas, & quarum una venit in accessionem & ad majorem perfectionem alterius, quæ tanquam potentior & alteram tacite includens, sola in principali Regum Portugalix privilegio expressa est.

Et hoc tam manifestum est, ut non possit scrupulus, aut obscuritas injici ex eo quod in subsequenti clausula Carolinæ confirmationis, ad majorem certitudinem, declarationem & approbationem dictio illa (*gebozen*) per se posita inveniat in verbis: *Dat alle Cooplyden gebozen in Portugal* &c. Siquidem cum originalis concessio de naturalibus concepta sit, & ipsa Carolina confirmatio illam referens per expressionem dictionis (*natuerlijcke*) addita conjunctaque illi dictioni (*gebozen*) juris ratio postulat ut præcedentia influant in sequentia, & sequentia declarentur ex præcedentibus, atque interpretationem suam ex illis accipiant; sic ut dictio illa (*gebozen*) per se posita in secunda parte confirmationis, plenior significationem extrinsecus habeat, accipiatque non pro simpliciter natis, sed pro veris,

naturalibus, originemque tum propriam, tum parentum ex aliquo loco ducentibus, secundum præcedentis clausulæ confirmationem & conditionem confirmationis, quæ non inducit immutationem prioris concessionis, sed ei manenti intra suos terminos robur firmitatis, aut facultatem executionis adjicit, etiam si dubiis, aut generalioribus verbis concepta fuerit. Sequens enim generalis confirmatio coarctatur & limitatur ad terminos specialis concessionis præcedentis, quemadmodum è diverso ex præcedente generali concessione, sequens specialis vel dubia confirmatio ampliatur & extenditur. *Bart. in l. quasi fundum. §. si quis fundum. ff. de fundo instructo.*

Ad quorum confirmationem plurimum facit sequens observatio, quæ ostendit privilegium, de quo agitur, nunquam exercitum esse contra hujusmodi mercatores, sed usum ejus ab antiquissimis temporibus semper constituisse in veris, originariis, & subjectis, de quibus ipsa privilegia loquuntur, quod omnem hæsitacionem remouet: quia cum dicta privilegia in hanc usque diem ita fuerint interpretata & practicata, ab interpretatione & antiqua atque diuturna illa practica non est recedendum. *l. minime. ff. de legibus. Decius conf. 131. col. fin.* Quoniam licet in omnibus plurimum operetur consuetudo, & pro lege servanda sit:

*l. de*

*l. de quibus. ff. de legib. l. C. quæ sit long. consuet.* In huiusmodi tamen materia contributionis & taxæ exigendæ majorem habet potestatem, & sola attenditur & prædominatur, ut eleganter scribit Sossinus Nepos *d. conf. 49. num. 25.* Et proinde cum ex usu & observatione dicti privilegij, intètio statuentium & ipsum privilegium concedentium evidenti satis interpretatione deprehendatur, convenit mentem sic deprehensam & intellectam sequi & custodire. *l. semper in stipulationib. ff. de reg. jur.* Interpretatio enim mentis & intentionis, quæ ex usu & observantia sequenti resultat, tam potens habetur, ut etiam ad approbationem & confirmationem ejus, quod est invalidum, sufficiat. *Dec. conf. 665.* Quod spectat quod pulchrè scribit Aymo Cravetta, *conf. 101. nobilis Guido. num. 3.* quod ex observantia secuta declaratur ambiguitas, quæ in præcedentibus esse poterat. Nam ex iis quæ postea fiunt, declaratur, qualis fuerit animus in præcedentibus; *l. sed & Iulianus. §. proinde. ff. ad Macedon.* additque ibi, Instrumentum minus solenne facere fidem, quando secundum ipsius tenorem fuit observatum: ac quod tam potens sit observantia postea secuta ad declarationem voluntatis ambigux in præcedentibus, ut non requiratur præscriptio in tali observantia, id est quod longo tempore ita fuerit observatum. Est enim (inquit) observantia inter-

pretativa, in qua nulla præscriptio requiritur.

Quæ omnia usque adeo sunt urgentia, ut etiam si latius pateret dictum privilegium, & non de naturalibus, sed de simpliciter natis conceptum esset, nihilominus in tuto versaretur dictorum mercatorum intentio, nõ solum propter diuturnam observationem insecutam (de qua diximus) verum etiam ex mente & sententia ipsorum Principum, tum concedentium, tum confirmantium. Neque enim verosimile est, quod harum ditionum Principes sibi præjudicando voluerint propria confirmatione suos subditos statutis Portugaliz subjicere, aut quod reges Portugaliz statuendo intèderint alios quàm suos naturales & subditos comprehendere; cum distinctio potentatuum, ipsaque juris ratio id non patiatur. Licet enim Imola, Castrensis, & Alexander, in *l. huiusmodi. §. legatum. ff. de leg. 1.* subobscurè etiam casualem nativitatem in aliquo loco considerare videantur, eorum tamen assertio majoris auctoritatis pondere Petri, Cyni, Nicolai de Neapolis, Baldi, Angeli, & aliorum convellitur, in *d. §. legatum.* Ipseque Castrensis in *d. §. legatum.* rectè excussus, non locum fortuitæ nativitatis, sed originis paternæ atque domicilij considerat, proposito exemplo de statuto Bononiensi, quo cavetur, ut ad collegium non admittatur nisi originarius, id est, Bononiæ

Bononiæ natus, dicens sub eo comprehendi, eum qui ex parentibus Bononiensibus, domicillum ibi fœventibus, fortuitò per peregrinationem, aut aliam temporaneam absentiam, quocunque loco extra Bononiam nascitur. Id quod idem Castrensis extendit ad eum, qui ob temporaneum officium, aut docendi munus conductus in alia civitate magistratui vel scholæ præest. Quod plurimum facit ad defensionem dictorum mercatorum, qui ex parentibus neque originem, neque verum domicilium in Portugalia habentibus, fortuitò & ex temporali causa seu peregrinatione in Portugalia nati sunt. Ideoq; paternam originem sequi debent, & neque originarii Portugalie, secundum regum Portugalie privilegia, neque nati in Portugalia, ut sequentia quædam mandata sonant, censi debent: & consequenter à vinculo & inclusione dictorum privilegiorum eximi eos oportet.

Quod sequendum & observandum est, etiamsi seposita consideratione illa fortuitæ nativitatæ dicti mercatores fortè propter domicilium, vel incolatum parentum verè in Portugalia nati existimarentur. Nam posteaquam longissimo tempore Portugaliam reliquerint, & in his ditionibus commorantes sub Rege Catholico semper vixerint, nullumque domicilium in Portugalia retinuerint, non possunt subijci vel con-

stringi placitis Regum Portugalie, ex hoc solo, quod in Portugalia nati sint: quia quoad munera, honores & onera filius sequitur originem paternam, & non propriam loci, in quo natus est, *text. express. & ibi gloss. in l. filios. C. de municip. & orig.* etiamsi mater inde trahat originem: nisi (ut est manifesta Imperatoris sententia *in d. l. filios.*) ibi quoque continuatione domicilij retineatur, forum sortiat, & jurisdictioni subijciatur; adeò ut in fortioribus terminis scribit Baldus, *in Auth. omnino. 8. col. C. ne ux. pro mar.* quod si civis originarius habiter extra provinciam originis, dicitur ab eo deserta provincia originis; nec potest ibi conveniri, nec statutis illius loci coartari, *pulchrè Matt. de Afflic. decis. 384.* Licet enim civilitas originis sit indelibilis, quoad ipsum factum & naturalem rationem; adumbratur tamen, & vis atque potestas illius extinguitur quoad effectum conveniendi & statuendi in personam, si ibi nec reperiatur, nec domicilium habeat, ut Bart. *in d. l. assumptio.* scribit, & pluribus argumentis confirmat per elegantem decisionem *in d. decis. Math. de Afflicis, quæ* comprobatur apertis verbis Imperatoris, negantis propriam filij originem considerari, nisi concurrat nexus domicilij: secundum quæ Imperatoris verba necesse est accipere & interpretari, quod Accurs. scribit, *in d. l. filios. de propria origine filie*, propter evidentem

evidentem rationem & constitutionem legis, quæ alioqui interpretamento Accursij subverteretur. Quod non obscure animadvertens Bart. in d. l. filios. aperte requirit aliquem natum esse in loco, ubi parentes constituerant domicilium, ut quis ratione propriæ originis sequatur locum.

QUIBUS congruit manifesta juris ratio, quod neque collecta, neque taxa, neque ullum aliud onus imponi possit ei, latè Sof. Nepos conf. 49. num. 13. part. 2. qui non est de jurisdictione statuentis, aut qui sub eo forum non sortitur, qualis est is qui in civitate originis desit habere domicilium. *Iuribus præcatis.* Id quod Reges Portugalæ prospicientes providè statuerunt duntaxat de originariis Portugalæ & subditis suis mercatoribus, qui negotiationis causa in his ditionibus Belgicis habitarent, animo redeundi aliquando in Portugaliam, & sub jurisdictione Portugalæ remanentes, ut facile deprehendi potest si quis prima privilegia diligenter excutiat. Quibus sequentes cõfirmationes sunt consentaneæ, & ad eorum tenorem accipi intelligique debent, propter naturam cõfirmationis & certissimam interpretationem, quæ tum ex juris communis dispositione, tum ex insecuta observantia inducitur, ut per superiora abundè demonstratum est. Et si quis adhuc superesset scrupulus (quod non videtur) ejus declara-

tio interpretatioque pertineret ad Principem confirmantem, cujus est mentem ac voluntatem suam in dubiis concessionibus declarare. l. ex facto. in princ. ff. de vulg. Salvo meliore judicio.

## CONSILIUM LV.

## SUMMARIUM.

*Spoliationis & direptarum mercium tractatio: & ex quibus indicibus seu causis probetur rei dominium.*

NON juris, sed facti quæstionem habet controversia quæ vertitur coram magnificis iudicibus delegatis à Serenissima Regina Angliæ inter Ludovicum Thirium civem & mercatorem Brugensem in Flandria ex una, & D. Arthurum Champernoirne cum sociis ex altera, super restitutione mercium per dictum D. Arthurum in portu Dortmonde invasarum & occupatarum; in qua si veritas, si justitia, si æquitas (quæ regna facit diuturna & felicia) gradum suum obrinere possit, dubitandum non videtur quin secundum intentionem dicti Ludovici pronuntiari debeat. Nam quamvis vigentibus superioribus bellis contra Gallos satis permissum fuerit Anglis impunè Gallorum naves & bona hostiliter invadere & abducere, fidem tamen non fecit dictus Arthurus per efficacem & idoneam probationem ejus

Hhh quod



quod intendit, quippe quod invasit ac direptæ merces fuerint Gallo-  
rum, aut eorum in quos hostilia  
exercere licuit: Imò in contrarium  
& ex abundanti secundum Ludo-  
vici assertionem sunt argumenta,  
præsumptiones & probationes  
idoneæ & concludentes, quæ suffi-  
ciunt ad fidem faciendam confir-  
mandamq; res controversas, non  
ad Gallos, sed ad Ludovicum spe-  
ctasse, & etiamnum spectare: cujus  
demonstratio licet sine præpara-  
tione, arte, vel prolixiore dedu-  
ctione ad oculum & ex ipsa acto-  
rum relectione satis evidenter re-  
luceat, tamen ob magnitudinem  
negotij, & ut instantiæ ac sollicitu-  
dini clientis subserviamus, ad ma-  
jorem veritatis illustrationem, &  
ne aliqua caligo (quæ rectis judi-  
cium definitionibus insidiari solet)  
relinquatur, subjiciemus sequentia  
quæ ad causæ decisionem ac magis  
magisque confirmandam inten-  
tionem Ludovici pertinere viden-  
tur potissimum.

Est primò, ne frustrâ in sequen-  
tibus probationis defectus in D.  
Arthuro arguatur, animadverten-  
dum est, quod quanquam ex for-  
mula agitari judicij Ludovicus  
pro restitutione rerum ablatarum  
agere videatur, nihilominus Ar-  
thurum onere probandi potissi-  
mum prægravari debere, propter  
considerationem violentæ inva-  
sionis, præsumptionem malæ fidei  
ac legum indignationem, quæ ex  
rei alienæ violenta occupatione

enascitur, & tam potenter urget ut  
actor non teneatur probare do-  
minium, si constet de violentia;  
*l. si quis emptionis. C. sed hac de illis. C.  
de præscrip. 30. vol. 40. nu. l. si quando.  
C. unde vi.* Ipseque violentus occu-  
pator pœnis legum & edictorum,  
quibus vis coërcetur, *l. si quis in tan-  
tam. C. unde vi. l. 2. §. 1. cum seqq. vi  
bon. rap.* puniatur, nisi jure belli res  
occupatas hostiū fuisse, aut alium  
casum licitæ deprædationis ad sui  
defensionem possit liquidò osten-  
dere, quod hic ab Arthuro minimè  
factum invenitur.

ET ENIM diligenter perscru-  
tando singula, parvo labore de-  
prehenditur, ipsa facta & causas  
seu judicia, super quibus Arthuri  
probationes receptæ sunt, magna  
ex parte esse dubia, remota, imper-  
tinentia, nihilque propter effusam  
generalitatem & incertitudinem  
concludentia, quod ad dominij  
Gallici probationē sufficiat. Nam  
primò nimis longè petitum & alie-  
num à propolito est, quod Jaco-  
bus le Seigneur, Petrus D. de Mel-  
mont, Joannes Voisin, Thirius  
Voisin, & Anton. Ludot sint Regis  
Galliæ subditi. Ut enim maximè  
res ita se habeat, & Ludovicus ad-  
mittat, molestiaque probandi Ar-  
thurum in ea parte liberet, nullum  
tamen inde desumi poterit argu-  
mentum vel indicium ad asseren-  
dum dictis Gallis controversarum  
mercium dominium. Eiusdem fa-  
rinæ est quod tres ille personæ  
priori loco nominatæ sint merca-  
tores

tores & focij, qui ante annum sexagesimum tertium in Barbaria commercia exercuerint, quodque Thirius Voisin linguam Flandricam non admodum calluerit, & quoddam navis, in qua merces controversæ vehebantur, fuerit onerata tempore belli quod gerebatur inter Gallos & Anglos. Nam ex societate vel commercio dictorum Gallorum nihil inferri potest, vel ad asserendum illis merces controversas, vel ad adimendum Ludovico, aut aliis mercatoribus commercium vel negociationis facultatem in Barbaria, cum negociationis usus in Barbaria sit promiscuus, & ad nullum certum genus hominum coarctatus, & linguæ Flandricæ ignorantia (de qua tamen sufficienter non constat) neque ad adjuvandam neque ad subvertendam Ludovici intentionem ulla ratione desecti potest, sed signum prorsus est remotum, & ad causam nihil faciens, præsertim cum frequentè contingat in Flandria, maximè Antverpiæ, mercatores uti ministerio eorum qui non habent nisi usum linguæ Gallicæ, quæ in illo emporio est promiscua. Et quod de oneratione navis & belli tempore facta adducitur, momentum non habet adversus Ludovicum mercatorem Flandrum & subditum Regis Catholici, amici & confæderati Reginæ ac nationis Anglicæ, nisi quod in contrarium probabilem conjecturam faciat mercium per-

tinentium potius ad Ludovicum quàm ad Gallos, quos non est verisimile cum evidenti discrimine infestato mari ab Anglis, Gallorum hostibus, merces tam pretiosas ad se pertinentes ex Antverpia in Barbariam, & rursus commutatas cum aliis ex Barbaria in ditiores Belgicas voluisse revehere; sic ut Gallorum periculum & Flandrorum securitas eo tempore occasione dederit Flandris majoris frequentiæ & negociationis, quandiu durabat bellum inter Gallos & Anglos, ipsumque signum & argumentum ex belli occasione desumptum Ludovico subserviat, & ad intentionem Arthuri sit impertinens, ac propemodum contrarium; ideoque de probationibus super eo factis nihil laborare conveniat, cum signa & indicia remota non admittantur, & supervacanea sit opera circa probationem ejus quod probatum non relevat. *l. neque natales. & l. ad probationem. C. de probat.*

EADDEM ratione in remoto signo consistit, nullumque ad præsentem causam facit adminiculû, quod dicitur Thirium Voisin, & Antonium Ludot anno 63. fuisse factores Jacobi le Seigneur & sociorum, quodque Thirius navem conduxerit, cum jus patiat, & quotidiana experientia docet eandem personas pluribus factoris officium exhibere, eadem ratione qua unus idemque plurium negotiorum & diversarum personarum

Hhh 2      procu-

procuracionem sustinet. Et frequentissimum est ut unius mercatoris institor multorum aliorum particularibus negotiis intendat; præsertim iis, quæ ex contractibus dominorum suorum proficiuntur, & ad illorum executionem pertinent, quod est in præsentī negotio: quia constat merces in Barbariam destinatas, per Ludovicum comparatas fuisse à Jacobo le Seigneur indubitabili signo, omnia quæ secuta sunt, non ad usum aut nomine Gallorum, sed ipsius Ludovici gesta esse, & ministerium Thirij non ad Jacobū le Seigneur, aut Joannem Voisin venditores, sed ad Ludovicum emptorem respicere, propter principium mutati tituli & causæ, & quia veræ emptionis titulus interveniens (quem adhuc stare utraque pars consentiens confitetur) impedit quo minus rerum à dicto Jacobo translatarum dominium ei possit attribui; præsertim post traditionem insecutam, de qua apparet ex 7. & 29. art. positionum Ludovici, quos ipse Arthurus ut legitime probatos acceptat, & adducit in verificationem 9. art. suarum positionum, quo deducit Joannem Voisin anno 63. fuisse proprietarium sexaginta sex balarum pannorum controversorum, quod magni momenti est: quoniam præterquam quòd sequens traditio & possessio præsumatur procedere & sequi in vim causæ tituli præambuli, *l. quadam mulier. de rei*

*vend.* certum est propositam ab Arthuro præteriti dominij allegationem non solum nihil ad suam intentionem concludere, sed in contrarium proprietatem & dominium Ludovici confirmare admissio jure authoris, à quo eum emisit & comparasse liquidò probatum est; *l. 4. & l. cum res, & ibi Doct. C. de probat. Matth. de afflict. 40. decis.* & certiore confirmacionem accipit ex acceptatione, usu & concessione dictarum positionum Ludovici, quibus certissima hujus emptionis & translationis rerum in navem assertio continetur, cujus veritatem Arthurus debet admittere propter acceptationem, usum, & inseparabilem orationis connexionem. Siquidem confessionem vel positionem uno spiritu seu capitulo cõceptam non licet scindere, nec qualitatem illi additam abjicere, quando non pugnat contra illam qualitatem idonea probatio, *Bart. in l. Aurelius. §. idem quaesit. de lib. leg. domin. in c. 1. de conf. ff. in 6. Card. conf. 29. Bart. & Alex. in l. decem. de verb. oblig. Abb. in c. bona. 2. in fi. de possu. pral.* quæ non invenitur ab Arthuro proposita, utpotè qui ad confirmandam novam positionem suorum art. sola illa Ludovici qualificata positione & confessione utitur, nullis aliis probationibus adhibitis.

PRÆTERMISSIS itaque omnibus prædictis Arthuri factis & positionibus cum testimoniis illas respicientibus, tanquam ad rem nihil

nihil facientibus, arripiamus contenta sexti, 10. 11. 14. 15. & 16. articuli, quibus prætenditur à Thirio Voisin fuisse conductam navem, eique merces controversas fuisse impositas in usum Gallorum, ac de eo famam fuisse publicam in Barbaria, &c. quæ tametsi prima facie aliquid facere, propiusque rem ipsam respicere, ac qualem qualem præsumptionem continere videantur: fieri tamen non potest ut ex illis aliquo modo juvetur Arthuri intentio. Quod ut ordine demonstretur, considerandum est quod quamvis appareat, & Ludovicus confiteatur navem à Thirio conductam esse, id tamen non suffragari, sed pugnare & adversari conatibus Arthuri; quoniam liquidò probatum est, & eo amplius, litera chartæ partiæ ab Arthuro citata in probationem dictorum articulorum apertis verbis significat navem à Thirio conductam fuisse nomine, in usum & ad utilitatem dicti Ludovici, & pro illius mercibus: per quod omnis molitio Arthuri subvertitur, induciturque magnum & prævalidum argumentum pro Ludovico, quòd omnia alia, quæ deinceps secuta sunt processerint in actus præcedentis consequentiam ex eadem causa, & in eundem usum, cum à primordio tituli posterior formetur eventus, *l. unica. circa med. C. de imp. lucr. descript. lib. x.* & causa semel posita durare præsumatur, *Dost. in l. 2. de acq. poss. & ex*

antecedenti consentanea sint consequentia, & ex illis rectè ducatur argumentatio; *l. apud antiquos. C. de furtis.* adedò ut inspecto initio ex ordine & serie rei gestæ omni verisimilitudine destituantur, & vanitati subiaceant, quæ sunt reliqua, & propter resistentem probabilitatem & legum indignationem adversus alienarum rerum direptores sustineri non possint, nisi per probationes perfectissimas & luce meridiana clariore, quæ ab Arthuro nõ proferuntur; qui tametsi omnia conquiescit quæ ad colorandam injustam occupationem suam pertinere possunt, nullam tamen concludentem probationem fecisse invenitur, utpotè cujus testes omnes magna imperfectione laborant, & in ea sunt conditione quod iudex illorum dictis religionem atque animi sui motum accommodare non debeat: nam qui aliquid de contentis prædictorum articulorum deponere videntur, ut Petrus le Fevre, Antonius Ludot, Matthias de Quester, Thomas Baynon, & Thomas Heyron fidem testimonij non merentur, Petrus le Fevre & Antonius Ludot, quia vel metu carceris & detentionis coacti, *l. idonei. de testib. Bald. in l. unic. C. de confess. dd. in l. qui in carcere, de eo quod met. cau. Oldrar. conf. 7.* vel studio & diligentia Arthuri persuasi & induci fuisse multis & magnis argumentis convincuntur, *ut constat ex deposit. ad 32. & 33. pos. Ludovici.* & præterea quia

Hhh 3 ob

ob evidentem singularitatem & contrarietatem, qua laborant, professiones eorum non possunt subsistere. Utriusque enim depositio directò repugnat ei quod voce sua literis *de 4. August. anno 63. de 14. Decemb. anno 63. & similibus unà cum deposit. ad 27. artic. Ludov. atque instrumentis spontè dilucideque professus fuerat ante & post transmissionem mercium, & eo tempore, quo omnia erant integra, & de nullius utilitate vel præjudicio tractaretur. Nam cum nulla fieri possit dictarum scripturarum & depositionum conjunctio, vel conciliatio, vacillare & corrumpere debet depositio testium, qui contra se habet propriam scripturam, quæ prævalere debet *l. generaliter. C. de non num. pecun.* propter majorem auctoritatem, & quia ex temporis circumstantia & rerum consequentia minore suspitione laborat, & quia ipsa verisimilitudine multisque aliis conjecturis & rationibus adjuvatur & confovetur, *c. literas. & ibi Panorm. de præsumpt.* de quo minor dubitatio est in præsentī hypothēsi, propter subsecutam revocationem dictarum depositionum; quæ tantarum est virium, ut per se ad convellendam fidem testimonij possit sufficere. *Innoc. in c. præterea, de test. cog. Anton. de Burr. in c. cum in tua. de test. & attest.* Licet enim testis iteratò examinatus non faciat fidem dicti sui, nisi emergat articulus novæ quæstionis, quando ex intervallo,*

posteaquam parti loqui potuit, diversum deponit à priore sua depositione; notum tamen est testes varios, ac sibi cōtrarios, aut etiam vacillantes, non probare id de cujus fide agitur, & testimonium priori contrarium etiam ex intervallo redditum, licet ad fidem & probationem ejus, super quo recipitur, non valeat, valere tamen ad confutandam enervandamque prioris testificati fidem, augetque illius debilitationem & revocationem; *d. s. præterea, & ibi Doct.* quod hic dubitationem habere non videtur, ubi non simplex prioris depositionis revocatio, sed contraria assertio & depositio est, adjuncta & suffulta adminiculis & conjecturis metus & coactionis in priore depositione intervenientis, necnon meræ veritatis in contrarium militantis, probatæ, verificatæ & confirmatæ indubitatīs testimoniis, epistolis & munimentis probationem probatam & certissimam continentibus.

NEQUE hic omittenda sunt argumenta falsitatis, quibus Petrus le Fevre obruitur, inde quod cum constet cum nomine Ludovici tantum fuisse adhibitum ad custodiam controversarum mercium, & quod nullum cum Gallis haberit commercium, nihilominus ad secundum & tertium art. Arthuri eo prolapsus sit, ut assereret se & Thirium Voisin fuisse familiares & factores dictorum Gallorum; quæ falsitatis consideratio, aliis accedens,

accedens, efficit ut in totum rejici debeat illius depositio, quia propter detectam falsitatem, variationem, inconstantiam, vel contrarietatem testimonij in una parte totum testimonium redditur falsum, vel saltem suspectum; cum testis fides sit individua *Alex. in l. si ex falsis, num. 15. C. de transact.* propter juramentum, sub quo testimonium dicitur, quod juramentum est individuum. *Sofin. conf. 56. viso processu, vol. 4.* Jurat enim testis dicere veritatem super tota causa; ita ut in uno perjurus, in omnibus perjurus dici debeat. *Alex. conf. 44. vol. 1. Soff. Nepos conf. 40. nu. 12. vol. 2.* Quibus addendum est, priusquam à reprobatione Petri le Fevre & Antonij Ludot discedatur, quod Petrus le Fevre, linguæ Anglicæ & Latinæ ignarus, examinatus fuit (ut videtur) coram uno delegatorum tantum, & apud actuarium linguæ Gallicæ & Flandricæ peritia non imbutum, quodque uterque dictorum testium ultra revocationem & falsæ depositionis agnitionem magnæ improbabilitatis & contrarietatis arguantur ex iis quæ deducuntur & verificantur à Ludovico à 31. ad 51. art. suarum positionum.

DESCENDENDO ad depositionem Matthæi de Quester, satis manifestum est etiam illius testimonium pro supervacuo & inutiles habendum, ex eo quod obætatus, & ob bina matrimonia cõdemnatus laboret infamia, & eo amplius

in aperto mendacioprehenditur, non solum ex contrariis depositionibus, verum etiam ex eo quod ipse ex parte Ludovici productus clarè attestetur se intellexisse ex diversis personis & instrumentis bona controversa ad Ludovicum spectasse, ac de eo publicani fuisse vocem & famam.

ET ut omnium prædictorum testium fides vacillat & corruiat, ita etiam debile & expungendum est testimonium Ludovici Hersent, Thomæ Heyron, & Thomæ Baynon, quoniam generaliter, confusè & absque concludenti causa scientiæ, partim ex auditu alieno, partim de vaga fama attestari videntur; quæ perfectionem probationis non inducit, & ne semipleenam quidem: testimonium enim de auditu alieno nihil operatur, *c. ex quadam. de testib. l. testimonium. C. de testib. Specul. tit. de teste. §. 1. vers. item quod non prohibet.* præsertim hic, ubi pro causa scientiæ non dicunt se audivisse pluries in diversis locis, & à pluribus personis, vel majore populi parte, ut in famæ & auditus probatione etiam ad faciendum judicium requiritur, *Sofin. Nepos conf. 69. num. 17. vol. 1.* sed id tantum asserunt, quod audiverunt ab Antonio Ludot, vel aliis quorum prostrata est fides, & auctoritas; ita ut ex ipsa autoris nominatione vanitas dictorum testimoniorum arguatur, ultra alia interna vitia, quibus depositiones dictorum testium laborare ostenduntur ex iis quæ

quæ in reprobationum scripturis & cōsiliis ab aliis non indiligenter scriptis leguntur.

Ad confirmationem prædictorum non parum facere videtur ipsa rerum verisimilitudo, quæ dirimit totam hanc cōtroversiam ex personarum qualitate, honesta conditione Ludovici, constanti affirmatione dictorum Gallorum, necnon inspectione ipsius temporis & bellicæ calamitatis, quæ per se sufficiens videtur ad detrahendam fidem omnibus prædictis testibus de fama, de auditu, de commodo & usu dictorum Gallorum deponentibus. Etenim si (quod Petrus le Fevre ad 9. art. Arthuri dicere videtur) nomen Ludovici fuisset adhibitum, ad evitandum periculum, quod sequi potuisset, facile & cum omni sollicitudine cavissent dicti mercatores ne vel Antverpiæ, vel in Barbaria jactaretur per suos, dictas merces ad ipsos pertinere, néve Antonius Ludot, aut alij ea de re uspiam mentionem facerent. Illud veriùs videtur, quòd si uspiam vel apud Ludot, vel apud alios Gallorum mentio aut opinio fuerit (quod non videtur:) id provenisse ex providentia secundum confessionem Thirij Voisin, & ut Gallorum factores propter majorem usum & experientiam adhibiti rebus Ludovici majorem diligentiam exhiberent, existimando se operam navare suis dominis: quod ad dominum asserendum Gallis,

nihil valet, sed potius stat in contrarium, præsertim tot & tantis circumstantiis & probationibus in adversum pro Ludovico militantibus.

Ex quibus facile refelluntur literæ ad Ludovicum Fernandes, & si quæ sint aliæ scriptæ propter falsitatis, contrarietatis, incertitudinis vel errati præsumptionem, & lucem probationis, quæ ex ipsis testimoniis Arthuri in contrarium militat, cum præsumptione bonitatis & innocentiae, quæ propter honestatem personæ, & ex ipsa juris dispositione adversus omnem mali & sinistræ machinationis suspicionem tuetur & præservat Ludovicum, *l. meritò. Profocio.* gravatque Arthurum propter violentam invasionem & occupationem, quæ de genere malorum est, & in dubio in authoris perniciem male facta præsumitur, *l. 1. C. de fide instrum. & jure hast. fisci. lib. x.* nisi idonea purgatio probatioque adferatur in contrarium, quæ hic deficit.

Et quamvis ex prædictis satis superque confutata sint omnia ab Arthuro proposita, nullaque ulterior Ludovici justificatio videatur necessaria, pro majore tamen securitate, & ut domini Judices libentiùs faveant indulgentique Ludovici sententiæ & intentioni, non incommodum est brevi repetitione ob oculos ponere quæ Ludovicus in contrarium ad dominum mercium sibi asserendum deduxit,



deduxit, & probavit, quæ sunt potentissima, & in specie per certitudinem & consequentiam specialium actuum dominium immediate concernentium individuum probationem constituunt. Præfert enim literas chartæ partitæ cognoscenti & utriusque cargonij in ipsa nave reperti, cum magno numero testimoniorum insignium & fide dignarum personarum, quibus conformiter ostenditur bona controversa ad Ludovicum spectasse, & tam ex Antverpia in Barbariam, quàm ex Barbaria versus Antverpiam per navem S. Joannis Evangelistæ nomine illius vecta esse sub custodia factoris sui specialiter eo nomine appoliti, per quem possessionem controversarum mercium retinuit. Et quod ad ipsam rei originem attinet, altius repetit, deducit & probat per plurimos fide dignos emptionem albarum telarum, quæ vectæ fuerunt in Barbariam, quòd mandatum dederit conducendæ navis Thirio Voisin, quodque is idem hoc mandatum executus sit pro & nomine dicti Ludovici, quodque ipsæ merces vectæ & revectæ notabili eoque consueto signo Ludovici fuerint notatæ, frustra Arthuro culpante inversionem parvi puncti, signi substantiam nõ contingentis, cum forma rei integra constiterit, & signum notabile remanserit, nullique alij attribui possit, & in scriptis in dicta navi repertis, & concordi

depositione omnium testium soli Ludovico attribuitur.

QUIBUS accedit quod ipse Ludovicus pro dictis mercibus vectigalia solverit, easque suo nomine emptas assicurari curaverit in utroque itinere & destinatione tam versus Barbariam, quàm ex Barbaria versus Flandriam; & denique quòd fama fuerit & in Barbaria, & in Flandria, bona controversa ad Ludovicum spectare: quibus omnibus nihil certius, aut pressius ad verificationem dominij proponi potest. Nam media ipsa immediata sunt, & per consequentiam quandam invicem cohererent, atque per seriem titulorum in specie dominium Ludovico attribuunt. *Doct. in d. l. cum res. Bald. conf. 486. Quidam dominus. lib. 1. Afflic. d. decis. 40. Paul. Paris. conf. 104. num. 4. in 1. vol. Ioan. Mar. de Riminald. conf. 217. lib. 2.* Quod verò ad ipsas probationes attinet, parem soliditatem & congruentiam cum factis ipsis habere videntur, cum ultra emptionis probationem exhibeatur instrumentum conductæ navis, item conducti custodis ad usum Ludovici, item literæ cargonij & chartæ partitæ catalogum & qualitatem ipsarum rerum continentes sub nomine Ludovici, quæ solæ sufficere videntur: *Bald. & Salic. in l. cum proponas. C. de navit. sen. Bart. in l. 1. C. de navit. Boërius decis. 178. num. 33. Benev. Strach. in tract. de navib. part. 1. nu. 23.* præsertim in hoc iudicio, ubi incidenter  
 l i i                      tantum

tantum ex parte Ludovici de dominio quaeritur, & odium spoliationis à necessitate probandi Ludovicum alleviat. *d. l. si quis emptio- nis. C. de praescript. 30. vel 40. ann.*

**H**is omnibus accedit vectigalium solutio, assecuratio, & ligni, quod indubitanter est Ludovici, impressio. Nam cum omnia ista cum signo seu marco (ut vocant) concurrant, sufficiens est dominij probatio. Nam de jure merces illorum praesumuntur, quorum signis sunt subsignatae, licet aliter non probetur dominium; *Bald. in Authen. dos data. C. de don. ante nups. Dec. in c. causam matrimonij. nu. 3. de Prob. Matth. de Afflict. decis. 23. nu. 3. Nicol. Boërius decis. 105. num. 9. Iason conf. 170. col. 4. vol. 2. cum aliis multis cit. à Benévito Stracha in tractat. de mercatura. part. 4. num. 71. cum seqq.* & ita in quacunque partem res vertatur, plusquam sufficiens videtur Ludovici probatio, quae omnem fraudis suspicionem tollit, & individuum dominij probationem constituit.

**A**DVERSUS quam nihil valet quod objicitur, requisitoriales litterae ex Anglia in Flandriam destinatas tantum testium, non etiam instrumentorum producendorum facultatem dare, quodque magistratus Brugenf. cum potestatem & licentiam prorogandi terminum haberet, formaliter eum non prorogavit, sed tantum prorogationem factam in praeteritum pronuntiavit cum aliis quibusdam,

quae leviora sunt quam ut longam repetitionem, aut disquisitionem desiderent. Nam quod ad exhibitionem instrumentorum pertinet, non inconvenienter ea proferri potuerunt ex dispositione legis & mente judicum summarie & sola veritate inspecta procedentium; cum aequalis sit vis testimonij & instrumenti, & de uno ad alterum justa sit argumentatio, *l. in exercendis. & ibi dd. C. de fide instrum.* & dilatione data ad recipiendum testes, instrumentorum receptio permittatur: *Felin. in c. 1. de appell.* maxime in summario judicio & remissione facta, in qua specialiter constitutum est, requisitorialem epistolam seu remissionem, quae fit pro testibus producendis, etiam admittere receptionem instrumentorum: *Clem. saepe, vers. nos usum hujusmodi, de verb. sig. Rom. conf. 225.* de qua re minus laborandum est, cum benignum sit etiam elapsis omnibus dilationibus, & publicatione facta usque ad conclusionem produci instrumenta; ne cessante periculo subornationis, probationum via eo angustetur: *Rom. d. conf. 225. Aegidius de Bellemere decis. 745.* praesertim in summarijs, in quibus, postea quam conclusum est in causa, probationes fieri possunt. *Augu. Berons quest. 37. num. 2.* Quod verò ad prorogationem attinet, quamvis magnopere necessaria non fuerit, sufficienter tamen facta demonstratur, expressis verbis, quibus magistratus Brugenf. testatur

proroga-

prorogationem factam, & quæ in præteritum concepta, evidenter præsupponunt prærogationem legitimè præcessisse, argumentatione ducta à consequenti ad antecedens; & quia in dubio semper judicamus pro actus validitate. Et cum hæc res in non juris effectum, sed syllabas & captionem verborum respiciat, æquissimi Judices potius rerum veritatem quam huiusmodi angustias sequentur. Etenim ad religionem judicantis pertinet in consilio habere veritatem, & ad eam omnia sua judicia referre, *l. nemo iudex. C. de sent. & interl. omnium judic. ipsamque æquitatem passim & ubique spectare.*

Cuius æquitatis ratio omni ex parte jus Ludovici tuetur & sustinet, ejusque partes potiores facit. Primò, propter defectum probationis, qui in Arthuro deprehenditur. Secundò, quia etiamsi probata ab eo qualem qualem præsumptionem facerent, tamen prævalerent probationes Ludovici propter majorem cumulum atque efficaciam instrumētorum, testimoniorum & argumētorum, *Carol. Ruin. conf. 145. nu. 1. vol. 5. dd. in l. ob carmen. §. fi. de testib. & in c. in nostra. de testib. & attest. & quia testes ab eo producti digniores sunt, magis specificè deponentes & efficaciorum dicti sui rationem alligantes, Rum. d. conf. 145. nu. 6. Bul. in l. presbyteri. C. de episcop. & cler. & verisimiliora testificantes. Rum. d. conf. 145. num. 7. Innoc. in c. auditu. de*

*prescript. & dd. in d. c. in nostra.* Quibus accedit quod Arthurus lucrum spectet ex violenta occupatione, Ludovicus verò pro damni evitacione certet, quodque Ludovicus bonitatis præsumptione sublevetur, Arthurus verò odio violentiæ deprimatur; & quod probationes Arthuri tendunt ad inducendum delictum illicitæ collusionis per Ludovicum machinata, quam Ludovicus studet avertere, ideoque ejus probationes, etiam data aliqua contrarietate & conflictu testimoniorum, tanquam favorabiliores prævalere debent, *consil. 241. num. 4. & 5. ut in terminis prorsus similibus consulendo respondit Romanus.* Et hæc sub correctione.

## CONSILIUM LVI.

## SUMMARIUM.

1. Principum vocatio & autoritas versatur in colenda justitia.
2. Invectionum & evectionum inspectio ac professio quàm sit necessaria.
3. Constitutiones sacri Imperij de valore, æstimatione, expositione, distributione & evectione pecuniarum quomodo accipiuntur.
4. In transitu permittuntur quæ aliis non conceduntur.
5. Extra Regnum Sicilia arma & equi deduci nō possunt sine Regis licētia: nisi ad locū domicilij deducantur.
6. Transitus favore permittuntur quæ aliis sunt vetita.

7. *Proœmium causam finalem dispositionis ostendit.*

8. *Declaratio tituli Codicis, Quæ res exportari non debeant.*

1 CUM magna augultaque Principum vocatio, & authoritas præcipue versetur in colenda, exhibendaque unicuique justitia, & revera majus imperio judicetur submittere legibus Principatum, hæsitandum non videtur, si vera sunt quæ præsupponuntur, Illustrissimum Comitem Palatinum, sacri Imperij Principem, nulla cupiditate, nullaque admiratione pecuniarum remoratum, ex fectio & ex legibus confirmato judicio, relaxationem præhensionem, & occupationem pecuniarum, nuper in navibus descendentibus juxta locum *de Manhen* factam; si deduci ac demonstrari possit, causas pro justificatione dictæ præhensionis & detentionis præten-  
sas, & scripto suæ Celsitudinis de prima Martij, anno 1568. declaratas à præsentis negotio alienas esse, & rectè, atque (ut decet) excussas non subsistere.

Quo non difficile, & obvium videtur, si consideremus non argui fraudari vectigalis, aut omisse professionis culpam seu negligentiam. Vectigal enim ubique bona fide, & integrè persolutum est, & professio manifestatioque pecuniæ antea facta dicitur Brisacæ: unde usque ad Coloniam Agrippinam nõ est consueta, nec debita

invectionum vel evectionum inspectio, vel professio, sufficiente æquali portione ad vectigalium solutionem in singulas balas, absque discrimine bonorū aut rerum incluseram. Sed quod pecunia controversa sit extera & alienigena, quam pro evitanda depravatione monetarum, Constitutionibus sacri Imperij de anno 1559. in ditiones Germanicas sacro Imperio subditas, importari est vetitum, in quo totus rei cardo vertitur, nec ab Illustrissimo Comite aliud fundamentum prætenditur. *in dicta declaratione.* Et proinde quid virium, aut ponderis in eo constitui debeat videndum est.

Et profectò quamvis omnia diligentissimè conquirantur, nihilque prætermittatur, quod ad amplificandam vim & potestatem dictarum Constitutionum excogitari potest, nihilominus ipsa facti & circumstantiarum ratio ostendit dictam pecuniam à pœna, commisso & confiscatione dictarum Constitutionum immunem esse, & nec verba, nec rationem earum huc reflecti posse: quoniam ordinationibus illis de monetarum ratione, de valore, æstimatione, expositione, & distributione pecuniarum cautum est, nihilque in illis exprimitur de pecunia quæ ex Italia, ex Hispania cum Regis Catholici licentia (ut est in proposito) per Germaniam ad ditiones Belgicas ejusdem Regis Catholici destinatur, vehitur, & trans-

& transmittitur. Lex enim seu edictum de non exportando, vel non importando in aliquam provinciam, non procedit in rebus aliunde delatis, vel aliò destinatis, & quæ non nisi in transitu aliquo loco inveniuntur. *l. si quis posthac. & ibi gloss. Bald. Sal. & alij. C. de adif. privat. l. Casar. & ibi Doct. de public.*

- 4 Etenim transitus efficit ut non videatur venisse qui statim abiit, *Anchor. conf. 75. viso diligenter.* fingiturque non fuisse in loco qui manet brevi tempore. *l. ex facto. de hered. instit. l. servus urbanis. de lega. 3.* Ideoque invecta & illata in domum conductam non obligantur, quæ non eo animo sunt invecta, & induta, ut ibi sint & permaneant, *Matth. de Afflict. decis. 144.* nec jus civitatis consequitur, nec natus videtur in loco in quo fortuito & in transitu quis est editus; *Bart. in l. 3. C. de municip. & orig. lib. x.* & ut Quintilianus ait, *declam. 16.* Penè non venisse dicitur, qui statim recessurus est; & ediverſo, Abesse non videtur, qui statim reversurus est.

Quo etiam pertinet quod eleganter scribit Andr. de Isernia, in rubr. *Quæ sint regalia.* & refert Nicolaus Boërius, *decis. 173. num. 12.*

- 5 Eum qui venit ultra mare cum equis & armis, & transit per Regnum Siciliæ, ex quo arma & equi non possunt educi sine Regis mandato, liberè & sine pœna posse extra Regnum sine licentia Regis ad locum domicilij deducere;

additque Boërius loco citato. ex Archidiacono, in c. *sicut. 18. quest. 4.* Quòd si aliquis à Justitiano extra cæmiterium vel Ecclesiam capiat, & ducatur per Ecclesiam, quod inde violenter extrahi possit, absque violatione immunitatis Ecclesiasticæ; quia in transitu permittuntur quæ aliàs sunt prohibita. *Salicet. in d. l. si quis posthac.* Quod terminis propositi negotij est accommodatissimum, ostenditque pœnam dictarum ordinationum cessare in pecuniis quæ cum licentia Regis Catholici ex Hispaniis elata sunt, & quas constat, ex signo impresso, ex qualitate mercium, conditione ipsorum mercatorum, affirmatione custodum, & propria declaratione Illustrissimi Comitis, in verbis: *& qui l'on là devoit delivres en Anvers.* destinatas fuisse Antverpiam, & in transitu tantum & præternavigando ditionem Illustrissimi Comitis attingisse. Nam de iis nihil in ordinationibus illis cautum invenitur, & præterea speciali juris beneficio, favore transitus, nec non apertis verbis à vinculo illarum ordinationum eximuntur quæ de importando conceptæ sunt, & eos solum puniunt, qui importando, bonam monetam attenuant, & corruptumpunt, debiliorem pecuniam commutando cum meliore, quæ cuditur, & currit per Germaniam, ut evidentissimè intelligitur ex ordinationum ipsarum principio, in verbis: *Und nach dem*

die frembden außländischen  
muntzen mit hauffen in das  
Reich Teutſcher Nation ge-  
hacht / dagegen aber die gü-  
lden ſilbernen muntzen hin auß-  
ghefuert / und in argere ver-  
wandt: Damit dann unſere/  
unde des Reichs underthanen  
mit ſolchen frembden gherin-  
ge muntzen nicht weiter be-  
ſchwerdt werden / ſoo ſetzen.  
Id eſt, Et cum extera & alienigena  
pecunie magnis cumulis in Ger-  
manicam Nationem importetur,  
& vice verſa bona argentea mo-  
neta efferatur, & in debiliorem  
commutetur, ne noſtri & Imperij  
ſubditi per extera & debiliorem  
illam monetam damnificentur ſeu  
onerentur, conſtituimus, &c.

- 7 Quæ cum in præmio & pro-  
ratione dictarum ordinationum  
ſunt poſita, cauſam finalem con-  
tinent, *Bar. ſoſi. conſ. 85. col. 2. lib. 3.*  
ex qua convenit diſpoſitionem  
iſtarum ordinationum minui, li-  
mitari, & coarctari ad terminos  
ſuæ cauſæ: *l. diligere. §. quamvis. ff. de  
jur. patron.* ut pœnam inferant non  
deferentibus, aut habentibus pec-  
uniam extera, ſed duntaxat ex-  
ponentibus, diſtribuentibus vel  
commutantibus: idque eviden-  
tius probant verba diſpoſitiva di-  
ctarum ordinationum, quæ ita ſo-  
nant: **Soo ordineren und wol-  
len wir / daß ſich meniglich  
angeregter ſilberner muntz in  
der Teutſche Nation zu ep-  
nicher handthierung und ge-**

**werb / einſurung / und ein-  
ſchleiffung entlich enthalte:**  
Id eſt, Ordinamus & volumus, ne-  
minem hujusmodi argenteam mo-  
netam ad aliquem uſum, com-  
mercia, aut commutationem ex-  
ponere, vel transferre.

Quæ realem & effectua-  
lem erogationem, & diſtributionem  
exigunt, puniuntque expendentes  
& commutantes; non eos qui ſim-  
pliciter advehunt extraneam pec-  
uniam, quos nec ratio, nec verba  
ordinationum comprehendunt;  
adæd ut etiam ſi quis non in tranſi-  
tu & cum propoſito transferendi,  
ſed diſtinatione facta in Germa-  
niam, tanquam ad terminum, pec-  
uniam hujusmodi deferat, im-  
munis tamen erit à pœna, ſi ab uſu  
& expoſitione abſtineat. Nam di-  
verſus eſt æquus tranſmiſſionis &  
poſſeſſionis, ab actu erogationis  
& commutationis; nec retentio  
aut poſſeſſio publicam monetam  
vitiât, ſed erogatio & expoſitio;  
ita ut unum ſub altero non inclu-  
datur, præſertim ubi de pœna in-  
currenda agitur, in qua ſtricta fit  
interpretatio & perfectus actus,  
& delictum conſummatum requi-  
ſitur, nec ſufficit proceſſum eſſe  
ad actum aliquem præambulum,  
veluti, quod quis ſit in via cum re-  
bus, efferri vel inferri prohibitis:  
quia non idem judicium eſt, de via  
quod de termino; & quod non eſt  
perfectum, pro non inchoato di-  
cimus.

Et hæc omnia confirmantur  
etiam

etiam ex clausula pœnali, quàm Illustrissimus Comes potissimum urgere videtur, in verbis: **In fall oder einer oder mehr solchs verbrachten / und über disz unser verbotth die einfurung thun wurde / der oder die selben sollen nicht allein dasein gefurt gelt / sonder auch ihr leib und guet / nach gestalten dingen verwirckt und verfallen haben:** Id est, Sed in casum quo unus vel plures tale quid attentaverint, & excedendo fines hujus nostræ prohibitionis importaverint, aut illationem fecerint, is vel illi à quibus hoc attentabitur, sustinebunt non solum pecuniæ, sed & corporis & bonorum periculum pro qualitate rei, &c. Quia verba illa, **die einfurung thun wurde** / id est, importationem fecerint, significant Præteritum imperfectum Subjunctivi modi, cujus ea est vis & potestas, ut actum perfectum & consummatum denotet, *Bart. & alij quos refert Iason in l. 1. §. hac autem. ff. quod quisque jur.* sicut etiam ipsum vocabulum (**einfurung**) id est invectio, seu importatio sui natura, & ex communi loquendi consuetudine non simpliciter accipitur, sed includit etiam applicationem quandam rei illatæ ad usum, consuetudinem, & commutationem; eoque modo accipiuntur leges civiles, quæ de importandis aut non exportandis rebus loquuntur. *tot. tit. C. qua res export.*

*non deb.* Et illud quod Cæsar de Belgis scribit: *lib. 1. bell. Gall. in princ.* Minimè ad eos mercatores sepe commeare, atque ea quæ ad efficiendos animos pertinent, importare; id quod nihil opus est verbis, aut disputandi arte confirmare in proposito, propter manifestam rationem & dispositionem quæ præcedit dictam pœnalem clausulam, eamque declarat, & apertis verbis erogationem, expositionem seu distributionem, aut commutationem desiderat, ut pœnæ locus esse possit.

In quam rem extant quoque manifesta verba confirmationis Augustæ anno 1566. factæ, & ab Illustrissimo Comite in sua declaratione allegatæ, quæ ita concepta sunt: **So wollen wir hie mit die straffen gegen diesen verbotzen muntze einfurern / parthierern / und angherechter frembder muntzen / aufzheilen / inder muntzordnung statuirte und ghesetzt / hie mit wider erneuert / unnd bestetigt / &c.** Id est, Volumus per hæc renovari & confirmari pœnam, prioribus edictis constitutam adversus importantes, distribuentes seu exponentes exteram pecuniam: quo nihil manifestius haberi potest, ad demonstrandum exponentes puniri, non etiam transferentes, aut etiam in Germania tenentes & possidentes exteram pecuniam, si non procedunt ad actum commutationis aut expositionis.



sitionis. Confirmatio enim non ponderat solam importationem, & expositionem seu distributionem: aded ut utrumque debeat subsistere. *Bald. conf. 339. casus talis, lib. 1.* Quoties enim plura conjunctim requiruntur, non sufficit alterum esse, vel probari. *l. unde etiam illud. §. pen. ff. de itin. actus priv. l. si per alium. §. docere. & ibi las. ff. ne quis eum qui in jus voc. vi exim.*

POSTREMÒ subticendum nō est, quòd etiam si pecunia controversa, in Germaniam verè destinata, & ibidem erogata fuisset, adhuc tamen neque committi, neque confiscari posset, propter non receptas dictas ordinationes in usum, & quia ubique omnia ferme numismata, aliter & pluris permutantur, quàm per edicta liceat: quæ quantumvis minantiâ, & ab ipso Principe manantiâ, publico populi consensu superantur & infirmantur, communemque illum & negotiatorium usum, & æstimationem, non autem legalem & edictalem vulgus sequitur. Et hoc amplius tam proba & aded recte notæ dicta pecunia esse dicitur, ut servata æquali proportionem cum Germanicâ certare possit; ita ut nullum inde possit procedere periculum, corrumpendæ pecuniæ Germanicæ; & consequenter cessat ratio & dispositio dictarum ordinationum, cessante earum causa. Et ita quocunque res vertatur, justum est & principali dignitati conveniens, atque ad observatio-

nem juris gentium, & fœderum, quæ sunt inter Germanicam nationem & Belgicas ditiones Regis Catholici, rationi congruit, dictam pecuniam sine justa causa detentam, & occupatam restitui prioribus possessoribus, ut commercia sint libera, jus suum quisque obtineat, nec cuiquam injuria inferatur.

## CONSILIUM LVII.

## SUMMARIUM.

1. *Delicti seu deli conjectura in dubio non capitur.*
2. *Delicta absque dolo & culpa ac proposito delinquendi non committuntur.*
3. *Consuetudo facit licitum quod aliàs est illicitum.*
4. *Magistratus non censentur delinquere nisi evidenter injustitiam faciant.*
5. *Consules & Burgimagistros nostri temporis comparari duumviris.*
6. *Pluribus administratoribus pro indiviso datis, cum, qui administravit, & successores ejus primò conveniri.*
7. *Administratores si culpa vel dolo aliquid commiserint, primò convenitur is, cujus dolo vel culpa damnum contigit.*
8. *Administratorum conventionem mutuum periculum non finitur, nisi ut ordinis beneficium competat.*
9. *Consulibus seu Burgimagistris licet super debito vel credito illiquido transigere.*

10. *Consuetudo*

10. *Consuetudo reproba & irrationalis à delicto excusatur.*
11. *Suffragio publico ad aliquod officium assumptus idoneus censetur.*
12. *Dictio (cùm) inter personas conjungit equaliter, & aequalem potestatem conjunctis attribuit.*
13. *Doli præsumptio ex quibus conjecturis submovereatur.*
14. *Frumentaria pecunia in alios usus quam quibus destinata est conversa, quid fieri debeat.*
15. *Principium inspiciamus etiam si eventus exordio non respondeat.*
16. *Principia inchoantur consilio, eventum fortuna regit.*
17. *Persona honesta & graves majorem præsumptionem bonitatu pro se habent.*
18. *Administrator ex dolo collega non tenetur.*
19. *Notarius si asserat se confecisse instrumentum falsum ad sollicitationem alterius, non creditur ei in præjudicium alterius quem dicit sollicitasse.*
20. *Confessus de se non debet interrogari super aliorum conscientia.*
21. *Socius criminis admittitur in subsidium, quando ex natura rei & temporis naturaliter copia aliorum haberi non potest.*
22. *Secretum non revelare, est naturale.*
23. *Larreatio suspicionem doli inducit.*
24. *Reconciliationes & remissiones inimicitie debent manifeste probari.*
25. *Magistratus honos habendus consensu & concordia collegarum.*
26. *Athenienses propter suspensiones nonnullas & levia errata maximos viros exilio vel morte multarunt.*
27. *Qui facit quod ex consuetudine esset licitum vel solitum, excusatur.*
28. *Tutores honorarij ad quid teneantur.*
29. *Nauta qui prædixit se periculum non præstiturum, non tenetur recepta custodire.*
30. *Collega quando teneatur ex administratione collega.*

**I**N nomine Domini, Amen. Si innocentem ac nefariū impiumq; capitis accersitum defendi in judicio & humanitas ferat, & consuetudo patiat, *Cicero lib. 2. Offic. l. absentem. de penis.* æquum sanè ac necessarium judicavimus in præfenti negotio homini nobili, frugi ac modesto & justitiæ probitatisque fama (ut nobis dicitur) cunctis civibus commendato succurrere in ea causa, quæ & pluribus rationibus defendi, & ipsa juris æquitatisq; quadam benignitate communiri videtur. In qua magnum & prævalidum innocentie Rei documentum esse potest, non solum vitæ antea probitas, fides, industria, ætas, familia, & in Rempublicæ affectio, *l. non omnes. §. à Barbaris, de re milit. c. nisi essent, de prob.* verum etiam id ipsum quod ab adversariis in accusationem deducitur, nempe quod (cùm fieri non possit ut malitia lateat in potestate, adeò quod minima etiam nobilium & illustrium virorū delicta

K k k homines

homines calumnientur) totis tamen 30. annis & amplius, quibus ille in summis magistratibus & honoribus tam magnæ tamque florentis Reipub. consenuit, ipsi inimici ejus & æmuli ad omnem occasionem nocendi intenti (ex quorum delatione præsens causa instituta creditur) nihil in eo reprehendendum ac culpandum invenerint, quàm quod anno 44. primum magistratum gerens unâ cum collega suo, adhibitis plerisque collègij senioribus, & præhabito ad id Jurisperitorum consilio, pro emendatione damnorum ab oppido Antverpiensibus quibusdam cognominatis Spillemans illatorum decreverit 7000. aureorum ex publica pecunia persolvenda esse. Item quod paulò post præsentibus quibusdam oppidi rectoribus ac curatoribus auream Aquilam (de qua in actis) per oppidum Antverpiensè Principi Hispaniarum (qui tunc adventare ferebatur) donandam publico nomine comparaverit. Siquidem utrumque factum, aliaque quædam leviora, quæ Reo imponuntur, tamen si ab adversariis nihil (ut videtur) quod ad Rei fastidiû & contemptum potuerunt conquirere prætermittentibus, per fallaces & longè petitas suspiciones ad gravia publica que crimina distorqueantur sine ullo scelere, & ex antiquissimo more oppidi Antverpiensîs legumque ipsarum permissum contigisse, sanctissimo

huic senatui ex actis appariturum creditur; ita quòd cum innocentibus pro crimine illis imposito, lex periculum afferri nolit, *d. l. absentem. l. si. §. sin autem. C. de his qui latrocinium occultat.* indubitata spes habeatur Reum, cujus innocentia totius populi testimonio nota est, non solum innocentem nullumq; crimen in magistratu admisisse, sententia hujus amplissimi Senatûs declarandum fore, sed & ab omni civili actione, quæ in præsentî causa ab Impetrante & adjunctis accumulata est, liberandum penitus.

Quod ut explicatius ac luculenter per ordinem demonstretur, sequentes (in quibus status causæ præsentis videtur consistere) plena tractatione sub correctione clarissimi domini Cancellarij aliorumque spectabilium dominorum Judicum pro tenui ingenio nostro examinabimus.

PRIMò, an (excutiendo singula) ex omnibus per fiscalem & adjunctos Reo impositis aliquid inveniatur, quod crimen aliquod seu delictum constituat ex quo aliqua pœna ordinaria vel extraordinaria juxta conclusionem fiscalis criminaliter Reus puniri debeat.

SECUNDò, an in actis aliquid inveniatur per Reum factum, aut omissum in gestione magistratuum ac officiorum publicorum, ob quod civiliter aliquo respectu teneri debeat.

AD

Ad quatum questionum tractationem priusquam procedamus, quedam generaliora præmittenda videntur, quæ ad eandem elucidationem ac decisionem plurimū videntur conducere.

Et in primis (quod non solum jure, sed etiam natura manifestum est) doli ac delicti conjecturam nunquam capiendam esse, sed ubique bonitatis & innocentie, ejusque quod excusat, à delicto præsumptionem amplectendam, *l. merito. Pro socio. l. dolum. C. de dolo. l. non solum. §. sed & probari, de novi oper. nunt. dd. in c. auditis, de præscript. Alex. conf. 32. lib. 3.* prælata legum severitati clementia ac interpretatione mitiore; *l. respiciendum, in prin. de pæn.* adeò quòd in criminalibus (quia melius est nocentem non punire, quàm innocentem condemnare *d. l. absentem.*) nullæ conjecturæ, suspiciones, præsumptiones live indicia fidem faciant, sed veris & luce meridiana clarioribus probationibus Rei de crimine ab accusatoribus convinci debeant; *l. si. C. de probat. l. 3. §. divus. de testib. l. 1. §. incidit, ad Turpill.* maximè si persona, de cujus delicto agitur, probæ & justæ opinionis sit, *d. c. nisi essent.* ac in magistratu & honoribus constituta, *l. fin. C. de off. magistr. mil.* & ob vitam antea actam commenderetur. *d. l. non omnes. §. à Barbaris.* Nam hæ qualitates efficiant, ut non videatur verisimile ullam maleficij, aut delicti cogitationem in talem personam inci-

dere posse. *d. l. non omnes. §. à Barbaris. & d. c. nisi essent.* Et tantum valent ad diluendam criminationis etiam suspicionibus coloratæ invidiam, ut si quis à Barbaris hostibus fortè miles redierit, incertumque sit per captivitatemne an tanquam transfuga ad eos pervenerit, ut propter bene antea actam vitam illi soli propè credendum sit. *d. l. non omnes. §. à Barbaris. latè Doct. in l. 1. C. ad l. Corn. de Sicar.* Et ita generaliter, quoties aliquid invenitur obscuritatis & scrupuli in aliquo actu, qui ad bonum & malum referri potest, ejus interpretatio pertinet ad eum qui fecit; *Bald. in d. l. 1. & ibi las. in 6. col. C. de servus fugit. & eo non interpretante, lex interpretatur in meliorem partem. d. l. veris, & pulchrè Alexand. conf. 126. vol. 4.*

SECUNDÒ, maleficia absque dolo vel lata culpa & absque voluntate & proposito delinquendi non committi, *l. 3. §. 1. de injur. l. si non convitij. C. eo. l. fugitivus. de verb. sig. l. quis sit fugitivus. §. 1. de delict. edit.* ita quod nec ordinaria, vel extraordinaria pœna imponi possit, ubi prædicta non interveniunt. *l. sancimus. C. de pœnis. l. absentem. C. eo. l. aliud est fraus. de ver. sig. c. sine culpa, de regul. jur. in 6. Bart. in l. respiciendum. §. delinquant. de pæn. Castren. in l. 1. de legib.* Et ad hoc ut aliquid ex delinquendi animo factum dicatur, debet non eventus, sed animus judicari. *d. l. fugitivus. d. l. quis sit fugitivus. §. 1. cum similib.*

3 TERTIO, cum qui facit actum fieri consuetum, & ex consuetudine licitum, non delinquere. Nam consuetudo facit licitum quodd aliàs esset illicitum, in l. certi conditio. §. nummos, si cer. per. ad cō quodd nedum est in dolo, sed nec in culpa aliqua, qui facit illud quodd est fieri solitum, quamvis sit illicitum. Bart. in l. si pignori. §. fin. in verb. nam hoc usui veniebat, de pignora. act. Nam non est delictum, nec delicti qualitas, quam consuetudo publica permittit, Bald. in l. i. col. 3. C. de adilit. act. per l. quis sit fugitivus. §. apud Labeonem. de adilit. edict. & consuetudo excusat à pœna. Rom. conf. 466. in princip. & gloss. ordina. in c. cum venerabilis, de consuetud. Idem Rom. singul. 20. incip. An consuetudo Hipp. de Marfil. conf. 90. Illumina quaso Domine, num. 8. 9. 10. & seqq. vol. 2. Anchor. consil. 50. Quod procedit etiam si talis consuetudo fuerit reproba, Anch. d. consil. 50. & irrationabilis. Alex. conf. 170. pro investigatione. circa fi. lib. 3. Unde Bart. quem omnes sequuntur, scribit, in d. l. quis sit fugitivus. §. apud Labeonem. Quod si aliquis facit contractum, qui communiter licitus reputatur, quamvis de jure & in veritate reperiatur illicitus & usurarius, non propterea dicitur illicitus & usurarius. Nam potest consuetudo contractum illicitum & à jure reprobaturum reddere licitum, quem admodum etiam iudex, qui iudicavit contra legem, excusatur ut non teneatur, si ita erat consue-

tudo. Ias. in l. singularia. Si cer. petat. in l. i. in fi. princip. Quod quisque jur.

4 QUARTO, præmittendum est, iudices ac magistratus non censeri delinquere, nisi evidenter & per fraudem & dolum injustitiam faciant. c. in præsentia, de renunciat. c. cum inter. de re judic. Albert. & alij in l. Cæsius. de Senator. arg. eorum qua not. gl. in c. ea qua de off. Arch. Nam cum magistratus in Rep. necessarij (utpote sine quibus nec domus ulla, nec civitas, nec gens, nec genus humanum stare possit Cic. lib. 3. Off.) nō nisi optimis ac prudentissimis viris committantur, d. l. i. de offic. magist. milit. pro gestis eorum præsumi debet, donec luculentissimè probetur contrarium. Bald. in l. si fidejussor, de jur. Nam propter comprobatam eorū integritatem est verisimile non solum sine dolo & fraude, sed etiam cum summa fide & diligentia ab illis gesta & administrata esse omnia. d. l. non omnes. §. à Barbaris. & d. c. nisi essent. Et cum nihil tā malignitatū capax sit quàm magistratus (cum id quod agitur omnes vident, cōsiliū, rationē, finem, atque rei destinatum exitū pauci cōsiderent, aut intelligāt) ipsius Reipub. interest diligenter providere ne hujusmodi boni viri in aperto & in oculis omnium degētes malevolorum insidiis circumveniantur, aut ex sinistra suspicionē criminis labe aspergantur, aut ad notabile facultatū suarum damnū pro laboribus Reipub. impensis ex improviso urgeantur.

QUINTO,

5 QUINTO, quod consules nostri temporis seu magistri civium, quos vulgò nominamus, si secundum juris scripti dispositionem eorum potestatem examinare & metiri libeat, comparantur in jure duumviris; *Pulchre Alc. in l. Praefes. C. de transact. dispunc. l. 3. c. 5. Cast. in l. Imperatores, de pact. Bart. in l. 3. in pr. Quod quisque jur. arg. in l. si quis ux. §. si fugitivum de furtis.* qui olim erant apud Romanos duo ex decurionibus lecti, qui maximo honore (sicut modò videmus de magistris civium nostri temporis) in civitate fungebantur, & ad quos summa rerum referebatur. *l. etiam eorum. §. 1. Quod cujusque universitat. nomine. l. unic. de albo scribendo. l. rescripto, de munerib. & honor.* Nam curabant duumviri negotia Reipub. publica vectigalia locabant, publicam pecuniam habebat, sive erogandam decernebant, à debitoribus exigebant, creditoribus satisfaciebant, *l. in honorariis. §. fin. & ibi gl. & dd. de act. & oblig. dd. in l. civitas. Si cer. per. d. l. Imperator. de pact. idque irrequisito toto decurionum ordine, d. l. in honorariis. §. si. d. l. Imperatores. arg. l. 1. in prin. ibi, Tutorem à magistratibus datum, non videri per ordinem relictum. de magistrat. conveniend. quod ex eo est manifestius, quòd hi duumviri in legibus plerumque Magistratus municipales appellantur, *l. dies. §. si forte, de damno infec. §. ult. & utrobique Theoph. Inst. de Atilia. suc. d. l. in honorariis. §. si. & ibi gl. l. 1. & tot. tit. de magistrat. conveniend. l. unic. si quis**

*jus dicenti. l. si. C. de judic. d. l. in honorariis. §. si. d. l. Imperatores. & ibi Cast. dd. in l. ambrosiosa. de decret. ab ord. sac. l. 1. de magistr. conven.* quos absque speciali decreto totius ordinis decurionum publicam pecuniam à debitoribus exegisse, creditoribusque satisfecisse, debitum non liquidum tam paciscendo quam transigendo temisisse, & alia pleraque administrasse palam est.

6 SEXTO, quod si ex pluribus administratoribus pro indiviso datis unus solus administravit, alij non, cum de indemnitate agitur, eum qui administravit & luccessores ejus primò conveniendos esse non ambigitur, *d. l. Imperatores. & ibi gl. l. quid ergo, ad Municip. l. 1. & 2. C. quo ord. quisque conven. lib. xj. l. 1. l. quoniam. C. de conveniend. fisci debet. l. tres tutores, de administrat. tut. l. cum interdict. C. arbit. tutel. l. si. C. de divid. tutel.* etiam si forte alter praesens percontumaciam, vel ignaviam Reipub. negotia non gesserit. *d. l. quid ergo in prin.*

7 SEPTIMO, quod si ex pluribus tutoribus vel Reipub. administratoribus unus administraverit, siue omnes simul administraverint, & per fraudem, dolum & culpam damnum Reipub. contigerit, per hosc collegæ onerari non debent, nisi prius conventis & excussis bonis ejus cujus dolo vel culpa damnum contigit. *l. 1. §. nunc tractemus. de tutel. & rationibus distrah. late dd. in l. 1. C. de transact. & clarissime ibi Cast. in princip. pag. 2. vers. in*

1. casu, & in 3. col. vers. primo advertendum. d. l. Imperatores. & ibigl. d. l. quid ergo. l. 1. C. quo ord. &c. maxime si mala administratio non contigit communi dolo & culpa, sed sola culpa gerentis. d. l. 1. §. nunc tractemus. de tutel. & rationibus distrah. Castr. in d. l. 1. C. de transact.

- 8 OCTAVO d. quod licet conventionione administratorum Reipub. mutuum periculum non finiatur, nisi ut ordinis beneficium competat ei qui non gessit, iuribus supra ad 6. premissum allegatum. si tamen vel separatis portionibus, vel eo expresso, ne mutuo periculo teneantur, constituti fuerint, vel uniorum per pactum remissum sit administrationis ac rationum periculum, dubium non est eum ad alia non obstringi, quam ad damna quæ dolo & fraude ipsius contigerunt, aut ad reliqua, quæ penes eum esse probantur. l. 1. & 2. à contrario servast. C. quo ord. quisque conveni. l. cum quidam decedens. de administ. tut. l. si servus vetitus. de legat. 1. l. cum tale. §. quid ergo. de condit. & demonstrat. Salicet. in l. cum necessitatem. C. de fideicom. pulchre Ang. cons. 141. incip. in nomine Domini, Amen. ad primum dico. l. non solum. §. si. l. si quis rationes, in pr. de liberat. legat. Quod cum procedat in tutoribus seu administratoribus actu administrantibus, & quibus huiusmodi remissio à privato, d. l. cum decedens, & d. l. si servus vetitus cum similib. veluti testatore vel alio, qui ius publicum pacto suo immutare non potest,

l. ius publicum. de pact. facta est, iustius & efficacius obtinebunt in honorariis administratoribus, qui non administrant, sed tantum observatores alieni actus ab ordine Senatorum constituti sunt, eo expresso ne ullum damnum ad eos redundaret. l. cum plures. §. 1. de administ. tut. arg. l. debet, §. 1. Nautia, Caup. Strabul.

Nunc propius fundamenta præsentis causæ attingendo, veniamus ad discussionem & determinationem prioris quæstionis, qua quæritur, An aliquid ex gestis per Reum inveniat in actis, quod pro crimine haberi debeat.

Et profectò omnis licet adversariorum vis ingruat, tamen diligenter perpenlis omnibus, & inter se collatis circumstantiis singulorum, quæ per Reum gesta administrataque in actis referuntur, (salvo meliore iudicio) putamus nihil inveniri, in quo Reus ullo scelere aut turpitudine se contaminasse judicari debeat. Nam primò (ut ordine ponderemus singula) ob autoritatis interpositionem & decretum anni 1544. certa summa hæredibus eujusdam Spillemans eroganda inconsulto toto collegio factum (in quo adversarii præcipuum accusationis suæ prælidium constituunt) laudandum potius prudens Rei consilium, quam factum culpandum vel reprehendendum videtur.

Quod ut manifestius evadat, sciendum est, hanc potestatem Magistris



Magistris civium seu Burgimagistris oppidi Antverpiensis ex antiqua & inveterata consuetudine obtinente (ante ordinationem novam Reginalis M. quæ post hoc factum contigit) competuisse, ut soli sine requisitione totius collegij Senatorum publicâ pecuniam tractare, erogandam decernere, & super debito vel credito illiquido & transigere & pacisci possent. Quæ consuetudo etiam juris communis dispositione confirmabatur, qua eadem hæc & majora quædam Burgimagistris huiusmodi, tanquam (ut ipsum nomen indicat) Magistris civium, & ad quos summa Rei refertur, permilla sunt, ut supra per ea quæ quinto loco præmisimus, probatum est.

Quibus addi potest J. C. responsum, *Item magistri. de pactu.* in hunc modum: *Item magistri societatum pactum & prodesse constat, & obesset:* quod ab Angel. *consil. 263. Non est dubium, in fi.* in specie non dissimili multum est ponderatum, ita quod si inquiras iustitiam facti ipsius, id est, authoritatis & decreti interpositi sine relatione ad collegium, & lege & moribus illud pernissum fuisse intelliges. Et proinde cum nihil factum proponatur, nisi quod de iure simul & consuetudine fuit licitum, & fieri solitum, nulla potest esse in specie proposita delicti consideratio, cum authoritate legis non peccetur: l. *Gracius. C. ad l. tul. de adult.* Et consuetudo etiam reproba & irratio-

nabilis à delicto excuset, ut fusillimè supra in 3. præmissio tractatum est. Prudenter autem & laudabiliter per Reum in eo factum fuit, quod cum sciret vir bonus, & longo regendæ civitatis usu exercitatus, plurimos (quorum aliqui etiam inter Senatores erant) ab oppido damnificatos, nō eandem tamen omnium esse qualitatem & conditionem ad obtinendam damnorum suorum reparationem. Et inter ceteros dictos Spillemans meliorem iure fundatos, quoniam prædia, in quibus damnum ipsis contigerat, ab oppido, quod priuatorum loco censendum est, l. *nihil interest. ff. ad Macedo. l. eum qui vedigal. de ver. sig.* comparaverant, & ex conventionem cum oppido inita ad publicum oppidi usum & coquendæ cervisiæ utilitatem magnis impendiis paulo ante damni illationem ædificaverant, instrumentisque necessariis ad eam rem instruxerant ex æquitate debitæ per oppidum evictionis, l. *non dubitatur. C. de evict.* Et in hac specie Philip. Dec. in l. *civitas col. penult.* Si cert. pet. arg. d. l. *nihil interest. faciunt not. Bald. in tractat. præscript. in 2. part. 5. partis principalis, questione 8. num. 2. & 4.* & procuratæ utilitatis publicæ, *Alexand. consil. 30. ponderatis. lib. 5. 1.* (quæ in aliis non inveniebatur) unâ cum collega suo, & adhibitis aliis quibusdam collegij senioribus decrevit dictis Spillemans damni ac detrimenti accepti moderatam emendationem faciendam esse;

esse; idque modeste & secundum potestatem sibi permissam irrequisito toto collegio, ne scilicet aliis damnificatis, licet non eadem æquitate subnixis, occasio daretur importunius inquietandi oppidum: prospexit enim hac ratione provideri Reipub. ne si (damno hoc non reparato) ob æquitatem causæ, forte in iudicium deducta, oppidum Antverpiense succumberet, omnes alij velut ex præiudicio præfatum oppidum impetrent. Et simul cavit ne hoc exemplo alij damni sui, in nō tam justis causis fundari, reparationem frequentioribus supplicationibus à Senatu Antverpiensi requirerent, ac denique bonam fidem, quæ ab omnibus & maxime cum oppido initis exigitur; *Bald. in §. si quis verò, in pr. de pace Constant. Ias. in d. l. civitas. circa §. Si cert. per.* Reus in hoc facto agnovisse intelligitur.

Et proinde mirum est per procuratorem fiscalem & adjunctos hoc factum pro principali fundamento in accusationem deductum esse, quod in quacunque partem vertatur, non solum à crimine, verumetiam ab omni criminis suspicione prorsus alienum est, adeo quod nec ulla circumstantia intrinsecus, vel extrinsecus adesse videatur, ob quam prava intentione factum præsumi debeat. Nam quod fiscalis prætendit, quod tamen si prædicta potestas ex lege vel more civium magistris competere, eam tamen ad tam magnas

quantitates non extendi: & si ita videri tamen hoc decretum callide & subdole per gratificationem, aut saltem temere & inconsulte interpositum ex eo quod reus forte civiliter monuerit Wilhelmum de Meulenaer, Receptorem tunc oppidi simul & fortalitorium, hoc factum temere non esse propalandum omnibus. Item quod prædicta quantitas nō solvi, sed compensari debuisset ob distortionem ac corruptionem publicorum operum per dictos Spillemans extructorum; ac denique quod ex ea pecunia, quæ ad alterius administrationem ac dispositionem, nempe præfectorum fortalitorum spectabat, hanc solutionem fieri præceperit, ad demonstrandam pravam Rei intentionem ac fraudem & culpam, non sufficiunt.

Siquidem astute, callide & fraudulentè prædictum decretum factum fuisse nō præsumitur. *l. dolum. C. de dolo. l. merito. pro socio.* Nam ubique bonitatis ac innocentie præsumptionem amplectendam esse, supra ostendimus, donec luce meridiana clarioribus probationibus ostendatur contrariū: maxime si tractetur de persona honesta, nobili & in magistratu (quæ omnia hic sunt) constituta, de eo actu, qui jure magistratus ac authoritatis publicæ celebratus est, ut supra ostendimus per ea quæ primo & quarto loco præmissa sunt. Nec etiam inconsulte, aut temere factum præsumi debet, cum

cum lex ex eo, quod publico suffragio ad hoc munus assumptus fuit, eum idoneum & sufficientem huiusmodi negotiis perficiendis existimet, ut pulchrè in hunc modum cuidam magistro militum rescripsit Imperator: in l. 1. C. de offic. magist. milit. Tuamq; magnitudinem nobis ex antegressis optimè commendatam, idoneam ad talem fore dignitatem confidentes elegimus. Præterea non potest temeritatis argui, quoniam in eo quod ex more & lege ei soli cum collega licebat, collegam ac alios Senatores adhibuit, c. ne invitatis. de constitut. c. prudentiam. de off. delegat. & prudentum consilium secutus est. l. Titio fundus. & ibi gloss. de condit. & demonst. dd. in l. si quis affirmaverit, de dolo malo. l. semel. & ibi gl. C. de re milit. lib. 12. l. 1. de ventre inspicundo.

NEQUE haberi potest aliqua suspicio fraudis vel temeritatis ex quantitate erogata. Nam notum est jure communi, quantum ad potestatem, quæ est attributa duumviris, quibus magistros civium (uti prædictum est) comparamus, in quantitate per eos eroganda non distingui. d. l. in honorariis. §. ff. & ibi gl. & dd. l. Imperatores. & ibi dd. de pact. dd. in d. l. civitas. Si cert. per. Et in majoribus quantitatibus idem aliquando Antverpiæ de consuetudine observatum dicitur, & respectu magnæ administrationis & opulentæ Reipub. cui Reus præfuit, in qua pecuniæ non numero, sed cumulo possidentur, nõ debet

videri magna quantitas 7000. aureorum. Cui adde, quod naturaliter quantitati nihil est contrariū, neque in ea majus, aut minus cadere possunt.

Nec quicquam facit quod Reus fortè prædictam damni reparationem vulgò non propalari cupiverit. Nam per hoc clandestinum & secretum videri non debet prædictum negotium; in quo tractando duo magistri Civium, Receptor oppidi, & plerique seniores Senatorum adfuerunt. arg. l. humanum. C. de legibus. l. omnium. C. de testib. Et si proflus secretum fuisset, id tamen suspicionem aliquam non induceret. Nam non ut lateret, sed ne aliis damnificatis occasio daretur inquietandi oppidum, prædictum negotium fuisset clam habitum, & sic ex justa causa, quæ etiam in casu suspecto sufficeret, ad excusationem doli, cum quælibet etiam fatua causa hoc operetur. l. igitur. §. potest. de liber. c. cum similib.

DEINDE etiamsi nulla causa movisset Reum ad dissimulandum aut celandum hoc negotium; non tamen ex eo solo, quod illud passim non divulgasset, doli vel fraudis suspicio consurgeret. Nam nisi aliæ adsint conjecturæ, per hoc quod actus clam factus sit, fraus seu dolus non præsumitur. Doct. in l. ult. de ritu nupt. in l. lege Cornel. ad Senatusc. Silanian. in l. si tutor. C. de interdic. matrim. potissimum si tractetur de casu, jure & moribus li-

cito d. l. meritò, cum similibus, adversus personam (qualis est Rei) inquam ob honestatem antea actæ vitæ non est credibile aliquam fraudis cogitationem posse cadere. *luribus supra in 1. præmissio citat.*

**SIMUL** indicium esse debet de eo, quod Reo objicitur prædictam quantitatem non erogari, sed compensari potuisse cum vitio operum publicorum per dictos Spillemans redemptorum: siquidem (præterquam quòd hic articulus ad causam criminalem non faciat) non creditur ullum debitum fuisse liquidum, imò nec adhuc esse, quo casu duntaxat locum habet compensatio: l. si. C. de compensat. in quo dicti Spillemans propter vitia seu distorsiones operum publicorum oppidi tenebantur.

**LEVISSIMUM** quoque & planè inefficax est, quod Procurator fiscalis aliquam delicti conjecturam studeat elicere ex eo, quod Reus decrevit à subcuratore fortalitorum (uti fiscalis prætendit) inscio principali Curatore hanc quantitatem ex publico solvendam esse. Siquidem negatur à Reo dictum Meulenaer fuisse subcuratorem tantum, imò ex contrario eum præcipuam administrationem publicæ pecuniæ tam oppidi quàm fortalitorum habuisse asseritur; ita quod nulli alij rectius hoc mandari potuerit. Nam quod subtiliter dici posset, dominum Petrum ab Halmael eo tempore

principaliter fuisse perfectum curationi fortalitorum, & dictum Meulenaer tantum fuisse subcuratorem, rationem non habet. Nam uterque æquè principaliter fuit constitutus, ut manifestum est ex commissione illis facta, his verbis:

**Dat Peter van Halmael met hem adjunct / Willem de Meulenaer / &c. fullen ontfanghen de penningen / employeren / &c.** siquidem dictio illa (met) quæ Latinis (cum) significat, posita inter personas, conjungit æqualiter, l. Titio. §. nihil. de legat. 1. l. si ut certo. §. si nunc commodat. l. si u. §. 1. de reb. dub. & id significat quod copula, & d. l. nihil. interest. si quis Titio, cum seq. incip. Si mulier cum liberis, & ibi Alb. & Bald. pulchrè Soffin. conf. 72. difficultatem factorum num. 43. vol. 3. cui accedit quod eorum constitutio eodem verbo eademque determinatione, & sic æquali qualitate determinata sit. *Iason in l. jam hoc jure. de vulg. & pupill. Bart. in l. in repetendis, de legat. 3.* Quinetiam si tantum fuisset subcurator dictus Meulenaer, (quod non creditur) adhuc tamen potuisset hujusmodi solutionem facere, cum administratio & rationum redditio (ut ex ipsa commissione constat) ad eum quoque quatenus administraret, principaliter pertineret, ut ibi: **Fullen ontfanghen ende rekenen.** Et alioqui etiam de jure communi, etiamsi in commissione non exprimatur, semper subcuratori competit administratio, & principa-

12

principaliter ejus, quod gerit, periculum ad eum pertinet, *Bald. & Ang. in l. ex factio, de negot. gest.* & si fortè dictus Meulenaer præfatus potestatem erogandæ pecuniæ ad fortalicia destinatæ non habuisset inscio alio collega, vel principali (ut fiscalis prætendit) curatore, eamque nihilominus juxta decretum prædictum erogasset; id tamen ob simplex decretum & solam autoritatis interpositionem Reo, qui ipse dictam pecuniam invertisse aut contractasse nõ proponitur, imputari nõ possit. Ipsum enim decretum fuit licitum, & juxta potestatem de erogandis pecuniis civitatis, ad quemcunque usum destinatis, jure & consuetudine Reo attributam, interpositum. Cujus executio (de qua parum Rei intererat per quem fieret) si ad officium dicti Meulenaer non spectasset, ipse illud exequi non compellebatur: *argum. l. extra territorium, & ibi dd. de jurisdict. omnium jud. c. penult. de re judic.* maximè si illud absque delicto (ut fiscalis sustinet) fieri non potuit. Nam in mandato quantumlibet generali, etiam privatorum, nunquam intelligitur mandatum delictum. *arg. l. si pater. de his que in fraud. cred. Bald. & lason in l. 1. c. de servis fugit.* Minimè verò est verisimile dictum Meulenaer in libera civitate, *l. non est verisimile, de eo quod metus caus.* metu magnæ autoritatis Rei necessitatum fuisse ad hujus facti executionem; idq; eo minus quod

notorium videatur Reum nõ fuisse insolentem, violentem, vel sævum, atque atrocem in magistratu. *Doct. in l. interpositus. C. de transact. in c. 1. de eo quod metus caus. in c. litera, de restituit. spol.* Et generaliter cùm aliquid reperitur gestum, præsumitur sponte gestum, non metu: *l. 2. de his que vi metusque caus. Innoc. & alij in c. causam matrimonij, de offic. deleg. & potissimum, si de eo agatur quod est prohibitum; adeò quod hoc casu metus autoritatis vel reverentiæ non consideretur. l. 3. §. si maritus, ad Sen. Silvanian.*

Minus quoque verisimile videtur (quod fiscalis prætendit Reum, qui dictam pecuniam contractasse, aut invertisse, suæ utilitatis gratia non probatur) mala mente ad turbandas ac intricandas rationes fortalitorum mandasse dicto Meulenaer, ut hanc erogationem dissimularet ac reticeret principali (ut ipse ait, de quo dicemus posterius) curatori fortalitorum; siquidem dicitur Reus conscientia bene actæ vitæ, ac nullius sceleris arbitro pro firmo ac constanti habere, nihil tale probari posse. Et si fortè Meulenaer contra rei veritatem super eo aliquid deponere præsumpserit, non debet fidem invenire apud judicem, quoniam cùm ad ipsum principaliter rationum redditio, justificatio, ac reliquorum restitutio pertineat (ut ipse propria voce ad exonerationem aliorum qui eidem administrationi præfecti fuerant,

professus dicitur) testis est in propria causa, quod esse non potest. *l. nullus. de test. l. omnib. C. eod.* Et in simulando Reum, sibi ipsi suffragatur, & sese studet eximere à culpa, *c. insuper, & ibi dd. de testi. in c. ex literis. de transact. c. super pendentia 14. quest. 2.* cum siquid fictum aut commentitium in rationibus inveniatur, aut data & accepta non sint paria, ejus periculum primò ac principaliter pertinet ad ipsum Meulenaer, qui solus omnia ferè administravit, *d. l. 1. §. nunc tractemus, de tut. & rat. distr. Dost. in l. 1. C. de transact. & sese administrasse professus est, de quo latius: cujus testimonium etiam ex aliis legitimis causis reprobari potest, ne Reo noceat; præsertim cum infinitæ præsumptiones, conjecturæ, verisimilitudines, imò ipsa veritas pro ejus innocentia militet.*

- 13 NAM primò, si quemadmodum Jurisconsult. præcipit, *l. in testib. l. testium, de testib. l. cum his. §. in persona, de transact. d. l. non omnes. §. à Barbaris.* personæ fidem, conditionem, fortunam, existimationem atque dignitatem diligenter spectemus, nihil non omni laude cumularum & ab omni suspitione sceleris alienum videbimus. Cujus rei tanta auctoritas est, ut per se sufficeret ad eluendam omnem contrariæ suspitionis (si qua esset) maculam. *d. l. non omnes. §. à Barbaris, d. c. nisi essent.* Rursus, quia nihil propria auctoritate fecit, sed adhibuit collegam & alios quosdam seniores

collegij: ideoque non potest redargui, *d. c. ne innitarius. d. l. Titio fundus, cum similibus supra allegatis.* & eo minus potest contra eum injustitiæ vel iniquitatis præsumptio consurgere, quoniam omnia fecit jure magistratus, quem gerebat, ut supra latè confirmavimus per ea quæ quarto loco præmissa sunt. Facit quoque ad colligendam bonam fidem Rei & innocentiam, quòd cum primum intellexisset prædictam quantitatem in rationibus prætermittam fuisse, graviter præfatum Meulenaer eo nomine objurgaverit, ac reprehenderit. Et certè absurdum prorsus, & ab omni ratione alienum foret, præsumere Reum dicta 7000. malitiosè & subdolè suæ utilitatis gratia decrevisse secretò solvenda esse; Ubi in ipsa decreti interpositione tam multi Reipub. præfecti jurejurando astricti ad tuendam utilitatem publicam ac administratores interfuerint: imò quæ ab ipso Receptore oppidi & fortalitorum ibi præsentè & conscio erogari debebant, ex ea pecunia, cujus periculum ratione administrationis ad ipsum redundaret.

Nunc progrediamur ad auream Aquilam, per Reum consulari potestate & nomine publico in adventum Principis Hispaniarum comparatam. Cujus facti merita ut explicatè & planè constare possint, tria distinguemus, videlicet an ex comparatione aquilæ & contractu ipso, an ex pretij solutione,



solutione, an denique ex secreta observatione dictæ aquilæ crimen aliquod Reus contraxerit. Et primò, ex contractu factò & ipsa comparatione aquilæ, quid est quod reo imputari possit, cum jure magistratus quem gerebat, hoc poterat, ut ex prædictis patet, & ipsa emptio ad utilitatem & honorem Reipub. ut ex se palam est, facta sit: idque non privato, sed expresso nomine publico, ut ex Rei testimoniis constare creditur; ita quod res tota adeò extra crimen sit, ut etiam Respub. hanc emptionem suo tempore rectè prudenterque factam, non obstante quòd eventus, in quem ordinata fuit, casu non acciderit, civili judicio teneatur acceptare, *arg. l. verum. §. sciendum, de minorib. l. sed an ultro. §. 1. de negot. gest. l. si quis putans. §. sive autem. Con. divid.* nisi Reus simpliciter & toto peccatore amans patriam ultro electionem oppido fecisset, vel aquilam vel aquilæ pretium, si hoc mallet, acciperet.

Quod ad pretij solutionem attinet, Reus nullum periculum debet agnoscere, qui numerationis pretij unde facta sit, & ex qua pecunia, in quem usum destinata, minimè est conscius, sed solum emptione nomine publico, quod jure magistratus ei competebar; celebravit, de pretio (quòd de publico solvi debebat) sollicitudinem, ut ferè fieri videmus, relinquens venditori: & propterea, si

postea detegatur pretij numerationem ex pecunia, ad usum fortaliorum destinata, factam esse, ob hoc Reus culpam aut onerari non debet. Quin etiam (ut disputatio ad questionem criminis, de qua agitur, referatur) etiam si fortè pecunia in certum usum destinata à curatore aut administratore ipsius pecuniæ, in alium usum bona fide erogata esset, ex eo non diceretur contractum crimen aliquod, sed duntaxat civiliter veniret simpli restitutio ex alia pecunia, de qua erogatio fieri debuerat, ut eleganter de pecunia frumentaria (quæ magis privilegiata est cæteris, *l. 2. §. frumentar. C. de administr. rerum ad civitatem pertinent.* Ulpian. respondit, *d. l. 2. §. si ad frumenti. de administr. rerum &c.* Ita inquit: Sin autem frumentaria pecunia in alios usus quàm quibus destinata est, conversa fuerit, veluti in usus publicorum balnearum, licet ex bona fide datum probatur, compensari quidem frumentaria pecunia non oportet: solvi autem à curatore Reipub. jubetur. Et hæc de solutione pretij, quo aquila comparata fuit.

POSTREMÒ, secreta aquilæ assertatio, quæ prætenditur, non potest habere aliquam, etiam minimam præsumptionem fraudis vel criminis, cum satis constet eam fuisse secretò habitam, non subdole & in fraudem Reipub. sed ex alia causa justa, & utili Reipub. nempe ut doni Principi offerendi, cujus verus valor & pretium vulgò ignoraretur, major esset (ut in

LII ;

usu



usu quotidiano videmus contingere) æstimatio & admiratio: & abfuisse omnem fraudis cogitationem, testantur plurima, videlicet declaratio tempore emptio- nis in præsentia venditoris facta, quod nomine publico munus illud emeretur ad congratulandum Principi. Item rei ipsius inspectio, quæ cæteris probationibus est potentior. *arg. l. si irruptione, finium re- gund. Lucianus in Topari, dum asserit res ipsas magis loqui quam verba, & est no- tab. gloss. in l. in princip. de feudo, Mar- chia, Ducatus &c.* Nam talis omni- no res est quæ in alium usum ha- beri non consuevit. Accedit quod Seniori Marchigravio atque aliis plerisque data sit inspicienda, an- tequam emeretur, ad exquiren- dum an ad talem usum expediret Reipub. hujusmodi acquisitionem facere; ita quod prorsus incredi- bile sit quod tali occasione (quæ prorsus nulla fuit) publicam pec- uniã intervertere studuisset Reus, qui non solum vitæ integritate, sed etiam familiæ, ætatis, dignitatis, ac divitiarum splendore defenditur: quæ in casu prorsus suspecto omnem suspensionem excluderet. His est proximum, quod cum in- telligeret rationibus summam, qua aquila comparata erat, non esse illatam, ultro & ingenuè dicto Meulenaer suggestit, ita ut sive an- tecedentia sive consequentia at- tendamus, nihil proponatur in quo hujus facti nomine Reus re- prehendi posset. Quod ex eo etiam

confirmatur, quod invalescente æmulatorum suorum ambitione, prudens ab amicis consilium re- quisivit, an ad evitandam æmulo- rum invidiam & obrektionem potius foret aquilam ipsam (quæ casu Principi donata non fuerat, quia oppidi pecunia comparata erat) offerre oppido, an potius pretium de suo reddere, & aqi- lam reservare. Nam per hæc omnia Reus clarè ostendit suam bonam fidem & innocentiam. *arg. eorum qua scribit Bart. in l. si adulterium. vers. Idem Pollioni, de adult.*

Nec præjudicare Reo potest quòd eventus ex improvise & casu ex jussione Reginalis M. (ut dici- tur) securus non fuerit. Sufficit enim ab initio bona fide utiliter & ad bonum finem eam gestam esse, etiamsi eventus exordio non respondeat, maxime in delictis, ut supra ostensum est in 2. præmissio. Et certè misera prorsus conditio & perquam acerba foret admini- strandæ & conservandæ Reipub. si qui illam regunt, ad eventum re- rum, quas gerunt, obligarentur. Nam consilio inchoantur princi- pia, exitum verò & eventum for- tuna regit. Et hæc de aquila aurea per Reum comparata.

SUPEREST jam ut videamus quatenus Reum concernit de con- dictis & fabricatis rationibus Item de eo quòd præfatos Spillemans in redemptionibus publicorum operum promovisse, ac sui studio- sos in Senatum accivisse, atque statum

statum Reipub. secretum habuisset dicitur.

NAM primò quod ad fabricatas & confictas rationes falsis materialibus attinet, si quid tale inveniat, diffitetur Reus ejus rei se esse conscium; ideoque ipse eo nomine teneri non debet, sed auctores sceleris, per quos factum est, *l. sancimus. C. de pœnis, cum similibus.* & qui principaliter administrant, quorum crimine (si quod fuerit) Reus prægravari nō debet, nisi delicti particeps fuisse doceatur luce meridiana clarioribus probationibus, quod in criminalibus necessarium diximus in primo præmissio: maximè si agatur adversus graves & honestas personas, qualis Rei est, contra quas est maturius procedendum. *in fine. C. ubi Senator. vel Clariss.* Et in specie proposita, Reum non esse hujus criminis conscium, prorsus credendum est ex eo quod ipse non administravit, nec realiter pecuniam publicam contrectavit, sed tantum honorarius curator fuit & observator alieni actus, ut dicemus postea. Nec quicquam ei adversatur, quod rationibus conficiendis aliquando interfuit, earum intitulationi se ascribi passus est: id enim in ea qualitate, quod erat honorarius & observator, non tanquam administrans fieri passus, & propterea ex eo gessisse vel administrasse censendus non est, aut contra suam protestationem, qua prædixerat se periculo

rationum astringi non velle, fecisse putandus est: quia ista inscriptio protestationi illi non est contraria, sed indicat rationes per administratores reddendas per honorarium administratorem & superintendentem examinatas esse; *l. si plures, in princ. & l. actus, de admin. tut.* imò etiam si verè gessisset cū aliis, perfidia tamen aliorum ei in criminali judicio obesse non posset, *d. l. sancimus. C. de pœnis, cum similibus.* nisi dolosè & scienter malè administrationi aliorum consensisset: *Cass. in d. l. 1. C. de transact. in delictis* enim dolus requiritur, & absque proposito delinquendi maleficia non committuntur, ut suprà in secundo præmissio ostendimus, & nominatim falsi crimen (de quo hic) absque dolo non committitur, explorati juris est. *l. nec exemplum. C. de fals. l. 1. & 2. de fals.*

ET SI fortè Zeyle Secretarius fortalitiorum & præfatus Meulenaer, per quos falsitas (si qua sit) scripta creditur, aliquid contra Reum in hoc articulo deposuerint, videlicet sciente ac mandante Reo se falsitatem commisisse, aut aliter rationes intricasse, ei fidem habere non oportet; quoniam in sua causa, & ad sui exculpationem ferret testimonium, quod esse non potest. *d. l. nullus, de testib. l. omnib. C. eo. c. insuper. & ibi dd. de testib. Bald. Ang. & alij in l. & si certus, ad Sillam.* Unde pulchrè Bald. *conf. 252. inci. postquam notarius, 4. parte. Paul. Cass. conf. 365. inci. notandum est primo, lib. 2.*  
& Alex.

& Alex. *consil.* 32. *incip. viso themate antescipro, lib. 3.* in hac specie dicūt: Quod si Notarius asserit se confesse instrumentum falsum ad sollicitationem alterius, non creditur ei in præjudicium illius quem dicit sollicitasse. Cui convenienter addi potest quod scribit Anchor. in materia inquisitionis *consil.* 24. *inci.*

- 19 *visa inquisitione, col. 2.* adversus inducentes testes de certo modo deponendi, quod scilicet non creditur huiusmodi testibus in præjudicium alterius, dicentibus se per illum inductos, ut falsum testimonium dicerent. Quod etiam pertinet quod scribit Jo. Audi. in additione ad *Specul. tit. de testib. §. 1. charta 2. ver. sed pone. Resert & sequitur Ant. de Butr. in c. ex literis, col. 3. de transact. latē Alexan. consil.* 86. *visis dubitationib. col. 1. lib. 2.* videlicet quod administrator non recipitur in testem in actu, in quo agitur de reprehensione vitanda. Et facit dictum Baet. in l. deferre. §. *Idem decreverūt, de jure fise.* quod non possum probare te recepisse pecuniam à me, mediante illo qui illam recipit à me, ut illam ad te portaret, quia agitur de exoneratione ejus. Nam si non detulisset, ipse remaneret obligatus: quod etiam sequitur Abb. in c. *insuper, col. 6. de testibus.* & Cuman. *consil.* 68. *in presenti questione, in princ.* Præterea cum constet dictum Zeyle & Meulenaer esse criminofos, vel saltem criminis participes, imò principales malefactorum propter factam per Zeyle con-

fessionem de retentione 100000. florenorum, (ad quorum restitutionem sese obligavit) ac ex eo quod omnia, quæ ad rationum confictionem, ac totius administrationis rationem pertinent, principaliter per Meulenaer & Zeyle administrata, gesta & executata sunt; *arg. eorum quæ scribit Anchor. consil.* 23. *Dec. consil.* 189. *col. 4. vers. similiter non obstat.* Illorum delatio, vel testimonium Reum prægravare non potest ex generali regula, qua prohibitum est, *Confessum de se super aliorum conscientia interrogari. l. fin. C. de accusat. c. 1. de confess. cum similibus.* Cujus prohibitionis ratio est justissima & æquissima, ne scilicet Rei sua confessione convicti propter flagitia adjuncti veniam sperent, vel pro communiione criminis consortium personæ superioris appetant, aut inimici supplicio in ipsa suorum supremorum sorte satiari desiderent, aut eripi se posse confidant studio aut privilegio nominati *d. l. fin.* Quæ regula non procedit in quibusdam exceptis criminibus propter eorū immanitatem. *gl. in d. l. fin.* Inter quæ excepta crimina hoc crimen non invenitur, & ideo sub regula perdurabit; eo amplius, quod hic quoque non invenitur immanitas desiderata in aliis exceptis criminibus, ut eleganter in simili dicit Fulgos. *consil.* 173. *in causa, in princip.* Unde notabiliter Cynus scribit, *in d. l. fin.* & omnes sequuntur quod *Interrogati Rei criminum de se confessi, in crimi-*

20

in criminibus non exceptis præsumptionem non faciunt contra eum contra quem minimè interrogari poterant. Quinimò, ut eleganter Fulgof. *d. consil. 173. in causa.* post Alb. de Pergameno & alios scribit, quod etiam in exceptis criminibus de se confessis responsio alterius criminosa non aliter facit præsumptionem, quàm si cum tormentis fuerit interrogatus. Tales namque de se confessi personæ sunt infames, quibus non est credendum sine tormentis. *l. si ob crimen, §. si ea, de testi.* Nec est prætermittendum, etiam in criminibus exceptis, & tali casu pro socij criminum interrogari possunt, talis socij delatio semiplenam probationem non facit, sine alio adminiculo concurrente, ita testante gloss. ordinaria & not. ibi, *d. l. fin. & in d. c. 1. de confess.* his verbis: *Et tamen his casibus non debet interrogari, nisi alia concurrat præsumptio.* & paulò post: *Item ejus responsio non erit plena probatio, sed aliqua præsumptio. in d. l. fin.* Quam opinionem glossæ sequitur Alb. post Gabrielem de Esolitis, *in tractatu, de fama.* exprimēs quod etiam in calibus exceptis delatio illius qui confessus est proprium crimen, non facit per se præsumptionem, nisi concurrant alia judicia contra delatum, quod latè confirmatur per Salicetum, *in d. l. fin. col. ult. vers. quæro modo.* qui victus rationibus prædictis admittit indistinctè, quod talis presumptio, de qua prædictum, etiam in

criminibus exceptis non faciat judicium, nisi concurrat alia præsumptio quæ prius militabat contra ipsum delatum. Et hanc opinionem tenet etiam Alex. *conf. 189. lib. 3.* Hyppol. de Marfil. *in l. 3. §. Divus, & in 2. & 3. col. de quest.* Gaudinus, *in tractat. suo de mal. f. tit. de question. in 1. col. vers. nunc autē restat.* & August. de Aret. *in appositione sua, in verb. particeps criminis.* Et ea est communis opinio. Quæ quidem omnia eo magis in proposito, ubi non sumus in casu excepto, & persona Rei honesta est, dignæ auctoritatis & honestæ opinionis, à qua omnismali suspicio aliena est; cum qualitas præcedentis vitæ elidat omnem suspicionem contrariam: *arg. c. cum in juvenute, de præsumpt.* ita quod licet plerunq. contra viles personas hujusmodi delationes in criminibus exceptis, in quibus hic non sumus, præsumptionem faciant, tamen contra graves & honestos viros id non operantur, ut ex facto respondit Alexan. *conf. 89. vers. confirmo prædicta, lib. 3.* & satis suprà deductum est. Quæ ratione eleganter Fulg. *in conf. 173. col. 1.* etiam consuetudinem, secundum quam ex talibus delationibus præsumptio oritur, limitat solum procedere in homine malæ famæ.

PORRO præfatos Zeyle & Meulenaer (ne præsupposito defectu laboremus) fuisse socios criminum, si quæ in administratione communi præter retentionem 10000. floren. quæ per Zeyle facta

M m m est,

est, supra satis deductum est; & ex eo solo manifestissimum est, quod se mandata, quæ Reo per crimine obijciuntur, executos esse confidentur: veluti quoddam pecuniam ad fortaliorum usum destinatum jussu Rei, ut ponit fiscalis, in alium usum Meulenaer dissolverit; quod Zeyle aliorum jussu falsas rationes scripserit, ac sibi magnam quantitatem retinuerit, &c. Eo ipso enim (si tale quid contigerit) prædictum Zeyle & Meulenaer, si (quod verius videtur) principales malefactores non sint, saltem socios & participes criminis esse indubitatum est, ut in terminis decedit Petrus de Anch. d. conf. 23. Fulgos. d. conf. 173. in causa. Decius, d. conf. 189. col. 4. & Bald. conf. 429. an mandatorib. 3. Cujus verba, quæ præsentis negotio admodum conveniunt, hæc sunt: *An mandatarius criminis possit esse testis super illo crimine contra mandantem, refert aut ad instructionem, & potest: aut ad probationem, & tunc refert an acceptavit mandatum, & non potest. Quia socius criminis, &c.*

ILLUD quoque prætermittendum non est præfatum Meulenaer vel ob solam variationem & inconstantiam, qua omni onere rationum suscepto, cæteros collegas nunc exculpasse, nunc in confortiū criminis & negligentiae vocasse dicitur. Cui accedit, quoddam etiam cessantibus prædictis, ex aliis legitimis causis, de quibus in actis, testimonium dicti Zeyle & Meulenaer reprobari possit & debeat.

NON obstat prædictis, quoddam socius criminis in subsidium admitti debeat. *c. fin. de testib. cogend.* Quia illud tunc demum procedit, cum ex natura rei, ex qualitate loci, temporis & facti naturaliter copia aliorum haberi non potest, prout est in conjuratione facta inter aliquos, d. c. si. de test. cogend. secus est in aliis: Bald. in l. quoniam liberi. C. de testib. Socii. conf. 189. col. 5. in princ. ut in casu proposito, ubi agitur de actu verè publico, & in quo ex facti, temporis & loci qualitate, copia aliorum testimonii naturaliter (quod in hoc articulo spectatur) haberi potuit. *Pulchrè Ant. de Butr. in c. 3. loco. col. 3. de probat. facit l. edictum. §. Divus. de quest. l. consensu. C. de repud.* Et in terminis nostræ quæstionis, ubi de falsificatis rationibus agitur, non dubitandum respondit Decius d. conf. 189. col. 4. & 5. post Corneum conf. 58. col. penult. Quibus accedit, quod etiam illo casu, quo socius interrogari potest, ejus dictum licet faciat indicium concurrente præsumptione, ut supra dictum est, non tamen facit probationem, latè Decius d. conf. 189. quod maximè in proposito obtinebit, in persona Rei, ubi infinitæ præsumptiones, conjecturæ & verisimilitudines pro ejus innocentia militantes, arg. l. Divus, de restitut. in integ. & arg. eorum quæ not. Fulg. conf. 173. in causa inquit. ut supra cumulatissimè deductum est. Et hæc quantum ad testimonium Meulenaer & Zeyle attinet, sufficienter,

ciant, illo uno addito, quòd etiam si prædicta omnia cessarent in Zeyle, adhuc tamen dicti Zeyle testimonium in præparatoria informatione, non præcedente citatione partis dictum in hoc plenario iudicio, fidem non faceret. *Iuxta not. Bald. & aliorum in l. si. C. de testib. Fel. & aliorum in c. presentat. de test. l. si quem, & ibi Bald. C. de test.*

NUNC ad aliud caput accusationis procedendo, succedit in ordinem, quòd Reus illos, qui vocantur Spillemans, publicè promovisse prætenditur in redemptione operum publicorum. Quod sanè factum etiam si verum foret, non videmus tamen quid posset in criminali iudicio operari: imò nec civiliter hoc nomine Reum obligari, est verins. Nam si forè ita sit, quòd olim dictos Spillemans promovendos putavit, id factum est propter peritiam, quæ vulgo tunc in us fuit approbata, ut etiam credatur eos fuisse re vera alium operum peritissimos, ita quòd meritò eis credi oportuit; *d. l. semel, & ibi Doct. de re milit. C. lib. 12. Doct. in c. significasti, de homicidiis.* adeò quòd si postea aliquod vitium operum ipsorum culpa acciderit (quod tamen nò creditur) Reo imputari non debeat. *d. l. verum. §. sciendum, de minorib. cum similibus.*

Quod verò sui studiosos in Senatū adhibēdos duxerit, cum generaliter & in nube proponatur, sine aliqua particulari deligna-

tione, pro criminis objectione haberi non debet: *l. ex dolo malo. l. libellorum, de accus. c. ut circa de elect. in 6.* Imò etiā si singulariter probatum foret ab adversariis, per Reum hoc factum, non tamen sequeretur ex eo Reum aliquod crimen incurrisse; imò laudabile est civili viro & Reipub. gubernacula capellenti, diligere sibi iisdem studiis affectos, eadem voluntate conjunctos, & eodem veluti numine ad honesti cultum ac virtutis amorem impulsos. *Plutarch. in politicis.*

DENIQUE statum civitatis per Reum secretum fuisse habitum, etiam ipsi Curia fortassis, qua ratione ei obesse potest? Cum hoc ad utilitatem Reipub. (cui ut magistratus principaliter juraverat, & quæ separatim habet ærarium ab ærario Principis) pertineret, & Principi non obesser; imò facilius per hoc Principis necessitatibus subveniebatur, quippe statu Reipub. secreto manente, multitudo majore obedientia, rebus ita ferentibus in vectigalium, aut indictorum, vel superindictorum collationem promptius consentiebat. Et ut ad juris normam hæc res exigatur, secretum non revelare, est 22 de jure naturali, *Pulchrè Sofin. conf. 202. cum presentis, lib. 4.* tenetur magistratus res civitatis suæ habere secretò, exemplo tutoris in rebus pupillaribus, *l. 2. C. de aliment. pupill. ac vassalli. c. unic. versic. tutum, de forma fidelit.* Et durum est privatum teneri ad pandendum secretum

M m m 2

sui

fui patrimonij: l. 2. C. quibus, & quando 4. pars. Imò est hoc aliquando periculosum, ut Candauli Lydorum Regi accidisse memorie prodicium est, cum eximia pulchritudine uxorem Gygi sodali demonstrasset. Et proditori est similis, qui commissum arcanum detegit, l. Athletas. §. calumniator, de his qui not. infam. l. 1. de pravat. Juxta illud Poëtæ:

*Arcanum neque tu scrutaberis ullius  
unquam,*

*Commissumq; teges:*

Adeo ut mirum videatur (nisi alia sint quæ latent, de quibus judicare non possumus) viro gravi, & de Repub. benemerito, ex hujusmodi suspicionibus tam gravia crimina objecta esse, quem ea prudentia & honestate vulgo habitum esse dicitur, quod nec sciens peccare potuit quia bonus, nec ignarus quia prudens. Et inter alia magnum rectæ conscientie ac innocentie Rei est testimonium, quod insimulatus de mala versatione, statim ultro ad judicium venit, ut innocentiam suam ostenderet. Nam

23 quemadmodum latitatio doli suspicionem inducit: l. fin. de ritu nupt. Ita per contrarium in publicum sui exhibitio eam eluit & dissolvit. l. non intelligitur, de jure fisci. non existimo, de administ. tut. Et quemadmodum nocens subterfugit judicium ne condemnetur, ita ut absolvatur qui est innocens, quærit. c. nullus, de presumpt.

PORRO prætermittendum non

est, diligentissime providendum esse, ne æmulatorum & inimicorum (ex quorum delatione præsens lis instituta est) testimonio aliqua fides habeatur, l. 3. in princ. in verb. inimicus. de testib. c. per tuas, de simonia. cum nihil gratius & amabilius dare quis inimico possit, quam si ei ad impetendum commiserit quem lædere fortè voluerit. c. quod suspensum, 3. quest. 5. Neque hinc habenda est alicujus reconciliationis consideratio, ex eo quod fortè inimici prædicti cum Reo aliquando simul fortè fortuna aut invitati in eodem hospitio, aut mensa fuerint, ac simul ederint aut biberint. Nam ista ad reconciliationem non sufficiunt, Innoc. in c. cum per M. & in c. cum oporteat, de accus. Faber & alij in §. si. Inst. de injur. Bald. in l. 2. in fin. post Cynum. C. de libert. & eorū liber. cum reconciliationes, quæ non ex animo fiunt, dicantur esse perfunctoriæ: Doct. d. loci. Imò nec inimicus reconciliatus est testis idoneus, Innoc. & Feli. in c. cum oporteat, juxta c. accusatores. 1. 3. quest. 5. ibi: Ne irati nocere cupiant, ne lasi se ulciscisci velint. nisi probetur tanta amicitia & secuta reconciliatione contracta fuisse, ut omnis indignatio vulneratæ animæ remissa videatur: in c. 1. de pace Constant. Idque ex multis argumentis appareat, cum hæc hominum mutatio facilis à lege non reputetur. §. 1. in Aut. de monach. Unde lex etiam in causa civili & favorabili vult hanc inimicitie remissionem debere manifestè probari.



bari. *l. Lucius. §. Lucius, de lega. 2. l. quod si iterum, de adimend. legat.* Et in proposito, ut cesset disputatio ac dubitatio; non ullam reconciliationem factam, sed animos utrinque magis exasperatos effrenatosque esse testatur criminū hīc Reo objectorum delatio, quæ per ipsos de magistratu Antverpiensī, qui contra Reum deposuerunt, odij privati stimulo facta dicitur, atque etiam ex præcedentibus inimicitias aliquatenus præsumi posse videtur. Et si ita sit, certè non bene factum videtur. Non enim debent in magistratu privati odij, vel cupiditatis stimulo impulsī, alios, quorum egregia in Rempub. merita existunt, & qui antè honoribus & dignitate floruerunt, subita quasi tempestate per cōtumeliam in magnam rerum animique confusionem pertrahere, ut inde ipsi sibi nomen ac potentiam vindicent. Nam hoc nomine dum existimationi clarorum virorum per contumeliam & contemptum detrahitur, Reipub. ipsius dignitas dejici & premi videtur: Et simul alij prudentes viri metu & recordatione periculorum ex tam subita conversione rerum contingentium à Reipub. gubernaculis abhorrent & abstinent.

Et omninò est invidiosum & Reipub. noxium, eos ipsos, qui sunt in magistratu positi, per factionem & cum quadam Reipub. perturbatione collegam accusationem premere, ejus existimationi

per invidiam detrahere, per malevolentiam insultare, & præclare gestis per æmulationem obrectare. Voluntas atque propositum civilis viri ejusmodi optandum est, ut civitatis securitatem & rerum tranquillitatem omnium expetat & amplectetur, perturbationem omnem, & gloriæ inanis ad insaniam usque cupiditatē omnibus viribus fugiat & declinet; & ut in primis honos magistratibus habeatur, consensu & concordia collegarum, ne scilicet societas magistratus inimicitiarum atque dissidij causas præbeat.

PRÆTEREA etiam si odij & inimicitiarum causæ cessarent, nihilominus tamen ex diligenti directione hujus negotij per eos, qui hæc contra Reum deposuerunt, facta, ipsos esse delatores, accusatores & directores hujus litis, constaret; & sic testimonium eorum hīc recipi non debet: delatores enim, accusatores & directores testes esse non possunt.

POSTREMÒ, ut hunc articulum judicij criminalis absolvamus, etiam si fortè ex omnibus superioribus rebus cum præsentibus collatis aliquid (quod tamen non creditur) aut omīssum inveniretur, quod factum oportuerat, aut factum, quod fieri non debuerat; id tamen exemplo populi Atheniensis (qui vel propter suspensiones nonnullas criminis, vel propter levia quæpiam errata Thesæa, Solonem, Milciadem, Aristidem,

Mmm 3 The-

26 Themistoclem, Phocionem, Cymonem, Conona, maximos illius civitatis viros vel exilio, vel morte multarunt) ad criminis suspicionem trahendum, ac in accusationem deducendum non videbatur; cum leges Romanæ (quibus vivimus) in criminalibus non suspicionibus, & judiciis, sed veris & luce meridiana clarioribus probationibus crimina patefieri desiderent, ut supra in primo præmissio, maximè adversus graves & honestas personas, & in magistratu constitutas, quod & Reipub. interest. Nam alioquin quis in animum posset inducere, Rempub. tractare, aut ei benefacere hac miserabili mercede & conditione, ut ob parvum admissum velet erratum, fortè in magno magistratu (in quo occupationum multitudo plerunque deliberandi tempus aufert, vel errare cogit; *Phil. Cornus consil. 136. littera C. 4. parte.* quod & Cicero in oratione Rosciana eleganter tractat: Cum tot, inquit, tantumq; negotiis distractus sit, ut respirare libere non possit, mirum non esse, si aliqua non advertat, præsertim cum tam multi ejus occupationem observent, tempusq; aucupentur iniqua impetrandi] oblitterata memoria magnorum in Rempub. officiorum & meritorum in famæ, capitis, ac fortunarum periculum vocaretur.

HACTENUS de criminalibus, nunc ad civilia descendendo paucis omiſſa superflua prolixitate eam questionem excutiamus, in

qua quæritur, an Reus ex aliquo gesto, vel omisso aliquo respectu civiliter impetratibus condemnari debeat.

ET primò ob 7000. dictis Spilemans erogata Reus teneri non debet, quoniam illa tanquam magister civium, jure & consuetudine permittente (uti prædictum est) nomine publico solvenda decrevit, idque bona fide, & eo casu quo Reipub. ita fieri expediebat, & Jurisconsult. de jure fieri debere responderant; ita ut ejus culpa nulla in hoc possit redargui. Qui enim facit quod ex jure vel consuetudine est licitum & solitum fieri, excusatur, ut supra latissimè deductum est; maximè si alios ad id faciendum adhibeat, d. c. *ne imitatus, de constit. d. c. prudentiam, de off. deleg.* & Jurisperitorum consilium sequatur. Nam ei qui bono viro & perito credit, nihil imputatur: d. l. *Tutius fundus, & ibi glo. de condit. & demonst. l. semel. & ibi dd. c. de re milit. cum similibus.* adeò quod judex, qui sequitur periti consilium, litem suam non faciat; c. *si pro debilitate, de off. deleg. c. cum olim, de arbit. Specul. & Ioan. And. ad tit. de requis. §. 1. cum aliquid quàm de jure respondeatur, judicare non oporteat, quoniam, ut Cicero inquit, id jus est quod fuit responsum: in tantum quod etiam si fortè transactio facta per Reum non expeditisset tunc Reipub. (quod non creditur) adhuc nihil aliud sequeretur, quàm ipsius decreti retractatio, & pecunie*

cuniæ solutæ dictis Spillemans re-  
petitio, obtrenta in integrū restitu-  
tione, eo prætextu quod Respub.  
pupillis æquiparetur. *arg. l. i. C. de  
curat. furios. Bart. in l. i. §. nostro. Quod  
cujusque univ. r. f. nomine.*

SECUNDO, quod ad auream  
aquilam attinet, non est disputan-  
dum. Quoniam quod ad eam at-  
tinet, civitati per Reum satisfactū  
est ad electionem ipsius civitatis,  
quamvis Reus potuisset bono jure  
postulasse, ut oppidum ipsius a-  
quilæ acquisitionem publico no-  
mine & prudenter & rectè suo  
tempore factam agnosceret. *arg.  
d. l. verum. §. sciendum. de minorib. l.  
sed an ultro. §. i. de negot. gest.*

RESTAT postremo loco justi-  
ficandarum seu verificandarum  
rationum negotium, quod sane  
nihil ad Reum pertinere explorat-  
um videtur: siquidem Reus non  
curator, aut administrator consti-  
tutus fuit, sed tantum honorarius  
quidam observator alieni actus  
cum expressio pacto (ut ex testimo-  
niis cōstare creditur) ne teneretur  
ad ullum periculum. Quo casu  
clari juris est eum nō teneri, etiam  
excussis aliorum omnium faculta-  
tibus, nisi probetur dolo, vel frau-  
de illius (quod non creditur) ali-  
quid commissum esse. *d. l. cum qui-  
dam decedens, de Administr. tutel. d. l. si  
servus veritus, de legat. i. & potissimum.  
l. debet. §. i. Nauta, Caup. Stab.* Quia  
hoc operatur remissio reddendæ  
rationis facta in testimonio: *d. l.  
cum quidam decedens, & ibi Bart. in l.*

*plures, de admin. si. tutel. latè Alexand.  
conf. 164. præsupp. ne primo.* ergo mul-  
to fortius liberatio, quæ à publico  
magistratu facta est, hoc operatur.  
Et latè comprobavimus suprà, per 28  
ea quæ octavo loco præmisimus:  
adeò quod etiamsi scivisset alios  
malè versari (quod etiam non cre-  
ditur) & eos non prohibuisset, non  
tamen teneretur, nisi ipse eorum  
malæ versationi & perihdei con-  
sentiisse probaretur. *d. l. debet. §. i.*  
Nec obstat quòd honorarij tuto-  
res de eo teneantur. *l. si plures. §. i.  
de administ. tut.* Nam in hac parte  
officium Rei multum distat ab  
officio tutorum, quos vocamus  
Honorarios. Quoniam Reus in  
suspicionem sui officij Senatui Ant-  
verpiensi prædixit se periculum, si  
quod contingeret, non præstatur-  
um; ei que prædictioni Senatus  
acquievit, qua prædictione peni-  
tus ab omni periculo, quod sine  
delicto suo contingeret, liberatus  
fuit, quemadmodum in simili:  
*Nauta, qui ex legis dispositione tenetur 29  
recepta custodire ac restituere; l. i. & tor-  
tit. Nauta, Caup. Stabul. si tamen præ-  
dixit ut unusquisque rectorum res suas  
servet, neque se periculum præstaturum,  
& consenserint prædictioni, non obliga-  
tur. d. l. debet. §. i.* Quod notandum  
est. Si enim Nauta, Caupo, Stabu-  
larius, qui voluntarium negotium  
gerunt, *d. l. i. in princip. Nauta, &c.*  
hujusmodi prædictione liberan-  
tur à culpa, negligentia, & dolo  
suorum familiarium, quos ipsi pro  
suo arbitrio adhibuerunt; *d. l. debet.*

§. 1. & seqq. multo justius erit publicum magistratum seu administratorem necessarium, gl. & dd. in d. 1. in honorariis. §. si. de verb. obl. l. 1. de numer. & honor. (qualis Reus fuit) per huiusmodi prædictionem liberari à periculo, quod factò alterius sibi de publico associati (ut hic factum fuit) contigit. *lutra not. dd. in d. 1. ex facto. de negot. gest.*

Nec refragatur quod in ordinatione quadam magistratus oppidi Antverpiensis, cui commissio Rei inserta est, de hac prædictione ac periculi liberatione nihil conneatur. Quoniam ea ordinatio post commissionem modo, quod dictum est, Reo datam, absente & ignorante eo, facta esse dicitur; & sic ei obesse non potest: *Decreta enim & quacumque alia, qua contra absentes & ignorantes facta sunt, ipsis præjudicare non possunt. l. de unoquoque, & ibi dd. de re judic. cum similibus.* Et sanè ignorantia ejus ordinationis, quæ nec publicata fuit, nec unquam Reo insinuada, probatur, cum ex facto prodeat, est penitus probabilis; ita quod præsumi debeat, c. præsumitur, & ibi gloss. & dd. de reg. jur. in 6. c. 2. de constitut. in 6. l. regula, de juris & facti igno. l. in bello. §. facta, de cast. & possli. revers. l. si super. C. qui mil. non possunt, lib. 12. aut saltem declarationi ipsius in eo stari debeat. c. nulli, in fin. de elect. in 6. cum similibus. Nam & ejus quod publicè notum est, & publicatum, admititur ob absentiam ignorantie allegatio. *Doctor. in l. 2. C. ubi de cri. agi*

*oport. arg. l. Lucius. §. Titius. de lib. & Bart. in l. cum filius. §. in hac. de verb. oblig. Anchor. conf. 393. domini de Rot. a. decis. 442. inci. extra rotam.*

Rursus etiam si cessarent prædicta omnia, quæ tamen sunt firmissima, adhuc tamen Reus, qui non gessit, conveniri non posset ad redditionem rationum earumque justificationem & satisfactionem, etiam si non honoratio tutori, aut administratori, sed alij cuilibet tutori vel curatori eum compares, priusquàm aliorum facultates (quod nondum factum est) excussæ non sufficerent, cum is, qui gessit, primo loco conveniri debeat, d. l. Imperat. l. quid ergo ad municipal. l. 1. & 2. C. quo ordine quisque conven. cum similibus. etiam si alter per ignaviam, vel contumaciam Reipub. negotia non gesserit, ut supra expressis Jurisconsultorum responsis comprobavimus: & hoc maxime si quæratur de eo quod dolo vel perfidia ejus qui gessit, admissum est; l. 1. §. nunc tractemus, de tutel. & rationibus. distrabem. dd. & potissimum Cast. in l. 1. C. de transact. cum similib. in 6. præmisso alleg. cujus doli alter non est conscius, ut in proposito credendum est. Nam improbitas dicti Meulenaer (si qua fuit) hætenus adeò obrepta fuit, ut etiam ipsi Impetrantes eum simplicem & rectum virum in scripturis suis nominarent.

PORRò dici non potest Reum 30 gessisse & administrationi se immiscuisse, per hoc quòd rationibus scribendis

scribendis plerunque intenderit, ac rationum redditioni nomen suum inscribi passus fuerit, ac alia pleraque aliquando fortassis observaverit; *arg. l. ita autem. §. gessisse, de administrat.* quoniā ut obiter illud repetamus, omnia prædicta fecit, non ut se aliquo periculo obstringeret, ac parem subiret conditionem cum cæteris, sed tanquam observator, qui ad gestionem in parte, vel in toto non tenebatur, & ex pacto & prædictione ad nullum periculum obstringi poterat. Nam ex præcedentibus dictis intentio cujusque aliquid facientis declaratur; *l. si servus plurium. §. fin. de legat. 1.* ad cō quod etiam per factum contrarium non tollatur protestatio, quoniam ejus verba generaliter concepta sunt, & futurum respiciunt. *Alc. in l. derestatio. de verb. sig. Bart. in l. per retentionem. C. de usufruct.* Quod pertinet elegans traditio Alex. dum in fortioribus terminis ex facto respondit eum cui remissio rationis in testamento facta est, non videri renunciassse dispositioni testatoris, in favorem suum factæ, etiamsi assumendo tutelam se expressè ad redditionē rationum ac consignationem reliquorum obligaverit. Jam enim promissio solum intelligitur de ea rationum redditione, ad quam stante dispositione testatoris ratione doli futuri tenebatur, aut, ut inquit Alex. præsumitur in dubio talem promissionem fecisse per errorem.

NEQUE hic accommodari potest Jurisconsulti responsum, in *d. l. ita autem. §. gessisse.* quo cavetur, Gessisse videri eum, qui quid omnino pupillare attigit, etiamsi modicum præsentis negotio adaptari nequeat: siquidem illud solum procedit in eo qui ad administrationem ejusque periculum est astrictus, ut expresse Juliani responsō in *l. duo tutores, in fi. de magistrat. non ven.* deciditur his verbis: *Tenetur etiam ob eam rem quam non gessit, cum gerere deberet.* Et sic si ullum periculum ad Reum redundaret, id non possit esse, nisi eatenus, quatenus actus, quos gessit, se extendunt: *argum. eorum quæ not. Bald. in l. si fratres, in princ. pro socio.* & id solum si probaretur dolo malo, vel lata culpa versatus esse, *d. l. debet. §. 1. Nauta, &c.* quod non fore creditur. Nam si quid omissione, vel cessatione, seu negligentia acciderit, de eo per protectionem & prædictionem liberatus est. *arg. d. l. debet. §. 1. Nauta, &c.* Et alioqui etiam tutor vel curator qui analogista esse jussus est, non tenetur realiter ob negligentiam. *d. l. cum quidam decedens.* Et si fortè in præsentis negotio per inadvertentiam aliquid omisum esset, quod fieri debuerat, id tamen vel excusari per negotiorum, quibus occupabatur, multitudinem, vel compensari deberet, aliis officiis per Reum Reipub. impensis in diversis aliis publicis functionibus, quibus Reipub. fideliter inservierat: maxime attento, quod d

N n n o m i t

omittendo vel negligendo minus peccetur quàm faciendo & committendo ; *l. si ex causa. §. nunc videndum, & ibi notat. ff. de dolo malo. gl. in l. si mora solut. marim. & ibi Bald. quam aureis literis scribendā dicit Imol. P. Castr. & alij in l. 2. ad Sillania.* adeò quòd non valeat argumentum in delictis, de eo quod fit committendo, ad illud quod in omittendo consistit. *Bart. in l. licet, de pecul. pulchrè Dec. conf. 605. superiorib. diebus.* Et quod potius ut superintendens & observator, quàm actu administrans ea quæ prædicta sunt, Reus fecerit, præsumi debet ex qualitate officij quod sustinebat. Et si quid dubitationis esse posset, stari debet ejus declarationi, quia dependet ab animo : *arg. l. gerit. l. pro hared. & utrobique dd. de acq. hared.* vel potius in dubio præsumi debet per errorem factum, si quid Reus fecerit ; *Alex. confil. praticato.* attento quòd ipsi ex prædictione erat jus quaesitum, ut non teneretur cum effectu ad reddendam rationem; adeò quòd quatenus gestio, si quæ fieret, Reum obligaret, ultra dictam protestationem indebita judicari debeat. Quemadmodum Reus qui plus quàm deberet promissit, videtur in dubio promississe per errorem : *Bart. in l. sed & si quis. §. si. ff. si quis cautior.* & ita penè in terminis nostris respondit *Alex. conf. praticato.*

N E Q U E est operæpretium hic repetere ociosam illam disputationem quam supra attingimus,

utrum Meulenaer, qui periculum controversarum rationum ad se pertinere confessus est, fuerit collega aliorum, & curator principalis, an verò tantum subcurator. Nam qualiscunque fuerit, Rei hoc casu non interest, qui ex prædictione & pacto ab omni periculo liberatus est. *d. l. debet. §. 1. Nauta, & r.*

E T cessante liberatione prædicta, & dato, non concessio quòd Meulenaer fuisset tantum subcurator (cujus contrarium est verius) adhuc tamen ex eo quod gessit (ut ipse confessus est) primo loco deberet conveniri : *d. l. Imperator. d. l. quid ergo, ad Municipal. d. l. 1. & 2. G. quo ordine quisque conven.* quoniam sicut actio negotiorum gestorum curatori adversus subcuratorem datur, æquè atque inter æqualis potestatis tutores vel curatores, *l. ex facto, de negot. gest.* ita etià ordo excussionis servatur æquè in subcuratore, ut in principalibus & ejusdem potestatis tutoribus vel curatoribus, ut expressè *Bald. scribit, in d. l. ex facto.* ita inquit : *Secundo nota, principalem Officiale teneri de facto Officialis subalterni : item & de facto coequalis Officialis seu collega.* Et intelligo (inquit) quod eodem ordine conveniatur utrobique. Subjiciens paulo post : *Si autem principalis Officialis sua autoritate assumeret sibi coadjutorem, teneretur simpliciter ex facto ipso,* id est, cessante beneficio ordinis. Cui etiam astipulatur *Angel. in d. l. ex facto.* his verbis :  
*Officiales*

*Officiales principales, ad aliquod Officium deputati, tenentur de dolo & culpa ministrorum eis assignatorum, vel datorum, sicut ipsi Officiales principales tenentur, unus pro alio. Et est communis Doctorum sententia. in d. l. ex facto. Quinimod si Fulgoso in d. l. ex facto. credimus, minus tenetur curator ex facto subcuratoris quam collegæ principalis. Nam ex facto collegæ, excussis bonis, tenetur collega etiamsi ipse dolum non admiserit. d. l. 1. & 2. C. Quo ord. quisque conven. deb. Ex facto autem subcuratoris, non tenetur principalis, ut inquit Fulgosi in d. l. ex facto. nisi & ipsi dolum vel culpa impunitari possit.*

## CONSILIUM LVIII.

## SUMMARIUM.

1. *Constitutio Cæsaris, per quam acquisitio immobilium Ecclesiasticis interdicta est, duntaxat ad novas acquisitiones pertinet, non ad ea quæ jure consolidationis, aut ex antecedenti titulo sunt.*

**I**N lite quæ vertitur indecisa cotam domino locum tenente, & hominibus feudalibus Domini Ducis Arschotentis in sua feudali Curia de Heverle & Bierbeecke per & inter Petrum & Margaretam van Staekenburch Actores ex una, & Reverendum in Christo patrem & dominum Abbatem & conventum Percensem Reos seu

Opponentes ex altera; omisiss prolixioribus disputationum ambagibus, quæ parum sunt utiles, & multum tædiolæ, procedendo breviter & duntaxat ad demonstrationem veritatis, quæ in paucis consistit, firmiter putamus, secundum ea quæ in actis præsentis causæ leguntur, agentium intentionem nullatenus fundatam esse, ideoque reos conventos ab utroque hinc nullitatis scilicet & redemptionis alternativè peragentes intentatæ absolvi, & penitus liberari debere.

Et quidem nullitatis causam, (quam Actores fundare nituntur in ordinatione Cæsareæ Majestatis anno 1520. qua Ecclesiasticis feudaliū aut alias immobilium bonorum acquisitiones deinceps prohibentur) non subsistere, clarius est quam ut aliqua deductione indigere videatur: quoniam (propter causas non receptibilitatis, quas agentibus in utroque hinc efficaciter obitare mox demonstrabitur) certum est quod ea constitutio duntaxat ad novas & veras acquisitiones referatur, & non ad casum (de quo hinc agitur) recuperationis, consolidationis, seu conservationis juris seu rei, quæ olim Reorum fuit, & nunquam quoad juris effectum ab eorum dominio recessit in totum, ut inferius latius deducetur.

Et si maximè contractus Reorum, de cujus viribus hinc queritur, novam & veram acquisitionem

Nnn 2 con-



contineret, adhuc tamen adversus nullitatem ab agentibus allegatam, & ex prædicta ordinatione anni 1520 causatam præservaretur & communiretur speciali indulto Cæsareæ Majestatis, quo expressè & specialiter acquisitio illa tenote ejusdem in ipso indulto plenè & integrè relato permittitur, & confirmatur, ac generali illi ordinationi prohibitive derogatur. Nam dubium non est per hujusmodi specialem derogationem & licentiam Principis, prohibitionem legis seu ordinationis contrariæ relaxari, atque contractum in contrarium celebratum sustineri & confirmari. *secundum Bart. in extravaganti, ad reprimendum in verb. Non obstantib. & Felin. in c. nonnulli, de rescript.*

ET est hic Cæsareæ Majestatis consensus, & licètia in prædictam alienationem eo solidior & potentior, quòd etiam voluntate & consensu dominæ Marchionissæ Arschotensis, à qua immediatè prædium, de quo agitur, in feudum tenebatur, expressè confirmata inveniatur. *arg. §. quia igitur, cum gl. verbi, Meliores. in Auth. de consang. & uter. fratribus. ecclesiast. cap. 1.* Quamvis etiam non accedente spontaneo illo dominæ Marchionissæ consensu, acquisitio reorum in vim solius indulti Cæsarei efficaciter procedere & vim habere potuisset; cùm habens licentiam superioris, non indigeat licentia inferioris. *secundum Bald. in l. illud C.*

*quando decret. opus non est.* Et hæc obiter de nullitatis articulo dicta sufficiant.

PORRò, quòd attinet ad causam retractus seu redemptionis, ad quam agentes admitti postulant, in vim ordinationis à bonæ memoriæ Duce Philippo anno 1446. super redemptione bonorum feudalium adversus ecclesiasticos emanatæ, plures sunt rationes & causæ quibus liquidè ostenditur agentes potissimùm in hoc judicio ad illam redemptionem non esse admittendos.

PRIMò, quoniam agentes pecuniam redemptionis ante depositionem & consignationem factam, non rectè, & quemadmodum de jure oportet, obtulerunt Conventui seu Monasterio, sed soli Abbati, ad quem revera hæc res non pertinet, cùm prædium, de cujus redemptione agitur, sit ipsius Monasterij seu Conventus distinctè & divilum sua bona possidentis à bonis Abbatiæ; quo casu notissimum est cum Abbate solo hoc negotium expediri non potuisse, secundum Innoc. quem communiter Doct. sequuntur: *in c. edoceri, de rescript. & in c. 1. de procurato. & c. in presentia, de testib. in 6.* præsertim attento quòd hæc redemptionis causa sit multum ardua, & non simplicem administrationem, sed etiam alienationem rei ecclesiasticæ respiciat. *c. pastoralis, de donation. c. quanto. & c. novit, de his quæ fiunt à Pralat. sine consensu Capit.*

EST

EST autem certissimi juris nihil prodesse consignationem & depositionem pecunie, nisi prius fuerit oblata ei cui solvi debet, & qui potest recipere, ac offerentem liberare, & non aliis. *l. 2. & ibi Salic. m. 1. notab. C. de usuru. quam ad hoc expendit & citat glos. in l. acceptam. & ibi quoque Ang. col. fin. ver. sola vera depositio. C. eo. tit.* Qua ratione in terminis respondit Jafon, *cons. 216. incip. Gabr. l.* cum qui fundum vendiderat ea lege ut posset redimere intra certum tempus, restituendo pretium venditionis, non satisfacisse ei legi, si non adito emptore fecerit oblationem & consignationem pretij apud acta vel alibi iussu iudicis. Nam quodcumque per solutionem vel oblationem aliquid vigore redemptionis vel alia ex causa acquirere volumus, tenemur ire ad domum creditoris; & si ille non reperiatur, vel recusat recipere, tunc demum debet fieri depositio & consignatio. *Bart. in l. illa, in princ. col. 2. ff. de constitut. pecun. cum multis similib. accumulatis ab Andr. Tiraq. in tit. de retractu consang. §. 9. gl. 3. & ult. in pr.*

QUEM modum offerendi & deponendi ex generali juris communis regula in oblationum materia traditum, & usitatum cum constet ad agentibus non esse observatum, consequens est oblationem & depositionem ab illis aliter factam jure non valere, & ad obtinendam redemptionem, etiam si nihil aliud obstarat, non possit

suffragari. Nam offerre illegitimè, & prorsus non offerre, sunt paria, ut pulchrè notat Ludovicus Roman. *consil. 163.*

SECUNDÒ, quoniam agentes ab initio integram pecuniam seu pretium prædictæ acquisitionis (si, de quo inferius diceretur, acquisitionis vocari debeat) obtulisse vel consignasse non videntur, ut latè in duplica reorum deductum est: quando enim aliquid deest sorti, usuris, vel illi quod impensum est, aut alioqui interest in oblatione facienda, nullus eorum effectus inducitur, qui induci solent ex oblatione, etiam si unus nummus tantum desit. *l. quandu. ff. de distract. pig. l. 2. ibi, Nam si vel modicum de sorte vel usuris &c. C. debitor. vendit. pig. imped. non poss. Ang. in l. acceptam. col. 1. in 2. not. & ibi Salic. col. 2. vers. constitut. autem. C. de usuris.*

TERTIÒ, (quod etiam ad excludendum agentes à propositione nullitatis referri potest) quoniam reliquas qualitates ex prædicta ordinatione Ducis Philippi requisitas agentes probasse non videntur, nempe quòd sint hæredes & consanguinei quondam Walteri Brustens, à quo Rei prædium, de quo agitur, anno 1521. recuperasse videntur: quas qualitates ad hanc redemptionem necessariò requiri ex ipsa Constitutione manifestum est; ita quòd (si, ut est verisimile, propter antiquitatem temporis & qualitatem personæ ipsius Walteri, qui prorsus inops

Nnn 3 & sine

& sine hærede defunctus videtur) ex parte agentium probatum non fuerit, quod sint hæredes prædicti Walteri, tanquam omni fundamento deficiente, succumbere debeant. *Anchor. consil. 52. & Fulgosius consil. 184.*

QUARTO, quod merita principalis negotij respicit, non potest in præsentij negotio agentibus redemptio concedi ex illa Ducis Philippi Constitutione, quoniam non sumus hic in casu novæ acquisitionis, ex qua vigore dictæ Constitutionis plerisque casibus alienanti, vel illius hæredibus redemptio permittitur, sed in casu consolidationis, recuperationis & conservationis rei propriæ; quoniam prædium seu Curtis de Blanden, de qua hic agitur, ab antiquissimis temporibus fuit in dominio ipsorum reorum, neque unquam efficaciter aut validè ab illis fuit alienata, vel in alias translata; & proinde per emptionem anno 1521. cum Waltero Brustens inita super hac Curte, quæ eorum erat, nihil plus juris consecuti videntur quam prius habebant. *l. sua rei. ff. de contrahend. empt. l. si mater tua. C. eod. tit.*

QUOD autem ab antiquissimis temporibus, nempe ab anno 1382. hæc Curtis ad Abbatem seu Conventum præfati Monasterij pertinuerit, ex plurimis munimentis in eam rem exhibitis dilucidè ostenditur. Nam extat in actis instrumentum signatum V. V. ex quo

constat dominum Johannem à Lantwïjck anno 1382. Aprilis 21. hanc Curtim vendidisse Nicolao van Overbeeck fratri domini Henrici van Overbeeck, tunc Abbatis prædicti Monasterij, quam venditionem ad utilitatem ipsius Abbatis, interposita tantum persona fratris factam fuisse, & vigore ejusdem ad Abbatem, & deinde ad Convētum prædictam Curtim translata fuisse, apertè intelligitur ex ordine, sequela, & consequentia rerum gestarum, & ex munimentis id expressè testantibus. Nam constat ex quodam extracto, signato vvvv. quod dominus Johannes à Lantwïjck ante prædictam venditionem recognoverit se debere Henrico Abbati, & Nicolao & Balduino van Overbeeck duomilia aureorum, quæ revera solius Abbatis fuisse, & ex pretio dictæ emptionis deducta & compensata, atque ipsam emptionem ad utilitatem solius Abbatis per interpositam personam factam fuisse, est verisimile: id quod apertè satis exprimitur in instrumento signato M. M. per quod dominus feudi anno 1388. Junij 22. emptionem hanc soli Abbati attribuit, concedendo illi investituram dictorum bonorum, tanquam ad eum solum pertinentium. Et evidentiorē ac indubitabilem probationem hujus rei præstat collatio & resignatio, per quam ipse Abbas anno 1390. August. 13. hanc Curtim liberè & simpliciter transfudit in pitanciam

pitanciam Conventus ejusdem Monasterij sub onere certorum anniversariorum, idque præsentē & consentiente Balduino van Overbeek, ut constat ex instrumento signato A. A. qui quidem Balduinus, si in veritate emptio & acquisitio illa ad Abbatem non pertinuisset, utique illi translationi & cessionī reclamasset.

Et denique evidentissimè hæc res confirmatur ex infecuta possessione longissimi temporis, quæ prius apud Abbatem, deinde apud Conventum hæc Curtis fuit constituta. Nam ut constat ex sententia Scabinorum Lovaniensium de anno 1414. Januarij 18. contra Henricum van Overbeek lata signata B. B. anno 1414. præfatus Abbas & Conventus ultra 30. annorum spacium possessionem dictæ Curtis habuerant. Hæc enim sequens longissimi temporis possessio, etiam sola per se & multo fortius adjuta tot titulis & causis præcedentibus efficaciter convincit Curtim prædictam fuisse in bonis ipsius Monasterij.

NEQUE valere potest ad everisionem narrationis factæ in prædicta sententia perplexitas temporis, quam agentes in Replica sua articulo 100. argutè colligunt, ex eo quod inter annum 1390. (quo tempore Monasterium seu Conventus hanc Curtim acquisivit) & annum 1414. quo lata fuit illa sententia, intervallum 30. annorum decurrere non potuerit:

quoniam hujus perplexitatis inductione resolvitur & discutitur, si consideremus possessionem, cujus in prædicta sententia fit mentio, necessariò non limitari ad tempus quod post annum 1390. decursum est, postquam jure dominij hæc Curtis Monasterio fuit acquisita, sed extendi & referri potest ad anteriora tempora scilicet anni 1382. à quo tempore dominium & possessionem prædictæ Curtis vigore venditionis per dominum Joannem à Lantwijck factæ, uti prædictum est, in Abbatem translatam fuisse ex prædictis intelligitur. Secundum quam inspectionem, considerationem & calculationem possessio in illa sententia commemorata non modo videtur possibilis, sed prorsus verisimilis, & propter antiquitatem temporis & auctoritatem publicæ scripturæ, in qua ea relatio possessionis continetur, cum ipsa veritate conjuncta. *Bald. conf. 217. lib. 4. Zas. conf. 5. num. 2. lib. 1. facit l. continuus. §. cum ita, junct. gloss. de verb. oblig.*

PORRÒ quemadmodum ex prædictis constat prædium seu curtim, de qua agitur, ab antiquissimis temporibus pleno jure ad Reos convectos spectasse, ita etiam deinceps illam semper in dominio eorundem remansisse, est verisimilius; tum quia ipsos Reos possessionem dictæ Curtis longissimo tempore apud se habuisse, ex sententia prædicta constat; tum etiam quia quamvis postea ab aliis bona

bona ista fortè detenta fuerint, tamen rei, ut ex illorum registris constat, pensionem & annuum redditum ex illis, tanquam ex suis proprietatibus receperunt; necnon, uti per extractum libri feudalis signatam C. C. constat, Rei investituram istorum bonorum tanquam ad ipsos spectantium à domino feudali obtinuerint. Et denique quia etiam in dubio, qui olim fuit dominus, in præsentī dominus creditur, *l. siue possidetis. C. de prob. c. præterea. & ibi Pan. C. de transfact.* quandiu in contrarium dominij causam postea mutata vel resoluta fuisse non probatur, quod non est in proposito. Nam concessio in Trecensem, per religiosos Monasterij Parcentis anno 1390. August. 16. in Walterum Brustens salvis quibusdam iuribus & pro certa annua pensione partim in pecunia, partim in siligine consistente facta videtur, effectum non habuit, nec unquam fuit observata vel executā, sed per contrarium satis constat ex possessione, quam Rei postea longissimo tempore, videlicet usque ad annum 1469. retinuerunt, per pœnitentiam & ræcognitionem partim, concessionem illam fuisse resolutam & annihilatam. Transactio verò, quæ anno 1469. inter quondam Bartholomeum Brustens & Walterum van Beringe tum Abbatem dicti Monasterij facta dicitur, propter solennitatem in alienatione rerum ecclesiasticarum requi-

sitarum (quia scilicet sine consensu & consilio totius Conventus, & absque consensu Magistrī seu Ministri generalis seu Prioris totius ordinis facta fuit) valere & subsistere non potuit. Nam cū transactio alienationis speciem contineat, fieri nō potest per Prælatum, etiam cum consensu sui Capituli super re immobili Ecclesiæ (qualis hæc fuisset transactio) sine consensu superioris, & aliis solennitatibus de jure requisitis. *c. Abbatibus, & c. placuit. 12. quest. 2. latè & interminus Frederic. de Seniū consil. 44. casus talis, per totum.*

Nec possunt agentes illum defectum solennitatis & nullitatem transactionis inde profluentem tegere, vel excusare præscriptione vel antiquitate temporis; quoniā præscriptionem præsumptio malæ fidei impedit, cū constat eam transactionem propter omissionem solennitatum, à jure fuisse reprobata. *c. possessor. c. qui contra, & ibi gl. & dd. de reg. jur. in 6. l. 1. C. de fide instrumen. & jur. hyst. fisca. lib. x.* Et antiquitas temporis ad effectū præsumendæ solennitatis, propter plura allegari non potest. Primò, quoniam à tempore dictæ transactionis usque ad illud tempus, quo bona hæc in Reorum potestatem redierunt, decurrerunt solum 51. anni, aut pauciores, qui non videntur tempus antiquum constituere, quod in hac materia secundum communiorē & veriorē opinionem Doctorum est 100. annorum.

norum. Doct. & maxime Alex. & Ias. in l. cum aliquis. C. de iure deliber. & idem Iason conf. 81. factum sic se habet, late Sosi. Iunior. conf. 56. num. 19. & 20. part. 2. Secundo, ut in terminis scribit Sosi. Junior, consil. præcitato regulam dictans, Ex antiquitate temporis præsumi omnia solenniter acta, etiam respectu extrinsecæ solennitatis procedit, quando ex lectura instrumentorū non constat solennitatem non intervenisse; puta quod in instrumentis fiat de solennitate mentio enunciative, secus si nulla fiat mentio. Paul. Castrens. consil. 50. in causa qua vertitur inter Reverend. patrem. col. 3. & alios plurimos quos citat Sosi. in d. conf. 56. nu. 21. Et proinde cum in instrumento prædictæ transactionis nulla sit facta mentio solennitatis, sed econtrariò contineatur in eodem instrumento transactionem illam initam, & conclusam fuisse per intercessionē quorundam amicorum consensu duorum vel trium religiosorum tantum, apparet per evidentiam facti requisitas solennitates non intervenisse; quo casu cessare præscriptionem, quæ ex antiquitate temporis potuisset consurgere, ab omnibus receptum videtur. Fel. in c. sicut. col. 13. vers. 7. & ult. cum aliis in prædicto Sosi. Iunior. conf. cumulatissimè allegatis.

Et eo minus recipienda est in proposito præscriptio illa desumpta ex antiquitate temporis, quoniam scilicet tractatur hoc casu de

magno præiudicio Ecclesiæ & dimissione rei magnæ. arg. eorum quæ not. Bart. in questione, mulier habens amplum patrimonium. col. fin. Alex. in conf. 148. col. penult. vers. 2. Item prædicta jura procedunt, quem allegat & sequitur Sosi. loco præcitato. Neque probatur intervenisse scientia Magistri seu Ministri generalis, de cuius consensu præsumendo agitur. Nam cum inter cætera consensus præfati Ministri seu Generalis ordinis fuerit necessarius, talis consensus ex antiquitate temporis præsumi non potest, nisi probetur scientia & patientia ejus. Nam in præsumendo consensu aut auctoritate alterius, ex antiquitate temporis requiritur scientia ejus. Fel. in d. c. sicut. col. 19. ver. bene fateor. & Bart. in d. quest. mulier. col. fin. Marb. de Afflict. decis. 107. Dec. conf. 109. visò concilio, col. 2. vers. pro vera resolutione.

Ex quibus omnibus cum constet primam concessionem in Trecentam, quæ anno 1390. facta fuit, ab altero Brustens non habuisse effectum, sed temporis lapsu, & per non observantiam partium fuisse resolutam, & transactionem ex nullitate tituli propter defectū solennitatis, ab initio non substituisse, nec tempore fuisse confirmatam; sequitur prædia seu rura, de quibus agitur, in bonis & dominio Reorum, apud quos antiquitus fuisse probantur, semper remanuisse, cum alia causa alienationis in actis non ostendatur, & consequenter emptionem anno

1521. cum juniore Waltero Brustens super his bonis initam, ipso jure fuisse nullam, cum rei propriæ nulla sit emptio: *d. l. sua rei. ff. de contrahend. emptio.* Ita quod Rei vigore dicti contractus invalidi non teneantur agentes admittere ad redemptionem bonorum, quæ ex illo contractu inefficaci reis acquisita non fuerunt, sed ex antiquiori causa in dominio eorum permanferunt; quin potius in contrarium agentes (quoniam allegant se hæredes præfati Walteri, necdum adhuc 40. anni lapsi sunt à tempore prædicti contractus) ipsis Reis ad restitutionem pretij dictorum bonorum indebitè recepti & erranter à Reis soluti teneri videntur.

QUINTO dici potest, quod si verè antiquior illa in Trecentam concessio, vel posterior transactio in vim præcedentis concessionis, uti agentes allegant, in Replica sua articulo 152. substitisset, atque ex ea bona hæc per Monasterium jure & rectè in illos de Brustens translata fuissent, adhuc tamen emptio anni 1521. per quam Rei bona hæc, quatenus alienata erāt, recuperarunt, non subjaceret redemptioni, aut Constitutioni Ducis Philippi, ex qua redemptio permittitur: quoniam propter jurisdictionem jus Laudimiorum & pensionem seu redditum annuum hereditarium & fundiarium super bonis illis in ipsa concessione prima, & transactione secuta Reis

constitutum & reservatum, emptio illa anni 1521. novam & veram acquisitionem (in qua duntaxat locum habet prædicta Ducis Philippi Constitutio) non contineret, sed verius consolidationem, per quam bona hæc quatenus fuerunt alienata, reversa sunt ad naturam suam & statum pristinum. Nam jus reale jurisdictionis Laudimiorum, redditus seu pensionis fundiarie & hereditarie, Reis in bonis prædictis competens, quod semper remansit in actu permanenti ex vi attractiva, postea resoluta jure illorum de Brustens id quod alienatum fuerat absque nova traditione ad pristinam naturam & statum reduxit, non quidem per modum novi dominij, seu novæ acquisitionis, sed per consolidationem ex causa antiquiori: quia scilicet hæc bona olim Reorum fuerant, & in illis jus quoddam reale retinuerant, cui naturali ratione absque nova translatione dominij seu acquisitione jus quod prius ex concessione in Trecentam seu transactione sequente inde recesserat, & ad illos de Brustens translatum erat, re consolidatum & reunitum fuit; sicut cum finitur locatio, emphiteosis aut feudi concessio, & cum finitur usufructus, & cum dos revertitur ad mulierem soluto matrimonio, item cum actio communis patri & filijs, consolidatur alteri eorum. Non enim necesse est his casibus fieri cessionem juris, quod erat penes deficientem



deficientem, nec etiam aliquam traditionem corporalem, ut elegantissimè in simili scribit Bald. *conf. 9. in princ. lib. 1.* Et hoc est quod dici solet: Facile rem, quanquam ad pristinum jus reverti. *l. si unus. §. pactum. ff. de pact. l. fin. ff. rer. amota. c. 1. & fin. de pac. in 6.* & in his quæ simbolizant facilem esse transitum unius ad alterum.

Quo d ita in jure acceptum est, ut res ita reversa ad eum, à quo translata fuerat, apud eum sit cum eisdem qualitatibus & eadem natura, quas & quam prius habebat, & omnia in pristinum statum redeunt, ac perinde habentur ac si illa alienatio vel translatio nunquam facta fuisset. *Bart. in l. in diem. ff. de aqua plu. arcend. & d. l. fin. ff. rerum amotar.*

Unde inferendo ad propositum sequitur, bona hæc vigore dictæ emptionis de anno 1521. pleno jure ad Reos reversa, propter potentiam & vim attractivam juris realis, quod ipsis in bonis illis reservatum fuerat; ita ut videantur absque nova acquisitione ad statum pristinum rediisse, ac perinde habenda ac si nunquam alienata fuissent: ita quòd quemadmodum agentes ut hæredes Walteri Bruckens junioris bona hæc in vim Constitutionis Ducis Philippi redimere non potuissent, olim ante prædictam alienationem, ita nec nunc ipsis hoc licere debeat.

Nam cum Rei alienando prædicta bona, penitus omne jus suum

à se non abalienaverint, sed directum dominium, vel saltem jus quoddam reale in illis retinuerunt, per emptionem prædictam non fuit inducta nova acquisitio vel domini translatio, sed veteris juris consolidatio, & in statum pristinum reductio, & repositio, ad quam Constitutionem illam Philippi non pertinere manifestum est.

Nam cum symbolum & reliquias quasdam juris realis Rei in bonis prædictis semper retinuerint, accessio, quæ vigore emptionis prædictæ resoluta jure illorum de Bruckens contigit, non ut nova acquisitio, sed consolidatio ex antiquiore causa & jure censenda est. Nam ita demùm quid novum censetur, quod penitus ad nihilum redigitur, ita ut pristini juris nullæ reliquæ remaneant, & postea refertur. *jux. gloss. in c. de monachis. 18. quæst. 2. gloss. in Clemen. fin. de rescript.* quod hic dici non potest, ubi Rei omne jus suum à se non abdicarunt, sed efficax jus reale semper retinuerunt.

Ex quibus colligitur huc non pertinere disputationem illam Doctorum, An dominus feudi, emphiteosis vel census in retentionis jure agnato vassalli, emphiteotæ aut censualis preferatur, de quo disputat Jas. & alij. *in l. 3. C. de jur. emphiteo. Commentator consuetud. Burgund. tit. de cens. §. 6. in verb. Et s'il advient que l'on y vend.* Nam Doctorum disputatio in illis terminis

procedit, ubi jus censuarij, vassalli, aut emphiteotæ: ad utilitatem domini non est resolutum, sed dominus jure ipsius censuarij nondum resolutio præferri vult consanguineo; quo casu, quia resolutio juris censualis, vel feudalis facta non est, consolidatio locum habere non potest, quæ est in præsentis casu, ubi constat voluntate illorum de Brusten jus eorundem penitus fuisse resolutum, & extinctum; idque ad Reorum utilitatem.

**DENIQUE** si omnia prædicta cessarent, & per se ad excludendum redemptionem ab agentibus intentatam non sufficerent, certè adhuc per amortisationem istorum bonorum, quæ emptionem, de qua agitur, præcessit, agentes à redemptione ex dicta Ducis Philippi Constitutione excluderentur. Nam cum bona hæc amortisata fuerint antequam ad Reos reversa essent, nunquam potuit agentibus, vel eorum authoribus ex prædicta Constitutione jus redimendi competere; quoniam ex illa Constitutione illorum bonorum redemptio duntaxat permittitur, quæ, priusquam amortisarentur, in manus Ecclesiasticorum pervenerunt, ut ex verbis Constitutionis prædictæ manifestum est, ibi: *Die comen zijn ende boozt aen comen sullen by coope/ giste / oft andersins / &c. soo verre die niet gheamortiseert en zijn.* Et ideo Constitutio illa.

& exempla amortisationum, seu præjudicia ab agentibus adducta, quæ loquuntur in eo casu, quod bona non amortisata ad Ecclesiasticos pervenerunt, licet postea mortisata fuerint, extendi non possit ad alium casum, in quo bona priusquam ab Ecclesiasticis acquirerentur, vel saltem in ipso acquisitionis momento amortisata fuerint: præsertim attento quod Constitutio illa videatur juri communi & libertati Ecclesiasticæ contraria, & quod evidens dissimilitudinis ratio inter casus prædictos assignari possit. Nam cum bona non amortisata pervenerunt ad Ecclesiasticos, statim solidè acquiritur jus redemptionis alienantibus, vel eorum hæredibus: quod quidem jus quæsitum persequentem Principis amortisationem, in dubio non tollitur vel diminuitur, verum quando priusquam ad Ecclesiasticos pervenerunt, amortisata fuerunt: jam amortisatio non tollit jus quæsitum alicui, sed tantum impedit jus querendum ex illa Constitutione: quod jus querendum facilius tollitur quam quæsitum, juxta ea quæ latissimè congeruntur per Lud. Comesium in *regul. Cancellaria de jure quæsito non tollendo cum similibus vulgatis.*

CONSI-

## CONSILIUM LIX.

## SUMMARIUM.

*Mandatarius seu custos rei quomodo à periculo rei amissa excusetur.*

**T**AMETSI in actis præsentis causæ satis multa deducta sint, quæ ad defensionem absolutionemque Rei possent sufficere, nihilominus tamen pro majori illustratione veritatis (qua Rei causa sustinetur & communitur) ac alleviatione laboris clarissimorum dominorum Judicum: conveniens judicavimus sequentes quæstiones, (quibus status totius causæ contineri videtur) paucis discutere, pleneque sub correctione dominorum Judicum resolvere.

**PRIMÒ**, An satis constet ex actis Reum in consarcinanda pecunia actoris inter sarcinas seu fasciculos suos pellium vulpinarum, probè versatum esse, & mandatum consarcinationis, si quod fuerit, complevisse.

**SECUNDÒ**, si sic, An ex illa susceptione consarcinandæ occultandæque pecuniæ videatur se adstrinxisse ad ulteriorem præfatæ pecuniæ sic consarcinatæ custodiam; adeò quod etiam periculum amissionis postea in itinere factæ, ad eum, etiam non probato aliter dolo ipsius, redundare debeat.

**TERTIÒ**, si sic, An quantitas

præfatæ pecuniæ amissæ, de qua aliter non constat, ad effectum ferendæ sententiæ juramento Actoris probari possit.

**QUANTUM** ad primam quæstionem attinet, extra controversiam videtur mandatum consarcinationis faciendæ à Reo susceptū verè & fideliter adimpletum esse. Nam præterquam quod ab Actore nullus dolus, aut fraus per Reum in consarcinando commissæ probetur, attestatione famuli Rei juratò deponitur consarcinationem prædictam rectè, &, ut decet, factam fuisse; cui sanè, quia cognitio ac veritas facti aliunde haberi non potest, fidem adhiberi convenit, *Specul. tit. de testib. §. 1. vers. Item quod est domesticus. l. consensu. C. de repud. Barr. in l. si quando. C. unde vi. & præterea consequentia (quæ in materia probationum maximè attendenda sunt l. apud antiquos. C. de furtis. Bald. & Innoc. in l. ult. ff. de hered. instit. Bald. in l. si dotem. C. de jure dotium. hoc manifestè coarguunt: post compositionem enim dictarum sarcinarum interrogatù actori Reus demonstravit actori sarcinam, in qua ejus pecunia erat composita: & discedens ex hospitio Reus aliquot horis reliquit actorem solùm istarū sarcinarum custodem, & observatorem. Quæ sanè demonstratio fuit liquidissima excuti per Reum mandati probatio, alioquin enim cum qui ex necessitate officij (quod in Reo non est) ad rem custodiendam*

Ooo 3      fuisset

fuiſſet obligatus, à custodia liber-  
raſſet, juxta ea quæ deducta ſunt  
in concluſione Rei. Cui accedat,  
quod eventu, qui (ut in proverbio  
eſt) acta probat, poſteà repetæ  
burſæ, incluſe pelli vulpinæ, in iti-  
nere quo prædictas ſarcinas in-  
ventor burſæ deferri viderat, clarè  
declaratum exiitit, præfatam bur-  
ſam pellibus fuiſſe incluſam, juxta  
mandatum, ſi quod verè fuerit.  
Nam qualitas burſæ repetæ, locus  
& tempus *l. aut factu, & ibi Doct. ff. de pœnis.* clarè convincunt prædi-  
ctam burſam poſt executum man-  
datum in itinere excidiſſe ex præ-  
ſatis ſarcinis, ex quibus ſanè exci-  
dere non potuiſſet, niſi prius illis  
incluſa fuiſſet. *l. decem. ff. de verb. oblig. l. manumisiones. ff. de juſtit. & jure.* Et verè poſt executionem  
præſati mandati, & in itinere, quò  
prædictæ ſarcinæ delatæ erant,  
præfatam burſam repertam eſſe, &  
ex conſequenti eam verè & fide-  
liter à Reo inter pelles vulpinas  
conſarcinatam fuiſſe, inconvinci-  
biliter arguit depositio invento-  
ris, attestantis tempore inventio-  
nis ſuæ, ſe vidiffè præſatas ſarcinas  
pellium vulpinarum per eum lo-  
cū, quo burſam inveniebat, de-  
ferri. Nam hoc ſignum prorsus  
tollit omnem controverſiam.

Ex quibus omnibus manifeſta  
præſatæ conſarcinationis, quam  
ſolam Reus ſuſceperat (ut poſteà  
apparebit) probatio habetur; & ſi  
aliquid fortè ad juſtam probatio-  
nem deeſſet, juſtiſſimum foret il-

lud Rei juramento ſuppleri, cui  
alioqui ſoli ob integritatem vitæ,  
in hujusmodi facto ſuo proprio,  
de quo aliunde conſtare non po-  
teſt, credi deberet, *l. non omnes. §. à Barbaris. ff. de re milit.* tantisper ſal-  
tem, donec ab actore probetur  
dolus, vel culpa per Reum com-  
miſſa.

Porrò retentionis aut ſub-  
ſtractionis vitium in Reo præſu-  
mere, nec qualitas perſonæ, *d. l. non omnes. §. à Barbaris.* nec juris ra-  
tio patitur: *l. merito. ff. Pro ſocio. dd. in l. 1. C. de ſervi fugit.* & profeſſo ſi  
Reus aliquam retinendæ ſubtra-  
hendæve pecuniæ intentionem,  
aut cogitationem habuiſſet, quia  
res ſecretò & ſine teſtibus conti-  
gerat, poterat negaſſe à ſe unquam  
actoris Burſam ſuſceperam, aut tra-  
ctatam eſſe, & ſic penitus evaſiſſe  
omnium litium moleſtiam, qui  
nunc ob fidei integritatem, recta  
conſcientia, nullius ſceleris arbi-  
tra, omnia ſimpliciter conſitendo,  
ut contigerant, ad inextricabiles  
moleſtias ac fortunarum ſuarum  
omnium everſionem per cavilla-  
tiones adverſarij penè redactus  
eſt. Nec deſuiſſet ei hoc inſiciatio-  
nis conſilium, ſi ut ignominioſè &  
contra omnem veritatem ac veri-  
ſimilitudinem actor prætendit,  
ſagaci ac vaſtro conſilio burſam  
actoris ſimulatione conſarcina-  
tionis ac occultationis inter pelles  
vulpinas, extorſiſſet actori. Nec  
facit quicquam, quod actoris pe-  
cunia ſit deperdita, Rei verò ſalva,  
quafi

quasi Reus minorem diligentiam adhibuisset confarcinationi pecuniæ actoris, quàm suæ. Nam in æqualitate ponderis & casuum varietate, in itinere plus contingentium in una sarcina quàm in alia, faciliè potuit contingere, ut actoris pecunia etiam diligentius custodita quàm Rei, periisset: & quia prædicta amissio contigit in itinere post confarcinationem (quam solam Reus susceperat) non potest coargui rei negligentia. Nam quotiescunque quis tantam diligentiam rei alienæ adhibere tenetur, quantam suis rebus adhibere est solitus, id solum intelligitur respectu actus & diligentie, quam quis alienæ rei præstandam suscepit; eaque præstita, si quid postea accadat, id ad dominum rei ipsius pertinet: & revera nullo tempore Reus ad custodiam pecuniæ in itinere habendam, actoris pecuniam accepit, sed tantum ad eam constituendam inter pelles suas, ut in occulto essent, adversus edictum Regium.

PRÆTEREA si, ut nunc actor sustinet, custodiæ periculum ad Reum pertinuisset, ratio dicat, Reum non habuisse causam, aut speratam utilitatem aliquam, ob quam pecuniam prædictam retineret, aut subtraheret, quam ex susceptione periculi per actorem prætenfa, etiam si fraus latuisset, tenebatur actori restituere; & proinde cum ne cogitasse quidem de fraude facienda, est verisimi-

lius, cum nemo gratis & sine mercede nocens esse velit, quod est perpendendum.

SECUNDÆ quæstionis resolutio dependere videtur ex natura & qualitate obligationis inter Actorem & Reum in susceptione dictæ confarcinationis contractæ. Et certè si ad juris præscriptum res excutiat, constabit liquidissimè ad extremum duntaxat contractum puri & simplicis mandati absque omni lege custodiæ post confarcinationem habendæ inter præfatos litigatores fuisse initunt: nempe ut Reus pecuniam actoris cum sua componeret, & occultaret in sarcina pellium vulpinarum, ut secretò & ad evasionem edicti Regii (quo prohibitum erat efferri pecunias ex Galliis) præfata pecuniæ exportari possent, ex quo sanè nullus alius contractus quàm mandati prorsus gratuiti, & ad solius actoris utilitatem suscepti, resultare potest; non aliter quàm si te rogem ut rem meam ad Titium perferas, l. i. §. si te rogavero. ff. depositi. aut ut sarcinam navi vel curru imponendam, & ad alia loca, me præsentem & observaturo, ipsam sarcinam transferendam componas, & ordines. Quæ sanè gratuitæ operæ præstatio, si te sciente, consentiente, & patiente fiat, ad mandatum certi actus duntaxat referri debet, & solius operæ componendi ac ordinandi sarcinam præstatio finem facit negotio; & ad executionem talis mandati, absque ulte-

ulteriore custodia, ubi dominus ipse præsens est, nec de alio conventum probatur, sufficit. *l. Pompeius, ibi: Nisi ab initio quasi unum negotium gesturus accessero. & l. sequenti. ff. de negot. gest.* Et duntaxat in præsenti casu de componenda prædicta pecunia atque ea occultanda inter pelles vulpinas, & non de suscipienda custodia, saltem post consarcinationem factam, inter prædictos litigatores actum fuisse, ex ipsius actoris, aliqui studiosè & periculose satis negantis omnia intentioni suæ adversantia, alligatione in 5. & 6. art. libelli. est manifestissimum, his verbis: **Dat de voozsz. Wybeert aenleggere / heeft onder wegghen ghecout / gesproken / ende geconsereert van sijnen gelde / sozgende ende beladen zijnde / hoe hy't uyt den Lande van Vranckrijcke soude ghekrighen / ende salveren / want daer saine ende gemeyn ghesegh was / van sekeren Edicte ende Publicatie van 's Coninx wegghen ghedaen / by den welken men seyde verboden te zijne uyt den Lande van Vranckrijck eenigh gelt te moghen braghen / &c.** Quæ sanè præfationes & collocationes clarissimè demonstrant, intentionem litigatorum fuisse, ut Reus sine susceptione custodiæ pecunias actoris occultaret, & componeret inter pelles vulpinas, ut ad eum finem duntaxat secretò ex Gallis efferri possent, relicta nihi-

lominus actori custodia suæ pecuniæ adversus casus qui possent in itinere contingere. Nam ex præfationibus semper intelligitur quid actum sit, *l. triticum. §. idem respondit. ff. de verb. oblig.* nec dubium est ex præcedētibus declarari sequentia, *l. si servus plurium. §. final. ff. de leg. 1.* & principalem intentionem attendendam esse, *l. si quis nec causam. & ibi Doct. Si certum petat.* nec actus agentium operari ultra eorum propositum: *l. non omnis. ff. Si certum pet.* & denique à causa finali, quæ hic fuit, ut præfatæ pecuniæ non custodiæ causa, sed ut adversus edictum Regium in occulto essent (uti prædictum est) omnia regulari, & determinari; ita ut cessante causa, cessare debeat dispositio ac effectus. *c. cessante, de appell.*

Et profectò nulla prorsus est ratio quare Reus in se suscepisset custodiam pecuniæ ipsius actoris, in itinere, ubi ipse Actor semper præsens aderat, & cui interroganti post consarcinationem, sarcina, in qua suæ pecuniæ erant, demonstrata fuit: & prorsus absurdum & ab omni lege & ratione alienum est, quod actor ex facto consarcinationis per Reum suscepto & executo, præsumptionem assumptæ per Reum custodiæ etiam post consarcinationem niritur elicere. Siquidem manifesti juris est, in his quæ præsumuntur ex actibus nunquam præsumptionem se extendere ultra quàm actus se extendit: *l. fin. C. ne uxor pro marito. pulchre Bald.*



*Bald. in l. si fraus, in princip. ff. pro socio.* maximè in actu per amicum, vel familiarem gesto, ut hic, in quo satis est vel in paucis amici negotiis consuli; *l. tutor. C. de negot. gest.* imò nò fuisse cogitatum de transferenda custodia etiam post confarcinationem, & ratio dicitur, & ea quæ confarcinationem ipsam & amissionem prædictæ pecuniæ consecuta sunt, evidentissimè ostendunt: nempe quod Actor facta confarcinatione, ipse suæ pecuniæ sollicitudinem habuit, interrogando de sarcina, in qua sua pecunia erat, quæ ei demonstrata ac custodienda relicta fuit, abeunte Reo ad explicationem negotiorum, quæ illi exequenda restabant. Item quod post amissionem Actor omne suum esse agnovit periculū, nec quicquam Reo imputavit, persequendo solus eum, de quo subtractionis suspicionem conceperat.

Quæ sanè argumenta & circumstantiæ (quoniam conjecturis præsens causa excutienda est) plurimum pertinent ad Rei defensionem, in eo scilicet quod de custodia in itinere (ut dictum est) per Reum præstanda neque actum neque cogitatum fuerat ab initio; adeò quod nullo prætextu hîc dici possit præfatum Reum ex deposito, vel mandato custodiæ legem habente, post confarcinationem (quam solam suscepit) ad aliquam custodiam fuisse obligatum. Non enim de custodienda pecu-

nia Actoris, quod ad depositi substantiam & custodiæ legem pertinet, *l. i. in princip. ff. depositi.* sed duntaxat de occultanda pecunia in præfatis pellibus ad evitandum edictum Regium actum fuit, quod est advertendum. Et proinde minimè dici potest Reum sese obtulisse deposito, ac custodiæ periculo se obstrinxisse arctiore quodam vinculo: *d. l. i. §. sæpe evenit. ff. depositi.* quoniam (uti prædictum est) nullum depositum, vel etiam custodiæ susceptio per Reum post confarcinationem habenda hîc militat.

Et quod dicitur in actis, Reum ab Actore requisivisse pecuniam ejus componendam, ut à plerisque testibus deponitur, etiam si verum foret, de quo tamen iustis de causis dubitatur; non eo pertinet, quod sese Reus deposito vel custodiæ obtulisset: imò nec ad mandatum ultroneum referri potest, quoniam constat prædictam acquisitionem à Reo factam, non ad offerendum se mandato tunc contrahendo, sed ad executionem mandati prius in itinere inter Actorem & Reum contracti, juxta propriam allegationem Actoris in quinto & sexto articulo libelli, (de qua supra dictum est) ex qua constat conventionem mandati diu præcessisse præfatam requisitionem: ita quod ex ea nullum præjudicium Reo fieri possit, sed potius ad ejus exonerationem & bonæ fidei commendationem valeat. Nec quic-



quam facit, quod unus testium Actoris deponat quod Reus post amissionē prædictæ pecuniæ confessus fuisset se recepisse ab Actore pecuniam ejus *pour paqueter*, quod ab Actore ad causam depositi & custodiæ trahi videtur. Quoniam præterquam quod ille testis est singularis, & iustis de causis suspectus, non concludit ejus dictum necessariò suspensionem custodiæ etiam post compositionem, sed solum usque ad compositionem, quam solam suscepit Reus; ut scilicet confessio, si quæ fuerit, declaratur & restringatur ab actu, de quo facta est, & ad quem necessariò referenda est, ut latius in scripturis Rei deductum est. *artic. 25. conclusiois.* Et præterea verisimilitudo ac ipsa veritas depositioni ejus resistit, & est contraria: quoniam illo ipso tempore, quo deposita per dictum testē contigissent, rebus ipsis & factis (quæ efficacius probant quàm verba *l. de quibus, & ibi gloss. ff. de legib. l. recusari. ff. de acqu. hered. l. sitamen. §. qui servum. ff. de edil. edict.*) Actor & Reus declarabant prorsus contrarium: siquidem Actor solus agnoscebat periculum amissionis, Reo satis securo existente, quod ab ipsis Actoris testibus deponitur, & notandum est. Quod quidem periculum, alioqui ratione susceptæ custodiæ, aut in vim talis confessionis, ad Reum redundare poterat, ut meritiò etiam si à pluribus testibus idem deponeretur, bonus iudex

(cui probationes sunt arbitrariæ) secundum iustitiam & conscientiam, quam sequi tenetur, *c. cum aterni, de re jud. in 6.* tali depositioni, cui verisimilitudo ac veritas ipsa est contraria, fidem aut crudelitatem habere non debeat, *l. 3. §. ejusdem, in verb. Tu magis scire potes. ff. de testibus. Castrenf. in l. admonendi. ff. de jurejurand.* adhærendo potius ipsi verisimilitudini ac veritati, quæ pro Reo ubique militat: adeò ut si unquam in causis decidendis verisimilitudo attendatur, quæ legum laboribus & peritis tanti est, ut ex ea leges faciant, litesque definiri jubeant, tanquam id verum sit, quod est verisimile, *l. non est verisimile. ff. de eo quod metus causa. l. sed & si. §. 1. de negot. gest.* certè & in proposito ad victoriam Rei sola posset sufficere.

Rursum si fortè custodia præfactæ pecuniæ ad Reum ex deposito vel mandato custodiæ legem habente obligatum, etiam post confarcinationem, in itinere spectasset (quod non per prædicta) adhuc tamen non teneretur Reus ad restitutionē ejusdem pecuniæ, quam casu, de quo non erat suspicandum, amissam fuisse & repertam iterum esse constat. Nam casus fortuitus ad depositarium vel mandatarium non pertinet, *l. contractus, de reg. jur.* adeò quod si quis rem parum custoditam diligenter, furto amisit, securus sit; *§. præterea. Instit. Quibus modis re contra. oblig.* ut si servus quem quis ex alterius mandato

dato comparavit, fugerit, mandatarium non tenetur, *l. si procuratorem. §. final. ff. mandat.* si non probetur dolus depositarii vel mandatarij: *gloss. notab. in l. eum qui. §. si rem inspectori. ff. commodati.* adde quod etiam suscepta per Reum custodia (quod non æquum foret) Reum absolvi & liberari restitutione rei tali casu perditæ, de quo non erat suspicandum, *Iuxta not. Bald. in l. quæ fortuitis. col. 2. vers. bis præmissis. C. de pign. act. & quo non constat unde habuerit originem, not. idem Bald. in l. si creditor, circa fin. C. de pign. act.* nam præsumi dolo vel fraude Rei casum præfatum procuratum fuisse, potest minimè: nam non jure, sed etiam natura manifestum est, doli ac delicti conjecturam nunquam capiendam esse: *d. l. meritis. ff. pro socio.* maximè si persona, de qua agitur, probæ & justæ opinionis sit. *d. l. non omnes. §. à Barbaris. c. justis essent, de prabend.* Et generaliter quoties aliquid invenitur obscuritatis & scrupuli in aliquo actu, qui ad bonum vel malum referri potest, ejus interpretatio pertinet ad eum qui fecit; *Bald. in l. 1. & ibi Iason in 6. col. de ser. fug. & eo non interpretante, lex interpretatur in meliorem partem, d. l. meritis, & ibi Alex. cons. 126. vol. 4.* quod hic eo est favorabilius, quòd scilicet ipsa verisimilitudo Reum à delicti suspitione defendit, eo quod gratis & sine mercede committendo fraudem, malus fuisset; & certè si ma-

litia fuisset deditus, utique sagaci consilio confessione receptæ bursæ continuisset, & insiciando penitus adversarium à jure suo poterat excludere.

PRÆTEREA non modicum causam rei adjuvat, & malam fidem ac penè calumniam Actoris coarguit, id ipsum in quo Actor suum principale fundamentum constituit, negando scilicet temerè & contra veritatem, bursam ac pecuniam suam repertam esse, & eam ipsam esse quam Reus ab Actore confarcinandam acceperat; quam tamen infallibilibus indiciis verè repertam esse, huic amplissimo Senatui liquidò constare creditur, quod est perpendendum.

Nec alicujus est ponderis in Rei præjudicium, quod fortè quis dicet præfaram bursam, si eadem fuerit, de qua agitur, repertam fuisse aliquandiu antequam præfata sarcinæ per illum locum ubi reperta fuit bursa, transferrentur: siquidem, de contrario manifestè apparet ex qualitate bursæ involutæ pelli vulpinæ, specie pecuniæ repertæ; item loco & tempore, quo reperta fuit prædicta pecunia, nec non facto delationis ipsarum sarcinarum pellium vulpinarum, ab ipso inventore tempore suæ inventionis viso & conspicato, uti attestatur. Quod sanè factum infallibile, si quæ dubitatio, error vel diversitas temporis (quæ in veritate rectè intuenti inventoris

depositionem, nulla est) ad declarationem ac determinationem ejus plenè sufficeret. Nam generaliter circumstantiæ rei, de qua agitur, lumen præstant & incertitudinem declarant & determinant. *Doct. in l. cum quid. ff. si cert. petat.* Quoddanè in proposito æquissimum est, ubi solum tractatur de incertitudine vel errore (si quis esset) in tempore diu præterito: quo casu ob lapsum temporis & labilitatem memoriæ facilis est præcisi temporis error, vel obli-  
vio: *arg. l. peregrè. ff. de acq. poss.* cui adde etiam in recenti facto, ob gaudium reperti thesauri non cogitasse hominem pauperem, de horarum aut temporis observatione, ita quod minimè conveniat ex tam levibus causis dubitatione constituitur, quam, etiam si iusta foret, certæ & indubitatæ negotij circumstantiæ perimerent: præsertim in probationum materia, quæ ampliari & non angustari debent.  
*6. quanquam. 34. quest. 2.*

Nunc ad tertiam quæstionem procedamus, cujus decisione statibus præmissis, quæ sunt firmissima, egenus minimè: nihilominus pro ejus resolutione paucis habendum est, quod tamen verè ad custodiam ac periculum dictæ pecuniæ Reus fuisse obligatus (quod non, uti prædictum est) adhuc tamen non posset ad ejus restitutionem per sententiam definitivam condemnari: quoniam non invenitur probatum ab Actore, quæ

fuerit prædictæ pecuniæ quætitas, quæ certa esse deberet, antequam certi fieri posset sententia; *gloss. singul. in l. 1. §. si quis argentum. ff. de positi.* neq; hic juramentum Actoris in litem iudex sequi posset. *d. gl. §. si quis argentum.* Nam præterquam quod Actoris persona talis videatur, quæ posset hac jurisjurandi delatione invitari ad delinquendum, quod iudex præstare debet, *c. clericis. de cohab. cler. c. ille. 22. quest. 5.* juramentum in litem deferretur super æstimatione rei probatæ, non super rei probatæ petitione, *l. in actionib. & ibi dd. ff. de im litem juran.* quod hic fieret, & quod est specialius, nummis depositis in litem non juratur, nisi de eo quis juret, quod sua interfuisset, nummos sua die sibi non esse redditos. *l. numm. ff. de in lit. juran.* Neque accommodari potest Zenonis Constitutio, in *l. si quando. C. unde vi.* qua rerum amissarum probatio Actori remittitur, iudexque ipsius iusjurandum securus condemnat. Nam ea Constitutio in speciali casu, quo vis illata est, procedit, & (quoniam per eam multis regulis juris communis derogatum est, *in iusjurandi. l. omnib. C. de testib.*) ad alium casum porrigi non debet; adeò quod si pecunia in sacculo signata sit deposita, eumque resignatum depositarius reddat, deponentis juramento stari non debeat: *Anton. de Butr. & alij in c. fin. de huius qua vi metusve.* maxime si non apud cauponem, aut hospitem, apud

apud quem ex necessitate deponitur, & qui ex necessitate ad custodiendum tenetur, *tot. titul. ff. Nauta, Camp. Stabul.* depositio facta sit; & maleficio perfidiaque depositarii non plene probetur, *d. l. si quando.* quod utrumque hic deficit.

ET proinde manifestum est ac indubitatum, Zenonis Constitutionem, *in d. l. si quando.* quæ in speciali casu illatæ violentiæ, quæ ab homine vigilantissimo præcaveri non possit, loquitur, præsentī negotio adversus eum qui sponte & ut familiaris & amicus negotiorum socij respectu certi actus curavit, accommodari non posse: præsertim ubi dolus perfidiaque perspicuis indiciis non est patefacta; quod requiritur in Zenonis Constitutione adversus eum qui vim intulit, neque sola amissio, quæ postea in itinere contigit, ad arguendum rei dolum sufficit, *arg. l. neque natales. C. de probat. l. non hoc. C. unde cognati.* quem perspicuis indiciis probari necesse est. *l. dolo. C. de dolo.* Nam potuisset tertius aliquis, nauta fortè vel minister, aut etiam ipse Actor, propter cognitam prædictæ pecuniæ consarcinationem, & quia, ut nunc præterdit, habuisset Reum nihilominus obligatum, ad ejusdem pecuniæ restitutionem, eam substilisse: aut potuit eam (ut verè factum videtur) natura sua & pondere decidisse. Quibus accedat, quod nec regula, qua duorum specialium prohibetur concursus, *l. 1. C. de do-*

*lus promiss.* patiatur, (ut nunc in proposito) & jusjurandum loco legitimæ probationis succedat, & dolus sine evidentioribus argumentis intervenisse præsumatur. Minime verò adjuvari potest Actor narratione Rei, qua fortè aliquid de quantitate pecuniæ post ejus amissionem expressissent; quoniam id non creditur, nec est verisimile quod in necem suam tale quiddam protulisset: & si quid revera de eo dixisset Reus, id solum ex præsuppositione ac præsumptione, & audita ab Actore, sine certa scientia extra judicium, absente & non acceptante parte, & non ex animo cõtigisset; cujusmodi sanè confessionem ne semiplenam probationem quidem facere, est verius, *l. obligation. substantia. §. fin. ff. de act. & oblig. l. certum. §. si quis absente. ff. de confessus.* & hanc sententiam solidis rationibus defendit Salicetus. *in l. in bona fidei. col. 7. C. de reb. creditis.*

IN quamcunque igitur partem præfatum negotium vertatur, ubique occurrit æquitas, quæ & pluribus rationibus ac ipsa juris & justitiæ benignitate quadam rei causam tuetur ac sustinet; ita quod si quæ alicui plus justo scrupulosiori aliqua adhuc restaret dubitatio, justissimum foret jurejurando Rei eam purgari: maxime cum Rei veritas & justitia rei conventi ex rebus ipsis & factorum ac personarum circumstantiis ab omnibus animo & conscientia clarissimè

percipi & agnosci posset, contra quam animo & conscientia cognitam veritatem periculosum foret judicare. *d. c. cum aterni. de re judic. in 6. Pulchrum exemplum apud Aulum Gellium lib. 14. c. 20.*

Et proinde ut summam omnia repetamus, quia Reus non accepit custodiam cinguli, neque pretium, vel mercedem, ut confarcinaret, & pellibus suis vulpinis Actoris cingulum colligaret, periculum ad eum non pertinet; *l. cum qui. §. si epistola. vers. & ideo dari potest. ff. de furtis.* quoniam neque dolus, neque culpa rei probetur; *l. dolum, & ibi Doct. C. de dolo malo, cum similibus.* Imò Reus ex abundanti confarcinationem à se diligentissimè factam, saltè per unum testem probavit, & ad eandem probandam (nisi & suam pecuniam & Actoris cingulum periculo confiscationis subicere voluisset) alios testes turò adhibere non potuit, meritò (ne propter secreti actus naturam ad impossibilem probationem faciendam astringatur) qualitate personæ, verisimilitudine rei, & indubitatis circumstantiis (de quibus suprà dictum est) attentis, ad præstandum juramentum oblatum, nempe Actoris cingulum accuratissimè confarcinasse, omninò admittendus videtur, in supplementum probationis, si quid probationi ad eum pertinèri deesset. Nam ut Actori semiplenè probanti juramentum hujusmodi defertur, ita etiam justiore de cau-

sa *l. favorabiliores. ff. de regul. jur.* Reo defertur potest idem juramentum, quando suam exceptionem tantum semiplenè probavit per unicum testem, fortè vel ex indiciis & conjecturis, quæ hîc cum uno teste concurrunt plurimæ, eæque certæ & indubitæ, de quo in jure nulla est dubitatio; *Bald. in l. in bonafidei, in fin. ibi, ultimo queritur. C. de reb. cred. & est expressus text. in c. ex insinuatione, & ibi gl. in verb. clericos, de procur.* præsertim quando temporis qualitas plures testes adhiberi non patiebatur, *Bald. in l. 1. C. de adend. Bart. in l. si in princ. ff. de eo quod metus causa.* & quando factum, super quo niritur exceptio rei, non contrariatur, neque repugnat facto super quo fundatur intentio agentis, qualis est exceptio rei hujus causæ. Fundat enim se Reus super confarcinationem per eum fideliter & accuratè factam, & Actor super mandatum de confarcinando; quæ duo facta benè se invicem compatiuntur. Et in proposito, etiam si nullæ conjecturæ concurrerent, solius Rei juramento cum unico teste standum esse videtur extra controversiam: quoniam testis per Reum productus adjuvit Reum in confarcinatione, & sic de proprio suo facto attestatur, quo casu per unum testem plenè probari, aperti juris est. *l. Theopompus, & ibi Albert. & alij. ff. de dote pralegat.*

CONSI-

## CONSILIUM LX.

## SUMMARIUM.

1. Feuda secundum naturam suam ad agnatos devolvuntur, exclusis feminis gradu proximioribus, nisi investitura aliud sonet.
2. Femina ex consuetudine, privilegio, vel pacto sunt feudorum capaces.
3. Investitura pro se & heredibus suis masculis & feminis, differt ab ea qua facta est pro se & heredibus suis feminis sicut masculis.
4. Agnati jure feudali non censentur, nisi quibus primus feudi acquisite communis fuit parens.
5. Hæredum appellatione in materia feudali veniunt solum qui à primo acquirente processerunt.
6. Femina semel exclusa, semper intelligitur exclusa.
7. Hæres sanguinis differt ab hærede hæreditario in materia feudali.
8. Feudum concessum pro se & heredibus non transit ad agnatos, nisi sint hæredes.
9. Femina semel exclusa semper intelligitur exclusa, quando exclusio est simplex.
10. Feudum quando dicatur hæreditarium, & quis sit talis feudi effectus.
11. Feuda reducta esse ad instar patrimonialium.
12. Novum feudum dicitur, quod non à communi agnationis parente acquiritur.
13. Feudum improprium ex quibus qua-

litatibus cognoscatur.

14. Statuta & consuetudines inconcussæ observanda.

**I**UDOCO Comite in B. & domino in C. absq; liberis defuncto, & competitoribus aliquot super feudo M. C. contendētib; videndum quo jure singuli nitantur, quisque in successione, & acquisitione feudi potior esse debeat.

PRIMò, Comes à D. veluti assertus proximior primo acquirenti, propterea quòd proavia ipsius primi acquirentis G. neptis fuerit, ad sese feudū C. devolutum contēdit: eo potissimū jure, quòd secundum antiquitus observatum privilegium M. feuda non tantum ad masculos, sed & feminas earumque hæredes à primo acquirente originem ducentes, & diocesis M. subditos sive vassallos devolvatur.

SECUNDò, D. I. in B. assertit feudum hoc vacans propriè masculinum existere, atq; ad se veluti proximum agnatum Comitissæ I. proximè defuncti devolutum. Et ut proximum hunc gradum in genealogia ostendat, deducit Wilhelmum à B. tritavum suum fuisse, & I. Comitem proximè defunctū, ejusdē Wilhelmi quadrineptem. Unde, si justa dimensio graduum fiat, D. Joannes competitor & Comes I. inter se invicem stipite Wilhelmo dempto decem & tribus gradibus distant: imò, si ut in re præ-

re præfenti de primo acquirente nobis (qui partes Comitissæ à L. tuemur) differendum est, nequaquam Wilhelmus tritavus, sed ejusdè abnepos Gisbertus primus acquirens hujus feudi extitit, (prout nos dimetimur) B. autem ponit in tertio articulo peremptorialis, quasi Wilhelmus & filius suus major natu Gisbertus, quoad hoc feudum, ab Episcopo M. investitus fuerit.

TERTIÒ, Comitissæ à L. veluti proximior declarata, hæres & consobrina defuncti Comitis Judoci ad se feudum C. pertinere putat. Et quamquam secundum genuinam & propriam naturam feudorum feminæ feudorū capaces non sint, secundum privilegium tamen singulare sive statutum Episcopatus M. feuda ejusdem Episcopatus degenerantia & impropria facta sunt; ita planè ut in linea descendenti filio defuncti vasalli non supersitite, filia exclusis agnatis ulterioribus, vel cognatis masculini sexus succedat: & rursus in linea collateralis agnata vel cognata proximior, seclusis agnatis vel cognatis remotioribus, ad successionem admittenda sit. Eò magis, quòd feudum hoc aliquoties ad feminas (prout memoratum est) devolutum sit, quodque in dotem datum, distractum, & hæreditario jure de illo dispositum fuerit: ut omninò ad naturam allodialium & patrimonialium bonorū redactum feudum hoc dicendum sit.

Eò solummodo excepto, quòd supersitite masculo hærede proximè demortui vasalli in linea vel descendenti vel collateralis femina ejusdem gradus arceri debeat.

QUARTÒ, Episcopus M. existimat planè feudum hoc, veluti antiquum & paternum, atque propriè masculinum, ob defectum masculorum agnatorum ad se jure dominij directi devolutum esse.

DEINDE in articulis peremptorialibus primò quidem Comes à D. contra dominum Joannem à B. opponit, quantamvis feuda secundum genuinam ipsorum naturam ad agnatos devolvantur, exclusis feminis gradu proximioribus; feudi tamen proprii natura actionibus inter dominum & vasallum tempore investituræ recipiendæ mutari potest, *gloss. 1. c. 1. §. cum verò Conradus. Qui feudum dare possunt.* Item cum feudalibus scita omninò secundum consuetudines reguntur, idem per speciale loci consuetudinem fieri potest. Adhæc cum privilegium & consuetudo æquiparentur, *Bart. in proem. ff. & est text. in c. cum contingat. & ibi Ioan. Andr. in verb. Ex indulgentia vel consuetudine, de foro comper. fœminæ per privilegia feudorum capaces fieri possunt.* Atque ita quidem secundum privilegium M. fœminæ masculos & agnatos in gradu remotiori excludunt; plus videlicet operante gradus prærogativa, quàm jure agnationis. Quò illa privilegij verba pertinent: **Dermitz**



**Permitz erblicher folgungh  
uff die Tochter als uff die  
Sone.** Quę quidem eam æquali-  
tate significat, per quam masculi  
gradu remotiores à feminis pro-  
pinquioribus excluduntur. *Zaf. in  
Epitom. de feud. part. 8. de fœmina. suc-  
cess. num. 49. post Iacob. de S. Georgio.*  
3 *vers. Et fœminis. nu. 10.* Ubi distin-  
guunt inter hos casus, pro se & he-  
redibus suis masculis & feminis,  
& pro se & heredibus suis feminis,  
sicut masculis. Nam priori quidem  
casu ordo successionis significa-  
tur, & femine demum vocantur  
deficientibus masculis; posteriore  
verò æqualiter ferè femine mascu-  
lis comparantur. Et hunc intel-  
lectum præter juris interpretationem  
consuetudo, quę est optima  
legum interpres, approbat. In  
quam rem adducit exemplum  
Walburgis, quę plus minus anno  
1490. patri suo G. in hoc feudo  
successit; & cum paulo post ideam  
pattuo Friderico celsisset, pactum  
tamen fuit ut quatenus is absque  
liberis discederet, feudum C. rur-  
sum ad Walburgim ejusquę libe-  
ros devolveretur. Cui pactiōi Ja-  
cobus quidam in B. sigillum pro-  
prium appendit, quod is procul  
dubio omisisset, si non feudum  
impropriū fuisset. Et pro ulte-  
riori demonstratione, quod femi-  
næ etiam feudorum, prout præfa-  
tum est, capaces sint, refert se ad  
registra Episcopatus Mo. Deinde  
verò tamen si feminis, nisi in defe-  
ctum omnium agnatorum in hoc

feudo locus esse debeat, re vera  
tamen B. pro agnato Comitissæ Ju-  
doci reputari non potest, quod  
Theodoricus Wilhelmi à B. fi-  
lius, à quo D. Joannes se propa-  
ginem duxisse jactitat, sine liberis  
discesserit. Ad cujus probationem  
sefe D. quatenus necesse esset, offert  
ultimo donato quod D. à B. origi-  
nem suam à Comite Wilhelmo  
traxisset; tum tamen præterea ne-  
cesse esset comprobare, quod  
Wilhelmus hujus feudi possessor  
fuerit, hocquę ipsum ad suos hæ-  
redes transmisserit. Nam secun-  
dum jus feudale non censentur in-  
ter se agnati, nisi quibus primus  
feudi acquiritor communis fuerit  
patens; usque adeò ut frater fratri,  
quantum ad feudi successionem,  
extraneus censeatur; & si nō com-  
munis patens, sed alter fratrum  
adquisierit, eo casu dicitur, alte-  
rius fratris respectu, feudum no-  
vum, in quo regulariter frater fra-  
tri non succedit. Plenè per *Zaf. in E-  
pito. feud. de agn. success.* Ostendendo  
autem quod Wilhelmus nequa-  
quam feudum hoc possederit, ve-  
rùm est quod Comes Wilhelmus  
à B. plus minus anno 1321. extre-  
mum diem obierit, cum deinde  
primùm abnepos ejusdem Gislebertus  
anno 1406. hoc feudum ad-  
quisierit.

DEINDE verò Comitissæ à L.  
opponit D. primò quidem, quod  
in feudi paterni, sive masculini,  
sive feminini fuerit, successionem  
non habetur ratio proximatis

ultimi possessoris, per cuius mortem feudum vacat, sed omne huius successionis jus competit ex contractu primi investiti, qui sibi suisq; descendantibus prospexisse videtur. *notat. in c. 1. per text. ibi, de duob. fratribus. à capitam. investit.* Et quod hæc non tantum in feudis rectis, sed & degenerantibus locum habeant. Nam quamquam feudum in aliquibus capitulis sit alteratum, in reliquis tamen feudi recti naturam retinet: *Zaf. in Epito. de feud. tit. de feud. degener.* maxime quod illi, qui ex primo investito originem non ducunt, pro nudis extraneis hæredibus censeantur; in tantum ut etiam frater uterinus à feudi successionem excludatur. *Alvoror. §. hoc verò. de his qui feud. dare poss. Nic. de Neap. & Iacob. Andi. Zi. in summa de success. feud. sub rubric. de cognat. an success.* Imò maxime naturæ feudorum contrarium esset ad extraneam familiam, quæ ex primo acquirente non processit, feuda devolvi: item quoad onerosam acquisitionem feudi huius, responderet D. hoc solum proximis hæredibus, ut quorum patrimonium propter onerosam acquisitionem fuisset diminutum, prodesse. Atque concessio equidem feudum emptitium alienabile esse; hinc tamen non est consequens, quod extranei in eo succedere debeant. Unde nec aliter hereditarium hoc feudum existere admittit, quam quod illi, qui ex primo acquirente originem ducunt, in eo succedere

debeant. Et quamquam fœminæ aliquando in eo successerint, hoc tamen in iis, quæ à primo acquirente descenderunt, verum existere. Imò quamquam jus commune feudorum per privilegium singulare mutatum sit, non tamen usque adedò intellectus ejus extendendus est, (ut materiæ subjectæ inserviat) ut alij quam qui à primo investito originem habent, admitti possint. *c. solit. & ibi Canonista notant. de majoritate & obed.* Item concessum privilegium debet intelligi, quantum fieri potest secundum propriam naturam & regulares consuetudines feudorum. *c. 1. §. si. Quid sit investit.* Nam si extendatur ad inhabiles, inducitur feudalium placitorum correctio: *contra l. unic. C. de inoffic. dotibus.* & juxta communem regulam, In correctoriis nō est licita extensio, non modò si par; sed ne quidem, si major ratio id suadeat: *text. & ibi communiter Doct. & plenè Iason in Auth. Quas actiones. C. de sacrosanct. Eccles. & Bart. in l. precipimus. §. si. C. de app.* Sed & quantum ad verbum (*heredum*) in materia feudorum attinet, appellatione hæredum veniunt solum qui à primo acquirente processerunt, per jura quæ allegat Bald. *in proim. feudor. nu. 25.* Imò si etiam investituræ tenor talis sit, ut Titius pro se & hæredibus suis quibuscumque sit investitus, intelligitur nihilominus dictio *Quibuscumque*, ut maxime generalis sit, de descendantibus solum ex primo

ex primo feudi adquisitore, non autem de extraneis propter naturam dispositionis, in qua apponitur. *l. insulam. ff. de præscript. & l. si uno, in pr. ff. locati.* Et hoc expressè tenet Bald. in *§. donare. Qualiter feud. pater. aliena.* quem refert & sequitur Jacob. de *S. Georgio in sua investitura in vers. & cum pacto quod de ipso feudo, num. 11.* Quæ interpretationes sunt consentaneæ menti contrahentium, investientis scilicet & investiti. Nam principalis investitura resolvitur in duas singularitates, & partim pro recipiente, partim pro ejus descendentibus concessa censetur. *Jacob. de S. Georg. in sua investitura, in vers. & unus ex dictis vasallus. num. 8. per l. quocunque. §. si quis. ff. de verb. oblig.* Item feudi natura est, ut lineam primi adquirentis non egrediatur. *gloss. & dd. in l. ex facto. §. si. ff. ad Trebell.* Et si Comitissa Irmgardis aliter privilegium intelligendum putat, probatio ei incumbit. Nam qui fundat jus suum super privilegiis & pactis insolitis, ea proponere & probare debet. *Dd. in d. c. 1. §. si. Quid sit investitura.*

TERTIÒ verò Episcopus M. contra D. ponit quod C. rectum feudum masculinum Episcopatus M. existat, *ein richtartig Mannlichen des Stifts M.* prout ex jure communi, Investituris & Reversalibus videre est: subdens, quod investituræ tamquam certæ feudorum leges, atque Regulæ, & Reversales literæ vim pacti habet,

quodque omnibus juribus, ordinationibus & constitutionibus derogent. Item cum Comes à D. fateatur se cognatum solum, privilegium ad eum pertinere non potest. Adhæc privilegium nimium extensè intelligitur, ut etiam ad non habitantes in Diocesi M. trahi debeat. Statuta enim & privilegia, tamquam leges à summo Principe dictæ, strictissime & propriè intelligenda, nec extensionem adversus verborum contextum patiuntur, ut ita hujus feudi casus secundum jus commune intelligendus & decidendus sit. Item juris regula existit, quod fœmina semel per masculinum exclusa, semper exclusa censeri debeat. Ultimò, successio & pactioes Walburgis cum patruo Friderico, domino feudi præjudicare non possunt.

CONTRA Comitissam Ir. verò opponit eam propterea incapacem, *Das ire angesogne verwantnus herflieffe von der spilseiten und sweger schafft/* & repetit exceptiones cōtra Diepholt.

QUO AD dominum Joannem à B. cum is allegat se à comuni agnationis stipite prognatum, Episcopus tamen dicit probari nequaquam posse Wilhelmum à Br. (quem Ba. communem agnationis stipitem appellat,) unquam hoc feudum posse disse. Unde &c.

CONSEQUENS autem existit, ut quoniam potissima disputatio hujus controversiæ in vero intel

lectu privilegii sive statuti M. verfabitur, privilegii verbis præmissis, tenorique genuinam ejusdem sententiam atque διαλογον subji- cere.

Tenor privilegii ab Episcopo Conrado anno 1409. concessi, ab Episcopo Henrico anno 1466. sigillati, & à moderno Episcopo.

Wp Henrich van Gottes genaden Elect und Confirmat der kirchen tho. M. doen humdich alle die disen Brieff sien oder hoerenn lesenn / openbar betugenn und bekhennen vut onsgund alle onse nacomelinge vermitz disen selben brieffe / dat wy wetschop willen und wilkozt der Ersamer unser lieber Deikens und Kapittell unser kirchen tho. M. vursz. und nae rade der selber und auch unser Edelmannen / dienstmannen / manschop und serden in unsen Lande und Stifte / aensiende und betrachtende ghemeinen nutz und fromme unser kirchen und Stifte / den vursz. unsen Edelmannen / Dienstmannen / Manschop der Stadt tho. M. und wilsche in unsen Lande und Stifte hebben gegeben / gesetzt / geordineert und wilkozt disse na beschrebe sate genade punet und articule hier nae vut onsgund unsen nacomelingen tho ewigen tiden tho holdene und

tho warene. Item si aliqua feuda majora vacare contigerint, etiam castra, fortalitia, villas, aut hujusmodi, de illis sine consensu Decani & Capituli Ecclesie M. neminem infendat; ac nobilibus liberis, vel heredibus masculini sexus non existentibus, bona que tenentur ab Ecclesia M. sive Manguet sive Dienstmanguet per successionem hereditariam devolvi permittet ad filios, si non fuerint filii, sicut ad filios: Nec aliqua bona hujusmodi occupabit, nisi ea primitus sibi fuerint per vassallos suos adjudicata: nec eatunc ultra annum & diem retinebit. Et si infra illud tempus nec masculini nec feminini sexus heredes comparuerint, sicut tenent, tunc illa bona alicui persona ad hoc habili conferre debet, & nequaquam sibi reservare, vel mensura deputare. Datum est hoc privilegium anno 1466. in profesto Conceptionis Mariae Virginis. Dit privilegium hebben alle volgende Bisschoppen bestediget und confirmirt.

Cum primis quoniam in ipsius privilegii sive statuti exordio verbum vacare positum est; atque deinde verba Liberorum vel Heredum subjecta, omnino existimo, hæc ipsa verba, de Liberis vel Heredibus proxime defuncti vassalli accipienda esse, minime autem de liberis vel heredibus sanguinis, vel à primo adquirente prognatis, qui tamen heredes defuncti vassalli non existant: cum vulgò notum sit, magnum esse discrimen inter heredem sanguinis & inter heredem hereditarium in successione feudali.

7 dali. In priori enim casu non nisi qui à primo adquirente originem sive propaginem ducunt, admittuntur: & quamquam feudum pro hæredibus masculis & feminis adquisitum sit, non patet tamen locus fæminæ, quamdiu masculus ex primo adquirente superest. In quo nec refert, quamquam per medium fæminæ primo adquirenti propinquius sit. *c. unic. de eo qui sibi & hæredib. suis masculis & fæmin.* In secundo verò casu cum hæres hæreditarius requiritur non nisi qui hæres proximè defuncti vasalli existat, sive masculus sive fæmina fuerit, feudi capax esse potest: & quidem, quod statutum M. hæredem hæreditarium requirat, ex verbis ejusdem. At nobilibus liberis vel hæredibus masculini sexus non existentibus, bona quæ tenentur ab Ecclesia M. sive **Manguet** sive **Dienstmanguet**/per successionem hæreditariam devolvi permittet ad filias, si non fuerint filii, sicut ad filios, & diserte planè comprobari potest. Per hæreditariam enim successionem, &c. directè successionem, quæ secundum prærogativam & propaginem sanguinis sit, opponitur. Inquam sententiam dominus Anton. de S. Georg. in tit. *An agnat. vel filius, col. 5.* tradit. Quod si dictum sit pro se & successoribus suis, tunc verbum, *Successoribus* operatur, ut dispositio etiam ad hæredes extraneos amplianda sit. Item Bartol. Callaneus in consuetu. *Burgund. sub rubric. 3. §. 5.*

dicat: Cum feudum non pro se & liberis tantum, sed pro se, filiis & hæredibus adquisitum est, quod tum feudum sit hæreditariū quid. Ita tenent omnes, maximè Paul. de Castr. & D. meus Jacob. (refert Callaneus) in *Authent. Unde et si patens. C. de inoffic. testam.* ubi inquit: Idem si recipit feudum simpliciter, quia censetur recepisse pro se & filiis, dummodo sunt sibi hæredes. *ut in c. unic. An agnatus, vel filius.* Sed si recepisset pro se & filiis simpliciter, nō dicendo (hæredes) possent filii retinere feudum absque eo quod essent hæredes. Et hoc voluit Bald. in *d. c. unic. an agnat. vel filius. & per Cyn. in l. 2. C. de libert. & eor. lib. Alex. conf. 44. in 1. volum.* Appellatione (inquit) successoris intelligitur de hærede. *l. quædam. §. his autem. ff. de adend. & not. per Bald. in l. emptorem. in 3. col. C. locati.* Dissertè autem planè & luculenter de hac re videri potest Alexand. *conf. 10. incip. Ponderatis his. & c. col. 4. vol. 3.* Idem respondeo (inquit) ad dictā investituram domini Galcotti, quod quando feudum nō est concessum vasallo simpliciter, sed est concessum sibi pro se & hæredi-  
bus, tunc tale feudum nunquam transit ad agnatos, nisi sint hæredes illius recipientis, ut notanter concludit Jacob. de Bellevifo in *c. 1. De eo qui sibi & hæredib. suis mascul. & ibi sequuntur moderni. arg. in l. quid quid astringenda. & l. si ita stipulatus. §. Chrysofonus. ff. de verb. oblig.* Et idem notat And. de Isernia, in *c. 1. §. Hoc quoque.*

quoque. de successione feud. Et subdit hanc conclusionem communiter esse approbatam. Et affirmat idem quoque Matth. de Afflict. in pralud. feudorum, num. 166. Addi potest etiam emphasis verbi *Devolvi* in hoc ipso statuto; quod hoc scilicet jus quoddam hæreditatis completi solet, l. si infanti. C. de jure delib. & l. 1. C. de bonis matern. Adhæc quanquam cum feudo vasallo suisque descendebus masculis & fœminis confertur, fœmina tamen cum masculo nequaquam, sed in defectum solum admittatur: c. 1. §. quinetiam, ibique Alvar. in titul. Episcopus vel Abbas. D. Zas. notabilem fallentiam huic casui appositam deservientem subdit. in sua Epitom. feud. part. 8. num. 59. Tertiò fallit si investitura fœminis sicut masculis data esset. Tunc enim quia investituræ tenor est inspicendus, qui dominantur, c. 1. in fin. de duob. fratrib. meritò simul succederent. Atque ita planè, cum in memorato statuto apertis verbis ostendatur filiam per hæreditariâ successionem sicut filium, filio vel liberis masculini sexus nõ existentibus, in successione admittendam, nulli adversariæ disputationi aut conjecturis quibuscunque locus fuerit. arg. l. eorumus. §. 1. ff. de verb. oblig. Nam ex quo jure cognitionis regulariter nulla sit successio: c. 1. de grad. success. in feud. & hoc privilegium expressè dicitur, quod feuda per hæreditariam successionem devolvi debeant tam ad fœminas

quam ad masculos, consequens est quod per hoc successio & status fœminarum reductus sit ad jus commune, & sic successio earum formæ suæ reddita.

Non obstat regula quod fœmina exclusa, omnes ex ea descendentes exclusi sint: item quod fœmina semel exclusa à masculo, in perpetuum est exclusa. Theses enim hæ veræ sunt, cum fœmina purè & in totum exclusa & incapax est. Secus autem est, cum statuto caveretur filiam non succedere, donec filius exstet: quia tunc remoto obstaculo, filiis non exstantibus, succederet. Non enim est in totum exclusa, sed sub conditione suspensa, interim conditione pendente masculus est in solidum hæres, gloss. est in l. 2. ff. si pars hæredit. petat. quod Bald. latius tractat, in c. 1. §. quinetiam, sub titul. Episcop. vel Abbas. prout hæc disertè distinguit D. Zasus, sub titul. de feud. success. num. 59.

PARI modo non movet quod etiam in feudo hæreditario sufficit quod quis sit hæres primi investiti: esto quod non sit hæres ultimi decedentis, nec esse velit, vel possit, ut per Jacob. de Belui. in c. 1. de eo qui sibi & hæredibus suis, & in c. 1. an agnat. vel fil. defuncti. ibi etiam Mart. de de Lau. & per And. de Iser. in c. 1. §. hoc quoque, de success. feud. & per Alvarox in c. 1. §. & quia. Qui feud. dare possunt. & in d. c. 1. An agnat. vel fil. ubi dicitur, quod quis debet esse hæres mediata vel immediate primi investiti, cum

cum concord. de quibus per Alex. *consil. 10. incipient. Ponderatus. 3. volum.* Ubi dicit hanc esse communem opinionem. & in *consil. 30. incip. Quoniam omne, maxime in vers. 6. in 1. vol.* & propterea vide Cald. in *consil. 13.* & Albert. Brun. in *consil. 18. nu. 14.* Item eatenus etiam consequens regula nihil movebit; non patere scilicet locū fœminæ, quamdiu masculus ex primo adquirente, sive descendens vel agnatus, remotior item hæres vel non sit, superest. *d. c. unico. De eo qui sibi & suis hæredibus, Albert. Brun. consil. 39. num. 5: cuans præterea. c. 1. §. 1. Episcop. vel Abbat. c. 1. §. Filia* verò, cum ibi notat. de *success. feud. & c. 1. §. Ad filias. de gradib. success. feud. & c. 1. in princip. de natu. success. feudi.* Non enim simpliciter hic hæreditarium & fœmineum etiam feudum hoc existit, sed ita planè secundum apertum tenorem privilegii M. (cui & adversarius Comes à D. stipulatur) ut filia proximior non superstitite filio in linea descendentis agnatum collateralem remotiorem excludat. Nam cum privilegium disertè verbis *liberorum & filiorum* utatur, non possunt ea ad collaterales agnatos (quamdiu descendentes masculi vel fœminæ superstant) rectè produci: cum liberorum & filiorum appellatione non nisi descendentes veniunt. *l. liberorum. ff. de verbor. significat. l. Lucius. ff. de hæred. instituend. Bald. in c. Quæ in ecclesiis, in penult. col. vers. Sed pone. Ex. de consil.*

Utr præterea subiecta verba,

*Per hæreditariam successionem succedet filia sicut filius,* de quibus suprà suo loco diffusius. Unde rectè, eleganter & appositè in *d. consil. 39. nu. 6.* prædicta jura contraria intelligenda sunt in feudo simpliciter concessio pro se & hæredibus suis masculis & fœminis: & nō procedunt, ubi tenor investituræ (prout in hoc casu statutum) contrarium suaderet. *secund. Bald. in l. quoties. C. de suis & legitimis hæredib.* Nam tenor investituræ & concessionis est super omnia attendendus, qui derogat omni naturæ feudorum, ut per Bald. in *prælud. feudor. in 4. divis. junctis his quæ dicit in d. l. quoties, & in c. 1. §. denique. Quæ fuit prima causa benef. amit. & Mart. de Lan. in c. 2. in princ. Qui feud. dar. poss.* Qui tenor non ex una aliqua particula, sed ex universa inspectione colligendus fuerit, secundum Bald. in *l. incivile. ff. de legib.* Atque ita quidem non simpliciter hic verbum *Hæredes* in hoc Statuto, verum conjunctivè *Liberi vel Hæredes*, sed & verba connexa, veluti per geminationem quandam (cujus in jure non minima vis est) *Per hæreditariam successionem accurate considerare oportet. Ut omnino major effectus sit Liberi vel Hæredes*, item filiarum per hæreditariam successionem succedent, (communi scilicet jure hæreditario) quam si absolute vel simpliciter verbo *Hæredibus*, aut verbo *Hæreditarium* usi fuissent. Hæredum enim appellatione, quanquam propriè, veniunt masculi tantum in feudis, *c. 1. §.*



*c. 1. §. penult. De lege Corradi. & in c. 1. §. Et si clientulus. De alienat. feudi*, ubi exponitur Hæredi, id est filio, affirmant Bartol. & Bald. *in l. Gallus. §. etiam. ff. de liber. & posthum.* & Bart. *in l. Quod dicitur. de verb. oblig.* Si autem feudum nō habeat propriam naturam, suadet ratio quod non sit recedendum à propria vi verborum. *arg. l. non aliter. ff. de legat. 3. & l. penult. §. si is qui inanem. ff. de exercit. cum simil.* Et maximè cum additur verbum *Successoribus*, quod nō debet stare sine virtute aliquid operandi. *arg. c. si papa. de privil. lib. 6. & l. si quando, de legat. 1. Cornueus conf. 239. num. 10. 1. vol.* Porro aliàs tamen Joan. Campe. *in consil. feud. 11. num. 3. & c. plenè diserteque* convincit, quod in feudo cōcesso pro se, ut hæredibus vel hæreditariò, non nisi hæres succedat, ita nec filiis nisi hæredibus debeatur; & addit quod tale feudum veniat in petitione hæreditatis, item divisione hæreditatis, & restitutione fideicommissi. Verbum autem *Successores* ponitur propriissimè pro qualibet universali successore. *l. Quadam. §. nihil. & §. in autem. ff. de edendo, & in tit. qui success. dicant. junct. Nigro cum Rubro, Cornueus conf. 97. nu. 1. 1. vol.* Et Paul. de Cast. *in l. ex facto. §. si. ff. Ad SC. Trebell.* quidem disertè tradit, quod ubi non tantum verbum *Hæredes*, sed & *liberos* positum est, quod tunc ut verbum *Hæredes* aliquid operetur, omninò necesse sit quod non tantum liberi, sed & hæredes existant. Sed & quod re-

gula, Quod non patet locus fæminæ, donec masculus ex primo acquirente superest, locus non sit, cum specialis loci consuetudo fæminam admittit; inter recentiores tradit Frideric. Schenck *in tit. de his qui feud. dare poss. §. hoc autem. nu. 4.* Item quod hæc regula simpliciter ad omnia feuda fæminea non pertineat (prout dd. aliquot generaliter tradunt) videri potest disertè & copiosè apud Franc. Zonsbeck *in comment. ad usus feud. parte 9. nu. 39. & sequentib.*

PROPTEREA autem multò 10 magis feudum hoc improprium hæreditarium & patrimoniale existimandum, quod in hoc feudo filix aliquoties agnatis remotioribus exclusis successerint, quod per literas sigillatas luculenter probari potest: videlicet quod plus minus anno 1397. Henrica Domina in C. in feudo exclusis agnatis successerit. Adhæc itidem per literas sigillatas comprobari potest, quod plus minus ante annos septuaginta G. filiam Ot. & G. (quem Adversarius à D. primum acquirentem statuit) feudum hoc hæreditario jure exclusis agnatis accepisse. Et hæc quidem consuetudo præter Statutum sive Privilegium M. non tantum in hac familia, sed & in aliis, dummodò ex usu futurum sit, comprobari potest.

PORRO quod in feudorum successione maximè attendi debeant locorū consuetudo, Privilegia sive Statuta singularia, affirmat

Joan.

Joan. Andr. in additionib. Specul. *in tit. de feudis, in Rubr. in pen. col. &c. Vide in informatione fol. 6.* In quo etiam nihil pugnabit, si objiciatur fortè ostendi non posse, quòd filiæ sive fœminæ quoad hoc feudum investitæ unquam fuerint. Tamen si enim veritate semper salva donandum nobis hoc sit; in filiis tamen & descendantibus feudum adquiritur absque investitura, quoniam Vasallo mortuo jus feudale continuatur in filium. *l. in suis. ff. de liber. & post. & l. i. §. largius. ff. de success. edict.* Imò filius succedendo patri in feudo, non dicitur illud propriè acquirere, sed potius adquisitum capere, cum hæreditas patris sit sibi debita: ita in terminis nostris expressè determinat glossa ordinaria, Bald. Jacob. de Alvorotis & alii *in c. 2. in fin. de feud. cogni. Nico. Everard. conf. 63. num. 40.*

MULTO minus autem adversarium juvabit quod in articulis peremptorialibus opponit in feudi successione non habere rationem proximitatis ultimi possessoris, per cujus mortem feudum vacat, sed omne hujus successioneis jus ex contractu primi investiti competere; atque ita, quamquam fœminæ aliquando succellerint, hoc tamen in iis quæ à primo adquirente descenderunt, & copulative hæredes tam primi acquirentis, quàm defuncti existant, verum existere, & ex hisce quidem Comitissam à L. ut quæ à primo adquirente non processit, sed proximi

defuncti vasalli proximior hæres & consobrina existit, ad feudum hoc nequaquam admittendam. Respondetur simpliciter: Superiora vera esse in feudis propriis, & in quibus fœminæ in defectum tantum masculorū admittuntur; minimè autem in hæreditariis sive patrimonialibus, quale hoc, excepto eo tantum quod masculus in pari gradu fœminam excludit, omnino æstimandum fuerit. Ex quo consequens esse arbitramur, quod sicut fœmina proximior in linea descendenti agnatum remotiorem excludit; ita idem quoque in linea collateralis factitandum esse, ut fœmina proximior defuncti vasalli nedum cognatum (qualis Comes à D. existit) sed & agnatum excludere debeat. Cum enim feudum hæreditarium & patrimoniale, ut supra diffusè comprobatum est, existit, nulla de cætero ratio primi acquirentis, sed proximi defuncti vasalli tantum habetur. Atque hinc quidem Matth. de Afflict. *sub tit. De eo qui sibi & hæredib. mascul. & c. unic. nu. 13.* regulæ huic, quod primi acquirentis & agnationis ratio habenda sit, locum non esse tradit, cum fœmina ex pacto vel jure singulari succedit: maximè quod ex fœminis descendentes, quamvis etiam masculi sint, non tamen agnati, sed cognati dicuntur. *Inst. de legiti. agnat. tutel. §. atque. & ibi Angel.* Et hinc quidem quamvis fœminæ in feudis generaliter nō succedant, fallit tamen,

Rrr

nisi

nisi pactum esset expressum, quod  
 fœminæ succedant: tunc quidem  
 cùm pacta vel verba generalia sint,  
 omnes fœminæ succedunt, secun-  
 dum Curtium Juniorem in 3. part.  
*tractatus feudalis. §. circa primam, nu. 2.*  
 Et verba indefinita, maximè cùm  
 à proprietate feudorum recessum  
 sit, æquipollent universali, *l. 1. ibi-  
 que Bart. & dd. ff. de regul. juris.* prout  
 in hoc casu statutum M. quod in  
 initio indefinitè verbo *Filia* usum  
 est, postea indefinitè subjungit  
 quoque verbum *Heredes*, masculi  
 & fœminæ. Item quod si propter  
 investituræ tenorem nulla amplius  
 primi adquirentis habetur ratio,  
*Albert. Brun. consil. 39. num. 5. & 6.*  
 idem planè statutum vel loci con-  
 suetudo effecerit. Adhæc cùm fa-  
 milix, stipitis vel propaginis ratio  
 propriè in agnatis consiluit, *In con-  
 suetu. Burgund. apud Cassaneum.* quor-  
 sum est, fœmina in linea descen-  
 denti admissa, diversum in colla-  
 terali differere velle? Quibus ad-  
 de, quòd fœminea feuda degene-  
 rent planè apud Matthæum de  
 Afflict. & fœmina semel admissa,  
 jus feudorum planè cessat. *Albert.  
 Brun. in consil. 1. num. 62.* Imò si na-  
 turales habilitate præferuntur  
 agnatis remotioribus, quanto ma-  
 gis fœminæ: major enim ratio esse  
 debet in fœmina quàm in naturali  
 habilitata, quia odio habet lex  
 spurios, non sic fœminas. *l. maxi-  
 mum vitium. C. de lib. præteritis.* Ad  
 idem facit quod notatur in §. *Ad-  
 optivus. Si de feud. fuerit cõtrovers.* Idem

*Brun. in d. consil. nu. 57.* Item quan-  
 tumvis in materia feudali similia  
 magis secundum naturam feudi,  
 quàm jus commune inspicere de-  
 beamus: *c. 1. & ibi notata. de feud.  
 cogni. l. de quibus. ibi not. ff. de legibus.*  
 Intelligendum tamen hoc est, nisi  
 à jure feudorum recessum fuerit.  
 Feuda impropria non debent à  
 constitutionibus feudalibus reci-  
 pere interpretationem, ut in simili  
 ponit hanc regulam Bald. in *l. maxi-  
 mum virium. C. de liber. præteritis. Paul.  
 Cast. in l. fin. §. in computatione. C. de  
 jure deliberand. Bald. in l. pudor. C. de  
 adulter. & Jacob. de Sanct. Georg. in tra-  
 ctatu de feud. super verbo. Et promise-  
 runt. num. 28.* Præterea quando per  
 pactum feudi natura in uno mu-  
 tata est; in dependentibus etiam  
 mutata censetur, in cæteris non.  
*Sofin. in l. Gallus. §. si parentem. ff. de  
 lib. & posthu.* Jure igitur feudorum  
 in linea descendenti mutato, quod  
 quo ad alterum Adversarium ex-  
 tra controversiam est, etiam in de-  
 pendentia linea collateralis pro mu-  
 tato habendum est. Sed & cùm  
 fœmina ex consuetudine in feudis  
 succedit, consuetudo talis pro-  
 pterea valeat, quod per eam ad jus  
 commune reditum sit, *Prout Andr.  
 de Iser. in titul. de his qui feud. dare poss.  
 §. & quia. num. 23.* absurdum esset  
 in linea descendenti ad jus com-  
 mune reditum esse; minimè autem  
 in linea collateralis. Adde quod  
 consuetudo tollens legem, vide-  
 tur tollere similes. Insuper quan-  
 tumvis Constitutiones & Statuta,  
 prout

prout jus feudorum scriptū existit, fœminarum exclusiva, à jure exorbitantia sint, & sic veniant restringenda, quasi naturam accusare videantur: l. jus singul. & l. si verò. §. de viro. ff. solut. matrim. in regula, Ea qua à jure communi exorbitant. lib. 6. in l. maximum vitium. C. de lib. præteritis. & l. lege 12. tabularum. C. de legi. hare. & Bald. in l. illam. C. de collationib. Corne. conf. 100. num. 5. vol. 3. & conf. 246. num. 6. in 2. vol. & confil. 162. num. 4. vol. 3. Statuti tamen unum caput distinguitur & declaratur per aliud, & de similibus ad similia procedere licet in favorabilibus. l. non est novum. & l. nam & posteriores. de legibus. & c. cum expediat. de electio. lib. 6. Corne. confil. 247. num. 9. vol. 4. & conf. 183. num. 3. vol. 2. citans Bartol. in l. utrum. ff. de petit. hered. facit text. in l. regula. §. fin. de jur. & fact. ignor. & in additionib. Dyni, & regula. In argumentum. de regul. jur. lib. 6. Ubi etiam subdit simile, videlicet, quod conditiones appositæ in institutionibus repetitæ censentur in substitutionibus. l. Iulius Phœbus. ff. ad S. C. Trebell. Item si statutum M. pro privilegio seu beneficio accipiendum erit, privilegia etiā seu beneficia Principum, cum leges sint, debent generaliter intelligi. 11. dist. Cano. privileg. de verbor. signific. c. Abbate Sanct. Sylvest. Item cum agitur de præjudicio concedentis, amplissimè sunt interpretanda. l. beneficium. ff. de constitut. Princip. c. quid circa. de privi. & c. cum dilecti. de donationibus.

Corne. conf. 25. num. 12. in 3. vol. Nam aliàs si à jure communi scripto recessum non esset, fateamur planè ab eodem interpretationes & restrictiones mutuandas. Per notata per Bart. in l. iusjurandi. §. si liberi. ff. de oper. libe. & in l. hæredes mei. §. cum ita. ff. ad S. C. Trebell. Albert. Brun. in conf. 1. num. 62. Quibus & hoc ne Adversarius præduram hanc interpretationem rectè exstimare possit, addi potest; quod quando alicui conceditur privilegium, per quod quis reducitur ad illud jus, quod antea competebar, etiamsi hoc in alterius præjudicium fiat, non potest tamè ille qui damnum sentit, ex tali privilegio conqueri, quod ex eo lædatur. Facit text. not. ab. secundum eundem Bruno. in d. conf. nu. 56 in c. ab exordio. 25. dist. Quinimò ne novum videatur, consuetudini vel statuto municipali, etiā quoad lineam collateralem, contra communem naturam feudorum, locum esse; quamquam jure feudorum scripto frater fratri in feudo novo non succedit. Fallit tamen secundum Matth. de Afflict. in ritu. Qui feud. dare poss. nu. 68. nisi pactum esset in contrarium, vel specialis loci consuetudo. c. 1. de feud. cognit. Unum omninò adjecero, cum in hac controversia in materia successione versetur, eaque favorabilis existat, secundum eundem Matth. de Afflict. in d. loco. num. 69. dilatanda quoque fuerit. §. adhuc autem. Instit. de bon. possess. Nam angustissimis (inquit) finibus consli-

tutum per Legem 12 Tabularum  
 jus percipiendarum hæreditatum  
 Prætor ex bono & æquo dilatavit.  
 Imo. in l. quod dicitur. ff. de verb. oblig.  
 Facit text. in c. 2. de hæretic. lib. 6. Bald.  
 in Auth. Hoc amplius, in fin. C. de fidei-  
 com. Angel. in Auth. Ut ab illustrib. &c.  
 Facit gloss. in §. alienationes, in Authen.  
 de non alienand. Item beneficia quo-  
 que Principis & favores amplian-  
 di sunt. l. fin. ff. de constitut. Princip.  
 & l. cum quidam. ff. de liber. & posthu.  
 Maxime autem cum hæc causa nõ  
 tam ex jure communi scripto feudo-  
 rum, quàm secundum statutum  
 vel privilegium Episcopatus M.  
 receptamque consuetudinem de-  
 finienda sit: atque ita consequen-  
 tiæ sive interpretatio quoad casum  
 omissum minimè (præcipuè in uno  
 eodemque articulo sive membris  
 successionis) à jure scripto feudo-  
 rum, sed à jure communi Romano  
 exigendæ sint; (ut supra abundè  
 commonstratum est) videndum  
 num jus Imperatorum sublata  
 prædura prærogativa agnatorum  
 & masculorum non minus colla-  
 terales, sive transversales fæmi-  
 nas, in suo tamen loco & gradu,  
 favere complexum sit eatenus,  
 quod sicut descendentes remotio-  
 res masculos, ita & fæminæ colla-  
 terales excludant. Probatur ele-  
 ganter in l. maximum vitium. C. de li-  
 ber. præterit. Sancimus (inquit Impe-  
 rat.) itaque, quemadmodum in successio-  
 nibus parentum, quæ ab intestato dese-  
 runt, aqua lance & mares & fæmina  
 vocantur, &c. Item quoad collate-

rales, in l. lego 12. Tabul. C. de legiti. hæ-  
 redib. Idem Imperat. Cui enim (in-  
 quit) ferendum est, ab intestato succe-  
 sionibus suas quidem filias ad similitudi-  
 nem mascula sobolis in parentis vocari  
 successionem, & iterum germanas jure  
 consanguinitatis eandem sibi vendicare  
 prærogativam: deinceps autem legitimas  
 famularum personas, si jura consanguini-  
 tatis non possident, à successione legiti-  
 ma repelli, cum maribus eadem successio  
 pateat? Et utrobique gravissimæ ra-  
 tiones subjiciuntur: Cum enim (in-  
 quit Imperat.) unus sanguinis jura re-  
 maneant per virilem sexum incorrupta:  
 quare naturam offendimus, & legitimo  
 juri derogamus? Item in d. l. maximum.  
 Qui enim tales differentias inducunt,  
 quasi natura accusatores existunt. Sed  
 & cum suprâ satis superque com-  
 probatum sit, feudum hoc merè  
 & absolute hæreditarium existere;  
 & in feudo hæreditario non natu-  
 ra vel sanguis, sed hæreditas nos  
 ad successionem feudi vocet, con-  
 sequens est nullam amplius san-  
 guinis vel primi adquirentis ratio-  
 nem habendam. Et quamquam  
 oppõni fortè posset præfata in  
 descendantibus locum habere,  
 Jacob. tamen de Beluifo dicit for-  
 maliter quod in feudo hæredita-  
 rio, in quo descendentes non nisi  
 hæredes sint admittuntur, ita nec  
 agnati collaterales succedunt in  
 hujusmodi feudo, nisi per hæredi-  
 tariam viam. Idem etiam in agna-  
 tis tenuit Andr. de Iser. in c. 1. §. &  
 olim aliàs. §. hoc quoque. vers. si feudum  
 est datum. de success. feud. & in c. 1. circa

princ.

*princ. an agnat. vel filius. & inc. i. de alienat. feud. pater. & consuluit Alexand. conf. 94. incip. Viso tenore investitura. l. as. in l. si non fortem. §. liberus, circa fin. ff. de conduct. indeb.*

IN summa autem Adversarii τὸ πρῶτον statuti, nos verò τῷ διὰ νομίαν secundum bonum & æquum ex præscripto l. placuit. C. de judiciis. tuemur. Propterea autem magis hanc sententiam amplectimur, quod Udalr. Zas. *sub titul. de feud. success.* nominatim tradit non solum in Germania nostra, sed & in aliis provinciis & regnis, & maximè in feudis Ecclesiasticis hujusmodi consuetudines observari, citans *c. i. de feud. cogn.* Ubi docetur, feudalialia scita omnino secundum consuetudines regulari. Et de hac consuetudine etiam quod licitè fœminæ in feudis succedunt, tradit Joan. Faber, in *Auth. C. de sacrosanct. Eccles.* & dicit Alvorot. in *c. i. §. & quia vidimus. in 1. qui feud. dare poss.* & Bald. in *conf. 143 incip. Quod pro regula. in 1. part. 3. col.* Et dicit Andr. de Iser. in *d. §. & quia.* tradentes quod hæc consuetudo in Sicilia, Francia & Burgundia viget. Sed & Joan. Faber in *d. Auth. ingressi*, subdit quod feuda in regno Franciæ sunt redacta ad similitudinem allodialium & patrimonialium. Quod ipsum etiam de Burgundia Bartholom. Cassan. in *consuetud. Burgundia* refert. Porro quod consuetudo hæc fœminæ successionis valeat, notat Specul. in *tit. de feud. §. quoniam. vers. 21. queritur. Al ver. post*

*gl. in §. & quia, qui feud. dare poss.* Imò reducit nos etiam consuetudo talis ad jus & calum, quod fœmina non minus succedit in feudo quàm masculus. *per text. in c. Significavit, de rescript. & Panorm. Ibidem allegans c. Dilecti. de arbit. & 12. q. 2. c. Cum devotissimam.* Nec potest dici quod ex consuetudine hoc feudum reddatur deterius, per quam iterum reducit ad suam propriam naturam. *l. si unus. §. quod & in specie. ff. de pact.* Et quidem quod fœmina peræquè tam in linea collateralis quàm descendenti, atque masculus jure communi succedat, supra copiosè ostensum est. Quo magis autem fœminæ proximiori in linea collateralis locus dandus sit, facit quod consuetudine induci possit, ut fœminæ etiam exclusis masculis in universum & solæ succedant. *de quo Frid. Zonsb. in tractat. feud. 9. 68. 127.*

PORRO tametsi accuratè admodum Comes à D. primum adquirentem & originem sanguinis sive stirpem jactitet, nos iniciari nolumus proaviam ejus paternam Hillegardim, scilicet Comitis Judoci proximi defuncti vassalli amitam, & Comitis Gisberti à B. & Domini in C. (qui primus adquirens asserit) neptem ex filio Ottone fuisse: at contra tamen dicimus, feudum hoc per interventionem novæ personæ in tantum mutatum, ut de cætero nihil minus quàm primi adquirentis ratio habenda sit. Quod ut discretè

comprobetur, feudi hujus successionis ordo talis fuit. Primò quidem à Gisberto primo acquirente ad Ottonem filium; Ottone autem defuncto, ad ejusdem filium natu majorem Gisbertum, exclusis Friderico fratre & Hillegardi sorore, devolutum fuit. Post obitum autem Gisberti, cum in hoc feudo filia ejus unica Walburgis, excluso patruo Friderico, & amita Hillegarde, successisset, (quod & ipse Adversarius non diffitetur) qua demortua secundum sanguinis quidem rationem Fridericus Comes eidem succedere non potuit, quia sanguis descendit, & non ascendit, & quo ad jus sanguinis & naturæ est ordo retrogradus, quod pater succedat filio. *l. Nam et si parentibus. ff. de inoffic. testam. & ita dicit Bald. in auth. defuncto. C. ad Terullian.* Item quòd ascendentes à successione feudi repellantur, vide in *c. unico. de natura success. feud. Murb. de Afflic. in tit. Qui feud. dare poss. nu. 65.* Quapropter tamen Walburgis paulo post milibus aliquot aureorum acceptis feudum C. & Comitatum B. in patrum transtulerit, atque Dominus feudi huic etiam investituram concesserit, feudum hoc novum planè effectum fuit.

- 12 Novum enim feudum efficitur, cum quis non à communi agnationis parente feudum adquirit. *Ioan. de Ligna. in consil. feudalib. consil. 78. num. 5.* Item mutatione personæ feudum novum efficitur, prout tradit Udalr. Zas. in *consil. 13. num. 13.*

in 1. vol. citans Bald. in *tit. de pace jura. firm. §. ad hoc. versic. Si verò, in fine, &c.* Quo fit, ut cum secundum propriam naturam feudi Hillegardis soror in hoc feudo succedere non potuit, neque illud per medium proavæ ejusdem ad Comitatem à D. devolvi potuit. Exclusa enim una persona, videntur exclusæ omnes, quæ attinent ea mediante, prout concludit Bald. in *l. maximum vitium. C. de liber. praterit. & Philip. consil. 116. num. 3. in 2. vol. Corn.* Quod si autem hæreditario & non sanguinis jure Hillegardis fratri Friderico in eventum, quòd nullus ei filius prognatus fuisset, veluti proximior cognata succedere potuit, quid verat quo minus hoc ipsum Comitissæ Iringardi, veluti proximiori consobrinæ Comitris Judoci proximè defuncti vassalli permittendum sit.

SED & cum feudum improprium ex multis qualitatibus contrariatibus feudo proprio cognoscatur, Card. Parient. *consil. 33. nu. 39.* ex eo quod feudum C. aliquoties in dotem datum, distractum atque pro usufructu etiam constitutum fuit, non repugnante Domino, præter quàm quod in eo fœminæ aliquoties successerint, suo tempore in processu abundè comprobabitur. Et quanquam articulus in jure controversus sit, num in emptio feudo fœmina succedat; nec desint gravissimis rationibus contra D. Z. si. & alios (quæ omnia nunc tractare prolixius esset) affirmativam



mativam partem tucantur; pro variis tamen circumstantiis & impropriis qualitatibus hujus feudi ratione adjuncti sive connexionis, ut minimum arbitrarer admitterendam, quod aliàs non licet. *l. si sponsus. §. Et generaliter. de donation. inter vir. & uxor. c. si vir. distict. 25. Caus. 11. q. 3. c. nolite, & ibi notat.* Item quæ non profunt singula, multa simul collecta & considerata juvant. *in c. illud. & in c. tertio loco, de presumptionib. c. cum causam, de probationib. &c.*

QUANTUM ad intentionem Domini à B. attinet, quatenus superiora per quæ assertioni Comitis à D. responsum est, vera existit, idem D. à B. quoad feudum hoc nullo firmo jure munitus est. Præterea appositè ad confutationem intentionis ejusdem, peremptoriales exceptiones Comitis à D. pertinent, quas suprà suo loco comprehensas in methodo videre licebit. Sed & quantum ad dimensionem graduum attinet, tamen si ea legitime comprobata esset, rellucet tamen ex ea, quod idem Adversarius B. Comiti Judoco proximè defuncto, vasallo in decimo tertio gradu propinquus fuerit. Adhæc, quanquam commentitiè jactitetur, Comitem Wilhelmum ipsius B. tritavum Dominum & possessorem C. fuisse, nos tamen è contra per literas antiquas demonstrare possumus à quodam Gisberto anno 1406. ipsius Wilhelmi abnepote (à quo nec B. procellit) primum hoc feudum com-

paratum esse. Porro quòd in feudo antiquo & paterno necesse sit quòd collaterales ab iisdem parentibus de ipso feudo investitis descendant, probatur per *c. 1. cum concordantib. de natur. success. feud. & in c. 1. in princ. & §. 1. de gradib. success. in feud.* Notatur plenè, maxime per Alvarot. *in c. 1. §. Es quia. qui feud. dare poss. & per Bald. in eod. tit. §. decedente, in 3. col.* Deinde idem quoque Bald. *in consil. 16. incipiente, Facti evidentia.* tradit Agnatum multum remotum extraneo æquiparari. De quo etiam videri potest Albert. Brun. *consil. 80. nu. 17.* Quibus addi posset, quòd collaterales in feudo antiquo & paterno collateralibus non nisi ad septimum gradum succedant, prout Hieronymus Schurff diffusè & eleganter contra aliorum sententias *in consil. 66. nu. 1. &c. vol. 1. evincere nititur.*

EPISCOPUS Mo. veluti Domini feudi objectiones nihil movent. Nam cum successor teneatur factū prædecessoris sui observare. *c. novit. ext. de re judicat. Bald. in tit. de his qui feud. dar. poss. §. Marchio. vers. pone rex.* Item cum deceat à Principe concessum beneficium esse mansurum *cap. decet. de regul. jur. lib. 6.* an non ad officium hujus Principis & Episcopi pertinebit, statuta sive privilegia & consuetudines jam ab immemorabili tempore receptas firmiter & inconcussè observare? Nihil movet quòd patronus Principis objicit, statutum sive privilegium Mo. ad nō subditos Episcopi nequaquam

nequaquam producendum esse. Nam procerum Germanicum ipsius statuti, utq; ipse tenor etiam statuti, recte & accuratè inspicitur, privilegium Mo. sive statutum ipsam rem, hoc est, feuda & personas vasallorum, non autem quasi subditorum respicit. Verba enim statutorum sive consuetudines, etiam cum in rem concepta sunt, extra territorium extenduntur, ut tam incolae quam advenae complectantur. *l. rescripto, in fin. de munerib. & honorib. & l. an in totum. ff. de adific. privat. ibique Bartol. Zas. in l. de quibus. num. 48. & 52. ff. de legibus. & vide Bar. in l. cunctos populos. C. de summa trinit. & fide cathol.* Et quidem quod feuda mixtam naturam habeant juris tam personalis quam realis, appositè tradit Bald. *in tit. de his qui feud. dare possunt. §. & quia col. 5. arg. l. quamvis. 2. C. de pignoribus.* Item quod etiam qui aliàs Principis jurisdictioni subiecti non sunt, feudi nihilominus capaces sint, ostendit eleganter *c. unic. in tit. Qualiter jurare debeat vasall. dom. fidelitat. in verb. Aut si idèo jurat fidelitatem, non quod habeat feudum, sed quia sub jurisdictione sit ejus cui jurat, &c.* In qua re tamen nō ignorem quin ad Principem & ipsum concedentem sive constituentem interpretatio privilegiorum sive statutorum pertineat; *l. ex facto. ff. de vulgari & pupill. substit. l. in pratoris. ff. de prator. stipul. & l. ult. C. de legib. l. Neratius. ff. de reg. jur. c. sicut. §. ex his, & ibi gloss. caus. 11. q. 1. Item gl. in c. cum venissent. de judiciis.*

hoc ipsum tamen in obscuris, & cum quæ mens & quis modus beneficii & statutorum Principis existat, in ambiguo est, accipiendum fuerit. Aliàs enim quod & ipsis judicantibus interpretatio concessa sit, *gloss. in d. c. Sicut.* ostendit, & quod cum interpretatio statutorum & privilegiorum facienda est, interpretatio ea potior censetur, per quam jus commune minus læditur; item ea quæ nos ad jus commune minus læditur; item ea quæ nos ad jus commune reducit, ut dicit Albert. de Rosar. *in suis statutis. 1. part. q. 154. incip. Ioan. And. in Novell.* Et hujusmodi interpretatio potius est sumenda quam alia, quoniam mens statuti debet considerari, sicut mens testatoris. *l. si ita fuerit. ff. de manumiss. testam. l. La-beo. ff. de statu lib. l. qui julium, in si. ff. ad Trebell.* Sed generalis mens testatoris interpretatur & restringitur potius ad id quod jus commune disponit, quam ad aliud: quoniam quis præsumitur velle id quod jus disponit. Alberic. *in c. causam de rescript. & per Bart. in repetitione. l. omnes populi, in 20. col.* Quod etiam verum est, quamvis hujusmodi interpretatio impropria sit. *arg. eorum quæ notat D. Alex. in l. si constante, in 3. col. post princi. ff. solut. matrim.* Præterea in beneficiis plenissimam interpretationem esse adhibendam, probat *c. Quia circa, de privileg. & excess. pralat.* Idque cum Princeps indefinitè locutus est, & cū potuerit excipere, nihil excipit. *c. in his eod.*  
*& ibi*

& ibi gloss. qua eo citat. c. olim. de verbor. signifi. Ubi inquit Innocent. 3. Cum beneficia Principum sunt interpretanda largissime. Item Jabol. ff. de consil. Princip. l. ult. Beneficium Imperatoris, inquit, quod à divina scilicet ejus indulgentia proficiscitur, debet quàm plenissime interpretari. Item cum beneficium sive privilegium Principis sit actus cujusdam facultatis, vel præminentie, Cald. in consil. 3. circa finem, in titul. qui filii sunt legitimi. debet in præjudicium ipsius Principis latè interpretari; & latissima interpretatio est facienda contra concedentem. not. Innoc. in c. dilecti, de donationib.

PROPTEREA autem maxime in hujus feudi possessione tutandam Comitissam à Ly. arbitror; quod in privilegio Mo. disertis verbis cautum est, non superstitionibus hæredibus masculis & fæminis, alicui alii habili personæ, & minime mensæ Episcopali applicandum esse. Quò fit, ut cum in adjudicatione secundum æquitatem ratio major minorem vincere debeat, l. si servus communis. §. quod verò. ff. de furt. atque favor Comitissæ, veluti proximioris in gradu, præ aliis admittendæ, in natura rationes suas evidentes habeat, (prout supra abundè commonstravimus) ego multò maxime secundum Comitissam, ejusque filium, veluti sexus masculini (qui ipse quoque gradu uno præ Comitè à D. defuncto Vasallo proximior est) decernendum esse exulti-

mo: maxime, cùm demonstrari non possit neq; propter delictum, vel feloniam, neque etiam propter defectum successorum vel propinquorum, feudum hoc Domino apertum, vel ad eundem reversum esse.

## CONSILIUM LXI.

## SUMMARIUM.

1. Repudia matrimoniorum olim usitata hodie cessant.
2. Matrimonium lege Christiana solvi non potest, nisi quoad cohabitationem.
3. Matrimonium ex quibus causis dissolvi possit quoad vinculum.
4. Matrimonium ex quibus causis separetur respectu cohabitationis.
5. Divortii triplex species est, temerarium, causarium, & ignominiosum.
6. Religionis ingressus dissolvit matrimonium nondum secuta copula.
7. Vxor propria auctoritate dimittitur, ob hæresim, furorem, savitiam, & dotem non solutam.
8. Vxor non dimittitur nisi ex causa.
9. Consanguinitatis objectus, non sufficit ad dimissionem conjugii propria auctoritate.
10. Maritus in infamiam lenocinii incidit, si cum uxore adultera remaneat.
11. Fornicationis causa facultatem tribuit propria auctoritate dimittendi uxorem.
12. Adulterium occultum non sufficit ad dimissio-

*dimissionem uxoris propria auctoritate faciendam.*

13. *Interpretum diversa sententia, quando propria auctoritate uxorem dimittere licet.*
14. *Adulterium quomodo probetur.*
15. *Adulterium taciturnitate, dissimulatione, & compositione remitti potest.*
16. *Testis examinatio ad aeternam rei memoriam est utilis, quando timetur absentia, vel mors ejus, vel dilatio temporis.*
17. *Citatio est juris naturalis.*
18. *Scandali & periculi vitandis causa lex communis relaxatur.*

**C**UM ab aliis magna judicii ratione, & perspicuo sermone præsens causa tractata sit, verendum esset ne sequens prolixior disquisitio non solum frustra suscepta, sed & gratiæ & venustatis aliquid prioribus detrahere videretur, nisi superessent aliqua à Dominis præconsulentibus desiderio dissimulationis ac reconciliationis futuræ partim prætermittenda, partim non sat plenè tractata. A quorum pleniori discussione (quæ sine renovatione calamitosi casus fieri non potest) etiam num super sedendum putarem, si generosus Dominus L. contrarium non urgeret, atque discrimina litium, quas uxoris propinqui super spolio & redintegratione cohabitationis meditari & comminari videntur, extrema hæc remedia non poscerent. Ad quæ explicanda

commodiorem rationem non video, quam ut propositis quibusdam capitibus singula seorsim proponantur, examinentur & resolvantur hoc ordine.

**PRIMÒ** disquirendo an nobilis & strenuus Dominus L. jure excusari possit in eo quòd uxorem ex causa adulterii propria auctoritate & absque judicio Ecclesiæ dimiserit.

**SECUNDÒ**, si uxor super spolio ad restitutionem cohabitationis, aut ex *l. diffamari. C. de inge. manumiss.* actionem instituat, qua ratione Dominus L. licitè in dimissione propria auctoritate facta perseverare & judicii ingressum refugere, litemque differre possit; aut in lite (si suscipienda sit) sese defendere.

**TERTIÒ**, an, priusquam uxor ad judicium provoceret, impetrari possit à summo Pontifice, ut sua S. de tota re cum omnibus circumstantiis informata, abiente nec vocata parte, sententiam divortii ac separationis pronunciet, vel dimissionem ex causa antedicta, & modo prædicto factam approbet, vel saltem per modum tolerantiae & dispensationis ad aliquot annos, & donec divina benignitate dolor remittatur, dimissionem illam patiatur: præsertim si uxor pro cohabitatione non admodum instet, aut urgeat.

**QUARTÒ**, quomodo præaveri possit, ne uxor commodo pactorum dotalium, seu etiam lucris consuetudinis aut juris municipalis

palis circa peculium castrense aliaque bona per Dominum L. constante matrimonio acquisita fruatur.

DE NI QUE quo modo succurri & consuli possit prædicto Domino L. adversus N. & C. de adulterio commisso diffamatos, idque tam ad occurrendum eorum machinationibus, quas ex instinctu propinquiorum dictæ uxoris ad protegendam suam innocentiam fortè molientur, quàm etiam ad vindicandum eorum flagitium.

- 1 CIRCA primam quæstionem advertendum est, cessare quidem hodie veterum matrimoniorum repudia, quæ olim plurimis de causis, quandoque etiam levissimis, procedebant: *Plutarch. in problematis. cap. 13. Valer. Max. lib. 6. c. 3. l. nullum. ff. de repudiis.* adeo ut ex lege Christiana, qua utimur, contractus conjugalitatis tale vinculum constituat, quo uterque usque ad mortem constringitur cum conjugæ vitam degere ac cohabitare, & nolentes vel tergiversantes iudex ecclesiasticus ad id præstandum possit cogere, *c. literas. de restit. spol. c. intelleximus. de adult.* etiam implorato iudicis sæcularis auxilio. Sed non usque adeo præcisa & necessaria est hæc cohabitationis & mutue servitutis obligatio, quin aliquando etiam secundum legem Christianam *Præpos. & Fel. in c. 1. de sponsalibus. Abbas in d. c. literas.* subsistente iusta causa, quamvis infaulto, necessario tamen auxilio,

*l. consensu. C. de repud. matrimonii* dissolutio & relaxatio plerumque quoad carnale debitum, plerumque quoad cohabitationem & servitutem, plerumque etiam quoad ipsum vinculum & substantiam matrimonii permittatur: veluti, si ante matrimonii consummationem alter conjugum religionem profiteatur, vel si post consummationem votum deliberata conscientia remittatur.

*c. 2. & c. ex publico. de convers. conjugat.*

Item si ex duobus infidelibus alteri Christi fidem professus, alter, qui adhuc infidelis est, cohabitare & communem vitam agere nolit, absque Salvatoris contumelia, licet converso aliam conjugem accipere; qua accepta, dirimitur matrimonium quoad vinculum. *c. quanto. de divorciis.* Quod idem à multis gloss. *Panorm. & alii in d. c. ex publico. Præpos. in c. fina. de spons. duor. Dec. 152.* est traditum, etiam in dispensatione Pontificis quoad matrimonium nondum consummatum.

ALIÆ sunt causæ quæ nihil disponunt circa ipsum vinculum, sed duntaxat inducunt ex legis divinx interpretatione relaxationem cohabitationis, & mutue servitutis, vel debiti carnalis, veluti furor vel contagiosa debilitas in alterutro conjugum. *Alexand. in l. si cum dosem. §. si maritus. ff. sol. matri.* Item nimia viri sevitia in uxorem, *cap. 1. ut lite non contestata. & d. c. literas.* vel si alter conjugum tentaverit alterum veneno perimere.

*Abbas in c. quemadmodum in fine, de iurjurando. Hippol. de Marf. in l. uni. col. penult. C. de rapt. virg. Quo modo & ob dotem non solutam uxorem à virò expelli posse, multi tradiderunt. gl. in Authen. de non elig. secundò habentes, in verbo, ouera. Alex. in l. insulam. §. usuras. ff. sol. matrim.*

ET inter alias causas separandi thori & cohabitationis, præcipuū locum obtinent adulterium, fornicatio & hæresis, quæ spiritualis est fornicatio. *c. 2. de divor. c. ex parte. de sponsalib.* Nam in his permissa est separatio ex Dei Opt. Max. elogio, passim in canonibus relato: *d. c. ex parte. & c. significasti. & c. ex litteris. de divor.* unde triplex à Doctoribus constituitur divortium; temerarium, quod sine iusta causa contingit; causarium, quod ob furorem, debilitatem, contagiosam aut aliam similem causam habet: & denique ignominiosum, quod causatur ex delicto seu flagitio, puta hæreseos vel fornicationis alterius conjugum. *Bald. & alij in d. c. ex parte.* Quæ omnia prolixius commemorare visum est, non quodd omni ex parte conveniant præsentī hypothēsi, in qua de fornicatione agitur, sed ad ostendendum generaliter non tam in modum quàm in causam separationis & dimissionis inquirendum esse, si proposito iudicio de iustitia dimissionis dubitetur. Præsertim cum pleræque sint causæ inter superius recitatas, ex quibus indubitanter dimissio, quomodocunque

facta, etiam propria auctoritate est licita, non solum quoad thorum, sed etiam quoad vinculum. Nam perspicui juris est, ex religionis ingressu & professione nōdum secuta, Cepola ait dirimi matrimonium, nullo præcedente iudicio Ecclesiæ, etiam quoad vinculum; *d. c. 2. de convers. conjug.* & ex duobus infidelibus alter Christi fidem professus, non tenetur ad cohabitandū cum altero, etiam si velit infidelis cum fidei vitam agere absque Dei contumelia, licet possit hanc cohabitationem fidelis admittere: *D. Tho. in 4. sent. dist. 39. q. 1. art. 3.* & si alter, qui infidelis est, nolit communem vitam agere, absque Salvatoris contumelia, Christi fidem professus, potest aliam conjugem accipere, qua accepta primum conjugium dissolvitur: *Paluda. in 4. sent. dist. 39. art. 20.* Et quoad cohabitationem aliāq; obsequia potest Catholicus ob hæresim propria auctoritate uxorem dimittere, nec est necessaria peculiaris divortii sententia. *c. fin. de hæret. c. final. de convers. conjug.* Et quod lenius est, ob dotem non solutam, ob furorem & sævitiam propria auctoritate uxorem dimittere, aut divertere permissum videtur, *l. fi. C. ad Velleian. c. liter. is, de restit. spoliat. Alex. in d. l. si cum dotem. §. si maritus, sol. matrim.* Nam cum consideremus non solum furoris, aut malæ tractationis præteritæ ardorem & vehementiam, sed etiam futuri periculi timorem, civilis

civilis ratio efficit, ne quis periculo sese objiciat, aut cum vitæ crimine cohabitationem continuare teneatur.

QUÆ cum ita sint constituta, ex summa ratione vitandi mali & periculi in prædictis casibus, dubium non videtur quin & in fornicatione idem obtinere debeat, in qua præter humanam rationem vitandi mali, concurrit expressa juris Pontifici ac divini elogii auctoritas. Nam Dominus in Evangelio nominatim permittit uxorem dimittere, *dixit Dominus 32. q. 1.* vel e contrariò ubicunque est fornicatio, vel fornicationis suspicio: adeò ut licet Apostolus simpliciter dicat, in conjugio uxorem non discedere à viro; intelligi tamen debeat, nisi ex causa fornicationis fiat divortium, aut separatio secundum licentiam & auctoritatem ex divino oraculo competentem, quæ multis Pontificum Constitutionibus relata & confirmata est. Et proinde quamvis in consanguinitatis objectu sit dubium, *c. porro. de divort.* in fornicatione tamen apertè constitutum invenitur, dimissionem propria auctoritate & absque judicio Ecclesiæ esse licitam, *c. significasti. de divort.* Cujus rei differentia in eo collocanda videtur, quòd dimissio ob fornicationem Dei judicio permissa sit, & ex legis Pontificiæ auctoritate confirmetur, ac solam possessionem matrimonii & mutuam cohabitationem respiciat; *Præpos. in*

*summa 3. q. 1. Iason in l. naturaliter. §. nihil commune. ff. de acq. poss.* quod secus est in exceptione consanguinitatis, quæ proprietatem respicit, & vitium ac nullitatem matrimonii inducit, etiam quoad vinculum; *d. c. porro.* nullaque invenitur auctoritas, per quam obtentu consanguinitatis sustineatur propria auctoritate facta conjugis dimissio. Quibus & illud accedit, quòd in consanguinitate quoad cohabitationem non subest periculum seu causa justî doloris, quod occasione fornicationis inducitur. Nā licet data consanguinitate, peccet mortaliter, qui sciens reddiderit debitum, in cohabitatione tamen & aliis mutuis obsequiis nullum subest peccati vel alterius mali periculum, quòd in fornicatione est maximum, propter incitari mariti odium & justum dolorem, quem temperare est difficile, & quem commorando cum uxore, quæ

13

S s s 3

nisi



nisi calor & impetus viri, iusto dolore provocati, separatione cohabitationis refrēneatur, ut ad naturalem sensum intelligitur, & experientia comprobatur: suadereturq; tutius securiusque esse marito, huiusmodi periculis irritato, ab uxore discedere, quàm utrinque periculum sustinere, & contra conscientiam facere: præsertim cùm ex levioribus causis (ut jam dictum est) huiusmodi separatio toleretur, quæ in fornicatione præter supradicta, aliis compluribus similibus locis, confirmari potest.

NAM expressa est juris constitutio, quæ permittit propter hæresim & fornicationem spirituales alteri conjugum, sine iudicio Ecclesiæ, ab altero discedere. *c. ex literis. & c. de illa, de divor.* Cui spirituali fornicationi carnalem fornicationem propter similitudinem rectè comparat Panorm. *in d. c. ex literis*, quo ad dimissionem propria auctoritate faciendam, licet differentiam faciat in eo, quòd fornicatio carnalis debeat esse notoria, id est, per præsumptionem certam, indubitatam seu violentam, secundum materiæ subiectæ naturam, de ea constare: spiritualis verò fornicatio, etiam occulta, sufficiat. Eòdem pertinet, quòd maritus ingressus religionem, propter uxoris adulterium, potest excipere de adulterio adversus mulierem instantem pro restitutione cohabitationis, *c. Agathosia. 27. q. 2.* Et

11 istam partem, quòd quando adul-

terium idoneè probatur, conjux dimitti possit, non expectata sententia, tenet gloss. *in c. fin. de adulteriis*. Innoc. *in c. inquisitioni, de sent. excom.* Hostien. *in summa, de sponsa. §. final. & in summa, de divor.* §. quot modis. Panorm. *in c. ex parte, de sponsal. & in d. c. final. de adul.* Præpositus, *in c. 2. 3. q. 1. Imola, in c. ex questione, de rest. spoliat.* Guiliel. Cassadorus, *decis 3. in tit. de rest. spol. & D. Thomas, in 4. sententiarum, dist. 35. artic. 3.* Quorum sententia inde etiam confirmatur, quòd generaliter in spiritualibus agenti ad restitutionem, obstat notoria deficientis juris exceptio, ut elegantissimè ab Oldrado responsum est, *consil. 1.*

NEQUE hic in consideratione venire potest, quod dici solet, Nemini licitum esse sibi jus dicere. Nam id non pertinet ad separationem; quæ sit ob fornicationem, quæ ex legis auctoritate ac Dei iudicio fieri potest absque auctoritate iudicis, & in qua sententia lata est à iudice iudicum, id est, ab ipso Deo, ut latè comprobat Franciscus Marcus in decisionibus Parliamenti Delphinalis, *decis. 514.*

PRÆTEREA ex supradictis dubia redditur distinctio, quam plerique faciunt inter separationem matrimonii quoad thorum, & separationem quoad cohabitationem, ut scilicet ob adulterium propria auctoritate marito non liceat uxorem à suo consortio depellere, licet possit conjugale debitum

bitum ei denegare. Nam cum dimissio simpliciter in Evangelio permissa sit ob adulterium, & cohabitatio eo commissio periculosa sit; ratio non occurrit, ex qua distinctio illa sustineri possit: maxime cum extent expressæ Constitutiones, quæ negent restitutionem faciendam, etiam quoad cohabitationem aliaque mutua obsequia; non solum quatenus agitur de favore religionis, aut professionis, *d. c. Agathosa.* sed generaliter in dimissione à quocunque facta ob adulterium, quod est notorium, seu promptè & absque longiore indagine probari potest: *d. c. significasti.* Ita ut distinctio superius relata, quamvis magnos auctores habeat, non videatur omnino firma; nisi referatur potius ad consilium personæ patientis, & ad omnem fortunæ incursum obtemperantis, quam ad juris necessitatem.

13 Vel, quod est probabilius, intelligatur de adulterio vel alio impedimento occulto, & quod iudici probari non potest; ob quod nec iudicis præcepto cogi potest debitum uxori reddere, contra conscientiam, maritus qui scit vel credit sibi non esse licitum uxoris commercium, licet impedimentum probare nequeat, re perducta in iudicium, *d. c. inquisitioni. de sent. excom.* Et denique ut plurimum tribuamus dictæ sententiæ, ac concedamus, marito non licere ob adulterium propria auctoritate uxorem dimittere, non propterea

sequetur, restitutionem esse concedendam, sed eventus considerari debet, an maritus iudicium refugiat, & postulata restitutione per uxorem, in probatione adulterii deficiat, vel non; *d. c. significasti.* ut videlicet traditio Doctorum superius relata hanc sententiam habeat, quod non liceat marito in epitome 4. lib. decret. c. 7. numer. 12. auctoritate propria uxorem absolute dimittere, sed quod teneatur vocatus ad iudicium iustam causam dimissionis probare, ut novissime Didacus Couarrubias Archiepiscopus S. Dominici innuere videtur. Nam quamvis sustineatur ex propria auctoritate facta dimissio uxoris ob fornicationem, Ecclesia tamen semper audit conjugem dimissam, donec agendo vel excipiendo fuerit facta fides de adulterio præsumptione indubitata, violenta, vel aliqui idonea. Quoniam homines sæpe falluntur in dijudicando vero, & notorio, *Panor. in d. c. final. de adul.* & Ecclesia non iudicat de occultis, *c. tua, in fine, de simo. Host. Ioan. Andr. & Panorm. in d. c. porro.* nec tolerat continuationem divortii, nisi probata postea fornicatione, vel alia iusta causa appareat, quod dimissio non fuerit temeraria, aut ex levitate vel temeritate attentata. Eamque sententiam usu & experientia rerum receptam videmus, siue adulterium omnino sit notorium, siue aliter promptè & idoneè probari possit.

Præpos.

*Prepos. in d. c. significasti. in 1. oppo. dd. in d. c. literas. de restit. spol.*

**14** Ex quibus intelligitur, in specie propolita non tam esse laborandum circa excusandum modum dimittendi, quàm circa probationem causæ, id est adulterii seu fornicationis, ob quam facta est dimissio: ita ut domino L. nihil neque prius, neque diligentius efficiendum sit, quàm ut colligat & constituat argumenta & probationes, quibus usu postulante fornicatio ostendi possit. In qua re tamen si aliqui de notoriis & indubitatis indiciis loquantur, qualia sunt, si mulier in iudicio crimen confessâ sit, aut in ipso opere & turpitudine publicè deprehendatur, vel cum adultero cohabitaret, aut si tumeat venter incognitæ à viro; vel si vir fuit absens certis annis, & reversus reperiat domi infantem. *c. tua nos. & c. si. de cohabit. cler. & mulier. l. quod ait lex. ff. de adult.* Tamen quia adulterium sui natura directò & liquidò probari non potest, communior ac verior est sententia *Pan. in c. praterea. de testib. Bart. in l. 3. ff. de furt. & in l. capite quinto. de adult. Corn. conf. 171. in prin. vol. 2.* existimantium sufficere latiora indicia, atque adulterium probari ex verisimilibus conjecturis, præsumptionibus & suspitionibus; quæ ita urgeant, ut animum iudicis seu alterius cuiuslibet prudentis inducant in crudelitatem; veluti si uxor amasio scribat literas amatorias, si patiatur se luxu-

riose osculari, manum poni ad mammillas, vel sola cum solo deprehendatur in cubiculo, interveniente aliquo signo luxuriæ, vel captatæ obscuritatis, puta osculi, complexus, prostrationis, noctis aut tenebrarum, aut alterius ludi seu actus impudici; *d. c. praterea. & c. tertio loco. de præsump.* vel si unus testis de auditu cum fama consentiat, *c. significasti. de adult. Alex. conf. 9. num. 8. vol. 1.* aut similes conjecturæ interveniant, quæ prudentem virum ad ita credendum inducant. *Soc. Nep. consil. 32. part. 2. & latissime Francisc. Mar. in decis. Parlamenti Delph. decis. 669. Dec. conf. 54. col. 2.* Nam cum adulteria clam & occultè fiunt, directò & specificè probari non possunt. Ideoque admittuntur præsumptiones & conjecturæ, sicut in omnibus aliis, quæ sunt difficilis probationis, & liquidò manifestari non possunt. *Latè Paul. Paris. conf. 59. in fine, vol. 4.* Ad eò ut etiam testes de credulitate, qui aliàs non admittuntur, fidem faciant in hac materia quæ certitudinaliter, ut inquirunt doctores, non est cognoscibilis, sufficiatque ea certitudo quæ haberi potest per præsumptiones & conjecturas, quibus animus hominis ita moveatur & impellitur, ut in contrarium inclinare non possit. *Bald. in d. l. filium. & conf. 60. incip. verba Dyni, vol. 2.* Quinimò sunt qui existimèt, quòd licet uxor se non misceat copulæ carnali cum alio, si tamen permittat se osculari, aut manibus positis ad

ad mammillas tangi, agi posse ad separationem thori & amissionem dotis, quia ludus impudicitiae debet *text. gloss. & dd. in l. sororem. C. de his quibus ut jud. puniri*; quod probabilitate non caret, nisi mulier doceat rem constituisse in terminis osculi, nec ulterius processum esse.

Ad quæ si metiamur confessiones laicæ *Francisci. Mar. in d. decis. 699. circa finem. coram Dominis Secretariis C. C. iteratis vicibus factas, ac coram Parys & Cock Commissariis Reg. Majestatis repetitis, deprecatorias literas datas ad prædictos secretarios cum effractione carceris infectura, item fugam L. nec non testimonia Joannis Steynaert, & Joannis van Dienich una cum attestationibus Schaffhusianis, & iis quæ ab ipso Domino J. descripta sunt, quas nihil necesse est hinc liberiore calamo & pingui Minerva referre, hæsitandum non videtur quin repetitæ à iudice, cuius litis futuræ erit cognitio, sufficientem probationem sint facturæ, si testes Schaffhusiani & à Domino L. descripti denuò producti priores suas attestaciones non inficiantur, & Dominus L. rigorem iudiciorum agendo vel excipiendo adversus dimissam uxorem experiri malit potius quàm respiciendo ad preces uxoris, affinium, & parentum, ad naturalem fragilitatem, meliorem vitam, quam uxor nunc aliquot annis egisse dicitur, injuriam remittere ac dissimulatione culpam transigere: quod*

magis humanum & Christianum videtur, & reprehensione & dedecore caret pro prima vice; *c. si vir. §. si mulier. de adult.* maximè in specie proposita, dum res nulla adhuc probatione facta, aut sententia lata cõsistit in terminis præsumpti adulterii, quod ex legis permissu amicabili conventionem decidi potest. *§. fina. in Authent. ut liceat matr. & avia.*

DESCENDENDO nunc ad secundam quæstionem, ante omnia plurimum probandum & amplectendum existimo (uti etiam superius attigi) consilium dominorum præconsultentium, ut Dominus L. quacunque potest ratione, id est vel taciturnitate vel pactis induciis per amicabilem conventionem, quæ hoc casu admittitur, *Dec. consil. 140.* subterfugiat iudicium quod in utramque partem futurum est infaustum & lamentabile, ac cum quadam infamia utriusque familiaræ ac communis filii dedecore conjunctum, & ex cujus dilatione nullum accidere potest incommodum aliud, quàm quòd si uxor præmoriatur non intentato iudicio dotem suam incolumem faciet hæredibus suis; à qua alioqui in vita & agendo & excipiendo secludi potuissent. Illud præterea providendum est, ne per dilationem & moram iudicii memoria rei gestæ & probandi facultas Domino L. depereat; ita ut postea quam testes è vivis exceßerint, aut aliter copia eorū haberi nequeat,

T t t      fidei



17 Apostolicam absque nova instantia & exercitatione iudicii. *l. prolata. C. de sentent. & interlocut. omnium jud.* Nam quamvis Pontificiæ potestatis plenitudo sit amplissima, ita ut non ligetur solemnitatibus meri juris civilis; *c. in causis. de re jud.* citationem tamen & vocationem partis, quæ est de jure naturali, prætermittere non potest, *Dec. consil. 498. & consil. 528.* ac ea prætermissa aliquem non auditum nec defensum jure suo privare. *Paul. de Castr. consil. 178. donatio prædicta. vol. 1. Felin. in c. quæ in Ecclesiarum. de constitution.* Nisi consideremus, quod ad hanc speciem attinet, agi de sola cohabitatione, quæ ad possessionem refertur, quæ licitum est Principi partem non citatam privare. *Dec. consil. 191. col. 3. ad finem. Quod Bald. consil. 355. ad evidentiam. col. 2. lib. 1.* putat procedere, etiam nullo processu habito, dum tamen utatur plenitudine potestatis. *Aymo Craver. consil. 5. num. 6.* Ad quam plenitudinem potestatis recurrêdum non existimo, propter difficultatem impetrandi, & quia, ut maxima sit benignitas Pontificis, in ea exercenda, nunquam tamen id obtinebitur, ut uxor excludatur à iudicio & defensione sua proponenda, si quando pro innocentia sua audiri desideret: & commodius magisque expeditum puto, ut (si Dominus L. conniventia taciturnitate & auctoritate ex Dei iudicio & æquæ dispositione data) conscientia

non sit contentus) ad Pontificem recurratur, & expositis per supplicem libellum urgētibus conjecturis & præsumptionibus adulterii, petatur, ut per modum tolerantia & dispensationis, ad evitanda majora scandala & incommoda, patiatur Dominum L. dimissa uxore seorsum habitare, donec divina gratia mitigatis utrinque animis reconciliatio interveniat, vel iudicio Ecclesiæ aliud ordinetur: quod faciliè impetrari poterit. Etenim ob scandali vel periculi evitacionem, justum est auctoritate Pontificis legem communem relaxare; & quod alioqui in pluribus bonum est, si in aliquo particulari casu non sit bonum, determinatè in particulari illo casu servari non debere: *Innoc. in c. ad nostram. de statu. regu. Abbas in c. non est de voto. & in c. de multa. de prob.* veluti jejunia præcipiuntur ad reprimentam carnis tentationem, quo præcepto quamvis teneatur & is in quo periculum illud tentationis cessat, *Cle. causam. de heretic.* iusta tamen est in eo dispensatio ac legis relaxatio. Quod idem est in prohibitione matrimonii contrahendi vel relaxandi in certis gradibus & casibus. *c. si. de divor. Anbo. consil. 373.* Et inter causas dispensandi circa matrimonium aut cohabitationem, præcipua est fornicatio, periculum aut scandalum. *c. quia circa. de consang. Ro. consil. 297.* Cæterùm quamvis iusta causa tolerantia & dispensationis subit,

18

nō video tamen quo modo aliter hæc indulgentia obtineri possit, quàm illimitatè, & absque commemoratione certi temporis, donec scilicet Dei benignitate reconciliatio interveniat, vel ab Ecclesia aliud ordinetur. Nam periniquum foret & durissimum, uxorem à defensione excludere perpetuo aut ad certum tempus perdispensationem, cū possit ipse Dominus L. si velit, absolute ab illius consortio liberari, ipse iudicium instituere, & probata fornicatione, sententiam separationis referre.

QUARTÆ quæstionis resolutio magna ex parte ex superioribus dependet. Nam probata fornicatione uxor non solum bonis per Dominū L. militia vel alia prospera fortuna quæsitis carere debet, sed etiam propriam dotem & parapherna amittet, *d. c. plerunque*. si Dominus L. mores ejus postea nō approbet, eique ignoscat: nam adulterium justam causam præbet amittendi dotem, *gloss. notab. in d. c. fi. de adul. Præpositus in d. c. plerunque*. omniaque lucra & commoda nuptialia, quæ aliàs ex pacto vel consuetudine deberentur, *d. c. plerunque. & ibi gloss. in verb. dotalitium d. l. consensu. C. de repud. Bartol. Cassaneus in consuet. Burg. tit. des droictz & appartenances aux gens mariez. §. 6. super verb. dome. vers. fin.* Quò pertinet elegans traditio Decii, *in l. i. C. unde vir & uxor.* dum distinguit an ditemptio matrimonii fiat quoad

thorum communi utriusque consensu, aut aliter ex iusta causa, aut denique sine iusta causa, ut videlicet prioribus duobus casibus commoda juraque matrimonialia cessent. *l. i. §. i. ff. unde vir & uxor.* Tertiò verò, quando absque causa separatio ob quampiam fortè controversiam facta est, dure ad ministratio, ac commodorum acquisitio, perinde atque si nulla separatio facta esset: quod latius confirmat Andr. Tiraq. *de retract. conf. §. 10. gloss. unic. num. 17.* Cæterum in hac specie non caret scrupulo, an sufficiat quòd Dominus L. uxorem in vita dimiserit, & rejecerit, an verò exigatur, ut etiam egerit, & sententiam obtinuerit, ad hoc ut hæredibus salva sit hæc actio. Nam quamvis dimittendo arcendoque à se uxorem, satis testetur se illi non indulgere, aut mores approbare, tamen si in vita sua eam non accuset, aut conqueratur, non videtur expedita fore hæredibus actio ad amissionem dotis, aut exclusionem ab aliis commodis ob adulterium, quod ad notitiam Domini L. pervenit: *l. rei jud. vers. hæredi. & ibi Bart. ff. solut. matri. Abb. & Præpos. in d. c. plerunque. Ias. in l. sororem. C. de his quib. ut indig. Cyn. in l. fina. C. de revocand. dona. Bald. consil. 302. & 303. vol. 3.* nisi consideremus facilius à commodis matrimonialibus uxorem excludi, quàm dote privari, cū ad amissionem commodorum sufficiat eam culpa sua marito non cohabitasse. *Cassaneus.*



*loco præcitato.* Quod tamen affirmare non ausim, tutius existimans, ut si in vita Domini L. adulterium non detegatur, amicabile conventionē, quæ semel providè tentata fuit, & cujus adhuc bona videtur occasio, in hac re prospicere.

POSTREMA quæstio difficultatem non habet. Nam cum confessiones aliaque acta in uno iudicio facta inter easdem partes profint, & noceant in alio iudicio, etiam si apud arbitros habita fuerint, *l. jubemus, in fine. C. de lib. causa. l. penult. §. si. C. de arbitr.* dubium non est quin acta confessionesque N. ministri toties repetitæ coram providis honestissimisque viris iisdemque Commissariis Reg. Majest. quocunque loco prolatae, contra eundem plenam fidem sint habituræ: maximè considerata effractione carceris, quæ imminente condemnatione conscientia scelorum facta intelligitur, considerata quoque verisimilitudine rei & circumstantiarum, quæ in confessionibus ejus deprehenduntur.

## CONSILIUM LXII.

## SUMMARIUM.

1. *Solius sacerdotis dicto non fieri, eorum quæ tractantur.*

QUANDOQUIDEM in multiplici & varia testimoniorum aliarumque probationum æstimatione & ponderatione semper id

amplecti convenit, quod verisimilitudini, naturali sensui, ac veritati juris magis est consentaneum, *Zafius conf. 1. num. 8. lib. 1.* magna spes est amplissimum hunc Senatam non approbaturum sententiam magistratus Antverpiensis contra Dominum de Liedekercke, &c. originalem Reum conventum, nunc Reformantem, latam pro intentione viduæ quondam domini Guilielmi vande Werve, & consortium, quæ nullis legitimis probationibus manifestata, etiam à communi hominum sensu, & naturali ratione, ipsaque verisimilitudine aliena videtur. Siquidem ex libello cõventionis manifestum est, ipsum dominum Guilielmum, ejusque viduam & consores (quavis incertis vestigiis hærentes, magnam vacillationem in concludendo admiserint) unam tamen causam agendi duntaxat, eamque certam & limitatam proposuisse ab initio, & in ea usque ad finem litis perseverasse, quippe quod quondam Domina Joanna van Berchem plebano Antverpiensi declarasset, sibi à defuncto marito injunctam restitutionem injustè retentorum, ex certis prægnantibus causis, ipsi plebano declaratis, his verbis: *in 1. libello exhibito 10. Januarij. anno 1558. Hoe dat wijlen haren man in synen leven ende spooch ober langen tijt hun hadden bevonden ghehad in hunne conscientie belast/ ende ander sijn ghehouden te zijn*

inder Hupszouwen des Men-  
leggers ende haerder Suster/  
ghetrouw hebbendeden boorzsz  
ghebuechd/ euyt eenige goede  
ende pzegnante cause ende sa-  
ke / die sy den boorzsz opper-  
plebaen ofte Prochiaen ver-  
cleerde oft te kennen gaff/ &c.  
Ita ut live ulteriorem deductio-  
nem, live testium productionem  
respiciamus, necessarium fuerit  
Agentibus originaliter, nunc Op-  
ponentibus iustificare libellum  
suum ex causa specificè deducta,  
& non ex alia: *Innoc. in c. ex parte, de  
privi. Bart. in l. 1. de edendo. c. Abbate,  
de re jud. in 6.* exprimendo enim  
unam causam, videntur illam dun-  
taxat, & non aliam in iudicium  
deduxisse, aded quodd nec vigore  
clausulæ *petens sibi iustitiam ministra-  
ri*, &c. ex alia causa accumulata,  
vel postea probata sustineri, vel  
iustificari possit libellus, qui (ut  
elegantè scribit Bartholomæus  
Solinus *consil. 39. incip. Visis & inspe-  
ctis, num. 19. vol. 1.*) ex una certa cau-  
sa propositus, nunquam trahitur  
ad diversam & aliam alterius na-  
turæ & formæ; *Bald. in l. 2. C. de pe-  
hered.* maximè in rei vendicatione  
& reali iudicio, in quo prior sen-  
tentia lata videtur, & in quo spe-  
ciali ratione est constitutum, *l. &  
an eandem. §. actiones, & l. si mater. §.  
eandem. de except. rei judic. & d. c. Ab-  
bate.* quod si Actor allegans unam  
causam dominii vel restitutionis  
faciendæ, non possit eam probare,  
reverti nequeat ad aliam. Quod

valde urget & coangustat Oppo-  
nentes, à quibus tamen si explicite  
& directò causa specificà non pro-  
ponatur, tamen per relationem ad  
testificationem parochi (à quo in-  
citati, instructi, & informati vi-  
dentur) & ad declarationem illi  
factam, sese astrinxisse videntur  
specificæ causæ illi declarata, &  
quam ipse parochus priore sua de-  
positione in administratione bo-  
norum ad Opponentes pertinenti-  
um constituit: sic ut non solum  
necesse fuerit Opponētibus osten-  
dere obligationem, & enixam do-  
minæ Joannæ voluntatem & com-  
missionē restituendi, verum etiam  
sustinere causam illam præhabita  
administrationis, veluti finalem &  
substantialē, & ad quam limita-  
ta fuit agentium petitio, *d. c. Ab-  
bate.* ac (ut ipse parochus in sua pri-  
ma depositione asserit) restitutionis  
obligatio & commissio. Nam  
præterquam quod non iterum con-  
fessionem defuncti, nisi & causam  
debiti expresserit, *l. Aurelius. §. si. de  
liber. leg.* clari juris est quodd quoties  
certa causa ob quam, & ex cujus  
radice enascitur obligatio, expri-  
mitur à testatore in ultima volun-  
tate, *Bald. in l. 1. num. 12. & 17. C. de  
sal. caus. adiec.* vel ab Actore in li-  
bello, *d. c. Abbate.* non subsistere pe-  
titionem, vel obligationem, si cau-  
sa non probetur, aut deficiat, *d. c.  
Abbate. & Bald. in d. l. 1.* etiam si di-  
camus alioqui in dubio præsumi  
causam aliquam, aut probationem  
ejus non exigì, quando constat  
defunctum

defunctum restitutionis gratia quippiam dedisse, vel reliquisse: adeo quod etiam legatum & fideicommissum, quæ plerumque à liberalitate dependent, *l. rem legatam. De adimend. legat.* corruant deficiente causa illis coherente, & cujus gratia facta sunt. *Bald. in d. l. 1. C. de fals. caus.*

DE quo minor est dubitatio in proposito, ubi agitur non ex liberalitate legati, sed ex famosa obligatione restituendi orta (ut clarè deponit ipse plebanus *in depos. coram D. Parys fact.*) occasione administrationis bonorum ad Opponentes pertinentium, his verbis: **Wt sake van administratie van haren goeden / die hy bekennde gehadt te hebben/ daeromme dat hy in sijn consciencie hem bebonde bezwaert.** Quæ verba sunt præcisa, & habentia specialem & respectivam causam, in qua fundatur restituendi obligatio, & ad quam agentium intentio petitioque in ipso libello *per relationem* limitata est, ita ut in ea consistere necesse sit, sive intelligamus reali sive personali iudicio actum esse, *Bartol. Sofin. d. consil. 39.* & nullius alterius causæ, quæ vel latere posset vel concurrere, consideratio vel probatio admittenda sit. Certam enim causam ab initio propositam absque variatione Actor prosequi tenetur, *Auth. qui semel. C. quomodo & quando jud.* cum probationem, quæ non concludit, secundum libelli quali-

tatem sequi debeat absolutio; *l. habebat. de institoria. Spec. in tit. de teste. §. 1. vers. Sed pone egi. latè Rom. consil. 110.* usque adeo ut quamvis confessio, agnitioque alienæ rei injustè de tentæ in præjudicium monasterii, vel alterius pii loci legitime probata propter exonerationem conscientiae, nulla alia causa addita, sustineatur, *Matth. de Afflict. decis. 164.* tamen cum ex certa causa hujusmodi confessio emittitur, ipsa obligatio proportionatur suæ causæ, & ex subsistentia vel defectu causæ metimur validitatem vel invaliditatem rei declaratæ, vel confessatæ; maximè quando in depositionibus testium (quæ ex addita ratione limitantur & coarctantur *Doct. in l. cum res. C. de prob.*) exprimitur, vel per Actorem in libello suo proposita deductaque est. Et hoc est quod ubique est traditum, Causam in libello deductam verificari debere, *c. examinata. de iudiciis Ro. d. consil. 110. & Bart. Sofinus d. consil. 39.* & probationem, quæ non concludit, secundum qualitatem debiti in libello deductam censeri inutilem. *Rom. d. consil. 110.*

CÆTERUM si quis veritatem præsentis negotii rectè ponderet, omniaque in actis deducta diligentius excutiat, apertè deprehendet causam præhabitæ administrationis à parocho conspirante cum agentibus assertam, *in d. testif. coram D. Parys.* & ex illius admonitione ab Agentibus per relationem in libello deductam, prorsus vanam & erroneam

& erroneam esse, aded quod ipsi agentes, *in script. Replica sua post princ.* quantumvis inviti, non obscure derelinquere cogantur specialem illam ex causa administrationis obligationem, confugiendo ad vagam, incertam & prorsus indeterminatam, ac non verisimilem causam, quæ vel latere, vel concurrere posset; prout etiam ipse parochus instigator Agentium (ut videtur) magnamque affectionem causæ gerens contra dominum Reformantem, edoctus in progressu litis administrationis causam deficere, per manifestam contrarietatem rationem administrationis & obligationem restituendi inde natam prius claris verbis, formaliter, & cum juramento coram domino Parys depositam, in iterata sua depositione coram Commissariis Antverpiensibus dereliquit, & per generalem negationem inficiatus est, deponendo sese ignorare causam restitutionis, nec de ea defunctam à se fuisse interrogatam, his verbis: **Sonder dat hy Deponent weet waer aff ofte upt wat oorzake de voorsz Heere Jan S. inde voorsz restitutie gehonden was / obernits dat hy Deponent 't selfde niet en vracchde / ofte van de voorsz Joffvrouwe en ondersochte / ghemerckt hy Deponent hoorde / dat sy bereedt was om de voorsz restitutie te doen / ende midts dat sy ghebruyckte woorden van resti-**

tutie / ende odiens was sulcke saken te onderbragen. Per quæ penitus subvertitur, perimitur & aboletur causa illa administrationis prius à parcho tanta constantia & certitudine asserta, & ab agentibus indubitabili signo relationis in libello proposita, in verbis illis: **Wt eenige gorde ende pregnante cause ende sake die sy den opperplebaer ofte prochiaen vercleerde ofte te kennen gaff / &c.** quæ non possunt verificari in generali & indeterminata restituendi allegatione; aut obligatione, sed specialem, & à parcho prius temere jactatam & testificatam, velut ex ore defunctæ auditam causam restitutionis respiciunt, & ad illam limitantur; sic ut ea revocata à pastore, & posteriore contraria depositione perempta, corruat tota Agentium intentio & probatio, *Rom. & Soff. conf. pract.* propter deficientem specialem causam, ad quam prior parochi depositio, & ipsius libelli propositio specialiter fuit limitata, *d. c. examinata. & Bartol. Soff. d. consil. 39.* efficiaturque ut propter evidentem illam contrarietatem & repugnantiam parochus non solum testimonii fidem amittere, *l. 2. & l. qui varia. De restit. l. eos. & ibi Bart. ad leg. Cor. de fals. Dec. conf. 8. Paul. Paris. conf. 61. num. 1. lib. 4.* verum etiâ indignationem aliquam judicis sustinere debeat. *Bald. in l. presbyteri. C. de Episc. & Cler. & in l. data opera. C. qui accus. lo. Mar. de Riminald.*

*Riminald. conf. 48. per totum. volum. 1.* Testis enim, si simpliciter diversa dicat, & multò magis si contraria ex intervallo, habetur ut varius, & punitur, dummodò varietas fit circa negotium principale, vel circa circumstantias negotii principalis. *Bart. in l. de ees, de falsis cum multis similib. alleg. per Antonium Capicium, in decis. Concili. Neapol. decis. 142. num. 3. & sequen.* Et quoties testis primò unum dixit, deinde aliud, irritum est secundum, imò neutrum valet, dummodò primum etiam fuerit juratum, quia convincitur necessàriò de perjurio, ponendò se inter duo iuramenta contraria, *Abb. in c. per tuas. in ult. col. de probat. & in c. cum in tua, in ult. col. de testib. Bart. in d. l. eos. latè Capicium in d. decis. 142. & lo. Mar. de Riminald. conf. 48. num. 11. & sequen. vol. 1.*

Quod magnam animadversionem habet, ostenditque ejus, quod dictus parochus testatur, nullam rationem habendam, & causam ab initio propositam deductamque non solum non verificari, sed in contrarium labefactari ac everti, & consequenter totam actionem, uti fuit ex informatione & prima illa iactatione parochi intentata, infirmari, & ad irritum recidere; ita quòd nec ex postea accumulata causa legati & liberalitatis à defuncta erga Dominum Guilielmum vander Werve demonstratæ (ut prætenditur) confoveri aut sustineri possit;

maximè quia liberalitatis & legati allegatio non coheret, sed ex diametro repugnat (ut mox dicitur latius) necessitati restituendi ad exonerationem conscientie ex antecedenti obligatione injustè retentorum.

Proximum est prædictis, quod etiam si derelictis his angustis designatæ ac declaratæ ab initio causæ concedamus Agentes ex simplici restituendi obligatione & ordinatione dominæ Joannæ ex mandato defuncti mariti, & ad exonerationem utriusque conscientie processisse, nulla addita speciali causa contractæ injustitiæ, nihilo magis tamen in sua petitione obtinere potuerunt propter deficientem idoneam probationem ejus quod defunctus maritus uxori injunxisset, & ulterioris ordinationis ac voluntatis defunctæ, ac repugnantem verisimilitudinem, atque adeò ipsam veritatem multis argumentis & rationibus in contrarium deprehensam & detectam.

Quod ut explicatè intelligatur, ac commixtio diversarum rerum (quæ plerumque confusionem invehit) evitetur, paulò plenius demonstrandum est, primo ipsum parochum, qui solus de hac injustitia & restituendi obligatione testificatur, totamque illius assertionem & depositionem per se spectatam, probationem non inducere. Secundò ex accessione seu conjunctione aliorum testimo-

Vuu niorum

*Prapof. in d. c. significasti. in 1. oppof. dd. in d. c. literas. de reflit. spol.*

14 Ex quibus intelligitur, in specie propofita non tam effe laborandum circa excufandum modum dimittendi, quàm circa probationem caufæ, id eft adulterii feu fornicationis, ob quam facta eft dimiffio: ita ut domino L. nihil neque prius, neque diligentius efficiendum fit, quàm ut colligat & conftituat argumenta & probationes, quibus ufu poftulante fornicatio oftendi poffit. In qua re tamen fi aliqui de notoriis & indubitatis indiciis loquantur, qualia funt, fi mulier in iudicio crimen confeffa fit, aut in ipfo opere & turpitudine publicè deprehendatur, vel cum adultero cohabitaret, aut fi tumeat venter incognitæ à viro; vel fi vir fuit abfens certis annis, & reverfus reperiat domi infantem. *c. tua nos. & c. fi. de cohabit. cler. & mulier. l. quod ait lex. ff. de adult.* Tamen quia adulterium fui natura directò & liquidò probari non potest, communior ac verior eft fententia *Pan. in c. praterea. de testib. Bart. in l. 3. ff. de furt. & in l. capite quinto. de adult. Corn. conf. 171. in prin. vol. 2.* exiftimantium fufficere latiora indicia, atque adulterium probari ex verifimilibus conjecturis, præfumptionibus & fufpicionibus; quæ ita urgeant, ut animum iudicis feu alterius cujuflibet prudentis inducant in crudelitatem; veluti fi uxor amatio fcribat literas amatorias, fi patiatur fe luxu-

riose osculari, manum poni ad mammillas, vel fola cum folo deprehendatur in cubiculo, interveniente aliquo figno luxuriæ, vel captatæ obfcuritatis, puta osculi, complexus, proftitutionis, noctis aut tenebrarum, aut alterius ludi feu actus impudici; *d. c. praterea. & c. tertio loco. de præfump. vel fi unus testis de auditu cum fama confentiat, c. significasti. de adult. Alex. conf. 9. num. 8. vol. 1.* aut fimiles conjecturæ interveniant, quæ prudentem virum ad ita credendum inducant. *Soc. Nep. confil. 32. part. 2. & latiffimè Francif. Mar. in decif. Parlamenti Delph. decif. 669. Dec. conf. 54. col. 2.* Nam cum adulteria clam & occultè fiunt, directò & fpecificè probari non poffunt. Ideoque admittuntur præfumptiones & conjecturæ, ficut in omnibus aliis, quæ funt difficilis probationis, & liquidò manifefteri non poffunt. *Lutè Paul. Parif. conf. 59. in fine, vol. 4.* Adeò ut etiam testes de credulitate, qui aliàs non admittuntur, fidem faciant in hac materia quæ certitudinaliter, ut inquit doctores, non eft cognofcibilis, fufficiatque ea certitudo quæ haberi potest per præfumptiones & conjecturas, quibus animus hominis ita movetur & impellitur, ut in contrarium inclinare non poffit. *Bald. in d. l. filium. & conf. 60. incip. verba Dyni, vol. 2.* Quinimò funt qui exiftimèt, quòd licet uxor fe non mifceat copulæ carnali cum alio, fi tamen permittat fe osculari, aut manibus politis ad

ad mammillas tangi, agi posse ad separationem thori & amissionem dotis, quia ludus impudicitiae debet *text. gloss. & dd. in l. sororem. C. de his quibus ut jud. puniti*; quod probabilitate non caret, nisi mulier doceat rem constituisse in terminis osculi, nec ulterius processum esse.

Ad quæ si metiamur confessiones late *Francisc. Mar. in d. decis. 699. circa finem.* coram Dominis Secretariis C. C. iteratis vicibus factas, ac coram Parys & Cock Commissariis Reg. Majestatis repetitis, deprecatorias literas datas ad prædictos secretarios cum effractione carceris infectura, item fugam L. nec non testimonia Joannis Steynaert, & Joannis van Dienich una cum attestationibus Schaffhusianis, & iis quæ ab ipso Domino J. descripta sunt, quas nihil necesse est hinc liberiore calamo & pingui Minerva referre, hæsitandum non videtur quin repetitæ à iudice, cuius litis futuræ erit cognitio, sufficientem probationem sint facturæ, si testes Schaffhusiani & à Domino L. descripti denuò producti priores suas attestaciones non inficiantur, & Dominus L. rigorem iudiciorum agendo vel excipiendo adversus dimissam uxorem experiri malit potius quàm respiciendo ad preces uxoris, affinium, & parentum, ad naturalem fragilitatem, meliorem vitam, quam uxor nunc aliquot annis egisse dicitur, injuriam remittere ac dissimulatione culpam transigere: quod

magis humanum & Christianum videtur, & reprehensione & dedecore caret pro prima vice; *c. si vir. §. si mulier. de adult.* maxime in specie proposita, dum res nulla adhuc probatione facta, aut sententia lata cõsistit in terminis præsumpti adulterii, quod ex legis permisso amicabili conventionem decidi potest. *§. fina. in Authent. ut liceat matr. & avia.*

DESCENDENDO nunc ad secundam quæstionem, ante omnia plurimum probandum & amplectendum existimo (uti etiam superius attigi) consilium dominorum præconsultentium, ut Dominus L. quacunque potest ratione, id est vel taciturnitate vel pactis induciis per amicabilem conventionem, quæ hoc casu admittitur, *Dec. consil. 140.* subterfugiat iudicium quod in utramque partem futurum est infaustum & lamentabile, ac cum quadam infamia utriusque familiaræ ac communis filii dedecore conjunctum, & ex cujus dilatione nullum accidere potest incommodum aliud, quàm quòd si uxor præmoriatur non intentato iudicio dotem suam incolumem faciet hæredibus suis; à qua alioqui in vita & agendo & excipiendo secludi potuissent. Illud præterea providendum est, ne per dilationem & moram iudicii memoria rei gestæ & probandi facultas Domino L. depereat; ita ut postea quam testes è vivis excesserint, aut aliter copia eorū haberi nequeat,

T t t h d e m



16

fidem Dominus L. probationibus suis deperditis, aut vetustate temporis (quæ omnia miscet) oblitteratis, in discrimine ancipitis litis relinquatur. Cujus mali & futuri incommodi nullum expeditius apparet remedium, quàm ut Dominus L. apud judicem ordinariũ & competentem, vel apud delegatum Apostolicum constituendum procuret testes, quos habere potest, examinari ad æternam (ut vocant) rei memoriam. Nam hac ratione & probatio veritatis salva erit adversus oblivionem, absentiam, vel mortalitatem testium. *Felinus in c. causam, col. 4. de testib.* Et præterea cavebitur ne testes superstites & postea repetiti in tentato judicio priores suas depositiones possint inficiari vel diminuere.

RATIO autem causæque hujus productionis sufficiens esse videtur, si timeatur futura absentia, vel mors ipsorum testium, vel si proponatur à Domino L. quod his testimoniis uti velit ad depellendam actionem ab uxoris propinquis continuatam super spolio, & dimissione. *c. quoniam. ut lite non contest. c. significavit. de testib.* Bald. in *Authent. si quis. & in l. final. C. de test.* Porro his testimoniis receptis ad æternam rei memoriam, nihil futurum arbitror per judiciale conflictum, quod conturbationem, aut periculi rationem possit invenire. Nam sive ipse Dominus L. spontè aut provocatus agat, vel ab uxore, & illius propinquis conve-

niatur, ad manum erit defensio probatioque (ut videtur) sufficiens; nedum ad obstandum uxoris & propinquorum conatibus circa redintegrationem cohabitationis, sed etiam (si tacita acerbitas sedear animo infixæ) ad excludendam uxorem ab usu & commodo propriæ dotis. Uxor enim propter adulterium, *c. plerumque. de donat. inter vir. & uxor. l. consensu. C. de repud.* imò etiam propter osculũ & commune cum viris lavacrum vel balneum amittit dotem, Bald. in *c. tua. de procur. gl. in l. 1. ff. de variis & extra ordin. sive agendo sive excipiendo, adulterium, vel ludus impudicus per maritum manifestetur. Præpositus in d. c. significasti. in fine, Paris. cons. 54. in fin. vol. 4.* Nec solam dotem amittit uxor propter adulterium, sed & arras atque parapherna. *glo. in d. c. plerumque. Lodovic. Roman. sing. 311. Ias. in l. 2. ff. sol. matr.* Denique amittit etiam acquisita constante matrimonio. *lo. Lupi in repet. rubr. de donat. inter virum & ux. §. xx. col. 1.*

Quod ad tertiam questionem attinet, nec expeditum nec consultum videtur, ut à sede Apostolica de tota re cum omnibus circumstantiis informata petatur sententia divortii & separationis, parte adversa aliter non vocata: quomodo judicium actæque contra N. ministrum habita, quamvis præjudicium sint factura in alio judicio, sufficientia tamen non videntur ad quicquam statuendum contra uxorem, etiam per sedem

Aposto-

17 Apostolicam absque nova instantia & exercitatione iudicii. *l. prolatam. C. de sentent. & interlocut. omnium iud.* Nam quamvis Pontificiæ potestatis plenitudo sit amplissima, ita ut non ligetur solemnitatibus meri juris civilis; *c. in causis. de re jud.* citationem tamen & vocationem partis, quæ est de jure naturali, prætermittere non potest, *Dec. consil. 498. & consil. 528.* ac ea prætermissa aliquem non auditum nec defensum jure suo privare. *Paul. de Castr. consil. 178. donatio prædicta. vol. 1. Felin. in c. qua in Ecclesiis. de constitution.* Nisi consideremus, quod ad hanc speciem attinet, agi de sola cohabitatione, quæ ad possessionem refertur, qualicium est Principi partem non citatam privare. *Dec. consil. 191. col. 3. ad finem. Quod Bald. consil. 355. ad evidentiam. col. 2. lib. 1.* putat procedere, etiam nullo processu habito, dum tamen utatur plenitudine potestatis. *Aymo Craver. consil. 5. num. 6.* Ad quam plenitudinem potestatis recurrédum non existimo, propter difficultatem impetrandi, & quia, ut maxima sit benignitas Pontificis, in ea exercenda, nunquam tamen id obtinebitur, ut uxor excludatur à iudicio & defensione sua proponenda, si quando pro innocentia sua audiri desideret: & commodius magisque expeditum puto, ut (si Dominus L. conniventia taciturnitate & auctoritate ex Dei iudicio & canonum dispositione data quoad quietem conscientie

non sit contentus) ad Pontificem recurratur, & expositis per supplicem libellum urgētibz coniecturis & præsumptionibus adulterii, petatur, ut per modum tolerantie & dispensationis, ad evitanda majora scandala & incommoda, patiatur Dominum L. dimissa uxore seorsum habitare, donec divina gratia mitigatis utrinque animis reconciliatio interveniat, vel iudicio Ecclesiæ aliud ordinetur: quod faciliè impetrari poterit. Etenim ob scandali vel periculi 18 evitationem, justum est auctoritate Pontificis legem communem relaxare; & quod alioqui in pluribus bonum est, si in aliquo particulari casu non sit bonum, determinatè in particulari illo casu servari non debere: *Innoc. in c. ad nostram. de statu. regu. Abbas in c. non est de voto. & in c. de multa. de prob.* veluti jejunia præcipiuntur ad reprimentam carnis tentationem, quo præcepto quamvis teneatur & is in quo periculum illud tentationis cessat, *Cle. causam. de heretic.* iusta tamen est in eo dispensatio ac legis relaxatio. Quod idem est in prohibitione matrimonii contrahendi vel relaxandi in certis gradibus & casibus. *c. si. de divor. Anho. consil. 373.* Et inter causas dispensandi circa matrimonium aut cohabitationem, præcipua est fornicatio, periculum aut scandalum. *c. quia circa. de consang. Ro. consil. 397.* Cæterum quamvis iusta causa tolerantie & dispensationis sublit,

non video tamen quo modo aliter hæc indulgentia obtineri possit, quam illimitatè, & absque commemoratione certi temporis, donec scilicet Dei benignitate reconciliatio interveniat, vel ab Ecclesia aliud ordinetur. Nam periniquum foret & durissimum, uxorem à defensione excludere perpetuo aut ad certum tempus per dispensationem, cum possit ipse Dominus L. si velit, absolurè ab illius consortio liberari, ipse iudicium instituere, & probata fornicatione, sententiam separationis referre.

QUARTÆ quæstionis resolutio magna ex parte ex superioribus dependet. Nam probata fornicatione uxor non solum bonis per Dominum L. militia vel alia prospera fortuna quæsitis carere debet, sed etiam propriam dotem & parapherna amittet, d. c. *plurunque*. si Dominus L. mores ejus postea non approbet, eique ignoscat: nam adulterium justam causam præbet amittendi dotem, gloss. *notab. in d. c. fi. de adul. Præpositus in d. c. plurunque*. omniaque lucra & commoda nuptialia, quæ aliàs ex pacto vel consuetudine deberentur, d. c. *plurunque*. & ibi gloss. *in verb. dotalitium d. l. consensu. C. de repud. Bartol. Cassaneus in consuet. Burg. tit. des droictz & appartenances aux gens mariez. §. 6. super verb. dome. vers. fin.* Quod pertinet elegans traditio Decii, in l. 1. C. unde vir & uxor. dum distinguit an diremptio matrimonii fiat quoad

thorum communi utriusque consensu, aut aliter ex justa causa, aut denique sine justa causa, ut videlicet prioribus duobus casibus commoda juraque matrimonialia cessent. l. 1. §. 1. ff. unde vir & uxor. Tertiò verò, quando absque causa separatio ob quampiam fortè cōtroversiam facta est, durer administratio, ac commodorum acquisitio, perinde atque si nulla separatio facta esset: quod latius confirmat Andr. Tiraq. de retract. conf. §. 10. gloss. unic. num. 17. Cæterum in hac specie non caret scrupulo, an sufficiat quod Dominus L. uxorem in vita dimiserit, & rejecerit, an verò exigatur, ut etiam egerit, & sententiam obtinuerit, ad hoc ut hæredibus salva sit hæc actio. Nam quamvis dimittendo arcendoque à se uxorem, satis testetur se illi non indulgere, aut mores approbare, tamen si in vita sua eam non accuset, aut conqueratur, non videtur expedita fore hæredibus actio ad amissionem dotis, aut exclusionem ab aliis commodis ob adulterium, quod ad notitiam Domini L. pervenit: l. rei jud. vers. hæredi. & ibi Bart. ff. solus. matri. Abh. & Præpos. in d. c. plurunque. Ias. in l. fororem. C. de hi quib. ut indig. Cyn. in l. fina. C. de revocand. dona. Bald. consil. 302. & 303. vol. 3. nisi consideremus facilius à commodis matrimonialibus uxorem excludi, quam dote privari, cum ad amissionem commodorum sufficiat eam culpa sua marito non cohabitasse. Cassaneus.

loco

*loco præcitato.* Quod tamen affirmare non ausim, tutius existimans, ut si in vita Domini L. adulterium non detegatur, amicabile conventionē, quæ semel providè tentata fuit, & cujus adhuc bona videtur occasio, in hac re prospicere.

POSTREMA quæstio difficultatem non habet. Nam cum confessiones aliaque acta in uno iudicio facta inter easdem partes profint, & noceant in alio iudicio, etiam si apud arbitros habita fuerint, *l. jubemus, in fine. C. de lib. causa. l. penult. §. si. C. de arbitr.* dubium non est quin acta confessionesque N. ministri toties repetitæ coram providis honestissimisque viris iisdemque Commissariis Reg. Majest. quocunque loco prolatae, contra eundem plenam fidem sint habituræ: maximè considerata effractione carceris, quæ imminente condemnatione conscientia scelerum facta intelligitur, considerata quoque verisimilitudine rei & circumstantiarum, quæ in confessionibus ejus deprehenduntur.

## CONSILIUM LXII.

## SUMMARIUM.

- I. *Solius sacerdotis dicto non fieri, eorum qua tractantur.*

QUANDOQUIDEM in multiplici & varia testimoniorum aliarumque probationum æstimatione & ponderatione semper id

amplecti convenit, quod verisimilitudini, naturali sensui, ac veritati juris magis est consentaneum, *Zaaius cons. 1. num. 8. lib. 1.* magna spes est amplissimum hunc Senatum non approbaturum sententiam magistratus Antverpiensis contra Dominum de Liedekercke, &c. originalem Reum conventum, nunc Reformantem, latam pro intentione viduæ quondam domini Guilielmi vande Werwe, & consortium, quæ nullis legitimis probationibus manifestata, etiam à communi hominum sensu, & naturali ratione, ipsaque verisimilitudine aliena videtur. Siquidem ex libello cõventionis manifestum est, ipsum dominum Guilielmum, ejusque viduam & consortes (quavis incertis vestigiis hærentes, magnam vacillationem in concludendo admisierint) unam tamen causam agendi duntaxat, eamque certam & limitatam proposuisse ab initio, & in ea usque ad finem litis perseverasse, quippe quod quondam Domina Joanna van Berchem plebano Antverpiensi declarasset, sibi à defuncto marito injunctam restitutionem injustè retentorum, ex certis prægnantibus causis, ipsi plebano declaratis, his verbis: *in 1. libello exhibitio 10. Januarij, anno 1558. Hoe dat wijfen haren man in sijnen leven ende spooch ober langen tijt hun hadden bevonden ghehadt in hunne conscientie belast/ ende ander sijn ghehouden te zijn*

T t t 3

inder

inder Hupsbzoutwen des Wens-  
leggers ende haerder Suster/  
ghetrout hebbendeden boozsz  
ghebuechd/ euyt eenige goede  
ende pzegnante cause ende sa-  
ke / die sy den boozsz opper-  
plebaen ofte Pzochiaen ver-  
cleerde oft te kennen gaff/ &c.  
Ita ut siue ulteriorem deductio-  
nem, siue testium productionem  
respiciamus, necessarium fuerit  
Agentibus originaliter, nunc Op-  
ponentibus justificare libellum  
suum ex causa specificè deducta,  
& non ex alia: *Innoc. in c. ex parte, de  
privi. Bart. in l. 1. de edendo. c. Abbate,  
de re jud. in 6.* exprimendo enim  
unam causam, videntur illam dun-  
taxat, & non aliam in iudicium  
deduxisse, adeò quòd nec vigore  
clausulæ *petens sibi iustitiam ministra-  
ri*, &c. ex alia causa accumulata,  
vel postea probata sustineri, vel  
justificari possit libellus, qui (ut  
elegantè scribit Bartholomæus  
Solinus *consil. 39. incip. Visis & inspe-  
ctis, num. 19. vol. 1.*) ex una certa cau-  
sa propositus, nunquam trahitur  
ad diversam & aliam alterius na-  
turæ & formæ; *Bald. in l. 2. C. de pet.  
hæred.* maximè in rei vindicatione  
& reali iudicio, in quo prior sen-  
tentia lata videtur, & in quo spe-  
ciali ratione est constitutum, *l. &  
an eandem. §. actiones, & l. si mater. §.  
eandem. de except. rei judic. & d. c. Ab-  
bate.* quod si Actor allegans unam  
causam dominii vel restitutionis  
faciendæ, non possit eam probare,  
reverti nequeat ad aliam. Quod

valde urget & coangustat Oppo-  
nentes, à quibus tamen si explicite  
& directò causa specifica non pro-  
ponatur, tamen per relationem ad  
testificationem parochi (à quo in-  
citati, instructi, & informati vi-  
dentur) & ad declarationem illi  
factam, sese astrinxisse videntur  
specificæ causæ illi declaratæ, &  
quam ipse parochus priorè sua de-  
positione in administratione bo-  
norum ad Opponentes pertinen-  
tium constituit: sic ut non solum  
necesse fuerit Opponētibus osten-  
dere obligationem, & enixam do-  
minæ Joannæ voluntatem & com-  
missionē restituendi, verumetiam  
sustinere causam illam præhabitæ  
administrationis, veluti finalem &  
substantialē, & ad quam limita-  
ta fuit agentium petitio, *d. c. Ab-  
bate.* ac (ut ipse parochus in sua pri-  
ma depositione asserit) restitutio-  
nis obligatio & commissio. Nam  
præterquam quod non stetur con-  
fessionì defuncti, nisi & causam  
debiti expresserit, *l. Aurelius. §. si. de  
liber. leg.* clari juris est quòd quoties  
certa causa ob quam, & ex cujus  
radice enascitur obligatio, expri-  
mitur à testatore in ultima volun-  
tate, *Bald. in l. 1. num. 12. & 17. C. de  
sal. caus. adjec.* vel ab Actore in li-  
bello, *d. c. Abbate.* non subsistere pe-  
titionem, vel obligationem, si cau-  
sa non probetur, aut deficiat, *d. c.  
Abbate. & Bald. in d. l. 1.* etiamsi di-  
camus alioqui in dubio præsumi  
causam aliquam, aut probationem  
ejus non exigì, quando constat  
defunctum

defunctum restitutionis gratia quippiam dedisse, vel reliquisse: adeo quod etiam legatum & fideicommissum, quæ plerumque à liberalitate dependent, *l. rem legatam. De adimend. legat.* corruant deficiente causa illis cohærente, & cujus gratia facta sunt. *Bald. in d. l. i. C. de fals. caus.*

De quo minor est dubitatio in proposito, ubi agitur non ex liberalitate legati, sed ex famosa obligatione restituendi orta (ut clarè deponit ipse plebanus *in depos. coram D. Parys fact.*) occasione administrationis bonorum ad Opponentes pertinentium, his verbis: **Wt sake van administratie van haren goeden / die hy bekende gehadt te hebben / daeromme dat hy in sijn conscientie hem bevonde bezwaert.** Quæ verba sunt præcisa, & habentia specialem & respectivam causam, in qua fundatur restituendi obligatio, & ad quam agentium intentio petitioque in ipso libello *per relationem* limitata est, ita ut in ea consistere necesse sit, sive intelligamus reali sive personali iudicio actum esse, *Bartol. Sofin. d. consil. 39.* & nullius alterius causæ, quæ vel latere posset vel concurrere, consideratio vel probatio admittenda sit. Certam enim causam ab initio propositam absque variatione Actor prosequi tenetur, *Auth. qui semel. C. quomodo & quando jud.* cum probationem, quæ non concludit, secundum libelli quali-

tatem sequi debeat absolutio; *l. habebat. de institoria. Spec. in tit. de teste. §. i. vers. Sed pone egi. latè Rom. cons. 110.* usque adeo ut quamvis confessio, agnitioque alienæ rei injustè de tentæ in præjudicium monasterii, vel alterius pii loci legitime probata propter exonerationem conscientie, nulla alia causa addita, sustineatur, *Math. de Afflict. decis. 164.* tamen cum ex certa causa hujusmodi confessio emittitur, ipsa obligatio proportionatur suæ causæ, & ex subsistentia vel defectu causæ metimur validitatem vel invaliditatem rei declaratæ, vel confessatæ; maximè quando in depositionibus testium (quæ ex addita ratione limitantur & coarctantur *Doct. in l. cum res. C. de prob.*) exprimitur, vel per Actorem in libello suo proposita deductaque est. Et hoc est quod ubique est traditum, Causam in libello deductam verificari debere, *c. examinata. de iudiciis Ro. d. cons. 110. & Bart. Sofinus d. cons. 39.* & probationem, quæ non concludit, secundum qualitatem debiti in libello deductam censeri inutilem. *Rom. d. cons. 110.*

CÆTERUM si quis veritatem præsentis negotii rectè ponderet, omniaque in actis deducta diligentius excutiat, apertè deprehendet causam præhabitæ administrationis à parochio conspirante cum agentibus assertam, *in d. testis. coram D. Parys.* & ex illius admonitione ab Agentibus *per relationem* in libello deductam, prorsus vanam & erroneam



& erroneam esse, aded quod ipsi agentes, *in script. Replica sua post princ.* quantumvis inviti, non obscure derelinquere cogantur specialem illam ex causa administrationis obligationem, confugiendo ad vagam, incertam & prorsus indeterminatam, ac non verisimilem causam, quæ vel latere, vel concurrere possit; prout etiam ipse parochus instigator Agentium (ut videtur) magnamque affectionem causæ gerens contra dominum Reformantem, edoctus in progressu litis administrationis causam deficere, per manifestam contrarietatem rationem administrationis & obligationem restituendi inde natam prius clavis verbis, formaliter, & cum juramento coram domino Parys depositam, in iterata sua depositione coram Commissariis Antverpiensibus dereliquit, & per generalem negationem inficiatus est, deponendo sese ignorare causam restitutionis, nec de ea defunctam à se fuisse interrogatam, his verbis: **Sonder dat hy Deponent weet waer aff ofte upt wat oorzake de voozsz Heere Jan S. inde voozsz restitutie gehonden was / overmits dat hy Deponent 't selfde niet en brachde / ofte van de voozsz Joffvrouwe en ondersochte / ghemerckt hy Deponent hoorde / dat sy bereedt was om de voozsz restitutie te doen / ende midts dat sy ghebruyckte woorzen van resti-**

tutie / ende odiens was sulcke saken te onderbragen. Per quæ penitus subvertitur, perimitur & aboletur causa illa administrationis prius à parochi tanta constantia & certitudine asserta, & ab agentibus indubitabili signo relationis in libello proposita, in verbis illis: **Wt eenige gorde ende pzegnante cause ende sake die sy den opperplebaer ofte pzochtaen berleerde ofte te kennen gaff / &c.** quæ non possunt verificari in generali & indeterminata restitutionis allegatione; aut obligatione, sed specialem, & à parochi prius temere jactatam & testificatam, velut ex ore defunctæ auditam causam restitutionis respiciunt, & ad illam limitantur; sic ut ea revocata à pastore, & posteriore contraria depositione perempta, corruat tota Agentium intentio & probatio, *Rom. & Soff. conf. pract.* propter deficientem specialem causam, ad quam prior parochi depositio, & ipsius libelli propositio specialiter fuit limitata, *d. c. examinata. & Bartol. Soff. d. consil. 39.* efficiaturque ut propter evidentem illam contrarietatem & repugnantiam parochus non solum testimonii fidem amittere, *l. 2. & l. qui varia. De restitu. l. eos. & ibi Bart. ad leg. Cor. de fals. Dec. conf. 8. Paul. Paris. conf. 61. num. 1. lib. 4.* verum etiã indignationem aliquam iudicis sustinere debeat. *Bald. in l. presbyteri. C. de Episc. & Cler. & in l. data opera. C. qui accus. 10. Mar. de Riminald.*



*Riminald. conf. 48. per totum. volum. 1.* Testis enim, si simpliciter diversa dicat, & multò magis si contraria ex intervallo, habetur ut varius, & puniuntur, dummodò varietas sit circa negotium principale, vel circa circumstantias negotii principalis. *Bart. in l. de eccl. de falsis cum multis similib. alleg. per Antonium Capicium, in decis. Concili. Neapol. decis. 142. num. 3. & sequen.* Et quoties testis primò unum dixit, deinde aliud, irritum est secundum, imò neutrum valet, dummodò primum etiam fuerit juratum, quia convincitur necessariò de perjurio, ponendò se inter duo iuramenta contraria, *Abb. in c. per suas. in ult. col. de probat. & in c. cum in tua, in ult. col. de testib. Bart. in d. l. eos. latè Capicium in d. decis. 142. & Io. Mar. de Riminald. conf. 48. num. 11. & sequen. vol. 1.*

Quod magnam animadversionem habet, ostenditque ejus, quod dictus parochus testatur, nullam rationem habendam, & causam ab initio propositam deductamque non solum non verificari, sed in contrarium labefactari ac everti, & consequenter totam actionem, uti fuit ex informatione & prima illa iactatione parochi intentata, infirmari, & ad irritum recidere; ita quòd nec ex postea accumulata causa legati & liberalitatis à defuncta erga Dominum Guilielmum vander Werve demonstratæ (ut prætenditur) confoveri aut sustineri possit;

maximè quia liberalitatis & legati allegatio non cohæret, sed ex diametro repugnat (ut mox diceretur latius) necessitati restituendi ad exonerationem conscientie ex antecedenti obligatione injustè retentorum.

Proximum est prædictis, quod etiam si derelictis his angustis designatæ ac declaratæ ab initio causæ concedamus Agentes ex simplici restituendi obligatione & ordinatione dominæ Joannæ ex mandato defuncti mariti, & ad exonerationem utriusque conscientie processisse, nulla addita speciali causa contractæ injustitiæ, nihilo magis tamen in sua petitione obtinere potuerunt propter deficientem idoneam probationem ejus quod defunctus maritus uxori injunxisset, & ulterioris ordinationis ac voluntatis defunctæ, ac repugnantem verisimilitudinem, atque adeò ipsam veritatem multis argumentis & rationibus in contrarium deprehensam & detectam.

Quod ut explicatè intelligatur, ac commixtio diversarum rerum (quæ plerumque confusionem invehit) evitetur, paulò plenius demonstrandum est, primo ipsum parochum, qui solus de hac injustitia & restituendi obligatione testificatur, totamque illius assertionem & depositionem per se spectatam, probationem non inducere. Secundò ex accessione seu conjunctione aliorum testimo-

Vuu niorum

niorum & argumentorum, quæ ab Opponentibus coacervata sunt, non juvari nec confirmari id quod de hac restituendi obligatione & ordinatione parochus deposuit. Tertio, quod si aliqua dubitatio, vel ex dicta depositione parochi per se spectata, aut ex conjunctione syngrapharum, librorum, ac aliorum testimoniorum inducta videretur, eam discuti & removeri per evidentiam rei, qualiter personarum, aliasque rerum circumstantias & verisimilitudines, ac propositum & tractatum præcedentem de providendo juniori filix Domini Reformantis secretè, & per interpositionem alienæ personæ.

Et primò quod ad depositionem parochi propius convellendam attinet, ad manum sunt multa, quibus depositio illius eliditur, ex quibus primum locum illud tenet, quod sit singularis & unicus, nullumque alium contestem habeat qui de restitutione illa, aut restituendi obligatione & commissione aliquam significationem faciat; ideoque fidem testimonii non meretur, *l. jurisjurandi. C. de testib. non habita ratione ejus quod à plerisque Lapo. alleg. 94. & August. Beroio quæst. 12.* est traditum, sacerdoti in eo quod sub sigillo confessionis aut conscientie accepit, fidem habendam esse, quia assertio illa justis rationibus ab aliis retunditur, & errati convincitur, ut prioribus consiliis latissimè de-

monstratum est. Et præterea illi ipsi, *Lap. & Bero. loc. præcit.* qui sacerdotum fidem in hac re intendunt & amplificanc, loquuntur in actu confessionis & de distributione facta, in qua velut de proprio facto assertioni standum dicunt, *ad solam excusationem sacerdotis. qui distributionem fecit:* quod nullam similitudinem habet cum præsentihypothesi, in qua non agitur de confessione vel dependentibus ab illa, nec etiam de distributione facta ad excusationem solius sacerdotis, sed de mandato & commissione famose restitutionis faciendæ in maxima quantitate, & in præjudicium alterius quam ipsius sacerdotis; ita ut ipsa facti qualitas & terminorum diversitas prædictam decisionem removeat, constituatque omnia sub regula juris communis, exigente plenam & idoneam probationem mandati & commissionis etiam à sacerdote & religioso faciendam, per instrumentum, vel alios testes *dem. unic. de testam.* eadem ratione qua à procuratore, *l. 1. & ibi dd. C. de procura. nuncio, l. fin. C. de exhibitis reu.* notatio Abbas & alij in *c. quoniam. contra, de prob.* & quibuslibet alijs, etiam si sint præclaræ dignitatis, & summæ integritatis, exigitur commissionis probatio, *Dd. in l. jurisjurandi. C. de test.* nõ habito respectu propriæ suæ assertionis, vel testificationis, quantumvis agatur de actu ultime voluntatis, & eo quod relinquitur alicujus conscientie vel discretioni.

NAM

NAM licet ab iis, quæ conscientie vel discretioni alicujus relinquuntur, appellatio vel supplicatio non admittatur, nec questio refricari possit ejus quod relictum est alicujus conscientie, quæ soli Deo innotescit, & in qua quis soli sibi est testis, *Bald. in l. si. circa fin. C. communia, de leg. c. statutum. §. assessorem, & ibi Doct. de rescript. in 6.* necesse tamen est sufficienter, plenè, & absolute probari de mandato & commissione cum tam libera facultate, *l. Theopompus & ibi dd. de dote preleg. expressius Alexan. in l. 1. §. 1. si quis cautionibus. Car. Ruin. consil. 32, num. 7. vol. 4. Laurent. Calcan. consil. 38. num. 8. vers. Et fateor quod mens rescribentis.* quod majorem æquitatem habet in magna quantitate, & cum agitur de actu ultime voluntatis; in qua, ne quid falsitatis incurrat, per pauciores fortè compositum, lex majorem testium numerum expostulat, ut per ampliores homines perfectissima veritas reveletur, *l. fin. C. de fideicommiss.* non habita ratione secreti, aut difficilis probationis quæ præterdicitur, & quam cessare ipsa natura negotii & qualitas ostendit, cum mandatum restituendi ex eorum genere sit quæ extrinsecam perfectamque probationem recipiunt, & in quibus nulla difficilis probationis cadere potest consideratio; nisi in hoc quoque assertionem parochi sequamur, asserentis quod defuncta voluerit restitutionem secretò, & infcio domino Reformante, fieri:

quod ab omni jure, ratione & verisimilitudine alienum est: prout etiam ab iis ipsis, qui plus fidei tribuunt hujusmodi sacerdotis declarationi, ad sui ipsius exonerationem exigitur, quod sit omni exceptione major; nec quicquam ejus personæ vel dicto opponi possit: quod non est in proposito, in quo præter singularitatem & inconstantem vacillationem, testificatio dicti parochi in ea est conditione, quod nec conjuncta cum aliis ad numerum & fidem testimonii valere possit propter evidentem, quam in testificando admisit, contrarietatem & repugnantiæ, asserendo in priore sua depositione etiam jurata specialem causam præhabita administrationis, quam in posteriore depositione removet & inficiatur, aperte negando sibi aliquam specialem causam ultra generalem ordinationem restituendi fuisse dictam, vel recitatam, quod à vitio contrarietatis excusari non potest. Nam licet Notarius aut testis, à quo minus scribitur vel deponitur quàm à partibus dictum gestumve fuit, ignorantie & oblivionis beneficio excusationem habeant, & plures testes, quorum unus plus, alius minus dicit, à contrarietate eximantur constituta consonantia & concordia in eo quod est minus, nullum tamen velamen est quo tegi vel excusari possit, si unus idemque Notarius, vel testis non omittendo, sed committendo

Vuu 2 peccet,

peccet, scribatque vel deponat id quod dictum vel factum non est, *Id. in l. jubemus. C. de prob. ut in proposito accidisse deprehenditur ex propria assertionem parochi, cujus testificatio ob id inutilis cenferi debet, cum testis in uno falsus in omnibus credatur falsus, lason in l. si ex falsis. C. de transact. Dec. consil. 8. Paul. Parisius consil. 61. num. 1. lib. 4. sive coram eodem iudice & in eodem actu testificationis falsitas inciderit, aut contrarietas & repugnantia admissa sit, sive coram diversis, & in diversis depositionibus. Latè lo. Mar. de Riminald. conf. 48. vol. 1. cum aliis similib. superius allegat.*

IN qua re minus laborandum est in proposito, propterea quod idem parochus ostendat in omnibus suis depositionibus aculeum offensus animi adversus dominum Reformantem propter præteritionem & extremam unctionem ab eo non petitam; ita quod ex perturbatione affectuum, (quibus etiam boni viri commoventur) & inimico animo, ac cum adversariis (quos ipse prius excitavit) conspirando inutiliter deposuisse videatur, *Paul. Paris. consil. 58. lib. 4. præsertim in re quæ ab omni verisimilitudine & naturali sensu aliena est, & in qua agitur de maxima quantitate cum infamia quondam domini Joannis Scheyfs, ac conjugis suæ, & præsumptione magnæ & diu celatæ injustitiæ, cui resistit summa vitæ integritas, sanctimonia & fama integra, & amplissimæ*

opes dictorum conjugum à plurimis testibus concorditer comprobata. *D. Lancel. Vrsel, lud. vander VVovven, D. Henrici van Berchem, & aliorum.* Nam si (ut inquit Cicero) boni nullo emolumento impelluntur in fraudem, & is qui alienum detinet deliberato animo restitutionem constituere debeat, eamque promptè, statim & verè facere, propter definitam circumstantiam temporis in actu restitutionis rei alienæ, cujus omissio, quocunque tempore procedat, adversa sit ipsi justitiæ, *Divus Tho. & Cajetan. secunda secunda, quæst. 62. artic. ultim. nisi propter paupertatem & inopiam fiat dilatio; c. quam. & ibi gloss. & dd. de usur. in 6. gl. Dyn. Anch. in c. peccatum. & ibi quocunque Did. Couvar. 2. part. §. 5. in pr. de reg. jur. in 6. quis credat vel dominum Joannem S. in felicissima fortuna, in summa vitæ integritate & moderatione quid alieni occupasse, aut illius restitutionem post mortem distulisse, & uxori demum in mortis articulo communicasse, ipsamque uxorem mulierem sanctissimam, locupletissimam, & quæ magnam liberalitatem in pia loca & erga pauperes exercuisse ostenditur, multisque viris ecclesiasticis confessa est conferendo de rebus ad conscientiam pertinentibus, absque ulla hujus injustitiæ commemoratione (ut à multis gravibus, & magnæ auctoritatis personis deponitur) demum post multos annos, & extremo vitæ tempore*

tempore hanc restitutionem voluisse facere per parochum domino Guilielmo seu sororibus mariti sui, quibus antea multoties per mutuum subvenerat, & reditum adhuc duranti à domino Guilielmo acquisierat, in quo, si aliqua restituendi fuisset obligatio, aut voluntas, longè facilius erat compensandi occasio; sic quòd non cadat in sensum hominum, nec naturali rationi conveniat hujus restitutionis cogitatio: quod dominos Judices plurimùm movere debet. Nam quod rationi, aut communi rerum eventui non est consentaneum; nec arripi, nec in cognitionem admitti debet; ad cò quòd rei non verisimilis probatio vix recipiatur, etiam per ampliores homines, *latè And. Tiraque. in l. si unquam. in prafat. C. de revoc. donat. & judex, in cujus cogitatione, moderatione arbitrioque tota probationum materia confistit, in hujusmodi negotiis etiam ejus testimonii fidem explorare debet, quod integræ frontis homo dixit, l. quasitum scio, de testib. ex quibus plenioribus probationibus propter rei magnitudinem, verisimilitudinem, ac circumstantiarum qualitatem. l. 3. §. ejusdem de testibus. Quæ omnia hic parochi dicto refragantur, qui solus & singularis est ac sibi ipsi contrarius, magna suspicio ac concepti odii contra dominum Reformantem, & conspiracyonis cum Opponentibus laborans, solusque testificando in re*

prorsus abhorrente à communi sensu & verisimilitudine, propter repugnantem personarum qualitatem, opum magnitudinem, temporis lapsum, & eaque quæ medio tempore interveniunt, & commodiores occasiones restituendi, quæ profectò fuerunt multiplices.

Quibus accedit, quod (ut præsupponitur) probari posset (si res postularet) etiam illud falsum esse, quod in omnibus suis depositionibus parochus repetiit, dominum Joannem S. imminente morte mandasse uxori suæ hanc restitutionem, nec voluisse Sacramentum Eucharistiæ recipere, nisi uxor eam repromitteret, ostendendo defunctam dominā Joannam absentem fuisse sex septimanis & amplius, antequam dominus Joannes moreretur, aut periculosè laboraret, & reversam in peristasi mortalitatis maritum non esse allocutam, nec alloqui potuisse. Quod est maximi faciendum, pertinetque ad subvertendam alteram causam principaliter allegatam à parochi, & totam illius machinationem, quæ etiam cessantibus omnibus prædictis corrui ex eo solo, quòd palam, manifestè, & à fide dignis personis probetur totum hoc, quod defuncta circa obligationes controversas in persona domini Guilielmi moliri potuit, processisse ex consilio & avasamento domini Guilielmi, & ad utilitatem junioris filiae domini Reformantis, inter-

posita tantum persona domini Guilielmi, & fiducia habita, ut inferius deducetur latius.

Cum itaque propter singularitatem, contrarietatem, & suspicionem falsi ac inimicitiae, conspirationem cum adversariis, necnon verisimilitudinem, rei evidentiam, ipsamque veritatem in contrarium militantem per se inutilis sit parochi illa depositio, videndum est an aliunde vires accipere, & ex adiunctis aliorum testimoniorum depositionibus & argumentis vires accipere & confirmari possit, quod secundi articuli tractationem respicit. In quo primo dici potest usque adeo depositionem illam parochi inutilem censei, quod nullius maioris auctoritatis testimonio, aut adminiculo juvari, aut stabiliri possit; secundo, quod revolvendo diligenter omnia testimonia cum aliis argumentis curiosè ab Opponentibus conquisitis, nihil invenitur ex omnibus quod depositioni parochi conveniat, aut illi conjunctum sit, vel restitutionem urgeat, aut ex quo vel levi conjectura restituendi obligatio, aut ordinatio colligi possit. Nam legati & liberalitatis propositum, de quo deponere videtur Dominus Henricus van Berchem, non contingit restitutionem, nec illi vel per consequentiam jungitur, sed stat per se separatim & distinctum ab ignominiosa restitutione, & aliis ac contrariis causis nititur, & alias ac diversas personas respi-

cit. Nam legandi donandi que propositum habet causam liberalitatis proficiscens ab amico non obligato, cum restitutio ex injusta retentione alieni, & necessitate obligationis prodeat respiciatque (si parochi depositionem inspiciamus) utilitatem & satisfactionem sororum defuncti domini Joannis S., ubi legati propositum dirigitur, ex depositione Domini Hendrici van B. in ipsum Dominum Guilielmum & illius liberam dispositionem; sic ut personarum diversa relatio & inspectio, ac ipsarum causarum repugnantia impediat illarum commixtionem vel conjunctionem, maxime quia legati propositum (si quod fuit) non intelligitur nisi de modica quantitate, puta mille florenorum semel (quos in vita defunctae Domino Guilielmo praerogatus fuisse ex declaratione defunctae non obscure deponit soror Margareta Smolders, mater, id est, principalis Albarum sororum) vel trium milium, aut circiter, quae sub Petro van I. à defuncta relicta esse distribuenda secundum ordinationem & cedulam à defuncta acceptam, ex propria annotatione & rationibus Iervij intelligitur, & confirmatur ex eo quod Dominus Henricus à domino Reformante productus aperte testatur, defunctae propositum fuisse, ut juxta cedulam amicis quid erogaretur, & reliquum, id est principalis pecunia, vel directò vel interposita per fiduciam alterius

alterius persona, juniori filiz Domini Reformantis cederet, quod non caret verisimilitudine. Et utcunque sit, non potest hic haberi legari, vel donationis consideratio, ubi in restituendi obligatione fundata est petitio, quæ testibus de legandi voluntate & liberalitate deponentibus magis destruitur, quàm adjuvatur, propter discordiam in rebus testificatis, id est, in substantia & effectu restitutionis. *Zafius d. cons. 1. lib. 1.*

VALDE quoque impertinens est in hac re depositio domini Petri Hulshout patris Albarum sororum, deponentis de mandato & commissione sibi per defunctam data transferendarum obligationum controversarum ad parochum. Siquidem pater ille in sua restitutione singulariter est & unicus, nullumque contestem aut adminiculantem habet super actu & commissione de qua deponit; ita quòd ratione singularitatis fidem testimonii habere non debeat, *l. iurijurandi, in fin. C. de testib. c. cum à vobis, de testi.* præsertim cum agatur de mandato & commissione, cujus plena probatio exigitur. *d. l. fin. C. de exhib. Rei: & Doctor. in d. l. Theopompus.* Quod prolixius hic disputare non convenit, si unum illud adjecero, etiam probato actu ministerioque dicti patris, nihil inferri posse ad obligationis restituendi probationem inducendam, vel adjuvandam, cum ipse singularis & unicus nihil aliud asserat

secundum priorem depositionem coram Capitulo factam, & coram domino Parys in effectu repetitam, quàm nudi ministerii requisitionem de deferendis obligationibus ad parochum, nulla alia declaratione, vel adjunctione facta, ut sonant verba primæ depositionis: **Sonder hem yet meer te belasteren** &c. Ex quibus, conjunctis iis quæ ab aliis testibus ex auditu dicti patris testificantibus deponuntur, secundæ depositionis verba perpendi & coarctari debent: ita ut mandatum commissioque dicto patri data intelligatur constituisse in solo ministerio, & opera, seu actu, & sine deferendi, qui prorsus separatus & remotus est ab ordinatione, dispositione, obligatione, & sine restituendi injustè retenta; cum, ut maxime fidem habeamus huic unico & singulari testi, transmissio illa obligationum nihil commune habeat cum injusti restitutione; nec necessarium, nec probabiliter ad eam possit concludere, *pulchrè Carol. Ruinus cons. 122. nu. 4. lib. 5.* cum contingere potuerit illa literarum transmissio ex aliis causis probabilioribus (ut mox dicetur) quàm est ignominiosa illa restitutio, quam magna innocentia & recta conscientia dominæ Joannæ, ejusque defuncti mariti; & amplissimæ eorum opes cum aliis conjecturis reddunt prorsus incredibilem.

Cui adde, quod ad inducendam concordiam testium singularium



rium in loco & tempore necesse sit eos convenire in rebus testificatis, id est, in substantia testificationis, eodemque rei fine, & articulo seu puncto rei principalis. *l. utisimè Zafius d. conf. 1. num. 8. Car. Rain. conf. 1. num. 5. vol. 1.* Quod vix potest contingere, nisi in probando aliquo generali seu universali, ut in possessione, jurisdictione & similibus, *Alex. conf. 110. & conf. 116. lib. 1.* cujus nulla est ratio in presenti negotio, ubi non de generali aliquo & successivo, sed de certa & speciali restituendi obligatione & ordinatione agitur, in qua consistit substantia petitionis, & punctus seu finis totius negotii; ad quem nihil facit simplex illa deferendarum syngrapharum assertio; quæ, si mandata sit, plures alias causas habere potuit; ita ut nulla positiva illatio ad obligationem & finem restituendi inde desumi possit, cum (ut Baldus in *l. si ex cautione. C. de non num. pec.* scribit & Salicetus in *d. l. si ex cautione, in fi.* confirmat) testes singulares judicentur, nec conjungi possint, velut consentientes, si alter deponat de confessione mutui, alter de vera & reali numeratione, quæ tamen viciniora sunt & majorem symbolisationem & subordinationem invicem habere videntur, respectu ejusdem finis & debiti, quam simplex mandatum deferendarum syngrapharum ad parochum, si quod fuerit, cum obligatione & ordinatione restituendi injustè ablata, vel re-

tenta, qui finis est & scopus totius principalis negotii.

SED nec depositiones viduæ van der Steen & Ivervii quicquam momenti hîc habere possunt, cum propter lites & graves contentiones, quæ fuerunt & adhuc sunt inter Dominum Reformantem & dictam viduam ac Ivervium, ipsi viduæ atque Ivervio tanquam inimicis aut offensis, ac etiam principalibus adversariis hujus causæ testimonii fidem, jus adimat, *l. si quis. C. de testib. c. quortes. eod. titul. Masurius in titul. de testib. num. 39. in princ. Innoc. in c. inquisitionis, de Accusat. &* præterea eorum testimonia convellantur depositione Domini Henrici van B. apertè testificantis ex voluntate & jussu defunctæ clausulam illam, *Eire qui hanc seret*, obligationibus insertam fuisse, quod tamen dicti testes studio (ut videtur) deprimendi causam Domini Reformantis animosè negât, contrarium asserendo; eo addito, quod defuncta voluisset obligationes illas esse pro domino Guilielmo, quod repugnantiam personarum habet cum depositione dicti parochi, asserentis jus & obligationes prædictas duabus fororibus defuncti Domini Joannis Scheyfs; & eo amplius, retunditur depositione Joannis Laurentii testificantis Ivervium propter mendacium & inficiationem debiti objurgatû à domino Reformante tandem confessum esse, ac declarasse se ignorare, quare defuncta nomen

nomen domini Guilielmi obligationibus inferi iussisset, ob quod merito dari non debet testificationi, vel libris & annotationibus ejus, quas verisimiliter studio vindictæ (ut videtur) propter gravio-rem objurgationem Domini Reformantis, & secutas gravissimas judiciales contentiones sic attemperavit & composuit, ut, quantum fieri posset, obstarent & præjudicarent domino Reformari. Quod in abroganda fide multum valet, propter conspirationem cum adversariis, nimiamque affectionem *arg. l. final. de testib. c. fin. eodem, in 6. Rota decis. 11. in antiq. ad eorum causam, & inimicum animum adversus dominum Reformantem. Paul. Paris. conf. 58. lib. 4.*

QUIBUS accedit, quòd reipsa depositiones dictorum testium possint coargui ex eo quòd nimis affectatè de attribuendo debito personæ Domini Guilielmi ex commissione & voluntate defunctæ in libris suis laborasse videantur, quasi eo ipso defuncta voluisset omnia acquiri & solvi Domino Guilielmo, cum tamen re ipsa appareat, ipsam defunctam etiam post mutatas obligationes, & in persona Domini Guilielmi conceptas, vel concipi iussas, ad suam curam, dominium & dispositionem revocasse, ipsamque viduam vander Steen & Ivervium defunctam recognovisse tanquam creditricem, & ad illam in ea qualitate conscriptas & mutatas obliga-

tiones ac rationes detulisse, eique tanquam veræ creditrici tradidisse; quod non fecissent, si verè & serio atque animo commutandi nominis contrahendique cum domino Guilielmo mutatio syngrapharum contigisset. Quod valde movet ad malè suspicandum de depositionibus & libris dictæ viduæ vander Steen & Ivervii, qui (ut est avarum genus mercatorum & ad tergiversandum, subterfugiendumque solutionè intentum) ad quamlibet occasionem non voluisset defunctæ voluntati subjacere, & illius dispositioni permittere obligationes & rationes, ex quibus ipsi obligati fuissent dicto domino Guilielmo, cum alteri quàm cui obligamur nec respondere, necolvere soleamus de jure, & secundum rerum contingentiam: quod magni faciendum est.

ET utcumque sit de gestis cum vidua vander Steen & Ivervio ac commissione illis data, manifestum est, illos, aut eorum libros nullam restitutionis mentionem facere, & in generali nomine & vocabulo habendi seu tenendi consistere; quod nullam conjunctionem vel affinitatem habet cum famosa restitutione à parcho testificata, propter latam habendi significationem, quæ tantum enunciative & obiter testificata per se nullum est virium, & præterea quibuslibet causis habendi ac tenendi convenit, etiamsi de sola possessione aut fiducia agatur; sic quòd  
 Xxx dictæ

dictæ testificationes & annotationes librorum cum depositione parochi discordent, non solum ob nimiam generalitatem, verum etiam in eo quod parochus de re sibi secretè commissa pretendit deponere, quæ tamen secundum intentionem Opponentium, videtur vander Steen & Iervio fuisse manifestata, & quod depositio videtur vander Steen & Iervii referatur ad utilitatem domini Guilielmi, ubi ex depositione parochi tota utilitas refertur ad sorores defuncti D. Joannis sub fiducia & interpolata tantum persona Domini Guilielmi: adeo ut ipsa generalitas dictorum librorum & testificationum admissa receptaque nullam idoneam illationem continere possit, ad id quod per parochum deponitur; cum ex eo quod pluribus ex causis contingere potest, uni certæ causæ non rectè applicetur, *l. non hoc. C. unde cognat. l. neque natales. C. de probat.* maxime propter dissonantiam & diversitatem personarum & rei ac finis principalis, de quo agitur, & quem secundum depositionem parochi oporteret constituere non in possessione, aut acquisitione Domini Guilielmi, sed in exoneratione conscientie erga sorores defuncti Domini Joannis, & restituendi obligatione, & ordinatione ad quam nihil inferri potest ex dictis depositionibus & libris, etiam si nullo vitio vel suspicione laborarent.

IN qua re (quod tertium articulum respicit) nulla potest (ut videtur) esse dubitatio, propterea quod per plura & majoris fidei testimonia clarè probatum sit de alia præordinata speciali causa fiducie, per quam constituerat defuncta interpolata persona Domini Guilielmi, ac per ipsius ministerium secretè prospicere juniori filie Domini Reformantis ex proprio consilio & suggestione D. Guilielmi, ut constanter & aperte satis deponunt soror Margareta Smolders, Dominus Joannes de Neve, D. Henricus de Berchem, dominus Fredericus de Warineer, domicella Joanna Crops, Joannes Laurentii, Antonius **van der Haech** / & alii, quorum consonantia & ex conjunctione sanguinis & muliebri affectu admodum verisimilia testimonia plus ponderis habere debent in probanda speciali causa fiducie ad utilitatem dictæ junioris filie, quam solius parochi multis modis reprobata attestatio de famosa & à communi sensu abhorrente restituendi obligatione, quæ tot circumstantiis & verisimilitudinibus oppugnatur & retunditur; maxime cum ipsa quoque parochi depositio, quantumvis sagaciter composita, hujus fiducie significationem sic non cohibeat, & tegat, quin erumpat & seipsam prodatur in testificatione coram Commissariis Antverpiensibus facta, his verbis: **Segghende dat sy betet**

**beter den boofsz. Heere Wil-  
lem betroude/ dan mijn Heere  
van D.**

Ad quorum confirmationem non parum facit, quod hæc interpretatio, si quid à defuncto actum intelligamus, magis conveniat juris præsumptioni, quæ in id potius inclinat quod vitio & delicto caret, & verisimilius est, quàm quod cum delicto est conjunctum, & verisimilitudine destituitur. Delicti enim conjectura vel suspicio nunquam capienda est, sed ubique bonitatis & innocentie ac cuiuslibet alterius causæ, quæ delictum nō habet, præsumptio amplectenda est. *l. merito. Pro socio. Alexan. conf. 52. vol. 3.* De quo in specie proposita ambigendum non videtur, propter tot & tam graves conjecturas concurrentes in utramque partem, id est, ad adstruendam fiduciam ad utilitatem dictæ junioris filie, & ad removendam eam quam parochus constituit ad utilitatem sororum defuncti Domini Joannis ex causa famosa contra omnem verisimilitudinem, & cum repugnantia omnium aliorum testimoniorum, quæ nullam aliam fiducie & interpositæ personæ domini Guilielmi significationem continent, quàm ad utilitatem dictæ junioris filie & provisionem illi factam, quam frustra Opponentēs in testamento consumptam esse asserunt, cum testamento relicta sint minora & in obligationibus consentientia, non in magna

quantitate præsentis pecuniæ, quam plurimi testes deponunt illi fuisse destinatam, non per testamentum aut codicillam, sed secreto per fiduciam & interposita personā, an infcio domino Reformante: ita ut si quid egerit, defuncta hoc solum egisse credatur, quod ex præcedenti tractatu cogitasse, & ex consilio ipsius Domini Guilielmi destinasse invenitur, & cui id quod factum dicitur correspondet, cum ex huiusmodi tractatus præcedentis correspondentia, cum eo quod sequitur, certissima deprehendatur veritatis probatio. *Bakl. & alij in L. multum in crevit. C. si quis alteri vel sibi.* Ex quo tamen sustineri non potest adversariorum petitio conclusioque cum sententia infecuta, quæ non fundatur in commissione, executione, officio vel ministerio, aut accommodata fide Domini Guilielmi, sed in proprio nomine & ad propriam utilitatem Opponentium, ita quod necessarium fuerit doceri & constare de proprio jure Opponentium, ut adjudicationem aliquam obtinerent; adeo ut etiam si constaret de non jure Reformantis, & data commissione seu mandata executione Domino Guilielmo, nihil tamen hoc proficeret ad sustinendam sententiam laram, aut intentionem Opponentium, quarum fundamentum est non executio D. Guilielmo data, aut quod D. Reformans jure destituatur, sed restituendi obligatio,

commissio & relictum sibi proprio nomine, & ad propriam utilitatem factum, quod valde expendendum est; eo addito, quod si quæ fuisset executio relata ad D. Guilielmum, ea tanquam respiciens electam personæ industriam, non fuisset transmissibilis ad Opponentibus sed morte illius expirasset.

POSTREMÒ ut formula agendi attingatur, non improbabiler dici potest in omnem eventum propter nimismagnam inconstantiam & variationem malè actum, & malè judicatum esse per adjudicationem obligationum, seu pecuniarum controversarum Opponentibus factam, perinde ac si obligationum fuissent Dominæ. Nam obligationum tenor & formula nec personas, nec utilitatem Opponentium respicit, & præterea ordo & series rei gestæ ostendit à defuncta id non fuisse actum, ut dominium obligationum controversarum statim pertineret ad Dominum Guilielmum vel Opponentibus, sed quod obligationes, qualitercunque susceptæ, suæ manerent, suæque dispositioni relinquerentur, & (si parochi depositionem & allegationem Opponentium sequamur) ut demum ex ministerio alterius, & per nuntium seu procuratorem ex voluntate defunctæ alteri traditæ acquirerentur: sic ut in omnem eventum jus aut dominium in vel ad dictas obligationes Opponentibus ac-

quiri vel adjudicari non potuerit, nisi secuta effectuali traditione parochi, vel alterius sufficiens mandatum ad id habentis; quæ quidem traditio cum hic ultra mandati probationem defecerit, nihil Opponentibus asseri, vel adjudicari potuit; usque adeò ut etiam si demus, absque præjudicio tamen parochum habuisse mandatum, ac fuisse procuratorem vel nuntium deputatum à defuncta, adhuc tamen neque dominium neque jus Opponentibus asseri potuit absque reali & effectuali traditione. Nam certum est hic agi non de procuratore, vel nuntio Opponentium, sed defunctæ dominæ Joannæ, ex cujus mandato non executo alteri parti non quaritur actio, licet, quando quis ipse procuratorem ad acquirendum constituit, cessione ab illo facta jus possit prætere. *l. possessio quoque. §. et si possessio. de acq. poss.*

Id quæ eo præclivius, quod secundum depositionem parochi defunctæ obligationes illas ad ipsum perferri jussit, non ut statim fierent Opponentium, sed ut ad eas deferrentur; ita quod ipsis acquiri non potuerint ante realem traditionem, aut saltem re integra, id est manentibus apud parochum obligationibus, intervenientem ratihabitionem, quæ ante recuperatas per dominum Reformantem sine vitio & juris sui conservandi gratia obligationes intervenire non potuit, propter ignorance

Domini

Domini Guilielmi & Opponentium: postea verò, id est, recuperatis obligationibus, res integra esse desierat. Quod valde convenit rei propositæ, & in omnem eventum prosternt intentionem Opponentium habentiũ pro acquisito quod acquisitum non fuit, & quod constat defunctam si quid disposuerit, aliis acquiri non voluisse, nisi ministerio & ex traditione alterius: omitto incertitudinem quantitatis restituendæ, ac distributionis faciendæ prioribus consiliis deductam, & quæ cum aliis conjuncta removeret verisimilitudinem totius rei quæ agitur, aut saltem impedimento est intentioni Opponentium, quæ ex obligatione restituendi proposita neque in genere, neque in specie probatur, & ex omni parte est improbabilis, ac maximo periculo fraudis obnoxia, quæ omni studio præcavenda est, inclinandumq; in contrarium propter majorem probabilitatem & absolutionis favorem, qui stat pro Domino Reformante originaliter convento.

## CONSILIUM LXIII.

## SUMMARIUM.

1. *Statutum civitatis Antverpiensis de bonis fugitivorum deferendis & annotandis explicatum.*
2. *Fugitivus non ex consilio, sed ex actu fugæ quis judicatur.*

OMISSIS aliis omnibus, quæ luculentè & per varios articulos disputari possent, in causâ quæ indecisa vertitur in amplissimo Brabantix Senatu, per & inter Thibaldum Pruyn & alios suos litis consortes attestantes & actores ex una, arque Isaacum Hunderphunt, Joachimum Gashouer, & alios suos litis participes attestatos & Reos ex partibus ex altera, duos articulos in quibus præsens rei status cõsistere videtur proponemus excutiendos: priore ostendimus conclusionem actorum coram magistratu Antverpiensi propositam, & in hoc amplissimo Senatu sub iisdem penè verbis repetitam, non esse admittendam, si tanquam omni fundamentum destitutam, prorsus rejiciendam, ac contra actores pronunciandum: posterioris verò tractatio in eo versabitur, quòd actoribus nunc pòst litis cõtestationem & in calculo ferendæ sententiæ non sit permittendum, ut derelicta priori conclusione quam ex statuto Antverpiensi ceperant, aliam proponere & persæqui possint, quandiu instantiæ præsentis causæ refusus expensis, non est legitimè renuntiatum.

PRO decisione prioris articuli animadvertendum est, quòd Actores intendunt Reos oportere omnes obligationes, & alia quæcunque bona, actiones & nomina (quæ à Sebastiano Liebmauwerio acquisiverunt, aut aliàs ex manibus ipsius acceperunt) afferre ad

Xxx 3     Ampt-

Amptmannum Antverpiensem, vel ad Graphiam hujus Curiae. Quam suam conclusionem stabilire & confirmare nituntur statuto Antverpiensi, uti patet ex eorum libello proposito coram magistratu Antverpiensi in clausula: **Daeromme ende hpsundere oock gheconsidereert statuyt deser Stadt/ dicteren dat alle goeden/actien/ &c.** Ex qua clausula, & multo clarius ex eorum scriptura factorum contrariorum *articul. xxj.* hic exhibita, constat eos agere de statuto quod anno 1518. die secunda Junii promulgatum & publicatum fuit. Siquidem illius statuti primum caput in sua scriptura ferme integrum ad verbum commemorant, subinde adjectis & veluti furtim insertis aliquot vocibus, ut saltem aliqua ex parte videri posset ad causam facere. Sed nihil agunt. Adcò enim multa sunt, in quibus statutum illud à re præsenti dissidet, ut ne oborto collo quidem eò trahi posset. Quod omninò manifestum evadet, si pauca ex multis ob oculos posuerimus.

- I** In primis loquitur expresse statutum de fugitivis & mortuis, sive iis qui lapsi jam facultatibus, & facti non solvendo fugiunt, aut moriuntur, in verbis: **Doo wann neer eenighe personen 't zp Mannen oft Vrouwen alhier inder Stadt fugitijs oft afflijgh ghelwozden sullen zijn. Deinde: Op die goeden bande**

**fugitjben oft afflijbigen.** Item: **Op den fugitjben ende afflijbigen achterghelaten.** Rursus: **De crediteuren des selben fugitjben oft afflijbigen.** Unde ad alios omnes qui solvendo non sunt, extendi non debet, *l. quicquid. & ibi Bart. & alij de verb. oblig.* sed tantum in iis locum vindicare, de quibus verba ex propria & genuina significatione intelligi possunt. *l. si servum. §. non dixit. de acq. her. l. i. §. si navem. de exercito. act.* Statuta enim, ut ait Bald. in *l. testamentum non idcirco. C. de testa.* tantum disponunt quantum loquuntur: maxime quia longè diversa est ratio fugitivorum & mortuorum, quàm aliorum, qui solvendo non sunt. Nam quemadmodum in mortuo prorsus omnis intercidit spes, ut aliquando vel industria sua & diligentia, vel afflatu benignioris fortunæ creditoribus suis respondere possit; nec aliud superest creditoribus remedium, quàm ut ex bonis quæ reliquit; suum consequi studeant: ita etiam fugitivus, se animum despondisse, nec aliter se creditoribus suis consulere posse, quàm iis quæ jam reliquit, satis ipsa fuga significat. Unde statutum eodem loco illum, quo mortuum, habet; & quod de bonis ejus, qui mortuus est, non solvendo, idem de ipsius bonis in creditorem favorem caveret. At alii tamen sciunt se solvendo non esse, quandiu tamen non fugiunt, turpem animi desperationem non declarant, sed potius



potius se diligenter advigilare & totis nervis in hoc incumbere ostendunt, ut aliunde consequantur, quò suis creditoribus satisficiant. Quæ res etiam si feliciter semper non cedat, animum tamen creditoribus addit.

LIEBMAUWEIUM autem non fugisse, aut fugitivum non fuisse, quo tempore obligationes Reis cederet, extra omnem controversiam est, utpote qui adhuc postea more solito forum & bursum Antverpiensem frequentarit, & demùm publico abstinerit biduo aut triduo post cessionem obligationum perfectam: nec idè tunc fugitivum fuisse quis dicere posset, quòd cum sciret se solvendo non esse, fugiendi forsitan consilium cœperit, quia de hoc ipsius consilio non constat; & ut maxime constaret, tamen statuta in suis verbis juxta communem loquendi usum intelliguntur, arg. l. libro-  
rum. §. quod tamen Casius, juncta glos. de legat. 3. Bart. in l. Labeo. de stip. leg. Soc. Nepos cons. 10. num. 5. vol. 2. secundum quem à fugæ consilio nemo fugitivus appellatur. Et quemadmodum fur, adulter, & aleator ex sola animi propositione & ab effectu in jure non intelliguntur, sed assumpto actu, l. fugitivus. de verb. signifi. quem facere cœperunt, & per eos non stetit quominus facerent; Alcianus ibi referens Oldradum. Ita fugitivum quoque non secundum propositionem solam, & à suscepto consilio, sed cum

aliquo actu intelligi constat. Sed frustra inquiritur, an eo tempore ob fugæ consilium, quod propter magni æris alieni conscientiam alicui posset videri suscepisse, fugitivus intelligatur, cum nec postea fugitivus fuerit. Et si enim biduo aut triduo post cessionem obligationum domi suæ se continuerit, tamen cum id non fecerit in hoc ut fugæ occasione nactus se subtraheret, sed potius ut interea creditorum indignatio deserviret, fugitivus dici nequit. l. qui sit fugitivus. §. idem ait interrogatus. de adul. edict. Et hoc ipsius consilium fuisse, satis ex eo declaratur, quòd post paucos dies merces suas, negotiationes, actiones, credita, & quicquid bonorum supererat, in creditores jam miniores factos transtulit, quemadmodum latius patet ex literis Regiis 6. Junii anno 1556. datis, quibus curatores bonis à creditoribus nominati & electi constituuntur & confirmantur. juxta l. 2. de curat. bon. Quæ literæ cum contineant illum bona sua ad usum creditorum suorum tradidisse & transtulisse in verbis: **Over te geben ende te transpofteren tot behoef vanden** / &c. non tam bonis celsisse, quàm res suas creditoribus in solum dedisse videri potest. Inter quæ certum atque evidens esse discrimen explorati juris est: l. legis Julia. C. qui bon. ced. poss. bonorum enim cessione facta non licet creditoribus conditionem suam meliorem facere, quia vigilantibus

vigilantibus jus civile scriptum est; *d. §. sciendum. & d. l. pupillus.* & quod aliis creditoribus decedit, id suæ negligentiae expensum ferre debent; *d. l. pupillus.* negligentibus enim non subvenitur. *l. non enim negligentib. ex quib. ca. major.* Sed nec fraudatio aliqua, aut extorsio Reorum, quæ edicto fraudatorio locum faceret, obstarer, quominus nomina & instrumenta à dominio Liebmauwërii in Reorum dominium transissent: quia propter fraudationem nō impeditur alienatio, sed datur Pauliana ad revocanda quæ fraudationis causa alienata sunt; *l. videamus. 2. §. in Faviana. de usur. tit. ff. & C. quæ in fraud.* ita ut nec hoc casu statutum huc spectaret.

EODEM pertinet, quod statutum disponat de bonis fugitivorum & mortuorum primo arresto impeditis, in verbis: **Daer dat d'eerste besetzele op die goeden bande fugitiven oft aslijvigen ghedaen sal zijn:** quod nec ipsum his nominibus & instrumentis debitorum accommodari potest, ut quæ in solum data fuere, antequam bona Liebmauwërii aliquo impedimento vel arresto afficerentur, imò antequam de ipsius insolventia publicè constaret.

ACCEDIT, quod statutum nō jubet, ut ii qui bona fugitivorum & mortuorum occupant, ea ad Amptmannum deferant, sed ut ipse Amptmannum tanquam offi-

ciatus & potestate atque vi officii sui simul atque primum arrestum factum sit, bona mortuorum & fugitivorum apprehendat, inventarium auctoribus duobus Scabinis de iis conficiat, & suo periculo custodiat, donec creditores, &c. Ita ut actores omninò temerè vigore hujus statuti intendant Reos oportere nomina & instrumenta ipsis legitime cessā ad manus Amptmanni Antverpiensis vel ad Graphiam hujus Curiae referre. Nihil enim tale eo statuto caveatur, sed si accuratiùs integrum statutum expendatur & investigetur, quæ fuerit condendi ratio, quis scopus ipsius sit, & intentio, liquiddò constabit, longè aliud statutum velle, quàm prætendunt Actores. Nam cum creditoribus non sit permixtum bona debitorum, qui foro cessere, propria auctoritate dividere, & jure domini detinere; sed custodienda sint, quoad legitime venerint. *d. l. legis. C. qui bon. ced.* Qui autem custodire & curare velint, sæpè non inveniantur, propter arduas & perplexas difficultates, quas hujusmodi cura secum trahit, & nemo invitus cogatur fieri bonorum curator, nisi propria auctoritate bona dividere, & jure domini detinere; quod licet, dum in solum data sunt. *d. l. legis.*

DEINDE loquitur statutum de bonis sitis & inventis in civitate Antverpiensi & ejus limitibus, in verbis: **Binnen deser stadt ende vyphyeft gelegen cñ bevonden.**

Quo

Quo sermone nomina & instrumenta debitorum, quæ reis cessa & in solutum data sunt, non comprehenduntur: præsertim in statutis, quæ, quod stricti juris sunt, *dd. in d. l. quicquid.* strictam interpretationem accipiunt, *l. 3. §. hæc verba. de neg. gest.* cum nec in ultimis voluntatibus, quas plenius interpretamur, *c. cum dilecti. de donat.* appellatione eorum, quæ in loco sunt, contineantur nomina & instrumenta debitorum. *l. uxorem. §. legaverat. l. si mihi mœnia. de legat. 3.* Unde cum Cajus Sejus legasset domos paternas, in quibus habitabat cum omnibus quæ ibi sunt, respondit Julius Paulus, in cæteris quidem legatario locum esse, nomina verò debitorum non contineri, *l. Cajus Sejus de legat. 2.* quemadmodum nec instrumenta, etiamsi testator dixisset, nullo omnino excepto cum omni instrumento. *d. l. si mihi mœnia, in fin. Castr. ad d. l. Cajus.* Nec his adversatur quod statutum inter bona sita & inventa in civitate Antverpiensi exprimat redditus hereditarios, (**erff-renten**) quia hujusmodi redditus, ratione possessionum super quibus sunt assignati & hypothecati, in loco dicuntur esse. *arg. l. si aliena. §. 1. de usufruct. not. in l. 1. de usufruct. leg.*

Et tanè cum una pars statuti aliam declaret, *art. l. qui filius. in pr. & l. si servus plurium. §. fin. de legat. 1. Bart. in l. prætor. §. eritque. num. 1. de vibo. rapt. Soc. Nep. cons. 9. nu. 5. vol. 2.* Statutum de nominibus debito-

rum intelligendum non esse, satis indicant sequentia capita, quæ perfecta & subsecuta evictione, jubet bona evicta, de quibus in hoc primo capite sit mentio, in foro Veneris subhastari, & publica præconis voce distrahi: quod ad nomina & instrumenta debitorum, ut & illa subhastentur, & publicæ auctioni in Veneris foro subpiciantur, commodè referri non posse videtur.

RURSUM statutum agit de bonis fugitivorum & mortuorum, in verbis: **Woerdende by den fugitijven ende aslijvighen achtergelaten** / hoc est de iis bonis, quæ erant adhuc in dominio morientis vel fugientis, post mortem vel fugam relictis. Sed instrumenta & nomina debitorum, quæ reis in solutum data sunt, jam dominium Liebmauwerii exierant, & Reorum dominio accesserant; *d. l. legi in si. & ibi Bald. & Salyc.* ut etiam si Liebmauwerius fugitivus postea fuisset, & alioqui statutum intelligeretur de nominibus & instrumentis debitorum (quorum neutrum verum esse ex præcedentibus manifestum est) tamen adhuc ad casum præsentem non pertineret. Nec est quod quis existimet nomina hæc & instrumenta, tametsi Reis cessa & tradita, nihilominus in dominio Liebmauwerii ideo mansisse, quod in fraudem aliorum creditorum id factum videatur. Quia certum est cum nullam fraudem facere, qui quod sibi de-

Yyy betur

betur recipit, si nihil aliud præter factum concurrit. *l. quod autem. §. apud Labeonem. Quæ in fraud. cred. l. nihil dolo. de reg. jur.* Et eo jure (inquit J. C. in d. *l. quod autem. §. sciendum.*) utimur, ut qui debitam pecuniam accepit, antequam bona debitoris possideantur, quamvis in eo essent ut venirent, *l. pupillus. quæ in fraud. cred.* ac sciens solvendo non esse, recipiat, edictum tamen fraudatorum non timeat; sibi enim vigilavit, ac proinde ex magna necessitate & Imperatoris arbitrio, d. l. 2. §. *quæritur. de curat. bo. dan.* ne bona magno creditorum damno perirent, constitutum est à Senatu Antverpiensi, ut saltem ipse Amptmannus cogatur ratione officii sui bona mortuorum & fugitivorum apprehendere, & tanquam succenturiatus curator custodire. Quo modo exaudito statuto, quemadmodum omnino exaudiendum est, neque jus commune læditur, neque otiosè aliquid speciali provisione statuti conceditur, quod jure communi concessum erat; *contra l. 1. ad munic. l. imp. de privil. cred. l. 1. C. de thes. lib. x.* sed subsidiarium auxilium inducitur, quo in propolita specie opus non est: *l. in cognitione 2. de minorib.* quia jure communi d. l. 2. *de cur. bo. dand.* curatores ex consensu actorum constituti & Regio rescripto confirmati sunt.

SED hæc satis & super, ne ridiculè videamur solem facibus illustrare velle: nam ex istis omnibus

tum singulis & per se consideratis, tum multo magis simul junctis luce meridiana clarius evadit, quàm statutum illud, in quo actores basim suæ conclusionis ponunt, nihil ad rem propositam faciat: quia, ut dispositio alicujus statuti obtineat, necesse est omnes ejus qualitates in casu, de quo agitur, locum habere: *lo. an. Andr. in c. pro humani. de homic. lib. vi. Bald. in l. si quis non dicam rapere. C. de episcop. & cleric. Anchoran. consil. 263. jure divin. num. 1.* maxime quando per statutum aliter disponitur quàm de jure communi, quia tum disposita per tale statutum sunt tanquam substantialia & pro forma observanda. *Anchor. consil. 241. ex tenore privilegii in si. latè Felin. in c. cum dilectis. num. 6. vers. novum signum. & num. 9. de rescript. Soc. Nepos consil. 2. num. 7. vol. 2.* At hic non solum qualitates, sed etiam verba & sententia, atque adeò ipsa dispositio statuti non conveniunt rei, ad quam stabilendam statutum adducitur.

## CONSILIUM LXIV.

## SUMMARIUM.

1. Anglia mercatorum privilegium de non solvendo vestigali, nisi semel in duobus Belgicis.
2. In transitu aut reflexu itineris facta non considerari.

IN lite, quæ vertitur in amplissimo Senatu Brabantiae inter Guber-

Gubernatorem & alios Præfectos inclytæ nationis Anglicæ, Impe-  
trantes ex una, & Commissarios  
seu collectores vectigalium Sere-  
nissimi Regis nostri in Ducatu  
Brabantæ, præcipua difficultas  
dependere videtur ex interpreta-  
tione intercursum & privilegiorum  
dictæ nationi & mercatoribus  
Angliæ per Illustrissimos Principes  
harum ditionum indultorum,  
quæ tamen principaliter ad ipsum  
Principem pertineat, *l. ex facto. ff. de  
vulgari & pupillari.* incidenter ta-  
men & quatenus non agitur de  
generalit & necessaria interpreta-  
tione, sed tantum de decisione  
particularis negotii etiam Judici  
& Jurisperitis permitti videtur:  
*Abbas & alij in c. cum venissent. de jud.  
post Innoc. in c. cum speciali. de appell.  
Dec. in l. ambiguis. ff. de regul. jur.* quod  
sequendo, pauca subijciemus sub  
correctione & beneplacito Sere-  
nissimæ Majestatis & sacri concilii  
sui, secundum quæ præsens quæ-  
stio decidi ac determinari posse  
videtur.

Et imprimis nulla est ambigui-  
tas quin mercatoribus Angliæ sit  
liberum cum rebus, navibus &  
mercibus suis liberè & securè ex  
Anglia in has ditiones venire, ac  
merces suas vel per Brabantiam in  
Zelandiam, vel per Zelandiam  
Antverpiam in Brabantiam trans-  
ferre, sub onere unius tantum the-  
lonci seu vectigalis semel præstan-  
di in loco destinatarum mercium,  
dum tamen rectam navigationem

teneant, & utriusque ditionis lit-  
tus & portus non nisi semel attin-  
gant: Et quemadmodum dicti  
mercatores pro mercibus ex An-  
glia huc importatis, ita etiam pro  
mercibus in Brabantia vel Zelan-  
dia comparatis, & in Angliam  
recta navigatione per utramque  
ditionem Brabantæ scilicet & Ze-  
landiæ destinatis liberantur vecti-  
gali uno loco semel persoluto.

NAM verba dicti intercursum  
ac privilegiorum principalium, ac  
etiam ordinationis Cæsareæ Ma-  
jestatis anno 1526. Lovanii factæ  
id tam clarè dilucideque expri-  
munt, ut neque declarationem  
neque interpretationem desidera-  
re videantur. *l. ille aut ille. §. cum in  
verb. ff. de legat. 3. l. continuus. §. cum  
ita. ff. de verb. obligat.*

CÆTERUM suboritur dubi-  
tatio (de qua hic quæritur,) An  
secundum verba dicti intercursum  
& mentem Principis idem judi-  
candum sit, quando merces ex  
Zelandia in Angliam destinatæ  
mutandarum navium causa, vel  
marinæ tempestatis discrimine,  
aut alia simili causa deferuntur in  
Brabantiam, & inde rursus verso  
itinere referuntur in Zelandiam;  
ita ut duplicata navigatione per  
reflexum contingat easdem mer-  
ces bis utriusque ditionis littora  
& portus attingere.

Et quidem prima facie secun-  
dum intentionem dictorum Com-  
missariorum seu collectorum vi-  
deri poterat hoc casu bis vectigal

Yyy 2 præstan-

præstandum esse, propter reflexum & iteratam verso itinere navigationem. Nam libertas (inquiunt) seu privilegium ex dicto intercurſu & ordinatione provisionali Cæſaris competens, hoc ſolùm Angliæ mercatoribus tribuit, ut poſſint cum mercibus ſuis veniendo, vel redeundo utriuſque ditionis fretum, aut flumina ſemel attingere, ſub onere unius veſtigialis duntaxat, in loco deſtinatarum mercium præſtandi; nec extendi poteſt ad caſum in quo bis utriuſque territorii ſeu ditionis limites & portus attinguntur. Nam hîc propter iteratam navigationem per utramque ditionem conveniens videtur, bis quoque veſtigial præſtari; tum quia intercurſus & ordinatio inſecuta, qua conſtitutum eſt ab Angliæ mercatoribus non niſi ſemel in una provincia veſtigial accipiendum eſſe, licet per aquas utriuſque provincię navigent, non niſi de prima ac una navigatione debet intelligi; *l. boves. §. hoc ſermone. ff. de verb. ſig.* tum etiam quia communi obſervatione veſtigialia regulariter præſtantur propter uſum fluminis & tranſitum per provinciam, abſque diſtinctione deſtinationis, aut identitatis mercium.

EXACTIUS tamen & plenius expendendo omnia, putamus cõtrariam ſententiam & humaniorem & veriorem eſſe, nempe à mercatoribus Angliæ ultra præſtationem unius veſtigialis nihil

exigendum, ſive recta navigatione non niſi ſemel utriuſque ditionis limites attingant, ſive per reflexum & verso itinere ſemel enavigato bis ad utriuſque ditionis portus & littora cum eiſdem mercibus perveniant; præſertim ſi quod eſt in propoſito, merces quæ referuntur, in locum undè per reflexum revehuntur, non fuerint deſtinatæ, nec inibi venum expoſitæ. Nam tenor dicti intercurſus privilegiorum & provisionis Cæſareæ pro eiſdem mercibus ab Angliæ mercatoribus huc advectis, vel hinc elatis non niſi unum veſtigial exigat, eoquæ perſoluto liberum eſt mercatoribus Angliæ & eorum miniſtris navigare, venire, tranſire, anchoram figere, recedere & redire cum mercibus ſuis quibuſcunque per provinciam Zelandiæ & Brabantiæ vel recto vel tranſverſo itinere, & per reflexum quotieſcunque, quodocunque & quocunque voluerint. Nam poſt generalem libertatem commerciorum Anglicis mercatoribus antiquiore intercurſu datam cum lege ſolvendi jura & thelonea, quæ ante 50. annos tunc proximè elapſos Angliæ mercatores ſolvebant, poſtea in alio tractatu ſpecialiter ita exprimitur: *Item conventum, concordatum & concluſum eſt, quòd omnes & ſinguli ſubditi regnorum & dominiorum dictorum Principum eorundemq; aliores & ſactores, negotiorum geſtores, attornati ſervitores & miniſtri, cum rebus, navibus, bonis ac mercibus ſuis*



bus suis quibuscunque ad omnia & singula terras, patrias, dominia, civitates, oppida, villas, castra, portus, jurisdictiones & districtus utriusque Principum prædictorum accedere, navigare per terram, mare, vel aquas dulces venire, morari & permorari: ibique omnium mercium genera cum quibuscunque mercatoribus cujuscunque nationis emere, vendere, permutare, & cum eisdem vel aliis bonis, navibus, rebus & mercibus suis ad alia regna, loca, portus, & ad quemcunque vel quacunque locum vel loca, voluerint recedere, & omne genus commercii invicem exercere, libere & licite valeant, juxta & secundum vim, formam & effectum tractatus intercursum mercium de data vicesimi quarti diei mensis Februarii anno millesimo quadringentesimo nonagesimo quinto, & articulorum subsequentium duræ provisione præfenti. Et rursus alio capitulo incipiente: Item conventum, concordatum & conclusum est inter nos Commissarios deputatos, legatos & procuratores prædictos nominibus quibus supra. Quod cum mercatores Anglici eorumque actores, factores, negotiorum gestores, ministri & servitores cum navibus, rebus, mercibus aut bonis suis ad oppidum Antverpia in Brabantia se conferent, non solvent ibidem neque in alio aliquo loco per terram, mare vel aquas dulces illuc navigando, vel renavigando, neque anchorando, vel ad anchoram morando, eundo, vel redeundo pro bonis, rebus, navibus aut mercibus suis theloneum Zelandiæ, vocatum **Zeeusche Tollen** / aut **Honte Tollen** / aut aliquam aliam exactionem vel impositionem, sed solvent dum-

taxat theloneum secundum taxam in privilegio eisdem mercatoribus per bona memoria Dominum Ducem Philippum olim concessis specificatam. Et cum præfati mercatores eorumque actores, factores, negotiorum gestores, servitores & ministri ad oppidum de Bergis, vel ad oppidum de Middelburch cum bonis, navibus, rebus & mercibus suis se conferent, non solvent ibidem, neque in aliquo loco per terram, mare vel aquas dulces illuc navigando, renavigando, anchorando, vel ad anchoram morando, eundo vel redeundo, pro bonis, rebus, navibus & mercibus suis theloneum Brabantia, aut aliquam aliam exactionem, vel impositionem, sed duntaxat solvent theloneum Zelandiæ, vocatum **Zeeusche Tollen**.

Quibus verbis manifestissime significatur, Angliæ mercatoribus per omnes has inferiores ditiones, maxime per Zelandiam & Brabantiam liberam & permissam esse navigationem, etiam per reflexum & transverso itinere, atque in exigendo vectigali, quod semel tantum est præstandum, non considerari, quoties naves, portus aut littora cujusque provincie attingant, sicut nec consideratur secundum dicta capitula per quot districtus vehantur, aut transeant, sed solum in quem locum destinentur merces huc allatæ, aut unde evehantur merces in Angliam, aut alias externas regiones destinatæ, ut scilicet pro mercibus huc advectis in loco destinationis solvatur vectigal, pro illis vero quæ hinc asportantur,



in loco ubi comparantur. Id quod expressius declaratur in constitutione bonæ memoriæ Ducis Philippi, cujus hæc sunt verba : *De rechief que les marchans ou leurs valletz leur avoir & leurs marchandises dedens nostre pouvoir & hors achatés puissent franchement & quittement envers leur pays retourner, ou quelle part qu'ilz veullent parmy toute nostre terre, & nostre pouvoir sans nulle aultre costume, rhomin, entravers, pontage, muraige, panage, kayage, ou passage payer parmy la costume payée à Anvers, en entrant avecq leurs avoirs & leurs marchandises. Et de marchandises achaptées en aultre seigneurie dedans nostre pouvoir, comme à Malines, & de ce voulons que par la costume en icelles seigneuries payez soyent tous marchans par my nostre pouvoir quitez de toute maniere de costumes.* Nam verba illa : *puissent franchement & quittement envers leur pays retourner ou quelle part qu'ilz veullent parmy toute nostre terre pouvoir sans nulle aultre costume, &c.* Quæ propiùs præsentem questionem respiciunt, & evidenter demonstrant, Anglorum merces hinc ad regnum Angliæ destinatas absque distinctione dominiorum, per quæ vehuntur, nullaque differentia facta rectæ vel transversæ navigationis, aut circuitus, semel perfoluto vectigali, nullis aliis oneribus subjacere debere : quibus postremo accedit aliud ejusdem intercurfus capitulum, quo apertissimè tribuitur, mercatoribus Angliæ libera facultas transeundi cum mercibus

per omnes has ditiones, ac revertendi ad locum & provinciam, unde semel exierant, absque solutione alicujus theloni, &c. posteaquam illud semel uno loco exolverint, ut patet ex capitulo incipiente : *Ibi conventum, concordatum & conclusum est, quod cum dicti mercatores Angliæ. Et pro hac Anglorum libertate seu immunitate multum facit supradicta provisionalis Cæsareæ Majestatis ordinatio, per quam secundum capitula dicti intercurfus generaliter & absque casuum distinctione voluit mercatores Angliæ solutione omnis theloni, seu vectigalis, liberari his verbis : Dat de booznoemde Thoenderen ontstraen sullen mits betalende eenen Colalecendelijck, &c.*

NAM adeò expressa claraque videtur dictorum verborum significatio, præsertim si referatur ad alia dicti intercurfus capitula & privilegia, ut per eam clarè resolvatur ac tollatur ambiguitas illa, quam dicti Commissarii seu Collectores excitare conati sunt, subtili sua observatione & distinctione de transitu per plures provincias sæpius iterato, seu fluminibus diversarum provinciarum eundo & mox redeundo, pluries propter reflexum enavigatis quàm contingit in recta navigatione.

NAM regula dictæ ordinationis inter hæc non distinguit, nec fuit ratio distinguendi, cum secundum tenorem dicti intercurfus à mercato-

mercatoribus nationis Anglicæ vectigal exigatur, & præstetur non ratione simplicis transitus, quemadmodum plerumque de consuetudine cessantibus pactis contrariis fieri videmus, sed ratione destinationis, & in loco ubi merces advectæ venum exponuntur, aut ex quo hinc primum avehuntur, modo invectionis aut evectionis, seu simplici transitu non curato, ut expressè in dictis capitulis intercurfus ac ordinationis Cæsareæ Majestatis cautum repetitur, ut meritò corruiere ac cessare debeant argumeta superius in contrarium facta, de considerando simplici transitu, eoquæ primo in præstatione vectigalium. Nam iterationem transitus & ipsa rei natura, & expressa privilegii dispositio hoc casu admittit. *Bald. in l. 1. C. de fidei commiss. Alciat. in d. l. bores. §. hoc sermone ff. de verbor. significat.*

RURSUŞ cùm hic secundùm tenorem privilegii & intercurfus non nisi semel pro iisdem mercibus vectigal solvi debeat in loco, in quem merces sunt destinatæ, aut unde primum evehuntur, convenienter dici potest, simplicem transitum (quem dicti collectores urgent) non esse considerabilem, *arg. l. Cæsar. ff. de public. quemadmodum in simili Accursius notat in l. quis post. C. de edific. privatis.* argumentum pro mercibus aliunde in transitu delatis, ut possint exportari sine pœna, vel gabella, licet alix, quæ similes sunt, nō possent:

quod Angelus scribit in d. l. si quis post. sibi multoties accidisse de facto. Quò etiam pertinet quod Arch. scribit, *conf. 75. vi o diligenter.* Non videri venisse, aut fuisse in loco, qui manet brevi tempore. *arg. l. cùm antiquitas. C. quemadmodum testa. ordmentur.*

ET ad confirmationem prædictorum multum facit consuetudo & observatio, quæ est optima legum, privilegiorum & reliquarum dispositionum interpres, *l. cùm dilectus. de consuetud. l. minimè. ff. de legibus.* quæ (uti dicitur) in Angliæ mercatores harum ditionum virtute ejusdem intercurfus liberi & immunes præservantur ab onere duplicis vectigalis, etiamsi ex una provincia ad aliam, unde prius exierant, revertantur. Nam si hoc æquum est, ut observatur mercatoribus harum ditionum in regno Angliæ haud iniquū videtur idem ex cōtractu respectivo contingere Anglis in his ditionibus. *argum. tur. quod quisque jura. Decius ad l. legem. l. nnn. 18. C. de pact.*

Nec est prætermittendum, copio jus nationis Anglicæ in casu, de quo agitur, videri constabilitum, quod Dominus Franciscus Dolma ad supplicationem gubernatorū nationis Anglicæ respondendo confessus videatur modum seu casum hujusmodi reflexus, seu duplicis vectigalis exigendi propter reflexum esse inuliatum, nec antea observatum, his verbis: *Dat sp de boozs. maniere van*

han upt schepen niet wel en hadden weten useren. Inde enim sequitur, illicitam esse illam exactionem novam, cum secundum capitula intercurfus non liceat alia vectigalia vel jura exigere, quam quæ tempore dicti intercurfus ante quinquaginta annos statuta, soluta, & consueta fuerant.

POSTREMÒ, si fortè in præmissis aliqua remaneret dubitatio, tamen quia intentio mercatorum Angliæ in regula dictæ provisionis & intercurfus fundata est, videtur interim dum pendet principalis quæstio, in recedentiæ seu fiduciariæ possessionis judicio secundum eos pronunciari debere. *Angelus in l. fin. C. de edicto divi Adriani tollen. Fab. in l. unica. C. de prohibita sequestrat.*

## CONSILIUM LXV.

## SUMMARIUM.

1. Revisiones non nisi ex gratia Principis admittuntur.
2. Revisio non nisi erroris questionem admittit ex eisdem actibus, nullis admittis novis allegationibus.
3. Brabantia Dux dominia sua alienare non potest inconsultis Statibus.
4. Alienationis temporalis & perpetua differentia.
5. Qualitas uni capitulo apposita non censetur repetita in alio.
6. Qualitatis repetitio ex uno capitulo ad aliud ex quibus causis admittatur, vel denegetur.

## 7. Interpretatio declarativa nihil novi inducit.

UT in amplissimo hoc cōcessu & veluti choro peritissimorum virorum cōcinna mixtura visendo erratorum causæ, quæ in pronuntiatione prioris sententiæ intervenisse videntur, certiùs deprehendantur & emendentur, commodum videtur totam tractationem in duo capita, quibus omnia quæ in causa sunt convenienter explicari possunt, distinguere & distribuere. Priore de his videndum est, quæ sunt externa, & formulas seu modum agendi respiciunt: In posteriore verò descendemus ad ipsa merita causæ, quæ interna sunt, & rebus ipsis ita inhærent, ut inde per se justæ atque injustæ dicantur, ne conjunctis capitibus, aut ex promiscua rerum separatarum tractatione confusionem aut obscuritatem aliquam relinquamus.

ET quod ad modum agendi seu procedendi attinet, de quo priore capite quæritur, multa occurrunt, quorum aliqua Impetranti adversari, alia verò intentioni ipsius patrocinari videntur. Adversari videtur id quod obijciatur de errore qualitatis in executione citationis commissio, in 8. art. responsionis Rēi in Revisionis instantia. de clausula motus proprii, & ex speciali gratia literis Revisionis nō inserta, & denique quod cautæ exiguitas & parvi præjudicii consideratio

consideratio Revisionem excludere videntur: *art. 6. 7. 33. & 36. d. responsionis.* contrà verò patrocinari videtur, quòd emptionem dominiorum, de quibus agitur, Reuseo ipso tempore quo ad retractum admitti postulavit, impugnaverit, *art. 15. Quadruplica prioris instantia.* & quòd in hac Revisionis instantia pro stabilienda sua intentione & sententia sustinenda contra juris dispositionem nova facta deduxerit; in quibus quantum ponderis aut probabilitatis consistat, videndum est. Et paucis quæ per reum intentioni Impetrantis obijciuntur, leviora sunt quàm ut necesse sit de iis prolixiorem disputationem instituere. Nam quod attinet ad errorem qualitatis in executione citationis admissum, ex literis Impetrationis clarissimè dissolvitur, ad quas executio illa nominatim relata est, & in quibus veræ qualitatis expressio facta est, quæ in sequenti executione repetita intelligitur, tum ex relationis potestate, *Bald. in l. qui interrogatus. §. nisi forte. ff. de interrogator. act.* tum etiam propter naturam executionis, *cle. 1. & ibi dd. de preben.* Et quod deinde de non expressa clausula motus proprii, & ex speciali gratia dicitur, disputationi indignum videtur. Nam quamvis non nisi ex benignitate quadam res iudicata in supremo Principis consistorio in disquisitionem revocari possit, ad eò quòd Principi sit voluntariū supplicationem condemnati ad-

mittere vel non, *Bald. in l. final. C. de legib. Rubuffus, de supplicatio. num. 45.* tamen nominatim hoc exprimi in literis Revisionis nihil est necessarium, neque id ullo loco à *Rubuffo*, quem reus citat, in *7. artic. d. responsio.* exigitur, & regulis juris communis est contrarium, secundum quas etiam in merè gratiosis, item exorbitantibus, quæ nihil ad expediendam justitiam pertinent, clausula motus proprii & similes ad substantiam pro solennitate concessionis non requiruntur. *c. si motu proprio. & ibi dd. de preben. in 6.* Et levissimum est quòd Reus postremò viam Revisionis conatur præcludere hoc colore, quòd lis sit de re vili & modica, pro quo erroris propositio non recipitur. *arg. l. scio. ff. de restit. in integ. Rubuffus in d. tract. de supplic. num. 68.* Cui enim videri potest lis de re vili & modica, in qua de totis dominiis & jurisdictione cū mero & mixto imperio contenditur; quod latius demonstrare, nihil est operæ precium, cū supplicatio & Revisionis literæ ex arbitrio Principis, cui æstimator & censura hujus rei relinquatur, *Rubuff. d. tractat. num. 68.* concessæ sint, post quarum concessionem hæc exiguitatis modicæ æstimationis seu parvi præjudicii allegatio magis pertinere videtur ad oppugnandum iudicium Principis à quo Revisio est admissa, quàm ad excludendum Impetran-tem ab usu beneficii concessi.

PORRÒ magis stringere vide-

Zzz

tur

tur illud quod pro Impetrante adversus Reum circa hanc agendi formulam proponitur. Nam cum in Revisione non aliud quam de errore in priore iudicio admissio queratur, atque ex iisdem actis iudicari oporteat, nec liceat partibus aliquid de novo allegare vel deducere, ut expressè scribit Rubuffus, *in d. tractatu num. 80.* æquissima est Impetrantis postulatio, qua contendit rejici debere facta illa, quæ de novo à Reo convento allegata sunt: *in d. responsione sua.* præterea quia Reus contractum impugnavit, ex quo retractum intentaverat, tanquam sibi contrarius audiri non debet. *l. 1. C. de furtis.* Et hæc de externis, quæ modum procedendi respiciunt, satis: deinceps ad interna causæ merita, in quibus plus ponderis & difficultatis est, convertitur oratio, quæ altera instituti pars est.

Cuius decisio cum tota dependeat ex interpretatione consensus quem Status Brabantie Regiæ Majest. præstiterunt pro oppignorandis, vendendis, aut aliter alienandis M. S. dominiis, ad subveniendum necessariis patriæ oneribus, & depellenda inminencia superiorum bellorum discrimina, commodissimum videtur primò verba & sensum dicti consensus per se expendere & ponderare, ac deinde investigare quid circa illud operetur ex intervallo subsecuta Statuum interpretatio, cui Reus conventus innititur.

Et sanè si verba consensus, prout à Principe acceptatus est, rectè expendantur, tam certa & manifesta erit eorum significatio, ut nulla ratione contrariam interpretationem recipiant, nec intentioni Rei volentis ex illis consorti seu vicino retractum dari etiam in alienationibus pignoratitiis, aut temporalibus accommodari possint. Nam soli Principi in temporalibus alienationibus perpetua & libera redemptio seu luitio relicta est, nulla mentione facta in tota illa oratione, qua de temporalibus agitur, de retractu consortis aut vicini; & quæ postea sequuntur de retractu consortis aut vicini, non ad utrumque casum, sed ad alterum tantum respiciunt, & limitantur, significantque placuisse Statibus aliud juris in perpetuis alienationibus, aliud in temporalibus observari, neque res tam diversas eadem censura contineri. Quod ut perfectius intelligatur, repetenda est generalis prohibitio de non alienandis dominiis sue Majest. inconsultis Statibus, quæ ex lege Regia per Principem in inauguratione sua jurata, inducta est. Considerandum quoque est in narrativa parte dicti consensus, *ibi: Dat de voojsz. d'yz Staten souden sinner Majesteit toelaten te mogen vercoopen oft versetten met lossingh oft sonder lossinge.* Qua de relaxanda illa prohibitionem agitur, duo diversa proponi capita seu hypotheses,

theses, unam de temporalibus, alteram de perpetuis alienationibus, quarum unicuique postea in parte dispositiva separatim & distinctum sua accommodatur determinationi & decisio: ac priore loco secundum ordinem relatæ petitionis Status per modum regulæ affirmativæ à prohibita illa temporali alienatione recedunt, ac simpliciter alienationibus temporalibus consentiunt, reservata duntaxat perpetua, eaque libera redemptione ipsi Principi, nonnullis deinde recensitis & interpositis; postremò de alienationibus perpetuis ordinant, in quibus generalem prohibitionem, qua in die inaugurationis jus Principis coangustatum est, non penitus relaxatum, sed tantum per viam exceptionis, *ibi: Dat sijne Conincklijke Majest. sal mogen versetten / beleenen / oft vercoopen / &c.* & in alia distincta oratione eximunt à vinculo dictæ prohibitionis certum genus rerum seu bonorum, quorum alienationem sub onere alterius retractus vicino scilicet aut conforti ad annum competentis, Principi concedunt, his verbis: *Indien verstaende dat sijne Majest. om den uytersten noodt ende last banden Vande / sal sijne chijnsen ende renten eeuwelijck ende erfelijck mogen vercoopen / &c.* Quæ verba procul dubio non referuntur ad præcedentia, sed sequentibus tantum accommodari

debent, collataque cum superioribus, in quibus de alia specie & genere alienationis agitur, aperte significant non esse unam & uniformem hypothesein, atque omnia eodem respectu & uniformiter accipienda esse, sed duas esse diversas orationes & hypotheses, seu capita, quæ singula sua & diversa habent apposita & supposita, propriasque determinaciones & relationes. Siquidem omnia quæ sunt prioris capitis, in quo de temporalibus alienationibus agitur, reguntur ab iisdem verbis, *sal moghen versetten / beleenen ofte vercoopen.* Et quatenus in eo capite de retracta agitur, is referatur ad solum Principem, non etiam ad consortem, aut vicinum. Disposita autem in secundo capite, seu clausula, reguntur ab illis verbis, *sal moghen eeuwelijck ende erfelijck vercoopen;* sicut nulla ratione tam diversa capita conjungi, aut disposita in uno cum dispositis alterius confundi, aut permisceri possint, sed intra fines suos & limites contineri & relinqui debeant, & secundum proprias relationes & determinaciones distinguui: quemadmodum in simili, si pluribus diversis contractibus eodem tempore & instrumento fortè celebratis diversa adjiciatur qualitas & conditio, adjecta in uno non videtur adjecta in alio. *Franc. Aret. conf. 17. lib. 1.* Et quod magis stringere videtur, si præcedat simul institutio & substitutio,

& postea sequatur simplex alterius substitutio, illa non refertur ad casum substitutionis præcedentis, *l. si pater impuberis. ff. de vulgar. & pupillar.* quamvis secunda substitutio sit generalis. Nam dispositio etiam generalis, quæ aptitudine plures casus potest comprehendere, non includit casum in quo specialiter est dispositum; *l. talis scriptura, & ibi dd. ff. de leg. 1.* Id quod in specie proposita extra dubitationem constitui videtur, ob id quod non solum clausula redemptionis, qua vicino seu consorti prospicitur, nominatim est relata & limitata ad alienationes perpetuas, his verbis: **Met conditie dat die selve hooghe Heerlijckheden die gront heeren** &c. Et præterea quod ipsa illa retractus conditio, in qua Reus se fundat, sit inclusa in secundo dicti contractus capitulo. Nam quamvis plerumque clausula generalis & indefinita in certo capitulo non inclusa referatur ad omnia præcedentia; *c. 2. requiris. de appellatio.* ea tamen, quæ est limitata vel rerum vel personarum respectu, aut quæ uni capitulo est inclusa, repeti aut extendi non potest ad aliud capitulum: *l. petens. C. de pact. l. 3. §. 1. ff. de lib. & posth.* præsertim si diversitas rationis concurrat, quæ est in proposito. Nam alia est ratio redemptionis datæ consorti in perpetuis alienationibus, quam in temporalibus; quia in temporalibus libera facultas Principi reservata est, quæ, quamdiu durat, aut

aliquæ illius reliquæ, nullum jus ad consortium transire potest, ne alienationes temporales, quæ minoris sunt præjudicii, duplici onere retractus prægraventur, cum in perpetuis, quæ maximi sunt præjudicii, unus retractus tantum obtineat, ac simul ex jure consortis impediatur retractus Principis, qui non tam rem ipsam, quæ distrahitur, quam personam obligatam concomitatur & sequitur; *Alex. conf. 10. lib. 1. l. fin. ff. de contrah. empt. Decius in l. certi conditio. §. 4. num. 6. ff. si certum pet.* Ita ut & utilitas Principis, & consideratio duplicis oneris excludat consortis redemptionem, quæ data est eo casu tantum, quo non militat, nec potest militare retractus Principis. Et pro hac parte tam manifesta sunt verba dicti consensu, tamque aperta sententia, ut neque ex vi sermonis, nec ex similitudine rationis aliam interpretationem, aut declarationem, vel extensionem de uno casu ad aliam admittant. Nam interpretationi declarativæ tunc demum locus est, quando verba sunt obscura, aut ambigua; *l. nummii. ff. de leg. 3. l. preses. ff. de pæn. Barr. in l. ab execut. ff. de appell.* minime verò, cum clara sunt & dilucida, *l. ille aut ille. §. cum in verbis. de leg. 3. l. continuus. §. cum ita. de verbor. oblig. & extensionem seu repetitionem qualitatibus de uno ad alium impedit diversitas & perfectio orationis cum limitatione cujusque ad certum casum, ac etiam ipsa rationis*



rationis diversitas & dissimilitudo. Nam ut pulchrè scribit Bald. omnis licita repetitio præcedit aut ratione copulæ seu conjunctionis, ut quia sunt plura copulata per dictionem (&) vel (item) vel aliam dictionem conjunctivam, vel connexivam, aut ex identitate orationis, utpotè quia reguntur ab eodem verbo, & determinantur ab actu verbi determinantis & regentis totam orationem, aut ex identitate rationis, quando subest aliqua ratio repetendi antedicta in sequentibus, vel e converso: quæ omnia in proposito deficiunt, & adsunt causæ oppositæ, quæ tacitam repetitionem & extensionem impediunt; primò enim est adversatio orationis in verbis, **indienberstaende**: quæ natura sua æternam ratione subiectæ materiæ sunt adversativa, & diversitatem significant, idque eo magis, quòd propter diversum hypothelium non possunt sonare in conditionem, modificationem, qualificationem, aut exceptionem præcedentis dispositionis, sed prorsus novam & separatam dispositionem continent; deinde est diversitas & separatio orationum: denique est diversitas rationis; quæ præter ea omnia, quæ dicta sunt, inde quoque colligitur, quòd de jure alienatio ex contractibus temporalibus non attenditur, nec propriè alienatio dicitur; *l. 1. C. de fund. dota. l. ex sextante. §. Latinus. ff. de except. rei jud.* & quòd hujusmodi exten-

sione Principi in suo retractu incommodaretur. Ad quod confirmandum & illud pertinet, quòd retractus; de cujus extensione agitur, sit odiosus, & juri communi contrarius; sic ut tamen si major quædam similitudinis ratio concurreret, extensio tamen aut passiva interpretatio (ut vocant) non admitteretur: usque adeò ut ad eam excludendam non desideretur ratio, sed sufficit quævis occasio, maximè si, quod est in proposito, per eam multiplicarentur onera & inconvenientia, ita quòd oneri retractus, quod Principi competit, alius retractus adjiceretur. Ob quæ omnia meritò ridicula videri debet Rei argumentatio, quam urget ex dictione **insghelex** / quæ in consensu alienationum perpetuarum de dominis est addita. Nam ex ipsa oratione dispositiva manifestum est eam referri ad proxima, in quibus de perpetua alienatione censuum & reddituum agitur. Et præterea non pertinet ea dictio ad repetitionem sequentium in præcedentibus, sed contrariò ad repetitionem præcedentium in sequentibus, quæ propter difformitatem hic militare non potest.

Quibus accedit, quòd si quæ obscuritas in consensu à Principe acceptato inveniretur, quod non; ea tamen non ad commodum Statuum aut Rei, qui in illa se fundarent, faceret, sed contra illos, ob id quòd ab initio legem seu con-

Zzz 3 sensum

sensum non fecerint apertio-  
rem: *l. veteribus. ff. de pactis.* id quod eo  
proclivius dicendum est, quod  
hac ratione eam interpretationem  
sequemur, per quam res minimum  
gravatur.

Ex quibus omnibus abundè  
constare putamus consensum il-  
lum per se spectatum nihil ad in-  
tentionem Rei pertinere, nec posse  
aliquo modo retractum consorti-  
datum in perpetuis alienationi-  
bus applicari, aut referri ad aliena-  
tiones temporales, in quibus de  
alio genere retractus specialiter est  
dispositum.

Nunc de altero articulo vi-  
dendum, an scilicet sequens Sta-  
tuum interpretatio Impetranti in-  
commodare, aut ex prædictis ali-  
quid mutare possit. Et paucis, si,  
quemadmodum ipse Reus ubique  
contendit, de declarativa inter-  
pretatione agitur, certum est eam  
in hac specie esse inutilem, tum  
quia verba clara sunt, & dilucidum  
sensum habentia, *d. l. ille aut ille. §.*  
*cum in verbis.* tum etiam quia hujus-  
modi declaratio nihil novi indu-  
cit; adeò quod sicut ipse consen-  
sus Statuum per se expensus &  
ponderatus Impetranti non præ-  
judicat, sic nec declaratio Sta-  
tuum, quæ postea infecuta est; id-  
que eo minus, quod postquam  
consensus ille à Principe acceptus  
transierat in contractum, non  
fuerit in potestate Statuum ali-  
quam declarationem facere, sed  
id ad iudices tantum pertinebat,

*Bart. in d. l. veteribus.* vel ad ipsum  
Principem, cui interpretatio suo-  
rum contractuum specialiter est  
reservata, per quod etiam exten-  
siva interpretatio excluditur. Nam  
cui declarativa non conceditur, ei  
quoque negata est interpretatio  
extensiva, quæ est majoris ponde-  
ris, & in qua illud quoque re-  
ceptum est, quod non possit obesse  
non citatis, nisi fiat à Principe ex  
plenitudine potestatis. *Bart. &*  
*Alexand. in l. 2. C. de temporal. appellat.*  
*Rom. consil. 167. Cast. conf. 338.*

## CONSILIUM LXVI.

## SUMMARIUM.

1. De dote soluta pro filia Gallie Regi  
Catholico.
2. Emolumentum quod ex commuta-  
tione pecuniarum processit, an ad  
Regem Catholicum, an ad eum  
qui pecunias in Galliis recepit, per-  
tineat.

IURIS justitiæque convenire vi-  
detur, ut sub optimo Principe  
suprema Majestatis suæ Curia in  
absolutionem Rei conventi incli-  
net contra fiscum in ea causa, in  
qua plurimæ rationes occurrunt,  
quæ Rei conventi intentionem in  
solido constituere videtur. Etenim  
primò nullum proferunt manda-  
tum Regis Catholici Reo datum  
de recipiendo residuo dotis in  
Galliis, ac inde transmittendo  
Antverpiam periculo & nomine  
sue

suz Majestatis, nec probatur Reū conventum hoc attentasse, sed in contrarium constat & manifestum est ex ipso contractu antenuptiali suz Majestatis solutionem dictæ dotis Antverpiam fuisse destinatam, ac fieri debuisse periculo ipsius Regis Galliæ: per quod removeretur omnis probabilitas mandati verè intervenientis, vel simulatè à Reo convento prætenſi. Et ne in sola verisimilitudine præsumptionis & conjecturæ hæreatur, ac subterfugientem veritatem propiùs attingamus, extat in actis instrumentum publicum ex parte domini fiscalis exhibitum (quod indubitatam probationem facit *Bald. in l. 2. C. de edict. Divi Adr. toll. Dec. cons. 424. col. 2.* quo probatur Thesaurarium Gallie eadem die, qua pecuniæ Reo convento annuerabatur, palam declarasse, neque commissionem, neque potestatem aliquam recipiendæ pecuniæ in illo inveniri, ex quo omnis dubitatio removeretur, detegiturque, neq; Reum conventum prætexuisse mandatum recipiendæ pecuniæ in Galliis, neque Gallos illud agnovisse, aut ejus occasione ductos illi solvisse pecuniam in Galliis. Et quod magis stringit, clarè intelligitur ex sequenti conventionem probata per certificationem Domini Lodovici Dongnis superintendentis finantiarum Galliæ, & testimonio Alberti Pinelli, ex parte domini fiscalis recepto, quod seposita omni qualitate pro-

curatoria Reus conventus proprio nomine cum officiatis Regis Galliæ contraxerit, & certa mercede accepta periculum transmittendæ pecuniæ Antverpiam à Rege Galliæ in se transtulerit: secundum tenorem dicti contractus antenuptialis, eodem modo quo priores ejusdem dotis solutiones per alios mercatores vice & nomine Regis Galliæ factæ erant, & quo ex parte ejusdem Regis de hac postrema residui solutione communicatum, tractatumque erat cum aliis Parisiis residenti-bus, & posteaquã cum ipsis æquis conditionibus conveniri non posset, ad Reum devenum est, qui quemadmodum in præcedentibus prioribus solutionibus factum erat ex privata pactione, proprio nomine cum officiatis Regis Galliæ celebrata, totum onus & periculum in se suscepit absque ullo sumptu & discrimine Regis Catholici, cujus jus planè salvum & incolume mansisset adversus Regem Galliæ, etiamsi pecuniæ, antequam Antverpiam perferrentur, perichitæ fuissent; ob id quod Galli absque opinione alicujus mandati privatim cum Reo contraxerant, & illius fidem in transmittendis pecuniis secuti erant, nulla accepta securitate vel liberatione ex parte Regis Catholici, relictaque tota pecunia oneri & periculo ipsius Rei, quem ultra prædicta etiam suo sumptu & sollicitudine pecuniam transmississe restatur

testatur Jacobus de Febuere & Rodrigues de Guerra, in computatione quarundam expensarum, velut ex fisco Regio, quæ tamen postea reprobata, rejectæque dicuntur.

Nec parum facit ad prædictorum confirmationem propria Joannis Lopes Factoris Regii quietatio & liberatio Antverpiæ data 13. Febr. anno 62. in qua disertis verbis fatetur tunc primum Antverpiæ ex parte & nomine Regis Galliarum per Reum conventum proprio nomine integrum residuum dictæ dotis sibi persolutum esse, his verbis: *Lequel dernier paiement ledict Comparant a receu en ceste ville d'Anvers de Jehan Pardo au nom de maistre Jehan de Ballion Conseillier dudit Roy de France, & Thresorier de son espargne, en monnoye qui a cours en ces pays, & ledict paiement a esté fait des le x. de Novemb. de l'an dernièrement passé xv. lxxj. jusques le xx. de Januier de ce present an xv. lxxij. de laquelle dicte somme de cxxxijm. iij. xxxij. escuz, & ung tiers; ledict Comparant en nom de sa Majesté, & par vertu de sondict pouvoir se tenoit & tient pour bien contenté & satisfait à toute sa volonté, & acquiesce ledict tres-chrestien Roy de France, pour asseureur & à jamais, pour ce que Jehan Pardo a payé pour eulx audict nom & audict temps.* Quæ efficacissima sunt ad retundendam confundendamque intentionem domini fscalis. Nam cum secundum contractum antenuptialem solutio destinata fuerit Antverpiam peri-

culo Regis Galliarum, aut eorum qui id suo onere sumerent, & Reus conventus (ut apparet ex prædictis) privatum cum officiatibus Regis Galliarum de hac re contraxerit, & suo onere & periculo pecuniam ex Galliis Antverpiam transmiserit, eamque perlatam Antverpiam Factor Regis Catholici à Reo convento nomine Regis Christianissimi sibi annumerari passus est, & tunc primum solutionem admisit, ac plenam liberationem & quietationem dedit, extra dubitationem videtur emolumentum ex pecuniarum commutatione, antequam Factori Regis Catholici numeraretur; non ad Regem Catholicum, qui nec dominium, nec periculum, nec sumptum ejus rei habuit, spectasse, sed ad Reum conventum, cujus sumptu & periculo ex contractu cum subditis Regis Galliarum celebrato, transmissio solutioque facta est secundum rationem naturalem, quæ dicat & disponit; comoda eum sequi debere, quem sequuntur pericula & incommoda. *l. secundum naturam est. de regul. jur. c. qui sentit. de regul. jur. in 6.* Et periniquum foret, posteaquam Regi Catholico de integra quantitate satisfactum est, quod suis laboribus & prospera fortuna fecilis transmissionis Reo convento accessit, id ei auferri, & Regi Catholico accedere, qui periculum, si quod contigisset, nec vellet, nec teneretur agnoscere. *l. unica. §. pro secundo. in fin. C. de cad. toll.*

CUMQUE

CUMQUE veritas rei in propria persona & proprio nomine Rei explicata tam manifesta sit, & tot argumentis probetur, supervacaneum est laborare in confundenda qualitate factoris in instrumento receptæ pecuniæ Reo attributa. In contractibus enim & negotiis rei veritas potius quam scriptura spectanda est, inspecto potius eo quod gestum, quam quod scriptum est. *l. 1. 2. & toto tit. C. plus valet. quod agit. quam quod sim.* Quibus accedit quod Reus constanter neget se dictam qualitatem unquam admisisse, vel usurpasse, & quod per inadvertentiam, vel cum parva circumspectione vox illa factoris ascripta sit, ex qua veritatem rei gestæ, & quam constat proprio nomine explicatam esse, immutari vel obscurari non convenit. *l. illicitas. §. veritas. de off. praefidis.*

Nec est subticendum, quod etiamsi qualitas factoris cum animadversione aliqua, & ex proposito apposita fuisset, inde tamen non sequeretur idoneum argumentum ad asserendam sustinendamque qualitatem illam in actu transmittendæ pecuniæ, quem constat ex particulari conventionæ proprio nomine susceptum, & ad exitum deductum ex omnium intentione & voluntate, id est, ipsius Rei conventi, officiatorum Regis Galliarum, necnon factoris Regis Catholici, qui non nisi Antverpiæ numerationem & solutio-

nem admisit, atque quietationem dedit; & si id, quod verum est, non conniventibus oculis inspicimus, haud obscurè intelligi potest, factoris qualitatem à Regis Galliarum officiatis, quibus constabat & declaratus erat defectus mandati in recipienda pecunia, relatum esse ad actum alium præcedentem, & separatum à receptione & transmissione pecuniæ, puta monitionis, requisitionis & interpellationis, quæ prius à Reo convento facta erat, ut sui debiti, & suorum amicorum solutionem promoveret. Qui quidem actus sollicitationis, interpellationis, provisionis & futuræ numerationis Antverpiæ faciendæ, in sola verbali monitione consistebat, & utilitatem solius rei, & amicorum, quibus à Rege Catholico erat debitum, respiciebat, & præterea prorsus differebat, ac penitus separatus erat ab actu transmissionis & periculi pecuniæ in itinere & medio tempore: sic ut etiamsi qualitas aliqua factoris prætenfa aut opinata fuisset, ea concluderetur cancellis solius interpellationis, & monitionis, nec posset cum effectu extendi aut porrigi ad sequentem actum suscepti periculi pecuniæ, & transmissionis Antverpiam faciendæ. Quod magni momenti esse videtur.

Quia etiamsi Reus qualitatem factoris verè usurpasset, & voluntarium procuratorem se præstitisset, & in monendo & in recipiendo

A a a a

pecu-

pecuniam, quod non; adhuc æquè securus esset adversus petitionem domini fiscalis, ob id quod ea qualitatis usurpatio solis Gallis, non etiam Regi Catholico nocere potuisset, ea ratione quia quamvis eos, qui bona fide ignorantes post finitum mandatum ejus qui semel procurator fuit, solverint, liberari sit admissum; *l. vera. §. 1. l. Sequ. & l. dispensatori. de solutionibus.* quasi ex domini voluntate solverint, quam si mutata esse non divinaverint, fraudi eis hoc esse non debet; falsò tamen procuratori, & ei qui sine mandato alienis negotiis se offert, quantumvis bona fide solventes, idcirco liberantur: *l. qui hominem. §. si nullo. & l. si quis offerenti. de solutionib.* quia tam pronos facilesque esse eos ad solutionem non oportuit; ita quòd stultitia eorum qui ei solverunt, qui nullum unquam mandatum habuit, excusationem non habeat, & proinde totum quod factum est vanæ suæ credulitati facilitatiq; expensum ferre debent, salva contra eum qui accepit, vel indebiti vel alterius conditionis specie. *l. creditoru. C. de condict. indebiti.* Nec potest huc adduci quod plerisque locis significatur, non verò procuratori factam solutionem pendere ex rati habitatione domini: *d. l. qui hominem. & d. l. si quis offerenti.* quasi videlicet Rex Catholicus, aut factor suus generalis nunc posset ratam habere solutionem Reo in Galliis factam, velut nomine suæ Majestatis.

Primò, quia constat receptionem pecuniæ proprio nomine Rei admissam: secundò, quia res non est integra, & actus in edius impertinens impedit rati habitationem, ex eo quod factor generalis Regis Catholici re ipsa reprobasset restitutionem illam per hoc quod solutionem illam factam in Galliis non agnovit, sed demum admisit Antverpiæ ex ulteriore numeratione nomine Regis Galliæ per dictum Reum conventum facta, per quod extremum desit esse habile præscissa occasione ratificandi per actum medium inhabilem & incompatibilem. *Hieron. Gratus conf. 36. in fin. & conf. 76. num. 44. part. 2. Paulus Ransius conf. 12. num. 111. vol. 2.*

Et quanquam prædicta omnia satis firma, solidaque sint ad defensionem Rei conventi, non inutiliter tamen illud adjici potest quòd Regi Catholico dos promissa & debita fuit in pecunia & certa quantitate, in qua non species, sed valorem imposititum, id est, non corpora, sed quantitatem consideramus: ita quòd ultra quantitatem in obligationem deductam, & de qua plena liberatio est exposita, nihil nomine Regis Catholici amplius desiderari posset; maximè cum & dos suæ Majest. in genere promissa fuerit, & Reus in genere de pecuniis acceptis Antverpiæ restituendis sese obligaverit. Et denique quod lucrum, si quod factum esset ex cambio, sit extra rem, cujus ratio haberi non potest,

potest, *l. s. f. s. r. l. s. s. c. u. m. p. e. r. v. e. n. d. i. t. o. r. e. m. d. e. a. c. t. e. m. p. t. m. a. x. i. m. e. c. u. m. e. x. i. n. d. u. s. t. r. i. a. R. e. i. c. o. n. v. e. n. i. t. p. r. o. v. e. n. i. a. t. , s. i. n. e. i. n. c. o. m. m. o. d. o. R. e. g. i. s. C. a. t. h. o. l. i. c. i. , c. u. j. u. s. c. o. n. d. i. t. i. o. e. x. f. o. l. l. i. c. i. t. a. t. a. p. e. r. R. e. u. m. s. o. l. u. t. i. o. n. e. m. e. l. i. o. r. a. t. a. e. s. t. p. o. t. i. u. s. q. u. a. m. d. e. t. e. r. i. o. r. a. t. a. , c. u. m. p. r. o. p. t. e. r. t. u. r. b. a. s. G. a. l. l. i. a. e. i. n. s. e. c. u. t. a. s. s. o. l. u. t. i. o. f. a. c. i. l. e. o. b. t. i. n. e. r. i. n. o. n. p. o. t. u. i. s. s. e. t. s. i. n. e. d. i. l. i. g. e. n. t. i. f. o. l. l. i. c. i. t. a. t. i. o. n. e. & i. n. d. u. s. t. r. i. a. R. e. i. c. o. n. v. e. n. t. i. , u. n. d. e. i. l. l. i. l. a. u. s. & p. r. a. e. m. i. u. m. , n. o. n. v. i. t. u. p. e. r. i. u. m. a. u. t. d. e. t. r. i. m. e. n. t. u. m. a. t. t. r. i. b. u. i. , v. e. l. i. n. f. e. r. r. i. d. e. b. e. t. S. a. l. v. o. m. e. l. i. o. r. i. j. u. d. i. c. i. o. .*

## CONSILIUM LXVII.

## SUMMARIUM.

1. *Privilegium stipula civitatis Brugen-  
sis hic latè discutitur.*
2. *Principes & domini terrarum, ac ci-  
vitates per se regentes datæ, im-  
positiones ac stationes erectionum &  
invectionum constituere possunt.*
3. *Principis narratio in his, quæ coram  
eo gesta sunt, magnarum est vi-  
rium.*
4. *Generalis constitutio non derogat spe-  
ciali.*

**T**AMETSI circa privilegium civitati Brugensi per Cæsaream Majest. indultum anno xv<sup>o</sup>. quadragesimo de lanis per mercatores Hispaniæ in has ditiones advectis, stipulæ Brugensi subjiciendis, multiplex & per varios articulos disputabilis se offerat materia: tamen quia diligenter & amplius

mè omnia ab aliis tractata & excussa deprehendimus, ne ab illis inculcata ad aures revocando actum agamus, omissis disputationum ambagibus, quàm brevissimè fieri poterit, nostram sententiam subjiciemus, quæ sequentium articulorum explicatione commodissimè comprehendi posse videtur.

PRIMò disquirendo, An privilegium Brugenium efficax censeferi debeat, ita ut vigorem retinere & observari debeat, non obstantibus specialibus capitulis privilegii & contractus, quæ inter civitatem Brugensem & Consules dictæ nationis Hispanicæ olim sunt inita & principali auctoritate confirmata.

DEINDE si ex aliquo capite privilegium Brugense nullitatis argui vel impugnari possit, quæ via, quæque ratione potissimum id aggredi conveniat.

TERTIò, si sua mole firmum & inconcussum consistat dictum privilegium, nullaque ratione attentari queat, quæ sit illius conditio, quæ vis & potestas, & quousque porrigatur.

QUOD ad primi capitis explicationem attinet, multa sunt quæ obscuritatem & difficultatem invehere videntur, ob quam impugnatio atque revocatio dicti privilegii difficilis censeferi possit. Etenim tamen ex jure gentium negotiationes atque commercia sint liberrima, tamen cum Imperator, ut Comes Flandriæ, supremam



2 mam jurisdictionem habuerit, nulliusque superioritatem agnoscens eam concessionem fecerit, nulla potest (ut videtur) incidere potestatis questio circa ordinationem, quæ processit ex auctoritate supremi Principis, qui habet auctoritatem condendæ legis. *l. humanum. & l. fin. C. de legib.* Nam hac ratione videmus omnes dominos terrarum & civitates per seipsas regentes similia edicta facere, dacia & gabellas aliæque similia imponere, ac stationes invehendarum mercium constituere. *Bald. & Salic. in l. cum proponas. C. de naut. fæ. Angel. conf. 209.* Eoque firmius concessio illa videtur subsistere, quod dictæ ordinationis seu privilegii exercitium non egrediatur terminos Flandriæ; & pro bono publico, atque ut labascenti Reipubl. Brugenſi per aliquem commerciorum usum subveniretur, quæ multum ponderis habere videntur, quatenus agitur de jure & potestate Principis, cujus respectu natio Hispanica Brugis residens neque contractum, neque conventionem urgere potest. Et quamvis divi Maximilianus & Philippus anno xiv. nonagesimo quarto, capitula & privilegia dictæ nationi indulta confirmaverint; tamen quia confirmatio illa à posterioribus Principibus non invenitur iterata & repetita, verendum est ne etiam simplicis privilegii allegatio in præjudicium Principis concedentis aliud privi-

legium Brugenſibus inutilis videatur; nec magnum præsidium superſit in iis quæ late disputantur ab Interpretibus, An Principes obmissa citatione rectè procedat, & jus alteri quæsitum possit tollere: cum Princeps in suo territorio legem universalem (cujus formam habere videtur dicta ordination) condens, nulla citandi necessitate adstringatur, ac respectu juris Principi competentis natio Hispanica nullam quæſiti juris derogationem vel diminutionem possit prætere ex capitulis, tractatibus & intercurſibus cum civitate Brugenſi initis. Nam noti juris est, ex conventionem vel concessione inferioris nullam legem aut necessitatem imponi superiori. Et quod attinet ad privilegium Lodovici Comitis Flandriæ, defuetudo quædam & non petita à sequentibus Principibus confirmatio, obscuritatem injicit; adeò quod quicquid super est virium in dictis privilegiis nationi Hispanicæ indultis adversus ipsos Brugenſes. Impetrantes, duntaxat ad arguendum defectum voluntatis principalis (ut videtur) possit proficere: in qua ipso adhuc Consules dictæ nationis Hispanicæ laborabunt, nec sine magnis molestiis sese extricare poterunt. Siquidem cum supplicationis Brugenſium (quorum favore dictum privilegium emanavit) fundamentum collocetur in vetusta observatione & consuetudine, & Imperator asserat deca

de ea sibi legitime & per bonas informationes apparuisse; nihil novi neque à Brugenſibus ſupplicatum, neque ab Imperatore conceſſum dicitur, in diminutionem libertatis ſeu immunitatis dictæ nationi indultæ, per hoc quòd Imperator veterem obſervationem & conſuetudinem ſtapulæ lanarum habendæ Brugis conſtituaverit, non tam immutando præſentem ſtatum commerciorum, qui tunc erat, quàm providèdo proſpiciendoque futuro ſtatu Reipub. adverſus mutationes quotidie incidentes: quod non pertinet ad novam legiſlationem, ſed ad veterem Reipublicæ ſtatum & conſuetudinem retinendam.

3 Nec parum facit adverſus prædictam nationem, quod ultra deliberatam narrationem Principis, quæ magnarum eſt virium in rebus coram eo geſtis, cognitis aut deciſis, *Clemen. literis. de probat. Lappus allegat. 7. Boër. deciſ. 282. Soſi. Nep. conſ. 66. num. 6. vol. 1.* non obſcura argumenta ſtapulæ, ab antiquo obtinentis, ex propriis capitulis privilegiorum & contractuum dictæ nationis reluceant, & in oculos legentium incurrant. Nam præter antiquiora privilegia conventio celebrata in reditu dictæ nationis ex Antverpia in ipſa præſatione, oſtendit Rempub. Brugenſium fundatam eſſe ſuper jure ſtapulæ ab antiquo, ut ex tenore dictæ præſationis intelligitur, ibi obſervatæ. In verbis: *Eſt ſondé ſur*

*l'eſtacle qui d'anciennité s'y eſt tenu.* Et præterea in vigesimo ſexto articulo ejusdem conventionis nominatim lanæ Hiſpanicæ advectæ in portum Sluſæ adſtringuntur, ſubjiciunturque ſtapulæ Brugenſium: quem articulum Brugenſes pro ſuo commodo ſic interpretabuntur; quòd eo tempore Sluſæ portus fuit ſubvectioni commodiſſimus, ita quòd omnes naves Hiſpanicæ generaliter & frequentius illuc ſoleant appellere: ſic quod nunc variata loci & ſubvehendi conditione, jus ſtapulæ exerceri debeat ſecundum terminos antiquæ conſuetudinis, inſpecta magis rerum conditione & quantitate, quæ ſolet advehi, quàm loci determinatione vel meta.

Denique, quod eſt graviſſimum, ſuſtinebunt Brugenſes novam ordinationem Cæſar. Majeſtatis per modum generalis legis propoſitam & publicatam eſſe, ipſiſque conſulibus nationis inſinuatam, & nunc abſque ulla contradictione vel proteſtatione per nationem Hiſpanicam obſervatam ab anno ſcilicet quadrageſſimo, uſque in præſentem diem; ita ut circiter viginti duorum annorum ſpacio dicta ordinatio approbata obſervataque videri poſſit. Ob quod nunc ſera videtur querela adverſus dictam ordinationem, cui ab initio re ipſa & non uſu vel ſaltem proteſtatione reſiſti debuerat. *Franc. Aret. conſ. 11. num. 4.* Et dum ab initio ſponte eſt obſervata,

Aaaa ; vata,

vata, vel ut repudiato privilegio & contraria lege in usum recepta absque adminiculo præscriptionis vel temporis, ad præscriptionem requisiti efficaciter præjudicare videtur. Etenim quamvis per simplicem abstinentioniam, vel contrarium usum non tollatur privilegium hujusmodi successivum, nisi triginta annorum observatio interveniat; tamen ubi ultra simplicem facti usum legis generalis auctoritas concurret, non est necessarium temporis præsidium. Nam lex publicata & in usum recepta statim ligat, omnemque disceptationem postea excludit. De legibus enim cum feruntur & publicantur, disputari potest; legi verò latæ obtemperandum est, *c. erit auctem lex. §. 1. & c. in istis. distinkt. iij.* ita ut fragile videatur præsidium retractationis.

Si tamen tentare lubeat, sunt ad manum aliquæ considerationes, quæ probabilem intentionem dictæ nationis facere, & spem obtinendi ostentare videntur. Si quidem quamvis Brugeses Cæsari exposuerint stapulam sibi ex antiqua consuetudine competere, & omnes lanas Hispanicas eo deferri seu devehî debere, verisimilitudo tamen dictæ narrationi est contraria: tum quia consuetudo stapulæ personas Hispanorum, Brugis collegium privilegiaque sua habentium, egredi non videtur. Et præterea in lanis dictæ nationis eam restrictionem habet, ex propriis

Brugensium capitulis, ut solùm obtineat in iis quæ ad portum Slusensem devehuntur. Deinde quamvis possessio aliqua & consuetudo devehendi lanas ad stapulam Brugensem obtinuerit, ea tamen continuo ad necessitatem juris trahenda non est, sed referri debet ad simplicem facti observantiam, quæ dependet à libera voluntate ipsorum mercatorum, nec inducit aliquam consuetudinem aut præscriptionem, quantumcumque diuturno tempore observata fuerit. In actibus enim dependentibus à libera voluntate gerentium abstinentionia vel observantia certi & determinati modi non censetur implicare contrarium usum, nec inducit desuetudinem, nec præscriptionem ad alium modum utendi. *Calder. consil. 1. & 3. in fin. de consuet.* Et quod attinet ad informationem Cæsareæ Majestatis exhibitam, facile est intelligere eam ab ipsis Brugensibus fuisse compositam, & ab iis comprobata, de quorum commodo agebatur, & quorum personæ & testimonia per consules dictæ nationis, si auditi fuissent, faciliè reprobari potuissent, factis contrariis probationibus interruptæ, vel non observatæ seu continuatæ possessionis ac consuetudinis. In qua re plurimū momenti habuisset, quòd dicta natio aliquando diverterit, quòd lanas suas aliò destinaverit, & quòd Brugenses non in vim suorum statutorum, sed ex proprio dictæ

dictæ nationis statuto, & ad illius requisitionem, executionem adversus transgredientes, uti narratur, fecerunt; magnūque fundamentum dictæ nationis in eo videtur consistere, quod cum Brugenses expressa conventionē se obtrinxerunt dictæ nationi ad conservandam illius libertatem in cundo, redeundo, transferendoque merces suas quoquoersum, non carent reprehensione quod contra fidem datam & obligationem susceptam supplicando Cæsari dictam nationem sua libertate fraudare studuerint: meritoque dicta natio audienda est in detegenda surreptione, aut obreptione à Brugensibus commissā, unā cum fidei violatione & contraventione privilegiorum, quibus dictæ nationi libertas commerciorum confirmata est: & quæ, si Cæsari exposita fuissent, indubiè à concedendo eum retraxissent. Etenim non creditur Principem velle auferre jus quæsitum alteri ex privilegio; & per generalem constitutionem seu revocationem privilegiorum, speciale privilegium non censetur revocatum, *l. secunda. §. si quis à Principe. ff. ne quid in loco pub. Ultra. consil. 266.* præsertim quod ob bonum publicum est tributum, & speciali conventionē & contractu confirmatum. *c. ex multiplici. de decimis.* Quod prudenter Cæsarea Majest. considerans, contradictionem & oppositionem aliorum speciali cautione salvam

conservavit: In verb. *Non obstant opposition ou appellatio saictes ou à faire & sans prejudice d'icelle.* nec solum Brugenses ad initæ conventionis observationem tenentur, non obstante dicta impetratione, in qua anterioris nulla est facta mentio, *d. c. ex multiplici.* sed etiam ipsa Majest. ad observationem dicti privilegii teneri videtur: privilegium enim semel concessum debet manere, nec à Principe revocari. Etenim nihil est quod lumine majore præfulgeat, quàm recta fides in Principe, *Ancho. consil. 240.* in quo, tanquam in fonte justitiæ, debet esse constans & perpetua voluntas; *Bald. consil. 299. lib. 3.* adeò quod quando Princeps revocat etiam motu proprio quod observare tenetur, fingatur circumventus; ita quod contrarium probari non possit: *Bald. d. consil. 299.* eoque firmior judicatur hæc concessio, quod extraneis facta sit, & transierit in contractum, qui est de jure gentium, & nescit vicissitudinem. *Ioannes Mamach. in Rub. de privile. in 6.* Neque quicquam facit hic ad imminuendam potestatem dicti privilegii obmissa confirmatio: ea enim tantum ad abundantiorē cautelam, & non ex necessitate juris exigitur. Et si altius perquiramus omnia, non inconvenienter dici potest, sequentes Principes confirmando generaliter omnia privilegia Flandriæ, & incolis habitatoribusque ejus competentia, etiam hoc privilegium nationis Hispanicæ

Hispanicæ & Brugis residentis censerî confirmasse. Eoque minus difficultatis in hac parte constituendum est, quod Cæsarea Majestas dictam concessionem fecerit non ex jure suo proprio regali, sed præsupposita consuetudine & jure scapulae, quod Brugenfes sibi competere affirmabant; sic ut secundum jus civitatis, & non Principis hanc rem metiri & expendere conveniat.

QUIBUS accedit, quod etiam si jus Principis urgeretur, & privilegium dictæ nationis respectu Principis vires suas amisisset, adhuc tamen contractus cum Brugenfibus initus illos illaquearet, & constringeret ad emendationem omnium damnorum secundum tenorem dictæ conventionis, in 37. articulo. quæ dicta natio sentiret per usum & observationem novæ concessionis ad suggestionem, preces & prosecutionem Brugenfium obtentæ. Nam mandatum, aut jussus judicis vel superioris, quod à parte est affectatum, non præstat excusationem. *Castren. consil. 288. vol. 2. & Dd. in c. quod quis mandato. de regul. jur. in 6.*

DENIQUE quod de legis potestate dictum est cum subsecuta observatione, magnam quidem difficultatem habet, sed tamen non desunt argumenta, quibus eas res controversi & impugnari possit. Primum, quia dicta concessio non processit per modum legislationis, nec consistit in terminis

universalis legis, sed transit in speciale privilegium Brugenfibus indultum, cujus non eadem vis est quæ legis generalis; nec tollit præcedens privilegium contrarium, cujus mentionem & derogationem non continet; sed in contrarium objectu præcedentis privilegii fit inutile & irritum, *d. c. ex multiplici.* nisi triginta annorum spatio absque contradictione & deposita memoria prioris privilegii observatum fuerit, quæ temporum spatia hic non intercesserunt. Eoque magis dictæ nationi concedendum est, ut ad impugnationem dictæ concessionis & ad detegendam illius surreptionem & obreptionem procedat, quod collegii & communitatis jure censeatur, & quod ipse Imperator in dicta concessione facultatem appellandi & opponendi cautione quadam providè conservaverit. Ea enim vis esse censetur dictæ cautionis & reservationis, ut facultas opponendi semel inde acquisita totis triginta annis duret, sicut in aliis omnibus juribus receptum est. Et quatenus de ea re dubium aliquod esse posset, non inconsultum foret dictæ nationi restitutionem implorare adversus lapsum & taciturnitatem temporis obmissionem & approbationem infecutam. Et quanquam propter vetustatem temporis difficile videatur ab origine ostendere nullum jus stipulæ Brugenfibus competisse; tamen promissa libertas dictæ nationi

nationi magnum argumentum faciet. Et in omnem eventum jure postulabunt Consules dictæ nationis, ut dicta concessio eo prætextu revocetur, & cassetur; quòd per eam ad instàtiam Brugenstium natio prædicta arctiore & firmiore vinculo & alio jure, nempe privilegii constrieta sit, quàm antea erat: quod capitulis privilegiorum & contractus cum Brugenstium iniiti adversatur. Et ad extremum faciliè obtineri poterit, ut res revocetur ad limites & cancellos suos, hoc est, ad eas lanas, quæ ad portum Slusensium devehuntur, secundùm terminos xxvj. articuli dicti contractus, in quo nominatim jus stapulæ restrictum est ad lanas, *lesquelles arriveront audict port de l'Ecluse*. Nam inde manifestum est Brugenstes apertissimè conventioni suæ contravenisse, & falsa persuasione apud Cæsarem affirmasse sibi generaliter & universè jus stapulæ acquisitum esse.

TRANSGREDIENDO nunc ad secundum articulum, in quo de via & modo procedendi agitur, paucis dici potest, non videri consultum à via facti incipere propter auctoritatem & mandatum Cæsareæ Majest. volentis dictam concessionem effectum & executionem sortiri, non obstantibus appellatione vel oppositione. Ceterùm quia eadem Majestas in illa concessione jus contradicendi & opponendi salvum esse voluit, conveniens videtur directò per

recursum apud superiorem, à quo originalis omnium privilegiorum concessio emanavit, preces porrigere & supplicare, ut sequendo juris communis dispositionem & reservationem in privilegio Brugenstium factam, benignè indulgeat & admittat querelam dictæ nationis adversus prædictam concessionem, falsa suggestionem Brugenstium obtentam; ad finem ut quod falsa suggestionem est impetratum, in pristinum statum reducat, & dictæ nationi maneat incolumis pristina privilegiorum concessio & confirmatio.

AD resolutionem tertie questionis respondendum videtur, quod usus atque exercitium stapulæ iis juribus annumeretur; quæ *Bannalia* vocant interpretes, in *6. significanti. in princ. de appell. Boer. 125. decis. nu. 4. Fab. in §. flumina. institut. de rer. divis. & quorum vis & potestas ex usu, consuetudine & observatione dependet*; sic ut eatenus custodiri debeat quatenus est observatum; & quatenus nō constet de speciali observatione contraria, non putamus sub jure stapulæ comprehendendi necessitatem vendendi in loco ubi exerceri consuevit jus stapulæ, quod propria sua vi & significatione solum appulsus & exonerationem semel faciendam comprehendit, nullumque aliud vinculum aut necessitatem mercibus injicit.

## CONSILIUM LXVIII.

## SUMMARIUM.

Explicatio l. final. C. de edict.  
 Divi Adriani tollendo.

1. Verba illa, **Comen ende debol-**  
**beren** / ad generalem titulum  
 successionis & hereditatis perti-  
 nent.
2. Testati causa declaratur per causam  
 intestati.
3. **Lego, relinquo & similia**, restitutio-  
 nem important, si universitatis ve-  
 rum immobilium adjiciantur.
4. Disponens presumitur suam disposi-  
 tionem voluisse valere ut melius  
 valere potest.
5. Voluntatis major quam proprietatis  
 ratio, habenda est tam in contra-  
 ctibus quam ultimis voluntatibus.
6. Codicillaris clausula (omni meliori  
 modo) operatur heredes institutio-  
 nem, etiam ubi filio simpliciter  
 titulo legati, dotis, vel donationis  
 propter nuptias, aliquid relinquitur.
7. Hares in re certa etiam universali co-  
 herede dato, vel in parte hereditatis  
 institutus, recte mittitur in  
 possessionem ex beneficio l. fin. C.  
 de edict. Divi Adrian. tollend.
8. Declaratio ac demonstratio nihil mu-  
 tat circa principalem dispositio-  
 nem.
9. Remedium d. l. fin. C. de edict. Divi  
 Adrian. tollend. etiam ad causam  
 intestati pertinere, si de ea ex for-

ma testamenti vel scriptura appa-  
 rere possit.

10. Executorum ea duntaxat est potestas,  
 qua eis ex forma testamenti à te-  
 statore injungitur ac conceditur.
11. Actus superfluous, etiam si viciose ob-  
 servetur, non prejudicat.
12. Libellus in scriptis, si ineptus porri-  
 gatur, non vitiat processum in cau-  
 sis in quibus non requiritur libel-  
 lus.
13. Actus qui via judiciali vel extraju-  
 diciali expediri potest, si judicia-  
 liter intentetur, etiam absque legiti-  
 ma citatione partis vel alia so-  
 lennitate requisita confirmari de-  
 bet.
14. Testamenti tenor ante omnia atten-  
 dendus.
15. Possidens naturaliter vel civiliter  
 potest suo ministerio ac propria au-  
 thoritate alium rei per se possessa  
 possessorem facere, nullius citatione  
 premissa.
16. Missionem in possessionem ex d. l. fin.  
 aut licentiam de mittendo, ut quis  
 obtineat, nemo citari, audiri, vel  
 pro contradicatore haberi debet, nisi  
 qui possidet, & de cujus possessione  
 constat.
17. Possessio ejusdem rei eodem modo  
 apud duos in solidum esse non po-  
 test.
18. Possessione qui non privatur per cre-  
 ationem novi magistratus.
19. Possessionem non amittit ignorans,  
 nisi decennio ab ejus recuperatione  
 cessaverit.
20. Possessionem ab alio occupatam, non  
 amittit qui principalem partem  
 bonorum



- bonorum retines, præsumentq, etiam alterius partis possessionem retinere.
21. Possessionem vacuum suam auctoritate ingrediens, censetur pro pradone.
22. Missio in possessionem est foris litigiosa, & non nisi ab habente jurisdictionem eo loco quo facienda est, expediri potest.
23. Argumentum à feudo ad emphyteusim valet.
24. Possessorium iudicium de feudo apud ordinarium loci iudicem agitur.
25. Emphyteuta & similes, an finita emphyteusi per dominum, propria auctoritate expelli possint: & quando, seu quomodo.
26. Possessionem omnium rerum etiam notorie feudalium & emphyteusiarum, quas defunctus mortis sue tempore habuit, ex d.l. fin. scriptus haeres consequitur: Idem si sit filius haeres, num. 29.
27. Possessionem rerum feudalium hereditariarum quod consequatur haeres scriptus, generaliter procedit in statuto quo possessio defuncti continuatur in heredem.
28. Statutum quo possessio defuncti continuatur in heredem, est exorbitans, & juri communis correctorium.
30. Possessio defuncti cum omni causa & qualitate sua ex d.l. fin. apud heredem conservari, & in eadem manu teneri debet, donec in petitorio iudicio aliud pronunciatum fuerit.
31. Missio in possessionem non citato adversario tunc demum revocatur, quando missus scienter citationem pratermisit.
32. Possessio missi per iudicem confirmari potest, si data sit parte non citata.
33. Possessio acquisita auctoritate iudicis, seu missio in eandem, potest confirmari nulla citatione adversarii facta.
34. Missio in possessionem non impeditur per possessionem alterius novam post mortem defuncti acquisitam.
35. Haeres possidere videtur per executores ad instar coloni.
36. Possessio retineri ac continuari potest absque ullius citatione, licet in acquirenda possessione aliud sit.
37. Contradictor legitimus ad impediendam missionem ex d.l. fin. is demum habetur, qui est in possessione, & promptè titulum domini probare potest.
38. Missio in possessionem non impeditur per contradictionem agnatorum, quando de illorum qualitate vel jure dubitatur.
40. Qualitas falsa non adjecta dispositioni, sed duntaxat demonstrationi vel modo futurae divisionis, non viciat dispositionem principalem.
41. Sententia vel instrumentum quod habet paratam executionem, potest executioni mandari, etiam si de illorum invaliditate disputetur.
42. Filias quæ præsumentur plus dilexisse quam nepotes aut consanguineas, & masculos prætulisse feminis.
43. Consuetudo Ecclesiarum, à quibus emphyteusis retinetur, spectanda est in concedenda emphyteusi.

44. *Alienare prohibitus, regulariter non censetur prohibitus ad heredem transmittere.*  
 45. *Emphyteusis qua alienari non potest, legari tamen vel testamento relinquipotest.*  
 46. *Emphyteuseos cōcessa verba in proximum concepta efficiunt ut emphyteusis non expiret ob linea defectum, etiamsi Ecclesiastica fuerit.*

**I**N ardua causa, quæ vertitur indecisa in amplissimo Senatu Brabantiz inter nobiles & potentes Dominos, Richaldum de Merode, Dominum de Frens, Impetrantem: & Dominum Henricum Dominum de Merode, Peetterfsem, &c. Citatum ex altera: eleganter quidem & copiose per Dominos Advocatos domini citati deducta videntur omnia ad favorem ejusdem domini citati. Quia tamen magni & gravissimi ponderis est præsentis causæ controversia, ideò requisiti ad hoc ex parte præfati domini citati, operæpretium ac conveniens judicavimus, pro majori illustratione veritatis, & ad reficiendam clarissimorum dominorum judicum memoriam, brevi repetitione ea attingere, quæ veram præsentis causæ decisionem continent: & decurrendo per capita, paucis totius causæ statum ob oculos ponere, hoc ordine successivo.

**P**RIMò investigando, an possessio per dominū citatum in dominiis de Westerloo, Hersel, &c.

ex decreto hujus amplissimi Senatibus obtenta, in vim remedii *l. final. C. de edicto divi Adrian. tollendo*, asserti ac sustineri possit.

**S**ECONDò, posito citra præjudicium quod prædicta possessio ex remedio *d. l. final.* non procedat: An ne tunc saltem alio ordinario jure communi, seu quolibet alio legitimo modo defendi ac sustineri possit.

**T**ERTIò, Anne præfata possessioni aliquatenus ob stare possit quod in ea assequenda Dominus Impetrans citatus non fuit.

**Q**UARTò, an præfata possessio per exceptionem tituli seu domini à Domino Impetrante objectam, elidi seu infirmari possit.

**Q**UANTUM ad priorem questionem attinet, nullum dubium videtur, possessionem præfati domini citati ex beneficio *d. l. final.* efficaciter defendi posse, cum in vim testamenti non cancellati neque aboliti, neque ex quacunque suæ formæ parte vitiiati, sed quod prima figura sine omni vituperatione apparuit, & in quo dominus citatus, dato cohærede, omnium bonorum immobilium hæres ac successor declaratus est, præfata possessio præcedente causæ cognitione ab hoc amplissimo Senatu data ac obtenta sit; quo casu exploratissimi juris est remedium prædictæ legis finalis procedere: & quod dominus citatus, ut hæres, ex præfato testamento, ad omnium bonorum immobilium succes-

successionem unā cum cohærede suo vocatus sit, ex forma testamenti ostenditur, in clausula: **Item heeft de boozsepde Testateur noch vercleert ende be-geert/ dat alle sijn erfgoeden/ die hy achterlaten sal / 't 3p tscijnf-goeden / Leen-goeden/ eyghen goeden / emphyteute goeden/ hoe dat die ghenoeemt moghen zijn / sullen naer sijn doode comen ende debolveren op sijn twee Neven / &c.** Nam

1 **verba illa, comen ende debolveren/** ad generalem titulum successionis & hæreditatis pertinent. *Socin. conf. 30. quimus ex his. col. 6. lib. 1. l. 3. §. de illo. in verb. obveniat. ff. pro socio. l. fin. & ibi gloss. & Dec. C. unde legitimi. l. lege obvenire. ff. de verb. sig. Et præterea demonstratio, in fine dictæ clausule adjecta, **als sijn oudste naeste mage den testateur bestaende /** planè declarat dominum citatum ad prædicta bona per testatorem vocatum, tanquam hæredem legitimum, ab intestato, eademque qualitate hæredis ac successoris in testamento institutum esse: ut sic causa testati declaratur & adjuvetur per causam intestati: *iuxta tex. gl. & dd. in l. 1. ff. de injusto rupto. & in irrit. testa. Barth. in l. 1. in fi. ff. de legat. 1. & verba illa, legaterende/latende ende maeckende (quæ alioqui scrupulosiori cuiusdam dubia & ambigua videri poterant) interpretationem ac declarationem accipiant ex aliis verbis præceden-**

tibus & sequentibus, titulum institutionis hæreditatis ac successionis clarè significantibus. Quod eo proclivius hic dicendum est, ubi verba illa, **legaterende/ latende ende makende /** universalitatem rerum immobilium adjecta sunt. Quo casu verba hæc, *relinquo, lego,* 3 & similia, etiam sine alia declaratione, important institutionem. *gloss. in l. his verbis. ff. de hered. instit. gloss. in §. si verò nulla, in verb. Relictis, in authent. de hered. & salcid. & est tex. in l. divus. & ibi Barth. ff. de militari testam. in l. quoniam indignum, & ibi Salicet. C. de testam. l. as. in auth. noviss. C. de inoff. testam. Bald. in l. fin. num. 11. C. famil. eriscund. de hoc dicens esse casum in c. Rainaldus. in verb. legavit, & ibi Panorm. de testam. Alciat. in l. verbis legis. ff. de verbor. signific. pulchrè Bald. consil. 122. incip. super primo puncto, parte 4.* Quibus accedat quod in dubio intelligere debeamus dispositionem titulo institutionis factam, quando hoc magis expedit, etiamsi impropria inveniatu- 4 r testatoris explicatio. Nam semper is qui dispositionem facit, præsumitur illam voluisse valere, ut melius valere possit. *Panorm. in c. cum super, col. final. de off. de legat.* Et prædicta in proposito casu non recipiunt dubitationem, ubi testator in sua dispositione, ac testamento planè expressit, quod veller suam ultimam voluntatem tenere seu valere, omni meliori modo, quo tenere seu valere posset in principio testamenti, his verbis: **begerende**

dat het selbe van weerden sal  
blijven / het 3p bysormen van  
Testamente / van codicill / oft  
foot anders alderbest sal mo-  
ghen / &c. Per quæ verba clarè  
constat de intentione testatoris,  
quod voluerit dispositione suam  
jure institutionis hoc casu, (quo-  
niam hoc magis expedit, tenere &  
subsistere. Quæ voluntas quibus-  
cunque verbis explicetur, sequen-  
da est: nam testatores plærunque  
impropriè loquuntur. *l. non aliter.*  
*§. Titius. ff. de legat. 3.* Et ubi de in-  
tentione ultimam voluntatem or-  
dinantis constare potest, forma  
aut definitio verborum non at-  
tenditur. *d. l. non aliter. §. Titius. l.*  
*quoniam indignum. C. de testam.* Sicut  
etiam in simili, si certus aliquis  
contractus geri intendatur, ille  
contractus, per hoc quod impro-  
piè explicetur, aut in specie alte-  
rius contractus geratur, (si de in-  
tentione contrahentium constet)  
ut ille contractus qui intenditur,  
procedit. *ut per Bart. in l. 1. §. quibus.*  
*ff. quod cuiusque universitatis nomine. l.*  
*ubi ita donatur. ff. de mortis causa donat.*  
Et nominatim in hac specie, clau-  
sulam illam, *omni meliori modo*, ope-  
rari hæredis institutionem, etiam  
si ex forma verborum hoc non ap-  
pareat, pulchrè defendit Fran-  
ciscus Curtius in *d. l. fin. num. 49.*  
ubi ad hoc citat Decium, *consil. 77.*  
*visò puncto. col. 3. Bald. in l. quoties. C.*  
*de hered. instit.* tenentem quoddam ista  
clausula sit tantæ potentie, quod  
suppleat defectum formæ: adeo-

quod si pater, qui tenetur relin-  
quere filio titulo institutionis, re-  
linquat aliquid simpliciter, aut ti-  
tulo legati, dotis vel donationis  
propter nuptias: adjecta illa clau-  
sula (*omni meliori modo*) ea operabi-  
tur, quod censebitur relictum ti-  
tulo institutionis, juxta notata  
Curtii, ubi supra *Alex. consil. 112. in*  
*3. vol. & consil. 80. in 5. volum. Iason in*  
*authen. novissima. num. 21. C. de inoff.*  
*testament. Hippolytus de Marfil. singu-*  
*la. 36.*

P E R quæ satis deductum relin-  
quitur, titulo institutionis, præfa-  
tum dominum citatum, ad domi-  
nia contentiosa vocatum esse, ta-  
metsi nominatim & formaliter ti-  
tulus institutionis expressus non  
inveniat in præfato testamento  
domini testatoris: & proinde mis-  
sionem in possessionem ex benefi-  
cio *d. l. finalu.* ritè factam, in pro-  
posito casu, manifestum est. Nec  
quicquam ob stare potest præfatæ  
missioni, quod dominus citatus,  
nō universalis omnium bonorum,  
seu totius hæreditatis, sed dun-  
taxat unà cum fratre suo bonorum  
immobiliū hæres extiterit. Nam  
præterquam quod ex consuetudi-  
ne duplices hæredes, mobiliæ &  
immobiliæ inveniuntur, hæres  
in parte hæreditatis, ac etiam in re  
certa, puta in fundo, castro, vel  
dominio habet beneficium *d. l. fin.*  
Id quomodo, cum simpliciter in  
instituto in re certa, etiam quando  
universalis cohæres datus fuit,  
plerique, ut Curtius & alii in *d. l.*  
*finali,*

*finali*, procedere existimant; in proposito erit extra cōtroversiam, ubi alius cohæres universalis, respectu bonorum domino citato relictorum scriptus non invenitur, juxta notabile gloss. quam omnes sequuntur; *in d. l. fin. in verb. ex parte, per l. quoties. C. de hered. instituend.* attenta potissimum clausula, *omni meliori modo*, &c. & quod sub universalitate bonorum dominia contentiosa domino citato relictâ sint. Nam quod postea nominatim expressâ, ac domino citato, tanquam seniori proximo, soli attributa sint, per modum declarationis futuræ divisionis inter dominum citatum & cohæredem suum, secundum naturam bonorum, factum est: qua quidem declaratione, quia duntaxat ad intelligendum demonstrandumque facta est, circa principalem dispositionem nihil mutari constat, per ea quæ notat Castrenf. *conf. 378. In causa qua vertitur &c.* nisi quod etiâ ab intestato dominia prædicta ad dominum citatum, tanquam seniorem & proximiorum consanguineum domini testatoris pertinere, eadem declaratio significet. Quod vel solum, quia ex forma testamenti apparet, satis foret ad sustinendam præfatam missionem

3 *ex d. l. ult.* cum notum sit, præfatum remedium *d. l. finalis*, etiam ad causam intestatâ pertinere, si de ea ex forma testamenti vel scripturæ apparere possit: ut Cumanus scribit, *conf. 43. in questione, in fin. Bald. conf.*

*317. parte 1.* & alii quidam, quos referunt Jason & Curtius *in d. l. finali*.

R u r s u s, quod ad secundam quæstionem pertinet, posito citra præjudicium, quod missio in possessionem, quam dominus citatus obtinuit, præcisè & simpliciter ex Principis licentia, & in vim dictæ *l. finalis*: vel ob citationem domini Impetrantis omisâ (de qua infra) vel ob aliquam aliam qualitatē in illa requisitam, forrē (quod minimè videtur) non procederet; adhuc tamen non impediretur quin alio jure legitimo efficaciter tenere ac procedere posset: Siquidem propria auctoritate ac suo jure, extra figuram judicii, dominus citatus possessionē prædictam, ab executoribus eam verè & realiter, ex jussu domini testatoris, & simul confirmatione Principis, obtinētibus accipere potuit; cum dominus testator, expressè hanc potestatem possidendi bona sua; solvendi & exequendi omnia in testamento suo compræhensa, suis executoribus dederit: ita quod executores secundum facultatem sibi à domino testatore datam, & potuerint & debuerint, ratione officii sui, sine ullius judicis additione, præfatam possessionem domino citato permittere. Nam executorum hujusmodi potestas ea est, quæ ex forma testamenti conceditur; & hoc possunt quod eis à testatore injungitur, ut expressè voluit Speculator. *tit. de instru. edit. §. nunc verò aliqua. vers. notandum. ibi.*

Nec

*Nec aliquid potest, nisi testator hoc ei concessit. pulchre Bald. in l. id quod pauperibus. in 3. col. vers. venio ad quartam, de modo & for. execut. C. de episcop. & cler. Pan. in c. Ioannes, in fine. de testa.*

CUM igitur executores ex potestate sibi per testatorem attributa potuerint sine iudicis presentia suo jure possessionem domino citato concedere, ut verè ac spontè eam post adimpletas per dominum citatum certas condiciones à domino testatore requisitas, domino citato tradiderint, non debet nocere aut vitare ingressum, si fortè ex abundanti, ut securius & absq; rixa possessionem ingredi liceret, dominus citatus licentiam Principis ac publicum nuncium, qui comitaretur illum ingredientem possessionem, petierit; cum actus ille non fundaretur in Principis licentia: *arg. l. unic. C. de thesaur. lib. x. nam qui proprio jure nititur, etià ad cautelam, & ut pinguius sit munitus, aliam extrinsecus provi-*

**II** sionem querere potest. Et certum est quòd si actus superfluous, qui omitti poterat, observetur, ista observatio no præjudicat, etiamsi vitiosè observatus esset. *l. i. in princ. C. de rei uxor. act. Bald. in l. consentaneum. col. 5. C. quomodo & quando judex in l. 2. C. de jur. emphy. gl. in l. qui testamento. §. per contrarium. ff. de testament. l. non solet. ff. de regul. jur. l. qua dubitationis. ff. eodem. c. examinatur. de judiciis.* Facit quod scribit gloss. in l. vinum. ff. si cert. petatur. In

**12** causis in quibus non requiritur li-

bellus in scriptis, si ineptus porrigatur, non viciari processum: unde generaliter dicitur, quod ubicunque actus potest duplici via explicari, extrajudiciali & via judiciali, si intentata fuit judicialis, non interveniente legitima citatione, vel alia solennitate requisita, debet nihilominus actus ille confirmari, etiam non citata parte. *secundum Bart. in l. 2. C. de jur. emphy. per l. 3. §. missum. ff. de Carbonia. edic.*

CUM itaque per viam extrajudicalem dominus citatus ad præfatam possessionem jure suo aspirare potuerit: non poterit ea vitiari per hoc quod ex abundanti, & ut urbanus negotium peragere, petiit cum Principis licentia ab executore se associari ad prædictam possessionem: etiamsi fortè illa licentiæ requisitio ac executoris associatio nulliter facta essent. Quam ipsam tamen judicalem viam ex Principis licentia, etiamsi sola intentata fuisset, efficaciter procedere potuisse, superius demonstratum est.

SUCCEdit nunc tertia questio, qua queritur, an præfata possessioni domini citati aliquatenus obstare possit, quòd dominus Impetrans in ea assequenda citatus non fuerit. In quo articulo, pro constanti videtur respondendum, quod sive in vim d. l. finalis, ac judicialiter, sive via extrajudiciali dominum citatum præfatam possessionem ingressum esse dicamus, neutro casu fuisse necessariam citationem,

citationem, vel evocationem domini Impetrantis. Siquidem si viam extrajudicialem, qua dominus citatus suo jure ab executoribus in possessione dictorum dominiorum constitutis, accipere potuit, attēdamus, nullo respectu necessaria fuit domini Impetrantis citatio. Nam executores qui ex voluntate testatoris, & Principis terræ confirmatione dictam possessionem assecuti erant; ex officio & potestate ipsis in testamento ejusdem testatoris attributa, possessionem prædictam, impletis certis conditionibus, vel cautione de iis implendis recepta, nullo alio requisito transferre tenebantur, ut

14 ex tenore præfati testamenti (qui ante omnia est attendendus, secundum Baldum *in d. l. id quod pauperibus.*) est clarissimum: adeo quod non fuerit in potestate ipsorum executorum aliter vel alio modo de possessione prædicta, aut dominiis prædictis disponere: quia ultima voluntas defuncti ad unguem servanda est. *c. ultima voluntas 13. q. 2. c. nos quidem. de testament. & ibi dd.* Et præterea quia certum est præfatos executores legitimo modo fuisse in possessione præfatorum dominiorum, etiam cessante necessitate executionis, licite poterant irrequisito domino Impetrante, possessionem quam habebant, domino citato permittere. Nam clari juris est, cum qui

15 rem aliquam naturaliter vel civiliter possidet, nullius citatione

præcedente posse alium suo ministerio, ac propria auctoritate ejusdem rei possessorem facere, secundum Bart. *in l. quod meo, in princ. & in l. interdum. §. qui alienam. ff. de acq. poss. arg. l. in re mandata. C. mandati. §. per traditionem. inst. de rerum divis.* Et denique domini Impetrantis, qui neque hæres, neque fideicommissarius, neque legatarius dictorum dominiorum, in præfato testamento scriptus erat, interesse non potuit quid per præfatos executores de possessione in vim executionis testamenti prædicta, habita, fieret: & notissimi juris est, Neminem audiri sine interesse ad aliquid impediendum. *c. veniens. 2. de testibus.*

Rursum si ad remedium *d. l. final.* possessionem domini citari referre lubeat, adhuc æquè efficaciter procedet; nec aliquatenus obstare poterit quod Dominus Impetrans in ea assequenda evocatus non fuerit. Primò, quia non probatur dominum Impetrantem tempore missionis seu decreti de mittendo fuisse in possessione; ideoque citari non debuit. Nam in obrinenda missione in possessionem ex *d. l. final.* nemo citari, 16 audiri vel pro contradicatore haberi debet, nisi qui possidet, & de cujus possessione constat: ut Bart. *Alexand. l. f. & alij in d. l. final.* Idque sive attendamus summariam cognitionem, quæ licentiam de mittendo præcedit, sive licentiam de mittendo, sive missionem ipsam,



ut pulchrè Decius, Ang. Curt. Jason & alii in d. l. final. Quod autem dominus Impetrans in possessione non fuerit, ex eo manifestum est quodd statim à morte testatoris executores eandem possessionem apprehenderunt, quam decreto Principis & literis dominorum directorum confirmatam & approbatam obtinuerunt & conseruauunt, donec secundum ultimam voluntatem domini testatoris, accedente auctoritate Principis terræ, eandem in dominum citatum transferrent. Si enim præfata possessio per executores prius fuerit apprehensa, ac conseruata, donec iis consentientibus dominus citatus eam ingrederetur, fieri non potuit ut iis manentibus in possessione dominus Impetrans eandem acquireret. Quia duo in solidum eandem rem eodem modo possidere non possunt. l. 3. §. ex contrario. ff. de acq. possess. l. si duo. ff. uti possidetis. l. si ut certo. §. si duobus vehiculum. ff. commodati. c. cum ecclesia Sutrina. de caus. possess. & proprietat. Et dominum Impetrantem nullam unquam possessionem assecutum fuisse, sed eam semper penes executores mansisse, testatur requisitio & protestatio domini Impetrantis, quam contra executores prædictos pro assequenda possessione dictorum dominiorum emisit anno 1550. Martii 26. in hæc verba: **Ende want ghy my onlancx / &c. vercleert hebt / dat ghy die voozschreiben goe-**

**den in handen houdt als executeurs / soo verfoecke ick ende sustinere dat ghy my daersomme in mijn possessie gheen belet en behoort te doen / noch my als Man ende Momboir van mijnder huyfzouwen / &c. van de possessie te weeren oft te excluderen / oft oock het slot soo ghy lestmael dedet / vooz my gheslooten te houden / &c.** Declarant hoc idem literæ dominorum directorum ad executores in possessione dictorum dominiorum constitutos missæ: declarat quoq; id commissio dominorum directorum duobus canonicis facta, secunda Junii anno prædicto, ad assistendum domino Impetranti in assequenda possessione à præfatis executoribus.

**MANIFESTISSIMUM** est igitur, etiam ex propria confessione domini Impetrantis executores habuisse veram realem & actuaalem possessionem præfatorum dominiorum, quam defuncto domino testatore continuarunt nomine domini citati tanquam hæredis defuncti in dominiis contentiosis: ac consequenter dominus Impetrans possessionem dictorum dominiorum assequi non potuit, nisi consentientibus præfatis executoribus. l. quamvis. §. 1. ff. de acq. poss. l. 3. §. si servus. ff. illoriti.

Et proinde, quodd dominus Impetrans 25. Junii anno, &c. propria auctoritate possessionem dictorum executorum turbare præsumpserit;

- sumpserit ; novum magistratum constituendo in dominiis contentiosis, hoc non nisi temeritati turbativæ inniti, & ad invalidandam aut transferendam possessionem
- 18 ab executoribus, sufficere non potuisse constat. Nam noti juris est per tales actus tertium, qui est in possessione, non privari. *secundum Bart. in l. quod meo. ad fi. ff. de acq. poss. Aug. post gloss. in l. 2. ad fin. C. de acq. poss. & l. quadam mulier. ff. de rei vendic.* Et hoc in isto casu maximè, quia executores Castri de Westerloo (cujus veluti pertinentiæ videntur cætera omnia) possessionem retinebant, eamque domino Impetranti expressè recusabant. Nec verisimile est eos unquam esse suspicatos se posse repelli à libera cæterorum bonorum possessionis usurpatione : item quia tantum duobus vel tribus diebus dominus Impetrans in præfata turbatione perseveravit: idque in actibus momentaneis, & tractum successivum non habentibus, justè ignorare potuerunt præfati executores temerariam domini Impetrantis usurpationem. Quibus sanè casibus, aperti juris est, possessionem
- 19 non amitti. Nam ignorans possessionem non amittit, nisi decennio ab ejus recuperatione cessaverit. *l. clam possidere. & ibi dd. & in l. si de eo §. si forte. ff. de acq. poss. pulchrè Alex. in l. quod meo. §. si. ff. de acq. poss.* Et
- 20 possessionem ab alio occupatam quis non amittit, qui adhuc partis possessionem retinet, ut hic execu-

tores possessionem principalis Castri retinuerunt. Nam retinendo principalem domum ac partem bonorum litigio forum, possessionem alterius partis præsumuntur voluisse retinere. ut Joannes de Imol. & Alex. in d. l. quod meo. §. final. Imo tota possessione ab alio occupata, prior possessor eam non amittit, etiam si sciat eam occupatam esse, si ex aliquibus judiciis appareat quod prior possessor (cujus possessionem alius per vim vel clam est ingressus) nō fuerit suspicatus se posse repelli, ut in proposito. Nam executores non solum retinuerunt possessionem dicti Castri, sed etiam in omnibus aliis bonis, & juribus ad suam executionem pertinentibus, non considerata imaginaria & momentanea possessione, seu verius turbatione domini Impetrantis, continuaverunt actus verè possessorios, imò animum suum conservandæ possessionis clarè satis ostenderunt, per hoc quod uno die, vel biduo, post prætenfam apprehensionem domini Impetrantis, per dominum citatum evocati, tanquam verè & realiter possidentes juxta præscriptū d. l. final. & eorū quæ notati ibi Bart. & alii, post adimpletas certas condiciones possessionē dicti Castri, ac cæterorum bonorum tanquam efficaciter & verè apud se constitutam domino citato concesserūt, nulla exceptione querelæ vel commemoratione invasionis domini Impetrantis facta.

Quæ omnia satis liquidò demonstrant, dominum Impetrantem non solum non assecutum fuisse possessionem bonorum, de quibus agitur, sed eo amplius propter temerariæ, ac violentè usurpatæ possessionis vitium in corruptionem *l. si quis in tantam. C. unde*  
**21** *vi. incidisse.* Nam cum vacuum possessionem sua auctoritate usurpans pro prædone censeatur, *l. final. C. unde vi.* multò magis ab altero justè & ex decreto Principis possessa ingrediens, pro vitioso & temerario usurpatore & punitiōnem *l. si quis in tantam.* incurrere censendus videtur. A quo quidem temerariæ possessionis vitio dominus Impetrans excusari non potest per hoc, quod ex commissione dominorum directorū duos Canonicos, qui eum in assequenda præfata possessione comitarentur, associatos habuerit. Siquidem commissio, præfatis Canonicis facta, non tribuit potestatem dandæ possessionis (quam nec ipsi directi domini in alieno territorio habebant) sed solum committitur prædictis Commissariis, ut domino Impetranti assisterent in consequenda prædicta possessione à Principe terræ, atque ab executoribus, penes quos jus dandæ possessionis prædictæ consistebat.  
**22** QUINETIAM si expressam commissionem dandæ possessionis habuissent dicti Commissarii à suis capitulis, ad quæ directum dominium bonorū prædictorum

pertinet, adhuc tamen in vim dictæ Commissionis possessionem dictorum bonorum in Ducatu Brabantia, ubi præfata capitula nullam jurisdictionem habent, dare non potuissent: cum missio in possessionem sit actus fori contentiosi, & non nisi ab habente jurisdictionem eo loco quo facienda est, expediri possit. *l. presenti. §. 1. C. de his qui ad eccles. confug. l. final. C. si per vim vel alio modo. l. cum unus. §. ult. & ibi gloss. ff. de bonis auctoritate judic. possid. l. à divo Pio. §. 1. ff. de re judicat.* Et ita in terminis emphyteusis respondet Ludov. Roman. *confil. 212.* Quemadmodum etiam in simili possessorium judicium de feudo (à quo valet argumentum ad emphyteusim, secundum Decium *conf. 435. & 24.*) apud ordinarium loci judicem agitandum est. *c. ex parte de foro camper.*

NON adversantur prædictis ea quæ tradit glossa post M. & B. in *l. 2. C. de jur. emphyt.* videlicet finita emphyteusi, dominum propria auctoritate emphyteutam posse expellere. Nam ea glossæ traditio est dubia, & ejus contrariū firmissimis rationibus tuerentur Petrus, Cynus, & alii in *d. l. 2.* videlicet domino non permitti propria auctoritate emphyteutam expellere: sed per Magistratum publicū hoc fieri necesse esse. Quod ipsum omnes glossæ, & dd. multò consultius esse existimant ad fluctus seditionum componendos, & rixarum tumultus sedandos: *arg. l. non est singulu.*

*singulis. ff. de regul. juris.* & ita more regionis receptum videtur.

PRÆTEREA si fortè in puncto juris (ut Jason ait in d. l. 2. num. 129.) sustineri posset domino liberum esse, & in manu ejus positum propria auctoritate emphyteutam posse expellere secundum dictæ glossæ opinionem; hoc tamen ita demum procederet, si liquidò & promptè constaret emphyteusim finitam esse: Secus si finita non fuerit, vel de eo sit dubitatio, ut in proposito: nam eo casu magistratus adeundus est, & per viam iudicii res explicari debet; ac interim emphyteuta in possessione tuendus est. Quemadmodum de usufructuario dicitur in l. uti frui in princ. ff. si usus. perat. & in l. 1. §. habet autem. ff. si usus fruct. quemad. cau. gloss. in c. licet episcopus. de præbend. in 6. Et (quod proprius huc pertinet) de vasalli agnato in c. unico, in princ. si de feud. defuncti contentio sit inter dominum & ag. ubi ita dicitur: Si de feudo defuncti militis sit contentio inter dominum & agnatos defuncti, dominum, novum feudum, agnatis verò paternum esse contententibus, agnati in possessione feudi (de quo queritur) constituendi sunt, eo facto, super principali cognoscendum est.

RURSUM quod dicitur, dominum propria auctoritate posse emphyteutam aut vasallum expellere, & possessionem bonorum feudalium seu emphyteuticorum apprehendere, si aliquo modo

possit procedere, intelligitur duntaxat si incontinenti fiat emphyteutæ aut vasalli ejectio. Bart. in l. clam possidere. §. qui ad nundinas. ff. de acq. possessione. cum multis aliis citatis per Zasium consil. 11. in fine, lib. 1. Quod hic non contingit. Executores enim longissimo tempore scientibus & contentientibus dominis directis fuerunt in possessione per Principem sibi confirmata, antequam ipsi domini directi Commissarios ordinarent, qui domino Imperanti in assequenda possessione assisterent.

ET certè in hoc casu propria auctoritate dominorum directorum ejectio, vel naturalis possessionis apprehensio, quemadmodum verè facta non fuit, ita nec fieri potuit; non solum quia emphyteusis finita non fuit, vel quia executores medio tempore possessionem apprehenderunt ac continuant, ac demum eam in dominum citatum transtulerunt; verum etiam quia sumus in eo casu, in quo specialiter jus constituit possessionem omnium rerum quas defunctus possidebat, scripto hæredi ante omnia concedendam esse; adeò quòd juvetur hæres generaliter isto remedio in omnibus rebus, quarum possessor erat defunctus tempore mortis suæ, d. l. final. Ibi, quia defuncti tempore mortis fuerunt. Quod procedit etiam in feudalibus vel emphyteuticis bonis. Jason, Curtius & alii in d. l. final. C. de edic. divi Adr. collend. Quod

Cccc 3

pro-

procedit non solum in dubio, sed etiam quando constat bona esse feudalialia vel emphyteutica, donec adversarii in petitorio de jure suo potiore ostenderit, per ea quæ eleganter scribit Decius *consil.* 467. Bene & *consulte. col. 2. vers. & ista conclusio.* dum loquens de statuto quo introductum est possessionem defuncti transire & continuari in heredem, dicit filiam debere conservari in possessione bonorum feudalium quæ constat esse feudalialia, donec agnati, qui prætendunt filiam non debere succedere, de jure suo potiori doceant. Nam filia, inquit, debet habere possessionem omnium bonorum quæ pater ejus tempore mortis possidebat: & in tali possessione debet conservari, donec adversarii de jure suo potiori doceant. Quod ipsum quoque tenet Decius *consil.* 498. *visu casu proposito. col. 1. & consil.* 588. *visu puncto, & dubio. col. 2. Francisc. Curt. junior in tractat. feudorum in 3. part. quest. 21. junctis aliis quos citat Tiraq. in tractatu suo, Le mort saisit le vis. part. 4. declarat. 5. num. 17. cum seq.* Et hoc generaliter procedere in statuto quo possessio defuncti continuatur in heredem, tenet Andreas Tiraquell. plurimos auctores in id citans in d. suo tractatu, *le mort saisit le vis. §. declarat. part. 4. num. 17. incip. Contrarium tamen, cum sequent. & declarat. 6. part. 4. num. 3. incip.*

27 Verum & rei emphyteuticariæ transferri possessionem. & tamen statutum illud est exorbitans, &

juris communis correctorium per ea quæ scribit Jason *consil.* 152. *lib. 4. & latè Tiraquell. in d. suo tract. Le mort saisit le vis. in præfat. declarat. 3. num. 2.* multo magis ergo id ipsum debet procedere, in hoc casu, ubi agitur de remedio d. l. final. C. de edict. divi Adrian. tollendo. Quod est juris communis & favorabile, ut Tiraquell. loco prox. citato.

CONFIRMANTUR prædicta per text. in c. 1. §. defuncto milite, in tit. si de feudo fuerit controvers. inter dominum & agnat. ubi dicitur quod filia mortuo patre in possessione manere debeat, donec de feudo probetur & judicetur. & hoc idem scribit Joa. And. in addit. ad Speculat. in tit. de testam. §. penult. dum dicit quod filia quæ petit se mitti in possessionem rerum quæ patri in feudum concessæ fuerant, mitti debet, nec agnati masculi erunt legitimi contradictores ad impediendam talem missionem, per c. 2. si de feud. fuerit controvers. inter dominum & agnat. Quam decisi. pro notab. refert Alexan. in d. l. fin. col. fin. vers. aliud notab. dictum. Si enim secundum prædicta casu quo constat agnatum esse qui petit, & rem feudalem esse quæ petitur, in qua regulariter fræmina non potest succedere, filia hæres mittitur in possessionem etiam feudalium, priusquàm agnatus audiat. Quantum magis hoc idem hic erit dicendum, ubi negatur dominum Impetrantē habere eam qualitatem, ex qua ad bona ista ab intestato admitti

29



admitti possit. Et è contrariò satis constare videtur, dominum citatum, nullo facto testamēto, etiam ab intestato præferri debuisse.

HABET itaque dominus citatus intentionem suam in hoc iudicio plenissimè fundatam, ex eo quod sit defuncti hæres, & successor. De quo apparet per testamentum non cancellatum nec aliqua sui parte vitiatum: & quòd istorum bonorum possessionem defunctus, tempore mortis suæ habuerit, *d. l. final. & ibi dd.* Quæ defuncti possessio licet nō transeat ipso jure in dominum citatum, ea tamen ipsi debetur, & in illam mittendus fuit, ac in illa cum omni causa & qualitate, qua defunctus illam habuit, manu teneri & conservari debet, donec in petitorio iudicio aliud pronunciatum fuerit, secundum Decium, *d. conf. 467. & conf. 498. cum simil.*

ET hæc missio, antequam facta esset, impediri non potuit, & nunc facta revocari non debet: neque propter possessionis temerariam turbationem domini Impetrantis, neque propter contradictionem quæ à domino Impetrante, assistentibus sibi certis Commissariis dominorum directorum, in actu missionis facta dicitur; nec potuit aliquid fieri per dominum Impetrantem, vel etiam dominos directos in bonis, de quibus agitur, etiamsi possessio eorum vacasset, & à nemine apprehensa fuisset, per quod impediretur effectuali-

ter hæc missio domini citati: nam semper locum habet ratio *d. l. final.* ex qua missio facta est, nempe, quod harum rerum possessionem defunctus mortis suæ tempore habuerat: & quòd ex testamento apparebat dominum citatum in illis hæredem esse, & proinde debeat semper locum habere ejusdem legis constitutio.

ET hoc potissimum, quoniam hîc agitur de possessione rerum quæ secundum tenorem concessionis erant ad hæredes transitoria: & quarum possessionem defunctus sibi proprio jure suo tenebat, & quam mox à morte defuncti executores testamenti, ex potestate sibi data, apprehenderunt & continuarunt nomine domini citati, ipsum in illa recognoscendo; ac illum ei tandem realiter restituendo: idque auctoritate hujus amplissimi Senatus diligenti causæ cognitione, atque omnibus aliis intervenientibus, quæ ad missionem in possessionem, secundum *d. l. final. C. de edict. divi Adri. tollend.* sunt requisita. Et proinde debet ea in possessionem missio facta stare stabili jure subnixa ac confirmata: nec debet propter omisam citationem domini Impetrantis, vel alia ex causa vitiari aut infirmari per supradicta.

DENIQUE posito circa præjudicium dominum Impetrantem, tempore missionis, seu apprehensæ possessionis, à citato aliquam habuisse possessionē vitio carentem: adhuc

adhuc tamen in casu proposito missio seu apprehensio possessionis domini citari, eo pretextu revocari aut cassari non deberet, sed potius de novo confirmari & stabiliri: quoniam possessio illa domini Impetrantis, si quæ fuerit (quia in alieno facto consistebat) ob absentiam domini citati & temporis brevitatem, à domino citato iuste ignorata præsumitur. *c. præsumitur. de reg. iur. in 6. l. si super. C. qui militare non possint, lib. xy.* Si quidem missio non citato adversario tunc demum revocatur, si missus scierit citationem adversarii prætermiserit. *Angel. in §. Quadrupli. col. 16. Instit. de actio. Ioannes de Imola, Angel. & alii in l. si finita. ff. de damno infecto.* ubi dicunt ea ratione confirmari possessionem missi, quia si non esset data, adhuc dari deberet. *Bart. in l. 3. §. missum. ff. de Carbo. edito. Iason in d. l. si. C. de edict. divi Adria. tollend. cum multis aliis citatis per Tiraquell. in d. tractat. suo, Le mort suisit le vis. 6. part. declarat. 2. num. 8.*

Qui bus est proximum, quod etiam si dominus citatus præteritam possessionem domini Impetrantis notam habuisset, aut de facili habere potuisset, quod non; per supradicta, nihilominus tamen adhuc possessio domini citati veniret confirmando: tum quia per executorem huius amplissimi Senatus in possessionem inductus fuit, juxta notata Bartoli, in l. iust. ff. de acq. poss. & ita tenet Curtius junior, in d. l. fin. num. 75. & num. 85.

*C. de edict. Divi Adrian. tollend.* Tum quia si quam possessionem habuisset dominus Impetrans, quod tamen negatur, ea tantum recens & nova fuisset, ac demum post mortem defuncti acquisita. Quam non sufficere ad impediendam missionem faciendam, & multo minus ad eam revocandam, ab omnibus receptum est, in d. l. final. & tradit Caltr. *consil. 452. consil. 454. part. 1.* Ludovicus Romanus *consil. 158.* Et denique, quia si bene ponderentur omnia, per istam missionem non tam de novo acquisivit dominus citatus possessionem bonorum contentiosorum, quam eam præhabitam suo nomine, ab executoribus retinuit & continuavit. Nam prius executores testamenti illam possessionem nomine ipsius domini citati habuerant, & sic ipse possidere videbatur sine alia apprehensione, quemadmodum de colono dicitur. in l. qui usus. §. qui per colonum. ff. de acq. poss. & ibi Alexan. in 1. notab. faciunt notat. decis. Neapol. 157. vol. 2. & decis. 325. Ad quam sanè possessionis retentionem ac continuationem, ut valeret & subsisteret, nullius citatio fuit necessaria, licet in acquirenda possessione plerumque aliud sit. d. l. fin. C. de edict. Divi Adrian. tollend. Non enim est par causa retinendi & de novo acquirendi. l. final. C. de acq. possessione. l. servus. C. de patris. l. patre furioso. ff. de iis qui sui vel alieni juris sunt. c. quædam inodum, de iurejurand. ubi dicitur

Turpius



Turpius ejicitur, quàm non admittitur hospes.

37 **QUARTÆ** quæstionis resolutio difficultatem habere, non videtur: nam si dominus Impetrans, tempore missionis non fuerit in possessione, frustra per eum obijcitur dominii exceptio, quæ in hoc articulo non relevat, nisi adsit possessio. Quoniam is demum hoc casu legitimus contradictor est, qui est in possessione & habet titulum dominii qui promptè probari possit. *gloss. & Bart. lason, Decius, Curtius & alii in d. l. fin. C. de edict. Divi Aldrian. tollend.* Quod utrumque hic defuit. Nam nulla invenitur domini Impetrantis possessio, & dominium per eum allegatum nullo modo probatur; & si quoquo modo probasset (quod non conceditur) requireret altiore indaginem, quàm hic præfens causa possessoria non admittit, maxime obstante prædicta protestatione per citatum facta: adeò quod nihil rationis habeat, quòd dominus Impetrans in protestatione sua 26. Martii, contra executores promptè probare obtulerit errorem illius qualitaris, **Als autste naeste maghe** / sub qua dominia prædicta domino citato attributa sunt, ob id quod uxor domini Impetrantis natu major esset, &c. Si quidem constat magis testatorem qualitatem illam, **Als autste naeste maghe** / ad seniore masculinum retulisse, aut si hoc clarè nõ constet, plurimum anceps erit du-

bitatio, An dominus testator utriusque sexus considerationem; an verò ad masculinum tantum respexerit: & proinde super eo non potest fieri fundamentum ad impediendam missionem. Sed hoc stante 38 missione, discuti debet in petitorio, juxta elegantissimum Francisc. Curtii junioris consilium, in *istâ materia* 108. incip. *Sacratissima. num. 14. 16. & sequent.*

40 **QUIBUS** illud præterea de qualitate in testamento ascripta addendum est, qualitatem prædictam non esse adjectam dispositioni, sed duntaxat demonstrationi, & modo futuræ divisionis: adeò quod etiamsi penitus falsa esset prædicta qualitas, non tamen vitaret dispositionem principalem. *arg. l. fi. §. Titia, & ibi Bart. ff. de libe. ligat.* Per quæ manifestè satis constat, exceptionem dominii, per dominum Impetrantem propositam, domino citato ob stare non posse, non solum quia possessionem adjunctam non habet, verùm etiam quia ad cognitionem hujus causæ nõ pertinet, ut suprà dictum est.

**QUAMVIS** igitur aliqua probabilis causa foret (quæ tamen hic non videtur) ob quam de viribus institutionis vel testamenti disputari possit: per hoc tamen non deberet judicium missionis in possessionem impediri. Quemadmodum 41 in simili cum disputatur super invaliditate sententiæ vel instrumenti, quod habet paratam

Dddd execu-

executionem, tamen sententia vel instrumentum potest executioni mandari. *secundum* *mol. in c. cum in jure. de off. delegat. Bald. in l. tale pactū. §. qui provocavit. ff. de pact.*

QUINIMOD, si postea fortè in judicio proprietatis, pleniorè disquisitione res excutiat, clarè constitutum creditur dominum Citatum meliori jure domini subnixum esse quàm dominum Impetrantem nomine uxoris suæ, sororis domini citati jus ad præfata emphyteusum prætendentem. Siquidem ipsa conventio & emphyteusos concessio (cui hic contractus subjacet *l. i. C. de jur. emphyt.*) clarè indicat dominum citatum, tanquam seniore masculum cōsanguineum præferendum esse fœminæ etiam natu grandiori, cum omnia verba concessionis sint masculini generis, & in primo gradu masculus expressæ fœminæ prælatus sit, ut scilicet una pars dispositionis per aliam declaratur. *l. qui filiabus in princ. ff. de legat. 1. l. si servus plurium. in fine. ff. eod.* Et quemadmodum in primo ordine prætulerunt contrahentes masculos filia-  
 42 bus, ita etiam in ulterioribus cōsanguineis masculos semper (modo in pari gradu existerent) fœminis præferri voluisse, credendum est: ne scilicet absurdum sequatur, & inconveniens, quòd scilicet plus viderentur dilexisse contrahentes neptes & cæteras cōsanguineas,  
 43 quàm filios, juxta notata Curtii Junioris *conf. 43. Statuto. col. 12. in fin.*

ET eo magis dicemus, hîc masculum fœminæ præponendū esse, quoniam in prima concessione, is qui eam obtinuit, motus videtur ratione agnationis conservandæ per masculos, tum quia differentiam fecit in primo loco, inter masculos & fœminas, & sic consideravit masculinum sexum, per quem dignitas familiæ conservatur, *l. i. §. penult. ff. de vent. inspiciendo.* tum quia rei ipsius natura & qualitas, (quoniam sunt antiqua dominia & castra, quibus & mixtum & merum imperium annexum dicitur) potius masculorum successione expositular: & denique consuetudo ecclesiarum, à quibus prædicta emphyteusis retinetur (quæ hîc spectanda venit *Alexand. in l. etiam. ff. solut. matrim. & alii in c. in presentia. de probat.*) talis esse dicitur, quòd masculos in pari gradu fœminæ etiam majori natu præferat; ut latius in scripturis deductum est: ita quòd ex conventionem seu investitura ipsa, & natura, & qualitate bonorum (quæ magnum argumentum præbent *secund. gloss. in c. unico. de feud. Marchia.*) & denique, cum ex consuetudine ecclesiarum, à quibus prædicta emphyteusis retinetur, liquidò appareat, etiam jus proprietatis domini citati esse longè potentius & clarius, quàm domini Impetrantis; quòd sanè jus proprietatis domini citati nullo commissio vel finitæ emphyteusos (quòd alterum est fundamentum domini Impetrantis, in quo ob contra-

ob contrarietatem, etiam si justum foret, audiri non deberet. *i. sollicitudinem. de appell. l. 1. & ibi dd. C. de surrog.*) velamento, aut prætextu infirmari, vel infringi potest. Nam quod ad commissi allegationem attinet, ex eo capite quod ultimo defunctus possessor de emphyteusi sua, irrequisitis dominis directis, in testamento suo disposuisset, ad favorem domini citati, nihil rationis habere videtur. Nam in ipsa concessione non invenitur prohibita alienatio ipsius emphyteuseos sine consensu dominorum: sed tantum translatio & novi emphyteutæ surrogatio, ne scilicet domini directi cogerentur novum emphyteutam recipere, qui fortè solvendo non esset, aut alioqui emphyteusi suscipiendæ parum idoneus: quod etiam juri communi est conforme. *l. 3. vers. necessitatem. & ibi las. & alii. C. de jur. emphyt.* Et si fortè in dicta concessione prohibitum intelligeretur emphyteutæ ne venderet, vel alio modo inter vivos alienaret: non tamen per hoc censetur prohibita dispositio testamentaria. Nam regulariter prohibitus alienare, non censetur prohibitus post mortem ad heredem transmittere. *l. cum pater. §. cum inter. ff. de legat. 2. arg. l. milites. §. ult. ff. de remilit.* Et nominatim emphyteusin (quæ vendi aut alienari non potest) legari tamen vel testamento posse relinqui, omnes tenent. *in d. l. ultima. C. de jure emphyt.* Quin etiam si

prorsus alienatio sit prohibita, tam per ultimam voluntatem, quam per contractum, poterit tamen sic prohibitus feudum vel emphyteusim alienare prohibitam in testamento ei relinquere, ad quem post mortem suam feudum, vel emphyteusis devenire debet. *arg. l. filiusfamilias. §. cum patrem. ff. de legat. 1. & l. pater. §. quindécim. ff. de legat. 3.*

Quod finitam emphyteusim, ob deficientem lineam descendantem, dominus Impetrans & adjuncti contendunt, solidum quoque non videtur: Tum propter 46 verba concessionis in proprietarium concepta; quo casu ex vocabuli significatione non expirare ob lineæ defectum, etiam si ecclesiastica fuerit, pulchrè defendit Paulus Castrensis. *consil. 140. Primo videndum:* tum propter consuetudinem Ecclesiarum, à quibus prædicta emphyteusis retinetur: qua obtentum & observatum dicitur, emphyteuses ob defectum lineæ non extinguui, sed ad quoscunque etiam collaterales & extraneos transire, donec pensio solvatur, ut hæc omnia in scripturis latissimè deducta sunt.

DENIQUE, quod ad commissum præfatæ emphyteusis (quod à domino Impetrante & adjunctis prætenditur) attinet, levius videtur quam ut de eo hic tractari debeat; præsertim cum id, sicut omnia alia, ad hanc missionem in possessionem non pertineat, sed

ad discussionem causæ peritoria.

RELINQUITUR itaque possessionem dictorum dominiorum rite legitimeque per dominum citatum obtentam esse: & præterea ex abundanti jure domini seu proprietatis adjutam ac penitus confirmatam esse. Aded quod si adminicula possessionis superius deducta non subsisterent, quæ tamen sunt firmissima ex sola justificatione tituli, ac proprietatis ex parte domini citati facta, justificari ac confirmari deberet domini citati possessio: maximè quia ex parte domini Impetrantis non fuit oppositum aut contradictum deductioni domini, sicut e contrariò ex parte domini citati factum invenitur: c. i. ibi consentiente illo, de restit. spoliat. ubi hoc notant dd.

## CONSILIUM LXIX.

### SUMMARUM.

1. Verba ambigua aut perplexa in favorem proferentis interpretari debere, maximè in criminalibus.
2. Deceptus quis non presumitur si non probetur per falsas allegationes inductus.
3. Conductor qui in fine sua conductionis, commodum quod ex eventu ad sequentis temporis conductorem pertineret, ad se trahit, quando teneatur ad restitutionem ejus quod accepit, aut non.
4. Conductor & similis qui aliquid facit ut acquisitio, qua successori de-

betur, derivetur in alium, non tam delictum quam nullitatem actus contrahere dicitur.

5. Prælatus, sacerdotes & similes si præveniendo successorem, locent, aut redditus recipiant pro tempore suorum successorum, solium ex eo resultat nullitas ejus quod actum est, pro tempore successoris.
6. Accisiarum emptores seu arrendatores instar usufructuarii habentur, & is ll. de usufructuarius accommodari possunt.
7. Colonus, usufructuarius & similes, in colligendis fructibus non coguntur expectare naturalem maturitatem fructuum, sed eo tempore colligere fructus possunt quo eis magis expedit.
8. Mandatum quantumvis generale in sese non includit delictum.
9. Delictum & dolus per quamlibet causam, etiam temerariam, excusantur.

IN iis quæ in certa querela Reginali Majestati exhibita, particulariter contra Nicolaum M. proponuntur, nihil est (ut videtur) quod ad delictum præfato Nicolao imputari possit. Nam quod priore loco objicitur de prolatis ab eo verbis quibusdam jactatoriis conceptæ conductionis, seu arrendationis accisiarum cerevisiæ ex suo capite & arbitrio, &c. nunquam (uti dicitur in responsione ipsius Nicolai) probari poterit, eo quo objicitur modo factum esse: & si probaretur, ea res tamen, neque

neque per se crimen aut delictum induceret, neque alicujus admissi criminis confessionem contineret. Nam commemorationem conceptæ arrendationis ad suum arbitrium per se delictum non esse, manifestum est; & factum ipsum, nempe arrendationem ad suum arbitrium fuisse conceptum, convenienter absque delicto potest intelligi. Verissimum enim est arrendationem ad suum arbitrium fuisse factam, eo quod ipse contrahendo cum oppido in eam consenserit: *l. ficut. C. de act. & oblig.* & hunc intellectum verba quæ obijciuntur per se admittunt & important. In quibus etiam si aliqua foret ambiguitas aut perplexitas, ea utique in favorem proferentis interpretari deberet, *l. si quis intentione. ff. de judiciis.* maxime in criminalibus. *Alexand. post alios in l. divorzio. ff. soluto matrimon.*

Quo d' verò attinet ad id quod ante arrendationem factam Nicolaus cognitum habuisse dicitur ab oppido pactiones initæ arrendationis observari non posse; non solum videtur à verisimilitudine alienum, sed apertæ veritati contrarium: nam ex inspectione pactorum præfatæ arrendationis evidenter appareret potuisse quidem oppidum omnia pacta, ex parte sua promissa adimplere, licet præterea videantur habuisse difficultatem aliquam. Quæ etiam si cognita fuisset Nicolao ante arrendationem, minimè tamén posset

nunc ipsi ad delictum imputari: imò nec in civili judicio ei ob stare posset, si non probaretur per falsas allegationes ipsius, oppidum ad hoc fuisse inductum, *juxta gloss. notab. in l. item si pretio. ff. locati. in verbo. Circumscribere. de quo hic nihil proponitur.*

ILLUD quoque quòd secundo locò de distributione signorum seu bulletarum sub finem arrendationis factæ obijcitur, à delicto excusari debet. Nam etiam si nulla alia causa concurreret, distributio, quamdiu duraret conductio- nis terminus, fuit permessa & licita; atque ex lege arrendationis usque ad finem termini, etiam studiosè & cum incommodo successorum fieri potuisse videtur. Nam quan- do conductor in fine suæ condu- ctionis commodum, quod ex eventu ad sequentis temporis con- ductorem pertineret, ad se trahit seu derivat, constitutum est, cum nec civiliter teneri ad restitutio- nem ejus quod percepit, nisi id quod factum est magis contingerit ut successorì vel domino nocere- tur, quàm ut conductor sibi prodes- set, *l. & hac dist. §. cum fundum. ff. locati. l. penult. & ibi gloss. ff. de usus. leg.* & quotiescunque aliquid sit per aliquem quod explicari debet tempore successoris, vel quòd directò tendit ad hoc, ut acquisitio quæ de proximo debetur tertio, derivetur in alium; non dicitur per hoc delictum aliquod contra- hi, sed ad extremum nihil aliud

hinc causari potest quàm nullitas ipsius actus, ne scilicet tertio, cujus præjudicium hoc respicit, noceat.

*c. 2. De renunciat. in 6. l. filia mea. ff. solut. matr. l. filia. ff. de divort. l. sed si maritus. ad fin. ff. qui & à quibus. c. unic. & ibi Bal. qui successor feud. dar. tenean.*

- 5 **Q**UA ratione generaliter receptum est, si prælatus præveniendo successorem, locet, aut redditus recipiat, non solum pro suo tempore, sed etiam successoris, solum ex eo resultare nullitatem ejus, quod actum est pro tempore successoris. *d. c. unico. & ibi Bald. qui success. feud. dar. tenean.* Et scribit Albornicus quodam loco, *d. l. penult. ff. de usus. legat.* sæpe de facto contingere, quando sacerdotes infirmantur, quod hæredes, dum dubitant de morte, fructus immaturos colligant.

- Q**UÆ sanè omnia si procedant in prælato, sacerdote, & similibus; qui magis usuariis quàm usufructuariis & potentius jus habentibus comparantur, & in quibus nulla alia causa invenitur quæ eos excuset; multò magis obtinere & servari debent in iis accisiarum  
6 **E**MPTORIBUS seu arrendatoribus, qui instar usufructuarii habentur: *Bald. in l. 2. in fin. C. de verb. significat.* & quibus omnes leges loquentes de usufructuariis accommodari possunt. *Io. de Anania. cons. 64. vists & ponderatis, circa finem.* Quem refert & sequitur Decius *consil. 4. pro tenui facultate mea, post princ.* Nam notum est usufructuario plus lice-

re, quàm personis suprà relatis: & in collectione fructuum per eum facienda non spectari naturalem 7 maturitatem fructuum, aut tempus quo fortè consuetum est fructus percipi, sed illud tantum quo magis fructum tollere colono, usufructuario, dominove expedit. *d. l. penult. ff. de usus. legat.*

**N**ON debet igitur præfatus N. videri deliquisse per hoc quod circa finem suæ arrendationis signa seu bulletas per suos ministros distribui permiserit de cerevisia fortè post finitum tempus suæ arrendationis imponenda: & nec etiam si studiosè & ex proposito, quemadmodum obijcitur, ad istarum bulletarum receptionem, spe alicujus remissionis faciendæ tabernarii fuissent invitati. Nam hæc omnia magis ad utilitatē Nicolai, quàm damnum alterius pertinerent: præsertim in respectum oppidi quod hanc bulletarum distributionem, si displicuisset, improbando facile omne incommodum vitare potuit, licet, quod hic non consideratur, recipientibus has bulletas hoc damno esse potuerit: ac etiam ad culpam imputari post improbatam distributionem illam sine bulleta novi conductoris seu dattarii, cerevisiam imposuissent. Unde eleganter Castrensis. consulendo dicit, *cons. 310. de portationibus & extractionibus, part. 2.* prioris anni datiarum legem datii offensus, non quia circa finem suæ conductionis bulletas dederat, ac datum acceperat,



acceperat, de extractionibus fiendis post finitum tempus suæ locationis : sed quia portaverat sive extraxerat bulleta sequentis datarii. Distributio igitur bulletarum, quantumvis hoc casu studiosè facta esset, etiam componendo cum tabernariis, pro modico pœnam habere non debet, cum durante adhuc termino arrendationis facta sit. *Iuribus supra citat. & arg. eorum quæ scribit Castr. in d. conf. 310.*

ET si studiosa illa distributio, quæ paciscendo cum tabernariis vel gratificando illis, facta dicitur, per se haberet culpam aliquam; ea cerre in hoc articulo Nicolao, pro crimine objici non posset, cum illa distributio, quomodocunque facta sit, non ab eo, sed à ministro ejus facta sit; cui ut delinqueret, nullo modo mandasse dicitur : & proinde ipse per hoc, delicto alicui astrictus videri non debet. Quantumvis generaliter mandasset ministro, ut sollicitè & diligenter omnia datia, quæ durante tempore arrendationis suæ recipi possent, colligatur : nam in mandato, quantumlibet generali, non intelligitur mandatum delictum. *l. si pater. ff. de his quæ in fraud. credito. Bald. & las. in l. 1. C. de servis fugit.*

QUIBUS accedit, quòd etiam si Nicolaus expressè mandasset hanc datiorum receptionem pro impositionibus cereviliæ post finitum suæ arrendationis tempus faciendis, id tamen in hac specie, præter supradictas rationes ex eo

defendi posset, quod oppidum Antverpiense circa finem præcedentis anni, eadem ratione fructuum sequentis anni Nicolao ac cæteris arrendatoribus diminuerat, & quod illius damni nullam compensationem oppidum admisserat. Nam ea res justam causam præstitit, ob quam Nicolaus ac cæteri arrendatores indemnitati suæ modo prædicto prospicerent. Ex quo enim damni illati nulla reparatio facta fuit ab oppido, eo ipso videtur tacitè admissa fuisse compensatio illius damni cum commodo quod resuaret postea ex datiiis per Nicolaum & alios recipiendis, de impositionibus fiendis post finitum tempus suæ arrendationis. Quinimò hanc rationem procurandæ suæ indemnitati à magistratu Antverpiensi expressè permissum fuisse dicitur, ut ex apostilla super articulo petitiæ remissionis posita, satis præsumi potest.

DEINQUE si in veritate id, quod à Nicolao factum est; jure fieri non potuisset, prædicta tamen justam causam præstitissent, ex qua credere potuisset hoc sibi licere : quod ad excusationem delicti satis est; cum qualibet causa, etiam temeraria, quem excuset à dolo & delicto. *l. igitur. & ibi gloss. ff. de lib. causa. latè las. conf. 154. in 2. col. vol. 2. l. sæpè. ibi, Si consilium malignum. ff. de verb. signis.*



## CONSILIUM LXX.

## SUMMARIUM.

1. *Responsio, confessio, collatio, & alius quilibet actus ex subjecta materia restringi & limitari debet.*
2. *Verbum illud (supra scripti) ad præcedentia dumtaxat acta refertur.*
3. *Petitio & positio obscura declarari potest per ponentem & libellantem.*
4. *Responsionis, exceptionis, oblationis seu confessionis obscura declaratio pertinet ad confitentem, offerentem, excipientem seu respondentem.*
5. *Sententia conformis libello esse debet, & sententia restringitur ad acta præhabita.*
6. *Iudex super non petitis, non iudicat: & in iudicio inspicitur quid seu quantum petatur, non autem quid re vera debeatur.*
7. *Actio prima va extendi vel ampliari non potest ex laudo, ex quo actum non fuit.*

UT paucis demonstratur, Impetrantem hujus causæ in reformatione per eum petita obtinere debere, in primis advertendum est, creditores quondam Arnoldi de Gruyter in principali lite coram Justiciariis Bruxellensibus, contra Impetrantem intentata; & cujus occasione hæc incidens liticula suborta est, solùm

egisse ex personali obligatione quondam Thomæ vanden Bosche, qua is Arnoldo de Gruyter promiserat quartam partem lucri quod sibi contingeret ex societate inita cum Antonio de Zeelander & Joanne Staffaert, ut in primo articulo libelli à præfatis creditoribus in principali materia exhibiti manifestè exprimitur, his verbis: *Dat inden Jare 1535. wijlen Thomas van den Bosche saliger ghedachten/ &c. den voorgenomden Gruyter heeft toegeseyt het vierendeel van allen den wasdonnime/ d'welck die voorszeyde Thomas in die compagnie met Antoen de Zeelander ende Jan Staffaert ghemaecht/ soude competeren / ende dat upt salck in den contracte daer af ghemaecht/ breeider begrepen.* Ex qua quidem speciali causa per præfatos creditores expressa certum est eos ad nihil aliud concludere quàm ad redditionem rationum ac præstationum quartæ partis lucri per quondam Thomam vanden Bosche Arnoldo de Gruyter promissi, & ex societate cum Zeelander & Staffaert contracta redacti: & consequenter quoque oblatio editionis librorum per Impetrantem in responsione sua artic. 5. in principali lite facta, (in qua fundamentum hujus incidentis litis consistit) acceptatio exhibitionis faciendæ secundum oblationem præcedentè per adversam partem

partem facta, restringenda erit ad editionem librorum concernentium præfatam societatem per quondam Thomam cum Zeelander & Slassaert contractam, & non ad ulteriorem administrationem cum Gruyter, finita societate priore, vel ex causa novæ societatis postea contractæ, vel ex novo mandato Impetrantis habitam. Siquidem cum (uti prædictum est) in exhibitio libello per creditores duntaxat de lucro prioris societatis cum Zeelander & Slassaert initæ actum esset, oblatio exhibitionis in sequenti responsione ad eundem libellum restringi debet ad exhibitionem librorum ejusdem societatis, quæ in libello expressa erat: Primo, quia responsio, confessio, oblatio & alius quilibet actus ex subjecta materia restringi & imitari debet. *l. si uni. in princ. & ibi gloss. ff. de usur. cum similibus.* Secundo, quia Impetrans in præfato quinto articulo responsionis suæ id satis clarè declaravit, nempe quod duntaxat offerret exhibitionem librorum pertinentium ad societatem per quondam Thomam patrem suum cum Slassaert & Zeelander initam, his verbis: **Soo verre der Weduwen des booschzeben wijlen Arts ende den booschzeben Creditoren des selfs ghelieft visie ende lecture te hebben bande boecken/Journalen/ende anderen bescheet/d'welc der booschzeben Compagnie aengaet/ &c.**

Nam verba illa, **der booschzeben Compagnie** / natura sua duntaxat ad præcedentia, & de quibus in priore libello, ad quem respondetur, actum fuit, referuntur. *l. 1. §. cum qui. & ibi Bart. ff. de postulando.* Et denique si quid obscuritas contineret præfata oblatio, ejus tamen declaratio ad Impetrantem, à quo facta est, pertineret: nam ut petitionis ac positionis obscuræ declaratio, adponentem seu libellantem pertinet: *l. idem Pomponius scribit si frumentum. §. si. ff. de rei vendi. Bart. Bald. & alii in l. si quis intentione. ff. de judic. Laf. in §. jurare. Instit. de actio.* Ita etiam responsionis, exceptionis, oblationis, seu confessionis obscuræ declaratio pertinet ad confitentem, offerentem, excipientem seu respondentem. *c. Abbas. c. consuluit. de judic. c. pastoralis. in fin. de except. Bart. in d. l. si quis intentione, ff. de judiciis.*

PROXIMUM est prædictis, quod quemadmodum oblatio exhibitionis per Impetrantem facta, duntaxat de libris ad priorem societatem à patre Impetrantis contractam, pertinentibus intelligitur; ita etiam ejusdem oblationis acceptatio petitioque exhibitionis per creditores præfati Gruyter facta, ad exhibitionem librorum prioris societatis duntaxat referri & restringi debet: tum quia petitio editionis præfatorum librorum, quibus Impetrans sese uti velle nusquam præterderat (ut arbitror) de jure fundari non potuit, nisi in præfata

præfata oblatione Impetrantis spontanea; cum alioqui Reus ad actoris instructionem edere non teneatur: tum quia nominatim declaratum exitit in actis præfatos creditores suam editionem intellexisse de libris quorum exhibitionem Impetrans obtulerat, his verbis: 20. Februar. anno 52. **Thet verclaert dat hy 't selve verstaet van de Boecken die tiepns hy sijn antwoorde presenteeert te exhiberen.**

Et de his iisdem libris duntaxat exhibendis decretum sive sententiam per Dominos Justitios Bruxellenses latam Junii 22. anno 1553. super præfata exhibitionis petitione intelligendam esse, juris est notissimi. Nam sententia, petitioni seu libello debet esse conformis. *l. ut fundus. ff. communi dividundo. l. si. C. de fideicom. libe.* Aded quod etiam generalis sententia non extendatur ad eam speciem de qua priori iudicio actum non fuit: *l. 2. C. de jud.* Et quod stultus judicetur iudex, qui de re coram eo non deducta pronunciet. *d. l. si. C. de fideicom.*

Nunc autem constat, & oblationem, petitionem, ac sententiam insecurem solummodo de libris prioris societatis per patrem Impetrantis cum Zeelander & Slasfaert contractæ intelligendâ esse: simul etiam manifestum evadit, ulterioris exhibitionis executionem etiam in libris & munimentis posterioris administrationis post annum 37. habita perperam per

creditores præfatos fuisse inchoatam, ac etiam perperam Justitios Bruxellenses ulteriorem illam executionem exhibitionis librorum posterioris administrationis perficiendâ decrevisse. Siquidem clari juris est, tempore posterioris administrationis præfato Thoma patre Impetrantis defuncto, & posteaquâ Slasfaert expressè societate prædictam dereliquerat, eandem societatem fuisse finitam, & penitus dissolutam. *l. actione. §. invitum. ff. pro socio.* Et hoc ipsi creditores in 2. art. libelli in principali lite exhibiti satis consentunt, his verbis: **In welcken last / dienst ende administratie die voorszepde Gruyter soo duerende die compagnie / als daerna heeft gheweest tot den Jare xl.** & sic administrationes sequentes esse non ex causa primæ societatis, sed vel negotiorum gestorum, vel novæ conventionis per Impetrantem cum Gruyter, ut in laudo per creditores exhibito judicari videtur, **Alsdoen desen Hendrick van nieuwerde aenverden /** habita, ratio aut consideratio haberi non potest in ista lite in qua solum de exhibitione librorum societatis inter patrem Impetrantis Zeelander & Slasfaert initæ, & ex qua quarta pars lucri patri Impetrantis contingentis ad Gruyter pertineret: aded quod etiam si revera aliquid deberetur ipsi Gruyter, ratione posterioris administrationis; id tamen neque in principali per creditores

cjus

ejus intentata ex causa prioris societatis & promissionis factæ per patrem Impetrantis, neque hac incidenti lite ponderari vel considerari deberet: nam judex super non petitis non judicat: *d. l. ut fundus. ff. communi dividundo.* & in judiciis solum inspicitur quid seu quantum petatur, non autem quid re vera debeat. *arg. l. cum quadam. ff. de juris. omnium judicium.*

Nec potest suffragari præfatis creditoribus, quod petierunt in principali lite redditionem rationum, ac lucri participationem pro quarta parte: quod factum fuit usque ad annum 40. &c. Nam id non simpliciter factum fuit, sed ex speciali causa prioris societatis & promissionis patris Impetrantis: & proinde cum ipsa societas tamdiu (ut prædictum est) non steterit, lucrum ex ea post dissolutionem ejusdem factum pro reliquo tempore intelligi non potest, cum qualitas sine subjecto esse nequeat, & ita ulterioris temporis, quam societas steterit, commemoratio in libello creditorum facta sine effectu esse debet: Attento maximè quod non solum creditores ex speciali causa prioris societatis egerunt, verumetiam quod Impetrans nominatim obrulerit exhibitionem librorum duntaxat ad illam societatem pertinentium. Postremo non audiuntur præfati creditores per laudem per eos exhibitam, in quo de toto tempore prioris societatis quam poste-

rioris administrationis pronunciatum videtur: nam in libello super utraque causa compromissum fuerat, at hic super una tantum lis fuit intentata, idque omisso laudo priorem actionem intentando: quæ sanè primæva actio intentata 7 extendi, vel ampliari non potest ex laudo, ex quo actum non fuit. *l. 1. C. de jud. Salic. & alii in l. 2. C. si plures una sententia.*

## CONSILIUM LXXI.

## SUMMARIUM.

1. Protestatio declarat voluntatem protestantis, nec patitur jus illius imminui.
2. Contractus sunt ex jure gentium.
3. Ordinum seu Statuum consensus non labefactatur ex dissensu sequenti particularis civitatis.
4. Dictio extunc significat extremitatem temporis.
5. Protestatio extinguitur per factum contrarium.
6. Tacens pro consentiente habetur maximè ubi agitur de utilitate Reipublicæ.
7. Immunitatem admittit qui sciens prudensq; patitur nomen suum in codices pensionum referri.
8. Ordinum consensus an infringatur per unius civitatis dissensum, quando omnes civitates pro una eundem parte admittuntur.
9. Plures judicare vel arbitrari jussi, omnes convenire & sententiam dicere debent.

Eccc 2 VISIS

**V**ISIT & diligenter perpenſis his quæ controuertuntur inter Status B. & moderatores Reipubl. A. circa contributionem ducentorum milium anno 1553. Cæſareæ Majest. addictorum, prima inspectione pro A. plurimum facere videtur acta Reginalis in clausula: **Behoudelijck** indien de voorsz. Staten t'samen in de voorsz. Impossten niet en consten veraccorderen/ dat alsoan die van B. ende van A. souden ghestaen mitg betalende ende ophzenghende nae den tax vander beden hen quote ende portie van den voorsz. ij. M. welcke heur quote sy souden moghen ophzengen ten besten dat sy souden binden te behooren. Ea enim clausula efficere videtur, ut quamvis A. ex communi consensu pro quora sua oneri & collationi dictorum ducentorum milium ex æquo subicerentur, facultatem tamen haberent variandi à reliquis Statibus in modo conscienda pecuniæ, etiamſi ipsi Status consentirent in certum aliquem modum levandæ & colligendæ pecuniæ per impositionem fortè super vinis, cerevisiis, & aliis esculentis. Eamque facultatem evidentius, certiusque confirmat sequens A. declaratio his verbis facta: **Dat soo verre d'Impossten ofte middelen by de Staten te adviseren om t'verloop ende lossinghe vanden voorsz.**

**Stenten te turneren / hen niet en behaechden noch aen stonden / dat in dien ghevalle sy souden ghestaen mitg betalende heur quote inde voorsz. somme van ij. M. t'Artois/ nae den tax vander beden / per quæ A. majorem cautionem parasse, ac plenius sibi prospexisse videntur. Nam verba supradicta testantur eos voluisse sibi liberum esse separatim certo modo quotam suam invenire atque conticere non solum in casum & sub conditione dissensus inter Status ipsos verumeriam in casum quo ipsis A. displiceret excogitata & approbata ratio concordati consensu dictorum Statuum: sic ut nullo vinculo constricti potuerint A. virtute dictæ declarationis quæ à Reginali Majest. in effectu admissa videtur, rebus suis operam dare, & deposita sollicitudine ac cura universi seorsum media invenire & exequi consciendæ & persolvendæ suæ portionis, prout etiam hanc facultatem A. semper sibi asseruisse & conservare voluisse videntur, dum anno 1555. Deputati eorum ordinationi & declarationi reliquorum Statuum reclamarent, dilucidè protestando quod non intenderent se conformare cum reliquis membris Statuum, quodque à superiore acta & declaratione resilire non vellent: quæ protestatio & declaratio invenitur iterata in Martio anno 1560. cum ea adjectione, quod nollent**



nollent post festum D. Johannis anni 61. pati progressum & continuationem impositionum super quatuor speciebus in civitate A. quodque utendo facultate sibi data, suam quotam, in eo quod restaret post festum D. Joannis ad rationem precariarum levarent atque persolverent, quod confirmando in Septembri anno 61. scripto declararunt se ad instantem dimidiatum annum revocatos locationem impositionis, & quod inde redactum esset, reservaturos usibus Reipublicæ suæ, solvendo quotam suam in dictis ducentis milibus per modum precariarum, sequendo præcedentes suas declarationes & protestationes, quæ sæpius repetitæ & multiplicatæ facultatem ex priorè acta & declaratione competente stabilisse & confirmasse videntur: ita ut quemadmodum ab initio integram suam quotam separato modo conficere & solvere poterant: ita etiam in progressu, imò & in fine ipsoque exitu rerum restantis partis exhibitio vigore dictæ facultatis illis permitti debeat, cum eadem sit ratio partis quæ totius quotæ, *l. qua de tota. de rei vend.* in qua liberam omnino potestatem ex acta illa Reginali habuisse & sequentibus declarationibus protestationibus retinuisse videntur.

1. Protestatio enim eam vim & potestatem habet, ut voluntatem protestantis manifestam faciat, & jus quod competit, minui aut vio-

lari non pariat, *l. Nescimus. & ibi dd. de neg. gest.* quod magni momenti videtur. Nam si neque lapsu temporis, neque mediis actibus A. prærogativa illa facultatis ab initio concessa adempta fuerit, magna quædam æquitas eos excusare videtur à collatione ejus quod postremis annis ex impositionibus redactum est, posteaquam illi quod ex quota sua restabat, alio modo satisfecerint.

SE D his omnibus non obstantibus, plura eaque potentiora Statuum intentionem confirmant, atque in solido constituunt, quæ priusquam proponantur, operæpretium est deducere atque ostendere sequentem declarationem. Apud consensum præstitum & ante subscriptionem actæ formam prioris consensu labefactare, aut immutare non posse invitis & reclamantibus reliquis Statibus, quibus ex prima acta & consensu concorditer præstito jus quæsitum erat, quod nescit vicissitudinem, nec potest alterutrius partis voluntate sine consensu omnium, qui contraxerunt in aliquo immutari vel commutari: *l. sicut ab initio. C. de act. & oblig.* contractus enim sunt ex jure gentium, nec possunt dissolvi aut deduci ad irritum, etiam si cum Principe sint initi: *Decius in c. 1. de prob. dd. in l. Caesar. de publica. Alexan. conf. 8. num. 1. vol. 6.* aded ut omne jus A. attributum contineri debeat regulis primi consensus omnium Statuum, non curata insequente

Eccc 3 illa

illa declaratione quatenus à præcedenti consensu variat, ne ex intervallo & intempestivè ipsis liceat legem præscribere, quam Status admoniti in principio & re integra repudiascent tanquam nimis evagantem, utpotè per quam A. præjudiciabili more & exemplo non solum in casum discordiæ & dissensus, verumetiam cōsentientibus Statibus sibi liberum esse voluerunt privatam rationem instituere conficiendæ suæ portionis. Nec potest ipsis ad validandam hanc declarationem suffragari, quod ante actæ subscriptionem facta sit: ex primo enim consensu tam efficaciter obligati fuerunt, ut deinceps in contrarium, & contra id quod semel placuerat, audiri non potuerint, *l. si quis iurjurandum. C. de reb. cred. c. cum illusio. de renunc. ad. in l. 1. C. de fart. & serv. fug.* non obstante defectu subscriptionis in dicta declaratione relatæ, quia contractus de quo agitur, cum Principe celebratus erat bonæ fidei, soloque consensu absolutus nullam natura sua aut pro solennitate seu forma scripturam aut subscriptionem desiderans, licet postea ad certio rem & diuturniorem re memoriam scriptura intervenerit, quod non substantiam, sed duntaxat probationem & executionem rei promissæ respicit, etiamsi de futura subscriptione aliquid inveniatur conventum. *Ius. in l. qua dotis. num. 88. solut. matr. Salic. in auth. Sed novo iure. col. 3. vers.*

*aut est dictum. C. si cer. pet. Franc. Aret. cons. 160. Longa est ista consultatio. vers. venio nunc ad secundum.* Quod prolixius hic disputare non convenit, propterea quod pro manifesto habeatur in huiusmodi contributionibus Statuum cōsensum duntaxat spectari, & non subscriptionem vel scripturam quæ ad executionem & probationem adhibetur, & per quam dispositioni rei principalis nihil penitus additur vel detrahitur, *Clom. prima de præbend.* unde fit quod non possit in considerationem venire posterior A. declaratio quatenus est amplior, & egrediendo terminos interpretationis priorem clausulam auget & extendit, ut quod prius duntaxat sub conditione dissensus inter Status A. concessum erat, postea relinquatur liberæ eorum voluntati, quantumvis Status principales inter se consentirent.

Ex quibus cum manifestum sit A. coartari & includi cancellis primi consensus, sequitur & patet quod non potuerint pro libero arbitrio variare à reliquis Statibus, sed ita demum si Status in constituendo certo modo inveniendæ pecuniæ non essent consentientes nec concordarent, quæ conditio cum non extiterit, non habuerunt A. occasionem utendi dicta facultate, quoniam in conventionem conditionali ante eventum conditionis jus aut obligatio efficax non nascitur. §. ex conditionalis, de verb. oblig. l. iubemus. §. 1. C. ad S. C. Trebell.



*Trebell. l. qui pecuniam. si cert. pet. & l. 2. §. si. de donat.* Quod proclivius obtinet in specie proposita propter præcisam & formalem conditionem ac facultatem restrictam per dictionem *alsdan* / quæ punctum & extremitatem temporis significat. *l. 4. de cond. & demonstr.*

Quo d autem conditio dissensus non extiterit, manifestum est ex ordine & serie rei gestæ, quæ consensum & uniformitatem Statuum demonstrat etiam A. consentientibus per taciturnitatem & patientiam. Nam ab initio decreverunt Status interusurium reddituum pro dicta contributione venditorum præstandum ex continuatione impositionum, quæ deinde uniformiter continuatæ, levatæ & in dictum usum applicatæ fuerunt, scientibus, nec contradicentibus Deputatis A. usque ad annum 1555. quo una tantum oretenus protestatio ab illis facta est, quam resolvit & irritam fecit sequens impositionum continuatio & applicatio, modo & forma conclusa. Noti namque juris est factum protestationi contrarium prævalere, & vim præcedentis protestationis extinguere, quemadmodum protestatio de non ad eunda hæreditate corrui, si postea quid fiat quod sonet in aditionem late *C. r. Rui. cons. 157. vol. 3.* & protestatio proposita contra personam judicis vel procuratoris tollitur, si postea cum procuratore vel coram iudice procedatur. *Bald.*

*consil. 498. vol. 2.* Præterea non est obscurum, facta tantum, imò plus habere ponderis ad declarandam voluntatem, quàm verba, *l. de quib. & ibi gloss. de legibus. l. recusari. de acq. her.* præsertim in huiusmodi actibus, qui consistunt in solo consensu, & in quibus nihil interest, verbis aliquid fiat an rebus ipsis, *l. si pater naturalis, de adopt. l. item quia. in princ. de pactis. l. in quibuscumque. de act. & oblig.* ut non immerito hic dici possit, quòd quamvis deliberationi & consilio reliquorum Statuum collaudatio & subscriptio A. expressè non accesserint, nihilominus tamen ex consecutione quadam & observatione facti, dum passi sunt cōtinationem & applicationem dictarum impositionum fieri, consensisse & approbasse videntur. Quemadmodum si quis fidejubeat apud creditorem pro eo à quo scit rem suam esse hypothecatam, hoc ipso quod fidejubeat & aperte agit, ut satisfidetur creditori, intelligitur consentire in rei suæ obligationē. *l. Pomponius scribit, de pign.* Quomodo ex eo solo quod quis præsens patitur alium pro se fidejubere, mandare videtur, *l. qui patitur mandati.* & filia patre exercente actionem pro dote, consentire intelligitur, si præsens non contradicat, *l. 2. §. si voluntate. sol. matri.* & pater præsens nominationi filii ad decurionatum, si non contradicat, pro consentiente habetur. *l. i. C. de filiisfam. & quemad. pro his pater. sen. lib. 10.*

Et

Et quod propius huc pertinet, si Prelatus præfente & non contradicente Capitulo contulerit alicui beneficium, censetur Capitulum consensisse. *c. continebatur. & ibi Pan. de his qua sunt à Prælat. Et ex eo solo quòd quis patitur inquilinum manere in domo vel prædio conducto post finem conductionis, inducitur renovatio & prorogatio. l. item quaritur. §. qui completo locati: Quæ omnia majore ratione hic recipienda sunt, ad inducendum consensum & conformitatem inviolabilem A. cum Statibus, ob id quod agatur de membris ejusdem corporis & negotio ac contributione Statuum totiusque Reipub. quod leges tanto favore prosequuntur, ut generaliter & semper tacentes habeant pro consentientibus etiam in maximè præjudicialibus. l. si servus communis. de don. inter vir. & uxor. Lason consil. 3. in princ. lib. 1. Philip. Prob. in c. qui tacet, de reg. jur. in 6.*

Ex quibus rectè & solidè (ut videtur) asseri potest, Status concordasse, & Statibus A. factò & re ipsa consensisse in modo continuandæ impositionis, in quo Status ipsi ad finem usque perstiterunt: adeò quod nunc originem repetere & ad initia dictæ actæ vel facultatem inde attributam regredi non liceat, propter successivum, & diu continuatum consensum continuationem & collationem A. vel quia continuando solvendoque diu facultatem illam ami-

serunt: quemadmodum in simili 7 is qui sciens prudensque suum nomen in codices pensionationum referri passus est, nec intra decem dies aut quàm tardissimè intra annum reclamaverit, censetur sua immunitate lapsus, *Alex. consil. 101. num. 10. & consil. 136. col. 3. lib. 2. Dec. consil. 638. & in c. cum accessissent. col. 8. in fin. de constit. & Gosadinus consil. 23. vel quod eodem recidit, quia res nunc non est integra propter medium actum impertinentem, qui impedit conjunctionem extremorum, ut de ratihabitione, cautione, oblatione, electione, aliisque similibus actibus tradunt interpretes. in c. ratihabitionem. de reg. jur. in 6. Hier. Gratus consil. 36. in fine. & consil. 76. num. 44. part. 2. latè Andr. Tiraquel. de tract. consensu. §. 8. glossi. 7. num. 12. cum seqq. & in l. bores. §. hoc sermone. de verb. sign. Et hæc res ex eo fit manifestior, quòd regrediendo nunc ad facultatem illam pro ultimis duobus annis induceretur divisio contributionis A. Nam partem conformiter cum aliis Statibus solvissent, partem verò proprio jure, & in vim dictæ facultatis conficerent, quod per absurdum est, nec convenit prædictæ actæ in qua facultas A. reservata totam quotam eorum respicit, nec admittit divisionem, cujus extrema sunt incompatibilia, cum alterum ad conformitatem, alterum ad difformitatem tendat. Unde duplici ratione A. intentio corrui, primò propter consensum eorum semel*

semel præstitum, & conformitatem ubique ferè observatam. Secundò propter medium inhabile, quo utendo dictæ facultatis occasio præscissa est, cessante hic ad utilitatem A. argumentatione de toto ad partem, quia ab initio integritas totius quoræ fuit in consideratione, & difformitas præstationum (ut dictum est) impedit separationem vel distributionem partium.

QUIBUS commodè & tertium adjicitur, quòd videlicet etiamsi A. evidenter non consensissent, sed in contrarium apertè & constanter dissensissent, nihilominus tamen propter ipsorum Statuum inter se concordiam & conformitatem à facultate illa actæ Reginalis excluderentur, ob id quod non nisi ex conditione dissensus Statuum illa potuerit competere, qui quidem Statuum dissensus accipi debet non ex eo quod A. faciunt, sed quod ab ipsis tribus Statibus Prælatorum scilicet, nobilium & civitatum in genere sit vel concluditur, quia civitas A. per se non facit Statum, sed unius Status membrum est, quod per se in conventu omnium Statuum non consideratur: *pulchrè Rom. consil. 99. per totum.* ita quòd satis sit ad inducendum Statuum consensum reliquis civitates tertium Statum repræsentantes cum aliis ordinibus concordesse, quia omnes civitates una dictione collectiva nominantur, & in conventu cum aliis Stati-

bus pro una parte tantum admittuntur. *l. fin. C. de vulg. & pupill. c. pastoralis. & ibi gloss. de rescriptis.* Licet enim cum diversâ corpora conjunguntur in unum, ut unum corpus faciant, computenter voces secundum capita, & consideretur numerus singulorum, aliud tamen observatur, quando conveniunt plura genera hominum, ut diversâ & distincta corpora, ut fit in Statibus, quia tunc non capita aut voces singulorum, sed tantum generalem consensum corporum consideramus. *l. scriptum. & ibi Panorm. de elect. Roman. consil. 99. in princip.* Quod in magna animadversione habere convenit. Nam inde manifestum evadit dissensum Statuum secundum actam illam considerari oportere non ex contradictione unius vel alterius Prelati, nobilis, aut civitatis, sed totius ordinis, id est, ut vel totus ordo Prælatorum nobilibus & civitatibus contradicat, vel nobilitas ipsa reliquis ordinibus adversetur.

QUARTÒ, etiamsi verè absoluteque tres Status non confessissent, adhuc tamen conditio dictæ facultatis non extaret, quæ in positivum dissensum concepta est: adèd ut facultas illa nunquâ competere potuerit antequam Status præhabito conventu ac communicatione vocatis omnibus ex more deliberassent, & deliberando à paucioribus aliquid rationaliter objectum & ostensum fuisset, *c. 1. & ibi gloss. de his que sunt à*

ffff major.

*major. part. cap. 1. nulli. & l. planè. Quod quisque univers. nomine. l. 3. de decret. ab ord fac.* quod priusquam factum sit, manifestum est conditionem dictæ facultatis non existere: quemadmodum si plures judicare vel arbitrari iussi sunt, ita ut major pars prævaleat, vel in discordia parium tertius assumatur, non potest intelligi discordia inter pares aut votorum pluralitas, nisi omnes convenerint, simul tractaverint, & communicaverint: quia sæpè unius prudens deliberatio reliquos depellit à sua sententia, & meliora cogitare & sentire compellit, *l. duo ex tribus. de re jud. l. item si unus. §. duos. cum §. seq. de recep. arb.* quod maxime hic sequi convenit, propterea quod ex more & consuetudine Statuum dissensus coargui non soleat, nisi post solennem conventum & discessum in discordia: nam secundum consuetudinem hujusmodi acta illa accipienda est. *l. licet. C. locati. l. semper. in stipulat. de reg. juris.*

QUINTO non parum facit quod A. quamvis post longum intervallum protestati sint, & verbis declaraverint sese impositionum continuationem non passuros, re vera tamen eas continuarunt, & consequenter facto ipso conformitatem observarunt, quod cum simulatione est conjunctum, ut scilicet re ipsa pecuniam ex impositionibus colligerent, adumbratione autem verborum per modum

precariarum ad privatum suum commodum solverent, quod non solum inæquale, verum etiam iniquum est. Et proinde simulatis pro infectis habitis, id quod vera factum est observari convenit, *tor. tit. C. plus valere quod agit.* maxime quia acta consensus jubet eum modum sequi, qui in universo publicè est utilis, non qui pertinet ad lucrum unius membri cum debilitatione & supergressione reliquorum: ad eò quod res ad bonæ fidei & æquitatis regulam exacta stare non possit, præsertim cum fiducia conformitatis reliqui status impositiones cum onere suo continuaverint, quibus alioqui abruptis procedendo per precarias A. magis gravassent, prout etiam adhuc retroagere, & priorem impositionem subducere, ac quotas suas per precarias conficere possent, si Antverpienses ad exemplum Bruxellensium nō acquiescerent. Salvo meliori iudicio.

## CONSILIUM LXXII.

## SUMMARIUM.

1. Satisfactio absenti & non acceptanti facta est inutilis.
2. Promissio, cautio & satisfactio absenti nullum juri tribuit ante ratificationem, nisi in mutuo.
3. Ratihabitio præsupponit extrema habilia.
4. Differentia ratihabitionis in beneficiis ab aliis actibus.

## 5. Cautionis

5. *Cautionis de iudicio fisci, & de iudicato solvendo excussa materia.*
6. *Clausula roties quoties cautioni de representando reo addita quid operetur.*
7. *Causarum civilium & criminalium differentia in fideiussione pro executione seu solutione iudicari.*
8. *Obligatus ad presentandum non tenetur ante interpellationem.*
9. *Attentatum iudicatur quod sit temere & contra iuris prohibitionem.*
10. *Exceptio neque adversarium in mora constituit, neque interruptit prescriptionem.*
11. *Stipulatio reum fisci iudicio seu exhiberi, ad id tantum competit quod interest, & non ad veritatem debiti.*

**U**T perfectius explicatiùsque merita presentis causæ intelligentur & decendantur: operæpretium videtur quatuor sequentia capita, quibus universus causæ status commodè explicari posse videtur, excutienda proponere.

**PRIMò** investigando, An ex cautione, de qua agitur, aliqua actio aut obligatio de representando personam Caroli de Cordes, Balthasari de Cordes Impetranti presentis causæ nata sit, vigore cuius Intimatum convenire aut inquietare possit?

**SECUNDò**, si quæ obligatio de representando personam dicti Caroli Impetranti, ex ea cautione

quæ sita sit, ad quam speciem referri debeat?

**TERTIò**, an cautio illa ex propria vi & potestate sua, vel ex causa extrinseca Intimatum constringat, sic ut in executione, & post sententiam etiam in liquidatione latam, vigore illius Carolum exhibere seu presentare teneatur?

**QUARTò**, si cautio illa post latam sententiam vigorem suum habeat, ad quid ex illa Intimatus teneri & condemnari possit & debeat?

**ET** denique an Impetrans venditionem bonorum, à qua incepit, perficere debeat, antequam ad Intimatum tanquam fideiussorem venire possit?

**IN** tractatione primi capitis plurima occurrunt, quæ cautionem illam inefficacem & sine viribus constituere videntur. Nam imprimis cum satisfactio de iudicio fisci, iudicato solvendo, & similes, atque adeò omnes fideiussiones, non nisi per stipulationem induci possint: *l. 5. §. satisfactio. ff. de verb. oblig. l. blanditus. C. de fideiussor. tot. tit. de prator. stipu. & seqq.* non potest videri efficax obligatio ex ea cautione inducta, in qua neque is cui promittebatur presentens est stipulatus, neque publica persona illius nomine. *l. stipulatio ista. §. alteri. & ibi dd. de verb. oblig.*

**DEINDE** ut maximè propter verbum promissionis in cautione expressum, aut propter adhibitam auctoritatem Scabinorum videri

Ffff 2 posset



1 posset stipulatio intercessisse, nihilominus tamen inutilis erit ea cautio, ob id quod Impetrans cui absenti constituta fuit, illam rectè & legitimè non accepit, sed econtrariò oblatam in iudicio repudiavit, & recusavit admittere, ut patet ex actis servatis anno 1549 22. Januarii, item 12. & 19. Februa. ac 5. Martii eo anno 1549. Nam quamquam primus ille terminus servatus 22. Januarii, neque admissionem, neque repudiationem expressam contineat, sed ad solam deliberationem pertinere videatur, in sequentibus tamen expressa invenitur repudiatio: Nam cum Carolus de Cordes oblatam hac cautione instaret, ut decerneretur quod rei iudicatæ contra se super præstandis cautionibus de iudicato solvendo, & iudicio sisti satisfecisset, saltem in una parte, Impetrans simpliciter adhæsit rei iudicatæ, ac illius executionem judicialiter urgere perseveravit, perinde ac si nulla nec de iudicio sisti cautio præstita fuisset, ut manifestum est ex verbis termini servati 12. Februa. anno 1549. ibi: **De ghebaechde antwoordende / contendeert ten eynde van surreptien ende obseptien van de Requeste des Suppliants / ende niet ontfanchbaerheyt:** & manifestius colligitur ex sequenti termino 5. Martii servato, in quo dominus Impetrans pertinaciter hanc cautionem præstitam non admitteret simpliciter, quem-

admodum oblata erat, ad evitandum carcerem comminatus, etiam ex ea parte sententiæ, in qua de cautione iudicio sisti agitur, necesse fuit Carolo iurejurando promittere, sub pœna convicti, quod pendente illa lite, personam suam iudicio non subtraheret: qua quidem jurata promissione, ac etiam lite ulteriore super sententiæ executione, quatenus de iudicio sisti agebatur nihil opus fuisset, si Impetrans oblatam hanc cautionem ab Intimato, non repudiasset & recusasset, in qua recusatione toto sexennio perseveravit, postulans de integro sibi caveri, tam de iudicio sisti quam iudicato solvendo, nulla habita ratione hujus cautionis in qua nunc fundare se intendit, quam demum obtenta sententia desertionis, seu peremptæ instantiæ prius à Carolo intentatæ 2. Novem. anno 1555. cum omnes res Caroli penitus inclinarent, conatus est acceptare. Id quod propter intervallum temporis ac præcedentem contradictionem & recusationem, sine novo consensu & voluntate Intimati, quæ non accessit, fieri non potest. Quamvis enim sustineatur stipulatio per publicam personam alteri etiam absenti & ignoranti facta, in l. 2. & 3. ff. rem pup. salvam fore. *Castr. conf. 195. visis. col. 3. lib. 2. Corn. conf. 139. num. 3. pars. 3. sicut electio:* Item collatio beneficii aut privilegii quæ in absentem dirigitur, c. innotuit. de elect. c. si tibi absenti. de præbend.

2

*prabend. in 6. l. qui absenti. de acq. poss. Rom. conf. 303.* nullum tamen jus ex tali stipulatione, electione aut collatione absenti acquiritur ante ratificationem ipsius re integra subsecutam, *Castr. d. conf. 195. latissimè Dec. conf. 226. num. 6. 7. & 8. & conf. 247. per totum.* nisi agatur de mutuo: in quo speciali ratione alteri per alterum etiam ignoranti statim acquiritur actio, *l. certi conductio. §. si nummos. ff. si cert. petat.* extra quem mutui casum ratificatio re integra ad perfectam promissionem etiam publicæ personæ factā, semper est necessaria, usque adeo ut secundum quosdam, *Soc. Nepos conf. 181. part. 1. & Curtius junior conf. 55.* is qui promisit vel donavit, non obstante stipulatione, adhuc re integra voluntatem suam mutare possit, & è diverso, si is cui facta est promissio differat, & recuset promissionem sibi notam admittere, postea pœnitere ac ad eam reverti non possit, propter medium inhabile quod impedit conjunctionem extremorum, *Bart. in l. si is qui pro emptore. de usucap.* sive illa inhabilitas procedat ex defectu extremi à quo, sive ex defectu extremi ad quod, sive ex mutatione ipsius rei de qua agitur, sive ex mutatione temporis, ut in terminis ratihabitionis per multa exempla ostendit Decius, *d. confil. 247.* quia ratihabitio, quæ per factionem translativam retrahitur, *c. ratihabitionem de reg. jur. in 6. l. fin. C. ad Macedo.* præsupponit extrema

& media habilia, unde ratihabitio nunquam fieri potest, quando medio tempore alteri jus quæsitū est, *Bart. in l. si uxor. §. si quis uxori. ff. de adult. Decius d. conf. Hieronym. Gratus conf. 36. in fin. & conf. 76. parte 2.* & ubicunque actus debet fieri infra certum & determinatum tempus, si fiat ab alio etiam expresso nomine nostro, necesse est ratum haberi infra id tempus: alioqui ratificatio sequens post id tempus, & cū non potest actus amplius geri, nihil operatur, & actus remanet nullus, *l. penul. & ibi Bart. Ang. & alii. ff. rem ratam haberi.* & quod propriè ad terminos propositæ quæstionis attinet, si is cujus nomine acceptatio vel stipulatio, etiam à publica persona facta est, dissentiat, extinguitur jus quod illi ratificando per stipulationem acquiri poterat: usque adeo, quod ex novo consensu aut acceptatione resuscitari nō possit, *c. si electio, de elect. in 6. expressè Archid. in c. si tibi absenti. de praben. in 6.* de quo tamen si in beneficialibus sit dubium, propter contrarias opiniones interpretum, *gloss. in d. c. si tibi absenti. & ibi Geminian. & alij.* eo casu quando collator aut provisor in eadem voluntate perseverat; in aliis tamen actibus nullum est dubium, quin apertus dissensus ejus, cujus nomine quid factum est præcedentem stipulationem notarii aut alterius publicæ personæ penitus extinguat, etiam si promissor priorem voluntatem non mutaverit: ita ut dissentienti

FFFF 3 variare



variare non liceat, etiamsi promissor priorem voluntatem non mutaverit, quemadmodum in optione constitutum est: *l. apud. de optione legat.* & quod est dubitabilius, in renunciatione seu dissensu tacito, qui ex lapsu termini præstituti ad explicationem actus inducitur, qui quoties agitur de alia re, quam collatione beneficii, tantarum est virium, ut sequens ratihabitio post tempus nihil operetur, & actus remaneat nullus, *Bartol. Ang. & alii in d. l. penult. ff. rem ratam haberi. gloss. in c. quam sit. in verb. petere. & ibi Archid. Gemin. Philip. Franc. de elect. in c. Alex. conf. 135. ponderat. lib. 2. Guid. Papa conf. 124. col. penult. q. 6. nec refuscitari possit jus semel amissum & extinctum, l. Merius. §. si duorum. ibi nec revocari actionem semel extinctam, de leg. 2.* Id quod in proposito dubitationem recipere non videtur, ob id quod agatur de ratificatione cautionis, ad cuius substantiam stipulatio est necessaria, *d. l. 5. §. satisfactio. ff. de verb. oblig.* quam non solum ex intervallo magni temporis quod hic fuit sexennii, sed etiam ex modica diversitate responsionis vitiari constat. *l. 1. §. qui præsens. cum seq. & d. l. continuus. ff. de verbor. oblig.* Etenim quemadmodum dissensus ac diversitas interrogationis & responsionis, seu quilibet alius actus incompetens, impedit & vitiat stipulationem, eodem modo propter apertum dissensum vitiari debet stipulationis confirmatio seu rati-

ficatio: tum quia ratificatio seu confirmatio accessionis loco venit ad stipulationem, *c. accessorium. de reg. jur. in c.* tum etiam quia generaliter eadem solennitas quæ requiritur in actu, in ratificatione quoque necessaria est. *Rom. conf. 12. viso facto. col. ult.*

Et proinde, ut donemus in aliis contractibus vel quasi contractibus alieno nomine sine solennitate stipulationis initis, per dissensum præcedentem non impediri sequentem ratificationem, quamdiu promissor voluntatem non mutaverit: nihilominus tamen in stipulatione præsertim interposita actui, ad cuius substantiam necessaria est stipulatio, ut est in proposito, certum erit ex variatione ac dissensu in iudicio declarato, & tam longi temporis spacio continuato id quod actum est, perimi ac resolvi, tanquam deficiente substantiali fundamento stipulationis & cautionis, quod in diligenti animadversione est habendum. Et confirmationem inde accipit, quod licet Intimatus propter ignoratam contradictionem Impetrantis, voluntatem suam interim expressè non mutaverit, tamen si scivisset, mutaturus fuisse præsumitur, propter conditionem Caroli medio tempore deterioratam. *l. cum quis. ff. de solut.* Nam ex mutatione conditionis qualitatis aut rerum, præsumitur mutata voluntas, *d. l. cum quis.* etiamsi de ea mutatione extrinsecus nulla facta sit

fit declaratio : quamvis nec illa in specie proposita deesse videatur. Quid enim aliud significat illa exhibitio & præsentatio personæ Caroli de Cordes per Intimatum in iudicio facta, post detectam & cognitam fortunarum suarum deteriorationem, quàm pœnitentiam & studium quo se ab obligatione dictæ cautionis eximeret, si quo modo (quemadmodum falso credebatur) obstringeretur. Nam quis non intelligit eum animum & voluntatem continuandæ cautionis non habere, qui hoc agit, ut ab ea liberetur : ita ut exhibitio ac præsentatio, per quam Intimatus, dum ignoraret vitium cautionis ex dissensu Impetrantis contractû, laqueos dictæ cautionis distrumpere atque evadere voluit, non solum non possit trahi in argumentum perseverantiæ aut novi consensus, sed è diverso manifestam significationem habet mutatæ voluntatis & dissensus : maximè si, uti oportet, consideremus vitium cautionis, de qua agitur, fuisse ignoratum, quod purgari non potuit, nisi ex nova voluntate cautio fuisset renovata à scientibus vitiû, & nullitatem prioris obligationis *l. 2. & ibi dd. l. Communia utrius. jud. pulchrè Soc. Nepos consil. 24. nu. 5. par. 1. adhibitis, & repetitis omnibus quæ in constituenda cautione ab initio desiderabantur* : nam alioqui ignorans sibi non præjudicat. *Dy. Bald. Imola, & alii in d. l. Maviur. §. si duobus. de leg. 1. Alber. & Iason post*

*alios. in l. 2. C. de iure emph. cum similibus.* Et præterea eadem solennitas quæ requiritur in actu faciendo, requiritur in eodem reficiendo aut reparando, *l. nuptia. ff. de ritu nupt. Decius consil. 536. in causa qua agitur Mantua. Soc. Nepos consil. 9. in causa domini Anton. col. 5. vers. consil. lib. 3.* quæ cum hic non sit observata, nulla videtur ex ea cautione adversus Intimatum competere obligatio aut actio.

DEINDE præsupposito (quod ad secundum articulum pertinet) cautionem illam ab initio fuisse utilem & validam, certum tamen videtur, eam duntaxat esse de iudicio sisti, seu, quod eodem recidere videtur, de præsentanda persona Caroli in agitationem iudicii, ad iussu Curia, & requisitionem partis : id enim ex verbis cautionis manifestum est, *Ibi: Den persoon van Charlen in rechte te presenteren/ &c.* & ex iis quæ præcesserunt cautionem, & quæ deinde consecuta sunt, confirmatur. Nam præcessit sententia qua Carolus condemnatus fuit separatim ad utramque cautionem, scilicet de iudicio sisti, & iudicato solvendo, cui sententiæ in ea parte qua de iudicio sisti agitur, per hanc cautionem satisfacere visus est, & cum quo ad alteram cautionem post variam disquisitionem neminem reperiret, qui eam iudicati obligationem pro eo vellet suscipere : tandem obtulit generalem sui ac bonorum suorum obligationem,

tionem, super qua cū deinde toto sexennio inter partes altercatum esset, tandem videlicet anno 1555. Novembr. 22. Impetrans discretē distinguens hæc duo cautionum capita de iudicio fisci, cautionem simpliciter admisit, generalem autem bonorum obligationem pro iudicato solvendo ampliari voluit, sic ut non solum ex verbis, sed etiam ex præcedentibus & sequentibus obligatio hæc referri debeat ad cautionem de iudicio fisci, seu ut verba sonant, de præsentando in iudicio; quod nihil aliud est, quam reum, qui plerunque de fuga suspectus est, *Mathæus de afflictis decis. 170. circa fin.* fisci in iudicio. Exhibere enim & sistere idem significant, nullaque inter hæc est differentia, nisi quod Exhibendi verbo in cautionum materia magis utantur juris auctores in iudiciis criminalibus, *toto tit. C. de requir. & exhibend. reis.* quam civilibus. & hæc omnia clariora sunt quam ut operæpretium sit de iis prolixiorum sermonem instituere.

MAIOR autem difficultas est in tertio articulo, in quo de vi, potestate & effectu dictæ cautionis agitur: pro cuius explicatione illud præmittendum est, de iure uon dubitari quin cautio de iudicio fisci simpliciter per se considerata lata sententia in principali extinguatur, *l. Gracē. §. & post litem. ff. de fideiuss. & ibi gloss. & Bolonginus.* ulque ad eod ut nec appellatio cautionem hanc ultra limites instantiæ in qua

emissa est, possit prorogare & extendere. Nam cum ipsa instantia atque agitatio iudicii sit causa constituendæ cautionis, de iudicio fisci, meritò finita *Raynerus Forlinius in d. §. & post litem.* causa ob quam cautio est præstita, quoque finire debet ipsa cautio, quæ causa sistendi in iudicio facta est, *arg. l. adigere. §. quamvis. de iure patro. l. 2. in princ. ff. si quis cautio.* ob quam rem eleganter scribit Castrensis *in d. §. & post litem.* solere fideiussores accipi non solum de iudicio fisci, sed etiam de iudicato solvendo, propterea quod prior cautio expirat lata sententia. Cæterum difficultatem hic facit, quod intimatus moram fecisse dicatur in exhibendo, & quod præterea ipsa hæc cautio sit interposita non simpliciter de iudicio fisci, sed de præsentanda persona Caroli, quandoque curiæ placuerit, ob quæ effectus illius ultra tempus sententiæ prorogari videtur. Nam explorati juris est, si de iussorem, qui moram in exhibendo commisit, etiam lata sententia teneri: *d. l. 2. ff. si quis cautio.* & præterea qui promittit aliquem exhibere curiæ, toties quoties (uti formula dictæ cautionis concepta est) ad hoc requisitus erit, etiam post sententiam teneatur ex Bartoli sententia, *in l. si quis. ff. de custodia reorum.* ita ut quamvis simplici promissione de sistendo seu exhibendo lata sententia fideiussor liberetur, ex ea tamen quæ eum hac clausula, toties quoties, vel

vel alia simili facta est, etiam post sententiam & in executione conveniri possit, ut eum de quo promisit exhibeat propter vim & potestatem verborum toties quoties, quæ sonant in augmentum & universaliter, ac cum multiplicatione actuum accipiuntur atque extendunt cautionem usque ad executionem sententiæ, id quod in specie proposita etiam huic amplissimo ordini placuisse videtur, ex eo quod circa idem tempus quo principalis sententia pronunciata est, exhibitionem ab intimato factam, ut à periculo dictæ cautionis liberaretur, nondum recipiendam judicavit, quæ tamen tunc saltem in ipso calculo sententiæ recipienda videbatur, nisi amplissimus ordo existimasset etiam lata sententia, toto scilicet executionis tempore (quemadmodum nunc fit) ad exhibitionem ex ea cautione agi posse, quæ vel ob moram fidejussoris vel ex adjectione clausulæ toties quoties, ultra communem vitam & metam simplicis cautionis de judicio sisti extensa videtur.

Quæ omnia tamen si prima facie pro extensione dictæ cautionis adversus Intimatum urgere videantur, rectè tamen expensa neque firma neque solida comperientur. Nam primo sententia Bart. existimantis cautionem de judicio sisti, ex adjectione verborum toties quoties extendi ultra tempus sententiæ, nulla neque legis dispositione vel juris ratione confirma-

tur, & in contrarium stant alii magnæ auctoritatis interpretes, Dy. in l. continuus. §. cum quis sub hac. ff. de verb. oblig. Rom. in l. Gracè. & in l. finita. in princ. & ibi Alex. de damno infect. quorum opinio efficacissimis rationibus, atque adeò ex apertis juris communis regulis, sustineri & confirmari videtur. Nam quamvis clausula illa toties quoties sonet in augmentum, tamen quia accessorie cautioni de judicio sisti adjicitur, non potest eam contra substantiam suam ultra tempus sententiæ à jure præfinitum extendere, sed ei manenti intra limites suos promptiorem atque expeditiorem usum, & executionem per multiplicationem exhibitionis attribuit: arg. cle. 1. de præbend. alioqui autem si extensionem aut prorogationem induceret ultra tempus sententiæ contingeret principali immutari ab accessorio, & clausulam executivam extendere dispositionem principalem contra juris dispositionem, d. c. accessorium. & d. cle. 1. de præbend. & contrahentium intentionem, quæ ea fuisse existimanda est, quam verba sonant, & quæ rei subjunctæ est conveniens, ut scilicet Intimatus tantum obligaretur de judicio sisti, & verba illa toties quoties frequentem actum usque ad sententiam significarent, non autem constitutum tempus cautionis prorogarent & extenderent post sententiam, cum incipit cautio de judicato solvendo, quæ à cautione de judicio sisti,

Gggg ejusque

ejusque natura & effectu tam diversa est, ut simul conjungi non possint, quin dum una earum viget, alterius effectus impediatur, ac finis unius alteri struat initium, *Alber. in l. si quis reum. ff. de custod. reorum. Parisius consil. 48. dominus Petrus vol. 1.* sic quod doctrina Bartoli naturam utriusque commiscens, non fundata censeri debeat, vel saltem restringenda sit ad causas criminales, de quibus loquitur, & quarum ea est conditio, ut propter poenam post sententiam, personæ exhibitionem desiderent, nec fidejussorem judicatum solvi admittant, cum poenæ suos auctores tenere debeant, *l. sancimus. C. de poen.* nec possit alius se pro Reo ad supplicium obligare. *l. liber homo. ff. ad leg. Aquil.* Quæ omnia aliter se habent in causis civilibus, in quibus pro executione seu solutione judicati (quia non personam, sed bona respiciunt) fidejussor ritè adhibetur, & pro personæ exhibitione cautio interponitur, non alia ratione quam ut ipsa iudicii agitatio, & actuum judicialium explicatio cum præsentè adversario sit expeditior, & ut non sit necesse ad ea remedia per quæ contra absentes judicia exercentur, recurrere. Quæ rationis diversitas non patitur id quod à Bartolo in criminali materia est traditum, extendi ad causas civiles & pecuniarias, nisi nominatim in interponenda cautione expressum sit, quod fidejussor etiam lata sententiâ teneatur.

*Matth. de Afflict. decis. 130. per totum. & decis. 170. in fi.* Præterea si libeat eam Bartoli traditionem sic accipere, quod etiam in civili causa post sententiam cautio de iudicio sisti locum habeat, id tamen intelligemus tunc demum procedere, cum generaliter & indeterminatè facta est promissio, nulla relatione facta aut respectu habito ad causam, iudicium vel instantiam, *Alex. in l. 2. §. fin. ff. qui satisf. cog.* quod diversum est à terminis propositi negotii, in quo cautio expressè relata & limitata est ad litispèdentiâ, quæ tunc erat inter Balthasarem & Carolum de Cordes, quæ per sententiam latam in supremo Consilio, à quo nulla appellatio interponi potest, finita fuit. Sententiâ enim lata & controversiæ finem imponit, *l. 1. ff. de re judic. & perimit omnem litispèdentiâ, Pulchrè Ioan. And. & Philip. Franc. in c. 2. nu. 5. ut lite pendente num. 6.* ac consequenter cautionem illius causa interpositam. *l. si decesserit. ff. qui satisf. cog. l. fina. C. si quis cautio.* In cuius confirmatione minus laborandum videtur, proptereâ quod Carolus distinctè & separatim ad utramque cautionem, tam de iudicato solvendo, quam de iudicio sisti condemnatus fuerit, & quod Impetrans vigore rei iudicatæ pro utraque separatim fuit sollicitus: atque seorsim pro utraque litigavit, ac præter hanc cautionem de iudicio sisti generalem bonorum obligationem vice cautionis,



tionis, de judicato solvendo à Carolo accepit. Nam quamvis sola de judicio fisti cautio plerunque ex conventionem partium pinguio-rem naturam habeat, & ultra tem-  
pus sententiæ extendatur, *Matth. de Afflict. decis. cita.* in concursu tamen cautionis aut obligationis de judicato solvendo separatim facta, necesse est eam restringi ad tempus sententiæ, nec potest ulterius eva-  
gari.

SECUNDUM quæ omnia nihil dubitandum videtur, quin cautio ista lata sententia expiraverit, & quòd verba illa toties quoties in-  
duxerint solum actum multipli-  
cationem: ita ut etiam postremo die ferendæ sententiæ ex ea cogi potuerit. Quæ res causam dedisse videtur pronuntiationi amplissimi Senatus, qua exhibitio seu præ-  
sentatio per Intimatum facta, re-  
jecta est, non ob id quòd etiam post sententiam effectum habitura erat, sed quia præmatura & sine  
præcedente requisitione Curie aut partis facta erat. *Cast. conf. 100. part. 2. Rom. conf. 137.* Et præterea  
quia ab exhibitione necessitate li-  
berari non potuit, quin deinde etiam tempore ferendæ sententiæ  
liquidationis, quam Impetrans in  
suo rescripto (ex quo hanc litem  
auspicatus est) fateretur postea sub-  
secutam esse, urgeri potuerit ad  
exhibitionem, tum propter vim &  
potestatem clausulæ *toties quoties*,  
tum etiam quia sententia liquida-  
tionis cum præcedenti, quæ inde

declaratur, §. *curare. instit. de alio*  
planè connexa & conjuncta est.  
Nam hoc peculiare est in ratio-  
num redditione, quòd tractum  
successivum habeat, & plura capi-  
ta complectatur: Inter quæ est re-  
liquorum condemnatio & liqui-  
datio. *l. cum servus. & ibi dd. ff. de cond. & demonst.*

ET hæc de vi & potestate clau-  
sulæ *toties quoties* sufficiunt: nunc  
videamus de mora quam Impetra-  
rans objicit Intimato, ac præten-  
dit ex illa prorogatum cautionem,  
sic ut etiam post sententiam ex illa  
teneri debeat.

ET breviter quamvis Balthasar  
hunc articulum multum urgere  
videatur, juris tamen ratio eò in-  
clinare videtur, quòd Intimato  
nulla imputari possit mora, qui  
tam ex juris dispositione, *l. quoties  
quis, de verb. obligat. l. mora. de usur.*  
quàm ex lege conventionis non  
tenebatur offerre sine requisitione  
seu interpellatione. Habet enim  
ipsa promissio conditionem, si sci-  
licet & quando jussus esset exhibe-  
re, quæ conditio quamdiu non  
existeret, præsentare non teneba-  
tur, ut pulchrè scribit Castrenf. *d.  
conf. 100.* quemadmodum est in o-  
peris officialibus, quarum dies nò  
cedit antequam fuerint indictæ,  
*l. si quis hac. §. judicium in ff. de oper. libe.* sed nulla invenitur hic requi-  
sitio aut interpellatio ante senten-  
tiam aut tempore sententiæ facta,  
& proinde nulla videri potest mo-  
ra per Intimatum facta. Neque

dici potest perinde fuisse, ac si non fuisset à quo Balthasar exhibitio- nem petere potuisset propter præjudicium litis, quæ tunc per Intimatum erat intentata. Siquidem ea litispendentia nihil impedi- mento fuit interpellationi, & alte- rius exhibitionis requisitioni etiã judiciali. Nam quod non liceat pro eadem causa plures actiones simul proponere & exercere, *l. nemo ex his. §. quoties. ff. de reg. jur.* aut actioni moræ aliam accumulare, si per sententiam in uno latam in alio præjudicari possit, etiam si ex causa diversa, & non ad idem competat posterior actio, *l. fundi. & l. fundum. ff. de exceptio.* Id solum procedit respectu ejusdem perso- næ, id est, actoris qui tenetur eli- gere, ac certam citato actionem edere, ac editam & intentatam absque variatione prosequi, *Auth. qui semel. C. quomodo & quando jud. §. omnem. in authent. de litigios.* nec po- test cum adversarii discrimine plures actiones cumulando in in- certo vagari, *c. ut quis. de elect. in 6.* quæ rationes in alia persona, & potissimum in reo convento ces- sant, ideoque jure proditum est, cum posse pluribus iisque di- versis & plerunque contrariis re- mediis uti, *c. nullus pluribus. de reg. jur. in 6.* & non solum excipiendo, sed etiam reconveniendo & per novam instantiam præjudicialem, & contrariam actionem propo- nere & exercere, plerunque etiam ejusdem rei nomine, veluti in rei

vendicatione, & interdictis *§. r. instit. de act. §. tertia. instit. de inter- dictis.* convontus ut possessionem vel rem restituat, potest interdictum aut actionem duplicare; ac postu- lare, ut non solum repellatur ad- versarius, sed eo amplius ut sibi possessio vel dominium adjudice- tur: quæ tamen conclusio priori prorsus est contraria, præjudicia- lis, & in eventum quo contingat actorem vincere, prorsus super- vacanea. Quomodo etiam si pe- tenti hereditatem objiciatur ser- vitus, vel quod sit illegitimus, cer- tum est hanc objectionem actioni intentatæ facere præjudicium, & tamen proponi & deduci potest pendente priore judicio, non so- lum per viam exceptionis, sed etiam actionis, etiam coram alio- judice. *c. 1. de ord. cognit. l. 2. C. eo- dem tit.* Quæ exempla manifestè, ut videtur, ostendunt regulam præ- judicii, aut eam quæ cumulatio- nem impedit, huc nihil pertinere. Quin quod est amplius, ea pro- pria est litis & judiciorum natura, ut litigatorum intentiones & agē- do & excipiendo sint contrariæ & repugnantes: Illud tamen fatemur in hac specie, quando à Reo pro- ponitur contraria vel præjudicia- lis actio, hoc operari præjudicium, non ut faciat silere posteriorem quæstionem, sed ut ordo quidem judiciorum servetur. Ideoque hæc res merienda est secundum titulos de ordine cognitionum, in *Decret.* & *Cod.* & similes, & non secundum regulam.



regulam præjudicii & cumulationis ab actore factæ, aut etiam attentati. Etenim non potest in vitium attentati recidere, quod quis jure permittente ad juris sui conservationem facit. Nam hoc deum attentatum judicatur, quod fit temerè & contra juris prohibitionem. *Pulchrè Phil. Franc. in c. non solum. in princ. ad gl. verb. innovata, de appellat. in 6.* Et profectò si contrariam seu præjudicialem actionem liceret detorquere ad attentati vitium, jam ipsa quoque exceptio quæ semper objicitur, & directè tendit ad elidendam & perimendam intentionem agentis, l. 1. ff. de exceptio. jure attentati prohiberetur, ac teneretur quilibet propter præventam, i. prius intentatam ab adversario actionem jus suum in discussione relinquere: quod est absurdum, & rectæ rationi contrarium. unde rectè constitutum est, quod sicut excipiendo ita & petendo seu agendo (præsertim cum actio exceptioque eodem jure nitantur, eodem spectent, & ex eadem causâ nascantur) licere Reo convento jus suum deducere.

IN quo etiam si aliqua esset dubitatio (quæ non videtur) tamen potuisset Balthasar saltem extrajudicialiter fidejussorem sibi obligatum monere, & requirere ut exhiberet, ac requiring illum in mora constituere. Nam prohibitus agere & experiri judicio non prohibetur monere & interpellare

extrajudicialiter: l. si quis solutioni. §. penult. ff. de usur. quin etiam si non liceret licem aut actionem exercere, posset tamen quis eam instituere & proponere. gl. in d. l. nemo ex his. §. quoties.

NEC videri potest Balthasar satis interpellasse per exceptionem oppositam, in judicio ab Intimato intentato: quoniam qui excipit nihil petit, sed intentionem actoris duntaxat elidit, quod ex natura exceptionis manifestum est, l. 2. ff. de exceptio. & aperto jure comprobatur, quo constitutum est per exceptionem, neque adversarium in mora constitui, nec præscriptionem interrumpi. c. 2. vers. utrum spoliatio. & ibi dd. de ord. cognit.

ET proinde quomodocunque hæc res accipiatur, manifestum videtur, Intimatum à mora excusari debere, ob id quod non fuerit interpellatus, cum interpellari posset, & quod is cui mora facta fuisset, ex parte sua quod incumbbat, non adimpleverit. *Sor. Nep. consil. 117. part. 1. & facit l. ideòque. in princ. ff. pro socio.* Et hoc eo magis in specie proposita, quod multum sit verisimile Intimatum, si requisitus fuisset, postea exhibiturum fuisse, non obstante priore litispendentia, sic quod ipsi Impertranti potius mora ascribi debeat, qui pendente lite, & donec sententia pronunciata esset, videtur callide & malitiosè à postulanda exhibitione Caroli supersedisse, ea cogitatione quod facilius absentem &

indefensum vinceret, quam præsentem & exhibitum: ita quod ad commodum Impetrantis referri debeat, Carolum non fuisse exhibitum, quia exhibitus multa allegare & deducere poterat, ob quod in tam magnis quantitatibus condemnari non debuerat, & in quibus nunc magis ob contumaciam quam iustitiam causæ condemnatus præsumitur. *l. si ideo. ff. de evictio. l. emptor. C. eodem.*

**RURUS**, quod ad sequentem articulum pertinet, si quæ esset mora vel alia ratio, ob quam ex illa cautione adhuc post sententiam agi posset (quod non videtur) illud tamen compertum videtur vigore illius tantum agi posse, ad id quod interest debitoris personam non exhiberi, ita ut à fideiussore non plus posset exigi quam à debitore si præsens esset, haberi posset. Nam stipulatio Reum sisti iudicio, seu quod perinde est, *l. si decesserit. ff. qui satisd. cogant.* Reum exhiberi, ad id tantum competit quod interest, quod præterquam quòd intelligi potest ex generali regula, qua de stipulationibus faciendi. Item de prætoriis (inter quas est ista iudicio sistendi promissio *l. i. §. communes, de prator. stipula.*) disponitur, post moram succedere obligationem ad id quod interest, *l. stipulationes non dividuntur. §. fin. de verb. oblig. l. fin. de prator. stipula.* aperto iure dispositum invenitur. Nam Ulpian. ait in *l. fin. si quis in jus voc. non vener.* cum eo qui

in iudicium sisti promiserit, neque pœnam adjecerit, si statum non esset incerti agendum esse ad id quod interest. Quod expressius Celsus Jurisconsultus scribit, dum ait, in *l. quoties. in princip. de verb. oblig.* stipulatione hac iudicio sisti seu Reum exhiberi id quanti interest sisti, contineri. cuius æstimatio secundum aliud Jurisconsulti responsum, in *l. qui autem. §. i. ff. si quis cautio.* ad id tempus referenda est, quo sisti debuit, non ad id quo agitur. Et si procuratori facta sit hæc cautio, non procuratoris, sed ejus cujus negotium gestum est, utilitas spectanda est, *l. penult. ff. si quis caut. d. l. quoties. §. fin.* ut scilicet quanti domini litis interfuit sisti, ex ea stipulatione procuratori debeat.

**QUIBUS** nihil adversatur aliud Ulp. responsum, in *l. 2. §. final. qui satisd. cog.* quo interpretes communiter moti tenuerunt, effectum hujus cautionis referendum esse ad veritatem debiti in iudicium deducti, ut scilicet neque petitionis, neque ejus quod interest ratio habeatur, sed duntaxat illius quantitatis quæ re vera est debita: Nam in contrarium est expressa juris dispositio nunc relata, & præterea pugnat cum hac opinione ipsum Ulpiani responsum, quo interpretes nituntur: verba illa [in veram quantitatem] non ad quantitatem à Reo principali debitam, sed ad veram quantitatem ejus quod interest, pertinent: tum quia ratio subjacet

subjectæ materiæ hoc suadet; tum etiam quia hoc ipsum in oblata quæstione à jurisconsulto decisum videtur, non quantitatem petitam vel debitam hic spectari debere, quemadmodum in illo edicto quod adversus eum est propositum, qui in jus vocatum vi eximit, sed veritatem seu veram quantitatem ejus quod interest. Id quod evidenter convincunt illa verba [quanti ea res est] quæ ad id quod interest referuntur, sicut ex responsis superius relatis in hac ipsa specie cautionis expressum est. Et apertius hoc indicat Venulejus sub titulo de prætorii stipulationibus, *in d. l. fin.* ubi cum dixisset in stipulationibus, quæ quanti ea res est, promissionem habent, commodius esse certam summam comprehendere, mox eam rationem subjicit, quoniam plerunque difficilis probatio est quanti cujusque intersit, & ad exiguam quantitatem deducitur: manifestè significans hæc verba [quanti ea res est] & [quanti interest] pro iisdem accipi ac idem significare, quod etiam ipsa verborum significatio cōprobat. Verba enim illa, quanti ea res est, seu quanti interest, æstimationem significant, ad quam non recurritur, quoties agitur de debiti principalis exactione aut præstatione: & passim in jure videmus quod istorum verborum, quanti ea res est, &c. tunc demum est ulus quando ad æstimationem & interesse agitur, veluti in damni

infecti materiâ. In eum (inquit Ulpian. *in l. 4. §. in eum. ff. de damno infecto.*) qui quid eorum quæ supra scripta sunt non curaverit, quanti ea res est, ejus damni infecti nomine cautum non erit, judicium datur, quod non ad veram quantitatem refertur, sed (ut eodem responso *d. §. in eum.* continetur) ad id quod interest.

COMMISSA igitur stipulatione judicio sisti, ad nihil aliud datur actio quàm ad id quod actoris interest, sisti eo tempore quo petitur, ut consequatur eam utilitatem quam habiturus esset, si stitisset, & quæ jam illi abest, propterea quod non stiterit, *jurib. supracitat.* quemadmodum in simili, commissâ stipulatio rem ratam haberi in tantum competit, in quantum mea interfuit. *l. si commissâ. ff. rem ratam hab.* Et certè nisi hoc modo responsum Ulpian. *in d. l. 2. §. fin.* accipiatur, gravius tenebitur fidejussor judicio sisti ex sola mora, quàm is cujus dolo factum est quo minus quis judicio sistat: adversus quem sola in factum actio competit, quantum actoris interfuit sisti. *l. 3. ff. de eo per quem fact.* Ita ut non sola juris ratio, sed & ipsa æquitas promissionem hanc de judicio sisti, restringere videatur, ad id tantum quod revera interest, quod interdum tantum est quantum petebatur, ac revera debebatur, *l. si ve in duplum. Qui satisf. cogant.* si videlicet totum hoc obtineri potuisset, facta exhibitione

rei

rei principalis, interdum minus si scilicet à Reo præfente totum obtineri non posset. Nam sufficit in eadem causa sistere id hoc præstare, ut actori prosecutio deteriori loco non sit, quamvis exactio rei possit esse difficilior. *l. si quis quendam. ff. si quis cautio.* Et si lubeat huiusmodi promissionem, etiam ad veritatem referre, id intelligendum erit procedere cum præsupposito, quòd tanti intersit, quantum revera est debitum. *arg. l. si mancipia. & ibi gl. & dd. C. de furt. & ser. fugitiv.*

Quo d ad postremam questionem attinet, recepta & rationi consentanea est Dyni sententia, quòd quemadmodum hodie fideiussor conveniri non potest, nondum excusso Reo principali, si modò is præfens sit: *Authen. præfente. C. de fideiussor.* Ita si Reus principalis res suas oppignoraverit, & nihilominus ad maiorem creditoris securitatem fideiussorem dederit, non posse ad fideiussorem venire, nisi prius excussis & distractis illis pignoribus, si modò facillè vendi possint. *Bart. Castr. & dd. in l. inter eos. §. creditor. de fideiussor.* Atqui nulla hic proponitur difficultas insolita in pignoribus illis distrahendis, quæ sunt præfentia.

## CONSILIUM LXXIII.

## SUMMARIUM.

1. Verba per modum causa adjecta in ultima voluntate an disponent: item num. 4.
2. Prohibitio alienandi addita causæ, quæ velit testator bona manere in sua familia, inducit fideicommissum graduale: item num. 9. & 13.
3. Substitutio agnatorum seu cognatorum sub generali nomine facta, transit de persona ad personam, etiam nulla causa adjecta.
4. Fideicommissum inducitur ex conjectura mentis testatoris.
5. Fideicommissum non extenditur de tempore ad tempus, nec de personam ad personam.
6. Prohibitio alienationis facta filiis, non trahitur ad nepotes.
7. Vis relativi est, ut præcedentia repetat cum omnibus suis qualitatibus & restrictionibus.
8. Dispositio testatoris non extenditur de persona ad personam; nequidem ex identitate rationis aut præsumpta mente testatoris.
10. Fideicommissum sub conditione, si sine liberis decedat, si extinguitur, si quis liberorum supersit, nec post redintegratur mortui liberis.
11. Sufficit conditionem semel fuisse impletam, licet non duraverit.
12. Condicio specificè & præcisè in totum adimpleri debet, nec sufficit acquipollens.

14. Dispositio

14. *Dispositio testatoris, ut bona permanent in consanguinitate, sam perinet ad natos ex semine quam ex masculis.*
15. *Dictio (tunc) significat punctum & extremitatem temporis, quod precise attendi debet.*
16. *Conditio prohibitioni adjecta eam explicat & restringit.*
17. *Non est verisimile testatorem magis voluisse gravare proximiores & magis dilectos quam remotiores & minus dilectos.*
18. *Non creditur testator voluisse quod non expressit, cum absque difficultate exprimere possit.*
19. *Relatum inest referenti eam omnibus suis conditionibus & qualitatibus.*

### Facti species.

**C**ASPARIUS à Reda de bonis suis ultimo elogio dispositurus, inter cetera hanc quoque facti sui causam ponit, ut quantum per ipsum possibile sit, curetur, ut bona sua apud proximè sanguine conjunctos permaneant, neque ad extraneos convertantur, perveniante.

POST hæc suis ex sorore nepotibus neptibusq; pro suo in quenquam ipsorum favore, certa quædam legata facit, iisque singulis hanc vel in eam sententiam adjicit clausulam, quod quilibet eorum suum legatum acceptare, habere, eoq; liberè uti fruique possit, cum cōditione, forma vel modo, quem post subjecturus esset, scilicet:

SI contingeret, quando cunque unum vel plures ex commemoratis suis nepotibus neptibusve sine prole ex suo corpore & matrimonio legitimo procreata superstire vel magis propriè in vita post se relicta decedere, quod tunc in omnibus & singulis legatis aliisq; ex testamento antè vel post relictis, reliqui superstitibus liberos habentes succedere deberent, nec aliter. Et quod propterea nullus dictorum legatariorum debeat vel possit quicquam eorum quæ sibi relicta vel legata sunt vendere, gravare vel onerare, nisi primum & ante omnia supra commemorata conditio sit expleta & verificata: & si contra fiat, id totum irritum nulliusque momenti esse debere, idem testator disponit, addens insuper:

QUOD si verò accidat, omnes meos prædictos nepotes neptesve sine liberis ex suo corpore & legitimo matrimonio natis, ac superstitibus ex hac vita discedere: tunc volo, quod in omnibus & singulis meis bonis proximiores ex parte patris mihi sanguine conjuncti pro dimidia, & proximiores ex parte matris pro altera dimidia hæredes sint atque succedant, quia in istum casum alteris alteros prædicto modo substitutos volo, & præsentī testamento substituo.

HIS præmissis, atque interjectis, deinde aliis dispositionibus demum idem testator prædictos suos ex sorore nepotes neptesque

H h h h & illo-

& illorū liberos in reliquis omnibus & singulis suis bonis universales hæredes instituit, data illis libera facultate disponendi de reliquis illis bonis, confirmata tamen per subjectam & interpositam clausulam priore substitutione & conditione his verbis in effectū: Ad habendum, retinendum & possidendum dicta bona æqualibus portionibus jure hæreditario, facultate unicuique competente suam portionem commutandi transferendique quomodo-cunque & in quancunque manum libuerit, placuerit, aut commodum erit: prædictis tamen conditione & substitutione, quod alteri alteris eo modo quo supra declaratum est, succedere debeant, suis robore & vigore minimè destitutis, quia dictus testator commemoratis sororis suæ liberis & eorum ex se natis hæredibus cum discrimine præmissis bonam suam in præsentī testamento donata ac relicta esse vult, inque iis omnibus illos universales suos hæredes nominat & constituit, exclusis omnibus aliis suis hæredibus consanguineis.

Hoc ultimo testatoris elogio ipsius morte confirmato, in factō contingit unam ex neptibus, relicto filio & marito patre ejus superstite, ex hac vita emigrare, ac non multis post mensibus ipsum quoque filium mori, cui & pro patris more & juris dispositione patet quoad bona materia succedit.

Ex hoc oritur controversia, atque in jure dubitatur possint ne superstitēs nepotes & neptes testatoris demortuæ sorori facta legata jure substitutionis repetere, quasi ea voluntas & mens testatoris fuerit, quod quādiu aliqui de suo & sæpè dictorum legatorum sanguine superstitēs essent, nulli extranei succedere deberent: an verò patris de jure potiores sint partes, quasi sub momentanea conditione testator legata neptibus reliquerit, quæ statim nato filio sit expleta & verificata.

CIRCA hanc facti speciem petitur ex jure resolutio cum deductione argumentorum, quæ utraque pars possit defendere: ita tamen ut pro qua parte judicii verius sit judicandum, decidatur.

IMPORATO Dei auxilio, Prima facie videri poterat nepotes neptesque testatoris superstitēs potiore jure niti, ob id quod testator in principio testamenti sollicitè disposuit atque cavet, ut quatenus fieri posset, bona penes sibi sanguine conjunctos remanerent, nec ad extraneos deferrentur, his verbis: *Ouch (so viel ieme mogelijk is) te verschaffen dat syne haben und guederen aenden naegsten bloets verwanten verbliven* &c. Nam illa verba causam finalem significare videntur, ac talia sunt, quæ sufficiant ad constituendum simplex & absolutum fideicommissum, quod transit de persona in personam, quādiu



quandiu aliquis est de familia vel cōsanguinitate testatoris. Etenim hæreditas ipsa gravata videtur eo genere gravaminis & fideicommissi quod est in rem scriptum, ipsam hæreditatem afficiens quocumque ierit, ita ut in personas eorum, qui nominatim gravati ac prohibiti inveniuntur, sisti aut cohiberi non possit, sed ulterius progrediatur in favorem ulteriorum hæredum & cōsanguineorum non solum in casum decedentium nepotum & neptium nullis omnino liberis relictis, verum etiam relictis liberis, si illi ipsi postea moriantur; perinde ac si testator dispositivè voluisset & ordinasset bona sua remanere in familia & inter suos descendentes, vel prohibuisset alienari extra familiam seu suos descendentes, addita causa, quia vellent bona sua manere in familia: quo casu à doctores traditum *Salic. & Bald. in l. precibus. C. de prec. imp. offer. Franc. Curt. junior. conf. 22. præsupponitur in facto. Soc. conf. 57. in causa filiorum Caroli. vol. 3.* est simplex absolutum successivum graduale & reale constitui fideicommissum. Cuius ea est vis, ut ad quemcunque bona pervenerint, is gravatus fideicommissò censeatur. Id quod in proposito themate probabilius efficitur ex conditione substitutorum vocatorum generali nomine proximorum seu conjunctorum absque adjunctione certæ personæ, aut designatione nominis proprii; sic ut ultra cau-

sam expressam etiam incerta substitutorum qualitas & demonstratio non obscurè significet testatorem substituendo in consideratione habuisse agnationem, familiam & cōsanguinitatem, his verbis: **Den negsten bloets verwanten van sijns Vaders** &c. quæ multum valent ad constituendum fideicommissum simplex & absolutum, quod de persona ad personam transeat, etiam si nulla alia causa sit adjecta. *Cuman. in d. l. qui Roma. §. cohæredes. Barr. in l. pater filium. §. fundum. de legat. 3.* Prædictis accedit prohibitio de non alienando per eundem testatorem facta, quæ & ipsa cum præcedente causa conjuncta in favorem proximorum, ad quos prohibitionis fructus pertinet, vim alterius gravaminis ingeminat, veluti duplici fideicommissò constituto: uno in casum mortis, altero in casum alienationis à gravato vel successore facta. *Soc. Nep. conf. 97. viso puncto. part. 2. Ruinus conf. 114. viso puncto num. 7. lib. 2.*

DENIQUE ad hanc partem plurimum facere videtur, quod testator in posteriore parte testamenti disponendo de reliquis bonis, non solum nepotes & neptes, sed etiam illorum liberos vocasse, & universales hæredes instituisse videatur sub eadem distinctione & conditione, quibus prælegata nepotibus & neptibus suis in priorē testamenti parte reliquerat; quia verba ostendunt, ut videtur,

Hhhh 2 libe-



liberos nepotum & neptium non solum non esse relictos in sola conditione, sed apertis verbis vocatos & institutos, eadem ratione & modo quo eorum parentes testatoris, nepotes & neptes vocati fuerunt. Per quod removetur ea dubitatio, an à testatore gravari potuerint: *l. ab eo. C. de fideicom.* & eo amplius conjectura inducitur, quòd testator voluerit liberos nepotum & neptium, tam in residuo bonorum, quàm in prælegatis eodem vinculo fideicommissi obstringi, quo ipsos nepotes & neptes, ut satisfiat causæ disponendi; quæ fuit, ut bona remanerent in consanguinitate, & una pars testamenti declararet aliam, præsertim in hac fideicommissaria substitutione, in qua potius mentem verisimilem, quàm verba testatoris inspicere debemus, quoniam ea in fideicommissis dominatur, ita ut ex solis conjecturis fideicommissum constituatur. *lason consil. 66. in princip. lib. 4.*

CÆTERUM his nihil obstantibus, re diligentius investigata, verius videtur in specie proposita, patrem in successione filii & bonis de quibus quæritur, præferendum esse. Nam quamvis negari non possit, quin testator testamenti sui verbis fideicommissum constituere voluerit, id tamen non invenitur injectum aliis, quàm nepotibus & neptibus designatis & expressis in testamento, in quibus fisci debet, nec ad ulteriores exten-

di, quia fideicommissum est onus, *l. quoniam in prioribus. l. junius. §. cum autem. C. de inoff. testamen.* & odiosum reputatur, *l. cohæredi. §. cum filia. ff. de vulg. & pupill. nec latiore* nec benigniorem interpretationem habet, quàm ex aperta voluntate testatoris deprehenditur. Aded, quòd neque de tempore ad tempus, neque de persona expressa ad personam non expressam extendatur (*l. pater filium. §. fundum. de leg. 3. Dec. cons. 386. licet in controversis. num. 3. Soc. Nepos. cons. 130. num. 2. lib. 1.*) maximè si agatur de substitutione passiva, per quam gravamen uni impositum, per interpretationem porrigeretur ad alium. Nam hoc casu omnes constituunt, substitutione uni factam alterum non obstringere: usque adeò quòd substitutio quæ filio facta est non trahatur ad nepotem: *Franc. Curr. cons. 45. cons. 218.* & prohibitio alienationis filiis facta, nepotes non obliget: *gloss. in §. hoc igitur. in auct. de restit. fidei. Bart. & alii in l. filius a. §. divi. de leg. 1.* quod rectè decisioni præsentis questionis accommodari potest, & eo proclivius admittendum est, quod substitutio & prohibitio nepotibus neptibusque facta, non sit simplex & absoluta, sed merè personalis. Etenim testator non est usus simpliciter verbo nepotum & neptium, neque generaliter gravat aut prohibet nepotes aut descendentes, quod ad successionem & productionem fideicommissi faceret, sed cujusque certam

certam & singularem personam in distributione prælegatorum exprimit, ac in individuo demonstrat: ad quam expressionem proprii nominis cuiusque sequens substitutio, tam in primo quam in secundo gradu, ac ipsa etiam prohibitio expressè relata est his verbis: **Und wilt der voergeroeter Jaspar all und jedere sijne gemelten erben/ &c. die er sijnen voerschreven nichten und neben/ &c. und daromb soo en sa'll noch en mach gener banienen solche sijne nichten / &c.** Et rursus in verbis: **und aber in fall das de selbe sijne/ &c.** quæ omnia sunt restrictivè, non quidem vi sua propria, sed ex vi relativi eorum **der voergeroeter/ deselbe sijne nichten/ &c.** quæ referunt neptes & nepotes nominatim priùs expressos, & nō alios.

7 Etenim cum vis relativi sit, ut præcedentia cum omnibus suis qualitatibus repetat; *Bartol. in l. si quis servum. §. fin. ff. de leg. 2.* Idemque operetur quod expressio nominis proprii, simplici non generali relatione facta, *Bald. in l. fin. C. de impub. & alis subst.* præcedens nepotum & neptium expressio & descriptio, repetita intelligi debet in sequenti clausula qua fideicommissum & prohibitio alienationis inducitur, sic ut quamvis generaliter & simpliciter posita nepotum & neptium appellatio ulterius extendi & ex voluntate testatoris accipi posset, quemadmodum hære-

dum appellatio etiam feminas & natos ex illis comprehendit: *l. ex facto. in fin. ff. ad Treb. l. liberor. de verb. sig.* tamen in specie proposita propter intensam & coangustatam relationem, restrictionem & individualement demonstrationem huiusmodi extensionis aut interpretationis nulla est occasio, præsertim in onere & gravamine fideicommissi, & respectu personarum atque in hominis dispositione, in qua generaliter nec ex identitate rationis, nec ex præsumpta voluntate testatoris admittitur extensio de persona ad personam, sed casus omissus habetur pro omissio, etiam si alioqui verisimile esset testatorem, si interrogatus fuisset, ita dispositurum fuisse. *l. si extraneus. ff. de cond. ob caus. l. cum dotem. in prin. ff. solut. matr.* Aded quòd in casu omissio lex ipsa removeat cōjecturam tacite voluntatis: *Bald. consil. 167. Quidam Franciscus. col. 2. lib. 5.* illud enim quod omittitur à testatore in scriptura, & in prolatione verborum dispositiva planè omissum habetur, nec agi potest ex voluntate testatoris, nisi quando transivit in dispositionem: neque credimus testatorem velle, nisi quod exprimit & disponit, *l. quidam cum filium. ff. de hered. inst. Bald. in l. voluntatis. C. de fideicom.* Etiam si agatur de materia favorabili, unde tutor datus à patre filiis, non intelligitur illi filio datus quem se habere ignoravit, *l. si quis ita §. penult. ff. de test. tut.* & institutio ge-

neraliter de filiis, non extenditur ad filium testatori ignoratus, ut per multa jura & auctoritates probat Jafon *conf. 68. lib. 4.* in simili quæstione, & propè in iisdem terminis latissimè demonstrans, omnia jura extensionem & conjecturam voluntatis confoventia cessare, quoties agitur de productione fideicommissi aut extensione à persona ad personam. De qua quidem extensione cohibenda restringendaque in specie proposita minor est dubitatio propter personalitatem fideicommissi & prohibitionis, quæ aded singulariter, nominaliter seu nominativè & in individuo facta est, ut omnem penitus removeat extensionem ac considerationem realis & successivi fideicommissi, quod ita demum inducitur, si testator simpliciter alienationem prohibeat, & dispositivè velit & ordinet, ut bona sua maneat in familia & inter suos descendentes, adjecta causa, quia vult bona manere in familia. Cujusmodi nihil invenitur in proposito, in quo nullum nomè collectivum aut plurium graduum seu personarum comprehensivum simpliciter est positum, sed omnia vel per expressionem nominis proprii, vel per relationem ad priorem expressionem & demonstrationem certarum personarum referuntur, & in iis sic concluduntur, ut ampliandi & dilatandi fideicommissi nulla occurrat ratio, sic ut penitus cessent, nulloque modo præsent

negotio accommodari possunt, quæ superius de potestate fideicommissi absoluti successivi & realis pro contraria parte adducta fuere.

Ad quam consideratione successivi fideicommissi impediendam, removendamque extensionem plurimum facit conditio fideicommissi adjecta, si sine liberis nepotes neptesque decederent, per quam fideicommissum suspensum est in casum quo nepotes neptesque decederent absque liberis, expressa repetitaque conditione illa tam in personis gravatorum quàm honoratorum, additis dictionibus præcis & extremitatem temporis significantibus, hoc modo : **Wernemelichen offtsache were/dat de selve nichte und nebe op geroerte eyndeel oder alto mael ohn elige libsgebuerte van huen geschapen lebendich naer soe lassen mit dode aff gingen/ &c. das alsdan die selbe erben/ &c.** Et rursus : **und ober in fall das selbe sijne nichten ohn elige libsghebuerte / &c. soo wille und wilt de selbe Jaspas dat alsdan sulche sijn elige erfeliche guederen/ &c.** quæ verba evidentissimè ostèdunt fideicommissum non solum esse personale, & non simplex aut absolutum, sed eo amplius conditionale effectu fideicommissi suspensio à nativitate liberorum : ita ut fideicommissum non prius emergat, aut vires suas operetur,

operetur, quàm conditio sub qua factum est eveniat, & deficiente conditione, id est natis & superstitionibus parenti liberis prorsus evanescat & perimatur, usque adeo ut fideicommissum semel extinctum natis & superstitionibus parenti liberis vires non recuperet, etiamsi liberi illi postea moriantur: quoniam satis est conditionem casuallem, vel mixtam semel fuisse impletam licet non duraverit. *l. si quis heredem. & ibi gloss. & dd. C. de inst. & substit.* In conditionibus enim accipimus principium existentie, & non curamus ejus successum, continuationem aut perseverantiam: *Bald. in l. precibus col. 2. C. de imp. & aliis subst.* unde si quis hæres institutus fuerit sub ea conditione, si filia ejus nupserit aut simili, satis est filiam nupsisse, etiam si matrimonium non duraverit, *d. l. si quis heredem. C. de inst. & substit.* & relictum factum mulieri, si vidua erit, vel viro si ad cœlibatum pervenerit, debetur: cum vir erit viduus, aut mulier, etiamsi in viduitate non perstiterint. *l. ult. C. de ind. viduitate.* Et refert Castrensis, *in d. l. ult.* quod cum aliquando super ea re esset quæstio Venetiis, decrevisse tunc Judices definire contrarium mori ex intentione testatoris, quam dicebant huic rei adversam videri, viso textu, quem ipse Castrensis allegabat, in admirationem versi à proposito destiterunt. Quibus accedit, quod generaliter tradant interpretes, sub-

stitutionem factam sub conditione, si institutus non habuerit liberos, expirare natis liberis, & iisdem statim mortuis; *Oldr. conf. 21. Bald. in l. ult. C. de hered. inst. & consil. 56. lib. 2. cum multis similibus. congestu per Andr. Tiraq. in l. si unquam, in verbis, suscepit liberos. num. 153. C. de revoc. donat.* quod testatur Angelus procedere non solum in testamento, sed & in omni alia conventionem aut pacto facto in casu non existentium liberorum. Nam si tempore mortis existant liberi, etiamsi postea moriantur, deficit conditio. Et quod propriè terminis presentis quæstionis convenit, expresso J. C. responso definitum est, *in d. l. ex facto. §. si quis autem suscepit. ad Treb.* Eam conditionem si decesserit sine liberis, deficere relictis liberis, etiam si momento superstites fuerint parenti. Ex quo responso manifesta desumitur propositæ quæstionis decisio, videlicet substitutionem cessare per existentiam prolis quæ matri supervixit, & quod consequenter pater infanti, cujus nomine fuit adita hæreditas materna, succedere debeat ab intestato, tanquam proximior, ut in terminis à Jaf. responsum est. *d. consil. 66. lib. 4.* Et ante eum à *Bald. consil. 37. lib. 2. Alex. consil. 139. col. 2. lib. 6. Dec. consil. 139. viso puncto, col. ult.* & multis aliis quos refert *Tiraq. loco citato. num. 150.* decisum invenitur ea ratione: quoniam natura conditionum est momento temporis adimpleri.

Lafon

*lason in authent. sed & si quis. C. de secund. nupt.* Aded ut à Cepola responsum sit, *causarum civil. cons. 50. in causa qua vertitur. col. pen. vers. circa secundum.* infantem extractum ex utero matris mortuæ, & qui libè decedit, ita succedere ipsi matri suæ, ut hæreditatem ad patrem suum transmittat, exclusis consanguineis matris.

PER quæ præsens casus extradubium collocari videtur, remouenturque omnia quæ superius pro contraria parte allegata fuerunt de conjectura voluntatis ac intentione conservandæ familiæ aut agnationis. Nam cùm conditio inducat formam & solennitatem, *Bald. in auth. matr. C. quando mulier tut. off. fung. possit.* quæ specificè & præcisè adimpleri debet ex interpretatione extrinseca, neque detractionem, neque additionem, neque suppletionem recipit: *Bald. Ang. Imol. & alii in l. i. ff. de lib. & posth.* Ita ut æquipollens non sufficiat, & ejus omisio aut variatio in quolibet vel minima parte dispositionem & actum vitiet, *Bald. in l. testa. C. de testa. Inf. consil. 191. col. 1. lib. 2.* etiam si agatur de causâ pia aut alioqui favorabili.

PRÆTEREA si bene & quemadmodum decet, verba testamēti ponderentur & expendantur, nihil inuenietur ex quo appareat testatorem rationem aut consilium conservandæ familiæ aut agnationis habuisse. Nam verba illa quibus in principio testamenti dixit

inter alia, se dispositionem illam facere, ut bona remaneant in consanguinitate, non principaliter, sed accessorie & secundario prolata sunt, pertinentque non ad causam, sed ad occasionem disponendi, nullamque similitudinem habent cum verbis dispositivis per quæ testatores plerumque ordinant, ut bona permaneant in sua familia, & inter suos descendentes, aut prohibent alienari & dispositivè adjiciunt, ut res in familia conserventur. Ex quibus doctores conservandæ familiæ studium colligunt, & absolutum ac simplex fideicommissum induci arbitrantur. *in d. §. divi. Soc. cons. 57. in causa filiorum. vol. 3. cum similibus.* Ea ratione quoniam ex vi & potestate dictorum verborum dispositivorum intelligitur testatorem serio & graviter rationem conservandæ familiæ habuisse, cujus studii & voluntatis nulla significatio aut conjectura in specie proposita colligitur ex verbis testatoris, quibus in principio testamenti idque adhuc accessorie & secundario se quantum fieri posset, velle, ut bona sua remanerent in consanguinitate: quæ æquè ad fœminas ut ad masculos refertur: ita ut non fecerit meliorem conditionem masculorum per quos solos agnatio conservatur, quàm fœminarum, sed in contrarium (quod studio conservandæ agnationis planè adversatur) prætulit fœminas aut natos ex fœminis masculis agnatis, iisque adhuc

13

adhuc gradu propinioribus, vel  
saltem æquè propinquis: nam vo-  
cavit indifferenter nepotes nepres-  
que ex prædefuncta sorore, exclu-  
sis omnibus aliis propinquis hære-  
dibus, amicis & agnatis his verbis  
quæ institutioni nepotû neptium-  
que ex prædefuncta sorore subje-  
cta sunt: **Und alle sijne andere  
neisten erben / freunden und  
maegen daban abgeschepden  
und uszgeschlossen** / &c. Per quæ  
dilucidè ostenditur, testatorem  
nullum habuisse studium conser-  
vandæ familiæ, sed in contrarium  
potius laborasse, ut à masculis &  
propinioribus agnatis ad fœ-  
minas & descendentes ex fœmina  
transferret: Idque tamenix, ut  
probabiliter dici possit, verba illa  
in principio testamenti scripta, à  
testatore prolata esse non studio  
struendi successivi aut gradualis  
alicujus fideicommissi pro familia  
aut posteritate quæ per solos mas-  
culos conservatur, sed ad excusan-  
dum & colorandum factum, quo  
bona, exclusis proximis agnatis,  
fœminis aut venientibus ex fœmi-  
nis attribuebat; quod ad tollen-  
dam contrariam argumentatio-  
nem sufficit. Et præterea non malè  
conjugi potest cum fideicom-  
missi personalitate & adjecta con-  
ditione, si sine liberis: ut scilicet  
omnia conjuncta efficacius impe-  
diant conjecturam producendi  
fideicommissi, quæ revera nulla  
est

QUIBUS est proximum, quod

etiam si evidentior aliqua volun-  
tatis conjectura elucesceret, ea ta-  
men causam fideicommissi perso-  
nalis & conditionalis non muta-  
ret, neque produceret fideicom-  
missum extra personas expressas &  
casum conditionis adjectæ, præ-  
sertim cùm appareat testatorem in  
conditionis adjectione non con-  
siderasse actum successivum aut li-  
berorum superstitum parentibus  
perseverantiam, sed momentum  
temporis quo nepotes neptëve  
sine liberis decederent, his verbis:  
**das alsdan de selve erben** / &c. 15  
quæ non tantum respiciunt even-  
tum conditionis, sed etiam eveni-  
entis conditionis tempus, & tan-  
tum operantur quantum dictio  
(tunc) quæ punctum & extremita-  
tem temporis denotat, l. 4. §. *fin.*  
*ff. de cond. institut. Anchor. consil. 354.*  
*Curt. senior consil. 42.* & facit ut in-  
continenti tempus computetur ad  
expirationem fideicommissi seu  
alterius dispositionis, *Andr. Tiraq.*  
*de retract. consang. §. 1. gloss. 11. n. 39.*  
sic ut substitutio per prædictas di-  
ctiones limitata fuerit ad casum  
formaliter expressum, & in arti-  
culo eveniētis conditionis inspi-  
ci debuerit, an essent liberi supersti-  
tes non curato eventu quicumque  
postea sequeretur, propter naturā  
conditionis quam sufficit momē-  
to adimpleri: *Iuribus supra citat.* &  
significationem dictionis (tunc)  
quæ punctum & extremitatē tem-  
poris respicit & omnem extensio-  
nem seu productionem impedit.



16 Nec parum in hanc patrem facit prohibitio alienationis ex qua superius pro contraria parte argumentatio inducta est. Nam cum ea prohibitio non sit perpetua, sed temporalis, & cum quadam exceptione facta, non solum non refragatur, sed in contrarium plurimum intentionem patris coadiuvat & productionem fideicommissi impedit. Etenim conditio adjecta prohibitionem limitat, ut videlicet nepotibus neptibusque adempta censeatur facultas alienandi, si sine liberis superstitis decederent, in contrarium permessa alienatione ac etiam vigore suum obtinente, si qua prius facta esset in casum superstitem liberorum. Unde manifestum argumentum colligitur, quod noluerit testator filios nepotum aut neptium subiacere, quorum parentibus vinculum hoc fideicommissi relaxaverat natis & superstitis liberis. Quæ consideratio inde 17 etiam confirmationem accipit, quod non gravaverit testator secundo loco vocatos consanguineos minus dilectos etiam eo casu quo non natis vel prædefunctis liberis primum gradum substitutionis obtinuissent in substitutionem nepotum & neptium. Etenim non est credibile, testatorem liberos nepotum succedentes fideicommissio subiecisse, à quo constat alios minus dilectos in eundem succedendi casum immunes esse. *Carol. Ruin. cons. 148. num. 8. lib. 2.*

ADVERSUS quæ omnia nihil facit institutio liberorum & hæc dum descendendum ex nepotibus neptibusque, quæ in posteriore parte testamenti facta reperitur, aut mutua relatio clausulæ posterioris dispositionis de residuo bonorum ad præcedentem ordinationem fideicommissi in prælegatis, & econtrariò. Nam institutio ad solam residui bonorum dispositionem pertinet, & honorem & emolumentum ac utilitatem dictorum liberorum ac descendendum duntaxat respicit, unde nulla argumentatio aut illatio injuncti gravaminis desumi potest: quin econtrariò manifesta est ratio quæ suadet testatorem fideicommissum in personis nepotum neptiumque constitutum, nec in liberis & descendentibus eorum repetitum in nepotibus neptibusque sisti voluisse nec extendi ultra personas expressas. Nam non credimus testatorem velle quod non expressit, præsertim cum absque difficultate id fieri potuerit, & indubiè factum fuisset eodem modo quo in præcedenti dispositione relata ad nepotes neptesque, si ita testator voluisset, ut per multa similia ostendit *Jason consil. 141. in princip. vol. 2.*

Quod verò ad relationem attingit, extra controversiam est secundum ea quæ superius latè disputata sunt, priorem relationem appositam substitutioni nepotum neptiumque in nepotum neptiumque personis



personis ita restrictam & conclusam esse, ut dilatarı, extendi aut produci non possit ad nepotum neptiumque liberos: Sequens verò commemoratio quæ in clausula institutionis de residuo bonorum facta est: **Doch vorziger substitution und condition von einen off den anderen/ und sunst so fallen und so sterben / in massen wier voer ercleert stept ire machten und werden onbenomen:** neque priorem fideicommissi constitutionem ampliat, neq; novam substitutionem inducit, quoniam verba prædicta stant relative & restrictivè ad præcedentia, & intelliguntur secundum qualitates præcedentes prout relatum inest referenti cum omnibus suis conditionibus & qualitatibus. *l. affe. toto. ff. de hered. instit.* Id quod inde etiam confirmatur, quòd dicta verba velut per parenthesim interponantur & sequantur concessionem liberæ alienationis & relaxatæ prohibitionis à testatore quam in prælegatis constituerat. Sic ut posterior illa relatio solum conservet priorem substitutionem in iis casibus & personis in quibus erat posita, ne scilicet liberiore potestate postea data in residuo bonorum perimatur. Quod intentioni patris volentis filio succedere non derogat, sed eam potius sustinet & confirmat, quemadmodum etiam verba illa: **mit voergeroerte onderschept/** quæ institutioni nepotum neptium-

que atque ex iis descendentiū in residuo bonorum adjecta sunt, intentionem tantum, non etiam substitutionem aut productionem substitutionis prius factæ continent: demonstrantque solam differentiam distinctionemque casuum & personarum, in quibus testator disposuerat. Nam cum prius testator nepotes neptesque fideicommissò in omnibus, quæ ex eo testamento acciperent, onerasset, ac postea in residuo bonorum nepotes neptesque ac eorum descendentes hæredes fecisset, data libera facultate alienandi, salva tamen causa fideicommissi prædicti, dubium poterat incidere quomodo institutio illa nepotum liberorumque in eadem oratione facta accipi deberet. Cujus dubii explicationem subjicit adjectis verbis illis: **mit voergeroerte onderschept /** hoc est, cum prædicta distinctione personarum & casuum, hoc sensu quòd nepotes neptesque fideicommissum sustinerent, à quo descendentes ex iis essent immunes. Et rursus, quòd nepotes neptesque subjacerent prohibitioni alienationis in prælegatis, non etiam in residuo bonorum. Eaque videtur manifesta sententia dictæ institutionis nepotum neptiumque, quæ confirmationem accipit ultra omnia supra dicta, ex eo quòd testator in dicta institutione distinctionis duntaxat, non etiam conditionis aut substitutionis meminerit, quem-

admodum fecit in clausulis relatis ad nepotes neptesque, manifesta significatione quod nollet liberos nepotum aut neptium ambitu fideicommissi comprehendendi secundum nostram sententiam, &c.

## CONSILIUM LXXIV.

## SUMMARIUM.

1. *Communio bonorum inter conjuges, quando ex consuetudine locum habeat, & quando illi per contractum antenuptialem censetur derogatum.*
2. *Es alienum deducitur ante divisionem & imminuit usumfructum.*
3. *Funeris impensa favorabilis.*

**V**ISIT conventionibus antenuptialibus anno millesimo quingentesimo quinquagesimo septimo decima Maji, initis inter Adrianum Petri, futurū sponsum, & Adrianam Walteri, hæc clausula continetur: Ende indien by der ghehengenisse Gods de voozsz. Adriaen Peeters deser Wereldt overlede / vooz de voozsz. Adriaen Wouters / &c. kindt oft kinderen van haerlieder beyder Lichaemen achterlatende / ofte oock eegene: zoo sal de voozsz. Adriaen in dien gheballte voze upt vyz ende onbekommert aen haer nemen / trecken ende behouden / soo wel de voozsz. hare te desen houwelycke ghebzachte

goeden als d'andere goeden / die van haerder zijde staende den selven houwelyck opghetommen / aenghestorven ofte ghelegateert sullen zijn / mitsgaders alle haer klederren ende Juweelen tot haren lijve dienende / ende noch daerenboven hebben / profiteren ende ghenieten vooren upt des voozsz. Adriaen Peeters ghereede goeden / die somme van dupsent sulcke ende ghelycke ponden als vooren / die deselve Adriaen Peeters sijne voozsz. toecommende huyfzoutwe verskeren sal / ende daer ende alsoot van noode sal moeghen wesen. Alle 't welcke aldus ghesfurniert ende volcomen zijnde / sullen des voorschreben Adriaen Peeters Soons kinderen / ofte by ghebzake van dien / zijne andere Erfghenamen upt ende van zijne andere resterende goeden / hebben / ghenieten / profiteren / ende ontfanghen soo vele ende totter somme ende weerde toe als bevonden sullen werden te bezagen / soo wel die goeden by de voozsz. Adriaen Wouters daer tot desen houwelycke ghebzacht / als hare klederren ende Juweelen / ende van haerder zijde ghecomen / aenghestorven ende ghelegateerde goeden / mitsgaders de voozsz. dupsent ponden upt ende van des voozsz. Adriaen Peeters goeden.

goeden. Ende de goeden die daerenboven bebonden souden moghen worden/ noch over te schieten ende goet te commen/ de selve sullen ghepart ende ghedeelt worden/ by ende tusschen de voozschrebe Adziane Wouter Peeters/ daer vooz d'een helft / ende des voozsz. Adziane Peeter Claessons kinderen/ oft by gebreke van dien / zijne andere Erfghenamen vooz d'ander helft. Prædefunctus est dictus Adrianus nullis relictis liberis. Quæritur quomodo divisio inter hæredes illius & viduam fieri debeat. Præcipue verò an ex bonorum residuo antequam dividatur secundum conventiones antenuptiales deduci debeant debita & legata, per dictum Adrianum relictâ, simul cum expensis funeri & sepulturæ illius impensis? an verò hæc omnia rejici debeant ad onus hæredum defuncti: ita quòd ex illorum portione omnia prædicta dissolvi debeant?

Et prima facie videri poterat, quòd legata & impensæ funeris viduam onerare non debeant, ob id quod secundum consuetudinem Zeelandiæ, ubi contractum fuit matrimonium & bona sita sunt, bonorum omnium inter conjuges sit communio: ita quòd superstiti dimidia bonorum defertur ex beneficio consuetudinis, quo privari non debet ex facto vel dispositione prædefuncti, l. i. C. si

quid in fraud. par. præsertim in testamento vel ultima voluntate: nam quamvis vigore consuetudinis marito liceat constante matrimonio inter vivos mobilia atque immobilia simul quæsitâ pro arbitrio distrahere, in testamento tamen neuter conjugum supra dimidiam suam potest disponere.

Eo quæ minus dictorum legatorum solutio ad viduam pertinere videtur, quòd defunctus in contrahendo matrimonio ante desponsationem dimidiam partem bonorum suorum restantium futuræ suæ sponsæ addixit. Ea enim conventio ut robur finemque fortiri possit, impedit mariti alienationem, quæ fieret in ultima voluntate exemplo gravati per fidei commissum, restituere quicquid supererit ex hæreditate, qui licet interim per contractum usque ad dodrantem rectè alienet, per ultimam voluntatem tamen id non potest. *Cuman. ad l. Titius. ff. ad Trebell.*

CÆTERUM his nihil obstantibus, contrariam sententiam probabiliorẽ & veriorẽ arbitror: etenim cùm dicta vidua, secundum conditiones & cõventiones, quæ in contrahendo matrimonio ultro citroque placuerunt, omnia bona sua allata in matrimonium atque eo constante ex sua partẽ acquisita, integrè recipere debeat, manifestum est communitatis legi derogatum: nam cùm non possit esse societas vel communio, nisi

utrinque aliquid inferatur quod commune fiat, manifestum est conventionem illam consuetudini communionis esse contrariam: id enim inducit, ut non possit aliquid ex parte mulieris marito communicari; & certum est, communionem quæ ex consuetudine inducitur, cessare quoties ex contractu antenuptiali apparet contrahentes aliud voluisse, aut id in contractu antenuptiali expressum invenitur, per quod legi communis derogatur, nempe ut alterius eorum bona (quod est in proposito) pecuniaria propriaque sint, ut in terminis scribit Pyrrhus Angelbermerus in *consuetud. Aurelianensis. de societ. inter vir. & ux. §. 20.* Nec facit in oppositum quod in bonis mariti restantibus secundum conventiones antenuptiales dimidia viduæ competat, ea enim communio non profluit ex consuetudine, cui ab initio derogatum est, sed ex singulari titulo donationis & liberalitatis per maritum factæ in contrahendo matrimonio, quod à communionem, quæ per consuetudinem inducitur, est remotissimum: tum quia consuetudini aperte derogatum fuit, tum etiam quia communio restantium bonorum in specie proposita particularis est, & profluit ex dispositione hominis quæ facit cessare dispositionem legis vel consuetudinis. *l. final. C. de pact. convent.* Et denique quia restantia bona attribuuntur soli marito defuncto, qui

restituit bonis à muliere in matrimonium allatis; & mille libris Flandriæ de suo superadditis, vocat uxorem suam adhuc ad divisionem restantium bonorum suorum, quod non ad necessitatem consuetudinis, sed ad spontaneam mariti liberalitatem referendum est: ita quod cessante omni dispositione consuetudinis, rem istam metiri oporteat secundum terminos liberalis donationis in contractu matrimonii factæ, de dimidia parte bonorum, quæ mortuo marito superesse, & restare possent: quorum sanè restantium bonorum, nulla consideratio vel divisio fieri potest, nisi deducto omni ære alieno, solutis legatis & funeris impensis: nam ea est propria bonorum significatio, quod non intelligantur nisi de iis quæ deducto ære alieno supersunt; *l. subsignatum. §. bona. de verb. signific.* adeoque etiam si mulier omnia bona sua in dotem det, id solum quod restat ære alieno deducto, doti cedere debeat. *Guido Papa de eis. 447.* Et ususfructus relictus omnium vel quorundam bonorum, intelligitur deducto ære alieno. *Cass. consil. 387.* Nec solum debita in defuncti vita contracta, sed & legata in ultima voluntate relictæ, bona diminuunt, & onerant eum, cui ususfructus bonorum vel ipsa bona relictæ sunt, sic quod ad usufructuarium minor commoditas redeat, propter diminuta bona in dissolutionem æris alieni & legatorum.

rorum: d. l. usufructu bonor. & Paul. Castr. & Alex. ff. ad l. Falc. l. fin. §. fin autem as alienum. C. de bon. qua liber. Castr. consil. 187. in causa qua vertitur Bononia latissimè. Marian. Soc. Nepos consil. 109. volum. 1. Alciat. in d. l. ob signatum. §. bona. nec solum æs alienum in vita defuncti contractum & legata per eum relicta, sed & funeris impensæ ex bonis deducuntur, antequam eorum divisio fieri aut usufructus in illis constitui possit: nam impensæ funeris favorabilior est legatorum solutione, & ante omnia deduci potest. l. 1. §. impensa. ff. ad leg. Falc. Et siue agatur de petitione, siue retentione huiusmodi expensarum, privilegium habent ut præcedant omnes alias actiones anteriores nedom personales, sed & hypothecarias, ac etiam dotem, ut copiose scribit à Valle. consil. 198. & consil. 300. col. 2. & consil. 309. col. 5. Io. à Rip. in tract. de peste. in tit. de remediis preservator. num. 132. Cum itaque æs alienum, legata & funeris impensa ante omnes alias actiones deducantur ex bonis defuncti, atque is eam pati debeat cui post relictus est usufructus omnium bonorum vel quoræ bonorum, antequam usufructus ei permittatur, nulla est ratio, quare in specie proposita vidua ad divisionem restantium bonorum admitti debeat ex contractu antenuptiali, non deductis prius omnibus oneribus. Et eo procliviores ad hanc deductionem esse debemus, quod vidua

ultra alia maxima commoda, quæ beneficio dicti matrimonii consecuta est, ad hanc divisionem aspi-ret ex contractu antenuptiali & titulo verè lucrativo, & quod eo amplius, vidua vocata sit non simpliciter ad divisionem bonorum, sed duntaxat restantium post mortem, quæ natura sua, & ex propria significatione futuram diminutionem admittunt: l. potest. & l. reliquorum. ff. de verb. signific. Imò si res penitus expendatur, non invenietur dicta vidua absolute vocata ad dimidiam bonorum restantium, sed eorum tantum quæ possent restare, in verbis: **Bevonden soude moghen worden noch over te schieten ende goet te comen.** Quæ verba ex propria significatione & conjectura voluntatis referuntur ad simplicem potentiam nulli necessitati subiecta, ita quod libera remanserit marito dispositio bonorum suorum, non solum inter vivos, sed & in ultima voluntate: nihilque in divisionem viduæ venire possit, quam quod dissoluta omni ære alieno, omnibus legatis & impensis funeris, secundum dignitates & facultates defuncti, detractisque aliis, de quibus in contractu antenuptiali super esset. Verba enim illa: **Ende die goeden die daer en boven bevonden souden mogen worden noch over te schieten/** nullam prohibitionem alienationis vel diminutionis continent, nec obligant defunctum ad relinquendum

quendum aliquod residuum, sed tantum invitant viduam ad divisionem residui sub conditione, si & in quantum aliquid superesset, deductis omnibus oneribus æris alieni, legatorum & impensarum funeris, quæ ex persona defuncti originem trahunt, & in ipso mortis articulo causantur: Ad eod quod verba illa contractus antenuptialis tenuiorem obligationem contineant, quam illa §. C. Cum commodum erit, dotis filie meæ tibi erunt aurei centum. *in l. Nepos Proculo. ff. de verb. signific.* Quæ tamen interpretatione eod rediguntur, ut æs alienum, omniaque onera deducantur, etiamsi de vera dotis solutione agatur, quam solidam solvi publicè interest, & pro qua in ambiguis pronunciandum est. *d. l. Nepos Proculo. & ibi Alciat.*

NEQUE huc pertinet quodd de gravato per fideicommissum superius adductum est propter casuum & terminorum dissimilitudinem; nam hic de contractu agitur, ibi de ultima voluntate, in qua plenior faciendæ est interpretatio, fideicommissio gravatus jubetur restitutionem facere de alienis bonis, id est, primi testatoris, in quibus minus licere debet gravato quam in propriis, de quorum divisione in dicto contractu antenuptiali agitur, in quo maritus de propriis suis bonis quæ restare possent, uxorem participare voluit absque ullo vinculo aut impedimento alienationis, quam

ipse faceret in vita, vel in ultima voluntate.

QUIBUS accedit, quod in contractibus obscuritas quæ occurrit, interpretari debeat contra eum qui in contractu se fundat: *l. veterib. ff. de pact.* Et præterea quod, si ve causam si ve modum legatorum & sumptuum, si ve facultates & dignitatem defuncti respiciamus, nihil inveniat boni viri arbitrium excedere, aut ad subvertendam divisionem residui machinatum. Quo casu alienatio quantumvis à gravato per fideicommissum facta, sustinetur. *d. l. Titius. ff. ad Trebell.*

QUINETIAM si lubeat propius inter se comparare quæ de gravato per fideicommissum & donationem restantium bonorum dicuntur, adhuc funeris impensæ, legataque deduci poterunt, ex Bald. sententia, *in auth. contra eum rogat. C. ad Trebell.* quæ verior & probabilioribus rationibus subnixæ est, quam contraria Cumani præsertim novissimo jure, quo facultas alienationis per gravatum faciendæ simpliciter, & quocunque modo permissa videtur usque ad certam quantitatem.

ET ita in quacunque partem respicias, intentio hæredum dicti defuncti fundata videtur contra prædictam viduam, quæ propter magna commoda ex liberalitate defuncti accepta, à præcipiti avaritia excusari omnino non potest, propter nimis rigidam & captiosam interpretationem liberalitatis sibi factæ,

CONSI-

## CONSILIUM LXXV.

## SUMMARIUM.

1. Principum acta debent esse recta & secundum rationem.
2. Princeps pro speculo & exemplari virtutis & equitatis se exhibere debet.
3. Electionum catalogus seu cognoscementum, ut vocant, magnam vim probandi habet.
4. Rebus & factis quid probari potest, etiam si verba deficiant.
5. Ex conjunctione scripturarum seu actuum ostenditur unum fieri in consequentiam alterius.
6. Donatio absentis facta, eo ipso quod donatarius sciverit & taceat, rata habetur.
7. Indemnitas promissio est utilis, si agatur de formidata in idoneitate persona, si de periculo rei.

**C**UM ea sit summorum Principum philosophia, ut quo illis divina & humana jura plus auctoritatis tribuunt, eo enixius operam dent, ut quæ agunt non solum recta & secundum rationem sint, sed ut talia esse apertissime omnes intelligant: hæsitandum non videtur, quin serenissima Regina Anglorum secundum conventionem inter deputatos suos & Thomam Fiesco procuratorem mercatorum Januensium Antverpiæ residentium, initam & conclusam, permittet relaxationem pecuniarum quæ in vim Arresti cujusdam

auctoritate suæ Majest. hætenus detentæ fuerunt: derelicta difficultate & dubitatione de prosequendis procuratoriis agentium in Hispaniis, à quibus dictæ pecuniæ ad præfatos mercatores Antverpiæ agentes destinatæ fuerunt: nam præterquam quod nunc post tam longum tempus & variam rerum ac fortunarum commutationem, ipsarumque personarum mortalitatem & decessum dictorum mandatorum seu procuratoriorum expeditio & transmissio magnam involutionem & ambages induceret inextricabiles, in veritate ad plenioram securitatem Majest. suæ non est necessaria, sufficiente consensu, ac mandato mercatorum Antverpiæ residentium, quorum nomine prosecutio pecuniarum, communicatio, conventioque cum deputatis suæ Majest. facta fuit, & ad quos proprietas, dominium, possessio, dispositioque dictarum pecuniarum pertinet, inspecta juris ratione, secundum quam Majest. suæ, licet supra leges collocata, se vivere profiteretur, propria virtute & æqua administratione, veluti speculo & exemplari omnibus proposito.

Et ut evidentiùs de jure dictorum mercatorum & sufficientia mandatorum seu procuratoriorum ab illis emissorum appareat, in primis considerandum est, eos qui in Hispaniis pecunias navibus imposuerunt, fuisse (ut constare creditur) procuratores mandatarios,

Kkkk feu



seu commissarios mercatorum Januensium Antverpiæ residentium, atque ea mente & intentione consignasse nautis pecunias, ut operam tantum ministeriumq; suum mercatoribus Antverpiæ agentibus accommodarent: ut evidenter colligitur ex catalogo evectionum, seu cognoscementa (ut vocant) à nautis exhibitio, ita ut perinde sit ac si ipsi qui Antverpiæ agunt, dictarum pecuniarum dominio, proprietate, ac possessione acquisita ab initio eas ex Hispaniis Antverpiam destinassent: procuratores enim & commissarii tales nudum ministerium præstant, *l. communis servus. §. procurator. ff. de acquir. poss. & rem comparatam & acceptam vel traditam nostro nomine nobis acquirunt etiam ignorantibus. l. qua de tota. ff. de rei vindicatione. l. 3. ff. pro derelict.* Nec interest, si procuratores nostro nomine accipiant, si eis nostro nomine traditio fiat, si ipsi tradant ulterius, omnimodo enim nobis dominium, proprietatem, & possessionem etiā ignorantibus acquiritur, *l. 1. §. per procuratorem. ff. de acq. poss.* quod in simili de actibus seu contractibus institutorum per multas rationes eleganter confirmat Dec. cons. 610. incipien. in casu.

Quibus est proximum, quod etiam si in Hispaniis agentes nullum antecedens mandatum habuissent, tamen quia nomine & ad utilitatem, periculo & sumptu Januensium, qui Antverpiæ agunt

(ut scriptura evectionis & cognoscementum ostendit) ex antecedente illorum voluntate & expectatione dictarum pecuniarum transmissæ fuerunt, ipsis censetur gestum negotium, & pecuniarum, pecuniarumque periculum ad eos pertinuit & pertinet propter actum eorum contemplatione principaliter gestum, *l. rogasti. in princip. & ibi dd. ff. si cert. petat.* & quia eam mentem transmittentes habuerunt, & in eo proposito constiterunt, & in eo voluntate Antverpiæ agentium, & in eorum gratiam & utilitatem pecunias nautis consignarent, quod in animadversione est habendum, & in dominio & periculo translatione operatur potentissime. Bald. & alii in d. l. rogasti. in princip.

Rursus etiam si agentes in Hispaniis nullum habuissent mandatum, nec appareret de antecedenti Antverpiensium jussu aut voluntate; tamen quia constat eorum nomine & sumptu & ad eorum utilitatem pecunias transmissas esse, ad eos solos pertinere debet, & ex eorum arbitrio non expectato aliorum consensu & voluntate de illis disponi debet, posteaquam constat illos scivisse, accepisse & approbasse illam transmissionem, nomine & in gratiam suam factam, de quo quidem consensu, approbatione, ratificatione, & agnitione evidenter apparet. ex literis cognoscementi, seu evectionum, à nautis perlatis & ab Antverpiensibus receptis, & in

& in quarum consequentiam sol-  
verunt naulum seu mercedem  
vecturæ nautis, ipsasque pecunias  
in Anglia suis sumptibus prosecuti  
sunt, quæ manifesta & indubitata  
sunt consensus & approbationis  
argumenta, & indicia non solum  
verbis, verum etiam rebus & factis  
ipsis testificata & confirmata. *Dd. in l. de quibus. ff. de legibus. & in l. si tam-  
men. §. ei qui. ff. de adil. edic. Quod  
est potentissimum & enixæ atque  
indubitatæ voluntatis, & appro-  
bationis significationem habet,  
quæ conjuncta cum cognosce-  
mento & literis destinationis ab  
agentibus in Hispania factæ, to-  
tum negotium ac pecuniarum do-  
minium & possessionem iis qui  
Antverpiæ sunt, attribuit. Nam ex  
conjunctiōe scripturarum seu  
actuum, præsertim si quod sequens  
est fiat in consequentiam præce-  
dentis, manifesta præsumitur con-  
sensus ac ratificationis probatio.  
*Bald. conf. 42. incip. super eodem puncto.  
part. 3. quem refert & sequitur Dec. conf.  
677. visis & consideratis omnibus.* Et  
indubitati juris est, pecuniam ad  
absentem destinatâ post accepta-  
tionem & approbationem ab eo  
factam illi incommutabiliter ac-  
quiri, *d. l. rogasti. in princ. & ibi dd. ff.  
si cert. per. l. si. & ibi dd. l. quid curia,  
eo qui in aliena est pote. l. qui absent. ff.  
de acqu. post. l. absent. ff. de donat. cum  
similib.* & ita donationem absenti  
factam eo ipso quod donatarius  
sciverit, perfectam esse respondit  
Pontanus *consil. 395.* licet epistola*

aut nuntius ad eum nondum per-  
venerit. Et lex ait, invito me, cre-  
ditorem, habendo ratam solutio-  
nem procuratori factam, pecu-  
niam suam facere. *l. si ego. & ibi  
Bart. ff. de neg. gest. laud. Iacob. Philip.  
Portius consil. 172. num. 26. cum seqq.*  
Quibus cum loco accedit, quod  
hi qui in Hispaniis erant, absque  
ulla querela vel protestatione lon-  
gissimo tempore tacuerint & passi  
sint mercatores Januenses hanc  
pecuniarum prosecutionem suo  
nomine, periculo commodoque  
facere. Unde ultra priorem desti-  
nationem & literarum emissionem  
ex intervallo novus consensus in-  
ducitur. *arg. quæ scribunt dd. in l. quæ  
doris. sol. matrimon.* Neque enim  
credibile est, eos tam longo tem-  
pore quieturos fuisse, aut passuros  
ab aliis publicè prosecutionem  
fieri tam magni acervi pecuniarû,  
si quid juris in illis habuissent;  
adeo ut nunc post tam longum  
tempus de illorum jure scrupulum  
movere haud necesse sit, præsertim  
posteaquam deputati suæ Majest.  
cum dicto Thoma tanquam pro-  
curatore agentium Antverpiæ com-  
municarunt, tractarunt & conve-  
nerunt, eumque ut talem, & veluti  
à dominis pecuniarum legitimè  
constitutum approbarent.

DENIQUE ut plenissimè Ma-  
jest. suæ sit cautum, & avertatur  
omnis occasio dubitandi, æquis-  
sima est dictorum mercatorum  
oblata indemnitis promissio &  
cautio, per quam adversus omne  
futuri

futuri temporis periculum, si quod contingeret incidere, suæ Majest. plenissimè consultum & provisum esse potest, & qua accepta Majestatem suam pro innata sua clementia & humanitate dictarum pecuniarum restitutionem permissuram non ambigitur. Nam hujusmodi remedium in talibus casibus usitatum est, & plenissimam securitatem adfert, siue agatur de iudice tutorè aut curatorem creante, de cuius idoneitate metuit, *l. 1. C. de magistrat. conven. siue de eo qui incarceratum dimittit & liberat, l. si quis uxor. §. si fugitivum. ff. de furtis.* aut restitutionem pecuniarum vel aliarum rerum facit. *Castr. Imola, & alii in l. si à reo. §. fin. ff. de fidejussorib.* Quæ pluribus confirmari possent: sed cum agatur apud Reginam prudentissimam quæ jura in serinio pectoris sui inscripta habet, & humanitatis & æquitatis professione celebratissima est, supervacaneum foret & cum cædio conjunctum, prolixiorem discussionem facere, salva in omnibus auctoritate & iudicio suæ Majest. ac suorum Consiliariorum.

## CONSILIUM LXXVI.

## SUMMARIUM.

- i. Reductio ad arbitrium boni viri admittitur, etiam adversus laudum, in quo partes cum juramento reductioni renuntiaverunt.
2. Socium non constringit periculum aut

damnum, quod ex culpa seu facto alterius socii incidit.

3. Arbitratores seu amiables compositores, neque juri dispositionem, neque ordinem judicium servare tenentur.
4. Arbitrarius cui amplissima potestas data est, potest omnia facere pro arbitrio, dummodo dolo careat.
5. Reductio operatur effectum devolutivum, non etiam suspensivum, nec impedit executionem.

**I**N contentione quæ vertitur coram amplissimis dominis Cancellario & Consiliariis Regiis in Brabantia, inter Augustinum Monillia ex una, & Franciscum Balbany cum suis ex altera partibus: diversæ petitiones utrimque factæ, diversam inspectionem & tractationem desiderant, ut videlicet primò quærat, an Balbany audiri & obtinere debeat in reductione & restitutione per eum considerata: deinde an pendente reductionis iudicio Monillia permittenda sit executio sententiæ arbitralis, & insecutæ voluntariæ condemnationis, saltem per provisionem, & sub cautione per eum præstita.

Et paucis, quod ad resolutionem prioris articuli pertinet, licet secundum magis communes opinioniones reclamatio reductioque permittatur adversus laudum, etiam si partes reductioni renunciaverint, & juraverint per quæcung; verba in amplissima forma, si detegi

si detegi possit dolus arbitratorum, vel læsio enormissima: Bald. *consil.* 380. lib. 1. & *consil.* 187. part. 2. Decius *conf.* 133. Bald. in l. cum antea, in 2. col. C. de arbit. Abb. in c. Quintavallis. de iurejuram. Fulgos. 120. super eo quod primo loco in ult. col. Socin. *lunior. conf.* 48. num. 49. part. 1. cum aliis citatis ab Hieron. Grato. *conf.* 24. lib. 2. In proposita tamen hypothefi diligens perferutatio facilè ostendet ex parte Balbany deficere læsionem in magna quantitate & sufficiente ad retractationem laudi tanta clausularum redundantia, cum iuramenti religione confirmari. Quæ læsionis probatio ex parte reclamantis est necessaria, stante præsumptione pro laudo, etiam pendente reclamatione: ita ut onus probandi transferatur in partem conquerentem. latè Fel. in c. quoniam contra. num. 37. de probationibus. & Hieron. Grato. d. *consil.* 24. in princip.

Quo d autem nullam legitimè conquerendi occasionem habeat adversus controversam arbitratorum sententiam, nullum idoneum gravamen sibi per illam illatum ostenderit, ex prolati instrumentis intelligitur convinciturque ipsum Balbany Monillia verè teneri in septingentis flor. vj. s. v. s. Flandricis cum interesse pro rata dictæ summæ acceptis à domino de Grevenbrouck, in quibus duntaxat per provisionem, & oblata cautione condemnatus est. Extat enim propria Balbany ac fratrum

scriptura & obligatio, qua communicavit contractum cum domino à Grevenbrouck initum usque ad dictam summam; ita ut dubitari nequeat, nec ipse Balbany neget quantitatem illam Monillia competere. Sed allegat, & gravamen in eo constituit, quod Monillia recuset subire periculum & sumptum litis adhuc pendentis, in causa principali cum dicto domino de Grevenbrouck: in quo nec jure, nec æquitate, nec probabilitate aliqua juvari videtur. Quia lis dominum de Grevenbrouck intentata fundatur in proprio vicio & culpa Balbany, & in compensatione pecuniæ tertio factæ, quæ domino de Grevenbrouck pro implemento contractus numerari debuerat, & quam Monillia pro parte sua bona fide solverat: adeò ut quamvis Monillia ab initio verè participasset & contraxisset cum domino de Grevenbrouck, secundum facta in hoc iudicio per Balbany proposita, (quod non) nihilominus Monillia à periculo illius litis quam Balbany sustinet, immunis servari deberet. Jure enim societatis ab initio contractæ vel excessione nominis ad partem dictæ obligationis admissus Monillia, subiecit se quidem periculo nominis, quod ex insolventia domini de Grevenbrouck, defectu bonorum aut nullitate vel insufficientia hypothecarum incidere potuisset; *argum.* l. si plus. §. qui nomen. de evict. l. si nomen.

K k k k 3

*nomen. de hered. & act. vendit.* non etiam iis damnis & periculis, quæ propter culpam Balbany contingerent: Quia venditor præstat damna, quæ ex illius culpa contingunt, *l. si venditor. de pers. & con. rei vend.* & socium non contingit damnum quod ex culpa seu facto unius sociorum incidit; *d. §. damna l. socium. §. socius. pro socio.* ut latius prioribus responsis nostris deductum est.

Quibus accedit quòd Balbany videns juris decisionem contra se inclinare, ut rem obscuraret & tenebris involveret, allegavit principaliter cum Georgio van Strepe contractum fuisse, ac dominum de Grevenbrouck ad maiorem securitatem fuisse obligatum, cum manifestò surreptionis vitio, quod detegitur ex protestatione Theodoric Goosens facta xviii. Junii anno xv<sup>c.</sup> lxi. Necnon epistola ipsius Monillæ de octava Julii an. lxi. Item procuratorio & obligatione ipsius domini de Grevenbrouck; in qua Georgius non ut contrahens, sed ut tertius pro alio se obligans adhibetur: qui licet ad maiorem securitatem futuræ solutionis se obstringeret, nullam tamen neque ex procuratorio, neque ex ipso contractu facultatem habuit convertendæ pecuniæ ex dicto contractu procedentis in usus suos, aut admittendæ compensationis cum proprio suo debito. Videturque merum ludibrium respectu Monillæ, atque

etiam ipsius domini de Grevenbrouck, quod in hac parte à Balbano est attentatum.

QUINETIAM si plus rationis aut coloris haberet ista Balbany assertio, ea tamen nihil valeret ad colligendam probandamque læsionem ex dicta provisionali arbitratorum sententia: qua beneficio cationis ipsi Balbano consultum fuit in futurum eventum, quo deprehenderetur Monillæ periculum litis domini de Grevenbrouck debere agnoscere, ei que pecuniam restituere. Quod vel solum potest sufficere ad avertendam intolerabilis læsionis considerationem, quæ ad sustinendam reductionem intentatam est necessaria.

Et ut in re ipsa non est sufficiens aut probabilis læsio: ita quoque non potest laudum illud, vacillare aut controversi, ex eo quòd allegatur, arbitros post verbalem partium altercationem & cognitionem susceptam, scripturarum formulas non admisisse, & quod provisionalem sententiam tantum tulerint, absque definitione principalis negotii. Utrumque enim excusat, & sustinet clausularum redundantia, & amplissimæ potestatis concessio, quæ electos mercatores ex consensu utriusque partis arbitratores & amicales compositores constituit, qui neque juris dispositionem, neque ordinem judicarium servare tenentur, proceduntque in causa tanquam transactores ex bono & æquo.

æquo. dd. in l. si societatem. §. arbitrorum. ff. pro socio. Pan. in c. Quintavallis. col. 3. de jurejurand. Et possunt pro bono pacis dare alteri aliquid de jure alterius, c. nisi essent. de prabend. ut merito Cicero de illis ita scribat: *inorat. pro Comædo*. Causam perdidisti; propterea quod aliud est iudicium, aliud arbitrium. Iudicium est pecuniæ certæ: Arbitrium incertæ. Ad iudicium hoc modo venimus, ut totam litem aut obtineamus aut amittamus. Ad arbitrium hoc modo inus, ut neque nihil, neque tantum quantum postulamus, consequamur. Cui proximum est, quod licet coram arbitro faciendâ sit citatio, libelli in scriptis productio & actorum scriptura: l. cum antea. §. penult. C. de arbitris. *Castr. in l. ne in arbitris. C. eod.* in arbitratore tamen aliud observatur; neque est iudicium nec quasi iudicium, sed totum relinquitur ejus voluntati: *Inno. & Abb. in d. c. Quintavallis.* potestque etiam die feriatio, & absque partium præsentia procedere, & vel partem vel totum negotium definire, vel principaliter vel provisionaliter judicare, prout credit verisimiliter partium concordie convenire. *Abb. & alii in d. c. Quintavallis.*

4 DE qua re dubium esse non potest in proposito propter amplissimam potestatem datam arbitratoribus in compromisso per verba: *De hault en bas pouvoir juger, arbitrer, prononcer & determiner sommie-*

*rement & de plain touchant leurs différens & prétensions ou demandes: comme a iceulx S<sup>rs</sup>. arbitres, arbitrateurs & amiables compositeurs bon semblera, &c.* Quæ hoc efficiunt, ut in formatione processus, & solennitate sententiæ, arbitri seu arbitratores possunt omnia facere pro arbitrio; ut eleganter, & in terminis scribit Matthæus de Afflictis. *Singular. 14. 15. & 16.*

ET ad majorem prædictorum confirmationem facit, quod agatur inter mercatores, quorum causa ad solam æquitate nudamque veritatem expenditur; quodque constat ex propria confessione partis adversæ verbaliter totum negotium fuisse disceptatum, & discussum, & quod non obscure apparet Balbani in desperatione rerum, scripturarum prætextu, tergiversando moram voluisse injicere, & differendo per temporis angustiam excludere arbitratores à facultate judicandi. Quod à justo alienum est, & majorem arbitrorum excusationem constituit: quæ augetur ex facultate exhibendi advertissementi data, nec non rei subiectæ natura ordinata & disposita ad provisionem, quæ etiam ex qualitate rerum & personarum petita intelligitur. Et quamvis non fuisset petita, rectè decerni potuit propter rei justitiam, & liberrimam facultatem pronunciandi arbitratoribus datam.

NOVISSIME in modo temere

mere procedendi Balbany aber-  
raste videtur, dum non obtenta  
sufficienti omnium clausularum  
juratarum absolutione, ad litem  
profiliit, ut collata compromissi  
formula cum obtenta absolutione  
ad cautelam ostendit evidentius.  
Et proinde si rei ipsius iustitiam  
& media, siue modum procedendi  
respiciamus, nulla est ratio obti-  
nendæ reductionis per Balbanum  
postulatæ.

ET ut ad alterum controversiæ  
caput transgrediamur, siue despe-  
rata sit reductio, siue ad ulterio-  
rem indaginem procedere, & ma-  
jorem discepcionem super ea  
admittere lubeat: satis certum ac  
manifestum est, postulatam laudi  
& infecutæ condemnationis exe-  
cutionem, data cautione debere  
procedere, non solum in vim vo-  
luntariæ condemnationis, quæ re  
integra ante omnem absolutio-  
nem & revocationem ejus qui  
compromiserat, infecuta fuit, &  
promissimam de jure & consue-  
tudine executionem desiderat, se-  
cundum ea quæ luculenter in ad-  
vertissemento Monillæ, in mate-  
ria dictæ executionis deducta  
sunt: verumetiam in vim ipsius  
laudi pronunciati, & tot vinculis  
clausularum & jurisjurandi reli-  
gione, necnon speciali renun-  
ciatione reductionis confirmati.  
*Iuxta ea quæ scribit Bald. post gloss. in l.  
tale pactum. §. qui provocavit. ff. de pa-  
ctis.* Ex quo illud inducitur, ut licet

non obstante renunciatione per  
reductionem cognoscatur, an  
veræ sint exceptiones iniquitatis,  
contra laudum, ipsa tamen redu-  
ctio operetur tantum effectum  
devolutivum, non etiam suspensi-  
vum: ita ut licet remota reductio  
in instrumento compromissi non  
impediat ulteriorem cognitionem  
seu effectum devolutivum: non  
tamen inducit effectum suspensi-  
vum ad exemplum appellationis,  
cui quoties à partibus renun-  
ciatum est, prout de jure fieri potest,  
*L. fin. C. de temporib. appellat.* si postea  
appellatio recipitur, ea habet dun-  
taxat effectum devolutivum, non  
etiam suspensivum: nec impedit  
executionem, ut in terminis com-  
promissi, in quo reductioni renun-  
ciatum fuit, scribit Hieronymus  
Gratus *consil. 34. in princ. lib. 1.*  
Cujus decisio propter secutam  
voluntariam condemnationem,  
nec obtentam sufficientem abso-  
lutionem, & quia de sola provi-  
sione agitur, hic proclivius ad-  
mittenda est, prout æquissimos  
dominos Judices ex causis supra-  
dictis aliisque circumstantiis ultro  
se offerentibus admissuros confi-  
dimus. Salvo semper saniore ju-  
dicio, &c.

CONSI-



## CONSILIUM LXXVII.

## SUMMARIUM.

1. Restitutionis subjecta efficaciter alienari non possunt.
2. Fisco per confiscationem non plus acquiratur, quam quod est confiscationem passi.
3. Fideicommissi gradualis, que sit potestas.
4. Fideicommissum est graduale & successivum, in quo testator agnationis & familie rationem habet.
5. Filiorum appellatio, quando nepotes complectatur.
6. Graduale fideicommissum prioribus subductis, etiam postea natos admittit.
7. Fideicommissa etiam non agnita, transmittuntur ad hæredes.
8. Prohibitio alienationis, quando quartum gradum egreditur.
9. Princeps regali potestate pradius, libere donare potest.
10. Princeps ob remunerationem meritorum, etiam rem magnam donare potest.
11. Principis scientia & voluntas, ex quibus probetur.
12. Princeps pubes factus omnia potest, que alius major viginti quinque annis.
13. De multa de firmitate contractuum à Principe celebratorum.
14. Pragmatica sanctiones corpori juris non inclusa, non egrediuntur locum in quo fiunt.
15. Rerum demanio incorporatarum &

non incorporatarum, differentia.

16. Abalienatio & donatio rei ad Principatum pertinentis, differt à feudi concessione.
17. Postliminium locum habet in iis que bello recuperantur, non iis que in pace, seu ex causa pacis ad nos redeunt.
18. Regni vel Imperii lex de conservando statu Reipublica lesa, differt à solius Principis lege & constitutione.
19. Confirmatio priorem concessionem neque diminuit, neque coarctat.
20. Possidendi causa in dubio mutata non intelligitur.
21. Confirmatio actus invalidi ex certa scientia confirmantis, inducit novam concessionem.

**V**Is o & diligenter examinato processu pendente in amplissimo Senatu supremæ Curie & Parlamenti Mechliniensis inter Illustrissimum Principem & Dominum Dominum Guilielmum Principem Auraicæ, Comitem de Nassau, &c. tanquam hæredem universalem & in solidum fel. rec. quondam Renati de Chalon dum viveret Principis Auraicæ, &c. Impetrantem in petitorio ditiorum & dominiorum de Chastelbelyn, Orgelet, &c. ex una parte, & dominum Procuratorem Regis Catholici tanquam Comitis Burgundiæ Intimatum seu Opponentem ex altera, deprehendimus ab aliis & ingenio & eruditione claris viris in ipsis scripturis omnia  
LIII ubi-

uberrimè, & per varios articulos tractata disputataq; esse; ad quorum copiam etsi vix quicquam addi posse videatur, cum tamen loco, & ad intentionem Domini Impetrantis magis que confirmandam, breviter quædam subijciemus quæ videntur præcipua, & ex quibus veram resolutionem ac decisionem totius causæ dependere arbitramur.

CUMQUE omnis disputatio, atque adeò ipse causæ status versetur in averrenda vel resolvenda confiscatione adversus quondam dominum Ludovicum de Chalon Comitem Tordoniensem decreta, necnon in asserenda restitutione & jure Domini Joannis de Chalon in dominiis controversis circiter annum 1477. ex concessione D. Mariæ, aliisque diversis causis acquisito pro se & hæredibus suis ac quibuscumque aliis, causam ab illis habentibus: imprimis considerandum est, quòd tametsi confiscatio in dominum Ludovicum inducta nullo extrinseco vitio vel defectu propter prætermittam legitimam defensionem & curatoris, à quo regebatur, evocationem, laboraret, ac omnes illius possessiones rectè & legitimè in fiscum devolutæ coactæque fuissent, bona tamen controversa in vim ademptionis & confiscationis tam acerbè ultra vitam illius fisco acquiri & retineri non potuissent propter nexum fideicommissi & restitutionis quo rec. me. D. Joan-

nes de Chalon filius Tristani per testamentum ordinatum anno 1396. & publicatum anno 1399. dicto D. Ludovico hæredi instituto omnem alienandi & per delictum committendi facultatem & occasionem ademit in favorem substitutorum ex familia de Chalon, inter quos expressè nominat D. Joannem de Chalon dominum in Arleto, omnemque ejus posteritatem & descendentiam de nomine, sanguine & armis de Chalon, quam semper exitisse in vita & post mortem dicti D. Ludovici manifestum est. Nam in confesso est, ipsum D. Joannem de Chalon Principem Auraicæ, patrem D. Philiberti (qui à D. Maria rāquam Comitissa Burgundiæ istorum bonorum relaxationem obtinuit anno 1477.) D. Joannis de Chalon primi Principis Auraicæ fratris testatoris, & nominatim in dicto testamento substituti abnepotem fuisse: sic ut stante & permanente dicta substitutione in actu successivo D. Ludovicus (cujus jus limitatum erat ad vitam) delinquendo substitutis præjudicare non potuerit, nec ex confiscatione impedimentum injicere, quo minus hæc bona mortuo D. Ludovico ad alios de familia de Chalon secundum ordinem substitutionum devolverentur: cum manifesti juris sit, rem subiectam restitutioni non posse interim effectualiter alienari, l. final. §. sed quia nostra. C. communia. de legat. quin adveniente casu

casu substitutionis alienatio ipso jure resolvatur, & retrò ad irritum reducatur. *d. l. fin. §. fin autem. l. serpo. §. 1. & ibi Bart. de leg. 1.*

2 ABSURDUM namque & irrationabile legi visum est, rem quam quis in bonis suis purè non possidet, ad alios posse transferri, idque non solum per alienationem ex contractu, verumetiam per eam quæ ex delicto inducitur: quia utrumque expressa lege ultra vitam gravatè invenitur prohibitum, *d. l. final. §. fin autem. & l. Statius Florus de jure fisci. & ratio præjudicii & detrimenti redundantis in injuriam tertii non minus obtinet in alienatione quæ ex delicto inducitur*, quàm in ea quæ fit per conventionem: adeò quòd concordì calculo omnes consentiant non plus fisco acquiri per confiscationem, quàm quod est confiscationem passi, & res fideicommissò obnoxias quantumvis à fisco occupatas moriente gravato, vel aliter casu restitutionis eveniente ipso jure devolvi ad substitutos, *l. res qua. ff. de jure fisci. Soc. Nep. consil. 174. part. 1. Carolus Ruin. consil. 124. vol. 2. iisquæ acquiri ipso jure etiam ignorantibus ante omnè acceptationem vel restitutionem, l. si à surioso. de act. & oblig. idque si ve agatur de fideicommissò universali, si ve particulari. Generaliter namque receptum est, fideicommissum quantumvis universale nondum agnitum, & ante omnem restitutionem mero jure acquiri substitui-*

tutis & transmitti ad hæredes. *l. cogi. §. idem Matranus. l. si ejus. §. si quis rogatus. in fin. & l. si postulante, ad S. C. Trebell. l. 4. C. de fideicommiss. l. cum filiosa. de lega. 1. Cyn. in l. 1. in 2. oppos. C. communia, de leg. Marc. Anton. Natta cons. 372. num. 14.*

ET prædicta procliviùs recipienda sunt in specie proposita, ob id quod agatur de fideicommissò non simplici nec personali, sed eo in quo testator digrediendo per plures substitutionū gradus *Anch. cons. 74. Alex. cons. 64. lib. 5. Car. Rui. cons. 118. lib. 2. studiosè hoc egit (ut ex testamento clarè deprehenditur) ut feuda sua gradatim ad omnes descendentes D. Joannis domini in Arleto devolverentur, qui essent de nomine, sanguine, & armis suæ familiæ: sic quòd appareat testatorem considerasse futurum eventum plurium deficientium ex nominatim institutis & substitutis, & in eorum locum subordinasse perpetuam posteritatem masculinam ex præfato D. Joanne ultimo nominatim adjecto fideicommissario seu substituto, respectumquæ habuisse ad ipsam continuationem masculinitatis in se, & nequaquam ad certas personas, vel gradus tantum restrinxisse fideicommissum, sed illius veluti perpetuam quandam continuatione deficiente eodem D. Joanne in animo habuisse. Caro. Molin. cons. 51. num. 28. Quod ex his notis & argumentis manifestissimè deprehenditur. Primò, quòd tam lon-*

gam seriem institutorum fecerit, instituto primum D. Ludovico, substitutis illi liberis ex eo nascituris, ac deinde in casum deficientium liberorum, tribus illius fratribus ac liberis, qui ex iis nascerentur ordine successivo, subiecta substitutione fratris sui D. Ludovici, eoque rursus deficiente prædicto D. Joanne de Chalon alio fratre, & novissimo loco verbis multum generalibus, indefinitis, & omnem illius posteritatem complectentibus prole ipsius mascula seniore. *Soc. in l. si cognatus. num. 30. de reb. dub. Car. Ruin. conf. 108. visa ac bene. num. 17. vol. 1.* Secundò, quòd hæc dominia in familia, nomine & armis de Chalon remanere & confirmari voluerit, & quamdiu extaret qui ex eo nomine ac familia esset, hoc fideicommissum non deficeret. De quo dubitandum non est, cum etiam ex sola prohibitione alienationis inducatur fideicommissum graduale & successivum, si idè dicat testator se prohibere, ut res in familia maneat, seu de suo nomine non exeat, vel ut in ea perpetuò maneat, *Fulgos. conf. 116. Ioannes quondam. num. 1. Dec. conf. 481. in casu de quo. num. 3. Paul. Paris. conf. 38. ad resol. num. 27. vol. 3. Ludov. Gosad. consil. 102. videtur prima facie. Felin. consil. 27. non insistendum. num. 13. aut si quibuscunque aliis verbis agnationis & familiaris rationem se habere testator significet; Iason in l. filiusfam. §. divi. num. 113, & ibi Alciat. num. 38. & ibi etiam Ripa*

*num. 2. de lega. 1. cui consequens est, quod cum testator ad hoc fideicommissum vocet natos ex foeminis, imponat onus & conditionem ferendi nominis de Chalon. Inde enim aperte colligitur voluntas & cogitatio perpetuandi hoc fideicommissum perinde ac si dixisset quod vellet perpetuò hæc bona in familia servari. Car. Molin. d. conf. 51. num. 34.* Quartò, quòd in ultimo ordine substitutionis usus sit verbis multum generalibus, & omnem posteritatem D. Joannis ultimi fideicommissarii nominatim ascripti, comprehendentibus, & infinitatem quandam denotantibus, non substituto filio aut nepote, sed prole illius seniore his verbis: *L'ainé de ces enfans.* Quæ verba verificari possunt in quolibet descendente ex dicto D. Joanne quocunque gradu ille sit, quonià id etiam ex aliquo esse dicitur quòd mediata per continuationem ex eo est, & mediata dicitur quicquid per rerum naturam continuatione unum & idem est, ideoque nepos & pronepos rectè dicitur ex avo & proavo natus. *Bald. in l. 1. num. 3. C. de condit. insert. Molina. d. conf. 51. num. 18.* Præterea in institutione vel substitutione quæ trahitur ad casum futurum & incertum, etiam filiorum appellatio extenditur ad nepotes; *l. Lucius. 2. de hered. instit. & quod est potissimum in specie præsentis, dictiones Ses enfans, quibus testator est usus, ex proprio suo significatu extendatur ad omnes*

omnes descendentes, prout latissime adversus Illustrissimum Dominum Principem excutit & deducit Carolus Molinæus d. conf. 51. consultus super testamento D. Joannis de Chalon domini in Arleto novissimo loco substituti. Nec parum faciunt adjecta verba personam qualificantia: *portant le nom & armes de Chalon*. Si enim primum gradum filiorum tantum in consideratione habuisset testator, nihil opus fuisset hanc restrictionem adjicere, cum nemo ex filiis D. Joannis esse possit, qui non gestaret nomen & arma de Chalon: sic ut hæsitandum non videatur, quin D. Joannes de Chalon per rectam descendentiam abnepos D. Joannis de Arleto hoc fideicommissum contineatur: quia verum est eum tempore quo ad hæc bona pervenit, fuisse seniores masculum ex dicto D. Joanne ultimo fideicommissario nominatim vocato, portantem nomen & arma de Chalon, cum non apparuerit alius vel senior vel proximior. Rursus argumenta & conjecturæ nunc relate indubitanter efficiunt, ut fideicommissum hoc non simplex vel personale, sed perpetuum, reale & graduale censeatur: *Decius conf. 23. Alex. conf. 38. vol. 2.* quod efficacius subsistit & firmiore vinculo bona illis de familia afficit & agglutinat, atque operatur, ut subductis prioribus sequentes etiam postea nati admittantur, etiam si priores in gradu jus suum pro

tempore neglexerint. *Bart. in l. peto. §. fratre. vers. venio ad quartum. de leg. 2. & in l. cum ita. §. in fideicommiss. C. illo tit.* Nam fideicommissum relictum familiæ vel descendantibus, & maxime eorum qui nondum nati sunt, est conditionale, & ordine successivo devolvitur cessante omni præscriptione quamdiu aliquis nasci potest ex eorum ordine qui sunt vocati. *gloss. Cyn. & alii in d. l. si. §. sed quia. C. communia. de lega. Bald. confil. 251. Item ad illud vol. 3. Alex. confil. 101. super primo dubio. lib. 7.* Quod in magna animadversione habendum est: nam inde intelligitur, quod tamen primi substituti post mortem dicti D. Ludovici in vindicatione & repetitione istorum bonorum cessassent, per hoc tamen præjudicatum non fuisse quondam D. Joanni de Chalon patri D. Philiberti & pronepoti ex D. Joanne de Arleto, quominus ipse nemine alio existente, vel (quod perinde est) apparente ex prioribus substitutis possessionem istorum bonorum consecutus ex relaxatione D. Mariæ retineret & conservaret in vim dicti fideicommissi in sua persona aperti. Nam sicut in vulgari substitutione non inducitur caducitas substitutionis quoad posteriores, si media persona ad substitutionem vocata vel omittat, vel ante aditionem decedat, aut aliter repudiet, sed sequens ordo substitutorum vocatur & admittitur; ita etiam in fideicommissatio non

LIII 3 obstat

obstat sequentibus caducitas, quæ in media persona contingit, præsertim si conditio fideicommissi sit gradualis, successiva & longiorem substitutionum ordinem completens. Nam inde fit, ut res semper cum suo onere transeat ad proximum, & eo deficiente, nolente, seu negligente, ad ulteriorem fideicommissarium. *Decius conf. 427. licet in casu proposito.* Deinde longa substitutionum series, necnon vis & potestas fideicommissi gradualis omnem considerationem caducitatis respectu D. Joannis removeret, propter diligentem illius prosecutionem, & recuperatam ab eo possessionem anno 1477. licet nominati fideicommissi causam eum prosecutum esse non appareat. Nam in fideicommissis etiam universalibus hoc peculiare est, quod quamvis non agnita transmittantur ad hæredes substituti & fideicommisso honorati, etiam si decedant ante aditam hæreditatem per primum hæredem, ut latè & eleganter tradit Jason *in l. cum secundum. C. de fideicommissis.* Præterea consideratio transmissionis vel negligentiae præcedentium est hic impertinens: neque enim D. Joannes de Chalon, qui restitutionem horum dominiorum à D. Maria obtinuit, jus suum necessariò fundare debuit in jure patris vel propavi sui, sed in suo proprio jure & proprio capite & persona in qua hoc fideicommissum ei delatum & acquisitum fuit:

ita ut caducitas vel silentium contingens in aliorum substitutionum in medio positorum personis, illi imputari minimè possit, prout etiam nihil ei obesse potest quod postea eveniente conditione fideicommissi illud expressè non acceptaverit: nulla enim opus fuit ad impediendam præscriptionem seu caducitatem fideicommissi acceptance, aut voluntatis declaratione, sed tantum retentione & conservatione juris acquisiti, quæ ex vera, reali & naturali possessione, quam habebat, intervenisse intelligitur, & probatur, non curato titulo seu causa ex qua possessio ab initio fuit obtenta: quoniam non agitur de jure acquirendo, sed de acquisito per legis potentiam & ipso jure conservando; ad quod sufficit ipsa rei possessio, quodque negligentia ex qua causatur præscriptio respectu rei ipsius retinendæ & conservandæ non invenitur. Etenim præscriptio 30. vel 40. annorum, per quam petitio legati vel fideicommissi præteritur, non aliter procedit quam si is cui legatum aut fideicommissum competit, alio illud possidente longissimo tempore conquiescat & à petitione illius supersedeat, *Bald. conf. 237. quadam vidua, in fin. lib. 5. & conf. 168. proponitur, col. 1. eod. lib. 5. Dec. conf. 262. col. 3. vers. venio igitur.* non etiam si in eum ipsum, cui petitio legati vel fideicommissi competit, translata sit rei ex fideicommisso competentis possess-

possessio. Siquidem adversus possidentem neque negligentia, neque præscriptio est considerabilis. *c. sine possessione. de regul. jur. in 6.* Ex quo generaliter & in terminis regula est tradita, quòd qui ipso jure dominium amittunt, ut sunt gravati fideicommissò, & causam ab illis habentes, posteaquam in aliù, maximè in eum cui res restituenda erat, translata est possessio, amplius non possint præscribere. *Andr. Tirac. in l. si unquam. in verb. Revertatur. vers. 310. C. de revo. do.*

**S** DENIQUE in còsiderationem venire hoc loco nõ debet excessus quarti gradus, quia in libera voluntate testatoris est illum excedere cùm vult, cùm nullo jure prohibeatur testator hoc facere, possitque aliquem ex decimo, imò centesimo gradu vocare: sic ut in obscura tantùm rei, quæ testamento relinquitur, prohibitione, fiat interpretatio, ut prohibitio & ex prohibitione dependens fideicommissum restringatur, vel quod unum seu primum, *in auth. de restit. fideicommiss. Carol. Molin. in addit. ad Alex. conf. 56. num. 2. vol. 1.* vel (ut communis opinio habet *Jacob. de Belvis. & alii in d. auth. de rest. fideicom. Alex. in d. §. divi. num. 27. & Ias. nu. 113. in 1. lect.*) ad quartum gradum: at in aperta testatoris voluntate, res in infinitum extenditur & decurrit. Aperta autem est voluntas quoties reale, perpetuum ac successivum fideicommissum scribitur, *Iason in d. §. Divi. num. 113. Dec.*

*conf. 23. num. 4. Hieron. Grat. conf. 31. num. 24. vol. 2. Soc. Nep. conf. 136. in hac consultat. num. 11. & 40. vol. 3.* quale est quod nunc proponitur, atque ita pro Domino Principe Auracæ bis judicatum esse testatur Carolus Molinæus *conf. 1. in fin.* quamvis interim hoc quoque dici possit D. Joannem de Chalon, qui restitutionem horum bonorum obtinuit, intra quartum gradum fuisse, quia est D. Joannis de Chalon nominatim ad fideicommissum vocati & gravati abnepos, & sic in quarto gradu, persona enim expressè & nominatim gravata gradum non facit, sed descendentes ex ea. *Jacob. de Belviso in d. auth. de rest. fideic. Alex. d. conf. 56. in princip. Soc. Nep. d. consil. 136. num. 41.* Nec est prætermittendum verius esse restrictionem ad quartum gradum tantum fieri in fideicommissò, resultantem ex prohibitione alienationis ac contraventione ejusdem, & minimè in simplici ac directo fideicommissò, quod magis favorabile est. *Paul. Paris. conf. 39. an ipsa domina. vol. 3. Dec. conf. 321. in causa qua Alexandria. Soc. Nep. d. consil. 136. num. 43.*

Dè præscriptione avertenda, nihil necesse videtur ulterius adjicere, vel propter supervenientium substitutorum, vel propter ignorantiam fideicommissi, vel denique quia fideicommissum est graduale, in quo priorum negligentia nullum potest adferre præjudicium D. Joanni sequenti, & postea nato,



nato, qui per diligentissimam prosecutionem, possessionem istorum bonorum acquisivit & conservavit.

Rursum, etiamsi aliqua negligentia præscriptioque aut caducas fideicommissi, vel ante annum 1477. vel postea intervenisset, quod non videtur, nihilominus tamen bona controversa censeri deberent extra causam confiscationis, cui D. fiscalis insistit, ob id quod non curatis iis quæ fortè insecuta sunt, manifestissimum sit ab initio, & statim post mortem D. Ludovici in rerum natura fuisse, vixisse, & extitisse substitutos, quibus statim resoluta jure Ludovici, ac etiam fisci quod inde dependebat, bona hæc ipso jure acquisita fuerunt absque ulla acceptatione, & dum ignorarent conditionem fideicommissum existere, aut ex fideicommissum bona ad se pertinere. *d. l. si à furioso. & d. l. peto. §. idem Mariam.* Siquidem acquisitio illa ex legis dispositione inducta, mortuo Ludovico, omne jus fisci abruptis, & hæc bona extra confiscationis causam constituit, effectualiter illa adjiciendo substitutis: ita ut postea illis eripi non potuerint, nisi ex nova causa præscriptionis vel alterius tituli postea de novo constituti, *Dec. d. conf. 262. & Bald. d. consil. 237. lib. 5.* ex quo præcedens confiscatio augeri vel intendi non potuit, quæ præterita tantum complectitur, & ad futura, seu quæ postmodum acqui-

runtur, extendi non potest, etiam si sequens acquisitio proveniat ex causa de præterito. *Bart. in l. 1. de bonis damnat. & in l. certa forma per illum text. C. de jure fisci. lib. 10. & in l. quoties. & ibi Ang. de Novat. Bald. in l. fin. C. quæ res pig. oblig. poss. & in l. 2. de bonis præscript. & in l. 3. C. de privil. fisci. Castrens. consil. 56. super 1. qu.* Et proinde si hoc fideicommissum semper constiterit, & robur suum obtinuerit, sive postea ex negligentia substitutorum evacuatum sit, certum videtur confiscationem, quæ urgetur, bona ista non includere, ideoque exceptionem confiscationis & incorporationis, quæ inde prætenditur, ad stabilendam fisci seu Regis Catholici intentionem non magnopere conducere: præsertim cum bona hæc controversa post donationem Ducis Joannis Philippo factam, non conjunctim cum Comitatu Burgundiæ, sed seorsim & separatim ab illo per donatarios penè usque ad tempus restitutionis possessa fuerint.

PRÆTEREA, ut plus virium illi confiscationi tribuatur ac præsupponatur cum reliquis Ludovici possessionibus, etiam feuda ista ad fiscum devoluta, ei quæ efficaciter acquisita fuisse, nihilominus tamen in tuto (ut videtur) versabitur Domini Impetrantis intentio propter relaxationem & restitutionem, quæ anno 1477. per Illustrissimam D. Mariam Comitissam Burgundiæ D. Joanni de Chalon facta

facta est, propter insignia illius benemerita, idque ex plenitudine potestatis, & cum tanta prægnantissimarum clausularum redundantia, & verbis tam universè conceptis, ut humano ingenio arctius vinculum ad constringendam fidem Principis excogitari nequeat, nec quicquam desit, siue causam restitutionis, siue voluntatem & potestatem Principis consideres, quod ad gratiam illam absolvendam, constituendamque perpetuam & inviolabilem pertinere poterat. Merita namque D. Joannis sunt ingentia, & versantur in luce clarissima, utpotè quem constat pro communi salute & conservatione Principatus D. Mariæ rebus omnibus inclinantibus, & fortiter pugnasse, & adductis magnis auxiliis stationem egregie tutatum esse, cum alioqui aliorum esset magna trepidatio, consternatio, & desperatio, & cui tam chara fuit patria & Principis salus, & conservatio, ut nec damno multorum millium quæ ex Galliis annuè recipiebat, nec publica infamia, quam per ignominiosas imagines & tabulas per Galliam erectas patiebatur, ut pater ex *restit. de anno 1482. signata L. L.* ab hac salutis & boni communis affectione dimoveri potuerit, constanter paratus vitam, nedum rem profundero pro suo Principe, & circum patrios occumbere muros: ob quam insignem charitatem, virtutem, & beneficentiam dubium

non est, D. Mariam restitutionem & donationem bonorum istorum facere potuisse incommutabiliter. Nam præterquam quod Princeps, qualis est Comes Burgundiæ regali potestate præditus, & qui nullius majestatem observat, arbitratur suo tale jus condonare possit, *Bart. in l. 1. C. de decret. decurion. lib. 10. dd. in l. digna vox. C. de legib. & in c. intellecto. de jurejur. Oldrad. conf. 94. Bart. consil. 196. civitate Camirensi.* extra omnem dubitationem est, ex causa remunerationis, efficacem & irrevocabilem obligationem constitui, qui nō solum ipsum Principem donantē, verumetiam omnes ejus successores illaqueat, ita ut jus semel acquisitum postea auferri, vel ad irritum recidere nequeat, *l. quod semel & ibi gl. Dyn. Bart. & alii de decret. ab ord. faciend. maxime si (quod est in proposito) pro utilitate publica, & in compensationem paris beneficii, quo ipsa Respublica affecta, & in tranquillo collocata conservataque est, Princeps ad hujusmodi liberalitatem processerit, ad exemplum promissionis factæ ratione fœderis & pacis, per quam universo populo bonum generale acquiritur. c. 1. de pace constant. dd. in d. l. digna vox.* Et hæc est concors omnium Interpretum sententia existimantium, remunerationem benemeritorum justam legitimamque causam esse, ob quam Princeps rem alioqui magnam donare, & concedere possit, *gloss. in l. 1. in verb.*

M m m m Reipubl.

Reipubl. sol. matrim. & l. si pater. in fi.  
 10 *vers. merces. de donat. nec solum* Principibus regali potestate præditis, verum etiam iis qui fasces suos aliis submittunt, *Bart. in d. l. 1. C. de decret. decur. lib. 10.* Imò & Prælati Ecclesiarum huiusmodi remuneratorias gratitudines exercere permittitur: adeò quòd liceat Prælati feudum solum concedi masculis transferre in fœminas propter benemerita investiti: *Iacob. de Belvis. in c. 1. qui seu. dar. poss. quem ibi sequitur Iacob. Alvar. col. pen. vers. quæro an Pralat. & ibi etiam Præpositus Card. in c. ex parte. col. 3. q. 3. extra de feud. & Iac. in sua investit. in verb. in feudum. col. 6. & Modern. in suo tract. feudorum. Ias. in l. ex hoc jure. col. 13. vers. nonus effectus. de just. & jure.* sic ut nihil verendum sit D. Joanni ejusque successoribus, quin accepti detrimenti magnitudo, & erga D. Mariani ab omni injuria præstita cautio, ac Reipub. conservatio, atque assidua in eam benemerita, justissima de causa animi Principis commoverint, induxerintque ad faciendam huiusmodi gratitudinem & condonationem, *Steph. Bertran. consil. 152. ex processu cause lib. 6. num. 7. Pet. Bellug. in Speculo Principum.* quam multis modis confirmant & stabiliunt propensæ atque adeò enixæ voluntatis argumenta, quæ colliguntur ex religione jurisjurandi, quod est additum & clausulis certæ scientiæ, plenissimæ potestatis, & quæcumque legum ordinationum

contrariarum derogatoriis. Nam si Principum contractus & conventiones eos, vel infimis, præsertim dantibus vel facientibus aliquid vicissim, reddunt obnoxios, *Alexan. cons. 301. num. 17. vol. 5. Iason cons. 1. num. 1. & seq. vol. 1. & per se consideratæ vim legum obtineat, l. Casar de publica. & ibi dd. Alexand. cons. 8. nu. 10. lib. 6. Ias. d. cons. 1. num. 3. & bonæ fidei naturam sortiantur, Bald. in c. 1. §. si vero de pace Constant. Dec. in c. 1. de prob. dubium non est quin majorem vim accipiant & æternæ fiant ex vitibus jurisjurandi antecedentis cum maxima generalium sententiarum redundantia, ac frequentissima signorum universalium iteratione, quæ omnem obreptionis & extorcionis præsumptionem in cōtrarium allegatam remouent, ac firmitatem propositi & præcisam voluntatem & intentionem denotant, *Bald. in c. eam te. de rescript.* cum evidenti significatione certæ scientiæ, ac maturi consilii præhabiti, quod etiam in dubio præsumitur, cum in latere Principis sit tanta jurisperitorum & procerum copia, *l. quisquis. C. ad leg. Iuliam majest. l. omnium. C. de testa. l. unica. C. de præpos. labor. lib. 12.* à quibus nihil dispositum vel ordinatum intelligitur, nisi quod redundet in utilitatem Principis & Reipub. *l. humanum in fi. C. de legibus. l. dubium non est. C. de repud. c. Apostolica. 35. q. 9.* Adeò ut injuriam faciat iudicio Reverendissimæ Synodi, si quis semel judi-*

cata

cauta ac rectè disposita revolvere, ac publicè disputare contenderit. Et ad coarguendam propius in specie præsentī certam scientiam

**11** & deliberatam enixamque voluntatem D. Mariæ plurimum facit, quòd præter justissimam benemeritorum causam, quæ præcessit, & ingentem cumulum clausularum certæ scientiæ amplissimæ potestatis, cum derogatione omnium contrariarum legum D. Maximilianus ex intervallo, & cum voluntate D. Mariæ suæ conjugis factæ, ac postea cum Philippo Archiduce sæpius hanc condonationem & restitutionem confirmavit in forma amplissima, ut docent asservata exhibitaque instrumenta gradatim confecta, primum anno 1477. Decembris prima, secundum anno 1486. tertium anno 1493. quartum anno 1494. cui & Archiducis tunc annū decimum-sextum agentis consensus, & iuramentum cum omnibus solennitatibus requisitis, & repetitione, confessione & approbatione dictorum meritorem accessit, unde vinculum indissolubile inductum, & plenissima securitas D. Joanni acquisita fuit, *turb. supra citat.* non obstante, quòd Philippus tunc nondum vigesimum quintum annum impleverat. Nam præter-

**12** quam quòd iuramentum minorem majorem constituit Rex vel Princeps, qui jure proprio succedit in Principatu, posteaquam pubes factus est, omnia potest, quæ

alius major viginti quinque annis, *10. de Imola. Gemin. & Philip. Franc. in c. grandi. de suppl. negl. pralat.* nec dandus est tali curator vel tutor, sed cum consilio & directione dilectorum prudentum & fidelium virorū omnia administrat, disponit, & alienat etiam absque decreti interpositione, ut post Stephanum Bertrandum *conf. 152. num. 14. vol. 6.* eleganter scribit Carol. Molinæus, *de feudis. §. 29. num. 8.* addens Carolum Quintum Francorum Regem anno 1577. publica concione habita, & in forma pragmatica statuisse, quemque primogenitum Francorum Regis filium Regni Franciæ administrationem recipere debere, cum decimum quartum ageret annum, ne per longiorem tutelam occasio incidat malevolis res novas attentandi: id quod & usu & consuetudine omnium Principatuum confirmari videmus, & in specie proposita dubitationem non admittit, ob id quia Comitatus Burgundiæ à corpore dicti regni olim distractus, in alienando & administrando ejusdem Regni leges secundum veterem formam retinere videtur; & quia ipse Imp. Carolus V. (ut propria exhibitio & allegatio D. Fiscalis ostendit *in tertia exhibit. seu inventar. num. 9.*) anno 15. ætatis suæ se pro majore gessisse, & tanquam major antea facta controversisse invenitur, manifesta significatione, quod in Regibus Galliæ observatur, etiam in Principibus harum ditionum

Mmm 2    locum

locum habere, ipsumque Archiducem Philippum tempore dicti consensus & approbationis, majorem fuisse habitum, & concessiones & confirmationes ab eo factas perpetuo robore subsistere, maximè quia eas fecit ex justa, rationabili & necessaria causa, & in consequentia obligationis præcedentis, & quia habuerunt adjunctam vim juramenti & homologationem eorum qui præsunt ætario, accedentibus omnibus solennitatibus requisitis: sic ut neque ex defectu solennitatum, neque ætatis argui possit hæc concessio. Quin, quod amplius est, constat anno 1482. hanc concessionem omnibus tam æquam visam fuisse, ut ipse D. Maximilianus cum Archiduce, necnon Status Burgundiæ consentientibus animis, apud Ludovicum Galliæ Regem instituerint & sollicitaverint pro observatione dictæ concessionis, secundum quam ipse Rex Galliæ quamvis hostis, rei æquitate motus, D. Joanni de Chalon possessionem dictorum bonorum tanquam verè ad eum pertinentium relaxavit, ut constat ex literis de anno 1483. signatis L. L. ac imperturbatè uti frui permisit: uti etiam idem D. Joannes usque ad extremum vitæ spiritum liberrimo totius populi suffragio, & accedentibus tot confirmationibus absque ullius contradictione obtinuit, & ad D. Philbertum filium & hæredem suum transmisit; quod magni facien-

dum est. Nam præcedens causa 13 benemeritorum, enixæ voluntatis declaratio, tot successivarum confirmationum accessio, & per tractum temporis infecuta observatio & approbatio, in solido constituit, quod dono, consensu & liberalitate tot Principum & ex causis tam gravibus inductum, confirmatum & observatum fuit, præscinditque omnem allegationem non solum obreptionis & inconsideratæ concessionis, verum etiam deficientis solennitatis: *Bald. in l. nec damnosæ. C. de precib. Imp. of. 10. Andr. & alii in c. porrecto. de confirm. utilis vel inutil. Alex. in l. 3. quod quisque juris. Felin. in c. nonnulli. col. 2. vers. fallit. 5. de rescrip.* adèd ut in re tot oculis spectata, tot insinuata sensibus, tot insuper in tuto collocata manibus, & tot supremorum Principum confirmata auctoritate, tam longo tempore inconcussè observata, supervacaneum foret adversus allegatam solennium omissionem longiorem disputationem instituere, nisi D. Fiscalis perseveraret, & arcem defensionis suæ in eo constitueret, productis quibusdam ordinationibus ab anterioribus Principibus factis, pro quarum dilucida enarratione & confutatione, atque ut nihil scrupuli remaneat, sequentia superioribus subjicienda accumulandaq; duximus. Primò, quòd ordinationes quæ exhibentur in his ditionibus factæ, quales sunt omnes & prius exhibitæ, & quas nuper D. Fiscalis

14 D. Fiscalis superaddidit, robur & firmitatem habere non possint in contractibus de rebus Burgundicis celebratis, aut in iis quæ pertinent ad ditionem Burgundicam, in qua ordinationes illæ publicatæ non probantur. Nam hujusmodi sanctiones pragmaticæ corpori juris non includæ locum in quo fiunt non egrediuntur, *l. ult. C. de divers. rescript. l. non aliter. C. de Palatinis. lib. 12. l. jubemus. C. de sacros. Ecclæs. l. unic. §. si quæ verò pragmatica. C. de iust. Cod. confirm.* & ex juris communis dispositione donationes & conventiones Principum nulla indigent opitulatione solennitatum extrinsecarum: *l. donationes. C. de donat. inter vir. & uxo.* aded ut ex forma seu solennitate legis scriptæ Principum contractus non recipiant majorem vim, quàm si forma servata non esset, cùm Princeps sit ipsa forma, *d. l. omnium. C. de testa.* cujus contractus & donationes ob id absque omni solennitate & insinuatione efficaciter subsistunt. *d. l. omnium. & d. l. donationes. & l. sancimus. & ibi Bald. col. pen. de donat. Alex. conf. 157. viso instrumento donationis. lib. 2. Stephan. Bertran. d. conf. 152. lib. 6.* Præterea quamvis ordinationes illæ per Burgundiam viguissent, tamen earum observatio non fuisset necessaria in condonatione & remissione de qua agitur, ob id quia agitur de feudis antiquis & gentiliis familiæ de Chalon, quorum ea natura & conditio est, ut absque solennitate

proximiori agnato qui fuit D. Joannes de Chalon, restitui debuerint, idque vel ex necessitate juris, *Bart. & Alex. in l. si finita. §. si de vestigalib. de damn. insect. vel secundum perpetuam Principum benignitatem & consuetudinem, secundum quam solent Principes extra manus suas ponere & proximioribus agnatis restituere prædia seu feuda lubditorum ad se confiscationis jure devoluta: Bald. in c. 1. §. si vero. in fine. qualis. olim feud. alien. pot. Anton. Corset. in tract. de excell. & potesta. regia. quest. 78.* sic ut hoc casu verè non agatur de alienatione aut donatione rerum ad demanium Principis pertinentiū, vel demanio incorporatorum, de quibus abalienandis ad importunam petentium instantiam duntaxat agitur in illis constitutionibus, sed potius de remissione, restitutione & condonatione rei confiscatæ nondum demanio incorporatæ, *lucè Nicolu. Boërius decis. 263. num. 7. & seqq.* ac concessione feudali, quæ consuetudine quadam pro arbitrato Principis fieri est solita, retento dominio directo, & eodem modo quo prius concedi solebat, & quo originaliter omnia feuda à Principe terræ processerunt, & ad vassallos derivata sunt. Quæ consideratio removet non solum observationem solennium, verumetiam ea quæ de gravi diminutione Principatus aliq̃ue potestatem donandi impredientibus adduci solent. Nam

M m m m 3 earum

16 earum rerum donatio principatum deformat, quæ antiquitus coronæ vel regno aut principatui incorporatæ sunt, & quæ per novam concessionem penitus abalienantur & expropriantur, abdicato omni dominio, dignitate & jurisdictione, *c. intellecto. de jurejur. Cardi. consil. 137. Bart. in l. prohibere. Quod vi aut clam. Dec. in d. c. 1. de prob. Oldrad. conf. 94. eleganter.* quod sine consensu procerum & aliorum, aliisque solennitatibus non potest procedere; secus est autem in concessione feudali, per quam retento directo dominio & jurisdictione vasalli obsequium acquiritur, & remanet dignitas Principatus intacta. *Steph. Bertrand. consil. præcitat.* Nam simplex feudalis concessio alicujus rei in Principe toleratur etiam absque causa. *c. 1. de natura feudi. c. 1. Qui feud. dare poss.* Sicut de concessione in emphyteusim temporalem vel perpetuam constitutum est: in l. 1. C. de fund. patrimon. lib. 11. late & eleganter Ioan. Igneus in repet. d. l. donatio. num. 4. C. de donat. inter vir. & uxor. ob id quia hujusmodi simplex concessio feudi vel emphyteusis non mutat formam prioris investituræ seu concessionis, nec facit Principatus conditionem deteriolem; unde videmus multa prædia patrimonialia & limitropha hac ratione à Principe solita concedi & assignari militibus de quibus potest confidere. *L. quicumque cum l. fin. de fund. limitroph. C. lib. 11. l. omnes. C. de fund. patri. lib. 11.*

Quæ omnia citra dubitationem procedere videntur, si agatur de re alienari, & aliis concedi solita, *c. Episc. Abbat. vel Abbatif. in usib. seu. c. 1. extra. de feud. 10. Igneus in d. l. donatio. num. 41.* & ad Principem reversa ex odiosa confiscatione quam in specie proposita causa fideicommissi postea abruptit. Nam qui concedit in feudum rem quæ olim in feudum data fuit, non tam alienare dicitur, quàm quod à prædecessoribus suis factum est, imitari & confirmare: *l. cum pater. §. quindecim. de legat. 2.* & feuda sub feuda & alia quæcunque immobilia, quæ ad Regem vel Principem jure confiscationis vel commissi etiam perseverantis deferuntur, licet à demanio (ut vocant) dependeant, non tamen sunt de demanio, ideoque possunt liberè per Principem alienari, & in perpetuum concedi absque populi, procerum vel Senatus consensu & homologatione. *Andr. de lser. in c. imperialem. §. præterea Ducatus. col. pen. de prohib. seu. alien. per Fredericum.* Et hac ratione constitutio regni Sicilia, *incip. Constitutionem.* prohibens omnimodam alienationem vel hypothecam feudorum, permittit Baronibus & aliis excanditias (ut vocant) hoc est, hujusmodi obventiones per confiscationem vel jure commissi locare aut in perpetuum concedere, *gloss. & Matth. de Afflic. super dict. constitut. & Andr. de lserni. in c. 1. de his qui feud. dare poss.* etiam si agatur de rebus feudali-

bus,



bus, quæ cum non ex veteri & præ-  
existente causa, sed ex nova &  
postea superveniente revertuntur  
ad dominum, non consolidantur,  
nec incorporantur ipso jure, sed  
per se ac seorsum à Principe ha-  
bentur. *Car. Mol. de feudis. §. 1. gloss. 1. num. 39. & §. 30. in fi.* Quemadmo-  
dum convenit præsentī negotio,  
in quo utrumque concurrit, vide-  
licet quod agatur de re in feudum  
dari solita, & quæ ex confiscatione  
ad Principem reverſa præceditur.  
Nam si ve ea tempora quæ præces-  
serunt confiscationem, si ve ea quæ  
sequuntur, respicias; manifestum  
est bona hæc semper seorsum à  
Principatu titulo feudali à Princi-  
pe obtento à privatis possessa fuisse,  
ob quod ulterius pro arbitrato  
Principis concedi restituique pos-  
sunt, maximè cum res steterit in  
terminis simplicis confiscationis,  
nec ulla unquam vera incorporatio  
connexioque cum demanio  
facta sit: latè Ioannes Igneus in d.l. do-  
nationes. num. 46. & 47. Ita ut non  
inconvenienter dici possit, vel  
penitus cessare dictas solennitates  
& ordinationes, vel ad hanc spe-  
ciem condonationis non perti-  
nere: id quod maiore ratione dici  
poterit, si consideremus quod hic  
veretur non simplex concessio,  
sed ob insignia benemerita re-  
laxatio confiscationis proximiori  
agnato facta de re in feudum dari  
solita, & quam non abs re dici po-  
test propter vinculum fideicom-  
missi de qua dictum est, nunquam

efficaciter ad fiscum transisse. Et  
quod ordinationes illæ ad hanc  
speciem non pertineant, præclaro,  
eoque proprio & domestico exem-  
plo ostenditur per hoc, quod ipse  
D. Joannes Comes Burgundiæ  
confiscationem anno 1407. Au-  
gust. 2. inductam ex sententia Se-  
natus Dolani sine ulla solennitate  
ipsi Ludovico, qui deliquerat, re-  
laxavit, restitutis bonis confisca-  
tis, paucis exceptis. Inde enim ma-  
nifestum argumentum colligitur,  
ordinationem huiusmodi solen-  
nitatem requirentem tunc vel pe-  
nitus cessasse, vel ad speciem re-  
missæ confiscationis non spectasse,  
maximè cum neq; tunc in recenti  
facto, neque nunc post tanti tem-  
poris spatia de validitate dictæ re-  
stitutionis à quoquam dubitatum  
invenitur. quod ad intentionem  
D. Impetrantis facit plurimum.  
Nam si valuit & tenuit simplex re-  
stitutio ipsi delinquenti facta citra  
omnem solennitatum adhibitio-  
nem, si deinde efficaciter valuit &  
observata sit donatio illa de Mon-  
tagu; quo jure dubitabimus de  
validitate restitutionis factæ agna-  
to, eidemque substituto, & qui  
non solum non deliquit, sed eo  
amplius maximo beneficio Prin-  
cipem & Rempub. affecit, labora-  
vitq; pro defensione domini cum  
gravissima possessionum quas in  
Gallia tenebat, jactura, vitam &  
bona omnia pro Republ. & Prin-  
cipe contra inimicos ac hostes ex-  
ponendo, arg. eorū qua scribit Hieron.

Grat.

*Grat. conf. 2. num. 67. vol. 1. & cujus restitutio ac condonatio non in simplici concessione versatur, sed in jurata promissione & obligatione Principis sæpius iterata, & quam repetitam cum amplissima meritorum D. Joannis relatione & aperta confessione successores ratam habuerunt, confirmarunt, & quatenus opus esset, de novo multoties concesserunt. Nec est subtrahendum, tempore restitutionis D. Joanni per Illustrissimam D. Mariam factæ, & confirmationis Maximiliani insecutæ, bona hæc fuisse vel penitus desperata, & cum tota ditone in miserabili & afflictio statu, vel jure belli ab hostibus occupata, atque etiam ex fœdere pacis ut constat ex tract. pacis Atrebatens. hostibus derelicta. Nam hæc consideratio efficit, ut jus omne & possessio dictorum bonorum vilis abjectaque, imò & amissa tunc fuisse censeatur, cum bello dominium rei amittatur, transeatque in potestatem hostium: l. ab hostibus. C. de capt. & postl. revers. §. si quis ab hostibus. Inst. quib. mod. jus patr. potest. sol. Franc. Aret. consil. 14. Ita ut tunc & Illustrissima D. Maria & D. Maximilianus disponere potuerint de his bonis liberrimè & absque ulla adhibitione solennitatum alioquin requisitarum, ad exemplum rei inutilis ac sterilis, quam etiam simplex Prælatas pro arbitratu alienare potest. §. sicut in authen. de non alien. seu perm. reb. Eccles. col. 2. authen. si quas ruinas. C. de*

*sacrof. Eccles. l. si aliquando. C. de oper. publ. & in terminis. Ioan. Igneus in d. l. donat. num. 44. Quin, quod amplius est, justæ & necessariæ causæ, ex quibus condonatio hæc processit, efficiunt ut etiam in lege Regia & jucundo Introitu, seu foris & privilegiis (ut vocant) adempta alienatio ad hujusmodi condonationem non extendatur, ut eleganter & per multa jura à Petro Belluga probatur & ostenditur. in speculo Principum, rubr. 8. de jurament. per Principem faciend. Proximum est prædictis, quòd cum Carolus Rex Galliarum belli magnam partem Comitatus Burgundiæ invasisset, occupasset, & cum his dominiis suam fecisset, & in pace Atrebatensi sibi confirmasset anno 1479. ut constat ex literis signatis H. H. hæc ipsa dominia restituit & donavit D. Hugoni de Chalon, qui moriens, in possessione dictorum bonorum præfatum D. Joannem de Chalon universalem hæredem instituit, ut constat ex ipsius testamento, in data anni 1491. Octobr. 7. sub litera E. In vim cujus idem Carolus Rex Galliarum anno 1491 omnia bona dicti Hugonis præhenfa præfato D. Joanni relaxavit, ut patet ex literis signatis R. R. eodem an. 1491. 27. Octob. expressè confirmando eidem Joanni concessionem & restitutionem domini de Chastelbelyn, cum aliis bonis contraversis olim Hugoni avunculo ejus concessis, idque in amplissima forma, pro ipso scilicet Joanne,*

Joanne, hæredibus suis & causam habentibus, his verbis: *Pour luy, ses hoirs & ayans cause*, idque cum homologatione & approbatione eorum, qui præsunt ærario & rationariis, ut ex publicis munimentis ostenditur. *sub litera l. l.* Quod per se est sufficiens ad sustinendam intentionem D. Impetrantis. Nam cum Rex Galliarum jure belli dominus istorum bonorum effectus, solennem hanc alienationem, donationem, remissionem, & confirmationem de illis fecerit, solidum jus inde quaesitum videtur D. Joanni ejusque hæredibus, & causam habentibus: quod auferri aut ad irritum recidere non debet ex Capitulis pacis quæ postea subsecuta est, seu restitutione Comitatus quæ Archiduci facta est. Ea enim restitutio futurum tantum respicere videtur, nec retrahitur in præjudicium eorum, quibus medio tempore jus rerum particulare quaesitum est. *arg. c. quamvis. & ibi dd. de rescript. in 6. Aegidius de Bellamere decis. 744.* Quod eo minorem dubitationem habet, propterea quod in ipsa pace constituenda anno 1482. instante D. Maximiliano & Archiduce & supplicantiibus Statibus Burgundiarum in vim concessionis à D. Maria factæ, Ludovicus Rex Galliarum feuda ista ex fœdere pacis nominatim D. Joanni restituit, tanquam sua & ad ipsum pertinentia. Sic ut consideratio postliminii seu recuperationis ex postliminio ad utilita-

tem D. Fiscalis hinc considerari nequeat; cum postliminium non habeat locum, nisi in iis quæ in bello recuperantur, *l. in bello. in princ. de capt. & postl. revers.* & ad ea quæ in pace, seu ex causa pacis ad nos redeunt, extendi non possit. In illis enim conditio pacis initæ & lex restitutionis est servanda: ita ut ex tali restitutione alii jus non possit competere quam illi cujus contemplatione, & ad cujus utilitatem ex pacis Capitulis restitutio facta est, ut insigni eoque singulari consilio respondit Franciscus Aretinus. *d. consil. 14. col. 4. num. 6.* quod admodum urget in præsentī specie, & sufficiens videtur ad solidum jus tribuendum D. Joanni, ejus hæredibus, & ab illis causam habentibus, ut in suo casu respondit Aretinus. *d. consil. 14.* quod ex causa pacis & arbitramento lato per oratores Archiducis Austriæ bona fuerunt translata in Ducem Bavarie, & non quaesita bello. Et certè cum hæc restitutio D. Joanni facta est fœdere pacis unum pacis capitulum constituat, non potest illud in dubium revocari, aut contraheri sine labefactione omnium, quæ tamen magna religione etiam cum detrimento Regni & Principatus ac subditorum servanda esse jura præcipiunt. *l. item si verberatum. §. 1. de rei vend. l. Lueius, de evict. Bald. in tit. de pace constant. col. 1. in fi. Ioan. Igneus in d. l. donat. num. 8.* Rursus seposita consideratione prædictorū, sufficiens invenitur in præsentī

Nnn negotio

18

negotio dictarum ordinationum derogatio, si quoquo modo solennitas earum requisita fuisset. In cuius demonstratione animadvertendum est, ordinationes illas non constituere generalem prohibitionem in corpore juris clausam, aut regni vel imperii quam Princeps postulanti subditis in inauguratione sua jurare tenetur de servando statu Reipub. & Principatus illaeso, de quo passim disputant interpretes, in d. c. intellecto. & Belluga. in d. tract. de specu. Princip. & Ioan. Igneus in d. l. donat. sed particularem constitutionem seu iurisdictionem ipsorum Principum, quæ est personalis & cum auctoribus suis emoritur, & quandoque revocari potest ex sola voluntate ipsius Principis, qui sibi legem constituere non intelligitur, quam declaratione voluntatis, aut facto contrario revocare non possit, Bald. in l. 1. de legib. Bartol. & Castr. in l. univers. C. de precibus. Imp. off. & Castr. in l. 1. in pr. ad leg. Falci. prout etiam in specie proposita quibuscumque contrariis legibus & decretis plenissimè derogatum fuit, non solum ex potentia clausulæ amplissimæ potestatis & certæ scientiæ, quæ vim derogationis omnium contrariorum continet, efficiturque ut nihil ulterius opponi possit, Innoc. in c. 2. de confirm. utili vel inutil. Archid. in c. si eo tempore. de resc. in 6. Bald. in c. 1. §. item sacramenta de pact. jurat. firm. quem sequitur Alex. conf. 3. perspectus literis. col. 2. lib. 6. Decius

consil. 463. col. 3. verum etiam propter vinculum adjecti jurisjurandi confirmantis etiam contrarium aliàs invalidum. c. cum contingat de jurejur. c. licet mulieri. eo. in 6. & c. 2. de pactis, in 6. Et denique quia donationi illi nominatim ascripta insertaque est clausula quarumcunque legum contra statuentium derogatoria, quæ omnem hæsitacionem submover, efficiturque ne possit concessio illa & condonatio infirmari ex defectu aliquorum solennium, quibus plenissimè derogatum invenitur à supremis Principibus, quorum in hujusmodi constitutionum à se editarum derogatione singularis & eximia potestas est. Nam si cum Princeps declarat quid se facere ex plenitudine potestatis, argumentum est, contrariis etiam à jure communi inductis eum derogare velle, Bald. in d. c. 1. §. item sacramenta. col. pen. Alexan. d. conf. 3. cum aliis supra allegat. dubium non est, derogationem sufficienter factam esse in specie proposita, ubi ad manum est non simplex clausula plenitudinis potestatis, sed sæpius iterata & multiplicata cum redundantia quadam cautionum, quæ nominatim & expressè ad derogationem compositæ sunt, idque in eo articulo in quo non agitur de solennitate juris communis, aut ea quæ ex legibus regni convocato populo confirmata est, sed quam ipse Princeps sua constitutione sibi præstavit, quæ facillimè & levi momento

momento tollitur, etiamsi inducta sit per modum legis generalis, & ad publicam & perpetuam utilitatem pertineat. d. l. 1. §. si verò *pragmatica. C. de iust. cod. confirm.*

DENIQUE si lubeat omnia exactius perquirere, ex abundanti constabit omnem omnino solennitatem, alioqui non necessariam, cumulatè adhibitam fuisse, non solum propter enixæ voluntatis declarationem, & subsecutas multiplices confirmationes atq; concessiones de novo, quatenus opus erat factas; verum etiam quia constat Regem Galliarum anno 1491. & D. Maximilianum cum Archiduce Philippo anno 1494. hanc condonationem, remissionem & restitutionem, adhibitis omnibus solennitatibus, quæ excogitari poterunt, iterasse & confirmasse, ac repetitis iisdem solennitatibus in locum abalienati dominii de Rochefort, dominum Darboys surrogasse & attribuisse: adeò ut duplici, inò multiplici funiculo solennitatum concessio illa colligata communitaque sit, quæ alioquin absque omni solennitate multis de causis efficaciter poterat procedere. Nec potest adversus D. Maximilianum & Archiducis concessiones considerari minor ætas Archiducis, ob id quod agatur de contractu remuneratorio, quem rectoribus Principum, inò & tutoribus & curatoribus celebrare permittitur, l. cum plures. §. pen. de administ. tut. & d. c. grandi. de suppl.

*negl. Pralat.* Idque proclivius ob id quia Archidux Philippus tunc sedecim annorum & adultæ ætatis fuit, quæ ex ordinationibus Galliarum ac consuetudine harum ditionum proprio exemplo Caroli V. Imp. declarata sufficit ad attribuendam Principi administrationem & liberam rerum omnium dispositionem, quod magni momenti est, & facilius admittendum est in proposito: propterea quòd idem Archidux Philippus postea ex intervallo & major factus, videlicet anno 1503. omnes anteriores concessiones denuò comprobavit & confirmavit. Nam adultæ ætatis suffragium, etiam cessante speciali privilegio Principum, efficit ut alienatio cum patre vel curatore facta, retractari nequeat absque restitutione in integrum, l. si procuratorem habens. C. de rest. in integ. & l. pactum curatoris. C. de pactis. in verb. *adultæ ætatis suffragium.* & ibi Aretinus. quam hoc casu excludit sequens in majori ætate confirmatio, approbatio, necnon ipsa temporis taciturnitas, tenuitas juris fiscalis, quæ fuit ab initio, ac denique iustitia concessionis, per quam res solita infœdatis, D. Joanni descendenti ex stirpe primi acquirentis, necnon substituto & benemerito, retento directo dominio attributa est, idque non tam per novam concessionem quàm per executionem ejus, quæ olim facta erat, cum per clades bellicas bona hæc minimi momenti & in hostium potestatem

statem redacta essent: sic ut D. Archidux non tam alienasse vel suum diminuisse, quam gratitudinem & condonationem tum à D. Maria, tum à Rege Galliarum iustis de causis factam, non revocasse censeri debeat. In qua re minus laborandum est, cum constet multas alias donationes & à D. Maria, & à solo Maximiliano & Philippo Hollandis, *super evelt. & invelt. fru.* Marchionibus Badensibus, *super dominio de Rhodomach.* & aliis quamplurimis ex leviori causa factas ratas mansisse, & iudicio hujus amplius. Curia confirmatas esse; quamvis nec sanguinis nec fideicommissi ratio donatarios adjuvaret, nec merita eorum radios suos tam late ejicerent. Et proinde quomocunque res vertatur, manifestum videtur, bona hæc solido jure D. Joanni acquisita fuisse, & titulo feudali ad Philibertum & alios successores seu causam habentes transmississe, & consequenter D. Impetrantem bono jure suffultum esse secundum antiquiores concessionem, condonationem & confirmationem.

ILLUD igitur restat inquirere, an per ea quæ consecuta sunt jus ex antiquioribus concessionibus acquisitum, infirmatum, diminutum, aut coarctatum censeri debeat. Et paucis singula diligentius perquirendo, invenimus quasdam confirmationes & quatenus res postularer, novas concessionem à Rege Philippo postea factas, quæ

non solum nihil detrahunt priori concessionem & gratitudinem, verum apertis verbis, iisque universè conceptis & latissimè patentibus mirabilem quandam firmitatem adjiciunt. Quid enim firmius solidiusque excogitari possit pro æternitatis robore adstruendo prioribus concessionibus, quam approbatio memorati Regis in idonea ætate constituti post mortem D. Joannis de Chalon, ad utilitatem D. Philiberti, tunc adhuc impuberis, facta Lugduni quinta Junii, anno 1505. in qua exuberans verborum conceptio, & plenissimæ potestatis renunciationum ac aliarum promissionum accumulatio, omnem revocandi ac prænitendi potestatem admittit, & præterea ipsum Principem, si quid in contrarium postea attentetur, præstationi ejus quod interest, reddit obnoxium: *Deci. in c. 1. col. 3. vers. sed consider. de probat.* efficitque ut etiam si priores concessionem inutiles fuissent, ex hac tamen veluti nova concessionem, omnia in tuto constituentur, præsertim cum nova illa concessio iterata, ingeminataque reperitur ab ipso Philippo cum finantiarum homologatione Bruxellis facta in Januario anno 1503. & quam nunc de novo D. Fiscalis exhibet pro verificata, interinata & legitimè approbata; sic ut nihil ad voluntatem enixius declarandam, vel consilii & deliberationis, solenniumque omnium perfectam adhibitionem desiderari possit.

possit : & præterea quod tanta procerum copia, *d. l. omnium. C. de testa.* ex tam gravibus causis iudicatum dispositumque, & tot vinculis §. *quia igitur. & ibi gloss. in verb. meliores. in auth. de consang. & uter. col. 6. & Eccles. cap. 4. vers. funiculus triplex.* iteratis vicibus conglutinatum est, nullo negotio vel arte distrumpi debet aut potest, etiam si expressè id à Principe agatur, *d. l. Casar. & ibi dd. & d. c. 2. de probat.* cum concessio toties iterata transierit in contractum, qui nescit vicissitudinem : ita ut nihil verendum sit, ne priori juri aliquid detraxerit sequens confirmatio data in Hagacomitis in Julio anno 1504. in qua D. Fiscalis omne fundamentum suum constituit, quali per eam omnes priores donationes, concessionès & confirmationes pro parte cassatæ, limitatæ, restrictæque fuerint ad personas D. Philiberti de Chalon, suorum descendendum & post defectum illorum. Ad quas removendas præter supradicta, etiam illud considerari potest, quòd omnes in effectu & nomine confirmationum constiterint, etiam ex intentione concedentis, & prioribus neque novam concessionem, neque accessionem aliquam adjecerint, nisi quatenus opus esset, & ad efficacius sustinendam priorem concessionem & liberalitatem proficerent, expressò præsupposito, quòd nihilominus ex prioribus & ad luitionem bono-

rum alienatorum, & alia omnia in illis contenta agi posset. Per quòd priorem concessionem neque diminutam, neque coarctatam esse manifestum est, cum inducta ad augmentum, conservationem & perpetuitatem non operentur diminutionem, *l. legata inutiliter. de lega. 1. l. nam ad ea de cond. & demonstr. l. 1. C. de furtis.* & regulariter ex confirmato, non etiam ex confirmante vis atque substantia actus dependeat, maxime quando confirmatum per se validè subsistit. *l. asse. toto cum similib. de hered. instit.* Adèd quòd confirmans etiam si sit superior, non attendatur, & neque de novo dare, neque disponere dicatur, ipsumque confirmatum consideretur, non habita ratione confirmationis, nisi ad bene esse (ut loquuntur interpretes) & quatenus pro sustinenda priore concessione est utile, ut propemodum in terminis consulendo multis probat Paulus Parisius *consil. 19. si tenemus concessionem. num. 36. cum seq. lib. 1.* Confirmationes enim Principum, inquit Cynus, quem Albericus, Castrensis, & alii sequuntur, in *l. privileg. C. de sacros. Eccles. Steph. Bertrand. consil. 93. num. 100. vol. 5.* etsi bonum, non tamen est necesse petere, eo quòd eorum privilegia sui natura sint perpetua, *l. falso. C. de divers. rescript.* iisque cessantibus nihilominus subsistunt : tantumque in hoc prodest, inquit Castrensis, *d. l. privilegia.* confirmationis impetratio, quòd privilegium



renovet & observantiam excitet, providetque ne per vetustatem privilegia obsolescant oblitterentur. Quæ omnia in specie præsentis confirmantur ex eo quòd generaliter receptum sit priori concessioni nō derogari per sequentem, nisi expressa novatio vel derogatio consentientibus partibus inducta probetur, quodque confirmationis ea natura sit, ut ve extendat vel perpetuet, vel robur adjiciat, non ut derogat vel restringat. *c. cum dilect. & ibi dd. de confir. util. vel inutil.* Ex quibus si metiamur confirmationes illas posteriores, satis manifestum erit per illas neque ex intentione Regis Philippi priorem gratitudinem limitatam esse, neque in veritate limitari aut coarctari potuisse. Quod in proposito certiorē demonstrationem accipit, tum ex eo quòd constet Archiducem Philippum in postrema concessione præsupposuisse ex prioribus (ut dictum est) ad redemptionem alienatorum, & ad quævis alia bona agi potuisse, tum etiam ex eo quòd literas confirmationis semel conceptas sub adjunctione verbi vel particule *seulement*, quæ veram, perfectam & indubitatam restrictionem induxisset, & potestatem restandi, aut ad collaterales hæredes transmittendi ademisset, domina Philiberta acceptare noluerit, eaque particula rejecta literæ renovatæ & expeditæ, ac per dominum Philibertum acceptatæ

fuerint, manifesto argumento concedentem non voluisse vim comprehensivam prioris concessionis restringere, sed duntaxat expressis personis D. Philiberti ac sororis suæ hæredumque ex eis legitime procreatorum ordinem quendam succedendi constituere, prælatis proximioribus, remotioribus in gradu manente, alioqui salva in omnibus priore concessione, maxime cum omnes priores concessionis & præcedentia benemerita D. Joannis in posteriore illa confirmatione repetantur, & ipsa confirmatio, novaque concessio non nisi pro majore roboratione, & quatenus opus esset ad perpetuitatem prioris concessionis facta inveniatur his verbis: *Entant que mestier est.* Quæ derogationi omnino sunt contraria, significantque per postulationem confirmationis non derogari validitati ejus quod confirmari postulatur, ac priorem concessionem per se stare, quatenus non indiget accessione novæ confirmationis. Mens enim Principis volentis pinguiorem provisionem inducere, & non restrictionem ex adjunctione illa: *Entant que mestier est*, colligitur, & evidentius declaratur ex eo quod in confirmatione illa priorem concessionem, & concedendi causas integrè ipse Princeps repetierit, quasi tunc confirmatio funderetur in concessione antiqua & primæva: *gloss. in c. ut litigantes. in verb. statuimus. de off. ord. in 6. Paul. Paris.*

*Parif. d. conf. 19. num. 42.* licet qua parte confirmatio casus priore concessione expressos non comprehendit, recte agatur; & jus domini Impetrantis sustineatur ex confirmato, non etiam ex confirmante, *Bald. in l. ex pacto. C. de rer. permu. Ripa. conf. 1. vol. 1. Card. consil. 92. Steph. Bertrandi. conf. 193. circa materiam. num. 102. vol. 5. part. 8.* planeque credendum est, persuasum fuisse D. Philiberto sublata dictione taxativa quam nolebat admittere, posteriores literas à priori- bus non differre.

QUIN etiam si vis restrictionis constitui possit in hac postrema concessione, quasi casus heredum descendantium contineat exclusionem omnium aliorum casuum, nihil tamen præjudicii inde sequeretur: quia domina Philiberta id faciendo, fines administrationis suæ excessisset, neque enim ad tutorem aut curatorem pertinet, quæcunque rerum immobilium alienatio: *tot. tit. de reb. eorum qui sub tutel. & in terminis. Hieron. Grat. con. 3. num. 14. vol. 1.* sic quod si in acceptatione hujus confirmationis diminuendi restringendique vis lateat, omnimodò nullitas subsit, tum propter minorem ætatem D. Philiberti, tum quia tota illa res ad administrationem duntaxat pertinet, quæ ex decreta tutela vel cura competeat, non etiam ad alienationem seu diminutionem iuris ad tam insignia dominia pertinentis. Neque est periculum ne

domino Impetranti ob sit tempore diuturnitas, & quasi longum silentium, cum constet & D. Philiberto & dominum Renatum ejus successorem semper habuisse vel propter ætatem, vel propter militares occupationes & expeditiones bellicas excusationem adversus hujusmodi præjudicium, quod tempore inducitur. Mortuo autem domino Renato constat pro parte domini Impetrantis diligentissimam prosecutionem factam esse, per quam omnis ratificationis, approbationis, & præscriptionis occasio præcisa fuit, idque eo potentius quod non constet novam illam & postremam concessionem domino Philiberto aut D. Renato notam fuisse, vel ab illis observatam & in usum traditam. Quin potius in contrarium constat, dominum Philibertum diu ante annum 1504. quo posterior illa confirmatio emanavit, secundum consuetudinem Burgundiae fuisse in possessione statim à morte Domini Joannis genitoris sui, eamque realiter (ut ex computationibus anni secundi & quarti ostenditur) continuasse ex veteri titulo à patre suo acquisito, prout etiam postea ex eodem titulo non solum imple, sed & Renatus possedisse præsumitur. Licet enim mutari possit causa possessionis ex aliqua causa extrinsecus superveniente, *l. 2. C. de acq. possess.* id tamen nunquam intelligitur absque certa & positiva animi declaratione possidentis,

possidentis, sicut in simili de aditione hæreditatis dicitur: *l. pro hærede. de acq. hæred.* quia animus mutandi possessionem non præsumitur *l. cum hic status. §. 1. de donat. inter vir. & uxor.* absque certiore & positiva declaratione; *Soc. consil. 131. col. 3. lib. 1.* quæ cum hic nulla inveniatur, credendum est, possessionem esse continuatam ex veteri titulo, ex quo illam beneficio consuetudinis D. Philiberto delatam, & postea etiam realiter apprehensam & retentam esse constat, ex quo etiam beneficio consuetudinis in domino Impetrante merito continuari debuerat, mortuo domino Renato virtute testamenti quod solenniter erectum est, & quo absque consensu Principis de feudis Burgundicis disponi potuit.

Et ut non obstat temporis diurnitas, ita quoque non obstat quod dominus Philibertus matri hæres effectus sit, aut quod finita tutela, & post confirmationem istam acceptatâ generaliter omnia gesta matris approbando illam liberaverit, data nova potestate, seu mandato deinceps omnia administrandi. Nam hæres non quodlibet defuncti factum ratum habere aut præstare debet, sed id tantum quod est validum & per se subsistens, non quod legi adversatur, & ex legis prohibitione iudicatur nullum & invalidum, qualis est omnis alienatio quæ fit contra prohibitionem legis. *tot. titu. C. de*

*prædii minor. Andr. de Isern. in d. c. imperialem. de prob. feud. alien. per Fred. Thomas Grammat. decif. 93. nu. 8.* Præterea generaliter receptum est, quod a defuncto in qualitate officii gestum est ab hærede agnosci non debere. *c. cum non deceat. de elect. in 6. §. si tutor. instit. de inoff. testa. dd. in l. cum a matre. C. de rei vend.* Hoc amplius certum est, & communi calculo approbatum, quod factum defuncti non noceat hæredi, quando hæres non venit ut hæres, vel iure hæreditario, sed iure proprio ex pacto & providentia illius qui concessit feudum, sicut fit in casu præsentis, ut eleganter decidit Jalon, *conf. 7. conf. 56. & 64. vol. 5. & conf. 168. in fine. vol. 4.* & idem sentit Alexander *conf. 8. & ibi Car. Molin. in addit. vol. 3.* securus Paulum Castrensem in *l. apud Iulianum. §. si quis alicui. de legat. 1.* quem admodum etiam in feudo antiquo filii licet sint hæres patris, possunt tamen venire contra factum patris. *Iason d. conf. 168. & conf. 56. vol. 3. & gloss. in c. 1. §. hoc quoque. in verb. Investitura. de success. feud.* Quod verò ad approbationem D. Philiberti, & potestatem ab eo datam attinet, nihil vel scrupuli, vel dubitationis esse potest. Nam consideratio nullitatis & invaliditatis efficit, ut postea accedens approbatio D. Philiberti nihil arctiorem, vel validiorem faciat hanc postremam confirmationem. Si quidem quatenus in ea continetur vel bonorum immobilium alienatio,

matio, vel juris quod circa eadem bona versatur diminutio aut restrictio, perinde inutilis & nulla est; tum quod confirmatio accedens actum invalidum & legi contravenientem non validet, *c. cum inter. in fi. de re jud. Steph. Bertrand. conf. 207. incip. millesimo. num. 8. vol. 4. part. 7.* tum quod dominus Philibertus tempore hujusmodi approbationis in minore ætate constitutus fuerit. Et proinde, quamvis dominus horum dominiorum nihil ex his bonis alienare potuerit, nec alienationem à matre contra leges factam approbare: Confirmatio enim quando applicatur ad actum, qui totus invalidus est, dum confirmans intendit non obstante invaliditate actum confirmare, confirmationis fines egreditur, & pro nova concessione seu novo actu accipitur, sic quod confirmans de novo illum actum facere censeatur. *Bartol. in l. more. de jursdict. omnium jud. Alex. in l. si finita. in fin. de damno infec.* Jam verò certum est, dominum Philibertum durante minore ætate nō potuisse sibi præterire potestatem de his bonis testandi, aut libero pede ad suos hæredes quoscunque tam collaterales quam descendentes transnittere, quia species alienationis est. Quibus accedit, quòd approbatio quamvis verbis effusis facta D. Philibertæ matri, ex natura subjectæ materiæ ad ea tantum referatur, quæ illa jure administrationis facere potuit, non etiam ad

alienationem & diminutionem juris, de qua D. Philiberta, ut dictum est, ignorabat, & ad quam alioqui propter arduitatem negotii generalis liberatio absolutioq; nunquam extenditur, tum respectu consensu qui defuit, *Cyn. in l. ult. C. commodati.* tum propter arduitatem negotii, quod in generali approbatione vel dispositione nunquam includitur absque speciali approbatione, cū alioqui videatur effugisse absolventis seu disponentis deliberatam mentem. *l. obligatione generali. de pignorb. l. fin. qua res pig. oblig. poss. l. si. C. de qui à non domino.* Nec est prætermittendum, quòd liberatio illa respiciebat solam absolutionem & utilitatem matris, non etiam obligationem inducendam respectu aliorum, quibus nec ipsa mater propter inutilitatem admittæ restrictionis tenebatur. Quòd verò ad potestatem seu mandatum postea matri datum attinet, nulla est ratio cur illius consideratio domino Impetranti præjudicare debeat. Nam mandatum illud quantumvis latissimè pateat, restrictamen debet ad illa quæ mater jure administrationis facere, aut filius per ætatem mandare poterat, quò non potest contineri quod legibus est prohibitum. *l. quod servus de acq. poss. l. si pater. de his que in fraud. cred. l. si procurator. de condict. indeb.* Denique quomodocunque potestas seu mandatum matri factum seposita consideratione liberationis,

nis, de qua diximus, accipiat; certum est, illud in futurum tantum operari in iis quæ postea mater administraret vel gereret, quod non attingit, nec aliquo modo respicit præterita negotia, & quæ tunc erant gesta explicitaque, in quibus continetur novæ illius confirmationis acceptatio, sic ut quemadmodum successio matris, aut liberatio illi data ad obstringendum D. Philibertum observationi dictæ confirmationis non pertinet, ita quoque sequens potestas & mandatum nihil penitus in eo operari possit, & jus Domini Impetrantis ex veteri titulo efficaciter sustineatur.

Cum itaque tanta sit hujus causæ æquitas, & tam multa pro domino Impetrante militent, juri & rationi consentaneum videtur, secundum intentionem illius pronunciare contra fiscum ex causa odiosa procedentem, idque in bonis quæ & stipitis ratione, & ex fideicommisso D. Joanni solidè quæ sita fuerunt, & quæ postea tum per Reges Galliarum, tum per D. Mariam, tum per Maximilianum Imperatorem, ac denique per Archiducem ac Regem Philippum toties restituta condonataque fuerunt, non tanquam vetusto & antiquo jure ad eos pertinentia, sed ex confiscatione acquisita, cujus resolutio in Principe solet esse facilis, potissimum si consideratio nem habeamus temporis quo dicta condonatio facta est, cum, vel

propter occupationem, vel imminentem hostilis direptionis cladem bona ista penitus amissa, vel minimi momenti essent. Et ita videtur nobis infra scriptis de jure consulendum, dicendum & judicandum. Salvo meliori judicio.

## CONSILIUM LXXVIII.

## SUMMARIUM.

1. *Spurius incapax est successionis, non solum testatè, verum etiam intestatè.*
2. *Legitimationis rescriptum vitiatur, non expressa qualitate spurietatis.*
3. *Soror, frater, & alii collaterales necessarii non instituuntur.*
4. *Exheredatus ex proprio odio, vel culpa, pro mortuo habetur.*
5. *Corruente institutione, testamentum incipere potest à substitutione.*
6. *Clausula, Omni meliori modo, habet vim clausula codicillaris, vigore cujus corruente institutione, omnia alia in testamento scripta, rata manent.*
7. *Veniens ex codicillo ab intestato gravari potest fideicommisso, sicut hæres institutus in testamento.*
8. *Trebellianica cessat in hærede prohibito plus petere.*
9. *Fideicommissarius relictæ sibi non potest propria auctoritate apprehendere, nisi desit à quo petit.*
10. *Injurandum habet vim clausula derogatoria, & excludit pœnitentiam, etiam in actibus sui natura pœnitentiam admittentibus.*

11. Feudi

11. Feudi alienatio ex dominii consensu sustinetur, nec interest an consensus ille precedat, vel sequatur alienationem.
12. Feudi alienatio valida est in præjudicium alienantis, etiam absque consensu domini.
13. Legitimatio penitus tollit maculam spurietatis.
14. Damna coitus expressio necessaria est in legitimatione ejus, qui non est simpliciter naturalis.
15. Legitimatio validior est, si processerit à summo Principe, & certa ejus scientia cum clausula: Non obstantibus contrariis statutis, &c.
16. Legitimati naturales, etiam in feudis succedunt, quando de feudorum successione in legitimatione est additum, præsertim si proximiores consenserint.
17. Transactio non extenditur ad ignota.
18. Minor restituitur, etiam adversus omisam hereditatem.
19. Minor in eodem judicio & restitutionem in integrum postulare, & rem vindicare potest.

UT de meritis præsentis causæ dilucidius constare possit, oportunitum & conveniens videtur, sequentes quæstiones (quibus status causæ contineri videtur) examinare & discutere.

PRIMÒ, cui post mortem quondam Domini Conrardi Potz senioris proprietas domini de Bouterfom (de quo hic agitur) devoluta & acquisita fuerit, an scilicet

Margaretæ sorori ejusdem domini Conrardi, an Conrardo filio ejus naturali & spurio: an denique Adriano Potz patri Impetrantis, post præfatum filium & forem proximo & seniori agnato domini Conrardi.

SECUNDÒ, si forte proprietas illius domini Conrardo filio Domini Conrardi ex testamēto ejusdem domini Conrardi in vim indulti principalis facti acquisita fuerit, anne per transactionem cum Adriano Potz patre Impetrantis initam anno 1526. Maji quinta, & deinde anno 1527. Septemb. 3. denuò approbatam & jurejurando confirmatam, nec non possessionem ejusdem Adriani vigore dictæ transactionis insecutam, illa ipsa proprietas Adriano Potz acquisita fuerit.

TERTIÒ, si vel ex successione domini Conrardi senioris, vel ex transactione cum Conrardo juniore inita, vel alio modo proprietas illa ad Adrianum Potz patrem Impetrantis pertinuerit; anne ex testamento ejusdem Adriani cum Principis indulto ac legitimatione Impetrantis præcedente, ad Impetrantem devoluta fuerit.

QUARTÒ si sic, anne renunciatio ab Impetrante facta anno 1535. April. 5. super hæreditate & successione patris sui ex illo testamento per se nulla, vel saltem ob dolum & justam ignorantiam ac enormissimam læsionem rescindi debeat, ac deinceps

Oooo 2 domi-

dominium de quo agitur, ipsi ad-  
judicari.

CIRCA priorem quaestionem,  
in primis videtur Conrardo filio  
domini Conrardi hoc feudū, ne-  
que ex testamento Domini Con-  
rardi, neque ab intestato acquiri  
potuisse quoniam (uti ex processu  
contra dominam Margaretam ha-  
bito, & aliis in hac lite productis  
sufficiēter constare creditur) Con-  
rardus iste fuit filius spurius ex  
adulterino & damnato coitu do-  
mini Conrardi procreatus, & con-  
sequenter incapax & inhabilis ad  
succedendum patri ex testamento  
vel ab intestato, nedum in feuda-  
libus, verum etiam in aliis quibus-  
cunque bonis, *Authen. ex complexu.  
C. de incestu nupt. §. fin. quibus mod.  
natura efficiantur sui. l. penult. C. quem-  
adm. testa. aperiantur. Bald. consil. 70.  
incip. Spurius filius, parte 1. Et consil. 239.  
ad evidentiam parte 3. Præsertim cum  
in Principis indulto per dominum  
Conrardum anno 1495. ad testan-  
dum de bonis suis obtento, de  
qualitate illa damnati coitus nihil  
fuerit expressum. Nam propter  
non expressum hunc defectum seu  
omissam mentionem spiritatis.  
2 per indultum illud, Conrardus  
spurius nec legitimatus, nec capax  
seu habilis ad succedendum patri  
suo factus intelligitur, secundum  
Petrum de Anchoran. *Consil. 27. in-  
cipiente, In Christi nomine amen, circa  
primum quaesitum. Baldum consil. 81. qui-  
dam Semonius parte 2. Siquidem cum  
spurius infamis ac turpis persona**

censeat secundum Azo. in *sum-  
ma. C. de his qui not. infam. §. fin. In  
aut. quib. mod. natur. efficiantur sui.*  
non censetur Princeps in conces-  
sione indulti de ea cogitasse: quia  
in dubio non videtur à Principe  
de turpi persona cogitatum, se-  
cundum Bald. *d. consil. 70. par. 1.* unde  
expressè constitutum est, hujus-  
modi spurius non posse legitimari  
per rescriptum Principis, nisi cum  
expressa clausula derogatoria. *§. ult. siquidem, in auth. quib. mod. natu-  
ra. efficia. sui.* quæ clausula in dicto  
indulto adjecta non fuit. Imò nul-  
la spiritatis mentio inibi facta  
fuit: nulla ergo ratione præfatus  
Conrardus ad successionem patris  
sui admitti potuit.

NUNC itaque videndum de  
Margareta sorore Domini Con-  
rardi: & licet inter venientes ab  
intestato (ad quos D. Conrardus  
bona sua, casu quo filius non suc-  
cederet, venire voluit) domina  
Margareta primum locum seu  
gradum obtineat, & sic in præro-  
gativa cæteris præferri debuisset:  
tamen quia per ultimam volunta-  
tem domini Conrardi certo lega-  
to illi attributo à cæteris bonis no-  
minatim & simpliciter exclusa  
fuit, clarum videtur, eam contra  
expressam illam fratris sui testato-  
ris voluntatem succedere non po-  
tuisse, sed ulterioris gradus con-  
iunctos secundum voluntatem  
Domini Conrardi ei præferri de-  
buisset voluit, cum D. Conrardus  
certo legato facto sorori suæ eam  
exclusam



exclusam esse ab omnibus suis dominiis, bonis feudalibus, censu-  
 3 libus, mobilibus & immobilibus, quibuscunque & ubicunque sitis: quæ exclusio est quædam exhæredatio, talis scilicet qualis fieri potest de fratre vel sorore, seu aliis transversalibus, secundum Baldum in l. fratres. 2. col. C. de inoff. testa. & faciunt notare. Bald. in auth. ex causa. in x. col. C. de libe. prater.

Quæ omnia re firmius obtinebunt in proposito quod proprio suo odio expressa causa soror à domino Conrado simpliciter exclusâ fuerit: l. i. §. fin. ff. de bonor.  
 4 possess. contra Tab. ubi exhæredatus proprio odio & mala mente promortuo habetur. faciunt notata Bald. in l. liberti. in princip. C. de bon. libert. Ad quod etiam facit quod dominus Conradus sororem suam exclusisset his verbis: **Ende wilt datse niet tghene dat voo:sept is / gheheel uytblijven sal uyt alle sijnen Heerlijckheden / Aeengoeden** / &c. & sic in effectu prohibuit eam plus petere ex suis bonis: quo casu dubium non est, ita prohibitum non posse plus petere de bonis testatoris, secundum Bart. in l. ut jurisurando. §. si liberti. ff. de oper. libert. & Bald. in d. l. liber. in antepenult. col. vers. sed dubitatur.

CONFIRMANTUR prædicta ex doctrina gloss. in auben. hoc amplius. C. de fideicommissis, dum ibi decidit, quod si quis in testamento suo filio exhæredato alium hæredem instituit, & is non adimpleat

voluntatē defuncti intra annum, licet privetur hæreditate, & illa applicetur venientibus ab intestato; non tamen desertus filio exhæredato, licet proximior hæres sit ab intestato; aded quod eo casu filius nec ut extraneus admittatur, & hoc ratione evitandæ contrarietatis. Nam testator voluit in suo testamento filium privatum esse hæreditate, secundum Bart. Bald. & alios in d. auth. Hoc amplius à fortiori ad propositum inferri potest, quod si ea obtineant in filio exhæredato, multo magis obtinere debere in sorore exclusâ. arg. d. l. fratr. C. de inoff. testamen.

Nec adversatur prædictis, quod institutio de filio spurio facta non valuit, & quod consequenter exclusio de sorore facta corruerit. Siquidem exclusio de sorore facta stare & obtinere potest, etiamsi corruat institutio spurii. Siquidem dominus Conradus, casu quo filius suus spurius aut proles ejus succedere non possent, ad ultteriores successores suos omnia bona sua venire voluit, & ita exclusâ sorore sua, alios ultteriores & conjunctos suos filio suo spurio ac ejus filiis substituit, à qua quidem substitutione ultima voluntas domini Conradi tanquam testamentum (in quo facta exhæredatio exclusioque est efficax) incipere potuit. arg. l. & si contra. ff. de vulg. & pupill. & l. post aditam à consensu. C. de impub. & aliis substit.

DEINDE dici potest, quod  
 Oooo ; licet

licet deficiat institutio de spurio facta, manere tamen exclusionem sororis propter clausulam positam in testamento Domini Contradi; qua voluit testamentum suum valere omni meliori modo, &c. quæ clausula habet vim clausulæ codicillaris, & æquipollet. *l. codicillu. §. final. & ibi Bart. Bald. Ioan. de Imol. & alii. ff. de legat. 2. l. cum pater. §. filius matrem. & ibi dd. ff. de leg. 2. lason in auth. noviss. in 7. col. vers. istam limit. C. de inoff. testam. vigore cuius clausulæ corrumpente institutione omnia alia in testamento scripta, salva & firma remanent. Auth. ex causa, & ibi dd. C. de liber. prater. Bart. in l. sapientem. C. de iure codicill. in 13. quest. ubi asserit, quod si testamentum non valeat propter defectum hæredis scripti incapacis, nihilominus dicta clausula fortitur effectum suum. *l. eam quam. C. de fideicommiss. Quantumvis itaque ob defectum institutionis ultima voluntas domini Contradi, ut testamentum non valeret, utique tamen & propter clausulam prædictam valeret jure codicillorum juribus præcatis: ut consequenter cum in eadem ultima voluntate voluerit testator sororem suam, certo legato ei facto, ex omnibus aliis suis bonis exclusam esse, censetur eam de jure gravasse, ut quicquid ultra dictum legatum ex hæreditate ad eam pervenerit, ipsa id retinere non posset, sed restituere cogeretur aliis hæredibus testatoris, secundum gloss. in l. qui filio. §. servum. ff. de**

*hered. instit. Angel. in l. 1. ff. de injust. rupt. & irrit. testam. ad quod facit l. peto. in princ. & in versic. Idem dicemus. ff. de legat. 2. l. fidei commissi. & si quis ita. & l. Paulo Callimacho. §. 1. Nam si quis hæredem instituatur, & postea in eodem testamento dicat, quod hæres debeat stare certa re contentus, per hoc videtur eum gravare fideicommissum; ita quod quicquid ad eum ultra illam rem ex hæreditate testatoris pervenerit, teneatur restituere aliis hæredibus testatoris, sive illi ex testamento, sive ab intestato veniant: ergo si testator in codicillis successuro ab intestato relinquat certum legatum quo jubeat eum esse contentum (uti hic factum est) debet ille quicquid ultra legatum ad eum pervenerit, restituere; cum per codicillum veniens ab intestato ita gravari possit fideicommissum, sicut hæres institutus in testamento, *l. confisiuntur. & l. penult. ff. de jure codicill.**

Et promissa expressè determinat Salyc. in *l. quoties. in 6. quest. C. de hered. inst. & faciunt notat. Bart. in l. quoties. §. si duo. in princ. & ibi alii dd. ff. de hered. instituend.*

Nec potest hic ex adverso dici, quod si soror gravata fuit de restituendo per fideicommissum, ergo saltem debuit penes sororem manere Trebellianica, &c. Siquidem in proposito Trebellianicæ locus non fuit, per hoc quod soror testatoris iussa fuit contenta esse suo legato, & sic prohibita plus petere:

8 petere: potest enim testator prohibere Trebellianicam juxta gloss. in §. sed quia, *Instit. de fideicommiss. heredit.* & gloss. in §. si verò expressum, in *auth. de hered. & Falcid. Cy. communiter dd. in auth. Sed cum testator. & gloss. ibidem, C. ad l. Falcid. & specialiter ibi Salyc. Bar. in l. Marcellus. §. quod autem. ff. ad Trebell. Ang. in d. §. sed quia. dicendo ab hujusmodi communi opinione non esse recedendum: prohibendo autem plus petere censetur testator prohibere Trebellianicam, argumento eorum quæ scribit Bald. in l. cum patrem. vers. per mult. C. de jure dot. Salyc. in d. l. quoties. in 7. *questio. C. De inst. hered. 10. de trol. in l. 1. §. si ex secundo. ff. de hered. instit. in 26. col. vers. ult. pro hoc allegat Angel. consil. 148. incip. dominus Quirinus, in 3. coll.**

9 QUIBUS & illud est consequens, quòd etiam ultima voluntas domini Conrardi non nisi jure codicillorum valuisset, & quòd alii posteriores conjuncti post sororem ejus non nisi per fideicommissum fuissent vocati, adhuc tamen quia soror Conrardi juxta prædicta nō habuit jus detrahendi Trebellianicam, non fuit necesse quòd bona Domini Conrardi illi traderentur, vel ei petenti restituerentur. Nam jura dicentia, quòd fideicommissarius non potest propria auctoritate apprehendere bona sibi relicta, sed quòd eadem petere debeat ab hærede, &c. intelligi debent in casu quo hæredi directo competeret Trebellianica

detractio, ut notat gloss. l. 1. ff. quor. legator. in verb. perinde, quam ibi approbat Bartol. & expressim ita tenet Bald. in l. unica. C. quorum legat. quam sententiam secuti videntur domini Judices in prioribus sententis contra dominam Margaretam sororem Domini Conrardi pro patre Impetrantis latis.

Ex quibus omnibus cum plenè satis deductum videatur, neque Conrado filio spurio Domini Conrardi, neque dominæ Margaretæ sorori Domini Conrardi jus in successione seu bonis ejus competisse, rectè ad decisionem prioris quæstionis inferri posse videtur, eandem successionem & bona devoluta esse ad Adrianum Potz proximum cognatum Domini Conrardi post prædictas personas, ut ex arbore de ea re facta clarum est, & pars adversa satis confitetur. Et denique ex eo solo satis constat, quòd ipse Adrianus pater Impetrantis solus agnoverit, & solus prosecutus sit bona & successionem prædictam, nec quisquam ex aliis conjunctis inveniatur aliquid ex præfata hereditate domini Conrardi petisse. *l. unica. C. quando non petent. partes petent. accresc.* & hæc de prima quæstione.

Nunc transeundo ad secundam quæstionem, breviter dicendum videtur, quòd etiam si forè ex testamento Domini Conrardi filius ejus spurius bona, de quibus agitur, capere potuisset (quod nō) per supradicta adhuc tamen ex trans-

transfatione anno 26. cum Conrardo spurio inita, & deinceps ab eodem ratificata & jurejurando confirmata proprietates dictorum bonorum Adriano patri Imperantis fuisset acquisita: præsertim attenta possessione quæ prius ex titulo cōductionis per Adrianum habita, secundum placitum & legem transfationis post obtentam victoriam contra sororem domini Conrardi, ante concessionem seu transportum Domino Lanceloto factum, titulo proprietatis apud eum esse cœpit: ita quod res non steterit tantum in terminis personalis obligationis; ut Dominus Lancelotus in suis scripturis allegavit: sed etiam per possessionem voluntate ipsius Conrardi spurii per Adrianum habitam titulo & jure domini, secundum transfationem prædictam jus reale in ipsum Adrianum transierit. Aded quod non potuerit deinceps Conrardus post transfationem prædictam & possessionem voluntate ipsius secutam, de dictis bonis disponere, titulo cōductionis in titulum proprietatis permissione ejusdem Conrardi commutato, quod fieri potuit. *l. cum nemo. C. de acquirend. vel retinend. possession. & ibi dd.* aded quod ex posteriori conventionione cum Lanceloto inita, nullum dominium vel jus reale transire potuerit; præsertim cum transfatio prius cum Adriano facta, juramento confirmata sit: quod juramentum vim clausulæ derogato-

riæ continet. *Bart. in l. si quis. in prin. testam. circa fin. ff. de legat. 3. lo. Andr. in c. quod semel. de regul. jur. in 6. & impedit pœnitentiam etiam actibus ex sui natura pœnitentiam admittentibus, secundum Bald. in c. que in eccl'os. circa med. de consuet. Ioan. de Imol. in l. 2. §. si quis. ff. de donat.* Quare multo minus in proposito Conrardus spurius post transfationem juratam & sententiam contra Margaretam latam, ac realem possessionem ab Adriano titulo & jure proprietatis habitam, potuit pœnitendo postea anno 31. aliquid juris in dominum Lancelotum transferre: præsertim cum nō de adimpleta transfatione, ex parte Adriani non constaret, nec adhuc constare possit, imò potius de cōtrario; uti ex literis transportus viduæ Adriani patris Imperantis manifestum est.

Nec obstat si dicatur, quod dominium de quo agitur, feudale sit, & quod per transportum coram Scabinis factum, & nō coram Paribus Curie unde monetur proprietatis, seu dominium ejusdem domini ex titulo illius transfationis ac cessionis, in Adrianum transire non potuerit. Nam cum post transfationem ac cessionem voluntate Conrardi habita possessione feudi, de quo agitur, Adrianus investituram de hoc feudo obtinuerit, à domino Feudali dominium retro translatū, ac omnia rite gesta intelliguntur. Nam jure feudorum ad alienationem feudi nihil

nihil aliud quàm domini consensus requiritur. *c. unico. §. final. quib. mod. feud. amit. c. unico. in princip. de prohibitione feudi alienat. per Fred. & nihil interest, an talis consensus præcedat vel sequatur actum. Barr. in l. fin. C. ad Macedo. & ita in terminis nostris decidunt Andr. de Iser. Jacob. de Belvis. & alii in d. c. Imperialem. in princ. de prohib. feud. alienat. per Fredericum.*

ACCEDIT quòd etiam si fortè ob legis operas coram domino, seu ejus locum tenente, & Paribus Curie non factas, aliquo modo translatio domini coram Scabinis Antverpiensibus in Adrianum facta, non subsisteret; hoc tamen duntaxat intelligeretur solum, quatenus ageretur de præjudicio domini. *arg. eorum qua notat Andr. de Iser. Alvar. & alii in d. c. Imperialem: & non procederet quoad Contrardum, à quo irrequisito domino cessio ac alienatio facta fuit. Nam tenent hujusmodi alienationes feudi in præjudicium alienantis, ut expressè scribit Bald. consil. 9. in princ. lib. 1. adeò quòd ipse Contrardus jus nullum deinceps in feudo hoc retinuerit, & consequenter in dominum Lancelotum nihil transferre potuerit: l. nemo plus juris. ff. de reg. juris.*

ET certè quòd ad jus Domini Lanceloti attinet, non potest ipse se nunc in illa cessione, (etiam si alioqui valida foret) fundare, tanquam jus aliquod ex testamento patris ipsi Contrardo competisset,

cùm ipse Lancelotus in processu habito contra dominum Joannem van Lyre testamentum illud impugnaverit, & spurietatem ac incapacitatem ipsius Contrardi allegaverit, ac in ea allegatione perseveraverit. Nam jure non permittitur, ut in eo quis se fundet, quòd semel impugnat: *c. ex eo. de reg. jur. in 6. & ibi gloss. Dyn. Ioan. Andr. & Philip. Franc. Dd. in l. post legatum. in princ. §. 1. ff. de his quib. ut indig. Alex. in l. qui Roma. §. Seja. ff. de verb. oblig.* Ex quibus satis constat, feudum, de quo agitur, vel ex successione quòdam domini Contrardi (quòd verius videtur) vel ex cessione & transportu Contrardi spurii Adriano Potz patri Impetrantis efficaciter quæsitum fuisse.

UNDE nunc convenienter pro resolutione tertie quæstionis inferri posse videtur, idem hoc feudum ex testamento ejusdem Adriani, ad Impetrantem ejus filium devolutum fuisse, ac Impetrantem potuisse & posse in illo feudo patri suo succedere, non obstante macula spurietatis, qua ex nativitate sua laboravit: quoniam per legitimisationem à Cæsar. Majest. anno 1521. mense Februar. obtentam, ejus incapacitas, & macula spurietatis penitus sublata fuit. *l. imperialis. §. itaque. ibi omnis macula penitus. deleta. C. de nupt. per quem text ibi dicit Bald. quòd spurius legitimatus nō debet amplius dici purius, quia legitimatio legitimatum restituit juri naturæ, quo omnes te-*

Pppp gitimi

gitimi nascebantur. §. illud. & §. si quis igitur. in Auth. quib. mod. natur. effic. legit. Aded quod legitimatus verè dicitur legitimus, & succedit jure agnationis ut legitimus. Bart. in l. si quis pro emptore. ff. de usucap. cum infinitis aliis latè congestis per Alex. consil. 2. vel 1. Et hoc maximè (ut ibidem inquit Alexand.) quando legitimatio expressè restituit jus primævum, prout facit præsens legitimatio ibi: **oft hy van wettigen Wedde ghecomen ende gepoerreert ware.** Et quando non fuit simpliciter facta dispensatio, sed facta fuit ad succedendum, uti hic factum fuit in verbis: **Ende oock succederen booz hem ende synen nacomelingen / &c.** Neque excludi potest Impetrans à fructu suæ legitimatationis, ob qualitatē damnati coitus & spurietatis qua laboravit, quoniam ea nominativè in legitimatatione expressa fuit ibi: **Den welken de boozschreven Adriaen verheugen heeft ghehouden wesen de /** quo casu aperti juris est legitimatationem spurii procedere, secundum Anchoran. consil. 427. incip. In Christi nomine Amen. circa primum quesitum. Bald. consil. 81. Simonius part. 1. Alvar. in c. 1. §. naturalis. col. 3. si de feud. fuer. contentio inter dom. & agnat. vassal. Bart. Iason. Caro. Ruin. & alii in l. Gallus. §. & quid sit tantum. ff. de lib. & postb. præsertim si legitimatio cōtineat clausulam derogatoriam non obstantibus, quæ hic invenitur in verbis: **niet tegenstaende**

**renighe rechten / statuten / &c.** 15  
d. §. ultim. siquidem. auth. quib. mod. natur. efficiant. sui. Bald. consil. 119. par. 3. & legitimatio emanaverit à supremo Principe ex certaque scientia facta sit, Alexand. d. consil. 2. circa fin. quæ omnia hic ad sunt, cum à Cæsare facta sit hæc legitimatio, & clausula ex certa scientia in ea expressa sit ibi: **upt onse Kiepsers lijcke macht / welwetenheydt / &c.**

Nec potest præjudicare Impetranti, quod hic tractetur de luccessione rei feudalī, ad quam ex juris dispositione naturales, licet postea fiant legitimi, nec soli, nec cum aliis admittuntur. c. 1. §. naturales. & ibi gloss. & dd. si de feud. de functi inter dominum & agnat. vassal. fuer. controvers. quoniam hoc non procedit, quando in legitimatatione adjectum fuit, quod legitimati possunt succedere in feudo, ut hic factum fuit ibi: **Ende in allen 10  
anderen goeden van wat natueren ende condition die mogen zijn / & rursus ibi: Het zy Leengoeden / chijffgoeden / &c.** Nam hoc casu omnes tenent taliter legitimatum etiam in feudo succedere, secundum gloss. & dd. in d. §. naturales. Alex. d. consil. 2. col. 7. ver. 5. prædicta confirmantur. & col. 8. vers. non obstat, quod habetur in cap. naturales. Oldrard. consil. suo 7. Ioannes Andr. in c. lator, qui filius sint legitimi. Paul. Casstr. consil. 46. 1. par. 1.

Et in proposito Impetrantem in feudo de quo agitur posse, & debere



debere succedere vigore suæ legitimisationis in tam ampla forma factæ, dubium non est; propterea quòd omnes proximi & succedentes ab intestato, tam ex parte patris quàm matris quondam Adriani Potz patris Impetrantis, juxta tenorem legitimisationis ac clausulam in ea insertam anno 1530. 25. Octob. in id consenserint, ac testamentum ipsius Adriani quò bona ista Impetranti relinquebantur, approbarint & ratificarint: quòd utique sufficit ad hoc, ut efficaciter Impetrans potuerit patri suo succedere, *juxta ea quæ scribit Maria. Socin. Nepos consil. 14. par. 2.*

SUPEREST nunc posterioris quæstionis tractatio, in qua breviter dicendum est, transactionem seu renunciationem quæ ab Impetrante anno 1535. 5. April. facta est, multis ex causis nullam ac invalidam judicari debere.

PRIMÒ, propter dolum & circumventionem qua Impetrans celata sibi approbatione testamenti ad sic transigendum inductus fuit, & quæ causam transactioni dedit. *l. actione. l. sub prætectu. C. de transaction. l. in summa. ff. de condit. indel. Angel. consil. 94. Cumanus consil. 156.* Dolo autem Impetrantem inductum fuisse palam est ex eo, quòd eo absente & ignorante approbatio testamenti ab executoribus testamenti patris sui (à quibus cum defendi deberet, licet sæpè evenire videmus, circumscriptus fuit) obtenta sit, & quòd illa sibi non

exhibita ad transigendum inductus fuit, idque consilio & studio domini Lanceloti (ut videtur) utpotè ad cujus commodum renunciatio cessura erat, qui jam ante anno 1530. à Cornelio Potz & suis confortibus (quibus renunciatio ab Impetrante facta fuit) cessionem juris ipsis competentis in his bonis obtinebat: aded quòd ex ipso rerum gestarum ordine manifestè deprehendi possit, Impetrantem ætate imperitum, & rerum ignarum, dolo & fraude inductum fuisse, ad sic transigendum; dolo inquam non solum Cornelii Potz & aliorum, sed etiam ipsius domini Lanceloti, ad cujus commodum omnia agebantur, & cui alii duntaxat ad hanc rem suam accommodabant ministerium, & qui nihil non tentabant ad inveniendum obtinendumque colorem aliquem, cujus prætextu Impetrantem ab his bonis excluderet. Id quod satis intelligitur ex magna illa sollicitudine & nimia cautela, qua undecunque & à quibuscunque (quamvis nulum jus haberent) titulos ad istud dominium acquirere studuit, ut testantur verba ascripta cessioni à domina Margareta factæ, quibus ex professo promittit se Impetranti auxilium daturam in assecutione istorum bonorū. Et hæc omnia post approbationem testamenti factam; cum planè Giret Impetranti jus in hoc feudo ac aliis bonis patris sui competere. Præstat



hujus propositi & studii argumentum, quod dominus Lancelotus post approbatum testamentum patris Impetrantis ab Cornelio Potz & suis, nihilominus ab eisdem juris sui cessionem (quod nullum esse sciebat) obtinuerit, eo verisimiliter consilio, ut ipsorum opera ac ministerio Impetrantem approbationis testamenti ignarum percelleret, & eosdem nihilominus in vim cessionis à fructu victoriæ contra Impetrantem obtentæ excluderet. Ad eod quod tota machinatio qua Impetrans ad ita transigendum inductus fuit, potissimum ab ipso domino Lanceloto profecta, & ad ejus commodum cessisse, & ab aliis tantum accomodatam fuisse ministerium videatur. *l. 3. §. si ab ignoro. ff. de manumiss. præsertim cum ipse dominus Lancelotus postea possederit, juxta Bald. consil. 27. part. 1. & prius ab Cornelio & aliis cessionem obtinuerit: ita quod quicquid illi egerint, postea ad utilitatem sui cessionarii egisse videntur. l. si actor malis. ff. de procurat. Bald. consil. 238. ad veritatem, part. 1.* Ita quod si oculo veritatis intueamur prædicta omnia, clarissime constare poterit, Impetrantem callidè & per circumventionem ad transigendum inductum fuisse, & consequenter transactionem ipso jure nullam esse.

**S**ecundo ob ignoratum jus sibi quaesitum ex approbatione testamenti, Impetrans renunciando

generaliter juri sibi ex testamento patris competenti, præjudicare non potuit, quod ignorabat, & quod non tam ex testamento patris quam ex approbatione & consensu eorum, qui patri suo ab intestato successissent, illi acquisitum erat. Nam pater non consentientibus illis, per testamentum suum efficere non potuisset, ut filio bona ista acquirerentur, propter limitatam legitimacionem & naturam bonorum feudalium, juxta *notas Marian. Socin. d. consil. 14. part. 2.* Et quia constat transactionem quantumlibet generale non extendi ad ignota & incognita. *l. cum Aquiliana. & l. sequenti. & ibi dd. ff. de transact.*

**D**ENIQUE si fortè renunciatio illa aliquo modo per se subsisteret, utique tamen ex beneficio *l. 2. C. de rescind. vend.* vel per restit. in integrum rescindi deberet, ob enormissimam læsionem, & minorem ætatem, in qua Impetrans tempore transactionis ac renunciacionis constitutus fuit. *l. 1. & toto. ff. de minor. l. 1. & 2. C. si adversus transactionem. l. si superflui. in verb. Sane, si immodice læsa es. C. de dolo. l. si quis cum aliter. ff. de verb. obligat.* Enormem autem læsionem Impetrantis contineri in dicta transactione ex eo patet, quod tam magnam successione multorum millium pro parva quantitate dimiserit, ut satis in actis deductum est.

**N**amque hic dici potest, Impetrantem

17

trantem in ea renunciatione & transactione non dimisisse jus sibi competens, sed tantum non acquisivisse hereditatem quam acquirere succedendo potuerat. *arg. l. qui pretio. ff. de donat. causa mort. & eorum qua scribit Castrens. consil. 228. part. 1.* quoniam ea renunciatio facta est post aditam ab Impetrante hereditatem ex patris testamento: quæ quidem aditio seu immixtio vel ex eo sola facta intelligitur, quod Antverpiæ coram magistratu per tutores suos Impetrans bona & successionem patris sui persecutus sit. *l. gerit. l. pro hærede. & ibi dd. ff. de acquir. hærede.* Nam qui tanquam hæres aliquam rem sibi petit restitui, eo ipso adire videtur. *Bart. Socin. consil. 160. vol. 2.* & proinde Impetrans transigendo & renunciando non fecit nudum actum abstentionis seu repudiationis, sed successionem acquisitam alienavit.

**15** DENIQUE etiamsi duntaxat per renunciationem hereditatem delatam omisisset, adhuc tamen enormissimè fuisset læsus; cum constet hereditatem fuisse opulentissimam, eamque Impetrantem adeundo seu se immiscendo acquirere potuisse. *arg. eorum qua scribit Marian. Socin. Nepos consil. 198. viso puncto. col. 5. vers. 3. part. 2.*

QUOCUNQUE itaque respicias, clarum est hanc renunciationem seu transactionem nullam esse, vel ob enormissimam læsionem, vel minorem ætatem rescin-

dendam esse. Nec obstat tempus petendæ restitutionis fuisse præteritum, cum adversus hoc iusta ex causa sit petita restitutio, & præterea restitutione data ex æquo & bono, & ad evitandam litium multiplicationem, eodem iudicio rei restitutio facienda est, ut expressè in terminis nostris decedit Guido Pap. *quæst. 143. incip.* An prætendens se læsum, possit petere se restitui in integrum, & rem vendicare in uno & eodem iudicio. *Bart. & dd. in l. ab hostibus. §. sed quod simpliciter. ff. ex quib. causis man. & ita communi praxi receptum est.*

## CONSILIUM LXXIX.

## SUMMARIUM.

Materia præcedentis consilii.

1. Non testimoniis, sed testibus fides habenda est.
2. Ut instrumentum reproberetur, necessa est ipsos testes in instrumento appositos, adversari iis quæ in instrumento habentur.
3. Qui ex testamento quid accipit, aut hæredi quid solvit, aut ab eodem in ea qualitate aliquid accipit, censetur testamentum approbare.
4. Qui satisfacit ei cum quo egit, ante rem judicatum, de omnibus quæ illi occasione causæ vel litis absunt, habet iudicium absolutorium.
5. De actis judicialibus ne iudici quidem creditur, nisi quatenus actus publicus à Graphiario id ipsum manifestetur.

Pppp 3 QUA N-

**Q**UANDO QUIDEM superiore Consilio copiosè satis demonstratum est, Impetrantem adversus renunciationem, de qua agitur (si ea ipso jure non corruat) ob dolum, justam ignorantiam, enormissimam læsionem, & minorem ætatem restitui debere, nihil operæpretium est de ea re prolixiorem disputationem instituere: præsertim cum ex decreto amplissimi Senatus novissimè lato, satis intelligatur rem eò inclinare, quodd restitutio concedi debeat: eaque res extra dubium videtur, si duo sequentia capita paulo evidentiùs confirmari possint. Primum est, quodd testamentum Adriani Potii, ex quo Impetrans jus prætendit, fuerit legitimum, ac à proximioribus hæredibus ejusdem Adriani approbatum, & pro rato & firmo habitum. Secundò, quodd declaratio Rei conventi, qua testatur sese renunciatione, de qua agitur, neque in hoc judicio, neque alio uti velle, sera sit, & ad excludendum Impetrantem à beneficio restitutionis, in hoc judicio consequendo inefficax. Et paucis quantum ad primum attinet, extat solenne instrumentum de anno 1530. Octobris 25. in quo hæredes ab intestato dicti testatoris, illius testamentum seu ultimam voluntatem simpliciter, expressè, & solenniter approbant, his verbis: **Ende hebben ghe-  
laudeert** / &c. Quæ verba tam universè & effusè concepta, &

publico instrumento super ipso actu approbationis confectò, comprehensa, plenissimam & indubitatam fidem dictæ approbationis faciunt, quæ everri, labefactari, aut restringi non potest per attestationem illam, quæ per Reum conventum callidè, ut videtur, & involutè in additionibus suis secretò exhibitis, allegata, & nunc demum omnibus, qui rei gestæ notitiam habere poterant, defunctis, prolata exhibitaque fuit. Nam præterquam quodd ex occulta illa allegatione, & tam diu dilata exhibitione, malè præsumatur contra producentem, quemadmodum generaliter fit contra differentem agere vel exhibere, *Procula. ff. de probat.* attestatio illa etiam per se spectata, nullius est roboris, aut firmitatis, cum non testimoniis, sed testibus fides haberi debeat: *l. 3. §. 1. vers. idem Divus. ff. de testib.* & ut maximè valere posset, ad convellendam tamen publici instrumenti auctoritatem super ipso actu confecti, prorsus est inutilis, cum publicum instrumentum sit probatio probata, certa & indubitata, *Bald. in l. 2. C. de edict. D. Adrian. tollen.* quæ tam levi ratione expugnari aut convelli non potest, cum ad reprobationem instrumenti sit necessarium ipsos testes in instrumento descriptos, iis quæ in instrumento descripta sunt, averfari: *c. cum Ioannes. de fide instru. Alexand. conf. 93. num. 7. lib. 5.* quod non est in specie proposita, in qua

in qua nulli ex testibus instrumentariis instrumento vel notario contradicunt, sed ii solum à quibus actus approbationis in eo instrumento descriptus est celebratus, & quorum præjudicium vel commodum hæc res directo concernit: Ita ut nimis indignum foret testimonium in re propria in considerationem venire contra auctoritatem publici instrumenti, ac illis permitti, ut quod tam solenniter professi sunt, proprio testimonio infirmum, *l. generaliter. C. de non numerat. pec.* ut in terminis propositæ quæstionis à J. C<sup>io</sup>. responsum videtur, *in l. non est ferendus. ff. de transact.* quo ita cautum est: Non est ferendus, qui generaliter de iis quæ testamento ei relicta sunt, transegerit, si postea causetur de eo solo se cogitasse quod prima parte testamenti, ac non etiam quod posteriore legatum sit.

CUR accedit, quod attestatio-  
nes illas penitus evertit, constare  
ex aliis publicis documentis *ex in-  
strumento coram Petro de Ryck in Con-  
tyck anno 1530. Ianuar. 29. & per ex-  
tracta ex registro feudali in Cantecroy.*  
hæredes dicti Adriani ab intestato  
paulò post dictam approbatio-  
nē ex testamento accepisse legata  
ipsis per testatorem relicta, ac de  
illis pro arbitrio disposuisse, unde  
evidentissima & certissima colligi-  
tur approbationis probatio. Nam  
3 apertè juris est, eum qui quid vel ex  
testamento accipit, vel hæredi

scripto quid solvit, aut in ea quali-  
tate ab eo quid accipit, censeri te-  
stamentum approbare, nec audiri  
postea, si velit contradicere aut  
impugnare. Quod ad prioris arti-  
culi discussionem satis esse vide-  
tur.

Quo vero ad secundum ar-  
ticulum attinet, periniquum est,  
quòd Reus nunc in calculo feren-  
dæ sententiæ ad eximendum se  
periculo litis & expensarum hæ-  
ctenus propter temerariam & in-  
justam ejus contradictionem fa-  
ctarum declarat se non velli uti  
dicta renunciatione aliquo modo  
ad suum commodum. Nam quam-  
vis ab initio abstinendo ab oppo-  
sitione & contradictione hac de-  
claratione facta litis ingressum  
effugere potuisset, ut qui tantum  
citatus fuit, quatenus sua interesse  
putaret dictam renunciationem  
non deduci ad irritum; nunc ta-  
men peracta instantia, & ferè ter-  
minato judicio, declaratio hæc  
auxilium illi præstare non potest;  
quin ad minimum expensas hæc-  
tenus factas teneatur refundere.  
Nam ita demum judicia sunt ab-  
solutoria, si ante rem judicatam is  
cum quo actum est, satisfaciatur  
actori de omnibus quæ illi occa-  
sione judicii seu causæ, de qua agi-  
tur, absunt. *§. si. & ibi dd. inst. de per-  
petuis & temp.* Nec probabilitatem  
4 habet, quòd Reus causatur se ab  
initio hanc cōtestationem fecisse.  
Nam ipsi ea de re in propria causa,  
nec Pensionario Amverpiensii  
Advocato

Advocato ejus fides ulla haberi debet: Advocati enim, Procuratores, & similes licet contra clientem suum testari possint, pro eo tamen in causa quam defendunt, siue ea sit primæ instantiæ, siue appellationis, à testimonii auctoritate removentur: *gl. in l. fin. de testib. c. 1. & ibi dd. de testib. in 6.* præsertim quatenus agitur de actis judicialibus, seu iis quæ in judicio gesta sunt, de quibus nec judici creditur, nisi quatenus actis publicis à Graphiario curiæ descriptis in veritate actum esse manifestatur. *c. quoniam contra. de probat.* Eoque minus admittenda est Rei conventi allegatio ac excusatio, quòd ex iis quæ sunt consecuta & ultrò citroque allegata, manifestè appareat contrarium. Nam si Reus ea renunciatione uti non voluit: cur opposuit se Impetranti in hoc judicio? cur tam longo tempore in processu tam gravi & pretioso sustinuit ipsas literas ab Impetrante obtentas esse surrepticias, in quibus nihil præter veritatem & ordinem rei gestæ continetur? cur tam multa allegavit passim in actis, quæ ad sustinendam illam renunciationem pertinere videbantur? cur denique sustinuit Impetrantem à beneficio restitutionis adversus dictam renunciationem submovendum, si sua non putasset interesse eam renunciationem sustineri? Certè hæc omnia apertissimè demonstrant, Reum conventum studiosè & totis viri-

bus laborasse, ne renunciatio illa fieret irrita, ne restitutio contra eam indulgeretur, & quòd vellet ea se juvare, prout ea se juxit ad excludendum Impetrantem à restitutione: quamvis ad fundandum hoc judicium nihil fuerat necesse, quòd eam amplecteretur, aut in ea se fundaret, sed satis erat quòd postulata restitutioni contradiceret, ei que se opposeret: quemadmodum in interdictis & similibus causis receptum est: Satis enim turbat ac se contradicentem constituit is, qui negat id adversario indulgendum quod postulat: maximè cum id fit in judicio, *Ant. de Burr. in c. cum ad sedem. de restitut. spoliatorum.* ut in specie non dissimili tradit Bart. *in l. si prius. in 5. opposit. de operu novi.* Et ita existimo de jure respondendum, salvo meliore judicio clarissimorum dominorum Judicum.

## CONSILIUM LXXX.

## SUMMARIUM.

1. Aurei Velleris privilegium Proceribus Belgii competens, amplissimè explicatum pro defensione defuncti Comitum Egmondani.

**D**ILIGENTER perspectis & perscrutatis statutis ac capitulis Confraternitatis, & Ordinis Principum aurei Velleris, quæ à nobis ut vera & pro talibus ab ipsis Principibus in susceprione Ordinis

Ordinis jurata præsupponuntur, magna quidem, sed inamœna se offert disputatio; à cujus tractatione ut abstineamus, nec judicium nostrum interponamus, multa nos movent, & animos fluctuantes huc & illuc impellunt; nec auderemus propter causæ pondus & magnitudinem, rem aggredi, nisi sacrorum canonum & legum auctoritas etiam in hujusmodi causis Jureconsultorum discepcionem admitteret, *Anch. consil. 323. incip. nisi legibus.* multaque vestigia & exempla veterum interpretum viam ostenderent, & animos inclinantes sustinerent, accedente licentia Illustrissimi Ducis Albani, necnon cohortatione illustrium virorum in infelicitate domini Comitis, quem virtus & fortuna paulò antè in altissimo fastigio collocaverat, sub Rege clementissimo omnia legum præscriptis permittente, & cujus tantam clementiam esse credimus, ut exemplo D. Marci Antonini optimi & felicissimi Principis, omnes servari, & cujusque innocentiam quavis occasione detegi desideret.

CONFIDENTES itaque de tanta clementia, & sub bona gratia suæ Majestatis ac Illustrissimi Ducis sui vicarii, ea dicemus quæ consentanea sunt juri & veritati, (quæ Deo & Regibus sunt gratissima) imprimis illud præmonendo, quod ut eos maximo odio dignos judicamus, qui contra com-

munem salutem, aut Regem seu Principem, à quo pendet quies aliorum, machinantur; ita omni studio eniti debemus, ne ex levi causa aut negotio non plenè discussio, ante auditam totam defensionem in legitimo judicio quis tanti criminis labe aspergatur, quo majestas pulsata defenditur, & cujus contagio non solum ipsum, de quo agitur, sed omnem ejus posteritatem, fortunam, & ipsam Rempublicam efficit; ita ut meritò Modestinus, *in l. famosis. ad legem Jul. Majest.* hoc crimen non in occasione haberi, propter principalis Majestatis venerationem, sed ex veritate accipi voluerit. Et D. Marcus *in epistol. ad Verum fratrem, quam recitat. Vulcat. Gallicanus.* (cui divinos honores omnis ætas, omnis sexus, & omnis conditio detulit) in causis Majestatis eam naturam esse dixit, ut videantur vim pati, quibus crimen probatur. Quò enim atrocius, quò gravius, quò majus est delictum, eò graviora indicia & argumenta præcedere debent, priusquam in suspicionem ejus perpetrati veniamus; præsertim in persona, quæ non longo intervallo per ingentia pericula, stragesque, eximiam fidem erga suam Majestatem & Rempub. exhibuit, quæque tam claro est stemmate, ut non sit verisimile tanti delicti cogitationem in eam potuisse incidere. *Bald. in l. 1. col. 3. C. de adulter. act. per l. quis sit fugitivus. §. apud Labconem. de adulter. edict. Id*

Qqqq quod

quod non defendendi causa delicti, quod imponitur, & nobis adhuc est incognitum, dicimus, sed tantum ut is qui suæ Majestati & Reipubl. antea profuit, & per quem nunc neque Reipubl. utilitas lædi, neque subditis vexatio fieri potest, præsumptione bonitatis adjuvetur, & in defensionibus suis plenè sufficienterque audiatur, nec delicti invidia prematur, aut nocens habeatur ex sola accusatione, & priusquam auditis defensionibus vincatur apud iudices, quibus adversus tam illustres & clarissimas personas cognitio jurisdictionis solet competere.

EST quidem regula, quod perferutatio, cognitio & punitio hujus criminis soli Principi competat, *Marth. de Afflict. in c. 1. §. & bona committ. col. 2. num. 18. in tit. Quæ sunt regalia Nic. Boërius in tract. de seditios. Hieron. Gigas in tract. de crimine læsæ Majest. l. 1. C. qui de crimine læsæ Majest. cog. possit.* qui supremus est, neque superiore recognoscit: sed ea regula locum non vendicat, si ex lege accepti principatus de jurisdictione aliud statutum sit, aut privilegium in favorem certæ personæ, aut personarum inveniatur concessum, *l. fin. C. de jurisdictione omnium judic. l. si. C. de desert. & occultat. lib. xij.* In quo versatur finis, & scopus totius defensionis: nam præter capitula inaugurationis, & jucundi introitus, quibus unicuique sua jurisdictionis confirmata est, pro-

missio perpetuo patrocínio, ne quis à foro suo abstraheretur, manifestum videtur, Ordinis auri Velleris privilegium, quod formam perpetui & irrevocabilis statuti habet, & jurejurando Principis ac omnium procerum religiosè confirmatum est, & verum collegiū ac confraternitatē quandam constituit, qua ipse Princeps alios magnates in confratres & socios assumit, & quadamtenus regiminis facit participes; & quod hujus est loci, collegium ipsum prærogativa Parlamenti condecorat, & cognitionem omnium criminum ipsi collegio attribuit, nec alterius judicis auctoritatem, nisi ipsius Principis aliorumque procerum admittit in causis criminalibus adversus eos qui illi ordini ascripti sunt, ut evidenter satis ostenditur ex eo quod Dux Philippus anno 1429. 10. Januarii, in ipsa erectione Ordinis, collegium hoc prærogativa supremæ Curie decoravit, *cap. 66.* & consequenter, omnimodam jurisdictionem & amplissimam cognoscendi facultatem attribuit, *l. non ambigitur. de legibus. Fab. in l. fin. C. de legibus.* his verbis: *Voulons, ordonnons, établissons, & decernons ledict. Ordre avoir cognoissance & court souveraine. & quanquam in sequentibus verbis: Es cas qui touchent & regardent ledict. Ordre, & sur les freres & compagnons d'icelluy,* mentio facta sit de causis Ordinem ipsum & confratres in eo existentes concernenti-

bus,



bus, nulla tamen inde inducitur restrictio ad ea quæ leges & observationem Ordinis respiciunt, quia verba illa: *Es cas qui touchent & regardent ledict Oidre, & sur les freres & compagnons d'icelluy*, patent latissimè, & conjuncta superioribus significant jurisdictionem & jus supremæ curiæ in omnibus causis, siue Ordinem, siue observationem Ordinis, siue personas dicti Ordinis respiciant, comprehenduntque omne judicium, aptum tamen personis talibus, ut in specie non dissimili respondet Oldradus *conf. 128. incip. quoniam ad investigationem. num. 2. per l. 1. de statu hominum. & l. cognitionum. de variis & extraord. cog.* Et quod solam qualitatem personæ Dux Philippus absque causarum distinctione inspicere voluerit, detegitur ex aliis capitulis c. 13. 14. 15. cap. 36. & 37. generaliter, indistinctè, & effuso sermone de quibusvis correctionibus, & criminibus etiam enormissimis, loquentibus: Nam cap. 8. de controversia & contentione inter ipsos fratres enata, agitur: & rursus c. 33. hæc verba leguntur: *ayt commis aucun vice, ou ayt offensé en mes faitz contre l'honneur, debvoir & estat de chevalerie & noblesse, mesmeient contre les pointz & ordonnances de ce present Oidre*: quibus omnia exprimuntur, & in ordinem conjunguntur, verbis tam effusè conceptis, ut periculum non sit ne omnia contineantur. Simili modo cap. 36. & 37. generaliter indefinitè & universè, cu-

jusvis criminis fit mentio, in verbis: *eust commis cas ou crime, pourquoy l'on deust estre privé*: quæ graviora & atrociora crimina respiciunt, ipsumque judicium, quo divina vel humana potestas pulsata defenditur, includunt: nam ut degradatio sacris canonibus non nisi in gravissimis criminibus locum habet, ita Dux Philippus punitiorem quidem in omnibus criminibus confratrum & parium suorum collegio concessit; ex auctorationem verò & privationem non nisi ob maxima & gravissima flagitia, hæreses, læsæ Majestatis, & similia, voluit admittere, secundum tenorem decimiterti & sequentium articulorum, ubi expressa mentio est proditoris, quæ inter præcipua capita læsæ Majestatis relata est: l. 1. & tot. tit. ad l. iul. Majest. sic ut magna ratione dici possit, omnium delictorum, etiam læsæ Majestatis coercitionem, ambitu dictorum capitulorum, & sub jurisdictione dicti Ordinis contineri; nec separari potest cognitio, investigatio, & punitio criminis à privatione Ordinis, quasi cognitio animadversioque ab alio judice fieri possit, salva & reservata Ordinis privatione suæ Majestati & proceribus ejusdem Ordinis: nam utrunque uniformiter dicto ordini est reservatum; ita quod parem dicti Ordinis, in reatu constitutum, nec exhibere, nec, si in culpa fuerit, privare, aut coercere liceat, nisi apud Majestatem suam, &

consistorium dictorum procerum: de utroque enim in capitulis nunc relatis æquali ratione agitur, & utrunque eandem determinationem & decisionem habet. *d. art. 8. 13. & seq. 30. 31. 32. 33.* Et ut omnis scrupulus amoveatur, extat invictissimi Caroli quinti Imperatoris statutum & ordinatio, *art. 11. addit.* in celebratione Ordinis Tornaci anno 1531. edita, & à Majestate sua confirmata & jurata, per quam discessis verbis & formaliter ad declarationem 36. 37. & 38. articulorum per viam perpetui & irrevocabilis & nunquam mutabilis edicti, honori procerum prospiciens, & adversus acerbam tractationem injuriamque cavens, ordinavit, proceres dicti Ordinis nullius alterius quàm suæ Majestatis & aliorum confratrum dicti Ordinis jurisdictioni subiacere debere; nec levi de causa, sed demum post magnam præparationem & informationem ad eorum prehensionem & accusationem procedi posse, ex avertisamento ipsorum Patrium dicti Ordinis, servata certa forma & solennitate, ut evidentius constat ex ipsis verbis edicti. Quæ cum directò ad declarationem antecedentium articulorum composita sint, & expressam relationem ad ea habeant, necessariò censendum est, lumen & illustrationem ex his prioribus accedere, propter expressam relationem, quæ hoc operatur, ut scriptura in qua fit relatio ad aliam, censeatur

illud quoque continere, quod apparet in scriptura, ad quam fit relatio: *l. assestoto. de hered. instis. l. à filio. §. pater. de aliment. & cibis. leg.* cui Imperator ad tollendâ omnem dubitationem & obscuritatem certam & perpetuis temporibus inconcussè observandam formulam subjicit atque constituit, uti etiam articulo 16. primæ ordinationis exprimitur, omnium criminum seu delictorum cognitionem, animadversionem & depositionem, Ordini privativè competere, sine ulla exceptione vel reservatione, quæ jurisdictioni Ordinis deroget: reservatio enim quæ subjicitur in verbis: *demeurans lesdicts statutz & articles, &c.* nihil aliud continet, quàm confirmationem articulorum ad quos fit relatio, & incolumitatem aliorum jurium, quæ ultra concessionem factam suæ Majestati poterat competere; per quod jurisdictio nō minuitur, sed conservat multarum & confiscationum jura, & si quæ sint similia, quæ sub concessione specialis jurisdictionis non continentur, manente cognitione ipsorum criminum etiam læsæ Majestatis appropriata collegio, additis dictionibus taxativis, quæ proprium judicium constituunt privativè, & omnes alios judices excludunt. *c. cum ecclesia sutrina. de causa possess. & propriet. l. ob as. C. de prad. min.* Et ita in simili scribit Angelus in *l. 1. in verbis*, Princeps enim solus. *C. ubi & apud quem.* Quod si statutum dicat de

de adulterio, solus capitaneus cognoscat; per illud verbum *solus* aliis adimitur jurisdictio, idemq; sequitur Felinus, in *c. pastoralis. col. 2. de offic. ord.* & pluribus confirmat Franciscus à Ripa, in *tractat. de peste. c. de præser. remed. nu. 61. cum sequent.* Quibus accedit, quod etiam absque speciali limitatione & taxatione, constitutio certi judicis in aliqua causa seu genere causarum vel personarum derogat generali jurisdictioni aliorum, quoad illud genus causarum vel personarum. *c. studuit. de off. deleg. l. consulta. C. de test. Corneus conf. 70. num. 8. lib. 1. & Ang. in l. cum prator. de jud.* aded ut licet aliàs quis ab ordinario non eximatur, cognoscer tamen judex habens specialem jurisdictionem. *l. magisteria. C. de jurisd. omnium judicium.* Semper enim in hujusmodi statutis, edictis, vel legibus favor illius spectandus est, & ejus ratio habenda, in cujus favorem privilegium concessum est, *l. fin. C. de jurisd. omni. jud.* & ad usum privilegii nihil aliud requiritur, quam quod causa seu persona sit comprehensa sub privilegio, *l. ex eo. C. de agentibus. in reb. lib. 12.* quod hîc magna demonstratio non indiget, cum persona indubitanter sit in Ordine, & privilegium tam latè pateat, ut omnia crimina complectatur, etiam læsæ Majestatis, omnemque cognitionem, etiam à principio, ut inter alia multa indicant verba illa 15. & 16. articuli, *estoit attainct,* item *seroit attainct,* quæ respiciunt

initium rei gerendæ, ad quod etiam refertur frequens mentio cognitionis, quæ à dominis Ordinis fieri & capi debet; aded ut quemadmodum militiæ privilegium in solo crimine militari concluditur, ita ex tenore dictorum capitulorum Ordinis privilegium in quocunque crimine vigere debeat, ad exemplum privilegii clericalis, cui in causis criminalibus est simillimum; aded quod hîc nullo modo in considerationem venire possit statio, versatio aut officii qualitas, in qua Dominus Comes deliquisse dicitur: præsertim cum nec ex ratiociniis, nec ex administratione, sed ex formali delicto conveniri præsupponatur, nullumque statum aut dignitatem habuerit, quæ non conveniebat & geri solet à Principe dicti Ordinis. Et ut ad novam constitutionem Caroli Imperatoris redeamus, considerandum est, quod tota mutationis ratio versetur in moderatione ordinationis anni 1516. quæ velut nimis contrahens prærogativam privilegii, plenior licentiam dabat proceribus, nimiumque in alteram partem inclinando, non admittebat apprehensionem procerum, nisi præcedente decreto totius Capituli, ex quo proveniebat latitudo nimia, quæ æquabili temperamento reducta est ad æquilibrium ex constitutione Imp. Caroli decentem formulam continente, quam in omnibus criminibus adversus

proceres dicti Ordinis observare convenit, sive agatur læsæ Majestatis, sive ob aliud crimen, & sive accusatio dirigatur ad degradationem & privationem Ordinis, sive ad punitionem delinquentis corporalem. Nam omne genus correctionis in dictis Capitulis continetur, & exprimitur, ut dictum est: & præterea in majoribus criminibus ad punitionem delinquentium perveniri non potest, nisi præcedente privatione & exauctorazione Ordinis, ad exemplum militum, qui numerorum & graduum depositione ac munerum interdictione puniuntur, *l. desertorem. §. penult. l. non omnes. §. qui in pace. de re milit. l. 2. in princi. de his qui not. inf. l. qui de libert. de lib. caus.* & in gravioribus criminibus exauctorati torquentur; *l. proditores. de re milit.* & eorum, qui factis ordinibus constituti degradantur, & ob crimen aliquod gravissimum ecclesiastico gradu exauctorantur, ut iudex secularis eos tanquam sui fori reos recipiat, & debita pœna afficiat; *c. degradatio. de pœnis. in 6. Lucas de Penna in l. 1. col. 2. in fin. C. de privileg. schola. lib. xij. D. Hieron. in epistol. ad Rufinum.* nec non servi, qui religionem ingressus est, & domino repetenti non restituitur ob prærogativam religionis: nisi probato prius quod servus est, aut profurto forsan, aut vita maligna, aut vitiis pessimis, ad monasticam conversationem pervenerit. *d. §. 1. vers. si quis igitur. 2. in aush. de mona-*

*chis, col. 3.* Et ne longè exempla petantur, ad manum est nobilis species injustæ apprehensionis & incarcerationis Domini Joannis Emanuelis, quæ causam dedit novæ moderationi Carolinæ, impulitque Imperatoriam Majestatem ad certam & inviolabilem formam præscribendam, præhendendi, incarcerandi, cognoscendi, procedendiq; in causis dictorum procerum: animadvertendumque est diligenter notari, & abrogari in Imperiali illa ordinatione, rationem procedendi quæ in dicto Joanne Emanuele servata erat in investigatione & cognitione criminis quoad punitionem. Nam incarceratio & accusatio contra eum facta, in scitis aliis proceribus Ordinis, nulla ratione referri potest ad privationem Ordinis, de qua non potuit esse controversia, aut quæstio apud alios qui non erant ex Ordine. Et hanc rem confirmat series exemplorum, quibus ostenditur perpetuò observatum, ut proceres dicti Ordinis etiam perduellionis rei, & qui hostili animo contra Principem suum arma sumpserant, ad nullius alterius tribunal traherentur, nec cognitio de eorum criminibus acciperetur, nisi in Consistorio Ordinis etiam ante novam illam moderationem & certio rem formulam, à Carolo Imperatore propositam. Ita enim servatum legitur etiam tempore Ducis Philippi primi auctoris Ordinis in Comite de Romon,

de Romon, & in dominis de Neuchâstel, de Montagu, d'Estampes, de la Roche, Nolan, de Gruythuyfen, de Ravensteyn, de Rysburch, de Haultbourdin, aliisque quam plurimis; ita ut cum evidenti satis expressione in ipsis statutis facta concurrat etiam uniformis usus & observatio, quæ in jure tam potens habetur, ut etiam justam dubitationem possit submovere, *l. cum de interpret. de leg.* & valere ad approbationem & confirmationem dispositionis, alioqui invalidæ. Nam, ut scribit Aymo Cravetta, *conf. 101. nobilis Guid. num. 3. vers. 5. ex observantia.* ex observantia secuta declaratur ambiguitas, quæ in præcedentibus esse poterat: nam ex iis quæ postea fiunt, declaratur qualis fuerit animus in præcedentibus; *l. Julianus. ad S. C. Maced.* additque instrumentum minus solenne facere fidem, quando secundum illius tenorem fuit observatum, ac quod tam potens sit observantia postea secuta ad declarationem ambiguae voluntatis in præcedentibus, ut non requiratur præscriptio in tali observantia, id est, quod longo tempore ita fuerit observatum: est enim, inquit, observantia interpretativa, in qua nulla præscriptio requiritur.

SED quamvis hoc fingulare privilegium jurisdictionis jurejurando Principis & diuturna consuetudine roboratum, magnas vires habeat, & cujuslibet alterius jurisdictionem impediat; *l. si mari-*

*tus. §. proinde. ad leg. lul. de adul.* manet tamen dubitatio, an in crimine læsæ Majestatis, ob odii magnitudinem & execrationem facinoris, vires amittere, aut ex voluntate Principis in hac specie revocatum censei debeat. Et paucis, quamvis multa graviter leve- reque constituta sunt, & detestationem tam horrendi criminis, atque omnium exæquata conditio, prærogativas militiæ, generis vel dignitatis supprimat; non tamen propterea inducitur jurisdictionum confusio, nec adimitur fori privilegium, vel jurisdictionis, ut superius attigimus, & evidenti legum & canonum constitutione ac consentiente interpretum sententia comprobatur. Nam milites, etiam in proditoris crimine, retinent jurisdictionis privilegium, & non nisi exauctorati (quod sine prævia cognitione non contingit) torquentur, & ad bestias, vel in furcam damnantur: *l. desertorem. §. is qui ad hostes. & l. proditores. de re milit.* & clerici beneficio sui ordinis ecclesiasticæ jurisdictioni relinquuntur, nec apud Principem secularem conveniuntur vel puniuntur, etiam in crimine læsæ Majestatis, *Bart. in d. extravag. ad reprimendum. vers. conditionibus Sign. de homo. consil. 21. statuto civit. col. 2. Bart. Soci. consil. 12. quoniam in presenti. num. 16. lib. 1. Hier. Græz lib. 5. de crimine læsæ Majestatis.* quamvis in individuo de eo in privilegio eorum nulla facta sit expressio, agaturque de

de iis qui adhuc in minoribus ordinibus sunt constituti: *Barr. Socin. d. conf. 12.* & quod ad speciem præsentem attinet, minus dubitationis relinquitur, ob id quod procerum privilegium nominatim & specialiter in crimine læsæ Majestatis & prodicionis aliisque enormissimis concessum & observatum est: nam inde fit ut privilegium hoc prorsus singularem provisionem contineat, tam respectu personarum quam causarum, per quam etiam in crimine læsæ Majestatis derogatur contrariæ dispositioni non solum generali, *las. in l. 1. §. 1. num. 12. de novi op. nunt.* verum illi quæ specialis est respectu causarum; generalis, respectu personarum; quoniam hic genus à specie separari potest ex proprietate sermonis & comparatione extremorum, cum expressio personarum & causarum majorem specialitatem contineat, ut ipse *Barr. admittit. in d. extravag. ad reprimendum, in verb. Non obstantibus quomodo in crimine læsæ Majestatis procedendum.* Id quod non admodum est necessarium ad sustinendam jurisdictionem Ordinis, quæ ex auctoritate legum, consuetudinum & statutorum (quamvis generaliter loquendo) semper salva est, *d. l. proditor. Soc. d. conf. 12. cum aliis supra citat.* & ad observandam formulam procedendi ab Imp. Carolo traditam convenientissima. Nam Bartholus nullam dubitationem facit de jurisdictione, suo loco & apud

priores judices relinquenda, sed hoc solum disputat an ex severa illa Henrici Imperatoris constitutione, à Pontifice improbata, *in d. clem. pastoralis.* præceps & summaria procedendi ratio observari debeat in iis qui generaliter in formula procedendi privilegiati sunt, *l. in sacris. C. de prox. sacror. scriinio. lib. xij.* admittitque derogationem in hoc speciali crimine, nisi prærogativa in modo procedendi data majorem specialitatem habeat, quæ invenitur in privilegio dicti Ordinis propter ipsarum personarum dignitatem, ob quam etiam de jure communi cognitio illustrium personarum specialiter pietati Principis reservata est: *l. ult. C. ubi sena. vel clariss.* & quia majorem specialitatem habet respectu causæ, personæ & formulæ procedendi ab Imp. præscriptæ; adeò ut ea non servata de nullitate actus & non observata & omissa observatione dictorum capitulorum sit periculum, ut in specie simili & ad illustres personas pertinente scribit *Bald. l. 1. C. de iur. vel curat. illust. personarum.*

NEQUE hic videri potest aliquid fieri contra decus aut in diminutionem imperii vel principatus, quia privilegium non eximit dominos Ordinis à jurisdictione sui Principis; nec Principis jurisdictione prorsus expropriatur, & in alium extraneum transfertur cum omni imperio & plenissimo jure, ut disputant interpretes *Lucas de Penna*

*Pennain l. 1. C. de privil. schola. Gigas loco cita. in princ. Grammaticus voto 28. de concessio castro cum omni jurisdictione alicui nobili, aut regalibus alienandis; quia ex tenore privilegii apparet, Principi jurisdictionem reservari, & quod cognoscat cum dominis Ordinis in causis ipsorum procerum, quod nullam abdicationem aut separationem à principali dignitate continet, nec eximit penitus proceres à sua jurisdictione; ita ut nulli subsint, sed in contrarium potius arctiore vinculo ad officia obstringit, & cognitionem & jurisdictionem proceribus dicti Ordinis communicat, eosque secum judicare debere constituit, quod non ad diminuendam, sed ad conservandam, augendamque gratiam imperii pertinet; inducitque ordinem & moderationem jurisdictionis non multum à jure communi discedentem, d. l. ult. C. ubi Senat. & clariss. & officiorum, honorum & dignitatum distinctionem, ut unicuique conservetur sua prerogativa; & ne serie calcata, & promiscuis actibus inducatur justitiæ ac communis vitæ perturbatio: quod omnium seculorum prudentiæ convenit, & in florentissimis regnis observatum constat. Et, quod amplius est, in ipso regno Galliarum (quod nec certa lege fori aut inaugurationis accipitur, nec jure merè hæreditario devolvitur, sed sanguini conservatur, & jure quodam administrationis tantum*

*tenetur) jurisdictiones inferioribus jurejurando Principis confirmatæ, manent stabiles; nec quicquam fieri potest, quo perveniat ad earum diminutionem: Guido Papa quest. 275. lo. Imbert. instit. forens. lib. 1. c. quibus in locis quis convey. Car. Molin. in consuet. Parisiens. tit. de feud. §. 2. gloss. 4. num. 18. & in ditionibus patrimonialibus, quales sunt istæ Belgicæ, liberiores potestatem habet Princeps alienandi, disponendi atque etiam expropriandi, ut de Regno Aragoniæ & Majoricarum scribit Oldradus, cons. 94. incip. eleganter. & consil. 230. ut huius de quo queritur. ad eò quod possit Princeps pro arbitrio disponente, atque etiam expropriationem facere, nisi leges fori seu jucundi introitus, & stipulationes seu pactiones subditorum impediunt, quas in hac specie non solum refragari, sed eo amplius coadjuvare & confirmare hoc Ordinis privilegium arbitramur; idque eo magis, quod privilegium hoc non multum egrediat terminos juris communis, quo Imperatores in d. l. ult. Illustrum personarum crimina tam publica quam privata suæ cognitioni reservant; ita ut nec sacro cognitori contra hujusmodi viros, vel eorum substantias aliquid statuere liceat: & ne quas ante probationem injurias patiantur, in agitatione judicii sedendi licentiam consequuntur. Quod verò ad voluntatis & potestatis principalis rationem attinet,*

Rrrr      illud



illud imprimis jure definitum invenimus, nihil magis dignum maiestate regnantis, quàm legibus alligatum se Principem profiteri; *l. digna vox. C. de legibus.* & re vera majus esse imperio submittere legibus principatum: & præterea generalem Principis voluntatem de non obstantia privilegiorum, non extendi ad privilegium de non conveniendo, nisi coram certis iudicibus; maximè si privilegio sit additum, quod non debeat aliter cognosci. *Corneus conf. 35. num. 3. & 4. lib. 4.* Rursus cum jure societatis & confraternitatis collegium Ordinis colligatum sit, ipsius proceres ad graviora obsequia majore vinculo & nexu suo Principi jure illo confraternitatis obstringantur; non difficili negotio deprehenditur, collegium illud, & confraternitatem non stare in finibus privilegii, sed vim pacti & conventionis habere, & a bono publico fundamentum accipere, & pro Reipub. beneficio introductum jurejurando Principis confirmatum esse; ita quòd secundum juris terminos non debeat Comes ab hoc publico conventionis, fœderis & contractus beneficio excludi: nam contractus à jure gentium ducunt originem, & varietatem seu vicissitudinem non admittunt: *Lex hoc jure. de justit. & jur.* Ideoque etiam Princeps conventionis lege obligatur, *c. 1. de probat.* etiam si contrahat cum subditis; *c. Abbat. de re jud. in 6.* aded quod Franciscus

à Ripa, *respons. 181. num. 7. & seqq.* Decius, *conf. 43. & conf. 286.* Ludo. Gosadinus, *conf. 5. num. 11.* & Alciatus, *conf. 208. circa finem.* post multos alios asserant, Principem pactum non posse contravenire, etiam ex plenitudine potestatis; præsertim si ipse Princeps (quod hic est) voluerit concessionem esse perpetuam, irrevocabilem, & non mutabilem; & id maximè, quando ipsi Principi acquiritur aliquod jus fortius in suos vassallos, aut concessio diu vigorem habuit. *Lauren. Silva. conf. 98. num. 6. lib. 2.* Et hoc est quod in eleganti & valdè simili specie respondit Zasius, *conf. 1. num. 1. lib. 1.* & ante eum Baldus, in *authen. omnes peregrini. C. communia. de suc.* Quod si consuetudo feudorum diceret, quod Imperator non posset Duces privari, nisi prius per Pares Curie judicentur indigni, Imperator non potest constituere contrarium, nisi illa concessio tenderet ad eversionem imperii: *Matt. de Affli. decis. 392. num. 10. Felin. in c. 1. col. 2. in fin. de probat.* de qua re hic prolixius non disputamus, cum nihil adferatur de proposito revocandi privilegii, aut dissolutione Ordinis, agaturque apud Principem clementissimum, qui tanquam fons est justitiæ, & in quo nihil magis resulget quàm recta fides, & constans observatio pactorum & concessionum. Et hæc nobis videntur secundum ea quæ proponuntur: in quibus si uspiam nos labi vel errare contingit, id quorum-

quorumlibet rectius, sentientium  
iudicio & correctioni subji-  
cimus.

## CONSILIUM LXXXI.

## SUMMARIUM.

1. *Contractus non egrediuntur personas eorum in quibus constituuntur.*
2. *Res in statu suo durare præsumitur.*
3. *In mutuo non originem pecunia, sed cuius nomine numerata sit, spectamus.*
4. *Publicum instrumentum posteriori data prævalet scriptura privata, etiam anteriori data.*
5. *L. scripturæ. C. qui potiores in pignore.*
6. *Referenti non statur, nisi relatum proferatur.*
7. *Traditio in pignore de consuetudine est necessaria.*

**I**N causa arresti pro parte magnifici D. Hieronymi de Salamanca facti super duabus obligationibus, quarum una est ducentorum octuaginta quinque millium, altera triginta millium & centum florenorum per Illustrissimam dominam Gubernatricem & Præfectos Finantiarum promissorum Matthæo Biliotti, diversitas personarum sese arresto opponentium, & multiplicatio scripturarum & obligationum hinc inde productarum, quandam obscuritatem invehit, pro qua explicanda primò demonstrabimus jus & obligatio-

nem debiti arrestati in solius Biliotti persona fuisse radicatum, constitutam & limitatam; sic ut ex forma obligationis contractæ nihil juris Opponentibus possit competere: deinde digrediendo per singula, quæ ab Opponentibus deducuntur, demonstrabimus nihil in iis deprehendi aut inveniri, per quod aliquid juris realis ad prædictas obligationes Opponentibus acquisitum videri possit; sic ut sive principium, sive progressum, & exitum rei respiciamus, arrestum pro parte dicti Salamancæ factum in dictis obligationibus robur & firmitatem habere, atque asserto Opponentium juri prævalere debeat.

Et quod ad prioris articuli discussionem attinet, forma & tenor obligationum ostendit, eas in solius Biliotti persona contractas & constitutas esse absque aliqua mentione Opponentium, vel reservatione juris aliis ad dictas obligationes competentis; ita ut secundum juris communis regulas obligationes illæ in persona Biliotti sicuti, limitari, & concludi debeant. Nam obligationes & contractus non egrediuntur personas eorum, in quibus constituuntur, & ex numeratione ipsæ qui contraxit acquirit obligationem, & in stipulationibus verba, ex quibus obligatio oritur, inspicienda sunt, & ratò subintelligitur tempus vel condicio; persona verò nunquam, nisi expressa sit, *l. si ita stipulatus fuero.*

fuero. §. *Chrysegonus. de verb. obligat.* usque adeò, ut multis casibus dubitetur, an ad heredem contrahentis porrigatur conventio. l. 3. §. *cum Titio. & ibi Bart. de adm. leg. & in l. non solum. §. tale. de liber. legat.* Et hac ratione semper proclivius facilisq; est excludi personas, quàm casus: *Raph. Cuma. in l. commodissime. de lib. & post.* quod sine dubitatione in specie proposita admittendum videtur, propter concursum plurium circumstantiarum, manifestè significantium, substantiam obligationum cum Illustriss. Duce contractarum non solum ex verborum significatione, sed etiam ex mente & voluntate contrahentium ad Biliotti personam relata esse. Nam præter principalem conventionem, id indicant literæ securitatis, ab ipso Biliotto sollicitæ, obtentæ, & scientibus Opponentibus executæ, ex concessione & indulgentia suæ Majestatis, in quibus totum hoc debitum soli Biliotto adtribuitur, & creditoribus illius nexu pignoris assignatur, idq; postea ex longo intervallo, videlicet 18. Novemb. anno 61. Idem significant obligationes personales per Biliottum Opponentibus datæ, ex causa mutuo datæ pecuniæ, necnon promissiones & obligationes dandarum obligationum Statuum Flandriæ, Brabantia, Hollandiæ, &c. respectivè Paulo van Daele, 16. Octobr. anno 59. Galeotto Magalotti, 12. Decembr. anno 59. Joanni

Baptistæ delli Affettati, 13. Septemb. anno 53. & 23. Septemb. anno 59. Matthiæ Ortel, 6. Decembr. anno 60. & rursum 12. Septembr. anno 59. & Jacobo Jacomini, 13. Decembr. etiam anno 59. factæ & concessæ. Quibus rectè conjungitur litis institutio, prosecutio & condemnatio per dictum Matthiam Ortel obtenta, adversus Biliottum virtute personalis obligationis in Martio anno 61. posteaquam nomine Salamancæ ad executionem & prehentio-nem bonorum Biliotti procedi cœptum erat. Unde facillimum est animadvertere obligationem illam non solum ab initio in persona Biliotti contractam, verum etiam penes eum postea constitisse, remansisse, & adhuc esse, quam perseverationem obligationis apud eum consistentis ex sola formula & tenore initæ conventionis & initio contractus in illius persona posito lex præsumeret, etiam si neque securitas indulgentia, neque personalis obligatio cum Opponentibus postea contracta, neque ullæ aliæ circumstantiæ postea secutæ ad id concurrerent. Obligatio namque semel contracta & quælibet alia res præsumitur in statu suo durare, donec mutatio probetur.

Unde convenienter digrediendo ad posteriorem articulum, disquirendum est an ab Opponentibus aliquid prolatum inveniat, ex quo appareat obligationes illas ex priore natura sua emissas.

grasse, & à Biliotto ad Opponent-  
 tes simul vel eorum singulos  
 transiisse. Et quidem percurrenti  
 libellos supplices, protestationes  
 atque scripturas eorum, sæpius  
 occurrit confidens cessionis, trans-  
 lationis & hypothecæ allegatio.  
*in rescript. de 12. Maji anno 62. in pro-*  
*testatione Pauli van Dale & Matth. Or-*  
*tel, facta anno 62. Maji 2. in 8. art. Du-*  
*plica Ioannis Delli Affettati, & aliis locis*  
*quam plurimis.* Cæterum probatio-  
 nes (ex quibus lumen veritatis de-  
 tegitur, & spes victoriæ concipi  
 solet) penitus deficiunt: nam si-  
 ve omnia ab illis producta conjun-  
 gas, ut velut aciem quandam con-  
 stituant, si-ve singula per se ponde-  
 res, nihil planè invenietur satis fir-  
 mum & idoneum ad ostendendū,  
 vel ab initio, vel ex postfacto com-  
 municatas fuisse illas obligationes  
 Opponentibus, aut etiam jus ante-  
 rioris pignoris ad illas ipsis acqui-  
 situm fuisse in præjudicium arresti,  
 ad utilitatem dicti Salamancæ fa-  
 cti solenniter & per publicam au-  
 ctoritatem. Nam, ut ordine agatur  
 de singulis, nihil ad hanc rem suf-  
 fragatur Opponentibus epistola  
 domini de Grobbendonck facto-  
 ris Regii, & prolixa disputatio,  
 qua persuadere laborant, pecu-  
 niam Regiæ Majestati, seu Gubernat-  
 ricæ numeratam à se profectam  
 esse. Siquidem ut demum id ita esse,  
 nihilo secius in Biliotto (qui solus  
 nominatur à Regia Majestate &  
 Gubernatrice atque Præfectis Fi-  
 nantia, quique solus suo nomine

contrahit) dicetur contracta obli-  
 gatio, cum non unde originem  
 pecunia (quæ mutuo datur) ha-  
 beat, in huiusmodi obligationibus  
 requiratur; sed id solum, an is qui  
 contraxit, ut proprium numera-  
 vit, *l. non unde originem. C. si certum*  
*pet. & d. §. Chrysogonus.* sic quod sa-  
 tis sit Biliottum non curata origi-  
 ne pecuniæ, in sua persona & sibi  
 acquisisse obligationem, ipsaque  
 numeratio ejus nomine facta, &  
 obligatio in persona illius contra-  
 cta removeat omnem communi-  
 cationem ab Opponentibus præ-  
 tensam: idque eo facilius, quod ex  
 ordine & serie rei gestæ, imò ex  
 obligationibus ab ipsis Opponen-  
 tibus prolatis & superius rela-  
 tis, evidenter appareat Opponen-  
 tes numerando suam pecuniam  
 non hoc egisse, ut participarent in  
 obligationibus cum Gubernatrice  
 & Finantia per Biliottum contra-  
 ctis, sed ut fidem illius sequendo  
 eum eo irent in ereditum, acqui-  
 rerentque adversus eum persona-  
 lem obligationem, partim de red-  
 denda pecunia, partim de præ-  
 standis Statuum literis & obliga-  
 tionibus, in quo maxima est diver-  
 sitas à communione vel jure asser-  
 to in dictis obligationibus initis  
 cum Gubernatrice & Finantia.  
 Nam separata sunt corpora, Sta-  
 tuum obligationes, ab obligatio-  
 nibus dominæ Gubernatricis, &  
 diversæ sunt causæ obligationum  
 contractarum: & præterea ipsa  
 illa promissio quam Biliottus fecit

Opponentibus de tradendis obligationibus Statuum, consistit in terminis meræ personalitatis, quæ neque ad dominii translationem, neque ad communicationem aut hypothecam constituendam est efficax: idque manifestius arbitramur, quàm ut necesse sit prolixiorem sermonem de eo instituere. Restat ut cessiones & transportus (quibus Opponentes causam suam juvare nituntur) retundamus, & enervemus eo ordine quo exhibetur. Et primò quod ad cessiones, transportus, regressus & reversiones attinet, de quibus non nisi privatum scriptum exhibetur absque testium vel tabellionis adhibitione, notissimi juris est inde nullum adminiculum intentioni Opponentium posse accedere in præjudiciũ arresti seu pignoris & hypothecæ dicti Salamancæ, de qua ex publico, eoque solenni scripto, atque etiam solenni adversariorum confessione luculenter constat; cum apertò jure constitutum sit in l. *scripturas. C. qui potiores. in pig. hab.* creditores habentes instrumentum publicum etiam tempore posterius præferri habentibus scripturam privatam, debitoris tempore priorem, nisi ea habeat trium virorum subscriptiones; ea ratione, quòd scriptura privata non faciat idem de tempore in præjudicium aliorum, cum aliter in potestate debitoris esset, posteriorem anteriori præponere. *Bart. in d. l. scripturas. Pan. in c. 2. col. 3. de fide instr.*

Nam in hujusmodi scripturis privatis facilis est præventio & gratificatio, si illis stetur, ut scribit Anchorano, *conf. 28.* qui supradictam juris constitutionem tanquam favorem & fraudibus excludendis idoneam dicit procedere, etiamli procurator eam scripturam privatam confecerit, & appareat anterius mandatum de ea re conficienda ex publica scriptura; ne detur materia conficienti privatam scripturam ponendi tempus, antequàm ea secundum veritatem conficeretur, *Bald. in d. l. scripturas.* néve sit in potestate debitoris prælata die tollere jus creditoris, de quo etiam extrinsecus in proposito casu magna est verisimilitudo & probabilitas, propter abundantem obligationum & cessionum privatarum multiplicationem: & quia ipsæ obligationes & cessiones inter se collatæ non satis sunt consentaneæ; ac rursus, quia præcedens personalis obligatio ex mutuo promissioque tradendarum literarum Statuum, cum infecura impetratione & executione securitatis, cum hypotheca istarum obligationum facta ad utilitatem creditorum ex persona Biliotti: nec non intentatio persecutioque personalis judicii per Matthiam Ortel facta, ex intervallo omnem fidem & verisimilitudinem privatis illis cessionibus & transportibus derogant; ita ut dictus Salamancæ planè securus videatur adversus privata illa scripta,



scripta, quæ extrinsecus tot rationibus debilitantur & confutantur; cum lex etiam nullis particularibus circumstantiis concurrentibus generaliter voluerit privatæ scripturæ de tempore fidem non haberi in præjudicium alterius quàm scribentis: *l. quadam. §. nummularios. de edend. usque adeo ut privata hujusmodi scriptura, quamvis anterior, non noceat etiam ei qui donationis titulum ex publico scripto præterit: Castr. consil. 337. si prima duo statuta. lib. 2. latissimè Andr. Tirag. de retract. conven. §. 1. gloss. 7. num. 43. cum seq. & ut privatæ illæ scripturæ nihil faciunt pro intentione Opponentium ad constitutionem juris realis; ita nec instrumenta notariorum prolata ad eam inducendum sufficiunt. Nam primò transportus factus per Galiottum Magalottum, anno 1560. 18. Maji. non contingit substantiam obligationum arresto subjectarum, & sit tantum de privata quadam scriptura, quam ipsi prius acceperant à Paulo van Daele, quæ fidem non meretur ad utilitatem ipsius Pauli, in sustinendo illo transportu, cum non agatur in illo de transferenda vel communicanda obligatione Illustrissimæ Gubernatricis, sed tantum de reddenda restituendaque privata scriptura, & annotatione manu & arbitrio Pauli van Daele facta, quæ ipsa non profertur nec invenitur; sic ut perinde haberi debeat ac si non esset, cum referenti non*

stetur nisi relatum, cujus memoria in secundo facta est, proferatur. *Authen. si quis in aliquo. C. de edendo.* Et præterea, etiam prolata privata illa annotatio nihil urgeret Salamancam, nec debilitaret arrestum ab eo positum ea ratione, quòd Paulus van Daele privato suo scripto obligationem Biliotto acquisitam non potuit diminueri, non accedente illius consensu, qui non invenitur. Siquidem nihil à Biliotto factum invenitur in gratiam vel respectu Magalotti, nisi quòd producta sit privata quædam scriptura Biliotti in data 12. Decembris anno 59. qua confessus videtur debitum viginti sex millium tredecim stuferorum cum una quinta, addita promissione & obligatione de dandis obligationibus Statuum Brabantiae, Flandriae, Hollandiae, &c. in solutum; cujus scripturæ, quoniam privata est, nulla haberi debet consideratio; & si lubeat aliquam illius rationem habere, perspicuum erit eam pugnare cum annotatione Pauli van Dale, quæ in asserto transportu commemorata est. Nam cum Biliottus ex proprio scripto ad aliud non teneretur quàm ad literas Statuum in solutum dandas, nullo jure debuit, aut potuit Paulus van Daele emittere actam, qua communicaretur Magalotto principalis obligatio Gubernatricis in Biliotto radicata, defixa, & ossibus ejus inseparabiliter coherens. Nec caret vehementi suspitione fraudis,

fraudis, quod Paulus van Daele sua auctoritate, nec legitimè probato consensu Biliotti, & contra formam obligationis, qua Biliottus Magalotto tenebatur, actam illam communicatoriam conscripsit, quam postea per machinationem dicti transportus ad se vertit, & revocavit: eaque fraudis & malæ machinationis præsumptio inde sit illustrior, quòd illa ipsa acta, de qua transferenda agitur, in dicto transportu non sit exhibita. Et quemadmodum transportus ille in persona Magalotti conceptus, ad utilitatem Pauli van Daele respectu Salamancæ & ad debilitandum arrestum prorsus haberi debuit inutilis, ita quoque viribus destitui videtur alius transportus coram Petro van Gheele anno 62. 14. Martii initus ad utilitatem Joannis Baptistæ delli Affettati: cum privata confessione & scriptura Matthiæ van Ortel, & si quæ alia sint similia. Siquidem cum confessio illa Matthiæ van Ortel die 17. Octobris cum obligatione Biliotti, sequenti die infecta, planè privata sit, nullam vim habere potest in præjudicium Salamancæ prætorium pignus ex publica auctoritate prætendentis: *d. l. scripturas.* assertus verò transportus nulla legitima causa communitur, & præterea non continet causam pignoris, sed veram, effectuale & irrevocabilem ipsius juris cessionem, quod diversum est, & contrarium pignori, in quo

se fundat, & persistit prædictus Joannes Baptista delli Affettati in duplica sua. Nec parum facit adversus Opponentem inconstans eorum variatio & vacillatio, eò quòd omnes simul juncti rescribendo 12. Maji anno 62. constanter asseruerunt sibi communicatam esse, & jure proprietatis competere obligationem Gubernatricis, & quod postea, præsertim pro parte delli Affettati causa pignoris fuerit proposita, in qua sola perseverat, & insistit. Item quòd in dicta rescriptione de 12. Maji sese omnes conjunxerint, & quòd 7 postea se separaverint, declarando ut in duplica delli Affettati factum est, quòd nolent communionem habere, aut permisceri. Nec est subtrahendum, quòd quamvis de jure ad pignoris constitutionem traditio non requiratur, de consuetudine tamen eam esse necessariam, nec intervenisse in dictis transportibus. Præterea, quòd propter directam actionem penes Biliottum remanentem, etiam stantibus cessionibus prædictis, nulla facta denunciatione rectè potuerit obligatio illa per Salamancam in causam judicati capi, & arresto subjici, ut consuluit Stephanus Bertrandus, *consil. 116. vol. 2.* Quibus postremo accedit, quòd etiam si jus aliquod fuisset legitimè acquisitum Opponentibus, id tamen remissum relaxatumque videretur, per hoc quòd ex auctoritate Regia in literis securitatis



securitatis obligationes Gubernatricis nominatim creditoribus afficiuntur, scientibus, tacentibus & permittentibus Opponentibus: quod ad efficacem obligationem etiam rei alienæ videtur sufficere. Salvo meliori iudicio omnium rectius sentientium.

## CONSILIUM LXXXII.

## SUMMARIUM.

*Prætorii pignoris vi & natura declaratur.*

CUM Salamanca nitatur publica auctoritate iudicati, seu decreti de satisfadão, 1561. 20. Maji. cujus perita fuit executio, 1561. 22. Maji. & obtenta, satellitibus, seu executoribus in domum ac bona Matthæi missis, Matthæo ob hujusmodi missionem literas receptorum in manibus actoris existentes, & ulterius generaliter omnia bona sua obligante, 1561. 23. Maji. nihil dubitandum est, quin actor nitatur non tantum publico instrumento præstitæ cautionis in causam prætorii pignoris, sed etiam auctoritate publica iudicati, ita ut de jure prælationis nihil dubitandum videatur, cum quoad prælationem constituendam nihil referat, *l. si & jure. Qui pot. in pig. l. 2. & 3. C. eod. titul.* cujus generis pignus constitutum sit, conventionale ex conventionione partium, judiciale in causam judi-

cati ex diffinitiva sententia, an prætorium ob contumaciam ex interlocutoria sententia per immissionem in bona; Ripa ad Rub. C. de pig. num. 3. Corneus conf. 282. circa primum. num. 22. vol. 1. Roder. Sures in l. post rem judicatam. sub finem. §. ulterius. nota quod ubicunque de re jud. sic quod in proposito videatur esse commixtio prætorii & conventionalis pignoris: Prætorii quidem ex ipso decreto & immissione; conventionalis ex obligatione bonorum speciali ac generali pro relaxanda missione. Verum quidem est inter plures prætorium pignus habentes prioritatem temporis nihil efficere, cum concurrentibus pluribus in eo genere pignoris par sit omnium conditio quoad concursum in tempore: *l. si finita. §. si plures. §. si ante de dam. infect. l. si is cui. §. qui prior. ut in possess. legat. l. ult. C. de bo. auth. jud. possid.* sed in comparatione aliorum alterius generis pignus prætendentiū, temporis ratio servanda est, ut prætorium pignus antèrius habens, præferatur conventum pignus posterius habenti. *d. l. 3. C. Qui pot. in pig.* Unde nihil dubitandum est, in subiecto casu dispositionem, *l. scripturas.* locum habere; quia actor hic nititur plus quam publico instrumento, hoc est sententia, quæ notorium facit, & cautione publica; ita ut à ratione legis arguendo præsumptio juris, quæ adversus privatas scripturas inducitur, in constituenda prioritatem

SSss tempo-

temporis in proposito casu magis stare debeat pro hoc mixto ejus pignore adversus privatas scripturas reorum, quibus in præjudicium publicorum instrumentorum, aut quæ eorum loco sunt, fides adhiberi non debet; cum publica privatorum fidei derogent, & privata invalida efficiant, non tantum invaliditate probationis, sed etiam, ut ait Baldus, *cons. 158. ad intelligentiam. nu. 4. vol. 1.* Invaliditate essentiali, quasi privata scriptura omni exceptione major non sit, propter collusionis, & falsitatis committendæ facultatem. Quid enim facilius quam prælata vel repetita die per hysteron proteron inter privatos scribi ante annum esse gestum, quod hodie agitur: *l. si creditor colludens. C. ad l. Cor. de fals. l. Seja mancip. Ad Vellejan. Bald. cons. 149. Proponitur quod ex causa. vol. 1. Liur. Calc. cons. 29. Christi igitur. nu. 13. Soc. cons. 274. in causa domina Lyfa. num. 3. vol. 2. Castr. cons. 134. in causa ser. Ludovic. vol. 1. Prasfes cons. 118. duo erant creditores. Laure Tiraq. de retract. conven. §. 1. gloss. 7. num. 43. & seqq. atque ita cum actor præsumptionem juris pro se habeat, obtinere & prævalere debet. Didac. Couyat. practica. quest. c. 22. num. 6.*

Nec adversatur intentioni actoris aliqua fragilitas prætorii pignoris, quasi id habens non possideat. *l. si cui. in pr. & §. si plures. & §. missus. ut in possess. legat.* Nam id verum est ad plenam possessionem, ut pro possessore habeatur;

sed tamen dicitur in possessione ac rei detentione esse, & pignus habere, ut aperto jure cautum est; *l. filiusfam. §. divi Severus. vers. iidem Principes. de leg. 1.* Ita quod per immisionem ex causa pignoris prætorii, res, immisionem passi, afficiantur, & vis immisionis transeat contra tertium etiam possessorem, *l. ultim. C. de prato. pignor. Ang. in §. item si quis in fraudem. inst. de act. Francisc. Marc. decus. 194. queritur an missus.* ut satis sit ad realem immisionem perventum esse. *l. non est mirum. de pign. act. c. cum aliquib. de re jud. Steph. Bertrand. cons. 159. dudum anno. vol. 7. par. x.* Atque ideò missus propria auctoritate possessionem ingredi potest sine alio iudicio, aut libello; quia, ut inquit Baldus, *cons. 383. missiōem passus. vol. 5. num. 3.* est executivum juris realis, liquidi, & veri; *l. 3. C. de pig. l. qui ratiario. ff. de pig. act.* usque adeò ut pignus prætorium, pignori quoque obligari possit, quia est in bonis nostris tanquam pignus, licet alienandi facultas libera non sit. Bald. *cons. 341. Proposito statuto. num. 3. vol. 5.* Proinde quod de reali occupatione hujus nominis controversi, item de inventarii confectiōe proponitur, non videtur hic esse attendendum, propter vim ac potestatem missionis diffundentis se per omnia Biliotorum bona, atque ita per actiones & nomina; quæ quia loco non clauduntur, alioqui realiter possideri & apprehendi nequeunt, sed tantum juris intellectu, ac interpretatione,

pretatione, *l. possideri. de acqui. possess.* de quo minus hic dubitandum propter commixtionem, & conjunctionem prætorii & conventionalis pignoris, quorum concursus jure permissus est, cum unum venit in auxilium alterius. *l. fundus. C. de ac. legat. Bald. d. consil. 341.*

Nec eorum conditionem meliorem facit realis acquisitio, seu possessio ipsorum nominum, de quibus controversatur. Nam dispositio *l. scripturas*, non tantum obtinet in contentione plurium contententium, ad pignoris possessionem per hypothecariam actionem consequendum, verum etiam uno creditore ad possessionem contentente adversus quemcunque alium pignoris possessorem causam & titulum suæ possessionis ex privata scriptura, aut actu inter privatos gesto prætexentem, sive is sit donatarius, sive emptor, ut eleganter ex Sotino, Castrensi, Ripa & aliis deducit Tiraquellus, *de retract. conven. §. 1. gloss. 7. num. 44. & seqq.* volens quod *d. l. scripturas* dispositio obtineat in omnibus casibus, in quibus temporis data movet controversiam, aut ubi subest consideratio aut occasio præjudicandi tertio.

SED nec illud obstat potest actori, quod Antverpiæ instrumenta etiam ad exemplum quarantigæ habeant executionem paratam: quo casu respondit Sotinus *conf. 240. circa presentem. vol. 2. pri-*

vatam scripturam, anteriorem datam habentem, præferri posteriori publico instrumento. Nam eam sententiam eleganter reprobabat Ripa, *in l. privilegia. num. 24. de privile. credit.* quem in eo etiam sequitur Tiraquellus, *d. gloss. 7. nu. 57. Didacus d. cap. 22.* quasi statuti sententia ea tantum sit, quod vis paratæ executionis duntaxat dirigenda & effectuada sit adversus ipsum scribentem debitorem, non contra tertium. *Bald. in l. si. C. si advers. cred.* Sive igitur rei dicant se jure dominii, sive jure pignoris habere hæc nomina, semper obstat eis proprii tituli in probatione fragilitas, & effectus publicæ auctoritatis ac instrumenti, dum sola privata debitoris syngrapha nituntur, & neque publico instrumento, neque testibus, de antecedenti traditione Billiorti, aut vera possessione controversorum nominum probare possunt, nullatenus suffragante instrumento, quo incidenter & per verba enuntiativa de hac possessione mentio facta invenitur. Nam manifesti juris est, enuntiativa verba nec inter eos, à quibus res gesta est, & qui partes fuerunt, fidem facere, *l. optimam. C. de contrah. & committ. stipul. Ruin. conf. 197. num. 25. vol. 1.* & multò minus inter extraneos, quando (ut est in proposito) principaliter super veritate enuntiatum est contentio, atque ea est enuntiatum natura, ut appareat tempore confecti instrumenti, coram nota-

tario & testibus non intervenisse.

1. *C. de fide instrum. lib. x. Bart. & alii in l. sciendum. ff. de verb. obligat.* Quibus postremo addi potest, solam detentionem aut possessionem nominum, etiam si legitime probata esset, non posse sufficere ad inducendam probationem, vel presumptionem anterioris pignoris, si non probetur aliunde quam per privatam scripturam etiam antecedens pignoris conventio & constitutio, sine qua nuda & simplex traditio, possessio, aut detentio rei nihil operatur, nec impedimento est hypothecis, aut pignoribus aliis quocunque modo constitutis.

## CONSILIUM LXXXIII.

## SUMMARIUM.

1. *Malam fidem inducit sollicitare, & ultero se ingerere administrationi.*
2. *Testamenti executio vim alienandi non tribuit.*
3. *Tutores, Procuratores, &c. constituens certas personas eligit, qua jus substituendi non habent, nisi ex speciali mandato.*
4. *Dolus est ab illo emere quem quis scit, aut scire debet jus alienandi non habere.*
5. *Doli presumptionem auget, si quis à semetipso per interpositam personam sibi acquirat.*
6. *Malam fidem inducunt, denunciatio, instrumenta, fama & vicinitas.*

7. *Relatum inest Referenti.*

8. *Malam fidem inducit judicialis conventio.*

9. *Mala fidei possessor fructus omnes & nonnunquam usuras etiam restituit.*

10. *Mala fidei possessor expensas necessarias tantum repetit aut tollit.*

11. *Mala fides auctoris ad successores transit.*

12. *Bona fidei possessor ex fructibus perceptis, praesumitur locupletior factus.*

13. *Bona fidei possessor expensas necessarias ac utiles, non etiam voluptarias repetit.*

14. *Expensarum cum fructibus moderata fit aestimatio & compensatio.*

15. *Meliorationes à pupillis & minoribus, non repetuntur, nisi realiter iis profuerint.*

UT distinctius perfectiusque latissime patentem, & variis locis errantem materiam liquidationis fructuum & meliorationum, quatenus praesenti negotio satis est, complectamur, operæpretium videtur capita litium distinguere, ac seorsum cujusque tractationem ex ordine proponere, ne dum ad lucem & liquidationem contendimus in materia varias juris ambiguitates, tractatus, longosque recessus habente, vel personarum confusio, vel rerum diversarum permixta tractatio majorem obscuritatem atque caliginem rectis judicantium oculis objiciat.

PRIMO.

PRIMò itaque arripiendo causam quam habent originales Impetrantes contra hæredes quondam Adami Boelaert, quæ majoris est momenti, & majorem disquisitionem desiderat, ante omnia dispiciemus, an dicti hæredes ac eorum auctores, à quibus successivè per manus hortum & domum de quibus agitur, acceperunt, bonæ fidei an malæ fidei censeri debeant. Deinde jacto illo fundamento quid de fructuum restitutione & modo, item de impensarum & meliorationum deductione, compensatione aut solutione statui debeat, sigillatim decidemus. Postremò vero pervenimus ad alteram causam quam habent Impetrantes contra Adrianum Tack ejusq; consortes pro domo Antverpię constituta in triangulo, quam servato eodem ordine & propositis iisdem capitibus & præcedentibus non erit difficile resolvere.

Quo ad ad primi capitis tractationem attinet, in quo de bona fide eiq; contraria mala fide quæritur, inspiciendo originem, seriem atque progressum rei gestæ deprehēdimus Gerardum Bruynsells (per cujus solius machinationem omnium rerum, de quibus agitur, venditiones factæ sunt) non solum se obtulisse & ingessisse administrationi rerum ad Impetrantes tunc pupillos & minores pertinentium, verumetiam substitutionē ac commissionē quam ab

Erasmo Schets obtinuit, suasisse, & sollicitasse blandimētis promissæ indemnitate & securitatis impetrasse atque extorsisse: *ut patet ex literis substitutionis dicti Bruynsells.* quod per se satis est ad concipiendam adversus eum malam opinionem & suspensionem fraudis. *l. quæ omnia. §. 1. ff. de procur. l. 1. §. sapē. ff. depositi. Panorm. in c. bona fides deposti.* Præterea examinando vim & potestatem substitutionis seu commissionis obtentæ, eamq; conferendo cum testamento seu ultima voluntate Joannis de Bruyne, ex quo dependet facultas Erasmi Schets, & ad cujus limites potestas substituti limitari & restringi debet, haud obscure intelligitur, substitutionem seu commissionem Bruynsells datam planè fuisse inefficacem & inutilem, nihilque in vim illius rectè geri, administrari aut explicari potuisse; præsertim in actibus ad alienationem pertinentibus. Nam si diligenter percurramus omnia testamenti capita, nihil in eo inveniemus, quod alienandi potestatem ipsi Erasmo Schets attribuat: sola enim testamenti, & in eo dispositorum executio illi cum executoribus permittitur, cum facultate recipiendi & exigendi debita domus mortuaria tam in judicio quàm extra judiciū, quod ad alienandi actum produci nequit. Et generalis clausula quæ subjicitur, De omnibus aliis gerendis & administrandis, quæ boni executores, & c. potesta-

tem prius attributam nō ampliāt. Nam ea generalitas & ex juris dispositione, & ex clausula relativa in prædictis quæ testamento adscripta est, restringitur ad æqualia expressis, neque potest ad alienationem aut alia graviora produci & extendi, *c. qui ad agendum. de procur. in 6.* sic ut alienandi facultas ipsi Erasino Schets non attributa, ab eo in Gerardū Bruynsells transfundi non potuerit. *l. nemo plus juris. ff. de reg. 3.* Et ut demus propter generalem appellationem executorum & tutorum seu Manbur-norum in testamento factam, plus juris Schetz ejusque collegis competiisse, id tamen merè personale est, & ad fidem atque industriam executorum ac tutorum inibi expressorum referre oportet, denegata omni facultate substituendi alios præterquam ad lites & exactiones debitorum, quibus facultas substituendi in illo testamento attributa & accommodata est, his verbis: **Ende voorts op de costen ende laste van heuren goeden in rechten/ ende daer buyten/ alsoo wel heffschende als verweerende/ te compareren/ te ageren ende te defenderen/ een oft meer Procureur oft Procureurs in haerlieden steden te stellen.** Quæ verba & ex propria sua significatione & ex natura & qualitate præcedentium concluduntur ambitu dictæ clausulæ, **Ende voorts/** cui immediate subjiuntur. Nec quicquam

aliud important aut operantur, quàm quod executores seu tutores dati, ad lites & prosecutiones etiam ante ingressum judicii, & litem contestatam vice sua procuratorem dare aut substituere possent, quod alioqui de jure eis prohibetur. *l. neque tutores. C. de procur.* Aded quod ex potestatis defectu planè corruant alienationes quas dictus Bruynsells machinatus est, nec solum ipse, sed & omnes qui cum eo contraxerunt, dolo, fraudi & malefidei censentur obnoxii: dolo namque & malefidei adscribitur, si quis ab eo quid comparet quem scit vel scire debet potestatem vendendi non habere, quod est in proposito: nam Carolus van Berge, atque alii cum quibus hæc alienatio celebrata est, viderunt dictum testamentum, substitutionem & commissionem, eamque semper penes se habuerunt, & in hoc judicio exhibuerunt. Unde defectum dictæ potestatis intellexerunt, vel (quod perinde est) intelligere debuerunt: *l. quod te in fi. & ibi doct. ff. si cert. petat. l. qui cum alio. ff. de regul. jur.* cum ea res ex juris dispositione dependeat, cujus ignoratio nō est tolerabilis. Aded quod malefidei probatio ex eo solo perficiatur, si quis rem minoris a non habente potestatem comparaverit. *l. 1. C. si quis ignor. rem minor. d. l. qui cum alio. l. sed et si pupillus. §. conditio. ff. de inst.* Nam quamvis ii qui cum aliis contrahunt alieno nomine quid vendentibus



tibus non debeant esse curiosi de conditione aut moribus, in potestatem tamen & formam mandati diligenter tenentur inquirere. *pulchre Anchoran. consil. 332. & Castr. in l. 1. ff. de exercitor.* Quod à dictis emptoribus aut penitus est prætermissum, aut quod est deterius, quamvis scirent ex munimentis exhibitis, potestatem illam Gerardo Bruynsells non competere, nihilominus participando fraudem scienter ad comparationem rerum ad minores pertinentium processerunt. Unde malefidei & admissæ fraudis major enascitur improbitas, quæ inde augetur & extenditur, quod ut ex multis conjecturis est verisimile Gerardus Bruynsells interposita tantum persona, & accommodato nomine Caroli van Berghes, sibi ipsi, à seipso bona minorum acquisierit, & quod mentito nomine & consensu Rochi van der Smisse ex falsis causis obreptitium decretum obrinuerit, vocando se cum dicto Rochi testamentarium curatorem. Et denique quod omnia prædicta ex instrumentis ipsis, & ex notitia & cohabitatione vicina nota fuerint, non solum primis emptoribus Carolo van Berge & Adriano Tack, verumetiam omnibus sequentibus emptoribus, quorum aliqui domum minorum inhabitaverunt, aliqui vicini fuerunt, statum & conditionem minorum plenè cognoscentes: Aliqui ut Adamus Boelaerts, etiam admoniti non solum per

commune famam, de qua attestatur Henricus van den Bossche, verumetiam in particulari denunciatione facta præcipitem avaritiam in comparando sistere non potuerunt, sic quod omnes etiam posteriores emptores malefidei fuisse videantur, tum quia successor malefidei possessoris etiam singularis succedit in vitium; *Anth. malefidei. C. de præse. 30. vel 40. anno.* tum quia ipsi per se intellexerunt & decretum esse obreptitium, & Gerardum Bruynsells neque testamentarium tutorem esse, neque facultatem aliquam vendendi habere: cujus rei ultra prædicta evidens argumentum constituit relatio in literis acquisitionis facta ad instrumenta primæ acquisitionis: nam in literis Guilielmi le Rustere hæc relatio expressim facta invenitur: **Gheschick ende in alle maniere hy erffghebere 't boozsz. Hups metten Hobe / Somerhups / wooninghe ende toebehoozten / den tweeden dagh Decembz anno xliij. tegen Geraert Bruynsells ende Rochus vander Smisse / als testamentelijcke Moniboorsz van Anna / Elisabeth / &c.** Quæ relatio eodem modo & ratione postea repetita est in literis acquisitionis Adami Boelaerts, his verbis: **Als sy verkregen hadden teghen haerle van Berghes Machiels Bone/nae inhouden der Schepenen hief daer aff ghemaecht zijnde.** Etenim



7 Etenim cum relatum censeatur inesse referenti; *l. asse toto. ff. de hered. inst.* & is qui cum alio contrahit, illius conditionem & potestatem investigare teneatur, præsertim si vendat aut alienet rem aliquam, non ut simpliciter suam, sed expressa per relationem causa, quæ demonstrat illam à minoribus processisse; *d. l. 1. C. si quis ignor. rem min.* dubium non est quin dictile Rustere & Boelaert verè malæfidei censei debeant, ob id quod, cum ex dicta relatione & traditis instrumentis, ad quæ relatio facta erat, intelligere, aut intelligere possent; res quas comparabant minorum esse, & Bruynsells præsumpta per eum facultate destitui, ab emptione non cessaverit. Etenim hoc casu contra interdicta legum intelligitur facta acquisitio, quam vitio malæfidei laborare, aperti juris est. *l. 1. C. de fide inst. & jur. bast. fiscal. lib. 10. l. quemadmodum. C. de agricol. & cens. lib. 11.* Et prædicta quod ad Adamum Boelaert ultimum Rei possessorem attinet, eò proclivius recipienda sunt, quod non solum ab initio causam bene opinandi non habuerit ac sciverit, vel scire potuerit, acquisitionem injustam esse, verum etiam quod sprete denuncia-  
 8 quod postea per conventionem iudicalem, antequam ipse quicquam ædificaret, in mala fide con-

stitutus fuerit: per quod dubium non est, malam fidem constitui, præsertim respectu meliorationum amittendarum, & restituendorum fructuum, quorum obligatio facillimè etiam absque ulla mora contrahitur, etiam ex sola alieni scientia undecumque accepta absque legitima denunciatione. *l. non est. & ibi Bald. C. fam. heretic. Carol. Ruin. consil. 55. num. 14. lib. 2.* Nec est prætermittendum, hæredes dicti Boelaert in repetendis meliorationibus uti adminiculo, & accessione priorum emptorum, qui scienter res minorum compararant, ob quod parem conditionem & fortunam cum illis sortiri debet: *l. vitia. C. de acquir. poss.* Ita ut multiplici ex capite in mala fide dicti emptores fuisse videantur, atque in hoc liquidationis iudicio, tam in fructuum restitutione quàm in meliorationum retentione, secundum regulas adversus malæfidei possessores constitutas metiri conveniat: id quod etiam huic amplissimo Senatui visum fuisse, hætenus testatur præjudicium sententiæ principalis, per quam Rei conventi annullatis emptionibus in omnibus litis expensis, severiter condemnati sunt.

His fundamentis jactis, progrediamur ad alia, ac de modo restituendorum fructuum, & deducendis seu compensandis meliorationibus videamus. Er paucis, quod ad fructuum restitutionem attinet, notissima juris est regula,

regula, malæfidei possessorem omnes fructus rei alienæ non solum quos percepit, verumetiam quos percipere potuit, sed culpa non percepit, vero domino quandoque rem suam evicerit, restituere debere: & malæfidei possessorem accipimus, non tantum furem vel prædonem, sed omnem omnino qui prudens & sciens rem alienam detinet. *d. l. si fundum. C. de rei vend. l. domum. C. eo.* Præterea tanta est legum indignatio adversus possessores malæfidei, ut plerumque non solum fructus ipsos perceptos vel percipiendos, verumetiam ipsorum fructuum usuras & interesse restitui jubeant, si videlicet agatur contra frustratorem aut valde morosum. *l. penult. ff. de vi & vi armat.*

**¶ 2** Ad quæ si metiamur merita præsentis negotii, palam erit dictos hæredes teneri indiscriminatum ad restitutionem omnium fructuum, saltem pro tempore, quo ipsi aut eorum auctor Adamus Boelaert, bona minorum tenuerunt: *l. Iulianus. in ff. de rei vend.* Impensarum verò & meliorationum quas prætendunt, cum nullæ inveniantur necessariò factæ, alia ratio haberi non poterit, quàm per abrasionem ab ædificio eo modo faciendam, ut in facie pristina, id est, quæ fuit ante venditionem, ædificium esse possit, *l. si sine. §. interposito. ff. de administr. tut. nisi Impetrantes*, quemadmodum offerunt, parati sint solvere æsti-

mationem rudis materiæ, & prout valerent rudera ab ædificio separata. *Bald. in c. 1. §. si vasallus. in fin. de lege Contra. & in c. 1. §. si quis de Manso. de controvers. investit. col. 5. Idem Bald. in l. in fundo. in 3. not. ff. de rei vendi. Paul. de Castrenf. consil. 326. col. pen. Car. Ruin. cons. 24. col. penult. vol. 1.* In qua re illud quoque animadvertendum est, quòd cum Rei conventi meliorationes etiam anterioris temporis repetant, quatenus scilicet Guilielmus le Rustere ædificavit, id non aliter admitendum esse, quàm si ipse Guilielmus, qui scienter rem minorum comparavit, repeteret, eodem scilicet modo quo de reis conventis diximus, per abrasionem scilicet vel æstimationem rudis materiæ: quæ ipsa æstimatio seu pretium materiæ compensari debet pro concurrentia cum fructibus ejus temporis quo Guilielmus le Rustere ipse possedit, ut expressio J. C. responso testatur est. *l. in hoc judicium. C. famul. hercisc.*

**DEINDE** ut disputandi gratia **13** admittamus reos conventos ac eorum auctores ab initio fuisse bonæfidei, aut saltem immunes ac excusabiles à mala fide (quod nequaquam admittendum est) adhuc tamen juris ratio inclinabit contra reos tam in restitutione fructuum quàm in deductione meliorationum suo tempore factarum, ob id quod Adamus Boelaert ab initio suæ possessionis, & antequam melioramenta faceret per

T t t t      judicium

judicalem conventionem, interpellationem & litis contestationem Antverpiæ factam, scientiam alieni & malam fidem acceperit, *l. certum. C. de rei vend.* ob quam omnium fructuum & accessionum restitutioni factus est obnoxius: neque enim sufficit hoc casu corpus ipsum restitui, sed opus est ut & causa rei restituatur, id est ut omne habeat petitor quod habiturus foret, si eo tempore quo judicium accipiebatur, homo illi restitutus fuisset. *l. præterea. ff. de rei vend.* Nam post litem contestatam omnes possessores pares fiunt; quique, priusquam interpellarentur, bonæ fidei erant, nunc mota controversia mala fide possidere incipiunt. Nec potest dicto Adamo Boelaert ejusve hæredibus suffragari, quod lis illa Antverpiæ inchoata, postea fortè intermissa fuerit. Nam cum hic solam scientiam rei alienæ spectemus, quæ vel simplici & extrajudiciali interpellatione, vel quolibet alio modo inducta est, verior est eorum sententia, qui, perempta lite semel instituta & longo post tempore revocata, fructus ex tempore primum contestatæ litis in restitutionem venire existimant, cum interpellatio semel facta præscriptionem interrumpat: *l. final. C. de præscript. 30. an.* Et secundum Pauli J. C. sententiam sufficiat semel intervenisse moram, ut perpetuè debeantur. *l. Titia. §. usurar. ff. de leg. 2.* Quibus accedit, quod mala fides,

quæ statim post primam interpellationem supervenit, taciturnitate petitoris aboleri non potest, & qui post litem contestatam mala fide possidere cœpit, petitoris silentio malæ fidei possessor esse non desinit: quæ res (quantum ad fructuum obligationem pertinet) expresso J. C. responso decisa videtur, in *l. fiscus. ff. de jur. fisc.* quo cum fiscus in questione falsi testamenti non obtinuisset, priusquam autem ea questio decideretur, alio nunciante bona postea vacare constitisset, Papinia respondit, fructus post primam litem absumi non oportuisse: nam licet lite mortua plerunque tollatur obligatio fidejussoris judicatum solvi, quæ ex futuro rei judicandæ eventu pendet, *l. cum lite mortua. ff. jud. sol.* mala fides tamen semel concepta durat in perpetuum.

**PRÆTEREA** ut plurimum 14  
reis conventis largiamur, & diuturniorem bonam fidem eis relinquamus, inde conditio eorum, neque in fructuum restitutione, neque in sumptuum deductione multum alleviari poterit. Etenim cum hic agatur non de fructibus industrialibus, de quibus variant interpretes, *Convar. varia. quest. lib. 1. c. 3.* an quatenus consumpti sunt restitui debeant, sed de domorum & horti pensionibus, quæ naturalibus comparantur, & eandem in restitutione determinationem & regulam sequuntur, *l. pradiorum. ff. de usur. l. mercedes. ff. de pet. hered.* quæ

quæ habet etiam bonæ fidei possessorem huiusmodi fructus restituere, quatenus percepti sunt, & in utilitatem ejus conversi, quod generaliter & in dubio præsumitur, nulla exacta probatione ab actore, quod possessor ex fructibus locupletior sit redditus: nam vice probationis est præsumptio, per quam in dubio creditur factus locupletior, quatenus fuerunt fructus percepti, quod ante alios voluit Accursus. *in d. l. utrum. ff. de petit. hered.* præsupponens, quod ex fructibus perceptis & consumptis dicatur quis factus locupletior, quando non apparet quod sint consumpti in malam partem: & illam Accursii sententiā pro valde notabili & singulari ponderat & sequitur Angel. *in d. l. utrum.* dicens notabilem istam doctrinam esse, quod ille ad quem pervenit res semper ex illa intelligatur factus locupletior, & proinde ut quis non condemnnetur in restitutione fructuum consumptorum, debet probare se consumpsisse in malam partem, Angel. *loco præalleg.* & istam glossæ opinionem & sententiam veriorē de jure & in iudiciis observandam annotarunt Angel. *in l. i. C. qui pro sua jurisd.* & Carolus Ruin. *conf. 29. in fi.* addita elegantia ratione, quoniam Non præsumitur quis consumpsisse & jactasse fructus quos putavit suos, *l. cum de indebito. de probat.* & præsumitur locupletatus, sic ut exigua dissimilitudo in hac parte, & quoad resti-

tutionem fructuum futura sit, *l. si defunctus. C. arbit. tut.* sive dictos hæredes malæ fidei constituamus, sive in bona fide relinquamus; nisi quod excusari possent beneficio bonæ fidei à restitutione percipiendorum, ob id quod malam consumptionem, ac ejus speciem non deduxerint neque probaverint.

15  
Et ut bonæ fidei consideratio in fructuum restitutione admodum prodesse non posset; ita nec in sumptuum repetitione aut meliorationum deductione vel compensatione, ob id quod quicquid à reis conventis ac eorum auctoribus in solo minorum extructum & ædificatum est, non ad necessitatem, neque perpetuam rei utilitatem pertineat, sed ad voluptatem & delectationem tantum, ut ipsa nominis seu rerum appellatio ostendit: nam domus extructa per Guilielmum le Rustere, & in literis acquisitionis & communi more domus æstiva, vulgariter **een Somerhuys** / nullumque alium usum præstat quam qui delectationi & expatiationibus est idoneus & subserviens, nec rei ipsius annuum valorem auget, inspecta communi utilitate & opinione hominum; eundemque usum & utilitatē præstare poterant priora ædificia à dictis emptoribus demolita, ut in actis manifestè probatum est depositionibus plurimorum testium, videlicet *Francisci Deghens, Hieronymi vanden Bossche,*

*M. Cornelij Vethens, & aliorum.* etiam à reis productorum, deponētium, *Franciscus de Drivere, Adrianus Spillemans, & alij.* incommodam vilemque esse habitationem eo loco propter pauperem & inhonestam viciniam: neq; ad rem facit quod nunc pluris elocetur dicta domus cum horto, quàm ante quindecim vel 20. annos: nam pretii augmentum & intensio provenit non ex structuris, sed ex ipsa temporis variatione, ut à multis testibus deponitur, & communi hominum suffragio corroboratur, colligiturque certissimè ex locatione duodecim domuncularum, quæ dicto horto adjacent, & quarum pretium post obsidionem Rossleman nullis planè factis meliorationibus excrevit ad duplum, quæ augmenti proportio & correspondentia non invenitur perfectè in locatione dictæ domus cum horto: nam cum ante multos annos nullis ædificiis noviter extructis valeret 36. florenis annuis, nunc communiter 60. florenos non egreditur: imò Franciscus de Dryven proprius reorum testis præfinitionem mercedis in quinquaginta aureis constituit; unde manifesta enascitur conjectura, novum ædificium Guilielmi le Rustere nihil facere ad perpetuam rei meliorationem, idemque juris statui debet in tectoriis, ambulatoriis, aliisque amœnitatum blandimentis per Adamum Boelaert superadditis: nam & ipsa rerum

natura ac qualitas eas est, ut non nisi ad delectationem referatur: cessatque omnis tum necessitatis, tum utilitatis cōsideratio propter immoderatum nec durabilem cultum, & quia vetera quæ demolita fuerunt, sat firma erant, nec necessariam refectionem desiderabam, eundemque usum & utilitatem exhibere poterant: sic ut in æstimatione utriusque structuræ infinita impensarum deductio & calculatio à reis facta rejicienda sit, ut puta ob tectoria, picturas & similia. *d. l. si sine. §. interposito.*

**DE NIQUE** quamvis aliqua utilitatis ratio in dictis structuris cōsiderari posset, admittendâ tamen non esset infinita & immoderata reorum æstimatio, in picturis, in vitreis fenestris, in parietibus magnificè extructis: licet enim in hoc magna erogatio facta sit, attamen moderata æstimatio facienda est, quia honestus modus servandus, non immoderato cujusque luxuria subsequenda est. *l. inter quos. inf. & l. ex damni. in princip. ff. de damn. infec.* Cumque difficilis sit meliorationum probatio, quæ tamen est necessaria & omnino fieri debet: *Castr. d. cons. 326. & Cuma. 102. in fi. Curt. junior cons. 165. col. 4. & Socin. junior 62. col. 2. vol. 2. & Ruin. cons. 157. col. 2. vol. 1.* non videmus quomodo reis conventis commodè consuli possit, quàm per compensationem cum fructibus æstimatione meliorationum redacta ad id quod est minimum: nam regula est hoc

est hoc casu tradita, neque veram rei meliorationem refundi debere, si illa excedat impensam, neque impensam ipsam, si maior sit quam rei utilitas: l. in fundo. ff. de rei vend. Castr. d. consil. 306. col. 3. Curt. junior consil. 144. col. fin. Et in omnem eventum & omni casu ex fructibus compensatio est admittenda, l. sumptus, & l. emptor. ff. de rei vend. etiam si agatur cum eo possessore qui nullis factis impensis fructus consumptos lucraretur, d. l. emptor. nisi agatur de eo qui jure fidei commissi vel temporalis domini rem possidet: gl. in l. emptor. in verb. supers. in si. Bald. Alex. Imol. & Angel. in l. insulam. §. 1. solut. matr. & prædicta firmiter subsistent in proposito, propterea quod agatur de restitutione pupillis seu minoribus facienda, à quibus nihil neque pretii, neque meliorationum nomine repeti potest, quam quod realiter appareat ipsis profuisse & in rem eorum versum esse.

## CONSILIUM LXXXIV.

## SUMMARIUM.

1. Qualitas semel posita in sequentibus actibus, perdurare intelligitur.
2. Actus gestus explicatus intelligitur, secundum qualitatem præcedentem.
3. Institor, Procurator, & similes, proprio nomine non tenentur.
4. Successionis & juris hereditarii consideratio cessat, ubi apparet de singulari titulo.
5. Statutum Antverpiense, quod Administratores bonorum defuncti oneribus hereditariis subicit, declaratum.
6. Actus agentium non operantur ultra eorum intentionem.
7. Officium suum nec Procuratori, nec Institori, nec alii cuiquam debes esse damnosum.
8. Ignorantia sustinet, ne damnum habeat is qui ignoranter post mortem mandantis quid executus est.
9. Institoris mandatum morte domini non expirat.
10. Possessio retinetur & transfertur ex inutili titulo.
11. Aditio hereditatis ex causa valida semel per unum facta impedit sequentem, ne acquirat, neve oneribus hereditariis subiciatur.
12. Statutum Antverpiense, de quo supra, est exorbitans.
13. Minoribus viginti quinque annis succurritur adversus quemcunque contractum, vel distractum, quocunque nomine censeatur.
14. Minoribus etiam in lucro succurritur.
15. Minoribus succurritur etiam adversus aditionem hereditatis, & alia qualitercunque gesta.
16. Minoribus subvenitur etiam post maiorem aetatem inter tempora præstituta.
17. Minore restituto in integrum non nocent qua medio tempore gessit, nisi dolus intervenerit.
18. Reputacionum rationi in restitutionis iudicio, non nisi in executionis locus est.

19. *Initium inspiciendum est, & non quod sequitur.*
20. *Minor quantumvis industrius à restitutione non excluditur, si latio probetur.*
21. *Lex prima, &c. qui & adversus quos in integrum restituantur, declarata.*
22. *Iuramentum minoris non facit eum sagacior.*

**I**N causa quæ indecisa pendet coram amplissimo Senatu Brabantiz, inter Roderigum de Veigas Impetrantem ex una, & Antonium le Moisine Intimatam partibus ex altera: duo se offerunt examinandi articuli, quibus totius controversiæ status continetur.

In priore illud excutiendum venit, an Impetrans post mortem Fabiani Rodrigues continuando administrationem & negotiationem, cui antea per dictum Fabianum præpositus fuerat de jure vel virtute statuti Antverpiensis sese subjecerit oneribus hæreditariis præfati Fabiani.

SECUNDO si sic, anne justum sit ei propter minorem ætatem & læsionem beneficio restitutionis subveniri.

PRO resolutione prioris articuli imprimis considerandum est, luculenter constare ex instrumento procurationis & præpositionis de data anni 1553. mensis Febr. 14. Impetrantem ad gerendas res Fabiani & continuandam illius negotiationem accessisse in qualitate

procuratoris & institoris, in qua qualitate quæcunque gessit tam in vita quam post mortem Fabiani, explicasse probatur non solum ex præsumptione quæ profluit ex causa & qualitate semel posita, l. *quedam mulier. de rei vend. l. 2. de acq. poss.* verum etiam ex eo quod in actibus per eum explicatis idem titulus & qualitas ubique ferè invenitur expressa & repetita: l. *si quis domum. §. 1. vers. quid tamen. in verb. si non quasi fructuarius declaraverit, sed quasi fundi dominus. ff. locati.* & denique quia ipse adversarius principalis in nono artic. suarum memoriarum hujus instantiæ confitetur Impetrantem, virtute mandati seu procuratorii cum libera gestionem & administrationem suam etiam post mortem Fabiani continuasse, his verbis: **Onder 't dexele van schere procura- tie/ &c. hem by den voozschyben wijlen Fabiaen gegeven/** &c. quod in magna animadversione est habendum. Nam cum inde manifestum sit, Impetrantem in qualitate institoris semper constituisse, nulla est ratio cur ipse oneribus hæreditariis subijci aut proprio nomine ex præhabita gestione teneri vel conveniri possit aut debeat: etenim semper attenditur qualitas in qua actus geritur, & secundum illius naturam effectus explicati actus accipi & metiri debet: d. *vers. quid tamen.* natura autem procurationis ac qualitatis institoris ea est, quod admini-  
strator



Arator ex iis quæ in ea qualitate  
 gessit aut contraxit, proprio no-  
 mine non obligetur, *l. si. de instit.  
 act.* ne cuiquam suum officium sit  
 damnosum: *c. cum non deceat. de*  
 3 *elect. in 6.* & præterea ubicunque  
 constat de singulari titulo gestio-  
 nis, nulla potest esse consideratio  
 successionis aut juris hæreditarii  
 propter titulorum repugnantiam  
 4 & diversitatem, usque adeò quòd  
 filius qui titulum particularem ha-  
 bebat apprehendendi bona pater-  
 na, atque etiam patri hæres esse  
 poterat, censeatur potius ex titulo  
 singulari quàm universalis ea ap-  
 prehendisse. *Castrens. consil. 351. pro*  
*fundamento. num. 4. parte 1.* Quod  
 accommodando rei propositæ,  
 rectè dici potest, Impetrantem  
 quem constat ex instrumèto man-  
 dari atque ipsius adversarii confes-  
 sione ac velut per rei evidentiam  
 procuratoris ac institoris perso-  
 nam sustinuisse, nullatenus oneri-  
 bus hæreditariis obnoxium aut à  
 creditoribus hæreditariis ex sta-  
 tuto illo conveniri aut inquietari  
 posse propter negotiationem &  
 gestionem in qualitate institoris  
 habitam. Nam consuetudo seu  
 statutum ad exemplum hæredita-  
 tis aditæ eos duntaxat constringit,  
 5 qui generaliter titulo successionis  
 aut ob lucrum quod superstiri  
 conjugum ex consuetudine defer-  
 tur, vel alia simili universali causa  
 accipiunt & continuant admini-  
 strationem omnium bonorum  
 defuncti. *arg. l. pro hærede. de acquir.*

*hæred.* Ad eos autem qui ex man-  
 dari vel alia simili particulari cau-  
 sa bona defuncti tractant, statu-  
 tum illud nihil pertinet, ne si ex-  
 tendatur ad ejusmodi casus statu-  
 tum, quod per se est exorbitans,  
 subvertantur fundamenta juris &  
 æquitatis, quæ induxit actus agen-  
 tium non operari ultra eorum in-  
 tentionem, *l. non omnis. l. si pecuniam.*  
*si cert. petat.* neque officium suum 6  
 alicui damnosum esse debere, *d. c.*  
*cum non deceat.* & nominatim pro-  
 curatores & institores, quorum 7  
 usus pro expediendis negotiis &  
 commerciis perquam necessarius  
 est, *l. i. de procurat.* ex iis quæ ratio-  
 nis officii contraxerunt, aut aliter  
 gesserunt, non obligari proprio  
 nomine. *d. l. fin. de instit. act.* Et  
 certè abundè multum operatur  
 statutum illud ac magnarum est  
 virium, si illud ei tribuatur, quod  
 in dubio, quando non constat de  
 alia causa apprehensionis, quo sibi  
 occupatores, etiam extraneos,  
 bonorum defuncti oneribus hæ-  
 reditariis subjiciet, quod de jure  
 communi non fuit inductum, nisi  
 in persona quæ posset esse hæres, &  
 quæ nec ex conjecturis aut præ-  
 sumptionibus aliam qualitatem  
 aut causam apprehensionis potest  
 prætexere. *§. item extraneus. & qua*  
*ibi not. Instit. de hæ. qual. & latè in d.*  
*l. pro hærede. & in l. gerit. de acquir.*  
*hæred.*

NE QUE refragatur Impetranti  
 ea objectio quod de expiratione  
 ne mandati per mortem Fabiani  
 obicitur

objicitur : nam cum ignoraverit mortem Fabiani, donec ab hærede & novo domino mandatum acciperet (uti præsumitur propter locorum intercapedinem & viarum discrimina, donec adversarius aliud probaverit) iusta & probabilis ignorantia id quod gestum

- 8 est sustinet, ne aliquod damnum habeat is qui ignoranter post mortem mandantis quid executus est. §. *reñte. Instit. de mandato*. Id quod in specie proposita dubitationem non habet, ubi ea quæ gesta sunt, antiquiorem causam habent, & sunt reliquæ prioris gestionis, ac innuntur qualitati institutoræ, in qua propter promiscuum usum commerciorum ex speciali æquitate receptum est, mandatum, etiam cognita morte domini, non expirare. *tex. singular. in l. si quis mancipiu. §. si impubes. de instit. act.*

- 9 Cui accedit quod etiam si verè finitum fuisset mandatum, existimasset tamen Impetrans se propter reliquias gestionis aut virtute dicti mandati administrationem retinuisse. id sufficeret ad evadendum juris communis ac etiam statutique laqueos : nam & ex inutili titulo retinetur ac transfertur possessio & administratio, *l. 1. §. si vir uxori. de acquir. possess.* & nominatim in hæreditatis apprehensione constitutum invenitur, eum qui ex alia probabili causa quàm successione res hæreditarias tractavit, licet causa efficaciter non subsistat, ad onera hæreditaria non

teneri. *d. l. pro hæred. & ibi dd. de acq. hæred.*

Eoque magis Impetrans à vinculo dicti statuti & oneribus domus mortuariæ indemnis & immunis servari debet, quod ex publico instrumento de data anno 1554. mensis Aug. 20. signato F. constet alium fuisse hæredem ex testamento, atque hæreditatem ab eo agnitam, aditam & apprehensam : ita quod impossibile fuerit Impetrantem ab intestato succedere, cum causa testamēti perimat causam intestati : *l. quandiu. de acq. hæred.* & aditio apprehensioque bonorum ex causa valida semel per unum facta efficit, ut bona illa incipiant esse apprehensoris; ita quod si quis deinceps illis se immisceat, nec de jure nec de consuetudine oneribus hæreditariis astringatur, quæ ex priore aditione in persona primi apprehensoris sic sunt radicata, ut inde avelli nullo modo possint. *arg. l. post aditam. C. de imp. & aliis subsist.* Quæ res inde quoque confirmationem accipit, quod ex rationibus per Impetrantem redditis & sententia pro eo lata, & sub litera E. exhibita, necnon ex protestationibus ac declarationibus per eum multoties factis & scripto comprehensis & productis sub litera H. post cognitam mortem Fabiani, & post aditam hæreditatem ab aliis, necnon acceptum novum mandatum clarissimè appareat, eum omnia alieno nomine, nec quicquam ex propria

propria sua persona gessisse, ac omnia rectè, sincerè & bona fide explicasse. Quæ quidem bonæ fidei ratio, atque adeo ipsius rei æquitas non patitur Impetrantem, adolescentem peregrinum, & tam exorbitantis statuti verosimiliter ignatum, indebitè & propter officium præstitum, ex quo magnum in propriis rebus damnum accepit, ad eam acerbiter vocari, ut etiam gravissimum æs alienum in hæreditate Fabiani repertū agnoscere, & in se suscipere debeat, præsertim cum constet alium hæredem fuisse & adhuc esse, qui nondum neque conventus neque excussus est. & hæc de primo capite.

Nunc transgrediendo ad secundum articulum, rectè dici potest, quod si fortè Impetrans secundum prædicta ipso jure à vinculo dicti statuti non eximeretur, æquum tamen esse illi beneficio minoris ætatis atque ex aliis æquitatis circumstantiis, quæ multæ concurrunt, restitutionem indulgeri: etenim lætis minoribus viginti quinque annis generaliter succurritur adversus quemcunque contractum vel distractum quocunque nomine censeatur: *l. ait Prator, per tot. de minoribus.* Verbum enim gestum, quo usus est prætor in suo edicto, sic accipitur, qualiter qualiter, sive contractum sit, sive quid aliud contigerit, *d. l. ait prætor, in princ.* neque solum si rem amiserunt, sed etiam si lucrum asse-

cuti non sunt: quia certi juris est etiam in lucro minoribus auxilium dari. *d. l. ait Prator in fi. cum l. seq. l. 3. §. si quid minori. de minoribus.* Itaque restituuntur adversus venditionem, *l. 1. 2. C. adversus vend. divisionem & transactionem, C. si advers. transact. rem judicatam, C. si advers. rem jud. & c.* & nominatim adversus apprehensionem & additionem hæreditatis minoribus subveniri: Imperatores Severus & Antoninus in *l. 1. C. si minor. ab hered. se abstin. rescripserunt in hac verba: Si vos paterna hæreditati non immiscuistis, ob eam rem testificatio necessaria non fuit, tunc fides veritatis verborum adminicula non desideret: quod si pro herede gessistis vel bonorum possessionem accepistis, propter artem, cui subveniri solet, in integrum restitutionis auxilium accipere debetis.* Id quod confirmatur expresso Jureconsulti responso, in *d. l. ait Prator. §. Sed si hæreditatem.* Ubi expressè disponitur, subveniri minori per restitutionem in integrum, ut si minus lucrosam hæreditatem adierit, possit ipse se ab ea abstinere: nam & hunc fuisse deceptum certum est, atque idem juris in bonorum possessione, successionēve alia statuitur, usque adeo ut ex sola additione in dubio præsumatur minoris læsio: *gloss. in d. §. sed si hæreditatem.* sic quod justissimum videatur restitutionem concedi Impetranti quem testantur testimonia, his actis adjuncta, & quæ plenius in principali causa probata sunt, adhuc minore non esse, & tempore

Vuuu geltio-

gestionis atque administrationis habitæ, per quam hisce gravissimis oneribus sese obstrinxisset, in ætate adhuc lubrica fuisse, & vix decimum octavum annum attigisse; 36 cum etiam his qui majorem iudicii vigorem & ætatem habent, si læsi sint, subveniatur per restitutionem; quantumvis majores postea facti sint, dummodo intra tempora restitutioni præfinita, C. de temp. in int. restit.

Et certè nulla videtur dubitatio quin restitutio concedenda sit, si dissolvi possint quæ extrinsecus obijciuntur de reputationibus, de continuata administratione post restitutionem postulatam; item de eo quod Impetrans publicè negotiarus esse dicitur; quod sanè difficile non est, & paucis explicari potest: nam quod primò obijcitur, Impetrantē debere omnia reponere in eum statum quo erant tempore mortis Fabiani, antequam restitutionem obtineret, ita ut quæ creditoribus solvit, vel alioqui bona fide expendit, recuperare prius deberet, prorsus calamiosum est, & infinitis juris locis adversatur: quibus responsum est, ea quæ bona fide per minorem medio tempore gesta sunt, antequam adversus aditionē hæreditatis vel bonorum apprehensionem restitueretur, ipsi minori nullo modo nocere debere, & rata conservari solere: l. in integrum. l. si mulier. de minorib. l. quoties. de acquir. hered. l. si non expenderit. §. 1. de bon.

auth. jud. poss. l. ab heredē, de separat. l. pupill. quæ in fraud. cred. nec aliud 17 minorem præstare quàm quodd ex hæreditate in rem ipsius pervenit, nec pèrit per imbecillitatem ætatis; & si quid dolo ejus factum est: l. uni. in si. C. de repur. quæ sunt in jud. d. l. ait Prator. §. pen. in fin. Ita ut non solum non refundat ea quæ creditoribus hæreditariis exolvit, d. l. si non expenderit. §. 1. & d. l. pupillis. sed nec ea quæ in legata expendit, vel pretia eorum qui ad libertatem aditione ejus pervenerunt, d. l. in integr. aut quos ex fideicommissio manumisit, d. l. si mulier. adeo ut si quid minor creditoribus hæreditariis de suo exolvisset, quod ex bonis hæreditatis conservare non possit, jam restitutus adversus creditores hereditarios repetitionem quasi indebiti insoluti sit habiturus. d. l. si non expenderit. in fin. Nec est prætermittendum, præmatu- ram hic esse reputationum objectionem, utporè cujus ratio & consideratio demum concessa restitutione haberi deberet, cum reputationi non sit locus, nisi in executione & effectu restitutionis. l. quod si minor. §. restituit. de minorib.

Quo d secundo loco ab adversa parte propositum est de continuata administratione post restitutionem postulatam, legitimis documentis non probatur: nam instrumenta de data anno 1555. mensis Martii 5. non continent, nisi liberationem arresti & quitanciam solutionis, quæ diu ante restitu-

restitutionis postulationem facta erat, ut merito id quod solum venit in consequentiam actus principalis diu ante postulatam restitutionem explicati, videri non possit post restitutionem postulatam factum esse, sed potius inspicendum sit initium, & ipse principalis actus, in cuius consequentiam & non per se quitancia data est, quemadmodum in terminis dubitabilioribus initium inspicendum esse, & non id quod  
 19 postea in consequentiam factum est, respondit Ulpian. in hæc verba: Minor xx. annis immiscuerat se paternæ hereditati; majorq. factus exegerat aliquid à debitoribus paternis: mox desiderabat in integrum restitui, quo magis abstinere paternæ hereditate. contradicebatur ei, quasi factus major comprobasset quod minori sibi placuisset: putavimus tamen restituendum in integrum, initio inspecto, idem puto, & si alienam adiit hereditatem. l. 3. §. 1. vers. scio etiam, de minorib.

Non obstat postremo quòd adversarius de industria Impetrantis per publicam negotiationem approbata prætexit ad impedendam restitutionem: nam rescriptum Alexandri in l. 1. C. qui & adversus quos in integr. quo nititur, nihil ad intentionem ejus stabiliendam facit, sive communem Doctorum, sive Ultramontanorum sententiam sequamur (etenim expressa sunt verba textus, minorem, quantumvis diligentem patremfamilias, & in actibus publicis in-

dustrium, si causa cognita circumventus deprehendatur, à solito restitutionis auxilio non removeri: non quod in ea lege is qui de restitutione cognoscit, jubetur inquirere, an qui se læsum proponit, prius diligens paterfam. extiterit, publicisque interfuerit actibus: eò solum pertinet, ut in dubio læsio non præsumatur, quæ præsumptio evanescit probata veritate læsionis: & hinc Bald. in dubitabilioribus terminis scribit in d. l. 1. mercatorem descriptum in matricula mercatorum, & à mercatoribus in cœtum & collegium suum exceptum, ac idoneum, & industrium probatum, restituendum esse, si de læsione appareat, per l. minoribus. C. de in int. restitut. ubi lex hoc solum considerat, an minor sit læsus: id quod expressè probatur in d. l. 1. in verb. verum si causa cognita circumventus deprehendatur, quomodo etià in simili minor quamvis per juramentum censeatur factus major, & in possessorio repræsentet majorem: l. unic. C. de moment. poss. dd. in auth. sacramenta puberum. §. si advers. vend. si tamen lædatur, non ex eo privatur restitutione. dd. in d. auth. sacramenta puberum. Nam sacramentum præstitum & similia licet faciant minorem pro majore haberi quoad subsistentiam actus, non tamen faciunt sagaciorum ac prudentiorum, nec excludunt beneficium restitutionis, si minor circumventus deprehendatur. Et eo minus in specie

Vuuu 2 pro-

proposita Impetrans à restitutione excludi debet, quod non invenitur publicè per collegium mercatorum approbatus, de quo loquuntur *dd. in d. l. i.* sed ea quæ gestæ, potissimum ex auctoritate & periculo Fabiani præponentis gestæ, ita quod altercationi interpretum *in d. l. i.* de approbato publicè ac in publico examine hic locus esse non possit, sed dispositioni *l. Sed etsi pupillus. ff. de instis.* Et penitus cessabit omnis dubitatio in specie proposita, si consideremus læsionem hîc incidere circa additionem hæreditatis, quæ non pertinet ad actum publicæ negotiationis: aded quod etiamsi expressum statutum quo minor in actu negotiationis haberetur major, præsentî negotio accommodari non possit. Judicatum pro nobis x. April. per Senaturn Brab.

## CONSILIUM LXXXV.

## SUMMARIUM.

1. Metu extorta obligatio, nullius est roboris.
2. Metus iusta est præsumptio, quæ ex comminatione hominis potestatem incarcerandi habentis, inducitur.
3. Actus secreto gesti, suspensionem inducunt.
4. In redditibus secundum jus & consuetudines præcisa iustitia exigitur.
5. Cautela abundans majorem fraudem arguit.

6. *Restitutione pendente, omnia debent in suo statu conservari.*

**I**N contentione quæ est inter Dominum & Magistrum Joannem Stadium Impetrantem, & Franciscum Dayala Citatum, probabilis atque legitima videtur domini Impetrantis intentio atque conclusio in nullitatis ac restitutionis articulo. Etenim viribus & effectu carere debet recognitio redditus, de quo agitur, quæ non spontanea voluntate facta est, sed extorta per metum, de quo constare potest per comminationes carceris quæ à Citato prætorum gerente in loco ubi res gesta est, factæ dicuntur. Sufficiens namque videtur conjectura & præsumptio metus quæ ex comminatione hominis audacis, & potestatem incarcerandi habentis colligitur: *arg. eorum quæ scribunt dd. in l. qui in carcerem de eo quod metus causa.* præsertim in eo quem studiorum assidua tractatio ad humanitatem, lenitatemque composuit, & quem sollicitudo proprii honoris conservandi adversus infamiam comminati carceris facile ad quidvis impellere potuit. *l. isti quidem de eo quod metus. Rom. cons. 360.* Et hæc metus præsumptio atque allegatio eo probabilior & efficacior censeri debet, quod ipsa recognitio redditus nullam utilitatem, sed gravissimum detrimētum & enormissimam læsionem ac supergressiōem Impetranti attulerit, utpotè cui

cui cessante metu nulla fuit necessitas aut occasio suscipiendi onus dicti redditus, & qui longè minus debebat Impetranti, quam quod ad iustitiam dicti redditus possit sufficere: quod inde apparet, quod Impetrans ex contractibus quibusdam annulorū planè deceptivis, & gravissimam lēSIONEM Impetrantis continentibus, magnam summam & verum valorem rerum tam ab ipso citato, quam à Joachimo Bruenderen (à quo citatus cēSIONem & causam habet) venditarum ninium egredientem in illo ancipiti discrimine & periculo honoris instante & urgente citato agnovit: & quod citatus ad augendum debiti cumulum, & ad constituendam idoneam aliquam sortem, improbas usuras accumulavit, idque non solum respectu præteriti temporis, sed quod est deterrimū & gravissima indignatione dignum, etiā futuri temporis callidam machinationem & secretè in alio instrumento diem solvendi redditus in publica recognitione ascriptum prorogando & differendo spatio totius triennii, ut videlicet fors ipsa quamvis improbè conflata tempore constituti redditus adhuc insufficiens pro dicto redditu medio tempore fructificaret, & velut superfétatione quadam ex cēSSIONE annuæ præstationis constitutionem redditus à principio inutilem, postea confirmaret & iustificaret: quod videtur iniquum & ab honestate alie-

num. Primò propter clandestinas & secretas illas machinationes diversis instrumentis excogitatas in actu suspecto, & in quo facilè fraus intervenire potuit, adeò ut metus & improbitatis fraudulēta ex actu secretò gesto, & in diversis instrumentis, in quibus potest cadere ratio vel occasio fraudis, *l. omnes. §. Lucius. & ibi dd. de his que in fraud. cred. l. post contractum. de donat.* parimò majore ratione in proposita specie metus & improbitatis consideratione admittenda est, propter comminationem carceris præcedentem & adhibitam secretò pactionem, quæ videtur evidentem habere turpitudinem & malitiam. Secundò quia redditus hujusmodi veterum usurarū sunt succedanei, requiruntque præcisam & præsentem adæquationem sortis cum redditu, *juxta ea quo scribit Carolus Mol. de contr. usurar. quest. 10. & quest. 75.* sic ut recognitio conventioque à citato excogitata & extorta non sit tolerabilis, & nullitati subiacere debeat, & eo amplius callidum commentum citati damno sortis multandum videatur, non solum secundū constitutiones redituunt in his ditionibus editas, verum etiam secundum juris communis rationem atque dispositionem, ut scribit Carolus Molinæus, *in tract. de contr. usu. dict. quest. 10. in princ. & quest. 14. in princip.* addens, hos redditus certos duntaxat augmenti limites habere, quos ne tantillum excedere licet, ad evitandam ma-



teriam & effectum improbi fœnoris, quo citatus se commaculasse videtur, mala fide contrahendo extorquendoque ab Impetrante percusso titulum emptionis & recognitionis tam iniquæ, cujus quidem malæ fidei & fraudis à citato adhibitæ demonstratio sit manifestior & liquidior, ex eo quòd in literis Scabinalibus sit expressum præsentì & numeratæ pecuniæ redditum comparatum: cùm revera absque numeratione pecuniæ ex captiosis contractibus & coacervatione illicitarum usurarum dictus redditus ad impressionem citati constitutus sit, adhibito tantùm rectorio numeratæ pecuniæ, & verborum formula, seu cautela ad eludendum leges usurarias & cohibitiones horum reddituum: quod majorem indignationem habet, & iniquitatem & fraudem citati conduplicat. Etenim si in contractibus suspectis abundans cautela detrimentum adferat, & ubicunque subest aliqua suspicio fraudis, ut in cessionibus actionum, in constitutione dotium, facile fraus præsumitur, nisi appareat de vera numeratione, vel evidenti utilitate contrahentis. *l. jubemus. de sacros. eccles. l. pen. & ult. C. de donat. ante nupt. l. assiduis C. qui potiores in pignore.* Fortius in proposita specie præsumemus fraudem & metum, ob id quòd nò solum non appareat numeratio, sed eo amplius quòd deficiente reali numeratione, & absque pecuniæ inter-

ventu ex causis illicitis redditus sit extortus, numerationis mentione facta per inanem instrumenti tenorem simulatum ad tegendam ejus quod verè agebatur turpitudinem: quòd in magna animadversione est habendum, & ad convincendam nullitatem videtur sufficere, sive ad metum intervenientem respiciamus, *l. si cum exceptione. §. in hac de eo quòd met. caus.* sive ad improbitatē fœnoris mala fide exerciti, & titulo iniquæ emptionis velut præsentì pecuniæ fraudulenter adumbrati. *l. 1. & l. ne ex dolo. de dolo malo.*

Quibus accedit, quòd si causæ prædictæ ad constituendam nullitatem non sufficerent, adhuc tamen valerent ad inducendum restitutionis beneficium, ob id quòd præter alias noxias circumstantias Impetrans enormissimè læsus sit, tum in primis contractibus, unde fors redacta & constata est, tum ex coacervatione usurarum tam præteritarum quàm sequentium, & pro futuro tempore consideratarum: quod est præter omnem consuetudinem & contrarationem & mentem omnium legum & canonum: sic ut nò solum in principali adversus exactionem Citati Impetrans securus esse debeat; verumetiam in fiduciaria & provisionalilicentia, tum propter evidentem & ultrò se oculis offerentem improbitatem Citati & supergressionem Impetrantis, tum etiam quia pendens nullitatis ac

restitu-

restitutionis iudicium suspendit & differt omnem executionem, cum de nullitate prius cognosci debeat, *Bart. in l. cum querebatur. de re jud. Angel. in l. Preses. C. quomodo & quando. antequam procedatur in principali, maxime si non reperitur calumniosa, Clem. quandiu. de appell. Abbas & Felin. in c. ex ratione. de appell. domini de Rota, decis. 102. in no. sed est liquida vel saltem de facili ac commodè liquidari possit. Bald. in l. in executione. col. 2. C. de re jud. Idemque obtinet in restitutionis iudicio, ita ut interim nec sententia cum cognitione causæ pronuntiata executio fieri debeat: vulgata namque est juris regula, postulata in integrum restitutione omnia in suo statu esse debere, donec res finiatur: idque ab eo curandum ad cuius partes res illa pertinet, l. 1. C. restit. in integ. pet. l. si causa cognita. C. de transact. & ita in terminis instrumēti garantigati & paratam executionem habentis scribit Dominus Joannes Mauricius, in tract. de restit. in integ. cap. 29. quod sequendum videtur in præfenti controversia. Salva meliore sententia clarissimorum dominorum Judicum.*

## CONSILIUM LXXXVI.

## SUMMARIUM.

1. Qualitas in una parte seu casu expressa, nunquam censetur in alia parte expressa, quando subest ratio

diversitatis.

2. In conjunctivis qualitas in una parte expressa, censetur in alia repetita, quando subest eadem diversitatis ratio: secus in disjunctivis.
3. Surrogatum maxime in dubio debet censeri ejusdem naturæ & conditionis cujus est id in cuius locum surrogatur.
4. Admissus ad certum tempus, censetur post lapsum illius temporis exclusus.
5. Repetitio in sequentibus non debet censeri facta esse, ubi actus redderetur inutilis, vel sequeretur absurditas.
6. Repetitio ac relatio fit semper cum suis qualitatibus.
7. Debitor in diem cui delata est hereditas, eo ipso quod non solvit die statuto, ei ad quem devolveret hereditas, eo non adveniente, videtur adire.
8. Voluntaria declaratio non solum verbis, sed etiam per facta & non facta inducitur.
9. Consuetudo stricti juris est, nec extenditur. sed disponit quantum sonat, & non plus, nec proprios terminos egreditur.
10. Aditione hereditatis patrimonium definit esse defuncti, & fit hereditas.
11. Hereditatem patris potest acquirere filia succedendo fratri, etiam si lege municipali sit prohibita succedere patri.
12. Substitutus ab aliquo hærede alterius, non potest unam hereditatem acceptare, & alteram repudiare.
13. Fideicommissum ex sola conjectura induci potest.
14. Testator

14. *Testator potest tam de rebus, ac bonis heredis, vel legatarii disponere, quam de propriis bonis. Quod etiam in hereditate alterius per fideicommissum restituenda obtinet.*

**Q**UÆSTIONES propositæ in causa liquidationis lententiæ latæ anno 1553. 5. Martii ante Pascha inter Balthasarem & Joannem de Cordes, sunt subtiles & difficiles; cùm in iis agatur de interpretanda mente testantium, quos non audivimus, & qui nunc suam mentem nobis aperire non possunt. Investigâdo tamen mentem eorundem testatorum quantum possibile est, instar venatoris qui pederentim sequitur vestigia leporis, conabor ex his, quæ in scripturis & munimentis mihi transmissis, inveniuntur, breviter veritatē præfatarum quæstionum inquirere & excutere, ac unicuique pro tenuitate ingenii mei resolutionem suam attribuere.

Et in primis quantum attinet ad interpretationem clausulæ insertæ Codicillo quondam Joannis van Groesdonck, de qua prior loco quæritur, & quæ sic habet: **Alsoo ick Jan van Groesdonck/ &c. soo is noch mijnen wille ende begheerte/ dat mijn hupsvrouwe kiese sal hebben den selven tijt van twee jaren/ of sy mijn hupsvrouwe deplen wille/ als in mijn pziucipael Testament boozschreven is: oft dat sy mijn hupsvrouwe sal**

**moghen volstaen te bewijfen mijnen kinde Josinen/ als booz haer Patrimonie goedt van my Jan van Groesdonck ghecomen/ die somme van vijfhondert Rhijnsguldens effelijck/ &c. booz all.** Probabilius & verius viderur, metam illam biennii in verbis: **Den selven tijt van twee jaren/ &c.** duntaxat priori parti præfatæ clausulæ alternativæ, hoc est, facultati divisionis faciendæ, cui ascripta est, præfinitam ac præstitutam esse, & non posteriori parti in qua simpliciter sine temporis præfinitione de assignatione 500. florenorum agitur.

NAM eo ipso quod voluntati seu facultati divisionis faciendæ terminū biennii testator expressè præstituerit, arguitur quod postea, ubi de assignatione agit, simpliciter, sine præfinitione temporis, noluerit illam facultatem assignationis, aut etiam assignationem ipsam, ad biennium limitari: quia si illud voluisset, quemadmodum in priori parte hoc expressit, ita etiam in posteriori parte hoc expressisset per repetitionē biennii, hoc vel simili modo: **Oft dat sy mijn hupsvrouwe sal moghen ghestaen te bewijfen binnen den selven tijt van ij. jaren/ &c.** Cùm ergo non expressit, creditur noluisse, l. unica. §. *sin autem deficientis. C. de cad. toll. c. ad audientiam, de decimis, c. inter corporalia, de translat. epis. ibi:* Unde si circa translationem idem

idem fieri voluisset, quod de cessione dixerat, de translatione expressisse poterat: & quod non est sanctorum patrum decreto sancitum, superstitiosis non est adinventionibus præsumendum. *gloss. in c. 1. de testam. in 6. in verb. Trabelianica.*

ET maximè hoc dicendum est in proposito, quoniam probabilis ratio subest, quare magis qualitas illa temporis ad determinationem prioris partis alternativæ quàm posterioris adjecta censi debeat: nam de jure quando subest ratio differentię inter unum & alium casum, ut est in proposito, nunquam qualitas in una parte expressa, in alia repetita intelligitur; sed habet locum regula d. l. unic. §. fin autem deficientis, secund. Dec. conf. 480. in casu qui occurrit. 2. col. & conf. 513. In casu occurrente. Quod autem in proposito sit ratio differentię inter unum & alium casum, manifestum est. Primò, quia cùm ex testamento Joannis van Groesdonck, quod ante præfatum codicillum fecerat, actus divisionis mobilium realiter intra biennium fieri debuerat, uti etiam in ipso Codicillo repetitur, in verbis: **Alssooick Jan van Groesdonck gheseyt ende begheert hebbe in mijn principael testament/ datmen aengaende mijn erflijcke goeden/ parten ende de pfen soude binnen den tijdt van ij. jaren/ &c.** Conveniens & necessarium fuit etiam voluntati & facultati

divisionis faciendæ Mechillis in Codicillo datæ, eandem biennii metam præfigere, quæ actui divisionis (si ita vellent Mechillis) præstituta erat: ne scilicet terminus voluntatis & facultatis dividendi datæ, terminum intra quem ipse actus divisionis fieri & explicari secundum voluntatem testatoris debebat, excederet; aut per facultatem dividendi, si absque præfinitione temporis simpliciter data fuisset, testator ab eo quod actum divisionis intra biennium fieri voluerat, recessisse videretur. Quæ omnia cessant in posteriore parte præfatæ clausulæ alternativæ, in qua de assignatione redditus 500. florenorum agitur: nam cùm nunquam vel in testamento, vel in Codicillo actui seu facto assignationis terminus aliquis sit præstitutus, consequenter non fuit necessarium, facultati assignationis terminum in vita Mechillis adjicere. Secundò, quia justa fuit ratio, ob quam intra biennium à morte sua divisionem mobilium testator fieri voluerit; quoniam scilicet sunt res quæ servando servari non possunt, & tempore depercut: cujusmodi ratio nulla fuit ob quâ assignationem redditus 500. florenorum filiæ suæ pro omni successione paterna fieri voluisset, intra certum terminum in vita Mechillis, cui omnium bonorum suorum usumfructu reliquerat. Nam cùm iste redditus, loco bonorum ipsius Joannis van Groesdonck,

Xxxx      furro-

sutrogari debebat, manente usufructu apud Mechtillum, filia assignationis nullum fructum in vita matris habere poterat, nec aliquod periculum deteriorationis ex lapsu temporis, quoad assignationem, contingere vel considerari poterat, sicut in mobilibus.

2 NON debet itaque qualitas temporis in priori parte expressa, censi in posteriori repetita; cum non sit rationis identitas in utroque casu, ut prædictum est: præsertim cum hic agatur, non de una oratione copulativa seu conjunctiva, sed de duabus orationibus alternativis seu disjunctivis; quarum quælibet suam habere debet determinationem; licet enim in conjunctis (quando subest identitas rationis, nec disponentis voluntas refragatur) qualitas in una parte expressa, seu uni copulatum adjecta, plerumque in alia censeatur repetita. *l. avia. in pr. ff. de cond. & demonstr. & ibi Bart.* Id tamen non fit in disjunctivis, in quibus sufficit unum ex disjunctis verificari. *l. si heredi. plures. ff. de cond. & demonstr. c. in alternativis. de regul. jur. in 6.*

ACCEDUNT ad prædicta plurimæ conjecturæ, ex quibus appareat testatorem noluisse hanc repetitionem temporis fieri in posteriore parte alternativæ, in qua de assignatione agitur. Primò, quia omnia alia in suo testamento & codicillo prudentissimè ordinavit, & explicitè dilucidèque ex-

plicavit & expressit, etiam si sub verbis generalibus comprehenderentur: atque ad tollendâ omnem obscuritatem, *juxta consil. Hostiens. Ioan. Auto. in c. nimis. de excess. Pralat.* verba superabundantia, ut ex illis voluntas sua melius declararetur, non evitavit, ut ex tenore testamenti & codicilli manifestum est, & est exemplum clarum in hac ipsa clausula de qua agitur, ubi pronomen (Ego) non simpliciter expressit, sed ad se ipsum retulit hoc modo: **ick Jan van Groefdonck:** & rursus pronomen (ipsa) non fuit contentus per se stare, sed nominatim ad uxorem Mechtillim retulit ibi: **Dat sy mijn Wyf & vrouwe Mette:** Item ad verba illa **den selven tijt** adjecit verba illa **van ij. jaren** / quod tamen manifestè per se intelligi poterat: ita quod verisimilitudo suadeat temporis qualitatem in posteriori parte alternativè à testatore omisam esse, qui in aliis clausulis ac orationibus testamenti, etiam in casibus minus dubitabilibus semper dilucidè expressit, quæ vel ex natura dictionum repetitivarum inerant, vel alioqui sub verbis generalibus comprehendebantur, ut supra dictum est: præsertim cum hic tractetur de casu, in quo ex vulgari consuetudine etiam quilibet Notarius, uti apparet, hanc expressionem fecisset, si testator repetitionem temporis fieri voluisset hoc modo: **Sal mogen ghesaen te betwijfen**

**betwijfen binnen den ſelven tijt  
van ij. jaren/ &c.**

DEINDE quia iſta aſſignatio  
500. florenorum fieri debuit pro  
omnibus bonis ipſius teſtatoris, ac  
in locum eorum bonorum ſurro-  
gari, ſi uxor viam diſiſionis non  
eligeret: quemadmodum enim  
electa via diſiſionis, ab uxore  
ipſorum bonorum reſtitutio, quo-  
rum bonorum uſuſfructus ex vo-  
luntate teſtatoris ad uxorem per-  
tinebat, intra certum terminum in  
vita uxoris fieri non debuit, ſecun-  
dum voluntatem ejuſdem teſtato-  
ris, ut eſt manifeſtum: eodem  
modo eſt credendum, quod teſta-  
tor uxorem (ſi viam diſiſionis o-  
mitteret) neceſſitate aſſignationis  
3 cum certi temporis præſcriptione  
in vita teneri noluerit. Nam regu-  
lariter & maximè in dubio ſurro-  
gatum ſapit naturam ejus in cujus  
locum eſt ſurrogatum, & debet  
cenſeri ejuſdem naturæ & condi-  
cionis, cujus eſt id in cujus locum  
ſurrogatur. *l. 1. §. hac actio. & ibi  
Bart. ff. Si quis teſta. liber. eſſe juſſ. l. qui  
injuriarum. & ibi gl. Bart. Bald. & alii.  
ff. ſi quis cautionib.*

CONFIRMANTUR prædicta  
ex eo quòd certum ſit quod teſta-  
tor omnino alterutrum fieri vo-  
luerit, i. vel diſiſionem, juxta or-  
dinationem teſtamèti, vel aſſigna-  
tionem quingentorū florenorum;  
etiã ſi uxor intra biennium nec  
diſiſionis, nec aſſignationis viam  
eligeret: adeò quod Mechtrillis  
diſſerendo electionem diſiſionis

vel aſſignationis diſpoſitionem  
teſtatoris inutilem reddere non  
potuerit, cum ſemper ex judicio  
& teſtamento teſtatoris, ex quo  
ipſa uſumfructum omnium bono-  
rum apprehenderit, alterutrum  
etiã poſt biennium fieri debue-  
rit. Sed quia non ſolùm electione  
diſiſionis, ſed etiã actui & facto  
diſiſionis metam biennii præſti-  
tuit, eamque caſu (quo uxor illam  
mallet facere) intra illud tempus  
fieri voluit, clarè conſtat quod  
4 poſt illud tempus uxorem à via di-  
ſiſionis excluſerit. *l. ſi. C. de lega. l. ſi  
cum Hermes. C. locati. l. 4. & 5. ff. de  
uſuf.* Conſequens eſt ergo quod  
poſt biennium eam teneri voluit  
ad aſſignationem, quæ neque in  
teſtamento, neque in codicillo ad  
certum tempus expreſſè limitata  
fuit, & tempus in priori parte co-  
dicilli electioni diſiſionis aſcrip-  
5 ptum, in poſteriori parte reperit-  
um cenſeri non debet, vel ex eo  
ſolo quod inde ſequeretur abſur-  
ditas, quæ diſpoſitionem teſtato-  
ris poſt biennium redderet inuti-  
lem, contra *l. ſervo alieno. §. ſi quis ab  
impubere. ff. de legat. 1. l. Titia. §. 1. ff.  
de verb. oblig. ibi*, ſic tamen ut ex ea  
repetitione ſtipulatione non creda-  
tur inutilis.

ET certè ipſa illa clauſula de  
qua agitur, ſi bene ponderetur, ac  
verba ejus juſtè mentis oculo in-  
ſpiciantur, clarè ſignificant eam  
fuiſſe mentem teſtatoris, ut Mech-  
trillis electionem ſpatio biennii, an  
diſiſionem quam in ſuo teſta-

Xxxx 2 mento

mento præcisè fieri iusserat intra biennium, secundum ordinem testamenti vellet facere, vel non: etsi non eligeret intra biennium divisionem, quod deinceps ad assignationem 500. florenorum obligaretur, translata seu commutata obligatione divisionis (si eam intra biennium uxor non eligeret & faceret) in obligationem assignationis, *arg. l. cum sine præfinitione temporis. in princ. & l. si pæniam. ff. quando dies legat. cedat. l. ita stipulatus sum & ibi dd. ff. de verb. oblig.* perinde ac si testator in suo Codicillo ita dixisset: **Ik noch mijnen wille / dat mijn Wuyf & zoutwe heur sal hebben den selven tijdt van twee jaren / oft sy deplen wilten / &c. oft niet / ende oft sy niet deplen wille / dat sy dan sal mogen volstaen / &c.**

PRÆDICTIS est addendum, quod tamen si tempus in priore parte clausulæ electioni divisionis adjunctum, in posteriori parte censetur repetitum (quod non) adhuc tamen non diceretur per hoc ipsi assignationi, id est, factæ & executioni assignationis tempus biennii præstitutum, sed tantum electioni assignationis: qua electione intra biennium facta, ipsa assignatio quandoque fieri potuisset & adhuc possit. Nā tempus in priori parte expressum, non adjicitur divisioni faciendæ, sed electioni divisionis, ut illis verbis: **heur sal hebben**: Ita quod actus divisionis ex illa clausula, ad biennium

non fuerit limitatus, sed ex ordinatione principalis testamenti, ut ipse testator in suo Codicillo declarat ibi, &c. Et proinde ut in prædictæ clausulæ priori parte in qua tempus expressum est, ipsa divisio nō est limitata ad biennium, sed tantum divisionis electio: ita multò minus assignationis factum in posteriori parte limitatum censeri debet ex tacita temporis renunciatione, si illa aliqua ratione admittenda foret. Nam temporis qualitas in priori parte expressa, sine subiecto suo, i. sine verbis illis: **heur sal hebben** / quibus adjuncta est, repeteri non potest. Etenim relatio ac repetitio fit semper cum suis qualificatibus. *l. à filio. §. testator. ff. de adimendis legat. Bart. in l. si prior. & ibi Bald. ff. solut. matr.*

NULLA, itaque ratione dici potest assignationi ipsi aliquem terminum fuisse præstitutum: ideoque quandoque fieri potuit, & adhuc posset, maxime cum (ut prædictum est) testator eo ipso quod uxor divisionem intra biennium non eligeret, ipsam ad assignationem faciendam obligari voluit. Et profectò si quoad assignationem electio seu acceptatio aliqua fuerit necessaria (quod nō videtur) per supradictam clarè constabit, eam electionem seu acceptationem tempestivè & congruo tempore factam esse. Primò ex omiſſa divisione ac divisionis electione, quam intra biennium facere Mechthillis tenebatur. Nam hoc



hoc ipso quod intra biennium divisionem secundum voluntatem testatoris facere ac eligere prætermiserit, utique in assignationem consensisse, ac eam elegerit intelligitur.

*arg. d. l. cum sine præfinitione temporis. in princ. & d. l. si pœnium. ff. quando dies legat. cedat. d. l. ita stipulatus sum. ff. de*

- 7 *verb. oblig.* Quemadmodum in simili, debitor in diem cui delata est hæreditas creditoris, eo ipso quod nõ solvit in die statuto ei ad quem devolveret hæreditas, eo non adeunte, videtur adire, ut pulchrè scribit Bart. in l. gerit. ff. de acquir. hered. & in q. sua quæ incipit, Debitor in diem. Paul. Castr. conf. 459. Sequendo ordinem, col. 2. part. 1. Et prædicta confirmantur ex communi regula, qua receptum est, non solum verbis, sed etiam per facta & non facta induci voluntatis declarationem, acceptionem, electionem, & aditionem hæreditatis, &c. l. de quib. ff. de leg. l. pro herede. in pr. ff. de acq. hare. Soc. conf. ult. lib. 4. gl. & dd. in c. 1. in fi. de concess. præbend. in 6.

DEINDE ex omiſſa divisione, assignationem fuisse electam judicare debemus, propterea quia si non fuisset electa assignatio, jam Mechtrillis fuisset in mora faciendæ divisionis: sed in mora esse est delictum, l. quod te. ff. si cert. petat. ergo debemus præsumere electam assignationem per quam delictum evitatur, l. meritò. ff. pro socio. ut in prorsus similibus terminis arguit Bart. in d. l. gerit. col. 2. vers. Venio ad quartum principale.

CUI est proximū, quod Mechtrillis in possessione omnium bonorum remanserit, & eorundem usufructum ex testamento mariti retinuit, nullo facto inventario, ad cuius tamen confectioem si assignationem non elegerit, & juxta Codicillum mariti omnia bona proprio jure non possedisset, ac fructus percepisset, ex jure communi, juxta l. 1. §. reitè. ff. quemad. ususfr. cave. & ex consuetudine Antverpiensi tenebatur: & adeò ratione solius usufructus, non factò inventario, licitè & absque suspitione & delicto suppressionis & malæ versationis, bonorum omnium possessionem quam habuit, retinere non potuisset. Quare cum absque inventario prædicta bona possederit, & in vim electæ assignationis ea licitè absque inventario possidere potuerit, assignatione autem non electa, prætextu solius usufructus hoc licitè facere non potuerit; jure præsumitur in dubio ex causa licita, id est, in vim electæ assignationis possedisse, ut in terminis prorsus similibus firmat Bart. in d. l. gerit. col. 5. vers. assumo primum. His accedit quod Mechtrillis bona omnia modo prædicto possederit, utendo fruendo bonis, ac etiam disponendo de illis pro lubito voluntatis, sciente & pariente Josina filia, quæ nec tempore suarum nuptiarum, nec ante eas, aut etiam longo tempore post, aliquid de divisione mobilium aut declaratione seu

XXXX 3 inven-

inventario bonorum paternorum unquam querulata est. Ex quo sanè diuturno silentio præsumendum est, non solum matrem animo assignationis possedisse bona omnia, sed etiam filiam ita intellexisse & interpretatam esse, quod occasione paternorum bonorum sibi ea assignatio facienda foret: à qua sanè interpretatione tamdiu observata non videtur recedendum; *l. minimè. ff. de legib.* præsertim cum hunc animum & diuturnam interpretationem assignationis faciente ipsum factum assignationis trecentorum florenorum pro dote Josinæ datorum penitus declaraverit ac manifestaverit, &c. ut in responsione satis clarè deductum est.

IGITUR in quacunque partem res vertatur, clarum est, Mechtillem Josinæ filix suæ in nullo alio fuisse obligatam occasione bonorum à marito sibi relictorū, quàm ad assignationē 500. florenorum, & Josinam, aut successores ejus, nihil aliud petere potuisse, vel posse, occasione paternorum bonorum, quàm præfatam assignationem: adeò quòd hic prorsus sit impertinens allegatio consuetudinis, quæ per adversarium adducta est. Nam etiamsi ea consuetudo, uti prætendit adversarius, procederet, & eo casu quo superstes conjugum ex testamento mariti haberet usumfructum, id tamen ad hunc casum non faceret, ubi superstites ex ultima voluntate ha-

buit non solum usumfructum bonorum omnium, sed etiam ipsa bona omnia sub onere assignationis certi redditus. Quo sanè casu præfata consuetudo non loquitur, nec ab adversario eo casu loqui consuetudinem adductum aut allegatum est. Ideoque ratio præfate consuetudinis nulla habenda est. Nam consuetudo est stricti juris; *secundum Bald. in auth. si quas ruinas. C. de sacrosan. eccles.* nec extenditur, sed disponit quantum sonat, non plus, nec proprios terminos egreditur: *ut Ias. dicit in d. l. de quibus. post gl. primam. ff. de legibus.* & hoc potissimum in isto casu, in quo cessat ratio subtractionis, in qua fundari suam consuetudinem dicit adversarius, & præterea ubi nulla divisio, sed tantum assignatio certi redditus facienda fuit; quo casu notissimum est, cessare præfatam consuetudinem, quæ tantum disponit super divisione bonorum seu circa modum divisionis: sed hic, uti dictum est, nulla fieri debuit divisio, sed tantum assignatio, &c.

SUCCEdit nunc 2. quæstio, qua queritur an in fideicommissio per Mechtillem facto, comprehendantur omnia bona Josinæ, &c. ac consequenter etiam bona Joannis van Groesdonck, seu verius illi 500. floreni annui, qui pro bonis paternis Josinæ assignari debuerunt. Pro cujus resolutione sequentia examinanda sunt. Primò, an bona Joannis van Groesdonck, seu bona quæ loco eorum bonorum præstari

præstari debuerunt Josinæ ejus filix, ipsi Josinæ acquisita fuerint, ac ejusdem Josinæ bona ac patrimonio effecta sint. Secundò, an Mechtillis voluerit bona omnia Josinæ fideicommissò & restitutioni subjecta esse. Tertiò, an potuerit ea fideicommissò nepti suæ injuncto subjicere.

- QUANTUM ad primum articulum attinet, breviter dici potest, quòd cum Josina patri suo supervixerit, ei que hæres extiterit, dubium non videri, quin hæreditas patris filix acquisita sit, & immediatè hæreditas patris esse desit: quia unita esse cæpit cum aliis bonis Josinæ, ex vulgari regula, quæ receptum est, Aditione hæreditatis patrimonium desinere esse defuncti & fieri hæredis. *l. si plures. §. filio. ff. de vulg. & pupill. gloss. Alexan. Angel. & alii in l. 1. §. veteres. ff. de acq. poss.* Unde fit ut filia, quæ lege municipali prohibetur patri succedere, non prohibeatur succedere fratri, qui adeundo patris hæreditatem quæsit. *secundum Castr. Francisc. Aret. in l. pupillus. ff. de acq. hered.* Verè itaque in proposito bona patris filix, quæ patri supervixit, ei que hæres extitit, fuerunt acquisita, & patris esse desierunt: & sic non amplius de paterna hæreditate agendum est, sed de hæreditate Josinæ, iuxta tradita dd. & maxime Alex. in d. l. 1. §. veteres. ff. de acq. poss. Attento potissimum quòd adversarius non possit venire, aut jus aliud prætere (quemadmodum

de facto prætendit) nisi ex personâ Josinæ, & tanquam successor Josinæ per medium uxoris suæ. Quò sanè respectu nulla unquam fuit dubitatio, quin hæreditas adita non defuncti, sed hæredis patrimonium censeretur, iisdemque regulis contineri debeat, quibus proprium patrimonium ipsius hæredis. *d. l. sed si plures. §. filio. cum simil. supra citat.*

ET proinde vel pro manifesto juris errore vel calumnia habendum est, quòd adversarius in 29. & sequentibus articulis replicæ, hanc regulam juris communis contravertit, contenditque in præsentem casum seorsim hæreditatis quondam Joannis van Groesdonck rationem haberi debere; ac de illa aliter judicandum esse, quàm de bonis ipsius Josinæ; cum apertè dicat in 33. articulo replicæ, ex consequente & per medium Josinæ sibi illius hæreditatis petitionem competere: tametsi enim prætunquam possit hæreditas jam adita considerari, tanquam quid separatum à bonis hæredis adeuntis, id tamen nunquam fit respectu ipsius hæredis, vel successorum ejus, quando ipsa hæreditas apud hæredem, vel successorem ejus per fideicommissum restituenda est, *ut tot. tit. ff. & C. ad Trebell. l. as. in l. 1. col. 4. C. unde vir. & uxor. dd. in l. Stichum & Pamphil. §. adurio. ff. de solut. vel quando in concursu creditor defuncti & hæres debitoris defuncti bonorum separationem postulant. ut ff. de separata bono.*

*bono. per totum. l. si uxor. C. de bon. mult. jud. possid.* Illis enim casibus, facta separatione vel restitutione, unio quæ inter patrimonium defuncti & hæredes esse cœperat, dissolvitur, quod rei propositæ nulla ratione convenit, ubi adversarius ex persona ipsius Josinæ jus præten- dit, & non ex alia extrinsecus accedente causa, ex qua etiam ipsi Josinæ, patris hæreditas auferri potuisset, ut in casibus prædictis: adeo quod hoc casu quoad juris effectum, idem prorsus de bonis ex hæreditate patris Josinæ acquisitis judicari debeat, quod de propriis, & quæ aliunde ipsi obven- runt. Est etiam absurdum & im- pertinens quod in 33. & sequenti- bus articulis replicæ adducitur. *de petit. hered.* Siquidem cum reus præsentis causæ, nec titulum hære- dis, nec possessoris bonorum Joan- nis de Groesdonck prætendit; imò prorsus contrarium, nempe hæreditatem ejusdem Joannis per aditionem confusam & unitam esse bonis Josinæ, eaque tanquam Josinæ bona sibi ex fideicommissio- aviæ competere, juris est notissimi cessare petitionem hæreditatis. *l. regulariter. & tot. titul. ff. de petit. hered.*

Quibus adde, quod licet in petitione hæreditatis contra pos- sidentem, pro possessore, vel hære- de (quod à præsentis casu alienum est) etiam adita hæreditas, vocari possit hæreditas: hoc tamen pro- cederet duntaxat quoad nomen,

& ad eum finem tantum, ut de quibus bonis ageretur, facilius in- telligi possit: quemadmodum in simili Jureconsult. eum locum per- mittit insulam appellari, in quo tamen hodie insula non sit, tamen fuit. *l. insulam. §. si. ff. de acq. rer. domi.* Per quod effectus rei; id est, con- fusio & unio patrimonii defuncti & hæredis minimè impeditur, adeo quod ratione talis unionis non possit de jure aliud judicari de bonis defuncti quam hæredis, *d. l. sed si plures. §. filio. ff. de vulgar. ubi ratione talis unionis, non po- test substitutus unam hæreditatem acceptare, aliam repudiare. ut ele- ganter explicat Maria. Socin. Nep. conf. 113. incip. visis num. 33. part. 1.*

Nunc quod ad secundum ar- ticulum attinet, voluisse Mechil- lem omnia bona filix suæ Josinæ fideicommissio & restitutioni sub- jicere, non est dubium, cum aper- tis verbis testamenti, id expressum legatur: ita quod hic aliæ con- jecturæ quæri non debeant, cum verba clara sint & minimè ambi- gua: *l. non aliter. ff. de lega. 3. l. Labeo. ff. de sup. legat. l. ille aut ille. §. cum in verbis. ff. de legat. 1.* Et certè in pro- posito etiam si verba usque adeo clara non forent, tamen vel ex eo solo omnia omnino bona Josinæ fideicommissio subjecta esse dicen- dum est, quod non constet mani- festè ex toto tenore testamenti, quod voluerit omnia omnino bo- na fideicommissio comprehendere, ut ipse adversarius allegat in replica,

12

13

replica, id ipsum studiosè factum fuisse à Mechtill. Est enim regula, fideicommissum ex sola conjectura induci posse. *l. cum virum. & ibi dd. l. pen. C. de fideicom. l. hæredes mei. §. cum ita. ff. de legat. 1. cum similib.*

TERTIUS articulus, in quo de potestate substituendi quæritur, quoque dubitationem non habet. Siquidem cum Mechtillis Margaretam neptem suam unà cum fratre ejus hæredem scripserit ac prælegatis honoraverit, juris est notissimum, quod eam gravare potuit, ac proprias res ejus & quas ex successione Jolinæ matris suæ acquisiverat, fideicommissum subicere. Nam, ut inquit Justinianus in §. 1. *Inst. de sing. reb. per fideicom. relic.* potest non solum proprias res testator per fideicommissum relinquere, sed etiam hæredis, aut legatarii, aut fideicommissarii, aut cujuslibet alterius, & potest tam legatarius quam fideicommissarius non solum de ea re rogari, ut eam alicui restituat, quæ ei relicta sit, sed etiam de alia, sive ipsius sit, sive aliena. Unde generaliter dicitur de bonis hæredis, vel legatarii, non minus quam de suis propriis bonis testantem posse per fideicommissum disponere. *l. unum ex famil. §. si rem. ff. de legat. 2. l. hæredum. C. de fideicom. l. ab eo à contrario sensu. C. illo tit. l. si quis ita legatus. §. fin. ff. de manum. test. §. non solum. Inst. de legat. Quod & in hæreditate alterius per fideicommissum restituenda obtinet, per rem. gloss. & dd. in*

*d. l. cohæredi. §. cum filio. vers. & ideo. ff. de vulgar. & pupill. l. ex facto. in princ. ff. ad Trebell. ubi (quod in terminis nostri casus propriè convenit) ita dicitur: Julianus lib. 40. ff. fideicommissum tale valere ait, Fidei tua committo, ut hæreditatem Titii restituas, cum esset is qui rogatus erat, hæres à Titio institutus. & subjicitur mox ita: Non tantum autem si hæredem, quem scripsero, potero rogare, ut hæredem faciat aliquem, verum etiam si legatum illi vel quid aliud reliquero, ad idem est textus expressus, in l. ita tamen. §. Trebellianum. ff. ad Trebell. ubi Julianus sic scribit: Quares, Si Mavius te hæredem instituerit & rogaverit, ut hæreditatem Titii adeas & restituas, tuq; hæreditatem Mavii adieris, perinde à te fideicommissum petitur, ac si fundum qui tibi à Titio legatus esset restituere rogatus fuisses. Eodem igitur modo dicemus in proposito, quod cum Mechtillis Margaretæ (uti dicitur) hæreditatem suam ac multa prælegata reliquerit, quæ illi fuerunt acquisita, quæ insuper ipse Balthasar tanquam successor Margaretæ acceptavit ac judicialiter prosecutus est, fideicommissum Margaretæ in junctum de restituendis Jolinæ bonis, servandum ac præstandum esse: neque enim ferendum est, quod is qui lucrum amplectitur, onus autem ei annexum contemnat. *l. unica. §. pro secundo. C. de cadu. toll. c. accedentes, & ibi gloss. 1. de præscript. Et eo justius erit voluntatem Mechtillis in hoc fideicommissum servari, quod piè, sanctè,**

Yyyy

atque

atque prudenter eam substitutionem fecerit, utpotè per quam non exclusit agnatos à Margaretæ successione, sed extraneorum insidiis & captationibus, ac etiam inconsultis alienationibus obviavit.

**DENIQUE** quicquid contravertat adversarius, hoc fideicommissum, quatenus de bonis Josinæ factum fuit, expressè per sententiam consilii Brabantiae confirmatum fuit in clausula, **Ende noch die hillich / in verbis, vooz soo bele die selve goeden niet en zijn / &c.** Nam verba illa, **vooz soo bele**, quæ Latina dictione, quatenus, significare videntur, innuunt deductionem faciendam ex medietate bonorum Josinæ Balthasari adjudicatorum, relinquendaque Joanni omnia quæ sub illo fideicommissio comprehenduntur. Iuxta not. Bart. in l. i. ff. de cond. & demonstr. arg. l. in heredem. ff. de dolo.

## CONSILIUM LXXXVII.

## SUMMARIUM.

1. Magistri civium, Scabini, & alii Consilarii Decurionibus comparantur, qui civitatem & universum populum representant.
2. Concilium populi generale, universum populum representat.
3. Facta ex mandato populi, & ex commissione Majestatis, ab ipsismet pop. & Principe facta, judicari debet.
4. Venditio prediorum civitatis, à civitate fieri potest, ac valet.
5. Reipub. damnosum ac ignominiosum est, vacua loca relinqui.
6. Immunitas ad certum tempus à Decurionibus concedi potest, etiam sine Principis auctoritate.
7. Immunitas à Principe firmata, de jure est valida & efficax.
8. Non improbare, par est ratihabitioni.
9. Interesse ob non observatam promissionem, peti potest generaliter.
10. Interesse, post moram est in obligatione facti, ita ut jure actionis peti possit, si illud eligat actor.
11. Promittens contractum alterius observare, etiam curare debet, ut alius illum cum omnibus suis punctis & articulis observet.
12. Subditi tenentur edicto superioris obedire.
13. Bonæ fidei nihil magis est congruum, quam conventiones etiam cum subdito initas, adimplere.
14. Venditor propter non observatum pactum venditionis, tenetur ad omnia detrimenta, tam extrinseca quam intrinseca, sive ea ratione lucri cessantis, sive damni emergentis contingant.
15. Interesse quibus casibus ad duplum non restringatur.
16. Interesse ac detrimenta ab eo justius petuntur, qui negociari est solitus.
17. Pensiones rei ita debentur, sicut fructus rei & interesse intrinsecum.
18. Fructus rei etiam illi debentur, qui percipiuntur ex communicatione rei.

39. *Interesse ob dolum convenientis estimatur per juramentum in licem emptoris, quod iudicium arbitrio moderatur.*

**A**NNO 1548. die 4. Septembr. omnes ordines seu membra oppidi Antverpiensis simul congregata, urgente magno ære alieno, cujus dissolvendi aut sustinendi rationem faciliè invenire non poterant, submiserunt se consilio, protectioni ac defensionì Reginalis Majest. nec non consenserunt in venditionem ædificiorum ac locorum oppidi faciendam, ex consilio, ordinatione & commissione Reginalis Majest. pro commodo oppidi, & ut summa pretii inde collecta ad exonerationem oppidi ab ære alieno proficeret. Deinde Gillibertus van Schoonbeke emit sub certis conditionibus à magistris civium, Scabinis, & aliis rectoribus oppidi Antverpiensis, interveniente etiam consensu Reginæ, quædam loca ad oppidum pertinentia, in ea parte qua oppidum ampliatur est, consistentia, & inter alia pacta seu condiciones in præfato contractu expressas est una de immunitate certi temporis concedenda braxatoribus, qui recens in ædificia per Gillibertum in locis prædictis ad usum coquendæ cerevisiæ extructa commigrarent, &c. Item alia de transferendis pro commodo & utilitate atque successu coquendæ cerevisiæ in præfatis ædificiis, stationibus, seu (ut

vocant) comptoriis accisiæ cerevisiariæ, ac etiam de mutâdo loco subvectionis cerevisiæ extraneæ, qui vulgò *'t Bier-hooft* appellatur, ut latius in duodecima conditione dictæ emptionis continetur, quæ emptio cum omnibus suis articulis & condicionibus à sacra Cæs. Majest. anno 1552. 28 Febru. approbata ac confirmata est, adjecta promissione in verbo Cæsaris ac Principis de curando præfatum contractum observari per Rectores oppidi Antverpiensis in omnibus suis punctis & articulis, ut in instrumento præfate confirmationis (in quo etiam principalis contractus inseritur) palam est in verbis circa finem dicti instrumenti appositis hunc in modum: *Beloovende in Keijserlijke ende Princelijcke woorden/ &c.* Præterea ex contractu cum quibusdam braxatoribus à Gilliberto inito, 2. Decemb. anno 1552. convêtum fuit inter alia, ut braxatores pro usu & habitatione ædificiorum extructorum, & adhuc secundum pacta emptionis prædictæ extruendorum, ad usum coquendæ cerevisiæ, solverent Gilliberto pro qualibet hama cerevisiæ duos stuferos, quam conventionem sacra Cæs. Majestas, oblata sibi in gratiosam recognitionem parte utilitatis proventuræ ex collectione illorum duorum stufierorum pro qualibet hama, 2. Februa. anno 1553. quoque approbavit & confirmavit, atque jus colligendi

Yyyy 2      duos



duos stuferos pro qualibet hama Gilliberto tum competens, ac quodlibet aliud deinceps competiturum in suam tutelam suscepit, & eidem privilegium indulgit, quod sui patrimonii seu demainiorum redditibus competit.

POSTREMO, Braxatoribus quibusdam ædificia per Gillibertum extructa inhabitantibus, & cerevisiam ibidem secundum legem contractus coquentibus (unde pro qualibet hama duo stuferei secundum prædicta à Gilliberto levabantur) oppidū Antverpiense ordinavit stationes seu comptoria, ut vocant, Accisæ cerevisiaræ, jam secundum legem contractus à Gilliberto cum oppido initi, & à Cæsarea Majestate approbati, translata ad pristinum locum revocanda referendaque, & subventiones cerevisiæ extraneæ, quæ ex eodem contractu alio loco fieri debebant, in locis olim consuetis & solitis faciendas esse: per quam ordinationem, ejusque executionem 12. condicio contractus prædicti penitus ad irritum deducta est, eique directè contraventum, & per hoc consequenter utilitas & successus coquendi cerevisiam in ædificiis illis ad eum usum duntaxat ex pacto cum Antverpiensibus inito ingentibus sumptibus à Gilliberto extructis (qui ex illius condicionis implemento & observatione principaliter penderat) cessat, ac penitus (uti narratur) intercidit cum gravissimo in-

commodo atque dispendio Gilliberti, non solum ratione gravissimorum damnorum ob maximos sumptus in extruendis ædificiis ad usum coquendæ cerevisiæ frustra factos; verumetiam occasione magnorum lucrorum quæ rebus in eodem statu manentibus, ex collectione duorum stufeorum pro qualibet hama, & aliis emolumentis à braxatoribus recipiendis habiturus esset.

### QUÆRITUR,

PRIMÒ, an præfata venditio locorum seu prædiorum oppidi Gilliberto facta, per se sit valida, firma, & efficax.

SECUNDÒ, an immunitas certi temporis ab oneribus personalibus, realibus, &c. concessa, in præfato contractu venditionis braxatoribus, qui in præfata ædificia commigrarent, valeat & subsistat: & an locus subvehendi cerevisiam extraneam, qui vulgò 't Bierhoost appellatur, & stationes seu comptoria accisæ cerevisiaræ secundum 12. conditionem contractus mutari vel transferri poterunt sine expresso consensu totius populi seu universitatis Antverpiensis.

TERTIÒ, si omnia prædicta jure & ritè facta sint, an quatenus & contra quos Gillibertus possit agere ad interesse, quod prætendit propter non observatam 12. conditionem contractus venditionis sibi

sibi factæ, & contraventionem ejusdem quæ ex nova ordinatione Antverpiensium facta est.

PRIORIS quæstionis, qua quaeritur, an venditio locorum seu prædiorum oppidi Gilliberto facta jure subsistat, & valeat, non est dubia decisio: nam primò vel ex eo solo rectè facta videtur, quod pro commodo Reipub. Antverpiensis, secundum gloss. & 10. de Plat. in rubr. de decur. lib. x. & Bart. in l. non ambigitur. ff. de legibus. à magistris civium, Scabinis, & aliis Reçtoribus oppidi Antverpiensis facta sit: nam hi Scabini & alii Consiliarii civitatum, ordini Decurionum comparantur, ac Decuriones appellantur, quos personam civitatis agere ac universum populum representare juris est notissimi. l. i. ff. de decr. ab ord. faciend. l. quod major. ff. ad municip. l. nulli. ff. quod cujusque universi. nomine. l. sed etsi. §. de dolo decur. ff. de dol. l. aliud. §. refertur. ff. de regu. jur. Bart. & alii in l. civitas. ff. si cert. petat.

SECUNDò, quoniam venditio hæc ex auctoritate & commissione Reginalis Majest. ex præcedenti consensu generalis concilii omnium ordinum seu membrorum oppidi Antverpiensis facta est, adeò quod ab ipso populo seu generali concilio (per quod populum universum representari non est dubium l. municipales. ad municip. gloss. sing. quam sequuntur omnes. dd. in rubric. C. qua sit long. consuet. Bald. in Marg. super verb. civitas, ad fin. gl. in d. l. aliud. §. refertur.

ff. de reg. jur.) ac etiam ab ipsa Regin. Majestate venditio ista celebrata esse censerì debeat. Nam cum omnia fuerint facta ex voluntate & mandato populi & particulari commissione Regin. Majest. ab ipsis inet facta judicari debent: Marian. Soci. Nep. conf. 92. viso puncto. col. 3. part. 2. qui enim per alium facit, ipsemet facere videtur. l. ita autem. §. gessisse. ff. de admi. tutor.

DUBIUM etiam non videtur, venditionem prædiorum ad civitatem pertinentium, de qua facienda inter omnes civitatis ordinis, ac membra communi consilio tractatuque convenit, & quæ Principis commissione & auctoritate facta est, valere & efficaciter subsistere. l. si. C. de vend. reb. civita.

DENIQUE quoniam Imperiali auctoritate venditio est approbata ac confirmata: nam ea auctoritate etiam domorum seu ædificiorum ad urbem Romanam aut Constantinopolitanam pertinentium, & consequenter multò magis ad inferiorem civitatem, seu oppidum spectantium, venditionem procedere constitutum est. d. l. final.

SECUNDA quæstio iisdem rationibus, quibus præcedens decidi ac definiri posse videtur. Nam cum immunitatis temporalis concessio, quæ braxatoribus in contractu facta est, ac conventio de translatione stationum accisæ ce-revisiariæ atque mutatione loci subvehendi seu exponendi cerevi-

Yyyy 3. fiam

liam extraneam, in ipso contractu contineatur, ac pars sit ejusdem contractus: idem de ea judicandum videtur quod de contractu principali. *c. accessorium. de reg. jur. in 6. c. translatio. de constitut.* Et certè immunitatis concessio ad certum tempus, etiamsi à solis decurionibus profecta esset, ex eo sustineri potest, quod ex justa & gravissima causa contigerit; nempe ut facilius inveniatur emptor vacuorum locorum intra oppidum: & ut in eam partem oppidi commigrarent homines ad habitandum &

5 ad coquendum cerevisiam, quæ vasta & inhabitata erat: quod dispendiosum ac ignominiosum tam florenti Reipublicæ videri poterat; *Alexan. cons. 54. viso puncto.*

6 *col. 3. vers. accedit. vol. 4.* quo casu immunitatem datam etiam sine Principis auctoritate valere receptum est. *Bart. in l. vacuatis. in fin. de decur. lib. 2. & in l. 2. ff. de jur. in immuni. Alex. cons. praeitat.* Multo magis ergo valebit ista immunitatis datio, quæ ex speciali commissione Reginalis Majestatis data est, & quam D. Imperator approbando & confirmando totum contractum cum omnibus suis punctis & articulis assensu suo ratum fecit, à quo firmata immunitas de jure est valida & efficax. *l. vacuatis. C. de decur. lib. x. l. 1. C. de iis qui à princ. vacat. gloss. Bart. & alii C. de decre. decur. lib. x.*

Porro quòd ad stationum translationem ac immutationem loci exponendæ cerevisiæ extraneæ

attinet, nihil apparèt quare ea secundum contractus formulam fieri non potuerit: nam auctoritate magistrorum civium Scabinorum & aliorum Rectorum oppidi Antverpiensis, penes quos ejus rei arbitrium esse debet, de ea translatione conventum fuit, idq; ex justa & utili causa (quæ ad politiam & non ad alienationem pertinet) nempe ut fraudibus obviaretur, & ut braxatores magis allicerentur ad commigrandum in nova ædificia causa coquendæ cerevisiæ in ea parte oppidi extructa, quæ prius inhospita & inhabitata fuerat. Et certè de justitia hujus rei dubitare non convenit propter auctoritatem Cæsar. Majest. ex qua etiam alienatio domorum ac prædiorum civitatis subsisteret. *d. l. fin. C. de vend. reb. civit. lib. x.*

PRÆTEREA etiamsi non accessisset Imperialis auctoritas, & quod jus non pateretur hujusmodi translationem fieri à solo magistratu oppidi irrequisito generali concilio, quod universum populum repræsentat, nihilominus id quod factum est jure valeret: siquidem, uti à Cæs. Majest. in sua confirmatione narratur, ipsum contractum cum omnibus suis punctis & condicionibus omnibus ordinibus seu membris vulgò appellatis **Den bzeeden Raedt**/ fuisse communicatū & prælectum, & præfixo termino intra quem quilibet illi contractui possit contradicere, non fuisse ab aliquo reclama-

reclamatum, per quod non solum generale concilium oppidi, quod universum populum, uti dictum est, repræsentat, sed ipse universus populus seu universitas consensisse videtur: siquidem non improbare par est ratihabitione, ut in specie multo dubitabiliore scribit Angelus *cons. 269. punctus est, in fin.*

Quibus sic se habentibus, ad tertiam quæstionem veniendum est, pro cuius resolutione ita dicendum videtur, quod ex quo oppidum Antverpiense condiciones & pacta venditionis non observavit, sed directè iis per suam ordinationem contra fidem datam contravenit, & per hoc Gillibertus damnificatus est, agi posse ad interesse. Nam generaliter ob non observatâ promissionem id quod interest peti potest: *dd. in l. unic. C. de sent. qua pro eo quod interest.* & ita nominatim in contractu venditionis, *l. 1. l. Iulianus. & tot. tit. ff. de act. empt. locationis, l. sed addes. §. 1. l. si fundus. ff. locat. & similibus constitutum est dd. in d. l. unica.* Eteo proclivius hic ad interesse actionem competere dicendum est, quod tractetur de non adimpleta seu non servata per oppidum promissione facti: quo casu constat semper succedere obligationem ad interesse, *l. stipulationes non dividuntur. §. Celsus. ff. de verb. oblig. d. l. unica.* quod iure actionis petitur, cum sit in obligatione post moram, *d. l. 1. ff. de ac. emp. l. fin. juncta gl. ff. si quis in jus voc. non ier. Bartol. in*

*d. l. uni. num. 28. Salic. in l. si traditio. C. de act. empt. Ang. in §. actionum. Inst. de act. adeo ut in electione actoris sit agere vel ad interesse vel ad factum. Bart. in d. l. stipulationes non divid. 7. quæst. ff. de verb. oblig.*

Agitur autem potest per Gillibertum ad interesse adversus oppidum Antverpiense, cum quo contraxit, & quod pactum seu conventionem venditionis non observavit, *d. l. 1. d. l. Iulianus. l. ex empto. §. ex empto. ff. de act. empt.* & per hoc consequenter damnorum ac detrimentorum à Gilliberto prehensoforum causam dedit, ac ad eorum emendationem tenetur. *d. l. 1. & l. Titius. ff. de act. empt. dd. in d. l. unica.*

In qua re, ut scilicet Gillibertus indemnitate suam ac damnorum ex nova illa oppidi ordinatione ipsi illatorum restitutionem recuperet, Cæsar. Majest. auctoritas implorari & obtineri poterit, propter promissionem quam sua Majestas fecit de curando contractum illi venditionis cum omnibus suis punctis & articulis observari per Rectores oppidi Antverpiensis, &c. *l. quoties quis. ff. de verb. oblig. l. in lege. ff. loc. præsertim cum* II  
suar Majestati difficilè non fuerit ab initio prohibere, ne Antverpienses pactis seu condicionibus venditionis contravenirent; & nunc jubere, ut propter non observatam promissionem damnorum ac detrimentorum à Gilliberto prætensoforum, si verè subsint  
& ex

& ex illa causa acciderint, fiat restitutio ab Antverpiensibus, suæ Majest. subjectis. Tenentur enim subditi superioris edicto obedire, *c. si quando. de rescript. c. ad aures. de temp. ord. in antiq. cum simil.* & nihil magis suæ Majestati ac bonæ fidei est congruum, quam conventiones & obligationes adimplere, *c. i. de proba. dd. in l. digna vox. C. de leg. etiam si cum subdito sunt initæ. dd. in d. l. digna vox. Alexand. conf. 54. lib. 4. Dec. conf. 286. in causa communis. col. fin.*

P O R R O quatenus à Gilliberto interesse peti, ac quatenus ei præstari debeat; non juris sed facti est quæstio: licet enim vel ex conventionem vel obligationum seu contractuum natura interesse debeatur; quid tamen & quantum debeatur, in causæ cognitione & facto consistit. *l. quatenus. ff. de reg. jur. d. l. unic. & ibi dd.*

I L L U D autem generaliter dici potest, quòd cum hoc casu quicquid interest ex facto Antverpiensium contra fidem datam pacto venditionis contravenientiū proveniat, omnia omninò detrimenta quæ Gillibertus patiatur, propter non observatum pactum venditionis & impeditum usum coquenda cerevisiæ præstari debere; siue sint intrinseca & rei inhæreant, siue extrinsecus contingant, *l. 2. ff. de in litem jurando. l. si fundus. ff. locat. l. 3. de eo quod cert. loco. l. Iulian. in pr.*

14 *l. Titius. ff. de act. empt.* & siue ea ratione damni emergentis, siue ra-

tione lucri cessantis contigerint, *l. si commissæ. ff. rem rat. hab. d. l. 3. in fi. ff. de eo quod cert. loc. l. quicquid. C. arbitrium tut. dd. in d. l. unic.* quemadmodum in locatione (quæ iisdem regulis utitur, quibus & venditio *l. 2. ff. locat.*) si facto locatoris fiat quo minus conductor re locata uti frui possit, tenetur locator ad omne interesse etiam lucri cessantis. *d. l. si fundus. ver. penult. ff. locat.* Et in promissa satisfactione nec præstita, is qui promisit, quanti plurimi, actor periclitatur seu periclitari potest, condemnatur. *d. §. & ex empto. in l. ex empto. De Action. empt.*

C Æ T E R U M interesse in specie proposita æstimari debet, non solum habita ratione damnorum nunc incursum secundum præsens tempus, sed etiam incursum in futurum: quoniam hoc interesse non est momentaneum sed successivum. *arg. d. §. & ex empto.* Et præterea æstimatio ejus quod interest in hoc casu ad duplum restringi non debet: sed totum quod in veritate interesse probabitur, præstandum est, quoniam hic sumus in casu incerto, *dd. in d. l. unica.* tum quia hic agitur de facti obligatione, *dd. in d. l. unic.* tum etiam quia interesse hic non versatur in re habente certam quantitatem vel naturam limitatam, sed circa ædificiorum imminutum valorem & quæstus seu pensionum verisimiliter ex ædificiis illis percipiendarum cessationem, cujus nulla præexistit

15

præxistit certa quantitas vel natura, sed ex diligenti inquisitione iudicis apparebit. *d. l. unic. & l. ult. ff. de prator. stip.*

- 16 Et certè eo justius erit, in hac specie detrimentorum à Gilliberto prætensoium rationem haberi, quod ipse, uti præsupponitur, negotiari sit solitus, & quod ædificia ista ad questum faciendum ex collectione suorum jurium extruxerat, *jux. not. Alex. in l. divor. in princ. ff. solut. matr. Dec. consil. 116. in princ.* quodque ædificia ipsa ad alium usum quàm coquendæ cerevisiæ, qui nunc cessare videtur, usque adeò apta videantur. *arg. l. diem functo. & ibi dd. ff. de off. assessor.* Et denique quod istæ pensiones seu jura ex collectione duorum stuferorum & aliorum emolumentorum quæ pro usu & habitatione dictorum ædificiorum Gilliberto com-
- 17 petebant, & quæ adhuc verissimiliter illi erant competitura, vicem fructuum obtineant, sicut aliæ domorum pensiones, vecturæ navium, & similes obventiones: quæ ita debentur, ut ipsi fructus qui ex re proveniunt, ac aliud quodlibet interesse intrinsecum. *Innoc. & alii in c. sacro. de sent. excom. dd. in d. l. unic. & in l. si filiusfamil. §. cum fundum. de verb. oblig. l. videamus. §. præterea. ff. de usu. Nam fructus rei non solum debentur qui percipiuntur ex re, sed etiam qui percipiuntur ex communicatione rei. l. item si fundus. §. si aucupium. ff. de usufruct.* Ad eò quod quatenus hujusmodi jurium

collectio ex ædificiis ad talem utilitatem ex iis percipiendam extructis, occasione novæ ordinationis Antverpiensis cessat vel diminuta est, justissimum videatur, id quod interest præstari. *arg. eorum quæ scribit Franc. Arct. cons. 51. num. 2. vers. in contrarium facit.*

Et cum hic agatur de emptio- nis contractu, qui est bonæ fidei, & cui Antverpienses ultronea sua ordinatione, vel ad ultroneum & temerarium clamorem ac vociferationem populi facta, contraveniunt, interesse à Gilliberto præten- sum juramento ejusdem probari posse videtur, siue Senatus Antverpiensis sine causa & necessitate per istam ordinationem promissioni suæ à Principe confirmatæ, siue ejus voluntati contravererit: siue populus & communitas injustè suo clamore & vociferatione hanc ordinationem extorserit, ob quem dolum interesse in his casibus juramento probari legibus constitutum est. *l. in actionibus. ff. de in lit. jurand. Bart. & alii in d. l. unic.* Et specialiter in casu emptionis, cui dolo contraventum est, interesse æstimari seu taxari per juramentum in litem emptoris, iudicis tamen arbitrio, si visum fuerit, moderandum, tenet Lud. Roman. *cons. 270. col. 2. vers. 4. dubitatur.* Laus Deo patri filioq; & spiritui sancto, &c.

Ita ut premittitur videtur nobis N. & N. utriusq; juris dd. de jure dicendum, & ad proposita respondendum, salvo iudicio sanioris.

Zzzz. CON-

## CONSILIUM LXXXVIII.

## SUMMARIUM.

1. Interesse etiam tacite inest, quando reus conventus id de quo agitur in judicio, tradere seu facere non potest, tamen si illud per actorem petitum non fuerit.
2. Actoris est electio, an velit ad rem seu factum, an ad interesse agere, licet iudex ad alterutrum tantum condemnare debeat.
3. Officio iudicis veniunt quæ lite pendente emergunt, & de illis sine novo libello pronunciari debet.
4. Obligatus ad respondendum licet sit in mora, & succedat obligatio ad interesse, potest tamen condemnari ad factum, licet post sententiam liberari possit præstanda interesse.
5. Clausula, Petens super præmissis, &c. vis & effectus.
6. Instrumentum sic antiquitate resum ac lacerum, quod perfecte legi non possit, si tamen ejus principalis sententia ad sensum colligi potest, valet.
7. Filius ex contractu patris qui sibi, & post mortem suis liberis reservavit facultatem redimendi, habent eam facultatem jure proprio ex contractu patris, etiam si patri non successerint.
8. Fendum quod patri & suis filiis conceditur, non amittit filius ex patris delicto, idem in emphyteusi.
9. Fendum potest filius, repudiata patris hereditate, acceptare.

10. Actus cum minore gestus videtur, qui in ipsius personam dirigitur.
11. Minor ratione iusta ignorantia restituitur, etiam si cum ipso nihil gestum sit.
12. Restituendi justam causam præbet frequens mutatio tutorum.
13. Quadriennii tempus non computatur minoribus ex die lationis & scientia in minore ætate, sed solum à tempore scientia in maiore ætate.

**T**A M E T S I in lite, quæ vertitur in amplissimo Senatu Cancellariæ Brabantiae, per & inter Joannem van Steewighem cum suis Impetrâtes ex una, & D. Jacobum van Harbais equitem, &c. Opponentem ex altera, sufficere poterant ad sustinendam intentionem Impetrantium, ea quæ in scripturis ab Advocatis eorum copiosè & dilucidè deducta sunt: tamen ut morem geramus petitioni Impetrantium capita, pauca ad maiorem causæ elucidationem hic subijciemus.

E T in primis quòd quanquam Impetrantes in priori sua petitione, secundum tenorem cōtractus, ex quo agitur, ad redemptionem concluderunt, non facta mentione æstimationis, seu ejus quod interest in casu quo Opponens vel nollit vel non posset ipsos ad redemptionem bonorum, de quibus agitur, admittere: nihilominus tamen casu quo Opponens sequendo cōtractum ad emptionem pati vel nolit vel non possit juxta petitionem



tionem Impetrantium, nec non prosecutionem æstimationis ac ejus quod interest, quæ insecuta est condemnatio ac adjudicatio æstimationis seu interesse, rectè sequi poterit; siquidem in hujusmodi causis quando conventus, id de quo agitur, tradere seu facere non potest, de necessitate pervenitur ad interesse, id quæ tacitè inest, etiam si per actorem petitum non fuerit, *l. stipulationes non divid. & ibi Bart. & alii post eum. ff. de verb. oblig. l. traditio. C. de pac. emp. l. qui restituere. ff. de rei vend. ut loco rei petitæ interesse solvatur, l. si servum. §. si. ff. de verb. oblig. & electio est actoris, an velit ad rem seu factum, an ad interesse agere: l. 3. in fi. ff. de eo quod certo loco Zaz. post alios in d. l. stipulationes dividuntur. nu. 42.* Judex verò ad alterum tantum condemnare debet. *secundum Bart. in d. l. stipulationes non dividuntur. nu. 35.* Et adeò hic electio petendi rem vel æstimationem ad effectum consequendi alterutrum actori permessa est; ut etiam cum constet rem quæ promissa est, tradi vel fieri non posse, nihilominus ad rem concludere liceat, ad finem ut sequatur pretii vel æstimationis condemnatio. *l. si servum. §. si. ff. de verb. oblig.* Quare in proposito ubi ab initio Impetrantes justè ignoraverunt, an Opponens haberet facultatem restituendorum bonorum, de quibus agitur, non cadit dubitatio, quin sequi possit æstimationis ac ejus quod interest adjudicatio, cum id

ab Impetrantibus expressè sit petitum: posteaquam emerit in judicio, Opponentem non posse facere restitutionem bonorum, ob id quod ea se non possidere allegavit. Nam quicquid resultat ex aliquo emergente in judicio illius petitio sine novo libello judicis admitti debet, & omnia quæ lite pendente emergunt, veniunt officio judicis, & de illis in eodem judicio pronunciari debet. *ut putchè ostendit Rom. cons. 70. num. 7. Bart. in l. 1. in princip. in 3. col. ff. de act. empt. Huc pertinet quod tradit Boërius decis. 182. num. 29.* quod obligatus ad respondendum, licet sit in mora, & succedat obligatio ad interesse, potest tamen condemnari ad factum, licet post sententiam liberari possit, præstando interesse. Et eo magis æstimationis ac ejus quod interest ratio haberi poterit, quod hic agatur in supremo Consilio Principis, & quod etiam primæ petitioni ac conclusioni Impetrantium, clausula, *Petens super præmissis, &c.* in effectu subiecta sit, vigore cujus clausulæ, semper videtur intentata actio apta; ac sufficit, quod secundum probata ferri possit sententia pro actore, secundum Innoc. Joan. Andr. & alios *in c. 2. de ord. cognit. cum similibus.*

SECUNDO, quantum ad raturam quæ in numero annorum redemptioni præstitutorum in contractu esse dicitur, breviter dici potest, nihil præjudicare posse Impetrantibus, si fortè instrumentum

seu charta in qua contractus ex quo agitur descriptus est, aliquo modo rafa, antiquitate obscurata, vel aliquo modo rupta foret; cum facultatem redimendi (ex qua principaliter intenta est hæc lis) patri Impetrantium & etiam ipsis  
 6 Impetrantibus datam fuisse ex illo instrumento seu charta clarè legatur, & quoad hæc integra sit, non cancellata nec vitiata saltem tali vitio quod ejus fidei derogaret. Debet enim fidem facere, & id quod clarè continet probare; nempe facultatem redimendi patri Impetrantium in illo contractu reservatam fuisse: licet foret in tempore seu numero annorum fortè aliqua obscuritas. Nā quamvis instrumentum esset sic antiquitate rosum ac lacerum quod integraliter legi non posset perfectè, sed tantum principalis ejus substantia ad sensum colligi valeret.  
*arg. l. prima. §. sed consulto. ff. de iis qua in testamento delentur. & ibi Bald. & arg. c. fin. & ibi gloss. & Pan. de fide instru.* Et certè non est ratio quare obscuritas temporis seu annorum si quæ sit, omnia alia in ea scriptura contenta vitietur: *arg. c. utile. de reg. jur. in 6. præsertim cum facultas redimendi patri Impetrantium & ipsis Impetrantibus data per se stare possit sine præfinitione temporis, & tempus seu annorum numerus de substantia ad victoriam reportandam pro Impetrantibus non sit necessarium. arg. l. matrem suam. c. de prob. & eorum qua scribit*

*Angel. conf. 116. visis igitur. col. 2.* Nā tempus hoc casu nō est causa dandæ vel denegandæ restitutionis vel actionis, sed ipsa facultas redimendi quæ data fuit: quam si Opponens expirasse, & posteaquam expiravit per restitutionē resuscitari non posse velit contendere, ipse probare debet clarè & positivè numerum annorum ad quem ea facultas restricta fuit, & causam quare alioqui simpliciter & sine præfinitione temporis facultatem ex illo contractu datam intelligemus, vel saltem in dubio pro tempore prolixiore præsumemus *arg. eorum qua scribit Bald. consil. 462. præsupposito part. 1. per rasuram, de qua etiam non esse derogatum fidei præfatæ scripturæ, judicialiter declaratum est; cum, ut in scripturis allegatur, in judicio secundum eam judicatum sit. Quibus postremo illud addi potest, prorsus esse supervacaneum, quod si de aliquo tempore hic constet, disputare, an duorum, an 12. annorum spatium præstiturum fuisse intelligi debeat, cum sive duo tantum anni, sive duodecim anni intelligantur, audiri semper æquè justum sit, Impetrantes ob minorem ætatem, & ob alia impedimenta restitutionem concedi ad tempus quod est perditum, sive hoc duorum annorum fuerit, sive 12. attento quòd agentes tempore petitiæ restitutionis fuerint intra quadriennium; quod post majorem ætatem restitutionibus minorum præstiturum*

præstitutum est. *l. fin. C. de temp. in integ. restit.*

POSTREMÒ restitutionē hoc casu concedendam esse adversus lapsum tempus propter minorem ætatem & lésionem, quæ hic magna esse dicitur, æquum videtur, ut latè in scripturis deductum est. Et quia Opponens dicitur fundamentum suæ defensionis constituere in *l. Æmilius. ff. de minor. pau-* cis hic ostendendum est intentionem Opponentis ex ea lege adjuvari non posse, & ut hoc clarè constare possit, consideranda sunt verba contractus, per quem D. Joannes van Steenwighen pater Impetrantium, facultatem redemptivam bonorum de Voller (qua Impetrantes obtenta restitutione uti volunt) sibi reservavit, ac post mortem suam liberis suis legitimis, usque ad annū duodecimum prolis suæ majoris natu, in clausula: **Wchaudelijck/ibi dat hy als dan ofte nae sijn afslijvighepdt / de selve kinderen oft kindt oft heuren Mombereen van heuren weghen / de boozsepe de goeden ende Heerlijckhept sullen mogen vernaerden/ &c.** ex quibus verbis palam est, hanc facultatem redemptivam post mortem præfati domini Joannis liberis ejus legitimis jure proprio competuisse; ac tunc primum, hoc est, post mortem patris inceptisse competere, idque ex præfato contractu, in quo pater Impetrantium usque ad terminum

præscriptum sibi quoad viveret eam facultatem reservavit, & post mortem suam filiis suis legitimis nunc Impetrantibus: & sic fuerunt duæ facultates diversis personis date. Quæ ratione Impetrantibus jure proprio quæsito ex prædicto contractu hæc facultas competit; & competeret, etiam si hæredes patris sui non fuissent. nam hanc facultatem habent non jure successionis, sed ex præfato cōtractu. *Iuxta ea quæ not. Iason post Bartol. in l. qui Roma. §. Flavius. ff. de verb. obligat.* Quemadmodum etiam in simili videmus in emphyteusi vel feudo, quod alioqui pro se & suis filiis concessum est. Nam in eo casu filius non ex patris, sed ex sua propria persona feudum illud accipit; nec ob patris delictum amittitur. *arg. l. cum qui. ff. de interdict. & releg.* Et potest filius repudiata hæreditate paterna, tale feudū acceptare. *ut not. Ioan. Andr. in add. specul. titul. de feud. §. quoniam. vers. 37. quaritur, latè Alvar. in c. unico. an agna. vel filius. col. 3. in usus feudorum.*

QUÆ omnia eò pertinent ut: demonstrari possit, præfatam legem Æmilium nihil ad hunc casum facere, utpotè quæ solum procedit in præscriptione seu negligentia contra defunctum, cui minor hæres exitit, inchoata, & quando cum minore nihil gestum est, quod in hoc casu dici non potest, quoniam hic verè cum minoribus actum fuit, eo quod actus redemptionis in ipso cōtractu ad eorum

Zzzz 3

perfo-

personam dirigitur, ita quod ipsis ex suo persona & jure proprio, ex illo contractu jus quæsitum sit. *Iuxta not. Ias. in d. §. Flavius.* Nam cum minore gestū videtur, quando actus in minoris personam dirigitur. *ut pulchrè declarat Bart. ad d. l. Æmilius.* Nec movere debet quod pater Impetrantium sibi acquisiverit, & quod ab eo contractus prodierit & originem habuerit. Nam cum quis contraxerit, id cuius nomine hoc factum sit, & cui ex eo contractu jus quæsitum, & in cuius personam contractus verba directæ sint, inspicere debet, *juxt. not. Bart. ad d. l. Æmilius:* ita quod ex illo capite dispositio *d. l. Æmilius* hic cesset.

SECUNDO negligentia vel præscriptio in vita patris & contra ipsum, quoad facultatem Impetrantibus ex persona sua vigore dicti contractus competentem inchoata non fuit, quoniam facultas ea demum post mortem patris Impetrantibus cæpit competere, & sic pater in eo quod in vita sua nondum erat nec efficaciter exerceri poterat, negligens fuisse dici non potest: & præterea hoc respectu non agitur de patris negotio, sed actus principalis filios ejus respicit: ita ut eis solis ascribi hæc negligentia seu cessatio debeat, quod post mortem patris tempestivè hanc facultatem non exercuerint: ita quod præscriptio non nisi à tempore, quod post mortem patris decursus est, sit considera-

bilis: ita quod hoc casu nihil contra patrem præscriptum ob negligentiam videri possit. Et proinde ex hoc quoque capite restitutio petita, ex dispositione *d. l. Æmilius*, impediri non debet, maxime cum hic de eo non agatur, ut Impetrantes contra paternum contractum restituantur, sed ut eis adversus patris subveniatur, in quo patri nihil est imputabile, sed solis minoribus. Adde quod etiam si hæc facultas in vita patris competiisset, adhuc tamen ob negligentiam patris contra jus filius ejus quæsitum præscriptione diminui non potuisset. Quemadmodum in simili feudum avitum filio manet incolumè, etiam si pater feloniam commiserit.

ADDE, quod etiam si non competeret hæc restitutio ex edicto de minoribus, competeret tamen ex clausula generali, Siqua mihi justa causa videatur, ratione justæ ignorantie: quia Impetrantes contractum à patre celebratum ignorant, quo casu non requiritur aliquid cum minore gestum esse. *d. l. Æmilius. & ibi expresse Bart. Idem Bart. & dd. in l. filiusfam. ff. de verb. obligat.* Et quod hic subest justa causa ignorantie, patet ex eo, quod hic non tractetur de proprio facto Impetrantium, sed patris sui defuncti, quo casu ignorantia est probabilis, *c. qua in jus alterius de reg. jur. in 6.* maxime attento quod Impetrantes tempore contractus celebrati

11

celebrati nondum nati fuerint, & deinceps ob defectum ætatis ejus rei scientiam facile habere non potuerunt: quod maximè locum obtinebit si attendamus Impetrantes eo tempore, quod facultati redimendi erat præstitutum, pupillos fuisse; *juxta notata Bartol. Soc. consil. 112. in fine. lib. 1. & quod*  
 12 vel nullos vel suspectos, ac sæpè mutatos tutores habuerint: frequens enim mutatio talis, iusta causa est restitutionis. *per gloss. fin. in c. 1. de restitut. in integ.* Et denique  
 13 dato quod scivissent tempore minoris ætatis, nihilominus tamen restitui possent: quia tempus quadriennii non computatur minoribus ex die læsionis & scientiæ in minori ætate, sed solum à tempore scientiæ in majori ætate. *Bald. in l. falsam. C. si ex fals. instrum. Alexand. conf. 71. in 1. vol. conf. 169. 2. vol. conf. 1. in 4. vol. conf. 116. in 5. vol.* Denique non inconvenienter dici potest Impetrantes intra tempus præstitutum, declarasse se hac facultate uti velle ac uti voluisse, in lite rei vendicationis olim à judicibus feudalibus intentata; de quo est cogitandum.

## CONSILIUM LXXXIX.

## SUMMARIUM.

1. In crimine læsæ Majest. ex legis necessitate delatio facienda est.
2. Crimen læsæ Majest. ex sola scientia contrahitur, si is qui scit in Prin-

cipem conjurationem fieri, non detegit; etiam si id quod scit, probare nequeat delator.

3. Crimen læsæ Majest. detegere ac revelare quis cogitur, quocunque modo sciverit vel audiverit.
4. Crimen læsæ Majest. subditus domino suo denunciare tenetur, quocunque modo id fieri scit vel audit.
5. Delator, si de dolo vel calumnia ex confessione ipsius vel aliis perspicuis indicis & conjecturis convincatur, puniri debet extra ordinem judicis arbitrio. Idq. variè.

De denunciatione proditi-  
 onis Carolo quinto Cæsari  
 facta adversus quen-  
 dam Governato-  
 rem Italiæ.

AD quæstionem præmissam ex jure scripto respondendum videtur in hunc modum; quod si dolus seu calumnia intervenisse non probetur, eum qui detulit, à pœnæ periculo exini & excusari debere. Quoniam in hoc gravi crimine læsæ Majest. ex legis necessitate delatio facienda est: *l. quisquis. in fine. C. ad leg. Jul. Majest.* adeò quod ex sola scientia contrahatur crimine læsæ Majest. si is qui scit in Principem conspiracyonem fieri, non detegit: etiam si id quod scit delator ac Principi revelat, probare nequeat, *ut Bart. voluit in l. utrum. & in l. si sciente. ff. ad l. Julian. de parric. Quæ Bartol. sententia tamen si contro-*

controvertatur à Baldo, quem refert & sequitur Angel. Aret. in tractatu suo maleficiozum in verb. Et hay traditio la tua patria, tamen omnes & Angelus loco citato Hippol. singular. 164. fatentur eam à iudicibus in praxi observari. Et quicquid sit de illa Bart. sententia, hoc tamen constat, necessitatem revelandi hoc casu scienti incumbere, sive sciat, quia vidit aut conscius fuerit, aut conspirans illi indicavit, sive quia à muliere de cujus fide dubitare potuerit, hoc audierit, sive alio quocunque modo cognoverit. ut habetur in c. hoc videtur. 22. q. 5. facit. l. pen. C. de pag. sacrif. & templis eorum. l. si. C. ne sac. bap. iter. ibi vel facto non detulit. §. quia verò plurimas. in auth. ut liceat matri vel avie. d. l. quisquis. C. ad l. Iul. Majestat. l. si quis forte. vers. quis enim dubitat. in ver. qui tamdiu tacuerunt quod pro salute principis se habere jactant. item in verb. nec enim dubitant tam magnam rem tamdiu reticere. Cùm igitur necessitas revelandi ea quæ contra Principem fiunt ac parantur, à lege imponatur, excusari debet à præsumpta calumnia & pœna is qui detulit, si in probatione defecerit. l. 2. & l. calumnia. C. de calumniar. l. qui cum majore. §. patris. & §. seqq. l. Paulus 2. §. 1. ff. de bonis liber. Quemadmodum & monopolia & alias Reipublicæ causas absq; calumniæ & ancipitis quæstionis periculo prodere ac detegere permissum est. l. 1. C. de mono. l. 2. ff. de jur. fis. l. quinque summates. C. de decur. lib. 10. Et generaliter omnes personæ quæ

justo dolore moventur & ex necessitate legis ad accusationem vel denunciationem procedunt, in suspicionem calumniæ non incidunt ob probationum defectum. arg. l. ea quidem. C. de accus. secundum Hoffl. & Ioan. And. in c. super his. de accus. arg. d. l. 2. C. de calumn.

Et hoc maximè dicendum est in hujusmodi conjurationibus & conspirationibus quæ clam fieri solent: idque eo magis in proposito, si is qui detulit vasallus fuerit vel subditus, qui domino suo vel Principi omnia quæ scit vel audit fieri, vel ab aliquo moliri contra dominum vel principem, denunciare tenetur. c. unic. de nova form. fidel. in vers. ego iuro, & in vers. & si scivero. Quò pertinet quod dicitur, in c. praterea. si vasallus. quæ fuit prima causa beneficii amittendi. assultum vel mortem, vel captionem, aut patrimonii grandem jacturam facere molientem, debet dominum super hoc, quàm citius potest, certiorare, ut proinde dominus sciens prudensque à periculo sibi cavere valeat.

ILLUD quoque hic considerari debet, quòd detectio quæ hic facta dicitur, non sit ea intentione facta, ut deferens accusaret, ac crimen in iudicium deductum probaret; sed tantum ut causam suæ conjecturæ ac sceleris Principi manifestaret, cum ea adjunctione, quod crimen ac etiam causam suæ conjecturæ fortè probare nō possit, per quod protestatus videtur, quod

quod se periculo probationis & casui quem ignorat, non vellet exponere; & sic formam denunciationis traditam in d. c. *hoc videtur* 22. q. 5. quam exponit Innoc. in c. ad audientiam, de homicid. elegisse videtur, quæ ad hoc solum fit, ut sibi caveat is cui injuria vel periculum timendum erat; & ab omni periculo & pœna, si id quod denunciatum est, probari nequeat, secuta est. Nec poterat hic videri denunciatio illa facta ad finem instituendi iudicii, à quo ob probationum diffidentiam dehortabatur, addita oblatione, qua sine iudicio obviare potuisset denunciati aut delatationibus: Et hæc quidem omnia, si non deregatur dolus aut calumnia delatoris.

5 CÆTERUM si dolus seu calumnia evidenter probari possit, vel ex confessione ipsius delatoris, vel ex aliis perspicuis indiciis & conjecturis, in exemplum aliorum puniri debet. d. l. Divus. in fine. Idem intelligit Bart. extra ordinem iudicis arbitrio: quod refert Salyc. in d. l. ea quidem. num. 25. C. de accus. addens iudicem, qualitate calumnia & doli seu ejus circumstantiis attentis, pœnam falsi quædamque injungere posse. arg. l. primæ. in pr. ff. ad legem Cornel. de fals. Quibus addi potest, quod scribit Jo. de Anania, in rubr. de calumn. circa princ. etiam similitudinem supplicii seu pœnam talionis calumniatori imponi posse, si crimen quod adversario falso & per dolum objecit, pœnam ordinariam haberet: ita

quod idem delictum hoc casu, diversis rationibus consideratum, ad diversas leges ac diversa genera criminum referri possit. arg. l. nunquam plura. ff. de priva. delict. l. plura. ff. de act. & obl. l. senatus. ff. de accusat. Porro dolus, sine quo non est calumnia, non ex una conjectura, sed perspicuis indiciis probari debet. l. dolum. C. de dolo malo. Quæ si hinc concurrerent, adversus delatorem juvarentur ex oblatione ejus de interficiendo delato, alia causa quæ sita, quæ videtur esse alicujus mentis vel multum zelose in conservationem status & dignitatis seu principatus, si scilicet delator ita sibi firmiter persuasum habuerit, parari ab alio proditorem, vel perditæ & malitiosæ, quæ sic religione Principis circumventa quæsisset, ob odium fortasse privatum alicui quavis occasione innocentem occidere: quin etiam detestabiliori consilio simile quicquam attentari posset, nimirum ut successus rerum Principis, in suspicionem vocato eo, qui eas bene & præclare gerebat, impediatur, ne Princeps ausit illi deinde tam magna fidere: sed hæc res ex facti circumstantiis & personarum qualitate pendet, de qua nihil definire possumus, sed potest ex Principis officio latius inquiri, & pro qualitate delicti delinquens puniri, etiam non conquerente eo qui injustè delatus est. Laus Deo, &c.



## CONSILIUM XC.

## SUMMARIUM.

1. *Cum nulla est sortis principalis obligatio, non possunt posteriores subsecuta promissiones subsistere, etiam stipulatione firmata.*
2. *Verba contrahentium secundum consuetudinem, & secundum id quod consuetum est fieri, accipi debent.*
3. *Casus adventitii, ut non debent, sic nec solent venire in considerationem.*
4. *Conventio regulariter ita non extenditur ad incogitata.*
5. *Verba incerta aut obscura in dubio pro eo interpretanda sunt.*
6. *In omnibus contractibus subauditur clausula, rebus sic stantibus, & in eodem statu manentibus.*
7. *Quando quid est dispositum cum aliquo presupposito, si presuppositum non verificatur, non habet locum dispositio.*

**I**N causa vertente indecisa in clarissimo Senatu Antverpiensi inter dominum A. actorem ex una, & B. reum cum suis consortibus ex altera, si bene consideretur contractus ex quo Rei conveniuntur, clarè constare poterit ex eo adversus reos nullam actionem dari posse. Nam licet in principio illius contractus cambium triginta milium inter contrahentes fieri videatur, in veritate tamen nihil agitur, quoniam in eodem contractu, &

ii qui sub Cambii literis illa triginta millia dare debuerant, à necessitate realiter numerandi seu tradendi literas Cambii liberantur, & ei qui fuisset factus debitor literarum Cambii, necessitas realis substitutionis remittitur; adeò quòd respectu principalis sortis 30. millium coronatorum, nulla prorsus in ea conventionione contrahatur obligatio.

**U**NDÈ sicut nulla est ac vana totius sortis obligatio, merito quoque infecuta promissiones vicissim factæ de augmento vel decremento recursus Cambiorum, respectu præfatæ sortis 30. millium florenorum inutiles censeri debent. *arg. c. accessorium. de regul. jur. in 6.* Et impossibile foret spectare augmentum vel decrementum. i. lucrum vel damnum ex recursum Cambiorum ejus sortis nomine, quam constat ex ipso contractu, nunquam vel realiter numeratam, aut sub literis Cambii translatam esse, aut etiam numerari vel transferri debuisse.

**Q**UIBUS accedit, quòd nulla habeatur in eo contractu, nec aliunde probetur justa causa, quare vel actori vel auctori, seu Nicolao de Juncta, hujusmodi diminuti valoris in Cambiis Lugdunens. præstari deberet, ideoque cessare debet exactio. *l. 2. §. circa. ff. de dol. mal. & met. except.* Nam cum nulla, uti ex contractu apparet, fors aut sortis obligatio seu periculum verè intervenerit, non possunt (ut videtur)

videtur) illæ posteriores promissiones ex aliqua justa negotiationis seu commutationis sustineri, sed recidunt in aleam, & vanæ sponſionis speciem: & non valent, etiamsi stipulatione interposita firmatæ essent. *arg. l. quib. ff. de alea lusu & aleator.*

ET certè etiamsi illæ promissiones per se aliquo modo subsisterent, tamen quia non simpliciter, & purè factæ sunt, sed sub conditione & præsupposito, si scilicet coronati in nundinis Lugdunensibus, anno 1549. in festo omnium Sanctorum, ex communi nationum seu collegiorum definitione, sicut fieri consueverat, in singulis feriis minoris æstimerentur, quàm in Contractu ipso expressum erat, ut patet in illis verbis contractus: *Ilz retourneront suyvant le compte des Genevoys, Florentins, & Lucays, &c.* & sic præsupposuerunt contrahentes, quod fieret in illis nundinis in communi mercatorum consilio & congregatione, aliqua communis & publica precii Cambiorum, quæ destinarentur Antverpiam, definitio & constitutio, sicut olim semper in omnibus nundinis fieri consueverat. Nam verba contrahentium, secundum consuetudinem, & secundum id quod consuetum est fieri, accipi debent: *l. antep. ff. de manumiss. vindict. l. quod si nolit. §. quia assidua. ff. de adil. edict. l. si prius. §. 1. ff. de aqua pluvia. & quoniam casus adventitii, ut non debent, sic nec soleat venire in con-*

siderationem. *l. Iulianus. ff. qui & à quib. l. si quis ab alio. ff. de rei jud. Accedit quod non videatur dubium, quod si tempore præfatæ conventionis à contrahentibus fuisset quæsitum, de quali æstimatione seu computatione verba: *Suyvant le compte des Genevoys, Florentins, & Lucays, &c.* intellexissent, indubitanter respondissent, de publica computatione, quæ secundum consuetudinem in congregatione & collegio mercatorum fieri solet, & minimè de privatorum particulari computatione & Cambiorum distributione: de ea enim, quoniam hoc nunquam vel rarò acciderat, contrahentes verisimiliter non cogitarunt. *d. l. Iulianus. ff. qui & à quibus.* Si igitur contrahentes non considerant tempore conventionis, nec cogitarunt de hac particularium computatione, igitur super ea non disposuerunt nec contraxerunt: quia regulariter conventio non extenditur ad incogitata. *l. cum Aquiliana. l. qui cum tutoribus. ff. de transact.* Quibus postremò addi potest, quod si qua fortè esset, in illis verbis, *Suyvant le compte des Genevoys, Florentins, &c.* obscuritas vel incertitudo, quæ ex consuetudine superius relata non declararetur, in dubio tamen pro reis asserentibus se intellexisse illa verba de publica determinatione seu computatione mercatorum, quæ scilicet in mercatorum congregatione secundum consuetudinem fuerit facienda, foret inter-*

pretatio. *l. veteribus. ff. de pactis. l. La-  
beo. scribit obscuritatem. ff. de contr. emp.  
l. quicquid. ff. de verb. oblig.* Probato  
itaque quod contrahentes, verba  
illa: *Suivant le compte des Genevoys,  
Florentins, & Lucois*, interpretentur de  
generali determinati. & de com-  
putatione omnium mercatorum,  
quæ fieri solet de consuetudine; &  
quod præsupposuerint quoddam  
secundum præfatam consuetudinem  
fuerit hujusmodi pretii Cambio-  
rum definitio in mercatorum  
congregatione: infertur, quoddam  
quia illa determinatio seu compu-  
tatio generalis secundum consue-  
tudinem insecuta non fuit, sed  
quantum ad cambia, destinando  
Lugduno Antverpiani à mercato-  
ribus prorsus omilla fuit, ipsas  
quoque promissiones (ex quibus  
hic agitur) quæ istam generalem  
computationem præsupponebant  
& super ea fiebāt, fieri peremptas,  
sublatas, ac velut caducas factas  
esse, deficiente præsupposito quo  
nitebantur, sicut de jure perempta  
instantia, lite mortua, mutato ju-  
dicio, dicimus perimi stipulatio-  
nem, vel satisfactionem, judicatum  
solvi, quæ super iis interponitur.  
*l. 2. l. cum apud Sempronium. ff. judica.  
solvi.* Quæ confirmantur ex gene-  
rali regula, qua traditum est in  
omnibus contractibus subaudiri  
6 clausulam: *Rebus sic stantibus*, &  
in eodem statu manentibus. *l. quod  
ferrius. & ibi dd. ff. de condic. ob causam.  
l. cum quis. & ibi Castr. l. si cum Corne-  
lius. ff. de solut.* Unde cum contra-

hentes habuerint in consideratio-  
ne & generalem computationem  
ex consuetudine fieri solitam, &  
illa facta non fuerit: non videtur  
dubium stipulationem sed pro-  
missionem conceptam super ea &  
quæ ea præsupposita facta fuerit,  
quoque cessare & perimi. Quibus 7  
convenienter applicari potest &  
illa regula, qua dicitur, Quod  
quando quid est dispositum cum  
aliquo præsupposito, si præsuppo-  
situm non veniat, non habet  
locum dispositio. *luxragloss. & dd.  
in l. manscripta. C. de ser. sug. elegantissi-  
mè Phil. Dec. consil. 644. incip. viso &  
probato. & consil. 505. consilium.* Laus Deo, &c.

## CONSILIUM XCI.

## SUMMARIUM.

1. Gratiæ remissionis non impediunt ea  
quæ possunt ex narratis tacite col-  
legi.
2. Ex intervallo factum videri non po-  
test, quod ex eadem affectum per-  
turbatione, flagrante adhuc male-  
ficio & impetu, factum est.
3. Incontinenti factum dicitur, quod sine  
aliquo notabili dierum vel tempo-  
ris intervallo, & ante digressio-  
nem ad alios extraneos actus seu  
negotia factum est.
4. Taciturnitas non nocet in gratiosis re-  
scriptis, quando illius expressio non  
habuisset alium effectum, quam si  
non fuisset expressum.

S. Latro

5. Latrocinium quando committi non dicatur, sed homicidium.
6. Insidia, qua dicantur.
7. Occidere per insidias & per industriam, nihil aliud est, quàm occidere proditoriè.
8. Proditoriè est unum adhibere ostendere, & aliud in mente gerere, quod exemplis declaratur.
9. Proditoriè facere, intelligimus eum, qui sine diffidatione aut minis precedentibus alium offendit.
10. Gratiā remissionis non impedit taciturnitas qualitatis, cum expressio qualitatem & naturam homicidii commissi non alterat, sed solum exprimenda est qualitas, qua alterat & mutat naturam rei de qua agitur.
11. Homicidii pœna ac ultimum supplicium temperandum est & remittendum, quando non ex dolo & animi malignitate, sed potius ex impetu & fervore iracundiæ, inconsiderate, & præter propositum, homicidium committitur.
12. Homicidii pœna non committitur, si percutiens recedebat, & percussus insequens vulnerantem vel fugientem occidit.
13. Difficillimum est iracundiæ calorem comprimere, & affectus qui iudicium animi antevertant, temperare.
14. In delicto si dubium sit, an ex qualitate gravioris, vel aliud delictum censeri debeat, vel quod levius est, & quod pro Reo sit, sequendum est.
15. Delictum vel delicti qualitas non præsumitur, nisi probetur.
16. Reo debetur favor, præsertim in criminibus, in quibus animus iudicii benignus esse debet, & iudicare pro eo quod excusat.
17. Surreptionis vitium evincitur, quando ea que principaliter ad causam & qualitatem homicidii pertinent, & qua secundum communem stilum in similibus observatum, exprimi solent, expressa sunt.
18. Rescriptum non judicatur surreptitium, ob id quod in eo ad unguem; singularem ea que in causa contingerunt, expressa non fuerint, si ea que principaliter considerantur, omissa non fuerint.

**V**IS I s literis remissionis à Cæsar. Majestate impetratis super homicidio per quemdam Petrum de Hertoghe commissio; nec non causis & rationibus ex parte Procuratoris fiscalis contra eandem remissionem ac illius petitionem interminationem propositis, videtur quod illa remissio, non obstantibus objectionibus Procuratoris fiscalis, interinari ac effectum suum fortiter debeat.

Pro cuius deductione præmittendo facti & casus contingentiam, quatenus Cæsar. Majestati fuit exposita, sufficienter videri verificatam & probatam non solum ex informatione, quæ super casu istius homicidii capta est, verum etiam ex tacita quadam confessione Procuratoris fiscalis, nihil de falsitate eorum quæ Principi fuerunt exposita Opponentis.

Ad eò quòd omnis difficultas ver-  
setur circa taciturnitatem & omis-  
sam qualitatē seu circumstantiæ  
expressionem, quæ uti Procurator  
fiscalis præ tendit, si expressa fuis-  
set, movisset fortè Principem ad  
denegandam remissionis gratiam.

Et certè tametsi magnū fun-  
damentum Procurator fiscalis in  
ca re còstituat, tamen si rectè pon-  
derentur & expendantur omnia,  
clarè constabit, nihil ex iis quæ ad  
qualificationem commissi homici-  
dii pertinebant, fuisse tacitum  
vel omissum: sed omnem contin-  
gentiam ac omnes circumstantias  
homicidii, quæ aliquo modo mo-  
vere potuissent Principem ad de-  
negandam vel concedendam gra-  
tiam, sufficienter & plenè satis  
Principi fuisse expositas.

Et quod objicit Procurator  
fiscalis, fuisse tacitum in obtinen-  
dis literis remissionis, quod Reus  
seu Impetrans literarum ante illa-  
tum defuncto vulnus fuisset sepa-  
ratus & sejunctus ab occiso per  
eos qui præ sentes erant: nihil va-  
lere potest ad arguendū surreptionem  
ac omisam expressionē qua-  
litate quæ homicidium aggrava-  
ret. Nam ex iis quæ Principi fue-  
runt exposita, actus ille separatio-  
nis clarè satis colligi & intelligi  
potest. *arg. eorum quæ scribit Fel. in c.  
super literis. vers. exprimenda in 4. reg.  
de rescriptis.*

DEINDE ex modico illo sepa-  
rationis intervallo dolor accepti  
vulneris & fervor iracundiæ, qua

Reus propter recentis vulneris do-  
lorem ac profluentis sanguinis per-  
turbationē æstuabat, tam subito se-  
dari non potuit. Imò credendū est,  
animum Rei, ut ferè fieri videmus,  
magis fuisse commotum & irrita-  
tum, dum propter intercessionem  
aliorum, eum à quo vulnerabatur  
repercutere non posset; adeò &  
insuper (ut à quibusdam testibus  
deponitur) convitiis quorundam  
dicentium, **Vaet hem loopen/  
hy hebet maer ghelecht** / &c.  
magis exasperatur: adeò quod nō  
habita ratione illius separationis,  
incontinenti post vulnus capiti  
Rei illatum ex illa eadem pertur-  
batione calore iracundiæ ex illati  
vulneris dolore conceptæ eum,  
qui occisus est, à Reo letaliter fuisse  
vulneratum, censi debet. Nam  
non potest videri factum ex inter-  
vallo, quod ex eadem affectuum  
perturbatione, flagrante adhuc  
maleficio & impetu factum est:  
*arg. l. qui possessiones. ff. de vi & vi ar-  
mat. præsertim cum, uti dicitur,  
nulla longioris temporis interca-  
peno intervenerit. Si enim incon-  
tinenti factum dicitur, quod sine  
aliquo notabili dierum vel tem-  
poris intervallo, & ante digressio-  
nem ad alios extraneos actus seu  
negotia factum est: l. quod ait. §.  
quod ait. & ibi Bart. ff. de adult. l. juris  
gentium. §. quinimo. & ibi gloss. & dd.  
ff. de pact. l. in bonæ fidei. C. eod. l. duos.  
§. fin. ff. de duob. reis. cum similib.* cur  
non dicemus repercussionē istam  
incontinenti factam esse, quæ  
contigit

contigit non solum antequam Reus actualiter ad alia negotia se diceret; verum etiam antequam animi motum & perturbationem, in quam ex vulnere accepto & sanguinis effusione inciderat, & ex qua cædes de qua agitur, infecuta est, deponeret ac comprimeret, ac animum & cogitationem suam ad alia applicaret, ut supradictum est, & ex casu separationis, qui in talibus dissidiis & pugnis fieri solet, intelligitur: nam ipsa illa separatio seu pugnae prohibitio arguit irati ac perturbati animi perseverantiam atque conatum pugnare volentium, si non prohiberentur ac retinerentur ab aliis: & sæpè ista prohibitio ac retentio, præsertim eorum qui læsi ac perturbati sunt, magis accendit ac provocat.

CUM igitur ex illa separatione quæ per procuratorem fiscales allegatur, perturbatio ac ita per Reum concepta ex vulnere sibi illato non cessaverit, & cædes quæ secuta est, propter illam separationem modici temporis ex intervallo facta dici nequeat: sequitur non fuisse necessariam illius separationis vel intervalli expressionem. Si quidem illius expressio non habuisset alium effectum, quam si non fuisset expressum. Quo casu non nocere taciturnitatem receptum est. *secundum Augel. consil. 201. incip. quidam Bartholomæus. quem refert & sequitur Felin. in c. postulasti. col. 5. in fi. vers. 2. declaratio, de rescriptis.*

RURSUS non potest nocere

hujus facti taciturnitas, quoniam scilicet non mutat, nec alterat qualitatem homicidii, quod Principi expositum, & à Principe remissum fuit. Non potest enim præfatum homicidium propter illud separationis factum gravius censei simplici homicidio, quod Principi expositum fuit & à Principe remissum est. Nam aliàs latrocinium & per insidias commissum homicidium aut simile, atrox & gravissimum delictum diceretur, quod licet in proposito à procuratore sustineatur, tamen in veritate dici non potest: nam quod latrocinium dici non debeat, clarum videtur ex his quæ scribit Panor. & alii in *c. inter alia de immunita. eccl.* Sed nec per insidias homicidium commissum esse hoc casu dici potest. Insidiæ enim dicuntur dolosa expectatio & latitatio ad aliquem expectandum & eundem tandem fallendum vel invadendum: ita enim *Cicer. Offic. lib. 1. dum inquit: Sunt igitur insidiæ, tendere plagas, & ita intelliguntur insidiæ, in l. propter insidias quas tua vita paratas contendis. C. De his qui accusare non possunt. & in c. unico. §. porro, qua fuit prima causa amittend. feud.* Quod autem Reus sic per insidias in occisum non pervenit, palam est: quoniam non venit Reus ad latitandum, nec etiam latitavit in hospitio, ubi homicidium commissum est, ut obfervaret adversarium, ac tandem eundem fallaciter invaderet & occideret, sed ex impetu & penitus indeliberatè

indeliberatè animo irato & perturbato ex rixa & pugna, ex causis in lteris remissionis exprellis coorta, Reus Matthæum qui occisus est, abeuntem infecutus est, & vulneravit.

- 7 PRÆTEREA, quod reus non occiderit per industriam & insidias, *juxta c. 1. de homicid. lib. 6.* inde constare potest: Quoniam occidere per industriam & insidias nihil aliud est quàm occidere proditoriè, quemadmodum *in d. c. 1. interpretatur Anchoranus, Ioannes de Anania, Abbas Panor. & Felin.* Sed nullo modo dici potest, quòd Reus præfatum Matthæum proditoriè occiderit: nam prodere est unum actibus ostèdere, & aliud in mente gerere: *l. 1. ff. de pravaricatorib. l. 4. in princip. ff. ad leg. lul. Majest. & ita determinat Bart. in l. respiciendum. §. delinquunt. ff. de pœnit. subiiciens exempli causa, Quòd si veniens tecum tãquam socius itineris, nulla interveniente rixa te percutio, dicar hoc fecisse proditoriè, & allegat ad hoc Bart. l. fin. C. de delat. lib. x. Vel si sedens tecum in mensa, nulla rixa præcedente, hoc feci, vel si cum essem tibi amicus, vel saltem inter te & me nullus erat rancor, te percussi de retro. Secus, inquit Bart. Si esses mihi inimicus, ita quòd rancor esset inter te & me, tunc enim proditoriè te non percutio. Et hanc Bart. sententiam & determinationem sequuntur Petrus de Anchoran. Ioan. de Anania & Felinus *in d. c. 1. & Bart. in extravagant. ad reprimendum, in verb. Rebelles.* Et idem vult gloss. communiter approbata *in c. clericus. 1. 47. distinct.**

*qua dicit, eum esse proditorem, qui malitiosè circumvenit alium, & callidè seducit, ut in periculũ salutis trahat:* quod de Reo hujus causæ minimè dici potest, quem constat satis, causa potandi, & non ut occideret per insidias, ad hospitium, ubi homicidium contigit, accessisse: & præterea quod nihil aliud in animo gessit tẽpore interfectionis, quàm externis signis & factis demonstrabat, manifestum est. Satis enim probatum est, homicidium istud contigisse ex rixa & pugna quæ principium habuit occasione certorum verborum, in dicto hospitio, inter Reum & occisum habiturum, & quod Reus vulneratus ab occiso, animo commoto & irritato ex rixa & pugna præcedente, occiso abeunti vulnus in tergo inflixerit. Adèd quòd etiamsi *juxta* 9 *doctrinam Ioannis Andr. in d. c. 1. in novell. & Bald. in authent. item nulla. C. de epis. & cleric. proditoriè facere intelligamus eum, qui sine diffidatione aut minis præcedentibus alium offendit; adhuc tamen homicidium istud proditoriè commissum dici non posset: nam non solùm diffidatio & minæ homicidium istud præcesserunt, sed etiam rixæ & pugnae ac vulnera, & ex perturbatione pugnae & vulneris accepti indeliberatè prorsus homicidium istud commissum est. Nec gravius judicari potest, aut aliter qualificatum, quàm simplex homicidium, quod Principi narratum fuit, & à Principe remissum est:*



est: unde succedit regula, Quod  
 10 cum ista expressio qualitatem &  
 naturam homicidii non alterasset,  
 necesse non fuit eam exprimere.  
 Nam illa qualitas & circumstantia  
 solum est exprimenda, quæ alterat  
 & mutat naturam rei, de qua agi-  
 tur, ut expressè determinat Felin.  
*in d. c. postulasti. col. 5. in fi. vers. tertia*  
*conclusio. de rescr.*

QUINIMODÒ, si bene excutiantur  
 cause & circumstantiæ istius homi-  
 cidii, clarum evadit, quod de jure  
 homicidium istud adhuc non cen-  
 sebitur simplex homicidium, quod  
 punitur pœna legis Corneliæ de  
 ficiariis, sed quod levius censeri de-  
 beat, & minori pœna puniendum,  
 habita scilicet ratione commoti &  
 irritati animi ex perturbatione  
 pugnæ, & sanguinis adhuc ex re-  
 centi vulnere profluentis: nam ea  
 res efficit, ut non possit dici ex ve-  
 ro dolo & propter solam animi  
 malignitatem (quo casu duntaxat  
 lex Cornelia de ficiariis locum ha-  
 bet) homicidium commissum esse,  
 sed potius ex impetu & fervore  
 iracundiæ indeliberatè, & præter

11 propositum: quo sanè casu tem-  
 perandam esse pœnam, ac ulti-  
 mum supplicium remittendū esse  
 communiter receptum est, ut sin-  
 gulariter scribit Hippolytus de  
 Marfil. *singular. 100. incip. occidens ag-*  
*gressorem.* & eleganter Paulus Cast.  
 quem Hippolytus inter illos etiam  
 citat: *conf. 192. quod in novis libris con-*  
*siliorum. Cast. est 277. incip. In ea in-*  
*carceratorum. part. 2.* Et hinc com-

muniter tenetur, quod huic casui  
 non incovenienter applicari posse  
 videtur, quod si percussus rece-  
 12 debat vel abibat, & percussus inse-  
 quatur vulnerantem qui abibat  
 vel fugiebat, & eum occidat, non  
 tenetur ut homicida, ut scribit Sa-  
 lycet. post Cyn. *in l. 1. sub 5. quest. C.*  
*unde vi. latè Hippol. singulari suo 100.*  
*& bene facit l. si adulterium. ff. de adul.*  
 quia difficillimum est, iracundiæ  
 13 calorem comprimere, ac effectus  
 qui iudicium animi anteverunt,  
 ut inquit Gellius, temperare: non  
 est igitur istud factum gravius, imò  
 levius simplici homicidio, cuius  
 pœna mors est iudicanda.

ET si fortè, quod minimè vide-  
 14 tur, dubium aliquod foret circa  
 qualitatem huius delicti, an scili-  
 cet ex aliqua circumstantia quali-  
 catum vel non censeri debeat: ta-  
 men in illo dubio id quod levius  
 est, & pro Reo facit, sequendum  
 foret, secundum Bal. *in l. Item Milo.*  
*§. sed si servum pluries. ff. ad leg. Aquil.*  
*post Dylum in c. in obscuris. de reg. jur.*  
*in 6.* non enim præsumitur deli-  
 15 ctum aut delicti qualitas nisi clarè  
 probetur. *l. si preces. ff. de pœn. l. quo-*  
*tiens. §. qui dolum. ff. de probat. c. licet*  
*caus. ubi gloss. in verb. astrinxit. & post*  
*eam copiosè Felin. in 18. col. & sequen. de*  
*prob. Bald. in l. 2. C. de probat.*

CUI accedit favor qui in dubio  
 16 debetur Reo, *l. favorabiliores. ff. de*  
*reg. jur. præsertim in criminalibus,*  
*d. l. si preces. §. penult. ff. de pœn. in*  
*quibus animus iudicis benignus*  
*esse debet, l. moveor. & ibi hæc notat*  
 Bald.

Bbbbb

*Bald. C. si ser. expor. vene. & judicare debet pro eo quod excusat secundum Baldum in l. precibus. in 7. col. C. de impub. & alius substit. Pulchre Angel. in §. jus autem gentium. col. 2. vers. nam in dubio. Inst. de jure natur. gent. & civil. melius enim est nocentem absolvere quam innocentem condemnare. l. absentem. ff. de pœnis.*

Quæ omnia in proposito casu, eo magis debent procedere, quod agatur de gratia à Principe concessa, ne scilicet Reus qui confidentia illius gratiæ se carceribus obtulit, ex illa occasione in vitæ periculum trahatur: attento potissimum quod ipse Reus bona fide crediderit has literas remissionis sibi profuturas: & quod ipsi surreptio literarum (si qua esset) quoniam per alium obtentæ fuerunt, **17** imputari non possit. Et denique quoniam omnia principaliter ad causam & qualitatem hujus homicidii pertinentia, & quæ secundum communem stylum in similibus observatum, exprimi soleant, in his literis expressa videtur: quod sufficit ad evitandum surreptionis vitium juxta notata Felini in c. super literis. in vers. exprimenda in princ. de **18** rescriptis. Quibus postremò addi possunt ea quæ eleganter scribit Bart. quem alii sequuntur in l. prescriptione. C. si contra jus vel utilitatem publicam. & Marian. Sof. Nep. consil. 7. in fin. part. 1. Rescriptum non esse judicandum surreptitium, ob id quod in eo ad unguem singulatim omnia quæ in causâ contigerunt,

expressa non fuerint, si ea quæ principaliter considerantur, omiffa non fuerint.

## CONSILIUM XCII.

## SUMMARUM.

1. *Obligatio sine partium consensu, non inducitur.*
2. *Indebiti solutio ab ignorante repeti potest.*
3. *Obligationis causa probanda est.*
4. *Clausula, Eive qui hanc feret, non vim obligationis, sed executionem tantum respicit.*
5. *Mercatorum consuetudo declarata in obligationibus continentibus clausulam, Eive qui hanc feret.*
6. *Fidejussori jura favent propensius quam debitori principals.*

QUANDO QUIDEM constat obligationem de qua agitur, laborare defectu principii, nec verè contractam, imò nec visam fuisse Gerardo Pott, qui nominatur in ea principalis creditor, & ex cujus capite oportet metiri justitiam & subsistentiam dictæ obligationis: dubitatio non videtur quin obligatio illa inutilis ac nulla censi debeat, non solum propter defectum causæ, verumetiam propter deficientem consensum & conventionem partium, quæ ab initio pro fundamento in omnibus contractibus requiritur: l. 1. de pactis. ad eò quod pro infecta vel imperfecta haberi debeat obligatio.

tio, cui non accessit utriusque partis & potissimum ejus qui creditor constituitur consensus aut scientia. Præterea quamvis per se spectata aliquas vires haberet dicta obligatio, elideretur tamen propter defectum præsuppositi, *l. mancipia. C. de servis fugit. Dec. consil. 540.* & exceptionem doli vel deficientis causæ, vel ex conditione scripturæ tanquam super indebita quantitate interpolatæ. Nam si  
 2 solutio indebiti ab ignorante recepti possit, multò magis quantitatis indebitæ interpolatæ scripturæ conditio dabitur, *l. cum & soluta. C. de condit. indeb.* vel exceptio deficientis causæ aut doli, *l. 1. & ibi dd. C. de condit. ob turp. caus.* idque promptius in proposito, quod nō solum indiscretè, & absque causæ expressione emissa sit dicta obligatio, sed eò amplius ab omni causâ & fundamento etiam consensus destituta probetur. Nam si de jure ad validitatem obligationis ex parte creditoris necessaria est causa  
 3 ad obligandum efficax, adeò quòd etiam in mercatorum contractibus in progressu judicii ad evitandam doli exceptionem hujusmodi causam deducere & probare oporteat, *l. 2. §. circa. de doli except.* admodum probabili ratione & recta illatione dici potest, exceptioni illi hic locum esse debere, ubi nec causa cautioni est addita, nec extrinsecus probata. Et quod est deterius, in contrarium ostenditur defectus principii, id est,

quod neque ex consensu, neque ex præcedenti numeratione vel interventu alterius causæ ulla legitima contracta fuerit obligatio in dicto Gerardo Port, cujus solius personam hic spectari convenit, tanquam principalis creditoris; in quo si non fuerit ab initio contracta aut radicata obligatio, necesse est totam scripturam censi vanam & inutilem, maxime respectu Rei conventi, qui ut fidejussor contemplatione dicti Gerardi sese obstrinxit, præsupposita & considerata origine obligationis ex persona illius, idque adhuc limitatè & ad conficiendam præsentem pecuniam pro impensa operis suam utilitatem respicientis, quam nunquam intervenisse constat.

NEQUE hic potest in considerationem venire vis & potestas clausulæ, *Eve qui hanc feret*: in qua  
 4 actor fundamentum suum constituit. Ea enim clausula, neque de jure, neque de consuetudine operatur circa ortum, nativitatem, aut initium obligationis, sed tantum circa executionem & exactionem nominis rectè contracti, constituiturque de jure adferens obligationem ex potentia talis clausulæ adjecti loco, cui facultas est recipiendæ pecuniæ, si alioqui obligatio aliunde justam originem habeat, nec de vitio tituli excipiat. De consuetudine verò inter mercatores vis dictæ clausulæ inducit tessionem & transportum absque alia solennitate: ita tamen ut  
 Bbbbb 2 adfe-

adferenti obligationē obijci possit vitium tituli & causæ quod obijci potuisset illi ipsi à quo adferens obligationem illam accepit; præsertim si nondum exactio solutioque facta sit. *argu. l. si quis in rem. & ibi gloss. & d. de procurat.* Nam consuetudo vim suam exercet tantum in relaxanda solennitate cessionis, non etiam circa originem & nativitatem obligationis aut titulum seu causam acquisitionis quæ debet præcedere antequam adferens utilitatem consequi possit virtute obligationis quam tenet. Nam si ita est constitutum in creditore qui principaliter nominatur, & ad quem refertur origo obligationis, ergo multò magis obtinere debet in adferente, id est, adjecto vel cessionario, cujus officium versatur in sola executione & exactione quando obligatio prius rectè fuit contracta.

5. **N E Q U E** ad rem pertinet, quod proponitur secundum mercatorum consuetudinem, generaliter dominum cautionis fieri eum qui possessionem nominis habet, aut, ut verba clausulæ sonant, cautionem adfert, non curat, persona ejus qui in cautione exprimitur. Nam id procedit cum præsupposito subsistentis cautionis & obligationis in alterius persona prius legitimè contractæ; quòd præsuppositum si cesset, inanis est prosecutio adferentis seu adjecti, *argu. eorum que scribunt Jacob. Butrig. Salic. & Fulg. in d. l. mancipia.* nisi is ipse

qui adfert cautionem legitimè doceat, ostendatque se causam obligationi præstitisse & implevisse, nomenque ejus qui in cautione exprimitur fictitium, simulatum, & imaginarium esse. Nam in dubio secundum scripti tenorem metimur originem obligationis ex jure & persona ejus qui principalis creditor in cautione nominatur, & adferentem obligationem ad regulas adjecti vel cessionarii redigimus, nisi ipse adferens doceat rem in alium modum processisse, quam tenor scripturæ ostendit. *l. 1. 2. & 3. C. plus valere quod arg. & l. generaliter. C. de non num. pec.*

**P R Æ T E R E A** quòd non curetur persona nominati in cautione, hoc procedit respectu debitorum bona fide solventium & agnoscendum se ab initio rectè fuisse obligatos, *argu. l. si quis servum. & l. cum quis. in princip. de solutionib.* & consequenter comperta vel præsupposita veritate obligationis, non etiam si debitor neget obligationem ritè contractam ac de defectu principii doceat. *arg. l. nuptura filio. de jure dotium.* Nam veritate probata aut defectu principii seu originis, vel etiam vitio tituli tridentis vel accipientis detecto, omnia jura dicant, & suaderet recta ratio ei qui ut debitor nominatur in cautione, aut vero cautionis domino, qui non consentit non præjudicari, *l. per diversas. C. mandati. & d. l. nuptura. l. nemo plus juris. & l. id quod nostrum. de regul. jur.* etiam si

etiamsi accipiens cautionem, defectum principii aut vitium auctoris, dum cessio fit, ignoret. Nam secundum regulas juris communis sibi imputare debet, *l. qui cum alio. de reg. jur.* & præterea in concursu isto melius est adferentem à commodo nominis excludi, salva illi manente actione evictionis, quam indebito damno onerari eum qui convenitur, quique verè non est obligatus, & cui adversus ipsum principalem creditorem in obligatione nominatum daretur exceptio & condictio. Quod propius recipiendum est in proposito, ubi præter defectum principii liquidò manifestatum proponitur, & non obscurè probatur, auctorem Actoris dictam obligationem non habuisse aliter quam jure pignoris sic contracti, ut demum post venditionem instrumentorum ad extructionem molendinorum pertinentium, & redditu ratione inde redacti, si quid amplius restaret, pro eo teneretur pignus, idque sciente Actore, qui ut testis dicto contractu pigneratio interfuit, & consequenter legem & conditionem illius non ignoravit, ob quod ferendus non est, dum ante distractionem dictorum instrumentorum & liquidationem pretii inde redacti vigore hujus obligationis judicium instituit, cum plus juris habere nequeat quam auctori suo competit, & exceptio

quæ contra auctorem compete-  
bat, etiam contra cessionarium rectè proponi possit, sive in compensatione, sive in liquidatione, sive in alio genere defensionis versetur, *Cynus Bald. & Faber in l. ejus. C. de compensat. Ansfre. in capell. Tolosana. quest. 93. Guido Pape sing. 1334. vers. si quaratur per l. creditor. de divers. & temp. presc. & quest. 567.* nec parum gravat Actorem, quod proponitur, eum malis artibus, & non satis honesta causa in possessionem dicti nominis pervenisse. Nam etiamsi consuetudo prædicta latissimè accipiatur, restringenda est tamen ad eum qui est bonæ fidei, ne prætextum iniquitatis præbeat, & ruerat ac protegat improbos, qui odio digni sunt, nec merentur beneficio legis & consuetudinis adjuvari.

Et quanquam omnia prædicta ad defensionem Rei conventi sufficere videantur, cumuli tamen loco, & ut amplissimus Senatus in partes illius sit inclinatio, considerandum venit. Ne agi non de principali obligato, sed de fideiussore, cui jura favent propensius, & præterea consuetudinem prædictam potissimum vigere inter mercatores, in quorum numero nec Reus conventus, nec dictus Gerardus Pott, nec ipse Actor censeri potest.

## CONSILIUM XCIII.

## SUMMARIUM.

1. *Affecurationis periculo liberantur, hi qui susceperunt periculum, simul atque cessat navigationis discrimen.*
2. *Mutui periculum ad debitorem pertinet, donec pecunia creditori realiter restituatur.*

**A**NNO 1557. 3. Martii, magnificus dominus Jaspas Schetus dominus de Grobbendonck, consiliarius & factor Regiæ Majest. obligavit se domino Johanni ex causa mutui in 10000. ducatis solvendis in Hispaniis in pecunia numerata, & per classem Hispanicam, si ita præfato Johanni placeret, una cum pecuniis Regiis ad belli usum destinatis in has inferiores ditiones transvehendis periculo ipsius domini Jaspatis, & adjecta conditione, quod nisi ante finem mensis Augusti, tunc proxime futuri, classis illa una cum prædictis pecuniis salva in his ditionibus appelleret, idem dominus Jaspas ratione retardatæ advectionis & solutionis post mensem Augustum interusurium prædictorium 10000. præstaret ad rationem unius pro 100. in singulis mensibus, ita tamen quod dilatio seu retardatio illa spatiū duorum mensium non excederet, quodque ad extremum, & in omnem even-

tum, & quæcunque accederent, dicta 10000. ducatorum una cum interusurio medii temporis deberent domino Joanni persoluta ac restituta esse in his partibus per totum mensem Octobrem, uti plenius appareret ex tenore dictæ obligationis.

**A**CCIDIT deinde, quod cum classis Hispanica cum dictis pecuniis in has ditiones salva venisset, ac in portum delata esset, Regia Majest. dicta 10000. seu argentum infectum eo nomine transmissum levavit, ac cum publica pecunia ad usum & necessitatem belli hujus gravissimi convertit, ita quod D. Joanni secundum conventionem soluta non fuerit.

*Quæritur ad quem hoc Regiæ præhensionis impedimentum referri debeat.*

**E**T breviter videri poterat, dominum Schetum hoc nomine non teneri, quoniam liberatus videtur ab obligatione qua tenebatur, simulatque pecuniæ in has ditiones advectæ, salvæ in portum pervenerant. Nam principale mutui debitum dissolutum videtur per solutionem & numerationem pecuniæ, quæ in Hispaniis facta est, & accessoria obligatio periculi & casuum susceptorum cessavit, simulatque naves in destinatum locum pervenerunt. Nam ita generaliter receptum est etiam in creditore seu extraneo qui pretio interveniente

cerveniēte hujusmodi periculum suscipiunt, ut cessante navigationis periculo vinculo assecurationis liberentur: *l. periculi. ff. de nautic. fœnore. Castrenf. in l. 1. in navi. Saphel. col. 1. ff. locati. Alex. in l. à Titio. col. 1. ff. de verb. obligat. Iason in l. stipulatio. in princ. ff. eo. tit. l. fin. C. eod.* Multò magis ergo hoc dicendum est in debitore, de quo hic agitur, qui quod est durius & odiosius, ex ipsa mutui obligatione nullo accepto periculi pretio, assecurationis vinculo obstringitur.

Cum accedit, quod factum illud Regiæ Majest. cum in his suis regionibus acciderit ex causa necessaria & iusta, nullam similitudinem habeat cum naufragii ac tempestatis marinæ discrimine, aliisque externis depredationum ac hostilium incursionum cladibus, ob quas securitatis promissiones exponi solent, ita ut nec de jure, nec de consuetudine etiam sub amplissima plenissimaque securitatis seu assecurationis promissione, occupatio illa totius pecuniæ, quæ advecta fuit per Principem facta pro necessaria sustentatione Reipublicæ includi aut comprehendi debeat. Et proinde ratio non videtur, quare dominus Schetus post advectionem dictæ pecuniæ in tutum & destinatum locum vigore dictæ obligationis teneri debeat.

CÆTERUM his nihil obstantibus, in terminis propositæ questionis contrarium dicendum vi-

detur, nam secundum formulam dictæ cautionis & obligationis, omne omnino periculum & casus dictæ pecuniæ, quousque in his ditionibus realiter creditori Joanni restitueretur, fuit domini Scheti, & hoc non propter assecurationem seu susceptionem periculi extrinsecus veluti de aliena pecunia factam, sed propter ipsam principalem mutuo acceptæ pecuniæ obligationem, & ex juris communis dispositione, *l. incendium. C. si cert. petat.* qua etiam cessante conventionione partium periculum & quodlibet aliud impedimentum circa creditam pecuniam contingens est ipsius debitoris. *d. l. incendium. & l. 2. C. de nautico fœno.* Nam cum secundum formulam obligationis dicta 10000. ea lege mutuo data essent, ut in his ditionibus creditori solverentur ac restituerentur, ex jure communi & ratione domini omnis casus circa dictam pecuniam contingens ad dominum Schetum pertinebat, quandiu creditori soluta, i. naturaliter numerata non esset. *d. l. 2. C. de nautico fœnore. & d. l. incendium.*

Nec verum est quod superius in contrariam partem adductum est, dictam pecuniam videri eo modo solutam in Hispaniis, sicut translato dominio pecuniæ in Joannem periculū trajectionis duntaxat ex causa extrinseca promissæ securitatis ad Schetum pertinuerit: nam quamvis solutio in Hispaniis inchoata seu verius preparata videatur,



videatur, perfectè tamen absoluta non fuit secundum legem conventionis, antequam naturaliter & cum effectu domino Joanni restitueretur *l. solutam. ff. de solutio.* in his ditionibus, ita ut medio tempore dominus Schetus ab obligatione pecuniæ creditæ non fuit liberatus.

3. Cui rei manifestum argumentum est, quod etiam ad usuras medii temporis ac tardatæ solutionis post mensem Augustum, sese astrinxerit, quod non nisi ratione pecuniæ creditæ, adhuc debitæ factum intelligi debet: nam usuræ seu interusurium non currit, nisi pro rata sortis debitæ. *d. l. 2. C. de naut. sœnore. l. pecunia. l. placet. ff. de usur.*

Et cum, uti ex prædictis apparet, pecunia illa etiam post adventum in has ditiones in dominio domini Scheti remanserit, consequens est etiam levationem seu præhensionem Regiam, sicut aliud quodlibet impedimentum, ad ipsum spectare, manente principali mutui obligatione.

## CONSILIUM XCIV.

## SUMMARIUM.

1. *Retractus conventionalis ex conventionem legem accipit, & ex die & ad diem concedi potest.*
2. *Obligatio ex die constituta, ante diem agere non permittit.*
3. *Permissam post tempus, seu post even-*

*tum conditionis, censetur prohibitum ante idem tempus seu conditionis eventum.*

4. *Retractus inutiliter proponitur, non debito modo, vel non observata forma requisita.*
5. *Retractus requirit conventi pretii aliorum, & ex conventionem præstandorum, realem restitutionem, aut saltem oblationem & consignationem.*
6. *Consignatio & depositio tunc demum fieri debet, quando adversarius injustè recusat recipere.*
7. *Oblatio & consignatio vitiosa est, in qua vel unus nummus deest.*
8. *Cautio realis sufficit in liquidis, non etiam in illiquidis.*
9. *Gerundiorum virtus inducit necessitatem, conditionem & formam.*
10. *Bona fidei & plerumque etiam mala fidei possessori, datur retentio.*

**O**BSCURITATEM aliquam habere videtur causa reformationis, quæ in amplissimo consilio Brabantie pro parte Valerii Rutz reformantis, contra D. Godvardum Sterck Amptmannum Antverpiensem, tanquam maritum D. Annæ Groenenberghe originalem actorem introducta est, & obscuritatis causam exhibent obscuri intricatiquè contractus, unde hujus litis origo profluxit, clausulæ & verba: sed pressius singula excutiendo, ac ad juris, rationis, & æquitatis considerationem collimando, potior nobis visæ est causa & condicio dicti Valerii, ut jure

ut jure & merito reformationi subjici curaverit magistratus Antverpiensis sententiam secundum intentionem dicti actoris pronunciatam: quod ut dilucidè bonoq; ordine deducamus, absque longa actorum & circumstantium concurrentiumque articulorum, quæ causam proximè non contingunt, refractione, pauca aliquot capita proponemus & tractabimus, in quibus statum cardinemque causæ consistere existimamus. Et cum summa totius rei ferè in eo consistat, num locus fuerit retractui conventionali, virtute cujus actor potuerit Reum compellere, ut vendita traditaque dominia seu loca, quæ uxor actoris habuit, in palma retroraderet: Principio quæremus, num condicio seu dies facultati quæ retractui ex conventionē præscripta erat, tempore institutionis litis evanuerat: sic ut temporis lapsu præscissa fuerit retrahendi occasio & potestas. Deinde, an si tempore institutionis litis integra stabat redimendi facultas, actor in modo non aberraverit, & peccando in modo seu forma, causa saltem cadere debuerit. Tertiò, num præcipitata fuerit cognitio dicti magistratus, neque ad plenum recepta rei defensio: & denique an in ipsa sententiæ pronuntiatione ac circa illius executionem & modum, quo à parte adversa postulata fuit, erratum inveniatur.

Quo d ad primum attinet, hoc obiter præmittendum est, quod

factum de retrovendendo seu retractus conventionalis cum ex conventionē legem accipiat, l. 2. §. si conveniat depositi. l. 2. C. de pact. inter empt. & vend. duplicis temporis restrictionem, ut ferè ceteræ omnes conventiones & obligationes, l. obligationum. ferè in princ. de actio. & oblig. admittat, videlicet ex die & ad diem: non enim convenire hoc tantum licet, ut intra certum tempus retrahendi facultatem habeat venditor: d. l. 2. in verb. intra certa tempora. sed hoc quoque ut ante certum tempus non possit res retrahi: quorum utrumque in præsentī negotio est considerabile. Nam quod attinet ad exclusionem propter lapsum termini, manifestum est etiam ex conventionē adversæ partis seriùs propositum esse retractum in specie, de qua agitur, si principium termini computemus à die celebratæ venditionis, quod est proclivius, cum de jure emptio & venditio intelligatur facta, quando partes convenerunt de pretio: quamvis pretium nondum sit solutum vel numeratum, l. 2. §. 1. ff. de contrah. empt. l. 2. C. eo. ut fusiùs pro parte Reformantis duplicando deductum est in prima instantia. Deinde si lubeat retractus principium à traditione aut implemento constituere, adhuc constabit retractum perperam esse propositum, non secuto implemento, quia ex contractu qui nondum incepit, nulla competit actio: & obligationis

Ccccc tionis

2 tionis seu pactionis quæ ex die constituitur, ea est natura, ut ex ea ante diem non possit agi: *d. l. obligationum. ferè & §. omnis inst. de verb. oblig.* sic ut præfato auctori nondum licuerit hunc retractum proponere, ob id scilicet quod conditio sub qua facultas retrahendi ei fuit concessa, purificata non fuerit, & dies qui exercendo retractui præscriptus fuit, nondum venit, idè scilicet quod expressis conceptisque verbis (uti ipse actor allegat) convenerit, ut retrahendi potestas esset intra quindecim menses post perfectum contractum, hoc est, post factam traditionem & implementum pro parte actoris. Neque hic dici potest, contractum pro perfecto haberi, quasi per Reum steterit, quominus extrema illa perfectio, post quam rejecta est retrahendi facultas, intervenerit: Nam evidenter demonstratur pro parte Rei, eum in nulla mora esse, cum ea præstiterit, quæ ante traditionem fieri convenerat: & actor etiam nunc sit in mora faciendæ plenæ & omnium rerum venditarum traditionis antequam facultas retrahendi competere non poterat, ut in duplica Rei bene deductum est, *art. 44. & seqq.*

3 missum autem post tempus seu post eventum conditionis alicujus censetur prohibitum ante idem tempus seu conditionis eventum: *l. promissor. ff. de const. pec. Tiraquel. de retract. ligna. §. 1. d. l. 2. in verba Felin. temp. nu. 70. & sic relinquatur acto-*

rem præmaturè proposuisse retractum, cujus potestatem ex conventionem nondum habuit: præsertim si attendamus dilationem temporis retractui præfinitam majore ex parte respicere præfatum Reum, qui tot laboribus & sumptibus instruendæ faciendæ seu instructioni rerum ad parandum saccharum necessariarum absque notabili temporis intervallo commodoque mediis temporis subjici noluisse: Adde quod non solum id actori ad moram & culpam imputari possit, quod omnium partium traditionem (uti convenerat) nondum præstiterit; verum etiam quod pretium solum realliter & tempestivè cum sumptibus instructioni faciendæ impensis ac pretio convento pro laboribus & periculis Rei non refuderit.

U N D E sequitur, quod etiam si intelligeremus venisse, & necdum præterlapsum esse diem retractus, illiusque potestatem adhuc durare, nihilo tamen magis obtinere debuerit actor ob ea quæ in secundo capite excutienda proposuimus: videlicet quod actor ad retractum non debito modo, & non observata forma requisita profu- 4  
erit: est enim ea consideratio in hac re potentissima, ob id quod in retractu aliisque negotiis, in quibus certa forma & certo modo aliquid faciendum est, formæ & modi observatio exactissima tam necessaria sit, ut omisa etiam in minimo actum vitiet & inutilem prorsus

prorsus faciat, *dd. in l. 1. de lib. & post late in hoc art. Tiraq. de retract. conventio. §. 4. gloss. 6. in verb. consignar. num. 31.* & proinde cum retrovenditio seu retractus, antequam proponi possit, necessario requirat præcedentem conventi pretii aliorumque ex conventionem præstandorum realem effectivalemque restitutionem, aut saltem similem oblationem: & recusante eo qui ex lege venditionis tenetur oblatæ pecuniæ debitam & legitimam depositionem & consignationem: *d. l. 2. de pact. inter empt. & vend. late Tiraq. d. §. 4. gloss. 6. per totum.* sic ut illis non intervenientibus, ante litem contestatam non acquiratur retrahenti actio. *l. non potest de judic. Tiraq. d. gloss. 6. num. 36.* Dicendum itaque est actorem hujus causæ propter non observata substantia lia & formalia ad retractum requisita, non potuisse adversus Reum effectum retractus obtinere. Peccavit enim actor in oblatione & depositione. Primo, quod non præcedente debita oblatione ad depositionem profuierit. Nam cum solutio alicui est facienda, tum demum consignatio & depositio fieri debet, quando ille dolose recusat recipere: nec enim consignare aut deponere est solvere. *Bart. in l. item libera. §. 1. ff. quib. mod. pig. vel hypoth.* Et quod plus est, oblatio est necessario facienda ei, qui potest recipere & offerentem liberare, *l. si reus paratus. ff. de proc.* estque necesse ab initio & in ipsa

oblatione integram pecuniam offerre creditori, & id quidem realiter: *latissime And. Tira. de retract. consil. 10. §. 13. num. 14. in princ. & de retract. conven. §. 4. gl. 6. in verb. consignar.* quod hic minimè observatum invenitur. Rursus quia actor non deposuit, nec consignavit totum id quod in casum retractus restituendum & solvendum erat ex conventionem, idè scilicet quod neque obtulerit, neque deposuerit sex millia florenorum quæ Reo velut pro susceptione periculi & præstatione laborum ex promissione retractus addicta erat. Vitiosa enim & inutilis est oblatio & consignatio in qua vel unus nummus deest, sic ut nec rusticitati vel negligentia hic parcatur: *late Tira. d. §. 4. gl. 6. num. 23. & 31.* quia hic non tantum de jure retrahentis, sed etiam illius qui retractum pati debet, queritur: & generaliter nullus effectus eorum quæ ex oblatione induci solent, in quo eanque actu inducitur, ubi vel minima pars pecuniæ deficit. *Bald. Salicet. Castr. in l. acceptum. de usur. Guido Pa. consil. 230. Ioann. de Plastro num. 10.* Nihil enim videtur actum, cum aliquid restat agendum: nec res haberi dicitur singulis illius partibus non habitis. Neque obstat quod actor dicat obligationem hanc de restituendis 6000. non fuisse liquidam, nec totam esse restituendam, nisi pro ratione & mensura temporis quo Reus dicta dominia possedit, & pro modo

laboris quasi ex hac parte oblatio cautionis sufficere debuerit. Nam promissa est ea summa simpliciter & expresse, velut pro pretio periculi & laborum, ac promissione retractus: ita ut ibi in conventionem certa pecuniæ quantitas expressa est, de eo quod interest quæri non debeat: §. *alteri. vers. planè. instit. de inutil. stip. §. si. instit. de verb. obligat.* præsertim quod ea summa extra pretii conventionem posita sit pro periculo incerti eventus, quod Reus subibat, & expensis quas durante tempore retractus in comparata bona facturus erat: sic ut certæ summæ expressio incertæ quantitatæ disputationem non admittat. Quamvis ergo in illiquidis cautio realis possit sufficere, non sufficit tamen in liquidis, & cessante consideratione dictorum sex millium florenorū, deductum est in 8. & 9. artic. respons. pro parte Rei, quod nec pecunia per Reum liquido soluta & assignata integrè sit oblata & consignata, cum aliquot, licet pauci floreni desint. Similis est ratio obligationis quo ad eam summam quæ pro interesse restituenda erat. Nam quamvis illa illiquida fuerit, sic ut consignari non debuerit, debuit tamen eo nomine cautionem realiter offerre, hoc est, non tantum declarare se paratum esse eo nomine cavere, sed in præsentem cavere, allato & adducto fidejussore, *Boërius decis. 124. part. 1.* quod actor non fecit antequam responsione & exceptio-

ne adversarii instructus, in eo se peccasse animadverteret, octavæ scilicet Augusti anno 1559. cum antea vigesima Julii per responsionem Rei c. 1. de litis contest. lis esset contestata, & sic seriùs, ut antea diximus. Quæ fidejussio quoque vitiosa est, & pro non facta reputari debet, l. *quoties. de rei vend.* ob id quod in idoneum & non probatum fidejussorem dederit, ministrum scilicet illius apud quem pecunia deposita esse dicebatur. Quibus accedit, quod sumptus ad instructionem faciendæ necessarios & secundum legem conventionis præstitos etià realiter actor offerre debuerit; cum ex testimoniis ex insula Palma allatis satis liquidiari videatur, ac ex ipso contractu cum aliis sex millibus pretio periculi & promissione retractus promissis, debeantur, sic quod iis non solutis aut realiter oblatis retractui locus esse non potuerit. Conventio enim retractus non est simpliciter inita, sed expressa conditione de restituendo pretio, nec non sumptibus una cum dictis 6000. suspenso his verbis: **Midts 8. nochtans binnen den selven tijde wederomme ghebende/ restituerende ende betalende.** Nam virtus dictorum gerundiorum est importare necessitatem, conditionem & formam respectu actus, cui adjicitur, & in quem confertur. *Car. Molin. in tit. de feud. §. 3. gloss. 2. num. 3.* In depositione præterea aliud est vitium, quod

non sit facta in eo loco & apud eum apud quem oportuit, hoc est, apud eum magistratum coram quo retractus proponitur, *Tiraq. de retract. convent. §. 4. gloss. 7. in princ.* sed simulatè in manibus Gerardi Grammaye Receptoris Regiæ Majest. qui aliam statim onem tuebatur, & in quem Reus non consenserat, uti etiam invitus consentire non debeat, etiamsi maximè idoneus esset, atque ita quocunque res veratur, vel ex solo capite ineptæ & insufficientis oblationis & depositionis retractanda videtur magistratus Antverpiensis sententia.

In sequenti capite harendum nõ est: nam ex scriptura Rei septima Novemb. anno 1559. in prima instantia exhibita: evidenter constat, plenam Rei defensionem non esse receptam, ex eo quòd secundum suam petitionem non sit admissus ad probandum ea facta quæ plenæ defensionis & securitatis materiam erant. subministratura, tam quoad hoc quòd Reus contenderit, conventum fuisse, & testibus probari posset, quòd tempus quindecim mensium currere inciperet à passatione contractus coram magistratu Antverpiensi, sicut de exclusionem & lapsu temporis retrahendi nulla relinqui posset dubitatio: Quodque quo ad contraria facta, quibus demonstraretur, neque ex parte Rei defectum aliquem esse, neque aliud quid intervenisse, unde liquidatum summarum, quæ in casu re-

tractus restituendæ erant, aliqua illiquiditas remaneret, quemadmodum re vera ex testimoniis in insula Palma receptis, & de instructione faciendæ à Reo facta, & sumptibus illi impensis promptè constare potuit & adhuc potest, ita ut non immeritò & in eo gravaminis causa constituatur, præsertim cum sententia magistratus Antverpiensis non sit provisionalis, sed diffinitiva, per quam omnia definiri, & pars eorum quæ controversa sunt, ad initium alterius & novæ litis rejici non debeat. *l. minor annis de minor. l. dicere. §. 1. quod sit tantum. de recept. arbit.*

Nec subticendum est, sententiam Judicum Antverpiensium terminos petitionis & oblationis à parte factæ videri excedere: quod jure non permittitur. *l. fin. C. fideicom. libert.* Et quod plurimum facit ad perimendam intentionem actoris, considerandum putamus, nihil inveniri quod Reformati ad moram imputari possit: quod ex serie & ordine contractus manifestum est, secundum quem actor ex sua parte primum adimplere debuerat, ad quod etiam cessante conventionem de jure astringebatur, dum ultrò Reformatem ad judicium provocavit agendo ad pactorum observationem. *l. Iulianus. §. offerri. ff. de act. empt.*

Denique quod ad postremum caput pertinet, considerandum est, quòd magistratus Ant-

Cccccc 3 verpien-

verpiens Reum simpliciter condemnavit ad restitutionem: quam etiam in executione fieri voluisse videtur, nulla data Reo retentione sumptuum nomine, quod est gravissimum: nam si generaliter bonæfidei possessori detur sumptuum nomine retentio, imò & malæfidei secundum quosdam, *certe Instit. de rer. divi. l. si in area. ff. de cond. indeb.* nulla videtur ratio cur in hac specie denegari debeat illi qui & bonæfidei fuit, & ex conventionione & voluntate partis adversæ sumptus fecit, ea lege, ut jus dicat, & vis dictorum gerundiorum importat, ut iis non refusus res ipsa retrahi aut avocari non possit. Et hæc secundum nostram sententiam, quam clarissimorum dominorum Judicum subijcimus.

## CONSILIUM XCV.

## SUMMARIUM.

1. *Obligatio durare probatur, quæ subla-  
ta non presumitur.*
2. *Pignoris obligatio quamvis relaxetur,  
non propterea remittitur princi-  
pale debitum.*
3. *Restitutio obligationis non inducit præ-  
sumptionem liberationis, si con-  
jectura aut indicia militent in  
contrarium.*
4. *Pertinere verbum latissimam signifi-  
cationem habet.*

**N**ON magnum laborem vide-  
mus desiderari in explicando

jure atque intentione domini O-  
ctaviani Lommelini Actoris, ad-  
versum Johannem Henricum  
Reum conventum, ob id quod  
proferatur clara liquidaque Rei  
conventi confessio, & obligatio,  
per quam Reus conventus, anno  
millesimo quingentesimo quadra-  
gesimo secundo, in Decembri, de-  
bitor constitutus est in solidum, in  
quantitate 5480. librarum Flan-  
driæ, erga actorem, Sylvestrum  
Cataneum, & Leonardum Genti-  
li, in vim cujus obligationis, actor  
petitionem suam proposuit, pro  
tertia parte antedicti debiti suam  
personam contingentis.

Et cum consilio illa, obliga-  
tioque tam manifesta sit, & tanta-  
rum virium, ut ipse Reus eam non  
ausit nec possit impugnare, confu-  
giendo ad extrinsecas exceptiones  
solutionis, liberationis, computa-  
tionis, & redditæ cautionis seu  
obligationis, manifestum est in-  
tentionem actoris, in dicta obli-  
gatione per se spectata solidè fun-  
dari, efficaciterque subsistere, &  
secundum illam pronunciari de-  
bere, si vis exceptionum extrinsec-  
cus objectarum removeri & ener-  
vari possit, quod ex ordine cona-  
bimur efficere.

Et arripiendo solutionis alle-  
gationem, in qua plus virium Reus  
constituere videtur, animosè ja-  
ctitans in 44. 45. & seq. art. duplica-  
se non niti aliqua remissione vel  
pacto gratuito, sed vera solutione,  
seu satisfactione debiti; quæ cum  
in facto



in facto consistat, & ab actore constanter negetur, à Reo probari debuerat, quod factum non invenitur, præsumptioque & verisimilitudo militat in contrarium, maxime propter debiti magnitudinem; de quo si aliqua computatio vel dissolutio facta fuisset, indubie extaret & proferretur à Reo computus vel apocha, aut saltem major & certior expressio inde facta fuisset in secunda cessione vel retransportu: quod dum factum non invenitur, existimandum est perdurare obligationem quæ sublata non probatur. *l. sancimus. C. de testam.* Ad quod procliviores esse debemus, propterea quod non obscura argumenta indiciaque occurrant, quibus ostenditur etiam in ipso retransportu cedentes jus pristini debiti conservare voluisse, & vigore illius retransportus non nisi pignoris nexum ex prioro transportu in quibusdam mercibus inductum relaxare. Id enim significant expressa verba dicti retransportus, limitata restrictaque ad relaxationem ipsarum rerum, prioro transportu jure pignoris obligatarum hoc modo: *Que la quatorzieme jour du mois de Decembre de l'an mil cinq cens quarante deux, sou Gaspard Centurion en son vivant bourgeois & Jehan Enriquez marchans lors manans de ceste ville d'Anvers. Et paulo post: Desquelles parties de debtes cedees & transportees & specifiees, comme dict est, iceulx comparans ont par toutes les meilleures forme & maniere a*

*eulx possibles cedé & transporté, & par les presentes cedent & transportent en vraye propriété, tout, &c.* Quæ verba evidentem restrictionem & limitationem continent, ad solam pignoris relaxationem, manente debito principali.

Et ad confirmationem prædictorum plurimum facit exceptio reservatioque quarundam mercium in ipso retransportu facta, ex causa præcedentis pignoris, quæ planè inutilis & supervacanea fuisset extincto debito principali. *l. eos. C. de usuris.* Nam cum constet ex priori transportu, simplex pignus inductum fuisse, ut expressè in ipso transportu necnon retransportu declaratur, frustra cedentes de accessoria pignoris obligatione fuissent solliciti, si causa debiti principalis non substitisset.

Ex quibus illud & diluitur, quod Reus prætendit per primam cessionem velut in solum datis mercibus, totum debitum fuisse peremptum. Nam cum clara expressaque inveniatur declaratio, quæ manifestat ex prioro transportu merces non in solum datas, sed tantum pro securitate & jure pignoris obligatas fuisse, sequitur quod causæ tam diversæ confundi aut misceri nequeant. Nam in solum datio inducit liberationem sequente delegatione debitorum; *l. si pupilli. §. 1. de solut. l. inter eos. §. abesse mandat.* pignoris verò constitutio vinculum obligationis principalis non contingit, sed tantum accessio-

accessoriam securitatem constituit: Adeo quod merces cessæ nec in dominio actoris nec periculo illius fuerint etiam ante retransportum, ut in dubitabilioribus terminis respondit Decius *conf. 99. num. 4.*

Nec parum facit ad retundendam convellendamque dictæ solutionis vel satisfactionis allegationem, quod Reus conventus in dicto retransportu recipiendo originalem cessionem cum literis executoriis expressis verbis se obligat ad representationem & restitutionem dictæ obligationis, quoties actori seu aliis illius correis id expedies, vel commodum erit: quod sane alia de causa factum videri non potest, quam propter permanentem prioris debiti obligationem, & ut ea stante & robur suum obtinente Reus restituto pignore commodius uteretur. Nec ferendus est Reus conventus in eo quod allegat in 35. art. suæ dupl. promissionem illam representationis duntaxat respicere exactionem reservatorum nominum contra Franciscum Cotinam, &c. quoniam restitutio relaxatioque pignoris non videtur absolute facta, sed duntaxat ad finem ut Reus conventus manente principali obligatione nomina & debita exigeret: reservatioque debiti adversus dictum Franciscum Cotinam referenda videtur, non ad conservationem ipsius obligationis & juris quod semper in solido remansisse

videtur, sed ad limitandam facultatem exactionis Reo convento attributam: sic ut quamvis facultatem haberet exigendi dicta nomina, sub ea tamen facultate non comprehenderentur ea quæ excipiebantur, & præterea ipsa facultas exigendi, restitutorioque transportus semper esset resolvable ad nutum & voluntatem restituentium, quibus prior actio semper salva mansit, & liberum fuit dicta instrumenta repetere & revocare pro conservanda veteri securitate, & ad effectum conservandi principalis sui debiti, aut saltem obtinendæ visionis, communicationis & auxilii in exigendis debitis pro sua indemnitate, & credito, quod nusquam relaxatum invenitur.

Qua ratione prosternitur quoque allegata præsumptio solutionis, quam Reus conventus ex restitutione pignoris & obligationis arbitratur profluere. *l. Labeo. de pign. act.* Nam præsumptio illa nunquam militat, nisi quando restitutio obligationis simpliciter absoluteque facta est, nullaque conjecturæ aut indicia militent in contrarium, quæ hic sunt quamplurima, & præterea opus representationis & exhibitionis dictæ restitutioni adjectum, in totum removen- 3  
t præsumptionem illam liberationis, quæ nunquam nascitur ex eo solo quod instrumentum penes debitorem reperitur, sed requiritur ut sit fundata intentio debitoris: quod probetur cautio simpliciter

citer & absolutè reddita, ex Bart. Castrenf. & aliorum sententia, in d. l. Labeo. quod non est in proposito.

ET ut vis ipsius transportus & redditæ obligationis efficaciam solutionis vel satisfactionis non inducunt, ita quoque promissio conventioque infecuta vigesima tertia Decembris ad id valere non potest. Nam ea promissio conventioque conjungitur precedenti relaxationi pignoris, & ad eam limitatur restringiturque ex his verbis: *Que donne ladicte quitance generale & remission d'ung droit tiers, qu'il aurois en l'action dont en ladicte escripture precedente se fait mention. Quæ expressam relationem & determinationem dictæ promissionis continent, eamque sic restringunt, ne possit vires suas ulterius extendere, quàm ad efficaciam & firmitatem dicti retransportus. Nam sequens conventio præsumitur inita contemplatione præcedentis, & relatio facta ad contractum præcedentem hoc operatur, ut ea scriptura, in qua fit relatio, censeatur illud quoque continere quod apparet in scriptura, ad quam fit relatio. l. affe toto. de hered. instit. Bald. consil. 34. part. 2. Bart. consil. 188. visa bulla col. 2. vers. ex quibus. Et ubicunque quis se refert ad causam vel titulum præcedentem, intelligitur se velle regere ac gubernare secundum illum. Bald. d. consil. 34. Sic ut propter naturam & potestatem relationis una eademque scriptura*

videatur quodammodo constitui ex illo retransportu & conventionis seu declaratione subsecuta. Et imaginarium est nullaque idonea ratione aut colore subnixum, quod Reus contendit actionem separari ab ipsa quitancia, quasi relatio respiciat solam actionem, non etiam ipsam scripturam quitantiæ. Siquidem relatio est generalis & indeterminata, ambitu suo ex propria verborum significatione omnia comprehendens, cui verborum significationi etiam juris ratio suffragatur, ob id quia quitancia, de qua potissimum agitur, est præcipuum & immediatum objectum relationis, quæ non actionem, sed effectum quitantiæ limitat. Et præterea quia quitantiæ & actionis inseparabilis quædam est connexio, ita ut quitantiæ consideratio haberi nequeat, non considerata actione. Quin si pressius expendatur omnia; manifestè deprehenderetur, sequentem illam declarationem non solum non adversari actori, sed eo amplius magnum argumentum suppeditare permanentis adhuc & consistentis principalis debiti, propter reservationem exceptionemque in ea factam & suspensam relaxationem pignoris, ad voluntatem & arbitrium Goffredi de Marinis, & suorum creditorum, quæ supervacua & inutilis fuisset, sublato per legitimam computationem & solutionem (ut Reus prætendit) principali debito, cum ea suspensio &

D d d d d      fio &

sio & illatio relaxandæ securitatis aliam utilitatem habere non poterit, quàm contemplatione & respectu principalis debiti adhuc subsistentis. Nec potest actor gravari præjudicio dictæ reservationis, quasi peream confessus esset duas tertias debiti, quod præten- dit esse Goffredo de Marinis. nam verba illa : *Que les autres deux tiers d'icelluy tiers decompé l'action apparte- nienne à Goffredo de Marinis & ses cre- diteurs*, incidenter, enunciativè, & extra judicium prolata, non obli- gant actorem, nec transferunt do- minium obligationis, quod constat in illius persona constitutum & radicum. Et præterea verbum illud, pertinere, latissimum est, in- telligiturque etiam de rebus quæ nobis aliqua ratione, etiam perso- nali, competunt. *Bald. in l. 1. de statu hominum*. Nam verbum illud, sui natura, includit etiam jus quod nobis competit ad rem, licet non sit causatum de præsentì, sed con- ditionale & futurum. *l. verbum per- tinere. de verb. signific.* De quo qui- dem jure vel actione personali ac- ci- pienda est dicta enunciatio, sic, ut licet actor Goffredo fuerit obligatus personali aliqua actio- ne, ad communicandum hoc de- bitum, substantia tamen & do- minium obligationis semper penes actorem constiterit : quod tam manifestum est, ut ipse reus alioqui diligens omnium exceptionum & defensionum coercuator, in hac re nullum constituat præsidium,

ipseque actor in dicta reservatione satis manifestè declaraverit, ipso jure totam obligationem imme- diatè ad se pertinere, dum præsup- ponit se quidem de illa disponere posse, sed cum periculo : quod ad actionem personalis obligationis duntaxat referri debet, quæ non impedit exercitium directæ actio- nis in persona actoris, maxime ta- cente Goffredo, nullumque ha- bente remedium quo possit ab- que cessione ab actore facta, reum impetere.

PRÆTEREA nullam firmita- tem habet, quod reus prætendit vigore proprii sui scripti de sol- vendis triginta trium librarum Flandricarum pro resta omnium computationum constare de sua liberatione. Nam scriptum illud proprium rei & vigore cujus actor nihil recepit, non sufficit ad inji- ciendum laqueum actori. Et sim- plex receptio Benedicti Lommel- dini fratris actoris, non potest in- ducere approbationem in persona actoris, de cujus mandato vel consensu nec constat, nec præsumitur in re tanti præjudicii : sed nec verisimilitudo est pro tam exi- gua quantitate, tam magnum de- bitum remissum esse. Adcò ut scriptura illa, vel prorsus inutilis cenferi debeat, vel ad alterius de- biti causam referri: eò magis quod reus aperto ore fateatur, *in dist. 44. 45. & seq. artic.* se non fuisse libera- tum de toto debito virtute dictæ obligationis triginta trium libra- rum,

rum, sed quod computu facto in solutum dederit, plura nomina & merces ascendentes ad quantitatem debitam, per quod reus multum coangustatur. Nam quamvis prius latissimè evagari poterat, & ex multis occasionibus liberationem prætere, hæc tamen propria ipsius allegatio ad unam causam restringit, omnia nempe computationis, & in solutum dationis dictorum nominum & mercium, de quo computu & in solutum datione, reus probare deberet, cum præsumatur utraque pars exemplum computationum apud se retinere, *Boërius decisio 296.* & in solutum dationis probatio incumbat ei à quo proponitur: in qua re, cum nihil præstiterit reus, nihil occurrit quod intentionem actoris remoretur. Rursus impertinens est in hac specie exhibita cedula Sylvestri Catanæo, & aliorum: cum inde non appareat contractum, quem Catanæus fortè iniit, celebratum fuisse, occasione absolutæ liberationis seu quitantiæ, & præterea ipsa quantitas in ea cedula comprehensa, nullatenus respondeat quantitati & summæ de qua agitur: Et quod amplius est, diligenter excutendo dictam cedulam, non obscurè deprehendi poterit quantitatem inibi expressam, promissam fuisse ob solum factum retransportus, propter temporariam facultatem exigendi reo convento attributam: & ut sit manifestum, est de jure, conventionem

Catanæi nullum posse adferre præjudicium actori, qui in illam non consensit, imò conferendo cedulam illam Catanæi cum ea quæ à fratre actoris subsignata est, amplissimè constat ex identitate datæ, & summarum ac terminorum solutioni destinatarum convenientia & correspondentia, omnia ex eadem causa & ex sola relaxatione pignoris profluxisse.

DENIQUE nihil actori refragatur, quod objicitur de liberatione ab uno Correeorum obtenta, & de diuturno Actoris silentio. Nam ut tempus non est modus inducendæ, ita nec tollendæ obligationis: præsertim si spacium ad præscriptionem requisitum non intercesserit. Cui accedit, quod Actori non fuerit integrum, multò celerius experiri ex causa absentia Actoris, & insolventia contingente in persona Rei conventi, adversus quem in fragili & deplorato statu constitutum nullus fuisset actionis fructus. Quod verò ad liberationem ab uno obtentam attinet, de jure quidem rationem habere videtur, sed nullum factum idoneum hic reperitur, cui juris illa decisio accommodari possit, ob id quod idonea ratio solutionis aut liberationis obtentæ, non ostenditur, imò in contrarium per claram specificationem & designationem, necnon ex verbis ipsius obligationis Scabinalis, & actuum sequentium apparet pignus tantum contractum, & non veram in solutum

D d d d d 2 datio-

dationem celebratam esse, & merces ipsas & nomina ac pecunias inde redactas, debitæ quantitati nullatenus respondere, sic ut omnino pro Actore pronuntiari debeat, præsertim in provisionali iudicio, quod expediri potest & debet ex fide clari scripti, cui Actor incumbit, reiectis ambagibus disputationum, ad cognitionem negotii principalis, quod deinde ageretur via ordinaria.

## CONSILIUM XCVL

## SUMMARIUM.

1. Sententia verba sunt stricti juris, & strictam interpretationem habent.
2. Electio quibus casibus alicui adimatur, & alteri parti tribuatur.
3. Electione facta, eligentis ius convelli non potest.
4. Argumentum à contrario sensu in jure est validum.
5. Redditi non videtur quod deterius reddatur.
6. Species detracta de genere non vitiat genus.
7. Equipollens sufficit fieri in omni dispositione.
8. Ex rebus alternativè debitis extincta præstatione æstimationis liberatur debitor.
9. Alternativa obligationis natura declarata.
10. Mercatores magis pretium rerum quam res ipsas spectant.
11. Mercatorum causa magis ex equitate & veritate quam stricto jure judicantur.
12. Forma quando consideretur, potius quam effectus, & contrariò.
13. Equipollentium natura iterum declarata.
14. Personales obligationes non sunt præcisa, ideoq; debitor ab iis liberatur præstatione ejus quod interest.
15. Exceptio rei judicata ut obstat, plura requiruntur.
16. Relatum accipi debet secundum illud ad quod refertur.
17. Iudicis verba accipienda sunt secundum dispositionem juris.
18. Dispositio limitatur à causa finali.
19. Fama bona omnibus aliis rebus debet esse charior.
20. Protestatio qua incontinenti actui adjicitur, conservat jus protestantis.
21. Reconventio quando admittatur post sententiã in liquidatione damnorum & interesse.
22. Iudicati actio quomodo differat ab executione iudicati.
23. Damnorum & interesse petitio, requirit justam causam petendi, & quod interesse probetur.
24. Præiudicii potestas suspendit causam alteram, donec præiudiciali terminetur.
25. Lex fundi, & l. in fundum. ff. de exceptionibus, declarata.
26. Reconventio & ante litem contestatam & post usque ad conclusionem causæ principalis admittitur.
27. Cessio venditioq; nominis transfert omne jus cedentis.

28. Creditor

28. *Creditor tenetur fidejussori aut correo debendi si solvat nomen cedere cum usuris, hypothecis & pignoris.*

UT demonstraretur rectè Antonium Palos in restitutione pignorum quæ ab adversario Petro de Wint acceperat, persistere, & electionis facultatem sibi ex forma contractus & secuta alternativa sententia competere bene contendere, considerandum venit quod vigore sententiæ in amplissimo Senatu Antverpiensi lata 16. Januarii anno 1556. per exceptionem rei judicatæ repelli non possit, tum quia nunc multo quàm antea pleniorum restitutionem, omnisque legitimè probati interesse æstimationem offerat: tum etiam si ipsam sententiam (quo solo fundamento nritur adversarius) consideremus, nihil illa tale continere dici potest, quod rigorosam illam primæ partis alternativæ sententiæ executionem defendere valeat. Etenim nullum in ea vel minimum usquam apparet verbum (in quamcunque partem singulas sententiæ voces torqueamus) quod eligendi facultatem ex ipso contractu incommutabiliter acquisitam, & sequenti sententia confirmatam Palos adimat, eumque secundo alternativæ sententiæ membro quod elegerat privans in exactæ quantitatis summam condemnet. Neque enim juris ratio patitur ut jus eligendi

semel competens, & in vim illius exercita electio alicui, etiamsi id quod elegit implere differat, auferratur: neque hunc sensum habet sententia quam urget adversarius in iis verbis: *Is ghewesen voer een bonnisse den 16. Januarij anno 56. den Opponent metter consignatien by hem ghedaen te gestaen niet ontfangbaer* / &c. quæ solummodo consignationem pignorum quasi non sufficientem propter aliquod ex iis alienatum improbant; non verò pleniorum eorum restitutionem, ejusque quod interest omnimodam præstationem excludunt, tum quia verba hoc non sonant: quod vel solum sufficere posset ad repellendum adversarium, cum apertissima sint: *c. ad audientiam. & ibi gloss. de deci. c. omnino. 31. dist. l. non aliter. de leg. 3. cum similib. & generaliter observetur, ut verba sententiæ (quæ stricti juris est l. 1. & 2. C. quand. plur. una sent. l. Iulianus verum debitorem. de condit. indeb.) strictè intelligamus, Bart. in l. si expressim. col. 2. de appell. & in d. l. Iulian. col. 4. Fulgos. consil. 140. Præsuppositis duobus col. pen. Ang. cons. 71. Dec. consil. 607. nu. 7. nec ad illum quidem sensum trahere liceat quem possent habere ex lata significatione vocabuli, cap. dilectus. ubi Abbas in 2. notab. de off. erd. Angel. consil. 235. Punctus est col. 2. tum etiam minimè sic interpretari debeamus, ut ex ea quis indebitè damnum (quod hic fieret) patiatur, Bart. & dd. in l. fin. §. in computatione.*

D d d d d 3



*ratione. C. de jure delib. aut à jure quæ-  
sito & fructu electionis factæ ex-  
cludatur.*

2 Non diffitemur quidem mul-  
tis casibus electionem, cui prius  
competebar auferri & alteri parti  
adversæ prærunque acquiri, ut in  
hærede negligente, ad quem spe-  
ctabat electio, cum tempore de-  
terminato ad legatarium devolvit-  
ur: *lason in l. legato generaliter. nu. 16.  
de leg. 1. sic & executor testamenti  
si non eligat infra annum paupe-  
res, quibus relictum à defuncto le-  
gatum distribuitur, ad episcopum  
electio transit, Bart. in l. cum quid. de  
leg. 2. & multis aliis, Bart. in l. cum  
pater. §. rogo. de leg. 2. & in l. fin. §. 1.  
C. communia. de leg. sed casui propo-  
sito non conveniunt, & quicumque  
illi sunt vel ob cessantibus eligere negligenti-  
am, l. mancipiorum. & l. si tibi electio  
servi. de opt. & lib. leg. vel similem ali-  
quam causam lex vel iudex legis minister  
quem electionis amissione punit, qualis  
hic Antonio Palos nulla potest  
imputari, qui ut sententiæ alter-  
nativæ satisfacere se paratissimum  
ostenderet, mox hujus civitatis  
Joannensis Notarium publicum  
Joannem de Berlemont nono  
Septembris post dictam alternati-  
vam proximè sequentis accedens  
secundum membrum pignorum  
scilicet restitutionem se eligere  
declaravit. Idque per eundem no-  
tarium adversario suo insinuari  
fecit, ut per dicti notarii copiam  
authenticam exhibitam manifestè  
liquet: sic quod nulla sit in Anto-*

nio Palos negligentia culpa, vel  
qua alia probabilis ratio cur rigo-  
rosam illam primi membri execu-  
tionem sustinere debuerit. Quibus  
accedit quòd quando facultas eligendi  
alicui adimitur & in alium transfertur,  
id contingit duntaxat ante electionem  
exercitam, & propter eligendi mor-  
ram & cessationem. Sed nullo jure  
cautum reperitur post electionem  
factam jus modò quæsitum con-  
velli aut in alium transferri, pro-  
pter imperfectam & minus plen-  
am rei alternativæ quæ electa est  
præstationem: *l. qui sibi aut Titio. §.  
qui Stichum aut Pamphilum. & l. Sti-  
chum aut Pamphilum. §. 1. de solut.*  
prout etiam quòd pronunciavit  
Senatus consignatione pignorum  
non esse sufficientem, non conclu-  
dit ipsum Palos primæ parti sen-  
tentiaæ alternativæ satisfacere con-  
demnatum esse, sed hoc solum  
quod ex his uno divendito non  
integra restituens, non esset audi-  
endus ad evadendam pleniorum  
partis electæ præstationem, aut so-  
lutionem quod adversarii interesset.

4 U N D E per consequens, non ut  
adversarius vult, sed aliter colli-  
gere licebit, si integra restitueret,  
omnimodamque ejus quod in-  
terest præstationem offerret (quod  
partem deficientem ut res integra  
censeatur supplet *l. sed mihi videtur.  
§. si reddita commodati.*) admitten-  
dum censuisse, argumento à con-  
trario sensu, quod in jure adeò va-  
lidum est, ut contrarius sensus non  
minus dicatur venire ex mente  
legis

legis Bald. & dd. in l. conventicula. C. de episcop. & cler. dd. in l. 1. §. hujus rei de offic. ejus qui mand. est jurisc. canonist. in c. publicato. de elect. & in cap. Apostolica. de his que fiunt a. contrahentiū, Bald. in l. tale pactum. §. fin. de pact. l. inter socerum. §. cum inter. de pact. dotalibus. vel aliter verba proferentium, l. licet. de leg. 1. l. nominis & rei. §. verbum ex legibus. de verb. sig. quāmodum quod aperte loquuntur, imō cum sententia quae venit à contrario, testante Cajo Jureconsulto, in l. si quis locuples. §. si. ibi apertissime de manumiss. test. sit apertissimus, recte licebit non quasi ex conjecturata tantum, sed ex vera Senatus mente & intentione ac si hoc verbis expressisset Antonium Palos admitendum concludere.

HIS consequenter recte addi potest, quod Palos in prædictam quantitatem præcisè constringi non possit per hoc quod aliquod ex pignoribus est alienatum. Nam præterquam quod in sententia mensis Januarii hoc non sit expressum, ideoque prætermisum, non d. cap. ad audientiam. & ibi gloss. de decimis. videtur aliquo jure vel  
 5. iusta satis ratione probari posse, quia licet res videatur non esse reddita, quæ imperfecta vel deterior redditur, l. qui tabulas. ad leg. Aquil. l. mulieres. §. res. de verb. sign. tamen præstatione ejus quod interest recte deficientis partis sit suppletio, d. l. sed mihi videtur. §. si reddita commod. ut integra reddita censeatur, & cessante interesse cesset quoque actio com-

petere, l. fin. autem. §. si homo. de rei vend. l. fin. §. 1. Ad leg. Rhod. de jactu. Bart. & alii in l. qui autem. §. illud. si quis cautionib. cum omnis actio super eo quod interest fundetur, l. si procuratorem. §. mandati actio mandati. l. stipulatio ista. §. alteri de verbor. obligat. & non admittatur ad agendum nisi is cujus interest, l. si pupilli. §. videamus. de neg. gest. l. quoties. §. rem de admistr. tur. & exceptio, Tua non interest, in effectu repellat agentem, l. loci. §. competit. si servit. vend. l. fin. C. de rei vend. eum etiam qui pro se casu sententiam obtinuit. l. posthumus. §. si quis. ex his de i. off. testa. Ergo similiter dicendum in casu nostro, ut cessante omni adversarii interesse, & per consequens actione, (sine qua nemo experiri potest,) audiendus utique sit Antonius Palos, plenissimam ejus quod interest præstationem offerens.

Ex quibus solvi potest & illud quod de pignorum mutato statu, eaque divisa se non recepturum obturbat, & sæpè inculcat adversarius his verbis: **met gespleten restitutie**/&c. ut succedente in locum alienati vera æstimatione non divisa, sed integra restituta videri debeant. Nam quod ex his pignoribus aliquod sit distractum non facit ut tanquam integrali aliqua parte alienata totum esse desinat, ut in domo paries & tectum, quorum altero sublato, domus amplius dici non potest, l. eum qui ades. de usucap. sed potius quem admodum de genere, specie una aut

aut altera alienata, non desinit esse genus: sic ex his pignoribus uno divendito, reliqua recipere talibus verbis minus legitime recusat; tum quia subintrans in alienati locum æstimatio totum suum (ut ita loquamur) (quod dissecatum conqueritur, integret & perfectum constituat, tum etiam secundum protritum, & apud omnes usurpatum juris axioma nihil referat quid ex æquipollentibus fiat. *text.* & ibi Bald. Salyc. & alii in l. fin. C. de donat. Nam æquipollens in omni dispositione subintelligitur & fieri sufficit, Bart. in l. ab emptione. nu. 13. de pact. idque sive de contractibus agatur, l. fin. ubi post gloss. Bart. Mandati. & in l. cum servus. de verb. obligat. & in d. l. fin. C. de donat. sive de ultimis voluntatibus, l. restituta. in princ. ad S. C. Trebell. l. si mater. C. de instit. & substit. sive de actis judicialibus & sententia, quæ licet condemnationem vel absolutionem continere debeat, potest condemnatio vel absolutio fieri per æquipollēs, gloss. in l. pates. C. de sent. & interloc. omnium jud. sive etiam de statutis, Bart. in l. nemini. C. de advoc. diver. jud. & pluribus aliis queratur. Et est omnium una eademque generalis ratio, quod scilicet æquipollentium eadem sit disciplina, idem iudicium, & idem implementum in effectu etiam in contractibus quoad substantiam & non diversum, Clem. exivi. §. ut autem. & ibi Cardin. de verb. sign. c. tua. de consang. & affinit. nec refert quid ex æqui-

pollentibus fiat: l. fideicommissa. §. si cui. & ibi Bart. de leg. 3. l. mulier. in princip. ad S. C. Trebell. adeo ut nulla sit differentia inter materiam strictam & favorabilem, judicialem, contractuum vel ultimarum voluntatum, sed semper æquipollens fieri sufficiat, maxime si non sit de forma.

Quod hic in casu proposito considerari non potest, cum manifestissimi juris sit, quod una ex rebus alternative debitis etiam facto debitoris interempta, non cogatur debitor præcisè ad præstationem alterius rejecta prorsus interemptæ vel deterioratæ æstimatione, ut ex Juliani responso in d. l. qui sibi aut Titio. §. qui Stichum aut Pamphilum. de solut. non obscurè hoc colligi potest dicentis, qui Stichum aut Pamphilum dare promisit, si Stichum aut Pamphilum vulneraverit, non magis eum dando liberatur, quam si solum Stichum promississet, & à se vulneratum daret: ubi non dicitur, Sticho vulnerato dato ad præstandum Pamphilum compelli, sed eum teneri quasi solum Stichum promississet, eumque à se vulneratum daret. Jam verò certum est, qui rem debitam suo facto aut culpa deterioratam præstat, si deteriorationis æstimationem offerat, rectè creditori satisfieri, ipsumque ab actione qua prius propter suum factum tenebatur, liberari, gloss. in d. §. qui Stichum aut Pamphilum. & ibi Bart. l. & eleganter. §. non solum. de dolo. probat id ipsum plenius Papinianus, in d. l. Stichum

*Strichum aut Pamphilum. §. 1. de solut.* quod ex rebus alternativè debitis una extincta etiam factò debitoris possit nihilominus æstimationem ejus debitor, modò non sit multo quàm quæ superest adhuc vilior, offerre, & ab alterius præstatione liberari. Quo nomine, quasi vilior hæc sit æstimationis oblatio quàm ipsum corpus pignoris alienati, minimè repelli potest Antonius Palos, tum quòd hæc oblatio quàm præcedentes multo sit plenior & perfectior, omnemque probati vel à iudicibus adjudicandi interesse præstationem contineat, tum etiam de forma vel essentia contractus alternativi non sit (ut diximus) quod una extincta vel deteriorata, compellatur præcisè ad præstationem alterius. Nam licet mortuum vel rem extinctam non possit eligere debitor, extinctæ tamè præstanti æstimationem rectè contingit liberatio. l. 2. §. Scavola. lib. 15. & ibi post gloss. Bart. de eo quod cert. loc. l. cum res. §. si Strichus aut Pamphilus de legat. 1. Ergo cum de hoc solum quærat, & circa hoc totum versetur negotium, ne creditor in damno remaneat, nihil ejus referre potest, ipsa ne pignorum corpora, an ex his alienati alicujus æstimationem accipiat: utrumcunque enim habeat, erit ipsi ac legi satisfactum, quæ debitorem ad ipsius rei acceptæ, si creditor servetur indemnis, præstationem præcisè non constringit. Hoc si verum est, ut dubio procul verissimum, quòd ad alterius præsta-

tionem una perempta non teneatur, si per æquivalens creditori satisfiat, d. l. fin. C. de donat. & ibi Bart. Bald. Salyc. & alii. ipsique dato & soluto interesse, definat actio competere, l. fin. §. 1. ad leg. Rhod. de fact. Bart. & alii. l. qui autem. si quis caut. nec possit ulterius conqueri, erit utique in casu præsentis minimè dubitandum quin plenissima hac omnis omnino interesse oblatione Palos adversario suo rectè satisfacere possit, maxime cum præsens hoc negotium inter mercatores controversetur, qui hæc pignora habebant promercalia, & magis pecuniam quam ex rebus venalibus conficere possunt, spectant, quàm res ipsas. Has enim non comparant, ut habeant & possideant principaliter, sed cum spe quaestus & lucri alicujus distrahant & dividant: sic quod nihil conqueri possit adversarius quòd ex his pignoribus unum sit divenditum, qui loco ipsius rei habebit æstimationem & interesse. quæ æstimationis consideratio, ut æquissima est, ita inter mercatores omnino locum habere debet. Nam in negotiis quæ inter illos oriuntur, non tam anxie de stricto jure & cum subtilitate aliqua de apicibus juris disputatur, sed ex æquo & bono proceditur, Bart. in l. si fidejussor. §. quædam. & in l. Quintus mandat. Salyc. & alii in l. placuit. C. de judic. ut æquitas & veritas magis quàm rigor prævaleat, Corneus consil. 319. num. 10. omniaq; secundum usum & consuetudinem eorum

Eeee acci-

accipiantur & intelligantur. Et probantur superiora quæ de æstimatione alienati pignoris, ejusque quod interest libera præstatione diximus per ipsius contractus verba inter partes decima quarta Novemb. anno quinquagesimo quarto initi, *luy rendra lesdites bagues en tel estat qu'il les a receu, &c.* quæ non loco formæ, sed ad effectum & illum finem appositæ sunt, ut suum consequeretur adversarius, & casu quo Palos non solveret, quod ratione trium obligationum ab Adriano Verbeck reliquum debebatur Petro de Windt reciperet pignora quæ transportarat, non quidem singulari aliquo effectu tentus erga ipsa pignorum corpora, quia pecuniam, ut ex contractu apparet, habuisset chariores, remanentibus apud Antonium Palos pignoribus, quæ venalia habebat: sed ut per receptionem pignorum maneret indemnis: quod illa verba *en tel estat*, omnino sonant, utpote quæ nõ significant formalem identitatem corporum, sed æquivalentem & similem habitudinem paremque effectum, quem consequitur adversarius per oblationem ejus quod interest: nec potest dici **12** damnum sentire, aut rem in alio statu consequi, qui habet omnia paria & similia pignora, vel id quod interest aut rei alienatæ pretium & æstimationem, *Bart. in l. stipulationes non dividuntur, in 9. quest. in fin. de verb. oblig. Decius cons. 2. nu. 8. part. 1.* quam æstimationis alienati

loco præstationem si prohibere voluisset adversarius, ulterius adicere debuisset, ut casu quo Palos non restitueret omnia in specie, ipsa que accepta pignorum corpora, tunc præcisè teneretur ad primam contractus partem & pecuniæ solutionem, vel similibus verbis aliis in quibus plus cautionis & securitatis fuisset, quæ dum prætermittitur, nulla omnino cadit hic formæ alicujus consideratio, sed causam finalem, (quæ in omni dispositione potior esse debet, *Bald. in c. si. de offic. de leg. Castr. & Lason in l. si quis stipulatus. in princip. de verb. obligat. facit l. si fidejussores magistratum. §. pro Aurelio. de fidejussor.*) & effectum inspiciamus, nimirum ut quod interest accipiat adversarius non rigorosè & strictè restitutis pignoribus, sed ne remaneat in damno, quod & juri & contrahentium intentioni est consentaneum, eaq; contrahentium intentio præter hoc quod ex verbis contractus plana satis & aperta sit, ex eo apparet manifestius, quod in contractu hoc expresse convenerat, ut Palos quæ posset pignora venderet, & quod venditio hujus pignoris (de quo est questio & omnem præsentis tragiæ causam habet) adversario placuerit consenseritq; ut in usum ejus qui potiori causa habere, venderetur, imò amplius ipse adversarius primus, ut hoc pignus venderetur, fuit auctor. Significavit enim dicto Antonio Palos reginam Hungariæ hujuscemodi ornamentum emendum quærere, ut hæc omnia per actorem latius adducta

ducta fuerunt proposita & probata, *per depositiones & attestaciones Nicolai de Nivella, Michaelis de VVesel, Guilielmi Obbrechs, Huberti van Baerle.* sic quod non immerito Palos etiam si expressè fuisset ad prædictæ & extortæ quantitatis solutionem condemnatus, se posset opponere, quod volente & consentiente adversario dictam alienationem fecerit, & sibi ipse deberet imputare quod sua culpâ damnum sentiret, quale tamen ex hac venditione nullum prætereundum potest, qui æstimationem quàm ipsum pignus (voluit enim ut venderetur) magis dilectam accipit. Id quod etiam inde confirmatur, quod ipse adversarius non nisi pignoris jus in rebus controversis habuerit, & non formalitatis, sed solutionis obtinendæ de anteriori debito curam gesserit, quodque tempore initi contractus 14. Novemb. anno 54. minor pars dictorum pignorum fuerit in manibus aurifabrorum ad ea perficienda & expolienda, qui dum tempore contractus dicta pignora in ædibus Impetrantis ipsi & adversario ostendissent, mox post ostensionem illa secum asportarunt perficienda, hac lege, ut ille cui dicta pignora jam perfecta restituerentur, per dictos aurifabros solveret iisdem pretium auri, lapidum, ornatus, nec non laboris & operæ: ut constat ex depositionibus prædictorum testimonium. quæ enim formalitas considerari potuisset in rebus solo pignoris nexu obligatis

& imperfectis, nullamque absolutam formam habentibus, quæque post acceptam formam facili negotio confundi & rursus ad pristinam formam reduci poterant: rectius itaque dicta verba *en tel estat, &c.* ad effectum, & utilitatem extrinsecam, sive ad priorem causam pignorum referuntur, quàm ad formam aut specificam identitatem corporum.

QUINETIAM hæc legitima Impetrantis oblatio tantum habet momenti, ut etiam cessante omni adversarii voluntate & consensu, quem probavimus accessisse in locum alienati pignoris, succedens res non alia, sed eadem quæ alienata est censeretur debeat. Idque eo proclivius, quod magna pars pignorum extet, & in locum ejus quod alienatum est, aliud omnino simile, & in eodem statu, constitutione, qualitate & utilitate reponi possit, quodque agatur de rebus quæ erant venales, & ex contractu bonæ fidei; & denique quod adversarius solam securitatem prioris sui debiti possit prætereundum, & quod ex regula æquipollentis non referat, res ipsa an ejus præstetur æstimatio, *Dec. in l. mater. num. 4. per illum text. C. de instit. & substit. d. l. si. & ibi dd. C. de donat.* prout in omni dispositione sufficit æquivalens, uti in hoc amplissimo Senatu in casu simili vel etiam difficiliore per sententiam, ut aequissimum comprobatum fuit inter Christophorum Garchia & Raphaëlem Landii: ult. Aprilis, anno 1558.

conclusum enim fuit & determinatum rectè dictum Garchia deposuisse tres distinctas obligationes simul continentes summam quam unica obligatione à parente de Pogio debita prius assignaverat dicto Raphaëli, sentiens Senatus nihil interesse Raphaëlis Landii unica assignata apud Pogium obligatione, quam Garchia prius illi fecerat, an tribus diversis ipsi satisfaceret. Et rectè quidem, propter regulam, quam diximus, quod scilicet non referat, quid ex æquipollentibus fiat, Bald. Salyc. & alii in d. l. si. C. de donat. in quo tamen casu non tanta suberat aequitatis ratio quanta hic, cum non minimum habeat incommodi & periculi in plures creditores aliquem distrahi; & à pluribus petere quod ab uno consequi poterat: hic verò nihil mali sentit adversarius, cui alienati pignoris loco offertur aestimatio: & si quid prætere dere posset incommodi, illius arbitrio iudicis refusionem Palos præstare paratus sit: quod nulla ratione iniquum videri potest, quasi aliud pro alio recipere compellatur, quia aestimatio hæc ab ipsa re aliud & diversum esse rectè dici non potest, ut latius dictum est superius, & si esset quid diversum, cum tamen hic noster casus aperto jure decisis reperiatur, nec à verbis contractus & menti ac intentione contrahentium discrepet, nullus relinquitur dubitandi locus, minimeque videri debet iniquum, quod lege permittente sit,

& menti ac voluntati contrahentium convenit: quinimo foret iniquissimum, si contrarium diceretur, quod præter superiora inde non parum confirmatur, quod etiam si formalis & specifica fuisset obligatio ad ipsa corpora præscripta facultate solvendi per æquipollens, ob id tamen non licuisset ab obligatione restituendorum pignorum quam Palos elegerat, regredi ad petitionem pretii conventi seu promissæ: sed dum Palos cessaverat, aut non posset implere restitutionem electam, ratio suadebat ad id quod interest recurrendum esse, ut probatur ex apertissimo, & quod totum hoc negotium decidit. Pomponii responso dicentis: in l. si quis stipulatus sit. in princ. de verb. obligat. & ibi quoque Barr. Si quis stipulatus sit Stichum aut Pamphilum utrum ipse vellet, quem elegerit petet, & is erit solus in obligatione. Ecce textus optimus brevibus verbis præcedentem executionem rigorosam, quam Palos sustinuit, rescindens, ipsiq; electionis commodum neque ademptum, neque adimi potuisse, vel adhuc posse probans. Nam post electionem secundi membri semel factam, quam adversarius negare non potest, si sola pars electa cæperit esse in obligatione, eaq; sola peti debuerit secundum Pomponii responsum, in d. l. si quis stipulatus. planum est & expeditum, executionem illam primi membri, pecuniæq; extorsionem, rāquam contra legem factam, qua post electionem per Antonium Palos antea factam non esse in obligatione, nec peti poterat, subsistere non posse, quia post electionem unus ex rebus alternativè debitis facta, aded hac sola electa remanet in obligatione,

13

2

2



trione, ut mortua vel extincta illa, liberatus sit debitor ab utraque: l. stipulatus sum damam. & ibi Bart. de verb. oblig. Iason in d. l. si quis stipulatus. in princip. num. 3. de verb. oblig. non verò compelli potest, ut præstet alteram, quia non est debita, sed ad illam tenetur tantum, quam alter præstari semel elegit, in qua si quid sit vitii, vel culpa debitoris ejusve mora præstetur quam debebat deterior, petere potest quod eo nomine sua interest, d. l. & eleganter. §. non solum. de dolo. l. exhibitiones. C. ad exhibend. cujus interesse ratio refertur non ad pretium conventum vel promissum, sed ad verum rei valorem & æstimationem, aliaque damna quæ adversarius sustinuit, quæ præstare commodius est ipsi Palos, quam premium promissum & conventum, in quo magna dicitur esse deceptio & supergressio.

14 CONFIRMANTUR prædicta ex eo quod hæ personales restituendi obligationes præcisæ nõ sint, nec ad corporalem omnino rei petitæ præstatione constringant: Dec. consil. 503. num. 2. Alex. cons. 212. Corn. cons. 266. & dd. in l. stipulationes non dividuntur. de verbor. obligat. sed, quamvis nonnulli dissentiant, etiã invito actore reus liberari potest præstatione ejus quod interest, l. 1. de actio. empt. Odoffr. & Ang. in l. qui restituere. de rei vendic. Bart. in l. in re furtiva. de conduct. furt. quod interesse adversarii adeo liberaliter & plenè præstare nunc offert Palos, ut vel hoc solo considerato, cessantibus aliis quæ ad justitiam

causæ actoris pertinent, nullo modo possit prioris judicati exceptionem (ut ipse dicit) contra hanc plenissimam, & multo quàm unquam antea perfectiorem cum omni legitimè probato interesse restitutionem obijcere, quia nova hæc est & omnino alia actio, cum illa sententia mense Januario lata nihil habens commune. Nam ut obstat exceptio rei judicatæ, triplex requiritur identitas, quod scilicet eadem res corporalis vel incorporalis petatur nunc, quæ fuit petita prius, identitas causæ, & identitas personarum, quorum uno deficiente, non obstat rei judicatæ exceptio, text. in l. cum quaritur, cum duab. seq. & ibi Castrenf. de excep. rei jud. & in l. si judicio. eod. illo tit. Bart. in l. & an eandem eod. illo tit. de excep. rei jud. Socin. cons. 164. num. 14. vol. 2. quod pulchrè probans Baldus in l. 2. C. de excep. dicit, Ut obstat rei judicatæ exceptio, necesse est quod sit actum de eadem re, cognitum & pronunciatum.

URGET ulterius adversarius mensis Januarii sententiam, & in his verbis magnam vim facit, **Soude moghen met sijne begonste execution boortzbarè/** &c. certè vim facit, eamque plusquam violentam, & veritati quasi manus adfert, qui hæc ad primam alternativè sententiæ partem constringere contendit: quia manifestè patet quod respectivè & relativè ad præcedentem pignorum imperfectam obligationem prolata

Ecce 3 sint,

sint, & ad illa verba quæ præcedebant, **metter consignationem by hem ghebaen** / &c. pertineant. Unde cum notissimum sit quod verba secundum præcedentia sint interpretanda, l. ait Prator. §. 1. de re jud. l. omnes. C. de præscript. 30. vel 40. annor. & Alexand. in l. omnes. C. de quadr. præscr. & quod ad aliquid refertur, debeat intelligi secundum illud ad quod refertur, Bald. in athen. sacramenta puerum. col. 3. C. si advers. vend. pariaque sint aliquid esse certum per se & per relationem ad aliud: l. Lucius. §. quisquis. de legat. 1. l. si donat. C. de donat. l. Seja. §. Cajo. de fund. instruat. Decius consil. 542. num. 9. dici non potest hanc Senatus mentem fuisse, qui solummodo propter pignorum imperfectam restitutionem non fundatum Palos pronunciavit, & adversario executionem suæ sententiæ persequi permisit, quod pleniorum & omnimodam ejus quod interest præstationem non excludit, ut talem judicis mentem fuisse præsumamus qualis esse debet, cujus verba semper intelliguntur secundum intellectum & dispositionem juris, minimeque censetur voluisse illud, quod si verbis expressisset non potuisset: Bart. & Castr. in l. 1. C. de negot. gesti. Bald. in l. 3. col. 1. C. si pend. appell. sic quod manifestè pateat verba illa non posse adversario ad illum finem quem ille spectat, opitulari.

Nec est omittendum, quod verba prædictæ sententiæ, **met**

**sine hegonsse executie** / sunt generalia, & per se spectata, neque ad primam neque ad secundam partem referuntur, sed prolata sunt à judice in eo sensu quo de jure capi d. l. si quis stipulatus sit Stichum. debent, & in quo conveniebant rei propositæ, id est, respectu secundæ partis restitutionis pignorum, quæ electa erat, & quam dum Palos absolūtè non impleveret, cogi poterat ad præstationem damnorum & interesse partis electæ & non præstitæ, quæ sola remanebat in obligatione, & quam egredi non licebat.

Ex quibus & eadem ratione solvitur sine difficultate, quod de approbatione sententiæ in Senatu Brabantie facta objicitur, ubi cum nihil fuerit approbatum amplius quam prius Antverpiæ pronunciatum: sed restringi debet illa approbatio, quemadmodum omnis alia dispositio à causa sua finali, l. cum pater. §. dulcissimi. de leg. 2. Bald. consil. 209. illa verba libro 2. Aret. consil. 161. verum est. col. 3. ultra quam & finem suum propositum nihil operari potest etiam verbis multum generaliter conceptis. Innoc. in cap. cum Bertoldus. de re jud. Bart. in l. unica. C. de error. calc. Panor. & Felin. in c. inter ceteras. de re jud.

NULLAM quoque dubitationem habet, an quia Palos numeravit prædictam summam videatur sibi ipsi eligendi quod habebat arbitrium admisisse (ut adversarius asserit) qui non simpliciter eo animo, ut liberaretur vel solveret pecuniam

19 cuniam numeravit, sed ut ignominiosam bonorum annotationem quam Præfectus minabatur effugeret, cui parere maluit cum protestatione tamen de jure suo conservando illæso (quæ protestatio declarat animum abesse l. *at si quis*. §. *plurique. vers. quippe. de relig. & sumpt. funer.*) quàm summam dedecoris infamiam incurere, bonumque nomen & famam perdere, quæ omnibus modis est defendenda, & quavis re alia solet esse charior: c. *nolo. 12. q. 2. Spec. in §. jam nunc videndum rit. de advocat. Dec. consil. 686.* unde cum de contraria ejus voluntate constet, nec non metu qui in constantissimū quemque non immerito cadere posset *Gloss. in l. isti quidem. de eo quod met. cau. l. Iulianus. si quis omis. cau. testa. solverit.* indubitatum est, hanc solutionem ei præjudicare nō posse, qui vim & metum contra edictum Prætoris in hæc numeratione passus est, quod adeo justissimum est, ut potius Dei quàm Prætoris verbum dici debeat, secundum Baldum, *In rubr. de controvers. invest. in si. vers. Queritur ult.* quo cautum fuit, ne ratum haberetur ad quod vi vel metu quis esset compulsus: non igitur in ipso Palos qui numeravit, sed in illis qui extorserunt, & ut solveret compulerunt, crimen est, quod sive imprudenter malè interpretando sententiam mensis Januarii, sive dolosa transgressione contra mentem & intentionem sententiæ factum sit, inutile est, &

ad læsionem & præjudicium partis tolerari non debet, *Specul. in §. postremū. rit. de execut. sentent.* præsertim considerata vi & potestate dictæ protestationis, quæ declarat intentionem Palos à facultate eligendi per actum illum solutionis dejici nolentis, conservatq; omne jus integrum, & præponderat ipsi solutionis facto, quod metu factum esse constat, non ad approbationem judicati, sed ad evitacionem infamiæ & imminentis periculi, maximè cum solutio illa in simplici facto consistat, nec repugnet protestationi conservandi juris quæ præcessit, quæque semper operatur adversus actum incontinenti secutum, ut latissimè probat Felinus in c. *cum in Ferrariens. col. 25. & sequent. de constit.*

20 ET profecto ferendum non est quod tantopere adversarius formalem corporum restitutionem urgeat, non contentus alienati recipere æstimationem cum in ipsis pignoribus nihil solidi juris habeat, sed restituta pignora distrahi debeant in usum communem aliorum creditorum, & ad faciliorem pro rata cuiusque debiti solutionem. Verum cum impossibile animadvertat adversarius alienatum pignus posse per Antonium Palos recuperari, dolosis studet Senatum machinationibus ad hoc promovere, quasi in alienati locum æstimationem supplere non liceat ad implementum secundi membri alternativæ sententiæ, non

non alia intentione quàm quòd utilius sibi dispiciat pecuniam retinere, quàm tradita pignora recipere, quia hæc contra edictum Prætoris, & hujus civitatis Ant-verpiensis consuetudinem accepta, in communem massam sunt conferenda, cui malitiæ indulgere non convenit: *l. in fundo. de rei vend. c. plarunque. de rescript.* quia periculum est ne non in Antonii Palos modò pernecium, sed & aliorum Adriani Verbeeck creditorum ruinam, ad quos pertinet pro rata crediti æqualis portio in alios usus pecuniæ dependantur: ita ut multis modis non sit audiendus adversarius in lite damnorum & interesse in consequentiam & continuationem executionis malè factæ in pecunia quæ non potuit fieri, nisi in ipsis pignoribus aut eorum æstimatione propter electionem semel factam, & jus incommutabiliter ipsi Palos inde quæsitum.

Quæ omnia cum ad defendendum Antonium Palos in principali causa sufficiant, digrediemur ad ea quæ non tam ad principalis causæ justitiam, quàm ad ordinationem judicii, ac propositionem actionum respiciunt, ex quibus primum illud est quod adversarius animadvertens nullo modo se ipsam causam tueri posse, præsentiensque in ipsa sententia mensis Januarii satis cautionis non esse, dicit in hoc negotio reconventioni nullum esse locum, propterea quod (ut ipse ait) pro-

cedat in materia liquidationis damnorum & interesse præcedente sententia sibi adjudicatorum, & sic in effectu in materia executionis: sed levissimum hoc esse, nec subsistere inde detegitur, quòd quamvis prædicta sententia etiam damnorum & interesse meminerit, liquidatio tamen illorum multas habeat ambages & recessus; sic quod cognitio hoc casu non sit summaria, ideoque non impediatur reconventionem, *argum. l. & hac. §. non solum. de procurat. c. 1. de mu. pet.* in quo minus dubitationis est, propterea quod hæc liquidatio damnorum non possit expediri, nisi implorato judicis officio & adhibita ordinaria causæ cognitione, cum qua reconventionem rectè procedere, etiam si in solo judicis officio versetur, non dubitatur, *Specul. in tit. de reconvent. §. nunc dicimus. num. 11. Panor. in d. c. 1. de mut. pet.* quodque adversarius non processerit executivè, aut à præcepto executionis, sed petendo novam condemnatione Palos instituerit ordinariam actionem, vel in veteri causa, vel in judicato fundatam, quæ longè lateque differt à præcepto executionis: *l. à Divo Pio. §. 1. & ibi dd. de re in judic. Spec. de sent. execut. §. breviter in 2. par. op. Io. Imbert. Instit. foren. lib. 1.* quoniam præceptum executionis in simplici facto consistit, & per delegatū seu commissarium nullam exceptionem vel oppositionem, quæ altiore requirit indaginem admitten-

admittentem effectui traditur: judicari verè actio coram iudice ordinario proponitur, & nec vita, nec natura, nec exercitatione differt ab aliis actionibus ordinariis, quod valde stringit, & solidè assertionem Palos sustinet, ostenditque nihil momenti habere quod adversarius contendit suam conventionem non habito respectu ad reconvencionem finiendam & terminandam esse: quinimo e converso non considerato utra prius fuerit intentata hæc reconventio, admittenda est attentæ longæ illa disquisitione quæ in verificatione damnorum est necessaria: & quia proponitur reconventio super eodem negotio & eadem re de qua in conventionem & liquidationem disputatur; & denique quia ipsa sententia oppositionem & contradictionem servat integram his verbis: **Om den verweerder daer tegens ghehoort** &c. Imò rectè pòderatis omnibus, id quod per Antonium Palos in reconvensione deducitur prius terminandum est, vel saltem ejus merita antea examinanda sunt, quàm de damnis & interesse adversarii constare possit, cum obtinente Palos in sua reconvensione, quam evidentem facit effusa illius oblatio & facultas eligendi ipsi competens, necesse sit causificationem damnorū & interesse evanescere, cum facultas agendi pro damnis & interesse duplex habeat præsuppositum: primò, quòd iusta causa

sit petendi damna & interesse: secundò, quòd revera intersit & interesse probetur, quorum utrumque vel alterum si deficeret, per se corruer omnis damni & interesse petitio. At in præsentihypothesi si facultas eligendi per priores sententias dicto Palos non sit ablata, ipseque, ea utens perfectiorem suam oblationem urgeat, nò improbabili ratione sequitur damnorum ab adversario prætenforum saltem ex ea causa ex qua procedit, rationem non esse habendam: ita ut præjudicii consideratio prærogativam cognitionis postulet super eo quod à Palos deducitur, quod magni est momenti ad inducendam priorem cognitionem super reconvensione occasione præjudicii.

CURVS cōsideratio illud quoque removeret, quod de omiſſa reſponſione & litis conteſtatione in cauſa conventionis objicitur, cum ea ſit vis & poteſtas præjudicii, quod ſuſpenſa dilataque altera cauſa, præjudicialis prius terminari debeat, quemadmodum in ſimili primum quærendū eſt, utrum quis hæres ſit antequam agere poſſit ut hæres. *cap. tuam. de ord. cog. l. ut debitum. C. de hered. act.* Item ſi petam fundum Titianum tanquam meum, & eidem dico ſervitutem deberi per fundum alienum; hic prius conſtare debet utrum fundus meus ſit, antequam poſſum ei ſervitutem vendicare; *l. fundi. & l. ſi fundum. de except. & l. excentis caſibus*

FFFFF bus

- bus aliis. Quando enim altera est  
 25 præjudicialis, major, vel præambula  
 alterius, tunc illa semper  
 prius venit discutienda, sine qua  
 in altera legitime vel jure procedi  
 non potest, idque sive ambæ direc-  
 tō proponantur, sive una directō,  
 altera per modum exceptionis.  
 Atque hoc modo intelligenda est  
 illa regula: Qui prior est tempore,  
 prior ager. Item illud: Quod con-  
 ventio & reconventio pari passu  
 ambulare debeant, si scilicet neu-  
 tra sit præjudicialis, nec altera ex  
 altera dependeat: quemadmo-  
 dum hoc ipsum non sine magna  
 ratione cautum est per ordinatio-  
 nem civitatis Antverpiensis, *art. 25.*  
 sic quod eadem illa quibus se tueri  
 & defendere putat adversarius,  
 maxime contra ipsum facere vi-  
 deantur. Et præterea ut minus vi-  
 rium habeat consideratio præju-  
 dicii, satis tamen certum videtur,  
 nulla facta responsione, nec litis  
 contestatione in liquidatione &  
 interesse reconventionem inten-  
 tari posse: nam quod reconventio  
 26 fieri possit etiam ante litem conte-  
 statam, in prima actione, minime  
 obscure colligi potest ex ordine  
 titulorum in decretalibus, ubi pri-  
 mo loco præmittitur titulus de li-  
 belli oblatione, deinde subjicitur  
 de mutuis petitionibus, tertio ve-  
 rò loco, de litis contestatione,  
 quasi reconventio prius quàm in  
 prima causâ lis sit contestata, pro-  
 poni debeat: adeò quòd sint qui  
 hac ratione, moti putarent, nisi

ante litem contestatam reconven-  
 tionem institui nō posse, sed com-  
 muni & receptissima doctorum  
*Specul. d. §. nunc videmus tit. de recon-*  
*vent.* opinione comprobatum est,  
 quod semper ante litem contesta-  
 tam, & etiam post durante eodem  
 judicio, id est, instantia judicii,  
 quousque in causâ conclusum sit,  
 proponi possit.

QUIBUS accedit, quòd peni-  
 tius intuēdo omnia, Palos respon-  
 disse & litem contestatus videatur  
 in ipsâ liquidatione contendendo  
 adversarium in forma & modo  
 quo procederet, debere declarari  
 nō esse receptibilem, nempe quod  
 fundamentum damnorum & in-  
 teresse ex primo capite sententiæ  
 propositum propter electionem  
 alterius non subsistat: quod ad in-  
 ducendam litis contestationem  
 sufficit, quæ impediri non potuit  
 ex adjectione verborū, **Emmers**  
**noch ter tijdt.** Cū illorum na-  
 tura sit alternativa. eumq; sensum  
 habeant, ut si ex responsione An-  
 tonii Palos non sequeretur simplex  
 absolutaque non receptibilitas,  
 saltem dilatoriē & donec causâ  
 reconventionis finiretur, adversa-  
 rii intentio rejiceretur vel suspen-  
 deretur. quod nō est impedimen-  
 to responsioni vel litis contesta-  
 tioni, sed præsupposita proposi-  
 tione exceptionum peremptoria-  
 rum generalem conclusionē con-  
 stituer, & depulsionem intentio-  
 nis adversarii ad omnes fines, &  
 quocunque modo, hoc est, tam  
 dilatoriē

dilatoriè quàm peremptoriè: ita quod responsio Antonii Palos nec declinatoriam aliquam continebat, nec consiltebat intra limites dilatoriarû, sed habebat admixtas peremptorias, easque principaliter & primo loco propositas. Deinde etiamsi Antonius Palos fugiendo ingressum iudicii dilatoriè tantum respondisset, non tamen rejicienda erat petitio ipsius, quæ in vim simplicis conventionis absque beneficio simultanei processus aut privilegiatæ reconventionis accipi potest. Et præterea, si reconventionis naturam attendere lubeat, Palos urgeri poterat in causa liquidationis ad respondendum peremptoriè, manente reconventionem, cui ut robur tribuatur, satis est, ut libellus adversarii sit propositus, etiamsi nulla neque responsio, neque litis contestatio conventionis præcesserit, ut dictum est.

Ex quo ultra prædicta detegitur quædam sententiæ, de qua agitur, infirmitas, quæ inde augetur & evidentius elucescit, quod totam reconventionem rejiciat, eamque simpliciter non receptibilem declaret, veluti non subsistentem etiam respectu causæ principalis, quod nec à parte petitum videtur, nec jure fieri potuit, *l. ult. C. de fideicom. libert.* præsertim respectu sequentium petitionem & conclusionum respiciendum traditionem reliquorum pignorum & eorundem evictionem atque guarandiam.

Nam si fortè ex aliqua causa quam non videmus, videretur dicto Antonio Palos deneganda erogata pecuniæ restitutio, tunc utique secundum posteriorem partem conclusionis compellendus foret adversarius omnia pignora tradere, quæ ratione solutionis trium illarum obligationum per ipsum Petrum de Wint factæ, secundum conventionem & verba dicti contractus ibi, *ledict Seigneur Antonio Palos payera audit Pierre de Wint, tout ce que ce pendant il monstra qu'il doit avoir desdicts Adrian Verbeecke & sa femme*, ipse Palos cogitur omne id quod adversario debebatur à Verbeecke & sua conjuge exolvere: nam si Palos passivè astringitur totum debitum exolvere ad suum incommodum, cur non activè & ad suum commodum consequatur omnia pignora debiti nomine obligata, & adversario tradita? maximè cum natura rei subjunctæ suadeat, & inter partes actum esse satis evidenter appareat, ut soluto debito, Palos ad instar secundi creditoris offerendo priori in locum illius accipiendo pignora succederet. Et certè si aliter dicermus, nimium præjudicaretur Antonio Palos, & fieret contra conventionem & nominis comparationem, ex qua sola adversarius omne jus suum cedere tenetur, *l. nulla in verbis, cum te nomen comparasse non suggeras. C. de solution.* & contra apertam æquitatem: quæ etiam si scripta convectio deficeret,

Fffff 2 coge-



- 27 cogeret tamen adversarium, & omne quod contemplatione hujus summae ab Adriano Verbeeck acceperat, transferret, quemadmodum in simplici nominis venditione vel cessione, hypotheca & omne jus cedentis vel vendentis cessum & venditum intelligitur, & in emptorem vel cessionarium ex tacita, & à lege præsumpta contrahentium voluntate transit. Nec solum jus omne quod venditor antea habebat, cum re vendita transit, sed etiam si postea aliquid acceperit, vel pignora acceperit, hæc tradere eorumve persecutionem cedere debet, imò etiam cessante arctiore conventionis & legis iudicio, sola æquitas hanc translationem reliquorum pignorum induceret, ut adversarius qui urget Palos ad solutionem integri debiti pro quo pignora sunt accepta, integra quoque pignora cedat, quemadmodum creditor tenetur correo debendi fidejussori vel possessori sortem cum reliquis offerenti cedere nomen ipsum cum usuris ipsis præteritis & futuris cum hypothecis & pignoribus. *l. Paulus. & l. cum is qui. de fidejussorib.* Idque eo proclivius, quòd Palos omne debitum pro quo pignora accepta fuerunt, ex necessitate quadamolvere cogatur: ita quòd non possit haberi pro extraneo, spontanea voluntate offerente, *d. l. nulla.* sed pro vero nominis emptore surrogato ipsi adversario à quo debitum totum coactus est
- 28

solvere, ideoque in locum ejus debet succedere, eodemque jure uti, maxime cum Palos ipse quoque sit creditor dicti Verbeeck & suæ conjugis, principalium debitorum, qui conservandi sui debiti gratia, ad hunc contractum accessit, & pactum fecit cum adversario priore creditore, *arg. l. 1. & fi. C. de his qui in priorum creditorum locum.* ita quòd in locum adversarii succedat & surrogetur, eodemque jure uti debeat, *l. mulier. C. qui potiores in pignore habeantur.* Ultra quæ omnia rectè postulare licet Antonio Palos (ut videtur) eorumdem pignorum cum aliis prius datis evictionem & guarandiam. Nam licet regulariter creditor non teneatur de evictione ex defectu juris pignorantis, *l. 1. & per totum titulum. C. de evictio. pig. non deberi.* tenetur tamen præstare se justum creditorem fuisse, id est, tenetur ad limites juris pignoratitii & qualitatibus in qua vendidit, de cujus vitio apparet in ipso rerum principio, & in limine (ut ajunt) judicii, ex eo quòd adversarius hæc pignora inutiliter contra juris communis dispositionem, & hujus civitatis ordinationem, necnon Caroli quinti piæ memoriæ Imperatoris constitutionem, in fraudem & necem aliorum concreditorum accepisse videatur: ita quòd revocationi subiaceat, & nunc alii creditores sequestrationem obtinuerint: ita Palos rectè conqueri possit evictionis nomine, ne pretio & re

& re careat; maximè cùm etiam ante securam evictionem agi possit, quando ea ab initio & in limine iudicii imminet. *l. si post perfectam. C. de evict.* Salvo meliori iudicio.

## CONSILIUM XCVII.

## SUMMARIUM.

1. Prohibitionis effectus quamvis late pateat, tamen non refertur ad antecedentes alienationis causas.
2. Res fideicommissi obnoxia propter as alienum defuncti, qui fideicommissum imposuit, distrahi potest.
3. Omisio inventarii non obligat heredem, ut fideicommissario quidquam de suo praestet ultra vires hereditarias.
4. Alienans rem alienari prohibitam, tenetur fideicommissario ad estimationem & omne interesse.
5. Cùm iure pignoris res una distrahitur, tota distrahi potest, etiam si illius aestimatio longè excedat debiti quantitatem.
6. Fallit in judicialibus seu praeiudicialibus pignoribus.
7. Perfecta venditione, bona distracta perpetuò penes eos remanere debent, quibus sub hasta solenniter distracta sunt.
8. Sententia lata contra alienare prohibitum, nocet fideicommissario, etiam non citato.
9. Confirmatio rei perfecta qua revocari non potest, vim novae concessionis non habet.

10. Cùm producuntur acta ex quibus apparet de nullitate sententiae, tunc dicitur clarè probari de nullitate, nec potest tunc praesumi pro sententia.
11. Prohibitio heredi facta, ad heredis quoque heredem extenditur.
12. Fideicommissum quod est in causa caduci, solet manere apud heredem gravatum.
13. Fideicommissum purum non desertur his qui tempore mortis testatoris non fuerunt nati, nisi testator id specialiter declaraverit.
14. Fideicommissum onus heredum continet, ideoque, tanquam odiosum, restringitur, neque de tempore ad tempus, neque de persona ad personam extenditur.
15. Filii appellatione filia continetur expressè praesumpta mente testatoris.
16. Expressum facit cessare tacitam.
17. Limitata dispositio limitatum producit effectum.
18. Parentis appellatione omnes testatoris agnati quando continentur.
19. Alienationis prohibita formula, plerumque est realis, plerumque personalis.
20. Relativum qui cùm adiungitur verbo futuri temporis, conditionem facit.
21. Tunc dictio punctum temporis significat.
22. Prohibitio alienationis quamvis in rem concepta, non egreditur quartum gradum.
23. Prohibitio semper ampliatur, restringitur, & declaratur per rationem, & causam prohibitionis.

F f f f f 3

24. Generi

24. *Generi per speciem quando derogetur.*
25. *Alienationis tempore non nati quando admittantur ad fideicommissum, quando non.*
26. *Alienatio rei prohibita alienari valet, quando omnes, quorum contemplatione facta est prohibitio, consentiunt.*
27. *Heres tenetur stare facto defuncti etiam in prohibitis alienari.*
28. *Statuta propriissimam & strictam interpretationem admittunt.*
29. *Remissio seu liberatio non gratuita non indiget insinuatione.*
30. *Aragonia consuetudo alienationem impedit ex prohibita alienatione per contractum.*
31. *Antenuptialis contractus plerumque vim testamenti seu ultima voluntatis habet.*
32. *Fideicommissum an sit conditionale simplex & absolutum; varia distinctio.*
33. *Incapax tempore legati vel fideicommissi excluditur.*

**I**n ardua causa defensionis domini-  
miniorum & castrorum Figue-  
ruelas, Cabanas, Azeur, &c.  
quam Illust. dominus Martinus de  
Aragonia Dux Villeformosæ, Co-  
mes Ripacursiæ, &c. adversus duos  
competitores ex diversis, sed non  
multum dissidentibus capitibus  
sustinet; multa admodum occur-  
runt, quæ perplexitatem, non tan-  
tum obscuritatem pariunt. Pro  
qua discutienda & occurrentium  
articulorum difficultate remo-

venda ordinem rei gestæ, primum  
sequi erit operæpretium, separa-  
tione facta juris quod uterque ad-  
versarius præterdit: Quemadmo-  
dum etiam pro parte dicti illustris.  
Ducis utriusque thema disjunctim  
& separatim propositum est. Cum  
autem prioris thematis quæstio,  
veluti præjudicium ad alterum  
contineat, quod antiquiorem fi-  
deicommissi causam habere vide-  
atur, & obtinente ex eo Don Fran-  
cisco de Arinon, Franciscus de  
Mendosa ex secundo capite obti-  
nendi nullam spem habere possit,  
quasi præclusa via per prius fidei-  
commissum secundi fideicommissi  
constituendi nulla fuerit pote-  
stas.

In prius thema priori loco in-  
quirendum est. In quo agendi  
causam præbuisse deprehenditur  
alienatio facta in Don Petrum  
Vaca post mortem Don Joannis  
Francisci de Arinon ex causa rei  
judicatæ, in favorem Catharinæ  
de Meur uxoris dicti Don Joannis  
Francisci, pro dotalis pecuniæ &  
auctæ dotis restitutione, acceden-  
te postea consensu & approbatio-  
ne novaque venditione, seu potius  
prioris venditionis renovatione  
Galcerandi, prohibitione aliena-  
tionis, seu fideicommissio quod in  
alienationis prohibitionem conti-  
neri dicitur, gravati. Hic itaque  
subsistendum erit, neque ad alias  
quæstiones progrediendum, ante-  
quam discussum erit, An non ob-  
stante fideicommissio quod per  
prohibitio-

prohibitionem alienationis hæredi instituto, itemque Galcerando substituto Don Joannes Franciscus injunxisse videtur. pro restitutione dotis dominæ Catharinæ bona controversa vendi cum interventione fideicommissi potuerint, & si potuerint, an nihil sit quod ejus generis alienationem vitare in toto vel parte possit?

Quo ad primum, difficultatem facit quod in thepate proponatur Galcerandum ex substitutione per Don Joannem Franciscum facta agnovisse judicium testatoris & pro hærede se gessisse. Quæ res facit, ut omnibus oneribus hæreditariis statim videatur se intricuisse, *l. apud Iulianum. in fi. quibus ex cau. in poss. ea.* & ad solidi fideicommissi præstationem se obligasse, quod non constet de inventarii confectioe, *In authen. de hered. & Falcidia. §. hinc nobis.* quamvis alioqui olim legata & fideicommissa ultra vires hæreditatis præstarentur: *l. in ratione. §. quod vulgo ad leg. Falcid. in fin. qua in fr. cred.* Ita ut Galcerandus permittendo hæc bona alienari, detrectando defensionem eorum & non luendo ac liberando à jure pignoris, *l. si res obligata. de legat. 1.* alienasse satis & prohibitioni contravenisse atque fideicommissio viam aperuisse videatur. *l. 3. §. 1. Qua in fr. cred.* Et hoc esse videtur quod ait J. C. in *l. filiusfamilia. §. divi. de leg. 1.* si hæredis bona propter creditores venerint, fideicommissarios fortunam communem sequi,

quasi non prius id nocere debeat fideicommissariis quam distractis hæredis bonis, vel minus toto reliquum est tam ex bonis defuncti quam hæredis: cujus bona cum testatoris bonis confusa aditione veluti unum patrimonium effecerunt. *l. cum heredes. ff. de acq. possess.*

SEd magis est ut dicatur alienationem hujusmodi licitam fuisse: nam quamvis alioqui & jure veteri, *d. §. divi.* & novissimo *auth. res quas. C. communia. de legat.* prohibitionis effectus latè pateat ad futuras tamen, non ad antecedentes alienationis causas, & quæ causam & originem prohibitionis antiquiorem habent, refertur tantum: Sic ut generaliter constitutum sit rem fideicommissio obnoxia propter æs alienum defuncti qui fideicommissum imposuit, & sic ex necessaria non voluntaria causa distrahi posse. *l. si fundum per fideicommissum. de legat. 1. l. filiusfamilia. §. diu. de legat. 1. & ibi Ripa. num. 9. Bart. in l. peto. §. pradium. de legat. 2. Stephan. Bertrand. consil. 23. num. 66. volum. 1.* Cum enim tanto semper minus sit in bonis defuncti quanto plus est in ære alieno, *l. subsignatum. §. 1. de verbor. signific.* cur non quoque illius alienatio erit licita quod juris intellectu in bonis esse non creditur, sic ut quod ex ea causa distrahitur, non tam à creditore aut hærede, sed ab ipso testatore seu judice, nomine & ex capite testatoris distrahi videatur, & eo respectu factum judicis sit factum partis.

*l. si ob*

*l. si ob causam. & ibi Bart. Bald. & alii. C. de eviction.* Et hoc est quod ait Baldus, *in l. 1. C. debitorem vend. pig. imped. non posse.* in simili omnino specie potentius esse æs alienum quàm legatum seu fideicommissum, *l. qui solutum. §. fin. de legat. 2.* & venditione per creditorem facta jus legati seu fideicommissi extingui. Nam quòd dicitur fideicommissarios communem fortunam sequi, cum hæredis bona propter creditores testatoris venierint, *in d. §. divi. in fi.* non eam habent significationem, ut de suis bonis quæ antea habuit, prius periclitari debeat hæres quàm fideicommissarius de bonis fideicommissio obnoxiiis, sed aliam ex sententia Bartoli & aliorum, *in d. §. divi. num. 8.* videlicet ut bona hæredis intelligantur illa quæ per additionem ex testamento hæredis facta sunt, cum prius testatoris essent, *d. §. divi. & ibi Ripa.* cum in casu converso nihil ad fideicommissarios pertineat, si hæredis bona distrahantur, semper enim jus fideicommissi salvum manet. *l. pete.*

- 3 §. *pradium. de legat. 2.* Et ne omisso inventarii causam facti & juris hic immutet, si id fortè objici posset (nam ex thémate proposito id non apparet) dicimus quòd omisso inventarii non obliget hæredem, ut fideicommissario quicquam de suo præstet ultra vires hæreditatis: nam fideicommissum universale nunquam potest excedere vires hæreditatis. Ita ut etiam hæres ipse

restitutione fideicommissi gravatus, ommissa etiam inventarii confectione, deducat quod defunctus ei debebat. *Casirens. in l. ab omnibus. §. si. num. 2. de leg. 1. Angel. consil. 67. quoniam nihil in fin. Carolus Ruin. consil. 57. de tribus principaliter. num. 4. & 10. & consil. 112. super primo num. 13. & 19.* Et eo cessante quod in ea causa fuerint hæc bona, ut rejecto etiam ex ea causa omni onere hujus æris alieni in caput Galcerandi, nihilominus ritè & legitime fieri potuerit illa distractio, ideo quòd ea bona specialiter obligata fuerint pro dictæ dotis restitutione, *Alc. in d. §. divi. in pr.* & sic obligata ut ex jure reali jure non tantum ex causa personalis obligationis venditioni exponi potuerint, quemadmodum & res minorum, quæ sine decreto ex generali arctioreque juris communis prohibitione alienari vetantur ex causa cõstituti pignoris sine decreto ritè per creditores alienantur, *§. si verò neque. vers. contra principales in authen. de fidejuss. col. 1.* & cum utraque actione domina Catharina munita fuerit sine exceptione ultra voluerit experiri potuit, quòd pignorum seu hypothecarum possessio & obligatio personalis in unam personam concurrerint. *l. debitor. C. de pignor.* Cum itaque alienatio inter vivos jus pignoris non mutet, neque de mutando alienans cogitare præsumatur, cum non possit: *l. 1. C. debit. vend. pig. imped. nō poss.* nihilomagus id fieri præsumetur per ultimam voluntatem.

voluntatem. Et sanè si quid ob neglectam defensionem seu exolutionem dotis admisit Galcerandus, id ad jus emptoris sub hasta publica imminuendum nihil momenti habet; cum conditio rei talis fuerit, ut ex causa antecedente, quam nec testator ignoravit, eò deduci potuerit, ut nulla ex parte libera fuerit Galcerandi voluntas. Sic ut ad summum dici possit, Galcerandum negligentem fuisse in sublevandis & tuendis his bonis ab onere tanti crediti, nulla autem ratione verè & propriè alienasse.

4 Cujus nomine si inter sit fideicommissarius, id non emptorem, sed Galcerandì hæredem onerabit. *elegant. gl. in l. qui solidum. §. fin. in verb. contra emptor. de leg. 2. & facit l. si fideicommissum. §. tractat. de judic. l. l. 1. §. si hæres ad S. C. Trebell. l. si. de contrab. empr.* Est enim traditum, quòd alienans rem alienari prohibitam in casibus in quibus valet alienatio, teneatur fideicommissario ad æstimationem & omne interesse, & non detur ulla actio ad rem nisi in subsidium. *Francisc. Ripa ad d. §. divi. num. 49. per l. quidam. ut a testa. §. fin. ad Trebell. Alc. in d. §. divi. in princ.*

ALIENATIONE itaque ex prædictis, uti videtur, permissa, videamus num extrinsecus aliquid occurrat quod impedimentum adferat: inter quæ vel illud primum videri posset, quod cum venditio vel addictio pignorum non in totum, sed tantum pro

modo debiti facienda videatur, *in §. fi. in authent. de fidejussor. l. præfenti. & ibi gloss. C. de his qui ad eccles. conf. gloss. ad verb. undique. in l. Fulcinius. §. prætor ait. & ibi Bart. ff. ex poss. causis in qui. eat.* non latius teneat alienatio per Dominam Catharinam facta, quàm modus debiti exigit, sic ut quamvis omnium dominiorum ex causa pignoris possessio debuit permitti, *glo. §. si verbi in verb. secundum mensuram in auth. de exhibit. & introd. reorum.* venditio tamen merito improbari potuerit: eaquæ in parte negligentia Galcerandi in defendendo, speciem alienationis continere videatur, & sic contraventionem adversus prohibitionem. *l. 3. §. 1. ff. qua in.* Sed ea difficultas (si constare posset unius alicujus aut plurium dominiorum, non tamen omnium distractione dotis restitutionem expediri potuisse) removeri posse videtur, ex connexione horum dominiorum quæ tam in venditione quàm assignatione hypothecæ cõjuncta fuerunt, ut velut unus domini loco habita videri possent, & quæ dissoluta seu separata, auctoritatem & dignitatem amitterent, & per se singula æstimata sui verum pretium non possent conficere.

JAM verò cum jure pignoris res aliqua distrahitur, tota distrahi potest, etiamsi illius æstimatio longè excedat debiti quãtitatẽ, *l. quamdiu. C. de distract. pign. & ibi dñl.* Tum quòd partis venditio in ex-

Ggggg pedito

pedito non sit, & ex communione plurium quæ sic in una eademque re constituitur, rixarum discordiæque materia relinquatur. *l. cum pater. §. dulcissimis. de legat. 2.* Tum quoddam jure communi permissum sit rem totam distrahi vel addici, ut quod residuum est, non in rei venditæ dominio, sed pretio seu æstimatione debitori restituatur. *l. ver. §. sin autem minus. C. de jur. do. imp. l. eleganter. §. si vendiderit. de pign. actio.* Est enim pignus individuum, *Bald. in d. l. quamdiu. & in l. unus. C. de distract. pignor. l. 1. C. si unus ex pluribus.* sic ut nullam partem ejus creditor liberare cogatur parte debiti soluta, *l. qui pignori. de pign. l. in executione. §. pen. de verbor. oblig.* sed pro residuo totam distrahere possit, *l. si necessarias. §. si unus. de pign. actio. d. l. quamdiu.* & in ejus arbitrio sit quam ex pluribus distrahere velit; *l. creditoris arbitrio. C. de distract. pignor.* etiam optimam & quæ longè debiti quantitatem excedat: *Bart. in d. l. creditoris.* Imò etiam omnes, quia in omnibus jus pignoris radicatum est, ut secundum juris proportionem distrahendi facultas attribuat. Neque his repugnat quod tradit *Bart. in d. l. creditoris.* quoddam debitor possit impedire petendo, ut liceat sibi rem vendere quam velit pro exolutione debiti. *l. quamvis. §. 1. de pignor. actio. authen. possit. C. qui potior in pignor.* Nam in casu proposito id factum aut postulatum non est: & ideo cum ipso jure potuerit creditor distrahere,

distractio effectum sortietur, oppositione pro parte creditoris non facta. Quemadmodum etiam creditor cum effectu fidejussorem *l. jure novo. C. de fidejuss.* aut pignorum possessorem *l. prosecutione. C. de pigno.* ante debitorem principalem convenit, & excutit, si exceptio ordinis non opponatur: *Authen. presente. & ibi dd. C. de fidejuss.* Ita ut distractio jure pignoris facta quo ad jus emptoris & dominium ei in omnibus rebus distractis acquirendum vacillare non possit. *l. si cessante. l. qui à creditore. C. de distract. pignor. l. si convenerit. de pignor. tot. sit. C. si venditor pignor. agat.* Cujus rei argumentum ex eo quoque sumi potest, quod singulari jure traditum sit, *l. 2. C. de pign. l. qua specialis. C. de distr. pign.* res generali hypotheca obligatas creditorem distrahere non posse, si specialiter obligata sufficiant ad debiti solutionem, ut ex contrario sensu dici possit in rebus specialiter obligatis liberam esse creditoris potestatem. Eademque ratione dissolvitur quod *Bart. & alii in d. l. creditoris.* volunt, creditorem bona fide versari in distrahendis pignoribus. Nam nec id jus emptoris impedit, quo minus vendente creditore omnes res (cum una aut altera sufficere posset) dominium rerum distractarum ultra mensuram debiti acquiratur emptori. Nameo nomine tribuunt *Bart. Frigol. in d. l. creditoris. & in l. à divo Pio. §. in venditione de re judicata. Negusantius in tract.*



*tract. pignor. part. 6. membro primo. nu. 22. & 28.* actionem ad id quanti eo nomine interest adversus creditorem, si adversus bonam fidem plures res distraxerit, quàm debitum postulavit: ita ut ad summum ex hoc capite Frânciscus de Arinon non possit habere actionem, nisi adversus Galcerandi hæredem, quod sese in non opposuerit, & omnia bona sic distrahi passus sit, ut superius diximus: vel adversus hæredem Dominæ Catharinæ de Merur, si contra bonam fidem omnia bona distraxisse dici potest; cum quædam ex his pro debiti solutione sufficere poterant. *l. si. C. si vend. pign. agat.* Et præterea quod dicitur de pignore ad mensuram seu modum debiti vel capiendo vel distrahendo ad judicialia seu prætoriana pignora, quæ invitis debitoribus capiuntur & distrahuntur, *d. l. presenti.* non ad conventionalia, in quibus creditor habet voluntatem debitoris, & in constituendo, *l. 1. de pignor. & in distrahendo: §. contra. inst. quibus alienare non licet. l. si convenerit. de pign. action.* nisi legitime opponat, & distractionem impediatur; *l. si residuum. de distract. pign.* Sanè in additione domini rei pignori datæ mirum non est modum debiti observari. *d. §. sin minus.* cum in ea agatur de indemnitate creditoris, quam non est æquum excedere damnum, hoc est debitum ipsum: ita ut qua ratione distracta re pro modo debiti creditor retinet ex pretio:

*l. eleganter. §. si vendiderit. l. creditor judicio. de pignor. actio. l. si. C. si vend. pignor. agat.* Ita cum non potest distrahi ad eandem mensuram, in re retineatur & acquiratur domini.

U N D E removeri potest & alia difficultas quæ in re proposita occurrit, quali Galcerandus partem pretii videlicet 30000. solidorum ex venditione ad instantiam Dominæ Catharinæ factam, percipiendo satis videatur alienationi consensisse, & consentiendo prohibitioni contravenisse, eodemq; momento jus fideicommissi aperuisse, sic ut ad emptorem dominium transire non potuerit. Nam cum nemo invitis consentiat, & necessitas voluntatem excludat: *l. 1. ff. de eo. quod met. cau.* non potest Galcerandus dici alienasse consentiendo, qui parere & à contradictione abstinere necesse habuit. *l. 1. & 2. C. debit. vend. pigno. impe. non posse.* Potestas enim alienationis hoc casu non ex jure seu voluntate possessoris, sed jure creditoris, & causa quæ prohibitione vetustior est, fundatur, ut superius diximus. Et quamvis solutione dotis tentatam distractionem impedire porruisset: *l. si priusquam. C. de distract. pignor.* Id tamen ut faceret, nulla lex eum obligavit. Curenim cum periculo rerum suarum fideicommissariis jus suum conservabit, qui fideicommissariis ultra vires bonorum defuncti non tenetur, etiam inventario non facto? Quin potius imputandum est iis ad quos spes

Ggggg 2      fidei-

fideicommissi pertinebat, quod antequam venditio perficeretur, atque homologatio senatus interponeretur, auctioni non intercesserint. *l. si hypothecae. C. de remiss. pign.*

- 7 Nam perfecta venditione, bona distracta perpetuò penes eos remanere debent, quibus sub hastæ solemnitis arbitrio distracta sunt: aded quòd nec auctoritate rescripti principalis venditio infringi, neque minoris ætatis, neque legitimæ absentiæ, neque personæ Deo consecratæ privilegium jus per taciturnitatem amissum possit restituere, ut Imperatorum constitutione ostenditur, *l. si. ff. si propter publ. pensita. vend. celeb. sue. l. quicunque. C. de fidei. inst. & jure hastæ fiscalis. lib. 10. d. c. si hypothecae, in fine.* quæ tamen si de re vendita propter fisci debitum loquatur, tamen ad venditionem quæ propter privatum fit debitum, etiam extenditur. *gloss. ad verb. pertinet. in l. 1. C. de pet. hered. & ibi Salycet. num. 2.* Fiscus enim non alio quàm privatus jure uti censetur, nisi id lege nominatim caveretur. *l. 1. & ibi Salycet. num. 2. l. quod placuit. de jure fisci. Salycet. in l. item veniunt. §. in privatorum. de pet. hered.* Et præterea ratio dictæ constitutionis non in aliqua fisci prærogativa, sed in auctoritate & solennitate hastæ fundata est.
- 8 Quò etiam pertinet, quod traditur, *Invol. Alexand. & las. in d. §. divi. & ibi Socin. uum. 60. 61. 62. qui dicunt communem esse opinionem.* sententiam latam contra alienare prohibi-

tum, nocere fideicommissario etiam non citato, qui quandocunque cognito gravamine appellare potuit.

SEd major difficultas est in eo quod Galcerandus post septem menses à venditione per Dominam Catharinam jure creditoris facta, iterum eadem bona eidem emptori vendiderit, quo ipso videri posset recessum à priore venditione, eaque resoluta jus domini dictorum castrorum in pristinam causam reversum, præsertim quod posteriore hac venditione pretii prioris augmentum aliquod factum inveniatur, *l. pacta conventa. de contrahend. empt.* eo quòd dominio sic reverso per eandem venditionem veluti celeritate actionis *Arg. l. 1. §. si. cum l. seq. de rebus eorum. l. singularia. in fin. si cert. petat. l. 3. §. si. de donat. inter vir. & uxor.* prohibitioni contraventum & fideicommissio via aperta sit. Cæterum cum nò ita recedatur à contractu, nisi actus retrò similis interveniat, & absque traditione rei venditæ retrò facta solo còtrario consensu expressim, etiam interposito non censeatur recedi à venditione: *l. ab emptione. ff. de pact. l. 1. C. quando liceat ab emp. disced.* multo minus id constituendum erit in tacita resolutione contractus, quæ per pretii augmentum & mutationem fit. Et proinde hac secunda venditione contraventum dici nequit ex defectu materiæ: nemo enim rei suæ emptor intelligitur; siue sciens, siue

Ave ignorans eam emit: *l. sua rei. de contrah. emp.* Et ne quidem ex eo capite quod hac venditione posteriore prior venditio confirmata dici posset. Nam confirmatio ubi confirmatum ex omni parte perfectum, absolutumque est, & a confirmante ex nulla causa revocari aut retractari potest, vim & potestatem novæ concessionis non habet: sed inutilis magis censetur, & ad ejus qui confirmationem postulat, scrupulosiorem sollicitudinem tantum refertur, ut excludatur scilicet quæcunque juris & facti quæstio. *Bart. & alii in l. more majorum. de jurisd. omnium judicum.* Jam verò ex superius dictis constare videtur, nihil desiderari ad perfectionem aut efficaciam prioris venditionis auctoritate magistratus instante creditrice factæ. Quod etiam pertinet ut unius rei celebrata alienatione duabus venditionibus si expressim de prioris novanda actum non est, permillum esse emptori agere ex utra velit, cum ex utraque rem habere dicatur. *l. si quis ante de acq. possess. Bart. in l. singularia. num. 10. ff. si cert. petat. Alexander consil. 27. vol. 3. qui allegat. d. l. si quis ante. l. si mandato. §. fin. ff. mandati.* Neque hoc casu dici poterit emptorem hac secunda emptione de jure suo dubitasse, cum alio fine facta dici posset, scilicet ad excludendum quascunq; controversias, quæ de facto moveri poterant. Unde hanc venditionem circumscripto nomine no-

tam venditionem dicere poterimus, quam transactionem, ad excludendum omnem facti quæstionem seu molestiam, ut potius materiam quam formam intueamur, & plus valeat quod verè actum, quam quod verbis conceptum est. *ut. C. plus valere quod agitur.* Quia ipsa transactione non dicitur prohibitioni contravenisse Galcerandus, cum ex ea res alienata non fuerit, *l. si profundo. in fi. & ibi doctores. C. de trans. Bald. in l. qui Roma. §. duo fratres. ff. de verb. obligat. & idem Bald. de prohib. feud. aliena. per Freder. collat. 4. in usib. feud. nec emptori aliquod dominium acquisitum sit; præsertim attento quòd ad eam transactionem conditio rei legitimæ quæsitæ, etiam gratuito eum impellere debebat, qui ipse de evictione teneri poterat, si aliundè hæc bona evinci contigisset, & idè emptori quæstionem dominii nulla ratione facere poterat.*

Quo d autem dici posset, venditionem instante domina Catharina factam nullius momenti fuisse, tanquam ex falsa causa facta fuerit, quasi scilicet verè non fuisset numerata dotalis pecunia! Etsi in proposito themate magna hinc constitui videatur difficultas, verè tamen exigua, imò propè nulla est. Nam cum ex eodem themate evidenter colligatur, matrimonium inter Don Joannem Franciscum & Dominam Catharinam stetisse amplius quam decem annis, non potuit tempore distractionis, &

Ggggg 3 multò

multò minus nunc de non numerata pecunia dotis amplius proponi, sive confessio receptæ dotis intercesserit, sive promissio solvendæ dotis tantum. *l. fin. & auth. quod locum. C. de dote non numer.* Quo cessante, ex re ipsa de numeratione dotis satis constare videtur, cum illa constituta videatur in debito Don Joannis Francisci, quod ille debebat D. Joanni Meur patri Domina Catharina, ex vèditiōe dictorū dominiorum, quod neque novum neque absurdum est. *l. si ei nuptura. l. quemad. §. si debitoris. de jure dotium.* Apparet autem id ex eo, quod eodem die, quo instrumentum antenuptiale confectum est, prior venditio quoque sit facta, quàm posterior quindecim mensibus, ex post secuta omnem contrariam præsumptionem excludit, focerum dotem non numerasse genero, quem & tunc & postea tam magnarum summarum debitorem sibi fecerit: & præterea ex diuturnitate temporis præsumendum est, nisi optimè liquidato debito, magistratum instante Domina Catharina ad distractionem pignorum non fuisse processurum. Pro judicis enim sententia, seu decreto, quod solenniter & ex vera seu justa causa sit lata, post tanta temporum curricula omninò præsumendum est, quemadmodum quoque præsumi ait Baldus, in *l. unic. C. de privil. dor. ex diuturnitate temporis*, dotis numerationem, quod non præsumatur maritus

tamdiu uxorem sine reali dotis numeratione aliturum. Et denique quia compēsationi locus fuit, quandoquidem socer & gener hinc inde fuerunt creditores & debitores, sic ut omninò præsumi debeat compensationem esse factam, aut alioqui solutum invicem esse debitum. *l. qui invicem. ff. de cond. indeb. l. si ambo. in 1. respon. ff. de compens. l. cum de indebito. ff. de probat.* Et sic omninò verisimile est, Don Franciscum de Arinon de summa per ipsum ex emptione debita retinuisse jure compensationis, usque ad concurrentem dotis sibi additæ quantitatē, atque sic in effectu dotem sibi fuisse solutam. Sanè quod dicitur ex oculari inspectione totius processus super dicta venditione habiti constare de tali defectu, hoc est, de non numerata dote, atque adeo præsumptionem illam quam ex antiquitate temporis pro justificanda causa decretæ venditionis constituimus collabi, sic ut eo respectu dictum decretum à nullitate excusari nō possit: quia cum producantur acta ex 10 quorum productione apparet de nullitate decreti vel sententia, tunc dicitur, verè & clarè probari de nullitate & justitia, nec potest tunc tractari aut proponi de aliqua præsumptione pro sententia. *Bald. in l. 1. ff. si tutor vel curator appell. & in l. ad civilia. C. de appellat. Felin. in c. quoniam contra falsam. col. 18. in fin. de probat. Cravet. de antiquitate tempor. part. 2. num. 53.* Nam probabile

babile nobis fieri non potest ex dictis actis constare de hoc negativo facto, *dotem non esse numeratam*: neque etiam opinionem induere possumus, tam pravum fuisse iudicem, ut distractionem pignorum decerneret ex causa asseriti crediti, quod euidenter ei constitisset esse falsum. Sed hoc dictum ita accipimus quod ex actis non constet de numeratione dotis. Ex quo tamen non potest inferri verè numeratam non fuisse, aut iudici constituisse non esse numeratam. Jus enim obligationis, cuius prætextu Domina Catharina ad venditionem processit, clarum fuit ex stipulatione scilicet non tantum tacita, l. 1. C. de rei uxor. act. sed etiam expressim conventioni antenuptiali inserta; ac sic efficax ad agendum, & quidem sine metu exceptionis non numeratæ pecuniæ jam diu ex præfinitione & lapsu legalis termini *Authen. quod locum. C. de non numer. pecunia. consumptæ*. Satis itaque ex actis constat, propter dictam promissionem restitutionis dotis, venditionem pignorum esse factam, etiamsi nulla extet probatio; imò nec mentio solutæ seu numeratæ dotis, cum aliqui fieri etiam possit, ut de eo tanquam notorio iudex non sollicitus & aliunde informatus, ea ex parte nullam remoram decreto suo fieri passus sit, quæ omnia actis inferri non est necesse, præsertim si non ad solennitatem actorem, sed iustitiam causæ pertineant, & volun-

tariæ sint jurisdictionis. *Cornelius consil. pen. num. 31. volum. 1.* Sic ut omnibus his & quæ postea in sequenti capite de viribus renunciationis subjecimus, diligenter expensis, sustineri possit per Galcerandum prohibitioni testatoris nulla ratione, saltem effectualiter esse contraventum, ita ut ex hoc solo capite jus Illustrissimi Domini Ducis in tuto collocatum dici debeat.

SED ut constituamus ac præsupponamus, non potuisse hæc dominia distrahi ex causa pignoris, pro dotalis pecuniæ pro qua obligata erant restitutione: An olim Emanuelis de Arinone filii Galcerandi, & nunc Francisci de Arinon nepotis Galcerandi causa adversus emptorem seu emporis hæredem iustior aut in vindicandis his bonis laxior, liberiorque erit potestas? Potest sanè non improbabiler id videri propter alienationis prohibitionem, quam Don Joannes Franciscus non tantum posthumo seu masculo hæredi instituto, si is nasceretur, sed etiam Galcerando fratri suo in defectum posthumi masculi substituto ascripsit, & sic quidem ut non tantum ipsi, sed alii quicunque successores eadem prohibitionem gravati videantur, his verbis: *Sub vinculo tamen & conditione, ut dictus posthumus aut quicumque alius hæres, aut successor ejusdem testatoris non possit vendere, &c.* Nam quamvis nudæ alienationis prohibitio in testamento

testamento facta, non addita scilicet causa ob quam fiat, nullius sit momenti, & ad fideicommissum aliquod constituendum sit inefficax: *l. filius. am. §. divi. de leg. 1. l. pater filium. §. Iulius Agrippa. l. Lucius. in princ. de legat. 3. Ludo. Rom. cons. 457. circa propositam consultationem. concurrere tamen videntur hic pleraque quæ prohibitioni efficaciam addere, & ex illius effectu onus fideicommissi ulterioris, quod longius progrediatur, quam ad posthumum & Galcerandum introducere possint: veluti imprimis, quod pœna ascripta inveniat, si contingeret ea bona, vel per posthumum vel alium successorē quovis modo alienari, ascripta quoque aut saltem demonstrata persona, cujus favore huiusmodi prohibitio facta sit, his verbis: *Et si quod contrarium faciet, talis venditio seu alienatio sit ipso facto nulla, & nihilominus amittat & perdat dicta bona, qua voluit pervenire ad partem propinquiorem de suo nomine & armis.* Sic ut duplici vinculo & ratione non possit dici nuda prohibitio, sed omnino causata, ex qua saltem in casu contraventionis seu alienationis fideicommissum in favorem ulteriorum hæredum seu agnatorum testatoris inductum dici possit. Nam sola pœnalis ademptio pro sufficienti causa prohibitionis habetur. *l. 1. c. de his qua pœna no. gloss. in d. §. divi. in verb. respectu. Bart. in l. quoties. c. de fideicom. Ang. consil. 168. testator in omnib. nu. 5.**

Ut etiam adjectio personæ, in cuius favorem prohibetur alienatio, & ad quam testator in casu alienationis rem devenire vult, etiamsi nulla alia causa sit adjecta: *l. pater filium. §. fundum. de leg. 3. Cy. Bart. in d. l. quoties. Alex. cons. 57. prospectus testa. num. 1. vol. 2. Carol. Ruinus consil. 114. viso testamento Bernardi. num. 7. vol. 2. præsertim cum adjectio non certæ personæ per designationem nominis proprii ea qualitate & demonstratione hic sit facta, ut non obscure testator in consideratione habuisse videretur agnationem & familiam suam, in verbis: *Voluit pervenire in partem propinquiorem de suo nomine & armis.* His enim duobus, ut gentiliciis insignibus nititur, cuiuslibet familia. *l. pater filium. §. 1. l. fundum. l. cum pater. §. fidei. de leg. 2. Alciati. dispunc. lib. 4. c. 1.* Jam verò cum testator respectu familiæ alienationē prohibet, induci videtur simplex & absolutum fideicommissum, quod de persona in personam in familia transeat, etiam alienatione non secuta, veluti duplici fideicommissio inde resultante, altero in casum alienationis, altero in casum mortis, ut quidam existimaverunt, *Cuman. in l. qui Roma. §. cohæredes. de verbor. oblig. Castrensis. in d. l. quoties. 1. aut saltem (quod communius receptum est Dy. Bart. Alex. Soc. & alii in d. §. cohæredes. per l. filius. §. cum patre. l. peto. §. fratre. l. codicillo. §. instituto. de legat. 2. Cuman. consil. 33. Quidam ponamus. num. 2.)**

non

non per mortem gravari, sed per contraventionem, hoc est, alienationem à gravato aut successore factam: *Marian. Socy. Nepos conf. 97. viso puncto inspectuq; parte 2. Lud. Gosadus conf. 52. in hac causa. Carol. Ruinus conf. 114. viso testamento Bernardi. num. 7. vol. 2. & consil. 4. ex proposito rhemate. num. 2. vol. 3.* Ideo quòd huius generis prohibitio non in personam, sed in rem concipitur, & magis res ipsa per se alienari prohibeatur, quàm personæ alienandi facultas adimatur. *Fulgosius conf. 119. Ioannes quadam. nu. 1.* Cujus realis prohibitionis vis est, ut ad quemcunque res transeat, d. §. *fratre. & ibi gloss. Sofin. conf. 250. In causa Bon. num. 3. vol. 2. cum illa qualitate & onere, ne alienetur, transeat.* Adde quòd prohibitio alienationis in conditione hic sit posita, verbis his: *Sub vinculo & conditione quòd dictus posthumus, &c.* Quo casu & ipsa conditio prohibitionis nuditatem tollit. Est enim ipsa conditio pro causa, l. 4. §. *fin. de cond. instit.* & præterea respectu personarum in individuo vel genere adjectarum, simplex non conditionale fideicommissum inducit: l. *si quis ita legaverit. §. si quis ita legaverit. de adm. legat.* sic ut hac ratione & ad quemcunque ex cognatione testatoris, qui occurrente casu contraventionis proximus reperitur, transire videatur hoc fideicommissum, tanquam perpetuum & successivum; & quicumque ad ea bona pervenerit, eodem onere

servandæ prohibitionis gravatus intelligatur: quia in rem, non in personam esse videtur, tum propter rationes prædictas, tum quia dixit testator: *Quicumque alius hæres aut successor.* Nam prohibitio hæredi facta ad hæredis quoque hæredem extenditur ex Bart. sententia: *In d. §. divi. nu. 21. per textum. l. sicut. §. si debitori. quibus modis pig. vel hypog. sol.* quia hæres id hæres testatoris quoque hæres est: l. *fin. & ibi doctor. de hered. instit. l. hæres appellatione. de verb. signific. l. si quis filius am. §. fin. de acquir. heredit.* præsertim hic propter geminationem Nota in l. *habita. ad S. C. Trebell.* vocum seu synonymorum coacervationem *Alexand. conf. 56. consideratis verb. test. volum. 1.* indefinitè factam, & dictionis *Quicumque* adjectionem, quæ distributiva & duplex est, dispositione, cui interponitur non tantum uni, sed omnibus accommodans. *Bart. & Imol. in l. hoc articulo. de hered. inst. & facit, l. si ita fuerit. de legat. 3.* Sic ut hoc onus omnibus suis successoribus ascriptum nemo non agnoscere debeat, qui testatori sive mediatè sive immediatè succedet. *Sofin. consil. 250. in causa bon. in princip. volum. 2. Alciat. in d. §. divi. num. 41.* Qui enim de omnibus dicit, neminem excipit. l. 1. C. *manu. dati.*

Ita ut si constituamus prædictam distractionem seu alienationem voluntate vel facto Galcerandi factam, hoc quoque constituendum videatur, Don Emanueli

H h h h h filio,



filio, & nunc Francisco nepoti Galcerandi jus esse revocandi seu repetendi à possessore præacta bona contra prohibitionem testatoris alienata, veluti purificato fideicommissio cōditionali in eventum alienationis expressè collato. *l. ultima. §. sed quia. & §. fin autem. cum subiecta. auth. res qua. C. de fideicommissum.*

SED his non obstantibus, verius est nullum jus vendicandi alterutri competisse aut competere. Nam quamvis negari non possit, quin Don Joannes Franciscus testator fideicommissum prædictis testamenti sui verbis constituere voluerit, non quidem simplex & absolutum, ut paulò post dicemus, sed conditionale in casum contraventionis: *l. cum pater. §. cum inter. & ibi doctores. de legat. 2. Soffin. in d. §. cohæredes.* tamen id in re proposita nihil operatur ad jus Emanuelis aut Francisci stabiliendum, ut dici possit per Galcerandum contraventionem prohibitioni: & quidem id ex una eadem & utrique communi causa, quod scilicet tempore quo hæc bona fideicommissio sic obligata fuerunt alienata, neuter natus, aut conceptus fuerit. Est enim jure manifestè traditum, quòd si familiæ aut cognatis aut alicui generi personarum quod tractu temporis crescit, minuitur, aut mutatur, aliquid recta via relinquatur testamento, sive purè, sive sub conditione id non debeatur, nisi his qui tempore testa-

menti aut saltem mortis testatoris *l. cum ita. §. fin. de legat. 2. l. si agnatis de rebus dub. latè Tyraquell. de retract. lignagier. §. 1. gloss. 9. num. 80. qui etiam ibidem num. 97. hanc opinionem dicit esse veriore.* aut evenientis conditionis, vel nati vel saltem concepti sunt. Quanto ergo magis si per obliquum hoc jure fideicommissi relinquatur, non continebuntur post diem fideicommissi cedetem nati vel concepti. *Anchor. & Imol. in c. judicanti de testa. Soffin. conf. 10. consideratis & benepensatis. num. 12. vol. 3.* Nam qua ratione pro non scripto habetur, quod relinquatur personæ quæ in rebus humanis non est: *l. unica. §. & cum triplici. C. de caduc. toll. l. cum pater. §. hæreditatem. in fin. de leg. 2. l. quidam referunt post princip. de jur. Codicillo.* eadem quoque pertinere non potest aliquid ad eum ex testamento, qui tempore quo defertur & cedit sive hæreditas sive legatum & fideicommissum, in rebus humanis non est, aut aliqui capax non est: *l. cum filius. §. servus purè. de legat. 2.* sed quod ad eum pro nō scripto habetur, quod fortè scriptum est, *lasi. conf. 206. viso testamento ser. Joannis. num. 1. volu. 2.* cum non antè de juris ratione quàm de persona quaerendum sit: *l. si queramus. de testa.* hoc est, inquiri prius oporteat, an sit cui detur, quàm an quod datum consistat. *d. l. quidam referunt. post princ.* Unde etiam fit, ut cum de hæreditate alicui, vel ex voluntate testatoris vel proximatis nomine, idem ex testa-

testamento vel ab intestatò deferenda quæritur, istantum admittatur, qui quo tempore defertur hæreditas, proximus invenitur, non qui postea decedentibus fortè aliquibus proximus efficitur: §. 1. *vers. non tamen.* & §. proximus. *instit. de leg. ag. success. l. 1. §. sciendum. de suis & legit.* usque ad eò, ut ne quidem nepos avo suo hæres legitimus, aut ex testamento efficiatur, l. si quis filium. *versic. ceterum si postea. de injusto rupt. l. Paulus. §. Paulus. de bonis liber. Soffin. consil. 73. capiendum primum num. 18. volum. 4.* aut avi testamentum rumpat, qui mortuo avo concipitur & nascitur: *Bart. in l. cum ad ea, de leg. quia nullo jure cognationis cum unquam attingit. §. cum autem quæritur. versiculo planè. instit. de hæred. qua ab intesta. deser.* Quare cum hiduo Don Emanuel & Franciscus tempore alienationis nondum fuerint nati aut concepti, nihil pat: & per contraventionem *Dei. cons. 511. viso testamento Matthæi, num. 6.* prohibitionis offendi non potuerint, ex eorum capite nihil proponi potest, cur dominium eorundem bonorum in emptorem tantum pleno & irrevocabili jure translatum non fuerit, aut alioqui alienatio in suspenso manere debuerit, l. fin. in fin. *communia prædio.* propter eos in quorum persona dies fideicommissi utiliter cedere non potuit, quique ea ratione semel exclusi perpetuò exclusi manere debent: *Castr. consil. 247. in causa sua vertitur, &c. nu. 3. in 1. parte.*

Ita ut subtiliore consideratione quo ad hos non natos hujusmodi fideicommissum in causa caduci fuisse dici possit, *Castr. cons. 16. viso puncto, & dubiis, num. 5. part. 2.* quòd solet manere apud hæredem gravatum, l. unica. §. pro secundo. *C. de caduc. toll. atq; etiam unico & eodem momento per alienationem dies fideicommissi venisse, & rursus idem fideicommissum extinctum pleno liberoque & irrevocabili jure eidem hæredi gravato & alienanti acquisitum dici possit, quòd ad confirmationem juris ipsius emptoris plenamque domini acquisitionem ex hac quamvis prohibitioni contraveniente alienatione omninò satis est. l. cum vir prædium. de usucap. l. si quis alienum. de act. empt. l. proinde. si cert. petat.* Et sanè quòd ad hos non natos tempore fideicommissi cadentis in ea causa est hoc fideicommissum quo futurum esset, si verum proprium absolutumque & perpetuò duraturum in infinitum, ad quoscunque successores transmissibile constitutum esset fideicommissum per prohibitionem alienationis extra familiam, *de quo per Soffin. consil. 86. viso testamento. num. 12. vol. 3. Iacobus de Ret. in authen. de restit. col. 9.* ut res in familia permaneat, cum nemo præter gravatum de familia & bona nunc possidentem extat: hic enim velut ultimus de familia (cum nemo de familia amplius superstes est, neque quisquam est, qui rei alienatione offendi possit,

H h h h h 2 &

& ad ejus emolumentum fideicommissum quoddam contraventione emiserat, referri possit, & qui (secundum mentem testatoris alienationem revocare possit) ex communi omnium doctorum sententia, *Castr. conf. 1. videtur dicendum quod dictus Christophorus part. 2. Decius conf. 182. in casu occurrente. num. 71. & d. consil. 511. num. 6. Et conf. 584. visa prohibitione, num. 13. Tyraquell. de retract. lignagier. §. 26. glo. 1. nu. 8. & 9.* non obstante prohibitione efficaciter potest alienare. Nam qua ratione adjectio personæ, cujus respectu alienatio prohibetur; facit ut præceptum non sit nudum, *d. §. divi. eadem semel adjectæ personæ defectus nuditatem præcepti rursus invehit, l. cum pater. §. libertin. in fin. l. qui solidum. §. quandiu. de leg. 2.* velut deficiente prohibitionis efficacia causa. *Tyraquell. in tractat. cessante causa. parte 1. num. 215.* Cum igitur Galcerandus respectu Emanuelis & Francisci tempore alienationis novissimus fuerit, alienandi quoque potestas ei debuit esse libera. Neque his repugnat quoddam quamvis pro regula traditum sit, *d. l. cum ita. §. fin. de legat. 2.* ad hujusmodi fideicommissum familiaris relictum non vocari, qui tempore mortis testatoris in puro, vel evenientis conditionis in conditionali *Sof. in d. l. si cognatis, num. 30. Castr. conf. 16. viso dicto puncto, & dubiis. num. 5. part. 2. Ruinus consil. 112. super primo 1. & 2. vol. 2. relictis, nati vel concepti non sunt, d. §. fin.*

regula tamen ita accipienda videtur, ut exceptionem patiatur, si ad ultteriores voluntatem suam extenderit testator, hoc est, nisi expressè & specialiter id dixerit: *d. §. fin. in verb. nisi specialiter defunctus, &c.* vel alioqui ex conjectura & interpretatione voluntatis indubitatè deprehendi possit testatorem id ita voluisse. *l. peto. §. fratre. Sofin. in d. l. cognatis. num. 30. Ruinus consil. 105. Visa & bene intell. num. 17. & consil. 128. factam super 9. num. 19. volum. 2.* Nam præterquam quoddam nihil proponatur, ex quo hujusmodi conjecturata testatoris voluntas colligi possit, cur voluerit hujusmodi fideicommissum quoddam resultaret ex prohibitione alienationis per contraventionem hæredis prohibiti extendi ad posteros non natos vel conceptos tempore cedentis fideicommissi, ut inferius latius dicitur: Sunt ex adverbio in formula prohibitionis propositæ quædam, quæ omnem conjecturam hujusmodi voluntatis pro producendo fideicommissio extensionem cohibeant & constringant, tam ex parte personæ prohibiti, quam illius ad quem emolumentum hujus emergentis fideicommissi relatum est, seu causa ex qua facta est prohibitio. Nam quoddam testator noluerit in infinitum omnes successores, qui continua serie ad hæc bona venirent, hac prohibitionem gravari, ex eo demonstratur quoddam ex parte prohibitorum non sit realis, sed personalis prohibitio.

Personalem

Personalem enim prohibitionem facit hæredis seu hæredum prohibitorum specialis, seu nominatim facta appellatio nomine proprio vel appellativo quòd pro eo sit l. 2. & 3. de lib. & posthum. l. quoties. §. si nomen. de hæred. instit. expresso, d. l. Lucius. in princ. de leg. 3. & ibi Bast. in d. §. 1. Iaf. in d. §. divi. in prima lectura. num. 112. & 2. lectura. num. 150. Ioannes Crotus, in d. §. divi. coll. 41. in versic. secunda conclusio. & ibi Alciatus num. 41. Ripa ibidem numer. 110. quo casu appellatione hæredis illius hæres non continebitur, neque prohibitione sic hæredi facta onus huiusmodi prohibitionis erit hæreditarium, sed ad nominatos tantum sistetur, neque eo tenebitur alius quisquam quàm qui sic nominativè prohibitus est. Fideicommissum enim cum onus hæredi impositum contineat, l. quadraginta. §. Marcellus. alius est. Marcellus. ad S. C. Trebell. odiosum reputatur, l. cohæredi. §. cum filia. de vulg. & pupill. neque latiore neq; benigniore interpretatione quàm quæ apertè elucescit ex testatoris voluntate adjuvatur, quæ testandi facultatem ingenuo homini vel aufert vel restringit. Paulus Paris. consil. 32. potissima dubitatio. part. 1. num. 16. Sofin. Nepos consil. 112. in casu nobilis. num. 21. vol. 1. Ideoque ut nec de tempore ad tempus, l. pater filium. §. fundum. de legat. 3. Decius consil. 386. licet in controversiis, num. 3. Sofin. Nepos consil. 130. paucissimis utar, num. 2. vol. 1. sic neque de persona expressa ad

personam non expressam fit prohibitionis extensio: usque aded, ut prohibitio filiis facta non extendatur ad nepotes, Gloss. in §. nos igitur. in authen. de restitu. col. 9. & ibi Iacob. de Bolias. & Ang. Castr. consil. 97. ne impropris, parte 1. quamvis filiorum appellatio in favorabilibus l. iusta. de verbor. signific. respectu prohibiti extendatur. gloss. Castr. & alii locis supra citatis. Sofin. consil. 73. capiendo eum. vol. 4. Sofin. Nepos consil. 263. subtilis admodum, num. 4. & consil. 18. ut presens consultatio. num. 46. vol. 2. & Carolus Ruin. consil. 112. super 1. vol. 2. Nominativè autem & personaliter hic factam esse prohibitionem dubitandum non videtur, quòd tres tantum nominatim inveniuntur prohibiti, posthumus Galceandus & proximus parens. Nam quo ad primum non poterat id magis nominativè & specialiter exprimi seu demonstrari: nō enim possibile est posthumum aliter nominatim hæredem instituere, qui quamdiu natus non est, nomen habere proprium nequit, quàm ut posthumus instituatur; cum & in exhæredatione, quæ odiosa est, l. cum quidam, de lib. & posthum. & non nisi nominatim fieri potest, l. 1. & 2. de lib. & posthum. §. 1. instit. de exhæred. lib. posthumi exhæredatio valeat nulla alia designatione facta. §. posthumi. instit. de exhæredat. lib. lege posthumi. de lib. & posthum. l. 3. §. nominatim. de injust. rupto. De quo in re proposita minus dubitandum est, quod non simpliciter dictum

fit posthumum hæredem fore, sed posthumum filium qui ex Catharina de Meur ejus uxore nasceretur. Sic ut duplici restrictione adjecta personalissima, ut Baldi verbis *consil. 304. nobilis vir Guilielmus, vol. 4. Iason in d. §. divi. num. 151. in 2. lectura.* utamur, dici debeat, cum quod per filii adjunctionem filix posthumæ excludantur, *l. 1. §. sed & si in incertum. de vent. in. l. si ita scriptum. & ibi doctor. de lib. & posthum.* & filio quem testator unicum habebat, ex hæredato, etiamsi nomen vel cognomen illius aliter expressum non sit, ex hæredatio rectè facta dicatur. *l. 2. l. filii. de lib. & posthu.* Nam quod filii appellatione filia interdum contineatur, *l. justa, de verbor. signific.* fit non ex proprietate sermonis, sed per extensionem ex mente præsumpta. *l. 1. & ibi gloss. de verb. significat. Bart. in l. liber. de verb. signif. l. pe. C. de præpos. sac. cub. lib. 12.*

- 15 Cujus mentis præsumptæ conjectura in re subiecta cessat, non tantum quia in conditione positum est, *Si posthumus masculus esset*; verum etiam quod expressè testator disposuerit, quid fieri vellet de posthuma. *l. si ita script. de lib. & posthum.* Unde cum expressum faciat cessare tacitum, *l. cum ex filio. §. 1. de vul. & pupill.* & dispositio generalis non comprehendat casum specialiter definitum: *l. cum in testam. de hered. instur. l. doli clausula, de verb. oblig.* Posthumi appellatio ad masculum restricta nominatam seu nominativam, & personalem,

non impersonalem aut generalem inducit institutionem & prohibitionem. Tum etiam quod evidentius rem ad individuum deducit, quod dictum sit: *Qui ex domina Catharina ejus uxore nasceretur.* Nam ea demonstratio propriissima & specialissima est, sic ut ne quidem ad alium posthumum, qui ex alia uxore ei nasci poterat, mortua Domina Catharina, ea institutio & prohibitio transferri potuisset. *l. filius à patre. §. si quis ex certa. l. commodissime, & ibi doctor. de lib. & posthum.* Limitata enim dispositio limitatum producit juris effectum, & ut ait Baldus, *in d. §. si quis ex certa.* Verba specialiter prolata non possunt ad aliud prorogari: quia in periculum incidit, qui se nimium constringit. Proinde quamvis Sotinus *in d. l. si cognatis, num. 3. in fine.* in quæstione, An relictum cognatis vel familiæ debeatur his, qui tempore mortis vel conditionis evenientis non fuerint nati vel concepti, regulam negativam limitari dicat, Si posthumis sit relictum, quasi tunc omnibus descendentibus censi debeat relictum. *argum. l. jurisconsultus. §. parentes. 1. de grad. & eorum qua habet Bart. in l. Titius de suis & legit.* Quemadmodum in una parte testamenti facta mentione posthumi legatum filiis relictum posthumis quoque debetur. *l. qui filiabus, in princip. de legat. 1.* Tamen in re proposita extam intentæ & coangustata restrictione, singulari non plurali (ut ille proponit)

ponit) número concepta propter individualement demonstrationem huiusmodi interpretationis & extensionis, occasio nulla est.

DE Galcerando idem quoque statuendum est, & quidem longè potentiùs, cùm nihil magis personale, seu in personam, conceptum dici possit, quàm quod designatur per nominis & cognominis expressionem, *eleganter Panorm. in c. quoniam Abbas de off. & potest. iud. deleg. nulla alia appellativi nominis adjectione præcedente: Ioannes Crotus, d. coll. 4. vers. secunda conclusio, ibi fallit in casibus faciunt not. Bart. in l. cùm ita. §. fin. de condit. & demon. Petrus Duennas in tract. regularum, reg. 39. num. 1. Ita ut prohibitio de eo facta ad alium aliquem extendi non potuisset, nisi testator id expressim subiecisset. Iason & alii in d. §. divi. num. supra notato.*

18 TERTIA persona, ut diximus, est propinquior parens, appellatione cuius & si possint in infinitum contineri omnes testatoris agnati nomine parentis improprie pro re subiecta ad agnatum relato, *Tyraquellus de retract. §. 1. gloss. 8. num. 12. & 3. ut parentis appellatione propria in infinitum omnes ascendentes contineantur; d. l. iurisconsultus, §. parentes, l. 4. §. parentes, de in ius vocand. & qualitas propinquitatis addita nullam restrictionem aut individualement demonstrationem facere videatur, quod omissa subintelligeretur, l. 3. de leg. 1. l. non recte. C. de fideicom. exco*

quod fideicommissio familie facta eveniente seu cedente fideicommissi die, non omnibus, sed ei qui tunc proximus in gradu reperitur, debeat: *d. l. cùm ita legatur. §. fin. l. per. §. rem. de leg. 2. Tamen in proposito non nisi ad unum huiusmodi qualitatis requisitio extendi potest, ut scilicet quisquis ille, qui post Galcerandum iure proximitatis ad hæc bona pervenit, prohibitione alienationis teneatur, sed ut ultra eum aliquis alius, qui propter contraventionem unius ex his tribus post hos tres nominatos admitteatur, d. l. cùm ita legatur. §. fin. Paulus Parisius consil. 38. in hac consultatione, num. 4. vol. 2. Decius consil. 1. eadem prohibitionem teneatur, nullum est verbum in proposita institutionis formula, quo id significetur, ut postea latius explicabitur. Et hanc individualement significationem arguunt magis verba restrictionis & evidentioris specialiorisque demonstrationis causa subiecta, dum ait: *In parentem propinquiorem de suo nomine & armis qui in dicto casu reperiretur, qui parens sive consanguineus sub eadem conditione (quod scilicet, non possit alienare) tenebitur acceptare dicta bona. Cùm enim relativi vis sit ut præcedentia cum omnibus qualitatibus suis repetat; Bart. in l. si qui servum. §. fin. de legat. 2. & in l. a filio. §. testator cum sequent. de aliment. legat. Idemque operetur quod expressio nominis proprii, simplici non generali relatione facta, Bald. in l. fin. C. de impub. & aliis**

& alius substit. fit ut præcedens propin-  
 quioris parentis descriptio re-  
 petita intelligi debeat in subse-  
 quente clausula, in qua prohibitio  
 alienationis repetitur. Unde quia  
 illa descriptio nullam realitatem,  
 sed jus personale tantum comple-  
 ctitur, sicut paulò post in sequenti  
 articulo dicitur: dicendum quo-  
 que omnino est, hanc prohibitio-  
 nem tertio loco factam, persona-  
 lem non realem esse. Nam ut hoc  
 obiter addamus, quamvis ordine  
 scripturæ Galcerandus novissimo  
 loco substitutus & prohibitus vi-  
 deatur, ordine tamen intellectus  
 & juris potestate obtinet primum  
 locum in substitutione & secun-  
 dum in prohibitione, & propin-  
 quior parens secundo loco substi-  
 tutus, tertio alienare prohibitus  
 est. Cùm non sit absurdum condi-  
 tionem substitutionis ante conci-  
 pere quàm institutio scribatur.  
*l. si quis ita institutus de hered. instit. l. 2. §. si quis ita scripserit. de bon. possess. secund. tab.* Substituitur enim hic  
 Galcerandus posthumò, vulgari-  
 ter, pupillariter & per fideicom-  
 missum, in verbis: *Si dictus posthumus non esset filius, aut si esset filius & decederet sine filio masculo.* Posthumi  
 autem causam primam esse indu-  
 bitatum est, & communi juris dis-  
 positioni conforme est, ut primum  
 nominati, post deinde proximi  
 quique, qui ex nomine seu familia  
 defuncti sunt, admittantur & vo-  
 centur ad fideicommissum. *d. l. cùm ita. §. fin.* Cùm ergo tres tantum

personæ & quidem nominatim  
 alienare prohibeantur, non posset  
 hujusmodi prohibitio secundum  
 supradicta extendi ad quartum,  
 hoc est ad eum, qui propter alie-  
 nationem per propinquiorem pa-  
 rentem tertio loco nominatum  
 factam, ad hoc conditionale fidei-  
 commissum vocatur. Unde con-  
 cesso quod contraventione Gal-  
 cerandi Emanuel tanquam pro-  
 pinquior parens vocatus fuisset,  
 & is alienando Francisco filio suo  
 rursus jus fideicommissi aperuisset  
 (de quo etiam inferius dicitur)  
 non tamen posset constitui Fran-  
 ciscum quoque alienare prohibi-  
 tum, quia id scriptum non inveni-  
 tur: *l. Titia textores, de leg. 1. l. fin. C. de jurejurand. l. uxorem, de manu testia. l. fidei jussores magistratuum, de fidei juss. Soffin. Nepos consil. 97. viso puncto inspectusq., num. 50. parte 2.* neque, ut  
 post dicitur, ulla voluntatis con-  
 jectura pro ampliando & perpe-  
 tuando hoc onere, suppleri debet.  
*d. l. coheredes, §. filia, de vulg. & pupill. Soffin. Nepos d. consil. 112.* Et hac ra-  
 tione removetur quod superius de  
 appellatione hæredis ad hæredem  
 hæredis transferenda pro causa  
 dubitandi ex Bart. sententia in *d. §. divi. num. 2.* propositum est, cùm  
 hic non hæres in genere, sed gene-  
 ris nomine ad speciem seu indivi-  
 duum, per differentias & qualita-  
 tes restricto, nominatim aliquot  
 sunt prohibiti. Par est ratio perso-  
 nalitatis quo ad personas, quarum  
 favore hujusmodi prohibitio alie-  
 nationis



nationis facta est. Nam hæ sunt, Galcerandus & propinquior parens de nomine & armis testatoris. De Galcerando dubium non est, sed nec de propinquiore parente. Nam licet posset fortè aliud dici, si testator dixisset simpliciter: *Volo pervenire in parentem propinquiorem de nomine & armis meis*, quasi hoc casu propinquitatis & agnationis mentio perpetuam & realem faciat fideicommissi causam; non aliter quàm si expressè dictum sit: *Prohibeo Galcerandum alienare, ut res agnationi & familia servetur.* d. l. *pero & fratre.* Fulgof. conf. 116. Ioannes quoddam, num. 1. Soff. conf. 57. in causa filiorum Caroli. vol. 3. Soffin. Nepos consil. 97. num. 52. Tamen quia restrictionis causa addita sunt hæc verba: *Qui in dicto seu tali casu reperietur*: dicendum est etiam respectu personæ, cuius favore facta est prohibitio, fideicommissum hoc esse nominativum seu personale: quod certæ & non indeterminatæ personæ utilitatem contineat. Nam potestati relativi superius attribuimus, quod tantum operetur quantum proprii nominis expressio, Bald. in l. *fin. C. de inpub. & aliis subst.* quasi scilicet his verbis nominativum designatus sit is, cuius favorem contineat hæc prohibitio, quemadmodum etiam nominativum facta dicitur institutio, cum ita concipitur: *Qui ex cognatu meis primus consul erit, aut etiam uxorem ducet.* §. *sub certa. instit. de legat. l. quoties.* §. *si quis ita dixerit. in fin. de hered. instit.*

*l. si servus legatus.* §. *huiusmodi, de legat. l. ut ex certis incertæ personæ postea eventu conditionis certificandæ facta censeatur prohibitio.* Nam alioqui non valet institutio hæredis, nisi certus demonstretur, in d. l. *quoties.* §. *hares.* Vocatus itaque censebitur unicus ille tantum, qui eveniente contraventione nõ simpliciter & impersonaliter, sed nominatis personis interdicta, erit propinquior de nomine & armis. Quæ quidem verba ultra hanc virtutem nominalis & personalis vocationis hoc præterea quod rei positæ accommodatissimum est, operantur, ut si nulla alia ad manum esset ratio, qua dici posset non natos tempore evenientis conditionalis fideicommissi non admitti *l. Stichum qui meus erit. de leg. l. certum. de rit. vin. leg.* ad fideicommissum, neque ex eorum persona id in suspensio retineri ex his limitativis & restrictivis verbis id posset induci. Nam relativum *Qui* cum adiungitur verbo futuri temporis, conditionem facit, ut perinde hic sit, ac si dixisset: *Si reperietur propinquior in tali casu*, nimirum ad excludendos hæres illius, qui fortè testamenti aut mortis tempore proximus erat, sed evenientis conditionis, hoc est factæ alienationis obiisset, sicut non nisi concurrente duplicis conditionis, quæ his verbis continetur, eventu, fideicommissi petitio concedi nullo modo possit, hoc est nisi reperiat proximus;

Iiiii

quod

quod in mortuo, qui defuit esse, vel nondum nato, qui nunquam fuit, dici non potest: sic ut ex defectu conditionis, seu conditionum, à quibus suspensum fuit fideicommissum, petendi fideicommissi nulla potest esse actio, *l. cedere diem. de verb. signif. Alex. conf. 65. omisus argumentis, num. 2. vol. 5.* & hac consideratione dici possit, nedum nulla esse verba in dicto testamento, ex quibus perpetui ac successivi ac gradualis fideicommissi ex conjecturata voluntate testatoris constitui possit obligatio, sed ex adverso ex his verbis colligi evidenter, testatorem ad alios non respexisse, aut voluntatem suam non extēdisse, quàm qui in vivis essent, tunc cum contra prohibitionem ad alienationem descenderetur. Hæc enim verba: *In tali seu in dicto casu*, non tantum respiciunt eventum conditionis ex contraventione, sed etiam eventus conditionis tempus, ut generaliter qualitas adjuncta verbo, debet inesse tempore verbi, *l. in dilectis, §. si extraneus, de noxal. act. Castr. consil. 16. viso dicto puncto & dubiis. num. 5. part. 2. Sofin. Nepos conf. 186. præsens consultatio. nu. 44. vol. 2.* Unde verborum horum duplex est significatio & potestas simul hic concurrens, videlicet quod inducant conditionem, & eventum futurum significant: *Philippus Cornueus consil. 18. circa primum. num. 6. volum. 1.* atque tantum opentur, quod dicto tunc, seu in *talem eventum*, *Cassad. decis. 1. de test.*

*num. 1.* At dictio tunc punctum & extremitatem temporis denotat, *l. 4. §. fin. de cond. inst. Anchor. conf. 354. visis diligenter themate, numer. 1. Castr. d. consil. 16. viso dicto puncto & dubiis. num. 5. part. 2. Ruin. conf. 108. visa ac bene intellecta, num. 17. Curtius senior conf. 42. Quia inquit Bald. num. 25. & dispositionem testatoris restringit & limitat ad casum formaliter expressum, nec admittit repetitionem & extensionem alterius casus: *Anch. conf. 356. ex serie testam. Decius conf. 227. in casu ad me transmissi. nu. 1. Paulus Paris. conf. 38. in hac constitutione, num. 28.* sic ut in articulo vocationis, seu eventus conditionis inspicere oportuerit quis sit proximus, non qui proximitatis gradum postea occupabit: quia quo ad eum dies legati inutiliter cessit, quemadmodum legata præstanda liberis petita bonorum possessione contra tabulas, non præstantur aliis quàm qui in ea necessitudine sunt, quando legati dies cedit: *l. intervenit. de leg. præstan.* ita ut quod ad nascituros jus fideicommissi inpendenti stare non debeat, aut nascituri ulterius expectari; *Castr. d. consil. 16. num. 5.* si non reperiantur nati aut pro nati non habeantur, hoc est, si concepti non fuerint eo tempore quo de jure fideicommissi cedentis quæritur. Proinde præmissis attentis ex utraq; parte, videlicet prohibitorum aut eorum ad quorum utilitatem respicit prohibitio, non reale & perpetuum, sed personale tantum est. *hoc**

22

hoc fideicommissum in casum contraventionis. Quò etiam pertinet, quòd testator tam paucis gradibus concluderit utrosque, & quidem tribus tantum, ut videri possit (quod etiam in dubio præsumendum est l. *quaro*. §. *inter locatorem locat*. Bart. in l. *uxorem*. §. *test. de leg. 3.* & in l. *ut jurisjurand*. §. *si liberi. de oper. liber.* & in l. *heredes mei*. §. *cum ita. ad Treb. Ruinus cons. 119. viso ac perlecto. num. 6. vol. 3.*) sese communi juris dispositioni conformasse, & prohibitionem suam ad quartum gradum restrinxisse, cum ex communi & vulgari doctorum traditione Bart. *Iacob. de Belviso, in authen. de restit. fideicommiss.* §. *nos igitur, col. 9. Bart. Decius d. §. divi. quest. decima. Alex. ibid. num. 27. & Iason in lectura 1. num. 113. Felinus cons. 27. non insistendo, num. 12.* prohibitio etiam realiter alicui facta, ut res in familia maneat, sistatur ad quartum gradum, nec cum egrediatur. Quamvis tamen (ut hoc obiter addamus) ne id quidem satis aperto jure constitutum videatur, sed potius quod restitutio fideicommissi, quæ facienda est propter prohibitionem alienationis familiaris nomine factam, sistenda sit ad unum gradum: ita namque habet vera ac genuina inscriptio novæ constitutionis, in *auth. de rest. fideicommiss. ita enim est in Græco exemplari.* Unde illa communis opinio trahi videtur, cum de gradu quarto in dispositiva parte ejusdem constitutionis nulla sit mentio, præter-

quam quòd Justinianus, in d. §. *nos igitur. ex re proposita*, velut administrationis causa dicat, mirum sibi videri post quartam generationem quæstionem fideicommissi refricari: quòd etiam animadvertisse videtur Carolus Molinæus in *annota. ad cons. Alexand. 65. consideratis verbis testamenti, num. 2. volum. 1.* qui idèò & aliam vulgò receptam opinionem improbat, quòd scilicet prohibitio nomine familiaris facta in perpetuum, vel omnibus descendantibus aut posteris etiam ultra quartum gradum extendatur *Iacob de Belvis. in d. §. 1. authen. de restitut. Alexand. d. cons. 56. Iason in d. §. divi. num. 113. in 1. lectura. Decius consil. 635. viso copioso. num. 8. Sofin. cons. 43. visis testament. per totum vol. 3. Petrus Duennas dicta regula 839. in infinitum, quamdiu aliqui sunt in familia. Sed quòd ad causam præsentem attinet, hic subsistendum non est, cum nulla ratio reperitur expressa in formula proposita prohibitionis cur realis dici possit prohibitio. Inter casus enim ex quibus communiter traditur fideicommissum, quòd resultat ex contraventione prohibita alienationis, fieri reale, perpetuum, graduale & successivum, hæc ferè refferuntur: *Ut res in familia maneat, seu de nomine suo non exeat, Iason in d. §. divi. num. 113. & ibi Alciatus num. 38. & Ripa num. 2. seu in ea perpetuò maneat, Fulgos. cons. 116. Ioannes quondam num. 1. Decius cons. 481. in casu de quo num. 3. & cons. 516. quoniam causa ista,**

num. 16. *Paulus Paris. conf. 88. ad resolutionem num. 23. part. 3. Ludov. Gosad. consil. 102. videtur 8. facie per totum. Felix conf. 27. non insistendo, num. 13. aut si agnationis rationem habere præcipiat testator, aut rem majorum suorum fuisse dicat, aut aliqui talis sit, ad quam affectionem habeat, Lud. Roma. in l. si quis filius &c. §. fin. in fin. de acquir. hered. Ioannes Crotus in d. §. divi. col. 41. in vers. sciendo fallit. & ibi Ripa num. 3. Antonius Capricius decis. Neapo. 108. ut his casibus causa & ratio, quia generalior est dicto ampliet & declaret illud, Ludov. Roma. conf. 957. circa proposita. Iason in d. §. divi. num. 152. in 2. lectu. quasi scilicet sequentes personæ, quamvis verbis expressæ non sint, prohibitione tamen teneantur: quia continentur in ratione qua fuit motus testator ad prohibendum: Alex. conf. 56. consideratu. vol. 1.*

23 & 7. §. d. divi. quia prohibitio semper ampliatur & restringitur ac declaratur per rationem & causam finalem prohibitionis, sic ut potius attendatur ratio & mens, cujus limites dispositio excedere non debet, l. cum pater. §. dulcissimus de legat. 2. Decius conf. 386. licet controversus. Ioannes conf. 47. illud præsupponitur, num. 8. Ripa in d. §. divi. num. 66. Et hoc casu facilius admitti posset, non natos etiam neque conceptos die fideicommissi cedentis, vocari ad huius generis fideicommissum, Soffin. conf. 56. visis testament. num. 12. volum. 3. Quarum omnium causarum nulla omnino

in proposita institutionis formula ascripta comperitur, sic ut nisi ex personis prohibitorum, vel eorum quorum favore respicit prohibitio, realitas illa constituatur, nihil sit unde constitui possit. Diximus autem & copiose operosiusque forte quam res postulat, deduximus, neque personas prohibitas aliter quam nominativè seu personaliter esse prohibitas, neque in casum contraventionis, nisi nominatas, & velut in individuo demonstratas personas ad hoc fideicommissum vocari, & quidem tam exiguo graduum ordine, ut inde percipi possit testatorem noluisse ad alios quam nominatos onus prohibitionis seu utilitatem fideicommissi conjuncto onere prohibitiæ alienationis pertinere, quemadmodum contraria ratione tradit Soffinus, in d. l. si cognatis, num. 3. Ruin. conf. 108. visa ac bene intellexit. num. 17. Si testator post prohibitionem alienationis, aut in assignatione simplicis absolutique fideicommissi digreditur ad multos gradus, ut verisimiliter ex graduum multitudine etiam de non natis cogitasse videri possit, non natos etiam vocari. Quare his rationibus manifestum evasisse putamus, ex scriptura testamenti evidenter constare de voluntate testatoris, quod noluerit, nisi ad propinquiorem evenientem casu fideicommissi conceptum vel natum pertinere huius fideicommissi emolumentum, ut vera maneat in causa.

casu præsentis communis doctō-  
rum traditio, in l. gallus. §. & quid si  
tantum, & præsertim Franciscus de Aret.  
num. 18. vers. 2. add. de lib. & posthum.  
Quòd quamvis dispositio testato-  
ris de uno casu ad alium porriga-  
tur ex verosimili mente testatoris,  
l. Titius. §. Lucius. de lib. & posthum.  
Bart. in d. §. & quid si tantum. & in d.  
l. si. C. de instut. & substit. de persona  
tamen una ad aliam ne quidem ex  
verosimili mente testatoris fit ex-  
tensio. Sic enim conditio substituti-  
onis factæ filio, si sine liberis decesse-  
rit, non porrigitur ad nepotem,  
etiamsi verosimile sit testatorem  
id de eo voluisse, Decius cons. 218. in  
casu ad me transmiss. num. 9. Adversus  
quæ nihil facit geminatio verbo-  
rum, Quicumque alius hæres aut suc-  
cessor: in formula institutionis fa-  
cta, neque etiam mentio nominis  
& armorum suorum. Nam effusa  
prioris generalitas ac geminatio-  
nis potestas restringitur ex specifi-  
catione subjecta, ut in toto jure  
generi per speciem derogatur, l. in  
toto. de regul. jur. Unde cum testator  
posthumo instituto paulò post no-  
minatim specificet, quis sit ille hæ-  
res de quo in articulo prohibitio-  
nis sensit, ad hæredem hæredis in  
infinitum ultra nominatos non  
facienda est extensio. Neque enim  
alios hæredes testator instituit sibi  
quàm posthumum, substituto  
Galcerando vulgariter & pupilla-  
riter, & in casum alienationis fi-  
deicommissariæ, & post hunc pro-  
pinquiorem parentem, qui repe-

rietur tempore alienationis. Et  
hoc est quòd tradit Bartol. in l. qua-  
situm, §. si quis fundum. de fundo in-  
struct. si genus & species cadant in-  
ter personas gravatas, si genus præ-  
cedat & sequatur species, derogari  
perpetuò generi per speciem, & vi-  
deri recessum à generali disposi-  
tione, mentio nominis & armorum  
perinde quoque prohibitionem non  
ampliat: quia non dispositivè,  
aut loco causæ, sed declarativè  
& loco specialioris demonstra-  
tionis adjecta est, & per se enu-  
merativè prolata causam non in-  
ducit, nec sic quidem si dixisset,  
Veto alienari, ita enim de nomine nostro  
hæc bona nunquam exiunt: l. pater fi-  
lius, §. fundum, & ibi Bart. de legat. 3.  
quamvis aliud esse dicant doctō-  
res, si dixerit testator, ut bona in  
familia maneant, Lud. Roma. d. cons.  
457. Unde cum ratio agnationis  
non est expressa dispositivè à testa-  
tore, extendi, aut prohibitionem  
seu fideicommissum hoc condi-  
tionale dilatari & ampliari non  
debet, Bart. in l. liberorum. num. 12.  
in si. de verb. signific. Decius consil. 511.  
visò testamento Mathai, num. 6. Et ut  
nullus scrupulus relinquatur, hoc  
addimus, in casu subiecto nihil  
dubitandum esse, quin Don Ema-  
nuel & Franciscus de Arinon tem-  
pore alienationis quam Galceran-  
dus vel fecisse vel consensu adhi-  
bito approbasse dicitur, & sic tem-  
pore cedentis fideicommissi non-  
dum nati vel concepti perpetuò  
ab his bonis seu hoc fideicommissio  
Iiii 3 exclusi

excludi manere debeant, ex eo quod licet apud plerosque *Fulgos. Cornius, Iason in l. quoties. 1. C. de fideicom. & quod refert Tiraq. d. §. 1. gloss. 9. num. 86. & seqq. Decius conf. 95. pro term. num. 7.* in controversiam rapiatur, an non nati vel concepti tempore cedentis fideicommissi perpetuò exclusi sint, neque postea admittantur ad fideicommissum seu alienatorum revocationem; hoc tamen indubitatum est *Tiraq. d. §. 1. gloss. 9. num. 97.* quod si tempore cedentis fideicommissi in vivis sint aliqui de familia seu testatori proximitatis gradu conjuncti, tunc cum respectu familiæ etiam perpetua alienatio prohibitio facta dicitur, in quorum persona fideicommissum ex contraventione emergens locum & effectum sortiri potest, quod eo casu concepti & nati nulla ratione admittantur; sed in natis & tunc existentibus jus fideicommissi cōsumatur, sic ut per aliorum postea natorum & conceptorum supervenientiam nulla pars jure hujusmodi fideicommissi revocetur: satis enim est, esse eo tempore in quibus tempore alienationis dispositio testatoris potuerit verificari & exitum habere, *l. qui filius de leg. 1.* Quinimod quod amplius est, & hoc communiter approbatum est, *Ioannes Crotus in d. §. divi. col. 50. in quest. 7. vers. considera aliquos casus. & ibidem Franciscus Toares Hispanus num. 528. & seqq.* quod licet plerique teneant in fideicommissio

conditionali non natos tempore testamenti vel mortis testatoris natos, tamen ante eventum conditionis, hoc est alienationis, non excludi à fideicommissio, quod ex alienatione resultat, hoc tamen restringendum & limitandum esse, nisi tempore cedentis hujusmodi fideicommissi supersit aliquis, qui vivo testatore fuit de illius familia, etiamsi ante eventum conditionis, hoc est alienationis alii nati vel concepti sint: hic enim velut testatori cognitus & magis dilectus, aliis nunquam cognitis & erga quos testator nullam affectionem, saltem non nisi incertam *§. incertis insit. de lega.* habuisse creditur, omninò præferendus est. Atque ita fœdere distinctionis exultimavit Curtius Junior *d. conf. 58. circa præmiss. num. 8.* conciliandas esse quæ in specie dissidere videbantur doctorum opinionones in articulo prædicto, An ad conditionale fideicommissum nati post testamentum, mortuo testatore, ante vel post eventum conditionis admittantur. Quod etiam refertur quod ait in *d. §. divi. num. 17.* Joannes Franciscus Ripa, Si unicuique erat in familia, cui respectu familiæ facta fuit prohibitio alienationis, vocari ex eo natos liberos post alienationem, quasi dicat aliud futurum, si tunc plures fuerint ad quos testator verosimiliter respectum habuisse præsumitur, imò habuisse constat, si eos nominaverit. *d. l. cum ita. §. fin. de legat. 2.*

Quamobrem

Quamobrem cum in themate proposito proponatur testatorem superstites reliquisse paruos suos, Joannem, Franciscum & Petrum de Arinon, eosque adhuc vixisse tempore alienationis superius tactæ, quo nondum natus erat Don Emanuel; consequens est, ad illos, non ad Emanuelem, & multò minus ad illius filium Franciscum, emolumentum hujusmodi fideicommissi pervenire debuisse, ut hac consideratione nihil metuentum sit illustrissimo domino Duci à præfato Francisco, dato etiam quòd dici posset per dictorum patruorum secundariam alienationem contingentem per approbationem alienationis à Galcerando factam, casum fideicommissi iterum evenisse ex clausula qua propinquior parens, qui dicto casu reperiretur, jubetur acceptare sub eadem conditione, scilicet de non alienando. Nam nec illo casu nati fuerunt Don Emanuel aut Franciscus: ita quòd hic rursus constituendum sit, liberos dictorum patruorum, quos verosimiliter putamus tunc superstites fuisse, ad emolumentum hujus fideicommissi vocatos, illud absorpsisse & extinxisse, viamque ad illud Don Emanueli procluisse. Nam prohibitio alienationis ultra propinquiorem parentem secundum superius deducta sese non extendit: sic ut his bonis semel productis extra causam prohibitionis, non amplius revertantur ad eam: *l. pa-*

*ter filium. §. quindecim. & ibi Albericus de leg. 3. quia prohibitio non egreditur personam prohibiti, Bald. conf. 460. præmissis verbis testamenti. & 462. quando testator, & conf. 304. nobilis vir. volum. 5. Castr. conf. 447. si iste masculus. in fin. part. 1.* Consensus itaque eorum, qui tunc in familia & nomine testatoris superstites erant, & ad quos solos eo casu pertinere poterat fideicommissi utilitas per Galcerandum præ tactæ alienationis facta renovatio seu confirmatio jus Domini Petri Vaca emptoris, à quo causam habet Illustrissimus Dominus Dux irrevocabile adversus quemcumque casum constituit. Communiter enim receptum est, quòd quando omnes de familia quorum contemplatione facta est prohibitio, consentiunt alienationi, illa sic teneat, ut revocari aut convelli jure familiæ non debeat: *l. nihil. §. omnibus. de leg. 1. l. cum pater libertis. l. pen. §. insula. de leg. 2. l. quoties. C. de fideicommissi. Bart. in l. si fundum per fideicommissum. de legat. 1. num. 1. Ludov. Roma. conf. 457. circa propositum nu. 4.* quòd nullam habet dubitationem cum prohibitio personalis non realis est, *Ioannes de Anan. conf. 47. Illud præsupponitur. num. 4.* & ad fideicommissum, non nisi certi & nominati vocantur, quemadmodum hîc evenire superius ostendimus. Qua consideratione etiam præmissis cessantibus removeretur quoque Don Emanuel, si is adhuc superesset, & hæc bona tan-

quam.



quam contra prohibitionem alienata jure fideicommissi revocare vellet. In facto enim proponitur Don Emanuele his bonis & juri fideicommissi renunciassse in gratiam Euviaci de Mendosa, ad quem eadem hæc bona postea translata fuerunt, ut themate tertii capitis propositæ tractationis proponitur: renunciantibus autem juri suo ad illud non datur regressus, *l. quæritur. §. venditor. de adlit. edicto. l. 1. §. qui semel. de success. edict. c. transmissa. de renunciat. d. l. quoties. Et ibi Corneus.* neque auditur qui suo facto contravenire, *l. post mortem. de adopt. vel consilium in alterius detrimentum mutare nititur, l. nemo potest mutare. de regulis juris.* Quæ ratio facit, ut & Franciscus nunc audiri non debeat, si contra patris renunciationem & translationem omnium jurium & actionum in generosum Dominum Alfonso de Aragonia Illustrissimi Domini Ducis patrem factum iri velit, cum quod ei hic iterum obftet, id quod superius latè deduximus, videlicet quod natus non fuerit tempore renunciationis paternæ, ut ea ratione si quicquam adversus prohibitionem testatoris factum dici possit per dictam renunciationem, id cedat utilitati hæredum patruorum testatoris, quos credimus tunc superstites fuisse: tum quod Franciscus patri suo hæres factus (ut præsupponimus) patris factum comprobare debeat, eique contravenire non

possit ex regula generali: qua hæres factum defuncti præstare cogitur, *l. ex qua persona. de reg. jur.* eique contravenire, aut alienationem ab eo factam revocare prohibetur, *l. cum a matre. C. de rei vendicat. l. successores. C. de solutio. l. si fundum. l. venditoris. C. de rebus aliis. non alienan. l. 1. de except. rei judicat.* Unde tradunt Cumanus & Joannes de Imola, *in d. §. divi. Et ibid. Castrens. num. 11. Ripa num. 50.* quod in perpetua prohibitione alienationis in personis omnium eorum qui sunt de familia & successivo fideicommissio ex casu contraventionis emergente hæres prohibiti contra prohibitionem, etiam pro solutione suorum debitorum, quæ ipse contraxit, alienantis, etiam si de familia revocare non poterit, sed pati de- 27  
bebit, ut emptor retineat quandiu ipse hæres vivit: cui consequens est, ut emptor perpetuo retineat & ad suos transmittat, cum hæres prohibiti non tenetur alteri ulterius in casum alienationis restituere. Qua consideratione rursus inferri potest, Domino Emanuele & per hunc Franciscum præclusam fuisse viam revocandi hæc bona, propter alienationem, quam Galcerandus pater & avus istorum respectivè fecisse dicuntur, præsupposito scilicet quod Don Emanuel Galcerando patri successerit, quamvis & illud tentari possit Don Galcerandi transactionem seu renovationem, item Don Emanuelis renunciationem in alienationis

nationis speciem aliquam propriam non incidere : cū ex renunciatione litis dominium non acquiratur, sed solum exceptio pareretur, *l. si profundo. & ibi Iason num. 1. Alciat. num. 11. de transact.* quo renunciāns & illius hæres excludatur, sic ut Joannes Imolenſis, in c. 1. de precatio in fine. pœnam à jure constitutam alienantibus res ecclesiasticas, locum non habere putet in renunciatione super jure rei ecclesiasticæ controversiæ facta : licet plerique alienationes à lege vel homine prohibitas, perinde alienationem aut jurium & actionum cessionem, ut venditionem vel donationem prohibitum esse velint, *Bald. consil. 349. qui litem. & 450. in pupillo lib. 2. Signorel. conf. 91. factum sese habet. num. 5. & seq. Cravetta conf. 92. scripsi alias latè, num. 8.* Sed in eo insistendum non est, cū quocunque jure censeatur Emanuelis renuntiatio aut Galcerandi transactio ex diversis aliis capitibus superius deductis, Franciscus de Arinon nepos Galcerandi ad emolumentum fideicommissi ex contraventione emergentis admitti nunquam potuerit.

U N D E etiam supervacuum est, scrupulosius inquirere, num renunciationi quam Emanuel cum cessione actionum & jurium fecisse dicitur, ad opus generosi Domini Alfonsi seu Eumici ejus auctoris hoc obstat, quod cū gratuito facta videatur, insinuata non sit propter legem regni Aragoniæ, quæ dona-

tiones insinuari, & eo nomine fidejussores dari vult, ita ut quæ ratione jure communi donatio excedens quingentos aureos non insinuata, quatenus excessum continet, nulla est, *l. sancimus C. de donat.* nulla quoque reputari debeat hæc renuntiatio seu remissio jurium & actionum : quia donatio est, *l. si mulier. de cond. causa dotal.* & insinuationem requirit, *Gloss. in l. si quis obligatione. & ibi Decius nu. 7. de regul. jur. Bart. in l. Modestinus. & ibi Ludov. Roman. num. 41. de donat. Angel. in l. pacta, quæ contra. C. de pact. Ioannes Imol. in l. Aquilius num. 7. de donatio. Curt. junior consil. 47. habita diligente & matura. num. 3.* Nam ut ex hoc capite vitata dicatur hæc renuntiatio, semper manent alia obstacula, quæ Emanueli respectu Galcerandi, & utrique ex eo capite quod nati non fuerint tempore evenientis conditionis, obstat diximus : interim tamen verum esse demonstrari potest, nulla insinuatione opus fuisse ad validitatem hujusmodi renunciationis seu remissionis. Primò ex eo quod in themate proposito inter cætera dictum sit, leges Aragoniæ ad litteram esse intelligendas, & judicem ad chartam & secundum quod in ea continetur, judicare oportere. Nam cū remissio seu renuntiatio non sit nisi interpretativa quædam donatio, quæ per indirectum constituatur, *Imola in d. l. Aquilius. num. 2. vers. extr. gloss. & remittere non nisi largo modo & improprie*

Kkkkk fit

lit dare l. *Iulianus de cond. & demonstr.*  
*Decius in d. l. si quis obligatione, num. 5.*  
*Felinius in cap. veniens l. num. 2. de tes-*  
*tribus. sub statuto, vel lege municipi-*  
*pali requirente donationis insin-*  
*uationem non continebitur, ne-*  
*que ad eam statutum extenditur:*  
*cum statuta nō nisi propriissimam*  
*& arctissimam interpretationem*  
*admittant, Anchor. in c. canonum sta-*  
*tuta, num. 14. quest. princip. extr. de*  
 28 *constit.* Atque ita velut individuo  
 super statuto Landensi consultus  
 Franciscinus Curtius Junior re-  
 spondit, d. *consil. 47. habita diligenti*  
*& matura, num. 7. vers. & puto nulla-*  
*tenus. gratuitas renunciationes seu*  
 remissiones jurium non contineri  
 sub illo statuto requirente dona-  
 tionum insinuationem.

SECUNDO, quod licet com-  
 munis opinio sit, *Alex. in l. creditor*  
*C. de pact.* remissionem seu renun-  
 ciationem insinuandam esse tan-  
 quam puram & simplicem dona-  
 tionem: id tamen ex adverso  
 etiam communiter restringitur ad  
 remissionem seu renunciationem  
 juris clari, liquidi & minimè du-  
 bii. Nam dubii & incerti juris re-  
 missio, ut propriè non est donatio,  
 nec qui illud remittit, dare, sed fa-  
 cere dicitur: *Decius d. l. si quis obli-*  
*gatio, num. 3.* Ita quoque nec insin-  
 uanda est, *Gloss. fin. in l. contra iur.*  
*§. si filius. gloss. i. l. imperatores. de pac.*  
*Alexand. Iason in l. pactum curatoris. C.*  
*de pact. & quos refert Tyraq. ad l. si un-*  
*quam. in verbo donatione largitus 197.*  
*Didacus Converruvius Hispanus resolu-*

*tionum lib. 2. c. 4. num. 12. sub fin.* Cū  
 ergo jus Don Emanuelis tampa-  
 rum fuerit liquidum, imò ex ad-  
 verso propter causas superiùs latè  
 deductas prope nullum: quid mi-  
 rum si dicamus insinuatione nulla  
 opus fuissè; quia materia donatio-  
 nis deest, aut saltem non apparet,  
 quo casu volunt plerique *Antonius*  
*de Canario in tractat. de insinua. part. 2.*  
*num. 17.* non præsumi gratuitam  
 esse remissionem, sed id proban-  
 dum esse ei, qui ex remissione jus  
 aliquod captat, & cū non præ-  
 sumatur gratuita non indigere in-  
 sinuatione, in l. i. quib. mod. pign. vel  
 29 *hypoth. solvitur.* quia remissio seu li-  
 beratio non gratuita insinuanda  
 non est.

SED hætenus quidem de jure  
 Don Francisci de Arinon: nunc  
 quidem transeamus ad secundi  
 propositi thematis discussionem,  
 in quo quæritur de jure defensio-  
 nis Illustrissimi Domini Ducis ad-  
 versus Franciscum de Mendoza,  
 Petri Vacæ suprascripti dictorum  
 bonorum emptoris pronepotem:  
 In cujus deductione etsi nostra  
 opera non admodum sit opus,  
 quod tota illius materia elegantis-  
 simis exactissimisque consiliis tri-  
 bus à præclarissimis dominis Jure-  
 consultis, Mariano Sosino, Alciaz-  
 to & Augustiño Berroo, tam latè &  
 diffusè sit tractata, ut vix reliquum  
 sit quod ad eorum laborem & di-  
 ligentiam addi possit: tamen ut  
 Illustrissimi Domini Ducis adver-  
 sus utrumq; adversarium in unum  
 conjecta

conjecta & conjuncta defensio facilius dilucidiusque conspiciatur & percipiatur (cum alioqui illorum & hæc nostra tractatio circa eadem bona non verferetur. Illorum enim tractatio est de bonis quæ per Eumicum de Mendoza, Petro Lopez dicti Francisci avo donatione propter nuptias data fuerunt. Nostra, de bonis quæ Don Petrus Vaca Dominæ Joannæ Nuymeus uxori dicti Petri loco dotis assignavit: & illorum tractatio longius progreditur, scilicet ad alienationem seu contraventionem per Joannem de Mendoza pronepotem Eumici nepotis factam) compendio præcipua dictæ defensionis capita excutiemus.

30 E t in primis quidem de eo non admodum laborandum censemus, an prohibitio alienationis adjecta in contractu antenuptiali ex parte Don Petri de Vaca in bonis per eum filiæ suæ Dominæ Joannæ in subsidium matrimonii cum Petro Lopez donatis, aut alio quocunque contractu inter vivos facta, valeat cum eo juris effectû, ut dominii translationem impediât, *l. filiusfam. §. divi. de legat. 1.* Nam quamvis illa secundum terminos juris communis obligatione tantum obstringat contrahentem ne alienet, licet alienationem inutilem non faciat, aut dominii translationem non impediât: *C. ea lege. de cond. ob caus. Bart. Bald. & alii Alex. Iason in l. si ira stipulatus fuero. §. ea lege de verb. oblig. Castrensis. conf. 324. super*

*secundo puncto pro declaratione, num. 1. vol. 1. Chasseneus in consuetud. Burgund. Rub. 11. des censés. §. 3. ad verba, Et s'il advient. num. 9. Paulus Paris. conf. 100. regula est, num. 1. vol. 4. & conf. 3a. potissima dubitatio, num. 38. vol. 1. Hieronymus Gratus conf. 95. quidam canonicus, num. 2. vol. 1. secundum tamen leges Aragoniæ regni, quibus id aperte cautum proponitur, nulla dubitatio est, quin par sit vis prohibitionis factæ inter vivos & in ultima voluntate, ut scilicet inde impediatur dominii translatio, constituaturque jus fideicommissi, si persona adjecta est, favore cujus facta est prohibitio: & sic in eodem negotio fiat mixtura contractus & ultimæ voluntatis, Iason in d. §. divi. num. 87. in 1. lectione per l. assign. in fin. de assigna. lib. Nam etsi id juri scripto non sit per omnia conforme, præsertim quod attinet ad jus fideicommissi in actu inter vivos constituendum: à ratione tamen alienum non est cum consuetudine, *l. 1. & 2. C. quæ sit longa consuetudo. vel contraria lege l. de quib. ff. de legib. juri possit derogari. Nec desint qui dubitent, anne ex jure communi sustineri possit, parrem esse vim prohibitionis, tam in actu inter vivos, quam in ultima voluntate factæ, vide Chasse. loco supra citato, num. 7. præsertim ex contractu antenuptiali, qui quatenus dispositionem in tempus mortis collatam continet, quibusdam latiore significatione testamentum seu ultima voluntas appellatur,*  
Kkkkk 2 Gloss.*

*Gloss. Petrus de Bella perti. Cynus, Bart. Salicet. Francisc. Aret. Bal. Ang. Decius & alii in l. licet. C. de pact.* Et rursus si concipi possint donationes, ut vel post certum tempus, vel ex eventu alicujus conditionis res donata eat ad tertium, quo casu etiam nulla stipulatione illius ad cuius compendium hoc pactum donationis adjicitur, interposita; utilis actio tertio competit ad rem donatam consequendam ab eo qui restituere ex pactione obligatus erat, *l. quoties. C. de donat. qua sibi modo.* Et cum hic queratur de vi prohibitionis, quæ facta est ex parte Dominæ Joannæ super fundis & dominiis eidem in dotem assignatis, facilius recipi debuit prohibitio alienationis, quæ jam inde ab initio juris potestate, etiam sine pactione introducenda erat, cum lex fundum dotali alienare vetet, *ff. de fundo dotal.* Unde doctores *Salycet. in l. ea lege. C. de cond. ob caus. Sosit. consil. 75. circa presentem consult. volum. 1.* dicunt, quod hic concurrente legis & hominis prohibitione, effectus prohibitionis expressim adjectæ vires suas extendat etiam ad eos casus quibus alioqui fundus dotalis alienari poterat.

**S**E<sup>ND</sup> nec in eo multum hærendum, an & utrius generis fideicommissum simplex & absolutum, an conditionale introductum sit verbis dicti antenuptialis contractus; cum ut ex sequentibus patebit, status causæ inutilem faciat

eam inquisitionem. Quod constituto fideicommissio alienatio Eumici eo non fuerit impedita, multo minus nullo fideicommissio constituto: verius tamen esse putamus, præsertim dicti regni Aragoniæ, sive constitutione, sive consuetudine præsupposita, fideicommissum contineri in prohibitione quam donatarius fecit, non quidem propter ipsam prohibitionem, sed prohibitioni adjectas clausulas: nam alioqui qua ratione in ultima voluntate nuda prohibitio effectui juris destituitur, & neque alienationem impedit, neque fideicommissum introducit, *d. §. divi. cum similibus supra allegatis.* eadem in actu inter vivos interposita, *l. ea lege. & ibi doctores. C. de cond. ob caus.* licet in aliis plerisque aliquanto plus tribuatur nudæ prohibitioni alienationis inter vivos factæ, quàm ei quæ in ultima voluntate sit, *Bart. in l. peto. §. fratre. de leg. 2. gloss. l. final. de rebus alien. non alienand. Iason in d. §. divi. num. 57. vers. in die quod melior & fundamentalis.* Proinde quodd ad nuditatem attinet, cum in formula prohibitionis adjectæ sint personæ, quarum respectu facta est prohibitio, scilicet primo filii masculi, aut ex his nati nepotes: secundò his deficientibus filia secundum ordinem primogenituræ: tertio ex hac filia primogenitus masculus, & novissimè ipse Eumicus pater donans, in quas personas tantum permisum fuit Dominæ Joannæ dispo-

nere

nere in vita & morte, nuda dici nō potest hæc prohibitio. d. §. *divi*. Ad quam nuditatem tollendam plurimum quoque facit expressæ conditionis adjectio, quod scilicet cum tali conditione & vinculo donet, quoddam Domina Joanna non posset ordinare vel disponere, &c. Condicio enim ipsa, ut plerique volunt, *Sofin. in d. §. cohæredes, num. 12. de quo tamen vide eundem in l. u cui de cond. & demonstr.* pro sufficiente prohibitionis causa est, quemadmodum & promissio sine causa fieri non dicitur, quæ sub conditione fit, l. à Titio. de verbor. obligat.

32 VERIUS quoque est, conditionale tantum, non simplex & absolutum esse hoc fideicommissum, conceptum scilicet in casum quo contra quam prohibitio facta erat, alienatio per Dominam Joannem fieret, quasi effectu prohibitionis à contraventione suspensio, l. unum. §. quod si talia. l. cum pater. §. cum inter. de leg. 2. l. pater. §. duobus. de leg. 3. seu prohibitionem, ut ait Jason, in d. §. divi. num. 87. trahente secum fideicommissum, quoddam purificata conditione, hoc est alienatione tentata, rem ipsam ad fideicommissarium ipso jure transferat: d. l. peto. §. & fratre. l. cum pater. §. libertis. de legat. 2. Jason in d. §. divi. num. 87. Ita ut quemadmodum propter conditionis adjectionem, veluti causam, prohibitio sustinetur, sic quoque quoddam prohibitioni cohæret, seu verius

ex ea propter contraventionem resultat fideicommissum nō prius emergat & vires suas operetur, quam conditio quæ illius causa est, eveniat. Neque ad rem pertinet, quoddam cessante causa, quæ ex adjectione conditionis constituitur, supersit altera, expressio scilicet personarum, quarum respectu facta est prohibitio, quia personæ adjectione etsi nuditatem prohibitionis tollat, non tamen alterat causam fideicommissi, quæ à conditione suspensa pura & absoluta dici nequit. Unde ut ex prohibitionem alienationis introducat fideicommissum simplex & absolutum requirunt Doctores, in d. §. cohæredes. & in d. §. divi. & ibid. Alciat. num. 45. *Sofin. consil. 57. in causa filiorum Caroli vol. 3. Maria. Sofin. cons. 97. & viso puncto & inspect. nu. 52. part. 2. eleganter Curtius Junior cons. 22. præsупponitur in facto ab hoc seculo decessisse. num. 8. & seq. part. 1. & cons. 141. facti contingencia talis est. num. 4. & ibi præsупponitur in facto quondam testatorem. num. 8. part. 2. ut testator vel dispositivè velit & ordinet, ut bona sua permaneant in familia & inter suos descendentes, vel prohibeat alienari; & dispositivè adjiciat, ut in familia conserventur, vel si prohibeat alienari extra familiam vel extra suos descendentes, subjectis his verbis: Quia vult hac bona conservari in familia: vel denique ut prohibeat alienari adjecta clausula: quia bona volo conservari in familia. Quamvis hanc posteriorem formulam*

Kkkkk 3 mulam

mulam Solinus controversam fecerit, *consil. 227. præsens consultatio pulchra est. vol. 2. & conditionale fideicommissum tantum continere existimaverit, sic ut cum extra hos quatuor casus plerique Curr. Junior d. consil. 195. num. 4. & 10. existiment conditionale semper esse fideicommissum, quod ex prohibitione alienationis inducitur, de proposito themate in quo nulla similis cautio à testatore adjecta conspicitur, nihil videtur dubitandum. Et si quid in familia & clausulis, quibus donator usus est, conspiciatur, quòd aliquo modo videatur facere ad absoluti fideicommissi constitutionem, id luculentissimis rationibus per not. dd. in l. quoties, in d. §. cohæredes. Decius consil. 217. Soff. consil. 13. lib. 3. cum multis per eos congestis. per præfatos clarissimos Dominos Jurisconsultos adductis sic removeretur, ut non sit operæpretium in eo immorari aut operam impendere: præsertim quod diximus nihil ferè referre utrius generis sit fideicommissum conditionale, an absolutum & simplex: Idèd quòd scilicet quocunque jure censeatur illius dies dicto Francisco de Mendoza nunquam cesserit.*

Est enim in omnem eventum hoc fideicommissum personale conclusum in persona solius Dominæ Joannæ, sic ut, si conditionale dicatur, velut conditione à qua suspensum erat, defecta, nulla scilicet alienatione dictorum do-

miniorum in vita vel ultima voluntate Dominæ Joannæ interveniente; ad illius hæredem liberum ab omni onere fideicommissi pervenire debeat. §. *sin autem. in l. unic. C. de cad. tollend. Alex. Ias. in d. §. cohæredes. & d. §. divi.* Hæredem, inquam, quem testator expressit, cum aliàs eo non expresso, etiamsi respectu familiæ fuisset prohibita alienatio, succedere potuisset extraneus, quisquis scilicet Dominæ Joannæ hæres futurus erat: l. *cum pater. §. cum inter. de leg. 2. & etiam alienatio & dispositio fieri, non servato ordine in remotiorem de familia. Curtius d. consil. 22. & ibidem.* Sin verò purum & absolutum, perinde inutile fit Don Francisco, quasi morte Dominæ Joannæ, quæ sola prohibita erat alienare, hujusmodi fideicommissum fuerit extinctum, & ad Don Eumicum filium Dominæ Joannæ ab omni onere ulterioris fideicommissi liberum transmissum, l. *pater filium. §. quindecim. de leg. 3. Fulgos. consil. 116. Ioannes quondam. num. 1.* prohibitio enim cum inducat hic fideicommissum, & sic gravamen l. *cohæredi. §. cum filia. de vulg. & pupill. de persona in personam non facit transitum, Gloss. l. cohæredes mei. §. cum ita, ad Trebell. §. commodissime. de lib. & posthum. Bertran. consil. 18. vol. 1. nu. 20.* ut superius in priore parte latissimè deductum est.

PERSONALE autem seu nominale & non in rem scriptum esse hoc fideicommissum, tam multis ratio-



rationibus à proconsulentibus deductum est in quæstione bonorum ex parte Don Eumico Lopez in subsidium ejusdem matrimonii datorum, ut repetitio earundem nauseam sit paritura, cum iisdem regulis insistant bona ex parte Don Petri de Munnez collocata pro dote Dominæ Joannæ, repetitis videlicet per relationem iisdem conditionibus & vinculis, quæ in donatione bonorum Don Eumici Lopez adjecta erant, quarum tenor & si aliquo respectu reale perpetuum & successivum fideicommissum ostentare videatur, veluti dum tam arctè prohibetur dispositio in vita & morte, nisi in descendentes, sic ut omnium descendantium ratio videatur habita per nomen collectivum & comprehensivum plurium graduum & personarum, d. l. cum ita. §. in considei commissio. d. §. fratre. dum de uno in alium servato ordine primogenituræ permittitur fieri dispositio, quæ non nisi per fideicommissum verificari posse videntur, ut nec illa de hærede in hæredem. *Decius conf. 38. circa 3. dubium. num. 4. Paulus Paris. consil. 92. 1. dubitatione circa testamentum. num. 45. & 46. vol. 2.* Et rursus dum ubique masculorum prior quam feminarum habetur ratio, & in casu quo filiis deficientibus ad filiam devenient bona, primogenitus ex filia jubetur nomen familiæ deferre, per hæc enim rationem & consilium familiæ & agnationis conservandæ donator

iniisse videtur. Quo studio & intentione reale onus seu fideicommissum constitui solet: *Ioannes de Anania consil. 47.* præsertim si inferantur personæ, quarum contemplatione prohibitio fit. *las. conf. 96. cujus thema est, dominus Ioannes part. 3. Dec. conf. 290. dominus Regnaldus.*

TAMEN cum prædictæ rationes ex adjuncto naturam suam mutare possint, fit in præsentī causa, ut cum omnes clausulæ & prohibitioni adjectæ modificationes restringantur, eo quod non ad solum Dominam Joannam (sicut quo ad illa bona ad solum Don Petrum) sunt relatæ prohibitiones, scilicet facta prohibitionē primo accipienti nominativè sive sub nomine ejus proprio: Quod ipse dictus Don Petrus Lopez donatarius non posset, &c. & paulò post: si contingeret Don Petrum Lopez de Mendoza, &c. Non potest istud quale fideicommissum extendi ad Petri seu Joannæ hæredes: *las. in d. §. divi. num. 47. vers. 1. muta decisio Bart. nisi testator fecerit prohibitionem nominativè.* quod proclivius hic admittendum est, quod nusquam in proposita formula inveniat directis verbis facta alienationis prohibitio, quæ aliquo modo in rem sonare, vel concepta videri posset, videlicet quod testator prohibuerit alienari, vel quod ea bona deberent ire & devolvi ad donatariæ filios & descendentes de uno in alium, secundum ordinem generationis, quo casu videri posset in rem facta

facta prohibitio. *Decius d. consil. 38. Paulus Paris. d. cons. 92.* Sed dictum est (relatis ad personam verbis adjecta particula repetitiva *Dictus*, quæ demonstrationem ad oculum & personalissimam prohibitionem facit *Francisc. Ripa in d. §. divi. numer. 111.*) quòd Domina Joanna donataria non posset ordinare nec disponere in vita nec in morte, nisi illo modo & ordine: quod evidenter arguit, testatorem non habuisse perpetuum respectum ad nomen familiæ, nec voluisse favore agnationis ultra personas expressas fideicommissum inducere.

UNDE manifestum arbitramur, nullo jure prætexi à Don Francisco jus fideicommissi ad dicta bona, quasi alienatione Don Eumici nepotis id fuerit ei apertum & cessum. Nam ut dictum est, & latius per dictos proconsulentes demonstratur, Don Eumicus nepos nulla prohibitione alienationis restrictus fuit, extincto nimirum fideicommissio in persona Domine Joannæ, nisi & illa fortè intelligatur prohibita alienare.

QUOD quidem videri poterat ex eo quòd nunc de novo in protocolis originalibus cujusdam Notarii reperiri proponatur, quòd Domina Joanna cum consensu Don Petri sui mariti vendiderit dicta controversa bona reverendissimo Domino Archiepiscopo Hispalensi Didaco de Mendoza fratri mariti sui. Ita enim per contraventionem in persona Domine

Joannæ nihil dubitandum videtur, cum fideicommissio locus factus sit secundum ea quæ superius de conditionali fideicommissio ex prohibitione alienationis resultantem diximus.

SED nec in eo subsistendum est: cum enim eo casu emolumentum fideicommissi, qualis qualis fuerit illius exitus, pertinere debuerit, prout pertinuit ad primogenitum dictæ Domine Joannæ filium, eoquæ deficiente ad secundo genitum, qui fuit dictus Don Eumicus venditor dictorum dominiorum, nihil est quod de ulteriore fideicommissio queratur: quia nimium hætenus deductum est, liberos Domine Joannæ non teneri dicta prohibitione alienationis: Ita ut cum extra repræhensionem sit alienatio Eumici nepotis, nihil profit Francisco pronepoti per aviam facta alienatio, & ex alienatione emergens fideicommissum, cujus dies & emolumentum ei utiliter cedere non potuerit, siue quia nondum natus erat tempore ejusdem alienationis, *l. cum ita. §. fin. de leg. 2. cum aliis supra citatis.* siue quia Eumicus pater eo potior fuit & utilitatem fideicommissi absorpsit. Satis autem est ad excludendum aliquem perpetuò, si tunc cum de jure legati vel fideicommissi queritur, vel incapax vel potior non sit, *l. cum filius. §. cum servus. de legat. 2.* nihil quoque profit alienatio per patrem Eumicum facta, quia in conditione fideicommissio

commisso posita non sunt, propter personalitatē prohibitionis, quam in solius Dominæ Joannæ persona factam esse superius deductum est.

Hoc interim obiter addi potest, dictam Dominæ Joannæ alienationem in Archiepiscopum Hispalensem, nihil hic mutare statum causæ, aut in ulla consideratione esse habendam, sive quod simulata videatur propter donationem ejusdem Archiepiscopi in Dominam Joannam in eadem die qua illa vendidisse dicitur, de iisdem prædictis bonis factam (solet enim ex actuum plurimum conjunctione & celeritate nimiaque liberalitate simulatio, imò etiam fraus præsumi: Bald. in l. eam quam. num. 40. C. de fideicommiss. per. l. si ventri. §. si in bonis. & ibi gloss. & doctor. de privileg. credito. c. officii. & ibi gloss. de electis. Bart. in l. post contractum. §. 1. post donatio. Cæpolla in contract. de simulato contract. num. 11. & 12.) Sive quod momentanea tantum fuerit, quæ non solet gravato fideicommissio propter prohibitionem alienationis nocere: Ang. ad l. voluntas. C. de fideicom. las. in l. cogi. §. qui solutum. ad Trebellian. cum plena perfecta que alienatio ejus quod alienatum non perdurat, & in cujus possessione alienans perseverat, dici non potest. l. alienatum. de verb. sign. l. & qui sub imagine. C. de distr. pign. l. sicut. §. super vacuum. quib. mod. pign. vel hypo. solut. l. si is qui bonis de acquir. hæredit. Sive quod ante diem fidei-

commissi cedentem, hoc est, ante mortem gravati facta alienatio & si longiore tempore & cum pleno effectu apud emptores res permanferit, nihil noceat, si modò res recuperetur ab alienante, & is tempore mortis quo facienda est restitutio, eam possidere inveniat, ut in simili specie eleganter deducunt Angelus Aretinus, consil. 169. super puncto supra scripta. Corneus, consil. 182. numer. 2. volum. 1. & consil. 11. vol. 3. & Marianus Solinus, consil. 20. num. 41. vol. 1. item Franciscus Ripa. in d. §. divi. num. 1. Unde cum tempore mortis Domina Joanna hæc bona possederit & jure intestatæ successionis obrinuerit illa Don Eumicus nihil facit ad ampliationem juris Don Francisci prædicta, quæ simulata momentanea minimeque perdurans alienatio, quæ etiam si, ut dixi, contineret veram & effectuale contraventionem, nihil profutura esset Don Francisco viribus illius in Eumico per omnia consumptis. Arg. l. pater. §. quindæcim. de legat. 3. Qua ratione quoque supervacua creditur indagatio num donationi dicti Archiepiscopi obster defectus insinuationis, cum de ea nullum extet documentum. Nam dicta apparens simulatio, ut alienationis ex parte Dominæ Joannæ, ita quoque ex parte Archiepiscopi donationis præsumptionem excludit, potissimum quòd quadriennio post dicantur eadem bona per dictum Archiepiscopum

LIII

præfatæ

præfatæ Domine Joannæ vendita. Cùm alioqui ea quæstio nihil profutura sit, nisi dicto Archiepiscopo aut ejus hæredibus, quibus solis propter defectum insinuationis condicendæ rei, cujus alienatio non tenet, relinquatur potestas, sic ut donatore nolente omninò insinuationem facere, compelli à nemine possit: & præterea tempore quod ad præsumptionem sufficit, hoc est, triginta annis excludi possit, ne ex capite pœnitentiæ propter causam omiſsa insinuationem conditione repetat. *Anton. de Cana. in tract. de insinuatio. part. 1. nu. 7. & 8. citans Angel. cons. 179. visis instrumentis prædictis sub finem.* Transiit enim rei donatæ dominium etiam non interveniente insinuatione, licet conditioni usque ad triginta annos locus relinquatur, cùm etiam conditio usufructuendi pro donato transferatur, si res alienata fuit, quæ excedens quingentos aureos donando traditur. *Antonin. de Cana. in d. tractatu, parte 1. nu. 46.*

ARBITRANTUR itaque omnibus sic investigatis & expensis, jus Illustrissimi Domini Ducis, tam adversus priorem prohibitionem alienationis testamento Don Joannis Francisci de Arinon factam, quam posteriorem in contractu antenuptiali per Don Eumicum Lopez dictam bono jure defendi posse. Meliore judicio semper salvo.

ATQUE ita conclusum esse per Dominos Canonum & Legum

Doctores, Jura Canonica & Civilia, in alma Academia & Universitate Lovanienſi ordinariè legentes & profitentes, Collegiumque facultatum utriusque juris in eadem Universitate constituentes: Attestorego Theodoricus Pellen de Loemel, earundem facultatum dictique venerandi Collegii Bedellus & Notarius juratus. In cuius rei testimonium ac majorem fidem ex mandato prædictorum meorum dominorum manu propria præſenti juris responſo subscripsi, & sigillum ejusdem Collegii his appendi.

## CONSILIUM XCVIII.

## SUMMARIUM

1. Parentis dispositio inter liberos censetur testamentaria vel codicillaris, etiam si per viam donationis inter vivos concepta videatur, & sustinetur in vim indulti concessi ad ordinationem ultima voluntatis.
2. Dispositio relata ad certum modum secundum illum metiri debet.
3. Appellatione filiorum de jure communiveniunt etiam filia.
4. Dispositio parentis inter liberos, vel uni ex illis facta, aequè rata est, sive per testamentariam dispositionem perfectam vel imperfectam facta sit, & quamvis simpliciter per inter vivos dispositionem facta sit, nihilominus habet vim testamenti & ultima voluntatis, idque etiam super bonis feudalibus accedeme-

*denre domini consensu, pravo vel subsecuto.*

5. *Donatio retento usufructu permissa est tam in contractu quam in ultima voluntate.*
6. *Testatores plarunque improprie loquuntur, ideog, sufficit de eorum voluntate constare quibuscunque verbis explicata.*
7. *Actus qui non valet ut geritur, non potest sustineri prout alias valere posset, & quomodo hoc intelligatur, pulchra distinctio.*
8. *Dispositio qua peccat in forma si non valet ut agitur, non potest sustineri alio modo.*
9. *Dispositio ad aliquid relata si in vim illius procedere non possit, non impeditur valere alio modo vel jure.*
10. *Extraordinarium non facit cessare ordinarium.*
11. *Vasallus de feudis disponere potest in prejudicium proximioris agnati, prahabito consensu domini feudalis.*
12. *Consuetudo succedendi in certis bonis non adimit parentibus liberam facultatem aliter disponendi de illis.*
13. *Consentiens in aliquo videtur consentire in omnibus aliis inde consequentibus.*
14. *Præsens contractus & consentiens præjudicat sibi in jure suo.*
15. *Dispositio inter liberos non requirit causæ expressionem vel subsistentiam, licet secus sit in cautione, stipulatione, & similibus.*
16. *Solutio seu assignatio in dubio ex qua causa facta videatur.*
17. *Principi terra consensu, an in alienatione feudi sufficiat, an verò*

*etiam inferiorum dominorum consensus sit necessarius.*

18. *Consensus domini feudalis & expressè & tacite præstari potest.*
19. *Consuetudo le morte saisit le vif explicata.*
20. *Donatio absenti facta quando teneat.*
21. *Alienatio communis cum usufructus retentione quando transfert dominium vel possessionem, & quid observetur in feudi assignatione.*

**E**terne Deus qui in æquitate judicas & facis judicium injuriam patientibus, infunde unctionem tuam clemens nostris sensibus.

**T**H E M A T E de & ex positionum & articulorum continenti & eliquidata veritate præsupposito, ad negotii præsentis discussionem hoc successivo ordine videtur planius progrediendū, ut scilicet in primis ipsius minoris filiæ proprietatis seu petitorii jus pet eorum quæ circa illud occurrere possent, dubiorum absolutam resolutionem, solidè planèque justificetur: Ac deinceps de & ex illa proprietatis justificatio possessionem civilem emanare ad liquidum ostendatur: Et demum ex eadem possessione civili ex tituli sive juris ad proprietatem justificatione resultantem etiam ad possessionis naturalis justificationem consequenter inferatur. Et ordinem istum successivum observando:

**CONSULTATIONIS** articulus primus in eo sit: An subjecta assignatio cum usufructus retentione per dominam dispositricem de feudis suis paternis facta, aliquatenus asseri possit in vim ipsius indulti (ad quod fiendo relata est) non obstant quòd per idem indultum sola facultas per voluntatem ultimam disponendi concedi videatur: cum tamen eadem assignatio & resignatio cum usufructus retentione facta quidem simpliciter inter vivos donatio videatur? Et pro constanti respondetur, quòd proposita assignatio non sic simpliciter inter vivos sit dispositio siue donatio, quin etiam voluntatis ultimæ censi debet & possit: cum assignatio per voluntatem etiam solum de & super certis rebus & bonis suis, inter liberos seu uni ex illis facta, validè & efficaciter, ut voluntas ultima saltem ab intestato & inter vivos ordinata procedat: *ut per gloss. notabilem. in l. quoties. in verbo. dividit. ad fin. & Bald. circa eand. C. fami. Hericif. & per tex. in l. filii. iuncta gl. verb. ab intest. ad fin. & l. fin. ibidem. attento quòd parentis etiam solum aliquarum certarum & singularium rerum suarum inter liberos suos, vel alteri ex illis facta assignatio, pro codicillari dispositione censeatur. ut per Bald. in d. l. filii versic. s. quero, & in d. l. quotiens. vers. quero an testator assignando bona.*

Nec obstat quominus huiusmodi assignatio pro voluntatis ul-

timæ dispositione censeatur, quòd scilicet dicta quondam domina de huiusmodi feudis suis paternis ipsi soli filix minori, & nulla minori filix assignaverit: quia cum nulla vel rara immobilia præterquam feuda habuerit, & illa citra huiusmodi assignationem vel aliam similem licitam dispositionem, ad ipsam maiorem filiam de consuetudine locali, nec etiam aliunde quàm de sola consuetudine locali delata fuissent: Idcirco, ne sub huiusmodi cōsuetudinis localis (juri & æquitati contrariæ, ut infra patebit) prætextu ad iniquitatem illam urgeretur, ut scilicet sic solam maiorem filiam dilexisset, ut filiam suam minorem, cui propter aliorum carentiam aliunde providere non poterat, talis iniquæ consuetudinis localis occasione neglexisset videretur: quòd propter parem affectionis causam de parente non præsumitur. *ut notat in l. nō solum. §. de uno ff. de ri. nupt.* Idcirco aliqua ex dictis feudis suis paternis filix suæ minori modo prædicto assignavit, & residua de illis & ex eisdem feudis suis eidem minori filix non assignata, ipsi filix suæ minori, ut scilicet eadem feuda ipsi minori filix non assignata, ad eandem maiorem filiam auctoritate juris seu consuetudinis devolverentur, satis censeatur assignasse: quam utique assignationem usque ad æqualitatem, ne scandalum inter ipsas filias oriretur, facere bene potuisset: *ut per Bald. in l. cum alie-*



*nam. in versic. ulterius revocatur. C. de legat. Cum in & de rebus per parentem assignatis, iudex parentis voluntatem; & in non assignatis, juris auctoritatem sequi debeat. ut per text. & Bald. in l. si cogitatione. C. sam. hercisc. & in l. qua pater inter filios. ff. cod. tit.*

- PRÆMISSA insuper assignatione in vim dicti indulti (ad quod in scriptis de & super illa confectis relata est) voluntatis ultimæ saltem inter vivos ordinatæ, dispositio censi debet: ac attento quòd dispositio quæ aliàs diversis modis censi posset, si cum relatione ad alterum ex huiusmodi diversis modis fiat, juxta & secundum illum modum ad quem fiendo refertur, metiri debeat, *ut per Io. An. in add. ad speculum in tit. de arbitrio & arbitrato. in §. excipitur. in versic. item quòd corruptus pecunia, in additione verbi colla. viij. & per ea quæ tradit Bald. in l. quicunque. col. 3. versic. sed pone statuto cavetur quòd frater. C. de ser. fug. ubi dicit, quòd si filia cùm extant filii, ex statuto, à successione paterna (dotève salva) ab intestato excludatur, si pater in testamento filios instituat, & dicat,*
- 3 *Filios meos in eo quòd de jure tangat, heredes instituo, includitur filia, cùm filiorum appellatione, filia de jure communi continetur. l. si ita scriptum. ff. de legatis 2. ut scilicet partem quæ de jure communi, & non quæ ex statuto eam tangit habeat, & hoc ex eo quòd pater institutionem filiorum ad jus commune &*

non ad statutum referebat, unde dicta assignatio, attento quòd cujus relatione ad dictum indultum de feudis per voluntatem ultimam disponendi facta sit voluntatis ultimæ, in vim dicti indulti inter vivos ordinatæ, & non dispositio simpliciter inter vivos censenda est: cùm dispositio juxta & secundum illud ad quod fiendo refertur, metienda sit: *ut per Joan. An. & Bald. ubi supra. saltem quatenus per huiusmodi indultum sola facultas de huiusmodi feudis per voluntatem ultimam disponendi indulta esset. Et per ista iste consultationis articulus primus satisfidetur absolutus.*

CONFUTATIONIS articulus secundus est, An ne subjecta assignatio etiam quatenus per simpliciter inter vivos dispositionem sive donationem censi posset facta, æquè tamen adhuc ut voluntas ultima & ex consequenti vigore dicti indulti (etiam quatenus sola, per illud, facultas de huiusmodi feudis per voluntatem ultimam disponendi concessa esset) procedere possit. Et pro constanti responderetur, quòd adhuc æquè efficaciter in vim dicti indulti procederet: cùm exploratissimi juris 4 sit, quòd assignatio per parentem de rebus & bonis suis inter liberos vel uni ex illis facta, æquè rata sit, sive per testamentariam dispositionem perfectam vel imperfectam facta fuerit, *ut in auth. de testam. imperfect. §. si. colla. 8. & l. hac consuef-*



*fima. §. ex imperfecta. C. de testament. cum similib.* siue etiam per simpliciter inter vivos dispositionem, cum etiam adhuc tunc nihilominus vim & efficaciam testamenti & ultimæ voluntatis habeat: *l. si filia. §. si pater. ff. famil. hercis.* Cum dispositio per parentem de & super suarum rerum ac bonorum inter liberos assignatione quibuscunque verbis, vel etiam quod plus est, iudiciis facta fuerit, efficaciter procedat, ut in *authen. de non eligen. secund. nuben. mulier. post princip. collat. 1. & l. final. C. fam. hercis. Et not. per Panorm. in c. transmiss. qui fil. sint legi sup. gl. verbi nota.* etiam si de rebus seu bonis feudalibus facta fuerit, saltem de consensu Domini: cum non sit prohibitum illa inter liberos assignare, sed illa sine consensu Domini sic assignari solum prohibentur. ut per Bald. de probib. alle. feud. per Fre. col. 2. versic. *Quæro an vasallus posset dare feudum in dotem, & col. 4. versic. quæro utrum pater possit feuda seu castra feudalibus dividere inter filios. & est text. ibid. expressus. in §. habito à sensu contrario.* Quinimò cum huiusmodi feuda fuerint paterna, subiecta assignatio etiam citra consensum dominorum feudalium de illis fieri potuisset: de *alie. feud. pater. c. unico in princ. ibi & licet.* eo insuper salvo, quòd de notoria consuetudine locali, de & super feudis, etiam de qualicunque consensu domini vel prævio vel subsequuto de feudis disponere liceat. Subiecta ergo assignatio etiam quantumcunque

pro simpliciter inter vivos donatione censeretur, tamen quia adhuc vim voluntatis ultimæ haberet; *d. §. si pater.* idcirco adhuc vigore dicti indulti, per quod facultas saltem per voluntatem ultimam de huiusmodi feudis ordinandi conceditur, efficaciter providere posset, cum huiusmodi facultas non sic esset coangustanda, ut vigore illius, per talem donationem, quæ vim voluntatis ultimæ haberet, disponi non possit, cum ubi contractus plenam, voluntatis ultimæ plenior, principum beneficia plenissimam interpretationem habeant. *c. cum dilecti. de donat.* Et per hæc consultationis articulus iste secundus satis explicitus videtur.

CONSULTATIONIS articulus tertius, An proposita assignatio ea occasione, quòd de dictis feudis cum dicta ususfructus retentione illa resignando, ac ut ipsa minor filia de illis investire refutando sit facta, præcisè & simpliciter inter vivos, & non dispositio voluntatis ultimæ aliquatenus asseri possit: Responderetur quòd huiusmodi assignatio (hac occasione) non sic præcisè & simpliciter inter vivos dispositio siue donatio censeretur, quin etiam & potius voluntatis ultimæ censeretur possit & deberet; attento quòd sicut inter vivos ususfructu retento donare liceat; *l. quisquis. C. de donat.* ita etiam per voluntatem ultimam cum ususfructus retentione relinquere

quere licet. Nam cum quis fundum aliquem per ultimam voluntatem alicui relinquere & usufructum in illo heredi suo vel alteri reservare possit: *l. antiquitas dubitabat. C. de usufruct. & l. sed & si quis stipulatus. §. interdum. ff. eo. cum similib.* ratio non occurrit cur minus sibi ipsi quam alteri usufructum per voluntatem ultimam in illo reservare posset: quia cum quis fundum inter vivos donare & sibi vel alteri usufructum in illo reservare possit, ut jam ostensum est, non videtur cur non similiter in fundo per ultimam voluntatem relicto usufructum sibi ipsi reservare posset, cum ea quæ inter vivos licent, in voluntate ultima non debeant non licere, *l. final. C. de legat. cum similibus.* cum voluntatis ultimæ quàm inter vivos dispositionis plenior interpretatio fienda sit, præallegato. *c. cum dilecti. de donat.* Et ideo cum per ultimam voluntatem possit relinqui fundus uni, & usufructus alteri, in illo reservari, ut dictum est, omnino videtur, quod dicta assignatio per quam mater certa aliqua sua feuda paterna ipsi filiæ suæ minori usufructu sibi & domino marito suo in eisdem retento resignavit, pro voluntate ultima, & sic juxta dicti indulti, ad quod dum fieret in scriptis desuper confectis relata est, vim & vigorem facta censeri possit. Et cum hujusmodi assignatio pro eo quod domino marito usufructus reservatus esset, vo-

luntatis ultimæ fines non excederet, *d. l. antiquitas dubitabat.* certe etiam per hoc quod ipsa domina dispositorix sibi ipsi & domino marito usufructum retinuit, metas & terminos voluntatis ultimæ excedere asseri non potest seu possit: Et sic vigore dicti indulti, per quod facultas de hujusmodi feudis per voluntatem ultimam ordinandi concessa est, efficaciter procedere, ac metas per idem indultum concessæ facultatis excedere prætendi non potest.

Et sic non obstat, quod subiecta assignatio in literis per ipsos pares, coram quibus facta est, & per eosdem pares de & super illa conceptis & confectis per istud verbum *transportavit*, & per istud verbum *resignavit*, quæ videntur potius significativa dispositionis five actus inter vivos quàm dispositionis ultimæ voluntatis, explicetur: quia quatenus dicta assignatio hac occasione improprie explicata, aliquatenus asseri posset, talis ipsorum parium impropria explicatio illam vitare non posset: *per text. ad hoc rotundum. in l. ambiguitatis. & in l. error. C. de test.* cum etiam hujusmodi præcisa impropria explicatio etiam quatenus per ipsam dominam dispositoricem accidisset, dictæ assignationi tamen minime obstatet. *l. in testamenti. C. de testam.* eo quod testatores plarumq; improprie loquantur, attento *l. l. non aliter. §. tutius. ff. de legat. 3.* & de intentione voluntatem ultimam ordinantis

ordinantis constare sufficit verbis quibuscunque explicantis nō pensatis : cū etiam in solenni hæredis institutione forma verborum testatoris non attendatur, dum de illius intentione constet. l. quoniam indignum. C. de testam. Sicut etiam in simili, si certus aliquis contractus geri intendatur, ille per hoc quod improprie explicetur, vel etiam in specie alterius contractus geratur, si de intentione contractuentium constet (ut ille contractus qui intenditur) procedit. ut per Bart. in l. 1. §. quibus. ff. quod cuiusque universi. nom.

PRÆTEREA subiecta assignatio ea occasione quod usufructu retento etiam per resignationis sive transportus actum facta esset, voluntatis ultimæ metas præteriri non potest excedere, ex illo (scilicet quod dominium & possessio per illam ipsa domina dispositrice adhuc viva contra l. 1. ff. de testam. transferantur) non obstante: quia cū subiecta assignatio inter liberos seu uni ex illis facta sit, quantumcunque per actus inter vivos facta esset, adhuc pro voluntate ultima censi & vim voluntatis ultimæ habere notorio iure innoscit, ut per tex. in l. si filia. §. si pater. ff. fam. hercis. & per ea quæ ad primum consultationis articulum latè deducta sunt: sic quod adhuc in vim dicti indulti (ad quod fiendo modò prænarrato relata est) procedere, & metas illius non excedere censi deberet: nec in iure incogni-

tum est, rem per voluntatem ultimam eo per quem relinquitur adhuc vivo, ad illum cui relinquitur transferri, cū hoc in donatione causa mortis (quæ iux. Panorm. ext. de testam. super rubr. post princip. species voluntatis ultimæ est) palam pateat, dum res mortis causa donata in donatarium transferatur: ff. de donat. l. 1. §. item cū ipse, & de donat. causa mort. l. 2. licet revocabiliter d. l. 1. & ibid. in l. si alienand. §. Marcellus. & l. si mortis caus. & ff. de donat. ob causam. l. cū quis mortis causa. aded ut quod sic donatum est & donatario traditum, contra eum vendicari possit d. l. si mortis causa. prout etiam legatum in ultima voluntate dispositum, & legatario per testatorem traditum, ab ipso legatario revocari potest, l. nam nec id. ff. de leg. 3. licet per traditionem dominium transferatur: Insit. de rer. divi. §. per traditionem. præsertim quando traditio legitimum titulum seu causam sublequitur. ut idem versic. sed siquidem. & ff. de acquiren. possess. l. 1. §. si vir. Et ita consultationis articulus iste absolvitur.

CONSULTATIONIS articulus quartus, posito citra præjudicium, quod proposita assignatio, ut & tanquam voluntas ultima vigore dicti indulti, per quod facultas de dictis feudis testamentum seu voluntatem ultimam ordinandi conceditur, non procederet, an ne tamen adhuc saltem prout de consuetudine locali vel consuetudine generali feudorum scripta, vel

vel de alio principis consensu illam faciendi, procedere posset: & quamvis videatur quòd non, cum dispositionem aliam faciens quàm intendit, nihil agat, *l. in ambiguo. de rebus dubiis.* & via quam quis de pluribus eligit, illi pateat, *l. si mulier. §. fin. ff. quod met. cau. & l. si quis in fundi, quæ est lex 4. ff. de legat. 1.* eo quòd cum quis voluntatem ultimam ordinat, si illa non teneat ut agitur, non tamen tenet ut aliàs tenere posset, nisi testator sive disponens expresse, quòd velit illam quatenus non teneret, ut agitur, tenere seu valere ut aliàs tenere seu valere possit. *l. 1. ff. & l. si. C. de codicillis. & l. non codicillum. C. de testam.* Sed istis non obstantibus subjecta assignatio etiam in casu citra præjudicium posito, nihilominus valeret ut aliàs valere posset. Et hoc (quòd per jura in contrarium allegata dicitur, dispositionem

7 scilicet aliquam si sic ut gesta est non valeat non valere, ut alias valere posset) nõ regulare, sed solum Brocardicum est, ut per Bart. in *l. 1. §. cum qui. ff. de pecu. constit. & secundum eund. ibid.* solum in odiosis & rariùs in favorabilibus procedit, quòd insuper Brocardicum gloss. & Bart. in *d. §. cum qui. & idem Bart. plenius in l. 1. §. si quis ita. ff. de verb. oblig. & in l. an inutiles. ff. de accep. & Panorm. in c. cum super de offic. deleg. sic absol.* scilicet quòd si dispositio peccet in forma, quòd tunc dictum Brocardicum, scilicet si dispositio non valet ut agitur, non valet ut aliàs valere posset, procedit: sed si in

materia, hoc est, ratione rei super qua sit, vel in causa efficiente peccet, semper valet, ut aliàs melius valere potest. Et sic certum esset, quòd si subjecta assignatio in materia, hoc est, ratione rei super qua facta est peccaret, eo scilicet quòd sic, ut facta est de super dictis feudis, ut citra præjudicium ponitur, fieri non potuisset, tamen valeret ut aliàs melius valere posset. Et similiter pateret quòd si in causa efficiente peccaret, sic scilicet quòd citra dicti indulti formam & tenorem facta esset, & ex consequenti citra facultatem faciendi illam, sic ut facta esset; quòd nihilominus valeret ut valere posset, per gloss. Bart. & Panorm. ubi supra, & per text. in *c. unico. §. idem quoque. de despon. impub. in 6.* ubi patet, quòd sponsalia de præsentis quamvis in causa efficiente peccent, & sit ut sponsalia de præsentis non valeant, valent tamen ut aliàs valere possent, scilicet ut sponsalia de futuro. Patet ergo quòd subjecta assignatio etiam posito citra tamen præjudicium, quòd in materia, hoc est, ratione rerum de & super quibus facta est vel etiam in causa efficiente peccaret, valeret nihilominus ut aliàs melius valere posset.

SOLUM ergo superest investigare: An si eadem assignatio in forma peccaret, quòd non creditur, adhuc valeret ut aliàs melius valere posset. Et quamvis juxta dictam gl. Bart. & Panorm. ubi supra, videatur, quòd dispositio quæ

M m m m m peccat

§ peccat in forma, si non valet, ut agitur, non valet ut aliàs melius valere posset: tamen istis non obstantibus, subiecta assignatio etiam quatenus, quod non creditur, in forma peccaret, ex eo scilicet quod per donationem inter vivos facta esset; cum tamen indulgè ad quod cum ea adiectione, ut in vim illius fieret, relata est, solum facultatem ad voluntatis ultimæ ordinationem præster: nihilominus tamen ut alias melius valere posset, valeret, ex eo scilicet quod inter liberos facta est; attento quod ex eo capite, quod inter liberos seu uni ex illis facta est, vim & efficaciam voluntatis ultimæ obtineat; etiam quantumcunque per donationem inter vivos facta esset, ut supra circa secundum consultationis articulum planè deductum est: ideoque de voluntatis ultimæ inter vivos ordinatæ seu dispositionis inter vivos vim voluntatis ultimæ habentis, conditione & lege est: & licet in forma peccaret, nihilominus valeret ut aliàs melius valere potest: *l. Scavola. ff. ad Treb.* ubi patet quod substitutio directæ in voluntate ultima inter vivos ordinata licet in forma peccet & non valeat, ut agitur, scilicet ut directæ, valet tamen ut melius valere potest, scilicet ut fideicommissoria. Præterea ex alio adhuc capite subiecta assignatio valere debet, ut melius valere potest, juxta ea quæ tradit Panorm. in d. c. cum super. de offic. deleg. col. ult. versic. sed contra hoc

membrum. Ibi Jo. Cald. ponit hæc breviter verba: Ex eo scilicet quod dicta domina quæ illam fecit, illam valere ut melius valere posset præsumatur voluisse: cum semper præsumatur quod disponens dispositionem suam valere velit ut melius valere possit, nisi de contraria intentione constet, ut per Panorm. post Calderinum, ubi supra.

P A T E T ergo quod subiecta assignatio sive in materia, hoc est, ratione rerum de & super quibus facta est, sive in causa efficiente, sive etiam in forma peccaret: nihilominus valet ut melius valere potest:

P A T E T insuper, quod dictæ assignationi non obstat, quod disponens illam faciendo quod illam ut melius valere posset valere voluerit; non expresserit, non obstantibus dictis *l. i. ff. & ff. C. de codicillis.* cum ille *ll. de solenniter testari volente loquantur, ut in d. l. i. junct. gloss. verb. nec voluit in fi. ad idem bene facit text. in d. l. fi. C. de codicillis. in §. illud quoque.* sed alia quævis minus solenniter ultima voluntas cujusmodi subiecta assignatio est, licet ut agitur non valeret, tamen sine tam cauta & circumspecta expressione valeret, ut melius valere posset. *d. l. Scavola. ff. ad Trebell.* ex eo scilicet quod dispositionem suam aliàs valere eo modo quo melius valere possit, quivis præsumitur velle per Panorm. ubi supra in d. c. cum super.

CONSUL-

CONSULTATIONIS articulus quintus, An proposita assignatio cum ea adjectione, ut in vim dicti indulti de dictis feudis procederet, in ejusdem indulti vim non teneret, per eandem adjectionem aliquatenus impediretur, quominus alio ordinario jure communi feudorum vel consuetudinis localis procedere & valere posset? Et pro constanti responderetur, quòd hujusmodi adjectio subjunctæ assignationi nihil (quominus aliàs de jure communi feudorum scripto vel consuetudinis localis procedere possit) obesse possit: cum ratissimi juris sit, quòd dispositio quæ aliàs procedit, quamvis ad aliud aliquid in cuius vim procedere non posset, fiendo referretur, alias & aliunde tenere & procedere non impeditur, per hoc quod notat Bart. in l. eum qui. §. Iulianus. ff. de constit. pec. ubi dicit, quòd si iudex condemnando aliquem ad certum aliquid annuum soluendum, sententiam suam ad & secundum id quod antecessores ipsius condemnati solverant referat, licet antecessores ipsius condemnati nihil tale solverint, condemnatus tamen quasi simpliciter & sine tali relationis adjectione condemnatusolvere tēnetur, non obstante quod sive ad & secundum id quod antecessores ipsius condemnati solvissent, qui tamen nihil solverint, fuerit relata, attento quòd dispositio cum ea adjectione, ut secundum illud ad quod

refertur procedat, non per hoc sit conditionalis, scilicet ut si secundum id ad quod ut in vim illius fieret referretur, non procederet, deficiat, nisi quando talis conditio apponitur, ut scilicet non procedat, si secundum id ad quod fiendo refertur, procedere non possit, ad quod bonus & oportunus est textus, in l. panulr. & ibid. Bald. in primo & 2. notabilibus. C. de instit. & subst. eo quòd dictio secundum, per quam dispositio ad aliud aliquid ut secundum illud vel in vim illius fieret referretur, si qualis jam dicta est conditio non apponitur, dispositionem non facit esse conditionalem, sed ejus ad quod dispositio fiendo refertur solum commemorationem vel simplicem facit demonstrationem, ut per Bald. in d. 2. notab. ad idem facit text. & quod idem Bald. ibidem in notab. fina. notat. C. de donat. ea enim vel talis adjectio quæ dispositioni alicui solum ad commemorationem vel demonstrationem, vel ad cautelam vel similem causam apponitur, sive inseritur, illam, prout aliàs sine tali adjectione ordinario jure, vel alio quovis rato modo procederet, tenere & procedere non impedit: l. si in diem. §. si. ff. de cond. & demonstr. Cum substantiam rerum superflua & minus necessaria verborum multiplicatio non mutat. ut ibid. & l. pedulus. §. Libeo ff. de an. & arg. legat. l. non solent quæ superabundant. ff. de reg. jur. l. si. C. de donat.

QUAMVIS quòd subjecta assignatio

Mmmmm 2 signa-

**NO** *Signatio ex eo capite quod cum ea adjunctione, ut scilicet in vim dicti indulti, sive secundum illud procederet per parentem facta: quatenus in ejusdem indulti vim seu secundum illud non procederet, alio tamen ordinario jure communi seu quolibet alio rato modo procedere non impeditur, sufficienter ostensum sit: idem tamen etiam ex eo de facili & abundantius innotescere potest: quod extraordinarium ordinarium cessare non facit per ea quæ tradit Bald. in l. ea lege. C. de cond. ob caus. col. 4. versicul. venio ad questio. & per ea quæ tradit Panorm. in c. cum ex officii. col. 4. versic. expedita nunc materia. de præscr. præsertim ubi ejusmodi adjectio dispositionem ad indulcium principis, ut secundum illud seu in vim illius fieret referat, eo quod beneficio principis juvari & non gravari oportet. ff. de prætor. stipula. l. Paulus. ff. de minoribus. l. si judex. C. de secund. nupt. l. generaliter. & in iis autem. Quia cum in favorem petitorium sit & concessum, in odium rectorqueri non debet, ut quod alias & aliunde procederet per & propter hoc quod cum ea adjunctione, ut secundum illud seu in vim illius procederet, aliunde rato jure procedere impediatur, retorqueri non debet: l. quod favore. C. de ll. cum similibus. Si dicatur quod quia hujusmodi assignatio cum dicta adjunctione in vim procederet, facta sit, videatur electa via vigore dicti indulti faciendi illam, & sic quod*

quatenus jure ejusdem indulti per quod extraordinarium est, non procederet, alio ordinario jure videtur impediri procedere, visum quod ubi ad dispositionem aliquam faciendam jus ordinarium & extraordinarium jus competat, extraordinarium eligatur, ab ordinario recedi videtur per Panorm. in d. c. cum ex officii. ubi supra. Respondetur, quod cum subjecta assignatio utroque casu, scilicet in casu quo in vim dicti extraordinarii indulti, & in casu quo ordinario jure communi sive consuetudinis feudorum generalis scriptæ, vel consuetudinis specialis sive localis procederet, ad unum & eundem finem tendant, ut scilicet de feudis parentis, quæ alia immobilia non habebat, etiam ipsi minori filix suæ juxta dignitatis illius ac mariti ejus decentiam oportune & congruenter provisum sit: extraordinarium indultum, ad quod prælibata assignatio dum & quando fieret per ipsos pares eorum quibus facta est, relata est, illam aliàs ordinario jure procedere non impedit, attento quod ubi extraordinarium & ordinarium ad eundem finem tendant, extraordinarium ordinarium, quasi incompatible non secludit, ut per Bald. in l. 1. in 5. opposit. C. de cond. ob caus. Alienatione enim per aliquem certum & specialem modum permissa, omnis alia similis permissa censetur. l. sicut. §. sed & si permisit. & §. venditionis. ff. quib. mod.



*mod. pign. vel hyp. solvi.* Et præterea illud quod obijcitur, quod electione juris extraordinarii ac jure ordinario recedi censetur, habeat locum in jurisdictione, sic quod si iudex ut ordinarius vel ut delegatus extraordinarius procedere possit, si viam procedendi jure extraordinario eligat à via procedendi jure ordinario recessisse videtur, eo quod simul officio seu vice extraordinarii sive delegati & ordinarii fungi non potest, ut per Panorm. *in d. c. cum ex officii. ubi supra.* sed in alia dispositione aliud est: quia illa licet extraordinario jure heret, tamen quatenus in vim illius non procederet, ordinario jure tenere & procedere non impeditur, ut jam satis supra deliquidatum est.

E A infuper occasione quod subjecta assignatio in vim dicti indulti explicata est, quamvis in vim illius non procederet, tamen idcirco juri competenti secundum quod procedere & tenere potest, non est, neque censetur renunciatum, eo quod per electionem juris competentis, secundum quod dispositio aliqua non procederet alteri juri competenti, secundum quod procedere potest, non renunciatur: *l. mater. §. nec enim, in text. & gloss. verbi competere. ff. de inoffic. testam.* præsertim quatenus qui jure incompetenti disponere eligit, jus competens secundum quod dispositio sua tenere & procedere poterat, ignoraverit, vel de illo

dubitaverit, ut patet ibidem, & notat Bald. *in l. manifestissimi. col. 1. versic. ulterius nota. in vers. si autem nescius. C. de fur.* quæ etiam ignorantia vel dubitatio in casu proposito propter muliebrem simplicitatem facile contigerit: cum mulier sit de illis, qui jus, ritum & stylum disponendi ignorare censentur, ut tradit Bald. *C. de rev. permitt. super rubrica. vers. item quare donatio non dicitur contractus.* Subjecta ergo assignatio quatenus vigore dicti indulti, ut citra præjudicium ponitur, non procederet alio jure ad illius efficaciam competente & suffragante ratissimo jure tenere & procedere non impeditur, non obstat si dicatur quod hæreditatis aditio ex jure incompetenti facta, ex jure ad illam competente non procedat: *ff. de acquir. hered. l. si is ad quem.* quia speciale est in additione hæreditatis, eo quod se pro hærede gerens, scire debet, unde ex qua causa ad ipsum pertineat hæreditas, ut ibidem dicitur tex. sed nihilominus hæreditatis aditio ex incompetenti jure facta ex jure ad illam competente ignorato procedere potest, quatenus hæreditatem adiens, si jus ad illam sibi competens quod ignoravit, scivisset, hæreditatem ex eodem jure adire voluisset per tex. *in l. multum. & Bart. ibidem præsertim in solut. r. oppos. ff. de condit. & demonstr.* Et ita articulus iste quintus absolvitur.

SEXTUS consultationis articulus, An subjectæ assignationi,

M m m m m ; per

per quam ipsa dispositorix, juxta facultatem sibi indultam, minori filix suæ per voluntatem suam ultimam certa quædam feuda sua paterna assignaverit, aliquatenus obtinere possit, si illius major filia, vel maritus ejus, ad quos hujusmodi feuda aliàs citra hujusmodi assignationem de consuetudine locali delata fuissent, in & ad eandem assignationem non consensisset: Respondetur, quòd propositæ assignationi penitus nihil obstarèt, etiam posito sine tamen præjudicio quod citra majoris filix consensum facta esset, eo quòd ipsa Domina dispositorix de feudis suis paternis, præsertim de consensu Domini feudalis sine consensu filix majoris, ad quam aliàs citra hujusmodi assignationem de consuetudine locali delata fuissent, liberè disponere poterat, nedum de consuetudine notoria locali, sed insuper etiam de consuetudine feudorum generali scripta, ut in *c. unico post princ. de alienat. seu. pater.*

- 11 Nam cum ibidem dicatur quòd vassallus de feudo suo in præjudicium agnatorum, ad quos deferendum esset citra consensum Domini feudalis disponere non potest, planè patet à sensu contrario, quòd de consensu Domini feudalis etiam in præjudicium illorum quibus aliàs deferendum esset, de illo disponere potest: non enim vassallis prohibitum est de feudis disponere, seu illa inter liberos assignare, sed solum prohibetur illis

sine Domini feudalis consensu de illis disponere, ut ibidem, & per *Bald. de prohib. alienat. seu. per Freder. col. 4. versic. quæro utrum pater posset feuda seu castra feudalia. & text. etiam ibi est expressus in §. habito à sensu contrario.* & ad hujusmodi assignationis efficaciam sunt rata & explorata dicta Oldrar. *consil. 139. incip. ad habendum aliqualem notitiam eorum de quibus.* ubi dicit, si aliquis de bonis suis disponat, ut illa post decessum suum quamvis ad quem aliàs non deferrentur habeat, quòd talis dispositio etiam quo ad feuda in præjudicium illorum ad quos illa aliàs delata fuissent, teneat illorum consensu non obstante, & quod plus est, etiam illorum allegatione, quòd Dominus feudalis ad hujusmodi dispositionem non consensisset, etiam non obstante, cum hoc allegare esset jus Domini feudalis, & sic jus tertii allegare, quòd illis non suffragatur, ut per ipsum Oldrar. ibidem: præsertim ibi sexto, cum ista bona sint feudalia. Præterea cum de notoria consuetudine locali in judicio possessorio inter majorem & minorem filiam super hujusmodi assignatis feudis vertente posita & articulata, & ut creditur, probata, quivis vassallus de feudo suo nedum sine agnatorum seu illorum ad quos feudum aliàs devolveretur consensu, sed insuper citra Domini feudalis primum consensum liberè disponere potest, sic quòd Dominum feudalem de & super dispositione per vassallum

vasallum de feudo illud, ut alter de illo investiat, resignando vel refutando facta, postmodum certiorari sufficiat, & ut illum ad quem resignando vel refutando per vasallum transfertur de illo infeudet requirere, unde ad subjectæ assignationis de dictis feudis paternis minori filix per parentem factæ efficaciam ipsius majoris filix, ad quam eadem feuda de consuetudine locali aliàs delata fuissent, consensum, à ratione fortiori constat, nec fuisse nec esse necessarium.

ET SI dicatur quòd saltem de consuetudine feudorum generali scripta vasallus de feudo suo sine illorum ad quod illud aliàs devolveretur consensu, etiam de consensu Domini feudalis illud in seu ad alios resignando vel refutando disponere non posset per text. à sensu contrario. in c. unico. §. *præterea quib. mod. seu. amitta.* eo quòd ubi dicatur, quòd si is ad quem feudum deferri debeat, alium de illo investiri consenserit, illud postea repetere non possit, unde à sensu contrario videtur, quòd si alium de illo investiri non consenserit, illud repetere possit, quamvis de cōsensu Domino feudalis resignatio vel refutatio facta sit, & investitura subsecuta: Respondetur, quòd istud non obstat, eo quòd tali consuetudini feudorum generali scriptæ alia consuetudo specialis localis contraria faciliè potuit derogare: nam perinde sicut illi juri seu consuetudini feudorum

secundum quod vel quam feuda inter liberos æqualiter sunt dividenda, ut in c. unico. §. & quia. *versic. quod bodie. de his qui seu. dar. poss.* per consuetudinem localem, ut solum majori ex liberis ex prærogativa primogenituræ deferantur derogatum est: ita etiã similiter illi consuetudini seu juri feudorum generali scripto, juxta quod vel quam vasallus de feudo suo sine illorum ad quos aliàs devolveretur consensu alienando disponere non possit, contraria consuetudine locali derogari potuit: & sicut consuetudo localis præfata consuetudini feudorum generali scriptæ, juxta quam feudum inter liberos æqualiter dividendum est, sic ut illud solum majori inter liberos natu deferatur, derogare potuit, sic ut verisimiliter alia consuetudo localis, juxta quam vasallus citra consensum illorum ad quos feudum illius aliàs devolveretur, saltem de consensu Domini feudalis liberè disponere possit, tali consuetudini feudorū scriptæ; juxta quam vasallus de feudo suo de consensu Domini feudalis citra consensum illius ad quem illud aliàs devolveretur, disponere non possit, derogare potuit: præsertim attento quòd major æquitatis ratione, scilicet ut sicut in re sua quilibet sit moderator & arbiter: l. in re mandata. C. mandat. ita & vasallus in re sua feudali saltem de consensu Domini seu alius sit liber moderator & arbiter: ac etiam illa insuper

super æquitatis ratio, ut scilicet ex parentis fortè alia immobilia, præterquam feuda nō habens assignationem de feudis suis etiam cæteris liberis suis à majori provideri possit, ne scilicet talis consuetudinis prætextu parens alia immobilia præterquam feuda non habens etiam nunc casus occurrit, soli majori natu providere, & cæteros natu minores quodam modo neglectos relinquere cogatur, quod parentem propter parem affectionis causam nimis dedecret: *l. non solum. §. de uno. ff. de ritu nuptia. & Bald. in l. cum alienam. col. 3. versic. ulterius revocatum. C. de legat. unde cum feudorū inter liberos seu hæredes divisionem sive assignationem de ipsorum feudorum jure & natura fieri posse constat, ut jam ex superioribus aliquantulum, & ex infra sequentibus plenius innotescet, palam patet, feuda per hanc consuetudinem localem juxta & secundum quam de consensu Domini de illis liberè disponi potest, circumspeditione parentis seu alterius unde deferantur, ad hujusmodi pristinam naturam, ut scilicet per parentem seu alterum inter liberos, vel hæredes dividantur, facile reducantur, cum ad naturam res facilè redit. *ff. de pact. l. si unus. §. si cum non. cum similibus.**

DE MUM quòd dictæ minori filix per Dominam matrem ejus de dictis feudis paternis illius dicta provisio & assignatio, etiam sine majoris filix consensu, ad quam

illa aliàs de sola consuetudine locali delata fuissent, fieri potuerit, ratissimo jure, de & ex eo innotescit, quòd feudum paternum inter agnatos in agnatum remotiorem alienare licet, *ut de aliena. feud. pater. in princ.* etiam sine consensu Domini feudalis, ut ibidem colligitur. quod cum ita sit, multo plus per parentem inter liberos minori natu, quæ solum consuetudine locali à feudis excluditur, citra majoris natu consensum per parètem liberè relinqui potest: & per ista articulus iste consultationis sextus satis absolutus videtur.

CONSULTATIONIS articulus septimus iste est, An posito citra tamen præjudicium, quod ad istam assignationem per ipsam Dominam dispositricem de dictis feudis suis paternis dictæ minori filix factam, majoris filix ad quam eadem feuda citra eandem assignationem aliàs de consuetudine locali devoluta fuissent, consensus fuisset aliquatenus necessarius, an necandem majorem filiam seu illius maritum in & ad eandem assignationem constet sufficienter consensisse, de & ex hoc quòd illa seu maritus illius in pactum antenuptiale secundum quod per & inter ipsam Dominam dispositricem & Dominum maritum illius ex una, & ipsam illorum majorem filiam seu illius maritum ex altera partibus initum & conventum, eadem major filia seu maritus illius consenserit, per quod siquidem pactum

paſtum antenuptiale expreſſè a-  
ctum conventum extat, quòd ipſa  
Domina diſpoſitrix & maritus il-  
lius de omnibus & ſingulis bonis  
ſuis ultra illa quæ majori filix ma-  
rito genero ſuo ex eodem ante-  
nuptiali paſto in & ſub ſpecie do-  
tis de tunc præſenti dabant, ac  
poſt deceſſus ſuos ſe relicturos ca-  
verant, reliquis & reſiduis liberè  
& ad beneplacitum diſponere  
poſſent: Reſpondetur, quòd cùm  
ſubjecta aſſignatio (etiam ſi aliàs  
ſine majoris filix conſenſu fieri nō  
potuiſſet) prout potuit, nihilomi-  
nus in & ad huiusmodi paſti ante-  
nuptialis, in & ad quod ipſa major  
filia ſeu maritus illius conſenſit,  
conſequentiā fieri potuiſſet: ve-  
ritatis enim manifeſta eſt, quòd  
iidem major filia & maritus illius  
in & ad huiusmodi paſtum ante-  
nuptiale conſentiendum in ſub-  
jectā aſſignationem, quam in  
conſequentiā illius conſtat fieri  
potuiſſe, conſenſiſſe cenſeatur.  
Cùm ſit pluſquam ratiſſimi juris,  
quod in & ad aliquid fieri conſen-  
tiens, in & ad omne illud quod ex  
illo inferitur, & ſequitur, ac in con-  
ſequentiā illius fieri poteſt, con-  
ſenſiſſe cenſeatur, ut not. in l. *quam-  
vis. C. de fideicom. & ibidem plenè per  
Bart. in verſic. ex prædictis collige.*

Et ſi dicatur dictum paſtum  
antenuptiale, ex eo non tenere,  
quòd ipſi Domina diſpoſitrix &  
Dominus maritus ejus de omni-  
bus bonis ſuis ultra ea quæ majori  
filix ſux ſeu illius marito genero

ſuo ex dicto paſto antenuptiali  
realiter & de præſenti occasione  
præacta dabant, & poſt deceſſus  
ſuos relinquere cavebant, reliquis  
& reſiduis liberè diſponere poſſet  
ipſius majoris filix à dictorum do-  
mini & dominæ ſuorum patris &  
matris futura ſucceſſione ſeclufio-  
nis materia datur, cui tamen ſuc-  
ceſſioni per paſtum antenuptiale  
cum parente de & ſuper illius fu-  
tura non ſucceſſione celebratum  
præjudicari non poteſt. *ut l. paſtum  
quod dotal. C. de paſt. & c. quamvis. de  
pac. lib. 6. cum ſimilibus.*

RESPONDETUR, quòd iſtud  
non obſtat eo quòd per huiusmo-  
di paſtum antenuptiale minimè  
ſit actum, ut dicta major filia dictis  
Domino & Dominæ ſuis patri &  
matri non ſuccederet, ſed ſolum  
hoc, ut iidem pater & mater illius  
de reliquis ſive reſiduis bonis ſuis,  
quæ illis ultra ea quæ eidem ma-  
jori filix ſux ſeu illius marito ex di-  
cto paſto dabant & cavebant reſi-  
dua ſuper-eſſent, liberè diſponere  
poſſent, prout tamen aliàs citra  
huiusmodi paſtum antenuptiale  
de illis de jure liberè diſponere  
poterant: quia licet ſucceſſio libe-  
ris in bonis parentum adeò debe-  
atur, ut primum ſucceſſionis gra-  
dum meritò obtineant, *C. de ſuis &  
legitimis hered. l. ſin. & C. ad Orſi. l. 1.*  
non tamen idcirco ipſis parenti-  
bus cùm ſint rerum ſuarum liberi  
moderatores, *l. in re mandata. C.  
mandati. de rebus ſuis liberè diſpo-  
nere prohibetur, quominus bona*  
Nnnnn ſua

sua inter liberos suos assignare possint: *l. si filia. §. si pater. ff. famil. hercis.* quin verius illam liberam facultatem de bonis & rebus suis per ultimam voluntatem liberè disponendi per nulla pacta sibi abdicare possunt. *d. l. pactum quod dotali. C. de pact. cum similibus.* Dicti ergo Dominus & Domina cum dicto majoris filia suæ marito, ut de bonis suis ultra ea quæ eidem ex dicto pacto antenuptiali dabant, & post decessus suos se relicturos cavebant, & residuis liberè disponere possent, solum ex superabundanti pacti sunt, scilicet vel ut de eisdem residuis bonis suis sibi mutuo eo securiùs providere possent, prout tamen aliàs de jure poterant, ut per *Oldrar. consil. 139.* vel etiam ea occasione, ut dictæ minori filia suæ de eisdem hujusmodi residuis bonis suis dotem constituere & solvere, ne solum filium majorem sic prædilexisse, ut minorem filiam suam neglexisse videretur, assignationem facere possent, prout tamen aliàs de jure liberè poterant, *d. l. si filia. in d. §. si pater. ff. fam. hercis. cum similib. supra in tribus primis consultationis articulis latius adductis.* maximè juxta formam subscriptionis parentum vel liberorum traditam. *in auth. de trien. & semisse. §. quod sapè. collat. 3.* Quæ forma cum per hoc quod majoris filia maritus antenuptiale pactum ipsi minori filia seu illius marito factum in scriptis legitime redactum præsentia sua & cooperatione, ac si-

gilli sui appensione corroboraverit & muniverit, sufficienter servata sit, prout de super circa consultationis articulum proximè sequentem latior fiet deductio: certissimum est, quòd parentes de bonis controversis quamvis de jure locali alicui ex liberis, ut putanatu majori sive primogenito aliqua certæ qualitatis bona, ut sunt feuda ex prærogativa primogenituræ, deberentur, liberè saltem de consensu Domini feudalis vel alio licito modo disponere potuerint: cum tale jus locale intelligatur, nisi parens aliter licitè disposuerit, per ea quæ tradit *Bald. in l. si. col. 2. vers. Sed pone. in quibusdam. C. de pact. & juxta ea quæ idem Bald. dicit in l. quicunque. col. 4. vers. Sed pone statuto caveretur quòd frat. C. de serv. fugit.* Cum tale jus locale non intelligatur parenti liberam voluntatis ultimæ ordinationem vel facultatem per voluntatem ultimam licitè disponendi auferre, ut per *Bald. in d. l. si. in d. vers. sed pone in quibusdam. C. de pact. & idem Bald. in l. i. circa finem. versic. unde dictum statutum. C. de legitim. hered. bene facit text. in l. si avia. C. de donat.* Nam cum jus commune secundum quod liberis in bonis parentum debetur, successio parentibus liberam facultatem de bonis & rebus suis per voluntatem ultimam disponendi non auferat, sed conferret, ut jam satis paruit: multominus jus locale secundum quod liberis certus modus succedendi parentibus comperit, liberam

12

ram ipsis parentibus de rebus & bonis suis per ultimam voluntatem licite & honeste disponendi adimere potest. Et quod dicitur contra jus locale non licere disponere, ut videtur per hoc quod dicit Bart. in l. 2. circa fin. C. ne fideiussor. dotis dentur. Sed hoc intelligitur in prohibitoriis: & loquitur Bart. ibidem de minore contra statuti prohibitionem contrahente, qui prohibitioni statuti non potuit etiam per iuramentum contravenire: eo scilicet quod juri prohibitori non renunciatur; ut ibidem. per gloss. in l. 1. circa fin. & Bart. & Bal. circa eandem gloss. de ipsius ergo majoris filiae seu mariti ejus in & ad dictam antenuptialem conventionem secum initam consensu: quia constat de ipsius in & ad dictam assignationem, quam in ejusdem antenuptialis conventionis consequentiam fieri, ut jam ostensum est, potuisse constat, consensu, etiam quatenus ad illius efficaciam necessarius fuisset similiter & consequenter innotescit. Et per hæc consultationis iste articulus septimus satis absolutus videtur.

CONSULTATIONIS articulus octavus in eo est, An ne filia majoris præfatam maritum, ad subiectam assignationem aliunde adhuc consensisse constet, de & ex eo scilicet, quod ut & tanquam mediator & cooperatores illi antenuptiali pacto præsens interfuerit, & illud in scriptis rite redactum ad illius corroborationem sigilla-

verit, per quod dicta Domina dispoſitrix, & Dominus maritus ejus, dictæ minori filiae suæ, seu dicto domino marito illius bis mille flor. annuos addixit, sic tamen quod quousque uterque vel alter illorum viveret, solum ad quingentos annuos teneretur, sub specie dotis caverant sub tali assignatione, quod si ipsos priusquam eidem minori filiae de hujusmodi duobus mille flor. annuis sufficientem assignationem fecerint, decedere contingeret, quod tunc eadem minor filia, seu illius maritus illa universa bona, quæ à morte quondam Domini Henrici dictæ dispoſitricis patris, hæreditarie successionis jure ad eandem Dominam dispoſitricem & dominum maritum illius fuerunt, & sunt devoluta, auctoritate propria ingredi, occupare & deſructuare poſſent, donec & quousque ipsa major filia seu illius maritus eidem minori filiae seu illius marito de dictis duobus mille flor. annuis assignationem debitam fecerint, & sufficientem, etiam sic quod eadem minor filia de interea inde perceptis nullas rationes vel reliqua ipsi majori filiae seu illius marito reddere teneretur. Jam certum est, quod ex quo dictus majoris filiae maritus hujusmodi antenuptiali conventioni, ut mediator ad illam tractando & cooperando præsens interfuerit, saltem in & ad illam consensisse censeatur, ut plenè per Bart. in l. qui dotis. col. 3. vers.



*procedo ulterius. ff. solut. matr.* Et quia in huiusmodi antenuptialis pacti consequentiam subiecta assignatio etiam fieri potuit: idcirco perinde sicut ipsa maior filia seu illius maritus in & ad idem pactum antenuptiale consensit, etiam in subiectam assignationem quam in consequentiam illius fieri potuisse constat, consensisse censetur: cum certum sit quod ad vel in aliquid consentiens, in omne id quod in consequentiam illius fieri potuit, consensisse censeatur, per text. in l. *quamvis. C. de fideicom. & Bald. ibidem.* ut jam in articulo proximo precedenti patuit. Præterea cum præsens alienationi feudi quod aliàs ad ipsum devolveretur in illius alienationem, sic quòd postea contravenire non posset, consentire videtur ac censetur: in c. *unico. §. præterea. junct. gloss. verbi regressum. quib. mod. seu. amir.* Idcirco quia dicta maior filia seu illius præfatus maritus huiusmodi pacto antenuptiali, in cuius consequentiam ipsi minori filix per dictam Dominam matrem de dictis feudis paternis ejus subiecta assignatio fieri potuit, ut & tanquam mediator præsens interfuerit, in & ad eandem assignationem consensisse constat juribus adhuc jam & supra in proximo precedenti consultationis articulo sufficienter allegatis.

Et eo amplius ipsius majoris filix maritum ad dictum pactum antenuptiale filix minori & illius

marito factum, in cuius consequentiam, ut prædicitur, subiecta assignatio fieri potuit, consensisse constat, eo quòd idem pactum antenuptiale in scriptis redactum ad illius omnimodam corroboracionem sigillaverit: cum rati juris sit quòd cum aliquis quamlibet dispositionem vel contentionem, cui ut mediator præsens interfuerit, ad corroboracionem subscripserit vel sigillaverit, in & ad illam consensisse censeatur. ut in l. *sicur. §. non videtur. ff. quib. mod. pignus vel hypot. solvit. & per text. in §. in authent. de testament. imperfec. collat. 4. & ff. solut. matrim. l. quadam. in princip. & ibidem plenè per Bar. & plenè etiam per eund. Bar. in d. l. quæ dori quæst. pan. & ult. ibid. eodem titulo per Panor. in c. dilecti. vers. nunquid autem. de arbitris.* Nec istud mirum est cum nedum quis sibi præjudicet interessendo contractui vel conventioni per quam res aliqua in spe sine potentia ad ipsum deferenda alienatur vel obligetur. Sed insuper etiam ubi res quæ jam etiam in actu ad ipsum spectat, alienatur vel obligatur. ut in c. *cum nup. in text. & gloss. verb. consentire. de donat. inter vi. & uxo. & ibi. per Panorm. in ult. notab. & 2. ex literis in text. & gloss. verb. non insciebatur. & Panorm. super eisdem de transact.* Et quamvis ipsa domina dispositrix dictam assignationem sine majoris filix suæ seu mariti illius consensu facere aliquatenus non potuisset, prout per ea quæ ad consultationis articulos vi. & vii.

dicta.

dicta sunt, ratissime patet: ipsa tamen major filia seu illius maritus in dictam filiam minoris antenuptialem conventionem, in cuius consequentiam eadem assignatio fieri potuit, consentiendo in & ad eandem assignationem consensisse censetur, etiam in tantum quod si per aliquam priorem conventionem sibi de & super huiusmodi feudorum ad se aliquando in futurum devolendorum, aliquatenus, quod non creditur, pactione qualibet providisset, per hoc tamen quod postea in dictam antenuptialem minoris filiam conventionem, in cuius consequentiam subjectam assignationem fieri potuisse constat, per & propter suas presentiam, cooperationem, sigilli sui appensionem sic consensisse, quod à priori provisione, per quam ut huiusmodi feuda ad ipsam deferrentur recessisse censetur, eo quod ille consensus per quem presentiam, cooperationem & sigillationem suas postea præstitisse censetur, alium quendam tacitum actum, per quem à priori provisione sua recessisset, includere censetur, ut in l. 2. §. sed etiam tacito. & l. quia etiam conventionem. ff. de pact. & per tex. in l. singularia. ff. si cer. peta. & l. 3. §. sed si debitorem. ff. de donat. inter vir & uxor. & l. si consensit. in princ. ff. quib. mod. pignus vel hypo. solvi. ad quod facit etiam text. in l. Lucius, ubi dicitur, quod uxor habens ex præcedenti conventionem hypothecam in bonis viri, si in alienationem rei

in dotem datæ per seu propter presentiam suam consentire videatur & censeatur, hypothecæ suæ in bonis viri renunciasse censetur, eo scilicet quod in consensu qui propter presentiam vel cooperationem alienationi vel obligationi alicujus rei præstare censetur, alius quidem medius actus per quem à priori provisione receditur implicatur, qui sic & adeo occultè & implicite inest, quod non sit necesse illum excipiendo opponi, sed sufficit de illo solum in allegationibus juris commemorare, ut plenè per Bart. in l. qui ita stipulatus. §. qui ita stipulatus. versic. movea tibi unum dubium. ff. de verb. obligat.

SED videtur quod ipsa major filia seu illius maritus ex consensu suo, quem ad dictum antenuptiale minoris filiam pactum propter suam in eodem pacto dum fieret presentiam præstitisse censeretur, sic quod subjecta assignatio in consequentiam illius ad præjudicium suum fieri potuerit, sibi non præjudicasse, attento quod ipsa major filia ac illius maritus ipsis dominæ dispositrici & domino marito illius suis respectivè parentibus & soceris tali conjunctione quæ habet reverentiam conjungebatur: & jam certum est, quod conjunctus conjunctione quæ habet reverentiam, licet alicui actui præjudicativo ei, cui sic conjungitur, præsens interfit, in & ad illum tamen, ad sui præjudicium consensisse non censetur. arg. eorum qui videtur

*detur tradere. Bald. in d. l. quæ dotis. col. 3. versic. procedo ulterius. ff. solut. matrim.* Sed ad ista respondetur, quòd licet conjunctus conjunctione quæ habet reverentiam præsens in aliquo actu conjuncti per solam præsentiam & taciturnitatem ad sui præjudicium consentire non censeatur, si tamen in & ad illum actum conjuncti nedum præsens & tacens, sed ut & tanquam mediator & cooperator interfuerit, in & ad illum ad sui præjudicium consensisse censetur: unde quia ipse majoris filix maritus dicto ipsius minoris filix antenuptiali pacto, nedum præsens, sed ut mediator & cooperator interfuerit, & illud in scriptis ritè & legitime redactum sigilli sui appensione communierit & corroboraverit, in & ad idem pactum antenuptiale, & consequenter in & ad subjectam assignationem, quam in consequentiam illius fieri potuisse constat, consensisse censetur juribus ad hoc supra allegatis.

**JAM** quia dictus majoris filix maritus hujusmodi antenuptiali minoris filix pacto, ut mediator & ad illud cooperando intervenit: idcirco illud nec etiam dictam assignationem, quam in consequentiam illius fieri potuisse constat, aliquatenus impugnare potest; cum certum sit, quòd mediator alicujus conventionis, illam, seu etiam illud quod concomitanter, & in consequentiam illius factum est, fieri potuit, impugnare non

possit. *ar. 1. c. 1. de test. in 6. & notat. in c. ex literis. de transact. & ibid. gloss. & Panorm. super eadem.* De ipsius ergo majoris filix seu mariti ejus in & ad dictam assignationem consensu etiam geminato de & ex istius octavi & septimi articulorum deductione satis & abundè constat.

**PRÆTEREA** quia notorium est, quòd dicta major filia seu maritus illius à dictæ assignationis die, & à morte dominæ dispositricis ad quadriennium, per quod usufructus quem illa sibi & domino marito suo in feudis suis illis paternis minori filix suæ in modum recitatum assignatis reservaverat, durabat, & post eundem usufructum per cessionem domini mariti ultimo superstitis, in minorem filiam seu maritum illius factam, finitum etiam ad annum vel circiter contra subjectam assignationem nihil prætendens vel intentans subtraheret, ab hujusmodi assignationis impugnatione eandem majorem filiam ac maritum illius secludi & removeri constat: attento quòd cum is ad quem feudum aliquod deferendum esset, si illud etiam præter notitiam ejus alienetur, & ad annum postquam talis feudi alienatio ad notitiam ejus deveniret, tacuerit, ab alienatione, contraventione, vel impugnatione removeret & secluditur: *ut in c. unic. §. Titius. si de feudo controvers. sit inter dominum & agnatos vassalli.* unde cum subjecta assigna-

assignatio de ipsius majoris filie seu mariti ejus consensu, etiam ut suprà patuit geminato per dictam dominam de feudis suis paternis facta sit, quæ tamen aliàs citra eorundem majoris filie & mariti ejus consensum fieri potuisset, ex superioribus constat, ac insuper eadem major filia seu maritus illius nondum ad annum, sed longè ultra quadriennium post illam tacerit, ab impugnatione multo magis remouetur. Et per hæc consultationis iste articulus octavus satis absolutus videtur.

CONSULTATIONIS articulus iste nonus est, An propositæ assignationi aliquatenus ob stare possit, quòd non cum designatione sive expressione causæ in vel propter quam facta sit, concepta sit: Respondetur, quòd nò expressio aut etiam non subsistentia causæ, an vel propter quam facta est, illam non vitiet, eo quòd assignatio per parentem de bonis suis inter liberos, vel uni ex illis facta, æquè procedat, sive cum, sive sine causæ subsistentia, vel expressione facta sit: sic tamen quòd si contingeret per parentem aliquam causam exprimi, illa pro causa haberi deberet, & si nullam exprimat, sola voluntas ejus pro causa & ratione esset, seu illa causa tunc pro causa censi deberet, quæ secundum juris rationem esset causa finalis assignationis per parentem factæ, ut per Bald. in l. eam quam col. 2. vers. porro causa finalis est. C. de fideicommiss.

quia cùm in donatione simplici nulla causæ subsistentia, vel expressio requiritur, ut plenè per Dominum Oldrar. *conf. 30. vers. 3. quæritur. & per specul. tit. de feud. §. quoniam super homagiis, vers. 4. quæritur.* multominus in assignatione, quam parens de bonis suis inter liberos suos per voluntatè ultimam etiam inter vivos ordinatam, facit, cùm etiam sola parentis voluntas in illa pro causa sit: l. si filia. §. si pater. ff. famil. hercis. cum similibus. supra in consultationis. art. 2. plenius allegatis. præsertim cùm in simili parentis assignatione interpretatio plenior quàm in simplici inter vivos donatione sit faciendi, c. cùm dilecti. de donat. cùm nihil hominibus magis debeatur, quàm ut voluntatis illorum ultimæ liber sit stylus. l. 1. C. de sacrosanct. eccles. Et quod plus est, quamvis in stipulatione & promissione causæ subsistentis regulariter requiratur, sic quòd aliàs ex stipulatione & promissione, vel alia simili cautione agenti ob staret exceptio: C. de non numer. pesu. l. generaliter. & l. cùm de indeb. §. si. ff. de prob. & l. 2. §. circa. ff. de dol. exceptio. & c. si cautio. de fide inst. & per Specula. & Oldrar. ubi supra. tamen adhuc in hujusmodi promissionibus seu cautionibus causæ expressio non est aliquatenus necessaria, dummodo aliàs legitima causa subsistat, licet cùm per promittentem vel caventem causa aliqua exprimatur, illi de & super illius designatione stetur. d. l. si cautio.

*rio. d. l. generaliter. & d. §. fin. in d. l. cum de indebit.* Cum ergo in istis promissionibus seu cautionibus, in quibus causæ subsistentia de jure requiritur, ipsius causæ subsistentis expressio, vel designatio non sit necessaria, multominus in dicta assignatione ad quam parentis sola voluntas pro sufficiente causa est, sit necessaria. Et per ista consultationis articulus iste nonus sufficienter resolutus videtur.

CONSULTATIONIS articulus decimus iste est, An posito, citra tamen præjudicium, quod ad propositam assignationem ad hoc ut teneret, causæ subsistentia, vel designatio fuisset aliquatenus necessaria, in quam causam deberet tunc potius censi fieri facta, scilicet an potius in causam solutionis duorum mille flor. annuorum, quæ dictæ minori filiæ per ipsam dominam dispositricem & dominum maritum illius ejusdem minoris filiæ patrem & matrem in similitudine & specie dotis pacto antenuptiali cauti erant, seu in xv. quæ eidem minori filiæ de eisdem duobus mille annuis restabant, an verò causam faciendi designationem aliqualem hereditariæ portionis loco: Respondetur, quod quamvis ad hujusmodi assignationem nullius causæ subsistentia, vel etiam designatio fuerit necessaria, quia tamen dictæ duæ causæ ad illam efficaciter concurrunt, una scilicet solvendi præfatos duos mille flor. annuos ipsi mi-

nori filiæ seu illius marito pacto antenuptiali sub specie & similitudine dotis cautos seu dictos xv. flor. annuos de eisdem duobus mille restantes sive residuos, alia scilicet assignandi eidem minori filiæ aliqua in locum hereditariæ portionis, in quarum duarum causarum evacuationem, quatenus subiecta assignatio sufficiat, illas, & utramque illarum penitus evacuare censetur: proinde sicut si debitor aliquis, qui ex pluribus causis obligatur tantundem quantum ex omnibus debet solvendo, omnem causam obligationis evacuat. l. 1. cum 4. l. seq. ff. de solut. cum similibus.

ET quamvis de duabus dictis causis altera scilicet necessitas satisfactionis illorum, quæ minori filiæ seu illius marito pacto antenuptiali in & sub specie dotis pollicitata erant, potior, gravior & potentior videatur, quam altera scilicet eidem minori filiæ de dictis feudis paternis, quæ aliàs de consuetudine locali ad majorem filiam fortè spectassent, hereditariæ portionis loco citra necessitatem subiectam facere assignationem: tamen quia utraque hujusmodi causa ad dictam assignationem concurrir, licet una potius quam altera ad illam fecerit, in utramque & quamlibet hujusmodi causarum facta censetur, l. Fulcinus. §. quid ergo. ff. quib. ex cau. in poss. eat. cum ad duplicationem seu plurificationem causarum duplicatione



plicatio seu plurificatio effectus sequatur, *ff. de verb. oblig. l. scire*. ubi in effectu dicitur, quod si plures summæ sint in causam stipulationis & promissionis, in & ad omnem causam seu summam stipulatione censetur, unde subjectam assignationem in & ad utramque dictam causam censendum est factam, licet ad dictam satisfactionem eorum quæ sub pacto antenuptiali in & sub specie & similitudine dotis pollicitata & cauta erant, tanquam in potiorē & graviorē causam potius & principalius censi facta debeat, attento quod illa quæ sic & in illam causam pollicitata & promissa erant, essent, & sunt necessitate solvenda: *ff. de dotis provi. & C. de dote cauta non nu. per totum*. cum tamen altera præactarum causarum duarum, scilicet ipsi minori filię de dictis feudis paternis hereditariæ portionis loco ullam facere assignationem solum esset voluntaria, cum huiusmodi hereditaria portio sit, ut aliās ab intestato, vel simili modo ipsam minorem filiam contigisset, ad illam liberè potuerit permitti deferri: unde cum illorum quæ dictæ filię minori seu illius marito pacto dotali cauta erant, propter satisfactionis necessitatem causa erat gravior, quàm hereditariæ portionis prætextu, de dictis feudis ullam facere designationem: idcirco subjecta assignatio licet in & ad utramque causam præactam congruè fieri potuerit, tantum ad di-

ctam satisfactionem, tanquam in graviorē causam potius & principalius facta videtur, *art. d. l. i. ff. de solu. cum similibus. & ad ista videtur & sunt eleganter dicta Bald. in l. si quis in gravi. §. fin. ff. ad Sillia. in solutione oppositorum. quas ibidem contra 3. notabile format*. ubi dicit in effectu, quod si duæ causæ ad dispositionem aliquam concurrant, tunc altera earum, quæ potentior est, & aliam obfuscet, tanquam potentior & principalior attendenda est. Et per hæc consultationis iste articulus decimus satis resolutus videtur.

CONSULTATIONIS articulus undecimus, An ultra quondam Domini Philippi Regis terrarum istarum Domini principalis ad subjectam assignationem consensum etiam illorum vassallorum ejus, à quibus aliqua ex dictis feudis retinebatur, fuerit aliquatenus necessarius, præsupposito quod dictæ minori filię assignata feuda partim immediatè à Domino Principe principali domino terræ, & partim à dictis vassallis ejus, & mediatè ab ipso retinebantur: insuper etiam præsupposito, quod ipse Dominus Rex consensum suum ad subjectam assignationem etiam geminatò adhibuerit, Primò ex eo scilicet quod ipsi Domine dispositrici & domino marito illius facultatem de omnibus ipsorum bonis & feudis per voluntatem ultimam ad pios usus sive alio modo disponendi plenam facultatem

concefferit. Secundò, quòd ejusdem Domini Principis ad subjectam assignationem iterum & geminatè adhibitus consensus est, ex eo scilicet quod per conventionem antenuptialem dictæ minori filix & illius marito factam caveatur, quòd quatenus per ipsos Dominam dispositricem & dominum maritum illius eidem minori filix illorum, de & super duobus mille flor. annuis, eidem seu marito illius per conventionem antenuptialem sub specie dotis cauti satisfactio sive sufficiens assignatio facta non fuerit, quòd tunc illorum dicta minor filia, seu maritus illius omnia & singula bona ac feuda ad eosdem, Dominam dispositricem, & dominum maritum illius, à morte quondam Domini Henrici de N. ejusdem Domine dispositricis patris hæreditariæ successione jure delata, etiam scilicet & castra & dominatus realiter ingredi, occupare & de fructuare possit, donec & quousque eidem minori filix de dictis duobus bis mille flor. annuis per ipsam filiam majorem seu ejus maritum debita satisfactio & sufficiens assignatio facta fuerit, quam siquidem ipsi minori filix factam antenuptialem conventionem, in cujus consequentiam ex consensu Principis de dictis feudis fieri potuit: quia idem Dominus Princeps nedum ex certa scientia confirmavit, sed insuper præfatos dominam dispositricem & dominum maritum

ejus ex una, & ejusdem minoris filix mariti Dominum patrem, ex altera partibus in & ad hujusmodi pacti antenuptialis observantiam & impletionem, ad scilicet illorum hinc inde ultraneam requisitionem, & ad regiam condemnationem spontaneam submissionem condemnavit, ex cujus cõdemnationis capite de ipsius Principis dictæ antenuptialis conventionis, in cujus consequentiam subjecta assignatio fieri potuit, & ratificatione, confirmatione & corroboratione, & ejusdem Domini Principis ad eandem assignationem iterato & geminato consensu dilucidè constat.

IS TIS præmissis, ad hunc consultationis articulū undecimum, Respondetur, quòd ipsius Principis, in & ad subjectam assignationem prænarratus iste geminatus consensus sufficit, etiam citra consensum vasallorum ejus, à quibus aliqua de dictis feudis retinentur, ut per Bald. in l. si permittente. C. ad Macedo. & art. in gloss. in constit. imper. in §. illud quoque præcipimus. in gloss. verbi, nisi requisitus de prohibet. alien. feud. per Freder. & hoc ex eo, quia apud Principem terræ jus principale feudi residet, & ab eo in vasallos ejus emanat, & longa consuetudine derivat. ut in c. 1. in princ. de iis quæ feud. dare poss. junct. glo. verbi, si antiquitus. & in rubro & nigro in fin. princip. Episcopum vel Abbatem vel dominum plebū feud. dar. poss. Cùm ergo ultra dictam facultatem de feudis



feudis per ultimam voluntatem seu ad pios usus, siue alio modo liberè disponendi Domine dispositrici, & marito illius concessam, ipse Dominus Princeps etiam dictum pactum antenuptiale majori filie factum modis jam dictis confirmavit & corroboravit, & ad illius observantiam ipsorum minoris filie & mariti ejus hinc inde parentes etiam in vim ultraneæ requisitionis & spontaneæ submissionis condemnavit, & in ejusdem pacti antenuptialis sic corroborati consequentiam subjecta assignatio fieri potuit, debet eadem assignatio ejusdem antenuptialis pacti tam efficaciter roborati & confirmati fieri potuit, recta censei, ut per Bart. in l. post legatum. ff. quibus, ut indignis. & ar. in l. 2. C. de l. & con. c. ult. de confirmatione utili vel inutili, quasi & perinde per ipsum Principem facta esset, ut per Ludovicum de Rom. consil. 28. incip. In Christi nomine quoad de quo queritur. Et si dicatur, quod dicta Domina dispositrix de illis feudis, quæ à certis quibusdam principalis domini terræ vasallis retinentur, ejusdem principalis domini terræ vasalla non fuerit, & quod idcirco per dictum Principem consensum de eisdem feudis dictam assignationem facere non potuerit, eo quod videatur quod principale jus hujusmodi feudorum non apud ipsum principalem dominum terræ, sed apud vasallos illius resideat, ut in simili de em-

phyteute patet, qui ad disponendum de jure emphyteutico debet requirere consensum primi domini, à quo ipsius emphyteusis concessio originaliter emanavit, per gloss. in l. fin. C. de jure emphyteut. ibi item si primus emphyteuta, & per Specul. de locato. §. nunc antiqua. vers. 126. & hoc ideo quia apud primum dominum, tanquam primum & principalem emphyteusis concessorem jus principale resideat: quod non sic videtur in principali domino terræ, à quo feudi concessio originaliter non emanavit: vasallus enim vasallorum Principis terræ, non videtur vasallus Principis, à quo feudi originalis concessio non processit; vasallus enim vasalli mei non est meus vasallus, ut nonat gloss. in l. Modestinus. ff. de verbor. sign. & Specul. de feud. §. quoniam. vers. 14. Ad illa respondetur, quod non obstant, quia licet vasallus vasalli mei, qui privatus sum, non sit meus vasallus, nisi feudi concessio à me originaliter emanaverit, sicut jam in oppositione de hypotheca dictum est: tamen vasalli vasallorum Principis sunt etiam vasalli Principis, saltem mediati, eo quod ab ipso Principe terræ jus infeudandi in vasallos ejus immediatos derivat & emanat, c. unico. in princip. de iis qui feud. dare poss. & in rub. junct. nigro. in princ. episcopum vel abbatem, cum similibus supra in princip. articulo istius allegatis. licet feudum quod à vasallis Principis terræ recognoscatur, ab eo

originaliter concessum non fuerit: propter enim generalem jurisdictionem quam Princeps terræ in tota terra habet & exercet etiam illorum feudorum, quæ à vassallis ejus recognoscuntur, censeatur dominus; cum apud illum jus principale infeudandi, tanquam aliquid regulare residueat, ut tradit Bald. in l. i. in fin. de feudis singularibus regni Apulia. unde legi consensus ejus etiam ad disponendum de feudis, quæ à vassallis ejus recipiuntur, sufficere debet. eorum, quæ tradit idem Bald. in d. l. si permittente. ad fin. C. ad Maced. & per hoc quod idem Bald. tradit in addit. speculi. versic. vassallus vassalli cum similibus supra eod. art. ad hac alleg. Ad quod fortis ratio militat, quod vassallus vassalli requisitus à Principe, & à vassallo ejus magis tenetur obedire & subvenire Principi terræ mediato domino suo quam vassallo ejus, immediato domino suo, ut per Specul. in d. §. quoniam. vers. 16. queritur. & per Bald. in addit. specul. in tit. de feud. vers. vassallus vassalli cum vers. seq. Sed ex capite isto ex adverso quidquam prætere tendere impertinens esset; cum istud potius dominos feudales vassallos Principis, quam partem adversam concernat & contingat, ut per Oldrar. consil. 139. vers. 6. queritur. Prætereà cum fundi de sui natura & origine ad nulla feudalia servitia, vel alias servitutes, sed solum ex destinatione hominum obligentur, l. ut in principali. C. de servitutib. & l. si quis duas. ff. com-

munia pradior. vel etiam feudalis fuerit: de iis qui feuda dare possent. §. quia. Ideo quia Principem terræ de illis antequam subditorum ejus conventionem ad servitia seu homagia obligarentur ex præminencia ipsius generali & jurisdictione quam in tota terra exercet, illis & talibus, qui fortè occasione aliqua de rebus suis disponere prohibetur, facultatem liberè de illis disponendi indulgere posse constet: & certum est, quod hac auctoritate de & ex eo quod quivis subditus ejus fundos antiquos certis privatis pactis in feudum det, vel in feudum recipiat, privari non possit; cum alteri per alterum iniqua conditio afferri nõ debeat, ff. de reg. jur. l. non debet. & quod cuiusque est, sine facto suo ab eo in alterum non transeat: l. id quod nostrum eo titulo. nam cum pactum inter privatos initum alteri non præjudicet; C. res inter alios, ac per totum. multominus pactis subditorum jus Principis quod de publico procedit, Inst. de jure na. gen. & civi. §. sed & quod princ. in fine. ab eo tolli potest. l. jus publicum. & l. inter debitorem. ff. de pact. Et demum quatenus Principis terræ etiam geminatus dictus consensus ad dictam assignationem, quo ad feuda à vassallis ejus recognita non sufficeret; sed hujusmodi vassallorum ejus consensus insuper quo ad feuda ab illis recognita ad eandem assignationem aliquatenus necessarius esset, quod non creditur: tamen adhuc.

adhuc de illorum ad eandem assignationem consensu per hoc quod ipsam minorem filiam de feudis illi modo narrato assignatis, & quæ ab eisdem vassallis Principis in feudum tenentur, publicè & solenniter investiverunt; palam est & constat quòd omnis cavillatio, quæ ex capite isto moliri possit, penitus præclusa est. Et per hæc consultationis articulus iste undecimus expeditus videtur.

CONSULTATIONIS articulus duodecimus, An subiectæ assignationi quo ad illa feuda, quæ à vassallis Principis terræ recipiuntur, quatenus illorum consensus ad illam aliquatenus necessarius fuisset, ob stare posset, quòd eorundem vassallorum consensus ad illam ipsam minorem filiam investiendo & infeudando solum ipso facto præstitus sit: Respondetur quòd ad dictæ assignationis justificationem tunc adhuc sufficeret quòd ipsi vassalli Principis in & ad illam ipsi minori filię investituram de feudis illi assignatis, ejusdem assignationis intuitu faciendo ipso facto consenserunt, cum non referat consensum domini in & ad feudi dispositionem expressè, antacitè præstari, ut per gloss. in verbo *permissionem. in c. 1. de prohib. feud. alie. per Lota.* sive etiam ante sive post dispositionem sive alienationem per dominum præstetur etiam de notoria consuetudine locali: quia licet ubi auctoritas vel licentia ad dispositionem aliquam requiritur,

illa dispositionem præcedere debet: tamen ubi consensus alterius ad dispositionem requiritur, sufficit illum vel ante vel post dispositionem præstari, nec est necesse illum ipsam dispositionem præcedere vel illi intervenire, ut per Bar. in l. si autem plures. ff. de aq. plu. ar. Et, quod plus est, quamvis subiecta assignatio quo ad feuda quæ à vassallis Principis recipiuntur, in præmemorati indulti vim non procederet, tamen per consensum quem idem vassalli Principis ad illam ipsam minorem filiam de eisdem feudis à se recognitis investiendo præstiterunt, penitus validaretur: cum ut jam prædicitur, certum sit, quòd consensus alterius ad actum aliquem jure aliquo requisitus, licet ex post præstetur, actum tamen convalidat, ut notanter tradit Panorm. in c. cura notabili 3. de jure pater. & per Barr. in d. l. si autem plures. Sed cum ad subiectam assignationem hujusmodi Principis consensus solus suffecerit, ut in præcedentis articuli resolutione jam patuit de & ex hujusmodi vassallorum Principis prædicto consensu ipso facto adhibito cum Principis consensu, ac ipsa etiam consuetudine generali feudorum scripta, in super & locali concurrente, subiecta assignatio efficaciter procedat, ac illam funiculo triplici quæ difficilè rumpitur, ut de treng. & pac. c. 1. super abundè constat stabilitam. Et per ista consultationis iste articulus 12. sufficienter deductus videtur.

CONSULTATIONIS articulus decimus tertius est, An ipsi minori filix aliquatenus ob stare possit, quòd de feudis sibi per Dominam dispositricem matrem suam in modum supernatratum assignatis, demum post ejusdem genitricis suæ decessum investita sit: & an ex eo, quòd ipsa Domina dispositrix ante ejusdem minoris filix suæ investituram decessit, ipsius Domine dispositricis filix majori in & ad eadem feuda quæ citra hujusmodi assignatione ipsi minori filix de illis factam, ad illam de cõsuetudine locali delata fuissent, jus aliquod quæsitum sit: Respondetur, quòd ipsi minori filix hoc, quòd post Domine genitricis suæ decessum de feudis sibi per illam assignatis investita sit, non obstat: quia quamvis in assignatis per parentem inter liberos vel uni ex illis voluntatem ejus sequi oporteat, *l. si cogitatione. C. famil. hercis. cum similibus. ad hoc in superioribus allegatis.* tamen in ita assignatis per parentem voluntatem ejus sequi, non nisi post ejus decessum possibile est, cum voluntatis suæ ultimæ dispositionem usque ad supremæ viræ exitum semper & liberè mutare possit, *l. quod si iterum. in fi. ff. de adimend. lega. cum similibus.* sic quòd illa solum & demum per mortem illius irrevocabiliter confirmetur, *c. cum morte. §. ceterum. versic. novissimè. de celebr. missa. c. cum Matthea.* constat quòd in talibus parentis assignationibus voluntatem ejus

ultimam demum post decessum illius possibile est sequi, quare ipsi minori filix, quòd post Domine genitricis suæ decessum de dictis feudis sibi per illam modo præ narrato assignatis investita sit, ob stare non potest: præsertim diutina illius investitura priore attempta, de qua infra ad consultationis articulum tertium circa possessionis ejus justificationem deductum dicitur. Et si dicatur, quòd ex isto sequeretur, quòd per subjectam assignationem cum usufructus retentione factam res assignatas solum in pendenti esse translatas, quod videtur non posse stare: *ut in l. fin. C. communia pradio.* Respondetur, quòd licet dispositio voluntatis ultimæ per quam *res aliqua* alicui assignatur, non possit esse, in pendenti tamen domini translatio quæ per eam fit, bene potest esse in pendenti tam scilicet quoad dominium in pendenti transferendum, ut per gloss. *verb. defunctor. in d. l. fin. ad fin.* quàm etiam quo ad domini translati revocationem, *ut in l. 2. ff. de don. cau. mor.* Ibi ut statim fiat accipientis, *junct. gloss. ibid. in verbo accipientis.* cum tamen per donationem causa mortis donatum per voluntatem ultimam doneatur: cum donatio causa mortis voluntatis ultimæ species sit, ut per text. gloss. & Doctor. *in l. tam u. §. filius familias. ff. de donatio. causa mortis.*

Et præterea ex hoc, quòd ipsa minor filia de dictis sibi assignatis feudis

feudis demum post genitricis suæ decessum investita seu infeudata sit, ipsi majori filiae in seu ad eadem feuda jus aliquod quomodocunque non potest esse quæsitum: quia cum parentis voluntatem ultimam inter liberos sequi oporteat, ut in superioribus patet, ipsa domina dispositrix subjectam assignationem de feudis suis de consensu Principis faciendo, & de eisdem feudis suis ipsam minorem filiam suam à dominis feudalibus sibi & domino marito suo usufructu in illis reservato, investire, petendo utile eorundem feudorum dominium & possessionem civilem, saltem utilem in & ad ipsam eandem minorem filiam transtulit, *l. quisquis. C. de donat. cum similib. ad hoc in superiorib. sæpius allegat.* validè patet, quòd eo prætextu quòd dicta minor filia in ipsa hujusmodi feuda demum post ipsius Domine genitricis suæ decessum investita fuerit, ipsi filiae majori jus nullum in & ad eadem feuda aliquatenus possit esse quæsitum, nec quo ad proprietatem & civilem possessionem, quas per dictam assignationem cum usufructus retentione factam in & ad minorem filiam jure manifestò constat esse translatas, nec etiam quoad actua-  
lem possessionem quam per retentum usufructum sibi & marito suo Domina dispositrix retinebat, cum usufructuarius naturaliter dicatur possidere, *l. naturaliter. in princ. ff. de acquir. poss.* quam liqui-

dem naturalem possessionem, non per transmissionem, sed solum per apprehensionem legitimam acquiri constat. *l. cum heredes. in princip. ibidem eo tit. cum similib.*

Nec econtrà hoc obstat hoc vulgare civitatis Bituricensis partium Franciæ, scilicet *le mort saisi le vis*: quia licet ex eo quòd dicta minor filia de dictis feudis per dictam Dominam matrem suam sibi in modum quo supra assignatis demum post ejusdem matris suæ decessum investita fuerit, ipsi majori filiae, ad quam hujusmodi feuda sic minori filiae assignata aliàs de consuetudine locali delata fuissent, tamen ex dicta consuetudine nullam possessionis continuationem obtinuisse: quia hoc consuetudinarium Bituricense solum de consuetudine civitatis Bituricensis procedit, quæ tamen quatenus etiam omninò talis esset, quòd in loco suo juri communi præjudicare posset, tamen extrinsecum locum effectum talem fortiri non posset: cum ad consuetudines locales civitatum aliorum regnorum non recurratur, nisi quatenus in & super casu occurrenti jus commune vel consuetudo propriæ terræ nihil disponat, ut notat Panorm. in cap. cum olim. versic. in gloss. in verbo illam. de consuetudine. unde cum in casu subjectæ assignationis & jus commune & consuetudo tam generalis feudorum scripta quàm localis sufficienter & plenè disponant, ut in superioribus

bus planè deductum est, palam patet, quòd desuper hinc à Germania ad dictæ civitatis Bituricensis, quæ longè ac in intimis Regni Franciæ constituta est, consuetudinem non sit recurrendum. Notorii utique juris est, nullam à defuncto in hæredem possessionem continuari, d. l. *cum hæredes. ff. de acquir. poss.* sive hæres sit ex testamento hæres, sive etiam ab intestato, ut *ibidem in l. qui univers.* quod per colonum, quæ cum generaliter loquatur, debet generaliter tam in hærede ex testamento, quàm ab intestato intelligi; cum ubi lex non distinguat, nec homo distinguere debet, illa autem jura per quæ videtur possessionem à defuncto in hæredem continuari, ut est text. in l. *cum miles. ff. de minoribus cum similibus*, intelliguntur solum de continuatione possessionis ad complendam ulucapionem per defunctum inceptam, ut *ibid. per gloss. & Bart. & juribus ibidem. ad hoc alleg.* non ergo obstat illud vulgare, *le mort saisit le vif*, ut jam prædictum est.

Ex eo ergo capite quòd ipsa minor filia in dictis feudis per dominam matrem suam sibi in modum quo supra assignatis, post ejusdem matris suæ decessum investita sit, eidem minori filiæ nihil præjudicatum, & filiæ majori nihil juris quæsitum esse constat. Et per hæc consultationis iste articulus decimus tertius satis videtur determinatus.

CONSULTATIONIS articulus decimus quartus, An subjectæ assignationi aliquatenus obstat, si in dictam minorem filiam absentem, ut ex adverso asseritur, facta esset: Respondetur, quòd licet hujusmodi assignatio in ipsam minorem filiam absentem, ut ex adverso prætenditur, facta esset, quòd tamen ratissimo jure teneret, ex eo scilicet quòd sit dispositio voluntatis ultimæ, seu vim voluntatis ultimæ habens censenda, ideoque ipsius minoris filiæ præsentiam ad illam non fuisse necessariam constat. *ff. de legat. 2. l. cum præter. §. donationis.* Et si dicatur quòd hujusmodi assignatio videtur non esse aliud quàm quædam inter vivos saltem mortis causa donatio, quæ neutro casu sine donatariæ præsentia, vel acceptatione per alium nomine ipsius facta videtur tenere, scilicet nec ut donatio inter vivos, ut per gloss. in l. *illud. in verb. alia causa. C. de sacros. eccles.* nisi saltem à traditione incœpisset, ut per text. & gloss. in l. *nec ambigi. C. de donat. & per l. absent. ff. de donat. per Paul. de Castr. in l. 1. §. fin. versic. 2. divisio est. & l. 2. vers. in text. ff. de pac. quod in d. l. *illud. col. 2. vers. ult. allegatur sortius.* decidit dicens, quòd etiam ad pias causas absenti facta non teneret, nemine pro donatario illam recipiente, etiam si mille testes interfuissent, nisi aliquis illorum illam pro donatario reciperet, & ipse donatarius ratum haberet: & dicit ibidem*

dem se vidisse donationem quandam judicari non tenere, ubi tamen in instrumento donationis continebatur, quòd talis donavit tali, ex eo scilicet quòd non dicebatur præsenti & recipienti, cum de præsencia non apparebat, & præsencia, tanquam in facto consistens non præsimebatur. *l. quacunque. ff. de publicia. in rem actio.* Subiecta insuper assignatio, etiam quatenus esset donatio causa mortis, videtur etiam tanquam in absentem facta non tenere, eo quòd etiam in donatione causa mortis præsencia donatarii requiratur. *l. inter mor. ff. de donat. causa mor.* Ad ista responderetur, quòd licet in donatione simplici inter vivos, vel causa mortis præsencia donatarii, vel acceptatio nomine ejus facta regulariter requiratur, non tamen in casu proposito: quia cum subiecta assignatio sit dispositio voluntatis ultimæ, seu vim voluntatis ultimæ habens, ut abundè deductum est, & in dispositione tali præsencia illius, cui aliquid datur vel relinquitur, minimè sit necessaria, *l. unum. §. penult. & ult. & l. miles. in princip. & l. cum ipse. §. donata. ff. de leg. 2.* subiectam assignationem quam ultimæ voluntatis dispositionem seu vim voluntatis ultimæ habentem constat, præassignata minoris filix absentia non vitari. Et præterea posito, citra tamen præjudicium, quòd subiecta assignatio mera inter vivos donatio esset, etiam vim volunta-

tis ultimæ non habens, adhuc tamen propter donatariæ absentiam non vitaretur: quia ex quo cum usufructus retentione facta sit, & sic à traditione eam incepisse constat, *d. l. quisquis. C. de donat.* cum certum est, donationem inter vivos quæ à traditione incipit, etiam absenti fieri posse, per text. juncta gloss. in *d. l. nec ambigi. C. de donat.* Subiectam ergo assignationem sive voluntatis ultimæ dispositio, sive inter vivos donatio vim voluntatis ultimæ habens, sive etiam simpliciter mera & simplex inter vivos donatio censeatur, præassertæ absentix prætextu cavillari non posse constat. Et per ista consultationis articulus quartus decimus expeditus est, & de jure proprietatis sufficiat.

*Sequitur deductio & justificatio possessionis, quam ipsa filia minor in feuda sua per Dominam matrem suam cum usufructus reservatione sibi resignata, ut de illis investiretur, resutata, legitime adeptæ est.*

ET primus circa istam minoris filix possessionem articulus iste est, An per subiectam assignationem usufructu retento de feudis, unde quæstio ipsi minori filix factam eidem minori filix ultra utile dominium, quod per eandem assignationem, ad ipsam seu maritum illius translatum sit, etiam eorundem feudorū possessio ad illam sit translata: Respon-

Ppppp detur,



detur, quòd per propositam assignationem nedum dominium hujusmodi feudorù utile in ipsam minorem filiam est translatum, sed insuper eorundem feudorum translata sive tradita censetur possessio, per text. gloss. & Doctor. universos scribentes in *l. quisquis. C. de donat. & l. quod verè. juncta gloss. l. ff. de acq. poss.*

Et si dicatur, quòd per alienationem quantumcunque cum usufructus retentione factam possessio, nisi in re franca seu allodiali non transferatur, & non in re feudali sive emphyteutica per Guido Papæ in *decisionibus suis decis. 46.* Respondetur, quòd ibidem non absolute & simpliciter dicitur, quòd per alienationem rei feudalis, vel emphyteuticæ cum usufructus retentione factam, dominium utile & possessio non transferantur, sed quòd non nisi de consensu domini transferantur, quando usufructu reservato alienantur, unde cum dictam assignationem de dictis feudis de consensu Principis tam quoad feuda, quæ ab illo tenentur, quam insuper de aliorum dominiorum feudalium à quibus nonnulla ex eisdem feudis immediate recognoscuntur, consensu per investituram ipso facto præstito factam constat, palam innotebit quòd per eandem ultra dominium utile, quòd per illam in ipsam minorem filiam translata sit: sic quòd sicut de jure communi cum res franca cum usufructus

retentione alienatur, ultra dominium etiam possessio civilis transfertur: ita etiam cum feudum cum usufructus retentione alienatur: cum ubi jus feudorum de casu aliquo occurrenti specialiter non disponit jus commune, etiam in feudis locum habet, sic quòd tunc casus in feudis occurrentes jure communi deciduntur, ut per text. & Bald. in *c. unico. in fin. princip. de feud. cognit.* Et sic per dictam assignationem, de dictis feudis cum usufructus retentione factam ultra hujusmodi feudorum dominium utile etiam possessio civilis in ipsam filiam minorem conditione utili ex *d. l. quisquis. C. de donat.* tradita & translata est; sic quòd saltem à tempore quo eadem minor filia seu maritus ejus in & ad dicta feuda investita est, utile eorum feudorum dominium, & possessio in illam seu maritum illius fuerunt & sunt translata. *d. l. quisquis. junct. dicta decisione 46.*

Nec curatur, quòd traditio per quam possessio ex dicta assignatione usufructu retento facta, in ipsam filiam minorem translata est, sit solum ficta traditio, ut per gloss. & Doctor. in *d. l. quisquis.* quia possessio quæ per fictam seu interpretatam traditionem transfertur, est vera possessio, ut per Barr. in *l. ab emptione circa fin. ibi ult. advertas. ff. de pact. & per eundem Barr. in l. si is qui. pro emptore. in 7. & ult. quest. ibi. nam licet traditio sit facta possessio, tamen est vera. ff. de usurp. & usuc.*

E T

ET si dicatur, quòd in feudis utile dominium & possessio per quamcunque alienationem cum usufructus reservatione factam exhieta seu interpretata traditione non transferantur: & quòd sic ex dicta assignatione per usufructus reservationem ex traditione fieta siue interpretata, dictorum feudorum nulla possessio translata videtur, ut videtur dicere Bald. in l. ea. l. in princ. versic. 3. præjunct. C. de cond. ob caus. Sed respondetur, quòd istud dictum Bald. non obstat, eo quòd de contrario contractu feudali per quem feudum de novo creatur seu constituitur loquatur, & intendit quòd per talem contractum possessio sine vera traditione non transferatur; & minimè loquitur vel intendit, quòd feudatarius feudum jam dudum constitutum cum usufructus retentione licitè alienans possessionem non transferat, sed aptius & innuit & præsupponit per alienationem feudi jam dudum constituti cum usufructus retentione factam ultra utile dominium, etiam possessionem transferri: *per ea que tradit in c. unico. circa principium, quid sit investitura.* dum ibidem oppositionem formet contra dicta sua, & ea quæ in text. deciduntur, scilicet quòd per contractum feudalem, per quem aliquid in feudum novum conceditur per retentionem proprietatis ac investituram propriam extra fundum factam ultra utile dominium, etiam pos-

sessionem videri transferri, sicut per aliam alienationem, cum usufructus reservatione factam, ultra utile dominium, etiam possessio transfertur. Et cum Bald. ubi supra, contra istud dictum formet oppositionem quam solvit, ut ibidem patet: idcirco palam constat, quòd in ejusdem oppositionis formatione pro constanti præsupponitur: prout etiam innuit in alienatione feudi jam dudum constituti usufructu reservato, facta, ultra utile dominium, etiam possessionem transferri. Et insuper ad hanc oppositionem respondens dicit per feudi de novo factam concessionem ex proprietatis reservatione ultra utile dominium etiam possessionem non sic transferri, sicut per aliam alienationem cum usufructus reservatione factam: & hoc ex eo, ut dicit ibidem, ex proprietatis reservatione, sine vera traditione non sic transfertur possessio, sicut in casu converso, per scilicet proprietatis translationem & usufructus reservationem per solam fieta traditionem transfertur possessio, eo quòd proprietatem transferens, & usumfructum reservans videatur, sic constituere pro illo ac illius nomine in quem proprietatem transfert possidere, ut per eund. Bald. ibid. eo quòd usufructuarius inter illos, qui alieno nomine possident adnumeretur, per gloss. in l. si conduct. C. loca. & per text. in l. certe. §. is qui. ff. praca. Et sic dicendum istud

Bald. non obstat, sed ex illo potius patet, quòd ubi feudum usufructu retento licitè alienatur ultra utile dominium, etiam possessio transferatur. Et subiecta ergo assignatione cum usufructus reservatione de còsensu Principis ac aliunde licitè facta ultra utile dominium, etiam possessio in dictam filiam minorem, cui facta est, censetur, & est talis translata.

SI adhuc dicatur, quòd per dictam assignationem cum usufructus retentione factam nulla etiam possessio civilis à matre in ipsam filiam minorem potest esse translata, cum talem in dictis assignatis feudis ipsa Domina assignatrix nò habuerit, cum eadem feuda solum naturaliter & Dominus feudaliter civiliter possidebat, ut per Specul. de primo & secundo decreto. §. restat. versic. quid si feudataria & versic. seq. Respondetur, quòd non obstat, eo quòd alienans vel relinquens, usufructu reservato, si non directum, sed solum utile dominium rei, & non civilem, sed solum naturalem possessionem haberet ultra utile dominium, etiam possessionem naturalem transfert. Sicut enim quando res quæ est in dominio directo alienantis, retento usufructu, alienatur ultra directum dominium, seu proprietatem directam etiam possessio civilis conditione directa: ex d. l. quisquis transfertur. Ita ubi res cuius ipse alienator non directum, sed solum utile haberet dominiũ, ac non civilem,

sed solum naturalem haberet possessionem cum usufructus reservatione, alienatur cum utili dominio, ac ultra illud etiam naturalis possessio conditione utili: ex d. l. quisquis transfertur. quia cum ubi res ab aliquo naturaliter tantum possessa ab alio civiliter possideatur, si is qui illam naturaliter tamen possidet, alterum ministerio suo ejusdem rei possessorem facit, naturalem possessionem in illum transfert. Si autem res ab alio naturaliter tantum possideatur, & à se civiliter tantum & alterum ministerio suo possessorem in illa faciat civilem in illum transfert, ut per Bartholum in l. quod meo. in prin. q. panul. in fin. & q. ult. & in l. interdum. in §. qui alienam. in duob. illis questionibus quas ibidem format. ff. de acq. poss. & bene facit gloss. 1. in d. l. si quis conduct. C. loca. Per subiectam ergo assignationem cum usufructus reservatione factam & utile ipsorum feudorum dominium ac ultra illud etiam civilem possessionem in & ad ipsam minorem filiam notorio jure còstat esse translata. Et per hæc consultationis ad possessorii justificationem articulus hic primus sufficienter resolutus videtur.

SECUNDUS ad possessorii justificationem consultationis articulus hic est, An scilicet illa possessio civilis, seu saltem utilis civilis per subiectam assignationem cum usufructus reservatione factam, ad ipsam minorem filiam translata

ejus

ejusdem minoris filie possessionem naturalem seu actualem subsecutam ab omni vitio clandestini præmuniat, & salvam & immunem præservet. Ad quod pro constanti responderetur, quòd hujusmodi civilis possessio, ad ipsam minorem filiam per subjectam assignationem translata, illius possessionem naturalem subsecutam ab omni vitio clandestini & violentie penitus immunem præservet, ut per Bart. in l. creditores. in 2. lectu. sub tract. 4. q. princ. vers. sed an à vitio clandestini. præsertim etiam cõsiderata illa licentia ingrediendi nedum illa assignata feuda, sed insuper universa bona ad ipsam Dominam assignatricem à morte Domini Henrici de Naeldwyck patris ejus delata, ut per Bart. in d. l. creditores. in tract. 2. q. princ. vers. juxta prædicta quero. an alius contrariis. de qua siquidem ingrediendi licentia supra in consultationis articulo undecimo memoratum est. Et hæc civilis possessio, eo quòd subjecta assignatio per voluntatem ultimam, ut plenè in superioribus tractatum est, facta sit, possessionem naturalem subsecutam à vitio violentie & clandestini, eo fortius præmunivit, eo quòd id quod per voluntatem ultimam relinquitur recta via in dominium ejus, cui relinquitur, transfertur, ut per Bart. in d. 4. questio. princip. in princ. & per jura quæ ibidem ad hoc allegat. Et vigore possessionis civilis naturalis, seu actualis liberè apprehendi potest, ut per Bart. in d. quest.

4. princ. vers. & prædict. & per Panormi. in c. cum venissent notab. 3. de restit. spol. attento quòd possessionem civilem habens, naturalem ingrediendo non possessionem de novo acquirere, sed potius continuare censeatur: cum possessio naturalis sit accessoria ad civilem, ut per Panorm. ibidem versiculo ultimo. potest colligi, unde ipsa minor filia feuda sibi modo prænarrato cum usufructus reservatione assignata eodem usufructu quo ad Dominam matrem morte, & quo ad Dominum patrem ejus per remissionem & per consolidationem finito, sine violentia & clandestini aliquo scrupulo ingredi & illorum possessionem naturalem seu actualem apprehendere securè poterat. Et per hæc consultationis articulus iste secundus, ad possessionis justificationem inductus, satis absolutus videtur.

CONSULTATIONIS ad possessionis justificationem articulus iste tertius est, An possessio civilis, quam ipsa minor filia per subjectam assignationem cum usufructus reservatione factam, in ipsa feuda sibi assignata ab ejusdem assignationis tempore, quæ quidem assignationis seu refutationis, ut de eisdem feudis investiretur, vigore & prætextu obtinendo adepta est præassignatam possessionem actualem, quam ipsa filia major de eisdem feudis postea se apprehēdit prætendit, efficiat, & censeri faciat

Ppppp 3 vitio

vitiosam & vitio clandestini invalidatam ad hoc pro rato & explorato: Respondetur, quòd ipsius filiae minoris hujusmodi possessio civilis tanquam ipsius majoris filiae prehensa possessione actuali tempore longè prior illam constituit & censeri facit vitiosam: quia cum tempore sit longè prior cum à dictae assignationis tempore & momento in & ad ipsam filiam minorem sit & fuit translata, & per ipsam investituram statim subsecutam valde corroborata: idcirco quia ipsa minor filia post hujusmodi assignationem ac in vim illius statim subsecutam investituram ad quadriennium, vel circiter, quo ususfructus in subjecta assignatione reservatus, per consolidationem, ut in praecedenti consultationis articulo dictum est, finitus fuit, ipsa minor filia hujusmodi possessionem civilem ex dicta statim subsecuta investitura corroboratam semper habuit & continuavit: Et ipsa major filia post dictum ususfructum, post ipsam filiae minoris inchoatam possessionem civilem demum ad quadriennium, vel circiter modo praedicto finitum in dicta ipsi minori filiae assignata feuda se ingressam praetendit, ipsius filiae minoris dictam possessionem civilem & per subsecutam infeudationem corroboratam longè quàm filiae majoris praesignatam possessionem actualem tempore palam constat vitiosam, cum clam qui

feudum quem alter tempore prius civiliter possidet, cum turbatione prius civiliter possidentis, ad possidendum ingreditur, certum est, & notorium sit vitiosè ingredi & possidere. Nam cum vacuum possessionem sua auctoritate usurpans pro praedone censeatur, per text. in l. *suu. C. unde vi.* multo magis possessionem ab altero civiliter & justè occupatam invadens pro vitioso & temerario usurpatore & in punishmentem l. *si quis intantam. C. eod. tit.* recurrere censendus videtur, ut ibidem dicitur, cum aliunde saltem justè & civiliter possessa ingrediens temerè occupare dicatur. ut in c. *licet. §. ex praemissis. versic. cum ergo constet. de probat. 10. An. ibid. in 6. col. in verb. temeritate. & ibidem superabundè per Dominum Panorm. in notabili decimo.* Adèd quòd tam ille sic civiliter occupatam possessionem temerans & usurpans, quàm ille in quem sic & taliter usurpatam & temeritatam possessionem transfert ab eo, qui prius civiliter possidebat, clam possidere còstet, ut per Bart. in d. l. *si duo. vers. quaro, & gloss. ad versic. quaro quid si ille, qui possidebat à me clam, &c. ff. uti poss. & eandem Bart. ibidem in versiculo. circa princip. hujus legit. ibi idem si unus possidet justè. & alius injustè.* Et per Guidonem Papam in decisionibus suis decis. 112. Et quidem propter usurpatam & temerariae possessionis violentiae vitium in correptionem l. *si quis intantam. C. unde vi. ubi supra.* non sine formidinis scrupulo ex adverso vendum

rendum videtur. Quia ergo ipsius minoris filie præmemorata possessionem civilem tempore constat esse priorem: idcirco ipsius majoris filie prehensam actualē possessionem longē posteriorem constat esse vitiosam.

SECUNDO, possessionē ipsius filie minoris potiorē, ex eo capite constat, quod ubi pares sunt, unus in titulo aliquo prior, alter posterior; si posterior in titulo prius fiat traditio titulum prius habenti præfertur: *l. quotiens. C. de rei vend.* cum jam ipsa minor filia titulum, quem traditio comitatur, haberet; ipsa autem major filia nullum nec etiam posteriorem titulum aut etiam traditionem habeat; assignatam possessionem illius soli turbationis facto spoliationis constat inniti: & cum minoris filie civilem possessionem & iustius titulus quem ejusdē possessionis traditio comitatur, ut jam dictum est, prior in super investitura corroborat: palam est possessionem, sic per priorem investituram & titulum justificatam ipsius majoris filie possessionem soli apprehensionis turbativo facto innitentem vitiosam censi facere, ut per Panorm. in *d. c. licet. in decimo notab. cum similibus ad hoc allegatis*, & correptioni *d. l. si quis in tantam. C. unde vi.* faciat subjacere.

TERTIO insuper ipsius minoris filie civilis possessio quam præassignata majoris filie possessio actualis potior est, ex eo scilicet

quod ex potiori titulo jure & fundamento, ex scilicet subjecta assignatione causa ususfructus reservatione facta processit & emanavit; quam siquidem assignationem efficacem & validam, in superioribus articulis, ad illius justificationem planē absolutis apertē deductum est: Cum ipsius minoris filie possessio actualis nullo titulo justificetur, illiusque apprehensio soli consuetudini locali, juxta quam feuda majori natu deferuntur, innititur: cujus siquidem consuetudinis localis prætextu eandē majoris filie possessionem actualement propter Domini patris ususfructuarii diu postea superstitis ususfructum quoad eam nodum finitum ei illicebat, quem Dominum patrem ususfructuarium, quamvis hujusmodi ususfructum suum, nisi in & ad minoris filie favorem & utilitatem remisisset constat, ipsa præassignata major filia præassignatam possessionis apprehensionem ex eo justificare non potest: cum hoc quod inter Dominum patrem ususfructuarium ex una, & minorem filiam ex altera partibus de & super dicti reservari ususfructus remissione actum fuerit, tanquam per pactum personale actum ipsam minorem filiam non contingat; cum pactum personale ultra paciscentes non extendatur: *ff. de pact. l. si tibi decem. §. si pactus sum.* neque hujusmodi ususfructus remissionem, quæ ipsam non contingit, in & ad favorem suum, & in minoris

minoris filix, in & ad cuius favorem facta est, odium retorquere non potest. *l. quod favore. C. de ll.* Nihil præterea ipsi minori filix obstare potest, etiam si ipsa major filia præassignatam apprehensionem, usque dum huiusmodi usus-fructus Domino patri per dictam assignationem reservativus morte illius finitus fuisset, distulisset: quia adhuc illam ex consuetudine locali minimè potuisset iustificare; cum, ut in superioribus, & præsertim ad consultationis articuli sexti absolutionem plenè patuit eandem consuetudinè localem subjectam assignationem impedire vel invalidare non potuisse constitit; unde posita citra præiudicium possessionis, hinc inde probationum puritate, ipsa minor filia propter iusti tituli evidentiam in possessione potior censi debet, per text. in d. c. licet. in d. §. ex præmissis. & gloss. verbi titulum. & Panorm. ibidem in d. 10. notab. de probat. Sicque præassertam apprehensionem, nõ nisi temeritati turbativè inniti, ut prædicitur, satis innotescit. Quatò insuper ipsius maioris filix dicta civilis possessio majori filix præasserta possessione actuali ex alio adhuc capite potior est, eo quòd possessio civilis in respectum ad actuale sit principalis: cum verbum possidere simpliciter, & per se positum, pro possessione civili, tanquam pro significato principali ponatur: *l. stipulatio ista. §. hac quoque. & ibidem Bart. notat. ff. de verb.*

*obligat.* possessio autem actualis solum est accessoria ad civilem, ut per Panorm. in c. d. c. cum venissent. notab. ult. de ressit. spolia. & latius supra deductum est.

INSUPER & quinto civilis possessio sine naturali potior est, eo quòd ad acquirendos fructus sufficiat, ad quòd naturalis non sufficit, ut per Bart. in l. possidere. §. econtrariò. versicul. quaro qua possessio. ff. de acq. possess. & iuribus per Bart. ibi. ad hoc allegat.

EST demum & sexto minoris filix possessio civilis potior actuali, eo quòd proseriptionem causet, cum actualis sive naturalis ad hoc non sufficiat, ut per Bart. in d. §. econtrariò post princip. versic. venio ad gloss. & primo, & c. & iuribus que Bart. ibid. ad hoc allegat. Cum ergo ipsius minoris filix possessio civilis sit tam tempore prior quàm insuper multis prærogativis potior, ipsa major filia illa eidem minori filix modo prænarrato assignata feuda, & per illà saltem civiliter possessa ingrediens, ea non nisi vitiosè & clam possidere, eadem autem minor filia eorundem feudorum possessionem & tempore priorem & jure potiorē habens ad vincendum & obtinendum, ut in retinendæ possessionis, seu Uti possidetis interdicto sufficientissimè fulta palam dinoscitur, ejusdem minoris filix jus ad sic obtinendum non parum corroboratur, quòd ultra dictam possessionem ejus civilem & tempore, ut prædicitur, priorem



priorem & jure potiore, in super etiam de illius possessione naturali de & ex testium desuper productorum depositionibus liquidè constare creditur, de & super qua ejusdem majoris filiarum possessione naturali, de & super qua ejusdem filiarum minoris possessione naturali; etiam posito citra tamen præjudicium, quòd de ea nihil probatum esset, inter spem & metum in suspenso fluctuare videtur, & est penitus otiosum: cum de hujusmodi possessione illius naturali de & ex eo luce clariùs innoscat, quòd ipsa major filia, postquam in possessorio minus principali in Hollandiensium curia momentaneè obtinuerat eandem filiam minorem sororem suam occasione fructuum, quos illa de & ex bonis sibi modo prænarrato assignatis, in anno millesimo quingentesimo nono perceperat, illam coram eadem curia per novam instantiam percepisse causabatur, ejusdem fructus repetens in causam traxit, à quorum fructuum repetitionis impetitione eadem minor filia per eandem curiam, licet fuerit absoluta, illa tamen eandem seu Dominum maritum illius eorundem fructuum occasione, nihilominus ad curiam majorem Mechliniæ residentem per appellationis suæ interpositionem ad secundam instantiam denuò in causam traxit: ubi eadem minor filia seu Dominus maritus illius eosdem fructus ex dictæ majoris

filiarum parte, ad centum & sexaginta quinque libras grossi æstimatos eidem majori filiarum restituere per se seu Dominum maritum suum demum extitit condemnata & solvere coercita: unde de ipsius filiarum minoris possessione etiam naturali de & ex duarum instantiarum actum & actitatum, & contra eandem seu Dominum maritum ejus late sententiæ tenore ipsiusque majoris filiarum multiplici asseruatione liquidissimè & luce clariùs constat, etiam quatenus de eadem ejusdem filiarum minoris possessione naturali ex parte illius nihil quod non creditur probatum esset, cum eadem possessio naturalis de & super hujusmodi repetitorum fructuum perceptione, tanquam ex præcipuo principali ac eminentiore possessorio actu efficacissimè resultare dinoscatur, per text. & Bart. in l. Titia. ff. de solut. & notat Bald. l. Pomponius. tam in prima quam secunda lectura. ff. quemadmodum. usufruct. amitt. & supra ceteros actus possessorios fructuum perceptorum sit potior. ut in l. si quis super in gloss. verbi fruatur. C. fin. regund. sed longè melius per Bald. ibidem in vers. quantum qualiter probetur possessio. Et cum jam ista possessio naturalis per dictam possessionem civilem tam efficaciter justificetur: sequitur & patet, quòd sententia contra ipsam minorem filiam in judicio possessorio Retinendæ, seu Uti possidetis interdicto lata, circum-

Qqqqq spectiore

speciōre sit deliberatione retractanda, cū suos debeant deprehensos errores faciliē corrigere, quos ad corrigendos aliorum errores constat ordinatos. c. qualiter. & quando 1. de accus.

## CONSILIUM XCIX.

## SUMMARIUM

1. Antiquum feudum est, quod à majoribus acquisitum ad posteros transmittitur.
2. Antiqui feudi natura est, ut ex pluribus agnatis deferatur proximiori deuncti vasalli.
3. Investitura simultanea non tribuit jus succedendi in præjudicium proximioris.
4. Dominus feudi non potest agnatis proximioribus alios investiendo præjudicare.
5. Investitura prima tenor semper attenditur.
6. Principii concessio intelligitur sine præjudicio juris tertio quasi.
7. Investitura prima non intelligitur derogatum, nisi id expressè actum sit, idq̃ duntaxat in præjudicium paiscentium.
8. Relivia, recognitiones & renovationes, seu sequentes investitura feudum non tribuunt, nec derogant prima investitura.
9. Relivia intelliguntur concedi salvo jure cujuslibet.
10. Investitura prima vera & propria est, tribuitq̃ jus feudale.
11. Feudum quomodo investitura vel

successione acquiratur.

12. Accrescendi jus cessat, ubi non est fundamentum partis, cui quid adjiciatur.
13. Antiquum feudum successione acquiritur, etiam nondum obtenta investitura seu relivio.
14. Investitura antiqui feudi est potius confirmatio rei acquisita quam nova acquisitio.
15. Divisio non comprehendit futuros casus.
16. Renunciatio non intelligitur de jure futuro.
17. Expressè fit etiam id quod generalibus verbis exprimitur.
18. Fideicommissum sub conditione datum ante eventum conditionis vires non acquirit.
19. Agnatus proximior antequam ei aperitur feudum, neque ad homagium, neque ad fidei præstationem tenetur.
20. Tempus anni & mensis non est præcisum, nec currit, nisi à tempore scientia.
21. Vasallus excusatur ob ignorantiam & absentiam adversus lapsum anni & mensis.
22. Vasallo non currit tempus anni & mensis, quandiu non possidet.
23. Vasallus non privatur ipso jure ob neglectam investitura petitionem, sed opus est sententia & causa cognitione.

**I**N causa vertente indecisa coram Judicibus feudalibus Marpurgenfibus, inter nobiles & generosos Dominos de Boonenberch

berch cognominatos Holtkeyn, degeneres in Ducatu Geldriae Actores ex una, & nobiles ac generosos Dominos de Boonenberch, etiam cognominatos de Honsteyn, in Haflia, Reos conventosex altera, ut omisissis prolixis præfationum ambagibus ab iis incipiat, quæ ad judicem pertinent, & propius statum causæ ejusque decisionem respiciunt: Ante omnia considerandum arbitror, feudum, de quo agitur, ab antecessoribus agentium acquisitum, & successivo ordine per eos possessum fuisse, & verè antiquum esse, *Idem in præludiis feudorum circa 3. divisionem ad finem ante vers. quarta divisio, Philip. Decius consil. 393. in causa magnifici. in princip. vol. 3.* & Actores ex stipite primi acquirentis per sexum masculinum descendere, atque vasallo ultimo defuncto, proximiores esse: idque tam manifestum esse, ut etiam adversariorum confessione (quæ liquidissima est probatio) confirmetur. Quod validissimum est ad asserendam intentionem agentium, eamque constituentem in solido: quoniam natura antiqui feudi est, ut ex pluribus agnatis illi primo deferatur, qui eodem agnationis vinculo mortuo vasallo est proximior, servata semper graduum prærogativa: *Zafius in sua epitome de feudi successione, conclu. 3.* adeo ut in successione hujusmodi feudi, semper attendatur is qui vasallo decedenti est proximior; non is qui est proximior

primo acquirenti. *c. 1. in fin. de nat. success. feud. Andr. de Tsern. in cap. 1. de eo qui sibi & heredibus, Præpositus in c. 1. vers. 15.*

Cum itaque Domini Actores cum defuncto fuerint fratrum filii, & Rei consistent in remotioribus gradibus; dubitandum non videtur, quin Actores ratione ordinis successivi & proximitatis in feudo antiquo, de quo agitur, Reis conventis præferri debeant, si ea quæ extrinsecus de simultanea reorum cum defuncto ejusque parente investitura: de jure accrescendi, de consuetudine Haflia, de agentium negligentia, & præscriptionis impedimento obijciuntur, averti, dissolvi & denegari possint: de quo nunc videndum est.

Et primò quidem Rei firmissimum fundamentum in simultanea illa investitura, & insegura feudi possessione constituunt, asserentes se cum defuncto vasallo ac parente ejus simul investitos esse, ideoque jus accrescendi habere & invicem succedere debere, exclusis Actoribus, qui simultaneam investituram, seu (ut vocant) *sampt beleeninghe* cum defuncto non habuerunt: quasi simultanea illa investitura successionem tribuat & operetur, ut per remotiorem cum consensu Domini feudum possidentem proximior agnatus excludatur, qui non est comprehensus in hujusmodi simultanea investitura, non curata

Qqqqq 2 præ-

prærogativa gradus aut proximitatis potentia. Idque etiam generali Hassiæ consuetudine probari & affirmari contendunt, utpotè per quam secundum Reorum intentionem, non comprehensus in investitura, seu non simul investitus non admittitur, sed uno ex investitis deficiente pars ejus, vel ad conjunctum in investitura devolvitur, eique accrescit, vel eo deficiente revertitur ad dominium, potissimum interveniente divisione, per quam auctores agentium ulteriori successioni & feudo (ut Rei putant) perpetuò renunciassè videntur. Denique ad Reorum defensionem additur præscriptionis beneficium, ex eo quòd 50. anni intercesserint, ex quo Actores hujus feudi investituram non acceperint; & quòd à morte Frederici intra annum & mensem homagium non fecerint.

CÆTERUM quamvis Rei hæc magni faciant, & ad eripiendâ Actoribus prærogativam succedendi sufficere arbitrentur, tamen penitus excussa, inveniuntur fragilia, & ad subvertendam intentionem agentium prorsus inefficacia & invalida.

3. NAM quod ad simultaneam investituram attinet; certum est ex ea jus succedendi in antiquo feudo non coniungere, neque proximioribus agnatis præjudicari, etiam Domini consensu accedente. Etenim Dominus eripere feudum agnatis vassalli & alios

investire non potest, *toto titul. de feudo sine culpa non amitt.* neque ex qualibet simultanea investitura in feudo antiquo succeditur, sed ex providentia primi acquirentis, servata semper gradus prærogativa, *gloss. & Alvarot. in c. 1. an agnati vel filii. in cap. 1. §. & quia, qui feud. dar. poss. Iacobus de Belvis. Bald. & Alvar. in c. 1. de natura successionis feudi.* quæ aded firmis vinculis subnixæ est, ut proximiori agnato jus successionis illæsum conservetur, etiam si cum Domini voluntate in investitura obtinenda, & possessione feudi assequenda, alii agnatum prævenierint: nam certi juris est, Dominum neque alienando; neque investiendo feudi naturam quoad devolutionis seu successionis effectum mutare posse, in præjudicium proximioris ad quem feudum per ordinem successivum est revertiturum: *Philip. Dec. conf. 263. vol. 2. Faber in l. 1. C. de sum. trinit. per cap. Titius. si de feudo fuerit controvers. & ibi Iacobus de Belvis. & alii.* usque adeò quod etiam pater Domino consentiente non possit alienare seu refutare feudum illi qui aliàs non esset successurus, sine consensu proximioris, seu ejus, cui ex natura feudi successio debetur secundum communia jura feudalia. *tot. tit. de alienat. feud. paterni. & ibi communiter dd. & in §. præterea, quib. mod. feud. amittatur.*

DE qua re in specie proposita minor est dubitatio, propterea quòd Illustrissimus Princeps Hassiæ

5 *sic* in investitura citatis data, veterem investituram seu primam concessionem feudi ab maioribus agentium obtentam non immutavit; tum quia jus agentium ignoravit, & consequenter illud tollere aut immutare nec potuit *juribus supra citatis*. nec voluit: cum in dubio concessio Principis intelligatur sine diminutione juris alteri competentis. l. 2. §. si quis à Principe. ff. nequid in loco publico. l. si quand. C. de inoffic. testam. Nam aliàs

6 aliena largiri esset species tyrannidis, per quam contaminaretur Principis liberalitas & magnanimitas. Bald. in tit. de pace Constantia facta. col. 21.

7 *Et* hac ratione nunquam censetur priori investituræ derogatum, nisi hoc actum sit, & novum pactum seu conditio respiciat substantiam prioris contractus, appareatque animo de novo disponendi pactum seu conditio hujusmodi apposita, idque duntaxat in præjudicio paciscentium seu denovo contrahentium, & non aliorum. Nam, ut in terminis renovate investituræ feudalisi scribit Baldus, *conf. 215. part. 5.* Nemini oportet jus suum detrahi: cui etiam astipulatur Castrensis, *conf. 311. col. 2. part. 1.* dum scribit, Dominum feudi solum sine voluntate vassalli non posse per novam investituram mutare naturam aut qualitatem feudi.

8. *Et* proinde, cum neque novum pactum, neque conditio aliqua

agentibus præjudicans posterioribus investituris sit apposita, neque appareat de animo Principis, quod voluerit de novo disponere & præjudicare veris & proximioribus agnatis, ut etiam non potuit: non debet in considerationem venire sequens per citatos anticipata investitura; sed ad primam concessionem recurrendum est, per quam familiæ Boonenbergicæ feudum concessum fuit, servata ordinis & gradus prærogativa: ad exemplum fideicommissi gradualis & acquisitionis quæ sit ex edicto successorio. Nam in dubiis feudalibus semper ad tenorem primæ concessionis recurritur, quæ est præcisa, ita ut ab ejus forma recedere non liceat: *Martinus Landensis in c. 1. col. 1. qui seu. dar. poss. Decius confil. 580.* adeo ut ordinatio vassalli quæ juri atque naturæ feudorum sive primæ investituræ repugnat, nulla sit. *Roman. conf. 494.*

Cum itaque prima investitura seu concessio omnes Boonenbergios ex æquo respiciat, & agentes ex illis per rectam descendantiam & lineam masculinam originem trahant & descendant: perinde habendum est ac si nominatim in prima illa investitura comprehensi ac designati essent. prima enim illa concessio omnibus à primo acquirente descendantibus jus commutabile attribuit, secundum ordinem gradus & agnationis seu proximitatis: non curatis sequentibus investituris; quæ improprie

Q99993 dicun-

dicuntur investituræ, & per quas jus in feudo præsertim antiquo nõ acquiritur: sed per successionem proximi agnati & ex prima investitura acquisitum conservatur. Neque ad aliud sunt utiles, quàm ad conservationem juris per successionem quæsitæ, ne scilicet proximioribus agnatis propter omissionem homagium, seu fidei præstationem per Dominum feudi auferri possit: *cap. unic. in princip. quæ fuit prima causa beneficii amittit.* aded ut sequentes illæ investituræ vocentur propriè simplices recognitiones, seu renovationes antiquæ investituræ; quæ non fiunt animo disponendi aliquid de novo, & semper in iis apponitur vel subintelligitur clausula, *Salvo jure cuiuslibet*, ut eleganter deducit & ostendit Carolus Molinæus, in *tract. suo de feud. §. 35. in princ. num. 4.* & absque mutatione substantiæ seu qualitatis feudalis.

- 10 ET hac ratione prima concessio propriè verèque investitura dicitur, quæ jus feudale & possessionem feudi ab initio tribuit: *tototit. quid sit investitura. in princip. & ibidd.* & hoc est, quod dicitur, feudum acquiri non posse, nisi investitura vel successione. *c. ult. §. fin. de feud. cognit.* Investitura, quando ab initio familiæ agnationi vel alicui pro se & filiis ac agnatis masculis conceditur, quod ad primariam & radicalem Boonenbergiorum investituram & acquisitionem pertinet, quam hic in considera-

ne habere convenit. Per successionem, quando ex jure per primam investituram acquisitio, ultimo vasallo defuncto, feudum devolvitur ad proximiorum illius agnatum, etiam nulla obtenta investitura seu relivio aut recognitione facta; quæ non adhibentur acquirendum, sed ad conservandum feudum per successionem acquisitum, ne ob negligentiam fidei præstandæ Dominus superior manus injiciat.

PER quæ non solum simultaneæ investituræ à Reis citatis præsentæ, verum etiam consuetudinis, & juris accrescendi objectus tollitur. Nam cum agentes in prima atque originali investitura indubitanter contineantur, sequentes recognitiones seu relivia (ut vocant) à Reis conventis præsentata, neque substantiam veteris & originariæ investituræ mutant, neque jus novum tribuunt, neque novam dispositionem inducunt, sed duntaxat simplicis recognitionis vim habent, & salvo jure cuiuslibet concessa intelliguntur: ita ut neque agentibus jus ex prærogativa gradus per successionem competens ademptum, neque Reis aliquid quod aliàs non competebar, per ea quæsitum censeatur, & salva maneat, ac vigorem suum obtineat prima & radicalis investitura, per quam jus feudi controversi familiæ & agnationi Boonenbergiorum concessum & attributum fuit, secundum ordinem successorii edicti,

edicti, & salva prerogativa gradus & proximitatis respectu defuncti vassalli, non habita ratione sequentium recognitionum seu reliviorum, praeterim quando non fuerunt obtentata per cohæredes, legatarios vel emptores ejusdem feudi, sive cum societate sive sine societate communes, & antecedens jus in feudo habentes, quod non est in proposito.

- Ex quibus rectè inferri potest, quòd cum agentes Reos in gradu agnationis præcedant, & ex prerogativa gradus seu proximitatis successio feudi ad illos devoluta sit, festinatam, præventamque Reorum recognitionem, neque successionem, neque jus accrescendi illis tribuere: de successione certum est propter prioritatem gradus, quam agentes habent: de jure accrescendi dubium esse non potest, quoniam jus accrescendi non competit, nisi inveniat fundamentum partis, cui alteram partem vacantem adjiciat, *Bald. in l. si Titio fructus. ff. de usufruct.* quod non est in proposito, quoniam Rei nullam partem in feudo controverso habuerunt, & simplex recognitio seu relivium nullum jus in re tribuit ei, cui per successionem vel alio modo non est acquisitum, ut est in specie proposita, in qua non agitur de feudo novo.
- quod per investituram acquiritur, sed de antiquo in quo etiam nondum obtentata investitura, succeditur beneficio primi stipitis, & quasi

ex successorio edicto, adeò ut investitura antiqui feudi abusive investitura dicatur, & sit potius confirmatio Rei acquisitæ quam nova acquisitio. *Alvarotus in cap. sciendum. nam. 6. de feudi cognit.* Nam immediatè post mortem ultimi possessoris jus proximiori acquiritur, etiam non expectata investitura, *c. 1. per quos fiat investitura.* quæ jus solius Domini respicit: *c. unie. §. præterea. & ibi Bald. Alvarotus, & alii de prohibitis. feud. alienatione per Fredericum.* Ita ut confusione terminorum Rei convento à vero scopo aberrant, id quod propriæ investituræ seu primæ feudi acquisitioni convenit, tribuentes simplici relivio, recognitioni, seu renovationi antiquæ investituræ, quæ nullum jus in feudo tribuit, neque ad inducendam successionem, neque adtribuendum jus accrescendi potest proficere his qui alioqui jure proximioris gradus non sunt in prima causa seu ordine succedendi: id enim quod non est, non potest augmentum recipere, ut in terminis juris accrescendi scribit Hippolytus de Riminaldis, *l. 1. num. 4. de acquir. hered.* & hac ratione consuetudines & jura feudalia, quæ de investitura & acquisitione per investituram loquuntur, sive ad sit simplex sive simultanea, intelliguntur de vera & propria investitura, seu prima feudi concessione, non etiam de abusiva & impropria, quæ nihil novi disponit, & resolvitur in vim simplicis



plicis renovationis, salvo jure cuiuslibet, *c. 1. §. fin autem. qui feud. dare possint.* & hoc est, quod constitutum est, *toto titul. de success. fratrum.* per successionem sicut per investituram beneficium ad nos pertinere, & mortuo eo qui beneficium tenebat, primam causam esse liberorum, & his deficientibus, vocari fratres cum fratrum prædefunctorum filiis, deinde agnatos ultiores. Unde constat feuda acquiri ex prima concessione seu investitura, & post eam obtentam per successionem ejus qui proximus est defuncto, non curatis sequentibus recognitionibus, relivis seu investituris, siue sint simplices siue simultaneæ: ita ut simultaneæ hujusmodi investituræ, & juris accrescendi consideratio ad præsentem quæstionem nihil pertineat.

Et quemadmodum nec simultaneæ investituræ, nec juris accrescendi ratio Reis suffragatur, ita & consuetudinis Hassiæ & divisionis allegatio ad eorum intentionem sustinendam est inutilis: nam discurrendo per omnia testimonia nihil deprehenditur quod ad generalis consuetudinis probationem sufficit, dum multi ex testibus seigniorare certam observationem dicant, multi quoque in incerto vagentur, nec concludentem dicti sui rationem, nec actus ad probationem consuetudinis requisitos expriment, ut copiosè in reprobatoria agentium scriptura deductum est.

QUIBUS accedit, quòd etiam in aliquibus familiis aliquando simul investiti invicem successissent, id tamen nec familiæ Boonenbergiorum applicari aut præsentis casui præjudicare non posset, cum id vel ex voluntaria renunciatione, vel ex pacto, vel alia specialiratione, & per veram sectionem & dimembrationem feudi ac manifestam abdicationem juris futuri, vel alia ratione speciali accidisse potuit, cujusmodi nihil proponitur in casu præsentis, imò ex divisione & relivis exhibitis apparet contrarium: nam Reynerus Gelderman bona Hessica obtinuit absque mutatione primæ investituræ, & absque abdicatione futuræ successionis, & divisio, de qua agitur, est omnino simplex, quæ non præjudicat dividendis in successionem feudi paterni & antiqui, quod postea & in futurum aperitur: quia divisio non comprehendit futuros casus: & licet feuda dividantur, tamen uno ex successoribus mortuo pars, quæ illi ex divisione obtigerat, devolvitur ad proximiorum agnatum seu illius hæredem, *Zafius tit. de feudi alienat.* etiam si (quod hic non invenitur) divisioi adjecta sit renunciatio seu refutatio: quia contra naturam renunciationis est, ut extendatur ad futura, & in dubio nemo præsumitur renunciare juri futuro. *l. cum indebito. ff. de probatio.* Unde renunciationses semper intelliguntur rebus ita stantibus & in eodem

15

16

in eodem statu manentibus, non etiam si de novo aliquid eveniat, præsertim si renunciatio absque mentione juris futuri facta sit: id quod etiam testes super dicta consuetudine deponentes præsupponere videntur. nam primus & præcipuus testis testificationem suam ita restringit, **wan sich de stamb erblichen vertheyle und absondere** / quæ omnimodam expropriationem, & abdicationem incommutabilem non solum à feudb, sed etiam à prosapia etiam respectu futurorum casuum significant: cujusmodi nihil inducitur per divisionem, de qua agitur, quæ neque substantiam neque qualitatem feudi alterat, & agentes neque à prosapia separat, neque à successionem quæ postea aperitur, excludit, sed relinquit vigorem & statum primæ concessionis & investituræ generaliter Boonenbergiis pro se & descenditibus, eorumque agnatis datæ, sub qua per naturalem agnationis potentiam agentes comprehendi non est dubium. Nam cum jus agnationis sit perpetuum, ejus operatio debet quoque esse perpetua, & ex vi collectivi nominis in prima investitura additi, perinde habendum est ac si nominatim agentes essent expressi & denominati. Nam quamvis lex aliquid requirat expressè fieri, nihilominus sufficit generalibus verbis id fieri. *Doct. in authen. ex testamento. C. de collat. text. & gloss. in l. fin. ff. quod cum eo qui in aliena est*

*potestate.* Aded ut etiam si denominatio successoris ex providentia primi acquiritoris, velex consuetudine requireretur: nihilominus illi satisfactum videtur per generalia & collectiva verba primæ investituræ, generaliter omnes Boonenbergios ordine, successivo comprehendentis: quæ quidem prima & radicalis investitura secundum prætentam consuetudinem consideranda est, non etiam sequens recognitio seu renovatio.

SUPEREST postremò, ut de cessatione anni & mensis ac præscriptione à Reis prætensa videamus: & quidem compertum est, præscriptionis rationem habendam non à die divisionis olim factæ, sed à tempore mortis Frederici, ante cujus obitum jus successionis agentibus non fuit delatum aut apertum, neque tenebantur agentes ad fidei præstationem vel subsidia militaria: etenim quemadmodum hi qui sub conditione aut post mortem alicujus ad fideicommissum vocantur ante eventum conditionis aut mortem ejus qui res fideicommissæ obnoxias possidet, agere aut experiri non possunt; cum fideicommissum nò prius emergat aut vires suas exerceat, quam condicio quæ illius causa est eveniat: *l. cum pater. §. cum inter. de legat. 2. l. filiusfamilias. §. divi. de legat. 1.* Ita in feudo antiquo seu paterno proximior agnatus neque homagium neque fidei præstationem debet, neque actionem ali-

R E F I R      quam

quam exercere potest antequam per mortem vasalli seu prædecessoris feudum aperiatur & devolvatur: usque adeo ut quamvis vasallus sine consensu proximi agnati feudum antiquum alienare non possit, non liceat tamen agnato proximiori talem alienationem factam revocare aut impugnare, in vita vasalli alienantis, & quamdiu jus illius durat. *cap. unic. de alienat. feud. paterni.* Unde rationi prorsus est consentaneum interim donec feudum aperiatur, ut agnatus succedere possit, neque homagium ab eo deberi, neque contra eum  
 19 præscribi, neque aliquid ei imputari posse, cum non sit in negligentia, nec quicquam reperiatur quod contra eum sit præscriptibile.

CÆTERUM post mortem Frederici, per quam feudum agentibus apertum fuit, fatendum est intercessisse tempus amplius quam anni & mensis, intra quod recognitio seu relivium neque obtentum, neque petatum fuit: quod quantum virum habeat, & in quo agentibus refragetur, nunc discutendum est.

ET quidem constitutum est intra annum & mensem vasallum teneri investituram, id est, recognitionem seu renovationem antiquæ investituræ petere sub periculo amittendi feudi. *cap. 1. quo tempore miles cap. uni. §. praterea. de prohib. feud. alien. per Frederic.* Sed hoc tempus non adeo præcisum est, ut excludat omne remedium & quam-

libet vasalli excusationem. Nam præterquam quod terminus legalis nunquam est peremptorius, si legitimum probetur impedimentum: *Alvarot. in d. c. unic. quo tempore miles.* generaliter constitutum est, vasallum excusari à pœna caducitatis seu privationis ob non petitam investituram, si causam aliquam justam possit prætere, *Alvarot. d. c. 1. num. 4.* nec incipit tempus anni & mensis currere, nisi à tempore scientiæ, *gloss. Alvar. & alii in d. c. unico quo tempore miles.* adeo ut is qui sustinet aliquem privatum vel privandum propter non petitam investituram, infra annum & diem probare teneatur scientiam illius, quodd scilicet sciverit feudum ad se devolutum & sibi deberi, *Bald. & Mart. Landensis in c. 1. de capitulis Conradis, & Alvarot. in c. 1. in 5. col. qua fuit 1. causa beneficii amitt.* quod de agentibus dici non potest, utpotè contra quos non solum non probatur scientia, sed in contrarium constat de eorum iustissima ignorantia, ex eo quod procul ab Hassia, ubi Fredericus defunctus est, in Gelria vixerunt, & probabiliter & iuste mortem Frederici ignorarunt: & ita in terminis propter absentiam ignorantiam præsumi & successorem vasalli excusari adversus lapsum anni & mensis, scribunt Alvarotus & alii in d. c. 1. quo tempore miles. & in c. 1. qua fuit cau. benef. amit. & in c. si. de prohib. feu. alienat. pro Lotarium. *Anch. consil. 174. dominus Lazarus coll. 2.*

21

PROXI-

PROXIMUM est prædictis, quod agentes feudi controversi possessionem hæcenus adepti non fuerint: ideoque tempus anni & mensis eis currere nõ potuit, quoniam tempus anni & mensis non currit vasallo antequam adeptus sit possessionem feudi. *Paul. de Castro. & alii in l. solennibus post Guilielm. de Cuneo. ibid. C. de rei vend. Andr. de Iser. & alii in cap. 1. in princ. de capitu. Conrad. Guido Papa decis. 165. Et hinc eleganter scribit Bald. in d. c. 1. de cap. Conrad.* quod dominus præ-tendens filium vasalli privandum propter lapsum anni & diei sive mensis, tenetur primò probare immixtionem hæreditatis paternæ præcessisse vel malitiosè dilatam esse: nec solum requiritur scientia & possessio feudi, ut ob lapsum temporis inducatur privatio, sed hoc amplius vasalli negligentia, & quod fraudulenter & dolosè distulerit investituram petere, & quod de negligentia seu contumacia convincatur. *Alvarot. in c. 1. de beneficio sine culpa non amittend. cap. unico. §. fin. de prohib. feudi alienat. per Lotarium. Carol. Molinæus de feudis §. 1. gloss. 7. in princip. Quia erga vasallum potius servari debet æquitas quàm juris rigor, nec est cum feudatariis, tanquam cum infestis agendum, sed benignè: nam origo feudorum est quædam benignitas & gratiositas, ut Bald. ait, *conf. 429. quidam nobiles. lib. 1. Ex quo & illud est, quod vasallus etiam ob veram negligentiam non privetur ipso**

jure, sed demum per sententiam & præcedente causæ cognitione, & quando apparet culpam vasalli nulla tergiversatione cædari aut excusari posse. *Alvar. in c. 1. §. præterea. de prohib. feudi alienat. per Frederic. & in c. unic. §. final. de prob. seu. alien. per Lotarium.*

Cum itaque omnia prædicta in agentibus cessent, meritò eorum intentio subsistere & secundum eam pronunciari debet, salvo meliore judicio cujuslibet rectius sentientis.

## CONSILIUM C.

## SUMMARIUM.

1. Filii familias sub conditione potestativa institutus nullo tempore disistitur præteritus.
2. Verba subjunctivi modi, possit & valeat, sunt extensiva in futuro.
3. Minor restituitur adversus omisam facultatem eligendi.
4. Permissum ad tempus censetur post tempus prohibitum.
5. Dominus feudi, & quilibet alius intra terminum jus suum exercere debet.
6. Familia magna conservantur per pralationem propinquæ datam.
7. Verba possit & valeat, restringuntur ex subjecta materia.
8. Minores non tantum favoris habent in restitutione ad omisla lucra quantum adversus damna incur-sa.

**I**N facto proponitur, Nobilis Domina Isabella, &c. testatrix in suo testamento legavit Catharinæ suæ filiæ usumfructum suæ domus sitæ in contrata nobiliū de Italianis, quamdiu vixerit, ea lege, & non aliter, quàm quòd Claretta & Margaretina aliz ipsius filiæ possint cum sua familia habitare, stare, & morari in dicta domo, si velint, quamdiu vixerint, institutis iisdem tribus dictis filiabus in residuo omnium bonorum mobilium & immobilium, jurium, rationum & actionum, ipsi testatrici quomodolibet competentium. Et ulterius voluit, & mandavit, quòd dicta domus nullo unquam tempore possit, aut valeat vendi aut alienari, vel obligari in vita dictæ Margaretinæ, Catharinæ & Clarette, aut alicujus earum, per ipsas, aut quemcunque habentem jus & causam ab eis in totum, aut pro aliqua parte, post verò vitam dictarum Margaretinæ, Catharinæ, Clarette dictam domum cum apothecis habere, si elegerint, pro pretio quinque milium librarum Janunorum, ipso tamen, vel ipsis realiter, & cum effectu solventibus duas tertias partes dicti pretii hæredibus dictarum Margaretinæ, & Catharinæ, & dictis Baptista & hæredibus prædictis non eligentibus, dictam domum cum apothecis habere pro dicto pretio, tunc & eo casu possit, & valeat eam habere quilibet de Albergo nobilium de Italianis pro pretio quinque

milium Janunorum, & pro eodem pretio præferretur Petrus Baptista Italianus cæteris de Albergo prædicto Mortua testatrice, & deinde dictis tribus filiabus hæredibus, hæredes unius cui in eodem testamento quingentæ libræ prælegatæ erant, executionem dicti legati petierunt, quemadmodum etiam servatis servandis decretum est, cujus quidem filiæ hæredes nolentes diutius perseverare in communionem, cum dicta domus commodam divisionem non admitteret, & hæredes dictarum filiarum longè à civitate Genuensi habitarent, insequentes statutum civitatis Genuensis, accedente consensu aliorum omnium consortium, ex decreto obtinuerunt dictam domum sub publica hasta distrahi, citatis primum quibusdam patribus familias dictæ nobilitatis de Italianis, qui tunc temporis erant in civitate Genuensi, facto edicto, seu proclamare pro absentibus, ad eum finem, ut si quis eorum prædictam domum pro pretio contento in dicto testamento habere veller, is compareret, & soluto pretio, pro observatione dicti testamenti, eandem domum acciperet, nullo comparente intra præscriptum tempus, neque longo tempore post, fuit dicta domus publicè distracta, scientibus & patientibus omnibus de Albergo Italianorum, à qua venditione jam sunt elapsi anni octodecim; jam verò compareret filius unius ex illis.

illis qui fuerunt citati, ad eligendam accipiendumque dictam domum, qui tempore citationis erat in patria potestate, minor viginti quinque annis, & quem non erat verosimile electurum dictam domum, pro pretio in testamento comprehenso. Cæterum cum ejusdem domus pretium nunc sit supra modum auctum, ac longè majus quàm pretium in testamento præscriptum, quo tamen minus fuit pretium, quo sub hasta publica eadem domus distracta fuit, (quæ etiam fuit causa, cur nemo ex familia Italianorum dictam domum pro pretio testamentario eligere voluerit) contendit dictus filius jam sui juris, & major factus, dictam domum pro pretio in testamento præscripto contento habere. Unde quæritur utrius conditio potior sit, emptoris ne in retinendo, an dicti filii in eligendo, ut pro dicto pretio testamentario eam habeat.

ET prima facie videri poterat jus electionis adhuc salvum esse, ac vigore illius oblato pretio à testatrice præfinito, domum, de qua quæritur, emptori auferri posse, ex eo quòd testatrix non eligentibus Baptista Regecia, aut illius hæredibus masculis, constituerit in libera potestate nobilium de Albergo (ex quibus est is qui nunc jus prætendit) eligere, & acquirere domum illam quandocunque. Nam verba illa testamenti, *possit & valeat quilibet* directa ad illos de

Albergo, qui honorantur, seu quorum commodum cõcernunt, nullam important necessitatem, aut compulsionem, sed meram facultatem, possibilitatem, seu potentiam, cui nullo tempore præscribitur, sicut in simili filiusfamilias hæres institutus sub conditione protestativa (quæ in mera facultate consistit) nullo tempore dicitur præteritus: quia hanc conditionem semper dum vivit, potest adimplere, *l. suus quoque in fine. ff. de hered. inst. l. si. C. de condit. inst.* usque adeo, ut substitutus illi datus, live sit nepos, sive extraneus, eo vivente, & differente voluntatis suæ declarationem, ad hæreditatem venire non possit. *d. l. suus quoque in si.* Quæ decisio ad præsentem quæstionem eo congruentior videtur, quòd verba illa subjunctivi modi *possit & valeat* natura sua, & ex propria sua significatione sint extensiva in futurum, & hoc inducentia quòd dispositio non consumatur in primo actu, vel defectu, sed quòd sortiatur effectum quandoque postea, etiam si ex intervallo supervenit possibilitas. *l. filii mater. ff. ad Trebell. l. si ita quis. ff. de legat. 2.* Et præterea, cum hac extensione facultatis eligendi in futurum, quam verba admittunt, etiam voluntas testatricis concurrere videtur, quæ studio conservandæ familiæ (quod colligitur ex prohibitione in priorè parte testamenti filiabus facta) præsumitur post mortem illarum alienationem



non alia lege voluisse permittere, quam ut supra scriptis personis, aut cuilibet illarum perpetuo, soluto pretio constituto, domum illam ad se revocare, ac habere liceret, *arg. l. fin. C. de pact. inter empt. & vend.* quamvis interim, hoc est, dum nemo ex prædictis personis ius seu facultatem hanc exercet, domus per alienationem in alium transiret ac transferretur, ad exemplum venditionis quæ sic contrahitur, ut oblata meliore conditione resolvatur, *l. 2. ff. de in diem addict. vel retractus*, qui ex conventionem quandocunque potest fieri. *l. 2. C. de pac. int. empt. & vendit.*

QUIBUS accedit, quòd etiam si facultas hæc optandi per se considerata arctiora haberet tempora, ac stricto iure post perfectam venditionem, quæ præcedente denunciatione publicè facta est, finita, & extincta fuisset, nihilominus tamen ex æquitate, & restitutionis beneficio, is qui nunc agit, ad illam admittendus videtur, propter minorem ætatem, in qua fuit tempore venditionis & denunciationis: denunciatio enim & venditio non usque adeo huiusmodi personis præjudicare videtur, *l. si ex legati causa, & seq. de verb. oblig.* quin restitui possint, ad commodum quod per huiusmodi facultatem eligendi, optandi, aut retrahendi potuissent acquirere, quemadmodum restituuntur, si in legato optionis elegerint deterius, vel in debito alterativo solverint

pretiosius, *l. ait prator. in final. cum l. seq. ff. de mino.* & ita semper minoribus restitutio indulgenda est, ad emolumentum quod acquirere potuerunt & omiserunt, *l. non omnia. ff. de minorib. l. penult. C. de integ. restit. l. 1. & 2. C. ut omiffam hered. l. fin. C. de repud. hered.* usque adeò quòd etiam restituatur minor, adversus conventionalem præscriptionem, si quid cum minore actum fuerit, ut hic fuit, eo quod minori saltem in genere per proclama denuñciatio facta dicitur. *l. Æmilius. ff. de minorib.*

CÆTERUM his nihil obstantibus, si pressius, exactiusque disposita in illo testamento ponderentur & expendantur, ac quæ inde secuta sunt dispositis rectè accommodentur, manifestum erit facultatem illam optandi, seu eligendi, illi qui nunc agit, nec ipso iure, nec restitutionis beneficio posse competere: in qua re imprimis considerandum est, quòd prohibitio alienationis quæ testamento ascripta est, personas & vitam filiarum non egreditur, nam restrinxit testatrix prohibitionem alienationis ad vitam filiarum, sic quòd prohibitio illa post mortem filiarum nullas vires habuerit, ac liberum fuerit heredibus illarum, pro commodo rei suæ administrandæ, vendere ac alienare: nam prohibitum ad tempus, censetur permissum post tempus. *l. Imperator & ibi Bald. ff. de posth. l. pater filium. §. fundum. & ibi Bart. & alii. ff. de leg. 3.* Quemad-



Quemadmodum è diverso permissum ad tempus, censetur postea prohibitum, *l. si unus. §. 1. & ibi dd. ff. de pactis.* & nominatim prohibitionem alienationis factam ad tempus vitæ alicujus, eo mortuo cessare per multa jura ostendit Paulus Parisius, *conf. 72. in princip. lib. 2.* Quinimò quod plusest, prohibitio etiam simpliciter facta filiis, non extenditur ad nepotes: *Bart. in l. filiusfamilias. §. divi. de leg. 2.* quia agitur de gravamine, & onere, quod convenit restringi. *Paul. Paris. conf. 66. num. 73. vol. 3.* Et in specie proposita alienationē mortuis filiabus, permissam fuisse, sequentia verba ostendunt, in quibus agitur de optione, electione, prælatione & pretio quo dicta domus haberi posset à propinquis testatricis si vellent: etenim hujusmodi optiones, electiones ac pretii præfinitiones ad actum divisionis, seu alienationis referuntur. *l. mancipiorum. & toto tit. ff. de optio. legat. & toto tit. de in diem addict. dd. in l. qui Roma. §. cohæredes. ff. de verb. oblig. l. fin. C. de jur. emphyt.*

Porro constituto probatoque venditionem, seu alienationem hæredibus dictarum filiarum fuisse permissam, facile est intelligere, ex ipsis verbis testamenti, quæ in hac specie sunt respicienda *Zaf. in d. l. qui Roma. §. cohæredes.* per facultatem optandi, seu eligendi propinquis testatricis dictam domum non fuisse subjectam retrahui aut reversioni, quando cunque

oblato pretio à testatrice præfinito: sed id duntaxat à testatrice esse dispositum favore familie, & propinquorum, ut in actu alienationis propinquus solvendo pretium præstitutum, omnibus aliis impropris præferretur. Nam verba dispositionis ita sonant, quòd post mortem filiarum resoluta prohibitione alienationis, Baptista Regécia, sui hæredes masculi, ac illis cessantibus, seu non oprantibus, quilibet de Albergo posset, si vellet, dictam domum habere pro pretio à testatrice præfinito; id quod ad actum divisionis, seu alienationis est referendum: ut scilicet antequam per alienationem domus in alium transferretur, posset quilibet ex prædictis personis secundum ordinem vocationis præferri extraneæ personæ: quemadmodum dicitur de legato optionis, *d. l. mancipiorum.* item de conventionione, seu dispositio, qua consors præfertur omni alii emptori, *Vlder. Zaf. post alios in d. l. qui Roma. §. cohæredes.* Item de prælatione qua dominus feudi, vel emphyteuseos, vassallo, vel emphyteuta ad juris sui alienationem procedente, omnibus aliis emptoribus præfertur, si admonitus & intra terminum præstitutum eam conditionem subire velit, quæ ab aliis extraneis offertur. *l. fin. & ibi dd. C. de jure emphyt.* Post perfectam autem venditionem, & lapsum terminum, non auditur. *d. l. fin. & ibi dd.* Quod idem in proposito est dicendum,

dicendum, si quidem testatrix sua dispositione nullam conditionem reversionis, aut revocationis ab extraneis emptoribus induxit post alienationem celebratam & perfectam, sed duntaxat prælationem, & facultatem optandi suis propinquis dedit, quæ exerceri posset post mortem dictarum filiarum, antequam venditio cum extraneo perficeretur: nam verba quibus optio, electioque inducitur, ad illud tempus referuntur, quo mortuis filiabus domus adhuc penes hæredes illarum futura erat, & præterea ipsa illa verba: *Posit tamen & valeat dictus Baptista Regacia, & hæredes sui masculi ex dicta Clara & dictam domum cum apothecis habere si elegerint*, natura sua ad actum divisionis & primæ alienationis pertinent, antequam ea perficiatur, nec ulla ratione ad reversionem seu retractum accommodari possunt: *d. l. fin. & ibi dd. C. de jur. emphyt. d. l. mancipiorum cum similib.* usque adeo, quod per alienationem perfectam (unde retractus induci, & nasci solet) facultas optionis & prælationis quæ antea competeat, perimatur & extinguatur; tanquam superveniente medio inhabili: *d. l. mancipiorum.* tum quia celebrata venditione, amplius non est prælationis occasio; *d. l. fin. C. de jure emphyteut.* tum etiam quia jam non potest pretium præfinitum amplius præstari hæredibus dictarum sororum: quemadmodum testatrix disposuit. Et certe, absurdum

fuisse & hæredibus admodum damnosum, domum illam, cujus alienationem testatrix simpliciter permittebat, reversioni quandoque subicere, idque adhuc statuto certo pretio. Nemo enim prudens justo aut æquabili pretio unquam voluisset comparare domum, quam scivisset quandoque adauctis ex temporum variatione rerum pretiis, vel ædificiis multis impendiis melioratis à se revocari, & auferri posse pretio in testamento præfinito: usque adeo quod hac ratione per moram non eligentium, aut tardius eligentium, alienatio impediri, ac jus hæredum corrumpi, vel certe in deteriore statu perducere potuisset: quod evitatur, si in actu alienationis vel divisionis, propinquis prælatio concedatur, per quam magna familiæ conservandæ ratio habetur, & plurimum propinquis, quibus ea optio competit, tribuitur: nam hoc inducit, quod domo venditioni exposita, omnibus aliis emptoribus præferri possint, non solum si oblatum pretium ab aliis præstare velint, sed etiam longè meliore conditione, si alii supra pretium præfinitum testamento quid offerant. Nam præfertur propinquus soluto pretio præfinito, etiam si alii triplo plus dare velint, quam solam prærogativam testatricem voluisse inducere potius est verisimile, quam quod per reversionis legem in alienatione, etiam extra casum necessitatis permessa, hæredibus

6

hæredibus filiarum incommodare intenderit : Et cum , uti ex prædictis apparet , solum prælationis jus in actu primæ alienationis testatrix suis propinquis competere voluerit , sibi imputare debent , quod tempestivè & eo tempore , quo domus veniebat , jus suum non exercuerint , *l. si eo tempore. C. de remiss. pig. duplici ratione* : tum quia per venditionem perfectam medium quoddam inhabile inductum videtur : *d. l. Mancipiorum.* tum etiam quia per lapsum termini , qui à iudice præstitutus fuit , jus suum amisisse intelliguntur . *d. l. si eo tempore.* Nam quamvis actus optionis seu electionis sit merè voluntarius , in libera facultate consistens , qui , ut supra in contrarium allegatum est , quandocunq; exerceri potest : tamen ne venditio prætextu hujusmodi facultatis perpetuò impediatur , vel nimium differatur , potest à iudice terminus præstitui , intra quem nisi electio celebretur , is cui illud compete-  
bat , à facultate excludatur , ut in terminis optionis respondit iuriconsultus : *in d. l. Mancipiorum.* unde generaliter constitutum est , quod in actibus voluntariis terminus constitui possit , intra quem quis actum ex sua voluntate dependentem exerceat , aut ab illius explicatione repellatur . *d. l. Mancipiorum. l. si re oportet. ff. de excusat. tutel. quamdiu. 3. ff. de acq. hered. l. Iulianus. §. si quis colludente. ff. de actio. empt.* Et proinde quemadmodum ad

instantiam creditorum , aut sequentium in gradu hæredi scripto terminus præfigitur intra quem adeat vel repudiet : *d. l. quamdiu. 3. & ibi Bart. Imol. & alii.* Ita & legatario de quo hîc agimus , ad instantiam hæredis terminus , intra quem optionem suam adimpleat , rectè præfigitur . *d. l. Mancipiorum.* Quod idem est in eo cui quis vendere tenetur , *dd. in d. l. qui Roma. §. cohæredes. Rom. cons. 27. in fin.* aut cui prælatio in re aliqua emenda competit , *d. l. fin. C. de jure emphyr. & generaliter in omnibus aliis casibus in quibus specialiter de certo tempore non est dispositum ; nam semper ex iuris communis dispositione iudex statuit tempus , intra quod quid faciendum est , & transacto tempore ; is cui præstituitur , non auditur , ne res diutius maneat in pendenti cum alieno discrimine : d. l. Mancipiorum. & l. si quis hereditatem. §. plane. ff. de petit. hered. l. si quis instituatur. §. 2. ff. de her. inst. quod usque adeò extendunt interpretes , ut etiam procedat in filio & suo hærede sub conditione merè potestativa instituto . *d. l. si quis instituatur. Cyn. & alii in l. si pater. C. de instit. & substit.**

Ex quibus dissolvuntur ea , quæ superius de intenâ significatione verborum *possit & valeat* , necnon de his quæ in potestate & voluntate alicujus consistunt , objecta fuerunt . Nam quanquam vis & significatio dictorum verborum latissimè pateat , restringuntur tamen ratione subjectæ materiæ , & intelligi

Sssss

intelligi

intelligi debent secundum juris communis dispositionem, quæ vim, & potestatem eorum sic restringit, ut finito termino præstituro, ad instantiam ejus cujus interest, facultas seu possibilitas, quam significant, exerceri non possit: *juribus supra allegatis.* quod eo proclivius hic dicendum est, quod nullum jus formatum, aut radicatum fuerit, ante electionem, seu optionem perfectam in personis eorum, quibus ea compete-  
bat, propter conditionem, si elegerint, expressè testamento ascriptam. *l. si ita legatum. §. illi si volet. ff. de leg. 1.* Et quod præterea omnes patres familias, quibus optio illa poterat competere, & noti erant speciali-  
ter, & nominatim requisiti, & citati fuerint publico Proclamatione facto, adversus eos qui poterant jus prætere-  
dere, & ignorabantur, cum aliâ sufficiat eos tantum speciali-  
ter vocari, quos proxima suc-  
cessionis, seu alterius juris causa contingit, generali citatione facta  
adversus omnes alios. *l. 1. §. denunciari. ff. de vent. in sp. Bald. & alii in l. curatoris. C. de jure delib.* Nam his observatis, tam efficax exclusio inducitur, ut nec minoris ætatis, nec legitimæ absentiae privilegium, jus amissum restituere possit, si res in  
vel ad quam jus compete-  
bat, publicè (ut est in proposito) distracta sit: nam publica venditionis ea vis  
est, ut nec auctoritate rescripti  
principalis, nec beneficio minoris  
ætatis infringi, aut retractari pos-

sit, ut Imp. Constitutione ostenditur. *l. si. C. si propter publica pensita. l. quacunque. C. de fid. instr.* Quæ tamen si loquatur de venditione propter fisci debitum, tamen ad aliam quamlibet venditionem publicè factam extenditur. *gloss. in l. 1. ad verb. pertinet. ff. de pet. hered. & ibi Salyc. num. 2.* Nam ratio dictæ constitutionis non in aliqua fisci prærogativa, sed in auctoritate hæcæ fiscalis fundata est.

Et proinde is qui nunc agit, quamvis tempore venditionis minor fuerit, & in patria potestate constitutus, non potest post tantum temporis intervallum perfectam venditionem infringere, aut domum ab emptore nunc multis annis possessam, oblato pretio præfinito auferre, etiamsi restitutionem postulet: ea enim deneganda est, non solum propter auctoritatem hæcæ fiscalis, sed ex illo quoque quod per terminum à judice præstitutū, nunc diu elapsū, & venditionem subsecutam, facultas optandi expiraverit, & perempta sit, potissimum respectu illius qui nunc agit, propterea quod tempore venditionis fuerit in potestate illius, qui nominatim citatus fuisse dicitur. Nam patria potestas cui fuit suppositus, hoc efficit, ne videatur fuisse idoneus tempore mortis filiarum & venditionis, ad habendam, vel acquirendam pecuniam, aut ad consequendam sibi ex optione domum, de qua in testamento disponitur.  
*l. places.*

*l. placet. ff. de acquir. hered.* Quod tamen requirebatur ex tenore testamenti in verbis *tunc & eo casu*, quæ extremitatem, & punctum denotant temporis, & dispositionem testatricis limitant ad tempus venditionis, & casum quo Baptista Regesia, aut hæredes ejus masculi non eligerent.

Hic accedit, quòd cùm hîc agatur de acquirendo, ex eo quòque capite cessare restitutionem, quòd pater in cujus sacris consistebat is, qui nunc agit, fuerit nominatim citatus & requisitus. Nam quamvis minores aliquando restituuntur ad emolumentum quod acquirere omiserunt, ut superius dictum est: non tamen tantum favoris habent in restitutione ad lucra omissa, quantum adversus damna incurra. Multiq̃ue sunt casus, in quibus currit illis tempus, absque spe restitutionis, *Barr. in l. fin. C. in quib. cau. restit. non est necess.* etiam si nec tutorem, nec curatorem habeant; *latè Andr. Tyraq. de retr. ut. consang. §. 35. gloss. 2. in verb. mineurs. num. 3. & sequent.* & nunquam restituuntur, si in tutela, vel cura, aut patria potestate constituti fuerint: & pater, vel tutor legitime interpellatus, patiatur terminum à lege vel homine præstitutum labi in actu in quo terminus præstituitur, non tam ad incommodum minorum, quàm ad conservationem juris illi competentis, ad cujus instantiam terminus præfigitur: ut in specie propòsita, in

qua denunciatio, ac termini præfixio facta est, non directè ad aufertendum jus suum alicui, sed potius in contrarium ad offerendam, & concedendam prælationem, his quibus ea si vellent, & in actu venditionis eligerent, poterat competere, & hoc ad finem, ut si velletur prælatio, siue non, venditio efficaciter procederet, & hæredes dictarum filiarum jus suum conservarent ac validè exercere possent. Quemadmodum in simili de prælatione, quæ domino feudi, vel emphyteuseos conceditur, item in caducitate, vel commisso constitutum est: *d. l. fin. & ibi dd. C. de jure emph. Ioan. de Imol. Pan. in cap. potuit. de locat.* quò pertinet quòd generaliter dicitur, Tutorem, Curatorem, Prælaturum & similes, in quærendis præjudicare posse his quorum res administrant, sinendo scilicet elabi tempus alicui actui præstitutum: nam licet Tutor, Prælatus & alii similes non possint expressè renunciare facultati, quæ minori, ecclesiæ, & similibus competit, possunt tamen tacitè illis præjudicare, ex lapsu temporis ei facultati appòsiti. *c. de quarta. & c. veniens. de præscript. latè Francisc. Aret. conf. 89. & Andr. Tyraq. de retr. ut. con. in fin. num. 10.*

Et prædicta inde quoque confirmantur, quòd hæredes dictarum sororum non tenebantur pati hanc electionem, nisi quatenus erat dispositum: sed non erat dispositione testamentaria facultas

SSSSS 2 hæc

hæc concessa ultra tempus divisionis, vel alienationis: & ideo quisquis inde emolumentum speraret, debebat eo tempore idoneus esse ad acquirendum, & conservandum, & ad erogandam pecuniam pretii præstituti. *arg. l. 3. §. si quis sic acceperit. ff. de statu lib.* Nec potest quis uti hac dispositione, nisi ad ejus limites, & statutis modis, & temporibus in ea requisitis.

POSTREMO non est prætermittendum, quod ex necessitate statuti Genuensis, cum domus hæc commodam divisionem non reciperet, & pro satisfaciendis oneri-

bus, & gravaminibus à testatrice impositis, distractio hæc rectè facta videatur, etiamsi prohibitio alienationis adhuc constitisset: etenim non obstante prohibitione possunt bona alienari ex necessitate, & ut satisfiat creditoribus, & aliis oneribus. *Paul. Paris. consil. 43. num. 29. lib. 3.*

Ex quibus omnibus putamus secundum ea quæ proponuntur, causam emptoris superiorem esse, & acquisitionem ab illo factam nullo remedio attentari, aut infringi posse, Salvo semper meliore judicio.

ATQUE ita conclusum esse per Dominos Canonum, & Legum Doctores Jura Canonica & Civilia in alma Academia, & Universitate Lovanienti ordinariè legentes, & profitentes, Collegiumque facultatum utriusque juris in eadem Universitate constituentes. Attestor ego Theodoricus Pelsen de Loemel, earundem Facultatum, dictique venerandi Collegii Bedellus, & Notarius juratus, in cujus rei testimonium, ac majorem fidem ex mandato prædictorum meorum dominorum, manu propria præsentis juris responso subscripti, & sigillum ejusdem Collegii his appendi.

THEODORICUS PELSEN DE LOEMEL,

*Bedellus & Notarius præscriptus.*



# ORATIO

*Clarissimi Doctoris*

## ELBERTI LEONINI, Consiliarii Consilii Status,

habita xxv. Novembris, M. D. LXXIX.

### In conventu Statuum generalium Antverpiæ congregatorum



NIVERSI mortales utilitatis suæ studio sunt, & in eo elaborant, ut plus possint aliis; verum quibus rationibus id assequantur, in eo falluntur plerique, & differunt inter se opinionibus. Nam alii rectè judicant, & bono consilio id eligunt quod est rebus atque temporibus maxime accommodatum; alii ratione utilitatis toto (ut ajunt) cælo aberrant, & in expetendarum rerum judicio hallucinantur, & vehementiore malarum rerum quàm bonarum flagrant desiderio: & ita comparatum est, ut sæpius peccemus quàm officio fungamur. Id quod in nostra Repub. & promiscua hominum multitudine circa administrationem rerum & deliberationem de pace amplectenda, vel bello prosequendo, usu venire videmus: alii enim hostium imperatis patrocinantur, alii non fortiter adversantur, nec ulla alia re sollicitantur, nisi de vita quocunque modo conservanda



& peragenda; alii prorsus obmutescunt, & eo animo sunt, ut in nulla re repugnent: In contrarium, alii nimium ad bellum & turbas incitati, tumultus constant absque præparatione rerum necessariorum, quasi Deus quispiam prosperissima quæque & facilem hostium victoriam promississet. sunt & alii qui insatiabili cupiditate ducti, inquieta consilia capiunt, & tumultus movent, ob solam appetitionem rerum alienarum & prædandi dulcedinem, etiamsi iustitia prorsus destituantur; existimantes iniustitiam quidem probrosam esse, sed adferre lucrum & in quotidiana vita cum primis esse conducibilem; iustitiam verò, etsi laudari soleat, nihil emolumenti parere, & aliis utiliore esse quam iis qui ea sunt præditi: Verùm non intelligunt, neque ad parandas solidas opes, neque ad gloriam consequendam, neque ad Rempub. componendam, neque denique ad felicitatem adipiscendam tantam vim esse in injuria & iniustitia, quanta est in virtute & moderatione animi politici. Unde cæteris omnibus rectius mihi sentire videntur, qui publicæ iustitiæ ac quieti student; & neque temerè, neque inconsideratè bellum concitant aut prosequuntur, neque absque prudente consilio pacem amplectuntur: & quamvis intelligant bellum maximorum incommodorum causam existere, & victis ac victoribus calamitatem adferre, ideoque pacem bello potiorē esse; non tamen molliter aut effeminate statim pacem flagitant, quoniam compertum habent, neque votis neque desideriis solis æquam pacem obtineri, & hostes ex nimia facilitate & pusillanimitate ad dandam pacem difficiliōres fieri, & prout Reipub. nostræ negotia bene vel malè administrantur consilia capere, ideoque ut securam pacem assequantur, belli præparamentis maximè intenti sunt, providè animadvertentes cum iis qui ad vim propulsandam parati sunt, omnes de jure disputare, & armatos æquiorē pacem impetrare quàm illi qui nimis expeditè imperata faciunt atque pactiones suscipiunt, & plerumque gravioribus oneribus subjiuntur quàm ab initio cogitaverant. Ob quod laudo quidem præclarum institutum vestrum & maturam deliberationem habitam de pacis conditionibus; sed optassem & etiamnum opto paulò propius explorari, quid animi, quid virium quæque civitas habeat; & quibus copiis pugnandum sit, si in bello perseverare oporteat. Etenim pro certo tenendum est, solam deliberationem & propositionem conditionum non sufficere absque ordinatione Reipub. & provisione aliarum rerum, quibus ad pacem pervenitur. Nam in summa ista omnium rerum confusione excitatis tor seditiōibus subditorum & dum curam belli gerendi negligimus, fieri non potest, ut bonas conditiones pacis obtineamus aut firma pace fruamur, nisi inimicitias deponamus, urbes nostrasq;

nostras securius teneamus, & majore benevolentia conjungantur, sublato imprimis religionis dissidio: nimis enim grave est cum exteris iisque potentissimis, pro patria, pro libertate, pro vita dimicare, & domi inter nos de religione contendere. Et cum hostes in perturbatione nostrarum actionum & civilibus dissensionibus, indies magis ac magis invalescentibus, spem suorum successuum collocatam habeant; impossibile est, iis non sublatis, æquam vel tolerabilem pacem ab illis impetrare, qui ex nostris erratis & dissensionibus certam sibi pollicentur victoriam. Providendum est itaque accuratissimè, ut ante omnia animi provincialium reconcilientur & Respub. in tranquillo collocetur per religionis pacta & fœdera, eorumque observationem inviolabilem, sublato omni contentionis studio. Id quod (velimus modò) facile est, si severa edicta omnium jurejurando confirmata proponantur & observentur adversus fœderum transgressores, si cohibeantur obreftationes & calumniæ, quæ sæpè cordatis & optimè affectis viris patientiam excutiant, si quisque intra cancellos modestiæ consistat; à maledictis & injuriis absteat; si, quoniam disputatio infinita est; neque in unam sententiam consentire possimus, religio, quæ à Deo est, permittatur Dei voluntati & tempori optimis talium rerum arbitris, nec cujusquam conscientia inquietetur: si denique illi qui se meliorem religionem profiteri arbitrantur, exemplo veterum Christianorum majorem modestiam, humanitatem & charitatem exhibeant: certi veram religionem non egere virium humanarum auxilio, sed per se emergere & inclarescere, proprioque suo robore stare & augeri, & Deum ipsum voluntarium sacrificium non vi mala coactum ab hominibus expetere, neque desiderare vim mentibus inferri, sed voluntates ad studium veræ religionis allici & invitari. Et profecto cum omnes eodem nomine appellemur & Christiani simus; & impium est, & provinciis in hoc rerum statu valde noxium, hujusmodi inimicitias inter nos exerceri: cum deceat omnes conjunctis viribus, communi bello; commune periculum depellere, servata omnium provinciarum & civitatum æqualitate & concordia; quæ inter nos refarcita & confirmata, hostibus erit formidabilis, & vires nostras efficit insuperabiles. Siquidem adversus concordem & consentientes, nec Rex quispiam satis validus, nec tyrannus esse potest; cum è diverso, magno malo nostro experiamur, per seditionem & discordiam omnia hostibus fieri oportuna, & eum qui domestico certamine est inferior, potius externo se applicare quam civi cedere: ita ut nihil magis sit necessarium, quam per reconciliationem animos subditorum conjungi & templum Concordiæ extrui, ut offensionibus quæ subortæ fuerint, condonatis,  
unanimi.

unanimes consensu salutis Reipublice excubemus. Præterea cum hæcenus per varios tumultus belli cura neglecta fuerit, & ex perturbatione aliarum rerum multas calamitates acceperimus, constituenda certa Reipublice forma est & functionum distinctio, ne, quemadmodum hæcenus, promiscuis actibus rerum turbentur officia. Cumque rerum publicarum pestes duæ præcipuæ sint; Tyrannis, quando magistratus impunè in imbecilliores grassantur, atque ad suam libidinem, avaritiam & ambitionem omnia referunt; & Anarchia, cum populus, contempta legum & superiorum auctoritate, omnem & loquendi & faciendi licentiam sibi sumit: vitanda est utraque perturbatio, & eligendus inter has optimus status, & vera libertas, per quam bonæ leges & à Magistratibus & à subditis sacrosanctæ habentur, & optimi ac sapientissimi imperant, reliqui modestè parent. Quod futurum est, si moderata constituitur & observetur imperii & superioritatis auctoritas, recta ratio inest, & discrimen servetur, ne inæquales æqualia consequantur, sed ut ea cuiusque sit fortuna & dignitas quam meretur, & ut consultis decretisque superioritatis omnes obsequantur. Nos qui hæcenus ex iussu vestro Serenitati suæ adstitimus, libenter defungimur, & officium quod à vobis accepimus, in vestris manibus reponimus, ut alios præficiatis, qui maxime videbuntur idonei, & quorum rectis consiliis provinciales obtemperare velint; & nos nihilominus parati sumus, crimisque semper patriæ servire in humilioribus, ac respondere, rationemque reddere omnibus de his quæ administravimus. Illud quoque imprimis necessarium videtur, ordinem belli gerendi constituere (si fortè pax non succedat) & disciplinam militarem restaurare, certum numerum militum habere, & ne ab his quorum operas conducimus, vim aut injuriam subditi patiantur, certa expeditaque stipendia de publico exolvere, præstantissimos Duces & Capitaneos eligere, inutiles exauctorare, & res militares, quoniam celeritatem desiderant, paucioribus committere qui Reipublice ament, usum rerum habeant, & longius prospicere possint. Multi enim ambiciosi inter se dissensionibus plerumque Reipublice nocent. Pauci verò aptiores sunt ad res oportunè faciendas: præsertim si oporteat conferbere milites, & illis uri, seu clam seu palam, & aliis persuadere, alios cogere, & alios largitionibus adducere, alios aliis officiis demereri, quo modo Carthaginenses & Lacedæmonii, quamvis domi & in pace plurimum potestate regerentur; in bellis tamen unus aut alterius parebant imperio. & Atheniensium civitas cum multis mitteret imperatores, affici solet cladibus: cum verò unum summæ rerum præficeret, belli res melius geri solent, & Romani in magnis belli disci-

discriminibus dictatorem creabant penes quem summa militiæ potestas esset. Ad quæ si Reipub. nostræ negotia conformemus, & provinciæ, civitates & subditi ne in urbibus suis occidantur, aut cum uxoribus & liberis oberrare, vel perpetuam servitutem pati cogantur, exiguo tempore parere, bellique necessaria suppeditare, magnosque animos gerere velint; brevi pristinum statum & felicitatem Reipub. recuperabimus, & pacem assequemur publicæ quieri & utilitati consentaneam. Etenim concordiam nostram summo opere metuunt adversarii, & in maxima perturbatione futuri sunt si intelligant à nobis decerni tam salutaria consilia, & in ea quæ decreta fuerint, reipsa deduci ad exitum: nam & fama bellum conficit, & parva momenta sæpè in spem metumque impellunt animos. Scio equidem multa acerba accidisse, ac multas clades calamitatesque provinciales perpassos, nec non opes multorum diminutas ac penè attritas esse, sed (ut prudenter & cogente necessitate hesternæ die illustrii Dominus Princeps admonuit) considerandum est, omnia mala illa contigisse propter neglectum superioritatis, retardata & impedita publica consilia, tumultusque secutos, dum una provincia studuit caput efferre super aliam, una civitas locupletari cum damno alterius, & dum unusquisque, neglecta cura universi, propriis utilitatibus dedit operam, quæ recta est via ad subvertendam Rempub. Considerandum quoque est non exaruisse fontem mediorum generalium quæ evectionibus & invectionibus aliisque rebus imponuntur, ad quorum præstationem, si vel ab initio belli, vel in progressu procliviores fuissetus, & alacres lubenterque ea sustinuissemus, jam solida pace frueremur, neque tam diuturnum bellum habuissemus, multisque & magnis adversitatibus liberari potuissemus. Quæ igitur antehac facta sunt, communi errori & fragilitati humanæ tribuantur: in posterum verò prospiciendum est, ne quid simile committamus, & in eo incumbamus, ut media illa generalia in universum publica auctoritate æqualiter colligantur, & sine fraude necessitatibus belli applicentur, superindicto aliquo temporario addito ex quo satisfiat illis quibus media illa generalia obligata sunt; nisi lubeat illa ipsa media generalia ad tempus augere & intendere, atque emendato monetarum abusu majorem in posterum rationem habere publicorum proventuum & rerum confiscationis obnoxiarum. Hæc si rectè disponantur, & secundum præcedentem deliberationem tolerabilibus pacis conditionibus contenti esse, easque bona fide observare & adimplere velimus, omnia prosperè evenient, Deus ipse fortunabit conatus nostros, & Regis animus ad clementiam commovebitur, atque securam pacem periculoso bello certaqué

T t t t

dubiis

dubiis præferet, voletque potius se Ducem ac Comitem nobis præbere quàm hostem & adversarium, conservatorem potius quàm everforem ditionum suarum patrimonialium, & civitates potius benevolentia allicere quàm vi direptas ad se pertrahere. Et cum ex prædictis, nec non iis de quibus Serenitas nunc & hesternæ die Excellentia sua ad eò amanter admonuit, quæque articulis superiori mense Aprili propositis continentur, salus & conservatio Reipubl. dependeat: convenit, imò necesse est, si Rempub. salvam esse cupimus, vestras D. quibus cura & procuratio rerum publicarum demandata est, de omnibus prudenter prompteque deliberare atque resolvere, deliberata resolutaque provincialibus persuadere & ad executionem deducere, nec ante hunc conventum dissolvere, nisi omnibus rectè ordinatis & dispositis, ne exemplo superioris temporis (si re infecta discatur) majoribus subjiciamur periculis quàm prius. Certò enim nobis persuadere debemus, quòd si in hoc actu peccemus aut quid prætermittamus, omnibus imminere infamiam, dedecus & periculum vitæ ac fortunarum: & in contrarium si bona consilia amplectamur, & à malo instituto desistamus, res Reipub. nostræ rectè prospereque se habebunt, & per paucorum mensium laborem, collationem & promptitudinem consequemur multorum annorum, imò seculorum laudem, tranquillitatem & prosperitatem. Oro itaque, & (quoniam dar animum ad liberè loquendum necessitas) adjuro omnes, ut rem, quem admodum oportet, ad animum revocent, & postpositis omnium rerum privatarum affectibus cogitent, considerentque, ab eventu hujus deliberationis pendere suam ac liberorum suorum salutem, libertatem & vitam.

TABU

# T A B U L A A L P H A B E T I C A

## G E N E R A L I S

### Omnium Rerum & Materiarum

in hac Centuria Tractatarum.

**A** Remuneratorio contractu recedi non potest, *consil.* 25. num. 4.

Abalienatio & donatio rei ad principem pertinentis differt à feudi concessione, *consil.* 77. num. 16.

Absolutio à juramento quomodo & obtineri debeat ad cautelam ut vocant, & ut agere liceat, *consil.* 3. num. 7.

Accessorium sequitur naturam sui principalis, *consil.* 26. num. 49.

Accisiarum emptores seu arendatores instar usufructuarii habentur, & iis leges de usufructuariis accommodari possunt, *consil.* 69. num. 6.

Accrescendi jus cessat, ubi non est fundamentum partis cui quid adjiciatur, *consil.* 99. num. 12.

Actio gestorum datur capitaneo pro resuscione expensarum & remuneratione laborum in occupatione civitatis pro Principe facta, *consil.* 23. num. 25.

Actio primava extendi vel ampliari non potest ex laudo ex quo actum non fuit, *consil.* 70. num. 7.

Affor forum Rei sequitur, sive in rem sive in personam agatur, *consil.* 26. num. 4. & 24.

Affori faveatur in initio litis ut vocati co-

gantur iudicium suscipere, *consil.* 26. num. 10.

Actoris est electio, an velit ad rem seu factum, an ad interesse agere: licet iudex ad alterutrum tantum condemnare debeat, *consil.* 88. num. 2.

Actus gestus explicatus intelligitur secundum qualitatem precedentem, *consil.* 84. num. 2.

Actus agentium non operantur ultra eorum intentionem, ibidem num. 6.

Actus secreti gesti suspicionem inducunt, *consil.* 85. num. 3.

Actus cum minore gestus videtur, qui in personam ipsius dirigitur, *consilio* 88. num. 2.

Actus superfluous etiam si vitiose geratur, non prajudicat, *consil.* 68. num. 11.

Actus qui via judiciali vel extrajudiciali expediri potest, si judicialiter intencetur etiam absque legitima citatione partis vel alia solennitate requisita confirmari debet, ibid. num. 13.

Actus qui non valet ut geritur, non potest sustineri prout aliàs valere posset: & quomodo hoc intelligatur, pulchra distinctio, *consil.* 98. num. 7.

Aditio hereditatis ex causa valida semel

# I N D E X.

- per unum facta impedit sequentem ne acquirat, neve oneribus hereditariis subijciatur, conf. 84. num. 11.*
- Additione hereditatis patrimonium esse definit descuncti, & fit heredis, conf. 86. num. 4.*
- Administrator potestatem administrandi amittit, si in eodem statu non remaneat, conf. 12. num. 32.*
- Admissus ad certum tempus censetur post lapsum illius temporis exclusus, conf. 86. num. 4.*
- Administratores si culpa vel dolo aliquid commiserint, primo convenitur is cuius dolo vel culpa damnum contigit, conf. 57. num. 7.*
- Administratorum conventionem mutuum periculum non finitur, nisi ut ordinis beneficium competat, ibid. num. 8.*
- Adulterium occultum non sufficit ad dimissionem uxoris propria auctoritate faciendam, conf. 61. num. 12.*
- Adulterium quomodo probetur, consil. 61. num. 14.*
- Adulterium taciturnitate, dissimulatione & compositione remitti potest, conf. 61. num. 15.*
- Equipollens sufficit fieri in omni dispositione, conf. 96. num. 7.*
- Equipollentium natura iterum declarata, ibid. num. 15.*
- As alienum deducitur ante divisionem, & imminuit usumfructum, conf. 74. num. 2.*
- Afirmatio subdola quando infirmat contractum, conf. 20. num. 4.*
- Agens conditione sine causa probare tenetur, conf. 12. num. 12.*
- Agnati jure feudali non censentur, nisi quibus primus feudi acquiritor communis fuit parens, conf. 60. num. 4.*
- Agnatus proximior antequam ei aperitur feudum, neque ad homagium neque ad fidei praestationem tenetur, conf. 99. num. 19.*
- Alienare prohibitus regulariter non censetur prohibitus ad heredem transmutare, conf. 68. num. 44.*
- Alienans rem alienari prohibitam, censetur fideicommissario ad estimationem & omne interesse, conf. 97. num. 4.*
- Alienatio à minori facta de re mobili sine decreto est nulla, quod obtinet etiam in renunciatione & cessione, consil. 3. num. 1.*
- Alienatio rei immobilis minoris absque decreto facta per supervenientem confirmationem convalescit, consilio 32. num. 3.*
- Alienationis temporalis & perpetuae differencia, conf. 65. num. 4.*
- Alienationis prohibita formula, plerumque est realis, plerumque personalis, conf. 97. num. 19.*
- Alienationis tempore non nati quando admittantur ad fideicommissum, quando non, ibid. num. 25.*
- Alienatio rei prohibita alienari valet, quando omnes, quorum contemplatione facta est prohibitio, consensuunt, ibidem num. 26.*
- Alienatio communis cum ususfructus retentione quando transferri dominium vel possessionem, & quid observetur in feudi assignatione, consil. 98. numero 21.*
- Alluvio cessat in stagno, lacu, & similibus aquis, conf. 9. num. 2.*
- Alternativa obligationis natura declarata, consil. 96. num. 9.*

Amortizatio



# I N D E X.

- Anortizatio non respicit jus privatorum, sed solum confirmantis, consilio 52. num. 8.*
- Anglia mercatorum privilegium de non solvendo vectigali nisi semel in ditio- nibus Belgicis, conf. 64. num. 1.*
- Antenuptialis contractus plerunque vim testamenti seu ultima voluntatis ha- bet, conf. 97. num. 31.*
- Antiquum feudum est quod à majoribus acquisitum, ad posteros transmittitur, consil. 99. num. 1.*
- Antiqui feudi natura est, ut ex pluribus agnatis deferatur proximiori defuncti vassalli, ibidem num. 2.*
- Antiquum feudum successione acquiri- tur, etiam nondum obrente investitu- ra seu relivio, ibidem num. 13.*
- Antiquitas ditionibus & principatibus addit nobilitatem, conf. 1. num. 6.*
- Antverpiensium consuetudo admittit asse- curationem etiam posteaquam pericu- lum contigit, conf. 22. num. 5.*
- Appellatione filiorum de jure communi veniunt etiam filia, conf. 98. num. 3.*
- Appulsiones quæ contingunt casu vel ne- cessitate, non considerantur, consil. 7. num. 2.*
- Aragonia consuetudo alienationem im- pedit ex prohibita alienatione per con- tractum, conf. 97. num. 30.*
- Arbitrarius potest cognoscere de connexis ne- gotio principali ut de causa restitutionis quæ in illud incidit, consilio 76. numero 27.*
- Arbitrarius cui amplissima potestas data est, potest omnia facere pro arbitrio dum- modo dolo careat, conf. 76. num. 4.*
- Arbitratores seu amicales compositores neque juris dispositionem neque or- dinem judicarium servare tenentur, conf. 76. num. 3.*
- Argumentatio non valet à comparatione reddituum ad alios contractus commu- rativos, conf. 52. num. 7.*
- Argumentum à contrario sensu in jure est validum, conf. 96. num. 4.*
- Assecurationes transmarinarum mer- cium inter mercatores sunt valida, conf. 22. num. 3.*
- Assecurationes seu promissiones, & susce- ptiones periculi transmarinarum mer- cium quatenus sint licite, consilio 22. num. 1.*
- Assecurationes hujusmodi frequentes in Italia, ibidem num. 2.*
- Assecurationes dumtaxat tolerantur cau- sa futuri periculi, ibidem num. 3.*
- Assecuratione quantumcunque generali non continetur periculum aut damnum, quod facto aut culpa stipulantis con- tingit, conf. 23. num. 1.*
- Assecurationis periculum non incipit, antequam navis navigare cepit, & desinit navigatione perfecta, conf. 23. num. 8.*
- Assecurationis periculo liberantur hi, qui susceperunt periculum, simulatque cessat navigationis discrimen, conf. 83. numero 1.*
- Assecurationis obligatio dissolvitur ex mutatione destinationis, consilio 23. numero 7.*
- Athenienses propter suspensiones non- nullas & levia errata maximos viros exilio vel morte multarunt, conf. 26. numer. 26.*
- Attentatorum & interdictorum judi- cia personalia sunt, consil. 26. num. 3. & 25.*

# I N D E X.

*Attentatorum revocatio obtinetur vel agendo vel excipiendo sicuti & possessio per vim ablata, consilio 26. numer. 25.*

*Attentata quomodo revocentur per implorationem officii iudicii & quid in ea sufficiat probare, Ibidem num. 16.*

*Attentatorum iudicium pinguius quàm interdictum unde vi, Ibidem num. 17.*

*Attentata, in præiudicium cuiuscunque iudicii vel iudicii revocantur sive ordinarii, sive delegati, sive arbitralis, sive prorogati, Ibidem num. 18.*

*Attentatorum iudicio revocantur omnia quæ sunt pendente lite tam prima quàm secunda instantia, Ibidem numero 20.*

*Attentatorum quamobrem tam amplum & pingue privilegium, Ibidem numero 21.*

*Attentatum de facto revocari debet de facto, Ibid. num. 22.*

*Attentatorum iudicium semper censetur inesse commissioni vel submissioni causa principalis, Ibidem numero 29. & 32.*

*Attentatorum iudicium principali iudicio connexum est, Ibidem num. 35.*

*Attentatorum iudicium & remedia possessoria juris pontificii contrarium possessorem quantumvis bonæ fidei dantur, Ibidem num. 40.*

*Attentatorum remedium contra tertium porrigitur, conf. 26. num. 7.*

*Attentatum iudicatur quod sit temere & contra juris prohibitionem, consil. 72. num. 9.*

*Aurei velleris privilegium proceribus Belgii competens, amplissimè explicatum pro defensione defuncti Comi-*

*tis Egmondani, consilio 80. per totum. Authentica: Sacramenta puberum. C. si adversus vendit. declarata, consil. 3. numero 1.*

## B.

**B**ONÆ fidei possessor, ex fructibus perceptis præsumitur locupletior factus, conf. 83. num. 12.

*Bona fidei possessor expensas necessarias, ac utiles, non etiam voluptuarias repetit, Ibidem num. 13.*

*Bona fidei nihil magis est congruū quàm conventiones etiam cum subditis iniuste adimplere, conf. 87. num. 13.*

*Bona fidei & plerunque etiam malæ fidei possessori datur restitio, consilio 94. numero 10.*

*Brabantia Dux dominia seu alienare non potest inconsultis Statibus, consil. 65. num. 3.*

## C.

**C**ASUS adventitii non habentur in consideratione, consilio 21. numero 6.

*Casus adventicii ut non debent, sic nec solent venire in considerationem, consil. 90. num. 3.*

*Casus affectatus non continetur legibus generalis affectationis, consilio 23. num. 6.*

*Causarum civilium & criminalium differentia in fideiussore pro executione seu solutione iudicati, consil. 72. numero 7.*

*Cautela abundans majorem fraudem arguit, conf. 85. num. 5.*

Cautio

# I N D E X.

*Cautio realis sufficit in liquidis, non etiam in illiquidis, consilio 72. numero 8.*

*Cautionis de iudicio fisci, & iudicato solvendo excussa natura, consil. 72. numero 5.*

*Cedens potest directam actionem intentare, non obstante cessione, & quando id non procedat, conf. 27. num. 10.*

*Cessante presupposito, cessat dispositum, conf. 21. num. 6.*

*Cessio actionis facta tempore transactionis, impedit illius extinctionem, conf. 27. num. 7.*

*Cessio pignoris eisdem legibus, quibus acceptum est, procedit etiam si venditio sit prohibita, conf. 30. num. 3.*

*Cessio venditionis, nominis transfert omne jus cedentis, conf. 96. num. 27.*

*Cessionarius habet contra cedentem actionem pro restitutione emolumenti exacti, conf. 27. num. 11.*

*Citatio generalis per edicta non præjudicat ei, qui certus erat adversarius, & multa de vi & potestate generalis citationis seu proclamationis, conf. 14. numero 9.*

*Citatio est juris naturalis, consilio 61. numero 17.*

*Civitas una in conventu ordinum totius ditionis nec ordinem nec statum facit, nec per se consideratur, consilio 24. numero 1.*

*Clausula, Rato manente pacto, quam potestatem habeat, consilio 2. num. 13.*

*Clausula, Eive qui hanc feret, obligationibus mercatorum solita apponi vi & potestas declarata, conf. 13. numer. 1.*

*Clausula executiva nec modum nec conditionem inducit, consil. 4. numer. 8. & rursus conf. 6. num. 3.*

*Clausula accessoria non mutat dispositionem principalem, sed secundum eam regulatur, conf. 4. num. 7.*

*Clausula (toties quoties) cautioni de representando reo addita quid operetur, conf. 72. num. 6.*

*Clausula, Omni meliori modo, habet vim clausule Codicillaris, vigore cuius corrueute institutione omnia alia firma manent, consil. 78. numer. 6.*

*Clausula (petens super præmissis) & vis & effectus, conf. 88. num. 1.*

*Clausula libera navigationis à dextra ac sinistra non continet aliam & diversam destinationem stipulatoris, in l. affectionis non expressam, conf. 23. numero 3.*

*Clausula (Eive qui hanc feret) non vim obligationis, sed executionem tantum respicit, conf. 92. num. 4.*

*Codicillaris clausula (omni meliori modo) operatur heredis institutionem, etiam ubi filio simpliciter titulo legati, dotis, vel donationis propter nuptias, aliquid relinquatur, conf. 68. numer. 6.*

*Collega quando teneatur ex administratione collega, conf. 57. num. 30.*

*Colonus usufructuarius & similes in colligendis fructibus non tenentur expectare naturalem maturitatem fructuum, conf. 69. num. 7.*

*Communio bonorum inter conjuges quando ex consuetudine locum habeat, & quando illi per contractum antenuptialem censeatur derogatum, conf. 74. num. 1.*

Compro-

# I N D E X.

- *Compromissum strictim est interpretandum, conf. 26. num. 6. quod limita, conf. 25. num. 27. & 30.*
- *Concilium populi generale universum populum representat, consilio 87. numero 2.*
- *Conditio ut per aequipollens impleatur sufficit, conf. 25. num. 19.*
- *Conditio specificè & præcisè in totum adimpleri debet, nec sufficit aequipollens, conf. 73. num. 12.*
- *Conditio prohibitioni adjecta eam explicat atque restringit, ibidem.*
- *Conditio seu qualitas uni capitulo appositæ, an referatur ad aliud, consil. 15. numero 4.*
- *Conditionalis conventio ante eventum conditionis non operatur, consilio 24. numero 5.*
- *Conductor qui in fine sua conductionis commodum quod ex eventu ad sequentis temporis conductorem pertineret, ad se trahit, quando teneatur vel non, conf. 69. num. 3.*
- *Conductor & similis ut acquisitio qua successor debetur derivetur, non tam delictum quàm nullitatem actus contrahere videtur, conf. 69. num. 4.*
- *Confessio qualificata an dividi possit, conf. 29. num. 1.*
- *Confessio declaratioq; testatoris est valida, etiam irritò facto testamento, conf. 48. num. 2.*
- *Confessus de se non debet interrogari super aliorum conscientia, consil. 57. num. 20.*
- *Confinium probatio & hypotheca demonstratio quomodo faciendæ, consil. 40. num. 1.*
- *Confirmatio priorem concessionem neque diminuit neque coarctat, consilio 77. num. 19.*
- *Confirmatio actus invalidi ex certa scientia confirmantis inducit novam concessionem, ibid. num. 21.*
- *Confirmatio rei perfectæ quæ revocari non potest, vim novæ concessionis non habet, conf. 97. num. 9.*
- *Confutata opinio Anchorani & Nicolai de Middelburgo existimantium redituum constitutionem emptioni & venditioni specierum comparari, conf. 52. numer. 3.*
- *Consanguinitatis objectum non sufficit ad dimissionem uxoris propria auctoritate faciendam, conf. 61. num. 9.*
- *Consentens in aliquo videtur consentire in omnibus aliis inde consequentibus, conf. 98. num. 13.*
- *Consensus domini feudalis & expressè & tacitè præstari potest, consil. 98. numero 18.*
- *Consignatio & depositio tunc idem fieri debet quando adversarius injuste recusat recipere, conf. 94. num. 6.*
- *Constitutio Caroli V. super navigatione publicorum fluminum declarata, conf. 16. num. 3.*
- *Constitutio Cesaris per quam acquisitio immobilium ecclesiasticis interdicta est, duntaxat ad novas acquisitiones pertinet, non ad ea quæ jure consolidationis aut ex antecedenti titulo obveniunt, conf. 58. per totum.*
- *Constitutiones sacri Imperii de valore, æstimatione, expositione, distributione & erectione pecuniarum quomodo accipiantur, conf. 56. num. 3.*
- *Consuetudo antiqua prelationem tribuit Duci Florentino, consil. 1. num. 9.*

*Consuetudo*

# I N D E X.

*Consuetudo est optima dubiorum incipientium interpretis, ibidem num. 20.*  
*Consuetudo mercatorum circa clausulam, Eive qui hanc feret, declarata, maxime circa personas deficientes, & qua non sunt solvendo, conf. 6. num. 4.*  
*Consuetudo Gallia & Germania circa provisionem inter vivos factam per parentes in contractu matrimonii inter liberos, conf. 32. num. 12.*  
*Consuetudo unius loci vel provinciae non extenditur ad alium locum vel provinciam, conf. 22. num. 4.*  
*Consuetudo stricti iuris est, nec extenditur, sed disponit quantum sonat & non plus, nec proprios terminos egreditur, conf. 86. num. 9.*  
*Consuetudo Antverpiensis de distrahendo pignore sine strepitu iudiciario, quomodo intelligatur, conf. 30. num. 2.*  
*Consuetudo reproba & irrationalis à delicto excusat, conf. 57. num. 10.*  
*Consuetudo facit licitum quod aliàs est illicitum, conf. 57. numer. 3.*  
*Consuetudo ecclesiarum à quibus emphyteusis retinetur spectanda est in concedenda emphyteusi, consil. 68. numero 43.*  
*Consuetudo succedendi in certis bonis non adimit parentibus liberam facultatem aliter disponendi de illis, consil. 98. numer. 12.*  
*Consuetudo Le mort saisi le vif, explicata, ibidem num. 19.*  
*Consules & Burgimagistros nostri temporis comparari duumviris, consil. 57. num. 5.*  
*Consulibus seu Burgimagistris licet super debito vel credito illiquido transigere,*

*consilio 57. numero 9.*  
*Contrasactum suum quis audiri non debet, consil. 4. numer. 4.*  
*Contractus aleatorii reprobantur, consil. 22. num. 4.*  
*Contractus sunt ex jure gentium, consil. 71. num. 1.*  
*Contractus non egrediuntur personas eorum in quibus constituuntur, conf. 81. numero 1.*  
*Contractus unius voluntate non rescinduntur, & Principem etiam subditis suis obstringunt, conf. 25. num. 6.*  
*Contractus Principum habent vim legis, sunt bona fidei & obstringunt successores, ibidem num. 7.*  
*Contractus ad commercia pertinentes sunt perpetui, non etiam redituum constitutiones propter naturam tacitam conditionis & qualitatis intrinsecas, conf. 52. num. 6.*  
*Contradictor legitimus ad impediendam missionem ex l. fi. C. de edicto divi Hadriani tollendo, is demum habetur, qui est in possessione, & promptè titulum domini probare potest, conf. 68. num. 37.*  
*Contradictio aut dissensus particularium non impedit ea quae ordines constituunt, conf. 24. num. 3.*  
*Contutori qui tutelam non gessit, competit ordinis beneficium, consil. 38. numero 2.*  
*Conventa subscriptio partium non facit contractum conditionalem, nisi hoc nominatim actum sit, consilio 4. numero 4.*  
*Conventio sub conditione facta censetur habere causam sufficientem, consil. 21. numer. 2.*

Vuuuu      Conven-

# I N D E X.

**Conventio de vendendo pignore propria auctoritate sine solennitate aut denunciatione, eam vim habet ut facta venditione emptor dominium rei habere incipiat, conf. 30. num. 1.**

**Conventio regulariter non extenditur ad incognita, conf. 90. num. 4.**

**Creditor de jure non tenetur in alia moneta quàm qua debetur, solutionem recipere, de consuetudine verò aliud observatur, confil. 31. num. 4.**

**Creditor tenetur fidejussori aut correo debendi si solvat, nomen cedere cum usuris, hypothecis & pignoribus, conf. 96. num. 28.**

**Crimen læsæ Majest. delationem requirit, confil. 89. num. 1.**

**Crimen læsæ Majest. ex sola scientia contrahitur, si is, qui scit in Principem conjurationem fieri, non detegit; etiamsi id quod scit, probare nequeat delator, Ibidem num. 2.**

**Crimen læsæ Majest. detegere ac revelare quis cogitur, quicumque modò sciverit vel audiverit, Ibidem num. 3.**

**Crimen læsæ Majest. subditus domino suo denunciare tenetur, quocumque modo id fieri scit vel audit, Ibid. num. 4.**

**Cùm nulla est sortis principalis obligatio, non possunt posteriores subsecuta promissiones subsistere, etiam stipulatione firmata, conf. 90. num. 1.**

**Cùm jure pignoris res una distrahitur, tota distrahi potest, etiam si illius aestimatio longè excedat debiti quantitatem, confil. 97. num. 5. fallit in judicialibus seu pratoriis pignoribus, Ibidem num. 6.**

**Cùm producuntur acta, ex quibus apparet de nullitate sententia, tunc dicitur**

**clare probari de nullitate, nec potest tunc presumi pro sententia, lbi. nu. 10.**  
**Custos seu mandatararius rei quomodo à periculo rei amissa excusetur, confil. 59. per totum.**

## D.

**DAMNATI coitus expressio necessaria est in legitimatione ejus qui non est simpliciter naturalis, conf. 78. num. 14.**

**Damnorum & interesse petitio, requirit justam causam petendi, & quod interesse probetur, conf. 96. num. 23.**

**De actis judicialibus. ne Iudici quidem creditur, nisi quatenus actis publicis id ipsum manifestetur, confil. 79. num. 5.**

**De pœna non laboratur, post transactionem negotii principalis, con. 20. nu. 12.**

**Debita occasione feudi contracta, sunt per agnatos solvenda, si illi in feudis succedant; & per filiam defuncti qua in allodialibus succedat, alia debita, confil. 15. num. 24.**

**Debitor qui de facto rem semel oblatam & consignatam recuperat, non intelligitur deposuisse, conf. 2. num. 8.**

**Debitor in dicti cui delata est hereditas, eo ipso quod non solvit die statuto ei ad quem devolveretur hereditas, eo non adeunte videtur adire, conf. 86. nu. 7.**

**Debitorem seu adversarium invitum creditor mutare nō cogitur, conf. 12. n. 31.**

**Deceptus quis presumitur si probetur per falsas obligationes inductus, confil. 69. num. 2.**

**Declaratio & demonstratio nihil mutat circa principalem dispositionem, conf. 68. num. 4.**

De-la-

# I N D E X.

**Delator** si de dolo vel calumnia ex confessione ipsius vel aliis perspicuis indicis & conjecturis convincatur, puniri debet iudicii arbitrio, idq; varie, cons. 89. num. 5.

**Delegatus Principis** potest supplere in causis coram ipso pendentibus sicut ipse Princeps, cons. 26. num. 33.

**Deletio, laceratio, seu incisio testamenti** ab uno testatorum facta alterius dispositioni nocere non potest, nisi ea incisio contigerit in tabulis omnibus in quibus utriusque testamentum continetur, idq; presente nec contradicente altero testatorum; tunc enim perinde habetur ac si consensisset, consil. 39. num. 1. & 2.

**Delicta absque dolo & culpa ac proposito delinquendi non committuntur**, cons. 57. num. 2.

**Delicti seu doli conjectura in dubio non capitur**, ibidem num. 1.

**Delictum & dolus per quamlibet causam etiam temerariam excusantur**, consil. 69. num. 9.

**Delictum vel delicti qualitas non presumitur nisi probetur**, cons. 91. num. 15.

**In delicto si dubium sit an ex qualitate gravius, vel aliud delictum censerit debeat, id quod levius & quod pro reo facit, sequendum est**, consil. 91. numero 1.

**Devia itinera sequentes in dolo presumuntur**, consil. 23. num. 5.

**Dictio (cum) inter personas conjungit aequaliter, & aequalem potestatem conjunctis attribuit**, cons. 57. num. 12.

**Dictio (tunc) significat punctum & extremitatem temporis, quod præcisè attendi debet**, cons. 73. num. 8.

**Differentia rati habitationis in beneficiis & aliis actibus**, cons. 72. num. 4.

**Difficillimum est iracundia calorem comprimere, & affectus qui iudicium animi anteverunt, temperare**, consil. 91. num. 13.

**Diligens in uno censetur etiam diligens in alio**, consil. 12. num. 26.

**Disponens praesumitur suam dispositionem voluisse valere, ut melius valere potest**, consil. 68. num. 4.

**Disposita in testamento inter liberos non revocantur posteriori testamento, vel codicillo, nisi nominatim, & in particulari fiat prioris dispositi revocatio**, consil. 53. num. 3.

**Dispositio facta de bonis testatoris non porrigitur ad bona aliena, quamvis testator de illis disponendi facultatem reservaverit**, ibidem num. 5.

**Dispositio facta in unum casum extenditur ad alium similem rationem habentem**, cons. 21. num. 8.

**Dispositio concepta in unum tempus ad aliud non extenditur**, cons. 21. nu. 10.

**Dispositio testatoris non extenditur de persona ad personam ne quidem ex identitate rationis aut praesumpta mente testatoris**, cons. 73. num. 8.

**Dispositio testatoris, ut bona maneant in consanguinitate, tam pertinet ad natos ex semina, quam ex masculis**, consil. 73. num. 14.

**Dispositio limitatur à causa finali**, consil. 96. num. 18.

**Dispositio relata ad certum modum secundum illum metiri debet**, consil. 98. num. 2.

**Dispositio parentis inter liberos, vel uni ex illis facta, aequè rata est, si per**

Vuuuu 2 testa-



# I N D E X.

- testamentariam dispositionem perfectam vel imperfectam facta sit; & quavis simpliciter per inter vivos dispositionem facta sit, nihilominus habet vim testamenti & ultima voluntatis, idq; etiam super bonis feudalibus accedente domini consensu pravo vel subsecuto, *Ibidem* num. 4.
- Dispositio qua peccat in forma, si non valet ut agitur, non potest sustineri alio modo, *Ibidem* num. 8.
- Dispositio ad aliquid relata, si in vim illius procedere non possit, non impeditur valere alio modo vel jure, *Ibidem* num. 9.
- Dispositio inter liberos non requirit causam expressionem vel subsistentiam, licet secus sit in cautione, stipulatione, & similibus, *Ibidem* num. 15.
- Dispositiones extenduntur & restringuntur ex mente contrahentium, *conf.* 21. num. 4.
- Dispositum cum aliquo praesupposito si praesuppositum non verificatur, cessat dispositum, *confil.* 90. num. 4.
- Divisio non comprehendit futuros casus, *confil.* 99. num. 15.
- Divortii triplex species, temerarium, causarium, & ignominiosum, *conf.* 61. num. 5.
- Dolus est si quis ex illo contractu agat quem ipse non adimplevit, *confil.* 2. num. 5.
- Dolus & lesio quomodo probentur, *conf.* 3. num. 5.
- Dolus & fraus ex quibus conjecturis probetur, *confil.* 28. num. 3.
- Dolus est ab illo emere quem quis scit aut scire debet jus alienandi non habere, *conf.* 83. num. 4.
- Doli praesumptionem auget si quis a semetipso per interpositam personam acquirat, *conf.* 83. num. 6.
- Doli praesumptio ex quibus conjecturis submoveatur, *conf.* 51. num. 13.
- Domicilium non contrahi ex sola habitatione negotiandi causa facta, *conf.* 54. num. 1.
- Domina usurpatoria & tyrannides vocantur. qua per injuriam vel in invitos, vel contra veri Principis voluntatem administrantur, *confil.* 1. numer. 15.
- Domina ex permutatione acquisita, surrogantur in locum permutati domini, *conf.* 25. num. 12. & 22.
- Dominus feudi non potest agnatis proximioribus alios investiendo praedjudicare, *conf.* 99. num. 4.
- Dominus feudi & quilibet alius intra terminum jus suum exercere debet, *confil.* 100. num. 5.
- Donatio revocatur si donatarius conditiones appositae non impleat, *confil.* 3. num. 3.
- Donatio absenti facta, eo ipso quod donatarius sciverit & tacuerit, rata habetur, *confil.* 75. num. 6.
- Donatio perfecta non subjacet revocationi, *confil.* 53. num. 4.
- Donatio retento usufructu permissa est tam in contractu quam in ultima voluntate, *conf.* 98. num. 5.
- Donatio absenti facta quando teneat, *Ibidem* num. 20.
- Dos filia Gallia Regi Catholico promissa & per curatorem recepta atque soluta, *confil.* 66. num. 1.
- Dotis promissio sub conditione nuptiarum non astringit promittentem antequam:

# I N D E X.

antequam eveniat conditio, Confil. 43.  
numer. 1.

Ducis Florentini contra Ferrariensem  
super pralationis ordine contentio  
discussa, Confil. 1. num. 4.

## E.

**E**LECTIO quibus casibus alicui  
adimatur, & alteri parti tribua-  
tur, Confil. 96. num. 2.

Electioe facta eligentis jus convelli non  
potest, Ibidem num. 3.

Emolumentum quod ex commutatione  
pecuniarum pro dote uxoris Regi Ca-  
tholico salutarum processit, an ad Re-  
gem Catholicum, an ad eum qui eam  
in Galliis recepit, pertineat, Conf. 66.  
numer. 2.

Emphyteusis qua alienari non potest, le-  
gari tamen vel testamento relinqui  
potest, Conf. 68. num. 45.

Emphyteusos concessa verba in proxi-  
mum concepta efficiunt, ut emphy-  
teusis non expiret ob lineae defectum,  
etiamsi fuerit ecclesiastica, Ibidem  
num. 46.

Emphyteuta & similes an finita emphy-  
teusi per dominum propria auctorita-  
te expelli possint, & quando seu quo  
modo, Ibidem num. 25.

Emptio perfecta neque poenitentiam, ne-  
que conditionem admittit, Confil. 4.  
numer. 1.

Emptor qui promissit solvere pretium in-  
tra annum moram non incurrit ante  
traditionem rei vendita, Ibidem  
numer. 14.

Equus scholari locatus si incommodi  
aliquid accipiat, hoc non imputatur

scholari si culpa absit, etiamsi aliqua  
imperitia aut omisio diligentis cura  
arguatur, Conf. 36. num. 1.

Errare intelligitur qui animo titubante  
& accipiti quid facit, Confil. 2. num.  
14.

Error verborum sive nominum, neque  
sententiam neque testamentum neque  
contractum vitiat, si de intentione  
constet, Conf. 22. num. 11.

Estruria, cujus caput est Florentia, nobili-  
tas & celebritas, Conf. 1. num. 5.

Evectionum & invectionum quoties est  
questio, primus appulsus considera-  
tur, sive ex proposito, sive fortuito &  
in transitu, appulsus ille contigerit,  
Conf. 7. num. 4.

Evectionum catalogus seu cognoscimen-  
tum, ut vocant, magnam vim pro-  
bandi habet, Conf. 75. num. 3.

Ex rescripto impetrato contra spoliato-  
rem vel alienantem mutandi iudicii  
causa quando conveniri possit is qui a  
spoliatore causam habet, vel in quem  
alienatio facta est, Conf. 26. num. 8.

Ex eo quod sequitur praesumitur quod  
ante dictum, Ibidem num. 43.

Ex conjunctione scripturarum seu actuum  
ostenditur unum fieri in consequen-  
tiam alterius, Conf. 75. num. 5.

Ex intervallo factum videri non potest  
quod ex eadem affectuum perturbati-  
one flagrante adhuc maleficio &  
impetu factum est, Conf. 91. num. 2.

Ex rebus alternativè debitis extincta una  
præstatione astimationis liberatur  
debitor, Conf. 96. num. 8.

Exceptio qua objici potest principali ne-  
gocio, obstat quoque preparatoriis,  
accessoriis & adjunctis, & quoties

Vuuuu 3 unum

# I N D E X.

- unum sit alterius contemplatione, si illud cuius contemplatione faciendum est, cessat, cessat quoque reliquum, Consil. 2. num. 11.
- Exceptio de jure tertii quando admittatur, Ibidem num. 18.
- Exceptio confirmat regulam in casibus non exceptis, Consil. 7. num. 7.
- Exceptio non tangit radicem intentata actionis, sed tantum respicit exercitium & facultatem procedendi, donec causa exceptionis submoveatur, Consil. 32. num. 7.
- Exceptio neque adversarium in mora constituit, neque interrumpit prescriptionem, Consil. 72. num. 10.
- Exceptio rei judicata ut obstat, plura requiruntur, Consil. 96. num. 15.
- Executorum ea duntaxat est potestas quae eis ex forma testamenti à testatore injungitur, Consil. 68. num. 10.
- Exheredatus ex proprio odio vel culpa pro mortuo habetur, Consil. 78. numer. 4.
- Expensarum cum fructibus moderata sit aestimatio & compensatio, Consil. 83. num. 15.
- Expressum facit cessare tacitum, consil. 97. numer. 16.
- Expresse fit etiam id quod generalibus verbis exprimitur, Consil. 99. numer. 17.
- Extra regnum Sicilia arma & equi deduci non possunt sine licentia Regis, nisi ad locum domicilii deducantur, Consil. 56. num. 5.
- Extraordinarium non facit cessare ordinarium, Consil. 98. num. 10.

F.

- F**ACTO & re ipsa inducitur contractus approbatio, Consil. 4. nu. 12.
- Facta ex mandato populi & ex commissione majestatis, ab ipsismet populo & Principe facta censeri debent, Consil. 78. num. 7.
- Facta non minus declarant voluntatem quam verba, Consil. 25. num. 3.
- Fama bona omnibus aliis rebus debet esse carior, Consil. 99. num. 19.
- Familia magna conservantur per praelationem propinquis datam, consil. 100. num. 6.
- Femina ex consuetudine, privilegio vel pacto sunt feudorum capaces, Consil. 60. num. 2.
- Femina semel exclusa semper intelligitur exclusa, Ibidem num. 6.
- Femina semel exclusa semper intelligitur exclusa, quando exclusio est simplex, Ibidem num. 9.
- Feuda secundum naturam suam ad agnatos devolvuntur exclusis feminis gradu proximioribus, nisi investitura aliud sonet, Consil. 60. num. 1.
- Feuda redacta esse ad instar patrimonialium, Ibidem num. 11.
- Feudum concessum pro se & heredibus non transit ad agnatos, nisi sunt heredes, Ibidem num. 8.
- Feudum quando dicatur hereditarium & quid sit talis feudi effectus, Ibidem numer. 10.
- Feudum improprium ex quibus qualitatibus cognoscatur, Ibidem num. 13.
- Feudum potest filius repudiata hereditate acceptare, Consil. 88. num. 9.

Feudum

# I N D E X.

*Feudum quod patri & sui filius conceditur, non amittit filius ex patris delicto, & idem in emphyteusi, Conf. 88. numer. 13.*

*Feudum antiquum, quare in Antiq. Feudum quomodo investitura vel successione acquiratur, Conf. 99. numer. 11.*

*Feudi alienatio ex domini consensu suscipitur, nec interest an consensus ille precedat, vel sequatur alienationem, Consil. 78. numer. 11.*

*Feudi alienatio valida est in præjudicium alienantis etiam absque consensu Domini, Ibidem numer. 12.*

*Fidem fallere grave est, præsertim Principibus, Consil. 25. numer. 3.*

*Fideicommissum generale non complectitur precedens legatum speciale, Conf. 53. numer. 2.*

*Fideicommissum inducitur ex conjectura mentis testatoris, Conf. 73. numer. 4.*

*Fideicommissum non extenditur de tempore ad tempus, neque de persona ad personam, Ibidem numer. 5.*

*Fideicommissum sub conditione si sine liberis decesserit, exinguitur si quis liberorum superstit, nec post redintegratur mortuis liberis, Ibidem numer. 12.*

*Fideicommissi gradualis quæ sit potestas, Consil. 77. numer. 3.*

*Fideicommissum est graduale & successivum, in quo testator agnationis & familia rationem habet, Ibidem numer. 4.*

*Fideicommissum quod est in causa caduci, solet manere apud heredem gradatum, Conf. 97. numer. 12.*

*Fideicommissum purum non defertur his qui tempore mortis testatoris non fuerunt nati, nisi testator id specialiter*

*declaraverit, Ibidem numer. 13.*

*Fideicommissum onus heredum continet, ideoque, tanquam odiosum restringitur, neque de tempore ad tempus; neque de persona ad personam extenditur, Ibidem numer. 14.*

*Fideicommissum an sit conditionale simplex & absolutum, varia distinctio, Ibidem numer. 32.*

*Fideicommissum sub conditione datum ante eventum conditionis vires non acquirit, Consil. 99. numer. 18.*

*Fideicommissa etiam non agnita, transmittuntur ad heredes, Consil. 77. numer. 7.*

*Fideicommissarius relicta sibi non potest propria auctoritate apprehendere, nisi desit à quo petat, Consil. 78. numer. 9.*

*Fideiussori saveni jura propensius quam debitori principali, Consil. 92. numer. 6.*

*Filius præsumitur quis magis dilexisse quam nepotes, Conf. 68. numer. 42.*

*Filiorum appellatio quando nepotes complectatur, Consil. 77. numer. 5.*

*Fili ex contractu patris qui sibi & post mortem suam reservavit suis liberis facultatem redimendi, habent eam facultatem jure proprio, etiam si patri non successerint, Conf. 88. numer. 7.*

*Filio quando contra patrem restitutionem aut aliam actionem intentare liceat, Conf. 18. numer. 2.*

*Fine seu causa actionis & obligationis cessante, cessat ipsa actio & obligatio, Consil. 6. numer. 1.*

*Finalis causa cujusque actus quæ dicatur, Ibidem numer. 2.*

*Fisco per confiscationem non plus acquiritur*

# I N D E X.

ritur quàm quod est confilationem  
passi, Conf. 77. num. 2.

Flumen publicum dicitur quod perenne  
est & semper fluit, Conf. 9. num. 1.

Flumen navigabile dicitur si navigari  
possit, etiamsi nunquam navigatum  
esset, Ibidem num. 3.

Fluminum publicorum navigatio ex jure  
gentium omnibus est communis nec à  
quoquam impediri potest, Ibidem  
numer. 9.

Fluminum publicorum usum tanquam in  
vita necessarium tuetur Prator pro-  
positis interdictis, Ibidem num. 5.

Forma quando consideretur potius quàm  
effectus, & econtrario, Confil. 96. nu-  
mer. 12.

Fornicationis causa facultatem tribuit  
propria auctoritate dimittendi uxore-  
rem, Conf. 61. num. 11.

Fraus presumitur ex conjunctione &  
consanguinitate personarum, Conf. 26.  
num. 43.

Fructus rei etiam illi debentur qui perci-  
piuntur excommunicatione rei, Conf.  
87. num. 18.

Frumentaria pecunia in alios usus quàm  
quibus destinata est, conversa, quid  
fieri debeat, Conf. 57. num. 14.

- Fugitivus non ex consilio, sed ex actu  
fugæ quis inducitur, Conf. 63. num. 2.
- Funeris impensa favorabilis, Confil. 74.  
numer. 3.

G.

**G**ABELLÆ solutio indicat ad  
quem res seu contractus perti-  
neat, Confil. 12. num. 25.

Generales renunciaciones & clausula

cum parva cognitione & saepe ex no-  
tariorum consuetudine apponuntur,  
Confil. 32. num. 14.

Generalis codicillorum dispositio non por-  
rigitur ad precedentis specialis prae-  
rogati prarogativam, Conf. 53. num. 1.

Generalis constitutio non derogat specia-  
li, Conf. 67. num. 4.

Generi per speciem quando derogetur,  
Confil. 97. num. 24.

Germanica nationis concordata celebra-  
ta cum Pontifice Romano super electi-  
onibus episcoporum & aliorum Pra-  
latorum defenduntur, Confil. 50. nu-  
mer. 1.

Gerundiorum virtus inducit necessita-  
tem, conditionem & formam, Confil.  
91. num. 9.

Graduale fideicommissum prioribus sub-  
ductis, etiam postea natos admittit,  
Confil. 77. num. 6.

Gratiam remissionis non impediunt ea  
qua possunt ex narratis tacite colligi.  
Confil. 91. num. 1.

Gratiam remissionis non impedit taci-  
turnitas qualitatis cum expressio  
qualitatem & naturam commissi  
homicidii non impedit, sed solum ex-  
primenda est qualitas, qua alterat &  
mutat naturam rei de qua agitur, Ibi-  
dem num. 10.

H.

**H**ÆREDES tenentur prestare  
factum defuncti, idq; in solidum  
in rebus dividuis, Conf. 25. num. 21.  
Haredum unus habens restituendi facul-  
tatem solus in solidum conveniri po-  
test, Ibidem num. 23.

Hares

# I N D E X.

- Hares tenetur ad exoneraudam confcientiam defuncti, etiam si lis cum eo contestata non sit, consil. 26. num. 48.*
- Haredes tutorum & curatorum quatenus pupillis & adultis obligentur, consil. 38. num. 1.*
- Haredum appellatione in materia feudali veniunt solum qui à primo acquirente processerunt, consil. 60. num. 5.*
- Hares sanguinis differt ab haredede hareditario in materia feudali, Ibidem numer. 7.*
- Hares in re certa etiam universali haredede dato vel in parte harededitis institutio, recte mittitur in possessionem ex l. si. C. de edicto divi Hadriani tollendo, consil. 68. num. 7.*
- Hares possidere videtur per executores ad instar coloni, Ibidem num. 35.*
- Hares tenetur stare facto defuncti etiam in prohibitis alienari, consil. 97. numer. 27.*
- Hareditatem patris potest filia acquirere succedendo fratri, etiam si lege municipali sit prohibita succedere patri, consil. 86. num. 11.*
- Homicidii poena ac ultimum supplicium temperandum est, quando non ex dolo & animi malignitate, sed potius ex impetu & fervore iracundia, indeliberate propositum, homicidium committitur, consil. 91. num. 11.*
- Homicidii poena non committitur, si percutiens recedebat & percussus insequens vulnerantem vel fugientem occidit, Ibidem num. 12.*

## I.

- I***DENTITAS rei quomodo probetur, consil. 12. numer. 11.*
- Identitas corporum quomodo probetur, consil. 40. num. 2.*
- Ignorantia sustinet ne damnum habeas si qui post mortem mandantis quid executus est, consil. 84. num. 8.*
- Immunitas ad certum tempus à decurionibus concedi potest, etiam sine Principis auctoritate, consil. 87. num. 6.*
- Immunitas à Principe firmata de jure est valida & efficax, Ibidem num. 7.*
- Immunitatem amittit qui sciens praedensq. patitur nomen suum in codices pensionum referri, Consil. 71. numer. 7.*
- Imperator totius mundi dominus, consil. 92. num. 2.*
- Imperiorum & principatuum limites facile mutantur per potentiam vel impotentiam Principum, consil. 1. num. 16.*
- Impignoratio, inf feudatio, & in emphyteusim concessio, paribus passibus ambulant, & alienationis verbo continentur quotiescunque ea vel prohibetur vel permittitur, Consil. 25. numer. 9.*
- Imploratio officii judicis laxam & amplam tribuit iudicibus judicandi potestatem, maxime inter fratres & consanguineos, consil. 27. num. 12.*
- In adimplendo contractu ordo scripturae attenditur, consil. 4. num. 13.*
- In annuis praestationibus an una solutio sufficiat, an plures requirantur, consil. 43. num. 2.*
- In honoribus & sessionibus non personas*  
XXXXX *eorum*

# I N D E X.

- eorum qui mittuntur, sed respublicas & Principes à quibus mittuntur, consideramus, Consil. 1. num. 13.
- In illicitis non opinionem, sed rei veritatem inspicimus, cons. 26. num. 44.
- In mutuo non originem pecunie, sed cuius nomine numerata sit, spectamus, Consil. 81. num. 3.
- In omnibus contractibus subauditur clausula rebus sic stantibus, & in eodem statu manentibus, consil. 91. num. 6.
- In ordinum seu statuum conventu non capita aut voces singulorum, sed generalem corporum consensum consideramus, consil. 24. num. 2.
- In quantitativis parvis statat iuramento administratoris, Consil. 12. numer. 16.
- In rationibus omnia debent clarè & explicitè exprimi, cons. 38. num. 5.
- In rebus sacris & dotalibus permittitur permutatio, cons. 25. num. 23.
- In capax tempore legati vel fideicommissi excluditur, cons. 97. num. 33.
- In continenti factum dicitur quod sine aliquo notabili dierum vel temporis intervallo & ante digressionem ad alios extraneos actus seu negotia factum est, cons. 91. num. 3.
- In debiti solutio ab ignorante repeti potest, consil. 92. num. 2.
- Indemnitas promissio est utilis, si agatur de inidoneitate persona, si de periculo rei, cons. 75. num. 7.
- Inducta ad favorem vel commodum alicujus non debent illius operari damnum, Consil. 27. num. 4.
- Inhibendi potestas est antecedens attentatorum & ad illa avertenda viam sternit, cons. 26. num. 36.
- Initium inspicendum est & non quod sequitur, cons. 84. num. 19.
- Injuriarum actio descendit ex quovis convicio & intra annum exercenda est, cons. 51. num. 1.
- Injuriarum actio requirit expressionem anni & mensis, cons. 51. num. 1.
- Insidia qua dicantur, cons. 91. num. 6.
- Inspectiones & mensurationes fieri debent in initio; non expectato quod transitus sit perfectus, ut fraudes evitentur in itinere & progressu, cons. 7. numer. 5.
- Inspectiones & mensurationes & vectigalia exigi possunt etiam à transiuntibus, ibidem num. 9.
- Inspectiones & mensurationes vinorum & aliarum mercium in primo appulsu fieri debere absque consideratione destinationis vel ulterioris navigationis, cons. 8. num. 4.
- Institor, procurator & similes proprio nomine non tenentur, Consil. 84. numer. 3.
- Institoris mandatum morte non expirat, consil. 84. num. 9.
- Institoris persona non obligatur proprio nomine, sed Dominus, Consil. 45. numer. 1.
- Institoris contractus quando obliget Dominum, cons. 13. num. 3.
- Institutione corrumpente testamentum incipere potest à substitutione, consil. 78. numer. 5.
- Instrumentum ut reprobetur necesse est ipsos testes in instrumento descriptos adversari illis qua in instrumento habentur, cons. 79. num. 2.
- Instrumentum sic antiquitate rosum ac lacerum quod perfectè legi non possit, si amari.



# I N D E X.

- si tamen ejus principalis sententia ad sensum colligi potest, valet, Consil. 88. numer. 6.*
- Interdictorum judicium contra heredem transit cum ad eum aliquid pervenit, item attentatorum & vendicationis, Consil. 26. num. 46.*
- Interdictio alienationis impedit dominii translationem, conf. 14. num. 7.*
- Interesse ob non observatam promissionem peti potest generaliter, conf. 87. nu. 9.*
- Interesse post moram est in obligatione facti, ita ut jure actionis peti possit, si illud eligat actor, Ibidem num. 10.*
- Interesse quibus casibus ad duplum non restringatur, Ibidem num. 15.*
- Interesse ac detrimenta ab eo justius petuntur qui negotiari est solitus, Ib. n. 16.*
- Interesse ob dolum convenientis aestimatur per juramentum emptoris in litem quod judicis arbitrio moderatur, Ibidem num. 19.*
- Interesse etiam tacite inest quando reus conventus id de quo agitur, in judicio tradere seu facere non potest, tamen si illud per actorem petitum non fuerit, consil. 88. num. 1.*
- Interitus periculum quoddam contingit facto adversario non astringit eum qui periculum interitus suscepit, conf. 23. n. 2.*
- Interpresum diversa sententia quando propria auctoritate uxorem dimittere liceat, consil. 61. num. 13.*
- Interpretatio declarativa nihil novum inducit, conf. 65. num. 7.*
- Interpretatio illa sumenda est per quam actus sustinetur, conf. 32. num. 11.*
- Interpretatio ea amplectenda est per quam dispositio effectum habere potest, conf. 4. num. 11.*
- Investitionum & erectionum inspectio quam sit necessaria, conf. 56. num. 2.*
- Inventarii omisio non obligat heredem, ut fideicommissario quidquam de suo praestet ultra vires hereditarias, conf. 97. num. 3.*
- Inventarii conscriptio quomodo & intra quoddam tempus ex consuetudine Antverpiensi fieri debeat, conf. 44. num. 1.*
- Inventarii vitia quomodo detegantur, Ibidem num. 2.*
- Inventarium quoddam exhibetur, debet solemniter esse conscriptum cum clara omnium specificatione, conf. 38. num. 4.*
- Investitura pro se & heredibus suis masculis & foeminis differt ab ea qua facta est pro se & heredibus suis foeminis sicut masculis, conf. 60. num. 3.*
- Investitura posterior quando deroget priori, conf. 15. num. 1.*
- Investitura simultanea non tribuit jus succedendi in prejudicium proximiorum, consil. 99. num. 3.*
- Investitura prima vera & propria est, tribuitque jus feudale, Ibidem num. 10.*
- Investitura antiqui feudi est potius confirmatio rei acquisita quam nova acquisitio, Ibidem num. 14.*
- Investitura prima tenor semper attenditur, Ibidem num. 5.*
- Investitura prima non intelligitur derogatum, nisi id expresse actum sit, Ibid. numer. 7.*
- Index super non petitis non judicat: & in judicis inspicitur quid seu quantum petatur, conf. 70. num. 6.*
- Index cause principalis potest condemnare ad interesse & fructuum restitutionem licet ab initio petiti non sint, conf. 26. num. 12.*

# I N D E X.

*Iudex causa criminalis cognoscit & pronunciat de incidenti causa civili; & converso, civilis iudex de causa criminali, Ibidem num. 13.*

*Iudex interlocutoriam, non diffinitivam sententiam corrigere potest, consil. 22. numer. 12.*

*Iudicis verba accipienda sunt secundum dispositionem juris, conf. 96. num. 17.*

*Iudicis est sequi veritatem, non erroneam partium allegationem, conf. 7. nu. 12.*

*Iudicati actio quomodo differat ab executione iudicati, conf. 96. num. 22.*

*Iudicio & iudicis cognitioni omnia subiiciuntur qua pendente iudicio contingunt; & praeipue questio attentatorum, conf. 26. num. 11. 14. & 22.*

*Iuramentum licet minore maiorem faciat, non tamen facit sagacem & providum, conf. 3. num. 8.*

*Iuramentum minoris non facit eum sagacior, consil. 84. num. 22.*

*Iurisdictio ordinaria praesumitur in dubio a partibus sponte agnita & prorogata, conf. 26. num. 31.*

*Iurisditione data ab homine vel a lege, concessa videntur non tantum illa sine quibus explicari non potest, verum etiam ea quibus commodius explicari potest, consil. 26. nu. 28.*

*Iurisditione delegata cum ordinaria concurrente ex utraque procedi potest, consil. 26. num. 24.*

*Iurisditionis summus gradus extenditur ad omnes qui se non probant exemptos, conf. 26. num. 1. & 24.*

*Iusjurandum habet vim clausula derogatoria, & excludit penitentiam etiam in actibus penitentiam admittentibus, consil. 78. num. 10.*

## L.

**L**ATROCINIUM quando committi non dicatur, sed homicidium, Consil. 91. num. 5.

*L. sub pretextu 2. C. de transactionibus declaratio, Consil. 2. num. 15.*

*L. contractus. C. de fide instrumentorum, late declarata, & quando inscriptis contractus celebrari intelligitur, consil. 4. num. 6.*

*L. Caesar. ff. de Publicanis, declarata, Consil. 7. num. 11.*

*L. qua usu populi non recipitur, tacite aboleri videtur, consil. 10. num. 1.*

*L. semel recepta per simplicem non usum non tollitur, & multa de diversis privilegiis Tapetariorum seu Lanificorum Antverpiensium & Bruxellensium, consil. 10. num. 2.*

*L. Procula. ff. de probationibus, declarata, consil. 12. num. 4.*

*L. pro Officio. C. de administratione tutorum, declarata, conf. 14. num. 16.*

*L. 2. C. de rescindenda venditione, non habet locum in contractu usurario, Consil. 52. num. 5.*

*L. finalis. C. de edito D. Adrian. tollendo, declarata, Consil. 68. num. 1.*

*L. scripturas. C. qui pot. in pig. declarata, Consil. 81. num. 5.*

*L. prima. C. qui, & advers. quos in integr. restituantur, declarata, conf. 84. numer. 21.*

*L. fundi. & l. in fundum. ff. de exceptionibus, declarata, Conf. 96. num. 25.*

*Legitimatio penitus tollit maculam spurietatis, Consil. 78. num. 13.*

*Legitimatio valide est si procedat a summo*

# I N D E X.

*summo Principe, & certa ejus scientia, cum clausula, non obstantibus contrariis statutis, &c. Ibidem numer. 15.*

*Legitimationis rescriptum vitiatur, non expressa qualitate spurietatis, Ibidem numer. 2.*

*Legitimationi naturales, etiam in feudis succedunt, quando de feudorum successione in legitimatione est additum, praesertim si proximiores consenserint, Ibidem numer. 76.*

*Lego, relinquo & similia, institutionem important, si universitati rerum immobilium adiciantur, Consil. 68. numer. 3.*

*Libellus in scriptis, si ineptus porrigatur, non viciat processum in causis in quibus non requiritur libellus, Consil. 68. numer. 11.*

*Limitata dispositio limitatum producit effectum, Consil. 97. numer. 17.*

*Limitrophica loca solent militibus concedi & assignari, Consil. 25. numer. 10.*

*Lite contestata neque mutatio neque suspensio rei in iudicio admittitur, Consil. 28. numer. 2.*

*Litis pendentia sola absque alia probatione juris litigatoris impedit aliquid fieri vel impetrari in illius praesudicium, Consil. 26. numer. 14.*

## M.

**M**ANDATUM quantumvis generale in se non includit delictum, Consil. 69. numer. 8.

*Mandatnm non excusat in illicitis, Consil. 26. numer. 45.*

*Mandati formam egredi non licet, Consil. 35. numer. 1.*

*Magistratus non censetur delinquere, nisi evidenter injusitiam faciant, Consil. 57. numer. 4.*

*Magistratibus honos habendus consensu & concordia collegatarum, Ibidem numer. 25.*

*Magistri civium, Scabini & alii consiliarii decurionibus comparantur qui civitatem & universum populum representant, Consil. 87. numer. 1.*

*Mala fides auctoris ad successores transit, Consil. 63. numer. 11.*

*Malam fidem inducit sollicitare, & ultra se ingerere administrationi, Ibidem numer. 1.*

*Malam fidem inducunt, denunciatio, instrumenta, fama & vicinitas, Ibidem numer. 6.*

*Malam fidem inducit judicialis conventio, Ibidem numer. 8.*

*Mala fidei possessor fructus omnes, & nonnunquam usuras etiam restituit, Ibidem numer. 9.*

*Mala fidei possessor expensas necessarias tantum repetit aut tollit, Ibidem numer. 10.*

*Maritus in infamiam lenocinii incidit, si cum uxore adultera remaneat, Consil. 61. numer. 10.*

*Mariti & magistratus auctorizatio non requiritur, nisi ad succurrendum fragilitati mulieris, & ad removendam exceptionem, quam vel maritus, vel adversarius posset objicere, Consil. 32. numer. 6.*

*Materia tituli Cod. Quando Imperator inter pupillos, viduas, &c. Consil. 33. numer. 1.*

XXXXX 3      Mari-

# I N D E X.

*Matrimonium nō presumi nisi probetur, nec sufficere leves probationes ad matrimonium, conf. 49. num. 1.*  
*Matrimonium lege Christiana solvi non potest, nisi quoad cohabitationem, Conf. 61. num. 2.*  
*Matrimonium ex quibus causis solvatur quoad vinculum, Ibidem num. 3.*  
*Matrimonium ex quibus causis separatur respectu cohabitationis, Ibid. nu. 4.*  
*Meliorationes à pupillis & minoribus nō repetuntur nisi eis profuerint, conf. 63. numer. 15.*  
*Mensura seu ripa fluminis non consideratur ex insolito ejus incremento, Confil. 9. num. 6.*  
*Mercatorum cōtractus neglectis apicibus & subtilitatibus exuberantem bonam fidem desiderant, conf. 5. num. 7. & conf. 6. etiam num. 7.*  
*Mercatorum mos est ut obligationes etiā sine causa infertione facta valeant, Conf. 12. numer. 13.*  
*Mercatorum avisamenta quam vim habeant in decidendis causis, Confil. 12. numer. 33.*  
*Mercatorum consuetudo declarata in obligationibus continentibus clausulam, Eive qui hanc feret, conf. 92. numer. 5.*  
*Mercatores magis pretium rerum quàm res ipsas spectant, confil. 96. num. 10.*  
*Mercatorum causa magis ex equitate & veritate quàm stricto jure judicantur, Ibidem num. 11.*  
*Merces negligentia nauta deteriorata à nauta rescirci debent, conf. 17. nu. 8.*  
*Metu extorta obligatio nullius est roboru, confil. 85. num. 1.*  
*Mecus semel admissus non purgatur*

*quamdiu durat causa metus, conf. 20. numer. 7.*  
*Metus justa est presumptio qua ex comminatione hominis potestatem incarcerandi habentis inducitur, confil. 85. numer. 2.*  
*Militaris industria & labor quomodo solita sit à veteribus compensari, confil. 25. numer. 11.*  
*Minoribus succurritur in omnibus, in quibus dolo adversarii vel facilitate atatis sua elapsi sunt, conf. 3. num. 4.*  
*Minoris creditor à tutela & curatione prohibetur; & si tutelam suscepit, actionis jacturam sustinet, si debum subtraherit, conf. 38. num. 6.*  
*Minor restituitur adversus omissam facultatem eligendi, conf. 100. num. 3.*  
*Minores non tantum favoris habent in restitutione ad omissa lucra quantum adversus damna incurfa, Ibid. num. 8.*  
*Minor restituitur etiā adversus omissam hereditatem, conf. 78. num. 18.*  
*Minor in eodem judicio, & restitutionem petere, & rem vindicare potest, Ibid. numer. 19.*  
*Minoribus 25. annis succurritur adversus quemcunque contractum vel distractum, conf. 84. num. 13.*  
*Minoribus etiam in lucris succurritur, Ibidem num. 14. & adversus additionem hereditatis, num. 15. etiam post majorem aetatem intra tempora prestituta, num. 16.*  
*Minori restituto non nocent, qua medio tempore gessit, Ibidem num. 17.*  
*Minor quantumvis industrius latus restituitur, Ibidem num. 20.*  
*Minus est actionem habere quàm rem, Confil. 12. num. 21.*

Missio-

# I N D E X.

*Missionem in possessionem ex l. fin. aut licentiam de mutendo, ut quis obtineat, nemo citari, audiri, vel pro contradicte haberi debet, nisi qui possidet, & de cujus possessione constat, Conf. 68. num. 16.*

*Misio in possessionem est fori litigiosi, & non nisi ab habente jurisdictionem eo loco, quo facienda est, expediri potest, ibidem num. 22.*

*Misio in possessionem, non citato adversario, tunc demum revocatur, quando missus scienter citationem pratermisit ibidem num. 31.*

*Misio in possessionem non impeditur per possessionem alterius novam post mortem defuncti acquisitam, Ibidem numer. 34.*

*Misio in possessionem non impeditur per contradiccionem agnatorum, quando de illorum qualitate vel jure dubitatur, ibidem num. 38.*

*Moneta variata, solutio facienda est ad estimationem antiqua pecunia, vel de antiqua pecunia, conf. 31. num. 3.*

*Monetarum ratio diligenter excussa, confil. 31. num. 1.*

*Mulier excluditur à beneficio dowerii consuetudinarii quæ temere à marito divertit, imò & dorem & donationem propter nuptias amittit, conf. 46. n. 1.*

*Multa illustres questiones extant de praelatione in processionibus, sessionibus, ceterisque publicis conventionibus, conf. 1. num. 5.*

*Multi Reges & Principes servilis conditionis fuerunt, ibidem num. 12.*

*Mutui periculum ad debitorem pertinet donec pecunia creditoris realiter restituatur, Confil. 93. num. 2.*

N.

**N**ATUS aliquo loco sortuitur & in transitu, cujus loci censetur originarius, Confil. 22. num. 4.

*Naufragio amissa depraadari non licet, Confil. 17. num. 4.*

*Navicularii an refarcire teneantur damnum ex naufragio proveniens, Confil. 16. num. 1.*

*Navigandi libertas debet esse libera, conf. 7. num. 3.*

*Navigatio quot diebus ex Chio insula Antverpiam perfici possit, Confil. 22. numer. 6.*

*Nautarum collegium quando teneatur ex culpa vel facto particularis nauta, Confil. 16. num. 2.*

*Nauta, cauponæ & stabularii legibus sunt suspecti & ad omne periculum tenentur, nisi fatale periculum contigisse probetur, Confil. 17. num. 2.*

*Nautis quando credendum super rebus naufragio amissis, ibidem num. 5.*

*Nauta fugientis omnia bona confiscantur, ex legibus Rhodis, Ibid. num. 7.*

*Nauta qui pradixit se periculum non prastitutum, non tenetur recepta custodire, conf. 57. num. 19.*

*Negotiorum gestor, proprio nomine obligatur, non ratificatione eo cuius nomine contractum est, conf. 6. num. 5.*

*Negotiorum gestor obligatur, ante ratificationem principalis, ibidem numer. 6.*

*Non est verisimile testatorem magis voluisse gravare proximiores & magis dilectos quam remotiores & minus dilectos, conf. 73. num. 17.*

Non

# I N D E X.

Non creditur testator voluisse quod non  
expressit, cum absque difficultate ex-  
primere potuisset, Ibidem num. 18.  
Notarius errorem propria auctoritate  
emendare potest, Conf. 12. num. 23.  
Notarius si asserat se confecisse instru-  
mentum falsum ad sollicitationem al-  
terius, non creditur ei in prejudicium  
alterius quem dicit sollicitasse, Confil.  
57. num. 19.  
Notarii subscriptio supplet conventam  
partium subscriptionem, Conf. 5. nu. 2.  
Novatio non inducitur per conventionem  
equalem & idem continentem quod  
primus contractus, Conf. 15. num. 2.  
Novum feudum dicitur, quod non à com-  
muni agnationis parente acquiritur,  
Confil. 60. num. 12.

## O.

**O**BLATIO verbalis non sufficit  
ad actionem consequendam vel  
ad poenam exigendam, Conf. 2. num. 6.  
Oblatio verbalis fidei & jurium cliente-  
larium sufficit cum dominus negat in-  
vestituram, Conf. 25. num. 26.  
Oblatio & consignatio vitiosa est in qua  
vel unus nummus deest, Confil. 94.  
numer. 7.  
Obligatus ad presentandam non tenetur  
ante interpellationem, Conf. 72. nu. 8.  
Obligatus ad respondendum licet sit in  
mora, & succedat obligatio ad in-  
teresse, potest tamen condemnari ad  
factum, licet post sententiam liberari  
possit praestando interesse, Confil. 88.  
numer. 4.  
Obligatio sine partium consensu non in-  
ducitur, Confil. 92. num. 1.

Obligatio ex die constituta ante diem  
agere non permittit, Conf. 94. num. 2.  
Obligatio durare praesumitur quae subla-  
ta non probatur, Conf. 95. num. 1.  
Obligationis causa probanda, Confil. 92.  
numer. 3.  
Observatio sequens, est optima preceden-  
tium dubiorum declaratio, Confil. 7.  
numer. 8.  
Observatio sequens declarat voluntatem  
contrahentium in contractu prece-  
denti, Conf. 12. numer. 9.  
Occidere per insidias & per industriam  
nihil aliud est quam occidere prodito-  
rie, Conf. 91. num. 7.  
Ocularis inspectio ceteris probationibus  
est potentior, Conf. 9. num. 8.  
Officium nec Procuratori, nec institori,  
nec alij cuiquam debet esse damnosum,  
Confil. 84. num. 7.  
Officio judicis veniunt quae lite pendente  
emergunt & de illis sine novo iudicio  
pronunciari debet, Conf. 88. num. 3.  
Opera sumptu patroni praestanda, Confil.  
25. num. 18.  
Oratores Florentia omnes alios prece-  
dunt, Confil. 1. num. 2.  
Ordo & in universitate mundi & in  
astris, in cali motu, suam exercet po-  
tentiam, Confil. 1. Numer. 1.  
Ordo est necessarius in honoribus &  
dignitatum gradibus ut unicuique sua  
conserveetur praetatio, Ibidem num. 3.  
Ordinum seu Statuum consensus non labe-  
factatur ex dissensu sequenti particu-  
laris civitatis, Conf. 71. num. 3.  
Ordinum consensus an infringatur per  
unius civitatis dissensum, quando  
omnes civitates pro una parte tantum  
parte admittuntur, Ibid. num. 8.

## P A C T A

# I N D E X.

P.

**P**ACTA dant legem contractui,  
Consil. 4. num. 16.

**P**actum contractui antenuptiali appositum revocari potest à contrahentibus si agatur de rebus ab ipsis contrahentibus allatis in matrimonium, non etiamsi tertius aliquid certa lege donaverit futuris conjugibus, Consil. 32. numer. 8.

**P**actorum observatio convenit humana fidei & secundum naturam est, consil. 25. num. 2.

**P**arens contractis secundis nuptiis an possit disponere in præjudicium liberorum prioris matrimonij, Consil. 18. numer. 4.

**P**arentis dispositio inter liberos censetur testamentaria vel codicillaris, etiamsi per viam donationis inter vivos concepta videatur, & sustinetur in vim indulti concessi ad ordinationem ultimæ voluntatis, Consil. 98. num. 1.

**P**arentis appellatione omnes testatoris agnati quando contineantur, consil. 97. numer. 18.

**P**ecunia intrinseca bonitas an sit spectanda in solutione, Consil. 31. num. 2.

**P**ecuniarum valor impositivus non intrinsecus spectatur, nisi aliud actum inveniatur, Ibidem num. 5.

**P**ericuli incerti & præteriti susceptio nimiam captationem continet, ideoq; jure & consuetudine prohibetur, Consil. 22. numer. 8.

**P**ericulum affectatum & ex præcipiti avaritia proveniens non pertinet ad damnum suspensionis, Consil. 25. num. 4.

**P**ermissum post tempus seu post eventum conditionis censetur prohibitum ante idem tempus seu conditionis eventum, Consil. 94. num. 3.

**P**ermissum ad tempus, censetur post tempus prohibitum, Consil. 100. num. 4.

**P**ersona honesta & graves majorem præsumptionem bonitatis pro se habent, Consil. 57. num. 17.

**P**ersonales obligationes non sunt præcisæ, ideoq; debitor ab iis liberatur præstatione ejus quod interest, Consil. 96. numer. 14.

**P**etitio & positio obscura declarari potest per ponentem & libellantem, consil. 70. numer. 3.

**P**hilippi Ducis Burgundia constitutio examinata, circa estimationem grossorum Turonensium, Consil. 31. num. 7.

**P**ignoris jus non convellitur ex sententia per alium prius obtenta, Consil. 14. num. 2. & 4.

**P**ignoris prætorij vis & natura declaratur, Consil. 82. per totum.

**P**ignoris obligatio remissa, non remittitur principale debitum, Consil. 95. numer. 2.

**P**lures judicare & arbitrari jussu omnes convenire debent, Consil. 71. num. 1.

**P**luribus rebus simul emptis an plures sine venditiones, an una tantum? latè discutitur, Consil. 4. num. 14.

**P**luribus administratoribus pro indiviso datis, eum qui administravit & successores ejus primo conveniri, consil. 57. numer. 6.

**P**æna legum sunt observanda, nisi specialiter probetur aliqua per statutum vel consuetudinem mutata, Consil. 38. numer. 7.

Y y y y

Portu-



# I N D E X.

**Portugallensium mercatorum in Belgio  
degentium privilegium explicatum,  
Consil. 54. num. 1.**

**Possibilitatis ratio quomodo ex horarum  
dinumeratione ad certitudinem redu-  
catur, Consil. 22. num. 7.**

**Possibilia sunt multa quorum tamen  
exempla quoddam facta sint, ostendere non  
possumus, Consil. 22. num. 9.**

**Possidens naturaliter vel civiliter potest  
suo ministerio ac propria auctoritate  
alium rei per se possesse possessorem sa-  
cere, nullius citatione premissa, Consil.  
68. num. 15.**

**Possessio ejusdem rei eodem modo apud  
duos in solidum esse non potest, Ibidem  
num. 17.**

**Possessione quæ non privatur per creatio-  
nem novi magistratus, Ibid. num. 18.**

**Possessionem non amittit ignorans, nisi  
decennio ab ejus recuperatione cessa-  
verit, Ibidem num. 19.**

**Possessionem ab alio occupatam, non a-  
mittit qui principalem partem bono-  
rum retinet, præsumitq; etiam alte-  
rius partis possessionem retineri, Ibid.  
num. 20.**

**Possessionem vacuum sua auctoritate in-  
grediens, censetur pro pradone, Ibid.  
num. 21.**

**Possessorium judicium de feudo apud or-  
dinarium loci judicem agitur, Ibid.  
num. 24.**

**Possessionum omnium rerum etiam no-  
torie feudaliæ & emphyteuticarum,  
quas defunctus mortis sue tempore  
habuit, ex l. fin. scriptus hæres conse-  
quitur idem si sit filia hæres, Ibidem  
num. 26. & 29.**

**Possessionem rerum feudaliæ heredita-**

**riarum quoddam consequatur hæres scri-  
ptus, generaliter procedit in statuto  
quo possessio defuncti continuatur in  
hæredem, Ibidem num. 27.**

**Possessio defuncti cum omni causa &  
qualitate sua ex l. fin. apud hæredem  
conservatur, Ibidem num. 30.**

**Possessio nisi per judicem confirmari po-  
test si data sit non citata parte, Ibidem  
num. 32.**

**Possessio acquisita auctoritate judicis, seu  
missio in eandem potest confirmari  
nulla citatione adversarii facta, Ibid.  
num. 33.**

**Possessio retineri ac continuari potest  
absque ullius citatione, licet in acqui-  
renda possessione aliud sit, Ibid. nu. 36.**

**Possessio civilis in animo consistit & po-  
tissimum attenditur, Consil. 26. nu. 37.**

**Possessio civilis nunquam amittitur nisi  
quis sciens naturalem occupatam il-  
lam recuperare negligat, & se repelli  
posse suscipietur, Ibidem num. 38.**

**Possessio civilis retinetur & continuatur  
ex solo conatu & preparamentis recu-  
perationis, Ibidem num. 39.**

**Possessio antiquior præsumitur justior,  
Ibidem num. 41.**

**Possessio retinetur & transfertur ex ti-  
tulo inutili, Consil. 84. num. 10.**

**Post sententiam contra emptorem latam,  
admittitur exceptio mercis non tradi-  
ta, Consil. 2. num. 9.**

**Postliminium locum habet in iis qua bello  
recuperantur, non in iis qua in pace,  
seu ex causa pacis ad nos redeunt,  
Consil. 77. num. 7.**

**Præjudicij potestas suspendit causam al-  
teram, donec præjudicialis termine-  
tur, Consil. 96. num. 24.**

Prælati

# I N D E X.

**Pralati & similes si praveniendo successorem locent aut redditus recipiant pro tempore successorum, solum ex eo resultat nullitas ejus quod actum est, pro tempore successoris, Consil. 69. numer. 5.**

**Pralatio competit ei, qui prius meruit dignitatem, Consil. 1. numer. 7.**

**Pralationis materia inter creditores late discussa, Consil. 28. numer. 1.**

**Praesens si patiatur alium pro se fidejungere, mandare intelligitur, Consil. 24. numer. 6.**

**Praesens contractui & consentiens prajudicat sibi in jure suo, Consil. 98. nu. 14.**

**Praesumitur contra eum, qui differt agere, Consil. 12. numer. 2.**

**Praesumitur contra non exhibentem acta, Consil. 27. numer. 5.**

**Praesumptio, quod sponsalia de futuro transeant in matrimonium, est lubrica, & cessat, si non plene probetur sequens copula, Consil. 29. numer. 2.**

**Pragmatica sanctiones corpori juris non inclusa, non egrediuntur locum in quo fiunt, Consil. 77. numer. 17.**

**Pretium justum actionis debet considerari deductis expensis, Consil. 12. nu. 20.**

**Princeps regali potestate praeitus liberè donare potest, Consil. 77. numer. 9.**

**Princeps ob remunerationem meritorum etiam rem magnam donare potest, Ibidem numer. 10.**

**Principis scientia & voluntas ex quibus probetur, Ibidem numer. 11.**

**Principis contractus quam firmitatem habent, Ibidem numer. 13.**

**Princeps pubes factus omnia potest, quae alius major 25. annis, Ibidem numer. 12.**

**Principis praesentia quando metus praesumptionem inducat, Consil. 19. numer. 2. & Consil. 20. numer. 5. & 8.**

**Principum acta debent esse recta & secundum rationem, Consil. 75. numer. 1.**

**Princeps pro speculo & exemplari virtutis & aequitatis se exhibere debet, Ibidem numer. 2.**

**Principes & domini terrarum, ac civitates per se regentes, datia, impositiones ac stationes evictionum & invectionum constituere possunt, Consil. 67. numer. 2.**

**Principis narratio in his, quae coram eo gesta sunt, magnarum est virium, Consil. 67. numer. 3.**

**Principum vocatio & auctoritas versatur in colenda justitia, Consil. 56. numer. 1.**

**Principum contractus habent vim legis, sunt bonae fidei, & obstringunt successores, Consil. 25. numer. 7.**

**Principis bona oppignorari vel in feudum dari solita, reversa ad fiscum, aliis oppignorari vel in feudum concedi possunt, nec revocationi ad causam dominij subjacent, Ibidem numer. 8.**

**Principis terra consensus, an in alienatione feudi sufficiat, an verò etiam inferiorum dominorum consensus sit necessarius, Consil. 98. numer. 17.**

**Principis concessio intelligitur sine praedicio juris tertio quaesita, Consil. 99. numer. 6.**

**Principali gratia seu concessione juvari quis, non deprimi debet, Ibid. numer. 15.**

**Principalis gratia exuberare debet aequitate, exclusa omni interpretatione trahente aliquam absurditatem, Ibidem numer. 16.**

# I N D E X.

**Principali dispositione corrumpente**, corrumpunt omnia accessoria, Conf. 2. num. 19.  
& rursus Conf. 3. num. 6.

**Principatus eo est dignior**, quo minori onere & subjectione premittitur, Conf. 1. numer. 7.

**Principium inspicimus etiam si eventus exordio non respondeat**, Conf. 57. numer. 15.

**Principia inchoantur consilio**, eventum fortuna regit, Ibidem num. 16.

**Prioritas temporis locum habet in pignoribus**, Conf. 14. num. 3.

**Privatio prioris tituli inducta ob delictum efficit**, ne restitutio referatur ad tempus prateritum, Conf. 1. num. 17.

**Privatus gremio universitatis**, & postea restitutus, postponitur omnibus aliis medio tempore receptis, Ibidem numer. 18.

**Privilegium remuneratorium alicujus facti revocari non potest**, Consil. 25. numer. 5.

**Privilegium stapula Brugensis late discutitur**, Conf. 67. numer. 1.

**Probationes clariores requiruntur in his**, qua non sunt verisimilia, Consil. 12. numer. 5.

**Procurator, institor, maritus, mala fide nihil disponere possunt**, Consil. 13. numer. 2.

**Prodere est unum actibus ostendere**, & aliud in mente gerere; quod exemplis declaratur, Conf. 91. num. 8.

**Proditorie facere intelligimus eum qui sine diffidatione aut minis praecedentibus alium offendit**, Ibidem num. 9.

**Prodigalitas & mentis imbecillitas quomodo probetur**, Consilio 20. numero 1.

**Prohibitio alienandi**, addita causa quod vellet testator bona manere in sua familia, inducit fideicommissum graduale, Conf. 73. num. 2.

**Prohibitio alienationis facta filiis non trahitur ad nepotes**, Ibidem num. 6.

**Prohibitio alienationis quamvis in rem concepta, non egreditur quartum gradum**, Ibidem num. 22.

**Prohibitio semper ampliatur**, restringitur, & declaratur per rationem & causam prohibitionis, Ibidem num. 23.

**Prohibitio alienationis quando quartum gradum egreditur**, Consil. 77. num. 8.

**Prohibitionis effectus quamvis late pateat**, tamen non refertur ad antecedentes alienationis causas, Consil. 97. numer. 1.

**Prohibitio heredi facta**, ad heredem quoque heredem extenditur, Ibidem numer. 11.

**Promittens contractum alterius observare**, etiam curare debet, ut alius illum cum omnibus suis punctis & articulis observet, Consil. 87. num. 11.

**Promissio sine causa facta efficacem actionem non tribuit**, Consil. 21. num. 1.

**Promissio, cautio & satisfactio absentis nullum jus tribuunt ante ratificationem**, nisi in mutuo, Consil. 72. numero 2.

**Proemium causam finalem dispositionis ostendit**, Consil. 56. numer. 7.

**Prorogatio jurisdictionis ultra quam consensum est**, non extenditur nec ad alias personas, Conf. 26. num. 5. quod limita, ut ibidem num. 26.

**Prorogatio fieri non potest**, nisi cum omnibus qualitatibus primave potestatis, Ibidem num. 19.

Prorogatio

# I N D E X.

*Prorogata jurisdictio ejusdem est potestatis & effectus, cujus principalis; quod multis exemplis illustratur, Ibid. numer. 32.*

*Protestatio declarat voluntatem partium, Consil. 21. num. 11.*

*Protestationis vi infirmatur per factum protestationi contrarium, Consil. 24. numer. 6.*

*Protestatio declarat voluntatem protestantis, consil. 71. num. 1.*

*Protestatio extinguitur per factum contrarium, Ibidem num. 5.*

*Protestatio qua incontinenti actui adjicitur, conservat jus protestantis, Consil. 96. numer. 20.*

*Publicum instrumentum posterioris data praevalet scriptura privata etiam anterioris data, Consil. 81. num. 4.*

Q.

**Q**UADRIENNI tempus non computatur minoribus ex die lesione & scientia, in minori aetate, sed solum a tempore scientia in majori aetate, Consil. 88. num. 13.

*Qualibet dispositio sic accipienda est, ne sit inutilis, Consil. 15. num. 3.*

*Quasita ex compositione pacis non dicuntur quasita ex bello, Consil. 12. num. 29.*

*Qualitas probanda est quoties agitur de re seu dispositione qualificata, consil. 51. numer. 3.*

*Qualitas uni capitulo apposita, non censetur repetita in alio, Consil. 65. numer. 5.*

*Qualitatis repetitio ex uno capitulo ad aliud, ex quibus causis admittatur vel denegetur, Ibidem num. 6.*

*Qualitas falsa non adjecta dispositioni, sed duntaxat demonstrationi, vel modo futura divisionis, non vitiat dispositionem praecedentem, Consil. 68. numer. 40.*

*Qualitas semel posita in sequentibus actibus perdurare intelligitur, Consil. 84. numer. 1.*

*Qualitas in una parte seu casu expressa, nunquam censetur in alia parte expressa, quando subest ratio diversitatis Consil. 86. num. 1.*

*Qualitas in una parte conjunctorum expressa censetur in alia repetita, quando subest eadem decisionis ratio, secus in disjunctis, Ibidem num. 2.*

*Quando sunt duo incompatibilia, eligens unum alteri renunciare intelligitur; Consil. 12. num. 8.*

*Qui agit ex dispositione qualificata, debet probare qualitatem, Consil. 12. numer. 19.*

*Qui spondit suo impendio dare debet, Consil. 25. numer. 17.*

*Qui facit quod ex consuetudine est licitum, excusatur, Consil. 87. num. 27.*

*Qui ex testamento quid accipit, aut heredi quid solvit, aut ab eodem in ea qualitate aliquid accipit, censetur testamentum approbare, Consil. 79. numer. 3.*

*Qui satisfacit ei cum quo egit ante rem judicatam, de omnibus quae illi occasione causa vel litis absunt, habet iudicium absolutorium, Ibidem num. 4.*

R.

**R**ATI HABITIO praesupponit extrema habita, Consil. 72. num. 3.

Yyyyy 3      Ratio-

# I N D E X.

- Rationibus & calculo statur donec error probetur, Confil. 12. num. 1.*
- Reconciliationes & remissiones inimicitie debent manifestè probari, conf. 57. numer. 24.*
- Reconventio quando admittatur post sententiam in liquidatione damnum & interesse, Conf. 96. num. 21.*
- Reconventio & ante litem contestatam & post, usque ad conclusionem causa principalis admittitur, Ibidem numer. 26.*
- Redditum non videtur quod deterius redditur, Confil. 96. num. 5.*
- Reditus de cuius origine non constat, praesumitur redimibilis, Confil. 52. numer. 1.*
- Reditus sunt veterum usurarum succedanei, Ibidem num. 2.*
- Reditus est redimibilis nisi contrarium sit actum, Ibidem num. 4.*
- In redditibus secundum jus & consuetudinem precisa iustitia requiritur, Confil. 85. num. 4.*
- Reductio ad arbitrium boni viri admittitur, etiam adversus laudum, in quo partes cum juramento reductioni renunciarunt, Confil. 76. num. 1.*
- Reductio operatur effectum devolutivum, non etiam suspensivum, & impedit executionem, Ibidem num. 5.*
- Referenti non statur, nisi relatum proferratur, Confil. 81. num. 6.*
- Regni vel Imperij lex de conservando statu Reipub. l. 1. differt à solius Principis lege vel constitutione, Confil. 77. numer. 18.*
- Regula, Quod quisque juris, &c. locum habet tantum in paritate terminorum, Confil. 9. num. 7.*
- Reipublica dignitas non mutatur ex mutata forma regiminis, Confil. 1. numer. 10.*
- Reipub. damnosum ac ignominiosum est vacua loca relinqui, Confil. 87. numer. 5.*
- Relatio unius scripturae ad aliam, efficit ut quod in una continetur, in alia contineri videatur, Conf. 5. num. 6.*
- Relativi vis est ut precedentia repetat cum omnibus suis qualitatibus & restrictionibus, Conf. 73. num. 7.*
- Relativum, qui, cum adiungitur verbo futuri temporis, conditionem facit, Confil. 97. num. 20.*
- Relatum inest referenti cum omnibus suis conditionibus & qualitatibus, Confil. 73. num. 19.*
- Relatum accipi debet secundum illud ad quod refertur, Conf. 96. num. 16.*
- Religionis ingressus dissolvit matrimonium nondum secuta copula, Conf. 61. numer. 6.*
- Relivia, recognitiones & renovationes, seu sequentes investiturae feudum non tribuunt, nec derogant primae investiturae, Confil. 99. num. 8.*
- Relivia intelliguntur concedi salvo jure cujuscunque, Ibidem num. 9.*
- Remedium l. fin. C. de edict. D. Adrian. tollend. etiam ad causam intestati pertinet, si de ea ex forma testamenti vel scriptura apparere possit, Conf. 68. numer. 9.*
- Remissio seu liberatio non gratuita non indiget insinuatione, conf. 97. num. 29.*
- Renunciatio per errorem facta, non valet, Confil. 32. num. 15.*
- Renunciatio non intelligitur de jure futuro, Confil. 99. num. 16.*

# I N D E X.

**Reo favendum data probationum paritate, imò etiam data aliquali imparitate, Confil. 12. num. 7.**

**Reo debetur favor, præsertim in criminibus, in quibus animus iudicis benignus esse debet & judicare pro eo quod excusat, confil. 91. num. 16.**

**Repetitio non datur adversus eum qui suum recepit, confil. 12. num. 17.**

**Repetitio ac relatio in sequentibus non debet censi facta esse ubi actus redderetur inutilis vel sequeretur absurditas, confil. 86. num. 5.**

**Repetitio semper fit cum suis qualitatibus, Ibidem num. 6.**

**Repudiatio non dissolvitur per posteriorem actum illi contrarium, confil. 27. numer. 1.**

**Repudiatio vel renunciatio domus mortuaria per actum exteriorem probari debet, Ibidem num. 3.**

**Repudia matrimoniorum olim usitata hodie cessant, confil. 61. num. 1.**

**Reputationum rationi in restitutionis iudicio non nisi in executione locus est, confil. 84. num. 18.**

**Res in statu suo durare præsumitur, confil. 81. num. 2.**

**Rerum dominio incorporatarum, & non incorporatarum differentia, confil. 77. numer. 15.**

**Rebus & factis quid probari potest, etiamsi verba deficiant, confil. 75. numer. 4.**

**Res fideicommissio obnoxia propter æs alienum defuncti, qui fideicommissum imposuit, distrahi potest, confil. 97. numer. 2.**

**Rescisio restitutionis, in integrum conceditur ob læsionem ultra dimidium,**

**ob prodigalitatem, ob mentis alienationem & similes causas, confil. 20. numer. 6.**

**Rescriptum non judicatur surreptum ob id quod in eo ad unguem singulatim ea qua in causa contigerunt, expressa non fuerint, si ea qua principaliter considerantur omissa non fuerint, confil. 91. num. 18.**

**Responsio, confessio, collatio & alius quilibet actus ex subjecta materia restringi & illuminari debet, confil. 70. numer. 1.**

**Responsionis, exceptionis, oblationis seu confessionis obscura declaratio pertinet ad consentientem, assentientem, excipientem, seu respondentem, Ibidem numer. 4.**

**Restituendi justam causam præbet sequens mutatio tutorum, confil. 88. numer. 12.**

**Restitutio conceditur pretexta ignorantia, & in æstimatione iudicis est, an supina vel probabilis sit ignorantia, confil. 2. num. 16.**

**Restitutio indulgetur ob gravissimam læsionem, Ibidem num. 17.**

**Restitutio in integrum ut obtineatur pretextu minoris ætatis, necesse est probare minorem ætatem & læsionem, sive incidenter, sive principaliter postuletur restitutio, confil. 35. num. 2.**

**Restitutio in integrum contra principalem impetrata, non præjudicat tertio, cui interim jus quaesitum est, Ibidem numer. 3.**

**Restitutio obligationis non inducit præsumptionem liberationis, si conjectura aut inducia militent in contrarium, confil. 95. num. 3.**

Restitu-

# I N D E X.

Restitutione pendente omnia debent in  
suo statu conservari, *conf. 85. num. 6.*  
Restitutioni subiecta efficaciter alienari  
non possunt, *consil. 77. num. 1.*  
Retrañtus conventionalis ex conventione  
legem accipit, & ex die & ad diem  
concedi potest, *conf. 94. num. 15.*  
Retrañtus inutiliter proponitur non debi-  
to modo nec servata forma requisita,  
*consil. 94. num. 4.*  
Retrañtus requirit conventi pretij alio-  
rumq; ex conventione praestandorum  
realem restitutionem, aut saltem  
oblationem & consignationem, *Ibid.*  
*numer. 5.*  
Reverentia & perhorrescentia patris  
quid operetur, *consil. 19. num. 1.*  
Reverentia paterna qua sufficiat ad in-  
firmandum filij contractum, *conf. 20.*  
*numer. 2.*  
Revisionis iudicium admittit probationes  
à iudice in prima instantia prater-  
missas, *consil. 12. num. 6.*  
Revisiones non nisi ex gratia Principis  
admittuntur, *consil. 65. num. 1.*  
Revisio non nisi erroris questionem ad-  
mittit ex iisdem actis, nullis admisis  
novis allegationibus, *Ibidem num. 2.*  
Roma omne genus regiminis experta,  
*consil. 1. num. 11.*  
Romani & Geminiani defensa sententia  
contra Carolum Molinaum, *consil. 31.*  
*numer. 6.*  
Rota Romana commendatio, *Consil. 6.*  
*numer. 8.*

## S.

**S**ACERDOTIS solius dicto non  
stari, *consil. 62. numer. 1.*

Satisfactio absenti & non acceptanti sa-  
cta est inutilis, *conf. 72. num. 1.*  
Scandali & periculi vitandi causa lex  
communis relaxatur, *Consil. 61. nu-*  
*mer. 18.*  
Scriptura quamvis invalida declarat  
intentionem & veritatem rei gesta,  
*Consil. 12. num. 12.*  
Scriptura una declarat aliam, & scriptu-  
rarum conjunctio veram probatio-  
nem constituit, *consil. 12. num. 14.*  
Scripturarum conjunctio inducit veram  
probationem, *consil. 5. num. 5.*  
Secretum non revelare est naturale, *conf.*  
*57. num. 22.*  
Sententia refertur ad libellum & peticio-  
nem, non curata narratione libelli,  
*consil. 12. num. 28.*  
Sententia contraria priori sententia à  
qua non fuit appellatum non valet,  
*consil. 12. num. 30.*  
Sententia non novat nec exceptionem in-  
ducit, nisi respectu solius victoris abso-  
luti, si is denuò conveniatur, *conf. 27.*  
*numer. 6.*  
Sententia sunt stricti juris, nec egrediun-  
tur personam, jus vel casum de quo in  
priori lite fuit questio, *Ibid. num. 8.*  
Sententia non venit in considerationem,  
non prolatis conclusionibus ad quas  
refertur, *consil. 1. num. 9.*  
Sententia verba sunt stricti juris, & stri-  
ctam interpretationem habent, *consil.*  
*96. num. 1.*  
Sententia lata contra alienare prohibi-  
tum, nocet fideicommissario, etiam  
non citato, *consil. 97. num. 8.*  
Sententia super libello ineptè concep-  
ta est nulla, etiamsi de ineptitudine  
non fuerit exceptum, *conf. 51. num. 2.*  
Sequens



# I N D E X.

*Sequens observantia contractus ostendit contractum haberi pro perfecto, consil. 5. num. 4.*

*Sequens licentia atque auctoritas tam mandato quam jussui comparatur, consil. 32. num. 2.*

*Sociorum causa par est, ita ut unus alterum praevenire non possit, Consil. 14. numer. 8.*

*Solutum in vim sententiae diffinitivae repeti potest ob falsitatem causa, cons. 2. numer. 10.*

*Solutio seu in solutum datio cum generali confessione debiti removel praesumptionem indebiti, donec probetur error, cons. 12. num. 18.*

*Solutio seu assignatio in dubio, ex qua causa facta censeatur, Consil. 98. numer. 16.*

*Soror, frater & alij collaterales necessarii non instituuntur, cons. 78. num. 3.*

*Species detracta de genere non viciat genus, cons. 96. num. 6.*

*Spoliatus non potest experiri interdicto unde vi, contra spoliatorem spoliatorium, consil. 26. num. 9.*

*Spoliationis & direptionum mercium tractatio, & quibus indicium seu causis probetur rei dominium, cons. 55. m. 1.*

*Stapula & inspectionis seu mensurationis diversa ratio, cons. 7. num. 6.*

*Statutum Antverpiense adimens conjugibus facultatem mutandi juris liberum acquisiti declaratum, Consil. 32. numer. 9.*

*Statutum civitatis Antverpiensis de bonis fugitivorum deferendis & amovendis, Cons. 63.*

*Statutum Antverpiense quod administratores bonorum defuncti oneribus*

*hereditariis subicit, declaratum, Consil. 84. num. 5. & 10.*

*Statutum quo possessio defuncti continuatur in heredem, est exorbitans & juris communis correctorium, consil. 68. num. 28.*

*Statuta & consuetudines inconcusae observandae, consil. 60. num. 14.*

*Statuta propriissimam & strictam interpretationem admittunt, Consil. 97. numer. 28.*

*Stipulatio reum fisci judicio seu exhiberi, ad id tantum competit, quod interest, & non ad veritatem debiti, consil. 72. numer. 11.*

*Stipulationis obscura interpretatio fit pro reo, consil. 21. num. 5.*

*Stylus mercatorum in describendis rationibus non observatus, derogat scriptura fidei, consil. 12. num. 22.*

*Subditi tenentur edicto superioris obtemperare, consil. 87. num. 12.*

*Subscriptio partium ad substantiam emptionis non requiritur, cons. 6. num. 4.*

*Subscriptio contractus post consensum praestitum, neque pro solemnitate, neque pro forma requiritur, Consil. 24. numer. 4.*

*Substitutio agnatorum seu cognatorum sub generali nomine facta transit de persona ad personam, etiam nulla causa adiecta, consil. 73. num. 3.*

*Substitutus ab aliquo heredem alterius non potest unam hereditatem acceptare, & alteram repudiare, Consil. 86. numer. 12.*

*Successionis & juris hereditarii consideratio cessat, ubi apparet de titulo singulari, consil. 84. num. 4.*

*Sufficit conditionem semel fuisse imple-*

Z z z z

tam,

# I N D E X.

- eam, licet non duraverit, Confil. 73. numer. 11.*
- Suffragio publico ad aliquod officium assumptus idoneus censetur, confil. 57. numer. 11.*
- Sui heredes habent beneficium abstinenti, confil. 27. num. 2.*
- Surrogatum maximè in dubio debet censi ejusdem natura & conditionis, cujus est id in cujus locum surrogatur, Confil. 86. num. 3.*
- Symonia committitur si quis donum recipiat ut donanti beneficium procuret, Confil. 3. num. 2.*
- T.**
- T***ACENS pro consentiente habetur maximè ubi agitur de Reipubl. utilitate, Conf. 71. num. 6.*
- Tempus anni & mensis non est praesum, nec currit, nisi à tempore scientia, Confil. 99. num. 20.*
- Testamentum usurarij affirmatur ex subsecuta cautione restitutione usurarum facienda, confil. 32. num. 4.*
- Testamenti executio vim alienandi non tribuit, confil. 83. num. 2.*
- Testamenti tenor ante omnia attendendus, confil. 68. num. 14.*
- Testati causa declaratur per causam intestati, Ibidem num. 2.*
- Testatores plerunque improprie loquuntur, ideoq; sufficit de eorum voluntate constare, quibuscunque verbis explicata, Confil. 98. num. 6.*
- Testes ad aeternam rei memoriam quando produci possint, Conf. 25. num. 27.*
- Testis examinatio ad aeternam rei memoriam est utilis, quando timetur absentia vel mors ejus vel dilatio temporis, Confil. 61. num. 16.*
- Testibus nõ testimoniis creditur, conf. 79. num. 1. & conf. 17. num. 3.*
- Titulus Codicis Qua res exportari non debeant, declaratus, conf. 56. num. 8.*
- Transactio mercium ex narratione instrumento comprehensa non probatur si persona nominata in instrumento interveniatur ficta vel supposititia, conf. 11. per totum.*
- Transactio in pignore de consuetudine est necessaria, confil. 81. num. 7.*
- Transactio neque per penitentiam neque Principis rescripto neque prae-textu instrumenti postea reperti, alteriusve rei rescindi potest, nisi immodica laesio, dolus, metus, aut error intervenerit, vel ex falsis allegationibus celebrata sit, Confil. 2. num. 1.*
- Transactio quibus remedium attentari & rescindi possit, Ibidem num. 2.*
- Transactio quando litis ingressum impediat, & litis finita exceptionem constituat, Ibidem num. 3.*
- Transactio generalis non extenditur ad aliam quam de quibus actum fuit, conf. 32. numer. 13.*
- Transactio non extenditur ad ignota, Confil. 78. num. 17.*
- Transcuntibus prohibentur fieri ea impedimenta quae sunt indebita tantum, Ibidem num. 10.*
- Transitus ratione multa permittuntur aliàs prohibita, confil. 7. num. 1.*
- Transitus ratione permittuntur quae aliàs sunt verita, Confil. 56. num. 4. & 6.*
- In transitu aut reflexu itineris facta non considerantur, confil. 64. num. 2.*

# I N D E X.

*Trebellianica cessat in hærede prohibito plus petere, Consil. 78. num. 8.*

*Tunc, dictio punctum temporis significat, Consil. 97. num. 21.*

*Tutorum & curatorum bona obligantur & hypothecis subjiçuntur pro indemnitate pupillorum & adultorum, Consil. 14. num. 1.*

*Tutor mandans tutelam alteri gerendam potest actione tutela conveniri, Consil. 38. num. 3.*

*Tutores honorarii ad quid teneantur, Consil. 57. num. 28.*

*Tutores, procuratores, &c. constituens, certas personas eligit, quæ juss substituendi non habent, nisi ex speciali mandato, Consil. 83. num. 2.*

*Tutela actio id solum concernit quod tutela durante solè gestum est, Consil. 14. num. 5.*

## V.

**V**ASALLUS si denegetur investitura, per dominum potest recurrere ad illius superiorem judicem & per illum in fidem admitti, Consil. 25. num. 28.

*Vasallus de feudis disponere potest in prajudicium proximioris agnati, prahibito consensu domini feudalis, Consil. 98. num. 11.*

*Vasallus excusatur ob ignorantiam & absentiam adversus lapsum anni & mensis, Consil. 99. num. 21.*

*Vasallo non currit tempus anni & mensis, quamdiu non possidet, Ibidem numer. 22.*

*Vasallus non privatur ipso jure ob neglectam investitura petitionem, sed opus*

*est sententia & causa cognitione, Ibidem num. 23.*

*Vbicunque habemus effectum, non curamus de modo aut forma etiam in conditionibus, Consil. 12. num. 10.*

*Venditor cum effectu experiri non potest, nisi ex sua parte contractum adimplerit, Consil. 2. num. 4.*

*Venditor qui noluit de evictione teneri, nihilominus ad pretium tenetur re evicta, Ibidem num. 7.*

*Venditor propter non observatum pactum venditionis tenetur ad omnia detrimenta tam intrinseca quam extrinseca, sive ea ratione lueri cessantis sive damni emergentis contingant, Consil. 87. numer. 5.*

*Venditio pradiorum civitatis, à civitate fieri potest & valet, Ibidem num. 4.*

*Venditione perfecta, bona distracta perpetuo penes eos remanere debent, quibus sub hasta solemniter distracta sunt, Consil. 97. num. 7.*

*Veniens ex codicillis ab intestato gravari potest fideicommissio, sicut hæres institutus in testamento, Consil. 78. numero 7.*

*Verba recipiunt interpretationem ex causa dispositioni addita, & intelliguntur secundum conditionem persona ad quam dispositio refertur, Consil. 25. num. 14.*

*Verba generalia sequentia restringuntur ad præcedentia, Consil. 32. num. 10.*

*Verba contrahentium secundum consuetudinem, & secundum id quod consuetum est fieri, accipi debent, Consil. 90. numer. 2.*

*Verba incerta aut obscura in dubio pro reo interpretanda sunt, Ibid. num. 5.*

Verba

SH

SH

SH

S

*[Faint, mostly illegible text, possibly bleed-through from the reverse side of the page]*

SECRET

SECRET  
FRAN E. COOK, Esq.  
1000 LEXINGTON AVENUE

THE  
LIBRARY  
OF THE  
MUSEUM  
OF  
COMPARATIVE ZOOLOGY  
AT  
HARVARD UNIVERSITY  
CAMBRIDGE, MASS.

1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951  
1952  
1953  
1954  
1955  
1956  
1957  
1958  
1959  
1960  
1961  
1962  
1963  
1964  
1965  
1966  
1967  
1968  
1969  
1970  
1971  
1972  
1973  
1974  
1975  
1976  
1977  
1978  
1979  
1980  
1981  
1982  
1983  
1984  
1985  
1986  
1987  
1988  
1989  
1990  
1991  
1992  
1993  
1994  
1995  
1996  
1997  
1998  
1999  
2000  
2001  
2002  
2003  
2004  
2005  
2006  
2007  
2008  
2009  
2010  
2011  
2012  
2013  
2014  
2015  
2016  
2017  
2018  
2019  
2020  
2021  
2022  
2023  
2024  
2025

# I N D E X.

- Principalis dispositione corruento**, corr-  
uunt omnia accessoria, Conf. 2. num. 19.  
& rursus Conf. 3. num. 6.
- Principatus eo est dignior**, quo minori  
onere & subiectione premittitur, Conf. 1.  
num. 7.
- Principium inspicimus etiam si eventus**  
exordio non respondeat, Conf. 57. nu-  
mer. 15.
- Principia inchoantur consilio**, eventum  
fortuna regit, Ibidem num. 16.
- Prioritas temporis locum habet in pigno-  
ribus**, Conf. 14. num. 3.
- Privatus prioris tituli inducta ob deli-  
ctum efficit**, ne restitutio referatur ad  
tempus prateritum, Conf. 1. num. 17.
- Privatus gremio universitatis**, & postea  
restitutus, postponitur omnibus aliis  
medio tempore receptis, Ibidem nu-  
mer. 18.
- Privilegium remuneratorium alicujus**  
facti revocari non potest, Consil. 25.  
num. 5.
- Privilegium stapula Brugensis late disci-  
tuitur**, Conf. 67. numer. 1.
- Probationes clariores requiruntur in his**,  
qua non sunt verisimilia, Consil. 12.  
num. 5.
- Procurator, institor, maritus, mala fide**  
nihil disponere possunt, Consil. 13.  
num. 2.
- Prodere est unum actibus ostendere**, &  
aliud in mente gerere; quod exemplis  
declaratur, Conf. 91. num. 8.
- Proditorie facere intelligimus cum qui**  
sine dissidatione aut minis preceden-  
tibus alium offendit, Ibidem num. 9.
- Prodigalitas & mentis imbecillitas quo-  
modo probetur**, Consilio 20. nume-  
ro 1.
- Prohibitio alienandi**, addita causa quod  
velit testator bona manere in sua fa-  
milia, inducit fideicommissum gra-  
duale, Conf. 73. num. 2.
- Prohibitio alienationis facta filiis non**  
trahitur ad nepotes, Ibidem num. 6.
- Prohibitio alienationis quamvis in rem**  
concepta, non egreditur quartum gra-  
dum, Ibidem num. 22.
- Prohibitio semper ampliatur**, restringi-  
tur, & declaratur per rationem &  
causam prohibitionis, Ibidem num. 23.
- Prohibitio alienationis quando quartum**  
gradum egreditur, Consil. 77. num. 8.
- Prohibitionis effectus quamvis late pa-  
teat**, tamen non refertur ad antece-  
dentes alienationis causas, Consil. 97.  
num. 1.
- Prohibitio heredi facta**, ad heredem quo-  
que heredem extenditur, Ibidem nu-  
mer. 11.
- Promittens contractum alterius obser-  
vare**, etiam curare debet, ut alius il-  
lum cum omnibus suis punctis & ar-  
ticulis observet, Consil. 87. num. 11.
- Promissio sine causa facta efficacem adli-  
onem non tribuit**, Consil. 21. num. 1.
- Promissio, cautio & satisfactio absentis**  
nullum jus tribuunt ante ratifica-  
tionem, nisi in mutuo, Consil. 72. nu-  
mero 2.
- Proœmium causam finalem dispositionis**  
ostendit, Consil. 56. numer. 7.
- Prorogatio jurisdictionis ultra quam**  
consensus est, non extenditur nec ad  
alias personas, Conf. 26. num. 5. quod  
limita, ut ibidem num. 26.
- Prorogatio fieri non potest**, nisi cum  
omnibus qualitatibus primava pote-  
statis, Ibidem num. 19.

Prorogata

# I N D E X.

*Prorogata jurisdictio ejusdem est potestatis & effectus, cujus principalis; quod multis exemplis illustratur, Ibid. numer. 32.*

*Protestatio declarat voluntatem partium, Consil. 21. num. 11.*

*Protestationis vis infirmatur per factum protestationi contrarium, Consil. 24. numer. 6.*

*Protestatio declarat voluntatem protestantis, Consil. 71. num. 1.*

*Protestatio extinguatur per factum contrarium, Ibidem num. 5.*

*Protestatio qua incontinenti actui adjicitur, conservat jus protestantis, Consil. 96. numer. 20.*

*Publicum instrumentum posterioris data praevalet scriptura privata etiam anterioris data, Consil. 81. num. 4.*

Q.

**Q**UADRIENNII tempus non computatur minoribus ex die lationis & scientia, in minori aetate, sed solum a tempore scientia in majori aetate, Consil. 88. num. 13.

*Qualibet dispositio sic accipienda est, ne sit inutilis, Consil. 15. num. 3.*

*Quasita ex compositione pacis non dicuntur quasita ex bello, Consil. 12. num. 29.*

*Qualitas probanda est quoties agitur de re seu dispositione qualificata, Consil. 51. numer. 3.*

*Qualitas uni capitulo appositae, non censetur repetita in alio, Consil. 65. numer. 5.*

*Qualitatis repetitio ex uno capitulo ad aliud, ex quibus causis admittatur vel denegetur, Ibidem num. 6.*

*Qualitas falsa non adjecta dispositioni, sed duntaxat demonstrationi, vel modo futura divisionis, non vitiat dispositionem praecedentem, Consil. 68. numer. 40.*

*Qualitas semel posita in sequentibus actibus perdurare intelligitur, Consil. 84. numer. 1.*

*Qualitas in una parte seu casu expressa, nunquam censetur in alia parte expressa, quando subest ratio diversitatis Consil. 86. num. 1.*

*Qualitas in una parte conjunctorum expressa censetur in alia repetita, quando subest eadem decisionis ratio, secus in disjunctis, Ibidem num. 2.*

*Quando sunt duo incompatibilia, eligens unum alteri renunciare intelligitur, Consil. 12. num. 8.*

*Qui agit ex dispositione qualificata, debet probare qualitatem, Consil. 12. numer. 19.*

*Qui spondit suo impendio dare debet, Consil. 25. numer. 17.*

*Qui facit quod ex consuetudine est licitum, excusatur, Consil. 87. num. 27.*

*Qui ex testamento quid accipit, aut heredi quid solvit, aut ab eodem in ea qualitate aliquid accipit, censetur testamentum approbare, Consil. 79. numer. 3.*

*Qui satisfacit ei cum quo egit ante rem judicatam, de omnibus quae illi occasione causa vel litis absunt, habet iudicium absolutorium, Ibidem num. 4.*

R.

**R**ATI HABITIO praesupponit extrema habilia, Consil. 72. nu. 3.

Yyyyy 3      Ratio-



# I N D E X.

- Rationibus & calculo statum donec error probetur**, Confil. 12. num. 1.
- Reconciliationes & remissiones inimicitiae debent manifestè probari**, conf. 57. numer. 24.
- Reconventio quando admittatur post sententiam in liquidatione damnum & interesse**, Conf. 96. num. 21.
- Reconventio & ante litem contestatam & post, usque ad conclusionem causa principalis admittitur**, Ibidem numer. 26.
- Redditum non videtur quod deterius redditur**, Confil. 96. num. 5.
- Reditus de cuius origine non constat, praesumitur redimibilis**, Confil. 52. numer. 1.
- Reditus sunt veterum usurarum succedanei**, Ibidem num. 2.
- Reditus est redimibilis nisi contrarium sit actum**, Ibidem num. 4.
- In retribus secundum jus & consuetudinem precisa iustitia requiritur**, Confil. 85. num. 4.
- Reductio ad arbitrium boni viri admittitur, etiam adversus laudum, in quo partes cum iuramento reductioni renunciarunt**, Confil. 76. num. 1.
- Reductio operatur effectum devolutivum, non etiam suspensivum, & impedit executionem**, Ibidem num. 5.
- Referenti non statur, nisi relatum proferratur**, Confil. 81. num. 6.
- Regni vel Imperij lex de conservando statu Reipub. lata, differt à solius Principis lege vel constitutione**, Confil. 77. numer. 18.
- Regula, Quod quisque juris, &c. locum habet tantum in paritate terminorum**, Confil. 9. num. 7.
- Reipublica dignitas non mutatur ex mutata forma regiminis**, Confil. 1. numer. 10.
- Reipub. damnosum ac ignominiosum est vacua loca relinqui**, Confil. 87. numer. 5.
- Relatio unius scripturae ad aliam, efficit ut quod in una continetur, in alia contineri videatur**, Conf. 5. num. 6.
- Relativi vis est ut precedentia repetat cum omnibus suis qualitatibus & restrictionibus**, Conf. 73. num. 7.
- Relativum, qui, cum adiungitur verbo futuri temporis, conditionem facit**, Confil. 97. num. 20.
- Relatum inest referenti cum omnibus suis conditionibus & qualitatibus**, Confil. 73. num. 19.
- Relatum accipi debet secundum illud ad quod refertur**, Conf. 96. num. 16.
- Religionis ingressus dissolvit matrimonium nondum secuta copula**, Conf. 61. numer. 6.
- Relivia, recognitiones & renovationes, seu sequentes investitura seu dum non tribuunt, nec derogant prima investitura**, Confil. 99. num. 8.
- Relivia intelliguntur concedi salvo jure cujuscunque**, Ibidem num. 9.
- Remedium l. fin. C. de edict. D. Adrian. tollend. etiam ad causam intestati pertinet, si de ea ex forma testamenti vel scriptura apparere possit**, Conf. 68. numer. 9.
- Remissio seu liberatio non gratuita non indiget insinuatione**, conf. 97. num. 29.
- Renunciatio per errorem facta, non valet**, Confil. 32. num. 15.
- Renunciatio non intelligitur de jure futuro**, Confil. 99. num. 16.

# I N D E X.

*Reo favendum data probationum paritate, imò etiam data aliquali imparitate, Confil. 12. num. 7.*

*Reo debetur favor, præsertim in criminibus, in quibus animus iudicis benignus esse debet & judicare pro eo quod excusat, confil. 91. num. 16.*

*Repetitio non datur adversus eum qui suum recepit, confil. 12. num. 17.*

*Repetitio ac relatio in sequentibus non debet censi facta esse ubi actus redderetur inutilis vel sequeretur absurditas, confil. 86. num. 5.*

*Repetitio semper fit cum suis qualitatibus, Ibidem num. 6.*

*Repudiatio non dissolvitur per posteriorem actum illi contrarium, confil. 27. numer. 1.*

*Repudiatio vel renunciatio domus mortuaria per actum exteriorem probari debet, Ibidem num. 3.*

*Repudia matrimoniorum olim usitata hodie cessant, confil. 61. num. 1.*

*Reputationum rationi in restitutionis iudicio non nisi in executione locus est, confil. 84. num. 18.*

*Res in statu suo durare præsumitur, conf. 81. num. 2.*

*Rerum dominio incorporatarum, & non incorporatarum differentia, conf. 77. numer. 15.*

*Rebus & factis quid probari potest, etiamsi verba deficiant, confil. 75. numer. 4.*

*Res fideicommissio obnoxia propter eas alienum defuncti, qui fideicommissum imposuit, distrahi potest, confil. 97. numer. 2.*

*Rescriptio restitutionis, in integrum conceditur ob læsionem ultra dimidium,*

*ob prodigalitatem, ob mentis alienationem & similes causas, confil. 20. numer. 6.*

*Rescriptum non judicatur surreptum ob id quod in eo ad unguem singulatim ea qua in causa contigerunt, expressa non fuerint, si ea qua principaliter considerantur omissa non fuerint, confil. 91. num. 18.*

*Responsio, confessio, collatio & alius quilibet actus ex subiecta materia restringi & illuminari debet, confil. 70. numer. 1.*

*Responsionis, exceptionis, oblationis seu confessionis obscura declaratio pertinet ad confitentem, asserentem, excipientem, seu respondentem, Ibidem numer. 4.*

*Restituendi iustam causam præbet sequens mutatio tutorum, confil. 88. numer. 12.*

*Restitutio conceditur prætextu ignorantia, & in estimatione iudicis est, an supina vel probabilis sit ignorantia, confil. 2. num. 16.*

*Restitutio indulgetur ob gravissimam læsionem, Ibidem num. 17.*

*Restitutio in integrum ut obtrineatur prætextu minoris ætatis, necesse est probare minorem ætatem & læsionem, sive incidenter, sive principaliter postuletur restitutio, conf. 35. num. 2.*

*Restitutio in integrum contra principalem impetrata, non præjudicat tertio, cui interim jus quasitum est, Ibidem numer. 3.*

*Restitutio obligationis non inducit præsumptionem liberationis, si conjectura aut inducia militent in contrarium, confil. 95. num. 3.*

*Restitu-*

# I N D E X.

*Restitutio pendente omnia debent in suo statu conservari, conf. 85. num. 6.*  
*Restitutioni subjecta efficaciter alienari non possunt, confil. 77. num. 1.*  
*Retrahitus conventionalis ex conventione legem accipit, & ex die & ad diem concedi potest, conf. 74. num. 1.*  
*Retrahitus inutiliter proponitur non debito modo nec servata forma requisita, confil. 94. num. 4.*  
*Retrahitus requirit conventi pretij aliorum, ex conventione praestandorum realem restitutionem, aut saltem oblationem & consignationem, Ibid. numer. 5.*  
*Reverentia & perhorrescentia patrii quid operetur, confil. 19. num. 1.*  
*Reverentia paterna qua sufficiat ad infirmandum filij contractum, conf. 20. numer. 2.*  
*Revisionis iudicium admittit probationes a iudice in prima instantia pratermissas, confil. 12. num. 6.*  
*Revisiones non nisi ex gratia Principis admittuntur, confil. 85. num. 1.*  
*Revisio non nisi erroris questionem admittit ex iisdem actis, nullis admittis novis allegationibus, Ibidem num. 2.*  
*Roma omne genus regiminis experta, confil. 1. num. 11.*  
*Romani & Geminiani defensa sententia contra Carolum Molinam, confil. 31. numer. 6.*  
*Rota Romana commendatio, Confil. 6. numer. 8.*

## S.

**S**ACERDOTIS solius dicto non dari, confil. 62. numer. 1.

*Satisfactio absenti & non acceptanti facta est inutilis, conf. 72. num. 1.*  
*Scandali & periculi vitandi causa lex communis relaxatur, Confil. 61. numer. 18.*  
*Scriptura quamvis invalida declarat intentionem & veritatem rei geste, Confil. 12. num. 12.*  
*Scriptura una declarat aliam, & scripturarum conjunctio veram probationem constituit, confil. 12. num. 14.*  
*Scripturarum conjunctio inducit veram probationem, confil. 5. num. 5.*  
*Secretum non revelare est naturale, conf. 57. num. 22.*  
*Sententia refertur ad libellum & peritiam, non curata narratione libelli, confil. 12. num. 28.*  
*Sententia contraria priori sententia a qua non fuit appellatum non valet, confil. 12. num. 30.*  
*Sententia non novat nec exceptionem inducit, nisi respectu solius victoris absoluti, si u denud conveniatur, conf. 27. numer. 6.*  
*Sententia sunt stricti juris, nec egrediuntur personam, jus vel casum de quo in priori lite fuit questio, Ibid. num. 8.*  
*Sententia non venit in considerationem, non prolatis conclusionibus ad quas refertur, confil. 1. num. 9.*  
*Sententia verba sunt stricti juris, & strictam interpretationem habent, confil. 96. num. 1.*  
*Sententia lata contra alienare prohibitum, nocet fideicommissario, etiam non citato, confil. 97. num. 8.*  
*Sententia super libello incepto concepto lata est nulla, etiamsi de ineptitudine non fuerit exceptum, conf. 51. num. 2.*  

*Sequens*

# I N D E X.

*Sequens observantia contractus ostendit contractum haberi pro perfecto, consil. 5. num. 4.*

*Sequens licentia atque auctoritas tam mandato quam jussui comparatur, consil. 32. num. 2.*

*Sociorum causa par est, ita ut unus alterum prevenire non possit, Consil. 14. numer. 8.*

*Solutum in vim sententia diffinitiva repeti potest ob falsitatem causa, cons. 2. numer. 10.*

*Solutio seu in solutum datio cum generali confessione debiti removel presumptionem indebiti, donec probetur error, cons. 12. num. 18.*

*Solutio seu assignatio in dubio, ex qua causa facta censeatur, Consil. 98. numer. 16.*

*Soror, frater & alij collaterales necessario non insituntur, cons. 78. num. 3.*

*Species detracta de genere non vitiat genus, cons. 96. num. 6.*

*Spoliatus non potest experiri interdicto unde vi, contra spoliatorem spoliatoris, consil. 26. num. 9.*

*Spoliationis & direptarum mercium tractatio, & quibus indicii seu causis probetur rei dominium, cons. 55. nu. 1.*

*Stapula & inspectionis seu mensurationis diversa ratio, cons. 7. num. 6.*

*Statutum Antverpiense adimens conjugibus facultatem mutandi juris liberis acquisiti declaratum, Consil. 32. numer. 9.*

*Statutum civitatis Antverpiensis de bonis fugitivorum deserendis & amovendis, Cons. 63.*

*Statutum Antverpiense quod administratores bonorum defuncti oneribus*

*hereditariis subicit, declaratum, Consil. 84. num. 5. & 10.*

*Statutum quo possessio defuncti continuatur in heredem, est exorbitans & juris communis correctorium, consil. 68. num. 28.*

*Statuta & consuetudines inconcuse observandae, consil. 60. num. 14.*

*Statuta propriissimam & strictam interpretationem admittunt, Consil. 97. numer. 28.*

*Stipulatio reum fisti judicio seu exhiberi, ad id tantum competit, quod interest, & non ad veritatem debiti, consil. 72. numer. 11.*

*Stipulationis obscura interpretatio fit pro reo, consil. 21. num. 5.*

*Stylus mercatorum in describendis rationibus non observatus, derogat scripturae fidei, consil. 12. num. 22.*

*Subditi tenentur edicto superioris obtemperare, consil. 87. num. 12.*

*Subscriptio partium ad substantiam emptionis non requiritur, cons. 6. num. 4.*

*Subscriptio contractus post consensum praestitum, neque pro solemnitate, neque pro forma requiritur, Consil. 24. numer. 4.*

*Substitutio agnatorum seu cognatorum sub generali nomine facta transit de persona ad personam, etiam nulla causa adjecta, consil. 73. num. 3.*

*Substitutus ab aliquo heredem alterius non potest unam hereditatem acceptare, & alteram repudiare, Consil. 86. numer. 12.*

*Successionis & juris hereditarii consideratio cessat, ubi apparet de titulo singulari, consil. 84. num. 4.*

*Sufficit conditionem semel fuisse imple-*

Z z z z z tam,

# I N D E X.

- tam, licet non duraverit, Confil. 73. numer. 11.*
- Suffragio publico ad aliquod officium assumptus idoneus censetur, confil. 57. numer. 11.*
- Sui heredes habent beneficium abstinenti, confil. 27. num. 2.*
- Surrogatum maximè in dubio debet censi ejusdem naturæ & conditionis, cujus est id in cujus locum surrogatur, Confil. 86. num. 3.*
- Symonia committitur si quis donum recipiat ut donanti beneficium procuret, Confil. 3. num. 2.*
- T.**
- T***A CENS pro consentiente habetur maximè ubi agitur de Reipubl. utilitate, Conf. 71. num. 6.*
- Tempus anni & mensis non est præsum, nec currit, nisi à tempore scientiæ, Confil. 99. num. 20.*
- Testamentum usurarij affirmatur ex subsecuta cautione restitutione usurarum faciendæ, confil. 32. num. 4.*
- Testamenti executio vim alienandi non tribuit, confil. 83. num. 2.*
- Testamenti tenor ante omnia attendendus, confil. 68. num. 14.*
- Testati causa declaratur per causam intestati, Ibidem num. 2.*
- Testatores plerumque improprie loquuntur, ideoq; sufficit de eorum voluntate constare, quibuscunque verbis explicata, Confil. 98. num. 6.*
- Testes ad æternam rei memoriam quando produci possint, Conf. 25. num. 27.*
- Testis examinatio ad æternam rei memoriam est utilis, quando simetur absentia vel mors ejus vel dilatio temporis, Confil. 61. num. 16.*
- Testibus nõ testimoniis creditur, conf. 79. num. 1. & conf. 17. num. 3.*
- Titulus Codicis Quæ res exportari non debeant, declaratus, conf. 56. num. 8.*
- Translatio mercium ex narratione instrumento comprehensa non probatur si persona nominata in instrumento interveniatur ficta vel supposititia, conf. 11. per totum.*
- Translatio in pignore de consuetudine est necessaria, confil. 81. num. 7.*
- Translatio neque per penitentiam neque Principis rescripto neque prætextu instrumenti postea reperti, alteriusve rei rescindi potest, nisi immodica læsio, dolus, metus, aut error intervenerit, vel ex falsis allegationibus celebrata sit, Confil. 2. num. 1.*
- Translatio quibus remediis attentari & rescindi possit, Ibidem num. 2.*
- Translatio quando litis ingressum impediat, & litis finitæ exceptionem constituat, Ibidem num. 3.*
- Translatio generalis non extenditur ad alia quam de quibus actum fuit, conf. 32. numer. 13.*
- Translatio non extenditur ad ignota, Confil. 78. num. 17.*
- Transcuntibus prohibentur fieri ea impedimenta quæ sunt indebita tantum, Ibidem num. 10.*
- Transitus ratione multa permittuntur aliàs prohibita, confil. 7. num. 1.*
- Transitus ratione permittuntur quæ aliàs sunt verita, Confil. 56. num. 4. & 6.*
- In transitu aut reflexu itineris facta non considerantur, confil. 64. num. 2.*

# I N D E X.

*Trebellianica cessat in hærede prohibito plus petere, Consil. 78. num. 8.*

*Tunc, dictio punctum temporis significat, Consil. 97. num. 21.*

*Tutorum & curatorum bona obligantur & hypothecis subjiciuntur pro indemnitate pupillorum & aulorum, Consil. 14. num. 1.*

*Tutor mandans tutelam alteri gerendam potest actione tutela conveniri, Consil. 38. num. 3.*

*Tutores honorarii ad quid teneantur, Consil. 57. num. 28.*

*Tutores, procuratores, &c. constituentes, certas personas eligit, quæ jus substituendi non habent, nisi ex speciali mandato, Consil. 83. num. 2.*

*Tutela actio id solum concernit quod tutela durante malè gestum est, Consil. 14. num. 5.*

## V.

**V**ASALLUS si denegetur investitura, per dominum potest recurrere ad illius superiorem judicem & per illum in fidem admitti, Consil. 25. num. 28.

*Vasallus de feudis disponere potest in præjudicium proximioris agnati, præhabito consensu domini feudalis, Consil. 98. num. 11.*

*Vasallus excusatur ob ignorantiam & absentiam adversus lapsum anni & mensis, Consil. 99. num. 21.*

*Vasallo non currit tempus anni & mensis, quamdiu non possidet, Ibidem numer. 22.*

*Vasallus non privatur ipso jure ob neglectam investituram petitionem, sed opus*

*est sententia & causa cognitione, Ibidem num. 23.*

*Vbicunque habemus effectum, non curamus de modo aut forma etiam in conditionibus, Consil. 12. num. 10.*

*Venditor cum effectu experiri non potest, nisi ex sua parte contractum adimplerit, Consil. 2. num. 4.*

*Venditor qui noluit de evictione teneri, nihilominus ad pretium tenetur re evicta, Ibidem num. 7.*

*Venditor propter non observatum pactum venditionis tenetur ad omnia detrimenta tam intrinseca quam extrinseca, sive ea ratione lucri cessantis sive damni emergentis contingant, Consil. 87. numer. 5.*

*Venditio prædiorum civitatis à civitate fieri potest & valet, Ibidem num. 4.*

*Venditione perfecta, bona distracta perpetuo penes eos remanere debent, quibus sub hasta solemniter distracta sunt, Consil. 97. num. 7.*

*Veniens ex codicillis ab intestato gravari potest fideicommissio, sicut hæres instituitur in testamento, Consil. 78. numero 7.*

*Verba recipiunt interpretationem ex causa dispositioni addita, & intelliguntur secundum conditionem personæ ad quam dispositio refertur, Consil. 25. num. 14.*

*Verba generalia sequentia restringuntur ad præcedentia, Consil. 32. num. 10.*

*Verba contrahentium secundum consuetudinem, & secundum id quod consuetum est fieri, accipi debent, Consil. 90. numer. 2.*

*Verba incerta aut obscura in dubio pro eo interpretanda sunt, Ibid. num. 5.*

Verba

# I N D E X.

*Verba illa, comen'ende debolve-  
ren / ad generalem titulum succes-  
sionis & hereditatis pertinent, Consil.  
68. num. 1.*

*Verba ambigua aut perplexa in favorem  
proferentis interpretanda, Consil. 69.  
num. 1.*

*Verba per modum causa adjecta in ulti-  
ma voluntate an disponent, Consil. 73.  
num. 1. & 4.*

*Verba subiunctivi modi, possit & va-  
leat, sunt extensiva in futuro, consil.  
100. num. 2.*

*Verba possit & valeat, restringuntur  
ex subjecta materia, Ibidem num. 7.*

*Verbum (supra scripti) refertur dun-  
taxat ad acta precedentia, Consil. 70.  
num. 2.*

*Veritas rei superveniens facit evanescere  
fictionem, consil. 5. num. 3.*

*Una scriptura supplet aliam & ex con-  
iunctione scripturarum declaratur  
intentio contrahentium, Consilio 4.  
numero 9.*

*Voluntaria subditorum obtemperatio re-  
norat maculam precedentis tyranni-  
dis, consil. 1. num. 14.*

*Voluntas ultima testatoris revocabilis,  
Consil. 48. num. 1.*

*Voluntatis declaratio non solum verbis,  
sed etiam per facta & non facta indu-  
citur, consil. 86. num. 8.*

*Vsus & observantia contractus, con-  
firmat ipsum contractum, Consilio 4.  
numero 10.*

*Vxor an sine mandato mariti, & licentia  
magistratus recte in iudicio agere pos-  
sit, consil. 32. num. 1.*

*Vxor de iure communi non prohibetur  
experiri constante matrimonio maxi-  
me si de propriis ejus bonis agatur, Ibi-  
dem numero 8.*

*Vxor propria auctoritate dimittitur ob  
hæresim, furorem, sævitiam & dotem  
non solutam, Consilio 61. num. 7.*

*Vxor non dimittitur nisi ex causa, Ibi-  
dem numero 8.*

## F I N I S.



ARNHEMIÆ,

Typis JOHANNIS JACOBI, Bibliopolæ.

ANNO DOMINI M. DC. XLV.









